





— ARA 2019

CONSTITUTIONES
SYNODALES
ECCLESIAE TUSCULANÆ
SEU
SYNODUS TUSCULANA
A CELSITUDINE REGIA EMINENTISSIMA
HENRICI EPISCOPI TUSCULANI
S.R.E. VICE-CANCELLARII
CARDINALIS DUCIS EBORACENSIS
IN CATHEDRALI TUSCULANO TEMPLO
APOSTOLORUM PRINCIPIS S. PETRI CELEBRATA
DIEBUS VIII, IX, X, ET XI SEPTEMBRIS
A. D. MDCCCLXIII.



EXCUDERAT ROMÆ JO: GENEROSUS SALOMONI
EPISCOPII TYPOGRAPHUS
ANNO MDCCCLXIV.

SUPERIORIBUS ANNUENTIBUS.



Eminentissimis, ac Reverendissimis Dñis Episcopis
CAROLO CAVALCHINO OSTIENSI,
MARCELLO LANTES PORTUENSI,
JO: FRANCISCO ALBANO SABINENSI,
FABRITIO SERBELLONO ALBANENSI,
JO: FRANCISCO STUPPANO PRÆNESTINO
S. R. E. Cardinalibus, Dominis suis Colendissimis

HENRICUS EPISCOPUS TUSCULANUS
S. R. E. VICE-CANCELLARIUS
CARDINALIS DUX EBORACENSIS
Perennem in Domino felicitatem.



T in Dei Ecclesia excogitari nil altius, aut sublimius potest, quam Episcopale munus, ad quod divina liberalitate, ac miseratione

A 2

sumus

sumus eveſti; ſic nihil difficilius, quam illud, ut par eſt, ac laudabiliter obire, ut nec Deo, qui nos ad illud vocavit, nec fidei noſtræ concredito gregi, nec impoſito nobis oneri deeſſe videamur. Magnum enim quid eſt, EMINENTISSIMI PRÆSULES, Episcopi partes ſuſtinere, animarum ſalutem procurare, ipſarum incolumitati proſpicere, eiſque ad æternam beatitatem viam munire quodammodo, ac patefacere, propterea quod ovium, quarum nobis a Deo tradita eſt procuratio, naturam, indolem, mores, vitia præterea, morboſque omnes inveſtigemus. oportet, ut adhibitis iis, quæ aptiora videantur, remediis, & morbi vis coerceatur, ne progrediatur ulterius, beneque valentes inficiat, &, quæ tetra jam lue fuerint infectæ, Dei gratia primum, deinde noſtra etiam induſtria, ſaniorum induant mentem, ac denique convaleſcant. Itaque quotquot aut Noſtra, aut Majorum memoria ſapientiſſimi Præſules extiterunt, Sanctorum Patrum, & Conciliorum auctori-

clori-

Ætornitate adducti, in his duobus infudarunt plurimum, ut & traditam sibi Diœcesim præsentem inviserent, & Diœcesanas, quas ajunt, Synodos identidem convocarent, ut, quemadmodum Medici aptam infirmo corpori medicinam præscribunt, ubi ejus constitutionem, ac vitia deprehenderint; sic ipsi, cognita Populorum natura, ingeniis, moribus, pravisque consuetudinibus, ea remedia adhiberent, ex quibus in totius Diœceseos corpus optata fanitas redundaret. Atque ego quidem, cum capeffendæ Tusculanæ Ecclesiæ mandatum mihi negotium est, plus fortasse oneris sustuli, quam ferre me posse intelligebam. Nam, angustis licet contineatur limitibus, ea tamen subibat animum acerba recordatio, populorum, quotquot in ea essent, salutem meæ fidei, vigilantiaque ita esse commissam, ut si vel unus mea negligentia iis præsidiiis non esset instructus, quibus beatam immortalitatem sibi compararet, id totum mihi vitio verteretur.

Divi-

Divina tamen bonitate, atque clementia fretus, eo consilio ad Ecclesiæ administrationem accessi, ut aut ejus vulneribus, quantum possem, mederer, aut, si id minus efficere potuissem, opprimi me tamen onere mallet, quam aut animo deficere, aut meis partibus, officioque deesse. Postquam ergo in possessionem illius veni, uno, vel altero interposito mense, invisendæ Diœceseos initium feci. Multis tum quidem provisum est; multæ, quæ hominum vitio irreperant, prævæ consuetudines sunt de medio sublata; multa denique duorum ferme annorum decursu, quos in perlustranda sæpius Diœcesi insumpsi, ad ejus commodum, & utilitatem sunt constituta. Verum, etsi hac in re non mediocrem capiebam animo voluptatem, quod populorum animis ad pietatem propensis, satis uberes laborum meorum fructus, Deo dante, percipiebam; dolebam tamen, quod fructus ejusmodi non ex universa, ut optabam, Diœcesi, nec eodem tempore, sed diversis tum

tempo-

temporibus, tum partibus colligebam .
Huic rei hoc unum videbam esse reme-
dium, si Parœciarum Rectores, reliquos-
que, quos in animarum salute quæren-
da socios, & ministros adsciveram, con-
vocassem, quos omnes alloquerer, una-
que cum illis ea decernerem, quæ univer-
so gregi & commodo, & incolumitati ef-
sent futura . Impellebar ad hoc tum stu-
dio in meorum salutem, tum longo tem-
poris intervallo, ex quo conventus hu-
jusmodi in Tusculana Ecclesia non fuerant
habiti, tum denique Benedicti XIII.,
olim Cardinalis Urfini, exemplo, qui Tu-
sculanam gubernavit, & rexit Ecclesiam;
cui quidem Pontifici immortales habeo,
habeboque, dum vivam, gratias, cum
multis, tum vero maxime, quod sacro
regenerationis lavacro omni me forde
abluerit, Deoque pepererit . Æquum igitur
existimabam, ut, cujus opera primus
mihi ad Ecclesiam aditus est factus, &
cujus Pontificiam Sedem fueram sortitus,
ejusdem quoque in ea regenda, admini-

stran-

strandaque vestigiis inhærerem . His adductus Synodum Diœcesanam tertio nonas Apriles indixi , quæ deinde , variis de causis , nonnisi sexto Idus Septembris cogi , haberique potuit . Ejus ego Acta cum confecissem , publicique juris , uti fit , esse vellem ; Vos mihi , EMINENTISSIMI PRÆSULES , occurristis , quibus ea potissimum inscriberem ; Vos , inquam , qui & ob eximiam , qua præditi estis , sapientiam , & ob incredibilem , qua commissum vobis gregem defenditis , vigilantiam , exposcere hoc opus prope jure vestro videbamini . Tibi certè illud debebatur , CAROLE CAVALCHINE CARDINALIS AMPLISSIME , qui , Patribus Concilii Tridentini Interpretibus a Secretis cum esses , exquisitam quamdam rerum hujusmodi peritiam adeptus , inter Purpuratos Patres cooptatus es , & Albanensem primum , nunc Ostiensem , & Veliternam Ecclesiam incredibili quadam æquitate , sapientiaque moderaris . Tu quoque mihi occurrebas , MARCELLE CARDINALIS LANTES , qui secun-

das

das in Purpuratorum Patrum Collegio partes tenes. Tu enim Prænestinam olim, nunc Portuensem Ecclesiam sic regis, ut æquitatis, prudentiæ, ac vigilantia tuæ vestigia imprefferis, non ad exiguam temporis prædicationem, sed ad memoriam illarum Ecclesiarum sempiternam. Quid vero te commemorem, CARDINALIS JOANNES FRANCISCE, Albanæ Familiæ decus, & ornamentum? Non enim ea maxima tua laus est, quod Pontificem, eumque Maximum, quod duos Purpuratos, eosque spectatissimos Patres, in tua adnumeres Familia; sed quod eo sis ingenio, atque acumine, ut facere rerum omnium judicium possis; ea solertia, atque perspicacitate, ut nihil te lateat, nihil fugiat, nihil prætereant, nihil, quod non penitus introspicias; ea denique vigilantia, atque studio in tuorum salute fovenda, ut te Sabini Populi non secus, ac parentem amantissimum intueantur, prædicent, ac diligant. Etsi autem hæ rationes apud me plurimum valuerunt;

B

addu-

adductus sum tamen officio , gratique animi intimo quodam sensu ad id , quod facio , libenter præstandum . Nam cum sub alterius vestrum tutela , PATRES AMPLISSIMI , Anglorum gens sit , quæque Romæ alitur juvenus ; sub alterius autem patrocínio Scotorum natio , positumque in Urbe Collegium ; exposcebat ratio , ut si quando mihi occasio data esset declarandæ voluntatis , & observantiæ in vos meæ pro immortalibus vestris in Gentem meam meritis , id publica significatione aliqua efficerem , ne aut tantæ beneficentiæ immemor , aut in tam beneficos viros ingratus videri possem . Tua me quoque singularis prudentia , quam in tot , tam variis , difficillimisque muneribus præ te tulisti , tua in Albanensem Ecclesiam charitas prorsus incredibilis adduxit , ut tibi hoc opus offerrem , SERBELLONE CARDINALIS . Tu enim , quo in tuos flagras , charitatis incendio , ad Ecclesiæ regimen vix eVectus , totam Diœcesim fa-

cris

cris excursionibus perlustrari voluisti, ut ostenderes, te non honorum insignia, non hominum commendationem, sed tuorum stabilem, solidamque quærere felicitatem. Denique, de te quoque ut aliquid dicam, CARDINALIS STUPPANE, tuus animus ad omnia summa natus, tua multis in rebus perspecta prudentia, expectatio denique, quam tui maximam concitasti, cum multo ante, tum vèro maximè, cum ad Prænestinam Ecclesiam regendam accessisti, vindicare sibi hoc opus mihi visa est. Vobis itaque, ut ad me revertar, si dignitas spectetur, CARDINALIBUS AMPLISSIMIS; si vigilantia, Præsulibus egregiis; si denique prudentia, Viris sapientissimis, spectatissimisque hoc opus inscribo, sperans fore, ut illud æqui, bonique faciatis, & hos qualescumque pro Ecclesiæ meæ salute, atque incolumitate susceptos labores probetis. Sic fiet, ut observantiæ in vos meæ perennis aliqua extet significatio.

I M P R I M A T U R ,

Si videbitur Reverendissimo Patri Magistro Sacri Palatii Apostolici.

Dom. Jordan. Archiep. Nicomed. Vicefg.

I M P R I M A T U R .

Fr. Thomas Augustinus Ricchinus Ordinis Prædicatorum , Sacri Palatii Apostolici Magister .

INDI-

INDICTIO

DIŒCESANÆ SYNODI TUSCULANÆ.

HENRICUS Miseratione Divina Episcopus Tusculanus,
S. R. E. Vice-Cancellarius, Cardinalis Dux Eboracensis,
Basilicæ Principis Apostolorum de Urbe Archipresbyter,
Ecclesiæ S. Laurentii in Damaso Commendatarius &c.

*Universo Tusculanæ Civitatis, ac Diœcesis Clero salutem,
& veram felicitatem in Domino.*



Nil frequenti animarum recognitione, Synodorumque celebratione (ut Alexandri Septimi utamur verbis in sua Constitut. 20. §. 3.) populorum salutem, ac veteri disciplinæ constituendæ esse potest accommodatius, itaut, earum alterutra intermissa, magna in moribus continuo ad omnem improbitatem, peccandique licentiam fieri soleat immutatio. Ea de causa Nos ab ipso suscepti Tusculani Episcopatus exordio Gregem curæ nostræ commissum sedulo visitavimus, totamque non semel perlustravimus Diœcesim, ut, quæ in ea, sive quoad populorum mores, sive quoad Clericorum disciplinam reparatione, aut reformatione indigerent, pro nostris viribus restaurarentur. Reliquum nunc est, ut Sacris Canonibus, ac Tridentino præsertim Concilio, obsequentes, Diœcesanam etiam Synodum celebremus, cum nullam ab anno reparatæ salutis millesimo septingentesimo tertio ad hæc usque tempora Prædecessores nostri celebraverint, gravioribus Romanæ Ecclesiæ, atque Apostolicæ Sedis negotiis præpediti.

Diœcesanam itaque Synodum his Nostris Edictalibus litteris indicimus, Tusculi habendam diebus 22., 23., & 24. Maii labentis anni 1763. in Cathedrali Templo, quod est Deo Optimo
Maxi.

Maximo in honorem Sanctissimi Apostolorum Principis Petri dedicatum. Ad hanc omnes, & singulos, qui in Tusculana Civitate, & Diœcesi Dignitates, & Canonicatus obtinent; Abbates quoque, Parochos, aliosque quibuscumque Beneficiis, etiam simplicibus, auctos; eos item, qui vel sacris Ordinibus sunt initiati, vel saltem sunt in minoribus Ordinibus constituti; cæterosque Ecclesiasticos tam Sæculares, quam Regulares, qui de jure Tusculanæ Diœcesanæ Synodo interesse debent, convocamus, iisque in virtute sanctæ Obedientiæ, & sub pœnis per sacros Canones statutis, aliisque arbitrio nostro infligendis, mandamus, atque præcipimus, ut omnes, & singuli talarem habitum, tonsuramque pro Ordinum discrimine coronam in capite gestantes, ac mundis superpelliceis, aliisque indumentis, atque insignibus, quæ propriæ cujusque dignitati, ac muneri congruunt, decenter induti, statutis supra diebus in Tusculanum Cathedrale Templum summo mane conveniant, Synodo interfuturi, in qua, Divino afflante Spiritu, ea a Nobis communi studio, consilioque decernentur, quæ ad divini cultus incrementum, ad animarum salutem, & ad Cleri disciplinam, morumque reformationem expedire in Domino judicabimus. Nemo itaque, nisi iusta, legitimaque de causa a Nobis probanda, alteri suas vices in Synodo obeundas committat; & nemo etiam, nisi absoluta Synodo, discedere audeat, nisi opportunam ad id a Nobis impetraverit facultatem.

Ne vero animarum salus, dum Parochi absunt, detrimentum aliquod patiatur, in qualibet Parœcia Sacerdos aliquis a Nobis ad utriusque sexus Fidelium confessiones audiendas approbatus surrogetur, qui in ea toto Synodalis Conventus tempore Sacramenta ministret.

Omnes, cum in itinere, tum in Civitate, ipsaque in Synodo non minus ore, incessu, & habitu, quam vita, & moribus modestiam, pietatem, ac religionem præferant, ut aliis se præbeant exemplar bonorum operum, & populum, qui eos contemplantur, ad virtutem acuant, atque inflamment. Nemo

Nemo ad cauponas, seu tabernas divertat, sed honestum sibi perquirat hospitium, in quo ita modeste se gerat, ac temperet, ut nulla hospitibus detur offensio.

Prima Synodi die, qui Sacerdotio non sunt insigniti, jejuni, ac rite, recteque dispositi ad Templum accedant, ut in Missa Pontificali a Nobis Sanctissimo Eucharistiæ Sacramento reficiantur.

Suum cuique sedendi locum in Synodo Cæremoniæ Magister designabit, ad cujus nutum omnes vel sedebunt, vel stabunt, vel procedent, vel procumbent in genua.

In sessionibus, quæ habebuntur, altum omnes silentium custodient, arrectisque auribus, quæ de suggestu legentur, audient, nec privatis oblocutionibus, aut contentionibus obstrepent.

Ut autem felicem vota nostra, prosperumque successum habeant, Dei opem enixis precibus, aliisque piis operibus efflagitemus necesse est. Quamobrem mandamus, atque præcipimus, ut ab hac die indictæ Synodi, usque ad diem, qua cogetur Synodus, Canonici in Cathedrali, & Parochi in sua quisque Ecclesia, quinta qualibet Feria, quæ non sit Festo duplic impedita, Missam celebrent de Spiritu Sancto; & tum ipsi, tum Sacerdotes reliqui in universa nostra Diocesi quotidie in Missa orationem addant de Spiritu Sancto. Item ut singulis diebus Dominicis in qualibet Ecclesia Parochiali ante Parochialem Missam Litanias Sanctorum cum adiectis precibus a Parocho, & ab adstantibus pie, ac devote recitentur; in Cathedrali vero Templo iisdem Dominicis diebus Sanctissimum Eucharistiæ Sacramentum publicæ Fidelium venerationi per horam integram exponatur, ut confluere populus possit ad divinam opem pro tanto negotio implorandam. Omnibus autem, ac singulis utriusque sexus Christianis Fidelibus, qui publicis hujusmodi precibus intererunt, Deumque pro felici Synodi exitu orabunt, Indulgentiam centum dierum singulis vicibus lucrandam in forma Ecclesiæ consueta peramanter impertimur.

Præte-

Præterea omnes, & singuli utriusque sexus Christifideles, qui vere pœnitentes, & confessi, sacraque Communione refecti Cathedralē nostram Ecclesiam una ex iis diebus, quibus Synodus celebrabitur, religiose visitaverint, ibique profelici Synodi successu, Christianorum Principum concordia, hæresum profligatione, ac Sanctæ Matris Ecclesiæ exaltatione pias ad Deum preces fuderint, plenariam omnium peccatorum suorum Indulgentiam, ac remissionem a Sanctissimo D. N. Papa Clemente XIII. peculiaribus suis litteris misericorditer in Domino impertitam consequentur.

Volumus autem, ut hæ Edictales Nostræ Litteræ, quibus Synodum indicimus, Nostrī Cathedralis Templi, & Parochialium totius Diœcesis Ecclesiarum valvis affixæ, perinde omnes, ad quos pertinet, afficiant, ac si singulis essent exhibitæ. Datum Tuscūli ex Nostrō Episcopali Palatio die 3. Aprilis 1763.

HENRICUS CARDINALIS EPISCOPUS.

Loco ✠ Sigilli.

Franciscus Grilli Cancellarius.

PRO-

P R O R O G A T I O

DIOECESANÆ SYNODI TUSCULANÆ.

HENRICUS Miseratione Divina Episcopus Tusculanus,
S. R. E. Vice-Cancellarius, Cardinalis Dux Eboracensis,
Basilicæ Principis Apostolorum de Urbe Archipresbyter,
Ecclesiæ S. Laurentii in Damaso Commendatarius &c.

*Universo Civitatis Tusculanæ, ac Diœcesis Clero salutem,
& veram felicitatem in Domino.*



Uamquam nuper Diœcesanam Synodum, in Tusculano Cathedrali Templo diebus 22., 23., & 24. labentis Maii celebrandam, Nostris litteris indixerimus; Cum tamen divinæ voluntatis consilio factum fuerit, ut paulo post indictam Synodum non levi morbo ad plures dies conflictaremur, & licet nunc ab eo convaluerimus, diuturna adhuc adhibenda curatio Nobis sit; Propterea Synodalis ejusmodi Conventus celebrationem ad aliud tempus, quod nobis commodius, atque opportunius visum est, differre cogimur, ac prorogare. Neque enim licuit Nobis, aut licet in hac virium imbecillitate, quæ animi quietem, otiumque postulat, iis rebus animum appellere, quæ summam diligentiam, ac mentem totam, cogitationemque requirunt. Matura idcirco deliberatione Nostra ad dies octavam, nonam, decimam, atque undecimam Septembris, quarum primam Ecclesia purissimo Deiparæ Virginis Ortui, postremam sanctissimo ejusdem Nomini recolendo addixit, prædictæ Synodi celebrationem differimus, ac prorogamus, ipsamque Synodum in Tusculano Cathedrali Templo cogendam edicimus, atque statuimus, ut eadem videlicet sub auspiciis Sanctissimæ Divini Spiritus Sponsæ felicem sit, prosperumque habitura successum. Quocirca

C

omnes,

omnes, & singulos, qui dicto Synodali Conventui de jure, vel consuetudine interesse debent, iterum requirimus, & convocamus, atque in virtute sanctæ Obedientiæ, & sub pœnis per Sacros Canones statutis, aliisque arbitrio Nostro infligendis mandamus, atque præcipimus, ut supradictis diebus ad Synodum in Cathedrali nostra Ecclesia tunc celebrandam conveniant, ac personaliter eidem, sacrisque omnibus functionibus ad Synodi usque conclusionem intersint. Pergant interea usque ad diem, qua cogetur Synodus, Canonici in Cathedrali, & Parochi in sua quisque Ecclesia eas preces ad Deum fundere, eaque omnia pietatis opera exercere, quæ jam in Nostreis litteris Indictionis facienda præscripsimus. Populos etiam hortentur Parochi, ut Indulgentias illas lucrari curent, quas piis quibusdam actibus adnexuimus, & quas in suo robore volumus permanere. Hæ tandem Edictales Nostre Litteræ, quibus Synodum prorogamus, Nostri Cathedralis Templi, ac Parochialium totius Diœcesis Ecclesiarum valvis affixæ perinde omnes, ad quos pertinet, afficiant, ac si singulis essent exhibitæ. Datum Trusculi ex Nostro Episcopali Palatio die 12. Maii 1763.

HENRICUS CARDINALIS EPISCOPUS.

Loco ✠ Sigilli.

Franciscus Grilli Cancellarius.

ORA-

ORATIO
AD UNIVERSUM CLERUM
INITIO TUSCULANÆ SYNODI

HABITA

A CELSITUDINE REGIA EMINENTISSIMA
HENRICI EPISCOPI TUSCULANI
S. R. E. VICE-CANCELLARII,
CARDINALIS DUCIS EBORACENSIS,

Basilicæ Principis Apostolorum de Urbe Archipresbyteri,
Ecclesiæ S. Laurentii in Damaso Commendatarii &c.



Nigenitus Dei Filius e Patris aeterni sinu delapsus in Terras, postquam suo Ecclesiam Sanguine acquisivisset, eandem ex hoc Mundo reversurus ad Patrem Episcopis sub Romano Pontifice gubernandam reliquit, ut illam tamquam Supremi Vigiles regerent, ac tuerentur. Quamquam enim ipse ad dexteram Patris sedens, illam adhuc, licet invisibilis, custodiat, ac regat (secus enim frustra vigilarent, qui custodiunt eam); visibili tamen Ecclesiæ visibiles quoque Pastores deputandos esse existimavit, qui, abactis ab Ovili Lupis, concreditas sibi oves ad salubria ducerent pascua, minores custodes gregis suo in officio continerent, verumque Dei cultum, Religionemque vigilantissime custodirent. Has Pastoralis officii partes Nobiscum animo reputantes, cum ad Tusculanum Episcopatum evectos Nos vidimus, expavimus primum, virium nostrarum imbecillitate deterriti, quas tanto ferendo oneri impares

C 2

sen-

sentiebamus. At mox, cum Nobis opportune venisset in mentem, infirma Mundi eligi a Deo solere, ut fortia quæque confundat; recreati animo fuimus, & in spem magnam erecti, futurum, ut, qui potens est suscitare de lapidibus semen Abrahæ, nostræ misertus infirmitatis, quidquid Nobis deesset, ineffabili sua providentia suppleret. Alacri itaque animo Gregis custodiæ excubare cœpimus, nihil prorsus intentatum relinquentes, quod prodesse putaremus, non modo ad omnem vitiorum scabiem depellendam a Grege, verum etiam ad illum optimo cœlestis doctrinæ, divinorumque Sacramentorum pabulo saginandum. Sacros itaque Ministros non semel in Diocesim misimus, qui illam divini verbi prædicatione excolerent, atque Apostolicis sudoribus irrigarent. Totam etiam Nos ipsi non semel perlustravimus, & modo publicis concionibus, modo privatis hortationibus, quandoque etiam edictis, non desistimus populum a criminibus abstergere, & ad veram virtutem assequendam acuere, atque inflammare. Vos quoque, Sacerdotes Optimi, Nostræ in partem sollicitudinis vocatos quoties & voce, & scripto excitavimus, ut adiutrices Nobis porrigeretis manus, collarisque viribus, & studiis facilius, celeriusque propositam Nobis metam attingeremus! Neque vero animarum dumtaxat saluti, sed divino etiam cultui, veræque Religioni studuimus, illud enitendo quam maxime, ut in Templis, in sacra suppellectili, in Ecclesiasticis functionibus, in iis denique omnibus, quæ ad Religionem pertinent, mundities, ac nitor, majestas, & gravitas, modestia, ac divinæ debita Majestati reverentia, adstantium oculis exhiberentur.

Verum, quamquam hæc omnia, favente Deo, felici non caruisse successu mirifice gauderemus; Unum tamen adhuc Nobis faciendum superesse videbamus, quod ad maximam Populorum utilitatem Sacri Canones, ac Tridentina præsertim Synodus, Episcopis omnibus indixerunt, ut
face-

facerent ; videlicet ut *Diocesana a Nobis Synodus congregaretur ad Nostras perpetuo valituras Constitutiones solemni ritu statuendas , ac legitime promulgandas , quibus aeternae totius Populi, & Cleri saluti, legumque Ecclesiasticarum incolumitati consuleretur. Intelligebamus profecto, quanto in honore, ac pretio Synodales leges apud Clerum, & Populum habeantur, quantaque iis insit vis ad eorum flectendos animos, & a vitiis ad virtutem feliciter avocandos. Quare non esse diutius cunctandum existimavimus, praesertim cum nullam ab anno reparatae salutis millesimo septingentesimo tertio ad haec usque tempora Praedecessores Nostri Synodum celebrarint, gravioribus Romanae Ecclesiae negotiis praepediti. Nulla itaque interposita mora, Synodum indiximus, vobiscum habendam auspiciatissimis Pentecostes diebus, quibus, cum essent Apostoli uno in loco congregati, illapsus est super eos Spiritus Domini, & superinduti virtutem ex alto coeperunt loqui variis linguis magnalia Dei. Verum cum divinae voluntatis consilio factum fuerit, ut paulo post indictam Synodum non levi morbo ad plures dies constiteremur, & ad valetudinem recuperandam diuturna Nobis adhibenda curatio fuerit; Synodalis ejusmodi Conventus celebrationem ad aliud tempus differre Nos oportuit, ac prorogare. Ad hos itaque dies eandem prorogavimus, quorum primum Ecclesiae purissimo Deiparae Virginis Ortui, postremum Sanctissimo ejusdem Nomini recolendo addixit, ut videlicet Nostra haec Synodus, quae diebus Sancti Spiritus cultui specialiter destinatis celebrari non potuit, diebus saltem ejusdem Sancti Spiritus Sponsae venerationi consecratis celebraretur. Divini igitur Spiritus, cujus opem fuis modo precibus intimo animi sensu postulavimus, Nobis adsit virtus, & suo Nos ejusdem Sponsae, Virgo Deipara, praesidio tueatur, ut digna hoc tempore, digna hoc caetu, digna hoc nostro ministerio loquamur, ac leges vobis, ple-*

bique



bique profuturas ad majorem Dei gloriam, animarumque Nobis concreditarum salutem statuamus. Reliquum est, ut vos primum decreta Nostra reverenter, diligenterque audiat; mox sitis factores verbi, ut ait Apostolus, non auditores tantum, ne vosmetipsos fallatis, inde maximum haurientes detrimentum, unde plurima redundare debebat utilitas; tandem legum Nostrarum observantiam incredibili studio, animique alacritate apud Populum, reliquumque Clerum urgeatis.



CON-



CONSTITUTIONES SYNODALES ECCLESIAE TUSCULANÆ.

*Not HENRICUS Divina Miseratione Episcopus Tusculanus,
S. R. E. Vice-Cancellarius, Cardinalis Dux Eboracensis,
Basilicæ Principis Apostolorum de Urbe Archipresbyter,
Ecclesie S. Laurentii in Damaso Commendatarius &c.*



IN nomine Sanctissimæ, atque individue Tri-
nitatis, ad Omnipotentis Dei, Virginis Dei-
paræ, & Sanctorum Apostolorum Petri, Phi-
lippi, & Jacobi laudem, animarumque No-
bis concreditarum profectum, pro ea, qua
fulcimur, sive ordinaria, sive delegata au-
ctoritate, has perpetuo valituras Constitu-
tiones in hac prima Nostra Diocesana Synodo legitime congre-
gata statuimus, decernimus, & promulgamus.

PROE-

P R O E M I U M .

TRia omnino sunt Christiani Hominis officia; erga Deum, erga Proximum, & erga semetipsum; quæ si quis diligenter, sancteque servaverit, totam legem implevit, & perfectus est vir. Tria hæc officia non obscure nobis insinuavit Apostolus ad Titum scribens, cum ait: *Abnegantes impietatem, & secularia desideria, sobrie, & iuste, & pie vivamus in hoc seculo.* Pietas enim refertur ad Deum, iustitia ad Proximum, sobrietas ad semetipsum. Cum itaque maxima cujuslibet cura versari in eo potissimum debeat, ut triplici hoc diligentissime fungatur officio; eas leges condere visum Nobis est, quibus & Clerus, & Populus ad eadem officia paratiores fiant, & in iis explendis quid vitare, quid exequi illos oporteat, admoncantur. Quamobrem tripartitæ erunt Synodales Nostræ Constitutiones, & prima quidem earum pars de Christiani hominis officio erga Deum; secunda de Christiani hominis officio erga semetipsum; tertia demum de Christiani hominis officio erga proximum peculiares leges complectetur.

CONSTITUTIONUM SYNODALIUM

P A R S P R I M A .

DE CHRISTIANI HOMINIS OFFICIO ERGA DEUM.

CUM Christianus homo, ac præsertim is, qui in sortem Domini vocatus Clericali Militiæ nomen dedit suum, factis, superque intelligat, se ab uno Deo Optimo Maximo, cum ex nihilo conditum, tum infinito redemptum pretio, iisque omnibus sive animi, sive corporis, quibus gaudet, bonis suis esse cumulatum; illud etiam facile videt, nihil sibi tam alte infixum cordi esse oportere, quam ut toto vitæ suæ tempore Deo placeat,

placeat, ac famuletur, nisi ingratusissimus esse velit, ac feris ipsis longe crudelior, quæ, licet ratione carent, suo tamen modo sentire beneficia videntur. Placere autem, ac Deo famulari nemo potest, nisi in iis se virtutibus constanter exerceat, quæ proximis feruntur in Deum, cujusmodi, præter illas, quas Theologicas nuncupamus, certe Religionis est virtus, quæ proinde Morales virtutes reliquas antecellit. De his ergo exercentis virtutibus, ac de vitiis, quæ illis opponuntur, omni cura, diligentiaque vitandis, singillatim hic differemus.

CAPUT PRIMUM.

DE FIDE DIVINA.

ARTICULUS I.

De Fide tenenda.

I. CUM divina Fides sit (1) *humana salutis initium, omnique justificationis fundamentum, & radix, sine qua impossibile est placere Deo, & ad filiorum ejus consortium pervenire*; Jure, meritoque ab ea Constitutiones Nostras Synodales exordimur. Fidem hanc in sacro regenerationis lavacro una cum Spe, & Charitate nobis infusam, nos corde tenere, ore confiteri, atque operibus comprobare necesse est, si ad vitam ingredi velimus æternam. Corde enim, ut ait Apostolus, (2) *credimus ad Justitiam, ore autem fit confessio ad salutem*; & Jacobo (3) teste, *sine operibus mortua Fides est*. Corde itaque credimus, atque ore in hac sancta Synodo confitemur, quidquid docuit, ac docet Sacrosancta, Catholica, & Apostolica Romana Ecclesia, quæ (4) *omnium Ecclesiarum Mater est, & Magistra*, & extra quam neque vera Fides, neque æterna invenitur salus. Damnamus etiam,

D

atque

(1) Ad Hebr. c. 11. Trid. sess. 6. c. 8.

(2) Ad Rom. c. 10.

(3) Jacobi c. 2.

(4) Trid. sess. 7. can. 3. de baptismo cap. Ad abolendam, de hæret.

26 CONSTITUTIONES SYNODALES

atque proscribimus hæreses omnes, ac errores, quos eadem Romana Ecclesia proscribit, ac damnat, cujus visibile Caput, Christi in terris Vicarium, ac Sancti Petri Apostolorum Principis Successorem Romanum Pontificem agnoscimus, quem nunc in Sanctissimo Domino Nostro Clemente Papa XIII. habemus, ac ea, qua par est, veneratione prosequimur.

II. *Fides*, (1) *nisi ad eam Spes accedat, & Charitas, neque nos perfecte unit cum Christo, neque corporis ejus viva membra efficit. Quamobrem sicuti, cum in Baptismo justificamur, Fidei, Spei, & Charitatis habitus nobis per Jesum Christum, cui inferimur, infunduntur; ut veram, & Christianam justitiam consequamur; ita, ut in hac accepta justitia permaneamus adulti, non minus Fidei, quam Spei, & Charitatis actus sæpius, quamdiu vivimus, divino præcepto jubemur elicere. Scriptum est enim: Justus (2) ex Fide vivit; & alio in loco: Qui (3) non diligit, non novit Deum. Parochi proinde conceditum sibi Populum frequenter admonent, divino huic præcepto non fieri satis, si actus ejusmodi eliciantur dumtaxat, (4) aut semel in vita, aut quinquenniis singulis, aut in mortis articulo, aut quando justificari quis debet, nec alia suppetit via, qua justus fiat. Ut autem Populus his actibus rite, recteque eliciendis assuescat; decernimus, ac mandamus, ut in qualibet Nostræ Diocesis Paræcia quotidie, absolute primo Missæ sacrificio, quod ad plebis commodum summo mane celebrari solet; ac præterea quoties aut Christianæ Fidei rudimenta pueris, rudibusque explicantur, aut Deiparæ Virginis Rosarium publice recitatur; præeunte Parocho, aut alio Sacerdote, earundem Theologicalarum virtutum actus elata voce ab adstante Populo pronuncientur. Sed ut id ipsum omnes fapiant, ac dicant, quemadmodum hortatur Apostolus (5); sub*

iis

(1) Trid. sess. 6. c. 7.

(2) Ad Rom. cap. 1.

(3) 1. Joan. cap. 4.

(4) Alexander VII. 24. Sept. 1665. in damnat. prop. 1., Innoc. XI. 3. Martii

1679. in damn. prop. 5., 6., 7., 16., & 17., Alexand. VIII. 24. Aug. 1690. in damn. propof. 1.

(5) Ad Philipp. cap. 2.

iis dumtaxat formulis eosdem actus recitari præcipimus, quas Romæ typis editas in tota Diœcesi distribui diligenter curavimus. Ne vero Populum eosdem actus iterare tam frequenter pigeat, Indulgentias Parochi recenseant, & explicent, quas Summi Pontifices Benedictus XIII., & Benedictus XIV. emittentibus huiusmodi actus, Apostolica benignitate largiti sunt, & ad eas lucrandas peramanter alliciant. Verum postquam Populus istorum actuum formulas jam probe didicerit; non proinde Parochus satis se munus expleisse suum arbitretur; nisi illud etiam diligenter curet, ut earum quoque sensum, ac vim pro suo quisque captu, ingenioque intelligat. Quod quidem facile assequetur, si non modo, quæ credenda, sperandaque sunt, verum etiam, & potissimum, quæ causa nobis sit credendi, sperandi, ac diligendi, Auditoribus suis, cum ad eos vel Catechesum, vel Concionem habebit, singillatim, perspicuoque sermone declarabit.

III. Quamquam plures Fidei nostræ articulos satis sit implicate, & confuse credere, credendo videlicet, quidquid Catholica docet Ecclesia; nonnullos (1) tamen distincte scire, & expresse credere necesse est, & eorum quidem aliquos necessitate, ut ajunt, medii, alios vero necessitate dumtaxat præcepti. Prioris generis sunt. I. Mysterium Sanctissimæ, atque individux Trinitatis. II. Mysterium Incarnationis, Passionis, Mortis, ac Resurrectionis Domini Nostri Jesu Christi. III. Deum esse proborum hominum remuneratorem, justissimumque malorum vindicem. Tandem eadem necessitate adiguntur adulti ea Sacramenta scire, & credere, quæ ad salutem necessitate medii requiruntur, imo & ea quoque, quæ quis recipit, & ad quorum receptionem disponere se nequit sine fide Sacramenti, quod suscipit. Ad posterius necessitatis genus (2) pertinet memoriter scire. I. Symbolum Fidei, aut saltem, si nimia sit mentis tarditas, & hebetudo, illius

D 2

arti-

(1) Innoc. XI. in damn. prop. 22., S. Irenæus lib. 3. cap. 21., S. Aug. lib. de corrept., & grat. cap. 7., S. Th. 2. 2. qu. 2. art. 5. & 8.

(2) Can. *Vos ante* de consecrat. dist. 4. S. August. sermon. de symbol. ad Catech., S. Leo Epist. 27. cap. 4.

28 CONSTITUTIONES SYNODALES

articulos quoad substantiam . II. Orationem Dominicam . III. Decalogi præcepta , quæ jure cum naturali , tum divino servare jubemur . Hæc autem omnia populum sibi subjectum docere Parochus diligenter debet , eique gravibus verbis significare , eos , qui prioris generis articulos ignorant (1) , cum Sacramentalis absolutionis , tum cujuslibet Sacramenti cum fructu suscipiendi esse incapaces , nisi prius illos addiscant , & credant : eos vero , qui nesciunt , quæ necessaria sunt necessitate præcepti , eaque , a Confessario moniti , discere adhuc neglexerint , a Sacramentali absolutione esse repellendos , nisi prius fœcordiam suam excusserint , atque in iis instrui serio cœperint : Utrosque (2) autem a Confirmationis , & Matrimonii Sacramento , atque a Patrini munere arcendos fore . Nemo enim a Nobis in posterum aut sacro ungetur Chrismate , aut ad Patrini admittetur munus , aut contrahendi Matrimonii obtinebit decretum , nisi & ex Parochi testimonio , & ex prævio maturo examine constabit , eum optime callere , quæ necessitate tum medii , tum præcepti sciri , & credi necessario a Fidelibus debent . Quæ quidem omnia statuta jampridem a Nobis fuere , & Parochis insinuata per epistolam ad eosdem datam , quam ad Synodi calcein in Appendice num. I. exhibemus , & quam Synodalis Constitutionis vim obtinere decernimus .

ARTICULUS II.

De Fide profutenda , seu de Professione Fidei .

I. **C**UM rationi congruum sit , ut , qui vel aliis præsent , vel publica quædam obeunt munia , sanæ Fidei , incorruptæque religionis argumenta iis , quibuscum versantur , præbeant ; Propterea Ecclesiasticis legibus sancitum sapienter est , ut hi certum intra

(1) Innoc. XI. in damn. prop. 64. & 65. Literæ Encyclicæ Sac. Cong. Concil. ad Episc. Italiz 19. Jan. 1619., & S. Carolus in Concil. Mediol. Prov. v.

(2) Can. *Vos ante* . de consecr. dist. 4.

Pontif. Roman. par. 1. tit. de confirmandis , Sac. Cong. Episc. in Gallipolitana 9. Martii 1588. , & S. Carolus in Concil. Prov. vi. tit. Quæ pertinent ad matrim. Sacramentum .

intra tempus publicam Fidei professionem emittant, juxta formam a Pio IV. præscriptam (1), quæ ut omnibus præsto sit, in hujus Synodi Appendice num. 2. exhibebitur. Hanc Nos Fidei Professionem, ut alios præiremus exemplo, in prima hac Nostra Synodo, Concilii Romani (2) decreto obsequentes, emisimus, a reliquis etiam, qui Beneficia in nostra Diœcesi obtinent, ac Synodo interfunt, antequam eadem absolvatur, edendam. Hanc quoque in posterum, sub pœnis a Sacro Tridentino (3) Concilio statutis, coram Nobis, aut coram Vicario Nostrò Generali intra duos menses a die initæ possessionis emittent ii omnes, qui Ecclesiasticum Beneficium curam habens animarum adnexam obtinebunt; ac præterea qui Dignitates, aut Canonicatus in Nostra Cathedrali adipiscuntur Ecclesia: hi tamen eam in Capitulo rursus edent, juxta decretum Tridentini (4), & Capitularium Constitutionum præscriptum. Clerici quoque omnes, qui posthac in Nostra Diœcesi Beneficiis Ecclesiasticis augebuntur, illam emittent in Diœcesana Synodo primo celebranda.

II. Eandem Orthodoxæ Fidei Professionem ex Concilii Romani decreto (5) edere jubentur I. *novus Vicarius Generalis, Vicarii Foranei, Procuratores, & Promotores Fisci Episcopalis, Cancellarii, caterique ejusdem Curie Ministri.* II. *Novi Concionatores, etiam Regulares.* III. *Novi Confessarii, etiam Atonialium.* IV. *Docentes publice, vel privatim Theologiam, Philosophiam, Jus Canonicum, aut Civile, vel inferiores quaslibet disciplinas, etiam Grammaticam.* V. *Tandem Medicinam exercentes, aut Chirurgiam.*

III. Neino Scholam (6) in Nostra Diœcesi sive privatam, sive publicam, etiam si a laicorum Comunitate ad docendum sit destinatus, certa que mercede conductus, aperire valeat, aut exercere,

(1) Pius IV. Constit. *Injunctam*. edita 13. Nov. 1564.

(2) Concil. Rom. sub Bened. XIII. tit. 1. cap. 1.

(3) Trid. sess. 24. cap. 12.

(4) Trid. sess. 24. cap. 12.

(5) Concil. Roman. sub Bened. XIII. tit. 1. cap. 1.

(6) Pius IV. in sua Const. *In Sacrosancta*, Sac. Cong. Conc. in Terracineni 29. Augusti 1581., & in Asculana Apuliz 18. Julii 1691.

cere, nisi Noſtram in ſcriptis obtinuerit licentiam; quam non, niſi prævia ſuper vita, moribus, & ſcientia approbatione, ac præmiſſa, ut ſupra, Fidei Profeſſione, concedemus. Plurimi enim Chriſtianæ Reipublicæ intereſt, omnem in eo diligentiam, curamque adhiberi, ut pueri, atque adoleſcentes viris dumtaxat probis, ſanæque doctrinæ Magiſtris erudiendi tradantur.

IV. Nemo etiam Medicam exerceat artem, qui non prius & Fidei Profeſſionem emiſerit, & pollicitus jurejurando fuerit, ſe in ægrotantium curatione adhibenda, ea omnia exacte ſervaturum, quæ a S. Pio V. (1) in ſua Conſtitutione hac ſuper re præſcripta ſunt. Ut autem Concilii Romani (2) juffa Episcopis data exequamur, graviter decumbentem ægrotum tempeſtively admoneri a Medico volumus, ut Pœnitentiæ Sacramentum recipiat, eidemque ſub excommunicationis pœna, cujus abſolutionem Nobis, ac Succeſſoribus Noſtris reſervamus, præcipimus, ut ab Infirmi cura prorsus abſtineat, niſi tertia die per ſchedulam, propria Confeſſarii manu ſubſcriptam, aut alia non abſimili ratione ſibi conſulterit de Sacramentali peccatorum Confeſſione, vel jam peracta, vel Confeſſarii ipſius judicio in aliud tempus opportunius dilata.

V. Verum, uti ſapienter monet Benedictus XIV. (3) unanimi Theologorum, Canoniſtarum, ac Medicorum ſententia in medium prolata, ſi forte ita gravis ſit morbus, ut ſine Medici ope ægroti periculum mortis immineat, etiamſi is poſt tertium diem adhuc peccata ſua conſiteri recuſet, non tamen deferendus a Medico eſt, ſed omni potius juvandus ope, ut eidem videlicet, ſi forte convaluerit, ad meliorem frugem redeundi locus relinquatur.

VI. Nullus Procurator, quocumque ſit ſpeciali mandato ſuſſultus, ad Profeſſionem Fidei pro alio emittendam ſuſcipiatur ſub pœna nullitatis actus, uti Sacra Congregatio Concilii declaravit

(1) S. Pius V. in Bulla *Super Gregem Dominicum*. ann. 1566. (2) Concil. Rom.

ub. Benedicto XIII. tit. 1. cap. 1. (3) Benedictus XIV. Inſtit. 22. n. 17.

ravit (1). Ut autem de eorum, qui ad Fidei professionem edendam obligantur, obedientia constet, volumus, ac decernimus, ut duo in posterum habeantur Codices, quorum unus in Episcopali Cancellaria asservandus, eorum nomina, & causam contineat, qui coram Nobis, aut Vicario nostro Generali Fidei Professionem emisierint; alter vero custodiendus in Ecclesiæ Cathedralis Archivio, eorum complectatur nomina, qui coram Capitulo eandem Fidei Professionem ediderint.

ARTICULUS III.

De Fide illibata servanda, atque tuenda.

I. **P**retiosissimum Christianæ Fidei depositum, cujus custodiam Episcopis tantopere commendavit Apostolus (2) ad Timotheum scribens, tanta vigilantia, solertiaque custodiri a Nobis oportet, ut non modo hæreses, atque errores, verum etiam omnem vel levissimam erroris, aut hæresis suspensionem, turbulentissimis præsertim hisce temporibus, a tota nostra Diœcesi propulsandam esse censeamus. *Assumentes igitur (3) religiosæ sollicitudinis zelum volumus, ut contra sævissimos Fidei, & animarum hostes Nobiscum etiam omnium Fidelium cura consurgat, & si cui innotuerit, ubi habitent hæretici, ubi doceant, quos frequentent, & in quorum societate requiescant, nostræ sollicitudini fideliter indicent.*

II. Nequa vero inanis, futilisque excusatio imbelles animos ab hoc explendo officio facile remoretur; ad Sacrorum Canonum normam in virtute sanctæ Obedientiæ, & sub censurarum pœna præcipimus, ut Nobis, qui Nostra in Diœcesi ordinario jure adversus hæreticam pravitatem Inquisitoris munere fungimur, intra tempus a Pontificiis legibus statutum denunciuntur. 1. Tum (4) Hære-

(1) Sac. Cong. Cone. in Saguntina 18. Aprilis 1570., Synodus Civitatis Castellane 1756. tit. 1. cap. 2. num. 2.

(2) 1. Timoth. cap. 6.

(3) S. Leo serm. 5. de jejuniis decimi mensis.

(4) Cap. Excommunicamus §. Adhuc, de Hæreticis.

32 CONSTITUTIONES SYNODALES

Hæretici omnes, quamcumque profiteantur Sectam, tum qui Religione Catholica defecerunt, Apostatæ. II. Judiciariam (1) exercentes Astrologiam, Magi, Arioli, Striges, Necromantes, Malefici, Venefici, Sortilegi, Incantatores, cæterique alii, quocumque tandem nuncupentur nomine, qui malo Dæmoni obsequium, thus, ac venerationem spondent; vel qui sive tacita, sive expressa invocatione eundem consulunt, eumque certis quibusdam pactis, etiam per intermediam personam, adstringunt pro infana futurorum contingentium, aut actuum liberorum cognitione, rerum furto sublatarum detectione, thesaurorum inventione, & somniorum interpretatione; aut qui cabalis, maleficiis, ac superstitionibus utuntur, vel ad captandam benevolentiam, vel ad odia excitanda, vel ad ligaturas, ut vocant, efficiendas, ut Matrimonii usus impediatur, vel ad conciliandas, aut etiam fugandas infirmitates, quamquam sine rerum sacrarum, aut Sacramentorum abusu id fiat; ac tandem qui Sacramentis, Sancto Oleo, cæterisque rebus consecratis, aut benedictis ad recensitos malos usus sacrilege abutuntur. III. Scienter (2) legentes, aut retinentes hæreticorum libros, in quibus hæresis continetur, aut de Religione ex professo agitur, aut libros de Magia, Necromantia, seu divinationibus pertractantes. IV. Ii, qui (3) cum ad Presbyteratus Ordinem non sint promoti, eo tamen audaciæ, ac temeritatis deveniunt, ut Missam celebrare, aut Sacramentales Fidelium Confessiones excipere audeant. V. Confessarii (4), qui pœnitentes ad turpia, & inhonesta sollicitant, juxta terminos Constitutionis Gregorii XV. VI. Poligami (5), iique omnes, qui

aut

(1) Gregorius XV. in Const. *Omnipotentis* 20. Mar. 1623. Sixtus V. Const. *Cali, & Terra* 5. Jan. 1585. & Urbanus VIII. Const. *Inscrutabili* 1. Aug. 1631.

(2) Sixtus V. cit. Const., & Bulla *Cœnæ* can. 1.

(3) Gregorius XIII. Const. *Officii nostri* 6. Aug. 1584., Clemens VIII. Const. *Esti alias* 1. Dec. 1601., & Urban. VIII.

Const. *Apostolatus* 23. Mar. 1628., Benedictus XIV. Const. 70.

(4) Greg. XV. Const. *Universi Domini* 30. Aug. 1622.

(5) Gregor. XV. eodem ann. amplians Bullam S. Pii V. 1561. & Alexan. VII. Const. *Locet alias* 8. Jul. 1650., & Trid. sess. 24. can. 2.

aut licita esse docent, aut ipsi ea opera exercent, propter quæ illos, aut laborare in Orthodoxa Fide, aut de eadem male sentire, seu suspectos esse, spectatis Supremæ Inquisitionis regulis edocemur.

III. Hæc autem sunt indicia, e quibus suspecti de hæresi dignosci facile possunt. I. Si quis saltem semel in anno confiteri peccata sua, divinaque Eucharistia Paschali tempore refici neglexerit, & post canonicam monitionem, inflictæque censuras, in iis per annum inforduerit, aut Dominicis, festisque de præcepto diebus Missam audire contempserit. II. Si temporibus vetitis bene valens, nullaque necessitate adductus, sive publice, sive privatim carnibus, ovis, aut lacte vescatur. III. Si de rebus divinis, ac de Sacra Scriptura male, aut jocosè, ejusdem sensum pervertendo, loquatur. IV. Si Sacramenta, Sacramentalia, Indulgentias, mortuorum suffragia, cæremonias, ritusque Ecclesiasticos irrideat. V. Si Sacerdotes, prout Christi Ministri sunt, aut Sacerdotalem dignitatem, seu auctoritatem qua talem spernat, aut contemnat. VI. Si quid contra Ecclesiasticam libertatem, & auctoritatem dogmatizando moliatur, ac dicat. VII. Si in censuris infordefcat, vel de excommunicatione, quam nervum esse scimus Ecclesiasticæ disciplinæ, male aut loquatur, aut sentiat, aut illam etiam contemnat. VIII. Si divinationibus, sortilegiis, incantationibus, superstitionibus, aliisque malis artibus superius descriptis operam navet. IX. Si accusatos, aut inquisitos in causis Fidei, aut testes eorum notitiam habentes edoceat aut falsum dicere, aut veritatem negare; vel si reos, aut suspectos de hæresi recipiat, ac protegat.

IV. Quicumque aut aliquem ex his perversis hominibus, (1) aut aliquod ex recensitis criminibus admissum noverit; si intra 30. dierum spatium a die habitæ scientiæ Nobis, aut Vicario Nostro Generali hominem, totamque facti seriem deferre contumaciter renuat, etiam nulla fraterna correctione præmissa, & etiam si

E

adeo

(1) Alex. VII. in Const. *Licet alias*. & editum Supremæ Inquisitionis. 3. Jan. 1660., & in damnat. propos. 5., nov. 1623.

34 CONSTITUTIONES SYNODALES

adeo occultum sit crimen, ut probari nulla ratione possit; sciat, se lethalis culpæ fieri reum, & excommunicationem Apostolicæ Sedi reservatam incurrere, a qua non, nisi postquam denunciaverit, absolvi poterit, ut in edicto Sanctæ Universalis Inquisitionis edicitur, quod in appendice num. 3. exhibemus, & quod in qualibet Nostræ Diocesis Parœcia bis in anno, prima videlicet Dominica die Adventus, & Quadragesimæ a Parochis aditanti Populo legi, ac promulgari jubemus, ut sic nefarii homines a tam gravibus perpetrandis criminibus deterreantur, & Catholicæ Fidei integritati efficacius consulatur.

V. Fideles omnes serio, ac frequenter Parochus moneat, ut ejusmodi hominum consortium, ac familiaritatem sub pœnis in illos, qui hæreticis favent, constitutis evitent; nec unquam pravis, atque fallacibus opinionibus aures, & assensum præbeant, sed quæ sanam Fidem foveant, & augment, sedulo semper quarant, & operentur, memores, eorum, quæ credimus, Deum ipsum, qui nec falli, nec fallere potest, auctorem Nos habere locupletissimum. Imo ut depositum Fidei vigilantius, solertiusque custodiatur, juxta Apostoli (1) monitum & Parochus ipse *debet*, & Fideles reliquos *debet* docere *prophanas vocum novitates, & oppositiones falsi nominis scientiæ, quam quidam promittentes circa Fidem exciderunt. Inhibemus præterea* (Alexandri IV. in sua Decretali verbis utimur) (2) *ne cuiquam laicæ personæ liceat publice, vel privatim de Fide Catholica disputare. Qui vero contra fecerit, excommunicationis laqueo innotetur.* Sub gravissimis quoque pœnis arbitrio Nostro infligendis caveant omnes, ne ad profanum, seu scurrilem sensum Divina Sacrarum Scripturarum verba detorqueant. Tandem cum frequentius, faciliusque ex pravorum librorum lectione sive impietatis, sive improbitatis hauriatur venenum; Parochis omnibus districte præcipimus, eorumque conscientiam oneramus, ut sedulo perquirant, an aliquis in eorum Parœcia sine debita Superiorum licentia proscriptos libros domi retineat, aut legat; & si quem forte

(1) 1. Ad Timoth. cap. 6. (2) Cap. Quicumque. §. Inhibemus. de hæreticis in 6.

forte comperiant, excommunicationem, aliasque Canonicas pœnas eidem minitantes, non modo illum ab ejusmodi lēctione absterreant, verum etiam ad id inducant, ut hujus generis libros vel ad Nos, vel ad Vicarium Nostrum Generalem, vel ad alium, qui damnatos libros retinendi, legendique facultatem habeat, deferri curet nunquam in posterum repetendos. Habeant propterea Parochi librorum prohibitorum Indicem, ut probe sciant, quos a suo Grege arcere longius debeant.

CAPUT II.

D E S P E.

I. **S**pes, quam Fidei cognatam S. Bernardus (1) nuncupavit, donum est in Baptismo nobis divinitus infusum, quo vitam æternam, & quæcunque ad eam assequendam requiruntur, certa cum fiducia præstolamur a Deo, non modo (2) ut gratiam adoptivis Dei filiis per Jesum Christum misericorditer promissam, verum etiam ut mercedem ex liberali Dei promissione bonis operibus fidelissime reddendam. Ait enim Apostolus (3): *Scio, cui credidi, & certus sum, quia potens est depositum meum servare in illum diem.* Et alibi (4): *In reliquo reposita est mihi corona justitiæ, quam reddet mihi Dominus in illa die justus Judex, non solum autem mihi, sed & his, qui diligunt adventum ejus.* Spes itaque virtus illa est, quam inter æstuentes tentationum fluctus, sicut anchoram (5) habemus animæ tutam, ac firmam, & incedentem usque ad interiora voluminis, ubi præcursor pro nobis introivit Jesus secundum ordinem Melchisedech Pontifex factus in æternum. Spes est, quæ nos in hac lacrymarum valle constitutos solatur, abiectos erigit, trepidantes confirmat, atque ad cœlestem patriam Sancti Spiritus gratia roboratos, felici tandem, faustoque cursu perducit. Ad hanc igitur

E 2

Spem

(1) S. Bernardus in psalm. 9.

(4) 2. Ad Timoth. cap. 4.

(2) Trid. sess. 6. cap. 16.

(5) Ad Hebr. cap. 6.

(3) 2. Ad Timotheum cap. 1.

Spem perſæpe Fideles excitentur a Parochis, ut divinatorum inan-
datorum viam currant alacrius, tentationibus carnis obſiſtant va-
lidius, in ipſo demum vitæ exitu inoriantur ſecurius, juxta illud
Regii Vatis: *In pace (1) in idipſum dormiam, & requieſcam: quo-
niam tu, Domine, ſingulariter in ſpe conſtituiſti me.* Damnatus eſt
enim, atque ab Apoſtolica Sede proſcriptus (2) veſanus ille re-
centium Novatorum error, qui nullius eſſe pretii, ac meriti,
imo verius deformi peccati macula eſſe infectum docuerunt Chri-
ſtianæ Spei actum, quo quis, ut ſuam ipſius ſocordiam excitet,
ſeſeque ad currendum in ſtadio cohortetur, mercedem, quam
ſuſpirat, intuetur æternam. Scriptum eſt enim (3): *Inclinavi cor
meum ad faciendas juſtificationes tuas propter retributionem; & Apo-
ſtolus (4) Moyſen commendat, quod majores divitias æſtimaverit
theſauro Ægyptiorum improprium Chriſti, aſpiciens in remunerationem.* Imo ad omne opus bonum propoſita remuneratione Corin-
thios idem hortatur Apoſtolus, ſic ad eos ſcribens (5): *Itaque,
fratres mei dilecti, ſtabiles eſtote, & immobiles, abundantes in omni
opere Domini ſemper, ſcientes, quod labor veſter non eſt inanis Domino.*

II. Ne qua vero errandi occaſio rudi populo præbeat, il-
lum crebro Parochus moneat, Chriſtianæ Spei certitudinem non
in noſtra merita (non (6) enim ſumus ſufficientes cogitare (multoque
minus operari) aliquid ex nobis, quaſi ex nobis, cum ſufficientia no-
ſtra a Deo ſit) ſed in Dei bonitatem, omnipotentiam, ſuique in
ſervandis promiſſis fidelitatem eſſe refundendam. Quare ut talis
ſit noſtræ actus Spei, qualem eſſe illum oportet, necesse eſt, ut
eundem præcedat Fides de divina bonitate, omnipotentia, ac fi-
delitate; comitetur una cum fiducia filialis timor; ac tandem ope-
ratio ſubſequatur, cum adultis gloria non, niſi ut præmiũ, &
corona, promiſſa a Deo ſit, juxta illud (7): *Eſto fidelis uſque ad
mortem, & dabo tibi coronam vitæ.*

III. Cum

(1) Pfalm. 49.

(2) Trid. ſeſſ. 6. cap. 11., & can. 31.,
& Alex. VIII. in dam. prop. 10. & 13.,
& Alex. VII. in dam. prop. 1.

(3) Pfalm. 118.

(4) Ad Hebr. cap. 11.

(5) 1. Cor. cap. 15.

(6) 2. Ad Cor. cap. 3.

(7) Apoc. cap. 2.

III. Cum peccari in Spem dupliciter possit, desperatione videlicet, ac præsumptione; utrumque vitare crimen populus a Parrocho doceatur. Desperatio enim magnum est in Spiritum Sanctum crimen, per quod gravissima irrogatur injuria, & Dei omnipotentia, qui (1) potens est de lapidibus fuscitare semen Abrahæ, & Divinae bonitati, quæ longe major est, quam iniquitas nostra, & infinitæ Christi Sanguinis virtuti, qui (2) propitiatio est non solum pro peccatis nostris, sed etiam totius Mundi. Quamobrem optime inquit S. Augustinus (3): *Quis porro tam impie despiat, ut dicat, Deum malas hominum voluntates, quas voluerit, quando voluerit, in bonum non posse convertere? Sed cum facit, per misericordiam facit; cum non facit, per judicium non facit.* Præsumptio quoque gravissimum est in Spiritum Sanctum scelus, & aliquando hæresi jungitur, ut si propriis operibus absque divina gratiæ auxilio, uti docebant Pelagiani, vel sola fide absque operibus, uti dictitant Novatores, salutem æternam consecuturos nos esse speremus; aliquando adjunctam non habet hæresim, ut si omnino desides, & nihil boni operantes, totum æternæ salutis negotium soli Dei benignitati committamus; vel, quod pejus est, divina abutamur patientia, & ad peccandum reddamur procaciores. Et sane cum certissimum sit, non nisi eum (4), qui perseveraverit usque in finem, salvum fore; perseverantiam vero (5) aliunde haberi non posse, nisi ab eo, qui potens est eum, qui stat, statuere, ut perseveranter stet; & eum, qui cadit, restituere; Inde fit, ut, tametsi in Dei auxilio firmissimam Spem collocare, & reponere omnes debeant; nemo tamen sibi de perseverantiæ munere certi aliquid absoluta certitudine polliceri valeat. Quapropter qui se existimant stare, videant, ne cadant, & cum timore, ac tremore salutem suam in laboribus, in-vigiliis, in elemosynis, in orationibus, & oblationibus, in castitate, & jejuniis operen-

(1) Matth. cap. 2.

(2) 1. Joan. cap. 2.

(3) S. Augustinus in Enchyrid. cap. 98.

(4) Matth. cap. 10., & Can. Non re-

vertentur. de poenis. dist. 2.

(5) Trid. sess. 6. cap. 13., ad Rom. cap. 14., ad Philipp. cap. 1., & 2. ad Cor. cap. 8.

rentur . Populum igitur hortentur Parochi , ut recte de Deo sentiat , ac de summa ejusdem bonitate neque præsumat , neque desperet . Nam væ illis , qui præsument (1) , *adjicientes peccatum super peccatum , vel differentes de die in diem converti ad Dominum , eo quod misericordia Domini magna est ; quoniam in peccatores respicit ira illius .* Væ etiam illis , qui desperant ; nam (2) *beneficium duntaxat est Domino super timentes eum , & in eis , qui sperant in misericordia ejus .*

CAPUT III.

DE CHARITATE .

Charitas , virtutum omnium reliquarum maxima , virtus est in Baptismo divinitus infusa , qua Deum super omnia propter semetipsum , Proximum vero , sicut nosmetipsos , propter Deum sincere , & ex animo diligimus : *Ex una enim , eademque Charitate Deum , proximumque diligimus , sed Deum propter Deum , & proximum propter Deum , uti sapienter docet S. Augustinus (3) .* Virtus hæc non modo homini , qui ratione utitur , est adeo consentanea , ut illam naturali præcepto colere , atque exercere jubeamur ; verum etiam tantopere a Christo Domino nobis commendatur , atque præcipitur , ut (4) ex duplici hac dilectione , Dei videlicet , & proximi , totam pendere Legem , ac Prophetas , idem ipse in Evangelio disertissime affirmaverit . Cum itaque reliquorum mandatorum observantia , ac virtutes ceteræ , quibus vitam æternam nobis promereri possumus , ex una Charitatis radice , tamquam arboris rami , progerminant ; nemo est , qui non videat , summa cura , diligentiaque Charitatis virtutem esse a nobis custodiendam , totisque viribus in dies magis , ac magis excolendam .

(1) Eccli. cap. 5. (2) Psalm. 146. (3) S. Augustinus de Trinitate . lib. 8. cap. 8. in fine. (4) Matth. cap. 22. vers. 40.

ARTICULUS I.

De Charitate erga Deum .

I. **D**Eum, qui summe bonus est, in quo bona omnia continentur, & ex quo, quæcunque sunt, aut esse possunt, promanant bona, summe, perfectæque diligendum a nobis esse, & *Natura* (1), & *Ratio*, & *Verbi Domini clamat auctoritas*, atque in hoc consummationem invenit omnis Religio. Dupliciter autem diligi potest Deus, & quia bonus nobis est, ac beneficus, & fruendus; & quia bonus ipse est, & perfectus, & amabilis. Prior concupiscentiæ, alter amicitiae amor nuncupatur: ille ad Spem; hic ad veram, perfectamque pertinet Charitatem. Jam vero hic, de quo loquimur, perfectæ Charitatis amor, alius effectivus dicitur, affectivus alter. Prior totus in eo est, ut omnia, & singula divina mandata exactissime observemus, juxta illud: *Qui* (2) *habet mandata mea, & servat ea, ille est, qui diligit me*. In eo autem situs est posterior, ut interno benevolentiae actu de summa Dei bonitate, ejusque infinitis perfectionibus sincere gaudeamus, eique benevolentissima voluntate jungamur, juxta divinum illud præceptum (3): *Diliges Dominum Deum tuum ex toto corde tuo, ex tota anima tua, & ex tota mente tua*: quibus sane verbis dilectio significatur, non quidem, ut ajunt, intensio summa, sed appetitiva, qua videlicet rebus omnibus Deum anteferimus, paratique sumus rerum omnium potius jacturam perpeti, quam ab ejus amicitia removeri. Utroque hoc cum affectivo, tum effectivo Charitatis amore Deum prosequamur necesse est, ut exacto nostræ peregrinationis cursu ad æternam patriam perducamur. Merito itaque duos errores huic Catholicæ veritati contrarios Romana damnavit Ecclesia; quorum alter est eorum, qui docebant (4), neque in exordio, neque in decursu mortalis vitæ hominem ad amo-

(1) Auctor Sermonis de baptismo Christi post opera S. Cypriani.

(2) Joan. cap. 14.

(3) Deuter. cap. 6.

(4) Alexander VIII. 24. Aug. 1690. in damn. propos. 1.

amorem sui ultimi finis, qui Deus est, obligari; alter est Quietistarum (1), qui mulierculas per summam impudentiam decipientes affirmabant, oportere illum, qui Deum diligit amore purissimo, a cæterarum virtutum actibus abstinere, & nullam habere curam observantiæ præceptorum Dei, & Ecclesiæ, frequentis Sacramentorum susceptionis, usus Imaginum, & Indulgentiarum, orationis sive vocalis, sive mentalis, jejuniorum, aliarumque sponte susceptarum corporis afflictationum. Utrumque errorem Nos quoque ex animo rejicimus, atque, ut impium, ut hæreticum, ut Catholicæ Religioni omnino contrarium, damnamus.

II. Parochus, cum prima Fidei rudimenta pueros edocet, eorum non modo mentem erudiat, verum etiam piis hortationibus voluntatem inflammet, ut, quoad fieri possit, cum (2) primum uti ratione incipiunt, primitias sese Deo offerant, eundem perfectæ Charitatis amore prosequentes. Adultos vero Fideles hortetur sæpissime, ut saluberrimos hos dilectionis Dei actus frequenter exerceant, & potissimum cum vel eos gravis urget tentatio, vel grande aliquod a Deo acceperit beneficium, vel Confessarii copiam non habentes, divina excitante gratia, justificationis desiderio flagrant, vel divinum Christi Corporis ferculum, quod amoris est Sacramentum, sunt suscepturi, vel tandem cum festis diebus ex religionis præcepto Deum impensius colere student. *Quis enim, ut ait Augustinus (3), cultus ejus, nisi amor ejus? non colitur ille, nisi amando: amor est Dei cultus, hæc vera religio, hæc recta pietas, hæc tantum Deo debita servitus.*

III. Præterea Parochus, & quicumque alius, qui moribundis adest, illud in eo rerum articulo enixe curet (4), ut ii Fidei, Spei, ac præsertim perfectæ erga Deum Charitatis actus non semel eliciant, quamquam salutari jam fuerint Pœnitentiæ lavacro mundati. Tunc enim pressius urgent istarum præcepta virtutum; tunc

(1) Innocentius XI. in Constit. *Celestis Pastor*.

(2) S. Th. par. 2. qu. 89. ar. 6. ad 3.

(3) S. Aug. lib. 12. de Trinit. cap. 4.

& de Civit. Dei lib. 10. cap. 3.

(4) Rituale Romanum de Visitatione, & cura Infirmorum tit. 5. cap. 5.

tunc muniendus æger diligentius adversus mali Dæmonis impetus, qui (1) *venit habens iram magnam, sciens, quia modicum tempus habet*; tunc denique conatus omnis ab ægro est adhibendus, ut & suorum criminum pœnitentia sit certior, & salutis negotium æternæ sit tutius; quod, Apostolo teste (2), *Charitas præstat de corde puro, conscientia bona, & fide non ficta*.

ARTICULUS II.

De Charitate erga Proximum.

I. **E** Adem Charitatis virtus, quæ a nobis diligere jubet Deum, nobis quoque præcipit, ut Proximum diligamus. *Hoc enim mandatum (3) habemus a Deo, ut qui diligit Deum, diligit & fratrem suum*. Diligendus vero a nobis is est, non propter seipsum (id enim ad moralem amicitiae virtutem attinet) sed propter Deum, vel quia videlicet hanc dilectionem nobis præcepit Deus, vel quia Proximus conditus ad suam imaginem a Deo est, summoque præterea divini cruoris redemptus pretio. *Ille (4) veraciter, ut optime monet S. Augustinus, amicum amat, qui Deum amat in amico, aut quia est in illo, aut ut sit in illo*. Huic autem præcepto satis non fit, nisi proximum (5) & interno cordis affectu, & (6) *non verbo tantum, & lingua, sed opere etiam, & veritate diligamus*.

II. Proximorum nomine, quos amari Charitas jubet, non ii duntaxat intelliguntur homines, qui vel propter vitæ integritatem iusti sunt, Deoque accepti, vel nobis sunt comunione sanguinis, aut amicitiae fœdere conjuncti, vel de nobis benemerentes sua in nos beneficia contulerunt; verum etiam & ii, quibus propter impietatem iratus est Deus, & ii, qui nobis infensi, odio nos prosequuntur, & ii, qui nostris facultatibus, vel famæ,

F

vel

(1) Apocal. cap. 12.

(2) 1. Ad Timoth. cap. 1.

(3) Joan. cap. 4.

(4) S. August. serm. 335. alias 226. de

tempore cap. 2.

(5) Innoc. XI. in damn. prop. 10., & 11.

(6) 1. Joan. cap. 3.

42 CONSTITUTIONES SYNODALES

vel vitæ graves, atrocesque injurias irrogarunt. His autem bonum invidere, malum velle, detrimentum aliquod in acceptarum injuriarum vindictam moliri Lex Charitatis vetat; imo etiam ut iisdem ignoscamus, præcipit, ut pro iis ad Deum nostras fundamus preces, ut tandem animo saltem ita parati simus, ut, cum eorum necessitas exigat, de iisdem benemereri non renuamus. Id enim Christus Dominus exemplo suo nos docuit, idque etiam in Evangelio nobis disertissime præcepit, cum inquit (1): *Ego autem dico vobis, diligite inimicos vestros; benefacite his, qui oderunt vos, & orate pro persecutibus, & calumniantibus vos.*

CAPUT IV.

DE EFFECTU CHARITATIS, SEU DE BENEFICENTIA.

I. **A** Mare est non modo velle bonum, sed curare etiam pro viribus, ut ei, qui diligitur, conferatur: *probatio enim dilectionis*, ut ait S. Gregorius, *exhibitio est operis*. Quare si vera sit Charitas, qua diligimus; ex ea (2); tamquam fructus ex arbore, beneficentia progerminat, cujus ductu de proximo, qui nostra eget ope, libenter, cum possumus, benemeremus. Cum autem anima constemus, & corpore; utriusque necessitati, cum Proximus indiget, succurrendum a nobis est: ad utramque enim beneficentiam ex præcepto Charitatis urgemur.

II. Caueant ergo Fideles, ac præsertim Parochi, iique omnes, quibus animarum cura commissa est, ne in extremis, aut gravibus proximorum necessitatibus sublevandis muneri desint suo. Meminerint itaque, proximo (3), qui in extrema spiritali necessitate versetur, cum nostram opem credimus profuturam, etiam cum mortis periculo esse subveniendum; adeoque si peccator in extremis laboret, ac æterna ipsius periclitetur salus, Confessarium esse advocandum, & hunc, etiam cum propriæ vitæ

(1) Matth. c. 5. (2) S.Th. 2.2. a qu 26. ad 32. (3) S.Th. 2.2. qu. 26. art. 5.

vitz discriminine, operam suam negare non posse, si certo sciat, neque peccatorem alia via posse salvari, neque sibi damni spiritualis imminere periculum. Hoc enim (1) præcessit exemplum, (ut ait S. Augustinus) ut pro nobis Dominus ipse moreretur. Hinc temporalem vitam suam pro æterna vita proximi non dubitabit Christianus amittere. Quare tenetur quis baptizare infantem, & absolvere peccatorem, etiam cum periculo propria vite, si certo sciat, non posse alia via salvari, & aliunde non imminet ipsi periculum damni proprii spiritualis. Et sane hoc est præceptum meum, inquit Christus (2), ut diligatis invicem, sicut dilexi vos: Christus autem tradidit (3) semetipsum pro nobis. In hoc cognovimus Charitatem Dei, ait Joannes Apostolus (4), quoniam ille animam suam pro nobis posuit, & nos debemus pro fratribus animas ponere.

III. Cum unicuique (5) mandatum sit de proximo suo; & ita quidem mandatum, ut si peccaverit (6) in te frater tuus, corripas eum inter te, & ipsum solum; omnes & singulos, Heros præfertim, ac Patresfamilias, rogamus in Domino, & obsecramus, ut hujus præcepti memores, si quem aut viderint, aut audierint, aut opere, aut ore peccantem, Christiana lenitate corripiant, dummodo vera spes emendationis affulgeat, neque graviora inde peccata prudenter timeantur. Quod si fratrem nostrum, nondum quidem peccantem, in gravi tamen peccandi periculo constitutum agnoverimus; tunc enim vero eniti nos totis oportet viribus, ut opportunam ei, si fieri possit, feramus opem, ne tam grande malum, cujusmodi peccatum est, ab eo perpetretur. Omnes (7) enim unum corpus sumus in Christo, singuli autem alter alterius membra: ac propterea pro invicem sollicita sint membra.

IV. Ea est dilectionis (8) regula, ut quæ sibi quisque vult bona provenire, & proximo velit; & quæ accidere sibi mala non vult, & illi nolit, ut optime scribit S. Augustinus. Quamobrem licet ami-

F 2

ce,

(1) S. Aug. lib. de mendacio cap. 6.

(2) Joan. cap. 15.

(3) Ad Ephes. cap. 5.

(4) Joan. epist. 1. cap. 3. n. 16.

(5) Eccl. c. 17., & 19.

(6) Matth. c. 18.

(7) 1. Ad Cor. c. 12.

(8) S. Aug. lib. de vera Religio ne c. 46.

44 CONSTITUTIONES SYNODALES

ce, ut diximus, corripiendus sit, qui peccavit, frater; ejus tamen vitia, quæ forte nobis innotuerint, sive physica sint, sive moralia, neque detegere, neque incedere licet, sed Christiana quadam occultanda sunt prudentia, nisi Charitas ipsa, aut Pietas, aut Religio aliter exigere videatur. Quod quidem cavere potissimum debent ii, qui, aut natura, aut prava consuetudine loquaciores cum sint, non nisi de alienis vitiis aut per iram, aut per jocum miscere sermones consueverunt. Audiant hi, quid eos inoneat divina Sapiencia (1): *Audisti verbum adversus proximum tuum? commorietur in te, fidens, quoniam non te disrumpet.*

V. *Qui viderit (2) fratrem suum necessitatem habere, & clausere viscera sua ab eo, quomodo Charitas Dei manet in illo?* Ut igitur Charitas Dei in nobis maneat, corporali etiam Proximi necessitati succurrere benigne debemus; & quidem si extrema eadem sit, etiam de necessariis nostro statui; si vero gravis sit, aut communis, saltem de superfluis statui subtrahendum aliquid est, quo indigentem sublevemus. Neque vero quinquam moveat scandalosa illa, & in praxi perniciofa doctrina, quam merito Romana proscripta Ecclesia (3), quod videlicet in Sæcularibus, etiam in Regibus, superfluum statui vix invenitur, adeoque vix eorum aliquis eleemosynæ urgetur præcepto, quando illam non, nisi ex eo, quod superfluum est statui, erogare tenetur. Hæc enim doctrina non, nisi e sordida avaritiæ schola, prodire potuit, & non nisi immisericordes habere Auctores. Parochi itaque, & Concionatores eleemosynæ præceptum Fidelibus explicant, eorumque animis sapientissima hæc insinuent consilia, quæ Filio suo Tobias dedit, cum brevi se crederet esse moriturum (4). *Ex substantia tua fac elemosynam, & noli avertere faciem tuam ab ullo paupere. Ita enim fiet, ut nec a te avertatur facies Domini. Quomodo potueris, ita esto misericors. Si multum tibi fuerit, abundanter tribue; si exiguum tibi fuerit, etiam exiguum libenter impertiri stude. Præ-*

mium

(1) Eccli. c. 19.

(2) 1. Joan. c. 3.

(3) Innoc. XI. in dam. prop. 12.

(4) Tobiz cap. 4.

miuim enim bonum thesaurizas in die necessitatis, quoniam elemosyna ab omni peccato, & a morte liberat, & non patietur animam ire in tenebras. Fiducia magna erit coram Summo Deo elemosyna omnibus facientibus eam. Illos præterea doceant, hos beneficentiæ, ac misericordiæ actus non modo amicis, sed etiam inimicis, cum indigent, esse adhibendos, juxta illud Proverbiorum (1): Si esurierit inimicus tuus, ciba illum: si sitierit, da ei aquam bibere: prunus enim congregabis super caput ejus, & Dominus reddet tibi.

CAPUT V.

DE VITIIS CHARITATI OPPOSITIS VITANDIS.

I. **Q**UO impensius Christianæ Charitati, ac Beneficentiæ studere Fideles jubentur, atque ii potissimum, quos Clericali adscriptos militiæ Christum Ducem propius imitari necesse est; eo solertius etiam cavere iidem a vitiis debent, quæ huic virtuti reliquarum omnium præstantissimæ adverfantur.

II. Caveant itaque primum, ne aut proximum suum ode- rint, aut graviter indignati malum aliquod adversus illum ino- liantur, aut tandem de illius calamitate voluptatem hauriant, de prospera vero sorte tristitiam. Scriptum est enim (2): *Cum ceciderit inimicus tuus, ne gaudeas, & in ruina ejus ne exultet cor tuum.* Quare ut scandalosas, & Christianæ disciplinæ contrarias rejicimus proscriptas illas theses (3), quibus affirmatur, licere de alicujus, ac etiam Patris, vita tristari, de naturali illius morte gaudere, illanque inefficaci affectu petere, ac desiderare, non ex eo quidem, quod persona, cujus appetitur mors, infensa sit, aut displiceat, sed quod temporale aliquod ex ejus obitu speretur emolumentum.

III. Caveant præterea a contentionibus, rixis, ac discordiis fo- vendis,

(1) Prov. c. 25.

(2) Prov. c. 24.

(3) Innoc. XI. in dam. prop. 13., 14., & 15.

46 CONSTITUTIONES SYNODALES

vendis, aut ferendis, quibus non modo inter amicos, sed etiam inter consanguineos societas, & conjunctio dirimitur; ac noverint, hujusmodi homines, utpote pacis perturbatores, humanæque felicitatis hostes, a regno Dei, & pacis extorres esse futuros. *Sasurro* (1) enim, & *bilinguis*, uti monemur Ecclesiastici cap. 28., *maledictus: multos enim turbabit pacem habentes*. Multo autem magis a calumniis sive in judicio, sive extra judicium proximo impingendis absterneant: odit enim Deus calumniatores, ac severam de iis ultionem sumet juxta illud Psalmi: (2) *Judicabit pauperes populi, & salvos faciet filios pauperum, & humiliabit calumniatorem*.

IV. Qui sive precibus, sive imperio, sive consilio proximum suum ad peccandum impellit; qui aut factis, aut dictis alieno cooperatur peccato; qui deinum peccatorum suorum funes extendit in laqueum, fratrique suo juxta iter posuit scandalum; is enim vero Christianæ Charitatis hostis est insensissimus, & acerbiorum Christo Domino irrogat injuriam, quam Carnifices ipsi, qui nescientes, quid facerent, eum morti crudelissimæ tradiderunt. Ut enim recte inquit S. Bernardus: (3) *Cum proprium sanguinem Christus dederit in pretium redemptionis animarum, graviores certe ab eo sustinet persecutionem, qui suggestionem maligna, exemplo perverso, scandalosi occasione avertit ab eo animas, quas redemit, quam a Judo, qui sanguinem suum sedit*. Contra nefarios istos animarum prædones frequenter, dum verba faciunt ad populum, invehantur Parochi, propositaque, modo admissi criminis gravitate, modo divinæ impendentis ultionis atrocitate, eosdem ab hujusmodi scelere in posterum perpetrando absterreant, ad veram admissi criminis poenitentiam excitent, & qua ratione damnum illatum resarciri possit, edoceant. Illud autem potissimum tanto malo remedium esse adhibendum insinuent, ut qui (4) *cum plurimorum destructione se perdidit, cum plurimorum edificatione se redimat*.

CA-

(1) Eccl. c. 28.

(2) Psalm. 71.

(3) S. Bernardus serm. 1. in conversio-

ne S. Pauli super illud: *Saul, quid me persequeris?*

(4) Euseb. hom. 10. ad Mon.

CAPUT VI.

DE RELIGIONIS VIRTUTE.

I. **P**OST Theologicas, primum sibi inter Morales virtutes locum vindicat Religio, eaque cæteris longe est præstantior, quia, licet non proxime feratur in Deum, sua tamen præcepta, & quos præscribit actus, ad cultum, atque obsequium Deo præstandum dirigit. Religionis itaque virtus ea est, quæ verum Dei cultum, debitamque divinæ Majestati reverentiam exhibere Nos docet, ac jubet. Quamobrem quadam Justitiæ species (1) esse videtur Religio, cum certos nobis exercendos præscribat actus, quibus ex una parte Summam Dei Majestatem, supremumque in eo rerum omnium dominium, ex alia submissionem nostram, atque obsequium, & observantiam, quam ei debemus, sponte, & publice profiteamur; quod quidem nihil esse videtur aliud, quam Deo reddere jus suum, non sane quantum ille promeretur, sed saltem quantum nostræ ferre possunt vires.

II. Duplex autem genus est eorum actuum, qui a Religione præscribuntur: alii enim interni sunt (2), & hi primum, ac potissimum imperantur; externi vero alii, & hi internis subiiciuntur, a quibus etiam pretium desumunt suum. Ad primum genus pertinent, in Spiritu Deum adorare, orare, obsecrare, aliaque plurima hujusmodi: ad secundum, in adorationis signum genua flectere, caput inclinare, humi procumbere, ore psallere, sacrificium offerre, Sacra Tempia erigere, aut locupletare, aliaque id genus multa. Qua tamen in re mirari satis nemo potest incredibilem Dei benignitatem, qui, cum sit rerum omnium Dominus, pauca tamen sibi, tamquam sua, reservasse visus est; quæ proinde intacta eidem, & inviolata servari & Ratio, & Religio jubent. Et sane cum sempiternus sit Deus, & omne tempus in sua habeat

pote-

(1) S. Thom. 1.2. qu. 60. art. 3., & 2.2. qu. 61. art. 5. ad 3.

(2) S. Thom. 2.2. qu. 81. art. 7. & qu. 84. art. 2.

potestate; paucos tamen anni dies, videlicet festos dumtaxat, suo cultui peculiari quadam ratione destinavit; reliquos vero hominum commisit arbitrio, ut eos ad honestam sui utilitatem, licetamve voluptatem in mechanicis artibus exercendis, operisque præstandis servilibus, si mallerent, infunderent. Cum immensus ipse sit, & ubique locorum adsit; pauca sibi tamen servavit loca, sacras videlicet ædes, in quibus ipse, velut in Regalibus sedibus, honoraretur; cætera vero hominibus, ipsisque etiam animantibus brutis incolenda reliquit. Tandem cum ipse sit rerum omnium Creator, ac Dominus, eorum tamen dumtaxat personas peculiari ratione sibi consecravit, qui sponte, & ultro vel Sacramentum Ordinis suscipientes, vel Religiosa nuncupantes Vota, se Deo totos, divinoque servitio dedicarunt; eas vero tantum res esse suas voluit, quas seu pro sacris alendis Ministris, seu pro Ecclesiasticis obeundis functionibus, seu pro divino cultu exercendo, augendoque Fidelium pietas liberaliter erogavit. De Religionis actibus sive internis, sive externis singillatim nunc differamus.

CAPUT VII.

DE MISSÆ SACRIFICIO.

I. **I**N vera Dei Ecclesia verum aliquod Sacrificium existere semper debuit, quo Fideles divinam possent venerari Majestatem, supremum in Deo rerum omnium dominium palam profiteri, rerumque sensibilium oblatione debitam subjectionem, & honorem Conditori suo significare. Et sane etiam ante Legem Scriptam vera apud Fideles Sacrificia in usu fuisse novimus: sacrificasse enim Abel, Noe, Abraham, Melchisedech, & Job, eorumque Sacrificia Deo placuisse Sacræ testantur Litteræ. In veteri autem Testamento quatuor Sacrificiorum genera fuisse a Deo instituta, Populoque suo præscripta legimus, ut videlicet præcipuis quatuor titulis, quibus Deo obstringitur homo, pro humanarum virium imbecillitate fieret satis. Quatuor enim sunt (1), quibus

(1) S.Th. 1.2. qu.2. art.3.

quibus potissimum Deo obstringimur; summa videlicet ejus Majestas, ac dominium; gravis offensa in illum admitta; innumera, quæ ab eo accepimus, beneficia; & nova munera, quibus indigemus, & quæ, ut ipse nobis peramanter largiatur, suppliciter postulamus. Primum itaque, ac præstantius Sacrificium *holocaustum* dicebatur, quo tota igne consumebatur victima, ut debitus Deo tribueretur honos, ejusque dominium in rei illius destructione proderetur. Hostia pro peccato, seu *sacrificium propitiatorium* erat alterum; *Sacrificium laudis*, & *gratiarum actionis* tertium; *Hostia tandem pacifica* quartum nuncupabatur. Horum cuilibet sui erant a Deo præscripti peculiare Ritus, Sacræque Cæremoniæ, ut ex eorum contemplatione illi, qui adessent, ad rerum sublimiorum cognitionem eveherentur.

II. Verum quoniam (1) sub priori Testamento, teste Apostolo Paulo, propter Levitici Sacerdotii imbecillitatem consummatio non erat; oportuit, Deo Patre misericordiarum ita ordinante, Sacerdotem alium secundum ordinem Melchisedech surgere, Dominum Nostrum Jesum Christum, qui posset omnes, quotquot sanctificandi essent, consummare, & ad perfectum adducere. Is igitur primo ipso sui conceptus momento, Sacerdotem secundum ordinem Melchisedech se in æternum a Patre constitutum intelligens, continuo Patris mandato acquievit, eique seipsum pro peccatis totius Mundi obtulit in sacrificium, quod erat deinde, morte intercedente, in Ara Crucis semel consummaturus, ut æternam illic redemptionem operaretur. Hac voluntate, & oblatione, quam in Cruce moriens consummavit, nostram, ac totius Mundi promeruit sanctificationem. Sic enim inquit Apostolus: (2) *Ideo ingrediens in Mundum dicit: Hostiam, & oblationem noluisti; corpus autem aptasti mihi: holocausta pro peccato non tibi placuerunt. Tunc dixi: ecce venio s. in capite libri scriptum est de me, ut faciam, Deus, voluntatem tuam. Superius dicens: quia hostias, & oblationes, & holocausta pro peccato noluisti, nec placita sunt tibi, quæ secundum legem offeruntur;*

G

tunc

(1) Trid. sess. 22. cap. 1.

(2) Heb. c. 10.

tunc dixi: ecce venio, ut faciam, Deus, voluntatem tuam. Aufert primum, ut sequens statuat. In qua voluntate sanctificati sumus per oblationem Corporis Jesu Christi semel.

III. Cum in hoc Sacrificio idem Christus Jesus fuerit Sacerdos, & Victimam, (Christus (1) enim dilexit nos, & tradidit semetipsum pro nobis oblationem, & hostiam Deo in odorem suavitatis) non modo ejus infinitum est pretium, verum etiam in illo tota cujuslibet Sacrificii ratio reperitur. Primum igitur Sacrificium hoc holocaustum fuit, cum in eo Christus Deo Patri debitam exhiberet reverentiam, eique obediens factus fuerit usque ad mortem, mortem autem Crucis. Propterea inquit cum Patre loquens: (2) Ego te clarificavi super terram: opus consummavi, quod dedisti mihi, ut faciam. Fuit etiam laudis, & gratiarum actionis sacrificium, cum in eo gratias Patri pro beneficiis egerit, quæ in ipsum, totumque hominum genus contulerat, & erat collaturus. Ejus enim illa sunt verba: (3) Quid retribuam Domino pro omnibus, quæ retribuit mihi? calicem salutaris accipiam: cujus quidem calicis appellatione mors, quam in Cruce subiit, significabatur, ut sibi sui gloriam corporis, nobis vero omnia cum animi, tum corporis bona impetraret. Qui in diebus carnis suæ, ait Apostolus, (4) precor, supplicationesque ad eum, qui possit illum salvum facere a morte, cum clamore valido, & lacrymis offerens, exauditus est pro sua reverentia... & consummatus factus est omnibus obtemperantibus sibi causa salutis æternæ, appellatus a Deo Pontifex juxta ordinem Melchisedech. Fuit demum hostia pro peccato, seu propitiatorium sacrificium, cum ipse, qui oblatus est, quia voluit, oblatione ipsa sua factus sit (5) propitiatio pro peccatis nostris, non pro nostris autem tantum, sed etiam pro totius Mundi.

IV. Cum autem per Christi mortem (6) Sacerdotium ejus extinguendum non esset; & cum ejus in Ecclesiam amor postularet, ut eidem visibile, sicut hominum natura exigit, relinqueret

(1) Ad Ephes. cap. 5.

(2) Joan. cap. 17.

(3) Psalm. 115.

(4) Ad Heb. cap. 5.

(5) 1. Joan. cap. 2.

(6) Trid. sess. 22. cap. 1.

ret Sacrificium, quo cruentum illud semel in Cruce peractum repræsentaretur, ejusque memoria in finem usque sæculi permaneret, atque illius salutaris virtus in remissionem eorum, quæ a nobis committerentur, peccatorum applicaretur; Dominus Jesus in Cœna novissima, qua nocte tradebatur, Corpus, & Sanguinem suum sub speciebus panis, & vini Deo Patri obtulit, ac sub earundem rerum symbolis, Apostolis, quos tunc novi Testamenti Sacerdotes constituerebat, ut sumerent, tradidit, & eisdem, eorumque in Sacerdotio successoribus, ut offerrent, præcepit. Et hæc quidem illa munda oblatio est, quæ nulla indignitate, aut malitia offerentium inquinari potest, quam Dominus per Malachiam (1) nomini suo, quod magnum futurum esset in gentibus, in omni loco mundam offerendam prædixit. Hæc illa oblatio est, quæ per varias Sacrificiorum, naturæ, & legis tempore, similitudines figurabatur, illorumque omnium est quædam veluti consummatio, atque perfectio. Oblatio hæc Sacrificium (2) est vere propitiatorium, per quod fit, ut si cum corde, & recta fide, cum metu, & reverentia, contriti, ac poenitentes ad Deum accedamus, misericordiam consequamur, & gratiam inveniamus in auxilio opportuno. Hæc enim oblatione placatus Dominus, gratiam, & donum poenitentiae concedens, crimina, & peccata etiam ingentia dimittit: una enim, eademque est hostia, & idem nunc Offerens Sacerdotum ministerio, qui seipsum tunc in Cruce obtulit, sola offerendi ratione diversa.

V. Quæ cum ita sint, necessario fatendum est, (3) nullum aliud opus adeo Sanctum, ac Divinum a Christifidelibus tractari posse, quam hoc ipsum tremendum Mysterium, quo vivifica illa Hostia, qua Deo Patri reconciliati sumus, in Altari per Sacerdotes quotidie immolatur. Hinc autem quisque facile intelligit, omnem operam, & diligentiam in eo ponendam esse, ut quanta maxima fieri potest, interiore cordis munditia, & puritate, at-

G 2

que

(1) Malachiæ cap. 7.

(2) Trid. sess. 22. cap. 2.

(3) Trid. sess. 22. de cr. de obser., & evit. in celebr. Missæ.

que exteriori devotionis, ac pietatis specie peragatur. Sacerdotes itaque omnes monemus, atque enixe obsecramus in Domino, ut, antequam ad Altare sacrificaturi accedant, seipfos probeant, & si qua forte culpæ lethalis labe pollutos se noverint, Deo per Sacramentum Pœnitentiæ reconcilientur, ne rei fiant Corporis, & Sanguinis Domini, neve fumant (1) de Sacrificio poenam, facientes sibi de propitiatione peccatum. Ecclesiastica enim consuetudo declarat, (2) eam probationem necessariam esse, ut nullus sibi conscius peccati mortalis, quantumvis sibi contritus videatur, absque præmissa Sacramentali Confessione ad Sacram Eucharistiam accedere audeat; quod a Christianis omnibus, etiam ab iis Sacerdotibus, quibus ex officio incubuerit celebrare, Tridentina Synodus perpetuo servandum esse decrevit, modo non desit illis copia Confessarii, eosque celebrandi necessitas urgeat. *Sacerdotes igitur, (3) qui accedunt ad Dominum, sanctificantur, ne percutiat eos.*

VI. Nemo Missam celebrare audeat, quin prius, (4) alienis curis sepositis, se per aliquod tempus collegerit, & elicitis Fidei, Spei, & Charitatis, aliarumque virtutum actibus, consuetisque precibus recitatis, sese ad tantum holocaustum offerendum rite, recteque disposuerit, quod quidem præstabit etiam, Sacro jam peracto, ut gratias agat Deo suo, & pascatur in deliciis ejus, nec particula boni doni eum prætereat. In sacro peragendo nemo Ritus alios, aut alias Cæremonias, & preces adhibeat, præter eas, quæ in Missali Romano præscribuntur: in iis autem adhibendis, ac recitandis neque festinanter nimis, neque nimis lente procedatur, sed ita res temperetur, (5) ut tempus in Missæ celebratione infundendum neque tertia horæ parte sit brevius, neque dimidiam horam multum excedat. Qui ad Sacerdotium recenter promotus est, ne Sacrarum Cæremoniarum ignarus ad celebrandum teine-

(1) S. Hieronymus.

(2) Trid. sess. 13. cap. 7., & can. 11.

(3) Exodi cap. 19.

(4) Concil. Mediol. I. sub S. Carolo
part. 2. de Sacrificio Missæ.

(5) Benedictus XIV. De Sacrif. Missæ
lib. 23. cap. 24. §. 3., Conc. Rom. sub
Bened. XIII. in Appendice cap. 18., &
Synod. Tusculan. anni 1703. cap. 8.

temere accedat ; primum Deo Sacrificium non offerat , nisi expressam ad id a Nobis licentiam obtinuerit , quam non erimus concessuri , nisi de sufficienti ejusdem in Sacris Ritibus peritia ex Cæremoniæ Magistri, aut alterius a Nobis deputandi testimonio plane constiterit .

CAPUT VIII.

DE CELEBRATIONE MISSARUM.

I. **C**UM Pontifices, ut inquit Apostolus, (1) ex hominibus assumpti, pro hominibus constituantur in iis, quæ sunt ad Deum, ut offerant dona, & sacrificia pro peccatis ; Nos Tridentini Concilii (2) auctoritatem secuti, volumus, ut omnes, & singuli Sacerdotes, cujuscumque gradus, & dignitatis, & conditionis illi sint, Dominicis, & reliquis Festis diebus, nisi jure impediuntur, Missam celebrare non omittant. Eos vero, qui curam habent animarum, tam frequenter Missas celebrare jubemus, ut suo muneri satisficiant. *Exterminabitur (3) anima illa de populis suis, quia Sacrificium Domino non obtulit tempore suo : peccatum suum ipsa portabit.* Hæc Mosaicæ Legis tempore constituta a Deo fuerat pœna adversus illos, qui Sacrificium Domino non offerrent tempore suo, cum tamen ejus temporis Sacrificium incruenti novæ legis Sacrificii umbra dumtaxat esset, ac figura. Quanto igitur graviores Deus repetet pœnam ab iis Novi Testamenti Sacerdotibus, qui tempore suo desides cessabunt divina celebrare Mysteria !

II. Cum autem Sacerdos, qui non celebrat, quantum in ipso est, ut ait Venerabilis Beda, (4) privet Trinitatem laude, & gloria, Angelos lætitia, peccatores venia, justos subsidio, & gratia, in Purgatorio existentes refrigerio, Ecclesiam Christi speciali beneficio, & seipsum medi-

(1) Ad Hebr. cap. 5.

(2) Trid. sess. 23. c. 14. de refor. Conc. Provin. Mediol. l. rit. de frequ. div. Sacrif. oblat., Concil. Rhemen. ann. 1583, &

Conc. Tolosan. ann. 1524.

(3) Numerorum cap. 9. v. 13.

(4) Ven. Beda de Sacrif. Missæ.

dicina, & remedio contra quotidiana peccata, & infirmitates; Proinde Sacerdotes omnes in Domino hortamur, ut religiose, sancteque viventes, ac rite, recteque dispositi, quotidie immaculatum, vereque propitiatorium Deo offerant Sacrificium. Verissimum enim semper fuit, (1) quotidianam Missæ celebrationem cum Jesu Christi, tum Ecclesiæ sensui esse apprise consentaneam, dummodo ea, qua par est, interna animi reverentia, externaque corporis modestia celebretur.

III. Tridentina Synodus (2) curare Episcopos jubet, ut non, nisi debitis horis, incruentum Missæ Sacrificium offeratur, ab Aurora videlicet usque ad Meridiem, uti Romani Missalis Rubrica præscribit. Verum cum Benedictus XIII., (3) & Clemens XII., audito prius plurium Cardinalium, Præfulum, ac Doctorum consilio, tempus hoc aliquantulum ampliandum esse censuerint, tertiam horæ partem ante Auroram, & tertiam post Meridiem Sacerdotibus ad celebrandum permittentes; Nos etiam in tota hac Nostra Diœcesi eandem Presbyteris facimus potestatem, ea tamen conditione adjecta, ut iidem tertiam horæ partem ante Auroram pro Missis inchoandis, & tertiam horæ partem post Meridiem pro illis absolvendis nulla omnino ratione prætergrediantur, nisi forte aut privilegium aliquod ab Apostolica Sede impetraverint, aut pro speciali aliquo casu peculiaris a Nobis concessa iisdem fuerit licentia. Ab hac tamen universali regula solemnem excipimus Missam, quæ, juxta vetustissimam Ecclesiæ disciplinam, Dominicæ Nativitatis nocte pluribus in Templis, præsertim Cathedralibus, & Collegiatis, celebrari solet, in qua (4) tamen sub pœna suspensionis, aliisque arbitrio Nostro infligendis pœnis districtè prohibemus, ne Sacra Populo Eucharistia minuitretur.

IV. Ex-

(1) Benedictus XIV. de Sacrif. Miss. lib. 3. cap. 2. §. 10. in fine.

(2) Trid. sess. 22. decr. de obser. & evit. in celeb. Missæ.

(3) Concil. Rom. sub Benedicto XIII. in Appendice cap. 18., & Benedictus XIV.

Instit. 13. §. 3., 4. & 5., & Instit. 68. §. 12.

(4) Sac. Rit. Cong. in Pisfauren. 7. Dec. 1641., & alibi, & Sac. Cong. Conc. de mandato Innoc. XI. decr. de comm. quotid. 12. Feb., & Conc. Mediol. sub S. Carolo Joc. cit.

IV. Extra Ecclesiam (1) vel consecratam, vel saltem Ordinaria, seu Nostra, seu Prædecessorum Nostrorum auctoritate benedictum nemini sacrum facere liceat. Quare in privatis Oratoriis, etiam post impetratam Sedis Apostolicæ dispensationem, si quis sive Sæcularis, sive Regularis Sacerdos celebrare Missam audeat, antequam visa, recognita, & approbata a Nobis fuerint, is suspensionem ipso facto incurrat; eadem vero Oratoria sint ipso facto interdicta. Si quæ autem hujusmodi Oratoria approbata a Nobis, aut a Nostris Prædecessoribus fuerint, in iis non, nisi una, quotidie celebretur Missa, cujus tamen celebratio Festis solemnioribus non licebit. Cæterum eadem Oratoria, nisi servata fuerint, ac serventur conditiones in Apostolico Indulto præscriptæ, a Nobis approbata non censeantur.

V. Nullus Sacerdos, (2) sive Tusculanus sit, aut Dicecesanus, sive hospes, aut advena, ad Missam celebrandam, aliasve sacras obeundas functiones sine veste talari accedere audeat; aut (3) sub cujuscumque necessitatis, aut consuetudinis prætextu sine Apostolicæ Sedis privilegio in Missæ celebratione pileolo utatur, aut anulum gestet in digito, aut sacras ex Altari vestes sumat, quibus celebraturus induatur. Unicus præterea sit in Missa privata sive Clericus, sive Laicus, qui celebranti ministret, isque vir sit, non femina: mulieres enim, licet Sanctimoniales, ab hujusmodi ministerio sunt omnino repellendæ. Dominicis autem, Festisque diebus in majori sive Cathedralis, sive Ecclesiarum Parochialium Ara non, nisi Clericus albo indutus superpelliceo, Presbytero Missam Parochialem celebranti inserviat.

VI. An-

(1) Trid. sess. 22. de cr. cit., & sess. 24. cap. 11., cap. Cum Capella, & cap. Cum plantare. de Privileg., & cap. Venerabili. de V. S., Sac. Cong. Concil. de mandato Pauli V. 10. Martii 1615.

(2) Sac. Cong. Concil. in Bononien. 20. Julii 1620., & in Neapol. 17. Aug. 1630., Innoc. XII. pro Urbe 20. Nov. 1691.

(3) Can. Nullus Episcopus, can. Altaris palla; can. Vestimenta. de consecrat. dist. 1., Urbanus VIII. in Bulla ante init. Missalis; Sac. Rit. Cong. 11. Feb. 1623., & 20. Jul. 1670., cap. Propefuit. de Filiis Presb., Conc. Mogunt. sub Leone III. can. 43.

VI. Antequam Sacerdos celebraturus sacris se vestibus induat, (1) neque cum aliis colloquatur, neque aures colloquentibus præbeat, sed preces, quas lecturus in Missa est, diligenter prævideat, easque in Missali peculiaribus adnotet signis, ne inter celebrandum aut anceps hæreere, aut turpiter errare cogatur. Mentem deinde suam, oculosque ab iis omnibus avertat, quibus a re divina, quam facturus est, distrahi animus facile possit. Quin etiam erecta ad Deum mente, (2) vultuque ad modestiam composito, dum e Sacrario ad aram pergit, ut pii Sacerdotes facere solent, contrito corde recitet psalmum *Miserere*, & recto capite, erecto corpore, demissis oculis, graviq; incedens passu, nemini, nisi forte Episcopo suo, salutationem impertiatur, aut referat. Calicem injecta sinistra manu ad nodum, qui inter pedem ejusdem Calicis, & craterem eminet, sublatum ante pectus sustinebit: dextera vero, ne quid eorum, quæ superposita sunt, decidere possit, superne premet. Si ante Aram transeat, in qua vel publicæ adorationi exposita pateat Eucharistia, vel populo a celebrante Sacerdote veneranda efferatur; tunc utroque flexo genu, nudatoque capite Sacramentum adoret. At si ante Tabernaculum transeat, in quo divinum asservatur Sacramentum; altero tantum genu ad terram dato, operto tamen capite, Servatori suo reverentiam exhibeat. Altare vero majus prætergrediens, aut Episcopo suo occurrens, utrique sola corporis, opertique capitis inclinatione debiti honoris præbeat significationem.

VII. Sacra supellex (3) in hoc incruento adhibenda Sacrificio, si pretiosa, ut par esset, haberi nequeat, munda saltem sit, ac nitida, non fordida, non obsoleta, neque indecenter compacta, servatis etiam pro temporum, ac Missarum ratione præscriptis ab Ecclesia indumentorum coloribus. Consuetis præterea ritibus, precibusque aut benedicta sit, aut Sacro Chrismate delibuta, prout

Cano-

(1) Synodus Tusculana anni 1703. c. 8.

(3) Can. *Vestimenta*; & can. *Ut Calix*.

(2) Rubricæ Missalis Romani, & Synodus Amerina ann. 1795. cap. 335.

de consecr. dist. 1.

Canonicæ exigunt Constitutiones. Calicis saltem crater (1) ex argento conflatus sit, concavamque superficiem inauratam habeat: reliquæ vero ejus partes, & patena, si id Ecclesiæ paupertas exigat, fieri ex inaurato ære, vel aurichalco poterunt. Si quis in Missæ Sacrificio Vasis Sacris vel ex inferiore compactis materia, vel non consecratis, vel quoquo modo execratis utatur; Canonicam ab officio, & beneficio depositionis pœnam incurrat. Tribus (2) omnino lineis mappis, iisque benedictis Altaris mensa contegatur, quæ vel ex integro constet marmore, sitque consecrata; vel sacramentum saltem lapidem in media sustentet Ara. Si forte execratum Altare fuerit, super eo Missam celebrare nemo audeat: qui secus fecerit, sacrilegus censeatur, & canonicis multetur pœnis. Post Panis, & Vini consecrationem, non nisi super sacro lapide Calix, & Patena cum Hostia, & cum Particulis, si quæ sint, collocentur, ne Sacerdos erga Christi Corpus minus reverenter se gerere videatur. Is etiam, post haustum Christi Sanguinem, vino (3) Calicem purificet, quod per eandem Calicis partem potabit, per quam Christi Sanguinem ebibit.

VIII. Cum Missa celebratur, binæ (4) ex candida dumtaxat cera super Altaris gradu ardeant candelæ, inter quas Crux (5), & Christi ex ea pendens imago emineat; quod quidem præterminandum non est, licet in eo Altari Tabernaculum adsit (6), in quo Pyxis cum sacris Particulis asservatur. Quod si Sacrum in eo Altari peragatur, in quo Divina Eucharistia publicæ Fidelium venerationi proposita palam cernitur; quamquam olim (7) Sacrorum Rituum Congregatio declarasset, etiam tunc Crucem cum Chri-

H

fili

(1) Can. *Ut Calix*, de consecr. dist. 1., cap. ult. de celebratione Missarum, & cap. *Cum venisset*, de Sacra Unctione.

(2) Can. *Consulto*, de consecr. dist. 1., Can. *Si per negligentiam*, de consecr. dist. 2., Can. *Nullus Presbyter*; & Can. *Altaria*, de consecr. dist. 1.

(3) Cap. *Ex parte*, de celebrat. Missæ, &

S. Pius V. Epist. ad Episcopos. Tarracon.

(4) Cap. *Litteris*, de celebr. Missarum.

(5) Missale Rom. rub. 20., & Cærem. Epist. l. 2. c. 12.

(6) Cong. Sac. Rituum ann. 1663. Meratus per. 3. tom. 1. num. 400.

(7) Cong. Sac. Rit. 14. Maii 1707.

78 CONSTITUTIONES SYNODALES

sti imagine super Altari esse collocandam; Postmodum (1), re-
iterum in examen deducta, ac diligenter, accurateque perpen-
sa, decrevit, ut quælibet Ecclesia morem, & institutum, quod an-
tea servaverat, in posterum quoque retineret, itaut nihil immu-
tetur in ea Diœcesi, ubi Crux in Altari constitui soleat, dum
Missa celebratur, etiamsi Sacra Eucharistia publice prosteret; ne-
que nova disciplina in ea Diœcesi excitetur, ubi contraria hujus-
ce rei consuetudo jampridem invaluerit. At si in majori Altaris
tabula Salvator noster affixus Cruci depictus, aut calatus appa-
reat, itaut primum locum obtineat præ cæteris omnibus, quæ in
eadem tabula exprimuntur; tunc necesse non est (2), ut Crux
cum Christi pendentis imagine super Altari, dum Sacrum pera-
gitur, collocetur. Hæc omnia erudite recenset, laudat, ac probat
Benedictus XIV. in sua peculiari Constitutione (3), quam
universis Ecclesiasticæ ditionis Archiepiscopis, Episcopis, atque
Ordinariis inscripsit, & cujus exemplar in Appendice hujus Syno-
di num. 4. exhibemus. Occasionem autem hujus edendæ Con-
stitutionis idem Pontifex sic exponit. *In Altaribus, quæ per Ec-
clesias erecta sunt, & in quibus Sacrum fieri consuevit, præter majo-
rem tabulam, quæ vel depictam, vel incisam exhibet imaginem Sancti;
in cujus nomen, & memoriam Altare consecratum est, adjungi capit
alia minor tabula, in qua vel coloribus exprimitur, vel ære, ligno, aut
marmore inciditur effigies alterius Sancti, itaut Crux auferatur, quæ
juxta Rubricas inter candelabra collocari debet. Cum vero neminem la-
teat, rem divinam confici non posse, nisi Crux cum imagine Sanctissimi
Crucifixi super Altari constituatur; hinc minori tabula superadditur
exiguus adeo Crucifixus, ut neque Presbyteri celebrantis oculis facile oc-
currat, neque ab ullo alio distingui ferme possit, nisi hic diligenter per-
scrutetur, utrum super Altari revera Crucifixi imago proposita fuerit.
Equidem non improbamus, quod idem Altare in plurium Sanctorum
nomen,*

(1) Sac. Cong. Rit. 1. Sept. 1741.

dice Decretorum tom. 1. part. 2. num. 400.

(2) Sac. Cong. Rit. anno 1663., Mera-
tus tom. 1. part. 1. tit. 1. num. 6., & in In-

(3) Benedictus XIV. in sua Constit. *Ac-
cepimus*. 16. Julii 1746.

nomen, ac memoriam deducetur, quodve in majori tabula aut unus tantum, aut plures etiam Sancti pingantur, vel denique, quod alia minor tabula collocetur inferior, aut alio quocumque modo, ubi unus, vel plures Sancti Fidelium venerationi proponantur. Illud permittere nullatenus possumus, quod Missæ Sacrificium in his Altaribus celebretur, quæ careant imagine Crucifixi, vel ipsa incommodè statuatur ante Presbyterum celebrantem, vel ita tenuis, & exigua sit, ut ipsius Sacerdotis, & populi assistentis oculos pene effugiat. Id enim alienum est a legibus, & institutis Ecclesiæ, quæ in Rubricis, aliisque Ecclesiasticis Sanctionibus continentur. Id etiam maxime contrarium est sacræ antiquitati, & Ecclesiarum etiam Orientalium consuetudini, itaut certissimum sit violari leges Ecclesiæ, si exigua solum imago Crucifixi præfigatur minori tabulæ, vel statua Sancti, qui superadditur, ut illum Fideles venerentur. In fine autem laudatæ Constitutionis sic Episcopos, præsertim Suburbicarios, alloquitur: Itaque vos omnes, Venerabiles Fratres, ad quos hæc Apostolica scripta dirigimus, curam magnopere impendite, ne vestras in Dioceses irrepat consuetudo, quam superius explicavimus. Quod si jam ipsa invaluerit, humanitatem prius, ac deinde severitatem, si opus fuerit, adhibentes, illam penitus convellite. Et paulo post subdit: Illud monendum superest, eam Nobis mentem haud esse, ut imagines Sanctorum, quæ majori tabulæ Altaris superadditæ sunt, de medio auferatis, cum fortasse defuturi non essent invidi, qui, ut pietati vestræ maculam inarent, in vulgus disseminarent, vos nulla duci religione in eum Sanctum, cujus paginem Fidelium venerationi subducitis. Illud vobis præcipimus, ut nullo modo patiamini, rem divinam fieri ad huiusmodi Altaria, nisi Crucifixus inter candelabra ita promineat, ut Sacerdos celebrans, ac populus Sacrificio assistens eundem Crucifixum facile, & commodè intueri possint; quod evenire nequit, si exigua solum Crux minori tabulæ defixa Fidelibus exhibeatur. Si ejusmodi corruptela in Diocesi non valde propagata est, facile extingui poterit, si privatim Regulares, aut Sæculares Ecclesiarum Superiores de hac re moncantur. Si autem late per Diocesim invaluerit, tunc a vobis edictum necessario promulgandum erit, quod his nostris litteris conformetur.

IX. Missale duntaxat Romanum (1) in celebratione Missarum adhibeatur, ita ut sine illo celebrare nemini liceat, quamquam Celebrans memoriter totam Missam, totumque Canonem probe teneat: corrosum autem Missale non sit, nec vetustate attritum, aut in Canone, aliisve Missæ partibus deficiens, vel mutilatum. Rubricas omnes, ac caeremonias (2) in Missali pro Divini Sacrificii celebratione præscriptas a Sacerdotibus diligenter servari jubemus, iisque diiuncte præcipimus, ne quid in Missa contra easdem Rubricas vel addant, vel demant. Vicariis vero Foraneis mandamus, ut quos Sacerdotes in Sacris adhibendis caeremoniis, dum celebrant, negligentes noverint, vel quos aut verba mutilare, aut eadem præposuere, indebiteque proferre sciant, Nobis, aut Vicario Nostro Generali denuncient, eorumque super hac re conscientiam oneramus.

X. Missam inchoatam (3) non perficere, aut cæptam interrumpere, aut iterum in alicujus gratiam inchoare, sub pœna suspensionis ipso facto incurrenda omnino prohibemus, nisi forte, ex gravissima causa a Sacris Canonibus recensita, vel cæpta interrumpenda sit, vel etiam imperfecta relinquenda; ut si excommunicatus (4) non toleratus divino Sacrificio interesse auderet. Tunc enim curare debet Sacerdos, ut is discedere jubeatur. Quod si parere noluerit (in quo casu aliam excommunicationem, & quidem Papæ reservatam, incurret) per Clericos, aut etiam, si opus sit, per Laicos expellatur. Si autem id commodè fieri nequeat, Sacerdos ab Altari recedat, nisi Canonem cœperit recitare: tunc enim solo retento Ministro, & dimissis adstantibus Fidelibus, ne cum excommunicato in divinis communicent officiis, Sacrificium usque ad ejus consumptionem duntaxat, omiſſis reliquis, prosequatur. Servandum id etiam erit, si forte Sacrificii tempore Ecclesia

(1) S. Pius V. Const. *Quo primum* pridie. Id. Jul. 1570.

(2) Trid. sess. 22. decr. de obs., & vit. in celeb. Miss., & Pius V. cit. Const. *Quo primum*.

(3) Can. *Nihil*. caus. 7. q. 1., Can. *Nutius*. de consecr. dist. 1., Conc. Prov. Mediol. 1. loc. cit.

(4) Cap. *Ex parte*. de celebratione Missar., & Clem. *gravis* cod. tit.

clesia (1) polluat. At si ante celebrationem polluta fuerit Ecclesia; qui in ea scienter celebrat, suspensionem ipso facto incurrat. Lufci (2), dæmoniacy, capite laci, vomitu, aut comitali morbo laborantes, aliisque affectu incommodis, propter quæ verendum prudenter est, ne Sacrificium vel inceptum relinquere, vel indecenter tractare cogantur, Nobis inconsultis, & non præmissa ad normam Sacrorum Canonum certa experientia, cujus Nobis iudicium reservamus, celebrare nullo modo audeant. Qui secus fecerint, pro modo periculi, Nostroque arbitrio, dignas dabunt pœnas.

XI. Feria v. in (3) Cœna Domini, Feria vi. in Parasceve, & Sabbato Sancto non, nisi una, & quidem solemniss. Missa, in iis solis celebretur Ecclesiis, in quibus Christi Corpus, ad piam Dominicæ Sepulturæ instaurandam recordationem, in urna, ut mos est, decenter ornata, velut in quodam reconditur Sepulcro. Dominicæ etiam Nativitatis nocte unum dumtaxat Sacrificium in iis Templis, in quibus id licet, offerri solemniter possit: reliquorum vero celebratio ad consuetum auroræ tempus differatur. Missa (4) de Patre Æterno, aliasque huiusmodi plures a Sacra Rituum Congregatione non approbatas, & Missas (5) defunctorum pro vivis perinde, ac si jam obiissent, sub gravissimis Nostro arbitrio infligendis pœnis interdiciamus. Festis item sub ritu duplici diebus Missam Defunctorum (6), quamquam a Fundatoribus, seu Benefactoribus præscriptam, celebrare nemini liceat: injuncto tamen oneri satisfiet, si Missa de Festo Duplici juxta piam Fundatoris,

est

(1) Can. *Ecclesiam de consec. dist. 1., cap. Consulisti de consec. cap. Si Ecclesia de consec. in 6., & cap. Is qui de sentent. excom. in 6.*

(2) Can. *Communit. dist. 33., & can. Nuper. caus. 7. qu. 1.*

(3) Can. *Sabbato de consec. dist. 3. Sac. Rit. Congr. de mandato Alex. VIII. 12. Februar. 1., & 11. Mar. 1690., & alias sapissime.*

(4) Sac. Rit. Congr. de mandato Urbani VIII. 8. Apr., & 18. Octob. 1628.

(5) Rub. Missal., Bulla cit. Pii V., & Trid. sess. 12. decr. de obl., & vit. in celebr. Missar.

(6) Decr. Encycl. Sac. Rit. Congr. de mandato Alex. VIII. 5. Aug. 1662., Breve Alex. VII. 21. Januar. 1667., Breve Clement. IX. 23. Sep. 1669.

aut Benefactoris applicetur voluntatem . Quod servandum etiam est , quando in Altaribus , ut ajunt , Privilegiatis , divinum offerendum est Sacrificium : declaravit enim Clemens IX. , in his casibus , si Missa de Festo duplici celebretur , Indulgentias Defunctis suffragari , perinde ac si Defunctorum Missa in iisdem celebraretur .

XII. *Cum præcepto divino mandatum sit omnibus , quibus animarum cura commissa est , oves suas agnoscere , Et pro his Sacrificium offerre , uti Tridentina Synodus (1) docet ; & cum post plurimas conformes Sacræ Congregationis Concilii declarationes , & fere unanimem ea super re Doctorum consensionem , solemnem etiam sua Constitutione (2) , quæ incipit : Cum semper , Benedictus XIV. declaraverit , eos , quibus animarum cura demandata est , non modo sacrificium Missæ celebrare , sed illius etiam fructum medium pro Populo sibi commisso applicare debere , nec illud pro aliis applicare , aut pro hujusmodi applicatione eleemosynam percipere posse ; Nos hanc Tridentini Concilii intelligentiam , tum a Doctoribus , & a Sacra Concilii Congregatione , tum a Romanis Pontificibus approbatam , & confirmatam libentissime amplectimur , & ut eadem in Nostra Diocesi omnimodæ executioni demandetur , omnibus , ad quos spectat , tota , qua pollemus , auctoritate præcipimus . Ne quis vero inani aliquo effugio implementum prædictæ obligationis declinet ; ad normam laudatæ Constitutionis Benedicti XIV. , quam in hujus Synodi Appendice n. 5. adiiicimus , ea , quæ sequuntur , decernimus , & in posterum diligentissime servari jubemus . Primum itaque edicimus , omnes , & singulos , qui actu curam animarum exercent , sive Parochi sint , sive Vicarii , sive perpetui , sive ad tempus , sive etiam Œconomi , sive Sæculares sint , sive Regulares , sive quacunque tandem etiam specifica mentione digni , Missam Parochialem pro Populo ipsorum curæ commisso offerre , & applicare debere . Decernimus deinde , ut , licet Parochi , seu alii curam animarum habentes ,*

con-

(1) Trid. sess. 23. cap. 1. de refor.

(2) Benedictus XIV. const. *Cum semper*

edita 19. Aug. 1744. Synodus Tusculana anni 1703. cap. 8. versus finem .

congruis præfinitis redditibus destituantur, & licet ex antiqua, seu etiam inmemorabili consuetudine in eorum Parochiis Missa pro Populo antehac applicata non fuerit; eadem nihilominus omnino in posterum ab ipsis applicetur. Statuimus tertio, ut ii, qui curam animarum exercent, sive pingues, & uberes, sive exiguos, & incongruos habeant redditus, singulis Dominicis, aliisque per annum festis de præcepto diebus Sacrificium Missæ pro Populo applicare teneantur. Tandem licet concessa Episcopis a Benedicto XIV. facultas fuerit dispensandi cum Parochis, seu Vicariis, seu Œconomis adeo pauperibus, ut ferme ex eleemosynis, quas a Fidelibus pro Missarum celebratione accipiunt, vivere cogantur; dispensandi, inquam, cum iis, ut diebus Festis eleemosynam ab aliquo pio offerente recipere, & pro ipso Sacrificium applicare libere, ac licite possint, dummodo ad necessariam Populi comoditatem in ipsa Ecclesia Parochiali Missam celebrent, & mox tot Missas intra hebdomadam pro Populo applicent, quot in diebus Festis intra eandem hebdomadam occurrentibus juxta peculiarem intentionem pii Benefactoris obtulerint; sciant tamen omnes, sine peculiari ejusmodi facultate a Nobis in scriptis concessa, nemini sub quocumque titulo, aut prætextu, sive Nuptiarum, sive alterius cujuslibet solemnitatis, diebus Dominicis, & Festis de præcepto eleemosynam recipere, & pro Benefactore Missam applicare licere, sed omnino, repudiata qualibet pinguissima eleemosyna, pro Populo Sacrificium recensitis diebus offerendum esse, atque applicandum.

XIII. Sapientissimis Sacrorum Canonum sanctionibus, ac nuper laudatæ Benedicti XIV. (1) Constitutioni inharrentes, districte præcipimus, ut Missa Conventualis, quæ a nostræ Cathedralis Ecclesiæ Clero cum cantu quotidie celebratur, pro ejusdem Benefactoribus in genere quotidie etiam applicetur. Cum autem juxta Generales Rubricas, quarum exactissimam custodiam eidem Nostræ

(1) Bened. XIV. Const. cit. *Cum semper* cap. 8., Sac. Cong. Conc. in Tuscul. 6. per §. 11., & Synodus Tuscul. anni 1703. Nov. 1652., & alibi sæpe

64 CONSTITUTIONES SYNODALES

Nostræ Cathedralis Clero enixe commendamus, certis diebus, non una, sed plures Conventuales Missæ celebrentur; quoad earum applicationem, & emolumentum decernimus, ut Canonici, & Beneficiati prædictæ Pontificis Maximi Decretali, suisque Capitularibus Constitutionibus obsequantur.

XIV. In quolibet extra Nostram Tusculanam Urbem Diœcesis Pago (1) Festis de præcepto diebus nullus Sæcularis Presbyter, excepto eo, qui summo mane ob commoditatem Populi celebrare debet, ante Parochialem Missam divinum celebret Sacrificium, nisi accepta a Parocho facultate; cujus tamen prudentiæ committimus, ut attente dispiciat, quid in his, vel illis circumstantiis Populi commodo, ac pietati magis expedire videatur. Regularibus vero exemptis, quos Festis diebus ante Missam Parochialem celebrare non prohibemus, edicimus (2), ut si ante prædictam Missam celebrent, Festa, ac jejunia intra hebdomadam occurrentia adstanti Populo denuncient. Parochus autem quoad Parochialis Missæ celebrandæ tempus, non suæ, sed ovium suarum commoditati consulat, ac necessitati. Nemo in Ecclesia celebret, dum concio habetur ad Populum, neque dum ea proxime est habenda, Sacerdos ullus e Sacrario ad Altare sacrificaturus accedat. In Cathedrali (3) Templo, dum Pontificalis Missa celebratur, nemo, nisi illa absoluta, vel nisi obtenta a Nobis licentia, Sacrum facere audeat. Tandem cum in tota fere Tusculana Diœcesi laudabilis illa invaluerit consuetudo, (quæ in Cathedrali nostro Templo, & alibi etiam in nostra Diœcesi ex pia Testatorum voluntate abiit in legem) ut Sacerdos aliquis quotidie summo mane rem sacram faciat, cui Populus, antequam ad rusticos, aut mechanicos pergat labores, interesse possit; Parochos, aut Vicarios Foraneos hortamur plurimum, ut eorum cura,

(1) Sac. Congr. Epif. 14. Maii 1581., & 24. Maii 1685., Conc. Colon. 3. par. 2. cap. 19., Synodus Sabinen. anni 1726. par. 2. cap. 1. §. 6.

(2) Synodus Iſclana anni 1716. par. 2.

cap. 3. §. 1. num. 12.

(3) Can. *Et hoc attendendum.* de consec. dist. 1., & Conc. Mediol. IV. part. 2. tit. *Quæ pertinent ad S. Missæ Sacrificium.*

cura, diligentiaque hæc utilissima Populo consuetudo servetur, imo etiam, quoad fieri possit, frequentiori hominum concursu augeatur. Plurimi enim interest, ut Christiani fideles non ante diurnis vacare incipiant laboribus, quam tanto ditescant bono, amplissimisque divini Sacrificii fructibus potiantur.

XIV. Triplex est Missæ fructus: primus videlicet generalissimus, cujus Fideles omnes participes sunt: alter specialissimus, quo solus fruitur Sacerdos: tertius tandem medius, quem Celebrans iis applicat, pro quibus incruentum offert Sacrificium. Multis autem nominibus obligari quis potest ad Missæ fructum medium pro aliis applicandum, ratione videlicet vel officii, vel oneris Beneficio adjecti, vel eleemosynæ Sacerdoti celebranti datæ. Ratione muneris, seu officii Parochos ad Missam Parochialem pro Populo Dominicis, ac Festis de præcepto diebus, Clerum vero Collegiatæ, seu Cathedralis Ecclesiæ ad Missam Conventualem pro Benefactoribus in genere quotidie applicandam obligari, jam superius statuimus. De reliquis modo titulis dicendum est, ut, quæ servandæ sunt, leges omnibus innotescant.

XV. Ratione oneris Beneficio adjecti tot Missas pro Fundatore, aut pro aliis a Fundatore designatis applicare Beneficiarius debet, quot præscriptæ in fundatione fuerint. Imo etiam quoad certum diem (1), aut Altare, in quo celebrandæ sunt, fundationis omnino servare is debet leges. Quare nullus Sacerdos, aut diem, aut Altare, quibus Missarum onus addictum est, etiam ad certum tempus, mutare audeat, nisi Nostram ad id peculiarem a Nobis obtinuerit facultatem, quam sane non, nisi iusta, legitimaque de causa, ad Sacrorum Canonum normam largiemur (2).

I

Etiam si

(1) Sac. Congreg. Conc. in Romana 4: Aug. 1654., in Bergomen. reductionis Missarum. 10. Julii 1728., in Neapolit. Capellaniarum. 26. Junii 1731., in Romana Translationis oneris Missarum. 28. Julii 1731., in Messanen. Commutationis Voluntatis 18. Nov. 1741., in Bononien. Le-

gati Missarum 12. Januarii 1743., & in Barchinonen. operis pii, seu Missæ quotidianæ 22. Julii 1758.

(2) Sac. Cong. Conc. in Atinen. applicationis Sacrificii 18. Aug. 1668., & in Ferrarien. 26. Martii 1728., & alibi.

66 CONSTITUTIONES SYNODALES

Etiamsi Fundator Beneficio, aut Capellanix onus Missarum celebrandarum imposuerit, quin ullum de earum applicatione verbum fecerit; intelligendum tamen est, ac præsumendum, adjectum quoque ab eo fuisse onus, ut Missæ pro Fundatore applicentur. At si Fundator (1) certum sibi Missarum numerum applicari iusserit; reliquas vero celebrandas dumtaxat edixerit; tunc priores pro illo, non vero posteriores applicare Beneficiarius jubetur. Præterea si pro se Fundator (2) Beneficiatum, aut Capellanum orare in iis Missis iusserit, pro quibus celebrandis certos redditus constituit; vox illa *orare* ex Sacræ Congregationis Concilii declaratione Missæ applicationem significat. Quod si Fundator plures instituerit (3) Capellanas onere adjecto, ut Missæ pro se, vel pro aliis applicentur, aliud vero Beneficium, seu Capellaniam erexerit, & Beneficiarium pro se orare dumtaxat iusserit; tunc rectissime præsumitur, ab hujus posterioris Beneficii possessore non Missarum applicationem postulasse, sed tantum ut sui expresse in præscripta Missarum celebratione meminerit. Tandem Sacerdos (4), qui ex Fundatoris jussu sacrum facere quotidie per seipsum debet, fructumque medium pro Fundatore, aut pro ejus Familia applicare; potest quidem vel ob decentiam, vel ob reverentiam a celebranda Missa aliquando abstinere: at si celebret; neque sibi, neque aliis applicare Sacrificium potest; semper enim incruentum, quod offert, Sacrificium pro Fundatore, aut ejus Familia debet offerre.

XVI. Stipendium, quod ex communi Ecclesiæ disciplina Sacerdotibus traditur pro fructu medio Sacrificii sibi comparando, & quod loco panis, & vini, quæ antiquitus offerebantur, suffectum fuit; nulla plane Simonix macula inficitur, si in eo recipiendo, aut exigendo statutz ab Ecclesia leges inviolate custodiantur. Non enim, ut optime docet S. Thomas (5), Sacerdos pecuniam,

quasi

(1) Benedictus XIV. de Sac. Missæ Sacrif. Lib. 3. c. 9. §. 3.

(2) Sac. Cong. Conc. in Ventimilien. 17. Aprilis 1700. (3) Sacra Congregat.

Conc. in Ferrariensi 11. Junii 1700.

(4) Cap. *Significatum*. de præbendis. Congr. Conc. in Collensi 18. Sept. 1683.

(5) S. Thomas 2. 2. qu. 103. art. 2. ad 2.

quasi consecrationis Eucharistiæ pretium, (quod sane esset Simoniacum) sed quasi suæ stipendium accipit sustentationis . Fatendum tamen est , sordidam quorundam Sacerdotum avaritiam de-honestasse olim , quod licitum in se ceteroqui , & sanctum erat . Quare , ut omnis turpi lucro aditus intercluderetur , sapientissimæ a Summis Pontificibus , ac Romanis Congregationibus prodie-runt leges , quas paucis hic recensebimus , ut ignorentur a nemi-ne , & non ignoratæ summa cura , studioque servantur ab omnibus .

XVII. Primo itaque a Tridentina Synodo (1) cujusvis gene-ris mercedum conditiones , pacta , & quidquid pro Missis novis celebrandis datur , nec non importunæ , atque illiberales eleemo-synarum exactiones potius , quam postulationes , aliaque hujusmo-di , quæ a Simoniacæ labe , vel certe a turpi quæstu non longe ab-sunt , omnino prohibentur . 2. Si quis pro medio Sacrificii fru-ctu (2) applicando eleemosynam acceperit , licet minorem stipen-dio in Diocesi constituto ; sacrum adhuc conficere , & appli-care pro illo debet , qui eleemosynam largitus est . 3. qui plura exigua stipendia a diversis Fidelibus congeffit , tot Missas celebra-re debet , quot pro acceptæ elemosynæ ratione celebrari possunt . 4. qui pro Missis (3) celebrandis eleemosynam consueto stipen-dio majorem obtinuit ; si easdem Missas alteri celebrandas com-mittat ; integram , quam accepit , tradere illi debet eleemosy-nam , sibi que ex ea retinere nihil potest , quamquam Sacerdos (4) subrogatus rem totam plane noverit , ac se stipendio minore con-tentum esse affirmet . Qua quidem in re Benedicti XIV. obtem-perantes mandatis , *Universis notum facimus , atque edicimus , quem-cumque* (eiusdem Sapientissimi Pontificis (5) verbis utimur) *qui*

I 2

eleemo-

(1) Trid. sess. 22. decr. de obser. , & vit. in celeb. Missæ .

(2) Decr. Sac. Cong. Conc. de celebr. Miss. jussu Urbani VIII. 21. Junii 1625. , & decr. e usd. Sac. Cong. confirmata ab Innoc. XII. Const. *Nuper* . 10. Calend. Jan. 1697.

(3) Alexander VIII. 24. Sept. 1665. in damnat. proposit. 9.

(4) Sac. Cong. Conc. in Romana eleemo-synæ 23. Aug. 1664.

(5) Benedictus XIV. Const. *Quanta cu-ræ* . 30. Junii 1741.

eleemosynas, seu stipendia majoris pretii pro Missis celebrantibus, quemadmodum locorum consuetudines, vel Synodalia Statuta exigunt, colligens, Missas, retenta sibi parte earumdem eleemosynarum, seu stipendiorum acceptorum, sive ibidem, sive alibi, ubi pro Missis celebrandis minora stipendia, seu eleemosynæ tribuuntur, celebrari fecerit, Laicum quidem, seu Secularem, præter alias arbitrio Nostro irrogandas pœnas, excommunicationis pœnam; Clericum vero, sive quemcumque Sacerdotem pœnam suspensionis ipso facto incurrere; a quibus nullus per alium, quam per Romanum Pontificem pro tempore existentem, nisi in mortis articulo constitutus, absolvi potest. Excipiendi tamen sunt Beneficiati (1), & Capellani, qui ad titulum Beneficii, vel Capellanæ sacros Ordines consecuti, ex eodem titulo ad Missas celebrandas obligantur, uti Alexander VII. declaravit. Hi enim non omnes Beneficii, aut Capellanæ fructus pro Missarum celebratione, sed pro aliis etiam oneribus Beneficio, aut Capellanæ adnexis percipiunt. Quare si aliis Missas celebrandas committunt, satis est, ut eleemosynam Missis Manualibus, & adventitiis debitam celebranti subministrant. 5. Duplex pro eadem Missa stipendium (2) accipere nemini licet, etiam sub eo titulo, quod uni fructus satisfactorius, alteri impetratorius, vel quod uni fructus medius, alteri specialissimus, qui celebranti est debitus, applicetur. 6. Nemo Missam (3) celebrare, ejusque fructum medium applicare pro incerto Benefactore potest, qui postmodum sit eleemosynam oblatorus.

XVIII. Perpetuæ dicuntur Missæ illæ, quæ vel quotidie, vel certis saltem diebus, aut ratione Beneficii, aut ex Fundatoris voluntate in perpetuum sunt celebrandæ; Manuales vero, seu adventitiæ nuncupantur illæ, pro quibus datur quidem a Fidelibus stipendium, sed ita, ut nullus fundus, nullumque onus in futurum

(1) Decr. Sac. Cong. Conc. de celebr. Miss. sub Urbano VIII. in respons. ad dubium 8.

(2) Sac. Cong. Conc. sub Alex. VII.

13. Dec. 1659., & damn. propos. 8. ab eodem Alexandro VII.

(3) Sac. Cong. Conc. approbante Clemente VIII. 15. Novemb. 1605.

rum tempus constituitur. Jam verò ne quid detrimenti in stipendio pro harum Missarum celebratione debito Sacerdotibus inferatur, hæc, quæ sequuntur, sancitæ sunt leges, ac proinde omnimodam earundem observantiam dillicite præcipimus, ac mandamus.

XIX. Primo itaque Sacra Congregatio Concilii (1), Romanique Pontifices Episcoporum arbitrio commissum esse voluerunt, ut ipsi juxta Civitatis, aut Provinciæ consuetudinem, pensatis omnibus locorum, ac temporum circumstantiis, eleemosynæ quantitatem pro qualibet Missa Sacerdotibus erogandæ præfinitionent. Quamquam autem hujusmodi eleemosynæ taxatio ab Episcopis fieri extra Synodum possit; ut tamen stabilior sit, ac Sacerdotibus facilius innotescat; in Synodo fieri plerumque consuevit, unde *Taxa Synodalis* communiter appellatur. Cum igitur Taxam hanc neque in Synodo, neque extra Synodum a Prædecessoribus Nostis constitutam fuisse deprehenderimus; Nos, ut Sacræ Congregationi Concilii, Summisque Pontificibus morem geramus, & importunas, atque immoderatas eleemosynarum pro Missis exactiones, quæ forte decursu temporis obrepere possent, arceamus; in hac Synodo prædictam Taxam, quæ ab omnibus Sacerdotibus cum Sæcularibus, tum Regularibus (2) servanda erit in posterum, præfinire decrevimus. Volumus itaque, ut juxta vetustam non modo hujus Civitatis, ac Diocesis, verum etiam Romanæ Urbis, ac finitimorum locorum consuetudinem, eleemosyna pro qualibet Missa manuali, seu adventitia omnino sit unius Julii Romani, seu, quod idem est, decem Romanorum obolorum, omnibusque, ac singulis Presbyteris, sub pœnis (3) arbitrio Nostro infligendis, severe interdiciamus, ne quis Missis hujusmodi pro minori audeat celebrare stipendio, cum id & in pauperum Sacerdotum vergeret detrimentum, & quamdam vilis mercaturæ, sordidæque avaritiæ speciem præferret. Cum autem

pro

(1) Benedictus XIV. de Synodo Diocesana lib. 5. cap. 9.

(2) Sac. Cong. Conc. 15. Jan. 1639.

(3) Sac. Cong. Conc. in Septemveterana 16. Julii 1689., Bened. XIV. de Synodo lib. 5. cap. 9. §. 2., & Instit. 56. §. 11.

pro Missis perpetuis multo majorem statuendam esse taxam tum ex Romanorum Pontificum decretis, tum ex unanimi fere Ecclesiasticorum Tribunalium praxi edoceamur; Decernimus, ut si Missa perpetua sit quotidiana, annui pro ejusdem eleemosyna redditus non minorem, quam sexaginta Romanorum scutorum, summam exæquent. Qua quidem in re (1) Sanctissimi Pontificis Benedicti XIII., qui huic Tusculanæ per plures annos præfuit Ecclesiæ, vestigia sectamur. Is enim Episcopis, qui Romano Concilio, vel per se, vel per Procuratorem interfuere, facultatem dedit, ut in suis Dicecesibus sexaginta Romana scuta pro singulis perpetuis Missis decernerent, uti Pontifex Innocentius XIII. Præfectis fere omnibus Regularium paucos ante annos præscripserat: imo eam etiam conditionem adjecit, ne majorem, aut minorem pecuniæ summam pro Missis perpetuis in posterum statui paterentur. At si certus dumtaxat aliquis celebrandarum Missarum numerus pro quolibet mense, aut hebdomada a Fundatore, seu Testatore in perpetuum præscribatur; Volumus, ut pro qualibet hujusmodi Missa duorum juliorum stipendium in Fundatione statuatur.

XX. Juxta taxam a Nobis modo tum pro perpetuis, tum pro manualibus Missis constitutam, stipendium in posterum pro utriusque generis Missis persolvetur, quandocumque Testator (2) aliquis onus quidem Missarum celebrandarum, sed nulla certa eleemosyna præscripta, hæredi suo committet. Cæterum omnibus Canonicis, Parochis, cæterisque tum Cathedralis, tum aliarum Ecclesiarum Sacerdotibus districtè præcipimus, ut in suscipiendis perpetuis Missarum oneribus, & in Missarum eleemosynis, piisque legatis recipiendis omnino observent Decreta Sacræ Congregationis Concilii de celebratione Missarum, auctoritate Urbani VIII. primum edita, & ab Innocentio XII. postmodum confirmata, atque ampliata, quorum ignorantiam ne quis possit obtendere, eorum exemplar in Synodi hujus Appendice num. 6. adjici-

(1) Benedictus XIV. Instit. 59. §. 21.

(2) Decreta Generalia Urbani VIII.,

Sac. Congreg. Conc. 15. Januar. 1639., &

25. Novemb. 1698.

adjicimus. Illud autem omnibus in memoriam potissimum revocamus, a nullo cujusvis Ecclesiæ, aut Ecclesiastici Beneficii Rectore, aut pierum locorum Administratore, aut Monasterii sacrarum Virginum Præsidente perpetua celebrandarum Missarum onera suscipi posse, nisi peculiaris a Nobis ad id concessa fuerit licentia: qui enim secus fecerit, interdicti poenam statim incurrit ab Urbano VIII. in prædictis Decretis de Missarum celebratione statutam. Meminerint etiam omnes (1), a nemine manuales elemosynas pro Missis celebrandis recipi posse, nisi vel ex omnes, pro quibus stipendium antea collatum fuit, celebratæ jam fuerint, vel intra modicum tempus (videlicet intra mensem, uti Sacra Congregatio Concilii (2) declaravit) possit omnibus satisfieri, vel aliud de Benefactoris voluntate constiterit: alioquin ipso facto interdictum ab Ecclesiæ ingressu ex laudata Innocentii XII. Constitutione transgressor incurrit.

XXI. Ne qua fraus, aut error in explendis Missarum obligationibus admittatur, districte mandamus, atque præcipimus, ut in quolibet Nostræ Diœcesis Ecclesiarum Sacrario (3) affixa pendeat tabella per Nos, seu per Vicarium Nostrum Generalem recognita, atque subscripta, in qua fideliter recensentur non modo Missarum, aliorumque divinorum officiorum onera, verum etiam dies, Altare, Legatum, aut Beneficium, seu Cappellania, quibus eadem onera Fundatores, seu Benefactores adnexuere. Similis elenchus in peculiari codice describetur, in quo tamen non modo Missarum numerus, cæteraque omnia supradicta contineantur, verum etiam singulis oneribus in opposita pagina respondeant compendiaria Testatoris dispositio, Notarii rogitus,

(1) Decr. Sac. Cong. Concil. de celeb. Miss. jussu Urbani VIII. 21. Jun. 1625., & declaratio in respons. ad dub. 11. & 12.

(2) Sac. Cong. Conc. 17. Julii 1654. lib. 19. decretorum pag. 497., & Benedictus XIV. Instit. 56. §. 14.

(3) Innoc. XII. Const. *Nuper*. 10. Cal.

Januar. 1697. confirmans decreta Urbani VIII. de celeb. Miss. cum declarat. Sac. Cong. Conc. ann. 1625., 1626., & 1627., Litteræ Encyclicæ Sac. Congr. Concil. de mandato Alexand. VII. 13. Decemb. 1663., Synod. Sabinen. par. 1. cap. 1. n. 3., & Synod. Tusculana ann. 1703.

gitus, dies, mensis, & annus, in quo conditum Testamentum fuit, fundus in hunc finem destinatus, certique reditus, qui ex eo quotannis percipiuntur. Propterea Archipresbyter, & Vicarius Foraneus in quolibet Nostræ Diocesis Oppido sedulam dabunt operam, ut codex hujusmodi exacte concinnetur, eumque ad Nos intra quatuor menses mittent, ut Nostra subscriptione roboratus in Nostro Archivio diligenter custodiatur. Liber quoque in Sacrario quolibet habeatur, in quo Sacerdotes, aut Capellani, qua die aut aliquam ex supradictis Missis celebraverint, aut divinum aliud peregerint Officium, eadem statim in suis quisque distinctis paginis suo se oneri satisfecisse testentur, suaeque duntaxat, non vero aliena se subscribant manu. Si quis autem vel in hoc libro Missam a se celebratam describat, quam tamen non celebraverit; vel falsum, licet privatum, de Missarum celebratione testimonium ediderit, præter statutas ob falsi crimen in Jure poenas, alias quoque a Nobis infligendas subibit. Alter etiam peculiaris habeatur in Sacrario liber, in quo tum eleemosynæ, quæ pro Missis manualibus a Christifidelibus afferuntur, exacte describantur, tum prædictarum Missarum celebratio, eadem, qua habita fuerit, die a Sacerdotibus, qui illas celebrarunt, proprio charactere adnotetur, & subscribatur. Nemo a Missarum celebratione, alteriusve pii operis implemento cessare audeat, præsertim si per decennium (1) constanter celebratæ fuerint Missæ, aut pium opus executioni demandatum; multoque magis, si hujusmodi Missarum, aut pii operis onus descriptum in tabella fuerit. Quamquam enim bona oneri ejusmodi ab initio addicta, hic, & nunc ignorentur; congruam tamen dotem eidem ab initio destinatam fuisse de jure non ambigitur. Si qua vero justa cessandi causa adesse videatur; rem totam Nobis deferri jubemus, ut, omnibus mature perpensis, quid faciendum, & ad quem recurrendum sit, statuere valeamus.

XXII. Cum ad Missarum celebrationem plures pro azymo pane,

(1) Sac. Cong. Conc. in Casenaten. oneris Missarum 14. Junii 1738.

pane, vino, cera, sacraque suppellectili requiratur expensæ; Nostræ autem Cathedralis, imo & aliarum totius Diœcesis Ecclesiarum redditus vel nulli, vel certe tenuissimi sint, & huic ferendo oneri omnino impares; Propterea Nos Summorum Pontificum Decretis (1), plurimisque Sacræ Congregationis Concilii declarationibus inharerentes, edicimus, ut nullum posthac perpetuum Missarum celebrandarum onus a Nostræ Cathedralis Capitulo, aut ab ullius Ecclesiæ, seu Loci Pii Rectore, aut Praside acceptetur, nisi conditione adjecta, ut ex ipsis Beneficii, seu Capellanæ, seu Legati redditibus certa quotannis pecunia Ecclesiæ, aut Loco Pio pro dictis subeundis expensis persolvatur. Ne quis autem hac in re admittatur excessus, volumus, ut si Missa perpetua sit quotidiana, quatuor Romanorum scutorum summa; Si vero certus durataxat Missarum numerus mense quolibet, aut qualibet hebdomada sit celebrandus, unus pro qualibet Missa obolus pendatur quotannis. Quod autem attinet ad onera jam suscepta, non quidem ex contractu, sed vel ex Legato, vel ex Testamento (2); cum Testatores, qui perpetuas indixerunt Missas, integro Sacerdotis stipendio, omnibusque expensis pro Sacrificio peragendo necessariis consulere debuerint; Si quid pro alterutro desit, vel quia præscriptum a Testatore non fuerit, vel quia temporis cursu constituti ad Missas celebrandas proventus decreverint; tunc, nisi vel ab hæredibus, vel aliunde desumi subsidium possit, liber patebit aditus ad petendum ab Apostolica Sede, vel ab habente facultatem ad id delegatam, (cujusmodi concessa Nobis est toto Visitationis tempore), ut Missæ ad minorem numerum redigantur. At hic ex mandato Sacræ Congregationis Concilii (3) monemus omnes, & singulos Presbyteros, atque Ecclesia-

K

rum

(1) Innoc. XII. in confirm. decretor. Sac. Cong. Conc. de celebr. Missar., Sac. Congr. Conc. in respons. ad dubium 7. in Maceraten., seu Montis Milonis 14. Aprilis 1685., in ead. caus. 14. Maii 1729., & in Derthonen. 6. Julii 1726., & sæpe alibi;

Benedictus XIV. Instit. 56., & Synod. Sabinen. par. 2. cap. 1. n. 13.

(2) Benedictus XIV. Instit. 56. n. 13.

(3) Sac. Cong. Conc. 23. Novemb. 1697. ex præfata Bulla Innocentii XII.

74 CONSTITUTIONES SYNODALES

rum Rectores, ne Missarum celebrationem malitiose omittant sub spe, arque animo obtinendi vel ab Apostolica Sede condonationem, aut reductionem, vel a Reverenda Fabrica S. Petri compositionem. Sciant enim, non ad fovendam malitiam, sed ex rationabili duntaxat causa, seu ex æqua commiseratione præfatas condonationes, aut reductiones ab Apostolica Sede; a Reverenda vero Fabrica compositiones ex rationabili pariter causa, & cum clausula, *dummodo malitiose non omiserint, animo habendi compositionem; alias gratia nullo modo suffragetur*; concedi consueville, & solere.

XXIII. Si quæ bona mobilia (1) cum perpetuo Missarum onere Ecclesiis, aut Piiis Locis legato relinquuntur, veneant statim, eorumque pretium, sicuti & quæcumque alia pecunia in eundem legata finem, sub pœna interdicti ab ingressu Ecclesiæ ipso facto incurrenda, a die realis acquisitionis statim (idest intra triduum) penes Ædemi Sacram, quam Episcopalem Pietatis Montem nuncupant, deponatur, ut mox per eam vel annui census, vel bona emantur stabilia, expresso in publicis tabulis adnexo onere, ne cui fraus fiat, aut detrimentum.

XXIV. Cum ex una parte sancta sancte tractanda sint; ex alia vero nihil tam sanctum haberi possit in Terris, quo non aliquando perversa hominum abutatur malitia; præsertim si aut turpis egestatis, aut fœdida avaritiæ stimulis urgeantur; Proinde sapienti consilio Ecclesiasticis Legibus cautum est, ut nulli ignoto viro, qui Sacerdotali charactere se insignitum jactitet, sacrum facere permittatur, nisi ex commendatitiis Ordinarii sui Litteris innoscescat, eum & in Presbyteratus Ordine vere esse constitutum, & nullo irregularitatis, aut censurarum vinculo impediti, quo minus sacris operari possit. Omnium prima Chalcedonenſis Synodus, uti a Jure Canonico (2) edocemur, statuit, ut *extraneo Cle-*
rio,

(1) Sac. Cong. Concil. in decretis generalibus de celeb. Miss. de mandato Urbani VIII. §. *Præterea*, & Innocen. XII. in

Bulla confirmatoria dictor. decretor.

(2) Can. 7. dist. 71.

rico, & ignoto extra Civitatem suam sine commendatitiis Litteris is proprii Episcopi nusquam penitus liceat ministrare. Tridentina etiam Synodus (1) Episcopis omnibus præcepit, *ut singuli in suis Diocesisbus interdican, ne cui vago, & ignoto Sacerdoti Missam celebrare liceat*; Et alibi (2) decrevit, *ut nullus Clericus peregrinus sine commendatitiis sui Ordinarii litteris ab ullo Episcopo ad divina celebranda, & Sacramenta administranda admittatur.* Sacra Congregatio (3) Concilii die 17. Novembris 1594. diserte declaravit, *Episcopum Loci Ordinarium prohibere posse, ne Regulares in eorum Ecclesiis Sacerdotes Sæculares externos divina officia celebrare permittant, nisi prius ab ipso Episcopo, visis litteris commendatitiis, ipsi Sacerdotes admissi fuerint.* Idem (4) sensit sæpe alias. Suprema Sacræ Inquisitionis Congregatio Litteris Encyclicis datis die 20. Februarii 1649., nulli Regulari Sacerdoti permittendum esse statuit, *ut Missæ Sacrificium celebret, nisi documenta proferat, quibus ipsius Præses Sacerdotium ab eodem susceptum, nullaque eum suspensione, aut irregularitate irretitum esse testetur; & aliis litteris datis die 26. Januarii 1692. Episcopos, Vicarios Generales, & Vicarios Foraneos monet, ne celebrandi facultatem Presbyteris five Sæcularibus, five Regularibus impertiantur, nisi litteras Episcopi, ac Præfetti Regularis prius ostendant, quibus Sacerdotes ita probentur, ut nulla falsitatis umbra, vel suspicio relinquatur.* Nos itaque Chalcedonensem, ac Tridentinam Synodum, & supremarum Urbis Congregationum edicta, ac responsa secuti, universis Parochis, aliisque Ecclesiarum Custodibus, atque etiam Religiosorum Ordinum Præsidibus præcipimus (5), *ut Sacerdotes vagos, & ignotos, advenas, aut peregrinos Sacrificium Deo offerre non sinant, nisi recentes testimoniales sui Præfatis litteras a Vicario Nostro Generali in Urbe Tusculana, aut a Vicariis Foraneis in Oppidis reco-*

K 2

gnitas,

(1) Trid. sess. 23. de Sacrif. Miss. decr. de observ., & vit. in celebrat. Missæ.

(2) Trid. sess. 23. c. 16. de reform.

(3) Ex lib. 8. decretorum pag. 78.

(4) Sac. Cong. Concil. in Bonon. 2. Julii

1620., & in Neapolit. 17. Augusti 1630.

(5) Concil. Mediol. I. part. 2. tit. 2. *Quæ pertinent ad celebrat. Missæ, Synod. Sabinen. ann. 1736. par. 2. c. 1. n. 7.*

gnitas, & comprobatas, atque subscriptas exhibeant, ne forte (quod Deus avertat) Sacerdos aliquis Sacro Presbyteratus Ordine non insignitus, vel irregularitatis, aut suspensionis vinculo devinctus, ad Missæ Sacrificium celebrandum accedat.

CAPUT IX.

DE ORATIONE.

PRæcipuus etiam Religionis actus, præ aliis reliquis post divinum Missæ Sacrificium Fidelibus utilissimus, maximeque necessarius, est Oratio, qua homo, ut ait S. Thomas (1), Deo reverentiam exhibet, cum ei se in oratione subiiciat, & orando, se eo, tamquam suorum auctore bonorum, indigere profiteatur. Quamobrem oratio a Regio Psalte thyniamati comparatur (2): *dirigatur oratio mea, sicut incensum, in conspectu tuo*; & a Clemente Alexandrino (3) *optimum* esse dicitur, ac *sanctissimum Sacrificium*. Triplicem autem orationis speciem, seu verius partem innuere nobis videtur Apostolus, cum ad Timotheum (4) scribens ait: *Obsecro igitur primum omnium fieri obsecrationes, postulationes, gratiarum actiones*; & cum Philippenses (5) ad Deum, omni deposita sollicitudine, orandum hortatur, inquit: *Nihil solliciti sitis, sed in omni oratione, & obsecratione cum gratiarum actione petitiones vestrae innotescant apud Deum*. Et sane, tunc postulatio, aut petitio a nobis fit, cum honestum aliquid, nobisque profuturum precibus a Deo postulamus. Obsecramus autem, cum ad id, quod petimus, a Deo impetrandum, Deum ipsum pio quodam modo obtestamur, & adjuramus, uti, cum per Unigeniti Filii sui merita, Passionem, & Mortem a Deo petimus, ut vel bonum aliquod largiatur, vel malum aliquod placatus avertat. Tandem gratiarum actiones a nobis fiunt, cum Deo pro collatis beneficiis gratias

(1) S.Th. 2. 2. qu. 82. art. 1.

(2) Psalm. 134.

(3) Clemens Alexandr. lib. 7. Stromat.

(4) 1. Ad Timoth. c. 2.

(5) Ad Philipp. c. 4.

tias agimus, gratumque animum pollicemur: quo quidem fit, teste S. Thoma, *ut accipere potiora mereamur*. Verum, ut unusquisque facile intelligit, ex tribus hisce quodammodo partibus vera illa, ac perfecta confurgit, quæ in Scripturis tantopere commendatur, oratio: neque enim orare efficacius possumus, quam cum, ut ipsa nos docet Scriptura, pro acceptis a Deo beneficiis gratias agentes, nova ab eodem per Jesu Christi merita, vel per Deiparæ Virginis, aut Sanctorum intercessionem suppliciter postulamus.

ARTICULUS I.

De orandi necessitate, & utilitate.

Tanta est orationis necessitas, ut sine frequenti ejus usu Fideles adulti neque divinam servare legem, neque salutem assequi possint æternam. Quamobrem optime inquit S. Thomas (1): *Post Baptismum autem necessaria est homini jugis oratio, ut cælum introeat*. Et primum quidem necessaria oratio est necessitate, ut ajunt, *medii*, cum non, nisi orando, divinum promereamur auxilium, quo salutem nostram operemur, & justificationem, quam tenere cœpimus, non deferamus. *Nullum credimus* (2), ut ait S. Augustinus, seu, ut alii volunt, Gennadius, *ad salutem nisi Deo invitante venire; nullum invitatum salutem suam, nisi Deo auxiliante, operari; nullum, nisi orantem, auxilium promereri*. Quamquam enim certum sit, teste S. Augustino (3), *Deum nobis dare aliqua etiam non orantibus, at initium Fidei*; Certum tamen quoque est, *alia, non nisi orantibus, præparasse, sicut usque in finem perseverantiam*. Certum (4) præterea est, nos man lata servare, si volumus: *Sed quia præparatur voluntas a Domino, ab illo petendum est, ut tantum velimus, quantum sufficit, ut volendo faciamus*. Deus (5) quippe impossibilia non jubet, sed jubendo monet, & facere, quod possit, & pe-

(1) S. Th. 3. par. qu. 79. art. 5.

(2) Gennad. lib. de Ecclef. Dogm. inter opera S. Augustini.

(3) S. Augustinus lib. de Perseverantia cap. 5.

(4) S. Auguff. de Gratia, & lib. arbit. cap. 16.

(5) Trid. sess. 6. cap. 11., & S. Aug. lib. de natura, & gratia c. 47. n. 50.

Et petere, quod non possis, Et adjuvat, ut possis. Qui (1) enim sumus nos, aut quæ fortitudo nostra, ut tam multis tentationibus resistere valeamus? At hoc erat certe, quod quærebat Deus, ut videntes defectum nostrum, Et quod non aliud est nobis auxilium, ad ejus misericordiam tota humilitate curramus. Sane (2) non juberet Deus, quod sciret non posse ab homine fieri: sed ideo jubet aliqua, quæ non possumus, ut noverimus, quid ab illo petere debeamus. Si ergo in his sive tentationum, sive difficultatum ad bene operandum circumstantiis constituti, confugiamus ad Deum, & opportunum ab eo auxilium postulemus; præsto nobis ipse adcrit, ejusque roborati præsidio, quod cepimus, opus bonum perficiemus, & faciemus cum ipsa tentatione proventum. Plorans nequaquam plorabis, ut ait Isaïas, (3) miserans miserebitur tui: ad vocem clamoris tui statim, ut audierit, respondebit tibi. Cum itaque æternam Adultis vitam non, nisi ut coronam justitiæ, largiri velit Deus; & cum, qui in agone certat, non coronetur, nisi legitime certaverit; Inde fit, ut, quemadmodum legitime certare non possumus sine Dei adjutorio, quod non, nisi orando, promeremur, ita etiam non, nisi orando, & superare hostes possumus, quibuscum certamus, & in marcescibilem, quæ vincenti dabitur, gloriæ coronam adipisci. Necessaria præterea est Oratio divini necessitate præcepti, cum in utroque Testamento disertis verbis præcipiatur hominibus, ut Deum orent. Sic in veteri Testamento dicitur (4): Non impediaris orare semper; & alibi (5): Omni tempore benedic Deum, Et pete ab eo, ut vias tuas dirigat. In novo autem Testamento frequentissime orandi præceptum occurrit a Christo Domino Apostolis, ac Discipulis suis summa cura, diligentiaque insinuaturn (6). Oportet semper orare, Et non deficere. Vigilate (7) itaque omni tempore orantes, ut digni habeamini fugere ista omnia, quæ futura sunt, Et stare ante Filium hominis. Vigilate (8), Et orate, ut non intretis in tentationem.

H. Ve-

(1) S. Bernardus serm. 5. de Quadrages.

(2) S. Augustinus.

(3) Isaïæ c. 30. v. 19.

(4) Eccles. c. 18.

(5) Lucæ c. 18.

(6) Joan. c. 4.

(7) Tobie c. 4.

(8) Lucæ c. 21.

II. Verum, quamquam nulla nos ad orandum neque mediū, neque præcepti urgeret necessitas; summa tamen, quæ in nos ab Oratione dimanat, utilitas, si probe intelligeretur, incredibili orandi studio Fidelium animos incenderet, atque inflammaret. Omnia enim, teste Theodoro, una potest oratio, cum tantam veluti vim divinæ inferat Benignitati, ut hæc nihil eorum, quæ postulantur, oranti denegare posse videatur. Et in merito: nam primum divinam maxime decet Bonitatem, ac Liberalitatem, ad largiendam postulantis dona ob id ipsum, quia petuntur, adduci. Hinc Davidicum illud effatum (1): *Domine non confundar, quoniam invocavi te*. Deinde refertissimæ sunt utriusque Testamenti Paginæ divinis promissionibus, quibus Deus ea omnia, quæ recte postulantur, se esse concessurum orantibus, omnino pollicetur. *Clama (2) ad me, & exaudiam te*. *Invoca (3) me, & eruam te*. *Petite (4), & dabitur vobis, quærite, & invenietis, pulsate, & aperietur vobis*. *De omni re (5), quamcumque petierint, fiet illis a Patre meo*. *Si quid (6) petieritis me in nomine meo, hoc faciam*. *Quodcumque (7) volueritis, petetis, & fiet vobis*. *Amen (8), amen dico vobis, si quid petieritis Patrem in nomine meo, dabit vobis*; & sic alibi sæpissime. In una ergo oratione benefico divinæ Providentiæ consilio facultas nobis data est, & bona omnia obtinendi, quibus indigemus, & omnia avertendi mala, quæ reformidamus. Quare si aut caro nostra concupiscit adversus spiritum, aut adversarius noster Diabolus tamquam leo rugiens nos quærit, ut devoret, aut mundi hujus illecebræ nobis blandiuntur, ut fallant; clamemus ad Dominum, & ipse de inimicis nostris eripiet nos, juxta illud Psalmi 17. *Laudans (9) invocabo Dominum, & ab inimicis meis salvus ero*. Si peccatorum nostrorum pondere premimur, tenacibusque vitiorum vinculis irretiti, cum Deo in gratiam redire, & amissam Filiorum Dei libertatem malumus recuperare; preces nostras ex imo corde dirigamus ad Dominum, & ipse evellet de laqueo pedes

(1) Psalm. 30. (2) Job c. 22. (3) Psalm. 49. (4) Matth. c. 7. (5) Matth. c. 13.

(6) Joan. c. 14. (7) Joan. c. 15. (8) Joan. c. 16. (9) Psalm. 17. v. 4.

pedes nostros, & peccata nostra dealbabuntur, ut nix, juxta illud (1): *Venite ad me omnes, qui laboratis, & onerati estis, & ego reficiam vos. Venite (2), & arguite me, dicit Dominus: si fuerint peccata vestra ut coccinum; quasi nix, dealbabuntur*. Si ignorantiae tenebris obcæcati ignoremus, quid agere debeamus, sapientiam postulemus a Deo, & ipse nobis illam dabit affluenter, juxta illud Jacobi (3): *Si quis indiget sapientia, postulet a Deo, qui dat omnibus affluenter, nec impropèrat*. Quidquid tandem illud sit, quo indigemus (pauperi autem sumus, & rerum omnium egeni) ab Omnipotente petamus, *qui dives (4) est in omnes, qui invocant illum*; & ipse abundantia pietatis suæ merita supplicantium excedet, & vota.

ARTICULUS II

De conditionibus ad Orationis efficaciam requisitis.

I. **Q**Uamquam, qui nec fallere, nec falli potest, Deus, fidem suam orantibus obligarit, pollicitus se eorum vota, precesque exauditurum; Plurimos tamen esse non ignoramus, qui preces non infrequenter ad Deum fundunt, quin tamen exaudiantur. At hos Jacobus alloquitur, cum inquit (5): *petitis, & non accipitis, eo quod male petatis*. Non enim preces quaslibet, sed eas tantum, quæ rite, recteque fiunt, se exauditurum promissit bonorum omnium largitor Deus. *Quodcumque petierimus secundum voluntatem ejus, uti dicitur (6) 1. Joan. cap. 5., audit nos*. Ut autem secundum voluntatem ejus petamus, quatuor omnino servandæ sunt conditiones. Prima est, teste S. Thoma (7), ut res, quæ petitur, bona sit, & honesta, & utilis ad salutem, nec impeditura majus animæ bonum. Altera est, ut submisse; Tertia, ut cum fide, & fiducia; Quarta demum, ut perseveranter petatur.

II. Quod ad primam conditionem attinet; ut pateant aures divinæ

(1) Matth. c. 11. v. 28. (2) Isaïæ c. 1. v. 18. (3) Jacobi c. 1. v. 15. (4) Ad Rom. c. 10. (5) Jacobi c. 4. v. 3. (6) 1. Joan. c. 5. (7) S. Th. 2. 2. qu. 83. art. 7.

divinæ Misericordiæ precibus supplicantium, & ut Deus petentibus desiderata concedat; oportet eos, quæ illi sint placita, postulare, uti Catholica nos docet Ecclesia. Nihil ergo petendum est, quod aut æternæ obesse possit salutis, aut Christianæ virtutis incrementum impedire: non (1) enim petitur, aut peti potest in nomine Salvatoris, quidquid contra rationem salutis postuletur. Petantur itaque, quæcumque aut necessaria sunt, aut saltem utilia, ut salutem æternam assequamur, & nisi precibus reliquæ desint conditiones, felicem omnino successum erunt habituræ. Cum autem ignoremus, utrum peritura hæc Mundi bona, quæ cupimus, profutura animæ sint, an potius obfutura; petere illa quidem nobis licet, sed ea conditione semper adjecta, dummodo nullum ex iis animæ detrimentum patiamur.

III. *Submissa* præterea esse debet oratio nostra, ut ascendat, sicut incensum, & fumus aromatum, in conspectu Dei. Is enim respicit (2) in orationem humilium; Et cum superbis (3) resistat, suam humilibus dat gratiam. Quamobrem, antequam ad divinæ Majestatis Thronum oraturi accedamus, nosmetipsos parumper scrutemur, & quinam in conspectu Dei simus, attente dispiciamus. Anima quidem nos constamus, & corpore. At quid in utroque inveniemus, unde gloriari, & superbire valeamus? Si corpus inspicimus; pulvis, & terra fumus, & in pulverem, ac terram revertemur. Quid autem superbitterra, & cinis? Si animam intuemur; in peccatis concepit nos mater nostra, & cum editi in lucem fuimus, eramus filii iræ, vasa contumeliæ, & servi peccati. Huic originis culpæ plura mox accesserunt, graviaque crimina a nobis admissa, quibus inquinati, facti sumus odibiles Deo, ac fortasse etiam hominibus, & nisi (4) quia Dominus adjunxit nos, paulo minus habitasset in inferno anima nostra. Cum autem (5) sine gratia nullum prorsus sive cogitando, sive agendo faciant homines bonum; Si quid bo-

L ni

(1) S. August. tract. 102. in Joannem.

(2) Psalm. 101.

(3) Jacobi c. 4. v. 6.

(4) Psalm. 93. v. 17.

(5) S. Augustin. de corrept., & gratia cap. 2.

82 CONSTITUTIONES SYNODALES

ni nos egisse comperiamus ; id onus , non in nobis ipsis , sed in Domino gloriantes , Deo acceptum referre potissimum debemus , & cum Apostolo exclamare (1) : *Gratia Dei sum id, quod sum* . Ceterum infirmi sumus , fragiles , rerum omnium egeni , ac lutea vasa portantes , quæ nisi Dominus (2) custodierit , frustra vigilat , qui custodit ea . His bene perpensis , humiliabimur sane sub potenti manu Dei , & Publicanum ininitati (3) , ne oculos quidem levare audebimus ad cælum , sed percutientes pectora nostra clamabimus cum fletu : *Deus , propitius esto mihi peccatori* . Tunc enimvero , quemadmodum Publicanus descendit iustificatus in domum suam , ita & nos votorum nostrorum compotes ab oratione surgemus (4) . *Oratio enim humiliantis se nubes penetrabit , & non discedet , donec Altissimus aspiciat* .

IV. Christianam hanc animi demissionem , ne suo preces careant successu , fides , & fiducia comitentur , necesse est , uti nos docet Jacobus (5) : *Postulet autem in fide nihil hæsitans* . Oratio enim , teste S. Thoma (6) , vim habet merendi a charitate , efficaciam vero impetrandi a fide , & fiducia , cum meritum (7) iustitiæ , gratiæ vero innitatur impetratio . Antequam itaque Deum exoremus , fide divina credendum nobis est , Deum ex sua Misericordia , ac Liberalitate preces nostras , si rite , recteque fiant , se exauditorum promississe ; in suis autem servandis promissis eundem potentissimum esse , ac fidelissimum . Hinc illa in nobis excitatur fiducia , qua firmissime speramus , ac veluti pro certo habemus , id , quod petimus , a divina Liberalitate nos omnino esse impetraturos . Quis enim falli (8) metuat , dum promittit Veritas ? Nam nisi dare vellet , profecto non bortaretur , ut peteremus . Quamobrem metum omnem , atque hæsitationem , si votorum nostrorum compotes fieri volumus , a nobis amoveamus oportet . Qui enim (9) hæseat , teste Jacobo , *similis est fluctui maris , qui a vento movetur* ,

& cir-

(1) 1. ad Cor. c. 15. (2) Psalm. 126. (3) Luez c. 18. (4) Eccl. c. 35.
 (5) Jacobi c. 6. v. 7. (6) S. Th. 2. 2. q. 83. art. 2. (7) S. Th. 2. 2. q. 83. art. 16. ad 2.
 (8) S. Aug. de verb. Dom. serm. 5. (9) Jacobi c. 6. v. 7.

Et circumfertur. Non ergo estimet homo ille, quod accipiat aliquid a Domino. Adeamus igitur cum fiducia, uti nos hortatur Apostolus (1), ad thronum gratiæ, ut misericordiam consequamur, Et gratiam inveniamus in auxilio opportuno. Non recte (2) petit, qui dubitabundus petit. Qui enim sperant (3) in Domino, mutabunt fortitudinem, assumment pennas ut aquilæ, current, Et non laborabunt, ambulabunt, Et non deficient. Nullus (4) speravit in Domino, Et confusus est, aut quis invocavit eum, Et desepxit illum? Neque vero nos peccata nostra deterreant, aut fiduciam nostram infringant. Non enim in (5) justificationibus nostris prosternimus preces ante faciem Domini, sed in miserationibus ejus multis. Præterea advocatum (6) habemus apud Patrem Jesum Christum justum, qui interpellat pro nobis, & cujus nomine a Deo beneficia postulamus. Quid autem negabit Pater dilecto huic Filio suo, in quo sibi bene complacuit? Nonne Christus, qui Veritas est, & cujus verba non præteribunt, fidem suam obligavit dicens: Amen (7), amen dico vobis, si quid petieritis Patrem in nomine meo, dabit vobis? Quod si advocatum ipsum Christum Jesum propter iniquitates nostras nobis iratum metuimus, Deiparæ Virginis imploremus opem. Exaudiet (8) utique Matrem Filius. Sanctos (9) etiam una cum Christo regnantes, a quibus orationes pro hominibus Deo offerri Catholica nos docet Religio, suppliciter invocemus, & ut beneficia a Deo per Filium ejus Jesum Christum impetremus, ad eorum orationes, opem, auxiliumque confugiamus. Clamet (10) Peccator, Et ad Deum sua perveniet oratio. Etiam (11) Peccatores impetrant, quod petunt, si perseveranter petunt.

V. Quarta tandem requisita ad orationis efficacitatem conditio est precum perseverantia, quam proinde Fidelibus tantopere inculcat

L 2

culcat

(1) Ad Hebr. c. 4. v. 16.

(2) S. Basil. Constit. Mon. 30. cap. 2.

(3) Isaïæ c. 40. v. 31.

(4) Eccl. c. 2. v. 11. & 12.

(5) Danielis c. 9. v. 18.

(6) 1. Joa. cap. 2.

(7) Joa. c. 16.

(8) S. Bernard. serm. de aquæ duct.

(9) Trid. sess. 25. de invocat. Sanctor.

(10) S. Greg. in Psalm. 6. pœnit.

(11) S. Basilii Constit. Monast. cap. 1.

84 CONSTITUTIONES SYNODALES

culcat Apostolus : *Sine intermissione* (1) *orate : Orationi instate* (2) *vigilantes in ea : Volo* (3) *viros orare in omni loco* . Vult (4) enim Deus vocari, vult cogi, vult quadam inopportunitate vinci . Bona violentia, qua Deus non offenditur, sed placatur ! Et sane sicuti militia est vita hominis super terram, perpetuamque adversum nos hostes nostri pugnam instaurant ; ita nos quoque decertare semper oportet, ac perseverantissimis ad Deum precibus (Augultini verbis utimur) opem petere, ut superinduti virtutem ex alto, victores tandem abscedamus a pugna, & immarcescibili gloriæ corona redamiri mereamur in cœlis . Renuit quidem Deus nostrā aliquando vota exaudire, præsertim cum caduca hujus mundi bona postulamus : *At tunc misericorditer* (5) *non audimur : quid enim infirmo sit utile, magis novit Medicus, quam egrotus* . Interdum plus (6) vult ille nobis beneficia elargiri, quam nos optemus accipere : At non vult (7) cito dare, ut discamus magna magne desiderare : diu enim desiderata dulcius obtinentur, cito autem data vilesunt . Nonnumquam etiam ideo nostras differt preces, ut sedulos nos in orando efficiat ; ut nostrā cum eo sit conversatio frequentior ; ut fides nostrā fiat probatior auro, & uberioribus gratiæ, gloriæque bonis locupletemur .

• VI. Cum tanta sit orationis necessitas, utilitas tanta, Clericos omnes hortamur, atque enixe rogamus in Domino, ut, quemadmodum viros segregatos a populo, ac in sortem Domini vocatos decet, jugi orationis studio sibi, ac populo divinam concilient benevolentiam, assiduisque precibus, Dei, atque hominum Mediatores effecti, modo ab illis flagella divinæ ultionis avertant, modo in illos cœlestium beneficiorum imbres e cœlo deducant . Parochis vero, aliisque curam animarum habentibus mandamus, ac præcipimus, ut sæpe Fideles curæ suæ concreditos hanc orandi necessitatem, atque utilitatem edoceant, & qua ratione orare debeant,

(1) Ad Thessal. c. 5.

(2) Ad Colossen. c. 4.

(3) 1. ad Timoth. c. 2.

(4) S. Greg. hom. 1. in Evang.

(5) S. Aug. tom. 3. cap. 212.

(6) S. Aug. in 2. ad Cor. c. 13.

(7) Idem serm. 6. alias 5. de verbis Domini.

debeant, ut oportet, erudiant. Insistent præterea, ut juxta Christi monitum semper orent, & numquam deficiant; quod quidem dupliciter fiet. Primo si facillimum illud, atque utilissimum orationis genus amplectantur, quo Deum semper sibi præsentem, atque operum suorum inspectorem in omnibus suis negotiis habentes, breves identidem preces, quas jaculatorias vocant, ex imo corde ad ipsum fundant. Quo quidem orationis genere priscos Monachos se magno cum profectu, atque utilitate exercuisse narrant Cassianus (1), & Augustinus (2): *Utilius censes, breves quidem, sed creberrimas orationes fieri, quam longas: illud quidem, ut frequentius Dominum deprecantes, jugiter eidem coherere possint: hoc vero, ut insidiantis diaboli jacula succincta brevitate vitentur*. Deinde si itatis horis quotidie certas Deo porrigant preces, quibus se, suaque omnia, ac præsertim quæ ad animarum suarum salutem pertinent, divinæ Bonitati, ac Beneficentiæ enixe commendent. Duo autem potissimum aptiora sunt orandi tempora; matutinum videlicet, ac vespertinum. Quid enim decentius, aut opportunius, quam ut homo primo mane, e lecto surgens, illius diei primitias Creatori suo orando offerat, ac vespere, antequam cubitum eat, pro acceptis ea die beneficiis gratias Deo referat, & ab ejus Beneficentiâ nova adhuc postulet, atque uberiora? Ipsæ volucres cœli, uti notat S. Ambrosius (3), *surgente, & occidente die, suos cantus instaurare consueverunt, ut decursi, vel adorandi temporis laudes suo referant Creatori*. Sapiens, ut Ecclesiastici cap. 6. monemur, *cor suum tradet ad vigilandum diluculo ad Dominum, qui fecit illum, & in conspectu Altissimi deprecabitur: aperiet os suum in oratione, & pro delictis suis deprecabitur*. Angelorum panis, seu manna, quo populum suum pavit Deus in deserto, diluculo circa Israelitica tentoria delabebatur e cœlo, & nisi ante solis ortum colligeretur, continuo solaribus incallescens radiis tabescebat, & *quod ab igne* (4) *non poterat exterminari*, uti legimus Sapientiæ cap. 16.,

statim

(1) Cassianus lib. 2. de institut. Cœnobiorum cap. 10. (2) S. Aug. epist. 130.

(3) S. Ambros. Hexamer. 7. cap. 12.

(4) Sapientiæ c. 16.

statim ab exiguo solis radio calefactum tabescebat ; ut notum omnibus esset , quoniam oportet praevenire solem ad benedictionem tuam , Domine , & ad ortum lucis te adorare . Hinc adversus Christianos quosdam , qui somno nimium indulgent , sic invehitur S. Ambrosius (1) : *Grave est , si te otiosum in stratis radius solis orientis invetecundo pudore conveniat , & lux clara seriat oculos somnolentos , adhuc sopore depressos .* Quid etiam Christiano homini honestius , atque utilius , quam , ut exacta jam die , antequam somno corpus reficiat , bonorum omnium largitori pro collatis donis gratias agat , & a nocturnis daemonum fraudibus , ac periculis exiini se ab eodem petat , ac praeservari ? Agnos (2) anniculos immaculatos duos quotidie in holocaustum sempiternum sibi ab Hebraeis offerri in veteri Testamento praecepit Deus , unum mane , & alterum ad vesperam , suavisissimi videlicet odoris oblationem , ut Sacrae testantur Litterae . At nonne recta ratio postulat , ut Christiani longe majoribus a Deo beneficiis aucti , vespere saltem , & mane quotidie eidem offerant Sacrificium laudis , eorumque oratio , sicut incensum , in conspectu ejus in odorem suavitatis ascendat ?

ARTICULUS III.

De oratione mentali , ac vocali .

- I. **O** Ratio alia est mentalis , vocalis altera : utraque Christianis maxime utilis , ac necessaria . Mentalis est , in qua internas animae nostrae facultates exercemus , ac non verbis , & voce , sed animo , ac mente Deum suppliciter , ac familiariter alloquimur . In ea enim in memoriam primum nobis veritates divinitus revelatas revocamus : eas deinde nostro propositis intellectui diligenter perpendimus , ac scrutamur , ut penitus intellectus animis nostris altius insideant , donec ex earum meditatione commota voluntas in suos erumpat actus , quibus & detestetur malum , & bonum prosequatur ; utque propositi tenax fidein servet , quam practi-

(1) S. Ambrosii loc. cit.

(2) Numerorum c. 28.

præstitit, taciti Deum ex animo etiam, atque etiam rogamus, & obtestamur. Vocalis autem oratio fit, quando quis ore clamat ad Deum, & extrinsecus prolatis vocibus, modo divinam exposcit opem, modo pro acceptis beneficiis debitas rependit grates, modo Dei laudes recenset, atque ex imo corde amorem suum, aut reverentiam, aut alios pietatis affectus exprimit. Pauca de utraque dicamus, ut ad utilissimum utriusque exercitium Fideles omnes, ac præsertim Clerici, quos præ aliis adhærere Deo firmius oportet, inflammentur.

II. Utinam omnes meditari cœlestia discerent, ac solerent! Profecto non tanta criminum alluvione Christianus Populus rapetur in præceps, cum desolatione (1) *desolata sit omnis terra, quia nullus est, qui recogitet corde*. Ino vero factus Populus Deo acceptabilis, & sectator bonorum operum, virtutum omnium laude floreret. *Beatus vir* (2), non minus propria edoctus experientia, quam divino lumine perfusus David exclamavit, *Beatus vir, qui in lege Domini meditatur: erit tamquam lignum, quod plantatum est secus decursus aquarum, quod fructum suum dabit in tempore suo, & folium ejus non defluet, & omnia, quaecumque faciet, prosperabuntur*. Hinc optimo jure meditationem S. Laurentius Justinianus virtutum omnium nutricem nuncupavit. In ea quippe cum virtutis pretium, & vitiorum turpitudine detegatur; exinde fit, ut facile in nostris animis illius amor, & istorum odium excitetur, nobisque appareat, quod latebat, & suave fiat, quod non delectabat. Ex divinarum etiam perfectionum meditatione, quibus Theologicæ virtutes innituntur, divinæ videlicet Sapientiae, & Veracitatis, Potentiæ, ac Fidelitatis, Bonitatis, atque Amabilitatis, infinitæ Majestatis, ac Supremi rerum omnium dominii, roboratur Fides, Spes solidatur, augetur Charitas, ac Religio, quæ primum inter virtutes morales obtinet, vividius, frequentiusque exercetur. Oratio ipsa, seu petitio, cui summa inest vis ea omnia, quibus indigemus, a Deo impetrandi, efficaciam suam magna ex parte

(1) Jeremiæ c. 12. v. 11. (2) Psalm. 1.

te a meditatione mutuatur. *Ad summam enim scilicet, quam vidit Jacob, videlicet ad Dei Thronum, veluti duobus quibusdam pedibus ascendamus oportet*, ut ait S. Bernardus, *meditatione, & oratione. Meditatio siquidem docet, quid desit; oratio, ne desit, obtinet: illa viam ostendit, ista deducit; meditatione denique agnoscimus imminencia nobis pericula, oratione evadimus*. Sane hæc omnia expertus David, innumera se ex meditatione hausisse animi bona testatur. Meditationi quippe acceptum refert, quod e criminum suorum cæno emerferit, & ad veram eorumdem pœnitentiam fuerit adductus. *Cogitavi (1) vias meas, & converti pedes meos in testimonia tua*. In meditatione roboratum se fuisse dicit, ut non periret, cum illum & vi, & dolo Tartarei hostes aggredierentur. *Nisi quod (2) lex tua meditatio mea est, tunc forte periissem in humilitate mea*. Divini tandem amoris ignem meditationis ope in corde suo exarsisse testatur: *Concaluit (3) cor meum intra me, & in meditatione mea exardescet ignis*.

III. Cum tot, tantaque bona ex divinæ legis meditatione in nos derivari possint, nonne æquum est, ut Clerici potissimum, atque animarum Pastores, per quos populi erudiendi sunt, pio huic exercitio se dedant, nullumque elabi diem patiantur, quo non per aliquod tempus rerum æternarum meditationi vacent? Ipsi Angelorum nomine in sacris litteris appellantur: Angelos igitur imitentur, qui divinam faciem non desinunt intueri. Matutinum autem tempus esse ad meditandum aptius, exemplo suo nos docet David: *In matutinis (4) meditabor in te, quia fuisti adjutor meus*. *Prævenierunt (5) oculi mei ad te diluculo, ut meditarer eloquia tua*. Ratio quoque id suadet: matutino enim tempore, postquam somno refectæ sunt vires, mens, quæ cessavit a curis, alacrior est ad legem Domini meditandam, & ad audiendam vocem sermonum ejus. Unde fit, ut sanctæ, ac salubres illæ cogitationes, quas meditati ingerit Deus, animo altius insideant, & voluntas divi

ni

(1) Psalm. 118. v. 59.

(2) Psalm. 118. v. 92.

(3) Psalm. 38. v. 4.

(4) Psalm. 62. v. 7.

(5) Psalm. 118. v. 148. *

ni ignis amore succensa Omnipotentem ardentius deprecetur, & ab eodem etiam facilius, celeriusque exaudiatur, juxta Davidicum illud: *Quoniam* (1) *ad te orabo, Domine, mane; exaudies vocem meam*; & juxta illud Job: *Si diluculo* (2) *con surrexeris ad Deum, & Omnipotentem fueris deprecatus; statim evigilabit ad te, & pacatum reddet habitaculum tuum*. Hortamur itaque in Domino Clericos omnes, ac potissimum Parochos, aliosque, quibus animarum cura commissa est, ut quotidie mane per dimidiam horam, aut saltem per quartam horæ partem rerum æternarum meditationi vacent; qua quidem in re, ut quodcunque errandi evitetur periculum, ab iis meditando regulis, ac methodo, quas in suis operibus S. Franciscus Salesius, in peculiari quodam libro S. Petrus de Alcantara, & in aureo illo Exercitiorum spiritualium libello S. Ignatius de Lojola tradiderunt, non recedant.

IV. Tutissimis hæc regulis, multoque magis quotidiana ipsa praxi eruditi plebem suam in Concionibus Parochi, & poenitentes suos in Sacro Poenitentiae Tribunali Confessarii, ad salutare hoc piæ meditationis exercitium excitent, atque hortentur; iisdemque explicent uberrimos fructus, quos inde erunt percepturi, & Indulgentias plurimas, ac peccatorum remissiones, quas Romani Pontifices concessere, ac Benedictus XIV. (3) peculiari sua Constitutione (cujus exemplar in appendice num. 7. damus) confirmavit, & auxit, pro iis omnibus, ac singulis, qui tam in Ecclesiis, quam alibi, & ubicumque locorum, publice, & privatim quoscumque homines, orandi, seu meditando rudes, quomodocumque erare, ac meditari docuerint, sive qui pie orandi, & meditando institutioni hujusmodi interfuerint. Edoceant præterea, quam facile, quantoque cum veræ pietatis incremento hujusmodi meditationi vacare possint, futilesque, ac vanas excusationes, quæ proferri in medium solent, ne tam pio, ac religioso exercitio detur opera, solvant, ac diluant. Quod quidem nullq negotio præstabunt, si pios legant

M
libros,

(1) Psalm. 5. v. 3. (2) Job c. 8. (3) Benedictus XIV. in Const. *Quemadmodum* *nihil*. die 16. Decemb. 1746.

libros, in quibus de meditationis utilitate fuse, copioseque differitur.

V. Cum autem externa, & vocalis oratio familiarissima Fidelibus sit, in hac iidem frequentius inſtruantur a Parochis. Edoceantur itaque, huic orationi, ut utilis ſit, ac Deo placens, internam animi attentionem eſſe conjungendam, quæ tamen deſideratur, cum quis in precibus recitandis ad domeſticarum, aliarumve rerum cogitationem volens, ac lubens diſtrahitur. De his autem ſic male orantibus conqueritur Dominus in Evangelio (1). *Populus hic labiis me honorat, cor autem eorum longe eſt a me, eorumque oratio non ejus, quod poſtulat, impetrationem, ſed divinam potius ultionem promeretur. Quomodo, inquit S. Cyprianus (2), te exaudiri poſtulas a Deo, cum te ipſe non audias? Hoc eſt Majeſtatem Dei negligentia orationis offendere: hoc eſt vigilare oculis, & corde dormire.* Unuſquiſque igitur ante orationem (3) præparet animam ſuam, ne ſit quali homio, qui tentat Deum. Cum orare incipit, mentem, animumque ad Deum intendat. Cum orat, toto corde clamet ad Deum: *clamor autem cordis*, ut S. Auguſtini (4) utamur verbis, *eſt magna cogitationis intentio, & tunc porro toto corde clamatur, quando aliud non cogitatur.* Tandem ſi qua inter orandum mentis evagatio ſubrepat; ſtatim ac id advertit, ex animo doleat, ac mente, & corde revertatur ad Dominum: *Si enim (5) vel hoc dolemus, jam oramus*, uti ab eodem S. Auguſtino ſapienter edocemur.

VI. Cum autem vocales preces, quibus frequentius uti Populus conſuevit, ſint *Oratio Dominica, & Angelica Salutatio*, & hæc ſint reliquarum omnium præſtantiſſimæ (earum enim priorem Chriſtus ipſe nos docuit, alteram vero partim ex Archangeli Gabrielis, Sanctæque Eliſabeth verbis, partim ex ſuis precibus Catholica efformavit Eccleſia); Proinde Parochi accurate, diſtin-

cte,

(1) Matth. c. 15.

(2) S. Cyprianus lib. de orat. Dominica.

(3) Eccleſiaſtici c. 18.

(4) S. Auguſt. enarrat. in Pſalm. 118.

ſerm. 29.

(5) S. Aug. lib. 1. ad Simplicianum q. 2.

cte, & per partes utramque persæpe Fidelibus explicent, prout ex SS. Ecclesiæ Patribus, ex Catechismo Romano, atque ex Venerab. Cardinalis Bellarmini Catechesi colligere abunde poterunt. Illud etiam diligenter curent, ut quotidie statis horis, mane, vespere, & meridie per certos nolæ pulsus Fideles ad illas recitandas preces, quibus Dominicæ Incarnationis Mysterium recollitur, & ad ea, quibus egent, a Deo per Deiparæ Virginis intercessionem postulanda beneficia excitentur. Ut autem ad id præstandum alliciantur, lucrandas iisdem proponant, & explicent Indulgentias a Benedicto XIII. (1) omnibus, & singulis, qui recensitas preces pie recitent, Apostolica auctoritate concessas; quarum summa hæc est. Quoties Fidelis aliquis, sive mane, sive meridie, sive vespere, ad consuetos nolæ pulsus preces illas *Angelus Domini &c.*, cum triplici Angelica salutatione flexis genibus pie, ac devote recitaverit (exceptis diebus Dominicis a primis Vesperis, totoque Paschali tempore: tunc enim eadem a stantibus recitantur; & Paschali quidem tempore loco dictarum precum illæ aliæ recitari possunt *Regina celi*; quemadmodum Benedictus XIV. suis litteris in forma Brevis declaravit) toties centum dierum Indulgentiam lucratur; ac præterea semel in mense plenariam omnium peccatorum suorum remissionem, atque Indulgentiam, si peccata sua rite confessus, Eucharistica dape reficiatur, & pro Christianorum Principum concordia, hæresum extirpatione, ac Sanctæ Matris Ecclesiæ exaltatione pias ad Deum preces effundat, consequi pro arbitrio potest. Curent item, ut quotidie sub primam noctis horam signum orandi pro defunctis Christifidelibus detur, in quorum suffragium quicumque, audito signo, Psalmum *De profundis*, vel semel orationem Dominicam, & salutationem Angelicam cum versiculo *Requiem æternam &c.* flexis genibus pie, religioseque recitaverit, is centum Indulgentiæ dies ex Apostolica Clementis XII. (2) largitate sibi comparat;

M 2

& fi

(1) Benedictus XIII. 14. Sept. 1724. in Brevi, quod incip. *Injunxit nobis.*

(2) Clemens XII. in suo Brevi *Cælestis Ecclesiæ*. 14. Aug. 1736.

& si per annum integrum id peregerit, semel in anno, quo die maluerit, omnium peccatorum suorum Indulgentiam, ac remissionem assequetur, si eodem die, culpis suis Pœnitentiæ Sacramento expiatis, Eucharistico vescatur cibo, Deumque piis precibus obtineatur, ut Christianos Principes ad concordiam deducat, hæreses evellat, Sanctamque Ecclesiam in ampliorem dignitatis locum extollat. Præterea qualibet sexta feria totius anni hora vigesima prima (quemadmodum Benedictus XIV. (1) in virtute Sanctæ Obedientiæ Parochis, Rectoribus, aliisque quocumque nomine appellatis, Ecclesiarum Metropolitanarum, Cathedralium, & Parochialium Superioribus mandavit) per certos nolæ ietus Passionis, & Agoniæ Domini Nostri Jesu Christi memoriam in Fidelium animis excitari jubeant, ut iidem quinquies Orationem Dominicam, & Angelicam Salutationem flexis genibus recitent, & pro Christianorum Principum concordia, aliisque superius expositis, nec non pro salutari perditorum hominum emendatione pias ad Deum fundant preces. Singulis autem Fidelibus, qui hæc peregerint, centum dies de injunctis eis, seu alias quomodolibet debitis pœnitentiis idem Benedictus XIV. in forma Ecclesiæ consueta misericorditer relaxavit. Tres istas Summorum Pontificum litteras in forma Brevis in Appendice num. 8. hujus Synodi damus. Volumus tandem, ut in Cathedrali Nostro Templo illæsa servetur laudabilis, quæ viget, consuetudo per certos nolæ pulsus quotidie hora vigesima tertia monendi Fideles, ut Apostolorum Symbolum recitent, Deumque precentur pro iis, qui in mortis articulo constituti luctantur cum dæmone, divinaque egent ope, ne in extrema cum Principibus tenebrarum pugna succumbant.

VII. Oratio vocalis, de qua locuti hætenus sumus, alia est privata, alia publica. Privata illa est, quam quis privatim, suoque nomine pro se, aut pro aliis sive domi, sive in Templo, sive quocumque alio in loco fundit ad Deum. Publica est, quæ Deo

(1) Benedictus XIV. in suo Brevis *Ad Passionis*. 3. Dec. 1740.

Deo publica auctoritate, totiusque Ecclesiæ nomine a Ministris ad id deputatis offertur, cujusmodi sunt preces, quæ a Sacerdotibus Deo porriguntur in Missarum celebratione, in horis Canonicis recitandis, in publicis habendis supplicationibus &c. De Missarum celebratione suo loco multa jam diximus. Pauca nunc ad Populi utilitatem, qui Missæ Sacrificio est interfuturus, subnectemus. Ut Populus de hoc sublimissimo Sacrificio digne sentiat, atque eidem singulari pietate, ac religione frequenter intersit; ejus excellentiam (1), vim, fructusque, atque etiam aliquam mysteriorum ejusdem partem Fidelibus Parochi persæpe declarant. Eos etiam hortentur plurimum, ut, si fieri possit, quotidie incruento huic Sacrificio assint, maximam inde animorum, corporumque utilitatem percepturi. Parentes item, ac Dominos frequenter admoneant, eorum curæ, vigilantiaque commissum esse, ut liberi, famulique diebus Dominicis, ac Festis, Ecclesiæ præcepto (2) satisfaciant, quo Fideles omnes adulti utriusque sexus Missam jubentur audire. Sedulo etiam, serioque insistent, ut, qui Sacrificio huic interfunt, vultu ad modestiam composito, silentio summo, nudato capite, flexisque genibus adsint, ad Evangelii dumtaxat lectionem assurrecturi. Illud præterea Parochis, aliisque Sacerdotibus districte inhibemus, ne (3) Laicos ullos, ac præsertim Mulieres, dum Missæ celebrantur, intra Altaris cancellos admittant, neve, si hi forte desint, ad Altare eos tam prope accedere patiantur, ut sacra Mysteria celebrantem interturbent. Contra vero neminem sub dio, aut etiam in Templi vestibulo (4) consilere sinant, nisi id aut magna Populi multitudo, aut nimia Templi requirat angustia; sed omnes in domum Dei intrare compellant, ut divina Mysteria non eminus spectent, sed coram

(1) Trid. sess. 22. c. 8. de Sacrif. Missæ.

(2) Can. *Omnes Fideles*, & Can. *Missas* dist. 1. de consecrat.

(3) Can. *Apostolica*. dist. 1. de consecr., Can. *Sacerd.* 30. dist. 2. de consecr., cap. 1.

de vita, & honest. Cleric., & cap. *Inhibendum*. de cohabitatione Clericorum.

(4) Conc. Prov. Mediol. I. tit. *Quæ pertinent ad celebr. Missæ*.

94 CONSTITUTIONES SYNODALES

coram adorent, ac prout venerentur. Reliquum nunc est, ut de Horarum Canonicarum recitatione, ac de publicis supplicationibus, aut Processionibus aliqua dicamus.

ARTICULUS IV.

De Horis Canonicis, sive privatim, sive in Choro persolvendis.

I. **H**ORÆ Canonicae, quas (1) ab Apostolis praescriptas, a Pelagio, ac Damaso Summis Pontificibus suorum decretorum robore firmatas, a Gelasio I., ac duobus Gregoriis I., & II. Sacrorum Rituum decore auctas, ac tandem a S. Pio V. ad formam, qua nunc in Breviario Romano utimur, redactas fuisse non ignoramus, a pluribus Conciliis, a Romanis Pontificibus, atque ab Ecclesiasticis Scriptoris *Divinum* nuncupantur officium, quia videlicet certa sunt laudandi, precandique Deum ratio, quae tamquam propria, ac debita ineunda ab iis est, qui se totos Deo consecrarunt. Hinc in primæva Christi Ecclesia Clerici omnes, sive minori, sive majori fungerentur Clericatu, statis horis una cum Christiano Populo conveniebant, ut divina celebrarent Officia, & Clericatu prorsus indignus habebatur, qui hoc servitutis suae pensum Deo persolvere negligeret, praesertim cum ab ipso Ecclesiae exordio usque ad duodecimum Christi saeculum nemo Clericalem aggredereetur militiam, quin simul alicujus Ecclesiae Canonici, seu Matriculae adscriberetur, ut eidem in divinis obeundis officiis deserviret, & ejusdem vicissim sumptibus aleretur, ex oblationibus videlicet, Decimis, Primitiis, aliisque redditibus, quos Laici Ecclesiis offerebant, ut Clerum haberent apud Deum pro se in divinis Officiis deprecatores. Verum cum post saeculum undecimum induci in Ecclesiam consuetudo coepisset, ut aliqui

(1) S. Aug. ep. 119., Clemens Romanus lib. 8. Const. c. 40., S. Hieronym. lib. de officiis, Maurolicus in Martyrologio

27. Augusti, S. Pius V. Const. 64. *Quod a nobis*, 7. Id. Julii 1508.

qui ad Clericatum promoverentur ex solo Patrimonii titulo, quin peculiari ullius Ecclesie servitio addicerentur; Minores Clerici propriam sustentationem e Patrimonio percipientes, paulatim in animum inducere cœperunt suum, se proinde neque ad publicam, neque ad privatam Horarum Canonicarum recitationem obligari. Hinc paulatim ex quadam Ecclesie conniventia, tacitaque permissione ad solos Clericos vel Ecclesiasticis beneficiis auctos, vel in Sacris Ordinibus constitutos talis obligatio contracta est: quod quidem post decimum tertium Christi sæculum Ecclesiasticis legibus confirmatum fuisse comperimus. Quotquot enim Conciliorum (1) decreta, ac Romanorum Pontificum Constitutiones post decimum tertium sæculum emanarunt, eadem solos Beneficiatos, & Clericos in Sacris Ordinibus constitutos ad solvendum sive publice, sive privatim Horarum Canonicarum pensum teneri, perspicuis verbis edixerunt.

II. Hac igitur Canonicas Horas quotidie recitandi lege tenentur omnes, & singuli, qui aut Sacris Ordinibus initiati, aut Ecclesiastico Beneficio sunt insigniti. Qui vero pensionem ex Ecclesiastico Beneficio ut Clericus percipit, ex Constitutione (2) S. Pii V. Officium parvum Deiparæ Virginis in totidem Horas distributum quotidie recitandi præcepto obligatur. Si quis itaque Sacrorum Ordinum honore decoratus, Canonicas Horas, aut earum aliquam sive totam, sive notabili ex parte recitare culpabiliter omiserit, gravi se obstringit crimine, cum Innocentius III. (3) *in virtute obedientie districte precipiat, ut Sacris Ordinibus initiati Divinum Officium, nocturnum pariter, & diurnum, quantum eis Deus dederit, studiose celebrent, & devote.* In eos vero, qui Beneficiis Ecclesiasticis aucti simili se culpa alligant, Concilium Lateranense V. (4), & S. Pius V. (5) statuerunt, ut, præter lethalis culpæ reatum, beneficiorum suorum fructus pro rata omissionis Offi-

(1) Concil. Basileen. sess. 21. can. 5., Concil. Lateranen. IV. can. 17., Concil. Lateranen. V. sess. 9., & S. Pius V. Constit. Ex proximo Lateranensi, edita an. 1571.

(2) S. Pius V. cit. Constit.

(3) Cap. Dilenter. de celebrat. Missar.

(4) Concil. Lateran. V. sess. 9.

(5) S. Pius V. cit. Constit.

Officii, & temporis non faciant suos, sed eos, tamquam injuste perceptos, in fabricas ipsorum Beneficiorum, vel pauperum elemosynas erogare teneantur, quoties post sex menses, quam Beneficia obtinuerint, Officium non recitaverint. En laudati Sanctissimi Pontificis verba, per quæ illud etiam decernit, quota videlicet fructuum restituendorum pars recitationis omissioni respondeat. *Ex proximo Lateranensi Concilio ea salubris sanctio emanavit, ut quicumque habens Beneficium Ecclesiasticum cum cura, & sine cura, si post sex menses, quam illud obtinuerit, divinum Officium, legitimo cessante impedimento, non dixerit, Beneficiorum suorum fructus pro rata omissionis Officii, & temporis suos non faciat, sed eos, tamquam injuste perceptos, in fabricas ipsorum Beneficiorum, vel pauperum elemosynas erogare teneatur. Verumtamen multorum animi suspensione tenentur, cujusmodi rate prædictæ ratio sit habenda. Nos huic rei evidentiur, atque expressius providere volentes, statuimus, ut, qui Horas omnes Canonicas uno, vel pluribus diebus intermiserit, omnes Beneficii, seu Beneficiorum suorum fructus, qui illi, vel illis diebus responderent, si quotidie dividerentur; qui vero Matutinum tantum, dimidiam; qui ceteras Horas omnes, aliam dimidiam; qui harum singulas, sextam partem fructuum ejusdem di. i amittat, tametsi aliquis Choro additus non recitans, omnibus Horis Canonicis cum aliis præsentia adfuit, fructusque, & distributiones forte aliter assignatas, sola præsentia juxta statuta, consuetudinem, fundationem, vel alias sibi lucrificasse prætendat, etiam præter fructuum, & distributionum amissionem. Item ille, qui primis sex mensibus Officium non dixerit, nisi legitimum impedimentum ipsum excusaverit, grave peccatum intelligat admisisse; declarantes præstimonias, præstimoniales portiones, & qualiacumque alia Beneficia, etiam nullum omnino servitium habentia, obincentes, cum prædictis pariter convenire. At quicumque pensionem, fructus, aut alias res Ecclesiasticas ut Clericus percipit, cum modo prædicto ad dicendum officium parvum Beatæ Mariæ Virginis decernimus obligatum, & pensionum, fructuum, rerumque ipsarum amissioni obnoxium. Ex postremis hujusce Sanctissimi Pontificis verbis patet, eos quoque, quibus*

bus ex Ecclesiastico beneficio pensio perfolvitur, & lethale crimen admittere, & fructuum tamquam injuste perceptorum restitutioni pro rata omissionis Officii, & temporis esse obnoxios, si Officium parvum Beatæ Virginis, aut aliquam ejus partem recitare culpabiliter omiserint.

III. Has itaque Canonicas pœnas, aliasque, prout opus fuerit, arbitrio Nostro infligendas subibunt ii, qui muneris sui obliti, divinumque servitium averfati, fructus quidem ab Ecclesiasticis beneficiis sedulo percipiunt, debitum tamen Horarum Canonicarum pensum perfolvere renuunt. Verum, quamquam incusfusus hic pœnarum inetus ab hac admittenda culpa remorari vecordes possit; Nos tamen multo magis timeri ab iis cupimus pœnam, a Deo, qui falli nullo modo potest, adversus ipsos infligendam, iisque in memoriam revocamus celebre illud Hugonis monitum, qui paucis totam hujus officii rationem complexus est: *Accipe beneficium, redde servitium, & effugies supplicium*. Meminerint pariter, qui ad horas Canonicas recitandas tenentur, in virtute Sanctæ Obedientiæ, ac sub interminatione divini Judicii vetitum ipsis esse, ne in praxim deducant scandalosas illas propositiones, quas Alexander VII. (1), & Innocentius XI. (2) merito proscribere, videlicet *unico officio potest quis duplici præcepto satisfacere pro die præfenti, & crastino: Officii Paschalis recitatione satisfieri potest obligationi recitandi Officium Palmarum: qui Matutinum, & Laudes recitare nequit, etiamsi reliquas Horas recitare possit, ad nihil tenetur. Beneficiati, si studio litterarum vacent, obligationi suæ satisfacere possunt, si Officium per alium recitent: Beneficiati, si Officii recitationem omitant, non, nisi post Judicis sententiam declaratoriam criminis, ad fructuum perceptorum restitutionem tenentur: hujus restitutionis obligationi satisfieri per elemosynas antea factas potest*. Tandem omnibus, tam qui in Ecclesiis, quam qui privatim domi horas Canonicas

N

reci-

(1) Alexand. VII. 24. Septemb. 1665. in damnat. propof. 10. & 21., & 18. Martii 1666. in damnat. propof. 33., 34., & 35.

(2) Innocentius XI. 2. Martii 1679. in damnat. propof. 54.

recitant, districte præcipimus, ut in iis recitandis Romano dumtaxat Breviario, quod jussu S. Pii V. ex Concilii Tridentini auctoritate editum est, utantur, quin addere, aut detrahere quidquam ex eo licite possint.

IV. Quamquam humanæ mentis imbecillitati, quæ non facile quietem fert, sed pererrare huc illuc solet, plurimum indulgeatur; magnam tamen quisque curam adhibeat, ut in divinis Officiis obeundis rei, quam agit, intendat animum, & non modo solvere, quod debet, sed libenter etiam, attente, ac pie persolvere videatur, divinæ illius comminationis memor: *Maledictus* (1) *homo, qui facit opus Dei negligenter*. Mentem igitur alio dilabentem, ac discurrentem sæpe revocet, neque in alias abire cogitationes ipse ultro sinat, aut se ab aliis, nisi necessitas, aut Christiana charitas urgeat, interpellari patiatur. Horas itaque Canonicas recitaturus, in locum ab omni remotum strepitu, quoad fieri potest, recedat, *Et ne, dum lingua* (2) *orat, mens sine fructu sit; oret spiritu*, ut ait Apostolus, *oret & mente; psallat spiritu, psalla: & mente*. Verba quidem distincte, aperteque proferat, neque præcipiti lingua involvat, & glomeret, aut intercipiat, ac veluti devoret, antequam ex ore profundat: Verum id etiam, quod legit, det operam, ut intelligat, ac percipiat; & quod ore profert, intimo animi sui sensu prosequatur. Hac ratione triplicem illum finem, quem in præscribenda Horarum Canonicarum recitatione sibi proposuit Ecclesia, facile assequetur; primum videlicet, ut cælestem illam Jerusalem, quæ divinis semper resultat laudibus, Militantis Ecclesiæ Cives æmulentur, juxta illud: *Sed illa* (3) *Sedes Celitum semper resultat laudibus: illi canentes jungimus almæ Sionis æmuli*: Deinde ut tamquam Ecclesiæ Ministri ejusdem legatione fungamur apud Deum, eumque obsecrationibus, ac precibus Christiano Populo placatum, propitiumque reddamus: Tandem ut per quotidianam psalmodiam arctius Deo ad hæreamus, ejusque perpetua, ut par est, familiaritate fruamur.

V. Qui

(1) Jerem. c.48. v.10. (2) 1. ad Cor. c.14. (3) Hymn. in Festo Dedic. Ecclesiæ.

V. Qui morbo aliquo ita sunt affecti, ut ex Horarum Canonicarum recitatione, ne gravior fiat valetudo, prudenter ti inear (in quo Medici iudicio standum erit) iis officium omittere sine culpa, adeoque etiam sine fructuum perceptorum restitutione licebit. Quisque tamen diligenter caveat, ne ad excusandas excusationes in peccatis quacumque levissima ex causa id faciat: qui enim corda scrutatur, & renes, neque decipi, neque irrideri potest Deus. At cui vere noxius is labor, atque hæc recitatio esset, non proinde alios divinum recitantes Officiū audire, aut post recuperatam valetudinem omissū Officiū recitare tenetur. Privatiū quidem, ut diximus, Clericus vel morbo, vel alia gravi, iustaque causa impeditus intermittere interdum Horarum Canonicarum recitationem sine noxa potest. At publice in Ecclesia vel diem unum sine divinatorum Officiorum, aut alicujus eorum partis celebratione transigere nefas omnino est. Quare in Cathedrali Nostro hoc Templo Horas omnes Canonicas consuetō ritu quotidie (1) in Choro recitari jubemus, neque earum ullam sive Concionis, sive sollemnis suffragii, sive publicarum supplicationum, sive alterius cujusque rei causa intermittere unquam liceat, nisi summa intercedat necessitas, quæ Nobis iusta videatur, & sine qua opportunam ad id facultatem nunquam erimus largituri. Cæterum si qua de causa in Cathedrali Templo divina celebrari nequeant Officia, uti quotannis usuvenire videmus Festo die S. Matthæi Apostoli, quo die Tusculani Cives, finitimique Populi ad idem Cathedrale Templum confluant Sacram susceperunt Eucharistiam, ac Plenariam Indulgentiam lucraturi; tunc volumus, ac mandamus, ut a Capitulo, & Clero in filiali Ecclesia Sanctæ Mariæ de Vivario consueto solemni ritu divina omnia celebrentur Officia, debitique Deo cultus exhibeatur.

VI. Quoad Divinorum Officiorum recitationem, aut can-

N 2

tum

(1) Can. ult. dist. 92., cap. 1. de celebrat. Missar., Clement. 1. eod. tit., & S. Thomas epist. 19.

100 CONSTITUTIONES SYNODALES

tum in Choro, satis, superque consultum esse arbitramur per recentiores Nostræ Cathedralis Ecclesiæ Constitutiones, quas, cum anno 1761. pro Pastoralis Officii debito Diocesani Nostram visitaremus, ab ejusdem Cathedralis Ecclesiæ Capitulo Nobis oblatas, ut eas prævio maturo examine approbaremus, Nos ea majori, qua tunc fungebamur, auctoritate ultro, libenterque approbavimus, & confirmavimus, & nunc iterum in hac Diocesana Synodo approbamus, & confirmamus. Reliquum igitur est, ut ex ab omnibus, & singulis, ad quos pertinet, omnimodæ executioni demandentur; quod quidem sub pœnis in iisdem Constitutionibus contentis, aliisque arbitrio Nostro infligendis præcipimus, ac mandamus. Ne qua vero ab earum transgressoribus ignorantia obtendi posset excusatio, easdem Typis editas omnibus Canonicis, ac Beneficiatis, aliisque, ad quos pertinet, dono dedimus, ut ab iisdem frequenter perlegerentur, eorumque memoriæ, animisque altius infiderent. Unde illud commodi derivatum iri confidimus, ut divina Officia (quemadmodum jam fieri gratulamur) rite, graviter, sancteque celebrentur, magnæque & ii, qui interfunt, & ii, qui munus suum exequentur, religione erga Deum commoveantur. Pauca nunc Canonicis, Beneficiatis, aliisque Chori servitio addictis in memoriam revocabimus, ut ab iis diligenter abstineant, nisi munus suum (quod absit) graviter negligere, læsæque justitiæ rei fieri velint.

VII. Primum itaque eos omnes, qui Chori servitio sunt addicti, non inodo præscriptis temporibus in loco residentiæ suæ personaliter adesse, verum etiam & Choro interesse, & divina obire Officia, & debitum Ecclesiæ suæ præstare servitium oportet. Non enim otiosa (1) esse debet residentia, sed laboriosa, cum nihil Ecclesiæ profit Clericorum personalis in Beneficii loco præsentia, nisi ii divinis adsint Officiis, propter quæ Beneficia sunt constituta. Quare sciant omnes, qui Choro sunt deputati,

COS

(1) Cap. *Congruente*, & cap. *Relatum*. de Clericis non-residentibus.

eos (1), si absque legitima causa, quæ ad Sacrorum Canonum normam a Nobis erit approbanda, per notabile aliquod tempus Choro non interfint, Ecclesiæque suæ non inserviant, non modo distributiones quotidianas amittere, verum etiam suos non facere præbendæ, ac Beneficii fructus, gravique se apud Deum culpa alligare. Cum enim Præbendæ ad eum finem, atque sub eo onere Canonicis conferantur, ut earum fructibus enutriti, Ecclesiæ suæ psallendo, ac divina celebrando Officia deserviant; distributiones vero quotidianæ institutæ sint, & Canonicis, aliisque Choro deputatis dentur, ut iidem, si diligentes sint, diligentiores fiant, si negligentes, solertes fiant, ac diligentes in Choro frequentando, in Dei laudibus canendis, & in reliquis divinis obeundis Officiis; jam inde certo certius sequitur, ut, si Choro non interfint, divinaque Officia non celebrent, jam neque Præbendarum fructus faciant suos, neque distributiones lucrentur quotidianas: non enim eam conditionem implent, qua dumtaxat impleta, prædictos fructus, prædictasque distributiones facere possunt suos. Cum autem Canonicatus, aut alterius Beneficii titulo adnexum reperiatur onus personaliter Ecclesiæ inserviendi, psallendi in Choro, cæteraque divina Officia celebrandi; jam fit, ut cui Canonicatus, aut Beneficii titulus confertur, eidem adnexum quoque onus imponatur; quod quidem ipse ultro acceptat, ac subiturum se pollicetur, dum Canonicatus sui possessionem capiens juramentum emittit dicens: *In Canonicatu, seu Præbenda Canonicali, quam animo dimittenti non accepi, continuam residentiam faciam, Et per me eidem deserviam*. At quis ignoret, gravis eum culpa feri reum, qui graviter muneri deest suo?

VIII. Canonici, Beneficiati, alique omnes hujus Nostræ Cathedralis Ecclesiæ Choro addicti, non modo statis horis divinis

(1) Can. *Relatis*. dist. 91., Can. *Si quis Presbyter*. dist. 91., cap. *Doleantes*. de celebr. Missar. , Clem. 1. cod. tit. , Trident. sess. 6. c. 2., sess. 21. c. 3., sess. 22. c. 3., &

sess. 23. c. 1., Sacra Congr. Concil. in una Iselana reductionis Missarum, & observ. Chori 5. Septemb. 1693.

nis intersint Officiis, verum etiam psallant (1), & canant magno pietatis studio, vocibus apte comparatis, haud festinanter, nullisque præcis vocabulis, itaut pars Chori haud canere incipiat, cum pars altera cantum nondum absolvit, ut hac ratione Populus divinas laudes intelligat, & ad pietatem, ac religionem ex ipsarum cantu commoveatur. Si quis itaque Choro præsens assit, non tamen aliis psallentibus in cantu se adjungat, sed vel altum sibi silentium iniperet, vel privatim, submissaque voce Horas Canonicas, aut alias preces recitet; is procul dubio Præbendæ, ac distributionum fructus minime facit suos, eorumque restitutioni est obnoxius. Hunc proinde nos a Punctatoribus tamquam absentem haberi volumus; & nisi monitus resipuerit, aliis in eundem Canonicis poenis animadvertemus. Ne qui autem in psallendo inconcinni edantur clamores; omnes Choro addicti Gregorianum (2) cantum probe sciant, ac præsertim Hebdomadarii, quibus enixe commendamus, ut omnia juxta Rubricas attente prævideant, ac disponant, antequam suo fungantur Officio. Clericos quoque serio monemus, ut Gregoriano cantui addiscendo dent operam: de ejus enim peritia, cum vel ad Ordines, vel ad Beneficia promovendi erunt, peculiarem rationem sumus habituri, opportunum ea super re Magistri cantus testimonium requirentes.

IX. Quamquam ex antiqua Nostræ hujus Cathedralis Ecclesiæ consuetudine, & juxta recentiores (3) Capitulares Constitutiones, Dignitates, Canonici, ac Beneficiati certis quibusdam per turnum hebdomadis a Choro vacare quotannis possint; Nemini tamen Adventus, & Quadragesimæ temporibus, ac per totam solemni-

(1) Can. fin. dist. 92., Clem. 1. de celebrat. Missar., Concil. Basileen. sess. 21. §. 3., Trid. sess. 24. c. 12., S. Pius V. in Const. Ex proximo, Sac. Congr. Concil. in Egitanien. 23. Nov. 1602., & 12. Januar. 1619., in Vicent. 7. Junii 1626., in Tarvisen. 23. Februar. 1636., in Patavin. 17. Septemb.

1667., in Ullisbonen. Oriental. 5. Septembris 1722., Benedictus XIV. in Constit. Cum semper oblatas. 19. Aug. 1744.

(2) Sac. Congr. Conc. in Andrien. 15. Martii 1620., & in Atrien. 29. Febr. 1664.

(3) Constit. Capitul. cap. 2. §. 10.

lemnitatis Corporis Christi Octavam, a Choro abesse, multoque minus residentiae locum deferere licet, cum ejusmodi temporum sanctitas postulet, ut qui Chori servitio sunt additi, numquam non intersint, divina Officia tunc diligentius, ac religiosius obituri. Quamobrem si quis eorum absque legitima causa, ac non obtenta a Nobis, aut a Vicario Nostro Generali venia, praedictis temporibus locum residentiae suae, ad plures dies, aut frequenter, deferat, ac proinde Choro non intersit (1), poenis arbitrio Nostro infligendis multabitur.

X. In Nostri Cathedrali Ecclesia usus quidem jam dudum invaluit, ut ejusdem Canonici, ac Beneficiati quoad Ecclesiam, & Chori servitium sese invicem substituere aliquando possint. Verum hac in re cavere illud potissimum debent, ne ab ea regula aberrant, quam toties Sacra Congregatio Concilii servandam esse praescriptum. Ea autem haec est (2): *Sacra Congregatio Concilii sepius censuit, Episcopum permittere debere, ut Canonici in functionibus tum ipsius Ecclesiae, tum Chori, ad quas tenentur, sese invicem substituunt, dummodo substituens a Civitate, vel a Suburbis non absit, & substitutus eodem tempore ejusdem Ecclesiae servitio adstrictus non sit: praecavendum nihilominus esse, ne Canonici hujusmodi facultate abutentes, frequentius substituunt: quod ejusdem Ordinarii erit arbitrium.*

XI. Cum relatum Nobis fuerit in Cathedrali Nostri Ecclesia non semel usuenisse, ut deficiente Canonico, aut Beneficiato, qui juxta Capitulares Constitutiones Missam canere jubebatur, vix alius repertus fuerit, qui ejusmodi munus obiret; Ne simile quid summo cum Ecclesiastici Cœtus dedecore contingat in posterum; Praecipimus, & mandamus, ut, si Canonicus ille, aut Beneficiatus, a quo ad normam Capitularium Constitutionum Missa cantanda est, absque legitima causa huic suo desit muneri; prae ter consuetam Julii unius elemosynam, multetur in aliis obolis

(1) Synod. Tusculana anni 1703. cap. 9.

(2) Sac. Congr. Concil. in Venetana

23. Junii 1594. & in respons. ad B. Gre-

gorium Cardinalem Barbadigum Episcopum Bergomensem anno 1660.

obolis quinque, si Missa ab eo celebranda, sit solemnisi, seu, ut ajunt, *parata*, in obolis vero duobus cum dimidio, si Missa non sit *parata*, seu non solemnisi: quam quidem pecuniam statim post ejus Missae celebrationem a Capituli Camerario illi Canonico, aut Beneficiato persolvi jubemus, qui absentis vices supplevit. Volumus autem, ut Praefectus Chori quotidie mane opportuno tempore inquirat, an adsit, qui Missam sit cantaturus; & si fortasse absit, alium substituatur, qui absentis munere perfungatur: Si secus fecerit, trium juliorum Sacrario Ecclesiae applicandorum multam toties subibit, quoties hujus violatae legis erit reus.

XII. Ab ipso Ecclesiae nascentis exordio nemo Clericali Militiae nomen dabat suum, quin alicujus Ecclesiae servitio adscriptus, ejusdem stipendio militaret. Verum cum post undecimum Christi saeculum consuetudo paulatim induci coepisset, ut ad Clericatum aliqui ex solo patrimonii titulo promoverentur; paulatim etiam factum est, ut iidem nullius particularis Ecclesiae addicerentur servitio. Hinc divinus imminui in Ecclesiis cultus coepit, cum ex ob Clericorum iisdem adscriptorum defectum congruo Ministrorum numero destituerentur. Ut huic malo Tridentina Synodus occurreret, vestigiis sexti Canonis Concilii Chalcedonenfis inhærendo statuit, (1) *ut, cum nullus debeat ordinari, qui iudicio Episcopi non sit utilis, aut necessarius suis Ecclesiis, nullus etiam in posterum ordinetur, qui illi Ecclesiae, aut pio loco, pro cuius necessitate, aut utilitate assumitur, non adscribatur, ubi suis fungatur muneribus, nec incertis vagetur sedibus. Quod si locum, inconsulto Episcopo, deseruerit, ei Sacrorum exercitium interdiciatur.* Verum cum sapientissimum hoc Tridentini Concilii decretum pluribus in Diocesisibus negligeretur, Benedictus XIII. in Concilio Romano (2) illud confirmavit, uberiusque explicavit his verbis: *Clericali insuper Pœnsura nullus initiatur, nisi eodem tempore Ecclesia illi adscribatur, pro cuius servitio debet ordinari. Si qui vero sint, etiam minoribus, aut Sacris* Ord-

(1) Trid. sess. 23. cap. 16. de reformat.
 an. 1725. tit. 6. cap. 2.

(2) Concil. Roman. sub Benedicto XIII.

Ordinibus insigniti, qui nulli certæ Ecclesiæ fuerint adscripti; Episcopi adscriptionem hujusmodi etiam a suis Prædecessoribus omissemus supplere, Et pro arbitrio servitium toties, quoties opus fuerit, præstandum designent: quam adscriptionem quoad eos, qui jam promoti extra Diocesium vel studiorum causa, vel alia ab Episcopis probata commorantur, ad tempus ipsismet Episcopis beneficium differri posse indulgemus. Ita autem adscripti, etsi Clerici sint etiam conjugati, aut beneficia, vel officia Ecclesiastica non obtineant, ab Ecclesiæ servitio, cui fuerint deputati, festis diebus singulis, præsertim solemnioribus, ne absint, propria ibi munia obituri: alias ad altiores promovendi non promoveantur, Et jam promoti, Episcoporum arbitrio pro inobedientiæ gravitate multentur. Crescente vero contumacia, Episcopi, ultra pœnas a Concilio Tridentino indicatas, post trinam Canonicam monitionem, contra inobedientes, Et contumaces procedant ad omnium usque Clericalium privilegiorum privationem. Nos itaque sanctissimis utriusque Concilii decretis, ea, qua par est, animi alacritate obsequentes, statuimus primum, (1) ut si qui forte Nostræ Diocesis Clerici sive in primæ Tonsuræ, sive in minorum, sive in Sacrorum Ordinum susceptione nulli certæ Ecclesiæ adscripti fuerint; in Civitate Tusculana Nostræ Cathedralis Ecclesiæ servitio sint, & censeantur adscripti; in aliis vero Diocesis locis habeantur pro adscriptis servitio majoris Ecclesiæ loci illius, in quo domicilium habent suum. Destinamus præterea servitium, quod ab iis præstandum erit Ecclesiæ, cui fuerint adscripti. Volumus itaque, ut omnes, & singuli Clerici, qui ad Presbyteratum promoti non fuerint, festis diebus singulis de præcepto, ac præsertim solemnioribus, veste talari, alboque superpelliceo induti solemniter Missæ, ac Vesperis, quæ iis diebus in Choro celebrantur, intersint. Qui vero jam in Sacro Presbyteratus Ordine fuerint constituti, ac præsertim ii, qui in Ordinum susceptione, aut alias, Nostræ Cathedralis Ecclesiæ servitio fuerint adscripti, præcipimus, ut in eodem Cathedrali Templo Choro intersint iis diebus, iisque horis, quas alias in

O

Nostrò

(1) Synod. Auximana II. cap.4. sub Cardinali Lanfredino anno 1735.

Nostro Decreto præscriptum, cum Diœcesim visitaremus. Hujus decreti exemplar in Synodi Appendice num. 9. subnectimus, & aliud ejusdem exemplar in Cathedralis Templi Sacratio affixum pendere jussimus, ne quis ignorantia obtentu excusare se possit. Eorum itaque nullus sine legitimo impedimento, cujus judicium Nobis reservamus, a Choro statutis hisce diebus abesse audeat sub pœna pecuniaria, aliisque pœnis juxta Sacros Canones, & arbitrio Nostro infligendis. Ut autem hæc diligentius ferventur, præcipimus, ut Beneficiatus ille, cui demandata cura est adnotandi singulis Festis diebus illorum Clericorum nomina, qui Choro non interfunt, horum etiam Presbyterorum, de quibus loquimur, nomina adnotet, quoties eos præscriptis diebus a Choro abesse contigerit. Hujusmodi autem elenchum diligenter exaratum singulis mensibus Nobis, aut Vicario Nostro Generali exhibebit, aliquo tamen apud se ejusdem elenchi exemplari reservato.

XIII. Recta Ecclesiasticæ disciplinæ ratio postulat, ut in Sacris Functionibus obeundis suis cuique Clericorum cœtui tribuatur locus, nequa inter ipsos non sine Fidelium admiratione contentio, atque æmulatio oriatur. Cum itaque jam pluries Prædecessores Nostri controversiam inter Alumnos Seminarii Nostri Tusculani, & Clericos hujus Nostræ Civitatis hac super re ortam direxissent, decernentes præcedentiam in Ecclesia, in Choro, in Processionibus, aliisque sacris Functionibus tum de jure, tum de consuetudine Alumnis Seminarii Nostri Episcopalis convenire, iisque tribuendam esse; æquum profecto erat, ut omnes sapientissimis hisce Decretis acquiescerent, & obsequerentur. Verum cum primum ad Tusculanum Episcopatum evecti Nostram Diœcesim visitaremus, iidem Seminarii Nostri Alumni conquesti sunt apud Nos, destinatum sibi in Sacris Functionibus locum a Clericis nonnullis non modo impugnari, verum etiam per vim eripi, adeoque enixis precibus postularunt, ut suum illis Jus vindicarem. Nos, qui prædictos Alumnos ob eximiam eorum indolem, morum probitatem, progressum in litteris, ac Sacra-

rum

rum Cæremoniarum peritiam plurimum in Domino diligimus, eorum precibus benigne annuimus, ac re tota mature iterum discussa, decretum edidimus, quo non modo nostrorum Prædecessorum decreta confirmavimus, verum etiam præcepimus, ut in posterum Seminarii Nostri Alumni Clericos omnes Sacris Ordinibus nondum insignitos præcedant, primumque semper locum teneant, tum quando in Choro assident, tum quando in publicis supplicationibus procedunt, tum quando ad Eucharistiam, aut Candelas, aut Cineres, aut ramos olivarum de manu Sacerdotis recipiendos accedunt, tum demum quando in aliarum Sacrarum Functionum exercitio versantur. Nostro autem Vicario Generali mandavimus, ut in contradictores quoslibet, Nostrique ejusmodi Decreti Transgressores severe animadverteret, eosque remediis Juris, pœnisque pro ejus, aut Nostro arbitrio infligendis ad debitam obedientiam compelleret. Nequis vero deinceps sopitam hanc controversiam excitare iterum audeat, prædictum Nostrium Decretum in hac Synodo iterum confirmantes; novum eidem robur adjiciamus, atque ut vim legis Synodalis obtineat, decernimus, ac mandamus.

XIV. Dum Clerici divinis Officiis in Choro intersunt, toto Corporis habitu modestiam, pietatem, veramque erga Deum religionem præferant; dum psallendum est, concordibus psallant vocibus; ad Magistri Cæremoniarum nutum omnes simul statis temporibus aut sedebunt, aut assurgent, aut stabunt, aut procedent, aut procumbent in genua, Sacrasque Cæremonias pie, ac religiose exequentur. Laici vero homines, cum divina peraguntur Officia, Chorum, aut Presbyterium non ingrediantur: Ingressos autem Chori Præfectus admoneat, ut illico abeant: renuentes ad Nos deferantur, ut debitis eos pœnis coerceamus.

ARTICULUS V.

De publicis supplicationibus, aut Processionibus.

I. **S**upplicationes publicæ, seu, ut ajunt, Processiones nihil aliud sunt, quam communis quædam Ecclesiæ vox, quæ per Templâ, ac per vias Deum adorât, eique vel debitas rependit grates pro beneficiis, quæ in nos quotidie ab immensa illius largitate proficiuntur, vel pias porrigit preces, ut aut novis, quibus indigemus, muneribus nos cumulet, aut flagella iracundiæ suæ a nobis placatus avertat; quem in finem cælestes omnes Spiritus, omnesque Sanctos cum Christo regnantes in cælis apud Deum adhibet deprecatores. Ut hæ publicæ Sacrorum Ecclesiæ Ministrorum, Populique ad Deum supplicationes, quas ab ipso nascentis (1), vel certe florentis Ecclesiæ exordio institutas fuisse non ignoramus, qua decet, religione, ac disciplina celebrentur; ea, quæ sequuntur, statuimus, exacteque servari jubemus.

II. Antequam publicæ hujusmodi supplicationes fiant, Parochi sedulo Fidelibus explicabunt, quem ob finem eadem ab Ecclesia fuerint institutæ; quæ in iis mysteria in mentem nobis revocentur; quot, quantaque in nos commoda derivari ex iis possint; ac potissimum quo animi sensu, affectuque pietatis interesse Fideles oporteat, ne si minus religiose, minusve reverenter fiant, non ad optatam misericordiam flectatur Deus, sed ad justissimam provocetur iracundiam. Illos propterea rogabunt, ac hortabuntur, ut omnes quidem ad hunc religionis actum exercendum confluant; sed suo quilibet ordine, ac loco procedant, itaut neque Clero Pópulus, neque viris mulieres commisceantur: Omnes etiam ad modestiam compositi Christianam pietatem ipso externo corporis habitu, cultuque præferant, & vel pias preces, aut divi-

(1) Tertullianus lib. 2. ad uxorem, S. Ambrosius, serm. 8., Concil. Laodicen. sub Silvestro circa ann. 320. cap. 17., Baron. in

notis ad Martyrol. Rom. 25. Aprilis, & in Annal. ann. Christi 58.

divinas laudes, quas Clerus incedendo concinit, intimo animi sensu comitentur, vel alias submissa voce preces recitent, quæ rerum, ac temporum circumstantiis magis congruere videantur. Cum autem nihil tam Sanctum sit, ac tam Religiosum, quo non aliquando mali Dæmonis artibus humana abutatur malitia; ut omnis, quoad fieri potest, aditus Rectori tenebrarum, qui perambulare solet in tenebris, arreptaque pietatis specie incautas animas securius decipit, obstruatur; Sacras quascumque Processiones noctu fieri omnino prohibemus; diurno vero tempore institutas, ante horam vigesimam quartam absolvi præcipimus.

III. Cum Sancta Dei Ecclesia in sacris Paginis *terribilis, ut castrorum acies ordinata*, describatur; Jure, meritoque suis eadem legibus debitum ordinem, qui in Ecclesiastica qualibet Functione adhibeatur, præscripsit. Hic autem est in publicis supplicationibus servandus ordo. Pridie ejus diei, quo futura supplicationes erunt, non modo a Cathedrali, seu majori Ecclesia, sed a reliquis etiam Ecclesiis omnibus tam Regularium, quam Sæcularium signum ejus rei Populo detur consueto æris campani pulsu: Per schedam (1) præterea omnes Laicorum Sodalitates, omnesque Cleri ordines tam Sæculares, quam Regulares (2) (iis dumtaxat exceptis, qui vel ob arctiorem disciplinam in suis continentur Claustris, vel Apostolica auctoritate ab his Processionibus eximuntur, vel ultra semimilliare ab eo loco distant, in quo solemnis supplicatio instituenda est) certo statuto tempore ad Cathedralē (3) Ecclesiam, aut ad eam, unde supplicandi initium faciendum erit, convenire jubeantur. Postridie vero, cum ii, qui publicæ supplicationi interesse debent, suis jam alibi induti vestibus, in Ecclesiam convenerint; nullo modo per eam vagentur, sed in constituto sibi loco consistentes, precibus cum silentio vacent, atque

(1) Sac. Congreg. Episcop. in Cajetana 5. Junii 1607., & in Ravellenſi 5. Martii 1646.

(2) Trid. sess. 25. c. 13. de Regularibus,

Sac. Congr. Concil. in Interamnen. 18. Augusti 1669.

(3) Sac. Congr. Rit. in Fossanen. 21. Julii 1645. ad 1.

atque exeundi tempus opperiantur. Dato per Cæremoniarum Magistrum procedendi signo, procedent primum Laicorum Sodalitates, deinde Religiosæ Familiæ, tertio Clerus Sæcularis, & Sacri Ministri, qui Ecclesiasticam claudent pompam: post hos gradientur Prælati, si qui forte adsint, & Protonotarii Apostolici: postremi incedent Magistratus, & Populus in duas divisus turmas, virorum videlicet, & mulierum, ita ut tamen viri præeant, mulieres subsequantur. Qui sacram constituunt pompam, illis quique vestibus induantur, quibus in publicis Ecclesiasticis Functionibus indui solent, videlicet suo Sodales sacco, Religiosi eo, quo in Choro utuntur, indumento, Clerici demum talari veste, mundo superpelliceo, ac bireto, & si Beneficiati sint, aut Canonici, aut Dignitates, suis ornati incedant insignibus. Debitus quoque inter illos præcedentiæ servetur ordo, itaut tamen minus digni anteeant, digniores subsequantur. Inter Sodalitates illa habenda est dignior (1), quæ Episcopali auctoritate ante alias in eo loco, in quo publica habetur supplicatio, fuerit instituta; excepta tamen Sanctissimi Sacramenti Sodalitate (2), cui præcedentiæ honor in iis supplicationibus est debitus, in quibus Sacra deferitur Eucharistia, & cujus Priores, ut vocant, cereas accensas faces deferentes, hinc inde ad umbellæ latus debent incedere. Religiosæ quoque Familiæ debitum inter se primatum servant ad normam Constitutionis (3) hac super re editæ a Gregorio XIII. Pontifice Optimo Maximo. Clerus tandem Sæcularis hoc procedet Ordine. Cathedralis Ecclesiæ Crucem sequentur primum Clerici in hac Tusculana Urbe commorantes, mox Alumni Episcopalis Nostri Seminarii, deinde Subdiaconi, Diaconi, ac Sacerdotes simplices, tandem Beneficiati, Canonici, ac Dignitates hujus Cathedralis, quibus enixe commendamus, ut quæ in eorum Consti-

(1) Concil. Prov. Mediol. VI.

(2) Sac. Cong. Rit. in Vercellen. 18. Junii 1695., & in Cremen. 3. Aug. 1697.

(3) Gregorius XIII. Constit. 84. *Expressit*, & Clemens VIII. Constit. 13. *Inter cætera*.

Constitutionibus hac super re sancita sunt, diligentissime exequantur.

IV. Sodalitas quælibet, & quælibet Religiosa Familia propriam deferat Crucem cum Christi ex ea pendentis imagine, sed velum (1) e Cruce vel erectum, vel circumpositum pendeat, nisi fortasse earum alicui vel ex Apostolico Privilegio, vel ex legitima consuetudine nudam deferre liceat. Sodalitates quoque suum deferent labarum, seu vexillum, ac tum Sodales, tum Religiosi, tum omnes ex Clero Sæculari, Discipulos imitati, quos Christus (2) binos misit ante faciem suam prædicare Evangelium omni Creaturæ, inter eundem bini progrediantur, gravi incessu, demissis oculis, vultuque ad modestiam composito, qui internum religionis sensum præferat. Iustis inter se distincti spatiis incedant, & psalmos, hymnos, Litanias, aliasque consueta preces alternatim concinant, vel submissa quilibet voce Deum oret, itaut nemo in pio officio, quod obit, cessare videatur. Progredientem e Templo (3) pompam festus aris campani sonus prosequatur; idem quoque redeuntem excipiat; Imo & prætergredientem comitetur. Summo mane, antequam supplicantium cœtus progredi incipiat, viæ omnes, per quas transituri erunt, a vicinis eas incolentibus verrantur, absterseque sordes sedulo amoveantur. Claudantur (4) etiam officinæ omnes, ipsique Opifices, Ferialibus licet diebus, artis suæ opus tamdiu intermittant, donec sacra ex eorum conspectu abierit pompa: ipsa quoque esculenta, & poculenta in iisdem viis venalia exponi omnino vetamus.

V. Si de jure procedendi inter Ecclesiasticas personas sive Sæculares, sive Regulares controversia fortasse oriatur; ad Nos opportuno tempore deferatur, aut mature componenda, aut, omni amota appellatione, & non obstantibus quibuscumque, a Nobis

(1) Sac. Rit. Cong. ex Bulla Leonis X. in una Neapolit. 14. Januarii 1617., Acta Mediol. Eccl. tit. de supellest. Eccl. lib. 2.

(2) Marci c. 6. v. 7., & Lucæ c. 10. v. 1.

(3) S. Carolus in Concil. Mediolanen. Prov. IV.

(4) Synod. Sublacen. sub Cardinali Barberino anno 1674. cap. 30. n. 7.

112 CONSTITUTIONES SYNODALES

Nobis juxta Sacri Tridentini (1) Concilii decreta, Romanorumque Pontificum (2) Constitutiones dirimenda, ac definienda. Quod si propter temporis angustias fieri id nequeat; ad evitanda scandala, consuetæ fiant coram testibus protestationes, per quas illaesa maneant partium jura. Interea vero juxta Apostolicum monitum *ex charitate fraternitatis honore invicem prævenientes recumbere in novissimo loco* non pigeat, cum sint quam primum majori cum gloria, & cum adversantium rubore ascensuri superius, quin ex unico illo actu quidquam detrimenti redundare in eos valeat.

VI. Dum publicæ supplicationes fiunt, nulla spectacula, ad ipsas etiam res sacras pertinentia, aut in viis, aut in plateis exhibeantur, multoque minus id fieri in ipso supplicantium agmine liceat. Neque ænea mortaria, neque alia quælibet bellica tormenta, dum Sacra pompa procedit, explodere quisquam audeat: id enim Sacra Congregatio (3) Episcoporum, & Regularium expresse reprobavit, ac vetuit. Quamquam laudabile sit, ut, qua supplicantium agmen incedit, e domorum fenestris, ac parietibus aulae, stragula, tapetes, aliaque pictæ imagines pendeant; Cavendum tamen quam maxime est, ne eadem imagines aut Ethnicismum redoleant, aut inhonestatem. Permittimus quidem, ut floribus, frondibusque sternantur viæ, per quas publica ducitur supplicatio: At eosdem flores, frondesque super prætereuntes dejici, sub pœnis arbitrio Nostro irrogandis omnino interdici-mus. Quicumque demum, dum Sacræ Processiones aguntur, vel in viis, per quas inceditur, vel in Ecclesiis, intra quarum ambitum religiosa fit supplicatio, inconditas, ac turbulentas voces ediderit, aut tumultus, & rixas, seu contentiones excitaverit, ad Canonici Juris (4), ac Pontificiarum Constitutionum (5) normam gravissimas luet pœnas.

VII. Sup-

(1) Trid. sess. 25. cap. 13. de Regularib.

(2) Gregorius XIII. in Const. *Exposuit*, & in Const. *Pastoralis*, 15. Julii 1583., Sac. Cong. Rituum in Camerinen. 24. Augusti 1619., in Tullenâ 17. Dec. 1602., & in Elboren. 14. Jan. 1617., & 23. Mart. 1623.

(3) Sac. Congreg. Episcoporum. & Regularium in Ventimilien. 2. Julii 1613.

(4) Cap. *Decret. de Immunit. Eccles.* in 6.

(5) S. Pius V. in Const. *Cum primum* 1. Aprilis 1566.

VII. Supplicationes publicæ, & generales Processiones diebus S. Marci Evangelistæ, Rogationum, Solemnitatis Corporis Christi, aliæque secundum laudabilem locorum consuetudinem jamdudum fieri solitæ (1) non omittantur, sed majori, qua institui poterunt, frequentia quotannis statis horis peraguntur. In iis non alii ritus, neque aliæ sacrarum precum formulæ adhibeantur, quam quibus Sancta Romana utitur Ecclesia, ejusque Rituales libri præscribunt. Consuetis autem Litaniis nulli pro arbitrio addantur Sancti, ne Oppidorum quidem Patroni, aut Ecclesiarum Titulares. Processiones (2), quæ non solum in Cathedrali, sed in aliis etiam, præsertim Parochialibus, Ecclesiis ex Missalis præscripto fieri quotannis solent, ac debent diebus Purificationis B. Mariæ Virginis, Palmarum, Feriis quinta, & sexta Majoris Hebdomadæ, numquam extra Ecclesias, ne circa exteriorem quidem earum ambitum, sed intra Ecclesias dumtaxat fiant, eaque servantur omnia, quæ in Rituali Romano præscribuntur.

VIII. Cum ad Nos solummodo spectet (3) publicas in Nostra Diocæsi supplicationes indicere; Præter communes, & consuetas, nulla (quamquam gravis urgeat, aut impellat necessitas) in tota Diocæsi fiat Sacra Processio, & nemo illam indicere audeat, nisi facultatem a Nobis in scriptis acceperit, sub pœna, etiam quoad exemptos, interdicti Ecclesiæ, a qua exierint, & ad quam perrexerint, ipso facto incurrenda, aliisque pœnis adversus transgressores arbitrio Nostro infligendis. Regularibus vero permitimus, ut intra Monasterii septa, vel circa Ecclesiæ propriæ ambitum (4) Processiones juxta antiquam, & laudabilem sui Religiosi

P

Ordi-

(1) Clement. Si Dominum. de reliq., & venerat. Sanctorum.

(2) Specialis Congreg. de mandato Urbani VIII. 27. Julii, 21. Aug., & 19. Sept. 1618., Sac. Congreg. Episc. 6. Aug. 1591., Sac. Cong. Rit. in Aretina 11. Nov. 1613.

(3) Trid. sess. 25. de Regularibus cap. 13., Sac. Cong. Immunit. in Mediolanen. 13.

Januarii 1634., Sac. Congreg. Concil. in Abulen. 3. Aug. 1586., Sac. Congr. Episc. in Cajetana 25. Octob. 1602., Sac. Congr. Rit. in Caballicen. 27. Augusti 1615., & 18. Febr. 1617., & in Camerinen. 24. Augusti 1619.

(4) Sac. Cong. Rit. in Savonen. 17. Septembris 1671.

114 CONSTITUTIONES SYNODALES

Ordinis consuetudinem statis anni diebus, si velint, celebrare valeant: solemniiores (1) tamen, ac generales Processiones, per Civitatem, vel per Nostræ Diœcesis loca sine peculiari Nostrâ licentia deducere iidem nequeant. Harum autem, aliarumque Processionum occasione comessationes, & computationes sub pœnis arbitrio Nostrò inurendis absint omnino; & Laici potissimum, qui Sodalitiis adscripti sunt, diligenter caveant, ne proprio induti sacco divagentur per loca; ne tabernas, aut cauponas ingrediantur; aut aliis hujusmodi indecoris actibus Sacram Functionem dehonestent.

CAPUT X.

DE VOTO, ET JURE JURANDO.

I. **V**otum est promissio (2) facta Deo de meliori bono: Jusjurandum autem est actus, quo Deus ipse in veritatis, quæ asseritur, Testem invocatur. Uterque actus, si rite, recteque fiat, ad virtutem Religionis pertinet: utroque enim collitur, & honoratur Deus, cum per priorem nos infinitam Dei Majestatem, per posteriorem vero summam ejusdem Veracitatem profiteamur, ac veneremur juxta illud Isaïæ (3): *Colent eum in hostiis, & manibus, & vota vovebunt Domino*, & juxta S. Augustini (4) dictum: *quid est jurare, nisi jus Deo reddere?* Cum autem tum votum, tum jusjurandum apud Populum frequentissime usurpetur (facile enim vovere mulieres, facilius viri jurare solent,) plura hîc monendi sunt Parochi, ut Fideles curæ suæ commissos rectam vovendi, jurandique rationem edoceant, omnem vero, qui apud eos hac in re fortasse irrepperit, abusum evellant.

II. Primum itaque Fidelibus in memoriam revocent, quæ de voto scripta sunt in Deuteronomio (5): *Cum votum voveris Domina*

(1) Sacr. Congreg. Rit. in Senogallien. Terra Corinaldi 22. Junii 1675. in respons. ad 8.

(2) Cap. *Litteraturam*. de voto, & voti

redemptione. (3) Isaïæ cap. 19.

(4) S. August. serm. 180., alias 28. de verbis Domini c. 6.

(5) Deuteronom. cap. 23.

mino Deo tuo, non tardabis reddere, Et si moratus fueris, reputabitur tibi in peccatum. Si nolueris polliceri, absque peccato eris: quod autem semel egressum est de labiis tuis, observabis. Quare illos edoceant (1), voventem fieri gravissimi peccati reum, si quæ Deo promiserit, non solvat, cum possit: Maxime vero mulieres redarguant, quæ nimiam vovendi facilitatem culpabili sæpe executionis tarditate compensant. Illas itaque moneant, ut non, nisi post maturam rei discussionem, auditoque prius Confessarii consilio, vota sua Deo nuncupent: quæ autem ita nuncupaverint, quam primum poterunt, sancte, & alacriter exequantur. Illud quoque significant (2), ad hæredes una cum hæreditate obligationem transferri voti realis, quo Defunctus rem aliquam, vel aliquam pecuniam Deo promiserit, quam tamen mox non soluerit: solvenda enim tunc ex ipsa hæreditate ab iisdem erit, nisi violati voti fieri velint rei.

III. Sacerdotes sive Sæculares, sive Regulares, qui ad Sacramentales Christifidelium confessiones excipiendas approbati a Nobis fuerint, nullo modo (3), nisi Apostolicum ad id habuerint Privilegium, facultatem sibi arrogent dispensandi, aut commutandi vota, seu promissoria juramenta, quibus aliquid ad Dei obsequium, cultumque, promissum a Fidelibus fuerit. Hujusmodi enim potestas, seu facultas Summo Pontifici dumtaxat, Episcopis, aliisque, qui in externo Foro jurisdictione funguntur, & quidem in Fideles sibi subjectos, jure ordinario competit: quare ab eadem facultate Parochi quoque se exclusos esse intelligant. Si cui vero a Nobis detur (4) commutandi vota, ac promissoria ju-

P 2 ramenten-

(1) *Cap. Licet. de voto, Innocentius I. epist. 2. ad Vistricium Episcopum Rothomagensis cap. 12. & 13., S. Th. 2. 2. q. 88. art. 3. & 4., & in 4. sent. art. 2. qu. 1. ad 7.*

(2) *Cap. Licet. de voto, cap. Si hæredes. de testamentis, cap. Ex parte. de censibus, & cap. 1. de solutionibus.*

(3) *Cap. De peregrinis, cap. Venientis,*

cap. Non est. de voto. S. Th. 2. 2. qu. 88. art. 12., S. Antoninus par. 2. tit. 10. cap. 6.

(4) *Cap. 1., cap. Magna. de voto, cap. Quod votum. de voto in 6., cap. Cum primum. de renunciat., cap. Cui licet 53. de regulis juris in 6., Sixtus IV. in sua Const. Et si Dominici. inter extravag. commun. tit. de pœnit. & remission.*

116 CONSTITUTIONES SYNODALES

ramenta facultas, non proinde is concessam sibi etiam esse dispensandi facultatem arbitretur. Quicumque etiam vel a Nobis, vel ab Apostolica Sede facultatem obtinuerit vota tum commutandi, tum dispensandi; non proinde dispensare se posse putet, aut commutare juramenta promissoria facta in favorem tertii, & ab hoc acceptata, aut vota solemnia jam emissâ, aut tria majora vota Romano Pontifici reservata, videlicet Castitatis Perpetuæ, Religionis approbatæ, ac Peregrinationis sive Jerosolymitanæ, sive Romanæ, sive Compostellanæ, aut tandem vota pœnalia, quæ præservativa a peccato nuncupantur. Hujusmodi enim juramenta, ac vota neque commutare, neque dispensare quis potest, nisi specialem ad id a Sede Apostolica obtinuerit facultatem, atque in ejus concessione specialis, ac individua dictorum juramentorum, votorumque mentio fiat; excepta pœnaliū votorum commutatione, quam Benedictus XIV. (1) ab habente facultatem commutandi vota fieri posse edixit, *si commutatio futura judicetur ejusmodi, ut non minus a peccato committendo refrænet, quam prior voti materia*. Tandem Confessarii illi, sive Sæculares, sive Regulares (2), quibus facultas hujusmodi, vel a Nobis, vel a Romano Pontifice delegata fuerit, meminerint, se potestate hac spiritali, Romano Pontifici a Christo tradita, ipsisque ab eo, vel a Nobis communicata, uti debere non in destructionem, sed in ædificationem Ecclesiæ, neque tamquam Dominos, sed tamquam prudentes dispensatores, ex rationabili videlicet, juxtaque duntaxat causa, dispensare, aut commutare valide, ac licite posse.

IV. Ut in Dei honorem vergat jusjurandum, veræque sit Religionis actus, emitti a Fidelibus debet, juxta Prophetæ (3) monitum, *in veritate, in justitia, & in judicio*. Frequenter id Parochi, distincte, accurateque Populo explicent, cumque tum a nimia jurandi facilitate, tum a juramento de re inala facienda, modis

(1) Benedictus XIV. in sua Constit. quæ incipit: *Benedictus Deus*.

(2) Cap. *De peregrinis*, cap. *Non est*. de

voto, & S. Th. 2. 2. qu. 98. art. 12., & S. Antoninus par. 2. qu. 11. cap. 2.

(3) Jeremiæ cap. 4.

inodis omnibus abstergeant. Doceant itaque, ut iurandum fiat in *veritate*, oportere, ut verum sit, aut saltem gravibus ex causis verum esse exiustetur a iurante, quidquid is iuramenti interposita religione affirmat, aut negat: Si enim iurans, veritatem dictis suis deesse aut sciat, aut putet, aut dubitet, perjurus fit, gravissimoque se crimine alligat: Ut fiat in *justitia*, opus esse, ut iusta res sit, licita, atque honesta, quam quis iurejurando pollicetur: si quis enim rem graviter malam se facturum juraret, grave crimen admitteret, & cum *iuramentum* (1) non debeat esse *vinculum iniquitatis*, a re promissa præstanda debet abstinere, nisi alterius gravis culpæ reus esse velit: Tandem ut fiat in *iudicio*, non, nisi cum necessitas, vel charitas, vel obedientia iuramentum exigit, emittendum illud est: divinam enim dedecet Majestatem, facile, & quasi per jocos absque rationabili causa in quacumque re levi Deum in testem advocare contra Ecclesiastici (2) præceptum: *Jurationi non assuescat os tuum*; & contra Jacobi Apostoli monitum (3): *Ante omnia autem, fratres mei, nolite jurare neque per terram, neque aliud quodcumque iuramentum: Sit autem sermo vester, Est, est, non, non, ut non sub iudicio decidatis*. Quod si quis ex nimia, quam contraxit, iurandi facilitate, proximo pejerandi periculo se obnoxium esse intelligat (quod quidem facile, apud rudes præsertim homines, usu venire solet) sciat, divino se adigi gravi præcepto curam omnem, diligentiamque adhibendi, ut contractum facile iurandi habitum a se penitus avellat, atque eradicet. *Qui intelligit*, inquit S. Augustinus (4), *non in bonis, sed in necessariis jurationem habendam, refrenat se, quantum potest, & non utatur, nisi necessitate*.

V. Cum odibilis (5) sit *Deo*, qui *sophistice loquitur*; Restrictiones pure mentales, inanes æquivocationes, atque amphibologias, si in iuramentis adhibeantur, præsertim in judiciis, & contractibus, tanquam noxia perjurya rejicimus, damnamus, atque in pra-

(1) Cap. 18. de iurejurando.

(2) Ecclef. c. 23. v. 9.

(3) Jacobi c. 5. v. 12.

(4) S. Aug. lib. 5. de Serm. Domini c. 17.

(5) Ecclef. cap. 38.

118 CONSTITUTIONES SYNODALES

in praxim deduci prohibemus. *Quacunque enim arte verborum quisquis juret (ut ait S. Isidorus (1) Hispalensis Episcopus) Deus tamen, qui conscientiae testis est, ita hoc accipit, sicut ille, cui juratur, intelligit. Duplīciter autem reus fit, qui & Dei nomen in vanum assumit, & proximum dolo caput. Cui quidem doctrinā consonant Sacri Canones (2), Sancti Patres, & Apostolica Romana Sedes, quæ sub Innocentio XI. plures huic doctrinæ contrarias proscripsit propositiones, quas Nos etiam proscribimus, ac damnamus.*

VI. *Falsificus testis tribus personis est obnoxius, ut optime docet S. Augustinus, primum Deo, cujus præsentiam (3) contemnit: deinde Judici, quem mentiendo fallit: postremo innocenti, quem falso testimonio lædit. Itē uterque reus est, & qui veritatem occultat, & qui mendacium dicit, quia & ille prodesse non vult, & iste nocere desiderat. Utriusque gravissimi hujus criminis atrocitatem Populo Parochus describat, ut Fideles tum a falso ferendo testimonio adversus proximum suum, tum ab occultanda veritate Judici legitime interroganti absterreantur, cum præcipue utrumque fiat interposita jurisjurandi religione. Illud etiam adjungat, adversus utrumque crimen gravissimas in utroque Jure tum Civili, tum Canonico pœnas esse constitutas, in quibus irrogandis severum esse Judicem oportet, ut saltem propter pœnarum metum per-versi homines ab his perpetrandis criminibus abstineant.*

VII. In causis civilibus, in quibus, ex defectu probationum, definienda lis est per juramentum decisorium, quod, approbante Judice, a parte parti defertur, vel refertur, omnino interdici-mus, ac prohibemus, ne Judex (4) sive Laicus, sive Ecclesiasticus utramque partem jurare unquam compellat, aut sinat, *cum sine dubio, duobus contra se jurantibus, unus perjurus efficiatur, ne-*
cesse

(1) S. Isidorus Hispalen. lib. 2. cap. 31.

(2) Can. *Quacunque arte*. caus. 22. q. 5., Innocentius XI. 2. Martii 1679. in damnat. propos. 25., 26., 27., & 28., S. Aug. lib. contra mendacium cap. 18., & S. Th. 2. 2. q. 89, art. 7.

(3) Cap. *Falsificus*. de crimine falsi, cap. 1. de testibus; cap. *Ad audientiam* de jurejurando. S. Th. 2. 2. q. 70. art. 1., & 4.

(4) Conc. Valentinum III. can. 11. anno 858., cap. fin. de jurejurando.

cesse sit, ut optime monuit Concilium Valentinum III. Præterea si quando in foro Nostro Ecclesiastico juramenti in contractu præstiti (1) petatur absolutio; eadem non, nisi ad Sacrorum Canonum normam, concedatur, ita videlicet, ut primum non sit commissum perjurium; deinde ut, citata parte, constet consensum in contractu jurato præstitum, per vim, vel metum, aut dolum fuisse a contrahente extortum; vel constet, ex promissione quidem nullum jus parti adversæ competere, sed obitare dumtaxat juramenti religionem; cujusmodi sunt juramenta illa, quæ adduntur contractibus, qui in pœnam turpitudinis ex parte alterius contrahentis ortæ, vel orituræ, a legibus vel prohibentur, vel infirmantur. Quod si ad agendum dumtaxat juramenti absolutio petatur, eam denegari volumus, quoties constet, calumniandi dumtaxat animo absolutionem postulari. Tandem jusjurandum (2) de veritate dicenda, quod alias exigi solebat in causis criminalibus a Reis hominibus criminaliter inquisitis, qui uti principales constituebantur examen subituri, Concilii Romani decreto obsequentes volumus, ut in omnibus Nostræ Diocesis Tribunalibus ab iisdem Reis (nisi tamen ut Testes quoad alios examinentur) nunquam exigatur: alias examen, sive Constitutum, *Et acta omnia sint eo ipso nulla, Et irrita, omnique careant contra Reos effectu*; ut ejusdem Concilii verbis utamur. Non loquimur hic de sanctæ Inquisitionis Tribunali, in quo peculiaris sua servanda est praxis supremo Apostolicæ Sedis oraculo comprobata.

(1) Cap. *Debitores*, cap. *Si vero*, cap. *Verum*, cap. *Cum contingas* de jurejurando, cap. *Lites* eod. tit. in 6., cap. *Quamvis pactum* de pactis in 6., cap. *Ad aures*, cap.

Ad audientiam, de iis quæ vi, metu vel causa fiunt.

(2) Concil. Rom. sub Benedicto XIII. tit. 13. cap. 2.

CAPUT XI.

DE ADORATIONE DEI, CULTUQUE DEIPARÆ VIRGINIS.

I. **N**Eino est rationis, Fideique lumine præditus, qui non intelligat Deum Optimum Maximum non modo internis, verum etiam externis adorandum a nobis esse submissio- nis, ac reverentiæ signis, quibus infinitam ejus Majestatem, at- que excellentiam, supremumque in creaturas omnes dominium recognoscamus, ac profiteamur. Id enim naturali, divinoque ju- re præstare jubemur; idque a pueris discimus, cum primum De- calogi præceptum edoceamur. Hujus autem adorationis, cultusque species, teste S. Augustino (1), *græca voce latrìa nuncupatur, quia ea nec colimus, nec colendum dicimus, nisi solum Deum, cum sit qua- dam proprie divinitati debita servitus*. At præter hunc soli debitum divinitati cultum, geminam aliam cultus speciem vera Religio agnoscit, quarum alteram *Hyperduliã*, alteram vero *Duliã* græce nominamus. Prior Deiparæ debita est Virgini, quam pro- pter divinæ Maternitatis excellentiam, omniumque supernarum gratiarum, ac donorum, quibus cumulata a Deo est, plenitudi- nem, colere quam maxime nos oportet, ac venerari. Posterior Angelis Sanctis, Sanctisque Viris, ac Mulieribus in Cælo cum Christo regnantibus convenit, quos plurimum apud Deum, ut ejus Amicos, valere patrocinio credimus, ac proinde venerandos, honorandos, atque invocandos a nobis esse Catholica Religio nos docet. Ut triplex hæc cultus species sancte, ac religiose a Fide- libus curæ Nostræ commissis exerceatur, auctoritate Nostra ordina- ria, & a Concilio Tridentino Nobis attributa, ea, quæ sequun- tur, servari ab omnibus jubemus.

II. Augustissimum Sanctissimæ Trinitatis Mysterium, quod omnem humanæ mentis captum excedit, & quod, nisi revelatum divi-

(1) S. Aug. Epist. 118. ad Januarium, & lib. 7. de Baptismo contra Donatistas cap. 1., & lib. 20. contra Faustum cap. 21.

divinitus fuisset, ab hominibus ignoraretur, frequenter populo explicetur a Parochis, ut nemo sit, qui non illud probe sciat, expliciteque credat, ut in Synodalibus hisce Constitutionibus insinuavimus cap. I. art. I. Illud hinc adjungimus, optare Nos quam maxime, ut Parochi in Fidelium animis summam erga hoc Mysterium pietatem excitent, ac religionem. Cum enim turbulentissimis hisce temporibus tum incredibili morum corruptela, tum effræni cogitandi, loquendi, scribendique licentia & Christianam pietatem, & Catholicam Religionem acriter impugnari, ac non parum labefactari doleamus; plurimum solliciti, ne tam dira lues Nostræ Diocesis fines pervadat, Gregemque Nostrum inficiat, diu, multumque cogitavimus, qua ratione gravissimo huic periculo occurreremus. Tandem illud Nobis venit in mentem, si Nostræ Diocesis Populi Augustissimam Trinitatem peculiari quodam cultu venerentur, tantumque Mysterium frequenter recolant, ac ferventiori religionis studio prosequantur, futurum, ut Deus Unus, ac Trinus ex benefica Clementiæ suæ largitate divinitus sit in iis Fidem una cum morum integritate servaturus incolumem. Qua quidem in re tum plurimorum Antistitem, tum potissimum Sanctissimi D. N. Clementis PP. XIII. imitamur exempla, qui in ipso sui Pontificatus exordio, cum Ecclesiæ navem, cujus gubernaculo præest, gravissimis tempestatibus jactari videret; ut illarum vim infringeret, ac superaret; in tota, quam late patet, Ecclesia frequentius Sanctissimæ Trinitatis memoriam recoli, laudesque celebrari mandavit. *Idcirco (1) ad majorem, splendidioremque tanti Mysteriorum gloriam, ut Fideles quoque, qui die Dominico Missæ interesse debent, latius, atque apertius Sacrosancti ejusdem Mysteriorum præconia audientes, debitum & ipsi servitutis obsequium Supreme impendant Majestati, statuit, atque decrevit, ut singulis Dominicis diebus totius anni, quibus Præfationes propriæ per Rubricas non sunt assignatæ, Sacerdotes omnes utriusque Cleri, Sæcularis nempe, atque Regularis, Præfationem de Sanctissima Trinitate, quæ*

Q *jam*

(1) Clemens XIII. in decreto edito 3. Januarii 1759.

jam inde a vetustissimis temporibus in usu fuisse dignoscitur, in Missa recitare tenentur.

III. Populos itaque sibi concreditos hortentur Parochi, primum, ut Augustissimam Trinitatem, unum videlicet Deum in Trinitate, & Trinitatem in unitate, firmiter credant, reverenter adorent, ac sincera dilectione prosequantur: deinde, ut Festum diem tanto Mysterio solemniter celebrando quotannis in Ecclesia destinatum religiosius transigant; sancta Pœnitentiæ, atque Eucharistiæ Sacramenta eo die summa cum pietate suscipiant; divinis intersint Officiis; fundendis ad Deum Unum, ac Trinum precibus diutius vacent; aliosque pietatis, ac Religionis actus laudabiliter exerceant: tertio denum, ut quotidie Trinitati Sanctissimæ se totos dedant, eamque suppliciter rogent, ut totam Diœcesim ab omni nequitia custodiat, Catholicamque Fidem, ac morum integritatem in ea conservet; imo etiam magis, magisque benevolentissime augeat.

IV. Cum autem ex tribus Divinis Personis primam (1) *sub Antiqui dierum sedentis in Throno*, tertiam vero *sub columbæ specie*, seu imagine Fideles exprimere, & in Templis etiam religiose collocare consueverint; rudes, pueri, ac mulieres edoceantur a Parochis, non exprimi illis imaginibus *Divinitatem, quasi sensibilis sit, oculisque corporeis conspici, aut coloribus, & figuris exprimi possit*; sed proprietates solum, aut actiones aliquas, quæ Divinis illis Personis specialiter tribuuntur, significari, ac præterea sic olim Prophetis, aut Apostolis divinas easdem Personas se contemplandas exhibuisse, ut se humanæ mentis imbecillitati accommodarent.

V. Quemadmodum post Regem Amicos Regis colimus, ac veneramur; (honorabiles enim sunt, quos Princeps honore amicitæ suæ dignos putat, & qui, cum apud eum gratia plurimum valeant,

(1) Synodus Nicæna aët. 3., & 7., Trid. Sess. 25. de invoc. Sancto-
rum; Alexander VIII. in dam. propof. 25.,
Catechismus Rom. part. 3., S. Aug. lib.

de fide, & Symbolo c. 7., Origenes lib. 7.
contra Celsum, S. Joan. Damasc. lib. 4.
de fid. Orthod. cap. 17.

valeant, nobis quoque prodesse in multis possunt); Ita quoque post Deum Amicos Dei, Angelos videlicet, & Sanctos cum Christo regnantes in Cœlis, colendos a nobis esse, ac venerandos, & recta ratio suadet, & vera Religio docet. Verum cum Deipara Virgo & divinæ Maternitatis honore, quo major puræ Creaturæ conferri a Deo nequit, & gratiarum omnium, meritumque ubertate longe creaturas reliquas antecellat; Jure, meritoque excellentiori quodam cultu, quem Hyperduliam dicimus, eandem veneremur oportet. Curam itaque omnem, diligentiamque in eo collocent Parochi, Confessarii, scholarum Magistri, ac Patresfamilias, ut in omnium Fidelium, ac præsertim in adolescentium animis, alte defigatur vera erga Deiparam pietas, atque Religio. Propterea frequenter iisdem explicent, quanta eadem apud Deum auctoritate polleat, quantoque nos veluti filios amore prosequatur. Iis hac in re utantur verbis, quibus ad Fidelium animos amore erga Deiparam inflammandos usus est S. Bernardus in sermone de Nativitate Beatæ Mariæ Virginis, qui inscriptus fuit *de aquæ ductu*, ubi sic inquit: *Ad Patrem verebaris accedere: solo auditu territus ad folia fugiebas. Jesum tibi dedit Mediatorem: quid non apud talem Patrem Filius talis obtineat? Exaudietur utique pro reverentia sua: Pater enim diligit Filium. An vero trepidas & ad ipsum? Frater tuus, & caro est, tentatus per omnia absque peccato, ut misericors feret. Hunc tibi fratrem Maria dedit. Sed forsitan & in ipso Majestatem verebare divinam, quod, licet factus sit homo, manserit tamen Deus. Advocatum habere vis & ad ipsum? Ad Mariam recurre. Pura siquidem humanitas in Maria, non modo pura ab omni contaminatione, sed & pura singularitate naturæ. Non dubius dixerim: Exaudietur & ipsa pro reverentia sua. Exaudiet utique Matrem Filius, & exaudiet Filium Pater.*

VI. Ut autem præsentissimum Deiparæ patrociniū peculiaribus suæ servitutis officiis Fideles sibi concilient; Parochi hortationibus, piisque suasionibus curent, ut in qualibet domo, aut familia vel servetur, vel inducatur laudabilis consuetudo recitandi

quotidie tertiam Rosarii partem, ac Litanias Lauretanas una cum Theologicarum Virtutum actibus, lucrandique Indulgentias plurimas a Summis Pontificibus piæ earum precum recitationi peramanter adnexas. Insistent præterea, ut diebus illis Feltis, quibus solemnitas in Ecclesia quotannis Sanctissimæ Dei Genitricis recordatio instauratur, Fideles orationi diutius vacent, Deiparam impensius venerentur, Sanctisque Pœnitentiæ, & Eucharistiæ Sacramentis ea, qua par est, pietate muniantur. Tandem illud omni vi, atque ope conentur, ut suæ Parcæ incolarum Deiparæ virtutum exempla imitanda sibi proponant, eam, veluti Matrem amantissimam, diligant, ejusdemque patrocinium sive in rebus dubiis, sive in adversis fidenter implorent, juxta illud S. Bernardi (1) consilium: *In periculis, in angustiis, in rebus dubiis Mariam cogita, Mariam invoca. Non recedat ab ore, non recedat a corde, Et ut impetres ejus orationis suffragium, non deseras conversationis exemplum. Ipsam sequens non devias; ipsam rogans non desperas; ipsam cogitans non erras. Ipsa tenente non corruis; ipsa protegente non metuis; ipsa duce non fatigaris; ipsa propitia pervenis.*

VII. Ut aliquid tandem de Sanctis Angelis dicamus; (nam de Sanctis viris, ac Mulieribus in cælo cum Christo regnantibus loquemur inferius) Peculiarem sane iidem a Nobis Dulciæ cultum exigunt, ac reverentiam, sive eorum naturam, dignitatem, & gloriam, sive eorum erga nos, universumque hominum genus merita, ac beneficia inspicimus. Deus enim, cum in principio (2) creavit Cælum, & terram, innumerabiles in cælo Angelos, qui sibi ministrarent, atque assisterent, ex nihilo condidit, ac non modo spirituales iis, mediamque (3) inter Deum, & hominem naturam tribuit, verum etiam eosdem, ut ait Augustinus (4), *cum bona voluntate, idest cum amore casto, quo illi adherent, creavit, simul in eis et condens naturam, et largiens gratiam.* Quare cum

con-

(1) S. Bernardus homil. 2. de laudibus Beatæ Virginis.

(2) Genes. cap. 1.

(3) Catech. Rom. par. 4. cap. 9. n. 5.

(4) S. Augustin. lib. 12. de Civit. Dei cap. 9.

conditi a Deo fuerint, plurimis, maximisque & naturæ, & gratiæ muneribus aucti, & locupletati, usurpare illud possunt, quod de luce scriptum est in Sacris litteris: (1) *Ego primogenita prodivi ex ore Altissimi*. Verum quamquam cœlestibus donis ornati omnes fuerint; plurimi tamen in veritate (2) non steterunt, & a Deo parente, & Creatore suo deficientes, ex Altissimis illis sedibus deturbati sunt, atque in obscurissimum terræ carcerem detrusi, in quo æternas superbiæ suæ pœnas luunt. *Deus enim Angelis peccantibus non pepervit*, ut inquit (3) Apostolorum Princeps, *sed rudentibus inferni detractos in Tartarum tradidit cruciandos in iudicium refervari*. Reliqui vero Deo firmiter adhærentes, cum in veritate stettissent, facti sunt Cœlorum cives, ac domestici Dei, ac *semper* (4) *vident faciem Patris, qui in celis est*. Hi autem, Apostolo teste (5), *omnes sunt administratorii spiritus, in ministerium missi propter eos, qui hereditatem capient salutis*. Eos enim Deus ministros suos esse voluit, eorumque uti opera non modo ad providam Ecclesiæ suæ, sed ad reliquarum etiam rerum gubernationem. Hinc bonis Angelis tum humana species, tum alæ affinguntur, ut videlicet Fideles intelligant, quam propensi iidem sint in humanum genus, & quam parati, atque alacres ad ministeria Domini exequenda. Provinciis itaque, ac Regnis Dominus Cœli, ac Terræ Angelicos Spiritus præesse iussit, ut pro eorum incolis preces (6) funderent, eorum vota, lacrymasque (7) Deo offerrent, eos tandem a maximis cum animæ, tum corporis periculis liberarent. Invo-candi proinde sunt, multaue veneratione prosequendi, tum quod perpetuo Deum intuentur, tum quod salutis nostræ patrocinium sibi delatum libentissime suscipiunt.

VIII. Neque vero Provincias tantum, ac Regna Angeli universim custodiunt, sed singulari Dei providentia hæc ipsis quoque commissa cura est, ut singulis præsto sint hominibus, ne gra-vius

(1) Eccli. c. 24. v. 5.

(2) Joan. cap. 8. v. 42.

(3) 2. Petri cap. 2.

(4) Matth. cap. 18.

(5) Ad Hebr. cap. 1. v. 14.

(6) Daniel c. 10. (7) Tobiz c. 1.

vius aliquod detrimentum accipiant, juxta Davidicum illud (1): *Angelis suis mandavit de te, ut custodiant te in omnibus viis tuis: in manibus portabunt te, ne unquam offendas ad lapidem pedem tuum.* Qua quidem in re, quamquam exclamare præ gaudio cum S. Hieronymo (2) debeamus: *Magna dignitas animarum, ut unaquæque habeat in ortu natiuitatis in custodiam sui Angelum delegatum;* vehementer tamen etiam admirari nos oportet, ac redamare paternam, qua nos Deus prosequitur, charitatem. Ut enim parentes, si infantum, & periculosum filiis peragendum sit iter, custodes iisdem admovent, & periculorum adjutores; sic cœlestis Pater in difficili hoc itinere, quo ad cœlestem Patriam contendimus, singulis nobis Angelos præposuit, quorum ope, diligentiaque protecti, paratas ab hostibus vitaremus insidias, adversosque eorum impetus repelleremus, donec rectum semper tenentes iter, optatam tandem votorum nostrorum metam attingeremus. Quamobrem curet Parochus diligentissime, ut Fidelium animos ad reverentiam, ac religionem excitet erga Angelicos istos Spiritus, nostræ curæ præpositos, & in singulorum hominum salutis præsidio collocatos. Quotidiana recenseat beneficia, quibus ob vigilem eorum custodiam tum in iis, quæ ad corpus, tum & multo magis in iis, quæ ad animam pertinent, peramanter cumulamur. Verbis utatur S. Bernardi, qui recitato illo Psalmi (3) versiculo: *Angelis suis mandavit de te, ut custodiant te in omnibus viis tuis;* sic Fideles alloquitur (4): *Quantam tibi debet hoc verbum inferre reverentiam, afferre devotionem, conferre fiduciam! reverentiam pro præsentia, devotionem pro benevolentia, fiduciam pro custodia. In quovis diversorio, in quovis angulo, Angelo tuo reverentiam habe. Tunc audeas illo præsentem, quod vidente me non audeas? An præsentem esse dubitas, quem non vides? Adest igitur, Et adest tibi, non modo tecum, sed etiam pro te. Adest, ut protegat; adest, ut proficiat. Hortetur*

(1) Psalm. 90. v. 11.

(2) S. Hieron. in cap. 18. Matthæi.

(3) Psalm. 90. v. 11.

(4) S. Bernardus serm. 12. in Psalm. Qui habitat.

tetur illos proinde, ut, cum aut tentationum procellis concutiuntur, aut cupiditatum æstu exardescunt, aut etiam corporeis calamitatibus affligantur, Angelici Spiritus, quem sui custodem habent, præsidium, atque opem implorent. Quid sub tantis Custodibus reformidabunt? Illud tamen etiam adjungant, iisque insinuent, quod dictum est Moyse (1), cum Angelum illi Deus destinavit, qui illum præcederet, & custodiret in via: *Observa eum, & audi vocem ejus, nec contemnendum putes, quia non dimittet te, cum peccaveris, & est nomen meum in illo. Quod si audieris vocem ejus, & feceris omnia, quæ loquor, inimicus ero inimicis tuis, & affligam affligentes te.*

CAPUT XII.

DE SACRIS IMAGINIBUS, RELIQUIIS,
ET VENERATIONE SANCTORUM.

I. **S**I veteris, novæque Legis testimonia, ac traditiones; si sacros Conciliorum Canones, & Summorum Pontificum Constitutiones; si unanimem Sanctorum Patrum, ac Doctorum sensum, & Ecclesiasticæ Historiæ monumenta consulamus; Sacras Imagines in vera Dei Ecclesia magno semper in usu, summoque in pretio, atque honore habitas fuisse comperiemus. Merito itaque Sacrosancta Tridentina Synodus (2) omnibus animarum Pastoribus, iisque, qui docendi munus, curamque sustinent, mandavit, ut fideles diligenter instruant, docentes eos, *Imagines Christi, Virgine, & aliorum Sanctorum, in Templis præsertim, habendas, & retinendas, eisque debitum honorem, & venerationem impertiendam, non quod credatur inesse aliqua in iis divinitas, vel virtus, propter quam sint colendæ; vel quod ab eis sit aliquid petendum; vel quod fiducia in imaginibus sit figenda; veluti olim fiebat a gentibus, quæ in Idolis spem suam collocabant; sed quoniam honos, qui eis exhibetur,*

(1) Exodi cap. 23.

(2) Trid. sess. 25. de invocat., vene-

rat, & reliqu. Sanctorum, & sacris Imaginibus.

betur, refertur ad prototypa, quæ illæ representant, itaut per imagines, quas osculamur, & coram quibus caput aperimus, & procumbimus, Christum adoremus, & Sanctos, quorum illæ similitudinem gerunt, veneremur: id, quod Conciliorum, præsertim vero secundæ Nicænæ Synodi, decretis contra Imaginum oppugnatores est sancitum. Illud quoque diligenter docendos esse Fideles eadem Tridentina (1) Synodus præcepit, per historias mysteriorum nostræ redemptionis, picturis, vel aliis similitudinibus expressas, erudiri, & confirmari populum in articulis Fidei commemorandis, & assidue recolendis; tum vero ex omnibus Sacris Imaginibus magnum fructum percipi, non solum quia admonetur populus beneficiorum, & munerum, quæ a Christo sibi collata sunt; sed etiam, quia Dei per Sanctos miracula, & salutaria exempla oculis Fidelium subiiciuntur, ut pro iis Deo gratias agant, ad Sanctorumque imitationem vitam, moresque suos componant, excitenturque ad adorandum, ac diligendum Deum, & ad pietatem colendam.

II. Cum itaque tot, tantaque bona ex sacris imaginibus publicæ Fidelium venerationi expositis in intuentium, ac venerantium animos deriventur; Ne ulla (2) aut turpis quæstus sceleritas, aut superstitionis impietas in populorum mentes irrepât; sed eorumdem veneratio illibata custodiatur; Districte prohibemus, ne qua statua, vel imago in Nostræ Diocesis Ecclesiis publice veneranda exponatur absque Nostra, seu Vicarii Nostri Generalis licentia, & nisi prius a Nobis, vel a Vicario Nostro recognita, & approbata, Ecclesiastico ritu benedicatur (3). Imagines vel nimia turpitudine (4) indecoras, quæ risum, aut spretum cieant; aut procaci venustate depictas, quæ ad lasciviam excitent, aut profanam redoleant pompam, a locis sacris removeri omnino jubemus, cum Domum Dei deceat Sanctitudo (5). Si quæ item Sacræ Imagi-

nes

(1) Trid. loc. cit.

(2) Conc. Nicænum II. aët. 4., sexta Synodus Can. 110., Tridentin. loc. cit., Urbanus VIII. Constitut. edita 5. Martii 1642.

(3) Pontificale, & Rituale Rom. de benedict. imaginum.

(4) Trid. sess. 25. de invocat., & S. Carolus in Concil. Prov. III. Instruët. de fabric. Eccles.

(5) Psalm. 92.

nes aut situ, aut vetustate, aut humidiori aere, aliove casu deturpatæ, aut consumptæ fuerint; e Templis (1), locisve sacris removeantur, & vel honesto in loco reponantur, vel igne supposito comburantur: earum vero cineres in Sacrarium projici jubemus, quemadmodum de pallis, velis, candelabris, cæterisque rebus divino dedicatis cultui Sacri Canones edixere. Vivificæ Crucis signum (2) in locis turpibus, aut fordidis, aut irreverentiæ obnoxiiis pingi vetamus, & si forte depictum sit, deleri jubemus sub poenis arbitrio Nostro infligendis. Christi autem, aut Deiparæ, aut aliorum Sanctorum imagines in solo, aut in filice, aliisve marmoribus humi positæ nemini (3) sculpere, aut pingere liceat: si vero sculptæ, aut pictæ jam fuerint, inde protinus auferantur honestiori in sede collocandæ.

III. Ut superstitioni, falsæque pietati omnis, quoad fieri potest, aditus obstruatur; ad sepulchra defunctorum (4), licet ii in magna Sanctitatis opinione decesserint, constantique apud Populum patrum post obitum miraculorum fama præfulgeant, anathemata, seu, ut aiunt, *vota* Vicarii Foranei, & Parochi appendi non sinant, neque eorum Imagines laureolis, aut radiis insigniri, cum iis, quorum Sanctitas ab Apostolica Sede approbata non sit, publicam venerationem, publicumque cultum Sacri Canones, Romanique Pontifices exhiberi vetuerint. Vota vero, pictasque tabellas, quæ aut Deiparæ, aut Sanctorum Altaribus in accepti alicujus beneficii significationem a Fidelibus appensa jam fuerint, amoveri, distrahi, aut alienari sine Nostra licentia minime permittant. Diligenter tamen caveant, ne votivæ tabellæ aut tam deformes sint, ut horroris, aut risus occasionem præbeant, aut obscænum aliquid exhibeant, quod piorum oculos, animum-

R que

(1) Can. *Altaris*, Can. *Ligna*, de consecrat. dist. 2., Can. *Questi sunt caus.* 17. qu. ultim., & Can. *Qua semel caus.* 19. qu. 3.

(2) S. Th. part. 3. qu. 25. art. 4., Sacra Congr. Rit. 22. Maii 1596.

(3) L. unica, cod. *Nemini liceat* &c.

(4) Cap. 1. de Reliq., & venerat. Sanct., Trid. loc. cit. vers. *Ullam insolitam imaginem*, Urbanus VIII. Const. *Sanctissimus*. 13. Martii 1625., & Const. *Caesælis Jerusalem*. 5. Julii 1634.

que possit offendere, has enim nullo modo appendi patiantur, aut si appensæ fuerint, protinus removeri curent. Hortentur præterea Fideles, ut Sacras quisque Imagines in proprio habeat cubiculo, ante quas mane saltem, ac vespere flexis genibus pias recitent preces, conscientiam suam excutiant, Theologicarum Virtutum actus eliciant, & ex earum aspectu, ac veneratione ad vitam Christiano homine dignam excitentur. Quæcumque tandem munera ad Sanctorum Reliquias, aut Imagines a Christiano Populo propter accepta divinitus beneficia affluenter offeruntur, Sacri Loci Præsides sibi non vindicent, sed arbitrio Nostro in pium opus, quod magis divinæ gloriæ expedire visum fuerit, erogentur.

IV. Si qua forte nova patrentur miracula, quæ certa, atque indubia videantur; nemo adhuc sive Laicus, sive Clericus (1), sive etiam Regularis, & exemptus, eadem typis evulgare, aut e suggestu Populo tanquam authentica annunciare audeat, nisi prius a Nobis diligenti examine discussa fuerint, auditoque Theologorum, ac peritorum hominum consilio, fuerint approbata, & expressam in scriptis facultatem eadem publicandi dederimus. Quicumque autem falsa miracula in vulgus spargere ausit, is noverit, se excommunicationem Summo Pontifici reservatam incurrere. Quia vero per sæpe fit, ut vulgi concursu, Populique clamore aliquid pro miraculo evulgetur, quod revera non est, eamque ob famam ad aliquam Sacram Imaginem, aut Ecclesiam Populus turmatim confluat; Ne quid in hoc tumultu inordinatum contingat; Vicario Nostro Generali præcipimus, ut primis illis vulgi clamoribus pie obsistat, & nisi aliter tumultui occurrì possit, Ecclesiam claudi, aut Imaginem occultari jubeat, donec rei veritate legitime comperta, & ad Nos per eum delata, quid ad Dei gloriam, & Sanctorum honorem fieri debeat, statuamus.

V. Qui venerabile Crucis signum (2), aut Sacras Christi Domini-

(1) Trid. sess. 25. loc. cit. §. *Hæc ut fidelius*, cap. *Audivimus*. de Reliq., & venerat. Sanctor., Urbanus VIII. Const. 39., & Leo X. Const. 21. *Supernæ*, can. *Placuit*.

de consecr. dist. 1., & Concil. Mediol. I. sub S. Carolo.

(2) Can. *Unicusquisque*, caus. 26. q. 5, cap. *Si Canonici* §. *Ceterum*, de offic. ordin. in 6.

Domini, seu Deiparæ, seu Sanctorum Imagines, aut Reliquias sacrilego ausu pedibus conterunt, aut per ludibrium irrident, aut alio quovis modo male accipiunt; ii, tamquam vehementer suspecti de hæresi, Nobis, tamquam Ordinario Fidei Censori, denuncientur gravissimis pœnis pro modo culpæ puniendi. Sacras quidem repræsentationes, quibus Christi Domini Nativitas, aut Passio, seu Sanctorum gesta, aut miracula exhibentur, non reprobamus: Ne tamen quid superstitiosum, aut falsum, aut indecorum iminiscatur; eas profanis etiam in locis exhiberi vetamus sub gravibus pœnis adversus Transgressores infligendis, nisi expressam a Nobis licentiam obtinuerint, sane non concedendam, nisi opere ad examen revocato, & a Nobis specialiter approbato.

VI. Cereas quasdam formas, in quarum antica parte Agnus, in postica vero Sacra aliqua Effigies exsculpta reperitur, & quas proinde hoc nomine *Agnus Dei* vulgus nuncupare consuevit, nemo cuiuscunque gradus, conditionis, ac dignitatis aut inaurare, aut minio inficere, aut alio quolibet colore pingere audeat: id enim sub pœna excommunicationis ipso facto incurrenda, non tamen reservatæ, fieri vetuit Gregorius XIII. (1), ob eum videlicet finem, ut eadem *cera alba, & munda, Agnum illum purum, & innocentem representantes, qui occisus pretiosissimo Sanguine suo nos redemit, decenter, ac reverenter a cunctis haberentur, deferrentur, & custodirentur*. Venales etiam dictos Agnos proponere, aut tenere sub eadem excommunicationis pœna idem Pontifex prohibuit: vera enim, ac realis simonia est sacram benedictionem iisdem ceris a Romano Pontifice solemniter impertitam pretio temporali æstimare. Neque etiam cuiquam licet cereos ejusmodi Agnos ad ignem liquefacere, & cum alia cera commiscere, nisi speciale ad id ab Apostolica Sede privilegium quis obtinuerit, cum Paulus V. (2) Monachis Sanctæ Mariæ Fulienfis concesserit,

R 2 ut

(1) Gregorius XIII. sua Constit. 2. *Omni certe studio*.
 Constit. 43. *Romanum*.

(2) Paulus V. Con-

132 CONSTITUTIONES SYNODALES

ut ipsi soli, non vero alii, cereos istos agnos jam compactos renovare possint.

VII. Cum autem Fidelium venerationem, ac religionem erga Sacras hujusmodi ceras valde imminutam videamus, ac doleamus; illam iterum in eorum animis excitare Parochi diligenter curent. Et primum quidem iis edicant, ceras istas a solo Romano Pontifice, primo, & septimo quolibet Pontificatus sui anno, infra Octavam Paschatis solemnissimo ritu benedici, ac per infusionem in aquam benedictam, & balsami, sanctique Chrisnatis commixtione, ac Pontificia benedictione sanctificatam consecrari; eaque de causa maxime decere, ut non ab aliis, quam a Clericis, qui in Sacris Ordinibus sint constituti, nudis manibus contrectentur. Ubere deinde fructus recenscant, quos ex pio earundem usu percipere possunt, si velint, illos videlicet, quos Sanctissimus Christi Vicarius in solemnem earum benedictione iteratis precibus a Deo precatur, ac postulat. Sunt autem hi, *ut Sacrarum illarum cerarum veneratione, atque honore diluantur crimina, peccatorum maculae abstergantur, impetretur venia, Et gratie conferantur; Ut contra omnia diabolica tentamenta virtutem accipiant; adversus illos, qui easdem devote secum ferunt, nulla tempestas praevaleat, nulla dominetur adversitas, nulla pestilens aura, nulla aeris corruptio, nullus caducus morbus, nulla maris procella, ac tempestas, nullum incendium, nulla iniquitas noceat, neque praevaleat homo; Ut partus cum Matre seruetur incolumis; ut ante Sanctae Crucis vexillum, quod in illis cereis formis exculptum est, maligni Spiritus contremiscant, ac fugiant; ut tandem qui illas secum portat, nullam umbram, nullumque spectrum reformidet.* Tandem ut ab omni inordinato cerarum illarum usu Fideles abstineant, iis Parochi insinuent, quæ Clemens XI. servanda præcepit in suo edicto, quo Sacrarum Reliquiarum, Sacrarumque Cerarum *Agnus Dei* nuncupatarum venerationi consulere studuit. Extat hujusmodi edictum in laudati Sanctissimi Pontificis Bullario, & Nos ejus exemplar, ut omnibus in promptu sit, in Synodi hujus appendice num. 10. damus.

VIII. Sa-

VIII. Sacrarum veteris, novique Testamenti Paginarum testimonia, receptus jam ab ipso Christianæ Religionis exordio, & ad præsentem usque diem retentus, Patrumque consensu, & Conciliorum decretis approbatus usus, quotidiana demum, quæ a Deo per Sanctorum intercessionem impetramus, beneficia, luculenter nobis suadent, eosdem Sanctos de sua jam felicitate securos, de nostra tamen salute esse sollicitos, illamque charitatem, qua, dum viverent, flagrabant in proximos, non modo non excidisse, verum etiam auctam in imensum fuisse, ac per eam, nostro omnium beneficio, communionem illam haberi, atque enutrir, quam inter Militantem, ac Triumphantem Ecclesiam intercedere in Apostolorum Symbolo edocemur. Postulat itaque Christiana Pietas, ac Religio, ut quorum opem in nostris necessitatibus imploramus, ac propitiâ experimur, eorundem memoriam sancte recolamus, sacraque ossa, & reliquias, ipsosque cineres proni, supplicesque veneremur. *Honoramus (1) autem reliquias Martyrum*, ut verbis utamur Sancti Hieronymi, *ut eum, cujus sunt Martyres, adoremus. Honoramus servos, ut bonor servorum redundet in Dominum, qui ait: Qui vos suscipit, me suscipit.*

IX. Ut itaque debitus Sanctis honor exhibeatur, ea, qua par est, decencia, ac religione Sanctarum Reliquiarum thesauros custodiri jubemus. In Thecis (2) proinde argenteis, aut saltem ligneis affabre elaboratis, ac deauratis servantur inclusæ, chrysallo, aut mundo, integroque vitro contextæ, ac suis in distinctis cellulis, proprioque inscripto nomine collocatæ. Thecæ autem hujusmodi non ubilibet, sed in armariis dumtaxat cum in finem decenter ornatis, atque in Ecclesia ipsa, vel in Sacratio constitutis includantur, cum hac exteriori Epigraphe: *Reliquiæ Sanctorum*. Clavi præterea obferentur, vel una, vel etiam duplici, ubi hæc consuetudo vigeat, quatum altera ab Ecclesiæ Rectore, altera ab iis, ad quos pro diverso locorum more pertinet, custodiatur. E proximo autem pariete index pendeat vulgari

idio-

(1) S. Hieronym. ep. 12. ad Riparium. (2) Innoc. III. in Concilio Lateranensi c. 6.

134 CONSTITUTIONES SYNODALES

idiomate exaratus Reliquiarum omnium, quæ inibi asservantur; earundem vero authentica documenta vel in Ecclesiæ Archivio, vel in alio certo, tutoque loco reponantur. Ne vero temporis progressu dictarum Reliquiarum memoria depereat, quilibet Ecclesiæ Rector earundem catalogum a se proprio caractere subscriptum ad Episcopalem Nostram Cancellariam intra duos menses ab hujus Nostræ Synodi publicatione, ac promulgatione transmittat. Nullæ (1) in posterum novæ Reliquiæ absque authenticis litteris a Nobis, seu a Vicario Nostro Generali recognoscendis, atque approbandis, publicæ Fidelium venerationi exponantur.

X. Si quis ex armariis, thecis, aut vasculis Reliquiarum (2) cujuscunque loci nostræ Diocesis sacrilege furari, aut absque Nostrâ licentia Sacras Reliquias, aut earum partem aliquam extrahere, sibi attribuere, aut aliis donare, obsequio non rationabili ductus audeat, excommunicatione, aliisque etiam pœnis arbitrio Nostro irrogandis severe punietur. Corpora (3) item Sanctorum de loco ad locum absque Sedis Apostolicæ licentia transferri nequeunt, ne intra quidem ejusdem Ecclesiæ septa, si perpetuæ eadem tradita sint sepulturæ. At si per modum depositi aliquo in loco detineantur; vel si necessitas, aut justa, & rationabilis causa aliter fieri suadeat; tunc Nostra saltem auctoritas, & facultas ad id accedat, oportet. Si forte Sacræ Reliquiæ (4) ad ægrotos deferantur, (quod tamen non passim fiat, & non, nisi cum debitis facultatibus) Sanctorum ossa non radantur, neque minimæ eorum particulæ cum potu iisdem ægrotis deglutientiæ propinentur.

XI. Ut Sacrarum Reliquiarum cultus, ac veneratio in Populis augeatur, Concionatores, & Parochi, captata sæpius opportuna

(1) Trid. sess. 25. loc. cit., cap. Cum ex eo. de Reliq., & vener. Sanct., Sac. Congreg. Concil. in Viterbiensi 26. Junii 1627.

(2) Extravag. Ambitiose, de rebus Ecclesiæ alienan., can. Quisquis inventus, cauf. 7. qu. 4., S. Gregorius PP. lib. 3. ep. 30.,

Innocent. III. cap. 2. de Reliq., & venerat. Sanctorum.

(3) Can. Corpora Sanctorum. de consecrat. dist. 1.

(4) Sac. Congreg. Episcoporum 7. Decembris 1591.

tuna aliqua occasione, Fideles doceant, hoc pacto Sanctorum memoriam esse recolendam, ut, quoties eorum Reliquias publicæ venerationi expositas intuentur, serio cogitent, inomentaneum, ac leve tribulationis æternum gloriæ pondus operatum esse in Sanctis; eorum proinde gratulentur triumphis, ac felicitati; Deo, qui fecit victoriam per Jesum Christum, ex animo gratias agant, eumque per Sanctorum merita suppliciter rogeat, ut quorum Sacros Cineres venerantur, eorum etiam virtutes feliciter imitandi gratiam largiatur. Ut autem hi Religionis, pietatisque sensus Fidelium mentibus altius defigantur, & externus Sanctorum cultus, ac veneratio augeatur, præcipimus, ut quoties Sanctorum Reliquiæ, vel ex religiosa consuetudine, vel ob recurrentis Festi solemnitatem publicæ Populi venerationi sunt exponendæ, Sacerdos superpelliceo, stolaque indutus eas ex armario ad Altare deferat, Hymnumque, Antiphonam, & congruentem Orationem una cum Clero, & adstante Populo concinat. Quamdiu autem apertis Ecclesiæ foribus in Altari manent, tamdiu coram ipsis cereæ ardeant candelæ ad minimum duæ. Numquam tamen eadem Reliquiæ sub umbella exponantur, neque in Altari, in quo venerationi expositum pateat Sanctissimum Eucharistiæ Sacramentum, multoque minus cum illo, dum Sacra sit Processio, circumducantur. Cum pluribus in locis stata die quotannis Sanctorum Reliquiæ, quæ in aliqua asservantur Ecclesia, ostendi Populo soleant, ut illas, qua par est, pietate veneretur; Volumus, ut ante hujusmodi ostensionem eadem Reliquiæ a Sacerdote thurificentur, qui illas mox Populo est ostensurus. Dum is superpelliceo, Stola, & Pluviali indutus singulas lente ostendit Populo, earum nomina clara voce, vulgarique idiomate præleget Clericus aliquis, aut Sacerdos superpelliceo item indutus, eaque distincte, graviterque pronunciabit. Tandem omnes Ecclesiarum Rectores hortamur, & enixe rogamus in Domino, ut, si pro Ecclesiæ facultatibus fieri possit, ante Sanctorum Corpora, ubi hæc habeant-

habeantur, & ante Reliquias insigniores, si hæ præsertim in Ecclesia custodiantur, aut quotidie, aut Dominicis saltem, Festisque diebus accensa lampas ardeat.

CAPUT XIII.

DE FESTORUM DIERUM RELIGIOSA,
SANCTAQUE OBSERVANTIA.

I. **N**ON modo Deum Optimum Maximum, & Unigenitum ejus Filium Jesum Christum, Deiparamque Virginem, ac Sanctos omnes cum Deo regnantes in Cœlis, adorandos, colendos, atque invocandos esse Catholica Religio nos docet; verum etiam congruam præstare reverentiam nos jubet temporibus, locis, rebus, ac personis peculiari aliqua ratione divino cultui, servitioque addictis, & consecratis. Hic de reverentia dumtaxat Sacris Temporibus, Dominicis videlicet, Festisque de præcepto diebus debita sermonem faciemus. De reliquis dicemus inferius.

II. Quamquam homines, ipsa natura Duce, aliquos in anno dies Deo Optimo Maximo consecrare juberentur, quibus ipsum non intimis modo animi sensibus, sed externo etiam, publicoque cultu adorarent; Cum tamen Deus in Veteri Testamento Populo suo legem dedit, per quam tuto ambularet in via Domini, Sabbatum sibi consecrari jussit, & hoc esse voluit tertium legis suæ præceptum (1): *Memento, ut diem Sabbati sanctifices. Sex diebus operaberis, & facies omnia opera tua. Septimo autem die Sabbatum Domini Dei tui est: non facies omne opus in eo..... Sex enim diebus fecit Dominus Cælum, & terram, & mare, & omnia, quæ in eis sunt, & requievit in die septimo. Idcirco benedixit Dominus diei Sabbati, & sanctificavit eum.* Divinum hoc mandatum, abrogatis dumtaxat quibusdam ritibus, ac caeremoniis, confirmatum a Chri-

(1) Exodi cap. 20., & 23.

a Christo Domino fuit in novo Testamento , & Sabbati loco Apostoli (1) diem Dominicum suffecerunt , ut eum diem sanctificarent, quo Salvator noster ad immortalem surgens vitam de peccato , de morte , ac de tenebrarum Principe triumphavit . Et quoniam in veteri lege , præter Sabbati celebritatem , alii quoque dies Festi fuerant designati , ut præclara Dei opera debita religione , ac memoria Populus prosequeretur , ac fortia gesta celebraret præstantium Mulierum , ac virorum , Judith , Esther , Machabæorum , aliorumque , qui in lege Dei custodienda immortalem sibi gloriam , & laudem comparaverant ; In nova quoque lege per Apostolos , Romanosque Pontifices solemnes aliqui dies instituti fuerunt , ut præcipuis Christianæ Religionis mysteriis , invictisque Fidelibus sacri honores decernerentur . *Jam vero ex quo (2) Catholica Nostra Ecclesia , veteris , novique Testamenti oraculis instituta , dies Dominicos , aliosque per annum æterno totius temporis Creatori , ac Domino consecravit ; illos suis Fidelibus , ad quietem nedum & diuturnis laboribus capeffendam , sed & præcipue ad majorem in iis Deo cultum præstandum , religiose semper observari mandavit , omnique adhuc mandat devotione custodiri , ac religione sanctificari .*

III. Parochi igitur solerter curent , ut Festos omnes dies Populus sibi concreditus sancte , religioseque custodiat . Duo autem potissimum ad Festorum sanctificationem requiruntur ; primum , ut Fideles a quibusdam operibus abstineant ; deinde ut in aliis se pie , ac laudabiliter exerceant . Quod ad primum attinet , ad tria capita rediguntur opera , a quibus est abstinendum , cum dies Festus agitur ; nempe ad opera servilia , ad Mercatum , & ad causas Forenses . Præcipitur itaque primum , ut Mechanicæ (3) cujuscunque artis opera , ruralia , fabrilia , uno verbo servilia non exercean- tur : Sutores igitur , Camentarii , Calcearii , Fabri lignarii , alii-

S

que

(1) Benedictus XIV. Instit. 43. num. 14.

(2) Concil. Rom. sub Benedicto XIII. tit. 11. cap. 1.

(3) Cap. 1. , & 3. de feriis , S. Pius V. Constit. 5. 15. April. 1566. , Sac. Congreg.

Episcop. in Recineten. 16. Jan. 1601. , in Bellocastren. 1. Sept. 1607. , in Cornetana 12. Decembris 1642. , in Terracinen. 14. Decembris 1594.

que Opifices a suæ artis exercitio abstineant; iumenta onusta non ducantur; venales non prostent merces; Mulieres tum ab opere textorio, & a lanificio, tum a purgandis pannis cessent; tandem neque Agricola, neque alii quicumque illicitum opus aggrediantur, ut Leonis sapientis utamur verbis. Si enim qui umbram quamdam, atque figuram observabant (videlicet Judæi,) tantopere Sabbati diem venerabantur, ut ab omni prorsus opere abstinerent; quomodo qui gratiæ lumen, ipsamque veritatem colunt (videlicet Christiani) diem, qui a Domino honore ditatus est, nosque ab exitii dedecore liberavit, non venerari par est? Quod ad Mercatum attinet, hic a Nundinis distinguitur. Nundinæ enim dicuntur (1), quæ sunt de rebus majoribus, & semel in anno, vel raro in eodem loco fiunt, & de longinquo ibidem conveniunt homines. Mercatus vero ille est, qui fit de rebus minoribus ad quotidianas necessitates pertinentibus, & quidem singulis hebdomadis, & ab hominibus de vicino ibidem convenientibus. Certum autem est (2), Mercatus, & Nundinas Festis diebus non licere, non quia vendere, ac emere sit opus servile, ideoque vetitum diebus Festis; sed quia actiones huiusmodi impediunt, & distrahunt Christianifideles a cultu divino, ad quem dies Festi sunt instituti. Certum quoque est (3), Ecclesiasticis legibus quovis tempore illas fuisse veritas. Et de Mercatu quidem dubitari non potest; uti ex Juris Canonici (4) textibus, ex Pontificiis Constitutionibus, & ex pluribus Sacræ Congregationis Concilii decretis liquido constat. Quare Benedictus XIV. in sua Constitutione, seu Epistola Encyclica, quam ad omnes Ditionis Ecclesiasticæ Archiepiscopos, Episcopos, atque Ordinarios scripsit, sic iisdem indicit. *Qua (5) de re omnem dubitandi ansam præcidentes, vobis per hæc Apostolica scripta mandamus, ne in Diocesum vestra-*

(1) Humbertus de Romanis lib. 2. de eruditione Religiosorum Præf. licat. tract. 2. n. 92. pag. 351. edit. Rom.

(2) Benedictus XIV. in sua Constit. t. 42. tom. 1. §. 15.

(3) Benedictus XIV. loc. cit.

(4) Cap. 1. de Feriis, S. Pius V. in sua Constit. 5. §. 8., Sac. Cong. Concil. in Romana Mercat. us. 2. Maii 1711., & in Barchinonen. observationis Festerum 13. Maii 1669., & 27. Martii 1683.

(5) Benedictus XIV. cit. Constit. §. 22.

vestrarum Urbibus, & Locis Mercatus fieri Festis diebus patiamini. De Nundinis eadem, quæ de Mercatibus, dicenda essent (1), ac statuenda. Verum Sanctissimus Pontifex Benedictus XIV. in laudata sua Encyclica Epistola gravibus de causis aliquod adhibendum esse temperamentum censuit, quod omnibus locorum Ordinariis per hæc verba insinuavit (2): Constituite auctoritate Nostra matutinas, & vespertinas horas, quibus Festo die, quo Nundinae habentur, claudi debeant Apothecæ, nec publica possint exerceri commercia, ut qui ad Nundinas confluxerunt, Missæ Sacrificio, ac divinis Officiis intersint, aliisque Christianis operibus Festum sanctificent. Vigilate, ut omnia plene, & exacte impleantur. Nos autem per publicum Edictum non prætermittimus extendere Nundinarum privilegia ad diem sequentem, qui Festus non erit, ut temporalia negotia paucarum horarum spatium propter Dei cultum, & animarum salutem intermissa, integri diei accessione commode peragantur. Cum itaque in hac Tusculana Civitate Festo S. Matthæi die ex antiquissima consuetudine Nundinae quotannis habeantur, illas quidem permittimus, sed hac adjecta conditione, ut ex non amplius, ut olim, in Foro ante Cathedrale Templum, sed extra Civitatis mœnia instituantur, ne videlicet mercatorum, emptorumque clamoribus Populi ad Pœnitentiæ, & Eucharistiæ Sacramenta recipienda confluentis pietas, ac religio perturbetur. Tandem quod ad Causas Forenses spectat, utroque Jure, tum Canonico, tum Civili districte (3) prohibetur, ne Festis diebus ulli fiant jurati contractus, aut exercentur judicia, aut litium acta agitentur, aut testes, aut juramenta in civilibus causis cujuslibet Fori recipiantur; aut demum seu publica a Notariis instrumenta scribantur, nisi causæ pietas intercedat, aut magni momenti exigat occasio; seu captivæ vel reales, vel personales, nisi in casibus a Jure permissis, executioni demandentur. Uno verbo: præcipitur, ut Festis diebus sub pœna nullitatis actorum

S 2 omnium,

(1) Benedictus XIV. cit. Constat. §. 15.

riis, L. Omnes Indices. cod. Theodosian.

(2) Benedictus XIV. cit. Constat. §. 20.

de Feriis.

(3) Cap. 1., & cap. Omnes dies. de Fe-

140 CONSTITUTIONES SYNODALES

omnium , utrumque Forum , Ecclesiasticum pariter , & Laicum , conticefcet .

IV. Ab his omnibus operibus , quæ modo recensuimus , diebus Feltis abstinendum prorfus eft , nifi aliud gravis , & vera neceffitas poftulet . Nam , uti Tranſilvaniæ populis Nicolaus V. (1) reſpondit , *ceſſante neceſſitate , ab omni opere ſervili abſtinendum eſt diebus Dominicis , & Feſtivis : ſed neceſſitate cogente , non tamen affectata , ſeu procurata , licitum eſt præmiſſa exercere* , videlicet frumentum ſecare , fornium , cæterasque fruges colligere &c. , quæ quidem opera an die Dominico licerent , Summum Pontificem interrogaverant Tranſilvani . Hæc autem neceſſitas eſſe debet vera , non affectata , ſeu procurata , cujuſmodi ſine eſſet , ſi quis ea , quæ diebus feriatis agere , aut procurare deberet , & poſſet , in diem Dominicum , aut Feſtum ex propoſito differret : tunc enim proſecto is neceſſitatem affectaret , ſeu procuraret . Ne qua igitur ſtruendæ fraudis alicui detur occaſio , plura hic a Nobis ad rem , de qua agimus , accomodata ſtatuentur , quæ ab omnibus , & ſingulis exacte ſervari jubeamus .

V. De faciendi operis ſervilis neceſſitate , an vera ſit , ac tanta , ut exerceri opus licite valeat , Noſtrum erit judicium , ne videlicet homines æqua Sacrorum Canonum indulgentia abutantur , rerumque domeſticarum amore obæcati divinas , humanasque leges in controverſiam temere adducant , iſſque privato ſe judicio liberos , ſolutosque declarent . Quamobrem (2) vindemiarum , meſſis , fœni , aut aliorum terræ fructuum colligendorum tempore , vel quandocumque ſervile aliquod opus neceſſitas exigat , aut pietas ſuadet , nemini liceat Feſtis diebus operibus ſervilibus vacare (ſi præſertim publica ſint ,) in Civitate Tuſculana abſque Noſtra , vel Noſtri Vicarii Generalis , in aliis vero Noſtræ Diœce-

(1) Apud Raynald. an. Chr. 1447. n. 28.

(2) Cap. finali de Feriis , cap. Novæ . de judiciis , cap. Cum ſit generale . de foro compet. , Urbanus VIII. Bulla 164. Univerſa ,

Sac. Rit. Congreg. in Recineten. 9, Decemb. 1700. , Sac. Congreg. Concilii 22. April. 1599. , Sac. Cong. Epiſc. 12 Martii 1601. , & in Caſtellan. 21. Aug. 1615.

Diceceſeos locis abſque Vicariorum Foraneorum expreſſa licentia in ſcriptis, & gratis omnino concedenda; adiecta tamen ſemper monitione, & conditione, ut non proinde, qui ejuſmodi licentiam impetrant, ſe ab onere audiendi Sacrum ulla ratione ſolutos eſſe arbitrentur. Vicarii (1) autem Generalis, & Vicariorum Foraneorum conſcientiam graviter oneramus, ut non, niſi gravi exigente neceſſitate, ac ſine ullo prorſus pretio, ac pacto, tum directe, tum indirecte, prætextu etiam eleemoſynæ piis uſibus applicandæ, ejuſmodi licentiam impertiantur. Cum huius licentiz (2) conceſſio exercitium ſit iuriſdictionis in foro externo, ab ea Parochi ſe abſtineant, niſi forte & Vicarii Foranei abſint, & periculum ſit in mora, & ad Vicarium Noſtrum Generalem recurri commodè nequeat. Molendinorum (3) operarii ceſſent diebus Feſtis ab advehendo ad Molendinum tritico, a revehenda ad Piſtorum, ſeu privatorum domos farina, a tundendis ſcalpro molis, a reſarciendis rotis, aut alio quovis opere præſtando circa Molendinum, niſi forſan, ob plurium Feſtorum continuam frequentiam, aut urgentem utilitatis communis cauſam, in ſcriptis, ut ſuprà, licentiam obtinuerint. Mola quoque olearia Feſtis diebus a terendis olivis ceſſet. Lanii (4), Macellarii, Cupedinarii, cæterique omnes, qui carnes, ſalfamenta, aliave eſculenta ad victum diurnum neceſſaria in officinis vendunt, id negotii, Feſtis etiam diebus, ſuſcipere non prohibentur, dummodo Miſſæ, Concionis, divinique Officii tempore apothecas ſuas omnino claudant; reliquis vero diei horis earum tantum oſtium recludant. In maioribus (5) tamen anni ſolemnitatibus, ſcilicet Natalis Domini, Paſchatis, & Epiphaniæ licentia vacandi operibus ſervilibus dene-

(1) Urbanus VIII. cit. Conſt. §. 3., Sac. Cong. Epiſcop. in Umbraticen. 15. Januarii 1619., & in Uliſſiponen. 7. Decembris 1691.

(2) Sac. Cong. Epiſc. 18. Julii 1594., & 18. Novembris 1597.

(3) S. Carolus Borromæus in ediſto pro

dierum Feſtorum obſerv. inſerto in Actis Eccl. Mediolanen. tom. 1.

(4) Synod. Sublacen. c. 18. §. 4., ſeu ad medicinam.

(5) Cap. 3. de Feriis, Sac. Cong. Epiſc. in Hieracenſi 20. April. 1537.

denegetur omnino; imo ne ea quidem, quæ ad victum sunt necessaria, vendere liceat, juxta Sacrorum Canonum dispositionem, & laudabilem hujus Civitatis, Dicecesis, atque Almæ Urbis Romæ consuetudinem.

VI. Si ut Festi dies rite, sancteque servantur, ab operibus fervilibus, a Mercatu (qui, si in diem Festum incidat, in anteriorem, vel posteriorem transferri debet diem) & a Forensibus causis abstinendum est; quanto impensius (1) ab omni crimine iis diebus perpetrando cavere debent Fideles, cum nulla sit turpior, atque execrabilior servitus, quam servitus peccati, & nihil sit, quod hominem a divinis rebus, atque a Deo magis avertat, quam opus peccati! Hinc S. Thomas (2), cum docuisset opera servilia eam ob causam Festis diebus interdici, quia divinis rebus ne vacemus, magnopere impediunt, subdit: *Et quia magis homo impeditur a rebus divinis per opus peccati, quam per opus licitum, quamvis sit corporale; ideo magis contra hoc præceptum agit, qui peccat in die Festo, quam qui aliud corporale opus licitum facit*. Proinde Parochi populum instruant, si non distincto reatu, certe multo gravius peccari, Deumque magis offendi lethali culpa, quæ die Festo admittatur, quam si eadem culpa profesto die patreretur. Quapropter suadeant, obsecrent, increpent, ne Fideles ad otium, ad peccata, ad convivia, ad comestationes, ad ebrietatem, ad ludos, ad spectacula, ad choreas, aliaque id generis Festis diebus abutantur, sed divinis Laudibus vacent, Deumque in Templis colant, ac revereantur: Secus enim quadrare in eos poterunt, quæ de Judæis scribit S. Augustinus (3): *observant Sabbatum non spiritualiter, sed carnaliter, quia otio abutuntur ad nequitiam: melius enim tota die utique foderent, quam tota die saltarent. Melius facerent in agro suo aliquid utile, quam in theatro seditiosi existerent*.

74111

(1) Can. *Omnis Christianus*. de consecr. dist. 1., & Can. *Irreligiosa*. de consecr. dist. 3., & can. *Consideret*. de poenitentia dist. 5.

(2) S. Thomas 2.2. qu. 122. art. 4. ad 3.

Catechismus Roman. in 3. Decalogi præceptum.

(3) S. Augustinus lib. de decem chordis cap. 3., & in concione 1. in Psalm. 31.

rum die Sabbati lanam facerent, quam tota die in manibus suis impudice saltarent.

VII. Hactenus de operibus egimus, a quibus, cum dies Festus agitur, abstinere jubemur. Pauca nunc de iis operibus statuiamus, quæ, ad Dei cultum, obsequiumque, Festis diebus præstanda esse Religio nos docet. Primum (1) itaque omnibus, qui Christiana Professione signantur, ab Ecclesia distincte præcipitur, ut Missam Dominicis, ac Festis diebus audiant, cui quidem summa religione, ac pietate interesse illos oportet. Eam autem in Parochiali Templo audire deceret quam maxime, ut ibidem concioni adesse possent, quam Parochus inter Missarum solemnia iis diebus est habiturus. At profecto Dei voluntati non faceret satis, qui in eo solum Festorum dierum celebrationem constitueret, ut rei divinæ interesset, non vero etiam omni studio contenderet illos ferme totos in sacris meditationibus, ac precibus, aliisque Christianæ charitatis, ac Religionis operibus obcundis transigere. Quapropter omni ope, ac vi Fideles suos Parochi hortentur, ac moneant (2), ut Festis diebus Deo impensius vacent, Tempora religiosius adeant, Sacramentis se mudent, & communiant, Concionibus, divinisque Officiis intersint, ac ferventius in aliis se operibus Christianæ pietatis exercent. Sacerdotes vero, & Clerici, ut bonum Populo exemplum præbeant, Matutinis, ac Vespertinis Officiis omnino intersint, ac psallant, Sacras, quæ in Ecclesia fiunt, functiones obeant, atque orationi, & precibus in Templo diutius vacent. Dum vero Missa (3) sollemnis, divina Officia, Sacra Concio, Doctrina Christiana, vel quæcumque alia Ecclesiastica functio celebratur, nulli in Ecclesia, aut prope ipsam strepitus, clamores, aut importunæ confabulationes permittantur. Imo (4) ne in ipsa quidem platea, quæ Templo est proxima,

divi.

(1) *Can. Missæ, & Can. Omnes. de consecr. dist. 1., Concil. Agathense can. 47. ann. 506., & Conc. Aurelianense can. 26. ann. 511., & Conc. Rom. sub Bened. XIII. tit. 11. cap. 1.*

(2) *Concilium Romanum sub Benedicto XIII. tit. 11. cap. 1.*

(3) *Can. Irreligiosa. de consecr. dist. 3.*

(4) *Can. Qui die. de consecr. dist. 1.*

divinorum Officiorum tempore cantilenæ, instrumentorum concentus, saltationes, spectacula, circulatorum ineptiæ, lufusve quilibet ullatenus tolerentur. Nulla etiam Festis diebus spectacula cæteroqui licita præbeantur, nisi post divina Officia, & ex peculiari licentia ad id a Nobis, aut a Vicario Nostro Generali concessa.

VIII. Parochi frequenter (1) moneant Patresfamilias, ac Dominos, ut filios, ac famulos, quos vel in pascendis pecoribus, vel in vineis custodiendis, vel in colligendis herbis, aliisve rusticis laboribus subeundis ruri occupant, Festis saltem diebus Missæ jubeant interesse: secus enim Deo omnium Patri, ac Domino pro illis rationem erunt reddituri. Herus item, Pater, ceterique, quorum jussu filii, famuli, alique sub eorum potestate, & cura constituti, diebus Festis serviliter laborant, se violatores esse hujus præcepti sciant, ac pœnis arbitrio Nostro infligendis esse puniendos. Nequa vero ignorantia excusatio Festorum transgressoribus suffragetur, districtè Parochis, & Capellanis ruralibus præcipimus, ut singula Festa de præcepto (2) sive fixa, sive mobilia, & jeiunia per unamquamque hebdomadam recurrentia, die Dominico præcedente inter Missarum solemnia Populo significant, & pridie cujuslibet Festi post vespertinam Angelicam salutationem solemnè campani æris sono sacræ impendentis solemnitatis excitent recordationem.

IX. Præter diem Dominicum, qui Judæorum Sabbato ab Ecclesia substitutus est, hos alios Festos dies in universa Ecclesia ex præcepto servandos indixit Urbanus VIII. peculiari sua Constitutione (3), ubi §. 2. sic inquit: Motu proprio, & ex certa scientia, meraque deliberatione nostris; nec non de prædictæ Apostolicæ plenitudine potestatis, hac perpetuo valitura Constitutione, de voto etiam Ven. Fratrum Nostrorum S. R. E. Cardinalium Sacris Ritibus Præpositorum, Apostolica auctoritate decernimus, & de-

(1) Concil. Prov. Mediolanense I. sub S. Carolo. (2) Can. *Pronunciandum*, de consecr. dist. 1. (3) Urbanus VIII. Const. 164. *Universa*, edita Idib. Sept. 1642.

& declaramus, infraſcriptos duuntaxat dies pro Feſtis ex præcepto colendos eſſe, quos nempe vel ab initio veneranda ſacrauit antiquitas, vel univerſalis Eccleſiæ probavit conſuetudo, vel omnium gentium unanimis pietas veneratur; Dominicos ſcilicet dies totius anni, Nativitatis D. N. Jeſu Chriſti, Circumciſionis, Epiphaniæ, Reſurrecciónis cum duabus ſequentibus Feriis, Aſcenſionis, Pentecoſtes cum duabus ſequentibus Feriis, Sanctiſſimæ Trinitatis, Solemnitatis Corporis Chriſti, & Inventionis Sanctæ Crucis, necnon feſtivitatum Purificationis, Annunciationis, Aſſumptionis, & Nativitatis Deiparæ Virginis, Dedicatio nis S. Michaelis Archangeli, Nativitatis S. Joannis Baptiſtæ, SS. Petri, & Pauli, S. Andree, S. Jacobi, S. Joannis, S. Thomæ, SS. Philippi, & Jacobi, S. Bartholomæi, S. Matthæi, SS. Simonis, & Judæ, & S. Matthiæ, Chriſti Domini Apoſtolorum, item S. Stephani Protomartyris, SS. Innocentium, S. Laurentii Martyris, S. Sylveſtri Papæ, & Confeſſoris, S. Joſeph etiam Confeſſoris, & S. Annæ, Deiparæ reſpectivè Sponſi, ac Genitricis, Solemnitatis omnium Sanctorum, atque unius ex principalioribus Patronis in quocumque Regno, ſive Provincia, & alterius pariter principalioris in quacumque Civitate, Oppido, vel Pago, ubi hos Patronos haberi, & venerari contigerit. His autem diebus alium Feſtum diem addidit Clemens XI. (1), Conceptionis Immaculatæ Deiparæ Virginis Mariæ.

X. Cum ex Bulla Urbani VIII., ut vidimus, ſervandus quoque ex præcepto ſit in quolibet Oppido Feſtus dies Patroni Principalioris ejusdem Oppidi; Municipalia proinde Noſtræ Diœceſis Feſta in poſterum ſervanda, & a Parochis, uti ſuperius diximus, Populo prænuncianda recenſebimus, ne ulla deinceps ſuper debita eorum obſervantia controverſia, aut dubitatio oriatur.

XI. Cum Tuſculani Cives Sanctis Sebaſtiano, & Rocco beneficentiſſimis Patronis ſuis minus principalibus acceptum referrent, quod proxime elapſo ſæculo cum dira lues finitima loca de-

T

popu-

(1) Clemens XI. in ſuo peculiari Brevi.

popularetur, immunes ipsi, atque incolumes a tam sæva contagione evasisent; Ut accepti beneficii certa, & grata instauraretur recordatio; Comuni inito consilio, unanimique suffragio statuerunt, ut dies decimus octavus mensis Junii, quo tantum se accepisse beneficium fatebantur, tamquam Festus de præcepto dies, quotannis observaretur, ac præterea eodem die publica in eorumdem Sanctorum honorem supplicatio in Civitate haberetur. Supplicatio sane hujusmodi, Tusculano Episcopo consentiente, nunquam habita non fuit. At cum dies Festus de præcepto, licet a plerisque observaretur, ab aliquibus tamen negligetur, nullumque ea super re authenticum de Ordinarii approbatione, & consensu documentum extaret, dubitari merito cœptum fuit, an vere idem dies esset Festus de præcepto? Rogati proinde fuimus, ut dubium omne tolleremus, & quid servandum esset in posterum, a Nobis perpetuo valitura lege in hac Nostra Synodo statueretur. Nos itaque, re mature discussa, auditoque plurium Theologorum, pluriumque Nostræ Cathedralis Canoniorum consilio, Cleri, Populique pietati indulgentes, volumus, ac tota, qua pollemus, auctoritate mandamus, ut in Urbe Tusculana quotannis dies decimus octavus mensis Junii ad accepti per Sanctorum Sebastiani, & Rocci intercessionem beneficii memoriam recolendam, eosdemque Sanctos Viros speciali quodam cultu venerandos, tamquam Festus de præcepto dies, ab omnibus sancte, religioseque observetur. Eo itaque die, quicumque Tusculi commorantur, ab omni opere servili abstineant, Sacrum audiant, Deo, ac Sanctis Sebastiano, & Rocco de collatis donis gratias agant, & jugi piorum operum exercitio ad uberiora recipienda beneficia se præparent. Præterea eodem die mane Sodalitates omnes hujus Civitatis una cum Clero Sæculari, ac Regulari a Nostra Cathedrali Ecclesia ad Sanctæ Mariæ de Vivario Templum, in quo pervetustæ eorundem Sanctorum asservantur Imagines, supplicantium more solemni pompa procedant, ibique Missa de Beata Virgine cum oratione pro gratiarum actione sub unica conclusione

sione celebretur. Parochi vero Festum hunc diem inter reliquos Festos de præcepto dies describant, cumque Dominica, quæ illum præcedit, inter Missarum solemnia Populo de more annuncient, ac pridie Festi diei, consueto campani æris sonitu ejusdem in Fidelium animis excitent memoriam.

XII. In Arce Pontificia, seu Oppido, quod vulgo dicunt *Rocca di Papa*, proxime elapso sæculo, anno videlicet Reparatz salutis 1619., Clerus, & Populus, propter innumera sibi a Sancto Carolo Borromæo collata beneficia, non inodo illum in Patronum loci principaliorem elegerunt, verum etiam unanimi consensu legem sibi, posterisque suis dixere, ut diem quartam Novembris ejusdem Sanctissimi Cardinalis cultui dicatam, tanquam Festum de præcepto diem, fervarent; pervigiliam vero ejus diei communi consecrarent jejunio. Cum autem postmodum ad Sacrorum Canonum normam ejus legis approbationem, & confirmationem ab Episcopo Tusculano postulassent; illam facili negotio obtinuerunt, uti patet ex Litteris Cardinalis Evangelistæ Pallotta Episcopi Tusculani ad ejusdem Oppidi Populum datis 11. Junii 1619., quas in Appendice num. 11. exhibemus. Volumus itaque, ac præcipimus ut hanc legem, sancte hæctenus custoditam, nemo in posterum violare audeat, aut de gravi ejusdem obligatione dubitare.

XIII. Antequam Montis Porcii Oppidum conderetur, Templum in ea vicinia extabat in honorem S. Antonini Martyris Deo Optimo Maximo dedicatum, in quod finitimorum prædiorum incolæ confluebant, ut Missæ Sacrificio interessent, ac Sanctissimum Christi Martyrem, quem præcipuum sibi Patronum delegerant, piis precibus, & obsequiis venerantur. Extructo mox Oppido, cum in illud iidem incolæ, aliique plures e vicinis locis se recepissent; nullam tamen in eo Sacram haberent Ædem, in qua divina Mysteria peragerentur; non levi proinde cum incommodo, ut Sacramenta reciperent, quandoque Altaria in cryptis erigere, quandoque ad Parœcialem Montis Compatrium Eccle-

siam, plerumque ad S. Antonini Templum accedere cogebantur, in quo jam obtinuerant, ut defunctorum corpora tumularentur. Illorum tandem miseratus incommoda Gregorius XIII. (1), proprio ære in honorem S. Gregorii Magni Templum in Oppido a fundamentis extruxit, quod pictis ornavit Imaginibus, & sacra supellectili auxit, annuo etiam censu ad congruam Parochi sustentationem constituto, cui perpetuam Templi custodiam, ac spiritualem animarum curam demandavit. Non tamen exinde imminuta, imo verius aucta magis in dies est erga Christi Martyrem Populi pietas. Non modo enim in ejus honorem dedicatum Altare in Templo est; verum etiam secundus Septembris dies ejusdem Martyris cultui (2) destinatus, ex voto, tamquam Festus de præcepto, servari a Populo cœpit, publicis supplicationibus, communi ad Eucharisticam Mensam accessu, solemniq; divinatorum Officiorum cantu distingui, iis deum popularibus lætitiæ signis celebrari, quibus in tota ferme Italia Festus Principalioris Patroni dies celebrari consuevit, uti ex actis constat Sacræ Visitationis, qua Alexander Rauli Anagninæ Urbis, ac Diocesis Vicarius Generalis ex speciali Cardinalis Episcopi Tusculani Francisci Sfortiæ delegatione Mense Junii anno reparatæ salutis 1620. Tusculanam Civitatem, ac Diocesim perlustravit. Ea autem omnia ad hæc usque tempora sancte, religioseque servata semper fuisse, ex Actis cum Apostolicarum, tum Episcopaliū Visitationum, aliisque authenticis documentis abunde patet. Imo etiam cum ab Urbano VIII. in superius laudata Constitutione præscriptum fuisset, ut unius dumtaxat Principalioris Patroni in quacunque Civitate, Oppido, vel Pago Festus de præcepto servaretur dies; huic mandato Incolæ Montis Porcii obsequentes, ex quinque Festis diebus, quos ex voto, vel consuetudine servare consueverant, unicuique S. Antonini, tamquam Patroni Principalioris, Festum diem sibi ex præcepto servandum, omiſsis reliquis, retinuerunt, eumque proinde Parochi inter Festos de præcepto dies sem-

(1) Gregorius XIII. in Bulla edita 1. Junii 1580. (2) In Martyrol. Romano.

semper Populo prænuñciarunt, Oppidani vero summa semper religione, ac pietate custodierunt. Neque vero de clientibus suis benemereri umquam destitit Patronus amantissimus, cujus proinde opem iidem cum in plurimis rebus, tum in fugandis potissimum febribus experti olim sunt, & adhuc experiuntur præsentissimam. Quæ cum ita sint, ne ulla umquam hujus rei memoriam deleat oblivio, utque omnis in posterum hac super re vel levissimæ dubitationi locus intercludatur; hac Nostra Synodali perpetuo valitura Constitutione decernimus, ac declaramus, in Oppido Montis Porcii ab Oppidanis omnibus, & ab aliis quibuscumque inibi forte existentibus secundum Septembris diem in S. Antonini Martyris tamquam Patroni Principalioris honorem servandum de præcepto esse, eumque suo tempore quotannis, tamquam Festum de præcepto, Populo a Parocho esse prænuñciandum. Quicumque igitur sive Oppidanus, sive Advena in toto Montis Porcii Oppido, ac Territorio Festum hunc diem seu servilibus, seu aliis vetitis operibus violare audebit, præter gravis culpæ reatum, ad normam Sacrorum Canonum Nostram non effugiet animadversionem.

XIV. Tandem Parochis omnibus districte mandamus, ut præceptum de servandis diebus Festis populo non semel explant, eique fufus, ac singillatim explicent, quæ paucis sane, sed gravibus verbis in sua Epistola Encyclica ad Provinciarum Maritimæ, & Campaniæ, aliorumque locorum Episcopos data (1) de servandis Festis diebus Benedictus XIV. edixit, ubi ait : *Dies Festi non ad id instituti sunt, ut Christianus populus epulis, ebrietatibus, ludis, spectaculis, aliisque id genus licentiæ liberius vacet; sed ut Fideles in precibus, divinisque laudibus frequentes, & assidui sint; ut Ecclesiis intersint; Sacramenta ad animæ vulnerum curationem instituta adhibeant; seduloque se exercent in iis operibus, quæ veram pietatem continent; Et ut demum Sanctos una cum Christo regnantes, tamquam Patronos, congruis officiis, & honoribus prosequantur.* Populo

(1) Benedictus XIV. Epist. Encyclica *Nihil profecto*. edita 12. Aug. 1742.

pulo præterea ostendant, quantum exosa Deo sit Festorum dierum violatio, & quæ gravissima ex ea detrimenta oriantur. Quamobrem (1) Sacrarum Litterarum proferant testimonia, ex quibus perspectum fiat, eos, qui dies Festos contempserint, etiam in hac vita esse puniendos, uti per Ezechielem (2) Deus disertissime significavit: *Sabbata mea violaverunt vehementer: dixi ergo, ut effunderem furorem meum super eos, & consumerem eos*. Quod si in veteri Testamento tam severe Festorum dierum contemptum ulcisceretur Deus; quanto acriorem futuram esse putabimus divinam ultionem in novo Testamento, in quo nos multo pluribus, gravioribusque titulis Deo obstrictos, multo etiam impensius divino vacare servitio, diesque vero Dei cultui consecratos observare religiosius oportet! *Irritam quis faciens legem Moysi*, inquit (3) Apostolus, *sine ulla miseratione duobus, vel tribus testibus moritur*. *Quanto magis putatis deteriora mereri supplicia, qui Filium Dei conculcaverit, & sanguinem Testamenti pollutum duxerit, in quo sanctificatus est, & Spiritui gratiæ contumeliam fecerit*! Profecto haud difficile erit ex historicis monumentis certissima divinæ ultionis adversus Festorum transgressores argumenta deproinere, quibus Auditorum animi ab hujusmodi crimine perpetrando deterreantur. Concilii (4) Parisiensis Patres cum in finem sui temporis exempla protulerunt, sui que Concilii Actis inserta, posterorum memoriæ proderet non dubitarunt. Nam can. 50. sic habent: *Multi etiam nostrorum visu, multi etiam quorundam relatu didicimus, quosdam in hac die (videlicet Dominica, aut Festiva) ruralia opera exercentes fulmine interemptos, quosdam artium contractione multatos, quosdam etiam visibili igne corporibus, ossibusque simul sub momento absumptis, in cinerem subito resolutis, pœnaliter occubuisse &c.* Et ut ad nostra hæc tempora dilabamur, nonnæ dierum Festorum contemptui tribuendas esse merito putabimus

(1) Exodi cap. 31. n. 14., Exodi c. 35. v. 2., Numer. cap. 15. v. 32., Jeremiz cap. 17. v. 27.

(2) Ezechiel. cap. 20. v. 11.

(3) Ad Hebræos cap. 10. v. 28., & 29.

(4) Concil. Parisien. can. 50. celebratum ann. Christi. 829.

bimus agrorum sterilitatem, messis parvitatem, perturbatas temporum vices, spes Agricolarum horæ momento præcisas, aliasque hujusmodi calamitates, quibus non infrequenter affligimur; cum (1) Nehemias in Sacris Litteris Judæorum captivitatem Sabbati violationi affirmaverit esse tribuendam? Quod si tam gravibus pœnis hoc mortalis vitæ tempore, quod miserationum, ac misericordiarum tempus in sacris Paginis nuncupatur, in dierum Festorum violatores animadvertere consuevit misericors, & miserator Dominus, ut ii videlicet a viis suis pessimis ad rectam virtutis semitam revocentur; quanto severiora erunt supplicia, quibus eos vita functos, nisi ante decessum resipuerint, justissimus Vindex addicat! Hæc quidem omnia si frequenter, & serio Fidelibus Parochi ob oculos mentis ponant, brevi temporis intervallo & Festos dies religiosius servari, & verum Dei cultum in Parœcia sua mirum in modum augeri gratanter aspicient.

CAPUT XIV.

DE ECCLESIIS, ALIISQUE LOCIS SACRIS,
AC DE REVERENTIA EISDEM DEBITA.

QUamquam prioribus tribus Ecclesiæ sæculis, cum adversus Christianam Religionem Tyrannorum ferveret furor, Pontifices, & Sacerdotes sacra facturi, sive in cryptas, sive in cœmeteria, sive in privatorum ædes, sive tandem quocumque eos necessitas compulisset, una cum Fidelibus convenirent; post redditam tamen Ecclesiæ pacem, non, nisi in publicis ædibus auctoritate Episcopi erectis, & ab eo vel solemnî ritu consecratis, vel saltem benedictis, sacra peragere, divinaque officia celebrare licet. De his ædibus ad divina celebranda, & ad Religionis actus exercendos destinatis, imo & de singulis locis piis, ac religiosis Episcopali auctoritate erectis, in hoc capite, &
in

(1) *Esdæ lib. 2. cap. 13.*

152 CONSTITUTIONES SYNODALES

in sequentibus loquemur, cum debitam iis præstare reverentiam, atque honorem a Religionis virtute jubeamur. A Templis, seu Ecclesiis ordiamur,

ARTICULUS I.

De Ecclesiis ædificandis, vel reparandis.

I. **Q**Uamquam Ecclesias erigere, ac ædificare pium, religiosum, ac laudabile opus sit; ne tamen ex teinere, aut cum aliorum jactura, aut sine congrua perpetua dote erigantur; ad Sacrorum Canonum (1) normam inandamus, atque præcipimus, ne ulla sive Ecclesia, sive Capella, sive Oratorium, sive Altare de integro ædificetur sine Nostra expressa, & in scriptis obtenta licentia. Si secus fiat, Ecclesia, aut locus sacer sic erectus, Ecclesiastico subiaceat interdicto. Ejusmodi autem licentiam (2) nunquam erimus concessuri, nisi is qui ædificare vult, ante præfingat, quæ ad luminaria, ad custodiam, & ad Custodum stipendia sufficiant. Hæreticorum (3) enim blasphemiam damnamus, qui Ecclesias dotare Divinæ Scripturæ, & Christi regulæ contrarium esse divulgabant: nam Sacris Canonibus est provisum, ut Ecclesiæ, quatenus divino cultui aptæ, & in suo semper decore permaneant, absque dotis constitutione non ædificentur. Quamquam vero ejusmodi constituta dos fuerit; non tamen operi inanus admoveatur, nisi prius a Nobis, vel a Vicario Nostro Generali inspectus, & approbatus fuerit locus Ecclesiæ ædificandæ designatus, erectaque in eo Cruce, primus lapis benedictus in fundamentis consueto Ecclesiastico ritu fuerit collocatus, ut in Pon-

(1) Can. Nemo, Can. Ecclesias pro congrua. de consecr. dist. 1., cap. Cum olim §. Insuper. de privilegiis, & cap. Auctoritate. de privilegiis in 6.

(2) Can. Vere. caus. 16. qu. 1., Can. De Monachis, Can. Quidam. caus. 18. qu. 2.,

cap. 1. de censibus; cap. Cum sicut. de consecr. Eccles., vel Altar., & Pontif. Rom. par. 2. §. 1. Novella 167. cap. 2.

(3) Concil. Rom. sub Benedicto XIII. tit. 27. cap. unic.

Pontificali (1) Romano præscribitur. Regularium etiam (2) cuiuscumque sexus Monasteria non erigantur sine expressâ Nostra in scriptis tradita licentia, quam non erimus concessuri, nisi servatis conditionibus à Gregorio XV. (3), ab Urbano VIII., & ab Innocentio X. præscriptis per suas Constitutiones, quæ in eorum Bullariis reperiuntur.

II. Postquam pro novo Templo ædificando Noster consensus accesserit, sub (4) Immunitatis Ecclesiasticæ violatæ pœna nemo ejusdem ædificium re ipsa, ac violenter impedire, seu alio quocumque inodo prohibere præsumat. In Templo vero construendo hæc potissimum advertantur. Primum, ut, si in æquo, & plano loco sit erigendum, editior semper deligatur pars, ut inde ad ipsum Templi pavementum tribus saltem, & si natura loci ferat, etiam quinque gradibus ascendatur. Deinde ea adhibeatur cautio, ut in loco ædificetur a stabulis, a cauponis, a laniænis, a ferrariis officiis, & ab omni strepitu maxime remoto; item non humido, non uliginoso, sed a cœno, luto, sordibusque reliquis immuni, & quoad fieri poterit, ab aliorum ædificiorum, ædiumque parietibus undique sejuncto. Duarum maxime partium in Ecclesia extruenda ratio habeatur, quarum altera ædificium sustentet, altera tueatur. Primum videlicet, ut fundamenta altissime fodiantur, firmissimeque locentur; deinde ut tectum summa diligentia construatur, singulæque ejus partes inter se ita cohæreant, ut tota compago validissime connexa consistat. Parietes firmi, ac solidi ædificentur; & quoad extimam superficiem sint bene politi, ac diligentissime dealbati. Extrinsecus autem arbores ab iis removeantur, ne earum radices sub

V

ter-

(1) Pontificale Romanum par. 2. §. 1.
(2) Cap. *Cum olim*. de privilegiis, cap. fin. de religiosis domibus, & Trid. sess. 24. de regularibus cap. 3.

(3) Gregorius XV. Const. *Cum alies*. 17. Aug. 1622., Urbanus VIII. 25. Aug.

1624., & Innocent. X. Const. *Inflau-
randa*. idibus Octob. 1652.

(4) Cap. ult. de Ecclesiis ædificandis;
can. *Sunt quidam*. caus. 1. qu. 1., can. *Fu-
turam*. caus. 12. qu. 1., & L. *Sancimus*.
cod. *De Episcopis, & Clericis*.

154 CONSTITUTIONES SYNODALES

terram serpentes fundamenta subruant, ac labefactent; aut ne arborum ipsarum rami fenestras opacent, luminibusque officiant; quod quidem cavendum est potissimum in Templis, aut Sacellis, quæ construuntur in agris. Templum quodlibet, nisi rotundæ, aut octangularis sit figuræ, unam, aut tres, ut ajunt, naves habeat, quarum quælibet suo instructa sit fornice, aut laqueari eleganter compacto. Altaria (1) neque alicui Ecclesiæ columnar, aut pilæ inhæreant, neque Organo, aut Concionatoris suggestui subjiciantur, neque e regione Aræ Principis collocentur. Templâ præterea, & Sacella decentibus munita sint foribus, quæ suis temporibus diligenter obserentur. Fenestræ omnes vitreis clauduntur tabulis ad aves, imbres, ventosque prohibendos. Exteriora Templi facies indecora non sit, & in summo ejus fastigio ferrea extet Crux, e qua habitaculum Dei, & Domus orationis ab omnibus facile dignoscatur.

III. Cum omnes ab Ecclesiis abesse profanæ servitutes debeant; Idcirco nulla supra easdem cubicula (2), ac deambulacra construuntur; neque earum Rectores, Nobis inconsultis, ullo modo patiantur, ut in iis, aut in adjacentibus locis fabrica ulla de integro fiat, aut quidquam innovetur. In nulla item Ecclesia aditus, aut januar, aut Fenestræ (3) aperiuntur, quæ a Laicorum domibus in Ecclesiam ipsam aut ingressum, aut prospectum præbeant; neque Laicorum ædes in posterum ædificentur, quæ Templorum parietes ulla ex parte attingant. Si quæ sint in Ecclesia inferiores fenestræ, e quibus facile in eam ingressus pateat, non modo vitreis tabulis, verum etiam ferreis cratibus obserentur. In ipso Templi ingressu prope valvas, ad dexterum saltem ingredientium

latus,

(1) Concil. Provin. Mediol. IV. par. 1. tit. de Capellis, & Altaribus.

(2) Edictum S. Pii V. pro Urbe 28. Nov. 1596., Sac. Congr. Concil. in Lusitana 15. Martii 1652., Sac. Congreg. Episcop. in Melphitenis 2. Octob. 1616.,

in Neapolitana 18. April. 1646., in Faventina 15. Feb. 1619., & in Hieracensi 6. Decemb. 1612., & 26. Jul. 1613.

(3) Sac. Congreg. Episc. in Casertana 8. Junii 1646., in Culentina 14. Dec. 1646., & in Alexanen. 14. Nov. 1659.

latus, vas extet ex marmore, aut ex alio lapide decenter extructum, in quo aqua lustralis, seu benedicta (1) asservetur, ut eadem aspergere se rite possint Fideles, cum in Templum oraturi ingrediuntur. Lustralem vero aquam Hebdomadis singulis renovari jubemus, ut illimis, mundaque sit, eademque Dominicis diebus ante Missam Conventualem, seu Parochialem Altare, ac Populum a Sacerdote celebrante aspergi, ac benedici mandamus. Parochis etiam indicimus, ut omni solertia curent, prædictam Lustralem aquam domi quoque a Patribus familias retineri, qua cum ipsi, tum eorum familia, quoties vel cubitum eunt, vel ab accubitu surgunt, aspergantur, ejusdem usu sanctificentur, ac mali Dæmonis insidias a se ipsis feliciter amoliantur: quod quidem facile obtinebunt, si ex Historicis (2) monumentis Populo ostendant, hujusmodi aquæ lustralis usum a primis usque Ecclesiæ sæculis ad Diaboli impetus retundendos frequentissimum fuisse, & plurimis a Deo miraculis comprobatum.

IV. Altaria, si tota consecrata non sint, saltem lapidem (3) habeant in ara inedia constitutum, ab Episcopo consecratum, cetera coopertum tela, ac tanta firmitate subiecto Altari cohærentem, ut e loco dimoveri nequeat. Lapis hic longus sit uncias viginti, & latus sexdecim ita, ut in eo commode, & Calix, & Hostia a Sacerdote Sacrum celebrante collocari possint. Altaria lignea non sint, sed marmorea, aut saltem lateritia, nullusque in iis locus adfit, in quo aliquid condi valeat, aut asservari. Duo insuper saltem candelabra, & inter ea Christi e Cruce pendentis Imago, ex aurichalco, aut ligno affabre elaborata, atque argento, aurove illita, aut decenter picta una cum precum Secretarum Tabellis super Altaris gradu imponantur. Mensa vero tribus lineis inappis candidis ad Missam celebrandam necessariis operiatur,

V 2

qua-

(1) Can. *Aquam*. de consecrat. dist. 3.

(2) Leo IV. *serm.* de cura Pastoralis, S. Epiphanius *hæres.* 39., S. Hieronym. in vita S. Hilarionis, Theodoretus lib. 5. *Hist. Eccl.* cap. 21., Palladius *Lausiæ* *hist.*

cap. 6., & Bedæ lib. 1. *hist. Anglorum* cap. 17.

(3) Can. *Nullus*, & tota dist. 1. de consecrat., cap. 1., & toto tit. de consecrat. Ecclesiæ, vel Altaris.

quarunt suprema pene usque ad terram e lateribus defluat . Anterior Altaris pars suo tegatur pallio , vel ejus coloris , qui temporum rationi secundum Ecclesiæ leges congruat , vel saltem multicolori . A cornu Epistolæ (1) cereostrotum vel ex ligno colorato , seu deaurato , vel ex aurichalco constructum adsit ad ceream faciem sustentandam , quæ in Missæ Sacrificio , antequam Sacerdos consecrationis verba proferat , Populoque adorandam Eucharistiam exhibeat , accendi consuevit . Haud procul mensula habeatur , in qua pelvicula cum urceolis aqua , & vino plenis , parvum tintinnabulum , linteolum , aliaque hujusmodi ad Sacerdotis celebrantis usum collocentur . Suum non desit cuilibet Altari stragulum , quo , absoluta Missarum celebratione , mensa contegatur , ut a pulvere , ac sordibus facilius fervetur immunis . Tandem aræ majori , atque aræ , in qua Sanctissimum asservatur Sacramentum , imo aris etiam minoribus , quæ fornicatæ non sint , umbella superimpendeat . Quæ quidem omnia a Nobis in cujuslibet Altaris visitatione sancita , præsentī Synodali Decreto instauramus .

V. Turrim habeat Ecclesia qualibet aut contiguam , aut non procul dissitam , in qua anæx campanæ suspendantur , & in cujus summo fastigio Crux ferrea collocetur : ejus autem Ostium ex firmis asseribus fabricatum , firmis quoque pessulis , & clave muniatur , ne cuilibet in illam pro arbitrio accessus pateat , imo clausum perpetuo sit , præterquam cum pulsandæ erunt Campanæ . Has vero in Cathedrali Ecclesia saltem quinque , in Collegiata saltem tres , ac totidem in Parochiali esse oportet , si Ecclesiæ facultates id patiantur . Antiquissimus (2) est in Christiana Republica campanarum usus , cumque in finem institutus , ut earum sonitu signum Clero , Populoque ad Templi , divinaque officia conveniendi detur . Hinc veteri Ecclesiæ instituto factum est , ut eadem peculiaribus ritibus , ac caeremoniis ab Episcopo benedicantur , & consecrentur . Quapropter Nos , ut Sanctum hunc ,

ac

(1) Cap. 2. de custodia Eucharistiæ . can. Solent. de consecr. dist. 1. , & c. 2. de officio custodis .

(2) Concil. Colonien. II. par. 9. cap. 149 .

ac pervetustum Ecclesiæ morem servemus illatum, districte prohibemus, ne campanæ, nisi benedictæ a Nobis prius fuerint, & consecratæ, in Turri ad id destinata collocentur (1), sacrosque ad usus adhibeantur: Si secus fiat, Ecclesiarum Rectores, aut Sacrarum custodes id permittentes, pœnis arbitrio Nostro infligendis severe punientur. Hujusmodi autem campanæ, servitio Ecclesiæ jam addictæ, & consecratæ, ne ad profanos usus pulsentur, omnino interdiciamus.

VI. Tempia, quæ vel ob vetustatem, vel ex aliquo fortuito casu ruinam minitantur, ex redditibus eorundem (2) fabricæ assignatis reparentur. Quod si Ecclesia vel nullos ad hunc usum, vel non sufficientes habeat redditus; tunc si Patronata sit, a Patronis instauretur; si vero Patronata non fuerit, ejusdem Ecclesiæ Rector, ac Beneficiati, prout a Nobis ad Sacrorum Canonum tramites judicabitur, id oneris sustinebunt. Quod si Parochialis fuerit, ac libera, & Parochi redditus congruam, eique debitam sustentationem non excedant; a Parochianis juxta Canonicas leges reficiatur. Ecclesiæ vero quæcumque, licet Parochiales, aut profusus dirutæ, aut vetustate plurimum labefactæ, quæ propter summam omnium, ad quos pertinet, inopiam restaurari nequeant, juxta Concilii Tridentini decretum (3), prævia Nostri facultate in scriptis tradita, diruentur omnino, & in profanos usus non fordidos, erecta tamen ibi Cruce, convertentur; eorum autem onera, vel in matrices, vel in viciniores Ecclesias, prout expedire in Domino judicabimus, transferemus. Lapides autem, cæmentata, rudera, tigna, ac reliquam dirutorum Templorum materiam ad

(1) Sac. Rit. Congr. in Aprutiensi 5. Julii 1614, Durant: in Rat. Divin. Offic. lib. 1. cap. 4., Angelus Rocchi tract. de Campanis, Aſta Eccleſ. Mediol. in Concil. Provin. I. par. 1. tit. *De Ecclesiis* etc. Pontif. Rom. tit. *De benedictione Campanarum*.

(2) Can. *Decernimus*. caus. 18. qu. 1., cau. *Unio*. caus. 10. qu. 3. can. *Si Mo-*

nachus. caus. 16. qu. 1., cap. 1. & cap. *De his*. de Ecclesiis ædificandis, vel reparandis, & Trid. sess. 21. de reformat. cap. 7., & 8., Benedictus XIV. institutione 100., Sac. Cong. Concil. in Narniensi 24. Martii 1657., in Ragulina 3. Augusti 1686.

(3) Trid. sess. 21. de reformat. cap. 7.

158 CONSTITUTIONES SYNODALES

ad profana ædificanda, aut reparanda ædificia adhiberi vetamus, nisi iusta de causa Nostra intercefferit auctoritas. Plurimum enim dedecet, ea, quæ semel consecrata Deo sunt, ad privatos, ac profanos hominum usus iterum transferri. Nobis inconsultis (1), neque Tempia prorsus diruta iterum ædificentur, neque vetustate labefactata restituantur, neque in jam extructis quidquam aut reædificetur, aut destruat, aut innovetur. Si qua tandem Ecclesia redditus, bona, pecunias, aliasve res fabricæ destinatas habeat; hæ tuendis dumtaxat Ecclesiæ ædificiis, & ubi opus sit, faciendis impendantur, nisi Ecclesiæ ipsius necessitas, aut utilitas aliter postulare videatur; qua tamen in re nihil absque Nostra licentia, & auctoritate liceat. Qui vero rei administrandæ præpositi sunt, quotannis accepti, atque expensi codicem Nobis exhibeant, & rationem gesti muneris reddant.

VII. Oratoria, aut Ædiculæ juxta vias publicas extructæ, in quibus Sacræ aliquæ imagines Fidelium transeuntium venerationi sunt expositæ, ostium habeant clave, ac sera diligenter munitum, cujus lignæ valvæ cancellatæ sint, aut ligneis clathris instructæ, ut licet clausæ sint, introspicere tamen Viatores possint, & a Sacris Imaginibus inibi extantibus ad pios Christianæ Religionis actus excitari. At in posterum nihil tale in agris, publicisque viis construatur, nisi ejus rei concessa a Nobis fuerit facultas. Oratoria (2) campestria, in quibus Missæ Sacrificium celebrare permisum est, cancellis, januis, ac feris optime munita custodiantur, itaut nemini ingressus pateat, nisi eo tempore, quo Sacerdos sacris operatur, aut una cum Populo publicas ad Deum fundit preces.

(1) Can. *Quicumque*. caus. 16. qu. 1., (2) Synodus Tusculana sub Benedicte
can. *Lator*. caus. 16. qu. 5., can. *Quidam*. XIII. ann. 1703. cap. 12.
caus. 18. qu. 2.

ARTICULUS II.

De Consecratione, aut benedictione Ecclesiæ, aut Altaris, aliarumque Sacrarum rerum.

LEX Ecclesiastica (1) Historia, Sanctorumque Patrum testimoniis accepimus, antiquissimum Ecclesiæ morem sacras ædes, atque Altaria, in quibus incruentum Deo Missæ Sacrificium offertur, consecrandi, solemnique ritu dedicandi, ex Apostolica traditione mansisse, ac a Beato Sylvestro Papa diligentius excultum, absolutumque fuisse. Hunc itaque morem constanter, atque illibate retineri cupientes, ea, quæ sequuntur, statuimus, ac diligentissime servari mandamus. Cum solius Episcopalis Ordinis sit, & quidem ad proprium Diocesanium Episcopum spectet Ecclesiæ solemnem ritum consecrare; Nulla proinde Ecclesia intra Nostræ Diocesis fines sita ab alieno Episcopo sine prævia Nostræ licentiæ consecratur: Si secus fiat, eadem ipso facto Ecclesiastico subiaceat interdicto. Ecclesia autem semel consecrata, nisi vel tota (2), vel majori ex parte corruat, aut parietes comburantur, aut destruantur; consecrari iterum nequit. Quod si antiquis Ecclesiæ parietibus majori ex parte disiectis, Ecclesia iterum edificetur; eadem nova consecratione donari poterit: At Officium Dedicationis (3) quotannis recitandum, eidem diei, cui prioris Dedicationis Officium adnexum fuerat, optimo sane consilio adnexum relinquatur.

II. Quamvis in Ecclesia non consecrata, sed ab Episcopo tantum benedicta, celebrari Missæ Sacrificium possit; Altare tamen,

(1) Can. *Nemo de consecrat. dist. 1. can. Pie mentis*. caus. 16. qu. 7., cap. *Tua fraternitas*; cap. *Aqua*. de consecr. Eccles., vel Altaris, S. Paulinus ad Severum Epist. 11., Eusebius lib. 15. Hist. Eccl. c. 3., & lib. 4. de vita Constantini c. 43. S. Athanasius in Apolog. ad Constantem Impera-

tozem, S. Dionysius de Eccl. Hierarchia c. 4., S. Gregorius Nyssenus orat. in baptismum Christi.

(2) Can. *Ecclesiis* dist. 63. Can. *Ecclesiis* de consecr. dist. 1., cap. *Proposui*, cap. *Ligneas*, de consecr. Ecclesiæ, vel Altaris.

(3) Benedictus XIV. Institur. 67.

men, seu Mensa lapidea, super qua Sacrificium conficitur, esse debet omnino ab Episcopo consecrata, uti superius diximus, & uti ex Sacrorum (1) Canonum Constitutionibus docemur. Quare nullus Sacerdos in Ara non consecrata celebrare audeat, nisi sacrilegus fieri, & poenas subire velit per Sacros Canones constitutas. Hinc execrato Altari (2), vel per Sacri Lapidis fractionem, quæ tanta sit, ut superstes pars integra Calicem, & Patenam continere commodè nequeat, vel per amotionem sepulchri, seu lapidis, sub quo Reliquiæ sunt collocatæ, nemo celebrare in eo licite potest, nisi postquam ab Episcopo consecratum denuo fuerit. Qui secus fecerit, poenas subibit contra eos, qui extra Aram Sacram celebrant, in Jure Canonico statutas. Sub iisdem etiam poenis nemo celebrare audeat in Ecclesia polluta (3), nisi prius eadem reconciliata fuerit, & expiata. Polluitur autem Ecclesia. 1. Per voluntariam (4), vetitamque humani sanguinis, ac seminis effusionem. 2. Per homicidium (5) in ea perpetratum. 3. Per hoc, quod in ea (6) vel excommunicatus vitandus, vel hæreticus publice denunciatus, vel infidelis Ecclesiasticæ mandetur sepultura. Si Ecclesia, quæ polluitur, sit consecrata, non, nisi per proprium Episcopum, vel ab alio Episcopo de ejus licentia reconcilianda erit. Si vero non sit consecrata, sed solum benedicta, per quemcumque Sacerdotem ab Episcopo specialiter deputandum aquæ lustralis asperzione reconciliabitur, a nota tamen prius, si adhuc extet, pollutionis causa, videlicet cadavere excommunicati, aut hæretici, aut infidelis in ejusmodi Ecclesia tumulato. Tandem ignorandum non est, per Ecclesiæ pollutionem ejusdem quoque

(1) Can. *Nullus*; & tota dist. 1. de consecrat., & cap. 1. ac toto titulo de consecrat. Ecclesiæ, vel Altaris.

(2) Cap. 1., & cap. *Quod in dubiis*. de consecr. Ecclesiæ, vel Altaris.

(3) Cap. *Aquæ*, cap. *Proposui* de consecr. Ecclesiæ, vel Altaris. Can. *Ecclesiis*, cum seq. de consecr. dist. 1. Pontificale Ro-

manum part. 2. tit. de reconciliatione Ecclesiæ, & Rituale Romanum eod. tit.

(4) Can. *Ecclesiis*. de consecr. dist. 1., cap. *Proposui*., & cap. *Si Ecclesia*. de consecr. Ecclesiæ.

(5) Can. *Si motum*. de consecr. dist. 1.

(6) Cap. *Sacris*. de Sepulturis; & cap. *Consuluit*. de consecratione Ecclesiæ.

quoque pollui cæmeterium. At contra si cæmeterium ipsum polluat, non proinde polluta censenda erit Ecclesia.

III. Cum benedicenda per Episcopum sint Sacra omnia tam Ministrorum, quam Altaris ornamenta, etiam quæ consecratione non indigent; nullus simplex Sacerdos (1), nisi idoneam ad id facultatem, ac licentiam obtinuerit, illa benedicere præsumat. Regulares vero Prælati (2) meminerint, per Apostolicum privilegium, quod habent, non aliam iisdem facultatem concedi, quam sacra ornamenta benedicendi pro suarum, non vero pro aliarum Ecclesiarum usu, quemadmodum Sacra Rituum Congregatio sæpissime declaravit, nisi de peculiari aliquo Apostolico privilegio constet, quo hæc benedicendi facultas ad aliarum etiam Ecclesiarum suppellectilem extendatur (3). Caveant igitur Rectores, Sacrorum Custodes, cæterique, quibus Ecclesiarum cura demandata est, ne vasis sacris, Sacerdotalibus vestibus (4), cæterisque Altarium ornamentis utantur, vel aliis utenda exhibeant, nisi vel fuerint consecrata, ut Calix, & patena, vel fuerint benedicta, ut Sacerdotalia, ac Levitica indumenta, Corporalia, Pallæ, Altaris mappe, Crux, Sanctorum Imagines super Altari exponendæ, Pyxis, Ostensorium, Custodia, cæteraque huiusmodi. Si secus fecerint, pœnis per Sacros Canones statutis, aliisque pro delicti qualitate arbitrio Nostro infligendis multabuntur. Caveant (5) etiam, atque etiam iidem Ecclesiarum Rectores, ac Ministri, ne vestes, vasa, aut alia quælibet sacra supellex ad profanos usus cuiquam commodentur: qui ita commodaverit, graviter arbitrio Nostro punietur.

(1) Can. *Vestimenta*. de consecr. dist. 1.

(2) Sac. Rit. Cong. 24. Aug. 1609., & in Spoletana 30. Septembris 1628., & 19. Augusti 1629., Alexander VII. in suo Decreto edito 27. Septembris 1659. §. 18.

(3) Sac. Rit. Congr. 12. Junii 1660., con-

firmante Alexandro VII. 20. Julii ejusdem anni.

(4) Rubrica Missalis, Pontificale, & Rituale Romanum locis citatis.

(5) Can. *Vestimenta*, Can. *Nuptiarum*. de consecrat. dist. 1.

ARTICULUS III.

De reverentia Ecclesiarum, aliisque sacris locis debita.

I. **E** *Legi, & sanctificavi* (1), ait Dominus de Templo Sancto suo in Jerusalem, *locum istum in domum Sacrificii, ut sit nomen meum ibi in sempiternum: oculi quoque mei erunt aperti, & aures meae erectae ad orationem ejus, qui in loco isto oraverit.* At quanto veriora hæc sunt de Christianorum Templis, quæ Christus in Evangelio *domum suam, ac domum orationis* nuncupavit, & in quibus sub Eucharisticis speciebus delitescens, vere cum hominibus habitat, & supplicantium preces exaudit, ac vota! Nostra igitur Tempia, ut unusquisque sanæ mentis intelligit, omnis decet mundities, nitor, ac sanctitudo. Quamobrem Ecclesiarum Custodibus, ac Ministris dillicte præcipimus, ut earum pavementum octavo quoque die diligenter verratur, ne pulvere, situque fordescat; chorus, si adsit, bis in Hebdomada purgetur a sordibus; parietes quater in anno ab araneorum telis, pulverisque glomerati fuligine, solerti mundentur industria, & si quando tractu temporis, aut denigrentur, aut decrustentur, expensis eorum, ad quos pertinet, dealbari, aut refici curent; tandem omni studio, diligentiaque contendant, ut nihil in domo Dei, nisi nitidum, nisi mundum ab omni sorde, & macula, Fidelium adventantium oculis occurrat. *Dominus* (2) *enim in Templo sancto suo.*

II. In tota divini cultus ratione nihil est, quod & rei ipsi magis congruat, & populi religionem magis excitet, quam sacrarum vestium non pretium modo, atque splendor, sed etiam mundities, nitor, & quædam in illis habendis, adhibendisque sedulitas, ac diligentia. Sacrarum igitur Custodes, alique, quibus Sacræ suppellectilis demandata fuerit cura, assiduam dabunt operam, ut in sacris indumentis nihil scissum, nihil fractum, nihil immundum, nihil maculosum sit, sed quæ reparatione indigent, sac-

cian-

(1) Deuteron. cap. 12., & Paralip. lib. 2. cap. 7. (2) Psalm. 4. v. 5.

ciantur; quæ sordescere incipiunt, tergantur; quæ ad usum ineptum sunt, ac indecora, ab usu penitus amoveantur; omnia demum in armariis, loculisque suis majori, quam antea, cura, diligentiaque custodiantur. Quod quidem studium in linea supellectili facris usibus destinata impensius est adhibendum. Quemadmodum enim in hujus supellectilis usu nihil est, quod magis omnium oculos alliciat, quam nitor, & lacteus ille ejusdem candor; ita si eadem lurida, ac mucida fordibus sit, nihil est, quod magis omnes stomachentur, & ab ipso etiam sacrorum studio avertantur. Curandum itaque est, ut multa sit ejusmodi linea supellex, adeoque per sæpe mutari, crebraque lotura ab omni purgari labe commodius possit.

III. Quæ vero reverentia Fideles Templum adire, atque in eo commorari oporteat, Gregorius X. (1) in Concilio Generali Lugdunensi præscripsit his verbis: *Sit ad Ecclesias humilis, & devotus ingressus; sit in eis quæta conversatio, Deo grata, insipientibus placita, quæ considerantes non solum instruat, sed & reficiat. Convenientes ibidem nomen illud, quod est super omne nomen (a quo aliud sub cælo non est datum hominibus, in quo salvos fieri credentes oporteat, nomen videlicet Jesu Christi, qui salvum faciet Populum suum a peccatis eorum) exhibitione reverentiæ specialis attollant, & quod generaliter scribitur, ut in nomine Jesu omne genuflectatur, singuli singulariter in seipsis implentes (præcipue dum agantur Missarum Sacra Ministeria) gloriosum illud nomen quancumque recolitur, flectant genua cordis sui, quod vel capitis inclinatione testentur. Attendantur in locis eisdem intentis præcordiis sacra solemnia; devotis orationibus insistatur. Nullus in locis eisdem, in quibus cum pace, ac quiete vota convenit celebrari, seditionem excitet, conclamationem moveat, impetumve committat. Cessent in locis illis Universitatum, & Societatum quarumlibet Concilia, conciones, & publica parlamenta. Cessent vana, & multo fortius fæda, & profana colloquia. Cessent confabulationes quælibet. Sint postre-*

X 2

mo

(1) S. Gregorius X. in Concil. Gener. Lugdun. relatus in cap. Decet. de immunitate Ecclesiarum in 6.

mo quæcumque alia, quæ divinum possunt turbare officium, aut oculis divinæ Majestatis offendere, ab ipsis prorsus extranea, ne ubi peccatorum est venia postulanda, ibi peccandi detur occasio, aut deprehendantur peccata committi. Cessent in Ecclesiis, earumque cæmeteriis negotiationes, Et præcipue nundinarum, ac fori cujuscunque tumultus. Omnis in eis secularium judiciorum strepitus conquiescat: nulla inibi causa per Laicos, criminalis maxime, agitur: sint loca eadem a Laicorum cognitionibus aliena. Hæc autem omnia, quæ Gregorius X. in Concilio Lugdunensi præscripsit, peculiari sua Constitutione (1) confirmavit, innovavit, ampliavitque S. Pius V., gravioribus adversus transgressores poenis constitutis. Hujus Pianæ Constitutionis Summam una cum Epistola Encyclica a Sacra Episcoporum Congregatione jussu Clementis XI. ad omnes Italiæ Antistites data, in hujus Synodi Appendice num. 12. exhibemus, ut bis in anno, videlicet secunda Adventus, & secunda Quadragesimæ Dominica, utraque a Parocho legatur ad Populum, quemadmodum in Synodo Tusculana, ejusque Appendice sancitum fuit anno 1703., cum Tusculanam hanc Ecclesiam Eminentissimus Vincentius Maria Cardinalis Ursinus, postmodum Benedictus XIII., regeret, ac inoderaretur. Adjungimus etiam Litteras ab eadem Sacra Congregatione jussu Clementis XII. ad omnes Italiæ Episcopos scriptas, ut ex iis Parochi intelligant, quanti momenti sit, Fideles in domo Dei summa cum pietate, ac religione versari.

IV. Voluntas autem, ut Parochi frequenter Populo ex Sacris Litteris, atque Historiæ Ecclesiasticæ monumentis ostendant, quam grande nefas sit, in Domo Dei minus reverenter se gerere, aut, quod longe pejus est, criminibus in ea perpetratis audacter oculos, ac præsentiam divinæ Majestatis offendere. Declarent præterea Sacrilegii reatum, in Sacramento Pœnitentiæ necessario exprimendum, eos incurrere, qui domus Dei sanctitatem violant sermonibus, aut actibus impudicis, aut qui Ecclesiam polluant voluntaria humani sanguinis, aut seminis effusione, aut homici-

(1) S. Pius V. Constit. *Cum primum*. edita 1. Aprilis 1566.

micidio, aut Infidelis, seu Hæretici, seu excommunicati tumulatione, aut tandem qui aliis nefariis actibus Sacra Tempia contemerant, ac profanant. Gravissimas tandem recenseant pœnas, quas cum in veteri, tum in Novo Testamento Deus, licet misericors, & miserator, sumere ex iis consuevit, qui Sacrarum Ædium sanctitatem, ac decorem lædere, ac violare non dubitarunt. *Posuerunt* (1), inquit Dominus apud Jeremiam, *offendicula sua in domo, in qua invocatum est nomen meum: ideo in desolationem erit terra. Quoniam ultio Domini est ultio Templi sui.*

V. Ut debita Templis reverentia constantius, faciliusque adhibeatur, præcipimus 1. ut juxta laudabilem veterum Christianorum morem Mulieres in Ecclesia, quoad fieri potest, segregentur a viris, ne, uti scripsit S. Anastasius Synaita (2), *ex exitiali alterius sexus vicinia salutis studium fiat perditionis occasio.* 2. Ut Ecclesiarum Rectores, & Sacrarum Custodes nulla ratione (3) mendicos per Ecclesiam vagari, & ab adstantibus Fidelibus stipem quærere patiantur; sed eos ante fores consistere jubeant, ut ab intrantibus, atque exeuntibus eleemosyna donari valeant. 3. ut nemini cum venaticis canibus, vel volucris in Ecclesiam ingredi, aut in eam (præterensem) hastam, sive arma quæcumque, præsertim igni concipiendi accommodata, inferre, aut illa more castrorum apud internos Ecclesiæ parietes deponere liceat: non enim statio Militibus, sed sacræ orantibus panduntur Ædes. Ipse Theodosius Junior Imperator nemini sacras Ædes cum armis adeundas celeberrimo indixit edicto, quod integrum in fine Concilii Ephesini describitur. Excipiendi tamen ab hac lege sunt Milites, quibus in Ecclesiam armatos ingredi licet, quando ab Ecclesiastico Superiore advocantur, ut eidem in sacra aliqua functione stipatores assint, Populique impediunt tumultum. 4. Ut Mulieres non, nisi velato, viri autem

(1) Jeremie cap. 7. v. 30., & cap. 51. v. 11.

(2) S. Anastasius Synaita orat. de Synaxi, citatæ Litteræ Encyclicæ jussu Clemen-

tis XI., Benedictus XIV. de Synodo lib. 7. cap. 54. n. 8.

(3) Bulla citata S. Pii V., & Litteræ Encyclicæ citatæ.

autem non, nisi detecto capite, versentur, aut orent in Templo, quorum proinde nulli aut nigrum pileum, aut album pileolum, aut reticulum, aut aliud quodlibet tegumentum gestare liceat in capite juxta illud Apostoli (1): *Omnis vir orans, aut prophetans velato capite, deturpat caput suum: omnis autem mulier orans, aut prophetans non velato capite, deturpat caput suum; unum enim est, ac si decalvetur. Nam si non velatur mulier, tondeatur: Si vero turpe est mulieri tonderi, aut decalvari, velet caput suum.* 5. Ut nemo in (2) Ecclesias asportare, aut asservere in iis audeat frumentum, legumina, fruges, vinum, trabes, tigna, fabrilis instrumenta, domesticam suppellectilem, aliaque hujusmodi, nisi forte vel propter hostiles incurfus, vel propter repentinum incendium aliter fieri necessitas cogat: quo quidem in casu, cessante periculo, omnia protinus removeantur. 6. Ut nullus (3) sive Laicus, sive Clericus in Ecclesia, ejusve atrio, aut cæmeterio, aut porticu, vestibulo, ve quidquam venale proponat, ne id quidem, quod ad Sacrificii, aut Ecclesiæ ipsius cultum pertinere videatur; ut (4) contractus nullus, præter matrimoniales, ac reliquos ad pietatem spectantes, in Ecclesia celebretur: ut tandem in eadem neque ducantur (5) choreæ, neque symphonix, comestiones, ludii, & cujusvis generis spectacula habeantur; quæ quidem omnia etiam ante fores Ecclesiæ, ejusque in atrio sub gravibus pœnis arbitrio Nostro infligendis fieri omnino prohibemus.

VI. Præterea ut omnis contemptui, atque irreverentiæ, quoad fieri potest, aditus intercludatur, volumus, 1. ut juxta (6)

Sum-

(1) 1. ad Cor. c. 11. v. 4., 5., & 6.

(2) Cap. *Relinqui.* de custodia Eucharistiæ, Sac. Cong. Immun. in Nucerina 15. Julii 1636., Synodus Tusculana anni 1703. cap. 12.

(3) Cap. *Decet.* de Immun. Eccles. in 6., S. Pius V. cit. Const., Sacr. Congr. Episc. in Neapolitana 21. Julii 1679.

(4) Cit. cap. *Decet.* Acta Eccl. Mediolan. fol. 438.

(5) Can. *Cantantes.* dist. 92., Can. *Nul-lus.* caus. 17. qu. 4., cap. *Cum decorem.* de vita, & honest. Clericorum, cap. *Decet.* de Immunit. Eccl. in 6.

(6) Sacr. Cong. Episcop. de mandato Innocent. XI. in Neapolit. 22. Januar. 1677., 20. Septemb. 1683., & 1. Octob. 1684., Litteræ Encyclicæ Sac. Cong. Episcop. de mandato Clementis XI. anno 1701.

Summorum Pontificum, & Sacre Congregationis Episcoporum decreta, quarumcumque Ecclesiarum fores post editum vespere salutationis Angelicæ signum obserentur, nec ante Auroram aperiantur; itaut nocturnis ad eas accessibus populo, etiam Religionis causa, aditus non pateat. Fores (1) autem ruralium Ecclesiarum, aut Oratoriorum (excepto Sacrificii tempore, quod in iis celebretur), clausæ semper detineantur, earumque clavis, prout etiam Oratoriorum, & Ecclesiarum, quæ in Civitate, & Oppidis sita sunt, nisi proprium habeant Rectorem, nullo modo a Laicis, sed ab aliqua Ecclesiastica persona a Nobis, vel a Nostro Vicario Generali deputanda, custodiatur. 2. Ut quoad scamna, ac sedilia in Ecclesiis retineunda, aut collocanda, quæ clamorum, & contentionum causæ non infrequenter esse solent, decretum omnino servetur editum (2) in Synodo Tusculana anno 1703., quod sic habet: *Quia, sicuti observavimus, dedecoris non parum inferunt sedilia, & scamna Laicorum, quæ tum præ numerositate, tum præ magnitudine, ac structuræ deformitate ambitum occupant, & sacras impediunt functiones; firmo retento decreto hac super re quoad Ecclesiam Cathedralē generaliter edito; decernimus, ut in singulis Diocesis Ecclesiis sedilia, si quæ sint, refoventur ad modum, mensuram, & exemplar ab Eminentissimo Episcopo præscribenda, itaut singula unam, eandemque structuram habeant, & magnitudinem: potissimum autem extructa appareant sine genulexorio anteriori, & solum ad sedendi usum sint aptata. Nemini præterea, qui sedendi jus nondum obtinuerit, licitum sit sedile ad Ecclesiam immittere, permissu sibi non facto ab Eminentissimo Episcopo. Si quæ autem introducta reperiantur sola privatorum auctoritate, Eminentissimus Episcopus illa amoveri, prout ipsi expediens videbitur, curabit. Porro iis, qui sedendi jus legitime sunt adepti, interdictum sit, juxta Sacre Congregationis (3) resolu-*

(1) Synodus Tusculana anni 1703. c. 12. in fine, Concil. Provincial. Mediol. I. sub S. Carolo.

(2) Synodus Tusculana ann. 1703. cap. 12.

(3) Monacellus par. 1. tit. 5. formul. 8.

n. 4., & 5., & in Anagnina 5. Sept. 1665., Pignatellus tom. 9. consult. 147. n. 10., Sac. Cong. Rlt. in Narnien. editi 21. Novembris 1711.

solutiones, illud alteri vendere, cedere, vel ~~off~~erere, sine Eminentissimi Episcopi facultate, sed ad illos tantum de familia devolutum censetur; qua extincta, vel deficiente, jus huiusmodi libere ad Ecclesiam revertatur,

ARTICULUS IV.

De immunitate Ecclesiarum, aliisque locis sacris, & piis debita.

I. **T**anta semper habita Templis veneratio est, ut ipsa quoque antiquitas, atque iidem ipsi inanum Deorum cultores loca quædam sacra habuerint, ad quæ qui confugissent, nulla vi eos abducere, aut omnino violare fas esset. *Si quondam, ut verbis utamur Nicolai I. (1), latrones diversorum criminum rei ad Asylum Templum Romuli fugientes, indemnitate consequebantur; quanto potius hi, qui ad Templum Christi confugium faciunt, delictorum remissionem suorum adipisci debent!* Cum igitur Christianorum Templis id juris humanis, divinisque legibus tributum esse non ignoremus; retineri idem diligentissime, ac tam sancte custodiri mandamus, ut a nemine unquam violetur, aut minuatur. Quamobrem ne forte propter aliquorum, sive Clericorum, sive Laicorum ignorantiam Ecclesiasticæ Immunitati vulnus aliquod infligatur; quæ de eadem Immunitate per Sacros Canones, Summorumque Pontificum Constitutiones sancita sunt, paucis hic recenscamus.

II. Immunitas, seu jus Asyli, Templis, aliisque locis sacris, ac Piis debitum (2), in eo consistit, ut Malefactores ad ea confugientes, neque inde avelli, neque in iis aut capi, aut feriri, aut mutilari, aut occidi possint. Hæc immunitas, seu jus Asyli convenit 1. Ecclesiis (3) quibuscunque Episcopi auctoritate erectis, licet consecratæ non sint, sed simpliciter benedictæ, imo licet in
iis

(1) Nicolaus I. in respons. ad 115. quaesit. Bulgarorum.

(2) Cap. *Inter alia*. de immunit. Ecclesiarum.

(3) Cap. *Inter alia*, cap. *Ecclesia*, cap. *Immunitatem*. de immunit. Eccles., Can. *Sicut antiquitus*, Can. *Renm*, Can. *Si quis*, Can. *Definivit*. caus. 17. qu. 4.

iis numquam divinum celebratum fuerit Sacrificium, aut pollutæ etiam sint, seu interdictæ. 2. Cæmeteriis, quamquam ab Ecclesiis sint sejuncta, dummodo (1) Episcopi auctoritate sint designata. 3. Ecclesiarum porticibus (2), atriis (3), scalis exterioribus, stiblicidiis, Sacrario (4), dummodo Ecclesiæ, vel Cæmeterio cohæreat, vel dummodo, si non cohæret, Altare in eo extet, in quo Missa celebretur, Turri Campanariæ (5), quamquam a Templo disjunctæ, dummodo ab eo non ultra triginta passus distet, foribus (6), aut valvis, murisque exterioribus, si quis eos, vel apprehendat, vel tangat, vel iisdem adhæreat, aut innitatur. 4. Monasteriis (7), & Conventibus, omnibusque locis intra eorum septa constitutis, cujusmodi sunt Claustra, Cellæ, atque habitacula, imo etiam aræ, horti, domus Familiarium, stabula animantium brutorum, officinæ, aliaque loca omnia, quæ intra Monasteriorum septa continentur: item Religiosorum Grangiis, & Hospitiis. 5. Seminariis, Hospitalibus (8), Nosocomiis, Orphanotrophiis, aliisque hujusmodi religiosi locis auctoritate Episcopi erectis, & constitutis. 6. Ecclesiis (9) campestribus Episcopali auctoritate constructis, etiam si benedictæ adhuc non sint; Capellis (10), seu Ecclesiis, quæ in Arcibus, seu Castellis sitæ sunt; Capellæ

Y

(1) Cap. Cum Ecclesiarum de immunitate Ecclesiarum.

(2) Sac. Cong. Immun. in Spolet. 7. Februar. 1630, in Camerinen. 3. Apr. 1635, in Asculana 20. Decemb. 1657, & in Dertonen. 9. Septemb. 1670.

(3) Can. Id constitutus. caus. 17. q. 4., & Can. Si quis contumax. caus. 17. qu. 4.

(4) Sac. Cong. Immun. apud Farinacium tract. de immunit. n. 180.

(5) Sac. Cong. Immun. apud del Bene de immun. d. 9. sect. 6.

(6) Sac. Congreg. Immun. in Amerina 28. Maii 1628, in Firmiana 13. Julii 1657, in Brundusina 4. Sept. 1640, in Amerina 28. Febr. 1632, & in Camerinen. 13. Ju-

lii 1638, Sac. Congreg. Episc. 31. Martii 1604, 18. Julii 1614, & 20. Dec. 1616.

(7) Gregorius XIV. in Const. Cum alias, can. Quisquis. caus. 17. qu. 4., & l. Omnia privilegia. cod. de Episc. & Cleric. & l. Pateant. cod. de his, qui ad Ecclesiam confugiant.

(8) Cap. Ad hæc, & cap. Nenimie. de religiosi domibus, l. Sancimus. cod. de Sacrosanctis Ecclesiis.

(9) Sac. Congr. Immun. in Brundusina 18. Decemb. 1694, & in Anconitana 19. Junii 1635.

(10) Sac. Cong. Immun. sub anno 1653, & in Bononien. 16. Julii 1675.

pellæ (1) in Palatio Gubernatoris extanti, si perpetua sit, & immutabilis; Loco tandem, seu solo, (2) in quo Ecclesia constituitur, quando jam solemnî ritu primus in fundamento collocatus est lapis. 7. Palatio Episcopi (3), quamquam ab Ecclesia Cathedrali ultra quadraginta passus absit, & ubicunque situm sit; imo quamquam (4) dumtaxat sit ab Episcopo pro sua Episcopali habitatione conductum, uti a Sacra Immunitatis Congregatione declaratum est; item domui illi, in qua Sacræ Visitationis tempore Episcopus hospitatur, aut moram trahit. 8. Domibus Parochialibus (5), quæ ad ipsam Parochiam spectant, non tamen iis, quæ conductæ sunt (6) a Parocho, & ab eodem dumtaxat habitantur; quemadmodum Domus ipsæ Parochiales ad Parochiam spectantes immunitate non gaudent, si a Parocho locatæ (7) Laicis fuerint, & a Laicis incolantur.

III. Quicumque igitur sive criminosi, sive profugæ, sive obarati in aliquem ex recensitis locis se recipiant; tutissimum in eo perfugium nanciscuntur, ita ut sub gravissimis pœnis per Sacros Canones, Summorumque Pontificum Bullas constitutis nemini liceat eos inde avellere, aut ulla ratione lædere, aut iisdem inferre molestiam. Hæ autem sunt pœnæ adversus hujusmodi Ecclesiasticæ Immunitatis violatores constitutæ. 1. Ut gravissimi (8) sacrilegii reatum contrahant. 2. Ut nulla sint, atque invalida omnia acta, quæ per ipsos, aut per eorum Ministros adversus reos e sacro avulsos loco fiant. 3. Ut, quacunque auctoritate (9), ac dignitate præfulgeant, adhuc ipso facto excommunicationem incurrant

(1) Sac. Cong. Immunit. in Tudertina 7. Maii 1658.

(2) Sac. Cong. Immunit. in Januensi 5. Octobris 1688.

(3) Can. *Id constitutus*. caus. 17. qu. 4.

(4) Sac. Cong. Immunit. in Aquinaten. 19. Novemb. 1666.

(5) Sac. Cong. Immunit. in Comen. 25. Febr. 1698.

(6) Sac. Cong. Immunit. in Alatrina

5. Maii 1699. (7) Sac. Cong. Immunit. in Cesenaten. 17. Novemb. 1654.

(8) Can. *Mirror*, can. *Frater*. can. *Quisquis*. caus. 17. qu. 4.

(9) Gregorius XIV. Constit. *Cum alias* §. 8. 9. Cal. Jun. 1591., Benedictus XIII. Constit. *Ex quo*. §. 9. 6. Id. Jun. 1725., Clemens XII. Constit. *In supremo iustitie jolio*. Cal. Jan. 1734.

currant majorem, a qua, excepto mortis articulo, per solum Romanum Pontificem absolvi possint, itaut (1), Apostolica Sede vacante, nemo olim illos absolvendi facultatem haberet. At nunc per Constitutionem (2) Clementis XII., quæ incipit: *Apostolatus Officium* facta est facultas Pœnitentiariorum Majori ab hac etiam censura, Sede vacante, (re tamen prius in Signatura ipsius Officii Pœnitentiariæ Apostolicæ ad examen vocata, servatque aliis servandis) Fideles absolvendi, sed ad tempus, & cum reincidentia in dictam Censuram, itaut qui fuerint absoluti, ad novum Pontificem intra terminum pro distantia locorum definiendum recurrere, & ab eo plenariæ absolutionis beneficium petere, & obtinere teneantur, nec Pœnitentiariorum Majori præfixum terminum post Pontificis electionem ampliare liceat, vel prorogare. Quare (3) Ordinarii, & Episcopi, qui sine Apostolicæ Sedis facultate ab hujusmodi censura audent absolvere, non modo invalide absolvent, sed præterea ipsi quoque majori excommunicatione innodantur Romano Pontifici reservata. 4. Ut absolutio (4) ab hujusmodi censura non detur, & si data fuerit, non valeat, nisi prius Reum restituerint, pleneque Ecclesiæ læsæ satisfecerint. Restituendus autem Reus est illi eidem (5) Ecclesiæ, aut loco, a quo fuit extractus, nec sufficit partium consensus, sed Romani Pontificis dispensatio requiritur, ut alteri Ecclesiæ fieri restitutio possit; quæ tamen dispensatio (6) concedi solet, si extractus consentiat, & multum ab ea Ecclesia distet, a qua fuit avulsus. Satisfieri autem debet Ecclesiæ,

Y 2

(1) Sac. Cong. Immunit. in una S. Marci in Calabria 2. Jun. 1691. apud Riccium in Synopsi verb. *Absolutio* n. 2.

(2) Clemens XII. in sua Const. *Apostolatus officium*. 4. Novemb. 1732.

(3) Sac. Cong. Immunit. in Squillacen. 16. Decemb. 1664., & in Acernen. 29. Jan. 1666., in Sagonen. 11. Febr. 1730., & in Neritonen. 7. Julii 1739.

(4) Sac. Congreg. Immunit. in Lauden. 9. Octob. 1629., in Mexanen. 11. Augu-

sti 1638., in Marficana 24. Januar. 1645., in Aquen. 18. Febr. 1659., & in Rossanen. 9. Maii 1662.

(5) Sac. Cong. Immunit. in Neapolitana 21. April. 1634., & in Mediolanen. 28. Novemb. 1634. apud Pignatelli tom. 1. consult. 172. n. 10.

(6) Sac. Cong. Immunit. in Mediolanen. 28. Novemb. 1634., in Vercellen. 25. Maii 1655., & in Asculana 22. Junii 1655.

172 CONSTITUTIONES SYNODALES

clerici, cui per violentam extractionem publica irrogata fuit injuria, per hoc, quod ab iisdem, qui injuriam irrogarunt, reus Ecclesie publice restituatur: Sic enim publico poenitentiae actu publica reparatur injuria, & Fideles debitam locis sacris reverentiam præstare publico docentur exemplo. Præterea restituenda sunt Reo ea omnia, quæ ad ipsum pertinent, etiam arma, si ablata cum eo fuerint, quando illum e loco sacro abripuerit. *Qui personam, vel bona ejus inde subtraxerit, quoadusque emendet, Et quod vapuerit, reddat, excommunicetur*: Verba sunt Juris (1) Canonici, cui multiplex consonat Sacræ Congregationis Immunitatis declaratio (2). 5. Ut, si Episcopus per sententiam declaraverit, aliquos esse Ecclesiasticæ Immunitatis violatores, ac proinde in censuras, aliasque Canonicas poenas incurrisse, & hi ab hujusmodi sententia ad Romanum Pontificem, & Sacram Immunitatis Congregationem appellent, eorum (3) appellatio admittenda non sit, nisi prius Ecclesiæ omnino fuerit satisfactum, seu, ut ajunt, *admittenda non sit quoad effectum suspensivum, sed dumtaxat quoad devolutivum*. 6. Tandem, ut aliqui ex his Ecclesiasticæ Immunitatis violatoribus, quos inferius recensebimus, omni (4) beneficio, ac privilegio Ecclesiastici confugii, & asyli tam apud Ecclesias, & loca immunia ab ipsis violata, quam apud alias quascumque Ecclesias, & loca sacra, & religiosa, indigni, ac privati censeantur.

IV. Has incurrunt poenas ii omnes, qui Ecclesiasticam Immunitatem violant. Illam autem violare censentur, adeoque recensitas poenas, ac præsertim censuras, incurrunt 1. Omnes capien-

(1) *Can. Sicut antiquitus. caus. 17. qu. 4.*

(2) Sac. Congreg. Immun. in Asculana 15. Jan. 1648., in Verulana 20. Feb. 168c., in Lunen. Sarzanen. 4. Aug. 1624., in Brundisina 24. Aug. 1624., & in Mediolanen. 18. Maii 1626.

(3) Sacr. Congreg. Instrum. in Bisacien. 6. Febr. 1694., in Materanen. 9. Sept. 1631., in Beneventana 22. Nov. 1639., in una nullius Abbatis S. Joa. in Lamis 19. Oct. 1695.,

in Balneoregi. 18. Aug. 1700., in una Burgi S. Sepulchri 7. Maii 1688., in Pisauran. 25. Sept. 1617., & in Rossanen. 8. April. 1642., Sac. Cong. Episc. in Neapolitana 11. Oct. 1617., in Liparen. 4. Jul., & Rheginen. 4. Jul. 1620., & in Siracusana 19. Julii 1622.

(4) Benedictus XIII. in Const. *Ex quo divina*, & Benedictus XIV. in Const. *Officii nostri*. §. 14.

pientes, extrahentes, incarcerantes, vincientes Reos, qui in asyli locum confugerint, atque in eo commorentur; Item extractionis, aliorumque hujusmodi actuum Complices (1), Fautores (2), Cooperatores (3), Mandantes (4), Cogentes (5), obsidentes in loco sacro, & Custodientes Reum, ut e loco immuni egrediatur, & egressus a Justitiæ Ministris capiatur. 2. Qui; licet Satellites, ac Justitiæ Ministri non sunt, Reum tamen e loco Immuni eripiunt (6), eumque Ecclesiasticæ tradunt Potestati. 3. Qui dolose (7), fraudulenter, blandisque suasionibus e loco sacro Reum extrahunt, vel abducunt, ut ab executoribus Justitiæ extra locum immunem capiatur. Et olim quidem sic dolose extractus, restituendus erat loco immuni. Verum cum perversi homines hac Ecclesiæ benignitate abuterentur, & plurimis in locis, ac præsertim in Italiæ Provinciis, Insulisque eidem adjacentibus, atque etiam in Hispaniarum regnis, de Judicum mandato pro causis civilibus, vel criminalibus capti, carceribusque mancipati allegare frequenter sokerent, sese ab Ecclesiis, aliisque locis immunibus, ad quæ confugerant, blandis verbis, vel alias dolose fuisse extractos, dicuntque suum perjurio confirmarent, itemque adhibita consanguineorum, vel amicorum suorum opera falsos testes inducere, aliaque non minus detestabilia patrare non vererentur; Proinde Clemens XI. (8) ad graves ejusmodi abusus tollendos e medio, ac radicitus extirpandos (audito prius nonnullorum S. R. E. Cardinalium,

(1) Sac. Cong. Immun. in Hydruntina 2. Dec. 1692., in Balneoregion. 11. Jan. 1695., in Regien. Jul. 1695.

(2) Sac. Cong. Immun. in Neapolitana 18. Novemb. 1687.

(3) Sac. Cong. Immun. in Regien. 19. Dec. 1690., in una Aquipendii 13. Novembris 1691., & in Signina 31. Jul. 1691.

(4) Sac. Cong. Immun. in Neapolitana 18. Novemb. 1687., & in Camerinen. 3. Aug. 1695.

(5) Sac. Congreg. Immun. in Perusina

5. Junii 1694., & in Hieracen. 28. Augusti 1700.

(6) Sac. Cong. Immun. in una Civitatis Castellane 18. Nov. 1687.

(7) Sac. Cong. Immunit. in Marficern. 31. Julii 1691., in Aquipendii 13. Novembris 1691., in Neapolitana, seu Castri Maris 23. Junii 1693., & in Camerinen. 13. Mali 1698.

(8) Clemens XI. in peculiari Decreto edito 22. Dec. 1716.

nalium, ac Romanæ Curia Prælatorum super hac re specialiter deputatorum consilio) a Sacra Ecclesiasticæ Immunitatis Congregatione litteras scribi iussit ad omnes tam Italia, Insularumque illi adjacentium, quam etiam Hispaniarum Ordinarios, per quas iisdem præscribatur, ut speciale publicum edictum, cujus exemplar ad eos mittebatur, in suis quique Diocæsis promulgarent. Hoc autem edicto monebantur omnes, & singuli, cujuscumque status, gradus, & conditionis essent, qui vel jam confugissent, vel in posterum confugerent ad Ecclesias, seu alia immunia loca; ut, si immunitate gaudere vellent, attente curarent in eis permanere, neque se ullo prætextu, causa, aut quæsito colore seduci sinerent ad discedendum ab iisdem Ecclesiis, aut aliis immunibus locis: si enim extra illa deprehenderentur, nihil profuturum iisdem esset allegare, & probare, fallacibus suasionibus, blandis promissis, dolosive machinationibus se e loco immuni extractos, abductosve fuisse, cum Sanctitas sua jam decrevisset, ut deinceps ii tantum Ecclesiasticæ immunitatis beneficio gauderent, qui ab Ecclesiis, aliisve immunibus locis aut violenter fuissent extracti, aut inde discessissent sub fide Salvi-Conductus ab aliquo Iudice Ordinario, vel Delegato concessi, atque subscripti, non tamen, nisi ad tempus in eo præfixum, valituri. Hujusce Epistolæ, ac Decreti exemplar damus in Appendice num. 13.

V. Violatæ Ecclesiasticæ Immunitatis Rei pariter sunt. 1. Qui impediunt, (1) aut prohibent, ne ad Reos in loco immuni receptos victus, vestitus, aut alia ad victum necessaria deferantur; aut ne consulere possint necessitatibus naturæ, quibus nonnisi extra Ecclesiam, in loco tamen eidem proximo, propter loci Sacri reverentiam consulere fas est. 2. Qui Reum (2) in loco immuni existentem aut occidunt, aut percutiunt, aut verberant, aut ferreis mani-

(1) Cap. *Inter alia*. de immunit. Eccles., Sac. Congreg. Episc. jussu Clementis VIII. 26. Nov. 1602., & jussu Pauli V. in respons. ad Archiepisc. Neapolitanum 7. Januarii 1617., Benedictus XIV. Con-

stitut. *Officii nostri ratio*. §. 14.

(2) Can. *Eor qui*. dist. 87., Sac. Cong. Immunit. in Neapolit. 22. Junii 1617., in Isetana 14. Febr. 1634., & in Puteolana 17. Decemb. 1675.

manicis, seu compedibus devinciunt, aut aliud quodlibet eidem damnum, seu spoliū inferunt. 3. Judices (1), Magistratus, Carcerum Custodes, aliique Curia Sæcularis Ministri, qui reum, etiam absque eorum mandato ab Ecclesia ereptum, restituere Ecclesiae renuunt, & in Carcere detinent, vel e Carcere dimitunt, sed prævia ejusdem obligatione de se præsentando, quoties illum eadem Curia ad se revocet. 4. Qui Ecclesiam (2) incendunt, aut ejus portas sive seras, aut muros, vel fenestras etiam vitreas frangunt, licet nulla proinde secuta fuerit Ecclesiae spoliatio, sive detrimentum. 5. Judices (3), aliique Curia Laicalis Ministri, & Executores, qui in Ecclesiis, aliisve immunibus locis defunctorum cadavera inspicere, & recognoscere audent. Si qua enim cadavera hujusmodi recognoscenda sint; prævia dumtaxat Nostra, aut Vicarii Nostri Generalis in scriptis obtenta licentia, extra locum immunem eadem transferantur, ut eorum a Sæculari Curia inspectio fiat. 6. Quicumque (4) judicium aliquod Laicale, seu civile, seu criminale in Ecclesiis, aliisve locis immunibus exercent. Quod si quaestio oriatur (5), utrum Reus in loco sacro, an in profano captus sit, vel utrum delictum a Reo admissum Immunitate gaudeat, annon? declaramus, cognitionem ejusmodi ex utriusque Juris, ac Bullæ Gregorianæ, ac Benedictinæ (6) præcepto ad Nostram Episcopalem Curiam privative quoad Judices Laicos, ac Prælatos quoscumque Ecclesiasticos inferiores pertinere.

VI. Nullum olim tam atrox erat crimen, ut, qui se eodem alligasset, Jure Asyli in locis sacris, aut Religiosis, atque Eccle-

siasti-

(1) Gregorius XIV. cit. Constit., & Sac. Cong. Immun. in Ferrarien. ann. 1632.

(2) Cap. *Super eo*, cap. *In litteris*. de raptoribus, cap. *Conquesti*. de sententia excommunic.

(3) Cap. *Deet*, de Immun. Eccles. in 6., Sac. Cong. Immunit. in Nullius S. Marc. 21. Nov. 1693., in una Burgi S. Sepulchri 2. Maii 1629., & in Maceraten. 8. Augusti 1645.

(4) Cap. 1., & cap. *Cam Ecclesia*. de Immun. Eccles., cap. *Deet*. cod. tit. in 6., Sac. Cong. Immunit. 8. Maii 1629.

(5) Cap. *Si Judee*. de sent. excommunic. in 6., can. *Reum*. caus. 17. qu. 4., L. *Præsenti*. cod. de his, qui ad Eccles. confug., & Gregorius XIV. cit. Constit. §. 8.

(6) Benedictus XIV. Constit. *Officii nostri*. Idibus Martii 1750.

ſialicæ Immunitatis beneficio privaretur . Verum cum inde perverſi homines fierent ad peccandum audaciores, & in immenſum crimina auferentur , Romani Pontifices , ac præſertim Gregorius XIV. , Benediſtus XIII. , Clemens XII. , & Benediſtus XIV. , ut tantam peccandi licentiam, quoquo modo poſſent, coercerent, peculiaribus editis Conſtitutionibus decreverunt , ut nullam a Sacris , ac Religioſis ædibus immunitatem conſequerentur , qui perpetratis quibuſdam criminibus in eaſdem ſe recipere . Singula ejusmodi crimina , quæ dicuntur *excepta* , percurramus .

VII. Ab Eccleſiaſticæ itaque Immunitatis beneficio excluduntur . 1. Latrones publici (1) , viarumque graſſatores (2) , qui itinera frequentata, vel publicas ſtratas obſident, ac viatores ex inſidiis aggrediuntur . Unica (3) vero tantum graſſatio in via publica , aut vicinali admiſſa ſufficit , ut quis publicus Latro , & Graſſator dici valeat , dummodo tamen graſſati mors , aut membrorum mutilatio fuerit ſecuta . 2. Depopulatores (4) agrorum ſive nocturni , ſive diurni , qui videlicet agros depopulantur , & meſſes, fruſtusque igne devaſtant . 3. Qui ſtantes (5) in Eccleſia , vel Cæmeterio interficiunt ſtantes extra Eccleſiam , vel Cæmeterium , aut eos mutilant ; nec non qui ſtantes extra Eccleſiam , vel Cæmeterium occidunt ſtantes intra Eccleſiam , vel Cæmeterium , aut ipſos mutilant : præterea qui impediunt , ne quis in locum immunem ſe recipiat ; & qui conſugientibus vim inferunt , ipſosque ab Eccleſia , aliove loco immuni violenter extrahunt , & abducunt . In his autem quatuor caſibus violatores Immunitatis , non illius tantum Eccleſiæ , quam violantur , ſed cujuſcumque etiam alterius Eccleſiæ immunitate gaudere nequaquam poſſunt , aut debent . 4. Sicarii (6) , ſeu mandatarii , qui mercede conducti, alieno jufſu aliquem interficiunt, cujuſcumque

natio-

(1) Cap. *Inter alia*. de Immunit. Eccleſ.

(2) Gregorius XIV. cit. Conſt.

(3) Benediſtus XIII. cit. Conſt.

(4) Gregorius XIV. cit. Conſt.

(5) Benediſtus XIII. cit. Conſtitut. , & cap. *Immunitatem* . de Immunitate Eccleſiarum , & Gregorius XIV. cit. Conſt.

(6) Gregorius XIV. cit. Conſt.

nationis sint, & quamlibet Religionem sequantur. Imo etiam (1) mandantes, qui certum præmium, aut mercedem sive in pecunia, sive in aliis rebus tradiderint, aut etiam solum promiserint, quamvis promissio nullum habuerit effectum, dummodo assassinium re ipsa fuerit perpetratum. 5. Qui litteras (2) Apostolicas falsificant. 6. Qui Montem Pietatis (3), aut alia ejusdem generis loca administrantes, furtum, aut falsitatem in prædictis locis committunt, cujus causa arca pecuniaria ita minuatur, ut poenæ ordinariæ locus sit. 7. Qui aliquid (4) contra ipsius Principis personam moliantur, ac in ipsa persona Principis fiunt rei læsæ Majestatis. 8. Qui constant (5), adulterant, vel tondent quascunque monetas aureas, vel argenteas, etiam Principum exterorum, quotiescumque in loco, aut Provincia, ubi crimen admittitur, liberum habeant usum, & commercium; vel ipsas monetas conflatas, adulteratas, aut detonsas scienter ita expendere, & erogare præsumunt, ut fraudis conficii, atque participes censi possint. 9. Qui einentito Curia nomine in alienas domos se introducunt animo ibidem perpetrandi rapinas, easque re ipsa committunt cum homicidio, aut mutilatione membrorum alicujus ex domesticis earundem domorum, vel etiam extranei, quem ibi forte versari contigerit, dummodo homicidium, aut membrorum mutilatio sequatur. 10. Hæretici (6), vel suspecti de hæresi, & Judæi, qui susceptam antea Christianam Religionem deseruerint. 11. Qui aliquem occiderit proditorie (7), & per insidias; vel animo (8) præmeditato, ac deliberato; vel etiam in rixa (9), dummodo casuale non fuerit homicidium, vel ad propriam defensionem perpetratum. Cum autem Clemens XII. ab Immunitatis beneficio exclusisset tam Laicos, quam Ecclesiasticos inquisitos, & ut ajunt, processatos, vel in

Z

contu-

(1) Benedictus XIII. cit. Constit.

(2) Benedictus XIII. cit. Constit.

(3) Benedictus XIII. cit. Constit.

(4) Gregorius XIV. cit. Constit.

(5) Benedictus XIII. cit. Constit.

(6) Joannes XXII. Constit. 1. to. 1. Bul-

larii Romani, Gregorius XIV. cit. Constit.

(7) Cap. De homicidio; cap. Si rixati; de injuriis; Gregorius XIV. cit. Constit.

(8) Benedictus XIII. cit. Constit.

(9) Clemens XII. cit. Constit.

contumaciam bannitos, & condemnatos ex causa, & occasione homicidii etiam in rixa commissi cum armis, seu instrumentis suapte natura aptis ad occidendum; Agitata saepe fuit quaestio, an ab Immunitate locali censendi essent exclusi ii, qui homicidium in rixa baculo, aut saxo (quæ certe non videntur esse arma suapte natura ad occidendum apta) commiserint? At controversiam, liteinque diremit Benedictus (1) XIV. peculiari sua Constitutione declarans, ac statuens, ut Ecclesiastica Immunitate non gaudeat, quicumque sive Vir, sive Mulier, sive Laicus, sive Clericus, sive Sæcularis, sive cuiusvis Ordinis Regularis, baculo, aut saxo proximum suum occiderit, dummodo ex delicti circumstantiis dignoscatur, illius actum, quamvis in rixa commissum, non casu, aut ex necessaria defensione, sed ex odio, & nocendi animo, ac voluntate prodisse. Illud etiam in eadem Constitutione (2) Pontifex decernit, ut si quis vulneraverit aliquem, & Chirurgi ad inspiciendum vulnus acciti, grave vitæ periculum adesse retulerint; percussor e loco immuni, in quem se recepit, servatis servandis extrahatur, & carceribus mancipetur, ea tamen lege, ut Ecclesiæ omnino restituatur, ubi is, qui vulneratus fuerit, ultra tempus a legibus constitutum superstes vivat; & quidem sub iisdem pœnis, quibus in memoratis Benedicti XIII., & Clementis XII. Litteris ii subjiiciuntur, qui delinquentem ex indiciis ad torturam sufficientibus sibi traditum restituere recusant, postquam is in suis defensionibus huiusmodi indicia diluerit.

VIII. Cum Gregorius XIV. in sua Constitutione, quæ incipit: *Cum alias*. ea delicta enumerans, quæ ab Ecclesiastica Immunitatis beneficio excluduntur, de laicis delinquentibus dumtaxat mentionem fecisset, & de his etiam tantummodo locutus fuisset Benedictus XIII. in sua Constitutione: *Ex quo divina*; placuit Clementi (3) XII. dictas Constitutiones extendere, & ampliare ad Ecclesiasticos cuiuscumque gradus, & Ordinis, qui homicidium ani-

mo

(1) Benedictus XIV. cit. Constit. §. 9. (2) Clemens XII. cit. Constit. (3) Benedictus XIV. cit. Constit. §. 11.

mo præmeditato, ac deliberato patrent, dummodo ejusmodi homicidii causa ab eorum Ecclesiastico Judice competente cognoscatur, & ab eo, si Rei reperti fuerint, citra poenam sanguinis, ad Sacrorum Canonum præscriptum, condigna puniantur animadversione. Benedictus vero XIV. easdem Constitutiones extendit etiam ad omnes, & singulos cujuscumque Ordinis, Congregationis, Militiæ, & Instituti Regulares, sive Professos, sive illis quomodolibet adscriptos, cujuscumque gradus fuerint, & conditionis, licet expressa, & individua ipsorum mentio requiratur, si qui umquam eorum (quod Deus avertat) homicidium animo præmeditato, ac deliberato patraverint. Præterea declaravit (1), ac statuit, ut etiam Mulieres, ac Milites, si quod exceptum crimen admiserint, immunitate non gaudeant.

IX. Quamquam ii, qui exceptis hujusmodi criminibus sese inquinaverint, Ecclesiasticæ immunitatis beneficio gaudere non debeant; non proinde illos e Sacris Ædibus abducere continuo licet, sed ea omnia necessario servanda sunt, quæ Romani Pontifices (2), præsertim Clemens XI., & XII., & Benedictus XIII., & XIV., servanda præscripserunt, videlicet 1. Ut non, nisi interposita Judicis Ordinarii Ecclesiastici auctoritate, criminosi homines ab Asyli loco removeantur; 2. Ut hujusmodi extractioni aliquis Ecclesiasticus ab Ordinario designatus intersit, 3. Ut per solum Judicem Ecclesiasticum cognoscatur, an Reus ea crimina perpetraverit, ob quæ immunitate prorsus indignus habeatur? 4. Benedictus XIII. (3) declaravit, & voluit, ad hoc, ut Reus ab immuni loco deduci, & Episcopi carceribus tradi possit, ea satis esse indicia, quæ ad capturam decernendam sufficere videantur. Præterea statuit, ut, quando ex processu informativo conficiendo ab Ordinario constet de crimine excepto, ac insuper adversus Reum extractum talia resultent indicia, ut crimen ab eo patratum fuisse moraliter credi possit (quæ quidem indicia juxta regulas Juris vocan-

Z. 2

tur

(1) Benedictus XIV. cit. Constitut. §. 8. (2) Benedictus XIV. Institut. 41. §. 7. a num. 26. (3) Benedictus XIII. cit. Constit.

tur *ultra torturam*) in eo tantum casu præfatus Reus extractus Minitris, & Officialibus Curie Sæcularis tradi, & consignari possit, ac debeat: Neque tamen iisdem tradatur, nisi exacta, receptaque prius ipsorum obligatione in forma Juris valida restituendi extractum Ecclesiæ sub pœna excommunicationis latæ sententiæ Romano Pontifici reservatæ, quoties idem extractus indicia contra ipsum acquisita in suis defensionibus purget, ac diluat. Quod si ea minime purgaverit, & vere delinquens repertus fuerit, tunc Curie Sæculari in ipsum, ut Juris esse censuerit, agere, atque procedere liceat. Hanc Benedicti XIII. Constitutionem Clemens XII. (1) confirmavit, illudque præterea addidit, ut, quoties de homicidio deliberato, vel per insidias, aut etiam per rixam patratum judicium ab Ordinario statuitur; ad hoc, ut foro Sæculari Reus committatur, satis esse in tota Ecclesiastica ditione, ut *acquisita, seu subministrata indicia sint ad torturam tantum sufficientia*. Postremo Benedictus XIV., ut eos corripere, qui delictum exceptum in una ditione patrant, & ad immunem confugiunt locum in alia, in qua ex mutua consuetudine Rei traduntur Curie in loco delicti jurisdictionem habenti, statuit, ut indicia contra hos ab eo Episcopo cumulentur, ad quem spectat ratione loci delicti, & statim alteri Episcopo transmittantur, ad quem pertinet extractionem decernere, ut videlicet hujus Antistitis auctoritate, servatis servandis, a confugii loco extrahi, & si ita res ferat, externæ postulanti Curie tradi valeat, ita tamen, ut tam in extractione, quam in reliquis omnibus, Pontificiæ Constitutiones, & Concordata servantur.

X. Pontificias Constitutiones Gregorii XIV., Benedicti XIII., Clementis XII., ac Benedicti XIV., quas paucis hætenus exposuimus, in Synodi Appendice num. 14. damus, ut Parochi omnes nostræ Civitatis, ac Diocesis ea cognoscant, quæ Pontificio jure de sacrarum Ædium immunitate præscribuntur, utque certiores fiant, quinam ii sint, qui Sacri Asyli beneficio carent, & qua ratione

(1) Clemens XII. cit. *Consist. In supremo*.

tione ii contineri in officio debeant, qui post aliquod facinus ad Ecclesias perfugiant; populo videlicet ea crimina denunciando, quæ Sacra Immunitate destituuntur, ut inde eorumdem gravitatem intelligat, & ab iis perpetrandis absterreatur. Ne quis vero Ecclesiæ Asylo ad nova crimina admittenda abutatur, mandamus omnibus, & singulis Parochis, Rectoribus, atque Administratoribus etiam Laicis Ecclesiarum, Oratoriorum, aliorumque Piorum Locorum, ut sub pœnis arbitrio Nostro infligendis intra triduum a die, qua aliquis ad Ecclesiam confugerit, certiores Nos reddant de ejusmodi persona, ejusque qualitatibus, ac de perpetrato delicto, ut id consilii, quod res ipsa postulabit, capere valeamus. Id etiam præstari ab iisdem jubemus, si is, qui in locum sacrum se recepit, Ecclesiæ Asylo ad nova facinora abutatur; si vicinis, aut prætereuntibus metum comminationibus suis incutiat; si noctu ab Ecclesia, seu loco sacro egrediatur; si suspectas Mulieres secum habeat, aut si qua ratione divinorum Officiorum celebrationem impediat, aut perturbet.

XI. Tandem Vicariis Foraneis, Parochis, Rectoribus, Sacriarii Custodibus, aliisque, quibus Domus Dei custodia demandata est, enixe commendamus, ac districte præcipimus, ut ea, quæ circa Ecclesiæ reverentiam, ac Immunitatem tum Jure Pontificio, tum Synodalibus hisce Constitutionibus sancita sunt, omni vigilantia, diligentiaque exacte observari curent. Nostræ vero Curix Ministris, atque Executoribus mandamus, ut si forte a Laicis (quod Deus avertat) Ecclesiastica Immunitas violetur, non eam armis temporalibus vindicent, neque illatam injuriam humani sanguinis effusione ulciscantur, sed rem totam ad Nos deferant, ut Ecclesiastico Censurarum mucrone, aliisque opportunis adhibitis remediis, hujusmodi Ecclesiæ hostium petulantiam, audaciamque conteramus.

CAPUT XV.

DE JURIBUS, ET PRÆEMINENTIIS SANCTÆ TUSCULANÆ
CATHEDRALIS ECCLESIE, AC DE PAROECIALIBUS
ECCLESIIIS, EARUMQUE JURIBUS.

I. **H**Actenus de reverentia Ecclesiis, aliisque generatim locis sacris, ac religiosis debita locuti sumus. Restat nunc, ut aliqua speciatim de juribus, & præeminentii Sanctæ Tusculanæ Cathedralis Ecclesiæ, & Paroecialium nostræ Diocesis Ecclesiarum dicamus, quæ sane peculiarem reverentiam, atque observantiam promerentur.

II. Et primum quidem Cathedralis Ecclesia ab Episcopali Cathedra, (1) in qua *magna supremi Azagisterii dignitas designatur*, nomen sortitur suum, ac principem inter omnes Civitatis, ac Diocesis Ecclesias locum obtinet, easque, cum ipsarum Magistra sit, ac Mater, facile antecellit. Tusculana autem Ecclesia cum dignitate, tum antiquitate inter plurimas præstat: dignitate quidem, cum Tusculanus Antistes unus sit ex sex Episcopis (2) Sanctæ Romanæ Ecclesiæ Cardinalibus, qui proximam Urbis Diocesim habentes, Pontifici Maximo assunt, ejusque *Collaterales* in antiquis monumentis appellantur: antiquitate vero, cum ex certissimis documentis sciamus, jam inde a tertio Christi sæculo Tusculanos Episcopos extitisse, quorum ut vigeat memoria sempiterna, Chronologicam Tusculanorum Antistitum seriem in Appendice n. 15. damus, qualem ex probatis Auctoribus decerpere licuit. Præterea Tusculanus Episcopus olim non modo Romæ commorari, verum etiam fixam in certo Urbis loco sedem, ac domicilium habere consuevit. Vetus autem Episcopium Tusculanum in eadem Urbe fuit (3) Ecclesia S. Mariæ in Monasterio, quam ab Honorio III. pro

(1) Ex D. Hieronymo Tostatus in Math. cap. 1. qu. 70., & cap. *Quamquam*. De præbendis in 6.

(2) Baronius in Annalibus Ecclesiasticis ad ann. 769. litt. E.

(3) Oldoinus ad annum 1216.

pro se, & Successoribus suis obtinuit Nicolaus de Claromonte Siculus Monachus Cisterciensis, qui ab eodem Honorio III. anno Domini 1219. creatus fuit Cardinalis Episcopus Tusculanus, ac pie obiit anno 1227. In præfata vero Ecclesia Tusculanus Antistes multis quondam juribus, ac privilegiis potiebatur.

III. Quamquam Tusculanus Episcopus (quemadmodum & alii Cardinales Episcopi (1) Suburbicarii) tum ex multorum sæculorum consuetudine, tum ex aperta Sedis Apostolicæ declaratione ad personalem in Suburbicaria Diocesi residentiam non obligetur; Nos tamen, quibus plurimum cordi est æterna Populi Nobis concrediti salus, & qui Gregem Nostrum, Nostramque Sponsam incredibili amore prosequimur, hac facultate non residendi satis moderate usi hætenus fuimus, & utemur in posterum. Memores enim decreti ab Alexandro VII. lati in Consistorio Secreto quinto Idus Octobris anni 1666., quo pronuntiatur est, Episcopos Suburbicarios Cardinales ad propriarum Diocesum visitationem teneri juxta id, quod Sacri Canones, & Tridentina Synodus præscribere; non modo Diocesim Nostram jam non semel lustravimus, & lustraturi sumus deinceps quotannis, verum etiam per illud tempus, quod vacuum Nobis ab aliis erit curis, in Tusculana Civitate commorabimur, ut spiritu præsentem, & corpore, diligentius, accuratiusque publico, & privato Nostræ Gregis bono consulamus.

IV. Quoniam a Cathedrali (2), quæ communis est Magistræ, Ecclesiæ reliquæ sumere debent exemplum, præcipimus, ac mandamus, ut Sacros Ritus, Ecclesiasticas Cæremonias, aliasque laudabiles consuetudines, quæ tum in celebratione divinorum Officiorum, tum in aliis divini cultus actibus in Cathedrali observantur, inferiores quoque Ecclesiæ, quoad fieri potest, amplecti, & imitari studeant. Præminentias (3) autem Cathedrali debitas nul-

la aliq

(1) Paulus III. suo decreto edito 18. Februarii 1547. & S. Pius V. declaratione edita anno 1568.

(2) Can. *Convenit* dist. 5. de consecrat.

(3) Cap. *Ex parte*. de sepulturis; cap. 3. & ult. de Parochiis; Can. *Presbyteri*. dist. 4. de consecrat., & Sac. Rit. Cong. in una Tuscanen 19. Augusti 1619.

184 CONSTITUTIONES SYNODALES

la alia Ecclesia sine expresso Apostolico Privilegio sibi arrogare audeat. Quamobrem Feſto die Corporis Chriſti matutino tempore ſoli Cathedralis Capitulo Sanctiſſimam Eucharistiā ſolemnī pompa circumferre per Urbem liceat. Solius itidem Cathedralis jus eſt Sacra Olea, quæ renovantur quotannis, aſſervare, cæteriſque Eccleſiis opportune diſpenſare. Ut debitus (1) etiam Cathedrali honor ſervetur, Sabbato Majoris Hebdomadæ in nulla Eccleſia ſive Sæculari, ſive Regulari pulſentur campanæ, antequam Tuſculi in Cathedrali, in aliis vero Diœceſeos Pagis in majori Eccleſia pulſatæ eadē fuerint. Hujus legis tranſgreſſores centum ducatorum pœna multabuntur, & in ſubſidium interdicto ſubjicietur Eccleſia. Quotannis etiam eo die, quo anniverſaria Dedicatiōis Noſtræ Cathedralis Eccleſiæ inſtauratur recordatio, tum in Urbe Tuſculana, tum in tota Diœceſi a Clero quidem Sæculari ſub ritu Duplici primæ Clāſſis cum Oſtāva, a Clero vero Regulari ſub ritu Duplici ſecundæ Clāſſis ſine Oſtāva, pie, ac religioſe Dedicatiōis ejuſdem Eccleſiæ recitetur Officiū. Tandem enixe in Domino hortamur, ac rogamus univerſæ noſtræ Diœceſis incolas, ac Tuſculanos præſertim Cives, ut Noſtrum Cathedrale Templum oraturi frequentius inviſant, atque in eo Sanctiſſimum Apoſtolorum Principem, in cujus honorem dedicatum Deo eſt, ea, qua decet, religione venerentur; Indulgentias pluriūnas, quibus illud Romani Pontifices locupletarunt, & quarum conceſſiones in hujus Synodi Appendice n. 16. damus, ſumma pietate lucrari curent; ac demum Eccleſiæ, quæ in hac Diœceſi reliquarum Mater eſt, ac Magiſtra, debitum exhibeant cultum, ac reverentiam.

V. Immunitates, privilegia, & cujuſvis generis jura, quæ Tuſculanus Epiſcopus in ſua obtinet Diœceſi, integra, & inviolata eſſe decernimus. Si quis autem illa, aut annuos Epiſcopalis Menſæ, aut Cathedralis Eccleſiæ redditus, cenſus, emolumenta, & quo-

(1) Leo X. Conſtit. 22. §. *Ut debitus*. 14. Kalendas Januarii 1516., lata in Concilio Lateranen. ſeſſ. ultima.

& quovis nomine censitos proventus, per se, vel per alios, quomunque modo, vel quæsito colore occupare, in proprios usus convertere, usurpare, aut impedire, ne ad quem pertinent, libere, atque integre deferantur, in excommunicationem (1) majorem Romano Pontifici reservatam incurret, a qua non absolvetur, nisi facti pœnitens debito satisfecerit.

VI Post Cathedralem, in Nostra Diœcesi, in qua nulla adhuc Collegiata reperitur Ecclesia, digniorem sibi vindicant locum Ecclesiæ Parochiales (2), quæ non immerito in Sacris Canonibus Matres, seu Matrices nuncupantur, cum in ipsis Christi-fideles, Parochorum, tamquam Parentum, ministerio, baptismo generentur ad Fidem, reliquis Sacramentis alantur ad vitam, mortui denum in iisdem, veluti in Matris sinu, peramanter excipiantur. Ut harum etiam Ecclesiarum honori consulamus, sub pœnis a Jure latis, aliisque arbitrio Nostro infligendis districtè prohibemus, ne quis sive Laicus, sive Clericus, sive Sæcularis, sive Regularis Parochorum jura, prærogativas, ac præminentias, quas non immerito iisdem concessas esse non ignoramus, ullo modo vindicare sibi audeat, atque usurpare. Nequa vero super his Parochialibus juribus contentio oriatur, juvat hic eadem diligenti calculo recensere.

VII. Jura itaque proprie Parochialia secundum Sacros Canones ea esse, quæ sequuntur, omnibus edicimus, ac declaramus. Ad Parochum proprie pertinet (3). 1. Curam animarum gerere quoad Populum Parochiali Ecclesiæ destinatum, certisque finibus circumscriptum. 2. Sacramenta ministrare, ac præsertim solemnem

A a

infan-

(1) Trid. sess. 22. de reformat. c. 11.

(2) Cap. *Ut singula*. de officio Archiepiscopi, Clement. unica de baptismo, & Clem. I. de senten. excommunicationis.

(3) Can. *Placuit*. caus. 9. qu. 2., *Can. In sacris*, Can. 16. qu. 1., cap. *Omnes utriusque sexus*. de pœnit., & remiss., cap. 1. de Sepulturis. cap. 1. de decimis; Clement. I.

de privilegiis, Clem. *Dudum*. de Sepulturis cap. 1. de custodia Eucharistiz, cap. *De Apostolica*. de Simonia, Trid. sess. 24. cap. 1. de matrimonio; Sac. Cong. Conc. in Neapolit. 14. Nov. 1697., Sac. Congreg. Episcop. 12. Januarii 1691., Sac. Cong. Rit. in Camerinen. 21. Nov. 1637., & in Thesina 18. Augusti 1629.

infantibus conferre baptismum, Eucharistiam Adultis Paschali tempore distribuere, Sacro Viatico morituros reficere, extrema unctione ægrotantes linire, matrimonia contrahenda in Parochiali Ecclesia publicare, iisdem, dum contrahuntur, adesse, & Fidelium cadavera, qui intra Parœciæ suæ fines fixum habent domicilium, & qui neque tacite, neque expresse sepulchrum sibi delegerunt, in Parochiali Ecclesia sepulturæ demandare 3. Eorundem cadavera e propriis domibus levare, & aqua benedicta aspergere. 4. Eucharistiam, & fontem, quem baptismalem nuncupant, ac Sacra Olea asservare. 5. Demum habere Jus exigendi decimas a suis Parochianis, & percipiendi, occasione funerum, Canonica portionem, seu quartam, ut ajunt, funeralem.

VIII. Alias præterea Sacras, atque Ecclesiasticas functiones, quæ ad animarum curam, ac Pastoris Officium quodammodo referuntur, Sacræ Congregationes Cardinalium, accedente Romanorum Pontificum consensu, ad Parochos proprie spectare declararunt. Sunt autem hæ, quæ sequuntur. 1. Delatio (1) Stolz in funeralibus Processionibus, aliisque Ecclesiasticis functionibus, quæ extra propriam Ecclesiam, seu Oratorium sunt. 2. Benedictio domorum (2), ac Fontis baptismalis Sabbato Sancto, ac ciborum Paschalium die Paschatis. 3. Sponsorum (3) benedictio, ac mulierum post partum. 4. Excommunicationum (4), & Indulgentiarum promulgatio. 5. Officium (5) funebre super cadaveribus, quæ sepelienda sunt in Ecclesiis, seu Oratoriis etiam a Parochiali junctis, dummodo eadem Ecclesiæ, seu Oratoria sint

(1) Sac. Congreg. Concil. in Ebrunden. 25. Junii 1695., & in Cremonen. 23. Januarii. 1706. auditis partibus.

(2) Sac. Cong. Rit. in Decreto Encyclico 10. Dec. 1703 in respons. ad 6. & in Thelesina pro Terra Cerreri 3. April 1632., Sac. Cong. Concilii in Bononiensi 4. Jul. 1620.

(3) Sac. Cong. Concil. in Antuerpiensi 29. Nov. 1662., Sac. Cong. Visitat. Apo-

stolicæ in Romana jurium Parochialium 15. Sept. 1695., & 13. Jan. 1698., auditis partibus.

(4) Sac. Congreg. Episcop. in Firmana 3. Julii 1615. in respons. ad 8.

(5) Can. Ecclesia, can. Quicumque. caus. 16. qu. 1., cap. Ad audientiam. de Ecclef. ædificandis, Sac. Cong. Rit. in cit. decr. Encyclico an. 1703. in respons. ad 20.

sint intra Parœciæ fines , præsertim si subditus Parocho sit is, qui in iisdem est tumulandus . 6. Defunctorum (1) Missas in Sodalium anniversario pro legatis piis in Oratorio cum cantu celebrare . 7. Agrorum (2) benedictio , & contra locustas , vermes , cateraque ejusmodi animalia effusio precum . 8. Ecclesiasticæ (3) functiones Majoris Hebdomadæ , præsertim Missa sollemnis Feria v. in Cœna Domini , & Sabbato Sancto . 9. Solemnis (4) Candelarum , Cinerum , & Palmarum benedictio Populo confluenti distribuendarum . 10. Functiones omnes , sive Parochiales , sive Sacerdotales , omniaque Ecclesiastica munia in propriis Parochialibus Ecclesiis exercenda : hæc enim ad Parochos , non vero ad Sacra-rii Custodes , seu ad Sodales , aut ad eorum Capellanos perti-nent: quare in iis peragendis nemo, invito Parocho, potest, adeo-que nemo ingerere , aut immiscere se audeat .

IX. Perinultæ aliæ sunt Sacræ , atque Ecclesiasticæ func-tiones , quæ, licet a Parochis fieri consueverint , non tamen proprie sunt Parochiales , neque privative , ut ajunt , ad eos pertinent . Quamobrem cum super iis frequenter inter Parochos , & alios Clericos , ac præsertim Confraternitatum Capellanos non sine Populi scandalo jurgia , ac lites orientur ; Proinde Sacræ Con-gregationes Cardinalium decretis suis editis declararunt, Parochos impedire non posse , quominus eadem functiones ab aliis Ecclesiæ Ministris exercentur , dummodo extra Ecclesiam Parochialem fiant , seu in Ecclesiis , vel Oratoriis a Parochiali sejunctis , & quæ ab ea non dependent , & dummodo prædicta Laicorum Ora-

A a 2

toria

(1) Sac. Cong. Rit. in Uclana , petente Episcopo Cotignola , 14. Decemb. 1697.

(2) Sac. Cong. Conc. , petente Procura-tore Gener. Cappuccinorum , 28. Augu-sti 1688.

(3) Sac. Cong. Rit. in cit. decreto an-ni 1703. in respons. ad 7. , & 8.

(4) Sac. Congr. Rit. cit. decr. ann. 1703. in respons. ad 5. , & 6. , Sac. Cong. Conc. in

Rhegiensi 5. Jun. 1699. , in Nullius Nonan-tulana Jurium Parochial. 13. Jan. 1685. , & in Lunen. Sarzanen. 18. Aug. 1690 , quæ auditis partibus confirmata fuit 13. Januar. 1691. , eamque declarationem servari man-davit Sac. Cong. Episcop. in Casenaten. 27. Junii 1692. , Sac. Cong. Rit. in cit. decr. Encyclico ann. 1703. in resp. ad 26. , & in Neapolitana 18. Maii 1602.

toria legitime sint erecta, quemadmodum Clementis VIII. Constitutione cavetur. Functiones autem, de quibus loquimur, sunt hæc. 1. Brutorum animantium benedictio (1), quæ fieri solet Festo S. Antonii Abbatis die, eaque occasione oblationes recipere. 2. Benedictio (2), ac distributio Candelarum, Cinerum, & Palmarum, quæ in Sæcularium Oratoriis fiat, pro fodalibus tantum, non vero pro aliis. 3. Missarum (3) solemniū celebratio Festis diebus tantum solemnioribus alicujus Ecclesiæ, aut Oratorii. 4. Expositio (4) Augustissimi Eucharistici Sacramenti, aut Reliquiarum, & benedictio, quæ hac occasione super Populum effunditur. 5. Denunciatio (5) dierum Fæstorum de præcepto, & Vigiliarum, ac jejuniorum occurrentium, quæ in prædictis Ecclesiis, seu Oratoriis a Capellano fiat. 6. Concio (6), ac Missæ celebratio in dictis Ecclesiis, seu Oratoriis, dummodo Ordinarii accedat licentia, etiamsi Parochi consensus desit, ac dummodo ante Missam Parochialem non fiat, nisi tamen aliter Ordinarius decernat. 7. Processiones (7) sive intra, sive extra dictas Ecclesias, aut Oratoria, dummodo licentia adsit Episcopi, & extra propriam Ecclesiam Capellanus Stolum patentem non deferat. 8. Porrectio (8) Asperforii Episcopo ad prædictas Ecclesias, seu Oratoria accedenti, ut se, & circumstantes Fideles aqua lustrali, ut solet, aspergere valeat. 9. Administratio (9), ac dispositio bonorum, quæ ad Oratorium pertinent. 10. Eleemosynarum (10) collectio, seu, ut ajunt, quaestuatō, de licentia tamen Episcopi, licet Parochi consensus desit.

X. Quæ

(1) Sac. Cong. Episcop. in Fulginatensi 25. Maii 1685., & in Tulerina 18. Nov. 1695., & Sac. Cong. Rit. in Ravennatensi 12. Nov. 1695.

(2) Sac. Cong. Rit. in cit. decr. Encyclico Jurium Parochialium pro Urbe, & Orbe 10. Dec. 1703., approbato a Clemente XI. 12. Jan. 1704. in respons. ad 4., & in Isclana 4. Dec. 1697., & Sac. Congreg. Concil. in Rhegiensi 5. Junii 1699.

(3) Sac. Rit. Congr. cit. decret. Ency-

clico anni 1703. in respons. ad 10., & in Brundusina 1. Junii 1601.

(4) Sac. Cong. Rit. cit. decret. Encycl. ann. 1703. in respons. ad 11., & 12.

(5), (6), (7), (8), (9) Ead. Sac. Cong. cit. decreto Encyclico in respons. ad 14., 15., 16., 18., 19., 21., 22., 23., 24., & 31.

(10) Sac. Cong. Episc. in Viterbiensi 15. Maii 1601.

X. Quæ hactenus quoad Sacras, atque Ecclesiasticas functiones, sive pro Parochis, sive pro aliis, a Sacris Canonibus, & a S. R. E. Cardinalium Congregationibus sancita, ac declarata recensuimus, ad omnes præcidendas lites, atque dissidia tum a Parochis, tum ab aliis exacte, ac fideliter servari mandamus. Volumus tamen, ut salvæ (1), atque illæse semper sint conventiones, ac pacta, quæ forte in sodalitatibus erigendis intercesserint, concordiæ inter partes initæ, & a Sancta Sede approbatæ, Indulta, Constitutiones Synodales, & consuetudines immemorabiles, aut saltem centenariæ, quas omnes, & singulas in suo robore permanere statuimus, ne ullius juribus irrogetur injuria.

XI. Ut autem Parochialibus Ecclesiis, quæ in singulis Nostræ Diocesis Oppidis inter Ecclesias reliquas primatum obtinent, suis servetur honor, ac reverentia; Præcipimus, ut solemnes supplicationes, & Processiones universæ, tum quæ consueti Ecclesiæ more quotannis fiunt, tum quæ extra ordinem institui aliquando solent, a Paroeciali Ecclesia initium sumant, & in eadem desinant. Eadem etiam Paroecialis Ecclesia Sabbato Majoris Hebdomadæ omnium prima campani æris sonitu Paschalem Populo solemnitatem annuntiet. In eadem præterea Romani Pontificis, ac Nostræ Constitutiones, Mandata, vel Edicta, quæ seu ad Orthodoxam doctrinam, seu ad mores, ac disciplinam pertinent, Fidelibus promulgentur. Nemini tandem in ea, præter Curatores animarum, & ab ipsis de licentia Nostra ad id delectos Sacerdotes, Parochiales functiones obire liceat.

XII. Oblationes, quæ in usum Ministrorum in Parochiali Ecclesia fiunt, ad Parochos spectare declaramus (2), cum ii super omnibus his, quæ intra Paroeciæ fines peraguntur, fundatam de

(1) Cap. fin. de consuetudine, cap. *Super quibusdam*. de V. S., cap. *Ad aures*. de præscript., cap. 1. eod. tit. in 6., Sac. Cong. Rit. cit. decreto Encyclico in fine.

(2) Can. *Quia Sacerdotes*, can. *Sanctorum*, caus. 10. qu. 1., can. *Uterque*, can. *Quatuor*.

caus. 12. qu. 1., cap. *Quoniam*. de decimis, cap. *Ad audiendam*. de Eccles. ædific., cap. *Cum inter vos*. de V. S., Sac. Cong. Conc. in Bracharen. oblationum 17. Dec. 1612., & in Beneventana Spolii 2. Dec. 1585., & 21. Dec. 1587.

de jure habeant intentionem, nisi ex largientium voluntate constet, hujusmodi oblationes non Parochis, sed aliis donari, ac tradi. Quod si oblationes non in Ministrorum usum, sed in Ecclesiarum, seu Altarium, seu sacrarum Imaginum decus, & ornamentum datas esse constiterit; easdem in ipsos usus a largientibus intentos ad Sacrorum Canonum normam erogari jubemus. At si oblationes fiant (1) alicui sacræ Imagini depictæ, aut affixæ parieti alicujus privati hominis; easdem sane non acquirit parietis Dominus, imo ne eas quidem administrandi jus adipiscitur, cum Laici sint Juris spiritualis incapaces. Hujusmodi itaque oblationes vel per Parochum, vel per alium a Nobis deputandum, prout magis expedire in Domino judicabimus, juxta largientium mentem, ac voluntatem expendendas esse decernimus.

XIII. Quod si magnam Parochiali Ecclesiæ Fidelis Populus exhibere debet reverentiam, multo sane major præstanda eidem a Parocho est una cum sincera amoris significatione. Cum enim Parochus Ecclesiæ suæ sancto veluti conjugio societur, eandem proinde veluti spirituales Sponsam, & vera charitate diligere, & summo studio colere, atque ornare, & plurimum illius munditiæ, forma, ac decore capi debet: ex ejus enim dignitate non parum ad se laudis, fructumque veræ voluptatis redire animadvertet. Parochus igitur in Ecclesia sua excolenda, perpoliendaque totus sit, ut semper munda, semper nitens, semper læta videatur. In ea Sacri Fons Baptismatis, Oleorum sacrarum vasa, Sedes Confessionales, Concionatorum suggestus, ac Sanctissimæ Eucharistiæ custodia tam recte, atque decenter sint constituta, ut suo quæque res probe congruat ministerio. Serventur etiam in ea baptizatorum, confirmatorum, matrimoniorum, ac mortuorum libri ab eodem Parocho rite, diligenterque confecti, & quidquid ad animarum curam, ac salutem pertinet, ab eodem suis temporibus

(1) Can. *Hæc consuetudinem*. caus. 10. qu. 1., cap. *Decernimus*. de judiciis, cap. *Messena*, cap. *Sacrofancta*. de electioni-

bos, cap. *Causam*. de præscriptionibus, cap. *Relatum*. il. 2. de testamentis.

ribus religiosissime administretur . Quæ quidem omnia facile præstabit Parochus , si ab ipso statim initio verum erga suam Ecclesiam , veluti sponsam , amorem induat ; si non ex illius dote , atque opibus locupletari , sed omnia ad illius cultum , ornatumque , conferenda sibi esse statuerit ; si denique , victis cupiditatum illecebris , veram gloriam , veraque præmia , quæ Deus recte factis , veræque charitati statuit , ob oculos sæpe habeat suos .

CAPUT XVI.

DE PUBLICIS , AC DE PRIVATIS ORATORIIS .

I. **A**nguſta quædam , ac minora Tempſa , ad quæ confluentibus accessus e publica patet via , publici Oratorii nomine designantur , quippe in eadem certus potissimum sodalium cœtus Feſtis per annum diebus ad orandum , divinaque celebranda , ac participanda Myſteria convenire ſolet . Publica hæc Oratoria iisdem , quibus Majora Tempſa , privilegiis , atque immunitatibus gaudent , dummodo fuerint & Episcopali auctoritate erecta , & divino dumtaxat cultui destinata , & foribus instructa , per quas e publica via ingreſſus ad eadem accedentibus pateat . Quamobrem in his ſacris Œdibus conſtruendis , dotandis , conſervandiſque , ac , ſi neceſſitas poſtulet , etiam reparandis , aut deſtruendis eadem locum habent leges , quas pro majoribus Tempſis a Sacris Canonibus , Romanisque Pontificibus conditas ſuperius ſummatim recenſuimus , & quarum proinde exactam , uti Religionis virtus jubet , obſervantiam omnibus , ad quos pertinet , iterum , iterumque commendamus ,

II. De privatſ Oratoriis , quæ in Laicorum domibus ſunt conſtituta , dicendum nunc Nobis eſt , ac Romanorum Pontificum , Sacrarumque Congregationum Decreta , quæ ſuper his emanarunt , in medium ſunt proferenda . Si enim , uti adducto Episcoporum Italiæ exemplo Episcopos omnes Regni Poloniæ mon-

nct

net (1) Benedictus XIV., si, inquam, decretorum istorum Summa in Diocesana Synodo inferatur, aut in Appendice ad ipsam Synodum eadem decreta per extensum adjungantur; duplex inde extabit bonum, videlicet ut & viva in Episcopis eorundem memoria fervetur, & ab aliis aut ignorantia expellatur, aut eadem, utpote crassa deinceps, ac supina, reddatur inexcusabilis.

III. Ab Apostolorum usque tempore (2) in Laicorum domibus viguit privatorum Oratoriorum usus, in quibus Missæ Sacrificium, accedente tamen Episcoporum licentia, celebraretur (3). Verum cum ad eam concedendam licentiam Episcopi faciles plerumque essent, ac proinde non pauci irrepsissent abusus; factum fuit, ut Tridentini Concilii Patres, post varios hac de re habitos sermones, hoc tandem ediderint decretum (4): *Neve patiantur (Episcopi) privatis in domibus, atque omnino extra Ecclesiam, & ad divinum tantum cultum dedicata Oratoria ab iisdem Ordinariis designanda, & visitanda, sanctum hoc Sacrificium a Secularibus, aut Regularibus quibuscumque peragi, non obstantibus privilegiis, exemptionibus, appellationibus, & consuetudinibus quibuscumque*. Unde factum est, ut non amplius Episcopis facultas (5) sit concedendi usum Oratoriorum privatorum, in quibus Missa celebretur: licentia enim, quæ ab ipsis daretur, celebrandi Missam in Oratoriis privatis, stare nequit cum Tridentini Concilii præcepto iisdem Episcopis imposito, ne id patiantur. Prædictum itaque Jus ad Sanctam Sedem devolutum esse, & hanc esse veram Concilii verborum intelligentiam docuit Paulus V. in Epistola Encyclica (6) ad universos Episcopos data, in qua discrete concludit, *facultatem hujusmodi licentias dandi ipsius Concilii decreto unicuique ademptam esse, solumque Beatissimo Romano Pontifici esse reservatam*. IV. Post-

(1) Benedictus XIV. in epist. Encycl. ad Episcopos Poloniz, quæ incipit: *Magna*. edita 2. Junii 1751.

(2) Benedictus XIV. de Sacrif. Missæ sect. 1. §. 10.

(3) Can. *Missarum*. de consecr. dist. 1.

(4) Trid. sess. 22. in decret. de observ. & evit. in celebr. Missæ.

(5) Bened. XIV. cit. epist. Encycl. §. 11.

(6) Paulus V. epist. Encycl. ann. 1605. & Benedictus XIV. de Sacrificio Missæ sect. 2. §. 22.

IV. Postquam reservata Apostolicæ Sedi fuit hæc Oratoria privata concedendi facultas, dici vix potest (1), quantum curæ, diligentæque ad omnes tollendos abusus, qui ex ejusdem facultatis concessione oriri possent, adhibuerit, Romano jubente Pontifice, Sacra Congregatio Concilii, ex cujus sententia hæc tandem statuta fuerunt leges; videlicet ut Oratorium parietibus sit extructum, per quos ab omnibus aliis domesticis usibus segregetur; ut idem vel ab Episcopo, vel ab alio, cui vices ipse suas delegaverit, visitetur, attenteque inspiciatur, num decens, apteque compositum sit, & num aliqua eorum, quæ necessaria sunt, desint? ut Episcopus ipse licentiam celebrandi Missam impertiat, ejusmodi vero licentia secundum rationabile illius arbitrium perduret; ut non plures in die, sed unica tantum Missa in Oratorio celebretur a Sacerdote vel Sæculari, vel Regulari, dummodo Sæcularis ab Episcopo approbatus sit, Regularis autem licentiam habeat a suo Regulari Superiore; ne celebrari possit Missa solemnibus diebus Paschatis Resurrectionis, Pentecostes, Nativitatis Domini Nostrî Jesu Christi, aliisque solemnioribus diebus, inter quos enumerandi sunt dies Epiphaniæ, & Ascensionis Domini, Annunciationis, & Assumptionis Beatæ Mariæ Virginis, omnium Sanctorum, necnon Sanctorum Apostolorum Petri, & Pauli, ac Titularis Ecclesiæ loci; ut exprimantur personæ, quarum præsentia necessaria est, ut Missa in privato Oratorio celebrari possit; aliæ item personæ, quæ, si eodem tempore Missæ interfunt, Ecclesiastico satisfacere possunt præcepto; tandem ut declaretur, omnia sine Parochialium Jurium præjudicio fieri debere. Et sane sub his conditionibus, legibus, & clausulis Oratorii privati facultas a Romanis Pontificibus concedi solet, quamquam aliquando justis de causis concedatur alicui, sed per extraordinarium Breve, aut per Apostolicum Rescriptum, ut vel secundam Missam celebrari facere possit, vel ut eadem aliquanto citius, aut aliquan-

B b

tq

(1) Benedïctus XIV. in cit. Epist. Encycl. §. 12.

to serius tempore in Rubricis præfixo celebretur, vel ut celebretur diebus exceptis, vel aliquid aliud hujusmodi.

V. Cum duobus proutque Conjugibus licentia concedatur, ut coram ipsis, eorumque filiis, consanguineis, & affinibus in eadem domo habitantibus Missa in privato Oratorio celebrari possit; dubitatum fuit, an, si neuter Conjugum, sed unus ex filiis, aut consanguineis in eadem domo habitantibus adsit, eo jubente, celebrari Missa valeat, & reliqui affines, & consanguinei eandem audientes Missam, Ecclesiastico præcepto possint Festis diebus satisfacere? *Celebrari non posse*, respondit Sacra Congregatio Concilii (1), nisi aliquis ex indultariis in Oratorio præsens habeatur; quam responsionem Apostolica auctoritate confirmavit Benedictus XIV. (2), iussitque, hanc in posterum clausulam in privatorum Oratoriorum concessionibus inseri: *Volumus autem, ut nati, ac consanguinei, & affines prædicti unicam dictam Missam, vobis quidem presentibus, audire tantummodo, numquam vero celebrari facere audeant*. Ut autem, quæ Indultariæ personæ sint, agnosci facile possit; illud adjunxit idem Sanctissimus Pontifex, ut videlicet pro Indultariis personis illæ haberentur, quæ in Brevis fronte, seu inscriptione nominatæ forent, cum ad easdem ipsas Breve dirigatur. Quod si forte in corpore Brevis aliqua nominetur persona, qua præsentem concedatur, ut Missa celebrari possit, & alii affines, consanguinei, vel familiares eandem audientes præcepto satisfaciant; tunc etiam si ea persona in fronte Brevis minime nominetur; ut tamen pro indultaria habeatur, idem (3) Pontifex in citata Epistola Encyclica expresse statuit, ac declaravit. Præterea cum alicui interdum ab Apostolica Sede malæ valetudinis causa concessum fuisset, ut diebus etiam exceptis Missam in privato Oratorio audire posset, ac præcepto satisfacere; Dubitatum fuit, utrum

(1) Sac. Cong. Conc. in Mariscen. Oratorii 3. Dec. 1740.

(2) Benedictus XIV. 7. Jan. 1741.

(3) Benedictus XIV. in cit. Epist. Encycl. §. 15.

utrum Natali Christi Domini die a Sacerdote, qui in Oratorio celebrat, tres Missæ celebrari possent, an ad normam Brevis ordinarii, unica tantum esset celebranda? Re matura discussa, *tres Missas celebrari posse* Sacra Congregatio (1) Concilii declaravit.

VI. Disputabatur quidem olim, an Sacræ quædam functiones in privatis Oratoriis fieri, ac potissimum an baptismi, Pœnitentiæ, atque Eucharistiæ Sacramenta ministrari possent? Verum quoad baptismum controversia dirempta prorsus est in Concilio Viennensi (2), in quo sub Clemente V. decretum fuit, ne baptismus in aliis locis conferri posset, præterquam in Templis, in quibus Sacri hujus lavacri fontes reperiuntur, nisi cum casus necessitatis adesset, aut cum de Regum, vel de Principum filii ageretur. Quoad Pœnitentiæ vero, atque Eucharistiæ Sacramenta, cum eorum sanctitas exigit (3), ut, extra veræ necessitatis casum, nonnisi in Ecclesia administrantur; Nos S. Carolus (4) Borromæum, aliosque Sanctissimos, doctissimosque Episcopos imitati, & Benedicti XIV. in citata Epistola Encyclica dispositioni obsecundantes, Synodali hoc Nostro Decreto præcipimus, ac mandamus, ut nullus sive Sæcularis, sive Regularis Sacerdos in privatis Oratoriis eadem Sacramenta ministrare audeat, nisi vel Nostram, vel Generalis Vicarii Nostri licentiam obtinuerit.

VII. Quæ hæcenus hac super re discernimus, aliaque plura fuscè recenset, atque Apostolica auctoritate confirmat Benedictus XIV in laudata Epistola Encyclica, quæ ut ab omnibus attente perlegatur, & omnimodæ executioni demandetur, in Synodi hujus Appendice num. 17. exhibebitur. Reliquum nunc est, ut iis, quibus ab Apostolica Sede privati Oratorii facultas in hac Nostra Diœcesi concessa jam est, aut concedetur in posterum, pau-

B b 2 ca

(1) Sac. Cong. Conc. 13. Januar. 1725. tom. 3. Thef. Resolut.

(2) Clemen. unic. de baptismo, & ejus effectibus.

(3) Rituale Romanum sub Paulo V.

tit. de Sacramento Pœnitentiæ.

(4) Concil. Provinc. Mediolanen. I. in Actis Eccles. Mediolanen. par. 1. pag. 111., par. 4. pag. 520., 761., 773., & 775.

196 CONSTITUTIONES SYNODALES

ca quædam pro divini cultus conservatione, atque incremento præscribamus. Volumus itaque, ut ipsum Oratorium a quocumque alio domestico usu immunè religioso quodam ornatu, ac decore renideat; ut munda sit, ac nitida in divinis Mysteriis adhibenda suppellex; ut demum ea omnia, quæ in Pontificiæ concessionis Brevi præscribuntur, summa religione serventur.

CAPUT XVII.

DE LAICORUM HOMINUM SODALITATIBUS, SEU CONFRATERNITATIBUS.

I. **L**aicorum sodalitia, quæ Confraternitates vulgo nuncupantur, ad pietatis, religionis, & charitatis officia exercenda sub certis regulis, ac præceptis fuisse instituta non ignoramus. Primam eorumdem originem aliqui referunt ad S. Bonifacium Germanorum Apostolum, qui octavo sæculo floruit, circa annum videlicet 730., alii vero altius, ab ipsis nempe Apostolis, repetunt, qui (1), teste Tertulliano, *concentas faciebant, & in cætum & aggregationem coibant* ad orandum, psallendum, ac rem Christianam pertractandam; unde morem cœpisse ajunt, & ad posteros manasse, ut Laici quoque homines, Apostolos imitati, ad divinum cultum exercendum societates instituerent, seu fraternæ charitatis Collegia, quæ Confraternitates nuncuparunt. Has igitur Confraternitates ad divinum cultum conservandum, augendumque institutas, Religionis virtus postulat, ut a Dæmonis incurfis sedulo tueamur, & ab omni inordinatione, aut perturbatione custodiamus immunes. De iis itaque agendum Nobis hic est, & ad rectam earum gubernationem salutare quædam præscribendæ sunt leges.

II. Primum igitur nulla hujusmodi piorum hominum Sodalitas

(1) Tertullianus in *Apologetico* c. 39., Polidorus lib. 7. cap. 6., Surius to m. 3. in *vita* S. Cælestini *Papæ*.

tas in Tusculana Diœcesi absque Nostra (1), aut Successorum Nostrorum facultate, & sine prævio diligenti, ac maturo regularum, & statutorum examine, Nostraque eorumdem approbatione erigatur: Secus eam nullam, illegitimam, irritamque declaramus. Nulla præterea sine Nostris Testimonialibus litteris Sodalitatibus aliis, aut in Templis Religiosorum hominum, aut alibi, sive Apostolica, sive Episcopali auctoritate rite institutis aggregari licite valeat. Quamobrem si qua neque legitime erecta, neque statuta habens, ac regulas a Nobis approbatas, Archiconfraternitatibus aggregetur; eam Indulgentiis, ac privilegiis quibuscumque frui non posse declaramus. Quæcumque vero jampridem Decessorum Nostrorum auctoritate erectæ, vel aggregatæ regulis carent, aut statutis nondum approbatis utuntur; infra sex menses ab hujus Synodi publicatione per eos, ad quos pertinet, suas regulas, & Constitutiones exhiberi Nobis curent, ut post maturum examen auctoritate Nostra approbari valeant.

III. Cum Clemens VIII. peculiari Constitutione (2) plura observanda præscripserit, ut sodalitates legitime, ac valide erigantur, & aggregentur, juvat hic eandem per summa capita delibare. Statuit igitur 1. ut unica tantum ejusdem Instituti, & generis Confraternitas in Ecclesiis tam Sæcularium, quam Regularium institui, & aggregari possit. 2. Ut id fiat accedente Ordinarii consensu, habitisque testimonialibus ejusdem litteris. 3. Ut Confraternitatem instituentes, vel aggregantes, eidem expressè, & in specie communicent quidem privilegia, & Indulgentias Ordini instituenti, vel aggreganti nominatim concessas; non tamen ea, quibus idem Ordo per solum communicationis privilegium gaudet. 4. Ut Confraternitatum Statuta ab Ordinario loci examinentur, & approbentur, & corrigi ab eodem possint. Ut in

Con-

(1) *Can. Multis.* dist. 16., Concil. Lateran. III. cap. 9., Clemens VIII. Const. *Quarumque*. 7. Decemb. 1604., Paulus V. Const. *Salubriter*. 23. Nov. 1610., Sac. Congr. Rit. in Elborensi 7. Octob. 1617.,

Sac. Cong. Concil. in Potentina Aggregationis 29. Maii 1633., Trid. sess. 22. de re form. cap. 8.

(2) Clemens VIII. Const. 115. quæ incipit: *Quarumque*. edita 7. Dec. 1604.

198 CONSTITUTIONES SYNODALES

Confraternitatibus aggregandis, & instituendis formula servetur ab eodem Summo Pontifice Clemente VIII. approbata. 6. Ut gratiæ, atque Indulgentiæ Confraternitatibus communicatæ, prævia dumtaxat Ordinarii cognitione, promulgentur. 7. Ut Confraternitas eleemosynas, aliaque oblata Christianæ charitatis subsidia, juxta modum, & formam ab Ordinario loci præscribendam excipere tantum possit. 8. Ut dictæ eleemosynæ pro arbitrio Ordinarii in Ecclesiæ, seu Oratorii utilitatem, aliosque pios usus erogentur. 9. Ut Confessarii Confraternitatum sint ab Ordinario approbati. 10. Ut, si Confessarii sint Regulares, præter Ordinarii approbationem, a propriis etiam approbentur Prælati, & absolvant Confratres juxta privilegia iisdem concessa, dummodo sint in usu, & neque Concilio Tridentino, neque cæteris Romanorum Pontificum Constitutionibus adversentur. 11. Ut a prædictis Confessariis absolvi fodales nequeant a casibus reservatis in Bulla Cœnæ; ab Ecclesiasticæ Immunitatis violatione; a violatione Clausuræ Monasteriorum Sacrarum Virginum, si quis eadem ingressus fuerit sine urgenti causa, & absque Superioris licentia, vel cum dictæ licentiæ abusu; ab injectione violentæ manus in Clericum; a singulari certamine, seu duello, & ab aliis peccatis Apostolicæ Sedi, & Ordinario loci respectively reservatis, & pro tempore reservandis; a quavis excommunicatione ab homine lata; ac tandem ut super irregularitatibus dispensari ab iisdem Confessariis nequeat. 12. Ut Litteræ erectionis, & aggregationis gratiæ dentur. 13. Ut Confraternitates ante dictam Clementis VIII. Constitutionem erectæ novas erectionis Litteras juxta formam ab eodem Clemente approbatam petant.

IV. Laudatam Clementis VIII. Constitutionem Paulus V. (1) confirmavit, exacteque observari jussit. Verum adhuc post illas plura exorta sunt dissidia, ac plures excitatæ controversiæ modo inter ipsas Confraternitates, modo inter ipsas, & locorum Ordinarios, a quorum Jurisdictione varias ob causas se abducere conabantur;

(1) Paulus V. *Constit. Salubriter*. 23. Nov. 1610.

bantur; modo tandem inter ipsas, & Parochos, quibus subesse detrectabant, ut ad altiore[m] quemdam gradum proprios Capellanos eveherent. His litibus, controversiis, atque diffidiis ut modus tandem imponeretur, Sacra Cardinalium Congregationes plura edidere decreta, quorum brevem notitiam partim hic, partim in Appendice n. 1 §. damus, ut Parochis, ac Sodalibus innotescant, & ab omnibus in hac Nostra Diœcesi exacte, ac perpetuo observentur.

V. Primo itaque de loci primatu Sodalitates inter se contenderunt. At paucis litem diremit Gregorius XIII. (1) statuens, ut *ii Sodales, qui prius Saccis usi sunt, in Processionibus tam publicis, quam privatis præcedere debeant: qui vero in quasi possessione hujusmodi præcedentiæ, ac juris præcedendi sunt, quibuscumque reclamacionibus, protestacionibus, appellacionibus, & aliis subterfugiis prorsus remotis, & cessantibus, & postpositis, præcedant*. Nullos unquam limites alii Romani Pontifices huic Constitutioni mox posuere, nisi quoad Sodalitates, quæ a Sanctissimo Sacramento nuncupantur. His enim concessum est reliquis semper præire in iis Processionibus, in quibus Sacra Eucharistia defertur, dummodo & sacco utantur, & aliis quoque Processionibus interesse consueverint. In aliis vero Processionibus Constitutionem Gregorii XIII. servare debent, uti Sacra Cardinalium Congregationes (2), ac Tribunal Romanæ Rotæ non semel declararunt. Illud quoque peculiare privilegium concessum est ab Apostolica Sede Sodalitatibus Corporis Christi, quas in singulis Parochialibus Ecclesiis erigi Summi Pontifices exoptarunt, ut videlicet statim ac ordinaria Episcoporum auctoritate erectæ fuerint, absque ulla alia aggregatione, omnibus gratiis, atque Indulgentiis gaudeant, quibus Archiconfraternitas Corporis Christi in Ecclesia Sanctæ Mariæ super Minervam de Urbe potitur, & gaudet, uti cautum est Constitutione Pauli III., Apostolicis litteris in forma Brevis Pauli V., & Innocentii XI.

(1) Gregorius XIII. Constit. 84. Bullarii tom. 2.

(2) Videatur Bassius in suo tractatu de Sodalitatibus qu. 11. n. 5.

tii XL (1), & uti Cœtus Cardinalium Sacris Indulgentiis præpositas declaravit.

VI. Non semel Sodalitates ab Episcopi auctoritate se subducere curarunt, vel quod erectæ essent in Ecclesiis Regularium, qui Episcopis non subjiciuntur; vel quod Romanis Archiconfraternitatibus essent adscriptæ, earumque propterea privilegiis, atque exemptionibus se gaudere contenderent; vel tandem quod Capitulo S. Joannis in Laterano Romæ adscriptæ essent, adeoque ab Episcopi subjectione eximerentur. Verum inter tot Sodalitatum conatus illæsa semper persistit Episcoporum auctoritas, ac jurisdictio. Nam quod ad primum attinet, Sacra Congregatio Concilii (2) die 23. Junii anno 1719. sic statuit: *Sacra Congregatio &c. inherendo declarationibus jam factis censuit, Confraternitates Laicorum in Ecclesiis Regularium exemptorum institutas, subesse jurisdictioni, & visitationi Episcopi, illasque ab eo visitari posse, necnon illorum Capellas in iisdem Ecclesiis Regularium existentes, in iis tamen, quæ Confraternitatum administrationem respiciunt; Et, si Confraternitatibus incumbit onus manutenendi Altare, & illius cultum, Episcopum posse visitare circa ea, quæ respiciunt ipsam manutentionem, cultum, & ornamenta Altaris, seu Capelle, onera Missarum, atque divinarum Officiorum ibidem celebrandarum, & circa ea omnia, quæ ad obligationem eorundem Confratrum relationem habent. Quod quidem decretum pro causa peculiari editum, probatum deinde fuit, tamquam lex generalis, cum eidem (3) Sacra Congregatio semper adhererit, quando ejusdem generis causæ discutiendæ proponerentur. Quod vero attinet ad secundum; ut Episcoporum jurisdictio integra, atque inviolata servaretur, Sacra Congregatio (4) Concilii*

tria

(1) Breve Innocentii XI. editum Romæ 1. Octob. 1678., Sac. Congreg. Episc. in Vercellensi 3. Feb. 1610.

(2) Sac. Cong. Conc. in Nucerina Paganorum 23. Junii 1719. lib. 14. Decretor. fol. 215.

(3) Sac. Cong. Conc. in Cosentina Visitationis, & Censurarum 19. Sept. 1722., in Spoletina 3. Sept. 1730., & in Ravenatens. 7. April. 1731.

(4) Sac. Congreg. Concil. in Potentina 29. Maii 1683.

tria decrevit: 1., ut *Confraternitates laicales aggregatæ* uti possint *Regulis, Statutis, & Constitutionibus*, quas observandus recipiunt ab *Archiconfraternitatibus aggregantibus*, necessariam esse precedentem *Ordinarii loci approbationem*. 2. Ut dictæ *Confraternitates aggregatæ* uti, & gaudere possint *Indulgentiis, privilegiis, & Indultis Confraternitatum aggregantium*, necessariam pariter esse precedentem approbationem *Episcopi cum interventu duorum de Capitulo*. 3. Tandem dictas *Confraternitates aggregatas* ita subesse *Ordinariis*, ut earum *Officiales administrationis rationem Ordinario reddere teneantur*. Ad tertium denique quod attinet; Paulus V. firmam esse voluit *Episcoporum jurisdictionem*: præcepit (1) enim, ut superius laudatam *Clementis VIII. Constitutionem* illæ etiam *Sodalitates* servarent, quæ a *Capitulo Sancti Joannis in Laterano de Urbe* cooptantur.

VII. Postremo cum innumeræ controversiæ, ac lites inter *Parochos, & Confraternitates sæculares*, earumque *Capellanos, & Officiales* super *juribus Parochialibus, & functionibus Ecclesiasticis*, nonnullisque præ eminentiis, seu prærogativis orirentur in dies; *Sacra Rituum Congregatio* 10. Decembris 1703. jussu *Clementis XI.*, post accuratissimum rei totius examen, triginta tres quæstiones soluit, totidemque edidit decreta ab omnibus in posterum servanda, salvis tamen conventionibus, & pactis in erectione *Confraternitatum* forsan factis, concordis inter partes initis, & a *Sancta Sede* approbatis, *Indultis, Constitutionibus Synodalibus*, ac *Provincialibus*, consuetudinibus immemorabilibus, vel saltem centenariis. Cum autem prædicta decreta relata fuissent *Clementi XI.*, *Romanus Pontifex* eadem laudavit, benigneque approbavit, & publicari, ac non obstantibus quibuscumque aliis in contrarium facientibus, servari mandavit. Quæ quidem decreta in *Appendice num. 18.* damus, ut omnibus innotescant, ac diligentissime serventur.

VIII. Cum plurimum cordi Nobis sit, ut *Sodalitates* ad eum tendant finem, ob quem institutas esse diximus; ad eas nonnisi ii

C c

admit-

(1) Paulus V. *Constit. 63. Bullarii tom. 3.*

admittantur, qui vita, moribus, ac fama commendentur. Quamobrem, antequam in Sodales recipiantur, de illorum probitate, honestate, atque indole delecti ad id fratres diligenter, ac fideliter inquirent, & postquam probati fuerint, ac per secreta suffragia in Cœtum adlecti, suum ponant tyrocinium. Statis diebus in proprium Sacellum frequentes cocant; pia munera religiose exequantur; spectatæque virtutis exemplis Cives alios, aut Oppidanos antecellant. Ut id obtineri facilius possit, edicimus (1), ut in singulis sodalitatibus Sacerdos aliquis sive Sæcularis, sive Regularis deligatur, in omni pietatis disciplina versatus, vir spectatæ fidei, & a Nobis approbatus, qui Dominicis, Festisque de præcepto diebus in Oratorio vel ante, vel post recitationem Officii parvi Deiparæ Virginis, seu aliarum vocalium precum, vel Missæ celebrationem, super aliquo Evangelii textu brevem ad sodales sermonem habeat, quo illos excitet ad charitatis, veræque pietatis opera alacriter exercenda, ad vitia fugienda, sectandasque virtutes, ad Pœnitentiæ demum, atque Eucharistiæ Sacramenta rite, frequenterque suscipienda: illos præterea doceat conscientiam diligenter excutere, Theologicarum virtutum actus religiose elicere, & Indulgentiarum thesauros ea, qua par est, sedulitate lucrari: eos tandem hortetur, ut sodalitatis leges sancte custodiant; cum res poscit, mutua se juvent ope, mutuisque demereantur officii; frequenter Ecclesias adeant, sacrisque religiose intersint; perpetuum denique vitæ sanctæ institutæ specimen aliis præbeant, ut eorum exemplo reliquus Populus in Christianæ pietatis officiis contineatur.

IX. Præscriptis a Sodalitate Legibus Sodales diligenter obtemperent: Contumaces vero corripiantur, & si opus sit, etiam a Sodalitate, Nobis tamen antea consultis, ejiciantur. Munera Sodalitatis propria nemo recuset, nemo segniter obeat: ad publicas supplicationes non modo acciti, verum etiam ultro, libenterque

(1) Sac. Congreg. Episc. in Salmonensi
16. Maii 1653, Conc. Prov. Mediol. IV.

tit. *Quæ ad Confratres*, Synodus Tusculana anni 1703, cap. 14.

que accurrant : ad funus invitati promptam pio officio operam præstent . Si quæ simultates , si qua contentio inter eos forte exoritur , præsto sint omnes ad eas sedandas , componendasque , & dissidentes in pristinam gratiam reducendos . Sacellum , seu Oratorium , in quod conveniunt , decenti niteat decore , & mundities in eo , ordo , ac Religio dominantur . In Sanctorum , quos peculiari cultu venerantur , diebus festis celebrandis eam animi religionem , ac pietatem ostendant , quæ verum Deo cultum , gratumque obsequium , proximis vero bonorum operum exemplum præbeant . A choreis propterea , saltationibus , comessationibus , comotationibus , scenicis spectaculis , omnibusque profanis , aut illicitis actionibus abstineant . Nulla prorsus ea occasione convivia a Sodalibus , neque propriis , neque Sodalitatum impensis instruantur . Sodalitatum reditus , & pecuniæ in usus vel a regulis præscriptos , vel a Nobis præscribendos erogentur : qui secus fecerint , graves subibunt poenas . In publicis supplicationibus , aliisque sacris functionibus Sodales suo induantur sacco , qui neque sordidus sit , neque usu attritus , aut ita incompositus , ut risum spectatoribus cieat . Nemo sodalitatis vestitus insignibus , huc illuc per Urbis , aut Oppidi plateas , & vicos circumcurrere , multoque minus cauponas , aut tabernas adire audeat : Sin minus , transgressores poena pecuniaria multabuntur .

X. In sodalitatum Oratoriis non , nisi ex Apostolico Indulto , vel si publica sint , nonnisi ex Nostra licentia , Missæ celebrentur , neque in iisdem sepulcra construantur , aut tumuli , in quibus sodalium corpora sepeliantur , nisi peculiaris ad id concessa a Nobis fuerit facultas . Cum ad Nos pertineat in quolibet sodalitie , licet in Ecclesiis Regularium constituto , modum præscribere , qui in pia Fidelium stipe colligenda , custodiendaque adhibeatur ; Interdicimus , ne Nobis irrequisitis , aut non consentientibus , capsula in Oratorio statuatur , multoque minus extra Oratorium ad elemosynas corrogandas circumferatur . Quod si consensus No-

unam in Civitate Vicarius Generalis, in Oppidis vero Vicarius Foraneus; alteram Sodalitatis Prior, aut Praefectus, aut quocumque tandem nomine nuncupetur, apud se custodiendam retinebit. Uterque autem adsit, cum aperienda eadem erit, collectaque pecunia coram utroque numeretur, ac in libro ad id constituto describatur, ut exactius, faciliusque Sodalitatis Praefes, atque Officiales quotannis Nobis rationem peractae reddant administrationis. Sodalitatum Oratoria, Capellae, atque Altaria, quae reparatione indigent, quamprimum reficiantur, sacrarumque vestium, ac rerum, quae ad Missam celebrandam requiruntur, congruo instruantur apparatu. Vasa autem sacra numquam domi apud Laicos, sed in ipsis Oratoriis in scrinio diligenter obseurato custodiantur.

XI. Praescriptis temporibus quotannis sodalitatum Praefides, seu Priores, Administri, & Officiales (1) per secreta suffragia coram Vicario Foraneo in Diocesi, in pleno sodalium coetu deligantur, factaque electio, nisi quid in contrarium obstat, a Vicario Generali confirmetur: secus, nulla, irritaque sit electio. Ad has autem Praefecturas, & munia ii dumtaxat assumantur, de quibus vel diuturno probatis experimento, vel aliunde probe notis, firma spes sit futurum, ut officio suo recte, diligenterque fungantur. Electi vero (2), & a Vicario Generali approbati, & confirmati, collata sibi munera ne respuant sub poena pecuniaria arbitrio Nostro infligenda, ipsique sodalitati applicanda, & sub poena inhabilitatis ad alia quaeque in posterum officia consequenda. Praeterea statim coram Generali Vicario, aut de ejus consensu coram Vicario Foraneo, juramentum praestent de collatis sibi muneribus fideliter administrandis, suisque loco, & tempore ejusdem administrationis ratione tum Sodalibus, tum Nobis, aut Vicario Nostro Generali reddenda. Camerarius vero, aut quicumque alius Officialis, cui sodalitatis pecunias, ac redditus vel exigendi, vel

custo-

(1) Synod. Tusculana anni 1703. c. 14., Clem. *Quia contingit*, de Religiosis domibus, Sac. Cong. Episc. in Bovinensi 11. Augusti 1618., in Bononiensi 11. Augu-

sti 1617., & in Casenatensi 28. Maii 1683.

(2) Synodus Albanensis anni 1687. c. 8., Synodus Sublacensis anni 1674. cap. 36., Synodus Isciana anni 1716. par. 3. cap. 5. §. 10.

cultodiendi, vel erogandi facultas creditur, non eligatur, nisi is, qui vigesimum quintum ætatis suæ annum exlerit, bona stabilia possideat, integraque fama, ac fide apud Cives suos comendetur. Sodalis nullus, qui aliquod in Sodalitate munus per annum obierit, confirmari in eo possit, aut ejus administratio, seu officium prorogari, nisi specialis Nostra, aut Vicarii Generalis obtemperaverit facultas. Quicumque vel ex priore sodalitatæ administratione, vel alio ex titulo pecuniam, aut aliam rem quamlibet sodalitis debet, aut ejusdem bona conduxit; ad nullum, ac præsertim Prioris, vel Camerarii, seu Depositarii munus, nisi soluto prius debito, expletive conductionis tempore, admittatur; Nullus item sodalis eodem tempore duarum sodalitatum fungatur officiis.

XII. Omnes, & singuli cujusvis sodalitatæ redditus a proprio Camerario exigantur, in cujus tamen arbitrio non sit (1) illos in sumptus extraordinarios, quamquam sodalitati utiles, erogare: sed quoties aut domus, ac ædificia sint reparanda, aut prædia, aliaque immobilia bona extraordinariis expensis sint excolenda; si ad id major, quam viginti juliorum, summa requiratur, Officialium omnium consilium, & consensus requiratur omnino; si vero plusquam decem Romana scuta sint expendenda, præter Officialium omnium consensum, Vicarii Nostræ Generalis licentia in scriptis tradenda requiratur: qui secus fecerit, quidquid ultra prædictam summam expensum fuerit, in utroque casu ære proprio Societati rependere teneatur. Camerarius item, aut quivis alius sine Prioris, aliorumque Officialium consensu frumentum, vinum, aliaque hujusmodi ad sodalitatem spectantia, sub pœna decem scutorum, privationis officii, & refectiois damnorum, vendere ne audeat, neque sodalitatæ redditus sive certos, sive incertos in alios, quam in destinatos usus, erogare: absoluto vero suæ administrationis tempore, sodalibus, & Vicario Nostræ Generali,

(1) Synodus Tusculana anni 1723., Synodus Albanen. anni 1687., Synodus Sublacen. anni 1674. locis citatis.

nerali, aut, si impeditus is fuerit, alteri per eundem Generalem Vicarium deputando rationem reddere teneatur: ad quod quidem præstandum, si forte renuerit, omnibus tam juris, quam facti remediis compellatur. In reddenda vero hujusmodi ratione expensis quasculumque legitimis documentis probet: sin minus, illas proprio are rependat. Quoad credita vero fodalitatis, si quæ adhuc perstant, ostendat omnem se diligentiam usque ad expeditionem mandati adhibuisse, ut opportuno tempore exigenterentur: secus, ad damnorum refectionem teneatur. Datis rationibus, quidquid pecuniæ supererit, novis Officialibus tradatur, qui non apud se retinere possint, sed in Sacro Pietatis Monte deponere teneantur, nisi forte tam modica sit summa, ut eam quotidianis expensis necessariam fore, adeoque novis Officialibus eam esse relinquendam Vicarius Generalis arbitretur. Quod si rationum libris rite, recteque perpenſis pateat, Camerarium, aut alium hujusmodi Administratorem aliquid adhuc fodalitati debere, eidem edicatur, ut intra mensem solvat: ni fecerit, Officiorum in quacunque fodalitate sit incapax, & a novis Officialibus, nulla interposita mora, coram Judice ad solvendum adigatur.

XIII. Si qua forte Sodalitas legata aliqua pia certis solvenda temporibus acceptarit; Curent Officiales, ad quos pertinet, ut diligenter huic oneri fiat satis. Meminerint tamen se nova Missarum onera acceptare non posse, nisi peculiarem a Nobis post inaturam rei discussionem obtinuerint facultatem. Quoad subsidia vero dotalia, quæ solvi ab aliqua fodalitate quotannis debent, ut nubere puellæ possint, pia Testatorum voluntas suum omnino fortiaur effectum; quare aliis omnibus, quanquam necessariis, posthabitis sumptibus, antequam puellæ dotem accepturæ seligantur, subsidia dotalia in Sacra Æde, quam Pietatis Montem dicunt, omnino deponantur. Iniquum enim est, ac prorsus indignum, ut expectare diutius, ac suspirare puellæ subsidium illud dotale cogantur, quod iis fortasse est unicum ad onera matrimonii sustentanda levamen. Si sodales igitur in ejusmodi deponenda pecunia
morosi

morosi fuerint; præter alia Juris remedia, illud etiam adjicimus, ut puellæ ejusmodi, quibus destinatum fuerit vel per electionem, vel per fortuitam ex urna extractionem dotale subsidium, Jus habeant in judicio agendi contra Sodales illos, qui electionis, aut extractionis tempore Administratores sodalitatis erant: hi autem a Vicario Nostro Generali ad hujusmodi dotale subsidium e proprio censu solvendum opportunis Juris remediis adigantur.

XIV. Ut sodalitia Tusculanæ Civitatis, totiusque Diœcesis tum quoad disciplinam, tum quoad Œconomicam administrationem viridi legum suarum observantia commendentur; statuimus, ac præcipimus, ut in qualibet sodalitate quatuor adsint libri bene compacti, ac rite dispositi; in quorum primo nomina, & cognomina sodalium, (sive Mulieres sint, sive Viri) servato temporis ordine, quo sodalitio adscripti sunt, recenseantur; in secundo descripta sint, una cum sodalitatis Regulis, & Constitutionibus, decreta, quæ aut ab iis, qui Magistratum gerunt, aut communi sodalium consilio legitime condita sunt, addito anno, mense, & die, quo decretum quodlibet fuerit efformatum; item decreta, edicta, & leges, quæ vel in sacra visitatione, vel quandocunque ab Episcopo fiant quoad ea, quæ ad sodalitatum disciplinam, seu Œconomicam administrationem pertinent; in tertio certi, & incerti Confraternitatis redditus, exactiones, atque exitus pecuniarum accurate adnotentur, adjectis itidem die, & anno, & causa, ob quam facta sit solutio; nec non Syndicorum, & Vicarii Nostri Generalis sententiæ, quibus absoluta administratione, redditaque ratione, Officiales aut absolvuntur, aut condemnantur; in quarto demum describantur bona omnia immobilia, mobiliaque, ac singulæ res, quæ ad sodalitatem quomodolibet spectant, ac declararetur, a quo, & quam ob causam promanarint, legata item pia, eorumque onera, ita tamen, ut locus etiam, & tempus, quibus implenda sunt, explicetur, ac de eorumdem implemento edoceatur. Hi vero libri una cum bonorum omnium inventariis, ejusdem sodalitatis erectionis, aut aggregationis litteris, Indulgentia-

gentiarum Brevibus, Testamentis, Codicillis, Legatis piis, Instrumentis, aliisque cujusvis generis scripturis ad sodalitatem pertinentibus, non in privata domo penes Officiales, sed in particulari Archivio, seu Armariolo, quod clave, & sera optime munitum in Sodalitatis Oratorio, seu Sacratio situm sit, maxima cura, diligentiaque custodiantur. Cum autem Officiales administrationis suae rationem erunt reddituri, de his praecipue scripturis, ac Juribus rationem reddant, & si quid eorum aut deperditum, aut sublatum, aut imminutum reperiatur, eorundem Officialium expensis detrimentum quodlibet inde secutum reparatur.

XV. Quaecumque tandem de rebus Ecclesiasticis alienandis, locandis, in emphyteusim concedendis, de censibus acquirendis, aut extinguendis, de pecuniarum fructifera collocatione, ac de sacra, profanaque suppellectili comodanda in tit. de Bonis Ecclesiae, Locorumque Piorum statuimus inferius, & quae cum in decretis Sacrarum visitationum, tum in ipsis sodalitatis regulis statuta jam sunt, sub poenis in Jure statutis, & arbitrio Nostro infligendis observari disticte praecipimus, ac mandamus,

CAPUT XVIII.

DE DOMIBUS HOSPITALIBUS PAUPERUM PEREGRINORUM,
ET AEGROTORUM.

I. **C**UM in hoc cognoscere debeant omnes, quod Discipuli Christi sumus, si dilectionem habuerimus ad invicem; Probatio autem dilectionis exhibitio sit operis; Hinc Hospitalis Pauperum sive peregrinorum, sive aegrotantium domos Canonicae sanctiones, Imperiales leges, & Sanctorum Patrum dicta tantopere Fidelibus commendarunt. Nostri igitur muneris partes esse ducimus, in id potissimum sedulo, ac diligenter incumbere, ut, quae hujusmodi pia loca in Nostra Diocesi jam sunt instituta, nulla ex parte depereant, ac Fundatorum voluntas non minus exacte, quam religiose impleatur. Has proinde leges statuimus, quas omnino servari mandamus.

II. Pri-

II. Primum itaque reditus omnes domorum hujusmodi, five certi, five incerti, non in alium erogentur usum, quam qui aut foundationis lege, aut diuturna consuetudine præscriptus est. Eorum vero administratio ea sit, quam Clemens V. (1) in Concilio Viennensi sancivit, & mox Tridentina Synodus (2) innovavit. Quod si domus hujusmodi ad certum dumtaxat personarum genus excipiendum erectæ fuerint; tales autem homines in iis locis, in quibus sitæ sunt, vel nulli, vel pauci admodum habeantur; Nostrium erit, uti Tridentina (3) Synodus statuit, duobus Cathedralis Ecclesiæ Canonicis in consilium adhibitis, in aliud pium opus Fundatorum voluntati, quoad fieri potest, proximius, ac pro loco, & tempore utilius convertere, prout expedire magis in Domino judicabimus.

III. Pro qualibet Hospitali domo a Vicario Nostro Generali (vel ab iis, ad quos de jure, vel consuetudine spectat, dummodo Vicarii Nostri Generalis, aut Noster consensus accedat) in Priorem, seu Administratorem vir spectatæ fidei, ac probitatis eligatur, qui bona omnia ad Hospitalalem domum pertinentia administret, ejusque reditus five certos, five incertos exigat, ac recipiat, confecto tamen prius dictorum bonorum, reddituumque inventario, præstitoque in Civitate coram Vicario Generali, in Oppidis vero coram Vicario Foraneo, juramento de iis fideliter administrandis, ac de peractæ administrationis ratione suo tempore coram Deputatis, eodemque Vicario Nostro Generali reddenda. Hic Loci Pii bona, ac jura fideliter administret, strenueque tueatur, atque eorundem usurpatores Nobis, aut Vicario Nostro Generali denunciaret, ut censuris, aliisque Canonicis poenis coerceantur. Curabit is etiam diligenter, ut excolantur prædia pio operi destinata; Ædes, quæ reparatione indigent, reficiantur; & Ecclesiæ, five Capella, si qua forte Hospitali domui sit adnexa, munda sit, ac nitida, sacraque suppellectili fatis instructa. Neque

D d illud

(1) Clement. *Quia contigit*. de religiosis domibus. (2) Trid. sess. 25. de reform. cap. 8. (3) Trid. sess. 25. de reform. cap. 8.

210 CONSTITUTIONES SYNODALES

illud negliget, ut Missarum onera, si quæ in eadem Ecclesia sunt implenda, exacte suis diebus impleantur. Sub excommunicationis pœna piæ domus redditus neque in suos usus convertere, neque in alienos ab instituto erogare audeat: sed quidquid acceperit; exegerit, aut expenderit, in libro bene compacto, & ad hunc usum destinato, diligenter adnotet, ut, cum administrationis rationem erit redditurus, uno ictu oculi acceptum, & expensum videatur.

IV. Qua quidem in re easdem servari leges volumus, quas pro sodalitatum Camerariis, atque Officialibus superius opportune præscripsimus. Si quid autem ex annuis redditibus superesse comperiat; Nostrum erit statuere, ut id juxta foundationis leges in Hospitalis domus commodum, aut in alios pios usus erogetur.

V. Præter Priorem, seu Administratorem, Cultos alter, seu Minister, quem Hospitalarium dicunt, eligatur, qui non modo honestis polleat moribus, multaque in proximos sit instructus charitate, verum etiam providus sit, & sagax, & vigesimum quintum ætatis suæ annum exegerit. Huic Prior coram Vicario Generali in Civitate, & coram Vicario Foraneo in Oppido, totam Hospitalis domus suppellectilem in Inventario accurate descriptam tradet, exigetque ab eo, ut ad Inventarii calcem descriptam in eo suppellectilem a se fuisse receptam fateatur, in cuius rei testimonium proprio se charactere subscribat; quod si scribere nesciat, id aut publico Instrumento, aut sub alia authentica forma fateatur. Hospitalarii munus erit ægrotos hospitio recipere, ac peregrinos, quos tamen non ultra præscriptum a domesticis legibus tempus in Hospitali domo commorari patietur, nisi aut morbi gravitas Medicorum judicio comprobata, aut alia rationabilis causa Vicario Generali in Civitate, Vicario vero Foraneo in Oppidis, abunde perspecta longiorem aliquando exigat moram. Sive peregrinos, sive ægrotos excipiat, nunquam ætate provectiores cum pueris, aut adolescentibus, nisi filios suos esse manifeste docuerint, in eodem lecto cubare permittat. Discretæ autem a viris semper sint fœmi-

fœminæ, nec umquam utriusque sexus homines in eodem cubiculo habitare sinat, etiamsi matrimonio se conjunctos esse affirmant. Quamobrem duo saltem in qualibet Hospitali domo parata, instructaque sint cubilia, quorum unum maribus, alterum fœminis excipiendis destinetur. Noctu autem in quolibet cubili lucerna perpetuo ardeat, ad quam alendam quadrantem unum ii, qui hospitio excipiuntur, solvant, eumque ob finem capsula bene clausa in cubili habeatur, in quam injici pecunia ab hospitibus debeat ad oleum comparandum destinata. Ipse vero Hospitalarius nihil ab iis in sui commodum exigit, imo etiam quidquam vel ultro oblatum ne recipiat. Sacrilegii instar ducat, ullam cum mendicis, qui quæstus causa morbum, aut egestatem simulant, turpis lucri societatem inire, & ob id in Hospitali eos domo recipere.

VI. Cum primum ægrotus quisquam advenerit, in libro ad id comparato diligenter adnotetur nomen, cognomen, patria, ætas, ac res, quæ ad illum pertinent; & si forte in Nosocomio obierit, adscribatur etiam dies, quo vita cesserit. Cum tamen prima semper, & potior cura esse debeat Religionis, ac salutis animarum; in priuo ipso ægroti adventu Parochus moneatur, qui Ecclesiæ Sacramenta eidem, prout opportunum judicaverit, administret. Quod si eadem recipere infirmus renuat, & paterna Parochi monita pertinaciter contemnat; res ad Vicarium nostrum Generalem deferatur, ut pro sua prudentia, & prout in Domino magis expedire judicaverit, æternæ illius animæ salutis consulere valeat. Medicus quoque confectum advocetur, qui ægrotum patienter inviset, & quæ ad depellendum morbum necessaria esse arbitretur, medicamenta præscribat. Ægrotus de rebus suis testari, si velit, pro libito possit. Si quis autem (1) intestatus decedat, ejus bona, si quæ sint, non ad Nosocomium, neque ad Fiscum, sed ad Episcopum deferantur, qui ea vel hæredibus ab intestato succedentibus, vel si ii non extent, aut post ma-

D d 2

turam

(1) L. 9. Friderici II. registrat. in cod. post lib. Feud. sub tit. de Statu, & confirmat. in Constit. Honorii III. *Har leges.*

turam adhibitam diligentiam ignoti adhuc sint, in usum pauperum erogabit. Facinorosos (1) homines arma deferentes, Nebulones, Circulatores, Aleatores, Ebriosos, præstigiatores, blasphemos, aliosque publicos Peccatores Hospitalarius hospitio ne excipiat, exceptos vero, si tales esse deprehenderit, aut si aliter, quam loci Religio postulat, in eo versari viderit, protinus ejiciat. Quod si abire contumaciter renuant, res tota Vicario Generali deferatur, ut opportunum malo adhibeat remedium.

VII. Nunquam Hospitalarius hospitalem domum deferet, sed in ea noctu, diuque commorabitur, ut ægrotantibus, si qui adsint, & adventantibus peregrinis præsto sit. Nocte ingruente, donus portas claudat; illucescente vero die, illas aperiat, sed nonnisi postquam domum inviserit, noveritque nihil eorum deesse, quæ usui fuerint Peregrinis. Postquam omnes abierint, iterum fores claudantur; & interdiu, præter ægrotos, nemo recipiatur hospitio. Curet etiam, ut munda sint cubilia, lecti, totaque suppellex domus. Multo autem diligentius studeat, ut ægroti, & peregrini ea, qua par est, modestia, morumque probitate versentur. Vespere, antequam cubitum eant, una cum iisdem Deiparæ Virginis Rosarium, ac Litanias Lauretanas devote recitet, actusque Fidei, Spei, Charitatis, & Contritionis elata voce pronunciet: mane vero, antequam abeant, eosdem actus, & Litanias Lauretanas una cum iis iterum recitare illum jubemus. Cum pia hujusmodi loca, quæ ad exercendam Christianam Charitatem sunt instituta, nemini perniciofa esse debeant; districtè prohibemus, ne Hospitalarius (2) res, & bona aliis obligata, & executivo Judicis mandato obnoxia in Creditorum detrimentum in Hospitali recipiat domo. Præcipimus etiam, ut, si quis gravis delicti Reus (3) vel in Nosocomium, vel in Xenodochium confugerit, & ejusmodi Asylo abutatur, id Nobis significet, ut Nos, quoties

(1) Sac. Cong. Immunit. apud Riccium in Synopsi V. Hospitalis n. 9.

(2) Sac. Congreg. Immunit. apud Ric-

cium V. *Bona asportata in Eccles.* num. 4.

(3) Ead. Sac. Congreg. apud Riccium V. *Abutens immunitate.*

quoties de Asyli abusu consistet, vel confugam ad alia immunia loca tuto transferamus, vel abire renuentem ad formam Bullæ extrahi jubeamus, in Carceribus Curia Nostre nomine Sacrae Congregationis Immunitatis custodiendum, donec eadem, inspecto ejusdem Curia Nostre processu super abusu Asyli, quid de eo faciendum sit, opportune decernat.

CAPUT XIX.

DE MONTE PIETATIS.

I. **M**ontes Pietatis (1) anno 1450. Perusiæ primum erectos, in quibus, recepto pignore, mutua pecunia, aut frumentum mutuum pauperibus datur ea lege, ut si debitura præfixo tempore non solvant, pignora vendant, & ex eorum pretio Mons Pietatis sortem creditam, & modicum quid ultra sortem recipiat, residuum vero debitori restituatur, Leo X. in Concilio Lateranensi V. (2), Sacro approbante Concilio, licitos esse, atque ab omni usurae labe immunes pronunciavit. Quod enim ultra sortem a mutuataris exigitur, non causa mutui, sed alio exigitur nomine, ac præcipue ut sine Montis detrimento congrua dari possit merces Ministris, qui non sine magno labore pignora custodiunt, excutunt, expendunt, aliaque ejusdem generis multa præstare coguntur. Montes hujusmodi Tridentina Synodus (3) inter loca Pia enumeravit, & Episcoporum Visitationi subjecit. Cum autem periculum semper adsit, ne id, quod a Montium Præfectis, ultra mutuo datam pecuniam, exigitur, expensas superet in Ministrorum sustentationem erogandas; idcirco Sacra Congregatio (4) Concilii, ut quolibet usurae suspicio a Montibus Pietatis quain longe abesset, rescribens ad Archiepiscopum Neapolitanum nihil ultra sortem esse exigendum statuit, nisi

(1) Benedictus XIV. de Synodo Diocesana lib. 7. cap. 48. n. 1.

(3) Trid. sess. 22. cap. 8. de reform.

(2) Leo X. in Concil. Lateranen. V. sess. 10.

(4) Sac. Cong. Concil. 7. Februar. 1637. lib. 15. decret. pag. 501.

nisi consulta prius fuerit Apostolica Sedes, & ab eadem auctarium aliquod exigendi ad necessarias expensas sustinendas facta fuerit facultas. Simile etiam eadem Sacra (1) Congregatio responsum dedit ad Episcopum Adriensem.

II. Duplex est Montium Pietatis genus: alii siquidem ad indigentium levandam inopiam nummos tribuunt, alii vero frumentum suppeditant. Utrique nedum a Magistratu cujusque Oppidi, verum etiam a privatis hominibus erigi licite possunt, dummodo Apostolica Sedis accedat auctoritas, si quid, ultra sortem, ad ministrorum impensas, ac Montium indemnitate, ac tutelam exigendum sit. Cum autem utilissimum esse pauperibus hoc piun opus docuisset experientia; Ut ejusdem securitati consulere-
tur; Constitutionem edidit Paulus V. (2), qua statuit, ut quicumque sub quovis prætecto, aut quæsito colore, etiam cum obligatione restituendi intra breve tempus, pecunias piorum Montium avertunt, aut distribuunt contra, aut præter formam seu in fundatione præscriptam, seu peculiaribus legibus constitutam, ipso facto excommunicationem majorem incurrant, a qua non nisi Romanus Pontifex, excepto mortis articulo, absolvere valeat. Hanc Pauli V. Constitutionem extendi etiam ad eos, qui frumentum in alios usus, quam in pauperum commodum, erogare audeant contra normam in frumentarii Montis fundatione præscriptam, Sacra Congregatio (3) Cardinalium negotiis, & consultationibus Episcoporum, & Regularium præposita declaravit, ejusque declarationem Urbanus VIII. approbavit, confirmavitque.

III. Episcopalem Pietatis Montem, qui mutuum, recepto pignore, pauperibus dat pecuniam, quam tamen sine ullo auctario sibi reddi postulat, Nostra hæc Diœcesis habet in Tusculana Civitate constitutum. Erectus hic fuit anno 1566. auctoritate ordinaria Alexandri Cardinalis Farnesii tunc Episcopi Tusculani ex pecunia, quam eum in finem Tusculanus Civis in suo legaverat testa-

(1) Sac. Cong. Conc. 14. Martii 1637. lib. 14. decr. pag. 501.

(2) Paulus V. Con-

stitut. edita 5. Feb. 1615.

(3) Sac. Cong. Episc. 14. Feb. 1632.

testamento condito die 5. Februarii anni 1560. Pium hunc locum pro temporum varietate opportunis legibus muniverunt Successores Episcopi, quos inter peculiari dignus est laude Marcellinus Cardinalis Corradinus: Sapientissimas enim leges condidit, quibus negotia hujus Montis bene administrarentur. Easdem, cum Sacra Visitatione Civitatem lustraremus, approbavimus, optimeque descriptas in dicto Monte affigi iussimus. Eas nunc iterum confirmamus, & vim habere volumus Synodaliū Constitutio-
num, ac proinde in Synodi Appendice num. 19. illas adjiciemus.

IV. Tres Mons iste Tusculanus Ministros habet, qui rem totam, quamdiu Episcopo visum fuerit, curant, & administrant; Gubernatorem videlicet, Depositarium, ac pignorum aestimator-
rem. Hi ad munus, quod gratis exercent, ab Episcopo deliguntur, cui etiam, aut Generali ejus Vicario exactam quotannis rationem reddunt administrationis. Ut autem gravia præcaveantur incommoda, quæ fidelem, rectamque piorum hujusmodi locorum curam, & administrationem alicubi labefactant, decernimus, ut dicti tres Officiales in Officio capeffendo, jusjurandum interponant, quo se fideliter, diligenterque munus suum obituros, præscriptas exacte observaturos regulas, & rationem quotannis gesti muneris Episcopo, aut Vicario ejus Generali reddituros polliceantur (1). Idoneam præterea exhibeant cautionem, qua Loco pio integrum maneat, quidquid fortasse vitio suo in administratione perierit. Arca, in qua custoditur pecunia, sive quæ ad Montem pertinet, sive quæ depositi loco tradita Monti est, duabus obseretur clavibus, quarum unam Gubernator, Depositarius alteram apud se retinebit, ne videlicet ab eorum altero sine alterius consensu, præsentiaque referari possit. Idem servari volumus quoad Montis fores, quas eodem modo duabus diversis clavibus occludi jubemus. Cum in egenorum commodum Mons fuerit

(1) Vide Decretum editum 12. Junii 1688. in visitatione a Cardinali Franzono Episcopo Tusculano, quod extat in

calce Synodi Tusculanæ ab eodem Cardinali Franzono celebratæ 1688.

fuert institutus ; hi autem per hebdomadam sive rusticis , sive mechanicis laboribus occupati non nisi diebus Festis accedere ad Civitatem possint ; præcipimus , ut dicti tres Officiales Montis quolibet Dominico die mane per horam integram, quo tempore Conventualis Missa in Cathedrali Templo cum cantu celebratur, apertis foribus in Monte adsint , pignora ab adventantibus pauperibus accepturi , & mutuam ipsis daturi pecuniam . Caveant , ne plus nummorum cuiquam dent mutuam , quam per leges Montis licet , neve quibus non licet : solis autem pauperibus , qui vel Tusculani , vel ex Diœcesi sint , mutuam dare liceat pecuniam . Ne quid Monti depereat , non nisi pignora , quorum pretium datam mutuo pecuniam duplo superet , recipiant : datum vero semel pignus nunquam commutari sinant . Ne data pignora situ , ac pulvere sordeant , & corrumpantur , eadem singulis mensibus explicari , atque excuti curent . Nemo alteri partes suas deleget , sed munus quisque suum ipse per se diligenter exequatur . Intra mensem ab expleto munere rationem reddant : in ea autem exigenda in librorum accepti , & expensi , ac rationum , & tabularum cognitores eligantur viri integri , rerumque excutiendarum periti , a quibus accuratum ad Justitiæ tramites examen instituatur . Qui muneribus , atque administratione decedunt , de statu rerum omnium ad Montem quovis modo spectantium successores admoneant , quibus etiam libri , bonorum inventaria , accipiendorum nummorum Sygraphæ , cæteraque cujusvis generis documenta tradantur . In recipiendis pignoribus , mutuaque tribuenda pecunia , quemadmodum & in iis pignoribus auctionandis , & præconis voce dividendis , quæ intra annum redimere Domini neglexerint , ea omnia servantur , quæ suis legibus , quarum superius mentionem fecimus , servari Cardinalis Corradinus mandavit .

CAPUT XX.

DE BONORUM ECCLESIASTICORUM ADMINISTRATIONE,
TUTELA, ATQUE IMMUNITATE.

QUamquam Deus Optimus Maximus, cuius est (1) orbis terrarum, bonorum nostrorum non egeat, quæ nobis omnia ipse largiter donavit; eorum tamen partem (2) vel minimam, ab hominibus sponte oblatam, non dedignatur accipere, ita ut minuta quæque, pilosque (3) ipsos caprarum ineffabili miseratione non respuat. At quidquid ei consecratum semel fuerit, sanctum semper Domino erit, neque sine immani scelere a quoquam usurpari in suos, aut in alienos usus potest. Plura in huiusmodi bonorum usurpatores divinæ ultionis exempla a sacris Literis accepimus: In tanti enim criminis poenam Balthasarem (4) inopinatæ addictum cædi, Antiochum (5) tristitia, vermicibus, ac fœtore consumptum, & Heliodorum (6) calcibus elisum, flagellis cæsum, circumfusus caligine, raptumque per aera nobis eadem repræsentant. Nos itaque optime intelligentes non modo a iustitia, verum etiam a Religionis virtute præscribi, ut bona quælibet, ac jura ad externum Dei cultum, Templorum nitorem, sacrorum Ministrorum alimenta, aliorumque piorum operum conservationem Deo a Fidelibus oblata, summa diligentia administrantur, mira que dexteritate custodiantur; Synodales hæc Constitutiones, quas ad id opportunas arbitramur, ex Pontificiis Constitutionibus, aliisque Ecclesiasticis legibus excerptas statuimus, exacteque in posterum servari mandamus.

II. Primum itaque celeberrimum illud Tridentinæ Synodi decretum in omnium memoriam revocamus, quo in bonorum Ecclesiasticorum usurpatores ita statuitur: *Si quem Clericorum,*

E c

vel

(1) Psalm. 23. v. 1.

(4) Daniel. c. 5. v. 5.

(2) Num. c. 18.

(5) Machabæorum c. 6. v. 12.

(3) Exodi cap. 25. v. 4.

(6) Machabæorum c. 3. v. 25.

vel Laicorum, quacumque is dignitate, etiam Imperiali, aut Regali (1) praevalgat, in tantum malorum omnium radix cupiditas occupaverit, ut alicujus Ecclesie, seu cujusvis Secularis, aut Regularis beneficii, Montium pietatis, aliorumque piorum locorum jurisdictiones, bona, census, ac jura, etiam feudalia, & emphyteutica, fructus, emolumenta, seu quascumque obventiones, quae in ministrorum, & pauperum necessitates converti debent, per se, vel alios, vi, vel timore incusso, seu etiam per suppositas personas Clericorum, aut Laicorum, seu quacumque arte, aut quocumque quaesito colore, in proprios usus convertere, illosque usurpare praesumpserit, seu impedire, ne ab iis, ad quos jure pertinent, percipiantur; is anathemati tamdiu subiaceat, quamdiu jurisdictiones, bona, res, jura, fructus, & redditus, quos occupaverit, vel qui ad eum quomodocumque, etiam ex donatione suppositae personae, pervenerint, Ecclesiae, ejusque Administratori, sive Beneficiario integre restituerit, ac deinde a Romano Pontifice absolutionem obtinuerit. Quod si ejusdem Ecclesiae patronus fuerit, etiam jure patronatus, ultra praedictas penas, eo ipso privatus existat. Clericus vero, qui nefanda fraudis, & usurpationis hujusmodi fabricator, seu consentiens fuerit, eisdem penis subiaceat, nec non quibuscumque beneficii privatus sit, & ad quaecumque alia beneficia inhabilis efficiatur, & a suorum Ordinum executione, etiam post integram satisfactionem, & absolutionem, sui Ordinarii arbitrio suspendatur. Hanc autem excommunicationem majorem Romano Pontifici reservatam, & ipso facto incurrendam, quam adversus usurpantes Ecclesiastica bona Tridentina Synodus inflixit, infligere quotannis, sibi specialiter modo reservare in Bulla Coenae Romani Pontificis solent.

III. Præterea ii omnes, ad quos pertinet, illud omni vi, studioque contendant, (2) ut Ecclesiasticorum bonorum gubernatio viris providis, idoneis, ac boni testimonii committatur, qui sciant, velint, & valeant loca, bona eorum, & jura utiliter regere, & eorum

(1) Trid. sess. 23. cap. 11. de reform. relatus in Clement. *Quia contingit*, de religiosis domibus.
 (2) Clemens V. in Concilio Viennensi,

rum proventus, & redditus in personarum miserabilium &c. usum fideliter dispensare, & quos in usus alios bona prædicta convertere præsumptio verisimilis non existat. Quicumque vero Ecclesiarum, piorumque locorum curam, atque administrationem suscipiunt, ex decreto Concilii Viennensis (1) instar Tutorum, & Curatorum juramentum præstare de fideliter administrando, de locorum ipsorum bonis inventaria conficere, & Ordinariis, seu aliis, quibus loca hujusmodi subsunt, vel deputandis ab eis, quotannis de administratione rationem reddere teneantur.

IV. Cum res, & bona Ecclesiasticis, sacrisque usibus addicta, peccatorum pretium, & Christi, ac pauperum patrimonium in Sacris Canonibus (2) nuncupentur; Recta ratio suadet, ut perpetuo in Christi serventur ærario, adeoque summa religione, integritate, diligentiaque administrantur. Propterea sub gravissimis per Sacros (3) Canones, ac Pontificias Constitutiones statutis pœnis districtè interdiciamus, ne Ecclesiarum, Beneficiorum, locorumque piorum Rectores, Possessores, Administratores eorundem bona immobilia, aut mobilia pretiosa, quæ servando servari possunt, vendere, alienare, vel quomodocumque obligare, etiam cum clausula *reservato beneplacito Apostolico*; quatenus opus sit, nisi vere idem beneplacitum prius acceperit, præsumant. Mobilia vero non pretiosa, (4) aut quæ servando servari non possunt, aliaque, etiam immobilia, sed modici valoris, cujusmodi sunt prædiola, & vineolæ, quæ viginti quinque ducatorum, vel quadraginta circiter Romanorum scutorum valorem non excedunt, ac proinde auctoritate Ordinaria alienari de jure possunt, sine Nostra, vel Vicarii Nostri Generalis licen-

E c 2

tia

(1) Clemens V. in Concil. Viennens. loco citato.

(2) Benedictus XIV. Const. 29. *Universalis* Bullarii tom. 1., & de Synodo lib. 7. c. 2, num. 10.

(3) Cap. *Nulli*. de rebus Ecclesiæ non alienandis; Paulus II. in Extrav. *Ambi-*

tiosa. de rebus Ecclesiæ non alienandis; Urbanus VIII. Const., quæ incipit: *Romanus Pontifex*.

(4) Can. *Hoc jus*. caus. 10. qu. 2., & Can. *Terrulas*. caus. 12. qu. 2., Sac. Cong. Concil. 11. Januar. 1596., & in Messanen. 14. Decemb. 1613.

tia in scriptis prius obtenta distrahere, permutare, aut quomodolibet obligare ne audeant sub pœnis nullitatis contractus, aliisque arbitrio Nostro infligendis. Nomine rerum, ac bonorum Ecclesiæ, quæ alienari, aut quomodocumque distrahi prohibemus, intelligimus etiam jurisdictiones, census, jura sive feudalia, sive emphyteutica, actiones, nomina debitorum, servitutes activas, exemptionem a servitutibus passivis, redditus, emolumenta, obventiones, decimas, primitias, canones, livellos, prædia, aliaque bona, quæ ad Montes Pietatis, ad Hospitalia, ad Monasteria sive Virorum, sive Mulierum, aliaque Loka Pia pertinent, vel piis usibus sunt destinata. Sub alienationis vero vocabulo complectimur contractus omnes, oppignoraciones, hypothecas, & pacta quælibet, per quæ dominium Ecclesiæ sive directum, sive utile, vel usufructus, vel jus, in alterum transferatur.

V. Bonorum Ecclesiasticorum Administratores, ipsique Beneficiati ex Ecclesiarum, seu suorum Beneficiorum (1) vineis, viridariis, ac sylvis vites, quercus, arbores, aut quid simile fructiferum, quocumque prætextu succidere, aut evellere non audeant sub pœnis in *Extrav. Ambitiose* contentis. Excipimus tamen ab hac prohibitione sylvas (2) cæduas, nemora, arundineta, aliasque arbores, quarum fructus fere totus in earum succisione situs sit, quæ succisæ renascuntur, & quarum succisione nulla ratione fundus sit deterior, quemadmodum excipiuntur etiam argillæ, aut alterius materiæ fodinæ, quarum sola effossio utilis Domino est: rerum enim istarum succisio, & effossio inter prædiorum fructus recensentur, de quibus disponere licet. At in iis etiam casibus, in quibus cædendæ sint arbores, quas infructiferas esse contenditur, licentia Nostra requiratur, quam concessuri non erimus, nisi Nobis constiterit, & arbores vere esse

(1) *Extrav. Ambitiosa*. de reb. Eccl. non alien. §. Si Titius. Instit. de rer. divisione; L. Adco. ff. de acquir. rer. dom., L. Aequissimum. §. Ususfructus, ff. de usufr.

(2) L. Sylva cædua. ff. de V. S., & L. Divortio. §. Si vis. ff. soluto Matrimonio.

else infructiferas, & nullum ex earum succisione neque tunc, neque in posterum, vel Ecclesiæ, vel Beneficio, vel alteri pio operi detrimentum esse obventurum. Quibuscumque etiam dictorum bonorum Colonis interdicens, ne sine Rectorum, aut Procuratorum licentia fructus colligere, aut collectos triturare audeant, aut ab areis, aliisve locis, nisi facta prius eorum cum Dominis partitione, amovere.

VI. Cum transactiones sint species quædam alienationis, in iis enim semper ex utraque parte aliquid datur, & aliquid accipitur; Idcirco severe, & sub pœna nullitatis, aliisque Canoniciis pœnis interdicens, ne jurium, rerumque Ecclesiasticarum, de quibus controversia oriatur, transactiones fiant, nisi impetrata prius Apostolicæ Sedis, aut Nostra in casibus a Jure permissis facultate, servatisque iis, quæ a Jure Canonico (1) servari jubentur. Præcipimus etiam, ne quis sine legitima causa, Nobisque non consultis repudiare audeat hæreditates, donationes, ac legata, quæ piis locis fiant, etiamsi a conditione futura, & ut ajunt, eventuali pendeant. Si Ecclesiæ, aut loci Pii Rector, seu Administrator secus egerit, a Nobis cogetur ære suo reparare, quidquid detrimenti ex ejusmodi repudiatione in Ecclesiam, aut locum pium redundaverit.

VII. Quod si evidens Ecclesiæ, aut Loci Pii seu necessitas, seu utilitas postulet, ut aliqua ejusdem bona alienentur; Nemo (2) adhuc sine Apostolico beneplacito, aliisque solemnitatibus a Jure præscriptis alienare præsumat, nisi gravissimas a Sacris Canonibus præscriptas subire malit pœnas. Quamquam vero si quis hæreditatem suam certis gravatam debitis Ecclesiæ, aut Pio Loco reliquerit, aliqua hujusmodi hæreditaria bona sine præscriptis solemnitatibus alienari possint, ut defuncti Testatoris debitis fiat satis; in eo enim casu dicta bona non sunt Ecclesiæ, aut

Pio

(1) Cap. Statutum. de transactionibus.

Ambrosio. eod. tit., & Trident. sess. 25.

(2) Cap. Cum Laici. de reb. Eccles. non alien., Clem. 1. eod. tit., Extrav.

cap. 11. de reform.

Pio Loco incorporata, cum per additionem hæreditatis nonnisi ea bona hæredi acquiri (1) censeantur, quæ deducto ære alieno superfluent; Apostolicum tamen Beneplacitum ad alienationem omnino requiritur, quando bona (2) jam sunt Ecclesiæ, aut Pio Loco plene incorporata. Sic etiam quamquam sine solemnitatibus, & sine Apostolico privilegio aliqua res Ecclesiæ in aliam transmutari possit, puta calix vetustus in Crucein, sylva inutilis in Olivetum, vinea deserta in pratum &c, ea enim non est vere alienatio, ac distractio, sed mera in rem utiliore, magisque necessariam commutatio; Non tamen Clericus sine Episcopi licentia patrimonium suum (3), ad cujus titulum Sacris est insignitus Ordinibus, alienare potest, etiam si ab eodem Clerico in patrimonii locum beneficium ad congruam sustentationem sufficiens subrogetur.

VII. *Sicut Ecclesia perpetua Religionis, Et Fidei Mater est; ita decet, ut ejus Patrimonium jugiter servetur illasum*; ut optime Leo Imperator (4) ajebat. Quapropter Beneficiatis, & quibuscumque Bonorum Ecclesiasticorum Administratores sub interminatione divini Judicii præcipimus (5), ne ipsorum culpa, aut incuria ædificia, quæ ad Ecclesias, seu Loca Pia spectant, ruinam, aut detrimentum patiantur, sed facta tecta custodiantur, & si reparatione indigeant, opportune reparentur; prædia vero, si inculta fuerint, excolantur; alienata vindicentur; possessa augeantur; periculo obnoxia defendantur; deperdita demum, in judicio instructa lite, recuperentur. Si qui sint morosi Ecclesiarum, Locorumve Piorum debitores, adhibitis opportunis juris, factique remediis, ad debiti solutionem compellantur. Quod si decursu temporis comperiat, Administratoris alicujus culpa Ecclesiæ bona deperiisse; aut aliquem Ecclesiæ debitorem suo quidem tempore fuisse solvendo, sed non adhibita tunc adversus illum opportuna

ab

(1) L. *Subsignatum*. §. *Bono*. ff. de V.S.

(2) Sac. Cong. Concil. in una Salutatoria 20. Septemb. 1624. lib. 17. Decret. pag. 103.

(3) Sac. Congregat. Concilii 16. Aprilis

1622. lib. 4. decretor. pag. 231.

(4) Leo Cæsar in L. *Jubemus* 14. cod. de Sacros. Ecclesiis.

(5) Can. 1., & seq. caus. 16. qu. 6., & cap. 1. de præscript.

ab Administratore diligentia, solvendo imparem mox factum fuisse; damna quæcumque Ecclesiis, aliisve locis Pii illata proprio administratoris ære refarciantur, quemadmodum Tutoribus (1), publicisque Procuratoribus Jura diserte præscribunt. Canonici vero, ac Beneficiati Nostræ Cathedralis Ecclesiæ solemnibus juramenti meminerint, quod in Beneficiorum, ac Præbendarum possessione capienda emiserunt, & quo polliciti sunt, *se suorum Canoniatuum, ac Beneficiorum bona, res, & jura pro viribus suis semper defensuros, & dolum, vel fraudem aliquam in præjudicium, vel damnum Cathedralis Ecclesiæ, illiusque bonorum non commissuros, nec committenti consensuros.* Quare omni fide, indultiaque res, & jura Beneficiorum suorum male alienata recuperare pro viribus conentur, & Nos, quoties hujusmodi sese offert occasio, de re tota certiores faciant, ut juris remedia opportune adhibere valeamus, neque super iisdem litibus, aut causis, uti superius diximus, ad ullam compositionem, aut transactionem, Nobis inconsultis, audeant devenire. Ejusmodi autem juramentum non modo ab Ecclesiæ Cathedralis Canonicis, ac Beneficiatis, verum etiam ab omnibus, & quibuscumque Beneficium quodlibet obtinentibus emitti volumus coram Vicario Nostro Generali, aut coram alio ab eo, vel a Nobis deputato, cum primum suorum beneficiorum capient possessionem.

IX. Cum bonorum Ecclesiasticorum locatio (2) ultra triennium utile in jure esse alienatio censetur, adeoque sine Apostolico Beneplacito sub pœnis in Extravaganti *Ambitiose* contentis fieri nequeat, duo hic declaramus: Primum nomine triennii utilis tres fructuum annos intelligi: quare si fructus semel dumtaxat biennio quolibet ex fundo locato percipiantur; jam sine Apostolico Beneplacito ad sex annos locari fundus (3) poterit, ut trina fru-

(1) L. Si Tutor. ff. de administrat. Tutor., & L. Missi opinatores. cod. de exact. gribut. lib. 10.

(2) Cap. Nulli liceat, & cap. Ad au-

dientiam. de reb. Eccles. non alienandis.

(3) Rota Romana in Tiburtina Affectus 19. Junii 1643.

224 CONSTITUTIONES SYNODALES

fructuum collectio, adeoque triennium utile habeatur. Declaramus deinde, illicitam esse, atque invalidam dolosam illam locationem ad triennium, quæ sub ea conditione fit, ut si ultimis mensibus partes quiescant, & nihil innovent, nova locatio ad aliud triennium facta censeatur, & sic deinceps: quare qui hoc pacto locationis contractum super Ecclesiasticis bonis sine Apostolico Indulto ineunt, pœnas procul dubio in eadem Constitutione *Ambitiosæ* (1) statutas incurrunt. Elapso itaque triennio utili, Beneficiati, & Ecclesiarum Rectores, seu Administratores nullo modo patiantur Conductores tacite in conductione perseverare, sed vel a re conductæ expellant, vel per publicas scripturas locationem ad aliud triennium stipulentur: qui secus fecerint, pœnas subibunt arbitrio Nostro infligendas.

X. Ut autem Ecclesiis hæ bonorum locationes prosint, volumus, ac mandamus, ut ne ad triennium quidem fiant, nisi publicis edictis, dataque omnibus libera conducendi facultate, ut ea offerentis conditio eligi possit, quæ melior, atque utilior videatur. Oblationum autem, quæ tradentur, schedulæ aperiantur coram Capitulo, si bona ad Canonicos, aut Beneficiatos Nostræ Cathedralis spectent, ad formam Capitularium Constitutionum; coram Vicario vero Generali, aut Vicariis Foraneis locorum, si bona sint vel Parochialis Ecclesiæ, vel Beneficiorum simplicium, vel Confraternitatum, aliorumve piorum locorum: plus vero offerenti locatio decernatur, qui tamen idoneam dabit fideiussionem, si solvendo minus par esse videatur. Si secus fiat, Canonicus, Rector, Beneficiarius, sive Administrator pœnam pecuniariam arbitrio Nostro luet, illi applicandam Ecclesiæ, cujus bona, non servata hac forma, locaverit.

XI. Locationes rerum Ecclesiasticarum ultra triennium utile
(idem

(1) Extrav. *Ambitiosæ*, cit. Trident. sess. 25. de reformat. cap. 11., Clement. 1. de rebus Ecclesiæ non alienandis, cap. *Ad audicantiam*. eod. tit., cap. *Quere-*

lam. ne Prælati vices suas &c., cap. *Si gratiosæ*. de rescriptis in 6, l. 4. ff. locati, & conducti.

(idem de earum alienationibus dicendum est) factæ (1) cum clausula *reservato Apostolico assensu* nullæ sunt, & invalidæ, si ante Apostolici Indulti concessionem possessio earundem rerum conductori tradatur; aut si in locationis contractu clausula *Constitutum* apponatur, quæ (2) vim habet transferendi in conductorem possessionem rei locatæ. Imo & concedentes, & possessores, tamquam intrusi, excommunicationis poenam in Pontificiis Constitutionibus constitutam subeunt. Nullas (3) etiam, & invalidas Tridentina Synodus eas locationes declaravit, quibus, representata pecunia, & anticipatis solutionibus, res Ecclesiasticæ in Successorum perniciem privata auctoritate locantur; neque lapsu temporis convalidari eadem possunt, nisi notoria Ecclesiæ necessitate exigente, præviaque Nostra licentia, initæ fuerint.

XII. Ecclesiarum, Oratoriorum, aliorumve locorum Piorum Administratores pecuniam Ecclesiæ, seu loci Pii, cujus administrationem gerunt, aliave ejusdem bona in proprios non convertant (4) usus, etiamsi animum habeant omnia integre solvendi, aut suo tempore restituendi; imo ne aliis quidem, quicunque ii sint, mutuo dent, etiam accepto pignore. Qui secus fecerint, gravibus multabuntur poenis, atque ab omni Ecclesiasticarum rerum administratione statim amovebuntur. Sub nullitatis poena (5), aliisque gravibus arbitrio Nostro imponendis districte prohibemus, ne res Ecclesiasticæ locentur, multoque magis, ne dentur in emphyteusim iis, qui sunt consanguinei, aut affines usque ad tertium gradum inclusive Beneficiorum, Rectorum,

F F

Admi-

(1) Cit. Extravag. *Ambrosiense*; Urbanus VIII. Const. *Humana salutis*. 51. §. 2., decreum Clementis VIII. ad Archiepiscopum Neapolit. 17. Dec. 1599.

(2) L. *Quidam*. ff. de rei vindic.

(3) Trid. sess. 24. de reformat. cap. 11., & Can. *De precariis*. caus. 10. qu. ., Sac. Congr. Concil. in Parmen. 7. Octobris 1602. ad 4.

(4) Cap. *Cum Laicis*. de reb. Eccles. non alienandis, cap. 2. ne Clerici, vel. Monachi; S. Carolus in Conc. Province Mediol. II. hoc tit.

(5) Alexander VII. Const. *Suprema*. 23. April. 1657., Sac. Cong. Concil. in Parmen. 7. Octob. 1602., & de mandato Alexand. VII. 15. Dec. 1663.

226 CONSTITUTIONES SYNODALES

Administratorum, vel Patronorum, etiam per suppositas personas, vel nomina, nisi Nostra in scriptis accesserit licentia, quam sane largituri non erimus, nisi id in evidentem Ecclesiæ, aut loci Pii utilitatem cedere deprehenderimus. Bona Ecclesiastica (1), quæ valorem excedunt quinquaginta scutorum, non dividantur in partes, ut facilius alienationis licentia impetrari possit, neque eorum locationes, contractus emphyteuci, & concessionibus ad meliorandum fiant cum Dominis finitimis, ne eorum confundantur confinia, & inde jurgia, ac lites exsurgant. Quod si id fieri vel necessitas cogat, vel suadeat utilitas, Nostraque accesserit licentia, in contractus instrumento agrorum fines exactissime describantur.

XIII. Bona Ecclesiastica, quæ in emphyteusim jam dari consueverunt, sine novo etiam Apostolico indulto in emphyteusim (2) iterum dari permittimus, dummodo tres istæ servantur conditiones, 1. ut vel per duas alienationes emphyteuticas cura quadraginta annorum lapsu, vel per unam solemniter factam probetur in Nostra Curia dari in emphyteusim consuevisse ea bona, de quibus quæstio est. 2. ut dicta bona non sint iterum Ecclesiæ unita, & ut ajunt, incorporata. 3. ut non aliter in emphyteusim dentur, quam dari consueverunt, meliorata videlicet Ecclesiæ conditione. Præterea si bona ejusmodi Ecclesiastica in emphyteusim concessa, per caducitatem ad Ecclesiam fuerint devoluta; Nullo pacto (3) Beneficiati, atque Administratores, Nobis inconsultis, audeant caducitatis poenam remittere, nisi Canonicam subire velint animadversionem. Nefas enim est, ut etiam in iis acquirendis, quæ ipso jure transeunt, ullum Ecclesiæ, aut loco Pio afferant detrimentum. Nulli pariter liceat, siue Ecclesiæ, aut loci Pii Rector sit, siue Administrator, sine Nostra in scriptis impetrata facultate

(1) Sæc. Congreg. Concil. in Parmen.
7. Octob. 1562.

(2) Extravag. *Ambrosio* cit.

(3) Urbanus VIII. in Const. *Humanae salutis*. 1. Novemb. 1623., & L. fin. cod. de Sacrosanctis Ecclesiis.

facultate mobilia Ecclesiæ bona, ac præsertim vasa sacra oppignorare; quam tamen facultatem concessuri nunquam erimus, nisi gravissima, nec alia ratione reparabilis urgeat necessitas.

XIV. Ut autem nulla prorsus Ecclesiis, aut Locis Piis in emphyteusis concessione fraus fiat; obsequentes mandato (1) Concilii Romani habiti sub Benedicto XIII., præcipimus 1. ut immobilia quæcumque Ecclesiarum, cæterorumque piorum locorum bona numquam in emphyteusim, etiam non perpetuam, concedantur, nisi evidens plane, & quæ in Nostra Curia probeatur, concurrat earumdem Ecclesiarum, vel piorum locorum utilitas, aliaque omnia servantur, quæ in Extravag. *Ambitoso* demandantur, ac præterea nisi Nostrum emanaverit decretum, cui hæc semper adjungetur clausula, *ut concessio in emphyteusim fiat absque spe renovationis, & ut expleto concessionis tempore, bona ipsa cum suis membris, juribus, & pertinentiis universis, necnon & melioramentis desuper pro tempore quomodolibet factis, ad Ecclesias, & loca pia, ad quæ ex directo dominio pertinent, ad eorum dispositionem pleno jure, atque omnino libera, vacua, & expedita relinquuntur.* 2. Ne hujus in emphyteusim concessionis occasione aliquid pro laudemio, seu primo, ut ajunt, ingressu a quoquam recipiatur, ex quo Ecclesiæ, piisque locis præjudicium fiat, vel justus annui canonis valor decrescat, aut imminuatur: si secus fiat, contractus sit ipso jure nullus. 3. ne, completo concessionis tempore, aut alio adveniente devolutionis casu, emphyteusis ad ejusdem emphyteutæ, suæve familiæ, vel hæredum favorem renovetur, nisi rite, & recte probata, uti superius diximus, legitima ad sit consuetudo renovandi, aut nisi Apostolica ad id Indulta, seu Privilegia expresse concessa reperiantur. Volumus enim, ut Ecclesiis, locisque piis quibuscumque liceat bona alias in emphyteusim concessa, & inde devoluta, pro se, si velint, libere retinere, propriisque aliis bonis incorporare, nec ullo jure a quoquam sub quovis prætextu, seu ex quacumque causa ad concessiones

Ff 2

fiones

(1) Conc. Rom. tit. 19. cap. unic.

fiones renovandas cogi possint; salva tamen Alexandri III. Constitutione (1), ubi ex æquitate dumtaxat terras illas, quæ de sylvis extirpatis sunt arabiles factæ, sub annuo censu iis hæreditario jure iterum tradi posse indulget, a quibus ipsas suo, vel parentum suorum labore constiterit fuisse extirpatas, nisi forte aliis possent cum majori utilitate concedi.

XV. Cum ad Ecclesiastica bona a sacrilegis usurpatorum manibus vindicanda, & primævo suo, legitimoque juri restituenda plurimum prosit bonorum eorundem tum mobilium, tum immobilium Inventarium rite, diligenterque concinnatum; Idcirco inhærentes Constitutioni Sixti V. editæ anno 1587., ac decreto Concilii Romani *tit. 12. cap. 1*, sub pœnis in eodem Concilio Romano statutis, videlicet interdicti contra Capitula, & Collegia, suspensionis contra Clericos Sacris Ordinibus initiatos, & excommunicationis contra Laicos, & reliquos Clericos in minoribus constitutos, Capitulis, & Collegiis, atque Ecclesiarum, ac Beneficiorum etiam simplicium, & de Juræ patronatus Rectoribus, omnibusque Hospitalium, Confraternitatum, Congregationum, cæterorumque locorum quomodolibet etiam exemptorum Administratoribus districte præcipimus, ut infra annum ab hujus Nostræ Synodi promulgatione, bonorum omnium quavis ratione ad eadem Capitula, Collegia, Ecclesias, Beneficia, Hospitalia, Confraternitates, & Congregationes pertinentium, quorum cura ipsis seu in communi, seu in particulari commissa reperitur, legale Inventarium perficiant, perfectumque Nobis exhibeant in Archivio Nostro Episcopali servandum, cujus tamen exemplar aliud authenticum apud se retineant in particulari cujuslibet Ecclesiæ, aut Loci Pii Archivio collocandum. In eo autem perficiendo Inventario methodus, atque instructio servetur, quam a Concilio Romano præscriptam damus in Appendice num. 20. Quod si alias hujusmodi legale Inventarium exhibitum, & collocatum in Nostro Episcopali Archivio fuerit, iidem, quos

supra

(1) Cap. *Ad aures*. de rebus Ecclesiæ non alienandis.

superius recensuimus, diligenter inquirent, an præhabitis Ecclesiasticis bonis aliqua facta fuerit accessio, aut imminutio, eamque Nobis authenticam intra præscriptum tempus exhibeant, ut una cum præcedente Inventario in eodem Nostro Episcopali Archivio collocari possit. Ino quoniam temporis successu rerum facies, & ordo immutari solet, volumus, & mandamus, ut singulis saltem decenniis inventaria huiusmodi renoveantur. In singulis præterea Ecclesiis Archivium constituatur in loco apto, & bene clauso, ubi libri, scripturæ, atque hæc inventaria custodiantur cum eorum omnium indicibus, quæ in his Archivis collocata fuerint. Qua quidem in re servetur etiam methodus, & ordo a Concilio Romano præscriptus, quem in Appendice damus sub num. 21.

CAPUT XXI.

DE REALI ECCLESIASTICORUM, SIVE MOBILIIUM,
SIVE IMMOBILIIUM BONORUM IMMUNITATE.

CUM præcepto suo Christus Dominus reddi iusserit, *quæ sunt Cæsaris, Cæsari, & quæ sunt Dei, Deo; Et cum semel* (1) *Deo dicatum, non sit ad humanos usus ulterius transferendam*: Optimo sane jure Sacri Canonici declararunt, *Ecclesias, (2) Ecclesiasticasque personas, ac res ipsarum, non solum jure humano, quin & divino a Sacularium personarum exactionibus esse immunes. Cur autem non faciamus, ut hac in re expresse inquit Justinianus Imperator* (3), *inter res divinas, & humanas discrimen? cur competens prærogativa cælesti favori non conservetur?* Nos itaque solliciti, prout expedit, providere volentes, ne quis in Nostra Dioccesi temerario ausu realem hanc Ecclesiasticorum, sive mobilium, sive immobilium bonorum Immunitatem (de hac enim nunc duntaxat loquimur) sive directe, sive indirecte lædat; edicimus, non li-

cere

(1) Cap. *Semel*. 51. de R. I. in 6.

(2) Cap. *Quamquam*. de censib. in 6.

(3) L. *Sanctius*. cod. de Sacrosanctis Ecclesiis.

cere (1) Dominis temporalibus, quacumque tandem sive Imperiali, sive Regali, sive alia mundana præfulgeant dignitate, & Judicibus quibuscumque temporalem sive jurisdictionem, sive iustitiam exercentibus, tallias, collectas, decimas, præstantias, gabellas, pedagia, quidagia, vectigalia, aut alia onera, seu exactiones quascumque, sine speciali, & expressa Romani Pontificis licentia, Clericis, Prælatiis, aliisque Ecclesiasticis Personis imponere, vel ab eisdem exigere pro domibus, prædiis, vel quibuscumque possessionibus ab eisdem Ecclesiis, vel personis Ecclesiasticis legitime hæcenus acquisitis, vel in posterum acquirendis, vel pro eorum prædiorum, seu bonorum fructibus, redditibus, ac proventibus: *Ecclesias (2) vero, atque Ecclesiasticas personas ad pedagia, & quidagia penitus non teneri, nec ad exhibendum, vel solvendum talia pro rebus suis propriis, quas non causa negotiandi deferunt, vel deferri faciunt, etiam contraria consuetudine quacumque, quæ dicenda est corruptela verius, non obstante.*

II. Cum autem triplex sit Ecclesiasticorum bonorum genus, in quorum primo Templi, Cæmeteria, vasa sacra, vestes, aliaque hujusmodi sive consecrata, sive benedicta, divinoque cultui legitime destinata; in altero temporalia Ecclesiarum, & beneficiorum bona a Fidelibus ad Dei honorem donata, ut eorumdem proventus in pios usus, puta in Ministrorum sustentationem, aut in Templorum conservationem, aut in pauperum levamen convertantur; in tertio bona Ecclesiarum, & Clericorum propria per emptionem, aut donationem, aliumve temporalem titulum acquisita recensentur; De singulis ea, quæ sequuntur, edicimus, atque ab omnibus servari mandamus. Primi itaque generis bona, cum per consecrationem, vel benedictionem sint divino cultui dedicata, nullosque (3) propterea in humanos profanos

(1) Cap. *Quia nonnulli*. de Immunit. Eccles. in 6., cap. *Quamquam*. de censibus in 6., Bulla Coenæ §. 18., cap. *Non minus*, & cap. *Adversus*. de Immunit. Eccles., Urbanus VIII. Constit. Roma-

nus Pontifex. edita 5. Junii 1641.

(2) Cap. *Quamquam*. de censib. in 6.

(3) Can. *Qua semel*. caus. 19. qu. 3., & can. *Ligna*, de consecrat. dist. 1.

fanos usus adhiberi possint, nemo non videt, ab omni Laicorum jurisdictione, adeoque ab omnibus oneribus, tributis, atque exactionibus immunia esse oportere. Secundi vero generis bona, licet, postquam in Ecclesiasticorum dominium transferint, a tributis, atque oneribus de novo imponendis sint immunia, non eximuntur tamen ab oneribus (1), ac tributis mere realibus, quibus, antequam ad Ecclesiam pervenirent, perpetuo, & constanter erant obnoxia: *res* (2) enim *ad alios transit cum suo onere*; & nemo potest juri, quod alter habet in re, nocumentum afferre, cum (3) *sus quisque rei moderator, atque arbiter sit*, non vero alienæ. Item exempta non sunt ejusmodi bona a pensionibus, & præstationibus, quas Fundatores, Episcopo consentiente, in Ecclesiarum, & Beneficiorum fundatione sibi, aut aliis reservarunt. Quando enim ex beneficiorum quorumcumque erectione, seu fundatione, uti statuit Tridentina Synodus (4), aut aliis Constitutionibus qualitates aliquæ requiruntur, seu certa illis onera sunt injuncta, in beneficiorum collatione, seu in quacumque alia dispositione eis non derogetur. Neque etiam eximuntur ab iis oneribus, quæ ex ipso naturalis rationis dictamine rebus ipsis quodammodo inherent, cujusmodi sunt onera reficiendi viam ante domum, parietem, qui inter Ecclesiæ, seu Beneficii domum, & domum Laici intercedit, pro rata instaurandi &c. Tandem bona quoque tertii generis immunitate gaudent ab omnibus oneribus, atque exactionibus, quæ a Laica potestate imponantur, uti plurimorum (5) Sacrorum Canonum sanctionibus constitutum est; & uti de patrimonialibus Clericorum bonis Sacra (6) Congregatio Immunitatis frequenter declaravit. Et sane cum tributorum, vectigalium, aliorumque

(1) Rota in Brundusina Gabelle 13. Februarii 1604. coram Penia, & in Albanen. Gabelle 28. Junii 1630. coram Merlino.

(2) Cap. *Cum non sit*. de decimis; & cap. *Ex litteris*. de pignoribus.

(3) L. in re mandata. cod. mandati.

(4) Trid. sess. 25. cap. 5.

(5) Cap. *Adversus*. de Immunit. Eccl., cap. *Quamquam*. de censibus in 6., cap. *Quia nonnulli*. de Immunit. Eccl. in 6.

(6) Sac. Cong. Immunit. in Tricaricenis. 14. Novembris 1623., & in Camerinen. 24. Martii 1627., & 7. Octob. 1631.

232 CONSTITUTIONES SYNODALES

huiusmodi onerum solutio sit verum subjectionis signum, adeoque ad subditos dumtaxat vere pertineat; (ut enim inquit Apostolus (1) : *Necessitate subditi estote, non solum propter iram, sed etiam propter conscientiam, ideo enim & tributa præstatis, & uti clarius in Jure Canonico (2) nobis insinuatur: Omnis anima sublimioribus potestatibus subdita sit &c., & vos subditi esse debetis: ideo enim tributa præstatis, quia hæc est probatio subjectionis*); Inde fit, ut Ecclesiasticæ personæ, cum ab omni Laica jurisdictione sint immunes, ab omni quoque huiusmodi tributo, atque onere esse debeant exemptæ. Plurima hac super re Sacrarum Congregationum decreta damus in Appendice num. 22.

III. Ad hanc Ecclesiasticorum bonorum immunitatem tuendam celeberrimam edidit Constitutionem Urbanus VIII. (4), in qua hæc statuit, ac declarat. 1. invalidas prorsus esse, illicitas, atque indebitas quascumque contributiones, collectas, & gabelas, quæ sine speciali Sedis Apostolicæ facultate super Ecclesiarum, Monasteriorum, aut Piorum Locorum bonis, seu fructibus imponantur, aut exigantur, etiamsi eadem a sponte consentientibus solvantur. 2. etiamsi per tempus longissimum, & immemoriale exactæ fuerint. 3. etiamsi solutæ, aut exactæ fuerint sub Apostolici privilegii prætextu. 4. aut cum tolerantia, facultate, ac permissione Prælatorum Ecclesiasticorum, imo etiam Legatorum, ac Nunciorum Apostolicæ Sedis. 5. præcipit Pontifex, ut quæcumque in contrarium facta fuerint, in integrum restituantur, & numquam deinceps attententur. Quod quidem fieri jubet, etiamsi attentata fuerint per Imperatores, & Reges, & alios quoscumque legitima Apostolica facultate non munitos, aut sub prætextu, quod Apostolicæ Constitutiones hac super re editæ, non fuerint in aliquo loco publicatæ, aut usu receptæ. Hanc Urbani VIII. Constitutionem ab omnibus exactissime servari jubemus, neque ullo umquam tempore quidquam adversus eam impune attentari patiemur.

IV. Quam-

(1) Ad Rom. cap. 13.

(3) Urbanus VIII. Constitut. *Romana*

(2) Cap. *Omnis anima*. 2. de censibus. Pontifex 23. Septembr. 1641.

IV. Quamquam autem Ecclesiastica bona, ac res a quibuslibet Laicorum exactionibus, tributis, atque oneribus, etiam extraordinariis, & in communis necessitatis casu imponendis eximantur; Si tamen communis aliqua, sive belli, sive famis, sive pestis necessitas emergat, qua non minus Clerici, quam Laici urgeantur; tunc Ecclesias, atque Ecclesiasticas Personas ratione bonorum suorum ad extraordinariam aliquam collectam, seu contributionem teneri edicimus, dummodo hæ, quæ sequuntur, & quas sacra Romana Rota (1) recenset, conditiones copulative concurrant; videlicet 1. ut magna sit necessitas, eique succurri nequeat, nisi Clerici cum Laicis ad præstandam opem concurrant. 2. ut vere adsit communis necessitas, aut saltem pietas. 3. ut ad onus illud sustinendum Laici minime sufficiant: Clerici enim contribuere (2) cum Laicis tenentur solum in subsidium, & ubi Laicorum non suppetunt facultates. *Sollicite attendant*, inquit Benedictus XI. (3) *Ecclesiarum Prælati, & alii Clerici Lateranense Concilium, quod in hujusmodi subventionibus solum casum necessitatis, aut communis utilitatis, ubi Laicorum ad id non suppetunt facultates, deliberatione provida noscitur excepisse*. 4. ut ad onus hujusmodi imponendum Episcopus cum toto Clero consentiat: *quod enim omnes* (4) *tangit, ab omnibus debet approbari*. 5. ut juxta Concilium Lateranense propter (5) quorundam imprudentiam etiam in hoc casu Romanus Pontifex, cujus interest communibus providere utilitatibus, prius consulatur. 6. tandem ut ad has contributiones solvendas, postquam prædictis concurrentibus requisitis imposita fuerint, Clerici, & Ecclesiasticæ Personæ non a Laicis Ministris, sed a suo Episcopo, atque Ecclesiastico Superiore compellantur.

V. Ut autem omnes ab hac reali bonorum Ecclesiasticorum immunitate violanda deterreantur, præter gravissimum sacrilegii

G g rea

(1) Rota Romana in Brundusina Gabbellæ 13. Februarii 1604. coram Penia.

(2) Cap. *Non minus*, cap. *Adversus*, & cap. *Pervenit*. de Immunit. Eccles.

(3) Benedictus XI. in Extravag. *Quod olim*. de Immunit. Eccles.

(4) Cap. *Quod omnes*. de regul. jur. in 6.

(5) Benedictus XI. in Extravag. cit.

234 CONSTITUTIONES SYNODALES

reatum, triplicem Sacri Canones a transgressoribus incurrendam pœnam statuerunt. Prior est, ut (1) *Constitutiones, & sententia, quæ ab iissem, vel de ipsorum mandato fuerint promulgata, inanes, & irrita habeantur, nullo unquam tempore valitura*. Altera est, ut ea omnia (2), quæ ab Ecclesiis, & Ecclesiasticis Personis, earumque bonis exegerint, restituere teneantur. Tertia tandem est, ut ipso jure (3), & ipso facto excommunicationem majorem Romano Pontifici in Bulla Cœnæ reservatam incurrant, a qua ne in mortis quidem articulo absolvi possint, nisi de stando Ecclesiæ mandatis, ac de satisfaciendo cautionem præstent; aut si cautionem præstare vere non possint, saltem firmiter proponant, ac polliceantur, se numquam amplius quidquam simile patraturos, se mandatis Ecclesiæ obtemperaturos, ac restitutionem fideliter esse facturos. Hanc autem excommunicationem incur-
runt, etiam ii (4), *quisic imposta a sponte dantibus, & concedentibus recipiunt; Nec non ii, qui per se, vel per alios directe, vel indirecte prædicta facere, exequi, vel procurare, aut in eissem auxilium, consilium, vel favorem præstare non verentur, cujuscumque sint præminuentis dignitatis, ordinis, conditionis, status, etiamsi Imperiali, aut Regali præfulgeant dignitate &c.* Neque ab hac incurrenda excommunicatione excusat (5) ulla consuetudo etiam immemorabilis, ulla præscriptio, ullum privilegium, aut ullus titulus, si-
ve etiam *prætextus ille (6), quod ejusmodi Bullæ, seu Constitutiones Apostolicæ non fuerint publicatæ, aut usu receptæ, aut contrario usu decennali, & quantumlibet longissimo, ut prætenditur, abrogatæ;* quemadmodum Urbanus VIII. in sua Constitutione decrevit. Quod si forte aliqui, ut in Bulla Cœnæ (7) statuitur, sine ex-
pressa

(1) Cap. *Adversus*. de Immunit. Ecclef.

(2) Cap. *Non minus*, & cap. *Adversus*. de Immunit. Ecclef.

(3) Bulla Cœnæ §. 18., 21., 22., & 23., Urbanus VIII. in cit. Constit. §. 1. & 4., cap. *Non minus*, & cap. *Adversus*. de Immunit., cap. *Quamquam*. de censibus in

6., & Clem. *Quoniam*. de Immunit. Ecclef.

(4) Bulla Cœnæ §. 18., Urbanus VIII. cit. Constit. §. 6.

(5) Cap. *Quamquam*. de censib. in 6.

(6) Urbanus VIII. cit. Constit. *Romanus Pontifex* §. 4.

(7) Bulla Cœnæ §. 22.

pressa Sedis Apostolicæ facultate, talibus excommunicatione, & anathemate illaqueatis, vel eorum alicui absolutionis beneficium impendere de facto præsumpserint; non modo excommunicationis Romano Pontifici reservatæ vinculo innodantur, sed gravioribus etiam contra eos spiritualibus, ac temporalibus poenis animadvertetur.

CAPUT XXII.

DE REVERENTIA ECCLESIASTICIS PERSONIS DEBITA,

AC DE CANONIS, ET FORI PRIVILEGIO

IISEM CONCESSO.

NON modo peculiaria quædam loca, & tempora, & rerum genera, verum etiam genera quædam personarum, quæ se certis quibusdam ritibus divino manciparunt servitio, virtus Religionis præcipit, ut debita reverentia, ac veneratione prosequamur; itemque vetat, ne earum immunitates, privilegia, ac jura lædamus. De his personarum generibus, earumque immunitatibus, privilegiis, ac juribus agendum Nobis est, ne siquis eadem forte violaverit, communis ignorantæ se tueri possit obtentu, præsertim cum Episcopale munus a Nobis exigat, ut Sacrorum Canonum, ac Pontificiarum Constitutionum, quæ hac de re ab Apostolica Sede promanarunt, observantiam totis viribus urgeamus. Duo autem præcipua sunt privilegia Clericis omnibus sive Sæcularibus, sive Regularibus, aliisque certis personis inferius recensendis communia, eaque *Canonis*, & *fori* nuncupantur. De his pauca innuamus.

ARTICULUS I.

De Privilegio Canonis.

Nolite tangere Christos meos, inquit Dominus per os David (1), & in Prophetis meis nolite malignari. Grande enim nefas est violentiam Dei Ministris inferre, cum gravis per

G g 2 id

(1) Paralipom. c. 16., & Psalm. 104.

id Deo, cui famulantur, irrogetur injuria. Quamobrem, ut ab hoc perpetrando scelere Fideles deterrentur, sic in Concilio II. Lateranensi sub Innocentio II. can. 15. statutum fuit: *Siquis, suadente Diabolo, hujus sacrilegii reatum incurrerit, quod in Clericum, vel Monachum violentas manus injecerit, anathematis vinculo subiaceat, & nullus Episcoporum illum presumat absolovere, nisi mortis urgente periculo, donec Apostolico conspectui presentetur, & ejus mandatum suscipiat*. Jam vero per hunc Canonem, unde privilegium, de quo loquimur, nomen desumpsit suum, sub poena excommunicationis ipso facto incurrendæ, Romanoque Pontifici reservatæ districtè prohibetur, ne quis sive vir, sive mulier, in Clericum, vel Monachum sacrilego ausu violentas manus injiciat. Tria itaque ad hanc incurrendam censuram omnino requiruntur, 1. factum consummatum, dicitur enim in Canone *manus injecerit*. 2. animus inferendi injuriam, ut per ea verba *suadente Diabolo* significatur. 3. violentia, ut illæ voces indicant *violentas manus injecerit*. Quicumque igitur externa aliqua injuriosa actione Clericum, seu Monachum, aut res ei adherentes sive mediate, sive immediate violentè (1) tangat, eripiat, percutiat, detineat, lædat, aut persequatur; imo si quis in equum, cui Clericus, aut Monachus insideat, violentas injiciat manus, illum occidendo, vulnerando, percutiendo, aut detinendo; hujus excommunicationis vinculo innodatur.

II. Hujusmodi Canonis privilegio gaudent Clerici omnes, etiam si prima (2) dumtaxat tonsura sint initiati: Imo etiam Clerici conjugati (3), si unicæ, & Virgini nupserint, si habitum, & tonsuram deferant, ac si alicui Ecclesiæ de Episcopi mandato ministrent. Non tamen eo gaudent 1. Clerici bigamii (4), qui vel duabus successive, vel unicæ non Virgini nupserint. 2. Clerici, qui, dimisso habitu, ac tonsura, negotiis sæcularibus se immi-

(1) Can. *Nuper. de sent. excommun.*, & can. *Si quis pulsus. caus. 33. qu. 2.*

(2) Cap. *Cum contingat. de etate, qualit., & ord. presb.*

(3) Cap. unico. de Clericis conjugatis in 6.

(4) Cap. unic. de bigamis in 6.

immiscent (1), si ter ab Episcopo moniti ab iisdem non abtineant. 3. Clerici realiter degradati, ac (2) solemniter depositi. 4. Tandem Clerici, qui se enormitatibus inquinant (3), idest, qui latrocinia, & iniquas grasationes perpetrant, aut bella, ac seditiones in populo commovent. *Monachi* vero nomine, quod a Canone adhibetur, Regulares omnes (4) utriusque sexus intelliguntur, etiam Conversi, & Conversæ, etiam Novitii, & Novitiæ: Imo etiam Ordinum Mendicantium Tertiarii, ac Tertiariæ (5), vel in Communitate viventes, vel etiam in propriis viventes domibus, sed, emisso de Ordinarii licentia castitatis voto, calibem agentes vitam: quin & Eremitæ, qui Eremiticum habitum ex legitima facultate deferunt, & sub speciali Episcopi obedientia alicui Ecclesiæ, aut Eremitorio deserviunt: Hi enim inter Ecclesiasticas personas a Sacra Episcoporum, & Regularium (6) Congregatione recensentur.

III. Ab hac autem incurrenda censura excusantur 1. qui invincibili (7) sive facti, sive juris ignorantia laborant. 2. qui ad sui defensionem (8) Clericum percutiunt vim vi repellendo, servato tamen moderamine inculpatae tutelæ. *Quamvis enim vim (9) vi repellere omnes leges, & omnia jura permittant; tamen id debet fieri cum moderamine inculpatae tutelæ, non ad sumendam vindictam, sed ad injuriam propulsandam. Si Clericum itaque vim sibi (10) inferentem vi quis repellat, vel lædat, non debet propter hoc a Sede Apostolicam transmitti, si incontinenti vim vi repellat, cum vim vi repellere omnes leges, omniaque jura permittant; uti Archiepiscopo Seno-*

(1) Cap. *In audientia*, & cap. *Contingit*. de sent. excomm.

(2) Cap. *Degradatio*. de pœnis in 6.

(3) Cap. *Cum non ab homine*, & cap. *Perpendimus*, de sent. excomm.

(4) Cap. *Cum illorum*, cap. *Nov dubium*, & cap. *De Monialibus*, de sent. excomm., & cap. *Religioso*. de sent. excomm. in 6.

(5) Leo X. Constit. 22. *Dum intra*. edi-

ta 1. Martii 1518. in Concil. Lateranen. sess. 21.

(6) Sac. Congreg. Episcop. in Fundana 17. Januar. 1594.

(7) Cap. *Si vero*. de sent. excomm.

(8) Cap. *Ex tenore*. de sent. excomm.

(9) Cap. *Significasti*. de homicidio voluntario.

(10) Cap. *Si vero*. 3. de sent. excomm.

Senonensi rescipit (1) Alexander III. 3. qui non ex deliberatione (2), sed casu fortuito, aut in subito, primoque iræ motu Clericum lædunt. 4. Clerici (3), qui non odio, vel invidia, vel indignatione, sed levitate jocosa se ad invicem percutiunt, quia non potest in ipsis injectio manuum violenta notari. 5. qui in Clericum (4) cum uxore, matre, sorore, vel filia propria turpiter inventum manus injecerit violentas. At si in stupro, vel adulterio, quod committit cum ea, quæ ipsum ita proxima consanguinitatis linea non contingit, cepervit, aut in eam violentas manus injecerit, non erit a sententia illius excommunicationis immunis, uti statuit laudatus Pontifex Alexander III. 6. qui ratione officii (5), quod in Ecclesia obtineant, aut etiam qui Clerici seniores cum sint, zelo devotionis pueros, vel adolescentes in minoribus ordinibus constitutos turbantes divinum officium, & hi, qui obtentu prælationis, vel magisterii subditos, & scholares correctionis causa leviter percusserint, excommunicationis sententiam non incurrunt. Quod & de his dicendum est, qui aliquos de familia sua, vel propinquos inferiorum graduum simili modo, ut cobibentur a suis insolentiis, & scientia, bonisque moribus informetur, duxerint corrigendos. 7. ab incurrenda censura excusantur quoque Officiales Laici, qui (6) turbam arcendo, non deliberate, sed fortuito, & casu irruentem Clericum lædunt.

IV. Non excusantur, sed censuram Romano Pontifici reservatam incurrunt, non modo qui in Clericum, vel Monachum, suadente diabolo, violentas manus injiciunt; sed etiam 1. qui id mandant, dummodo sequatur effectus. Illi vero, qui non per seipsos, inquit Alexander III. (7), sed eorum auctoritate, & mandato alii violentas injiciunt manus in Clericos, ad Sedem Apostolicam sunt mittendi, cum is committat vere, cujus auctoritate, vel mandato delictum committi probatur. Neque ad evitandam censuram satis est,

(1) Cit. cap. Si vero. 3.

(2) Cap. Super. 1. de sent. excomm.

(3) Cap. cit. Si vero. 3.

(4) Cap. Cum voluntate. 34. de sent. excommun.

(5) Cit. cap. Cum voluntate.

(6) Cit. cap. Si vero. 3. de sent. excomm.

(7) Cap. Mulieres. 5. Illi vero. de sent. excommun.

est, ut mandantem mandati pœniteat, sed necesse est, ut mandatum revocet, ac de ejus revocatione mandatarius serio moneat, antequam mandatum is exequatur. 2. qui, licet id non mandent, violentam tamen in Clericum, seu Monachum manuum injectionem suo nomine, aut intuitu factam, exteriori aliquo signo ratam habent. *Cum quis absque tuo mandato*, inquit (1) Romanus Pontifex in sexto Decretalium, *manus injicit in Clericum tuo nomine violentas, si hoc ratum habueris, excommunicationem latam a Canone incunctanter incurris. Si vero injectio eodem tuo nomine non fuit facta, tunc, licet peccet ratihabendo eandem, non tamen præterea excommunicationis ullius vinculo innodaris, cum quis ratum habere nequeat, quod ejus nomine non est gestum.* 3. qui Clericum, vel Monachum (2), sine læsione tamen, in custodia detinent publica, vel privata, vel etiam detrudent in vincula. *Non credimus*, inquit Innocentius III. ad Uratislavensem Episcopum rescribens, *ejusmodi Laicos pœnam excommunicationis evadere, quamvis per eorum factum corporalis læsio non fuerit subsecuta, citra quam violentia sæpius circa Clericos nequiter perpetratur.* 4. qui consilium dant, aut opem, aut in violentam manuum injectionem consentiunt, aut delinquentem sociant, aut cum illam impedire facile possint, & ex officio, aut alio titulo teneantur, non tamen impediunt, adeoque eam permittentes tacite consentiunt. *Ne autem solos violentiæ hujusmodi auctores aliquorum præsumptio existimet puniendos*, inquit Innocentius III. (3), *scientes, & consentientes pari pœna plectendos Catholica condemnat auctoritas; eos delinquentibus favere interpretans, qui, cum possint, manifesto facinori desinunt obviare.* 5. ab incurrenda censura non excusantur ii, qui Clericum percutiunt, licet idem Clericus in sui percussione consentiat, quemadmodum Bracharensi Episcopo Innocentius III. (4) rescripsit: *Contingit interdum, ut Clerici siquem offendant, & satisf-*

(1) Cap. *Cum quis*. 23. de sent. excomm. in 6.

(2) Cap. *Nuper*. 29. de sent. excomm.

(3) Cap. *Quante*. 47. de sent. excomm.

(4) Cap. *Contingit*. 36. de sentent. excomm.

satisfacere velint offenso, secundum morem patriæ, quem inter se Laici observant, corpora sua sponte supponant triginta, seu pluribus, aut paucioribus percussionibus fustium &c. Nos autem Fraternitati tuæ super hoc respondemus, quod hujusmodi manus injectio, etsi non violenta, tamen injuriosa videtur, cum ille Canon non tam in favorem Clerici ordinati, quam in favorem ordinis Clericalis fuerit promulgatus. Ideo & volumus, & mandamus, ut id de cætero prohibeas attentari. Si quis autem Clericus post prohibitionem hujusmodi sponte se subjecerit, excommunicetur; proviso ut Clericus injuriam passo sine injuria clericali satisfaciat competenter, quatenus inter eos pax valeat rationabiliter reformari.

V. Hujusmodi Clericorum, seu Monachorum percussores regulariter, non nisi per Romanum Pontificem ab excommunicationis viculo absolvi possunt, & sunt etiam vitandi (1), quando sunt ita notorii Clericorum percussores, ut eorum crimen nec aliqua tergiversatione celari, nec aliquo juris suffragio excusari valeat. Absolvi tamen ab aliis possunt in paucis quibusdam casibus, quos recensemus. Præmittimus tamen hanc violentam manuum injectionem, seu Clerici percussione aliam esse levem, aliam mediocrem, & aliam enormem. Levis est, quæ nullam externam in Clerici corpore relinquit maculam, seu contusionem. Mediocris est, quæ maculam aliquam, seu externum signum relinquit in corpore, sed sine lethali vulnere, ac sine mutilatione. Enormis tandem est (2), quæ fit cum gravi vulnere, aut cum mutilatione, aut cum magna sanguinis effusione, qui non quidem a naribus, sed a gravi vulnere promanet. Illud tamen cavendum hic etiam est, quod percussio, seu injuria ex se non enormis fieri potest enormis, vel propter personæ (3) offensæ dignitatem, puta si percutiatur, licet leviter, Episcopus, Abbas, seu a Subdito Superior, a Filio Pater, a Discipulo Magister; vel ratione loci, puta si percussio publice fiat

(1) Martinus V. *Constit. Ad evitanda.*

(3) *Cit. cap. Cum illorum.*

(2) *Cap. Cum illorum. 32. de sent. exc.*

tentia sit perpetua, sine onere comparendi; si vero sit ad tempus, cum onere comparendi, cum primum poterunt, coram Superiore, absolvantur: alias in similem censuram relabantur. 4. Clerici (1), qui infra puberes annos se invicem, aut unus alterum percusserint, etiam graviter, ab Episcopo possunt absolvi, quia eos ætas excusat. 5. Mulieres (2), vel alie persone, quæ sui juris non sunt, ab Episcopo Diocesano absolvi possunt, si manus in Clericum injecerint violentas. 6. Moniales quoque Clericum, aut se invicem quacumque percussione lædentes, ab Episcopo possunt absolvi. De Monialibus tua a Nobis Fraternitas requisivit, Pistoriensis Episcopo rescripsit Innocentius III. (3), per quem eis sit beneficium absolutionis impendendum, si vel in se invicem, vel Conversas suas, aut Clericos etiam, manus injecerint temere violentas? Super hoc tue consultationi taliter respondemus, ut per Episcopum, in cujus Diocesi Monasteria fuerint, absolvantur.

ARTICULUS II.

De Privilegio Fori.

Alterum, quo Clerici gaudent, privilegium Fori dicitur, in eoque situm est, ut nemo Ecclesiasticam Personam in criminali, vel civili quæstione ad Judicium Sæculare trahere præsumat: id enim per Canonicas Sanctiones, & Imperiales Constitutiones expresse interdictum est, uti habemus in Jure (4) ipso Civili. Clericorum itaque exemptio a Laicorum Foro, ac jurisdictione privilegium Fori nuncupatur: Unde fit, ut Clerici (5) cum in Civilibus, tum in criminalibus causis non, nisi ab Ecclesiastico Judice, dijudicari, ac puniri, seu absolvi possint. Hoc privi-

(1) Cap. Super eo. 1. de sentent. excommunic.

(2) Cap. Mulieres. 6. de sentent. excommunic.

(3) Cap. De Monialibus. de sent. excommunic.

(4) Auth. Statimus. cod. de Episcopis, & Clericis.

(5) Cap. Qualiter, & quando. de judiciis; cap. Si diligenti. de foro competente; cap. At si Clerici. de judiciis; & cap. Si Judex Laicus. de sent. excommunic. in 6.

privilegio gaudent Clerici omnes in Sacris Ordinibus (1) constituti; imo etiam Clerici omnes prima tonsura, aut minoribus Ordinibus insigniti, dummodo aliquam ex iis conditionibus habeant, quas Tridentina Synodus expresse (2) sic recensivit: Is (videlicet Clericus prima tonsura initiatus, aut etiam in minoribus Ordinibus constitutus) *Fori privilegio non gaudeat, nisi beneficium Ecclesiasticum habeat, aut clericalem habitum, & Tonsuram deferens, alicui Ecclesie ex mandato Episcopi inserviat, vel in Seminario Clericorum, aut in aliqua Schola, vel universitate de licentia Episcopi quasi in via ad majores Ordines suscipiendos versetur.* Cum autem Tridentina Synodus disjunctive loquatur, uti ex illis disjunctivis particulis *vel, aut*, patet; *In alternativis* (3) autem alterum impleri sufficiat; Inde fit, ut Clericus habens beneficium, fori privilegio gaudeat, licet neque Clericalem Tonsuram, & habitum deferat, neque Ecclesie inserviat, uti expresse Sacra Congregatio Concilii, teste Fagnano (4), declaravit. Clericus autem beneficium non habens, ut fori privilegio gaudeat, Clericalem habitum, ac Tonsuram deferre debet, ac simul vel de Episcopi mandato alicui Ecclesie inservire, vel in aliquo Seminario de licentia Episcopi commorari, vel in aliqua Schola, seu Universitate versari. Quo quidem privilegio adhuc gaudet (5), etiam si alteri Ecclesie, quam cui fuit adscriptus, inserviat, & ea de re Episcopi mandatum non habuerit. Neque tale privilegium amittit, si ad tempus habitum, & tonsuram dimittat illum resumpturus, non enim (6) tunc dimisisse censetur. Imo si Clericus, dimisso habitu, ac tonsura, delinquat, & postmodum habitum, ac tonsuram resumens, Ecclesie inserviat, fori privilegio gaudet, nisi habitum resumpserit in fraudem; de quo tamen judicium ferre ad Ecclesiasticum (7) Judicem pertinet.

Hh 2

II. Qua

(1) Can. Cleros. dist. 27.

(2) Trid. sess. 23. cap. 6. de reform.

(3) Regul. 70. juris in 6.

(4) Fagnanus in cap. Inter cetera. de rescriptis n. 3.

(5) Sac. Congr. Conc. in Valentina 29. Junii 1623., & in Romana 30. Junii 1609.

(6) Arg. cap. Ad nostram. de Regular.

(7) Sac. Cong. Conc. 1. Februarii, & 26. April. 1607.

II. Qua quidem in re juvat aliquas in medium proferre Sacrae Congregationis Concilii declarationes, quibus plures exortas controversias eadem Sacra Congregatio diremit. Prima hæc est. Clericus quidam, cum prima tonsura initiatus fuisset, per septennium numquam in habitu incesit, ac tonsura, ac præterea Judicis munere functus est. Perpetrato mox crimine, inquisitus a Judice Laico fuit, citatus, domique sistere jussus: at ille fugam arripuit, resumptoque Clericali habitu, Ecclesiæ inservire cœpit. In hoc rerum articulo Niciensis Episcopus a Sacra Congregatione infra-scripta dubia sibi declarari postulavit: 1. an Clericus ille fori privilegio gauderet? 2. an Judici Laico, qui notoriam esse contendebat resumptionem habitus in fraudem, Episcopus inhibere posset, ne sive quoad personam, sive quoad ejus bona procederet, donec ipse cognosceret, an fori privilegio gaudere deberet? 3. an saltem id posset, visis testimonialibus primæ Tonsuræ litteris? 4. an si adhuc Judex Laicus non desisteret, posset in illum procedere ad censuras? 5. an causam hanc sibi vindicare posset Episcopus? 6. an deberet? *Die 30. Maii 1676. Sacra Congregatio Concilii respondit ad omnia affirmative.* Altera declaratio est ejusmodi. Clericus non habens Tridentini Concilii requisita, quamvis ex decreto ejusdem Concilii (1) privilegio fori non gaudeat, adeoque Laicale forum declinare nequeat; si tamen adhuc se pro Clerico gerat; impediri nequit Episcopus, quo minus, si prævenit, punire eundem Clericum possit, uti sæpius (2) Sacra Congregatio Concilii declaravit. Orta postmodum est controversia, an in iis etiam hujusmodi Clericorum causis, in quibus non prævenit, procedere Episcopus possit, & Clericum sibi e Laici Judicis manibus repetere? Semel autem, iterum, ac tertio discussa controversia, hanc Sacra Congregatio declarationem edidit, quam Romanus Pontifex approbavit: *Die 12. Novembris 1630. Sacra Congregatio Concilii, facta relatione Sanctissimo*

(1) *Trid. sess. 23. cap. 6. de reform.*

cui 1606., in Valentina 20. Martii 1607.,

(2) *Sac. Cong. Concilii in Baren. 10. Mar.*

& alibi sæpe.

sumo Domino Nostro in causa Leodien. 8. ejusdem mensis in Sacra Congregatione proposita, & resoluta, Sanctitas sua approbavit declarationem factam, ut Clerici etiam non habentes requisita cap. 6. sess. 23. de reformat., licet ipsi, tamquam contravenientes Ordinationi Sacri Concilii, non possint per seipsum allegare privilegium fori; nihilominus subsint Jurisdictioni Episcoporum, & Ordinariorum cognitioni, nedum in causis, in quibus iidem Episcopi, seu Ordinarii prævenerunt, sed etiam in quibus non prævenerunt, & illos e manibus Judicis Laici repetant, quando iidem Clerici adhuc Clerici permanent, videlicet si a Jure, vel ab homine per declarationem servatis serpendis factam, privilegiis Clericalibus denudati, seu privati non sint. Quadriennio autem post, videlicet die 1. Augusti 1634., facta denovo relatione Sanctissimo Domino Nostro, Sanctitas sua ad removendam omnem difficultatem, denuo jussit omnino observari supradictam declarationem, ut supra, firmatam in dicta causa Leodiensi. Tertia tandem declaratio hæc est. Propositum fuit in Sacra Congregatione dubium, an Clerici, qui ex decreto Concilii Tridentini cap. 6. sess. 23. de reformat., privilegio fori privantur, intelligantur etiam Canonis privilegio privati? Sacra Congregatio die 16. Octobris 1581. censuit, non intelligi esse privatos.

III. Clerici, inquit Bonifacius VIII. (1), qui cum unicis, & virginibus contraxerunt, si tonsuram, & vestes deferant Clericales, privilegium retinent Canonis ab Innocentio Papa II. Prædecessore Nostro editi in favorem totius Ordinis Clericalis; & cum juxta Parisiense Concilium nullus Clericus distringi, aut condemnari debeat a Judice Seculari, præsentem declaramus edicto, hujusmodi Clericos conjugatos pro commissis ab eis excessibus, vel delictis trahi non posse criminaliter, aut civiliter ad Judicium Sæculare, nec ab ipsis Sæcularibus Judicibus eos debere personaliter, vel etiam pecunialiter (ne per unam viam concedatur eissem Judicibus, quod per aliam viam denegatur) ullatenus condemnari. Hanc Bonifacii VIII. Constitutionem confirmavit Tridenti-

(1) Cap. Clerici. de Clericis conjugatis in 6.

dentina Synodus (1), ac simul conditiones expressit, quas Clericis-conjugatis inesse voluit, ut fori privilegio fruerentur, dicens: *In Clericis vero conjugatis servetur Constitutio Bonifacii VIII., quæ incipit: Clerici, qui cum unicis; modo hi Clerici alicujus Ecclesie servitio, vel ministerio ab Episcopo deputati, eidem Ecclesie serviant, vel ministrent, & Clerici habitu, & tonsura utantur; nemini quoad hoc privilegio, vel consuetudine etiam immemorabili suffragante.* Tres itaque conditiones, ut his privilegiis gaudeat, habere debet Clericus conjugatus. Prior est, ut cum unica, & Virgine matrimonium contraxerit: *Bigamos enim (2) omni privilegio Clericali declaramus esse nudatos,* inquit Gregorius X. in Concilio Generali Lugdunenſi. Altera est, ut Tonsuram, & vestes Clericales deferat. Tertia est, ut alicujus Ecclesie servitio, vel ministerio ab Episcopo deputatus, eidem Ecclesie serviat, vel ministret. Si vel una ex his conditionibus desit, nullo prorsus Clericali gaudet privilegio (3): copulativis enim particulis utitur Tridentina Synodus, dum eas conditiones requirit. Cæterum Clericus conjugatus tribus hisce conditionibus instructus, privilegio fori gaudet in causis tum mere civilibus, tum mixtis, uti Sacra Congregatio (4) Immunitatis sæpiſſime declaravit. Inde fit, ut 1. conveniri (5) coram Judice Laico nequeat. 2. ad solutiones (6), ad quas de Jure tenetur, nonnisi coram Ecclesiastico Judice cogi possit. 3. illum (7) in carcerem detrudentes excommunicentur. 4. eundem (8) Episcopus tueri debeat, si a Curia Laica vexetur, invocato (9) etiam, si opus sit, brachii Sæcularis auxilio. 5. Cleri-

cus

(1) Trid. sess. 23. cap. 6. de reform.

(2) Cap. *Altercationis*. de bigamis in 6.(3) Cit. cap. *Clerici, qui cum unicis*.5. *In cæteris autem*.

(4) Sac. Cong. Immun. in Caputaquena. 21. Junii 1644., & 14. Novemb. 1649., in Bovinen. 2. Jul. 1630., in Oppiden. 27. Septemb. 1631., 11. Sept. 1634., & 6. Maii 1635., & sæpe alibi.

(5) Sac. Cong. Immun. in Montis Cassini 22. Dec. 1694.

(6) Ead. Sac. Congreg. in Rossanen. 23. Mart. 1638., & in Nazaret. 15. Jun. 1638.

(7) Ead. Congr. in Hydruntina 18. Decemb. 1694.

(8) Ead. Congr. in ead. Hydruntina 27. Nov. 1694., in Bisignanen. 15. Nov. 1604.

(9) Ead. Congr. in Nucerinæ 9. Feb. 1694.

cus conjugatus a Sede Apostolica dispensatus ab onere incendendi in habitu, ac tonsura (1), fori privilegio gaudeat. 6. ut exercens artem (2) mercariam, si mensuras adhibeat fraudulentas, ab Ordinario sit puniendus.

ARTICULUS III.

De reverentia Ecclesiasticis personis debita.

EX duplici Canonis, & Fori privilegio Clericis concesso, de quo hætenus egimus, Laici omnes facile intelligent, quanta Clericos reverentia prosequi debeant, cum eos humanarum, divinarumque legum auctoritate pluribus gratiis, favoribus, ac privilegiis supra reliquos aliorum hominum cætus videant esse insignitos. At quanto plures eos facient, ac ferventiori Religionis studio venerabuntur, si sublimissimum illud, divinumque ministerium, ad quod assumpti sunt a Deo, attento parumper animo contemplantur! *Ipsi enim sunt (3) legitime, sanctissimæque Catholicae Religionis Ministri. Ipsi sunt Ecclesiæ decus (4), in quibus amplius fulget Ecclesia. Ipsi columna firmissima, quibus in Christo fundatis innititur omnis multitudo credentium. Ipsi janua Civitatis æternæ, per quos omnes, qui credunt in Christum, ingrediuntur ad Christum. Ipsi janitores, quibus Claves datæ sunt regni Cælorum. Ipsi etiam dispensatores regis domus, quorum arbitrio in aula Regis æterni dividuntur gradus, & officia singulorum. Illos sibi Deus ad serviendum adscivit, & familiares adeo sibi esse voluit, ut per illos aliorum hostias acceptare, ac peccata condonans sibi reconciliare velit. Quamquam iidem terram incolant, ut inquit Chry-*

(1) Ead. Congr. in Fulginaten. 18. Octobris 1679.

(2) Ead. Congr. in Firmana 17. Decembris 1695.

(3) Const. in epist. ad Cæcilium apud Euseb. hist. lib. 15. c. 8.

(4) S. Prosper de vita contemplat. lib. 2. c. 2.

Chrysoſtomus (1), atque in ea verſentur, iis tamen commiſſum eſt, ut ea, quæ in Cælis ſunt, diſpenſent; iis datum eſt, ut poteſtatem habeant, quam Deus Optimus neque Angelis, neque Archangelis datam eſſe voluit. Habent quidem terreſtres Principes vinculi poteſtatem, ſed corporum ſolum: id autem, quod dicitur Sacerdotum vinculum, ipſam etiam animam contingit, ut Cælos uſque pervadat. Pater omne iudicium Filio dedit: at ipſum omne iudicium Filius illis tradidit, cum idoneos illos fecit novi Teſtamenti Miniſtros. Quis itaque viros iſtos, quos ratione ſui muneris Deos Sacræ Litteræ appellant, non plurimi faciat, non revereatur, non omni honoris ſignificatione colat, ac veneretur? Caveant itaque omnes, ne Clericum ullum aut verbis, aut factis lædant, ne erga illum minus reverenter ſe gerant, ne ullum debiti honoris ſignum eidem denegent. Imo potius, & diſtis, & factis Clericos honorent, veræque Religionis præcepta ſecuti, in Dei Miniſtris Dominum Deum ſuum, ac Filium ejus Jeſum Chriſtum fide non ficta, ac ſincero animi obſequio venerentur.

CAPUT XXIII.

DE ECCLESIASTICA HIERARCHIA.

Quamquam unum ſit Ordinis Sacramentum, uti ſuo loco dicemus; cum tamen varios habeat dignitatis, ac poteſtatis gradus; ex his Eccleſiaſtica Hierarchia conſurgit. Hæc divina ordinatione inſtituta, atque ex Episcopis, Presbyteris, ac Miniſtris compoſita, illa eſt caſtrorum acies ordinata, quam perperam evertere nituntur Hæretici, cum omnes (2) Sacerdotes pari inter ſe poteſtate præditos affirmant, & contra doctrinam Apoſtoli omnes Apoſtolos, omnes Paſtores, omnes faciunt Doctores. Verum quantumcumque effrenata adverſus illam rabie fremant, numquam tamen portæ Inferi prævalebunt. Generatim hæcte-

(1) Chryſoſt. lib. 3. de Sacerd. cap. 5.

(2) Trid. ſeſſ. 23. de Sacram. Ordinis c. 4.

hactenus de hac sacra Hierarchia locuti sumus, cui honorem, ac reverentiam deferri virtus Religionis jubet. Pauca nunc singillatim dicamus, ut quem singulis personis deferre Laici debeant honorem, & qua ratione unusquisque ad hanc Hierarchiam pertinens pro sui Ordinis officio in debita se disciplina contineat, ac ejusmodi se honore dignum ostendat, intelligatur.

ARTICULUS I.

De Episcopo.

CUM Episcopatus (1) sit Sacerdotii Apex, ac veluti consummatio; Episcopi proinde, qui Apostolis succedere, eorumque tenent locum, ad hanc Hierarchicum ordinem præcipue pertinent. Ipsi enim, *cum a Spiritu (2) Sancto positi sint regere Ecclesiam Dei*, ac plura ministeria obire possint, quorum potestatem reliqui inferioris ordinis Sacerdotes nullam habent; reliquorum propterea Presbyterorum, ac Ministrorum Patres sunt, ac Superiores, adeoque majorem sibi præ reliquis obedientiam, ac reverentiam jure optimo vindicant. Quæ igitur ad hujus Nostræ Episcopalis Sedis (*cujus dignitas etiam in indigno herede non deficit*) præminentiam, dignitatem, majoritatem, atque obedientiam pertinent, ne quis aut contemnere, aut in dubium revocare audeat, paucis exponemus.

II. Propter reverentiam, quam Pastoralis exigit dignitas, 1. cum Nos (3) concionem habemus ad Populum, in nulla ejus loci, in quo concionamur, Ecclesia, etiamsi exempta eadem sit, aut Regularis, eodem tempore aut concio habeatur, aut divina celebrentur officia. 2. cum Pontificio Ritu solemniter Missam celebramus, (4) eo die nemo in eodem Altari absque Nostra licentia sacris operetur. 3. quemadmodum in Cathedrali,

I i

ita

(1) Trid. loc. cit., & S. Leo serm. in 17. Feb., & 2. Martii 1626., & in Brundusina 18. Mart. 1645.

(2) Actuum cap. 20.

(3) Sac. Congreg. Conc. in Bituntina

(4) Can. In Altari. de consecr. dist. 5., Conc. Provinc. Mediol. III.

ita & in alio quolibet, etiam Regularium, Templo Episcopale Solium, si collocandum sit, (1) in eminentiore statuatur loco, & ad illud per tres saltem gradus ascendatur, ut Episcopus in confessu Presbyterorum, quemadmodum iis omnibus gradu major est, ita etiam sublimior sedeat. 4. quoties ad Cathedralem Ecclesiam Cappam induti erimus accessuri, (2) ut vel in Missa celebranda, vel in divinis peragendis officiis Pontificalia exerceamus; Dignitates, Canonici, ceterique de Capitulo a Nobis moniti ad Nostræ Residentiæ Aulam, propriis quilibet insignibus induti, capitulariter accedant, ut Nos ad Cathedrale Templum deducant, absolutisque Ecclesiasticis functionibus eodem comitatu ad Aulam, unde nos exceperunt, reducant; ac præterea nobis Pontificalia exercentibus ii de Capitulo, ac de Nostræ Diocesis Clero sacris ornati indumentis assistant, qui ad id juxta (3) Cæremonialis Episcoporum præscriptum, ac laudabilem Nostræ Cathedralis Ecclesiæ consuetudinem tenentur.

III. Ut Presbyteri, ceterique Ecclesiæ Ministri, populi que Nostræ Diocesis, ac plebes, reverentiæ, amoris, atque obedientiæ proprio debitæ Pastori memoriam animo alte defixam servant, audiant S. Clementem Papam (4): *Qui suis Episcopis non obediunt, indubitanter rei, & reprobi existunt: Porro ipsi a Deo donum summi muneris consequuntur, qui per justitiæ, & præceptorum ejus semitas incedentes, doctoribus suis, qui recte Episcopi intelliguntur, libenter obediunt: Audiant S. Evaristum Papam (5): Episcopum oportet opportune, & importune, atque sine intermissione Ecclesiam suam docere, eamque prudenter regere, & amare, ut a vitiis se abstineat, & salutem consequi possit æternam. Illa vero cum tanta reverentia ejus doctrinam debet suscipere, eamque amare, ac diligere, ut Legatum Dei, & præconem veritatis. Audiant Tridentinam Synodum*

(1) Can. Episc. in Eccl. dist. 95., & can. *Mulier debet*. caus. 33. qu. 5.

(2) Cæremoniale Episcop. lib. 1. c. 15., Sac. Rit. Cong. in Jecensi ann. 1609., & in Ripana 24. Octobris 1609., & Sac. Con-

gregatio Episcoporum in Thelesina 24. Maii 1619.

(3) Cæremoniale Episc. lib. 1. c. 7., & 8.

(4) Can. *Qui suis Episcopis*. 9. dist. 93.

(5) Can. *Sicut viç*. 11. caus. 7. qu. 1.

nodum (1) : *Episcopis ubique is honor tribuatur, qui eorum dignitati par est, eisque in Choro, & in Capitulo, in processionibus, & aliis actibus publicis sit prima sedes, & locus, quem ipselegerint, & præcipua omnium rerum agendarum auctoritas. Ut autem Populi filiale erga suum Antistitem ostendant obsequium, a Parochis moneantur* (2), ut Episcopo suo occurrentes, genua reverenter ad terram flectant, Pastoralem accepturi benedictionem. Nequis vero Episcopum suum (quod ablit) persequatur, aut personaliter lædat, Parochi Populis graves pœnas edicant in Sacris Canonibus (3) adversus tam grave facinus perpetrantes constitutas, ut quos delicti atrocitas non terret, pœnarum saltem compescat acerbitas. Cathedriticum, seu Synodaticum in Episcopalis Cathedralis honorem juxta Sacros Canones (4) in Synodo quotannis præstandum, non obstante quacunque in contrarium, etiam immemorabili, consuetudine, ac præscriptione, ab omnibus, qui in hac Synodo de jure, vel consuetudine interesse debent, antequam Synodus dimittatur, juxta Canonicam Taxam in Concilio Romano (5) statutam pro singulis Ecclesiis, & beneficiis persolvi jubemus. Tandem ut in Nobis Episcopalis Cathedra honoretur, & imbecillitas Nostra multorum orationibus fulciatur, mandamus, ut in Cathedrali Ecclesia (6) Anniversarius Nostræ Consecrationis dies, qui decimus nonus est Novembris dies, quotannis Missæ solemnissimæ celebratione recolatur, prout in Missalis Romani Rubricis habetur: in reliquis vero Ecclesiis eodem die Sacerdotes omnes Sacris operantes Collectam in Missa recitent, quæ incipit: *Deus omnium Fidelium Pastor*; ut in eadem habetur Missa recitanda in anniversario electionis, vel consecrationis

Ii 2

Episco-

(1) Trid. sess. 25. de ref. cap. 6.

(2) Cœremoniale Episcop. lib. 1. c. 2.

(3) Clem. t. de pœnis, cap. *Perennis*. de sent. excomm. Bulla in Coena Domini can. 11.

(4) Cap. ult. de caus. posses. & pro-

priet.; cap. *Pastoralis*. de donationibus; Sac. Cong. Conc. in Lanchensi Cathedrali 6. Junii 1693.

(5) Conc. Rom. tit. 8. cap. 4.

(6) Can. *Solemniter*. de consec. dist. 1. Cœremoniale Episcop. lib. 2. c. 35.

252 CONSTITUTIONES SYNODALES

Episcopi die; quod quidem Regulares etiam omnes in Nostra Diœcesi cominorantes facere ne dedignentur.

IV. Cum Episcopi in Pastoralis cura suscipienda illud a Christo Domino præcipiatur, quod Patriarcha Jacob filio suo Joseph mandavit dicens: *vade, & vide, si cuncta prospera sint erga fratres tuos, & pecora*; Nos, ne in ultimo vitæ nostræ exitu, tamquam commissi muneris immemores, corripiamur a Domino, præcipuas Nostræ sollicitudinis curas in eo collocabimus, ut totam Diœcesim quotannis sedula visitatione perlustremus, ac attente dispiciamus, an erga Fratres Nostros, videlicet Ecclesiasticos, gregemque Nostrum, videlicet Nostræ Diœcesis Populum prospera sint omnia? Profecto ne visitet super Nos Dominus in die iræ, loca omnia (1), ac res, & personas omnes, quæ Nostræ jurisdictioni subduntur, diligenti perquisitione scrutabimur, servata in omnibus forma, quam Tridentina Synodus præscripsit. Nostræ autem annuæ visitationis scopus præcipuus (2) erit sanam, orthodoxamque doctrinam contra quælibet erroris, aut novitatis pericula intactam custodire, bonos mores tueri, pravos corrigere, Clerum ad Domus Dei decorem diligendum, ad divinam gloriam propagandam, ad Ecclesiastica munia rite, sancteque obeunda excitare, populum cohortationibus, & admonitionibus ad religionem, pacem, innocentiamque accendere, cætera demum omnia, quæ Prudentia suggeret, & quæ locus, tempus, & occasio feret, ad Fidelium animarum fructum constituere. Cum itaque indicta a Nobis fuerit Visitatio (3), nullus Clericum, cujuscumque ordinis fuerit, dignitatis, & gradus, e Diœcesi abeat, imo si qui absunt, in eam revertantur, inde non, nisi peracta Visitatione, profecturi. Eo autem die, quo Ecclesiam aliquam erimus visitaturi, Clerici omnes, qui Ecclesiæ ejus-

dem

(1) Trid. sess. 6. cap. 4., sess. 7. cap. 7., & 8., sess. 22. cap. 8., & 9., & sess. 24. cap. 3., & 9.

(2) Trid. sess. 24. cap. 3.

(3) Pontificale Roman. tit. *Ordo ad visitandas Parochias*, & *Cæremon. Episcoporum* lib. 1. cap. 4.

dem servitio sunt adscripti, præsentem adsint, & Nos in Ecclesiam ingressuros, honorifico, ut par est, apparatu excipiant, debitam Nobis obedientiam præstent, totoque localis visitationis tempore assint; quod etiam in Capellarum, Oratoriorum, aliorumque Locorum Piorum Visitatione ab eorumdem Rectoribus, Capellanis, ac Ministris diligenter observari jubemus. Expleta locali visitatione, ii omnes, ad quos sive realis, sive personalis visitatio pertinet, moniti ne absint, ut personalis visitatio fieri a Nobis facile possit. Ne quis autem in Sacris vasis, vestibus, libris, aliisque id genus ad officia divina, ac Sacra Ministeria necessariis defectus Nostra visitatione corrigendus ulla ratione occultetur; sub pœnis arbitrio Nostro infligendis dillicte prohibemus, ne visitationis tempore alienis vestibus, ornamentis, aliisque ejusmodi rebus aliunde accersitis Ecclesiæ, aliaque loca visitanda instruantur. Tandem ne hæreditas Domini vertatur ad extraneos, & peccatorum pretia, pauperumque patrimoniis dilapidentur; Volumus, ut in qualibet visitatione Capitulum Nostræ Cathedralis Ecclesiæ, Parochi, Rectores, Beneficiati, Capellani, cæterique omnes Administratores, Æconomi, & Officiales Ecclesiarum, Capellarum, Oratoriorum, aliorumque Piorum Locorum authenticum Nobis exemplar exhibeant exacti illius Inventarii, quod fieri superius jussimus, bonorum omnium mobilium, & immobilium, jurium, actionum, & quorumcumque reddituum, onerumque ad dicta Beneficia, seu Loca pertinentium, in quo tum locorum fines, tum conditiones omnes, tum instrumenta, seu legitima documenta, siquæ sunt, descripta reperiantur; in eum videlicet finem, ut sedulo dispiciamus, numquid ex iis, quæ descripta in eo sunt, aliquid desit, aut sit addendum.

ARTICULUS II.

*De Canonicis, Beneficiatis, aliisque Ministris
Cathedralis Ecclesiæ.*

CUM Canonicatus in Ecclesiis Cathedralibus ad conservandam (1), augendamque Ecclesiasticam disciplinam fuerint instituti, ut, qui eos obtinerent, pietate præcellerent, aliisque exemplo essent, atque Episcopos consilio, opera, & officio juvarent; merito proinde Canonici primum inter eos, qui se divinis Ministeriis manciparunt, obtinent locum. Quamobrem cum per suam dignitatem, ac munus Adjutores Episcoporum, Ecclesiæ Senatus, & Cleri regula constituantur, & a Nobis honorifico *Venerabilium Fratrum* nomine nuncupentur; Unusquisque facile intelligit, quantus habendus illis sit honor, quanta reverentia deferenda. Nos sane, qui illos plurimi facimus, eorum opera, & consilio, ubi opus erit, utemur: ipsi vero a Nobis requisiti, mentem suam ea, qua utique decet, modestia, sed pari animi sinceritate patefaciant. Reliqui autem non modo de populo, verum etiam de Clero ubique illos debito excipiant honore, & in iis Ecclesiæ Tusculanæ Senatum, Nostrosque Consiliarios, & Adjutores sincero venerentur obsequio.

II. Verum Canonici quoque dignitatem agnoscentes suam, quemadmodum præ reliquis sunt honore præstantiores, ita quoque alios scientia, zelo, religione, morumque integritate antecellere studeant. Id autem præstabunt, si non modo exterioris habitus decentia, sed morum potissimum probitate, & gravitate præfulgeant, si nihil reprehensibile, imo ne leve quidem, aut indecorum admittant, si nimiam cum Laicis familiaritatem vitent, si in locis publicis non otientur, si a vanis, scurrilibusque sermonibus abstineant, si denique enixe curent, ut nulla ex parte eorum vituperetur ministerium. Fraternaliter etiam sese invicem amore

profe-

(1) *Trid. sess. 24. cap. 12. de reform.*

prosequantur, supponentes invicem, sibi non invidentes, sed meliora dumtaxat charismata æmulantes. Archipresbyterum, qui eos dignitate præcellit, revereantur, ejusque dictis in iis, quæ ad ejus munus pertinent, sint obsequentes: nisi enim membra consentiant invicem, numquam diuturna corpus perfui poterit valetudine. Diligent decorem domus Domini, divinumque cultum augere pro viribus studeant. Quod ad residentiam attinet, præsentiam in choro, diurnam Psalmodiam, divinorumque Officiorum celebrationem; novissimas Capitulares Constitutiones diligentissime observent. Cum de more coegetur Capitulum, omnes suo in loco sedeant, & negotium, quod discutiendum proponitur, mature perpendentes, sententiam suam libere aperiant, sed sive consilium suum proponant, sive alieno contradicant, ita modeste semper se gerant, ut juxta Apostoli (1) monitum, *omnia in charitate fiant*, totumque studium, privatis posthabitis cupiditatibus, ad Ecclesiæ utilitatem, ac decorem omnes conferant. Summa sit omnibus cura, ut Mensæ Capitularis bona diligentissime administrantur, credita exigantur, obortæque adversus morosos debitores, aut contentiosos homines lites, nulla interposita mora, coram Judice agitentur, ac celerrime, si fieri possit, expediantur.

III. Officiales Capituli omni solertia, diligentiaque munus obeant suum. Canonicus Theologus, nisi infirmitate detentus impediatur, statis diebus, atque horis aliquam Sacræ Scripturæ partem Clero, Populoque explanet. In ea autem explananda non modo perspicuo utatur sermone, verum etiam ex eadem salutaria quædam monita, quæ æternæ Auditorum saluti prodesse possint, excerpant. Ne vero suo muneri umquam desit, ad Capituli negotia pertractanda (2) procul a Civitate ablegari nequeat, quanquam cætera Capitularia officia (3), quæ eidem a Capitulo deman-

(1) 1. Cor. cap. 16.

(2) Sac. Congreg. Concil. in Anagnina

12. Dec. 1676.

(3) Sac. Cong. Concil. in Vicen. Visit. SS. Liminum 15. April. 1690.

256 CONSTITUTIONES SYNODALES

demandentur, recusare non possit. Hunc etiam ob finem tota ea die (1), qua Sacra Scripturae lectionem est habiturus, vacare a Choro poterit, quin distributiones quotidianas amittat. Canonicus Pœnitentiarius in Fidelium Confessionibus audiendis diligentiam suam desiderari non sinat, sed patiens, & assiduus stans temporibus, & horis in Pœnitentiæ Tribunali sedeat, & ad se adventantes Fideles, præsertim rudes, perhumaniter excipiat, instruat, ac erudiat, ut rite confiteantur peccata sua, & saluberrimo divini sanguinis lavacro ab omnibus animæ sordibus, & inquinamentis emundentur. Hinc quamdiu a Choro absit (2), ut Fidelium confessiones excipiat, distributionibus gaudeat quotidianis; quas tamen amittet, si Divinorum Officiorum tempore in Sacro Pœnitentiæ Tribunali sedebit (3) otiosus. Quod si tanta Fidelium multitudo ad Cathedrale Templum aliquando confluat, ut eorum confessionibus audiendis, aut Sacrae Eucharistiæ iisdem ministrandæ impares sint Sacerdotes ad id deputati; & alius fortasse Canonicus ad tale opus a Nobis, vel a Vicario Nostro Generali destinetur; volumus, ut is quoque distributiones quotidianas lucretur, non secus ac si divinis celebrandis Officiis interesset in Choro. Canonicus ille, cui Sacrarum custodia in Officialium electione a Capitulo demandabitur, leges in Constitutionibus Capitularibus sibi præscriptas diligenter exequatur. Tria tamen potissimum sedulitate sua, ac vigilantia obtinere nitatur. 1. ut Sacra suppellex munda sit, ac nitida, & in suis loculis recte disposita, a situ, pulvere, aliisque sordibus servetur immunis. 2. ut Clerici, alique Sacrarum servitio addicti in officio contineantur, nec male morati sint, aut in suo explendo munere torpeant. 3. ut in Sacratio neque strepitus fiat, neque de inutilibus, profanisque rebus misceantur sermones, sed debitum servetur silentium, prout Sacros Ministros decet divina Mysteria, vel Ecclesiastica officia celebraturos. Reliqui Officiales pari studio, diligentiaque mune-

(1) Sac. Cong. Conc. in Limana 14 Junii 1622.

(2) Trid. sess. 24. cap. 8. de reform.

(3) Benedictus XIV. notific. 107. n. 55.

munere fungantur suo, & Capitulares Constitutiones frequenter perlegant, ut quidquid eadem servandum iis præscribunt, ea, quæ par est, animi alacritate exequantur.

IV. Beneficiati, qui Cathedralis Ecclesiæ servitio sunt adscripti, quemadmodum ex hoc eodem servitio specialem quamdam honoris hauriunt prærogativam, ita speciali quoque diligentia, animique fervore Ecclesiæ famulatum præstent suum. Cantum Gregorianum perfecte calleant, seseque in eo diligenter exercent, ut divinas in Choro laudes suavi concentu, atque Ecclesiastica gravitate modulentur. Ecclesiasticos quoque Ritus, sacrasque Cæremonias probe sciant, atque in iis, si opus sit, a Cæremoniarum Magistro erudiri curent, ut in sacris obeundis functionibus nihil indecorum, aut inordinatum admittant. Ea demum omnia, quæ suo loco inferius de Clericorum vita, atque honestate dicemus, servare præ reliquis Clericis quam diligentissime studeant. Reliqui vero Cathedralis Ecclesiæ Ministri, præter innocentis vitæ, ac bonorum operum exemplum, quo nitere debent, totius Templi, sacræque suppellectilis munditiam curent, neque ullam in iis, quæ ad divinum pertinent cultum, operam suam, diligentiamque desiderari patiantur.

ARTICULUS III.

De Parochis.

I. **P**RÆTER Episcopos, quibus totius Diœceseos cura commissa est, ac præter Cathedralium Ecclesiarum Canonicos, quos Episcoporum Consiliarios, atque Adjutores scimus esse constitutos; peculiarem quoque Parochis reverentiam, obedientiam, ac benevolentiam a Fidelibus exhiberi virtus Religionis jubet. Quemadmodum enim ipsi, Apostolo (1) teste, *pervigilant quasi rationem pro animabus plebium suarum reddituri*, adeoque triplici erga illas fungi debent officio, vigilis nempe Pasto-

K k

ris,

(1) Hebr. c.13. v.17.

258 CONSTITUTIONES SYNODALES

ris, Præceptoris optimi, ac Parentis amantissimi; ita Fideles eorum curæ commissi adversus Religionis, ac naturalis æquitatis jura peccarent, nisi suas pro tot susceptis laboribus vices rependere conarentur. Quamobrem iis, ut Pastoribus obedientiam, ut Præceptoribus reverentiam, ut Parentibus benevolentiam præstare omnino non desinant. Ne itaque eorum alterutri muneri desint suo, pauca de utrisque innuamus.

II. Cum Parochi sint animarum Pastores, & *Rectorum* (1) *integritas salus sit subditorum*; ita iidem mores, actusque suos componant, ut *se* (2) *omnibus exhibeant exemplum bonorum operum in doctrina, in integritate, in gravitate*. Nimiam proinde suorum Parochianorum frequentiam, ac familiaritatem evitent. In Templis frequenter, raro in foro, in comestationibus, ludicrisque congressibus numquam versentur: neque enim diu gravitatem servabunt suam, si se subditorum cœtibus frequenter immisceant. Avaritiæ non modo vitium, sed ipsam quoque suspicionem a se amoliri prorsus studeant, itaut vere de iis S. Bernardi (3) dictum illud pronuncietur: *non pascunt, ut comedant, sed comedunt, ut pascant*. Neque enim tradidit illis Deus regiones gentium, ac labores populorum, ut divitiis affluant, aut consanguineos locupletent, sed ut custodiant justificationes ejus, & legem ejus populo tradant. Habentes ergo victum, & vestitum, his contenti sint, & ipsorum divitiæ, ac thesaurus lucra sint animarum. Quoad emolumenta itaque omnia, nonnisi id Parochi exigant, quod in Taxa Innocentiana, & in hac Nostra Synodo definitum reperitur. Ut autem oves Pastoris sui præsentia ab omnibus invisibilibus hostium custodiantur incursibus; primum volumus, ac mandamus, ut aedes Parochiales Parochi inhabitent; vel si hæ nullæ sint, intra Parœciæ saltem suæ fines omnino commorentur: qui secus fecerint, pœnas subibunt arbitrio Nostro infligendas. Meminerint deinde animarum Curatores, se speculatores (4) datos

(1) S. Gregorius in Pastoralis.

(2) Trid. sess. 24. de reform. cap. 1.

(3) S. Bernardus in Evangel. Ecce nos.

(4) Ezechiel. cap. 33.

datos esse domui Israel, adeoque interfectorum animas de manu eorum esse requirendas, si fuerint in Domini grege custodiendo socordes. Cum itaque pro commisso sibi grege sponderint, *festinent, (1) discurrant, non dent somnum oculis suis, neque dormitent palpebræ eorum: secus enim tot occidunt, quot ad mortem ire quotidie tepidi, & tacentes videbunt, & morti, cui non contradicunt, se adjungunt.* Præterea cum in populo constituti iidem sint rerum divinarum Magistri; populum verbo Dei diligenter erudiant, & quidquid in hac Synodo de Doctrina Christiana tradenda, de verbi Dei prædicatione, de Indulgentiarum, jejuniorum, festorumque dierum intra hebdomadam occurrentium denunciatione statuitur, fideliter exequantur. Si quis autem in gerenda (2) animarum cura adiutorem a Nobis obtinuit, aut obtinebit; non se proinde ab omni solutum onere arbitretur, sed quæcumque poterit, per se ipse perficiat, nisi legitimo impedimento detineatur. Sciant tandem Parochi, se parentes amantissimos esse oportere eorum omnium, quos intra Parœciæ suæ fines commorari intelligunt; imo etiam maternam charitatem induentes, tanta cura, vigilantiaque eos in sinu suo portare, ac fovere debere, quanta *portare solet nutrix infantulum.* Quamobrem si *præoccupatus (3) fuerit homo in aliquo delicto*; non eum Phariseorum instar superbo supercilio arguant, & increpent, *sed huiusmodi instruant in spiritu lenitatis, quemadmodum Christi servos decet.* Quod si acrior aliquando animadversio requiratur, *tunc foris (4) terribiliter personæ increpatio, intus tamen charitatis teneatur dilectio.* Sint ergo Parochi solliciti errantium Pastores, ignorantium Doctores assidui, pauperum, ac miserabilium parentes, viduarum, ac pupillorum defensores, nœrentium, ac pusillorum consolatores; uno verbo ita omnibus omnia fiant, ut omnes Christo lucrifaciant.

K k 2

III. Ve-

(1) S. Gregor. homil. II. super Ezechiel, can. Ephesius. dist. 43., can. Consensio. dist. 83.

(2) Cap. Exiripenda. §. Qui vero de præbendis, Concil. Lateran. IV. can. 32.,

& Sac. Congreg. Episcoporum. in Tarentina 28. Februar. 1614.

(3) Ad Galat. c. 6. v. 1.

(4) S. Augustinus serm. 18. de verbis Domini.

III. Verum otiosa prorsus esset, ac inutilis tanta, ac tam gravis Parochorum sollicitudo, nisi eidem par Subditorum responderet industria. Pastorem itaque suum Fideles ea, qua par est, religione venerentur, ejus vocem diligenter audiant, ejus demum præceptis, & consiliis reverenter obsequantur, optima vero exemplis studiose imitentur. Cum ille Doctrinam Christianam est explanaturus, aut Sacram Concionem habiturus ad Populum, in Templum confluant, ejus verba simplici corde, arrectisque auribus audituri. Eundem ad eos venientem omnibus reverentiæ, atque humanitatis officiis excipiant. Ut Pastorem, quocumque illos ad salubria ducat pascua, alacri, expeditoque gressu sequantur. Neminem de illo obloqui sinant, sed ejus famam, vitamque summa animi alacritate tueantur. Eundem, si indiget, pascant, eique, quacumque in re possint, opitulentur. Si mutuis hisce utrinque decertetur officiis, futurum profecto erit, ut vera Dei religio augeatur in Populo, Parochi vero, *tum apparuerit (1) Princepi Pastorum, immarcescibilem percipiant gloriæ coronam.*

ARTICULUS IV.

De Presbyteris nullam animarum curam habentibus.

Quamquam peculiarem Parochis reverentiam esse exhibendam ex iis, quæ modo diximus, abunde constat; Non tamen suus honor,isque summus Sacerdotibus illis est denegandus, quibus nullum fuerit Pastorale officium demandatum. Tanta enim est Sacerdotalis, qua præfulgent, dignitas, ut ea honorem quemlibet ab ipsis terræ Regibus, ac Principibus jure suo sibi vindicet, ac promereatur. Et sane, ut inquit Chrysostomus (2), *Regi corpora commissa sunt, Sacerdoti animæ: Rex maculas corporum remittit, Sacerdos maculas peccatorum: ille cogit, hic hortatur, ille necessitate, hic consilio: ille arma habet sensibilia, hic spiri-*

(1) 1. Petri cap. 5.

(2) S. Jo. Chrysost., lib. 3. de Sacerdot., cap. 5.

spiritualia; ille bellum gerit cum barbaris, huic bellum est adversus demones: Major itaque hic principatus. Propterea Rex manus Sacerdotis caput submittit, & ubique in veteri scriptura Reges a Sacerdotibus inunguntur. Quanta est, Sacerdotes alloquens S. Bernardus (1) exclamat, quanta est prerogativa ordinis vestri! prætulit vos Deus Regibus, & Imperatoribus; prætulit ordinem vestrum omnibus ordinibus; imo, ut alius loquar, prætulit vos Angelis, & Archangelis, Thronis, & Dominationibus. Sicut enim non Angelos, sed semen Abrahæ apprehendit ad faciendam redemptionem; ita non Angelis, sed hominibus, solisque Sacerdotibus Domini Corporis, & Sanguinis commisit consecrationem.

II. Videant ergo omnes, quanto Presbyteri digni sint honore, & quanta cum reverentia a Laicis, si cum illis versentur, sint excipiendi. Nemo itaque illos despiciere audeat, aut contumeliis, & probris laceßere, nisi, præter divinæ ultionis atrocitatem, Nostram quoque subire velit animadversionem. Imo verius certent omnes, apertis honorificentiae signis illos ubique prosequi, & se in illis Ministros Christi, ac dispensatores mysteriorum Dei revereri, ac venerari palam ostendant. Presbyteri vero ipsi virtutum omnium exercitio, morumque suorum integritate se tali honore, ac veneratione dignos probent, neque indecorum, aut turpe aliquid admittant, unde Laici scandalum patiantur. Meminerint, plerumque, (2) quod in Laicis culpa non est, crimen id esse viris in Sacro Ordine constitutis; eosque, si quod crimen perpetrarint, non eadem (3) cum Laicis, sed multo acerbiora esse passuros. Quamobrem ea omnia, quæ in hisce Nostis Synodalibus Constitutionibus de Clericorum vita, atque honestate præscribemus, & quæ superius sparsim constituimus, summa cura, diligentiaque exequantur.

(1) S. Bernardus serm. ad Pass. in Syn.

422. 1.

(2) S. Gregorius lib. 8. epist. 5.

(3) S. Jo. Chrysostr. homil. 27. in Matth.

ARTICULUS V.

De Seminarii Tusculani Alumnis.

I. **C**UM Adolescentium ætas, (1) nisi recte instituat, pronæ sit ad mundi voluptates sequendas, & nisi a teneris annis ad pietatem, & religionem informetur, antequam vitiorum habitus totos homines possideat, numquam perfecte, ac sine maximo, & singulari propemodum Dei Omnipotentis auxilio, in Ecclesiastica disciplina sit perseveratura; Præcipua proinde Episcoporum cura debet ea esse, ut in suis Diœcesibus præstanti ingenio adolescentes habeant, qui & ad pietatem, & ad studia informati, vineam Domini aliquando excolere possint, animarumque salutem procurare. Unde Seminariis factum nomen est, quod in Contuberniis, in quibus adolescentes aluntur, prima veluti pietatis, ac doctrinarum semina jaciuntur, ex quibus temporum progressu fructus amplissimus oritur. Cum autem, quotquot in ejusmodi Episcoporum Seminariis educantur, ad Sacerdotale vocentur munus; cumque in omnibus Sacerdotibus juxta Patrum, & Conciliorum mentem morum probitas, ut irreprehensibiles sint, & doctrina, ut traditum sibi gregem instruere valeant, requiratur; Hæc certe duo ut in Nostri Seminarii Alumnis insint, modis omnibus procurandum a Nobis esse censuimus, ejusque rei gratia Synodales, quæ sequuntur, edimus Constitutiones.

II. Nemo, etiamsi a Tusculano Magistratu nominetur, inter Seminarii Nostri Alumnos accenseri possit, nisi aut Tusculanus Civis sit, aut saltem Diœcesanus, ac nisi primis latinæ linguæ elementis optime imbutus, idoneus censeatur, qui in media classe suam Grammaticæ navet operam. Præterea quicumque in hoc Seminario recipiuntur, duodennes saltem sint, ex legitimis, honestisque orti parentibus, ad Clericalem militiam exercendam habi-

(1) Trid. sess. 23. cap. 18. de ref.

habiles, ad pietatem proclives, iis denique præditi moribus, ut ipsorum indoles, & (1) voluntas spem afferat, eos Ecclesiasticis ministeriis perpetuo, atque utiliter esse inservituros. His autem se instructos dotibus ii, qui in Seminarium admitti postulant, ex testimonialibus Parochorum, Præceptorumque suorum litteris Nobis ostendant, antequam examen subeant, in quo ingenii, doctrinæque periculum sunt facturi. Volumus enim, ut, cum primum Alumnus aliquis e Nostro Seminario non rediturus abierit, ad examen coram Nobis, aut Vicario Nostro Generali, aliisque Deputatis habendum invitentur ex tota Diœcesi, qui periculum subire velint præstantioris ingenii, Adolescentes: Facto autem periculo, qui reliquis ingenio, studio, scientiæque præstiterit, is, cæteris paribus, in locum, qui vacat, admittatur. Pauperum filios (2) in hoc habendo delectu, cæteris paribus, reliquis præferemus: Non tamen a Seminario Nostro ditiorum, aut etiam exterorum liberos excludimus, modo suo sumptu alantur, & studium præferant Deo, & Ecclesiæ inserviendi.

III. Cum tenues admodum essent Seminarii Tusculani reditus, neque Alumnis, licet paucis, ex integro sustentandis sufficerent; Sancitum fuit, ut Alumni singuli suam quotannis symbolum in aliquam propriæ sustentationis partem conferrent, Romana videlicet scuta viginti quinque, quæ annuo Seminarii censui adjuncta, quod ad integram omnium sustentationem deeerat, supplerent. Verum illud exinde incommodum derivari comperit, ut plures egregiæ indolis, optimæque spei adolescentes præsumma, qua premebantur, egestate a Seminario omnino arcerentur; alii vero, cum annuæ huic expensæ tolerandæ pares diu non essent, post unum, aut alterum contubernii annum a Seminario abire cogerentur. Quamobrem fructu illo carebamus, quem uberrimum aliæ Diœceses hauriunt, & quem Nostræ etiam obuenturum ipsi Nobis pollicebamur. Ut tantæ occurreremus calamitati, primo ipso Nostri Episcopatus anno consilium cepimus.

(1) Trid. sess., & cap. cit.

(2) Trid. sess., & cap. cit.

264 CONSTITUTIONES SYNODALES

mus, quod, cum saluberrimum experti simus, Deo juvante curabimus, ut futuris quoque temporibus a Successoribus Nostreis inaeatur. Hoc autem consilium est ejusmodi.

IV. Duos Alumnos ex integro Nostreis sumptibus sustentamus: reliquos vero solvere jubemus primo contubernii sui anno viginti dumtaxat Romana scuta, altero anno quindecim, decem tandem tertio, ac cæteris, quibus in Seminario commorabuntur, annis. Imminutis adeo, quas Alunni subire debent, expensis, speramus fore, ut defuturi numquam sint optimæ indolis, ac præstantis ingenii Adolēscētes, qui per annos plures pietate, ac litteris in Seminario diligenter excolti, universam mox Diocesim Evangelicis Ministeriis excolant, æternamque animarum Nobis commissarum salutem procurent. Verum ne, sublato paupertatis obice, alias malus Dæmon Adolēscētibz instruat infidias, quibus iidem decepti disciplinam oderint, ac declinent, per quam bonis moribus, ac scientiis informentur; decreta aliqua subdimus, quorum omnimodam executionem Vicario Nostro Generali injungimus, ac demandamus.

V. Antequam Adolēscētes inter Alumnos cooptati, in contubernium recipiantur; idoneam præstent cautionem de restituendis alimentis in Seminario perceptis, si quando, Ecclesiastica deserta militia, aut uxorem duxerint, aut ejusmodi vitæ genus inierint, quæ Clericali statui adversetur. Quod si iidem tunc decimum sextum ætatis suæ annum explerint; non modo ratam eandem cautionem habeant, verum etiam & ipsi obligationem de ejusmodi restitutione facienda in forma valida emittant, ac præterea polliceantur, se ad Presbyteratus Ordinem suo tempore esse ascensuros, neque sine Antistitis sui licentia in scriptis obtenta ab Ecclesiæ suæ, ac Diocesis servitio esse discessuros, sub pœna restitutionis alimentorum a dicta promissionis die perceptorum, aliisque Canoniciis pœnis adversus eos constitutis, qui in sui ordinatione alicujus Ecclesiæ servitio adscripti, locum, inconsulto Episcopo, deserere audent. Ab Alumno
autem,

autem, qui nondum decimum sextum explevit ætatis annum, idonea dumtaxat parentum, aut consanguineorum, aut aliorum cautio, de qua superius diximus, exigatur. At cum is postea decimum septimum ætatis annum attigerit; postquam ejus voluntas de vitæ statu deligendo explorata solerter fuerit; Si Sacris Ordinibus insigniri se velle constanter dicat; eandem obligationem, ac promissionem emittat. Quod si casus eveniat, in quo alimmentorum restitutio facienda sit; volumus, ut ea quoque pecuniæ quantitas restituatur, quam usque ad annuam summam vigintiquinque Romanorum scutorum, cum solvere debuissent, beneficio Nostro non persolverunt, & de hac etiam restitutione facienda idoneam ab Alumno, antequam in Seminarium recipiatur, dari volumus cautionem. Binos Alumnos, qui Nostri sumptibus nutriuntur, iisdem, quibus reliqui Alumni, teneri legibus, iisdemque obligationis emittendæ, præstandæque idoneæ cautionis oneribus succumbere declaramus; ac præterea illud etiam iisdem injungimus, ut, antequam in contubernium admittantur, spondeant, idonea præstita cautione, se vigintiquinque annua Romana scuta Seminario soluturos pro eo tempore, quo in eodem permanferint, si ante decimum sextum ætatis annum expletum ab eo non redituri discesserint.

VI. Alumni nonnisi absoluto studiorum curriculo a Seminario abire possint. Integer autem studiorum cursus octo omnino annorum spatio absolvatur, itaut primum biennium Grammaticæ, alterum humaniorum litterarum, ac Rhetoricæ, tertium Philosophiæ, quartum denique Theologiæ Scholasticæ, ac Moralium studio commodetur. Quod si quis labori non parcens, ingenioque suo bene utens, cursum hunc citius absolvat, expleto Theologiæ biennio, abundi facultatem a Nobis obtinebit. Nemini tamen liceat hunc studiorum ordinem pervertere, neque ab una classe ad aliam, aut ab una ad aliam facultatem transitum facere, nisi in examine coram Nobis, aut Vicario Nostro Generali,

nerali, aliisque ad id Deputatis habendo fuerit repertus idoneus, ac transeundi facultatem in scriptis impetraverit.

VII. Ut Alumni juxta Apostoli (1) monitum in disciplina, & correptione Domini educantur, eas leges, & Constitutiones fideliter servant, quas pro eorundem institutione Cardinalis Corsinus Episcopus olim Tusculanus, deinde Pontifex Maximus statuit, & quas a Cardinali Corradino Episcopo pariter Tusculano auctis, Nos tota, qua pollemus, auctoritate confirmamus, & approbamus. Optimos vero Seminarii Moderatores enixe rogamus in Domino, ut, quemadmodum ab iis fieri jam vidimus, & gavisi sumus, exactæ earundem legum observantiæ diu, noctuque invigilare pergant, scientes quod magnam a Domino accipient retributionem. Verum cum necesse sit, uti dolens inquit S. Leo (2), de mundano pulvere etiam religiosa corda fordescere; Alumni quotannis octo dierum spatio, tota videlicet Dominicæ Passionis hebdomada, spiritualibus exercitiis excolantur, *ut reformentur* (3) *in novitate sensus sui, & probent, quæ sit voluntas Dei bona, & beneplacens, & perfecta.*

VIII. Præscriptis diebus in Cathedrali Templo Choro, aliisque sacris functionibus intersint, angelicam præferentes modestiam, divinasque laudes compositis vocibus rite, graviterque modulantes. Eam ob causam Gregoriano cantui suis temporibus strenuam dent operam, & nemo ab eo addiscendo se subtrahat. Ut Ecclesiasticis functionibus utiliter inserviant, Sacros Ritus, ac Cæremonias calleant. Quamobrem semel in hebdomada, cum vacant a Schola, hora vigesima prima in Cathedrale Templum convenient, ubi per dimidiam horæ partem Sacros Ritus a secundo Cæremoniarum Magistro edoceantur; cui proinde in laboris præmium Seminarii Œconomus duo quotannis Romana scuta perfolvat. In iis autem, quæ ad Chori servitium, atque Ecclesiasticas functiones pertinent, Canonicorum, Præfecti Chori, Cære-

(1) Ad Ephes. c. 6. v. 4.

(2) S. Leo serm. 4. Quadrag.

(3) Ad Rom. c. 12. v. 2.

Cæremoniarum Magistri, & Sacrii Custodis jussu fideliter peragant. Canonicis quoque, dum sacris se aut induunt, aut exuunt vestibus, famulatrices manus Alumnorum porrigant. Quod si forte eorum aliquis, aut ejusmodi jussu facere detrectaverit, aut minus reverenter se gesserit, res tota ad Vicarium Nostrium Generalem deferatur, cujus erit promeritam delinquenti pœnam irrogare.

IX. Talaris, ejusdemque cærulei coloris sit Alumnorum vestis, non lacera, non fordida, non pulverulenta, sed gravis, & composita, qualis decet Clericos. Cum per Urbem iidem gradientur, bini semper incedant, neque extraneum ullum ad suum admittant consortium sine Præfecti licentia, a cujus conspectu numquam sive in Urbe, sive extra Urbem se subtrahere audeant: Qua quidem in re siquid unquam peccatum fuerit, Præfecto eidem præcipimus, ut rem ad Seminarii Moderatorem, quem Ministrum vocant, continuo deferat, cujus prudentiæ erit rem totam explorare, & reum, si opus sit, opportuna animadversione coercere. Perraro infra annum, & non nisi obtenta a Seminarii Superioribus licentia, paternam, aliorumve consanguineorum domum adeant, ea etiam adjecta conditione, ut numquam soli procedant, & ante noctem ad Seminarium revertantur. Nulli eorum liceat extra Seminarium, in propria licet parentum, aut consanguineorum domo, pernoctare, nisi peculiarem ad id a Vicario Nostro Generali petierit, atque obtinuerit facultatem. Qui secus fecerit, graviter puniatur, & si res ita postulaverit, a Seminario extorris esse jubebitur. Bacchanalium tempore Alumnis omnibus reditum in patriam, seu consanguineorum domum omnino interdiciamus, nisi forte gravis aliqua necessitas a Vicario Nostro Generali cognoscenda, & approbanda id exigat; ne videlicet commixti (1) inter gentes discant opera earum, & fiant ipsi scandalum. Autumnalibus quoque feriis neminem, nisi gravi de causa, a Sodalium suorum contubernio abire patiemur. Neque enim in Seminario

L 1 2

hone-

(1) Psalm. 105. v. 35.

honestâ Alumnis deerit, jucundaque occupatio, qua relaxari animus possit, fractæque corporis vires refici, ac recreari.

X. Reliquum nunc est, ut Seminarii Nostri Alumnos, qui nunc sunt, & qui postmodum erunt, precibus, hortationibus, imperio urgeamus ad operam omnem suam in Ecclesiasticorum morum, atque scientiarum acquisitione collocandam, quo videlicet, cum opus erit, in hac Domini Vinca Nobis concredita excolenda eorumdem ministerio uti valeamus. Quid enim iis proderit in Domo Dei adolescentiam suam traduxisse, nisi illapsus fuerit super eos Spiritus Domini, & ætate profecerint, gratia, & sapientia apud Deum, & apud homines? *Non Hierosolymis fuisse, sed Hierosolymis bene vixisse laudandum est*, uti sapienter inquit S. Hieronymus (1). Non ignoramus quidem, nonnihil difficultatis ab iis esse subeundum, ut veterem hominem exuentes, novum in Christo induant, depulsisque ignorantiae tenebris, in penitiores scientiarum recessus admittantur. Verum ut bono sint animo, nullaque difficultate, aut labore deterreantur; in mentem sibi frequenter revocent, attenteque meditentur illud Apostoli: (2) *Omnis disciplina in presenti quidem videtur non esse gaudii, sed mæroris: Postea autem fructum pacatissimum exercitatus per eam red-det justitiæ. Propter quod remissas manus, & soluta genua erigite.*

CAPUT XXIV.

DE REGULARIBUS.

I. **Q**uemadmodum supremus belli Dux selectas in exercitu habere turmas Militum solet bellicæ virtutis, rerumque gestarum gloria spectabilem, quorum fidei ac dexteritati graviore committere fidentius possit expeditiones; Ita Christus in Ecclesia sua, quæ terribilis est ut castrorum acies ordinata, selectos habet milites, quos suis pressius inherentes vestigiis, adjuutores sibi ad salvandas animas, & ad mali Dæmonis

(1) S. Hieron. epist. 13. ad Paulinum.

(2) Ad Hebr. cap. 12. v. 11., & 12.

nis jam fractas vires iterum, iterumque conterendas adsciscit. Hæ Christi Militum turmæ illæ sunt Religiosæ Familæ, quas a sanctissimis viris divino afflante spiritu institutas, & innox Apostolica auctoritate confirmatas Romani Pontifices in Vineâ Domini posuerunt, ut operarentur, & custodirent illam. Cum autem eardem de Catholica Ecclesia benemeritæ semper fuerint, & benemereri adhuc pergant; ab Apostolica quidem Sede plurimis auctæ sunt, cumulatæque privilegiis; a reliquis vero Christifidelibus peculiari veneratione, benevolentiaque excipiuntur. Harum Familiarum Alumnos, qui in hac Nostra Civitate, ac Diocesi commorantur, Nos hîc alloquimur. Et primum quidem illos paterna charitate complexi, ex animo iisdem gratulamur, quod ad tantum opus, tantumque ministerium divina liberalitate fuerint assumpti. Illos deinde peramanter hortamur, atque enixe rogamus in Domino, ut quilibet pro Instituti sui ratione, facultatibus uti, quas illis largiti sumus, Nostrique esse adjuutores velint in hac excolenda Dominicæ Vineæ parte, cujus culturæ, custodiæque, prout Officii Nostri ratio postulat, summa pro viribus vigilantia excubare Nos oportet. Tandem pauca quædam ex Pontificiis Constitutionibus decerpta in eorum mentem revocamus, quæ si exacte ab iis observentur, procul dubio fiet, ut eorum opera sit ipsis quidem perhonorifica, Nobis vero perjuvunda, Gregi tandem Nobis concredito utilissima.

II. Meminerint itaque Regulares, uti sibi quidem, non vero abuti licere iis privilegiis, quibus Apostolica benignitate cumulati sunt. Sciant adversus eos, a Nostra licet Ordinaria Jurisdictione exemptos, procedere Nos adhuc in plurimis posse tamquam Apostolicæ Sedis delegatos; ut, cum iisdem vel in Sacramentorum administratione, vel in celebratione Missarum, vel in verbi divini prædicatione deliquerint. Præterea quicumque animarum curam in sæculares personas in iis Ecclesiis exercent, quæ virorum, aut mulierum Monasteriis, seu domibus sunt adnexæ, five

sive Regulares ii sint, sive Sæculares, ex Tridentini (1) decreto subesse debent immediate in iis, quæ ad dictam curam, & Sacramentorum administrationem pertinent, jurisdictioni, visitationi, & correctioni Episcopi, in cujus Diœcesi prædicta Monasteria sunt sita exceptis dumtaxat iis Monasteriis, seu locis, in quibus Abbates, aut alii Regularium Superiores jurisdictionem Episcopalem, & temporalem in Parochos, & Parochianos exercent, salvo tamen eorum Episcoporum jure, qui majorem in prædicta loca, vel personas jurisdictionem exercent. Plures super hoc Tridentini decreto exortas controversias Sacra Congregatio Concilii, Romanique Pontifices, peculiariis editis Constitutionibus, ac decretis, diremerunt. Ne vero iterum reviviscerent, ejusmodi decreta in unum collegit Benedictus XIV., eaque peculiari sua Constitutione (2) confirmans, servari in perpetuum jussit. Constitutionis exemplar damus in Synodi Appendice num. 23., hæc autem eandem per summa capita delibamus.

III. Cum Sacerdotes nonnulli, qui neque Parochi erant, neque animarum curæ addicti, sine prævia Episcopi, aut Parochi licentia aliquibus Christianis matrimonium interfuissent; dubitatum fuit, utrum, cum ab Episcopali jurisdictione essent exempti, eorum correctio ad Episcopum, an ad eorum Superiores privative spectaret? Ad Episcopum privative spectare declaravit Gregorius XV., qui illud etiam (3) decrevit, ut deinceps tam Regulares, quam Sæculares quomodolibet exempti, sive animarum curam personarum Sæcularium Monasteriis, seu Domibus Regularibus, aut quibuscumque aliis Ecclesiis, vel Beneficiis, sive Regularibus, sive Sæcularibus incumbentem exercent, sive alias Ecclesiasticæ Sacramenta, aut unum ex illis ministrent, prævia Episcopi licentia, & approbatione, sive quoquo modo in dictæ curæ exercitio, aut in eorumdem

(1) Trid. sess. 25. cap. 11. de Regularib.

(2) Benedictus XIV. Constit. Firmandis. edita Idibus Novembr. 1744.

(3) Gregorius XV. Constit. Inscrutabili. edita Nonis Februarii 1622.

rumdem Sacramentorum, vel alicujus ex illis administratione de facto absque ulla auctoritate se ingerant; in his, quæ ejusmodi curam, seu administrationem concernunt, omnimodæ jurisdictioni, & correctioni Diocesani Episcopi, tamquam Sedis Apostolicæ delegati, plene in omnibus subjiçiantur.

IV. Cum Episcopi Pastoralem Visitationem aggrediuntur, in singula Diœcesis loca Missionarios præmittere solent, qui divini Verbi prædicatione, ac Pœnitentiæ, atque Eucharistiæ administratione spiritualem populorum profectum, & animarum salutem studeant promovere. Dubitatum fuit, an Regulares Parochi Missionarios hujusmodi, sive Sæculares ii sint, sive Regulares, ab Episcopo missos, tamquam Visitationis suæ prænuncios, in propriis Ecclesiis, ac domibus ad exercenda munia iisdem commissæ admittere, ac recipere tenerentur? Libenter eos excipi debere respondit Sac.(1) Congregatio Episcoporum, ac Regularium, omnibusque rebus juvari, quibus ad injunctum sibi onus implendum opus illis esse contigerit. Quam quidem responsionem Benedictus XIV.(2) Apostolica auctoritate confirmavit, & in posterum, quoties id opus esse prudenti Episcopi arbitrio judicatum fuerit, ab omnibus executioni demandari præcepit, illud etiam adjiciens, licere Episcopo tum in ipsa Visitatione, tum extra illam, in Regularium Ecclesiis sive Parochialibus, sive non Parochialibus Sacramentum Confirmationis administrare.

V. Dum Ecclesias Parochiales, quæ a Regularibus administrantur, Episcopus visitat, tum Altare, in quo divina asservatur Eucharistia, tum Sacrum Tabernaculum visitare eidem licet; ac præterea baptismalem fontem, si adsit; Confessionale, in quo Parochus Confessiones excipit; Ecclesiæ pulpitum, e quo jus habet verbi divini annunciandi; locum in Ecclesiæ Sacrario, in quo Sacra supellex pro Sacramentis tam in Ecclesia, quam extra illam administrandis asservatur; Sepulchrum, & Cœmeterium humandis Parochianorum cadaveribus destinatum; Tur-

rim

(1) Sac. Cong. Episcop. 31. Aug. 1668. (2) Benedictus XIV. cit. Const. *Firmendis.*

272 CONSTITUTIONES SYNODALES

rim Campanariam, in qua sint Campanæ ad Parochiam proprie spectantes; ac deum omnia sacra vasa, in quibus particulæ consecratæ, Sacra olea, aqua baptisterii, & alia aqua rite benedicta, quæ ad Ecclesiæ fores collocari solet, custodiuntur.

VI. In personali Parochi Regularis Visitatione, licet Episcopi non sit inquirere, qua ratione se Parochus gerat in iis, quæ ad Institutum Regularis observantiam spectant, cum ad Regularem ipsius Superiorem id privative pertineat; Potest tamen is ejusdem vitam, moresque scrutari (1) quoad ea, quæ extra claustrum prodierint, cum Rectoris animarum exempla & plurimum conferre ad Populi ædificationem, & contra eidem obesse maxime possint. Præterea ad Episcopi jus, & officium pertinet examinare, an Parochustitulo legitimo curam animarum exerceat; an residentiæ legem observet; an ad Synodum vocatus accefferit; an Congregationes super conscientiarum casibus haberi solitas frequenter; an onera curæ animarum adnexa impleverit; an festis de præcepto diebus Missam pro Populo applicaverit, Verbum Dei prædicaverit, puerosque in Fidei rudimentis, Christianæque doctrinæ præceptis instruxerit; an statis diebus Fidelium confessiones excipiat; an ægrotantibus, & in extremo vitæ agone constitutis Sacramenta tempestive conferat, debitaque spiritualia subsidia sedulo præstet; an pueros, puellasque ad primam Communionem, & ad Confirmationis Sacramentum suscipiendum opportunis instructionibus erudierit; an priusquam matrimonia contrahantur, consuetis adhibitis inquisitionibus, tuto deprehenderit, nullum inter contrahentes impedimentum existere, libere eosdem matrimonio consentire, & in Doctrina Christiana, ac in præcipuis potissimum nostræ Religionis Mysteriis satis esse eruditos; ac deum an Parochiales libros apud se recte ordinatos retineat. Uno verbo: quidquid a Parocho sæculari Episcopus exquirere, atque exigere solet, ac debet; id omne, Regulari dumtaxat excepta observantia, a Parocho Regulari exquirere,

(1) Benedictus XIV. cit. *Constit. Firmendis.*

rere, atque exigere potest. Quod si illum muneri suo defuisse comperit, opportuna condere decreta potest, imo etiam meritis in eundem poenas statuere. Qua tamen in re Præful Regularis cumulativum cum Episcopo habet jus, sed ita, ut si aliter a Superiore Regulari, & aliter ab Episcopo decernatur, hujus, non vero illius standum sit decreto. Inquirere autem in Parochianorum mores, ad Episcopum privative spectat, obortaque inter eos scandala cognoscere, atque opportunis remediis refecare, cum nulla in hujusmodi Parochianos Regularibus Superioribus competat jurisdictio. Tandem si Regularem Parochum sive Episcopus, sive Prælatus Regularis ab exercitio curæ removendum esse judicaverit, valida æquo jure erit remotio, quin alterius consensus requiratur, aut ejusmodi judicii causæ alteri sint aperiendæ, multoque minus probandæ, ac verificandæ. Hæc, aliaque plura in toties laudata Constitutione Benedictus XIV. statuit, ac servari mandavit; quorum quidem omnium observantiam, cum sese feret occasio, modis omnibus urgere non desinemus.

VII. Quamquam in Agro Dominico messis quidem multa sit, Operarii autem pauci, inter quos proinde summa animorum consensio esse debere videretur; Numquam tamen inter eos humani generis hostis dissidia, jurgia, & offensiones ferere destitit, ne videlicet, exculso solerter agro, messis fructu centesimo cœleste in horreum congregaretur. Evenisse id potissimum sciimus exemptionum, ac privilegiorum occasione, quibus Apostolica Sedes Regulares viros auxit, ut eos ad Ecclesiæ agrum majori alacritate excolendum excitaret. Ut hæc dissensionum semina tollerentur; obortas controversias Tridentina primum Synodus, mox Romani Pontificis decretis suis diremerunt. Verum cum nondum firma, ac stabilis inter Villicos haberetur pax; Clemens X. definitiones omnes Tridentini Concilii, Summorumque Pontificum in unum collectas sua perpetuo valitura Constitutio-

ne (1), cujus exemplar in Appendice num. 24. damus, pro summo, quoungebatur, Apostolatus officio munit, ac roboravit. Pauca ex Constitutione quoad Verbi Divini prædicationem, ac Sacramentorum administrationem sancita, in Regularium memoriam, ne umquam excidant, revocemus. Ac primum quidem Regulares in sui Ordinis Ecclesiis, vel Oratoris de Superiorum suorum licentia prædicaturi, benedictionem ab Episcopo Diocesano petere debent, quam tamen licet non obtinuerint, prædicare tamen possunt, nisi Episcopus aperte contradixerit: tunc enim, si prædicare audeant, ab eo tamquam Sedis Apostolicæ Delegato, ex Bulla Gregorii XV. (2), censuris, aliisque Ecclesiasticis pœnis coerceri, ac puniri possunt. Eandem benedictionem petere debent, si ad Sanctimonialia eorum Ordini subiectas, licet clausis januis, nullusque Sæcularis interfit, concionem sint habituri. In Ecclesiis autem, quæ suorum Ordinum non sunt, prædicare nullo modo possunt, nisi, præter suorum Superiorum licentiam, Episcopi quoque licentiam gratis dandam obtinuerint, qui illos poterit, licet ab Universitatibus, ac Magistratibus Laicis nominatos, ac licet ab Episcopis Antecessoribus licentiam ejusmodi absque examine per tempus immemorabile obtinuerint, poterit, inquam, quoad doctrinam examinare, si ejus arbitrio, quod moderatum esse debet, ac discretum, ita videatur. Tandem licet Episcopus prohibere generationi Regularibus nequeat, quin in suorum Ordinum Ecclesiis prædicent, prædicandi tamen licentiam singulis semel concessam, ob rationabiles causas, licet occultas, prædicationem tamen concernentes, suspendere valet.

VIII. Quoad Pœnitentiæ Sacramentum a Regularibus administrandum, in laudata Clementis X. Constitutione sancita hæc sunt. 1. Regulares neque Sæcularium, licet Sacerdotum, confes-

(1) Clemens X. Constit. *Superna*, 11. Cal. Julii 1670.

(2) Gregorius XV. Constit. *Inscrutabili Dei providentia*.

ffessiones audire, neque ad id idonei reputari possunt, nisi vel Parochiale beneficium obtineant, vel ab Episcopo per examen, aut alias judicentur idonei, & ad audiendas confessiones approbentur. 2. approbati ab uno Episcopo in sua Diœcesi, non possunt in alia Diœcesi sine Episcopi Diœcesani approbatione confessiones audire: approbati generaliter ad Sæcularium confessiones, non possunt sine speciali Episcopi approbatione Moniales etiam sibi subiectas confitentes audire: approbati pro uno Monasterio, non censentur approbati pro alio: semel deputati Confessores extraordinarii, & ab Episcopo ad Monialium confessiones pro una vice audiendas approbati, expleta deputatione, non possunt in vim ejusmodi approbationis illarum confessiones audire, sed toties approbandi sunt ab Episcopo, quoties casus deputationis advenierit. 3. Regulares prævio examine, simpliciter, & absque ulla temporis præfinitione ab Episcopo (secus si ab ejus Vicario, aut ab Episcopis Antecessoribus) approbati, nequeunt ab eodem vel iterum examinari, vel ab audiendis confessionibus suspendi, nisi nova superveniat causa ad confessiones ipsas pertinens, quæ tamen neque probari in actis debet, neque Prælati Regularibus ab Episcopo significari, sed Apostolicæ dumtaxat Sedi, quando eam sibi aperiri postulaverit. 4. quamquam, inconsulta Apostolica Sede, facultatem audiendi confessiones adimere Episcopus nequeat omnibus simul unius Conventus Regularibus Confessoribus; si tamen Regulares aliqui cum scandalo, aut alias inhoneste vivant, vel crimen aliquod admittant satis grave; cum præcipua Confessoris qualitas esse debeat vitæ integritas, ac morum honestas; eam ob causam Episcopus poterit Regulares a se approbatos a confessionibus audiendis suspendere, aut repellere. Hæc omnia exacte servari volumus, ac mandamus.

IX. A vetustissimis temporibus in Monachorum Cœnobiis tam vigili cura custoditam fuisse clausuram scimus, ut non modo scæminis, verum etiam masculis in eorum claustra, imo in Oratoria etiam, & in Ecclesias sub gravissimis pœnis aditus interdice-

retur, ne videlicet, ut ait S. Gregorius Magnus, *in Seroorum Dei secessibus occasio popularibus præberetur conventibus, Et exinde simplices animæ in scandalum traherentur*. Disciplina hæc varias pro temporum varietate subiit vices, donec tandem Romani Pontifices, cum viris, tum mulieribus ad publica Monachorum Tempia accessum permittentes, illum mulieribus quibuscumque in eorum Clausuram sub pœna excommunicationis ipso facto incurrendæ interdixerunt. Verum cum progressu temporis aliqui Apostolicas hæc leges parvi facerent, vel eas pro arbitrio interpretantes ingressum mulieribus in Monasteria permitterent; alii privilegia, aut indulta sibi a jure, vel ab homine concessa obtinentes, fœminas intra Monasteriorum claustra, cubicula, aliasque officinas, aut una secum ducerent, aut admittere, ac recipi mandarent; alii demum religionis obtentu, cum a supplicantium agmine Eucharistia, sive Sanctorum reliquiæ, aut imagines per Monasteriorum claustra deferrentur, sine ullo discrimine mares, ac fœminas ejusmodi supplicationes per ea loca sequi, & comitari licere, imo etiam ad Indulgentias lucrandas necessarium esse dicitarent; Ad hos eliminandos abusus Benedictus XIV. Constitutionem edidit, cujus exemplar in Appendice num. 25. subnectimus. In ea autem Summus Pontifex primum Constitutiones omnes Romanorum Pontificum tum ante, tum post Concilium Tridentinum hæc super re editas renovat, & confirmat, easque in posterum sub iisdem pœnis, quæ in iis continentur, servari omnino mandat, ac decernit. Deinde omnia indulta, privilegia, licentias, & concessiones quibuscumque personis, etiam Ecclesiasticis, etiam Cardinalibus, eorumque Congregationibus, etiam de latere Legatis &c. quocumque tempore a quibusvis Romanis Pontificibus, quacumque de causa, occasione, titulo, & colore super hujusmodi mulierum accessu, & ingressu factas, & impertitas, etiam per Apostolicas litteras sive in forma Brevis, sive sub plumbo expeditas, revocat, annullat, atque irritat. Præterea decernit, ac declarat, antedictorum quemlibet,

libet, qui aliqua ejusmodi facultate uti temere audeat, ipso facto, & absque ulla alia declaratione pœnas, & Ecclesiasticas censuras, a quibus, excepto mortis articulo, nonnisi a Romano Pontifice absolvi possit, incurrere, & incurrisse: Ejusmodi vero licentiam cuicumque concessam nullius momenti, perinde, ac si concessa non fuisset, ipso facto haberi, ipsoque etiam facto contravenientem censuris, aliisque Ecclesiasticis pœnis innodari.

X. Regularibus etiam in memoriam revocamus, Religiosos quoslibet, cujusvis Ordinis sint, & Instituti, extra Claustra etiam cum Superiorum obedientia, vel licentia degentes, si deliquerint, Ordinario loci, uti Sedis Apostolicæ delegato, subiectos esse, qui proinde eos visitare, punire, & corrigere potest, uti conceptis verbis Tridentina (1) Synodus statuit. Siquis itaque eorum in Nostra Diœcesi extra Claustra degens deliquerit, nullo obstante exemptionis privilegio, pro modo culpæ a Nobis plectetur. Intra Monasterii vero Claustra degentes, (2) si extra illa notorie deliquerint, ut populo scandalo sint; Nobis instantibus, intra tempus a Nobis constituendum, a suis Superioribus severe puniantur, qui mox de irrogata pœna certiores Nos faciant. Quamobrem criminosi, antequam pœnam subeant, extra Nostram Diœcesim ne amendantur, vel si transmissi fuerint, revocentur: sin minus, (3) Superior a suis Prælatis majoribus officio privetur; delinquens vero Regularis in foro Nostro Episcopali pro delicti gravitate pœnas luat. Quia vero Regulares de uno ad alium Ordinem translati, facile a suo Superiore licentiam extra Monasterium commorandi obtinere solent, ex quo vagandi, & apostatandi occasio tribuitur; ex Tridentini Concilii (4) decreto nemo cujuscumque Ordinis Prælatus, seu Superior vigore cujusvis facultatis aliquem ad habitum, & professionem admittere possit, nisi, ut in Ordine ipso, ad quem transfertur, sub sui Superioris obe-

(1) Trid. sess. 6. cap. 3. de reform.

(2) Trid. sess. 25. cap. 14. de Regular.

(3) Trid. loc. cit., cap. finali §. Si vero.

de statu Monachorum; Clemens VIII. Constit. 39. *Suscepti muneris.*

(4) Trid. sess. 14. cap. 11. de reform.

278 CONSTITUTIONES SYNODALES

obedientia in Claustro perpetuo maneat. Siquis igitur hujusmodi translatorum extra Claustra commoretur, ac degat; Ordinarius loci Antistes (1) omnem super eo habet jurisdictionem, illamque libere, ac licite exercere potest, ac valet; quam sane, si sese feret occasio, atque ita rei gravitas postulabit, in Nostra Dicecesi exercere non omittemus.

XI. Nulla nova Regularium Monasteria in Tusculana Dicecesi sine Nostra in scriptis facultate erigantur: Eam autem juxta Pontificias Constitutiones (2) nunquam erimus concessuri, nisi duodecim saltem Religiosi Viri habitare in iis, ac sustentari valeant, & nisi, cognita causa, Regulares, qui ad quatuor passuum millia alibi commorantur, alique omnes, quorum interest, vocati, & auditi a Nobis fuerint. *Omnes vero, ac singuli Regularium (3) Conventus ab Innocentio X. non suppressi, in quibus sex saltem non aluntur Religiosi probatæ vitæ, quorum ad minus quatuor sint Sacerdotes maturæ ætatis, annorum videlicet quadraginta completorum, Visitationi, correctioni, omnimodæque Nostræ Jurisdictioni delegate in omnibus subsint.* Conventus etiam post diem 21. Junii 1625. cum pauciore numero, quam duodecim Religiosorum, erecti, Nostræ Jurisdictioni, ut in suo decreto Urbanus VIII. præscribit, subjiciantur. Conventus tandem, (4) suppressi quidem per Innocentii X. Constitutionem *Instaurandæ*; at mox rationabilibus de causis restituti, Nostræ visitationi, correctioni, omnimodæque Jurisdictioni subdantur, donec ita aucti eorum redditus fuerint, ut duodecim in iis Religiosi commode sustentari valeant, ac de facto sustententur. Interea tamen in eorum singulis ali debeant, & re ipsa alantur sex saltem Religiosi probatæ vitæ, ex quibus quatuor ad minus sint maturæ ætatis Sacerdotes: secus

(1) Benedictus XIV. in Decretali Pontificia commendatione. 27. Maii 1746.

(2) Clemens VIII. Conf. *Quoniam ad instantiam*. anni 1603., Gregor. XV. Conf. *Cum alias*. anni 1604., & Urbanus VIII. Conf. *Romanus Pontifex*. anni 1625.

(3) Innocentius X. Conf. 32. *Ut in parvis*. edita 10. Febr. 1654.

(4) Innocentius X. Conf. *Ut in parvis*., Benedictus XIV. de Synodo Diocesana lib. 3. cap. 2. per totum.

secus nulla erit, atque invalida restitutionis gratia, & Nostrium semper erit Jus, ac facultas in iis Conventibus ea omnia exequendi, quæ in aliis Conventibus itidem suppressis demandantur, perinde ac si restitutionis gratia non emanasset. Super his tamen servari omnino volumus, ac mandamus declarationes iussu Alexandri VII. editas 27. Julii 1655.

XII. Regulares, quantumcumque exempti, si forte (1) in piorum testamentorum executione male se gesserint, noverint, se ad rationem coram Nobis reddendam cogendos fore, cointer quoque (quod Deus avertat) dolo, a Nobis esse puniendos; quemadmodum a Nobis (2) etiam privative quoad Superiores suos Regulares, se judicandos, ac puniendos esse sciant, si forte (quod numquam futurum arbitramur) monetas tondere, aut falsificare, aut adulterare, aut cedulas Montis Pietatis, & Mensæ Nummariæ Sancti Spiritus falsificare, alterare, ac expendere ausi fuerint. Præterea si Regulares ea Sacramenta administrare, aut eas exercere functiones præsumpserint, quæ ad Parochorum jus privative spectant; facultate utemur a Sacris Canonibus, a Tridentina Synodo, & ab Apostolicis decretis Nobis tradita, eosque, servatis servandis, censuris, aliisque Canonicis plectemus pœnis: quod quidem a Nobis etiam præstabitur, si iidem (3) absque Nostra facultate, & approbatione sive in sua, sive in aliena Ecclesia exorcizandi munus exercuerint. Tandem Regulares generatim sciant, se Nostre Jurisdictioni, & correctioni esse obnoxios in iis omnibus, quæ pertinent ad causas Fidei, ad verbi divini prædicationem, ad Sacramentorum administrationem, Pœnitentiæ præsertim, & Eucharistiæ, ad Eucharistici Sacramenti custodiam, publicamque expositionem, ad celebrationem Missarum, aliaque hujusmodi plura, uti suis locis superius diximus,

(1) Clem. 1. de testamentis.

(2) Urbanus VIII. Const. *Superna*. edita 13. Nov. 1617., & Benedictus XIV. Const. *Ad curam nostram*. edita pridie Calendas Novemb. 1756.

(3) Gregorius XV. Const. 18. *Inscrutabili*, Sac. Cong. Episc. in Florentina 22. Febr. 1625., & Benedictus XIV. Const. *Magno cum animi nostri dolore*. §. 34. edita die 2. Junii 1751.

mus, ac dicemus inferius. Quamobrem Regulares in Nostra Diœcesi commorantes enixe rogamus, atque hortamur in Domino, ut Nostras hæc Synodales Constitutiones attente perlegere non dedignentur: sic enim fiet, ut eorum, quæ facienda, & quæ vitanda sibi sunt, facilius reminiscantur, ac nemini offensionem, bonum autem omnibus exemplum præbeant.

XIII. Nemo ad Religiosam Professionem, nisi post decimum sextum (1) ætatis annum expletum, & post integrum annum ab habitus susceptione in probatione traductum, admittatur: Secus Professio nulla erit, nullamque obligationem inducet. Nulla quoque erit renunciatio, aut obligatio quæcumque, etiam jurata, vel in favorem cujuscumque causæ piæ a Novitio facta, nisi cum Nostra, aut Vicarii Nostri Generalis licentia intra duos menses proximos ante Professionem facta fuerit; neque, nisi professione secuta, suum sortiatur effectum. Sub anathematis poena ante Professionem (2) (excepto Novitii victu, & vestitu pro Novitiatus tempore) quocumque prætextu neque quidquam ex Novitii bonis ab ejus parentibus, vel propinquis, aut curatoribus Monasterio tribuatur, neque a Monasterio quidquam recipiatur, ne ille hac occasione discedere nequeat, quod totam, vel majorem substantiæ suæ partem Monasterium possideat, nec eam facile, si discesserit, recuperare possit. Quare ante Professionem abeuntibus omnia, quæ sua erant, restituantur. Nostri autem Episcopalis erit muneris etiam per Ecclesiasticas censuras, si opus fuerit, curare, ut recte omnia fiant.

XIV. Si datam hominibus fidem frangere, conventionesque eas, quæ ab humanis legibus robur accipiunt, abrumpere, ac violare non licet; Multo magis necesse est obligatum Deo mentis propositum immutabiliter servari, earumque pactionum, quæ divino, & Ecclesiastico jure indissolubiles sunt, perpetuam firmitatem

(1) Trident. sess. 25. cap. 15., & 16. de Regularibus.

(2) Trident. loc. cit. cap. 16., & Concil.

Lateranen. sub Innoc. III. relatum in cap. *Quoniam*, de Simonia.

mitatem, observantiamque curari. Eam ob causam Benedictus XIV, quemadmodum peculiari sua Constitutione (1) certum præscripsit ordinem in Ecclesiasticis servandum Tribunalibus, quando discutienda in iis esset causa super alicujus contracti matrimonii nullitate, ut videlicet non sine certissima cognitione eorum, quæ ad rem maxime conducerent, connubiale vinculum ex tot rationibus insolubile a Judicibus, tamquam ab initio irritum, per sententiam dissolveretur; ita alia sua Constitutione (2) certam normam, methodumque tradidit in Ecclesiastico Foro adhibendam, quoties super Religiosæ Professionis nullitate controversia agitur, ut nimirum Judices, rei veritate accuratius perspecta, neminem, nisi indubiis fundamentis innixi, sacro Professionis vinculo solutum decernant, neque anxia, aut male tuta conscientia deinceps vivant ii, qui obtenta in Foro externo nullitatis Professionis declaratione, a Religione discedunt. Non erit abs re laudatæ Constitutionis summam hîc referre, ut Regulares ejusmodi judicii difficultate deterriti, non se ad illud facile intendendum vel animi sui levitate, vel cupiditatis alicujus æstu abripi patiantur.

XV. Ac primum quidem laudatus Pontifex ad Moniales Professas extendi affirmat hoc Tridentini Concilii decretum: *Quicumque Regularis pretendat, se per vim, & metum ingressum esse Religionem, aut etiam dicat, ante ætatem debitam professum fuisse, aut quid simile, velitque habitum dimittere quacumque de causa, aut etiam cum habitu discedere sine licentia Superiorum, non audiat, nisi intra quinquennium tantum a die Professionis, & tunc non aliter, nisi causas, quas protenderit, deduxerit coram Superiore suo, & Ordinario. Cum autem aliquando Religio ipsa Alumni sui Professionem irritam declarare velit, quia is occultum impedimentum interrogatus non aperuit, propter quod rata non habenda foret a Religione Professio; juxta decretum Sacræ Congregationis Concilii*

N n

ciii

(1) Benedictus XIV. Const. *Dei miseratione*. in ejus Bullario tom. 1. n. 33.

(2) Benedictus XIV. Constitut. *Si de tam*. edita 4. Nonas Martii 1748.

282 CONSTITUTIONES SYNODALES

cilii (1) statuit Pontifex, ejusmodi causam intra quinquennium in judicium deductam, a Regulari Superiore simul, & a loci Ordinario esse cognoscendam: Declarat præterea ex eadem Sacra Congregatione 1. Quinquennium, intra quod admittitur adversus Professionem reclamatio (etiam quando metus pro causa nullitatis Professionis adducitur) a die emissæ Professionis esse computandum: 2. Si intra quinquennium Religiosus reclamaverit; judicium tamen prosequi deinde neglexerit, aut nequiverit; etiam post elapsum quinquennium coram Prælato Regulari, atque loci Ordinario causam nullitatis esse discutiendam; dummodo satis constet, eam intra quinquennium a reclamante serio fuisse intentatam. 3. Superioris Regularis nomine intelligi quoad Religiosos Superiorem illum, qui eo tempore, quo nullitatis causa discutitur, illius domus, seu Cœnobii regimen exercet, in quo reclamans Professionem emisit: Quoad Moniales vero Regularibus subjectas illum intelligi, cui universum Monasterii regimen est concreditum, non vero Confessarium illarum Regularum. 4. Superiorem Regularem cedere non posse jus suum Ordinario loci, itaut is solus procedat, ac judicet: posse tamen alium vel Regularem, vel Ecclesiasticum Sæcularem Canonici Juris peritum subrogare, qui una cum Ordinario Judicis partes exercent. 5. Si Superioris Regularis, atque Ordinarii judicia inter se discrepent, ad Apostolicæ Sedis judicium causam censendam esse devolutam. 6. Si vel Religiosus, vel Religio intra quinquennium Professionem ex eo capite impugnet, quod emissæ fuerit in Cœnobio ad Novitiorum institutionem non destinato, & in iis locis, in quibus Clemens VIII. decreta de Regularibus a se edita vim habere mandavit, ejusmodi causam ex decreto Urbani VIII. (2) ad Sacram Congregationem Concilii privative pertinere. His præmissis, & Apostolica auctoritate roboratis, ordinem præscribit Pontifex in his servandum judicii, qui est ejusmodi.

XVI. 1. Jux-

(1) Sac. Congr. Concil. in Burgen. 13. Aprilis 1720.

(2) Urbanus VIII. in decreto *Ad occurrendum*. edito 5. Januarii 1636.

XVI. 1. Juxta Tridentini decretum (1) Regularis pro suæ Professionis nullitate agens, ab ipso Judicii limine repellendus est, nisi eum in Religionis suæ claustris morari, habitumque Regularem, quem forte deposuerit, resumpsisse constet. 2. quilibet loci Ordinarius personam feligere debet probitate, ac doctrina commendabilem, cui *Defensoris Professionum* munus injungat, ut in judicio semper stet pro validitate Professionis, eaque omnia præstet, quæ a defensore matrimoniorum præstanda esse statuit idem Benedictus XIV. in Constitutione: *Dei miseratione*. Huic autem Professionum Defensori quidquid præstandum esse, sive pro ejus mercede, sive pro expensis in causæ defensione occurrentibus Judex prudenter arbitretur; id omne ab iis exsolvendum est, quibus a Professo renunciata fuerint bona, quæ in Religionis ingressu dimisit: si hi non adsint, aut nihil Professus, quod renunciaret, habuerit; Religio ipsa, si temporalia bona possidendi sit capax, & possideat, ad ejusmodi solutionem tenebitur; si vero nihil possideat, Professionum Defensori satisfiet ex pecuniis multarum, seu Tribunalis, in quo agitur causa, seu alterius Tribunalis, prout de Matrimonii defensore idem Pontifex statuit. 3. ad adstruendas probationes in hujusmodi causis necessarias, verus, ac judicialis omnino conficiendus est processus, in quo & articuli exhibendi sunt ex parte illius, qui adversus Professionem agit, & interrogatoria danda sunt ab ea parte, quæ stat pro validitate Professionis, ac potissimum a Professionis Defensore, & Testes tam super articulis, quam juxta interrogatoria sunt examinandi, itaut nisi hæc servetur forma, processus, & sententia insanabili nullitatis vitio laborent, præter alia nullitatis capita, quæ de jure communi in ipsa processus compilatione intervenire possunt. 4. si pro validitate Professionis feratur sententia, & Professus appellationem non interponat, causa finita est. At si pro nullitate pronuncietur, Professionis Defensor appellare debet, & in secunda, atque ulteriori instantia judicio semper adesse.

N n 2

Sive

(1) *Trid. sess. 25. cap. 19. de Regular.*

284 CONSTITUTIONES SYNODALES

Sive autem Professus, sive Defensor appellet; in ulterioribus hisce instantiis ea forma prosequendi iudicium servanda est, quam idem Pontifex in sua Constitutione pro causis matrimonialibus præscripsit. Cæterum ad eos Iudices hæ causæ in secunda, & ulteriori instantia devolvuntur, ad quos de jure aliæ causæ Ecclesiasticæ post Ordinarii sententiam in gradu appellationis respectivé devolvi solent, & hi etiam procedere, ac judicare debent una cum Superiore Regulari, non quidem illius Monasterii, in quo reclamans professus est, sed alterius ejusdem Ordinis, quod in Civitate, ac Diocesi Judicis secundæ, aut ulterioris instantiæ situm sit, eoque non extante, cum Superiore vicinioris Monasterii ejusdem Ordinis, aut cum alia Ecclesiastica persona ad hunc effectum ab eo delegata. Excipiendus tamen casus est, quo causæ hujusmodi ad Apostolicam Sedem devolvantur: tunc enim sive eadem a Congregatione Concilii, sive a Congregatione Episcoporum, & Regularium, sive ab Auditorio Rotæ sint discutendæ, nullus Superiori Regulari locus ad judicandum relinquitur. §. in hisce causis liberum Professo non est a Religione discedere, nisi duas saltem conformes sententias obtinuerit, quibus nulla, & irrita declarata fuerit Professio. Quamobrem si is post unicam sententiam pro nullitate pronunciatam, sive pendente, sive omissa culpabiliter appellatione, a Religione discedere, habitumque Regularem abjicere præsumpserit; pœnas omnes, ac censuras incurrit adversus Apostatas a Sacris Canonibus, ac Pontificiis Constitutionibus sancitas. Hactenus de causis, quæ intra quinquennium a die Professionis agitantur.

XVII. Quamquam ex Tridentini decreto audiendus non sit Regularis ille, qui intra quinquennium a die editæ Professionis adversus illam non reclamaverit; Progressu tamen temporis justis, gravibusque de causis inductum est, *ut instantiæ admitterentur pro restitutione in integrum adversus lapsum quinquennii*. Verum cum remedium restitutionis in integrum extraordinarium in jure vocetur, adeoque non obstante quacumque contraria etiam im-

memo-

memorabili consuetudine, aut asserto quolibet privilegio, concedi a Judicibus inferioribus nequeat, uti sæpe declaravit Sacra Congregatio Concilii, ac præsertim decreto edito 24. Septembris 1740. in causa *Sicula restitutionis in integrum*, quod a Benedicto XIV. approbatum, & confirmatum fuit primum die 28. ejusdem mensis, & anni, deinde in ea Constitutione, cujus summam hic damus; Proinde quacumque de causa, & quacumque ex parte hujusmodi instantiæ proponantur, judicium super iis facere ad Apostolicam Sedem privative pertinet; quæ tamen in peculiaribus quibusdam casibus facultatem concedit Ordinariis, ac Superioribus localibus examinandi causas hujusmodi restitutionis in integrum, ac super ipsis pronunciandi, antequam super Professionis valore, aut nullitate sententiam ferant. Hic autem ordo pro concedenda restitutione in integrum adversus lapsum quinquennii in Tribunalibus Urbis observatur, & ex jussu Benedicti XIV. observandus in posterum est.

XVII. Primum committitur Ordinario loci, ac Superiori Regulari, ut processum conficiant, iisdemque sub pœna nullitatis actuum injungitur, ut in omnibus cum interventu Defensoris Professionis procedant, qui & interrogatoria dabit, juxta quæ examinandi sunt Testes, & alia, quæ ad munus suum pertinent, diligentissime exequetur. Transmisso processu, non minus accurate, ac severe dubium super concessione restitutionis in integrum perpenditur, ac si dubium super ipso valore, aut nullitate Professionis perpendere. In ejus autem dubii discussione, in quacumque Congregatione, aut Tribunali Urbis discutiatur, sub simili nullitatis pœna semper, & in singulis actibus stare debet in judicio Defensor Professionis ab eo, qui Tribunalis caput est, deputatus, idque non modo in prima, verum etiam in ulterioribus dubii propositionibus est observandum. Non una, sed duplex conformis favorabilis resolutio, quæ audito semper Professionis defensore prodierit, necessaria omnino est, ut Regularis reclama-

mans

inans beneficio fruatur restitutionis in integrum. Tum sententia super nullitate professionis a Superiore Regulari, & ab Ordinario ferenda est, unicaque sufficit, ut absolutum censeatur iudicium, ac Religiosus e claustris migrare, habitumque Regularem deponere impune possit: secus enim Apostata censebitur, ac poenis adversus Apostatas sancitis erit obnoxius.

XIX. Ut tandem Regulares omnes, quotquot in hac Nostra Diocesi commorantur, solliciti sint in omnibus Nobiscum spiritus unitatem, & sinceræ dilectionis servare concordiam, *meminerint* (Benedicti XIV. (1) verbis utimur) *quo loco Spiritus Sanctus posuerit Episcopos regere Ecclesiam Dei: quod ipsis a Sacrosancta Œcumenica Lateranensi Synodo sub Leone X. habita* (2) *inculcatum fuit per hæc verba: Eisdem insuper Fratres in virtute Sanctæ Obedientiæ monemus, ut eosdem Episcopos loco Sanctorum Apostolorum subrogatos, pro debita & Nostra, & Apostolica Sedis reverentia, congruo honore, & convenienti observantia venerentur. Nos sane ejusdem Lateranensis Concilii monita, consiliaque secuti, eosdem Religiosos Viros benevolo prosequentes affectu, charitative tractabimus, benigne fovebimus, tamquam in agro Dominico Cooperatores, nostrumque laborum participes prompta benignitate recipiemus, eorumque Jura omni cum charitate custodiemus, ac tuebimur. Cum enim una sit Regularium, & Secularium, uti habemus in Clem. Unica. de excessibus Prælatorum, Prælatorum, & Subditorum, exemptorum, & non exemptorum universalis Ecclesia, extra quam nullus omnino salvatur, quorum omnium unus est Dominus, una Fides, & unum baptisma, decet, ut omnes, qui ejusdem sunt corporis, unius etiam sint voluntatis.*

(1) Benedictus XIV. Constit. *Imposui*. edita 3. Cal. Martii 1747.

(2) Leo X. Constitut. 26. *Dum intra*. §. 24.

CAPUT XXV.

DE MONIALIBUS.

I. **D**E Sacris hic Virginibus loquimur, quas candor lucis æternæ, Unigenitus Dei Filius, arcto sibi nuptiali fœdere consecravit, desponsavitque in Fide, & in iustitia, ac iudicio, & in misericordia, ac miserationibus. Cum hæc tabernaculum sint Dei, quod sanctificavit Altissimus; cum hortus sint conclusus, fons signatus, Paradisus deliciarum cœlestis Sponsi, ac illustrior Christi gregis portio, in quibus largiter floret Ecclesiæ Matris gloriosa fœcunditas; Nos, quibus earum custodiam cœlestis ipse Sponsus demandavit, & credidit, omnem in eo curam, diligentiamque collocemus necesse est, ut in pace sit tabernaculum earum, nullisque ad eas aditus hostibus pateat, qui possint aut puros turbare latices cœlestium deliciarum, quibus affluunt, aut venenoso halitu saluberrimum inficere aerem, quem respirant. Lætandum autem Nobis est, meritoque gratulandum, quod licet unum dumtaxat huiusmodi Sacrarum Virginum Asceterium in Urbe Tusculana habeamus; quæ tamen in eo Christi Sponsæ commorantur, eæ tam sancte, religioseque vitam ducunt suam, ut bonus virtutum omnium odor inde diffusus, non modo universam Diocesim, verum etiam finitimas Urbes longe, lateque pervaserit. Quamobrem Synodales hæc leges, quas subdimus, non instaurandæ, sed conservandæ, augendæque Regularis disciplinæ gratia a Nobis edi, ac promulgari declaramus.

II. Ea esse Sanctimonialibus debet cura potissima, ut tria Religiosa Vota, quæ nuncuparunt, sui que, quod profitentur, Instituti regulas quam diligentissime exequantur; cum suis vero contubernalibus ita versentur, ut, quæ bona in iis videant exempli virtutum, imitari; quæ autem occurrant a recto virtutis tramite devia, omni ope vitare, ac fugere studeant. Earum proinde castitas Angelicam æmuletur castitatem, ut divino placeant Spon-

Sponſo, qui paſcitur inter lilia, & qui nonniſi Virgines ſibi adſcivit in Matrem, in Præcurſorem, in Nutricium, in Diſcipulum tandem, quem diligeret, & cui ſecreta cœleſtia revelaret. Paupertatem maxime colant, ac diligant, ut ſuum imitentur Sponſum, qui domum naſcens non habuit, in qua exciperetur, lectulum moriens, in quo caput ſuum reclinaret, vita tandem functus ſepulchrum, in quo tumularetur. Cum denique *obedientia*, teſte S. Gregorio, *illa virtus ſit, quæ virtutes cæteras menti inſerit, inſertaſque cuſtodit*; Sacræ proinde Virgines tanti hanc facere virtutem debent, & in ea ſe tam frequenter exercere, ut Chriſti obedientiam, qui factus fuit obediens uſque ad mortem, mortem autem Crucis, ſibi jugiter imitandam propoſuiſſe videantur. Ut autem ſui Præſidis, aut conſcientiæ ſuæ Moderatoriſ juſſa alacrius faciant, ſibi firmiter perſuadeant, ſe, cum alterutri obediunt, non homini obedire, ſed Deo, dummodo Deo contraria non præcipiat homo. Vox enim Superioris, ſeu conſcientiæ Moderatoriſ juſta, licitaque præcipientis vox Dei eſt juxta illud Chriſti Domini ad Diſcipulos ſuos, eorumque Succellor: *qui vos audit, me audit, qui vos ſpernit, me ſpernit*.

III. Cum ſemel, iterumque ſub *horti* (1) *concluſi*, & *fontis ſignati* ſpecie Sacrarum Virginum Monaſteria in Sacris Litteris deſignari videamus; Noſtra proinde cura, & vigilantia in eo poſſiſſimum collocanda eſt, ut eorum Clauſura religioſiſſime inviolata ſervetur, cum ejus cuſtodia (2) ſub interminatione divini Judici, & maledictionis æternæ Nobis enixe commendetur. Quamobrem ſub pœna (3) excommunicationis ipſo facto incurrendæ, Romanoque Pontifici reſervatæ, aliſque pœnis arbitrio Noſtro inſigendis diſtictè præcipimus, nequis, cujuſcumque ſit gene-

(1) Cantic. c. 5. v. 1.

(2) Concil. Arelaten. IV. can. 7., & cap. Periculoſo. de ſtatu Regular. in 6.

(3) Trid. ſeſſ. 25. cap. 5. de Regularib., S. Pius V. Conſtit. *Circa Paſtoralis*. 29. Maii 1566., & Conſtit. *Decori*. 1. Febr.

1570., Gregorius XIII. Conſtit. *Deo ſacris*. 21. Januar. 1573., & Conſtit. *Dubis*. 23. Decembr. 1581., Gregorius XV. Conſtitut. *Inſervabili*. 5. Februar. 1622., & Alexander VII. Conſtit. *Felici ſacrarum Virginum*. 9. Decemb. 1664.

generis, conditionis, sexus, ætatis, sine Nostra in scriptis, & nonnisi in casibus necessariis concedenda licentia, intra Monasterii septa pedem audeat inferre. Sub iisdem etiam pœnis omnino mandamus, ut nulli Sanctimoniali post Professionem liceat, etiam ad breve tempus, & sub quocumque prætextu, extra Monasterii claustra (exceptis casibus a Jure permissis, & servatis de jure servandis) pedem efferre. Iisdem censuris, aliisque arbitrio Nostro pœnis esse obnoxios volumus, tum eos, qui Moniales sacrilego ausu egredientes excipiant, tum Moniales, quæ personas sine debita licentia ingredientes in Monasterium admittant, aut iis aditum, vel exitum respective indulgeant, aut consulant, aut permittant. Ii autem, quibus, necessitate cogente, in Monasterium ingredi permittemus, cujusmodi sunt Medici, Chirurgi, Cæmentarii, Fabri lignarii, & id genus alii, nonnisi post ortum Solis, & a duabus semper associati Monialibus, quas altera præeat tintinabulum pulsans, ut ejus sonitu Moniales reliquæ parumper secedere moneantur, recto tramite ad locum pergant, in quo eorum opera est adhibenda, eodemque prorsus modo, post expletum opus, omnino ante Solis occasum revertantur, neque per Monialium cellas, aut Monasterii officinas divagari, neque cibum in Monasterio, aut potum sumere audeant: Si secus egerint, gravibus a Nobis plectentur pœnis, quibus etiam Moniales, quæ cibum, aut potum præbuerint, subijciemus. Confessario autem, Medico, & Chirurgo, si summa necessitas urgeat, licentiam impertimur, ut nocte etiam intempesta ingredi in Clausuram possint: at tunc ab Abbatissa, seu Vicaria, aliisque duabus gravis ætatis Monialibus cum accensis facibus in Monasterii foribus recipiantur.

IV. Sapientissimo consilio decreverat Tridentina Synodus (1), ut Episcopus tantum, vel Superior in casibus necessariis licentiam daret intra Monasterii septa ingrediendi, neque alius ullo modo dare eam posset, etiam vigore cujuscumque fucul-

o o

tatis

(1) Trid. sess. 25. cap. 5. de Regular.

tatis, vel indulti hactenus concessi, vel in posterum concedendi. Verum plures adhuc progressu temporis non defuere, qui aut concessam sibi a jure, vel ab homine, aut demandatorum munerum ratione debitam sibi esse obtenderent eam facultatem, ut sive ipsi, sive de eorum licentia alii ingredi Clausuram Monialium, Moniales vero e Clausura ob quascumque causas egredi, & extra eam commorari possent. Unde factum est, ut abusus plurimi in non leve Regularis Sacrarum Virginum observantiæ detrimentum inveherentur. Ut pro suprema omnium Christifidelium procuratore opportunum abusibus hujusmodi remedium Benedictus XIV. adhiberet, Constitutionem (1) edidit, cujus exemplar in Appendice damus num. 26. In ea autem primum omnes, & singulas Constitutiones a Romanis Pontificibus tam ante, quam post Tridentinum super Clausura Monialium editas renovat, & confirmat, ac sub iisdem pœnis, quæ in eorundem Pontificum Constitutionibus, ac in Tridentini decretis continentur, ab omnibus inviolabiliter observari mandat, ac præcipit. Deinde omnia, & singula indulta, privilegia, prærogativas, facultates, licentias, concessionem &c. super hujusmodi in Monialium Clausuram ingressu omnibus, & singulis quibuscumque Ecclesiasticis personis, etiam Nunciis sive ordinariis, sive extraordinariis, etiam Cardinalibus sive singulis, sive eorundem Congregationibus, etiam de latere Legatis, etiam iis, qui status Ecclesiastici Legationibus, & Provinciis præfunt &c. (exceptis dumtaxat locorum Ordinariis, iisque omnibus Superioribus, quibus tamquam Ordinariis, & ordinaria jurisdictione utentibus Monialium Monasteria subiecta, & addita sunt, in casibus tamen necessariis, & servatis aliis de jure servandis, & non aliter omnino) quocumque tempore, etiam a Romanis Pontificibus, quacumque de causa, per quascumque Apostolicas sive in forma Brevis, sive sub plumbo expeditas Litteras, quibuscumque verborum formis factas, datas, & impertitas revocat, annullat, atque irritat, nulliusque vigoris esse, ac fore, nemi-

(1) Benedictus XIV. *Constitut. Salutare*. edita 3. Januarii 1742.

neminique quocumque tempore suffragari posse declarat. Statuit præterea, ut quilibet antedictorum, licet speciali mentione dignus sit, si aliqua hujusmodi facultate sive pro se, sive pro alijs temere uti audeat, ipso facto absque ulla declaratione poenas, & Ecclesiasticas censuras contra violantes Monialium Clausuram inflicta incurrat, a quibus per solum Romanum Pontificem, excepto mortis articulo, absolvi possit.

V. Cum Tridentina Synodus (1) statuerit, ut sub excommunicationis poena ipso facto incurrenda nemini, *cujuscumque ætatis fuerit*, sine Episcopi, vel Superioris licentia intra Monasterii septa ingredi liceat; Nos (2) sub violatæ clausuræ poenis districtè omnibus, & singulis in Monasterio degentibus prohibemus, ne pueros, vel puellas etiam septennio minores in Monasterium sub quovis prætextu introducant, aut introduci sinant, etiam si in Rota, quam vocant, collocati, ex ea non educantur, sed in illa versus Clausuram conversa consistent. Confessarius ægrotantibus Sanctimonialibus Sacramenta ministraturus, (3) non aliter Monasterii septa ingrediatur, quam superpelliceo, ac stola indutus, ac dux illum comitentur Moniales, quas altera tintinnabulum pulsans præcedat. Is autem recto, ac breviori tramite ad ægrotantis cellam se conferat, ubi Sacramentalem ejus Confessionem excipiat, cellæ tamen foribus omnino patentibus, atque ita adstantibus Monialibus, ut illum quidem videre, non tamen audire possint. Reliqua vero Sacramenta, videntibus, & audientibus Sanctimonialibus, administret. Quod si intra Clausura illum commorari diutius oporteat, ut Moniali alicui præsto sit in extremo vitæ articulo constitutæ; caveat, ne ibidem quidquam cibi, aut refectionis sumat. Si quamlibet hujus decreti partem violare Confessarius ausus fuerit; ab audiendis Monialium Con-

O o 2 fessio-

(1) Trid. sess. 25. cap. 5. de Regular.

(2) Sac. Cong. Episcop. in Cremonen. 11. Febr. 1585., & in Neapol. 22. Martii 1580., Innocentius XI. in decr. pro Monial. Urbis 19. Nov. 1676., confirmato

ab Innoc. XII. 10. Martii 1692.

(3) Alexander VII. Constit. *Felici faciarum Virginum*; & Litteræ Eucyclicæ Sac. Cong. Episc. de mandato Innoc. XI. 21. Martii 1682.

fessionibus suspendetur, aliisque gravioribus a Nobis plectetur pœnis.

VI. Cum alicubi non leves invaluissent abusus quoad famulas, quæ aliquando in Monasterium, ut Sanctimonialibus inferviant, admittuntur; ut eos evelleret Benedictus XIV., Constitutionem, (1) edidit, cujus summam hîc damus. Primum omnes, & singulas Constitutiones super clausura Monialium a Romanis Pontificibus editas, omniaque, & singula decreta tam a Tridentino, quam a Sacris Urbis Congregationibus super eadem clausura, & super admissione, ac receptione educandarum puellarum, & famularum, sive quarumcumque fœminarum promulgata confirmat, & sub pœnis per easdem Constitutiones, ac decreta contra inobedientes inflictiis servari mandat, ac præcipit. Statuit deinde, ac declarat, admissionem, receptionemque quarumcumque fœminarum, sive puellarum educandarum, sive Famularum in Monasteria quacumque ex causa fieri non debere sine legitima, authenticaque Sedis Apostolicæ licentia toties, quoties opus fuerit, impetranda, & sine prævio examine super ipsarum educandarum puellarum, vel famularum moribus, fama, habilitate, ac necessitate per Antistites locorum Ordinarios, & non per alios quoscumque Superiores, toties itidem, quoties necessitas postulaverit, habendo, non obstante quacumque etiam longi temporis consuetudine. Si secus fiat, statuit, ac declarat, ut tam Moniales, aliæque in Monasteriis degentes, quæ fœminas quascumque in eadem Monasteria quomodocumque admiserint, ac receperint, quam ipsæ fœminæ admissæ, ac receptæ, canonicis censuris, & pœnis obstrictæ intelligantur, ac sint. Nos itaque Apostolicæ Sedis decretis obsequentes, omnimodam Pontificiæ hujus Constitutionis observantiam, quoties casus occurrerit, in Nostra Diœcesi pro viribus urgere non omitemus.

VII. Clausuræ fores firmis sint commissæ cardinibus, validisque munitæ pessulis, & clavibus diligentissime obserentur. Earum

(1) Benedictus XIV. Const. *Per bina*. edita 24. Januarii 1747.

Earum claves nocturno tempore apud Monasterii Præfectam, aut Superiorissam, diurno vero sint apud Janitricem, & numquam ipsis foribus appendantur. Cum, urgente necessitate, ejusmodi fores erunt referendæ, semper vel Superiorissa, vel Vicaria, vel iis impeditis, aliqua ex antiquioribus Sanctimonialibus adsit: nec desint tamen Janitricem, quarum fidei, vigilantiaque Clausuræ custodiam enixo studio commendamus. Exceptis urgentis necessitatis casibus, in quibus ingredi quis, & egredi e Monasterio debeat, aut intra claustra intromittendum aliquid sit, cui per rotas sufficiens non patet aditus; sine speciali, (1) aut Nostra, aut Vicarii Nostri Generalis licentia clausuræ fores ne pateant sub eo etiam titulo, ut Moniales cum Mulieribus sibi sanguine junctis colloquantur.

VIII. Quamquam Sacræ Virgines de sæculo egressæ, ex illius periculis emeruisse videantur; Cum tamen adversarius noster Diabolus loca omnia circumire soleat, quærens, quem devoret, neque locus ullus ab ejus insidiis satis tutus esse possit, nisi rimæ omnes vigili custodia muniantur; Assidue proinde vigilare eas oportet, rimasque omnes obstruere, per quas aditus diabolico pateat incursui. *Nihil enim*, S. Bernardo (2) teste, *si custodia desit, cultura confert discipline*. Cum itaque crebræ sive Regularium, sive Sæcularium cum Monialibus allocutiones perfectæ clausuræ quodammodo adversentur, cujus præcipuus scopus est Moniales ab hominum consortio segregare, ut liberius orationi vacent, Deoque unice intendant animum; Idcirco visum Nobis est, eas, quæ sequuntur, leges condere, quibus Sanctimoniales curæ nostræ commissas ab iis, quæ subire possent, periculis tueamur.

IX. Sancimus igitur 1. Ne Moniales sine Nostra, aut Vicarii Nostri Generalis facultate, quæ, nisi aliter Nobis visum fuerit, scriptis litteris contineatur, cum quopiam, cujuscumque status

(1) Sacræ Congregat. Episcop. in Neapolitana 21. April. 1593., & in Bononiens. 20. Januarii 1603., & Sacræ Congrega-

tionis Concilii in Casenaten. Synodi 26. Martii 1595.

(2) S. Bernardus in Cantica serm. 35.

tus sit, gradus, & conditionis, in cratibus colloquantur. Quæ quidem lex Pontificiis sanctionibus, ipsique rationi maxime congruit. Ut enim Benedictus XIV. in sua Constitutione, (1) cujus exemplar in Appendice num. 27. exhibemus, affirmat, Romani Pontifices ipsis etiam Gubernatoribus, Præfulibus, atque Episcopis, qui aut in Civitates, aut in Oppida alterius Episcopi juri subiecta veniunt, aut inibi commorantur, vetuerunt, ne quis, infcio Ordinario, Monasteria adiret, aut Moniales alloqueretur. Ipsa etiam ratio suffragatur. Cum enim Canonicis sanctionibus (2) Monialium custodia juri ordinario Episcopi, si Monasteria ejus potestati subiecta fuerint; delegato, si exempta, committatur; Inde fit, ut Monasteria adire, Monialesque invisere sine Custodis jussu liceat nemini, ac propterea omnes hujusce rei veniam ab Episcopo impetrare, omnes subesse directivæ ejusdem auctoritati debeant. Quæ quidem, in laudata sua Constitutione idem Pontifex subdit, *confirmata omnino volumus, ac, si opus sit, quod non putamus, nova lege sancimus, imperamusque, ne Episcopi alienæ Diocesis Monasteria conveniant, atque cum Monialibus colloquantur, infcio Ordinario loci; eademque omnia firma, rataque esse jubemus, etiam quoad Vicelegatos, & Gubernatores, licet Præsules, quibus ad Monasteria accessum sine debita venia in iis quoque Civitatibus, in quibus cum imperio fuerint, interdiciamus.* Ab hac autem Nostra universalis lege parentes, fratres, sorores, atque affines in primo affinitatis gradu, dummodo Regulares non sint, excipimus. Hi enim Moniales alloqui sine facultate poterunt, præterquam Adventus, & Quadragesimæ temporibus, ac diebus præterea, quibus Moniales ipsæ ad Sacram Synaxim accedunt, vel iis diebus, ac temporibus, quibus Monialium Constitutiones id vetant.

X. Sancimus 2., ut Moniales, impetrata jam a Nobis, aut a Vicario Nostro Generali facultate, nequeant adhuc ad Crates descendere, nisi prius facultatem eandem illi, quæ reliquis præest,

(1) Benedictus XIV. Confit. *Gravissimi*. edita 1. Octobr. 1749.

(2) Cap. *Peculioso*. de statu Monachorum in 6., Trid. sess. 15. cap. 1. de Regul.

præst, exhibeant, ab eaque loquendi facultatem obtineant. Numquam tamen in iis cratibus colloquantur, quæ Ecclesiæ respondent (1), multoque minus in Fenestella, in qua Sanctissimo Christi Corpore reficiuntur. Abstineant se ab omni otioso colloquio; de iis, quæ ad domesticam Monasterii disciplinam pertinent, ac potissimum de Monialium defectibus, & erratis, numquam sermones misceant; Sæcularium mundana negotia, vanasque pompas curiosius non investigent; Religiosam demum in loquendo moderationem servant; cujus rei causa adsint, quæ sermones, qui miscentur, auscultent, æque quotannis inter Moniales provectioris ætatis, virtutis, prudentiæque seligantur, ut præsentia sua loquentes continere in officio valeant. Numquam præterea Sanctimonialibus, quando Nundinæ fiunt, Mercatores, mercium venditores. ac præsertim Judæos, advocare liceat sine Nostra, aut Vicarii Nostri Generalis facultate; quæ tamen facultas sine rationabili, justaque causa numquam fiet.

XI. Sancimus 3., ut juxta Sacrarum Urbis Congregationum decreta (2), ac Pontificias Constitutiones nullus Regularis cujuscumque Ordinis, Societatis, & Instituti sine Nostra, aut Vicarii Nostri Generalis licentia cum Monialibus, aliisque in Monasterio degentibus colloqui audeat, etiam per quodcunque modicum temporis spatium, & quamquam honestam, & rationabilem causam obtendat, aut id agat prætextu spiritualis instructionis iisdem dandæ, post habitam potissimum ad illas concionem. Qui secus egerit, præter peccati mortalis reatum, excommunicationem majorem, & privationem vocis activæ, & passivæ ipso facto incurrat: eum præterea aliis contra Regulares sine licentia ad Monasteria Monialium accedentes statutis pœnis, tamquam Sedis Apostolicæ Delegati, puniemus.

XII. Gu-

(1) Const. Alexandri VII. pro Monialibus Urbis *Sacrosancti*. 10. Febr. 1657., Sac. Cong. Episc. 10. Dec. 1617., Editum Cardinalis Vicarii de mandato Clementis XI. 30. Decemb. 1706.

(2) Sac. Cong. Concil. in Neapolitana approbante Clemente IX., 11. Maii, & 16. Nov. 1669., in Spoletana 16. Maii 1671., & in Bergomen. 21. Maii 1678., Sixtus V., Urbanus VIII., Gregorius XV., alique.

XII. Cubicula, seu loca Monialium colloquio cum exteris destinata, quæ *collocutoria* vulgo nuncupantur, mane nonnisi post ortum Solis referentur: vespere autem ante Angelicæ Salutationis signum occludantur, eorumque claves ad Monasterii Ministrum, probatæ fidei, & integritatis virum delatæ apud ipsum diligenter asserventur. Exterior eorum porta interdum pateat, neque audeat quisquam, clausis foribus, cum Monialibus colloqui. In iisdem quascumque exterorum, etiam consanguineorum, comestationes, ac refectioes penitus interdiximus, nisi in raro aliquo casu specialis Nostra, aut Vicarii Nostri Generalis accedat licentia. Nemo ad eadem, cuiuscumque ætatis sit, sexus, & conditionis, personatus accedat. Arceantur quoque ludiones, Mimi, Histriones, Joculatores, alique hujus furfuris homines, quos nec audire, nec spectare Moniales decet. Procul imo absint quocumque tempore a Monasterii septis, ambituque lusus, clamores, spectacula, cantus, præsertim obsceni, aliæque inanes, ac profanæ actiones, sub pœna pecuniaria adversus transgressores, aliisque gravioribus; si opus sit, arbitrio Nostro infligendis pœnis. Ædificia (1) Monasterio proxima, neque ita attollantur, ut ex illis intra Clausuram prospectus pateat, neque adeo contigua construantur, ut inde colloquentes Moniales audiri possint.

XIII. Cum autem non modo per colloquia, sed per epistolas etiam in Sacros Monialium recessus irrepere adversarius possit, virusque suum evomere; Ut huic quoque occurramus periculo; Volumus, ut Monialibus neque mittere, neque recipere epistolas liceat, nisi prius Monasterii Præfectæ legendas exhibuerint, exceptis tamen iis, quas eadem ad Episcopum suum, vel ad Confessarium, seu conscientię suæ moderatorem, vel ad consanguineos, & affines in primo sibi consanguinitatis, aut affinitatis gradu conjunctos mittant, aut quas ab iisdem recipiant: in his enim casibus earum, quæ mittuntur, inscriptionem, earum
vero,

(1) Sac. Cong. Episc. in una S. Benedicti 15. Jan. 1602., & in Mediolanen. 5. Martii ejusdem anni, & sæpe alibi.

vero, quæ recipiuntur, subscriptionem satis erit ostendere, ut Monasterii Præfecta ab iis legendis abstinere. Reliquas vero Præfecta legat, lectasque vel mittat, aut tradat, vel apud se retineat, prout, circumstantiis omnibus mature perpensis, in Domino expedire judicaverit. Quod si quis eo temeritatis, insanixque devenerit, ut amatorias litteras Monialibus mittere, aut easdem Sacras Virgines pestifero inficere affatu non vereatur, æquum profecto est, ut ab eo severiores tanti criminis pœnas reposcamus. Volumus itaque, ut excommunicationis sententiam ipso facto incurrant omnes, & singuli, cujuscumque sint gradus, conditionis, & status, qui cum Sanctimonialibus, aut coram ipsis de rebus obscenis, seu præsentes per verba, actusve impudicos, seu absentes per litteras, aut internuncios agere, aut ad obscena audeant provocare. Eidem quoque subijcimus censuræ mulieres, ac viros sive intra, sive extra Monasterii claustra degentes, qui hujusmodi litteras, aut mandata scienter detulerint. Si quid autem ejusmodi Monasterii Præfecta deprehenderit; quod tamen nunquam in hoc Nostro Monasterio eventurum speramus, imo etiam Nobis pollicemur; rem totam ad Nos deferat, ut graves adversus fontes arbitrio Nostro pœnas infligamus.

XIV. Vitæ communis usum, quem post divini spiritus il-lapsus Christifideles illico Hierosolymis amplexi fuere juxta illud Actorum (1): *Omnes, qui credebant, erant pariter, & habebant omnia communia*; quem sectatoribus suis Regularium Ordinum Institutores, tamquam Religiosæ vitæ fundamentum, præscripserunt; quem denique Ecclesia (2) Religiosis omnibus familiis præcepit, dum, proscripta a virorum, mulierumque Monasteriis proprietate, omnia ipsis voluit esse communia, in Nostro Sacrarum Virginum Monasterio exacte observari vehementer gaude-mus, & plurimum etiam in Domino gloriamur. Quamobrem ut cœlestis hæc vivendi forma, earumque Patriarchæ S. Augustino

P p

appri-

(1) Actorum cap. 2.

Iaribus; & Benedictus XIV. de Synodo

(2) Trid. sess. 21. cap. 10, & 2. de Regu-

lib. 13. cap. 13. §. 18.

298 CONSTITUTIONES SYNODALES

apprime chara, constantius apud ipsas, ac inviolabilis perseveret; *Volumus* (1), ut quemadmodum earum *Regulae* precipiunt, quas voto solemniter observaturas promiserunt, *Et secundum vitam Apostolicam, quae vitae Religiosae, Et Monachalis substantia est, in communi ab iis vivatur de omnibus tam vestimentis, Et calceamentis, quam cibo, Et potu, omnique alia re; Et ut earundem Praesecta, juxta Monasterii facultates diligenter commensuratas, consulat necessitatibus Sororum discrete, Et benigne quoad victum, Et vestitum, aliaque pro cellis necessaria, gerens se veluti provida Materfamilias in domo recte moderata, cui nonnisi unum est marsupium; providendū scilicet initio anni occurrentes suarum filiarum necessitates, simulque redditus, Et solitas elemosynas, ut omnibus providere possit. Hoc enim pacto fiet, ut eadem Religiosae Mulieres, terrenis omnibus abjectis curis, uni Deo vacent, eique tantum placere studeant, neque ullam iis molestiam inferat meum* (2), ac tuum, frigidum illud verbum, quod tamen, quidquid malorum est, in vitam nostram invehit, innumeraeque gignit bella.

XV. Neque vero communi vitae repugnant, (3) aut incerta subsidia, aut praestationes annuae (*Livellum* dicunt) quae Monialibus a consanguineis exhibentur. Communis enim vitae ratio id solum exposcit, ut omnia in Praeposita manus coalescant, quae, ubi exacta (4) non viget vitae communis disciplina, consulere prius debet indigentis illius Monialis, cui annua praestatio a consanguineis penditur, & quidquid reliquum fuerit, in ceterarum inopiae levamen erogare; ubi vero severius observatur (5) vitae communis institutum, non aliam in expensis regulam debet agnoscere, quam singularum indigentiam, nulla habita ratione illius Monialis,

(1) Gibertus Episcopus Veronensis in Monialium Constitutionibus cap. 5., Cardinalis Navagerius, & S. Carolus Borromeus apud Benedictum XIV. de Synodo lib. 13. cap. 13. §. 19.

(2) S. Jo. Chrysostomus in oratione de S. Philogono.

(3) Benedictus XIV. loc. cit. §. 20.

(4) Sac. Congreg. Concil. anno 1586. lib. 4. decretor. pag. 114., & in Vallisole-tana ann. 1601. lib. 10. decret. pag. 11., Clementis XI. decreto edito 28. Julii 1708.

(5) Benedictus XIV. loc. cit.

lis, cujus gratia munera, seu præstationes in communes loculos pervenerunt. Sanctimonialia itaque Nostræ, quicquid aut ex annuis consanguineorum præstationibus, aut aliunde sibi obvenerit, in commune conferant ærarium a Monasterii Prefecta administrandum, quæ deposita hujusmodi in libello describet, & in communem Monialium utilitatem, & commodum, prout necessitas postulabit, expendet. Pium enim, quod profitentur, & quod nunquam satis laudare possumus, Institutum exigit, ut eadem nihil quippiam peculiare habeant, sed omnia iis sint communia. Caveant proinde, ne sine expressa Superiorum suorum licentia, vel penes se in Monasterio, vel penes alios extra Monasterium pecuniam, aut aliud quidpiam retineant, ne videlicet contra Sanctæ paupertatis votum delinquant, adversus quod nulla consuetudo, aut usus, seu verius abusus honestam præbet excusationem. Caveant etiam, ne sine Nostræ, aut Vicarii Nostri Generalis, aut, si de modica agatur quantitate, sine Monasterii Præfectæ licentia quidquam expendant, aut commodent, aut donent. Proprietas omnis (1) ab earum cordibus exulet, illaque inter ipsas rerum omnium servetur communio, quæ nihil habet, & cui nihil deest.

XVI. Omnes, cujuscumque generis sint, Monasterii proventus ad communem ejusdem utilitatem conferantur. Legata quoque, bona mobilia, & immobilia, jura, actiones, cæteraque hujusmodi, quæ sive ex donatione, sive ex testamento, aliave de causa singulis Monialibus relicta fuerint, ad communia Monasterii jura (2) spectare volumus, ac declaramus, neque Monialis ulla dominii jure, cujus per Professionem incapax effecta est, minimum quid possidere præsumat, & si peculiare aliquid, urgente necessitate, concessum ei fuerit, ita animo sit parata, ut, si a Superioribus repetatur, relictura statim sit, ac Monasterio, a quo accepit, omnino redditura. Scimus quidem

P p 2 usu-

(1) Concil. Rom. sub Benedicto XIII. tit. 21. cap. 3.

(2) Can. *Ne dicatis*. caus. 12. qu. 1.

cap. *Cum ad Monasterii*. de statu Monach., Trid. sess. 25. cap. 2. de Regularibus; Clemens VIII. in decretis de Regular. reform.

usuvenire aliquando posse, ut, cum Monasterium propter non leves præteritorum temporum calamitates rerum inopia nonnihil prematur, atque ære etiam gravetur alieno, Sacris Virginibus aliquid fortasse desit, quod ad honestum earum victum, ac vestitum, congruamque sustentationem requireretur. Verum illas primum peramanter hortamur, & in Domino obsecramus, ut in memoriam parumper revocent, se paupertatis votum emisisse, ac pauperes proinde esse oportere, ut Christum pauperem, quocum Sacras Nuptias contraxerunt, imitentur: pauperem vero non esse illam, cui, quæ victui, vestitui, honestæque sustentationi sunt necessaria, minime desint, juxta illud Salomonis, *neque paupertatem, neque divitias dederis mihi, sed tribue tantum victui meo necessaria*. Monemus deinde, ut animum non despondeant, neque Religiosæ assequendæ perfectionis studio tepescant. Divina enim freti Providentia, quæ in sui dispositione non fallitur, futurum speramus, ut, quemadmodum hætenus subsidii nonnihil ad earum egestatem sublevandam contulimus, ita etiam in posterum firmiorem, validioremque opem simus allaturi.

XVII. Summorum Pontificum Clementis XI. (1), Benedicti XIV. (2), & Clementis XIII. (3) mandatis obsequentes, in virtute obedientiæ, sub pœna privationis officii, vocisque activæ, & passivæ, aliisque arbitrio Nostro infligendis pœnis præcipimus Monasterii Nostri Tusculani Præfectæ, seu Superiorissæ, Vicariæ, Camerariis, aliisque Sacrario, vel Rotæ præpositis Monialibus, & reliquis Monasterii Administris, ut nullas in suscipiendis, aut exercendis Officiis expensas faciant, neque ab aliis fieri permittant, etiam si consanguinei Monialium, sive alii benevolentia gratia ad subeundas easdem expensas se paratos exhibeant, neque Ecclesiæ, aut Sacrario aliquid præstent, pro quo solvenda sit pecunia, etiam sub specie, & causa celebrandæ Festi-

(1) Clemens XI. in Epist. Encyclic. ad omnes Episc. Italiz 18. Julii 1708.

chiepisc. Mediolanensem 26. Januarii 1741.

(2) Benedictus XIV. in epist. ad Ar-

(3) Clemens XIII. in Chirographo ad Urbis Vicegerentem 30. Julii 1759.

Festivitatis, aut muneris, aut alia qualibet ratione, quæ cum Officiis Monasterii quocumque modo jungatur. Quævis autem expensâ pro obeundis ejusmodi officiis necessaria, ex redditibus Monasterii desumatur, eaque modum numquam excedat, nec æs alienum ob hanc causam contrahatur. Quoad munera etiam largitiones decreta Moniales servant, quæ in suis Constitutionibus Clemens VIII. (1), & Urbanus VIII. (2) edidit; & si qua in eo deliquerit, pœnas subit in iisdem Constitutionibus sancitas. Præterea ne iis quidem liceat, sine opportuna Superiorum suorum licentia, eleemosynam pauperibus elargiri, etiam ex pane, aliisque eduliis, quæ ex communi mensa supersint, aut quomodocumque de rebus aliis, quarum usus iisdem conceditur, disponere.

XVIII. Quemadmodum is, qui nocturnas inter tenebras periculosum, & abruptum ingressurus est iter, vigili, expertoque ductore eget, quem cum face præeuntem sequatur; Ita Sacrae Deo Virgines, quæ inter mortalis hujus vitæ tentationum tenebras arduum, ac perdifficile ad cœlestem patriam ingressæ sunt iter, perito, prudentique Moderatore indigent, cujus consilio, quæ vitare pericula, & quam tenere viam debeant, edoceantur. Quamobrem audiendis Nostrarum Sanctimonialium confessionibus, earumque conscientias moderandis doctus, pius, ac solers specialiter a Nobis deputari solet Confessarius, qui licet ad triennium eligatur, semper tamen amoveri a Nobis possit, nec ultra triennium (3) sine Sacrae Congregationis Episcoporum, ac Regularium facultate in commissio sibi munere perseveret. Is itaque Monialium conscientias vigili cura, solerti prudentia, ac paterna charitate moderetur. Benigne omnes excipiat, nemini se peculiariter addictum ostendat, patiens sit in audiendis singulis, & æquale in iis ad Religiosam perfectionem, rerumque cœlestium

amo-

(1) Clemens VIII. in Bulla 28. *Religiosa*.

(2) Urbanus VIII. in Bulla 267. *Nuper*.

(3) Sac. Cong. Episc. in Comen. 4. Martii 1591., in Ragulina 2. Octobr. 1626., & 27. Martii 1647., & sæpe alibi.

amorem promovendis desiderium exhibeat. Aquam, Cineres, Palmas, & Candelas Monialibus distribuendas sacris præscriptis ritibus benedicat, ac distribuatur; Missam, cui interesse quotidie Moniales oportet, celebret; Ecclesiasticas statis diebus functiones in earum Templo peragat; iisdem Pœnitentiæ Eucharistiæ, atque Extremæ Unctionis Sacramenta ministret; in extremo vitæ agone constitutis spiritualement ferat opem; vitæ functionibus exequias, & anniversaria persolvat. Confessiones nonnisi in loco ad id destinato excipiat: in iis autem excipiendis cautus sit, & prudens. Non tempus in colloquiis inutilibus terat, sed eas ad veram errorum suorum pœnitentiam, & ad Religiosæ perfectionis studium excitet. Mœrentes soletur, abjectas erigat, trepidantes confirmet. Nullius Monialis temporalibus negotiis se immisceat; nulla a Monialibus excipiat munera; neque vicissim ipse quidquam Monialibus largiatur. Volumus tamen, ut annum stipendium, quod ad vitæ sustentationem sufficiat, non in diurno victu, sed in certa numerata pecunia statis temporibus exigat, exacteque recipiat.

XIX. Cum non raro contingeret, ut Religiosæ aliquæ Mulieres in Claustris degentes, præ pudore, vel alia quapiam de causa non omnes conscientiæ suæ recessus Confessario ordinario aperire auderent; adeoque cum Confessionis integritati detrudere inciperent, in barathrum perditionis æternæ se ipsas misere coniicerent; Tridentini Concilii Patres, ut opportunum tanto malo remedium afferrent, hanc sanxerunt legem, ut Episcopi, alique Monasteriorum Prælati subiectis sibi Monialibus Confessarium extraordinarium duabus, aut tribus vicibus quotannis offerant. *Præter ordinarium autem Confessorem (verba sunt Tridentini (1)) alius extraordinarius ab Episcopo, aut aliis superioribus bis, aut ter in anno offeratur, qui omnium Confessiones audire debeat.* Per ea autem verba jubetur Confessarius extraordinarius earum omnium Monialium Confessiones audire, quotquot eidem confiteri velint, inquit Benedi-
ctus

(1) Trid. sess. 25. cap. 10. de Regul.

Ætus XIV., (1) non tamen omnibus, Et singulis Monialibus præcipitur, ut peccata sua extraordinario Sacerdoti confiteantur. Nihil enim aliud requiritur ab omnibus in Monasterio degentibus, tam scilicet a Superioriffa, cæterisque Monialibus Professæ, atque Novitiis, quam a Sæcularibus, quæ vel educationis causa, vel alio titulo in eodem Monasterio cum debitis facultatibus commorantur, nisi ut extraordinario Confessario singulæ se sistant, sive ad Sacramentalem Confessionem apud ipsum, si placuerit, peragendam, sive ad salutaria monita, etiam extra Sacramentalem Confessionem, ab ipso accipienda. Atque ita prudentissime consultum est, ne, si Moniales aliquæ extraordinarium Confessarium adirent, aliæ autem coram ipso non comparerent, suspensiones, atque obloquutiones excitarentur; Et illæ quidem censerentur necessarias habuisse causas, ob quas ad extraordinarii opem confugere coactæ essent; aliæ vero ab huiusmodi necessitatibus, Et causis immunes iudicaretur.

XX. Nos Tridentini Concilii mandata exequentes, bis, aut ter in anno, quemadmodum a Nobis hæctenus factum est, extraordinarium Confessarium deputabimus, coram quo volumus, ut Moniales omnes se sistant, sive Professæ, sive Novitiæ, cæteræque Mulieres etiam Sæculares, quæ in Monasterio Nostro commorantur, vel Sacramentalem, si voluerint, Confessionem peracturæ, vel ab eo saltem monita salutaria audituræ. Curabimus autem, ut is, quem ad huiusmodi munus adhibebimus, iis sit instructus dotibus, quæ requiruntur, videlicet ut in eo ætatis maturitas, morum integritas, ac prudentiæ lumen minime defiderentur. Quo vero tempore extraordinarius Confessor ministerio suo fungitur, volumus, ut juxta Constitut. Bened. XIV. (2) ordinarius Confessor nullum ipsi impedimentum afferre audeat, multoque minus per id temporis alicujus Monialis, sive Professæ, sive Novitiæ, sive Conversæ, aut demum alterius cujuscumque personæ intra septa Monasterii commorantis Sacramentalem Confessionem audire præsumat. Si secus egerit, meritis illum pœnis

(1) Benedictus XIV. Const. *Pastoralis curæ*. Nonis Augusti 1748.

(2) Benedictus XIV. Const. cit. *Pastoralis curæ*.

pœnis coercerimus. Cuicumque demum Confessario extraordinario, qui a Nobis vel toti Monialium Communitati generaliter, vel peculiariter alicui personæ in Monasterio degenti concessus, ac deputatus fuerit, dillicte inhibemus (quemadmodum ipse etiam Benedictus XIV. in laudata Constitutione dillicte inhibet) sub pœnis adversus accedentes ad Monasteria Monialium, & cum ipsis conversantes, præsertim Regulares, ab Apostolica Sede quodcumque statutis, ne postquam suum officium impleverit, ad idem Monasterium ulterius accedere, aut ullius generis commercium intra ipsum quomodocumque continuare, & fovere, etiam sub spiritualis causæ, aut necessitatis obtentu, & colore audeat, ac præsumat.

XXI. Christus Dominus, qui oblatus est, quia ipse voluit, invitas Sponsas non recipit, sed averfatur. Quamobrem sub excommunicationis pœna ipso facto (1) incurrenda nemo invitas Virgines, aut viduas, aliasve Mulieres, præterquam in casibus in jure expressis, Monasterium ingredi, aut habitum Religionis fufcipere, aut professionem cogat emittere; aut favorem præbeat; aut sciens eas non sponte ingredi Monasterium, aut habitum fufcipere, aut professionem emittere, adhuc quoquo modo eidem actui vel præsentiam, vel consensum, vel auctoritatem interponat. Pari quoque anathemati subjicimus eos, qui sanctam virginum, aliarumve mulierum voluntatem veli accipiendi, vel voti emittendi, quoquo modo sine justa causa impediatur. Præterea ut coactionis ejusmodi periculum ab iis Virginibus, quæ in Nostrum Monasterium recipi postulant, securius arceatur; Synodales hæc sancimus leges, quas exacte in posterum servari præcipimus, ac mandamus.

XXII. Siqua puella Religiofæ vitæ tyrocinium ponere, ac Sacris Virginibus in Nostro Monasterio adnumerari velit; non prius voti compos fiat, quam & Nos desiderii sui conscios fecerit, & nul-

(1) Can. *Puella*, can. *Sicut*. caus. 20. qu. 1., & can. finali caus. 32. qu. 2., Trid. sess. 25. cap. 18. de Regular.

& nullam sibi ex necessariis conditionibus deesse authenticis documentis ostenderit, & ejus tandem voluntas quoad Religiosam vitam amplectendam a Nobis, vel a Vicario Nostro Generali diligenter fuerit explorata. Cum his omnibus ab ea factum fuerit factis, nullumque super ejus in Religionem ingressu impedimentum, aut obicem deprehenderimus, tunc Monialibus facultatem cogendi Capitulum in scriptis faciemus, in quo de ejus acceptatione per secreta suffragia deliberetur. Et siquidem pro ejus acceptatione major suffragiorum pars intercesserit, & ad Tirocinium capeffendum censeatur idonea; tunc juxta decretum Innocentii XI. (1) per decem dies Exercitiis spiritualibus vacet, in quibus statum Regularem serio perpendat, videatque, an ejus ferendis oneribus se parem sentiat. Si, expletis exercitiis, in suscepto amplectendæ Religionis consilio perseveret; de illius inter Moniales receptione decretum a Nobis fiet. Non tamen adhuc ad Tirocinium admittetur, nisi reali facto deposito dotis contentæ juxta consuetudinem Monasterii, & nisi idonea præstita fidejussione de alimentis toto Novitiatus tempore solvendis. Dotis autem nomine bona stabilia, (2) mobilia, annui nummorum census, privatæque apocæ sine expressa Sedis Apostolicæ facultate minime recipiantur, sed numerata tantum admittatur pecunia, quæ in Nostro Episcopali Pietatis Monte loco depositi collocetur, ut post Novitiæ Professionem Monasterio statim tradatur. De his vero omnibus authenticum instrumentum a Nostro Cancellario fiat in Episcopali Nostri Cancellaria asservandum. Quoad expensas, quæ, præter dotem, tum in Religiosi habitus assumptione, tum in solemni Professione fieri consueverunt, servari omnino volumus, quidquid peculiari Nostro decreto, quod in Appendice damus num. 28., opportune præscripsimus.

Q9

XXIII. Post

(1) Innocentius XI. in decreto edito 3. Octobr. 1692.

(2) Sac. Congreg. Episcop. in Cameri-

nen. 28. Martii 1583., in Interamnen. 2. Maii 1614.

306 CONSTITUTIONES SYNODALES

XXIII. Post expletum decimum sextum ætatis, & integrum a suscepti habitus die probationis annum, antequam Novitia ad Professionem admittatur, per decem dies spiritualibus iterum excolenda est exercitiis, ejusque voluntas a Nobis iterum, aut a Vicario Nostro Generali exploranda, ut innotescat, utrum eadem animum ad vota Sæcularia, mutata voluntate, converterit, an propositi tenax libere, & serio profiteri velit? qua de causa, ne Professionis tempus ignoremus, (1) teneatur Præfecta Monasterii Nos ante mensem facere certiores: ni fecerit, quamdiu Nobis videbitur, sit ab Officio suspensa. Si Novitia in profitendi voluntate persistet, ac de dote, de educationis alimentis, aliisque rebus, quæ ex consuetudine præstandæ sunt, integre perfolutis constat; Monialium Præfecta, accepta a Nobis in scriptis facultate, Religiosas capitulariter convocabit, ut per secreta suffragia de puella ad Professionem admittenda ab iisdem deliberetur, habitoque opportuno majoris partis consensu, Religiosum Institutum Novitia e ritu profiteatur. Professionis autem formula proprio profitentis caractere conscripta, & subscriptione confirmata, addito anno, & die, Cancellario Nostro tradatur, ut in Episcopali servetur Archivio. Præterea peculiaris in Monasterio liber habeatur, in quo annus, mensis, ac dies adnotentur, quibus Virgines recipiuntur, tyrocinium ponunt, solemnia vota Deo nuncupant, ac e vita tandem decedunt, Parentum etiam, Patriæque nominibus in eo non prætermisissis. Quod si Tyrocinii tempore Novitia aliqua in mortis articulo constituta, ex suæ pietatis sensu, & ut sacras lucretur Indulgentias, etiam annuentibus Monasterii Superioribus, professionem emisserit; eadem tamen, si convalescat, complere debet integrum probationis annum, & solèmnia iterum vota nuncupare, cum nulla sit ex Tridentino (2) quæcumque Religiosa Professio, quæ ante expletum decimum sextum

(1) Trid. sess. 25. cap. 17. de Regul., Sac. Cong. Episcop. in Neapol. 23. Martii 1621.

(2) Trid. sess. 25. cap. 15. de Regular.

sextum ætatis, & continuum, ac integrum Novitiatum annum emittatur. Quamobrem si infra hoc tempus e vita decesserit, non proinde dos (1) Monasterio acquisita intelligatur.

XXIV. Ut novellæ ejusmodi plantationes feliciter adolescant, positæque secus decursus aquarum fructum suum dent in tempore suo; eas institutionibus suis Confessarius, consiliis, hortationibus, ac præceptis Superiorissæ, assiduis exactæ Regularum observantiæ exemplis Sanctimonialibus reliquæ irrigare non desinant. Assuecant juniores Virgines Regularis observantiæ portare jugum ab adolescentia sua; cum enim senuerint, non recedent ab ea. In capitis, corporisque cultu non vanitatem ament, ac fastum, sed munditiem, ac simplicitatem, & cum juxta Davidicum (2) illud, *omnis gloria ejus filia Regis ab intus*, omni cura, industriaque pulcherrimis animum suum ornare virtutum monilibus studeant. Deo itaque placere maxime cupientes, Pœnitentiæ Sacramento animi sordes expient, & Eucharistico pane reficiantur, quoties id, vel Regula, seu laudabilis Monasterii consuetudo postulet, vel iis a prudenti Confessarii consilio suggeratur. Statis temporibus quotidie divino Sacrificio intersint, Horas Canonicas in Choro studiose, devoteque recitent, orationi vocali, rerumque cœlestium meditationi vacent, eaque omnia fideliter præstent, quæ, ut sanctæ sint corpore, & spiritu, laudabile earum Institutum facienda præscribit. Per decem dies quotannis spiritualibus Exercitiis sedulam navent operam, & tunc potissimum secessum, ac solitudinem ament, quo pacatius divina cogitent, & annos vitæ suæ Deo recogitent in amaritudine animæ suæ. Ut autem debitum suum noscant, ac religiose vitæ rationem, quam susceperunt, exacte impleant, sæpenumero ordinis sui regulas, ac Monasterii statuta perlegant, ac meditentur. Cum concordia res parvæ crescant, discordia maximæ dila-

Qq 2

dila-

(1) *L. Pro meritis. cod. De jure dotium.*
Sac. Cong. Concil. in Narnien. Professio-

nis, proposita 22. Junii 1743., & resoluta
25. Januarii 1744. (2) Psalm. 44. v. 11.

dilabantur; mutuo se diligant, supportantes se invicem in charitate, & mutuo sese honore prævenientes.

XXV. Triennio quolibet Monasterii Præfecta, atque Officiales reliquæ coram Nobis, aut Vicario Nostro Generali absque ullo partium studio seligantur. Præfecta, seu Superiorissa (1) eligatur non minor annis quadraginta, & quæ octo annis post expressam professionem laudabiliter vixerit. Quod si his qualitatibus instructa, & ad munus recte exercendum idonea in Monasterio non reperiat; ex iis, quæ in eodem Monasterio annu ætatis trigessimum exceßerint, & quinque saltem annis post professionem recte vixerint, Nobis consentientibus, eligatur. Ea, quæ Superiorissæ munus gessit, eligi iterum nequit, nisi per triennium ab ejusmodi vacaverit officio, aut nisi pro ejusdem confirmatione Sacræ Congregationis Episcoporum, & Regularium negotiis præpositæ facultas accedat. Per mensem, (2) antequam Superiorissa suum expleat officium, Nos de proxima electione celebranda certiores efficiat. In ejusmodi autem electione nullæ a Monialibus pro captandis suffragiis industriæ adhibeantur, nullaque sive per se, sive per alias, sive directe, sive indirecte, sibi, aut aliis suffragia procuret, inultoque minus ad id propinquorum, aut exterorum utatur patrocinio. Ea electa censeatur, in quam major pars secretorum suffragiorum consenserit. Quod si ita discors (3) fuerit suffragantium voluntas, ut post duplex scrutinium canonica non obveniret electio; Nos Monialem illam, quam ad Monasterii regimen recte obeundum aptiorem in Domino judicabimus, in Superiorissam eligemus. Nullum sibi officium Moniales expetant, aut procurent, sed sibi collatum obedienter recipiant, ac fideliter exequantur.

XXVI. Monasterii Præses, seu Superiorissa veræ Matris spiritum

(1) Trid. sess. 25. cap. 7. de Regular.

(2) Gregorius XIII. in Const. *Expositio debitorum*. 4. Januarii. 1582.

(3) Sac. Cong. Episc. in Aveniana 8. Novemb. 1583., & in Cremonen. 22. Octobris 1592.

ritum induat, & materna charitate Moniales omnes complexa, omnibus earum cum animæ, tum corporis calamitatibus consulat. Tamquam pro omnibus rationem Deo redditura, disciplinam regularem promoveat, omnesque qua voce, qua exemplo ad Religiosæ perfectionis studium excitet, atque inflamment. Regularum transgressiones, si præsertim publicæ sint, impunes abire non sinat, sed in spiritu lenitatis errantes corripiat, erroremque admissum levi aliqua ex consuetis pœnis expiari jubeat. Mutuam potissimum Subditarum suarum charitatem omni dexteritate foveat, ut, quemadmodum in una spe vocationis sunt vocatæ, ita unum quoque spiritum, unumque animum in Deo habeant. Quid enim iis prodesset, una contineri Domo, diversa tamen dividi voluntate, & Sorores quidem nomine, non vero factis nuncupari? Curet itaque totis viribus, ne dissidia inter eas oriantur, exortaque statim, suaviterque componens, omnem dissidii causam procul amoveat. Religiosarum quidem omnium, sed ægotantium præsertim, Reparatoris Noltri amantissimi exemplum imitata, sollicitam gerat curam. Eas quotidie inviset, amicis soletur verbis, bonam earum valetudinem sibi plurimum cordi esse ostendat. Quamobrem invigilet, ne quid iis vel ad animi, vel ad corporis medelam desit. Nullis impensis parcat, ut medicamenta, aliæque res ad earum morbos curandos, pristinamque recuperandam valetudinem necessariæ iis in tempore suppeditentur. Moniales Professas, & adjutrices Conversas ægotantium curæ præpositas numquam hortari amicis suasionibus desinat, ut infirmis omni studio, benevolentiaque inserviant, & opitulentur: æternam enim exinde, amplissimamque mercedem erunt omnino a Christo Domino consecuturæ. Omnes Monasterii redditus per deputatos ad id Ministros exigit, & in necessariam Monialium, ac Monasterii sustentationem impendat, ita tamen, ut & redditus, & expensas in peculiari libro fideliter, accurateque describat, omnem accepti, expensique rationem coram Nobis, aliisque ad æconomicam Monasterii administrationem

nem deputatis quotannis redditura. Volumus tamen, ut majores quasdam expensas sine ejusmodi Deputatorum consensu præstare nequeat, eamque ob causam districte præcipimus, ac mandamus Vicario Nostro Generali, ut semel in mense coram se ad Monasterii crates Superiorissam, & Camerariam, atque supradictos Deputatos convocet, ut de gravioribus subeundis expensis communi consilio mature deliberetur. Illud autem potissimum iisdem injungimus, ut frumentum, vinum, oleum, legumina, aliaque ejusmodi ad annonam pertinentia, & ad Monialium victum omnino necessaria, minori cum Monasterii dispendio comparentur in tempore. Quidquid vero in ejusmodi mensuris Congregationibus statuatur, in libro ad id destinato ab uno ex Deputatis describatur, ut facilius Nobis œconomica Monasterii administratio innotescat, & siquid detrimenti fortasse patiatur, id a Nobis præcaveri in posterum securius possit.

XXVII. Quamquam Christianæ Religioni utilissimum sit puellas in Monasterio educandas recipere, ut Christiana pietate, moribusque politioribus imbuantur; Eas tamen in Nostro Monasterio recipi nolumus, nisi Sedis Apostolicæ, ac Nostri facultas accesserit, eaque omnia servantur, quæ in Sacræ Congregationis decretis præscribuntur. Puellæ ejusmodi neque sint septennio minores, neque vigesimum quintum ætatis annum exceßerint. Earum in Monasterium ingressum Capitularis Monialium consensus præcedat: semel autem egressæ non iterum recipiantur, nisi nova Sedis Apostolicæ, ac Nostri obtineatur facultas, aut nisi in eodem Monasterio Religiosam, Nobis consentientibus, amplecti velint vitam. Singulis sex mensibus juxta Monasterii taxam anticipata solvant alimenta, pro quorum solutione nisi idoneum dederint fidejussorem, qui in Nostri Diœcesi domicilium habeat, ac solvendo sit, non recipiantur. Sint sub obedientia, ac vigili cura Superiorissæ, alteriusque Monialis, quæ earum Magistra sit, & custos, & quæ sollicita eas industria, benevolentiaque ad pietatem, modestiam, comitatem, ceteraque

que virtutes informet. Neque sericis vestibus (1), neque alio, quam nigro, aut fusco, vel albo, aut violaceo colore, neque exquisito ullo, quod sacris non conveniat Asceteriis, ornamentis genere utantur. Numquam solæ ad crates accedant, sed eas vel Superiorissæ, vel Magistræ, vel alia senior Monialis deputata committetur. In loco a Monialium cellulis sejuncto habitent; Clausuræ leges non secus, ac Moniales, observent; numquam in eodem lecto cum alia puella, multoque minus cum Moniali cubent.

XXVIII. Pastoralis tandem officii Nostri ratio postulat, ut sollicitudinem nostram in eo etiam collocemus, ut Novitiæ, Conversæ, Puellæ Educandæ, famulæque Doctrinæ Christianæ pabulo nutriantur, neque cibus ille in Monasterio iis desit, quem tam facile in sæculo invenirent. Volumus itaque, & Superiorissæ mandamus, ut puellæ educandæ quotidie per Magistram in Fidei rudimentis instruantur juxta Libellum Ven. Cardinalis Bellarmini, quem etiam præcipimus, ut ~~superior~~ memoriter discant: iisdem vero puellis, Novitiis, Conversis, & famulabus certa aliqua die per hebdomadam congregatis eadem Fidei rudimenta per Magistram, aut aliam Monialem ad id muneris maxime idoneam & repetantur, & clarius, uberiusque explicentur juxta alterum libellum ejusdem Ven. Cardinalis Bellarmini, cui titulus: *Spiegazione più diffusa della Dottrina Cristiana*. Qua etiam occasione, quæcumque ad Pœnitentiæ, & Eucharistiæ Sacramenta rite, recteque suscipienda requiruntur, facili, distinctoque sermone explanentur.

XXIX. Ut autem Synodales hæc Nostre Constitutiones Monialibus innotescant, eas in vernaculam linguam traduci jubebimus, Nostraq; subscriptione firmatas Monasterii Superiorissæ trademus, ut ad mensam quotannis lente, distincteque legantur.

(1) Concil. Rom. sub Benedicto XIII. tit. 21. cap. 4.

CAPUT XXVI.

DE EREMITIS, DE OBLATIS, DE TERTIARIIS, SEU
 NIZOCHIS, DE QUÆSTORIBUS, ET COLLECTORIBUS
 ELEEMOSYNARUM, ET DE PUELLARUM
 CONSERVATORIO.

ARTICULUS I.

De Eremitis, & de Oblatis.

E Remitæ olim, cum solemnem in manu Episcopi professio-
 nem emitterent, uti de Sanctis Machario, Alexio, aliisque
 antiquis Eremitis incolis Ecclesiastica perhibet Historia, vere Reli-
 giosi erant (1). At nunc in illorum numero non sunt habendi,
 cum solemnem illam professionem non edant, neque sub obe-
 dientiæ voto vitam ducant suam. Nemo tamen illorum vivendi
 rationem contemnendam putet, cum laudanda eadem potius sit,
si Eremitorium iisdem sit Paradisus, & jugis eorum cum Deo conver-
satio, ut inquit S. Hieronymus, & si ii, quod sunt professione,
actione potius, quam nomine demonstrent. Nos, ut Eremitæ, qui
 in Nostra Diœcesi commorantur, laudabiliter vivant, morum-
 que suorum exemplo aliis profunt, regulas in Concilio Roma-
 no (2) præscriptas observari ab iis jubemus, easque Italico ser-
 mone exaratas in propria cujuslibet Eremitæ haberi mandamus.
 Hæ autem regulæ sunt fere ejusmodi.

II. 1. Nullum in Nostra Diœcesi Eremitorium sine Nostra
 expressa licentia erigatur, quam non crimis concessuri, nisi
 ab aliis ejusmodi mansionibus unius saltem milliaris intervallo
 distet. 2. Nemo Eremiticam vitam sine Ordinarii sui facultate
 profiteatur, a quo proinde patentes ea super re expediendæ erunt
 litte-

(1) S. Ambrosius de Sacerdot. dignit.
 cap. 3., Synodus Constantinopolit. can.
 42. tom. 3. Concil. pag. 247., S.Th. 2.2.

quæst. 186., & in 4. sent. dist. 27.

(2) Concil. Rom. sub Benedicto XIII.
 in Appendice num. 211.

litteræ, atque Eremitorium præterea destinandum una cum rurali Ecclesia, cujus servitio Eremita sit addictus. Nemo quoque ullum Nostræ Diocesis Eremitorium incolat, nisi per Nostras patentes litteras illi incolendo deputatus fuerit; quas quidem non dabimus, nisi postquam ejus nomen, patriam, vitam, mores, conversationem, statum liberum, aliaque hujusmodi diligenti investigatione scrutati erimus. Quod si pium propositum jam amplexus, ex alia Diocesi in Nostram migraverit, testimoniales litteras prioris Episcopi Nobis exhibebit, quibus palam fiat, ipsum Eremitica vita, suoque munere probe functum, inde nulla turpi laborantem nota, & ab omni crimine liberum discessisse. Eremitæ plerumque duo in eadem domo contubernales esse nequeant, nisi peculiarem aliquam ob causam expressus in scriptis consensus Noster accesserit. 3. Eremitæ cælibem, sanctamque ducant vitam. Antiques Eremitæ cultores imitati, orationi, psalmorum recitationi, rerum divinarum meditationi, aliisque piis solitariae vitæ exercitationibus vacent. Sacrificio Missæ, si fieri possit, quotidie intersint. Semel saltem in mense, & Festis anni diebus principalioribus in Ecclesia sua Paroeciali Sacramenta Pœnitentiæ, atque Eucharistiæ religiose suscipiant; atque in eadem singulis Dominicis diebus Doctrinæ Christianæ, Ecclesiasticis functionibus, Missæ Parochiali, publicis supplicationibus, & Sacris Concionibus intersint. Quotidie tertiam Rosarii partem recitent; antequam cubitum eant, conscientiam suam discutiant, actumque veræ contritionis eliciant; ac tandem pro acceptis ea die beneficiis debitas Deo gratias persolvant, Deiparæque Virginis opem implorantes, Litanias recitent Lauretanas. 4. Tuguriolum, quod incolunt, munditie niteat, ac paupertatem simul redoleat: Ecclesia vero, cui inserviunt, nitida sit, ac munda, sacraque instructa suppellectile. 5. piæ stipis, quam conquiesierint, rationem Nobis, aut alteri a Nobis deputato quotannis reddant, ut quidquid de quotidiano eorum victu supersit, in Ecclesiæ reparationem, aut ornamentum, seu in

R r

sacram

314 CONSTITUTIONES SYNODALES

sacram ejusdem suppellectilem convertatur. 6. nullum, nisi per unicam diem, sine Vicarii Nostri Generalis, aut Vicarii Foranei licentia, in suo tugurio admittant hospitem; Et si forte facinorosi homines se in eorum intrudant hospitium, Nobis, aut Vicario Nostro Generali notitiam deferant, ut opportunum pro loci, temporis, ac personarum circumstantiis consilium capiamus. 7. quæcumque honesta obtendatur causa, numquam mulieres hospitio excipiant, multoque minus eas apud se pernoctare patiantur, ne hac videlicet occasione humani generis inimicus sua eos calliditate decipiat. Qui secus fecerit, absque ulla spe veniæ ex Eremitorio dimittetur, aliisque arbitrio Nostro infligendis plectetur pœnis. 8. habitum Religiosum, quo induuntur, sub excommunicationis pœna in Apostolicis Pauli III., Pii V., & Gregorii XIII. Constitutionibus lata, dissimilem esse volumus ab eo, quo Regulares, ac præsertim Cappuccini, uti consueverunt. At vitam ab exemplari Regularium vita dissimilem ne ducant umquam. Quare Sæcularium, multoque magis mulierum familiaritatem oderint; choreis, & profanis hujusmodi spectaculis numquam intersint; ludis, præsertim vetitis, ne vacent; tabernas vinarias evitent; vino tandem, in quo luxuria est, & mentis alienatio, ne indulgeant.

III. *Oblati*, qui se, ac bona sua Ecclesiis, aut Monasteriis per donationem obtulerunt, & quodammodo consecrarunt, unde Oblatorum nomen derivatum est, siqui forte in Nostri Diocesi existant, aut sint extituri, volumus (1), ut juxta Lateranensis Concilii sanctionem fori privilegio, atque exemptione a vestigalibus gaudeant, dummodo ea omnia simul in iis requisita concurrant, quæ a Lateranensi Concilio recensentur, ut ii videlicet in forma juris valida perpetuo, atque irrevocabiliter, plene, & cum effectu seipfos, suæque bona cum præsentia, tum futura, cum acquisita, tum acquirenda (nulla prorsus quamvis minima eorum

(1) Sac. Cong. Immunit. in Nicætanen. 10. April. 1628, in Oppiden. 6. Martii 1635, & in Bojacen. 29. April. 1704.

eorum parte vel in usumfructum, vel in proprietatem sibi reservata) Religioni alicui, aut etiam Sæculari Ecclesiæ obtulerint, ac donaverint, habitu etiam, quo induuntur, aliquantulum immutato. Qui vero matrimonio juncti non omnes designatas condiciones habent, vel quod bonorum suorum usumfructum sibi reservaverint, vel quod bona sua Ecclesiis, Cœnobiis, aliisque locis piis, non tamen inter vivos, sed solum causa mortis donaverint, eos Oblatorum privilegiis perfrui non posse declaramus.

ARTICULUS II

De Tertiariis, seu Bizochis.

I. **R**egulares aliqui Ordines, cujusmodi sunt Ordines S. Francisci, S. Dominici, S. Augustini, item Carmelitæ, aliique, Tertiarias juxta Romanorum Pontificum diplomata possunt adscribere. Verum cum in earum adscriptione plurimum habere locum debeat Episcoporum auctoritas; Ne ulla umquam hac super re in Nostra Diœcesi oriantur dissidia; Aliqua de Tertiariis hoc loco juxta Pontificias Constitutiones, & Sacrarum Urbis Congregationum decreta fandienda esse putavimus. Ac primum quidem Tertiarios viros a Tertiariis mulieribus distinguendos esse Leo X. (1) decrevit. Illi enim nullo gaudent privilegio, nisi conjunctim vivant, & cum ipsis Claustralibus commorentur; Tertiariis vero mulieribus, quamvis suas non dimittant domos, eadem tamen Ordinis privilegia conferuntur. Nos hic de Tertiariis Mulieribus dumtaxat loquimur, quæ pluribus olim controversiis occasionem dedere; & quemadmodum earum aliquæ communem sub eodem tecto vitam degunt, licet nullis Claustrilegibus adstringantur; aliæ vero ædes paternas separatim incolunt, licet Monialium indumenta præferant; de utrisque scorsim pauca dicenda essent.

II. Verum cum nullæ sint in Nostra Diœcesi Tertiariæ, quæ

R r 2 in

(1) Leo X. Const. 22. Bullarii tom. 1.

in uno domicilio simul jungantur communem agentes vitam, illud dumtaxat dicemus, videlicet quod has Tertiarias in Congregatione viventes, quæ neque solenne Professionis votum emittant, neque Clausuræ legibus obligentur, extinguere omnino voluit S. Pius V., uti ex ejusdem Constitutionis (1) verbis liquido constat. At progressu temporis Apostolica Sedes ita se gessit, ut easdem Tertiarias, (2) non quidem sua auctoritate probaret, sed illas toleraret, & Episcopis subjectas declararet. Sane cum in Sacra Congregatione Concilii Episcopus Sarzanensis petiisset, an suæ potestati subjectæ essent Mulieres, quæ in sua Diœcesi simul congregatæ Tertium Ordinem S. Francisci profitebantur, ita tamen, ut vota tantum simplicia nuncuparent, nullisque Clausuri legibus tenerentur? Sacra Congr. respondit, (3) earum Monasterium *omnimoda Episcopi jurisdictioni esse subjectum, citra tamen approbationem Sacræ Congregationis quoad illud.*

III. De aliis nunc Tertiariis verba faciamus, quæ Monialium indumenta præferunt, licet disjunctim in privatis ædibus singulæ immorentur. Ut inter eas adscribi, & privilegiis ab Apostolica Sede concessis perfrui Mulieres possint, eæ juxta Pontificias Constitutiones, Sacrarumque Congregationum decreta his conditionibus esse debent instructæ. 1. Esse debent probatæ vitæ, bonisque moribus præditæ. 2. Annum ætatis suæ quadragesimum agere. 3. Tot annuos redditus ex propriis bonis percipere, quot sunt ad earum sustentationem necessarii. 4. Non cum aliis, quam cum personis in primo tantum consanguinitatis, vel affinitatis gradu sibi conjunctis cohabitare. Cum autem ad Nos pertineat harum conditionum examen instituere, &, quatenus omnes adsint, licentiam Regularium Præsidibus impertiri, ut Mulieres illæ, quibus nulla ex iis conditionibus desit, ad habitum recipiantur; Volumus, ac præcipimus, (4) ut nulla mulier, sive Virgo, si-

ve

(1) S. Pius V. Constit. 8. in Bullar. Roman. tom. 2.

(2) Benedictus XIV. Institutione 105. §. 76.

(3) Sac. Congreg. Concil. in Sarzanen. 30. Jan. 1723.

(4) Leo X. Constit. *Dum intra*; & Sac. Cong. Episc. 20. Dec. 1616.

ve Vidua a Regularibus ad tertii Ordinis habitum admittatur, nisi Nostra in scriptis expressa præcesserit licentia gratis danda, quam iis tantum concedemus, quæ nullam ex recensitis conditionibus sibi deesse coram Nobis ostenderint. Si ergo vel huiusmodi licentia careant, vel aliquo requisito destituantur; fancimus, & declaramus, (1) ad habitum invalide eas admitti, nulloque Tertiariis concessio privilegio frui posse, sed Nostræ Jurisdictioni penitus esse subjectas.

IV. Multis quidem privilegiis ejusmodi Tertiarias ad habitum legitime admissas Leo X. cumulaverat, iisdem videlicet, quibus Fratres Ordinis, cujus Tertiæ Regulæ habitum gestant, gaudere consueverant. At Leonis Constitutionem intra certos quosdam limites Summi Pontifices Successores coercuerunt. Paucis rem totam complectamur. Cum hæc Mulieres (2) tribus votis solemnibus non adstringantur, adeoque non sint vere Regulares; ab Episcoporum proinde, ac Parochorum jurisdictione non sunt immunes. Gaudent quidem privilegio fori: At Sacerdotes Regulares (3) neque earum Confessiones Sacramentales audire, nisi ad Sæcularium Confessiones audiendas ab Ordinario fuerint approbati, neque iisdem Eucharistiam die Paschatis Resurrectionis administrare possunt; quemadmodum neque Viaticum, (4) atque Extremam unctionem iis conferre, neque earum cadavera, indicta funebri pompa, e domo efferre valent sine Parocho, aut ejus licentia: *Nam hæc revera* (uti habemus in decreto (5) Sacræ Congregationis Episcoporum, & Regularium) *ad Parochos pertinent, qui debent assidue, sed eo præsertim tempore, cognoscere, juvare, accuratoque studio fideles sibi traditos instituere. Præterea si contingat* (in eodem subditur decreto) *aliquas ex prædictis Tertiariis sine*

(1) Benedictus XIV. Const. *Emanavit* nuper. 17. Sept. 1749., Sac. Cong. Concil. in Mazarien. 10. Maii 1727., & in Januen. 22. Martii 1749.

(2) Benedictus XIV. Instit. 105. n. 67., & 68.

(3) Sac. Cong. Episc. 20. Dec. 1616., & in Hidruntina 4. Aug. 1625.

(4) Sac. Congreg. Episc. in Mutinen. 17. Junii 1639.

(5) Sac. Cong. Episc. 20. Dec. 1616.

318 CONSTITUTIONES SYNODALES

fine Sepultura electione decedere, eas sic decedentes ita demum in Ecclesiis Ordinibus, cujus habitum assumpserunt, si in ipsis earum communis Sepultura reperiatur; sin minus, in Ecclesiis Parochialibus sepeliendas esse Sacra Congregatio decernit: Tandem in eodem Sac. Congr. decreto statuitur, in habitu Tertiarius concedendo, & respective deferendo, omnino a velo supra caput, quod supriettum vocant, & a pectorali, quod vulgo dicitur sottogola, & a patientia abstinendum esse, quin imo eas, quæ supradicta tria, vel aliquod ipsorum deferre deprehensa fuerint, illa dimittere etiam per censuras Ecclesiasticas ab Ordinariis locorum compellendas esse. Nos itaque volumus, ut ejusmodi decreta exactissime servantur, & istarum Mulierum Confessarios, seu Moderatores serio monemus, ut eas neque vagari per plateas, neque circuire domos, neque choreis, profanisque spectaculis interesse, aut aliis Sæcularibus curis se immiscere patiantur, sed potius ad amorem solitudinis, sanctumque humilitatis, obedientiæ, atque aliarum virtutum exercitium acuant, atque inflamment: neque enim eas in uno Sanctarum Pœnitentium habitu, sed in vera earundem imitatione gloriari oportet.

ARTICULUS III.

De Quæstoribus, & Collectoribus eleemosynarum.

QUamquam pium, ac laudabile sit in pauperum, locorumve piorum usum eleemosynas corrogare; Cum tamen innumeri exinde oriantur abusus, si libera cuilibet id exequendi facultas relinquatur; Provido sane consilio Catholica decrevit Ecclesia, ut nonnisi penes Apostolicam Sedem, ac penes Episcopos jus esset certos designandi Quæstores, qui statim temporibus Fidelium eleemosynas in pios usus erogandas colligerent. Qua quidem in re illam Apostoli exemplum esse imitatum scimus, qui ad Corinthios scribens (1) inquit: *De collectis autem, quæ sunt in Sanctos, sicut ordinavi Ecclesiis, ita & vos facite.* Cum igitur

(1) 1. ad Cor. cap. 16. v. 1.

igitur a Tridentina Synodo demandata Nobis fuerit invigilandi cura, ut ejusmodi charitatis officia rite exercentur; Leges, quæ sequuntur, in Nostra Diœcesi servandas indicimus, quibus duo potissimum, ad Fidelium charitatem excitandam, fovendamque maxime necessaria, obtinere facilius valeamus. Primum est, ut quemadmodum eleemosynæ fideliter, ac modeste colligendæ sunt, ita etiam integre, ac sine dolo in pios usus ab earum largitoribus intentos erogentur. Alterum est, ut, cum Fidelium charitas omnium indigentis sublevandis par esse non possit, Quæstorum turba in immensum non augeatur, neque gravis Fidelibus inferatur molestia, aut pauperibus in graviore necessitate constitutis, piisve operibus majoris in Ecclesia momenti, atque utilitatis, opportuna subsidia adimantur.

II. Ne igitur illi rursus suboriantur abusus, ad quos evellendos Tridentina Synodus (1) *Quæstorum eleemosynarum* & nomen, & munus penitus extinxit; Laicis omnibus, Clericisque tum exteris, tum Diœcesanis districte prohibemus, ne quis eorum sub quovis prætextu, & colore sive pro vivis, sive pro defunctis, sive pro quolibet pio opere in Nostra Diœcesi sine Nostra, aut Vicarii Nostri Generalis licentia in scriptis tradita eleemosynas conquirere, & colligere audeat: secus & carcerem, aliasque arbitrio Nostro subibit pœnas, & collectas ab eo eleemosynas in pauperes, aliosve pios usus erogari continuo jubebimus, quin eidem Magistratum (2) *Sæcularium*, aut alterius personæ cujuscumque ordinis, & conditionis licentia, ac patentes litteræ suffragari quidquam valeant. Quod si quis speciale (3) aliquod Apostolicæ Sedis indultum, ac facultatem obtendat, eo non prius utatur, quam a Nobis, aut a Vicario Nostro Generali inspectum diligenter fuerit, ac genuinum repertum (ne quis fraudi,

ac

(1) Trid. sess. 21. cap. 9. de ref.

remiss., Sac. Congreg. Episc. in Aversana

(2) Trid. sess. 21. cap. 9. de ref.

22. Febr. 1620., Sac. Cong. Concil. 11. Febr.,

(3) Cap. *Abusibus*. de pœnit. &

& 21. Aug. 1642., & 20. Jan. 1643.

320 CONSTITUTIONES SYNODALES

ac dolo esse possit locus) peculiari Nostro , aut Vicarii Nostri Generalis mandato , ac subscriptione muniatur .

III. Si autem omnes , quibus facultatem , ac licentiam concedimus nummorum subsidia , aliasve eleemosynas colligendi pro Ecclesiis , Religiosis familiis , piisve locis , aut operibus , sciant 1. Nostram hanc licentiam nonnisi ad tempus concedi , adeoque revocari a Nobis , aut coerceri quodocumque posse . 2. ejusmodi Nostra facultate uti eos in Nostra Diœcesi non debere , nisi illam prius Vicariis Foraneis , & in eorum absentia Parochis ostenderint , quorum partes erunt diligenter explorare , utrum germana , an supposititia eadem sit , ac subinde diligenter inquirere , an quæ in eadem præscribimus , executioni fideliter demandentur , ut , re ab iis ad Nos delata , in fraudulentos , fallaces , ac inobedientes pœna etiam carceris animadvertamus . 3. ab iis , qui pro locis Sacris , aliove pio opere , Nobis annuentibus , eleemosynas collegerint , pecuniam ex iis conflata in Episcopali Pietatis Monte , aut alio tuto in loco a Nobis designando esse deponendam , ut peractæ operæ , seu gestæ administrationis ratio suo tempore Nobis reddi facilius , atque expeditius possit . 4. nemini , etiam in Ecclesiarum foribus , velata facie eleemosynas petere licere , nisi id urgente admodum ex causa fieri aliquando permittamus . 5. nullam collectarum eleemosynarum partem Quæstoribus esse concedendam , & illicitam , vetitamque a Nobis declarari quamcumque de iisdem participandis pactionem ; sed iis potius , si ejusmodi charitatis officium explete gratis nolint , honestum aliquod stipendium esse constituendum . 6. ad hujusmodi pia subsidia corroganda , non alios , quam viros probitate , modestiaque notos , & a turpi lucro prorsus alienos esse deligendos .

IV. Caveant præterea iidem 1. ne *Quæstorum eleemosynarum* nomen , quod Tridentina Synodus abolevit , usurpare sibi audeant . 2. ne Indulgentias evulgent ; aut conciones habeant ad populum ; aut Sanctorum hominum reliquias , seu sacras imagines

gines circumferant; aut sacra munifmata, seu armillas, annulos, fericas vittas, aliaque his similia distribuunt. 3. ne miracula, visa, divina promissa, aut futurorum prænotiones venditent. 4. ne tamquam debitam, aut tamquam solitam, aut titulo alicujus recitandæ orationis in Deiparæ, aut Sanctorum honorem eleemosynam petant. 5. ne animalia benedicant, pias imagines deosculandas præbeant, campanulas, aut alia quævis instrumenta ad homines excitandos pulsent, scurrilibus verbis, aut minis, aut imprecationibus utantur. 6. demum ne quidpiam cujusvis generis agant, quod fallaciam, superstitionem, rei sacræ abusum, aut animi levitatem redolet; sed in eleemosynis quæritandis modesti sint, ac discreti, & pie, simpliciterque se gerant.

V. Confraternitates, aliarque piæ Fidelium Congregationes sine Nostra, aut sine Vicarii Generalis licentia (1) neque sibi vindicent, neque exercere audeant jus eleemosynas in Nostra Diœcesi conquirendi; & siquæ sint in quasi possessione juris ejusmodi, ad Nos confugiant, ut pro arbitrio, ac pastorali Nostra sollicitudine consensum, & auctoritatem Nostram quasi possessioni adjungamus. Siquæ autem sint ad ejusmodi pietatis officium exercendum institutæ; volumus, ut eæ in eleemosynis colligendis, ac distribuendis illum servant modum, quem iisdem præscribemus. Ut mulierum, ac puellarum pudori, prout officii Nostri ratio postulat, consulamus; easdem a pia stipe pro aliis publice, atque promiscue conquirenda penitus excludimus.

VI. Regulares Mendicantes, quibus ab Apostolica Sede permissum est eleemosynas quærere, si Conventum habeant (2), aut Monasterium in Nostra situm Diœcesi, Nostra ad eas conquirendas licentia non egent, dummodo non per alios, sed per sui Ordinis Religiosos, aut Oblatos quærant. In Monasterii enim, seu Conventus erectione concessa iis hæc censetur licentia, nisi expresse fuerit inhibita. At si nullum habeant in Nostra Diœ-

S s

cesi

(1) Clemens VIII. Const. 115. §. 8.

(2) Cap. *Tuerum*. de privilegiis, Sac.

Concil. in Polignanens. 1611., & in Posnaniens. 24. Sept. 1622.

322 CONSTITUTIONES SYNODALES

cesi Monasterium, aut Conventum, non iis licet stipem quærere, nisi licentiam a Nobis petierint, & obtinuerint. Collectores elemosynarum (1) pro Ecclesiis, Oratoriis, Sacris locis, ac piis operibus, earum Nobis rationem reddant, quoties illam requiremus. Eleemosynæ, quæ occasione vel Concionum, vel Indulgentiarum colliguntur, Nostra accedente licentia, Tusculanæ Diœcesis pauperibus a propriis Parochis erogentur. Nemini liceat (2) sub pœnis arbitrio Nostro infligendis Corporalium bur-
sas, quas vocant, ad eleemosynas colligendas adhibere.

ARTICULUS IV.

De Puellarum Frondisterio, seu, ut ajunt, Conservatorio.

Sapientissime factum est, ut in omnibus fere Urbibus tum puerorum, tum etiam puellarum frondisteria, seu, ut ajunt, Conservatoria erecta sint, in quibus tenella juvenus ad liberaliores artes, atque ad domestica munia informata, Patriæ ornamento, Civibus vero, ac præsertim domesticis, commode esse possit. Cum itaque Decessorum Nostrorum cura in Tusculana Urbe, ac Diœcesi ad puellarum institutionem loca fuerint designata; ex iis autem, uti diuturna experientia compertum est, non exiguum adjumentum in universam Civitatem, ac Diœcesim redundarit; officii Nostri ratio, ac Noster in gregem Nobis concreditum amor postulat, ut in iis conservandis, augendisque studium omne, totamque industriam colloceamus. Aliquas igitur perpetuo valituras leges ad locorum hujusmodi conservationem, atque incrementum opportunas statuamus.

II. Quoniam vero ex Apostoli præcepto exoptandum vehementer est, ut omnes unum sapiant; hanc unitatem in tota Diœcesi teneri ab iis omnibus volumus, quibus erudiendæ juventutis cura mandata est, ut ex vitæ, doctrinæ, habitusque conforma-
tione

(1) Sac. Congreg. Concil. in Nucerina
19. Aug. 1579.

(2) Epist. Encycl. Sac. Cong. Episc. de
mandato Clementis XI. ann. 1701.

tione sensuum quoque, animorumque unitas oriatur. Quamobrem Synodali hac perpetuo valitura lege statuimus, ut in tota Diœcesi omnes Puellarum Magistræ eamdem vivendi, docendi, vestiendique rationem teneant, quemadmodum audito plurium Canonicorum, Parochorum, aliorumque peritorum hominum consilio decretum jam alias a Nobis fuit, cum universam Diœcesim Pastoralis Visitatione lustraremus. Cum enim comperissemus, puellarum Magistras in Nostra Diœcesi commorantes neque eodem habitu, neque iisdem regulis, neque eadem uti vivendi norma; omnium, quos in consilium adhibuimus, sententiis, suffragiisque decrevimus, ut Magistræ omnes in posterum eundem habitum, easdem regulas, eandemque vivendi rationem tenerent, ac illæ, quæ in Tusculana Urbe diversabantur, quarum videlicet regulas, vivendique rationem Apostolica Sedes, Episcopi plurimi, ac rerum omnium Magistra experientia comprobaverant. Quod quidem summa cum puellarum utilitate, publicique boni incremento factum jam fuisse gratulamur. Volumus itaque, ut firmum, ac perpetuum sit, quod cum tanto Nostræ Diœcesis commodo conjunctum esse intuemur.

III. Has omnes puellarum Magistras, quotquot sunt, & futuræ deinceps erunt, enixe hortamur, & obsecramus in Domino, ut in exacta legum suarum observantia constanter perseverent, ac puellarum educationem sibi commissam, cujus gratia in tot Italiæ loca advocantur, atque ubique expetuntur, nulla ratione negligent, aut contemnant; sed in ea solertius in dies promovenda totis viribus adlaborent. Illas quoque leges, quas, cum Frondisteria visiteremus, edidimus, omni, quo decet, studio, diligentiaque exequi studeant. Puellas potissimum timere Deum ab infantia sua edoceant, Christianæ Religionis Mysteriis, ac præceptis imbuant, ad otium demum vitandum, domesticaque munia, ac muliebria opificia recte, alacriterque exercenda informant. Illud intelligant, ac memoria frequenter recolant, puel-

324 CONSTITUTIONES SYNODALES

larum, quas ipsis educandas parentes tradunt, se Deo rationem esse reddituras.

IV. Orphanotrophium erat a Decessoribus Nostreis in Urbe Tusculana constitutum, in quo orphanæ quædam puellæ tamdiu enutriebantur, quamdiu vel nubarent, vel in aliquo Monasterio Religiosa Vota nuncuparent. Has Tusculanus Episcopus Cardinalis Marcellus Corradinus provido sane consilio in ejusdem Tusculanæ Urbis Frondisterium transtulit, ac piis puellarum Magistris tradidit educandas. Harum quoque curam, & institutionem iisdem Magistris enixe commendamus, ut bonis videlicet moribus informantur, ut muliebribus assuescant laboribus, ut denique idoneæ fiant, quæ utrumlibet sive Sæcularis, sive Regularis vitæ genus utiliter amplectantur. Cum autem ex peculiarires habeant sibi a Fundatore præscriptas leges, curent Magistræ, ut ab iisdem diligentissime observentur. Ea tandem sit præcipua Magistris cura, is præcipuus labor, ut Christianam Doctrinam cum quotidie in Scholis, tum Dominicis diebus in Templo puellas assidue, ac patienter edoceant. Summum enim ex eo labore in puellas emolumentum, in Magistras vero meritum, ac præmium est redundaturum.

CAPUT XXVII.

DE VITIIS RELIGIONI OPPOSITIS; AC PRIMUM DE SUPERSTITIONE.

I. **H**Actenus de Religionis virtute disseruimus. De vitiis nunc eidem oppositis summa cura, diligentiaque vitandis pauca dicamus. Verum ne in immensum Synodales Nostræ Constitutiones excrescant; tria ex ipsis dumtaxat atrociora, & periculosiora seligamus, superstitionem videlicet, simoniam, & blasphemiam, ac de eorum singulis peculiare leges Pontificiis Constitutionibus conformes statuamus. In hoc capite de superstitione

stitutione, in aliis duobus, quæ consequentur, de Simonia, & Blasphemia differemus.

II. Superstitio est vitium Religioni oppositum, quo quis vel cultum Deo exhibet, quem non debet, vel cultum illi exhibet, cui non debet. Primo modo peccare tripliciter quis potest, exhibendo videlicet Deo cultum vel falsum, vel superfluum, vel indecentem. Falsum Deo cultum exhibet, qui Deum Judaicis, aut Mahometicis ritibus colit; qui falsas reliquias adorandas proponit; qui falsa fingit miracula, falsasque revelationes venditat &c. Superfluum exhibet cultum, qui vel præter, vel contra Ecclesiæ præscriptum, aut consuetudinem in Missæ Sacrificio seu celebrando, seu audiendo, in Sacramentis seu suscipiendis, seu administrandis, in aliis demum sacris functionibus obeundis inutiles, ac vanas adhibet caeremonias. Indecentem tandem exhibet cultum, qui Deum aut verbis, aut factis, aut rebus colit, quæ ad ejus potius offensam, quam laudem, & gloriam, conducere merito possunt. Secundo superstitionis genere peccari quinque modis potest, videlicet per idololatriam, magiam, divinationem, vanam observantiam, & maleficium. *Idololatria* est, qua cultus uni debitus Creatori tribuitur creaturæ, juxta illud Apostoli (1): *servierunt creaturæ potius, quam Creatori*; eaque perfecta est, quando externo cultui internus jungitur, videlicet, cum quis creaturæ divinitatem inesse credit, eamque colere intendit, ac vult; & tunc duplex grave crimen admittit, infidelitatis contra Fidem, & superstitionis contra Religionem, nec absolvi a Confessario potest, nisi is specialem habeat absolvendi ab hæresi facultatem. *Magia* superstitiosa, seu diabolica in eo sita est, ut quis Dæmonum ope, ac ministerio per signa ab ipsis instituta mira quædam operetur. Hæc ex genere suo gravissimum est crimen: expressam enim, aut tacitam semper continet Dæmonis invocationem, & benevolam cum eodem societatem: maxime autem injuriosum Deo est, a creatura, Creatore

(1) Ad Rom. cap. 1.

tore relicto, Dæmonis opem implorari, & cum eo societatem iniri. *Divinatio* est superstitiosa rei alicujus occultæ inquisitio per Dæmonis invocationem, quæ semper vel expressa, vel tacita in ejusmodi divinationibus interesse solet; uti faciunt ii, qui ex unguum, manuum, aliarumque corporis partium inspectione, ex æere, aqua, igne, fortibus, somniis, arreptitiis, mortuis, aliisque futura prædicunt, furtaque, abditosque thesauros indicant; aut qui ex Solis, & Lunæ, aliorumque astrorum occurfu, motu, posituque de cuiusque ingenio, natura, & actionibus judicant, & quæ cuique eventura sint, divinant, ac definiunt, quæque a libero nostræ voluntatis arbitrio profiscuntur, ad fati revocant necessitatem. *Vana observantia* est illa, qua quis ad finem aliquem assequendum ea adhibet media, quæ neque ad illum ab Ecclesia ordinantur, neque a Deo, aut a natura ullam ad id habent viam, neque cum tali fine ulla ratione connectuntur. Hæc est eorum superstitio, qui ex quadrupedum vocibus, avium garritu, volatuque, hominum, pecudumve occurfu, aliisque hujusmodi inanibus observationibus de se, suisque, aut aliorum rebus statuunt, easque sibi, seu aliis aut adversas, aut secundas augurantur; & eorum, qui certa quædam ignota carmina, certa determinata verba, certos characteres, signa, notas, involucra, ligaturas, certum Crucum, atque orationum numerum, aliaque hujusmodi inutilia adhibent ad sanandas infirmitates, ad curanda vulnera, ad mitigandos dolores, ad sanguinis fluxum cohibendum, ad se, aut alios invulnerabiles ab omni hostium incurfu, & a qualibet infirmitate, atque infortunio reddendos immunes. *Maleficium* denique est superstitio, qua Dæmonis opera, ac potestate, certis quibusdam adhibitis signis, aut dictis, proximorum corporibus, aut substantiis detrimentum inferitur.

III. Ut pestiferum hoc mortalium genus Diabolum invocantium, cum eaque expressum, vel tacitum ineuntium pactum seu ad magiam, ut mira faciant; seu ad divinationem, ut occulta, ac futura sciant; seu ad maleficium, ac veneficium, ut noceant, seu

seu ad amorem, vel odium, vel alios inflamment, seu ad vanas observationes, ut prospera, vel adversa augurentur, a Nostra Diœcesi exterminemus, ac nefarii sceleris contagionem a Grege Nostrò arceamus; Hæc majori, qua pollemus, auctoritate statuimus, decernimus, ac promulgamus.

IV. 1. Excommunicatos ipso facto denunciamus magos, divinos, maleficos, veneficos, utriusque sexus striges, qui malis suis artibus utuntur, ut homines, & pecudes aut perdant, aut in morbum conjiciant; ut tempestates excitent, thesauros inveniant, affectum concilient, aut demereantur; ut sancta nuptiarum fœdera aut frangant, aut impediunt &c., licet effectu non secuto; eosque etiam omnes, qui hisce operibus aut consensum, aut consilium, aut auxilium seu scripto, seu lingua, seu manu præstent. 2. in virtute Sanctæ Obedientiæ, ac sub censurarum pœna præcipimus (1) ut quicumque ejusmodi delinquentium notitiam habeant, intra triginta ab habita notitia dies juxta Constitutiones Apostolicas, ac supremæ Inquisitionis edictum, Nobis, qui Nostra in Diœcesi ordinario jure adversus hæreticam pravitatem Inquisitoris munere fungimur, ejusmodi delinquentes denuncient statutis in Jure pœnis coercendos. 3. sub eadem excommunicationis majoris pœna, aliisque contentis in Apostolicis Constitutionibus (2) præcipimus, ut intra unius mensis spatium a die habitæ notitiæ Nobis denuncientur ii omnes, qui Astrologiam judiciariam, geomantiam, hydromantiam, chiromantiam, necromantiam exercent, & qui scripta, vel libros de malis hujusmodi artibus pertractantes legunt, aut retinent. 4. sub gravibus pœnis districte prohibemus, ne quis Astrologos judicarios, augures, hariolos, genethliacos, cæterosque id genus divinatores consulat, ut sibi futura contingentia prænuncient, quæ potissimum a libera hominis voluntate proficisci debent; aut occulta prorsus inquirent, quæ scire nequit, aut perspicere homi-

nis

(1) Leo X. Const. 43. *Honestis*, Gregorius XV. Constitut. 86. *Omnipotentis*,

Extravag. Joannis XXII. *Super illius*.

(2) Sixtus V. Const. *Cæli*, & *terre*.

328 CONSTITUTIONES SYNODALES

nis mens, 5. qui forte, occulto Dei judicio, affectum se aliquo maleficio sentit, caveat, ne ad magos, aut striges confugiat, ut maleficium novo maleficio dissolvatur: *qui enim talia agunt, ut inquit Apostolus (1), digni sunt morte, non solum qui ea faciunt, sed etiam qui consentiunt facientibus*. Qui ergo talia patiuntur, curationis modum adhibeant, qui in Sacris Canonibus (2), & in Rituali Romano (3) præscribitur. 6. tandem in omni superstitione tollenda, abolendaque, sive eam probitas, & simplicitas, sive fraus, ac dolus invexerit, magnopere excubare Parochorum curam volumus. Iis itaque mandamus, ut animum advertant, & siquem cultum, moreinque superstitione aliqua imbutum, aut omnino ullum superstitionis genus in suorum mentibus insedisse intelligant, rem ad Nos deferant, ut malis ejusmodi occurrere opportune valeamus. Confessarii quoque eandem cogitationem fulcipient, & si quos superstitionibus hisce teneri intellexerint, graviter monitos, objurgatosque ab ea pravitate, atque errore avertere, ac deterrere conentur. Illud præsertim mulieribus, rudibusque personis insinuent, ut ad pellendas febres, aliosque curandos morbos, non anilibus, ac superstitionis remediis, sed piis ad Deum, & Sanctos ejus precibus, sacramentali animæ expiatione, ac Medicorum consiliis, remediisque utantur.

CAPUT XXVIII.

DE SIMONIA.

HOrrendum, & detestabile Simonix crimen est sacrilegium (4), quo per emptionem, & venditionem, similem contractum res spiritualis pro temporali commutatur. Crimen hoc a Simone Mago nomen desumpsit suum. *Hic enim Apostolis (5) obtulit pecuniam dicens: date et mihi hanc potestatem, ut cuicum-*

(1) Ad Rom. cap. 1.

(2) Can. *Si per fornicarias*. caus. 33. qu. 1.

(3) Ritual. Rom. tit. de exorcizandis.

(4) Suarez tom. 1. de Religione tract. 3.

lib. 4. cap. 1.

(5) Actuum cap. 8.

cuicumque imposuero manus, accipiat Spiritum Sanctum; cui statim Apostolorum Princeps respondit: *Pecunia tua tecum sit in perditionem, quoniam donum Dei existimasti pecunia possideri*. Quibus sane verbis hujus criminis malitiam explicavit, quæ tota in eo sita est, ut res spiritualis, cujus pretium longe rerum omnium terrenarum valorem excedit, rei terrenæ, pro qua commutatur, æquiparetur, cum in permutationis contractu justitia commutativa servari omnino jubeat æqualitatem; & ut donum Dei, quod a sola divina liberalitate pendet, hominum arbitrio, & æstimationi subjiçiat, cum in contractum onerosum non cadat, nisi id, quod contrahentium subest arbitrio, & æstimationi; Et siquidem hanc vere intercedere æqualitatem, ac subjectionem Simoniacus credat, jam in hæresim detestabilem prolapsus est, de qua Paschalis Papa (1) inquit: *omnia crimina, ad comparationem simoniace hæresis, quasi pro nibilo reputantur*. Sin autem id credat, hæreticus quidem non erit, sed maximum adhuc admittet scelus: dum enim rem tanti pretii cum re adeo vili commutat, suoque subjiçit arbitrio, quod a divina liberalitate pendet; jam facto ipso maxima cum injuria & rem, & liberalem rei largitorem Deum despiciat, & contemnit.

II. Simonia alia est juris divini, ac naturalis, alia juris humani, & Ecclesiastici. Prior, quia mala est, ac juri naturali, divinoque repugnat, prohibetur: posterior, quia jure humano, atque Ecclesiastico prohibetur, mala est. Prior admittitur, cum quis rem vere spiritualement, aut rei spirituali adnexam, cujusmodi sunt Hostia consecrata, Sacramenta, Sanctorum Reliquiæ, Calix consecratus, ut consecratus, aliaque hujusmodi, pro re temporali dat, aut promittit. Posterior habetur, cum quis spirituale quidem dat pro spirituali, vel temporale pro temporali, sed contra legem Ecclesiasticam, quæ ex motivo Religionis propter periculum, & speciem quamdam Simonie sub penis adversus Simoniacos in Jure Canonico constitutis id vetat. Hoc pacto Si-

T t

monia-

(1) Can. *Pater. caus. i. qu. 7.*

moniaca est Beneficiorum permutatio, quæ sine Superioris auctoritate fiat, quia tamquam Simoniaca, & sub pœnis Simoniae a jure Ecclesiastico (1) prohibetur, ne sine auctoritate Superioris fiat. Idem dicendum de venditione Sacri Olei, aut Chrismatidis (2), quamquam solius materiæ pretium detur; aut Officiorum quorundam temporalium Ecclesiasticorum (3), quæ videlicet ad temporalium Ecclesiæ rerum administrationem ordinantur; aut rerum aliarum hujusmodi.

III. Utraque Simonia alia est mentalis, alia conventionalis, alia realis. Mentalis est internus voluntatis actus, quo quis, dum alteri rem spiritualem confert, obligare illum intendit ad reddendum aliquid temporale, aut viceversa. Ad mentalem itaque Simoniam actus quoque externus requiritur, puta rei spiritualis collatio pro re temporali intenta, aut viceversa: sed mentalis adhuc nuncupatur, quia Simoniacæ intentionis malitia non se prodit exterius, sed in solo animo continetur. Cum autem Ecclesia non de internis, sed de externis solum actibus judicet (4), nulla proinde pœna adversus mentalem Simoniam est a jure Ecclesiastico constituta. Conventionalis est externa conventio, seu expressa, seu tacita, dandi, vel recipiendi aliquid spirituale pro temporali, & viceversa, quæ nondum (ex utraque saltem parte) opere completa est; & siquidem ex neutra parte tradita sit res conventa, *Simonia pure conventionalis*; si vero ex alterutra parte per traditionem rei consummata fuerit conventio, *Simonia conventionalis mixta* nuncupatur. Adversus Simoniam sive pure conventionalem, sive conventionalem mixtam nulla in jure Canonico pœna clare expressa reperitur: cum autem *in pœnis* (5) *benignior sit interpretatio facienda*, nullam dicimus esse constitutam, sed arbitrio Judicis esse relictam. Realis tandem est conventio de danda re spirituali pro temporali, aut viceversa, utrinque opere

(1) Can. *Quantum*. 5. cap. *Cum olim*.
7. de rerum permutat.

(2) Cap. *Non satis*. 8. de Simonia.

(3) Cap. *Consulere*. de Simonia.

(4) Cap. *Tua nos*. 34. & cap. *Mandato nostro*. 46. de Simonia.

(5) Cap. *In pœnis*. 49. de regul. juris in 6.

opere completa saltem inchoative, quatenus ex. gr. ab una parte datum fuerit spirituale, ab alia vero pars saltem pretii conventi soluta fuerit. Adversus Simoniam realem gravissimæ sunt a Sacris Canonibus inflictæ pœnæ.

IV. Tribus hisce Simonix speciebus alia addenda est, quæ *Simonia confidentialis* nuncupatur, & quæ tunc habetur, cum quis Ecclesiasticum Beneficium alicui confert, aut resignat, vel ad illud præsentat, aut eligit, vel electum, aut præsentatum confirmat, aut instituit cum certa confidentia, & obligatione, idest cum expresso, vel tacito pacto, seu conditione, ut tamquam ex debito, illud sibi, aut alteri, puta fratri, nepoti, amico &c. intra certum temporis spatium iterum cedat, seu resignet, aut ex eo pensionem, vel certam fructuum partem tribuat. Adversus hanc Simoniam plura statuerunt Sanctissimi Pontifices Pius IV. (1), & S. Pius V. (2) in suis Constitutionibus, quas ea super re ediderunt, diligenter, attenteque consulendi.

V. Nomine *rei spiritualis*, quæ pro re temporali traditur in Simonia juris divini, ac naturalis, omne, & solum id intelligitur, quod ad bonorum supernaturalium ordinem pertinet, & quod ad spirituales animæ salutem ex divina, vel humana institutione scimus esse ordinatum, cujusmodi sunt gratiæ gratum facientes, & gratis datæ, Sacramenta, & Sacramentalia, divina officia, & orationes seu publicæ, seu privatæ, omnes Ecclesiasticæ Jurisdictionis actus, videlicet absolutio a peccatis, & censuris, collatio Indulgentiarum, dispensatio in votis, & juramentis, electio, postulatio, præsentatio, nominatio, institutio, collatio &c. cujusvis beneficii, officii, atque Ecclesiasticæ dignitatis, aliaque hujusmodi, uti patet ex toto titulo Juris Canonici *de Simonia*. Nomine autem *rei adnexæ spirituali* ea intelliguntur, quæ intrinsece quidem spiritualia non sunt, sibi tamen adnexam habent, conjunctamque rem spirituales, cujusmodi sunt Juspatronatus,

T t 2

bene-

(1) Pius IV. Conf. 85. *Romanum Pontificem*.

(2) S. Pius V. Constitutione 85. *Inoluerabilis*.

332 CONSTITUTIONES SYNODALES

beneficiorum redditus, pensiones, primitiæ, decimæ, oblationes, seu potius Jura has percipiendi, labor actualis in Sacramentorum administratione, & celebratione Missarum, Templi, Altaria, Calices, Vasa, & Indumenta Sacra, Agnus Dei, aliæque res omnes consecratæ, seu benedictæ, quæ utpote connexæ cum benedictione, seu consecratione, seu cum beneficio, vel officio, aut ministerio spirituali, *res adnexæ spirituali* dicuntur.

VL Res temporalis, quæ pro re spirituali promittitur, aut datur in Simonia, munus dicitur, quatenus hæc vox onus significat, & debitum ex obligatione, ac triplex est. *Aliud enim*, ut inquit S. Gregorius Papa (1), *est munus ab obsequio, aliud munus a manu, aliud munus a lingua. Munus quippe ab obsequio est subjectio indebite impensa, munus a manu pecunia est, munus a lingua favor.* Pecunia, quæ inunus a manu est, res omnes temporales pretio æstimabiles, seu mobiles, seu immobiles, mutationem pecuniæ, debiti remissionem, aut dilationem, aut anticipatam solutionem, aliæque hujusmodi complectitur. *Totum enim* (2) *quidquid homines habent in terra, omnia, quorum Domini sunt, pecunia vocatur: servus, vas, ager, arbor, pecus, quidquid hominis est, pecunia dicitur. Ideo autem pecunia vocata est, quia antiquitus, quod habebant, in pecoribus habebant.* Munus ab obsequio quodcumque temporale ministerium complectitur, seu servitium, aut obsequium, quod expresso, seu tacito pacto pro re spirituali promittitur, aut præstatur ex. gr. si Ecclesiasticum Beneficium (3) detur, & acceptetur loco temporalis mercedis, quæ pro ministerio, aut servitio solvenda esset. Munus a lingua omnem complectitur laudem, commendationem, patrociniū, intercessionem, aliæque hujusmodi apud alium ex. gr. Episcopum, quæ ex pacto, tamquam res ex iustitia debita pro re spirituali, puta beneficio, dentur, & acceptentur.

VII. Ad Simoniam necessario requiritur pactum aliquod, non

(1) Can. *Sicut nonnulli*. caus. 1. qu. 1.

(3) Cap. *Cum essent*. de Simonia.

(2) Can. *Totum*. caus. 1. qu. 3.

non tamen semper expressum. Sufficit enim (1) implicitum, saltem ex una parte inchoatum, aut intentum, quo quis temporale det aniuo alterum obligandi, aut movendi ad dandum spirituale, vel viceversa. Hinc Innocentius XI. (2) duas hasce merito propositiones damnavit, quarum una hæc est: *Dare temporale pro spirituali non est simonia, quando temporale non datur tamquam pretium, sed dumtaxat tamquam motivum conferendi, vel efficiendi spirituale, vel etiam quando temporale sit solum gratuita compensatio pro spirituali, aut e contra*: Altera vero hæc est: *Et id quoque locum habet, etiamsi temporale sit principale motivum dandi spirituale: imo etiamsi sit finis ipsius rei spiritualis sic, ut illud plurius aestimetur, quam res spiritualis*. In his autem propositionibus manifeste supponitur, temporale pro spirituali dari cum pacto aliquo saltem implicito, ac interpretativo, quod ad simoniam sufficit.

VIII. Ut nefarium, atque execrabile hoc Simonix crimen in Nostra Diocesi ab omni Ecclesiasticarum rerum tractatione arceatur, gravissimas adversus Simoniacos statutas pœnas, quarum rigidissimos futuros Nos esse exactores pollicemur, in mediura proferre statuimus. Sic enim fiet, ut sive Clerici, sive Laici, sin minus virtutis amore, formidine saltem pœnæ ab hujus labis contagione reddantur immunes. Cum autem in Ordinum potissimum, ac Beneficiorum collatione, & susceptione, Simonix crimen admitti consueverit; pœnas dumtaxat adversus Simoniacam ejusmodi collationem, ac susceptionem præscriptas recenserebimus.

IX. Primum itaque pœnæ adversus Simoniam realem in Ordinum susceptione, & collatione perpetrata, sunt hæ, quæ sequuntur. 1. tam conferens (3), quam suscipiens Ordines ipsa facta excommunicationem incurrit. 2. Ordinans, quamquam occulta sit Simonia, a quorumcumque Ordinum, ac primæ etiam Ton-

(1) Cap. *Tua nos*; & cap. *Et si questio-*
nes, de Simonia.

(2) Innocentius XI. in damnat. propo-

sitione 45., & 46. edita 2. Martii 1679.

(3) Extravag. *Cum detestabile*, de Simonia.

Tonsuræ collatione, & a munerum omnium Pontificalium executione est ipso facto suspensus, & ab ingressu Ecclesiæ interdictus, neque ab his censuris, nisi a Romano Pontifice, absolvi potest. Quod si interdictum violet, non modo irregularitatem (1), verum etiam suspensionem incurrit ab Ecclesiæ suæ regimine, & administratione, & ab omnium perceptione fructuum beneficiorum suorum. Has pœnas statuit Sixtus V. Constitutione (2), quæ incipit: *Sanctum, & salutare*; easque in suo robore permanere voluit Clemens VIII. (3), licet quoad aliqua præfatam Sixti V. Constitutionem ad terminos juris revocaverit. Si vero manifestum sit Simoniacæ crimen, non minus Ordinans, quam Ordinatus a suo gradu, & ab Ecclesiastico officio est deponendus. *Qui enim per pecuniam*, uti habemus in Jure Canonico (4), *quemque consecraverit, vel ab alio consecratus est, alienus a Sacerdotio fiat*. 3. qui Simoniacæ scienter suscepit Ordines, non modo excommunicationem, verum etiam suspensionem (5) ipso facto incurrit ab omnium suorum Ordinum tam simoniacæ, quam non simoniacæceptorum executione, etiamsi occulta sit simonia. Quod si ita suspensus aliquem Ordinis actum exerceat, non modo irregularitatem, verum etiam privationem (6) incurrit beneficiorum omnium, atque officiorum, & ad ea obtinenda inhabilitatem, si secularis sit; si vero sit Regularis, privationem vocis activæ, & passivæ, & inhabilitatem ad dictam vocem habendam, quin ab his censuris, nisi per Romanum Pontificem, absolvi possit: & hæc quidem pœnæ, etiamsi occulta sit simonia, locum habent.

X. Pœnæ adversus simoniam realem in beneficiorum, & officiorum Ecclesiasticorum collatione, & susceptione admittam sunt

(1) Cap. *Cum medicinalis*, & cap. *Is cui*, de sent. excomm.

(2) Sixtus V. Const. 91. *Sanctum, & salutare*.

(3) Clemens VIII. Const. 40. *Romanum Pontificem*.

(4) Can. *Qui per pecuniam*. caus. 1. quæst. 1.

(5) Extravag. *Cum detestabile*, de Simonia.

(6) Sixtus V. Const. cit. *Sanctum, & salutare*.

sunt hæc . 1. quicumque Ecclesiasticum officium , aut beneficium sive sæculare , sive Regulare simoniace (1) conferunt , aut directe , vel indirecte procurant eligendo , postulando , præsentando , commendando &c. , & quicumque simoniace acquirunt , ipso jure , & ipso facto excommunicationem Papæ reservatam incurrunt . 2. ejusmodi collatio , provisio , & acquisitio simoniaca est ipso jure (2) nulla , ita ut Beneficiatus sub gravis culpæ reatu beneficium dimittere , fructusque omnes , siquos inde percepit , restituere teneatur . 3. Beneficiatus fit (3) perpetuo inhabilis ad ejusmodi beneficium , aut officium obtinendum , nisi super hoc a Papa cum eo dispensetur . 4. fit etiam (4) inhabilis ad quæcumque alia beneficia obtinenda . 5. per sententiam Judicis aliis (5) etiam beneficiis antea Canonice obtentis privandus est , & ab altaris ministerio (6) perpetuo deponendus . Has pœnas inducit etiam realis simonia Juris Ecclesiastici in resignatione , & permutatione beneficiorum admissa .

XI. Usque eo simoniæ scelus detestatur Ecclesia , ut si illud in beneficii collatione , non quidem ab eo , cui beneficium confertur , sed illo prorsus inscio , ab alio fuerit admissum , Beneficiatus adhuc , cum primum simoniam esse commissam agnoscit , etiam ante sententiam Judicis beneficium dimittere jubeatur . Nam (7) secundum Sacrorum Canonum instituta etiam parvuli , qui cupiditate parentum Ecclesias per pecuniam sunt adepti , eas dimittere tenentur . Duo tamen casus ab hac generali regula sunt excipiendi . Primus est , cum quis in odium illius , cui beneficium conferendum est , ipso prorsus inscio , simoniam committit . Expressam in Jure Canonico (8) hanc exceptionem habemus his verbis :

Nisi

(1) Extrav. Cum detestabile . de Simonia , & S. Pius V. Constitut. 3. Cum primum .

(2) Cap. Mattheus : de Simonia , cit. Extrav. Cum detestabile , & cit. Constit. Cum primum .

(3) Cap. Si alicujus . de elect. , & cap.

Nobis fuit . de Simonia , & cit. Constit. Cum primum .

(4) Cit. Constit. Cum primum .

(5) Cap. Cum super . de confessis .

(6) Cap. De hoc . de Simonia .

(7) Cap. Sicut tuis . 33. de Simonia .

(8) Cap. Nobis fuit . de Simonia .

536 CONSTITUTIONES SYNODALES

Nisi constaret, illos, qui promissum tale (nempe simoniacum) fecerunt, per fraudem in dispendium illius, qui eligendus erat, id malitiose fecisse. Alter casus est, cum quis sciens ab alio simoniam committi, adversum illam expresse protestatur, & adhuc, protestante prorsus infcio, simonia completur, & beneficium simoniace confertur. Hanc quoque exceptionem Sacri Canonis (1) nobis exhibent per hæc verba: Quoniam ex eo, quod contra prohibitionem, & voluntatem tuam aliquis, te penitus ignorante, promisit pecuniam, & exsolvit, nihil tibi debet ad penam, vel ad culpam imputari. At si quis sciret, pro se simoniam ab alio committi, & ipse non contradiceret, neque protestaretur; aut si contradiceret, sciret tamen illum in simonia pergere, adeoque beneficium simoniace obtineri, & adhuc illud acceptaret; is sane facto ipso simoniam approbare, & in illam consentire censeretur; adeoque ante quamcumque Judicis sententiam ejusmodi beneficium a se abdicare teneretur.

XII. Simonix tandem confidentialis pœnæ hæc (2) sunt. 1. qui illam committit, ipso facto non modo excommunicationem incurrit, verum etiam privatur & beneficio per simoniam confidentialem acquisito, & aliis omnibus beneficiis, ac pensionibus canonice prius obtentis. 2. fit inhabilis tum ad idem, tum ad alia quæcumque beneficia obtinenda. 3. collatio beneficii simoniace obtenti soli Romano Pontifici reservatur. 4. fructus ex beneficio per simoniam confidentialem obtento male percepti, Apostolicæ Cameræ sunt applicandi. 5. hæc omnes pœnæ contra simoniam confidentialem statutz non modo subeundæ sunt, quando ea est realis, sed etiam quando est conventionalis mixta.

XIII. Qui in simonix crimine perpetrando temporale aliquid accepit, illud ante quamlibet Judicis sententiam, etiamsi occultissima fuerit simonia, sub gravi restituere debet, & quando circa beneficia simonia commissa est, non quidem illi, qui dedit,

(1) Cap. *Sicut tuus*, de Simonia.

(2) Pius IV. Const. 85. *Romanum Pon-*

sificium, & S. Pius V. Const. 85. *Intolerabilis*.

dedit, sed pauperibus, aut Ecclesiæ restituere jubetur. Quæ quidem obligatio oritur etiam ex simonia mentali, licet adversus illam nulla sit in jure pœna præscripta. Onus enim restituendi temporalia simoniace accepta non est pœna juris, sed est obligatio justitiæ, ac juris divini orta ex injusta acceptione, adeoque occultissimis etiam adnexa delictis, propter quæ mentales simoniaci apud districtum (1) Judicem, qui scrutator est cordium, & cognitor secretorum, culpabiles judicantur.

XIV. *Tanta est (2) hujus criminis labe, ut etiam servi adversus dominos, & quilibet criminosi ad accusationem admittantur.* In causis autem simoniæ, etiamsi reus sit laicus, solus Ecclesiasticus Judex cognoscere, ac definitive pronunciare potest. Cum enim simonia circa spiritualia objecta versetur, jam est causa spiritualis, atque Ecclesiastica, quæ proinde ad solos Ecclesiasticos Judices privative pertinet, juxta illum Canonici juris (3) textum: *decernimus, ut laici ecclesiastica tractare negotia non præsumant.* Si qua ergo ejusmodi causa (quod tamen Deus avertat) in Nostra Diocesi occurrat, ad Nostrum Forum cognoscenda, ac dijudicanda deferatur. Simoniaci autem, ut dispensationem obtineant pro foro externo, quando simonia est publica, ad Datariam; pro foro vero interno, quando est occulta, ad Sacram Pœnitentiarum recurrant. Hic tamen duo moneamus. Primum est, quod cum agitur de Simonia reali (4) scienter contracta, & de beneficiis, super quibus eadem contracta fuit, Sacra Pœnitentiarum dispensare non potest, neque convalidare eorum beneficiorum titulos, etiam in foro conscientię tantum, etiam in casibus occultis, nisi forte prædicta simonia contracta fuerit ignoranter ignorantia facti, vel juris, & Orator de illa certior factus, quamprimum commode potuerit, dispensationem petierit; quod quidem procedit etiam de pensionibus, super quibus simonia realis

V v

scien-

(1) Cap. *Tus nos.* de Simonia.(2) Cap. *Tanta.* de Simonia.(3) Cap. *Decernimus.* de judiciis.(4) Benedictus XIV. *Const. Pastor bonus.* §. 22. edita Idibus Aprilis 1744.

scienter contracta, & commissa fuerit. Alterum est, quod eadem Sacra Pœnitentiaria condonare (1) nequit pretium simoniacum, quando in Ecclesiam laicam, vel pauperes erogari debet, præterquam si delinquentium paupertas, & qualitas suadeant, aliquam ejus partem ipsis remitti, aut condonari posse, residuum semper in Ecclesiam, vel alios pauperes erogando.

XV. Cum autem in præsentatione, vel electione ad Ecclesiasticum beneficium, aut officium aliquando ex malitia, aliquando, & fortasse crebrius, ex ignorantia simonia perpetretur; nequid ejusmodi in Nostra Diœcesi contingat; plura hic tum Laicos, tum Clericos monendos arbitramur, a quibus abstineant, ne simoniaca labe polluantur. 1. Patroni a præsentatis ad Beneficium sive simplex, sive curatum nihil temporale (2) possunt exigere, nisi id, quod in ipsa fundacione impositum fuisse constat. Quare simoniaca est præsentatio, si fiat cum pacto novi oneris circa res temporales Patrono solvendas. 2. Simoniaci etiam est præsentatio (3), siquid temporale detur, aut promittatur ad habenda Patronorum suffragia, aut præsentationes, etiamsi id fiat (4), ipso præsentato ignorante. 3. beneficii resignatio cum reservatione regressus, ingressus, vel accessus nonnisi in Summi Pontificis manibus fieri absque Ecclesiastici Juris simonia potest. 4. nonnisi etiam accedente Romani Pontificis facultate, atque approbatione fieri sine Ecclesiastici Juris simonia potest beneficii resignatio cum pacto, ut resignatarius solvat expensas factas olim a resignante, dum beneficium illud obtinuit; vel ut solvat expensas omnes in admissione resignationis, & in Bullarum expeditione factas, quæ cæteroquin ab utraque parte essent faciendæ. 5. Simoniacum est (5), ad habendum suffragium in electione, vel præsentatione promittere Ecclesiasticum beneficium, aut officium, multoque magis simoniaca est ejusmodi promissio, si sit

(1) Benedictus XIV. cit. Const. §. 23.

(2) Cap. *Sicut*. de suppl. neglig. Prælat., & cap. *Præterea*. de Jurepatronatus.

(3) Arg. cap. *Veniens*. de Simonia.

(4) Cap. *Nobis*. de Simonia.

(5) Cap. *De hoc*. de Simonia.

fit reciproca. 6. Simoniacum est (1) vendere Juspatronatus, etiam si Laicale sit, & Patroni illud vendentes in pœnas adversus simoniacos latas incurrunt.

XVI. Inventus a quibusdam Clericis abusus fuerat, ut Beneficiati annuos beneficiorum suorum redditus, quos, donec viverent, percipere potuissent, unico actu alienarent sub nomine cedendi commodum, seu utilitatem percipiendi eorundem beneficiorum fructus, quos videlicet alteri, quoad viverent, vendebant, recepta pecunia ad eam summam, & quantitatem, quam ipsi, habita ratione eorum ætatis, & corporis valetudinis, durante vita, verisimiliter consequi potuissent. Cum autem sic collectam pecuniam improvidi hujusmodi Clerici non sine aliorum Fidelium scandalo inconsulta prodigalitate disperderent, plurimæque inde, & gravia mala orirentur; Benedictus XIV., ut improbam hanc consuetudinem, ac non ferendam pravitatem penitus aboleret, Constitutionem (2) edidit, cujus exemplar in Appendice num. 29. exhibemus. Per eam prius Clericis omnibus quacumque dignitate, præminetia, honore, & privilegio insignitis interdicat, & prohibet, ne in posterum audeant sub nomine alienandi utilitatem, & commodum percipiendi fructus, vel alio quovis titulo, prætextu, & colore vendere, ac distrahere suorum respective beneficiorum redditus, & proventus, vel ad vitam, vel in longum tempus, recepta ab emptore per unam, vel plures solutiones pecuniarum quantitate, quam ipsi Beneficiati per ejusdem temporis, vel vitæ spatium probabiliter consequi potuissent. Id autem prohibet sub pœna excommunicationis, & nullitatis actus, seu contractus, & omnium inde consecutorum, aliisque pœnis inflictis, præscriptis, & statutis, quas renovare, ac decernere intendit. Deinde omnes hujusmodi contractus, quos in futurum fieri contigerit, damnat, cassat, irritat, & annullat, eosque decernit suis Auctoribus tamquam invalidos,

V v 2

irri-

(1) Cap. 1., & cap. *Præterea*. de jurepatronatus.

(2) Benedictus XIV. Const. *Universalis Ecclesie*. edita 4. Cal. Septemb. 1741.

irritos, & inanes, viribusque, & effectu ab initio vacuos neque in judicio, neque extra, ad ullum effectum suffragari debere, neminemque ad eorum observantiam obligari, etiamsi pluries juramento firmati, & vallati sint, ac nullum inde jus cuicumque, aut actionem, vel titulum etiam coloratum possidendi, aut præscribendi per quodvis longissimum temporis spatium acquiri unquam posse.

XVII. Alius quoque non minus execrabilis inoleverat abusus. Clerici quidam beneficia, quæ possidebant, aliis resignabant, annua sibi sub Apostolico beneplacito pensione reservata: sed pactum eodem tempore cum Resignatario inibant, ut is dictam pensionem representata pecunia cassaret, & aboleret, factis videlicet quibusdam anticipatis pecuniarum solutionibus ad eam summam, quæ stabilita inter ipsos fuerat ad pensionis extinctionem, seu potius ad palliatam ipsius beneficii venditionem nefarie perficiendam. Ut autem Apostolicæ Datarie Officialium vigilantiam fallerent, hoc utebantur consilio. Inito inter ipsos clandestino pacto, conventaque, imo etiam aliquando apud publicum mercatorem, seu mensam argentariam deposita ad pensionem extinguendam pecuniæ quantitate, una simul expediri curabant & Bullam resignationis beneficii, & Bullam pensionis reservatæ super eodem beneficio favore resignantis, ita tamen ut vel eodem, vel non multo post tempore, quo supplicationi pro reservatione pensionis solita data apponebatur, alia supplicatio subscriberetur pro extinctione pensionis per anticipatas, seu anticipandas solutiones facienda, nulla tamen facta mentione de abominanda conventionem, ac simoniacam labem redolente pacto. Ut execrabile hoc malum, quo non leve Ecclesiastico Ordini dedecus, & infamiæ nota inurebatur, Benedictus XIV. coereret in posterum, & longe a Sanctuario Dei profanam hujusmodi abominationem removeret; Constitutionem (1) edidit, quam damus in Appendice num. 30. In ea statuit, ac declarat 1. omnia hujus

(1) Benedictus XIV. *Const. In sublimi*, edita 4. Cal. Sept. 1741.

huiusmodi pacta, per quascunque personas quavis dignitate, honore, ac præminetia insignitas incantur, tamquam a Sacris Canonibus, & Apostolicis Constitutionibus improbata, & simoniacam labem redolentia, nulla esse, cassa, atque irrita. 2. omnes pensionum cassationes, quæ in posterum intra sex menses a die possessionis beneficii per resignatarium capta fierent; irritas esse, nullas, viribusque, & effectu vacuas, etiamsi probari possit nullum præcedens inter partes pactum intercessisse, & licet supplicatio pro cassatione manu Romani Pontificis signata fuerit. 3. tam resignantem, quam resignatarium ab omni beneficii jure decidisse, eosque ipso facto, absque alia declaratione, vel Judicis sententia privatos, & ad alia obtinenda inhabiles esse, ac fore, & a quocumque beneficium huiusmodi, tamquam de jure, & de facto vacans, impetrari posse. 4. resignantem sub peccato gravi teneri ad restituendas pecunias pro cassatione pensionis indēbite, & simoniace perceptas, quæ arbitrio Ordinarii piis locis applicandæ erunt, aut pauperibus distribuendæ; & si renuat, ipso jure, absque alia sententia, & declaratione, Ecclesiasticis remediis, ac pœnis cogi posse. 5. nullas item esse, & irritas cessiones omnes, seu translationes in ipsum resignatarium, aut in aliam personam commodi, seu utilitatis percipiendi fructus pensionum huiusmodi, & alias quascunque cessiones, translationes, resignationes, extinctiones &c. per anticipatas solutiones, seu præsentata pecunia factas intra dictum sex mensium tempus, & etiam ultra id temporis spatium, dummodo reprobum illud, ac detestabile pactum intercessisse constiterit.

XVIII. Adeo execrandum, atque Ecclesiasticæ disciplinæ universæ corrumpendæ, solvendæque accommodatum est simoniæ crimen, ut non satis sit severe ex Sacrorum Canonum jure in eos animadvertere, qui se eo scelere devinxerunt, nisi sceleris quoque Ministri pari severitate coerceantur. Non minus itaque Notarios, qui nefariæ fraudis, pactionisque conscii tabulas confecerint, quam pactorum internuncios, conciliatores, interpre-

etique

tesque omnes, si forte umquam in Nostra Diœcesi casus occurrat, severissimis ad Sacrorum Canonum normam pœnis corripiemus. Ne tamen umquam Grex Noster hac exitiosa labe polluat, Pastores omnes, Confessarios, & Concionatores hortamur in Domino, ut quoties sese opportuna præbeat occasio, summa cura, diligentiaque Fideles admoneant, quam grave hoc scelus sit, ac detestabile, quam gravibus ab Ecclesia coerceatur pœnis, quam demum, etiam quoad terrenas opes, nullius lucris sit, atque emolumentum, cum qui hujus criminis reus est, & pretium simoniacum restituere, & beneficium simoniace acceptum a se abdicare, & fructus omnes ex eo perceptos in pauperes erogare, a Sacris Canonibus jubeatur.

CAPUT XXIX.

DE BLASPHEMIA.

AD extremum Iniquitatis, ac impietatis gradum pervenisse videntur ii, qui bonorum omnium largitorem Dominum Deum suum, quem laudum præconiis prosequi deberent, contumeliis, conviciis, ac maledictis incessunt. Tam grave enim, ac tam execrandum blasphemix crimen est, ut, Hugone teste (1), si cum eo reliqua crimina comparentur, leviora videri possint. Nam *qui peccant*, uti explicat S. Athanasius (2), *legem transgrediuntur*; *qui vero blasphemant, contra ipsam Deitatem delinquant*. Imo etiam blasphemos Judæis peiores nuncupare merito possumus: nam hi, *si cognovissent*, ut ait Apostolus (3), *numquam Dominum gloriæ crucifixissent*: blasphemii vero & Dominum gloriæ cognoscunt, & eodem tempore, quo ab eo beneficiis cumulantur, adversus ipsum nefaria linguæ procatitate grafari non erubescunt. Accedit huc, quod qui peccant homines, fere omnes aut cupiditate, aut voluptate labuntur. Quis enim furari, aut scenerari vellet, nisi utilitatis specie, & studio augendæ

(1) Hugo in Isaiam cap. 18. (2) Athanasius in cap. 12. Matth. (3) 1. ad Cor. c. 2. v. 8.

gendæ rei ab honesti, rectique tramite abduceretur? Quis libidinum luto inquinari se pateretur, nisi eum sensus delectatio pelliceret, ac deliniret? At quæ utilitas, quæ voluptas blasphemantem, Deoque maledicentem sequitur? Profecto nulla: unde fit, ut qui blasphemant, non scelerate solum, atque impie, sed nequiter etiam, & crudeliter, &, si fas est ita loqui, quodammodo gratis delinquant.

II. Verum divinam ultricem iram nefarii id genus homines expavescant, & se, nisi confestim resipuerint, maledictos jam a Deo, & condemnatos esse sciant, juxta illud Tobie (1): *Maledicti erunt, qui contempserint te, & condemnati omnes, qui blasphemaverint te*. Imo humanæ quoque potestatis vindictam reformident, cum adversus horrendum hoc, ac detestabile scelus jura omnia clament, promeritasque illi pœnas decernant. In Moisaica (2) Lege præceperat Deus, ut blasphemæ extra castra, tamquam infantes ejecti, ab universo populo lapidibus obruerentur. In Jure Canonico novæ semper, graviorefque pœnæ adversus blasphemos sunt constitutæ. Pelagius Papa decrevit, ut Satanæ traderentur blasphemæ, quemadmodum Hymenæum, & Alexandrum, qui blasphemaverant, Satanæ se tradidisse scribit Apostolus (3). Pius Pontifex (4) deponi Clericos, laicos vero excommunicari jussit, si blasphemassent. Gregorius IX. (5) hanc inuri blasphemis pœnam voluit, ut iis in Ecclesiam aditus non pateret, nisi prius per septem ferias sextas jejunium in pane, & aqua tolerassent, & per septem Dominicos dies præ foribus Ecclesiæ in eo stetissent loco, qui erat olim solemniter pœnitentibus destinatus, & eorum quidem postremo die pallio, & caligis nudati, circumductam collo funem, aut corrigiam gestarent (6). Gravior. mox statuerunt pœnas Leo X. (7), Julius III. (8), S. Pius V.

(1) Tobie cap. 13.

(2) Levitici cap. 24.

(3) Can. Apostolica. caus. 24. qu. 3.

(4) 1. Ad Timoth. cap. 1.

(5) Can. Si quis caus. 24. qu. 1.

(6) Cap. Statuimus. de Cleric. Maled.

(7) Leo X. Const. 7. Superna. §. 33.

(8) Julius III. Const. 25. In multis §. 2.

S. Pius V. (1), alique Romani Pontifices successores, ut perditii homines, si fieri posset, tam gravium poenarum metu a tam nefario crimine perpetrando deterreantur. Neque jus Civile impune abire voluit tantum nefas. Justinianus enim Imperator (2) blasphemos divina indignos misericordia declaravit, ultimoque damnavit supplicio. Alias alia Nationes, easque gravissimas statuerunt poenas. Quid plura? Mahometes ipse, scelestissimus sane Vir, Christianique nominis hostis infensissimus, licet assedlis suis turpitudinis genus omne in Alcorano periniserit, hujus tamen sceleris immanitatem dissimulare non potuit, atque eos, qui Deum, aut Christum, Deiparamque Virginem blasphemarent, hanc subire voluit poenam, ut bifariam dissecarentur.

III. Ut grave adeo, ac detestabile crimen a Nostræ Diœcesis finibus procul exulet; omnes, quotquot in ea sunt, veros Dei cultores, ac filios obsecramus in Domino, ac per viscera misericordiæ Dei nostri obtestamur, ut collato studio, totisque viribus a tabernis, a plateis, a domibus, ab omni demum Tutulana Diœcesis angulo scelus hoc propellant, atque exterminent. Concionatores, Quadragesimali præsertim tempore, in habendis ad Populum concionibus summo zelo in blasphemiam invehantur, suorumque Auditorum animis immanissimi criminis horrorem ingerant. Id etiam Parochi cum in explanando Evangelio, tum in habenda Catechesi Dominicis diebus præstent. Iidem vero Parochi, & Confessarii omnes in administrando Poenitentia Sacramento severos se Judices adversus blasphemos exhibeant, neque recidivos, pravoque blasphemandi habitu irretitos absolvant, nisi, sublata quacumque occasione proxima, siqua sit, præviam emendationem exhibeant, gravesque salutes poenitentias se subituros ex animo polliceantur. Parentes filios, si forte blasphemantes audierint, severissime plectant, & castigent,

(1) S. Pius V. Const. 5. *Cum primis Apostolicatus*. §. 10.

(2) Auth. *Ut non luxurientur homines*. §. *Et quoniam*. collat. 6. Novell. 77.

gent, ne veniat ira Dei super eos, & propter peccata filiorum tota subvertatur, ac dispereat familia. Domini famulos, Artifices vero operarios, atque alumnos suos, si hoc laborare vitio fiant, acri correptione reprehendant, & semel, aut iterum admonitos, nisi resipuerint, e domo pellant, ne una cum fontibus, quos secum alunt, divini furoris animadversione corripiantur. Fideles demum omnes, ac singuli, si quem blasphemantem audiant, eum aperte objurgent, nisi aut grave sibi ciere periculum, aut blasphemanti graviorum criminum occasionem præbere prudenter vereantur.

IV. *Ut autem blasphemi (1) sentiant punientis zelum, (S. Cypriani verbis utimur) qui negligunt corrigentis charitatem*, Nos obsequentes Sanctissimi Pontificis Pii V. Constitutioni (2), cujus summam prima Dominica cujuslibet mensis die a Parochis Populo legendam, in Appendice damus num. 31., statuimus 1. ut in hujusmodi crimine persequendo non solum per accusationem, & inquisitionem, sed etiam ad simplicem, & secretam denunciationem procedi possit. 2. ut in blasphemo condemnando, vel corrigendo, non modo ex duobus testibus plena probatio confurgat, sed etiam denunciatus, si interposito jurejurando denunciaret, unius testis vices, ac locum supplere possit: in eo autem casu inspectionem, ac judicium quoad denunciantis, alteriusque Testis qualitatem, integritatem, ac fidem Nobis reservamus. 3. ut blasphemi eas nequitiae suae subeant poenas, quas adversus illos Leo X. (3), Julius III. (4), ac potissimum S. Pius V. (5) suis Apostolicis Constitutionibus statuerunt.

V. Quicumque igitur sacrilego, atque incesto ore maledicere Deo ausus fuerit, vel impuris, obscenisque verbis Jesu Christi Domini Nostri, aut Deiparæ semper Virginis Mariæ nomen usurpare, ac palam, expresseque blasphemare; primo quidem scuta romana vigintiquinque, secundo quinquaginta, tertio centum

X x

tum

(1) S. Cyprianus Epist. 51.

(2) S. Pius V. Constitut. 5. *Cam primum* §. 13.

(3) Leo X. Constit. 7. *Superna*. §. 35.

(4) Julius III. Constit. 23. *In multis*. §. 2.

(5) S. Pius V. Constit. *Cam primum*.

tum persolvere jubeatur ; & si opus sit , gravioribus , etiam corporalibus , afficiatur pœnis . Harum vero multarum medietas locis piis arbitrio nostro applicetur ; aliam vero medietatem sibi accusator , aut qui secreto delinquentes detulerit , acquirat . Quod si quis humili loco natus ob inopiam , ac tenuitatem suam solvendæ huic multæ impar sit ; primo revictis post tergum manibus , frænoque ori imposito , ad temporis spatium a Nobis præfigendum , ante Cathedralis , seu Parœcialis Ecclesiæ fores constituatur : secundo virgis per Urbem , aut pagum , in quo blasphemavit , cædatur : tertio demum publica notatus infamia ad triremes damnetur . Si vero Clericus sit is , qui se blasphemix scelere obstrinxit ; primo quidem fructibus unius anni omnium beneficiorum , quæ obtinet , multetur ; secundo beneficiis ipsis exuatur ; tertio , dignitatibus omnibus eidem ademptis , deponatur , atque in exilium ejiciatur . Quod si nullo præditus sit beneficio , admissum crimen primum vel pecunia , vel corpore luat ; deinde carceribus mancipetur ; postremo degradatus triremium remigio addicatur . Siquis autem in cœlestes Spiritus , receptasque in cœlum animas improba jactare verba , sanctosque obscene , & contumeliose appellare non dubitaverit ; severe a Nobis in eum animadvertetur , & pro modo culpæ , ac personæ qualitate vel pecuniaria multa , vel aliis arbitrio Nostro pœnis corripitur .

VI. Quoniam vero frequentius , quam alibi , in cauponis , tabernisque vinariis , seu inter pocula , & scyphos , seu inter ludendum evomi blasphemix solent ; volumus , & mandamus , ut Caupones , ac tabernarum conductores intra biduum ejusmodi blasphemos , in Civitate quidem Nobis , aut Vicario Nostro Generali , in Oppidis vero Vicariis Foraneis denuncient , ac simul Testes indicent , qui blasphemantes , cum inibi adessent , audierint : nisi fecerint , multam subibunt Romanorum scutorum viginti quinque , & gravioribus etiam , si opus fuerit , plectentur pœnis . Volumus etiam , ut , præter Caupones , ac tabernarum conductores , alii quoque blasphemos Nobis denuncient , nisi ob inobedientiam , neglectumque Dei honorem , præter divinam ultio-

ultionem, iisdem, quibus blasphemi, pœnis esse malint obnoxii, quemadmodum Julius III. sua Constitutione fancivit. Ne quis vero ab hoc obeundo officio ulla ratione deterreatur, perfectum, notumque omnibus sit, occultos fore semper eos, qui denuncia-verint, imo facultatem iisdem a Nobis fieri, ut per epistolam ad Nos, seu ad Vicarium Nostrium Generalem datam delinquentes, ac Testes revelare possint. Ne autem impune umquam sit tantum scelus; Vicariis Foraneis facultatem facimus recipiendi ejusmodi denunciations, examinandi Testes, Reos capiendi, & consti-tuendi, & processum construendi; quem ubi confecerint, ad Vicarium Nostrium Generalem una cum delinquente transmittent, ut ab eo promerita reus condemnari possit pœna, quam nemo sibi eo nomine condonandam blandiatur, quod sive ex ira (1), sive ex ebrietate, sive ex joco, animique levitate blasphemave-rit: numquam enim in Nostro externo Foro hæc ob causas tota remittetur pœna, sed graviter adhuc a Nobis in Reum animad-vertetur. Verum cum illud potissimum in his ferendis legibus sit Nobis propositum, ut blasphemi resipiscant, neque deinceps in tantum scelus se præcipientes rapi patiantur; Volumus, ut, si iidem, antequam accusentur, aut denuncientur ab iis, qui blasphemantes illos audierint, se ipsos sponte sua coram Nobis, aut Vicario Nostro Generali, seu coram Vicariis Foraneis stant, prola-tamque a se blasphemiam accusent, ejusque veniam humili, & contrito corde precentur, juxta laudabiles Julii III., & S. Pii V. Constitutiones salutarem dumtaxat poenitentiam accipiant, a Canonis vero pœnis dimittantur immunes.

VII. Cæterum cum blasphemix crimen a Nostra Diœcesi modis omnibus propulsatum velimus; Sæcularium quoque Judi-cum Zelum excitamus, ut blasphemiam simplicem (eam enim, quæ cum hæresi conjuncta est, & quam proinde *hereticalem* di-cunt, ad Ecclesiasticum Forum privative pertinere Sacri Cano-nes (2) declararunt) diligenti inquisitione, ac pœnarum præ-scri-

X x 2

(1) Can. *Inebriaverunt*. caus. 15. quæ-
stione 3.

(2) Cap. *Ut inquisitionis*. §. *Prohibe-*
mus. de Hæreticis in 6.

scriptarum feveritate persequantur : Cujus rei & non parva eos a Deo merces manebit , & singulis vicibus decem annorum Indulgentiam consequentur , quam Leo X. tam Judicibus crimen ulciscuntibus , quam illud ad Judices deferentibus elargitus est . Ne quis vero legum Nostrarum ignorantiam obtendat ; Edictum , quo Decessor Noster Cardinalis Petrus Marcellinus Corradinus eadem fere , quæ Nos statuimus , adversus blasphemos provido consilio decrevit , majori , qua fungimur , auctoritate confirmamus , ac vim Constitutionis Synodalis habere decernimus . Parochis autem præcipimus , ac mandamus , ut illud prima Dominica die cujuslibet mensis , post Summarium Constitutionis S. Pii V. , populo legant , eunique in finem in Appendice subjicimus num. 33.

VIII. Inter cætera ad eliminandam blasphemiam a Summis Pontificibus sanctissime statuta , illud quoque decretum fuit , ut Sodalitates sub invocatione Nominis Dei ex viris piis , divinique cultus studiosissimis constarentur , qui servantes regulas a Pio IV. , & S. Pio V. institutas , Indulgentias quoque ab iisdem Pontificibus per Apostolica sua Diplomata impertitas lucrifacerent . Horum Pontificum exempla secutus Benedictus XIV. , omnibus Ecclesiastici status Episcopis insinuavit , ut in sua quisque Civitate , ac Diœcesi alicui Confraternitati canonice erectæ nonnullas regulas a S. Carolo Borromæo pro Confraternitate , seu Congregatione Correctorum blasphemiarum sancitas , atque præscriptas uniret . Ut autem ad eas regulas observandas Confratres excitarentur , plurimas iisdem Indulgentias lucrandas proposuit , uti ex ejusdem Pontificis Constitutione constat , quam damus in Appendice num. 32. saluberrimum hoc consilium libentissime amplectimur , & cum iterum Nostram Diœcesim Sacra Visitatione lustrabimus , Nostra erit non ultima cura , ut executioni fideliter demandetur ; quem in finem regulas a Confratribus observandas trademus , ac promulgabimus .

FINIS PRIMÆ PARTIS.

CON.



CONSTITUTIONUM SYNODALIUM PARS II.

DE CHRISTIANI HOMINIS OFFICIO
ERGA SEMETIPSUM.



Ominein (1) rectum fecerat Deus, ita ut nullis animi perturbationibus esset obnoxius, & ita appetitui recta ratio dominaretur, ut voluntas nonnisi id, quod deliberate vellet, appeteret, & nonnisi id, quod deliberate nollet, averfaretur. Verum tanta repente propter ejus inobedientiam in eo immutatio facta est, ut ex illo eodem temporis momento, quo per summam injuriam Deo imperanti non obtemperavit, caro (2) concupiscere cœperit adversus spiritum, & spiritus adversus carnem. Hinc illæ intestinæ lites, atque discordiæ; hinc illæ periculi plenæ carnis illecebræ; hinc rebel-

(1) Ecclesiastæ cap. 7.

(2) Ad Galatas cap. 5.

rebelles illi concupiscentiæ motus, quibus abstracti, atque ille-
cti, quod volumus, non operamur bonum (1), & quod nolu-
mus, operamur malum. Quamobrem si divina servare manda-
ta, & vitam assequi velimus æternam, in eo curam omnem, di-
ligentiamque collocemus oportet, ut nosmetipsos jugiter abne-
gemus, perpetuoque studio rebelles nostras concupiscentias co-
hibeamus. Id earum virtutum ope facile obtinebimus, quas Car-
dinales ideo nuncupamus, quia, sicuti ostium in cardine, ita in
illis omnis honestæ vitæ ratio versatur. Quatuor autem sunt vir-
tutes hujusmodi, prudentia videlicet, justitia, temperantia, &
fortitudo. *Virtutes agenda vitæ nostræ*, inquit S. Augustinus (2);
quatuor describuntur a multis, & in scriptura inveniuntur; quarum
Prudentia dicitur, qua dignoscimus inter bonum, & malum; Justi-
tia, qua sua cuique tribuimus, nemini quidquam debentes, sed omnes
diligentes; Temperantia, qua libidines refrænamus; Fortitudo, qua
omnia molesta toleramus. De his igitur in hac secunda Constitutio-
num Synodaliū parte agendum nobis est, ut Fideles, ac præ-
sertim ii, qui Ecclesiasticam sequuntur Militiam, earum gran-
de pretium agnoscant, summam utilitatem intelligant, & ad
eas assequendas incredibili animi ardore rapiantur. Verum cum
ex iis justitia in proximorum bona feratur, quæ servari jubet il-
læsa, & si forte violata fuerint, reparari; idcirco de ea in ter-
tia istarum Constitutionum parte differemus, de reliquis tribus,
ac de vitiis oppositis hîc duntaxat acturi.

CAPUT I.

DE PRUDENTIA, ET VITIIS OPPOSITIS.

Prudentia, quam S. Bernardus (3) *affectionum ordinatricem*,
morum ducem, ac virtutum aurigam nuncupavit, principem
inter Cardinales Virtutes sibi vindicat locum. At cum Pruden-
tiam

(1) Ad Rom. cap. 7.

(3) S. Bernardus Serm. 46. in Can-

(2) S. Augustinus in Psalm. 83. v. 8.

tica.

tiam dicimus, cavendum est, ne hoc Prudentiæ nomine decepti vitium pro virtute amplectamur. Duplex enim est prudentia, alia carnis, & alia spiritus, quarum prior vitium, posterior virtus est; uti nos docet Apostolus (1), ubi inquit: *Prudentia carnis mors est: Prudentia autem spiritus vita, & pax; Quoniam sapientia carnis inimica est Deo: legi enim Dei non est subiecta.* Utramque autem sic explicat S. Basilius (2): *Una est Prudentia, proprii commodi custos, & alieni doli observatrix, qualem serpens habet. Ille, si quid periculi imminere viderit, caput super omnia custodit. Ea videtur esse versutia illa, quæ prona est ad proprium commodum, & simpliciores defraudandos; quali prudentia fuit ille seculi prudens, & injustitia & economus apud Evangelium. Vera autem prudentia eorum, quæ agenda sunt, & non agenda, cognitio est; quam si quis recte selectus fuerit, numquam de officio, virtuteque discedet. De Prudentia spiritus hic loquimur, quæ cum recta sit eorum, quæ agenda sunt, & non agenda, cognitio, tuto proinde nos docet, ac dirigit (3), ut honesti rationem amplectentes, juxta divinæ legis præcepta constanter operemur. Ad hanc nobis virtutem comparandam propositis plurimis, quæ ex ea promanant, bonis, iterum, atque (4) iterum hortatur nos Deus in scripturis, ubi ait: *Posside sapientiam, posside prudentiam; ne obliviscaris, neque declinet a verbis oris mei. Ne dimittas eam, & custodiet te: dilige eam, & conservabit te. Principium sapientiæ, posside sapientiam, in omni possessione tua acquire Prudentiam. Arripe illam, & exaltabit te: glorificaberis ab ea, cum eam fueris amplexatus: dabit capiti tuo augmenta gratiarum, & corona inclita proteget te.**

II. Octo Prudentiæ Partes integrantes, ut ajunt, Angelicus Doctor (5) recenset; Memoriam videlicet, Intelligentiam, Providentiam, Rationem, Docilitatem, solertiam, circumpectionem, & cautionem. Singulas paucis explicemus, ut

iisdem

(1) Ad Romanos cap. 8. v. 6.

(2) S. Basilius homil. 11. in principium Proverbiorum.

(3) S. Ambrosius lib. 1. de officiis c. 27.

& lib. de Virgin. cap. 14., S. Augustinus lib. 1. de morib. Ecclesiæ cap. 24., & 25.

(4) Proverb. cap. 4. v. 5.

(5) S. Th. 2. 2. qu. 48. art. unica.

iisdem comparandis omni ope, studioque vacare valeamus. *Memoria* est præteritorum recordatio, ex qua optima rerum Magistra nascitur experientia. *Intelligentia* est præsentium notitia, primorumque principiorum, quæ practica sunt, certa cognitio. *Providentia* est futurorum præscientia, qua vir prudens ea, quæ attentis omnibus circumstantiis futura sunt, sedulo prævidet, ac mature considerat, & ad finem, quem intendit, obtinendum ea, quæ opportuna esse arbitratur, ordinat, ac disponit. *Rationis* nomine promptitudo quædam intelligitur, qua vir prudens, ne in operando erret, ad ratiocinandum super iis ipsis, quæ agenda sunt, antequam agat, adducitur. *Docilitas* est facilitas illa, qua in rebus dubiis ad æternam animæ salutem pertinentibus prudentes viri aliorum peritorum, atque prudentum consilia exquirere, atque inire consueverunt, juxta illud Proverbiorum (1): *Qui sapiens est, audit consilia*. *Solertia* est sagacitas quædam, atque alacritas in iis excogitandis, adhibendisque, quæ ad finem, quem intendimus, assequendum conducunt. *Circumspectio* est attenta, ac sedula consideratio omnium circumstantiarum, quæ moralem actionem a nobis faciendam comitantur, ne quid in ea a recti norma devium reperiatur. *Cautio* tandem est diligens cura, qua vir prudens maxime curat, ut impedimentum omne removeat, quo a recte agendo retardari possit, & cavet, ne sub specie boni decepta voluntas malum aliquod amplectatur.

III. Cum Prudentia virtus sit moralis, peccari adversus illam potest cum per defectum, tum per excessum; ex utroque autem hoc fonte vitia prudentiæ opposita promanant, quæ cavere diligenter debemus, si prudentes esse velimus. Horum quatuor (2) ex defectu oriuntur, eaque sunt Præcipitatio, Inconsideratio, Inconstantia, & Negligentia. *Præcipitatio* vitium est, quo quis, non præmissa sufficienti consultatione, ac deliberatione, opus aliquod præcipitanter aggreditur. *Inconsideratio* vitium

(1) Proverb. cap. 12.

(2) S. Thom. 2. 2. qu. 53., & 54.

vitium est, quo sine prævia debita attentione, diligentique rerum, ac circumstantiarum inspectione, temere judicatur, ac statuitur, opus aliquod esse faciendum. *Inconstantia* in eo peccat, quod cum deliberatum jam semel, & mature fuerit de re aliqua facienda, aut non facienda, sine ulla, aut saltem sine prudenti ratione judicium, ac sententia mutatur, juxta illud (1): *Stultus, ut Luna, mutatur*. *Negligentia* tandem vitium est, quo quis debitam curam, ac diligentiam omittit in opere illo opportune, recteque exequendo, quod post maturam deliberationem sibi faciendum omnino esse judicavit.

IV. Vitia vero prudentiæ per excessum opposita quinque communiter numerantur, videlicet prudentia carnis, astutia, dolus, fraus, ac nimia rerum terrenarum sollicitudo. *Prudentia carnis*, quæ juxta Apostolum, uti diximus (2), *mors est, & inimica Deo*, illa dicitur, qua quis ad carnis, naturæque corruptæ desideria explenda industriam omnem suam acuit, totasque vires suas non minus agendo, quam cogitando exerit, ac depromit. *Astutia*, quam *calliditatem* etiam, seu *versutiam* nuncupant, est sedula perversarum rationum ad fallendum proximum excogitatio; in qua ne ambulemus, serio nos hortatur Apostolus, ubi ait (3): *Non ambulantes in astutia*. *Dolus* est machinatio, quæ ad proximum sive verbis, sive factis circumveniendum, fallendumque adhibetur. *Fraus* vero est, cum quis factis proximum aut decipere curat, aut decipit; ut cum adulterinam ei tradit monetam, aut mensuram in venditione adhibet justo minorem; quibus tamen dolosis, ac fraudulentis hominibus iratus Deus, ultionem suam apud Jeremiam (4) his verbis minitatur: *Inventi sunt in populo meo impii insidiantes, quasi aucupes, laqueos ponentes, & pedicas ad capiendos viros. Magnificati sunt, & ditati, incrassati sunt, & impinguati. Numquid super his non visitabo? dicit Dominus; aut super gentem hujusmodi non ulciscetur anima mea? Nimia*

Y y tandem

(1) Eccli. cap. 27.

(2) Ad Rom. cap. 8.

(3) 2. Ad Cor. cap. 4.

(4) Jeremix cap. 5. v. 26.

tandem *rerum terrenarum sollicitudo* est immoderata mentis occupatio in opibus, honoribus, aliisque terrenis rebus conquirendis, conservandisque, ex infano eas habendi amore, nimioque amittendi metu progenita, a qua tamen Christus Dominus (1) in Evangelio tam serio, ac tam frequenter Discipulos suos monuit, ut diligentissime abstinerent.

V. Vitia hæc Christianæ prudentiæ opposita Parochi Populo explicent, eorumque fugam diligenter insinuent. Ut autem efficax sit eorum sermo, exemplo præeant, & cum verbis, tum operibus, juxta Christi Domini monitum, in se ipsis serpentis prudentiam columbæ simplicitati adjunctam præferant. Simplicitas enim (2) sine prudentia facile decipi potest; periculosa autem est prudentia, nisi simplicitate temperetur. Clericos etiam omnes enixe hortamur, & obsecramus, ut id ipsum præstent, suoque Laicos exemplo doceant, fluxas hæc, ac perituras Mundi delicias, secundum Christianæ prudentiæ leges, divino famulatu, æternæque saluti omnino esse posthabendas. *Invenisti plane sapientiam*, inquit S. Bernardus, *si prioris vitæ peccata desceas; si hujus sæculi desiderabilia parvipendas; si æternam beatitudinem toto desiderio concupiscas*. Cum autem Christianæ prudentiæ virtus ad tam varios hujus nostræ vitæ cursus feliciter dirigendos sit apprime necessaria, tria potissimum populum Parochus edoceat, sine quibus assequi nemo potest prudentiam. Primum quidem illud est, ad hanc virtutem assequendam, omni ope, ac vi adnendum esse, ut animus ab omni culpa sit vacuus. Quemadmodum enim in animam (3) malevolam non intrat sapientia, neque in corpore subdito peccatis habitat, ita neque ejusdem comes prudentia: *Impossibile enim est*, teste S. Thoma (4), *esse prudentem, non autem bonum: nullus autem peccator bonus est*: quare optime inquit Ambrosius (5): *Prudentia non in foro, non in plateis, sed in Ecclesia possidetur*. Alterum est, ut qui prudentiæ thesauro ditescere

(1) Matthæi cap. 6., Lucæ cap. 12.,

& 1. ad Timoth. cap. 6.

(2) S. Remigius.

(3) Sapientiæ cap. 1.

(4) S. Th. 2. 2. qu. 47. art. 13.

(5) S. Ambrosius.

scere cupit, illam cum Sapiente frequenter a Deo postulet, & exposcat: *Dominus (1) enim dat sapientiam, & ex ore ejus prudentia.* Quod si postulet in fide nihil hæsitans, exaudietur, & grateranter dicet (2): *optavi, & datus est mihi sensus: invocavi, & venit in me spiritus sapientiæ.* Tertium tandem est, ut qui fieri prudens velit, cum prudentibus viris multa assiduitate, ac familiaritate versetur, juxta illud Ecclesiastici (3) consilium. *Doctrina in verbo sensati.* Cum sapientibus, & prudentibus tracta. In multitudine Presbyterorum prudentium sta, & sapientiæ illorum conjungere, ut omnem narrationem Dei possis audire.

VI. Cum autem Christianæ Prudentiæ Evangelica sit adjungenda simplicitas, de ea quoque pauca dicamus, necesse est. Et primum quidem nemo hanc in eo sitam esse virtutem arbitretur, ut facile cuicumque loquenti credamus: *Qui enim (4) credit cito, levius corde est; & simplicitas (5) absque ratione stultitia nominatur;* Neque in eo, ut, quidquid audivimus, aut scimus, nulla habita loci, temporis, rerum, ac personarum ratione, sincere loquamur: *In ore (6) enim satuorum cor illorum. Vir (7) autem prudens tacebit.* Porro in eo Evangelica constituta est simplicitas, ut vir simplex sit sine noxa, nemini invideat, neminem lædat, prodesse etiam aliis cupiat, & expertus (8) falsitatis, ac simulationis habeat in verbis, & moribus veritatem. Nam simplicitas, ut optime ait S. Thomas (9), dicitur per oppositum duplicitati, qua scilicet aliquis aliud habet in corde, & aliud ostendit exterius. Evangelicam hanc simplicitatem Christianæ prudentiæ conjunctam sic nobis describit S. Gregorius (10): *At contra sapientia justorum est, nil per ostensionem fingere, sensum verbis aperire, vera, ut sunt, diligere, falsa devitare, bona gratis exhibere, mala libentius tolerare, quam facere, nullam injuriæ ultionem querere, pro veritate contumeliam lucrum putare. Sed hæc Ju-*

Y y 2

florum

(1) Eccli. cap. 1. v. 1.

(2) Sap. cap. 7.

(3) Eccli. cap. 4. v. 29, & cap. 6. v. 35.

(4) Eccli. cap. 19. v. 14.

(5) S. Hieronymus.

(6) Eccli. cap. 21.

(7) Prov. cap. 11. v. 12.

(8) S. Hieronymus.

(9) S. Th. 2. 2. qu. 169. art. 2. ad 4.

(10) S. Greg. Magnus lib. 10. in Job c. 29.

storum simplicitas deridetur, quia ab hujus mundi sapientibus puritatis virtus fatuitas creditur.

VII. Hanc simplicitatem magnopere nobis in Scripturis Sanctis commendat Deus, eamque sibi gratissimam, nobis vero utilissimam futuram esse pollicetur. *Deus non projiciet simplicem*: sic apud (1) Job. *Simplicitas iustorum dirigit eos*: sic Proverbiorum cap. 11. *Abominatio Domini est omnis illusor, & cum simplicibus sermocinatio ejus*: sic Proverbiorum cap. 3. Hæ autem sunt perfectæ simplicitatis proprietates, quibus vir simplex instructus cum sit, Dei, hominumque sibi conciliat benevolentiam. Prima est, ut vir simplex, æquali modo se omnibus, & coram omnibus præbeat juxta illud Proverbiorum (2). *Qui ambulat simpliciter, ambulat confidenter*. 2. ut eadem alacritate tam plebeiis, quam nobilibus, tam pauperibus, quam divitibus, prodesse cum possit, per opera charitatis proficit, ita ut nulla apud ipsum sit acceptio personarum. 3. ut in quocumque loco sive publico, sive privato, eodem modo se constanter gerat. 4. *ut omnibus (3) sit dulcis, & nulli gravis, utens amico ad gratiam, inimico ad patientiam, cunctis ad benevolentiam, & quibus potest, ad beneficentiam*. Fideles itaque curæ suæ commissos hortetur Parochus, ut prudentes sint, sicut serpentes, & simplices, sicut columbæ: a mendacio vero, & fraude, ac dolo procul avertantur, & fugiant. *Væ enim (4) duplici corde, & labiis scelestis, & manibus malefacientibus, & peccatori terram ingredienti duabus viis*.

CAPUT II.

DE FORTITUDINE, AC VITIIS OPPOSITIS.

A Nimi fortitudo (1) ea debet intelligi, quæ non solum diversis pulsata molestiis inconcussa permaneat, sed etiam nullis voluptatum illecebris resoluta succumbat. Fortitudo itaque, sicuti

(1) Job. cap. 8. v. 20.

(4) Eccli. cap. 2. v. 14.

(2) Prov. cap. 10.

(5) S. Prosper lib. 3. de Vita contem-

(3) Hugo lib. 3. de anima cap. 9. t. 2. operum.

plativa cap. 20.

sicuti & reliquæ morales virtutes, in mediocritate sita est, atque inter audaciam, ac timorem constituta: In adeundis enim periculis, & in adversis rebus perferendis audaciam, metumque moderatur. Verum alia Justorum, & alia Reproborum est fortitudo, ut ait S. Gregorius (1) *Justorum quippe fortitudo est carnem vincere, propriis voluntatibus contraire, delectationem vitæ præsentis extinguere, hujus mundi aspera pro æternis præmiis amare, prosperitatis blandimenta contemnere, adversitatis metum in corde superare. Reproborum vero fortitudo est transitoria sine cessatione diligere, contra flagella Conditoris insensibiliter perdurare, ab amore rerum temporalium ne ex adversitate quidem quiescere, ad inanem gloriam etiam cum vitæ detrimento pervenire, malitiæ augmenta exquirere, bonorum vitam non solum verbis, ac moribus, sed etiam gladiis impugnare, in semetipsis spem ponere, iniquitatem quotidie sine ullo desiderii defectu perpetrare. Non de reproborum fortitudine, quæ vitium est, sed de fortitudine Justorum, quæ virtus est, ac donum Dei, pauca hæc disserimus. Hac autem virtute, ut inquit S. Thomas (2), *vir fortis seipsum vincit, iram continet, nullis emollitur illecebris, rebus nec extollitur secundis, nec perturbatur adversis*. Fortitudini huic duo opponuntur vitia, per excessum videlicet temeritas, seu audacia, per defectum vero timiditas, seu ignavia. Prior habetur, cum quis audacter, ac temere ea aggreditur pericula, quæ juxta rectæ rationis normam vel declinanda omnino essent, vel saltem non eo tempore, aut eo in loco subeunda. Posterior est, cum quis nimio fractus metu, arduum aliquid aggredi non audet, aut adversum aliquid tolerare, cum & difficilia quæque aggredi, & adversa quæque tolerare deberet, ac posset. Utrumque hoc vitium declinare virum fortem oportet, ut intra Christianæ fortitudinis limites sive agendo, sive patiando contineatur.*

II. Hanc fortitudinis virtutem esse Christiano homini, ac præsertim Clericis in sortem Domini vocatis, non modo utilem, verum etiam apprimè necessariam, nemo est, qui non intelligat,

si car-

(1) S. Gregorius lib. 7. Moralium c. 21.

(2) S. Th. 2. 2. qu. 123. & seq.

fi carnis illecebras, si Dæmonum insidias, si denique mundi irritamenta, quibus quotidie impetitur, parumper contempletur. Fideles ergo curæ suæ concreditos hortetur Parochus, ut virtutem hanc totis viribus comparare sibi studeant, proposito sibi ob oculos mentis exemplo tot nobilium Christi Confessorum, tot castarum Virginum, tot fortissimorum Christi Martyrum, quos multiplici decoros palma Cælo feliciter hæc virtus asseruit. Quamquam autem Tyrannis careat, quibus nunc oppugnetur, Ecclesia, & pace sibi per Constantinum restituta jam diutissime perfruatur; Christiana tamen adhuc fortitudine quam maxime Fideles indigent: *Tota enim Christiani vita, ut S. Maximi utimur verbis, si secundum Evangelium vivat, Crux est, & Martyrium.* Quamobrem acuat Parochus, atque inflammet Fidelium animos ad fortiter pro Christi lege dimicandum, & ad divinorum mandatorum viam alacriter percurrendam, frequenter iisdem insinuans, atque explicans illa Apostolorum Principis (1) verba: *Adversarius vester Diabolus circuit quærent, quem devoret; cui resistite fortes in fide, scientes eandem passionem ei, quæ in Mundo est, vestræ fraternitati furi. Deus autem omnis gratiæ, qui vocavit nos in eternam suam gloriam in Christo Jesu, modicam passus ipse perficiet, confirmabit, solidabitque.*

III. Cum duo sint fortitudinis actus præcipui, videlicet pericula, ubi, & quando ratio postulat, alacriter adire, ac res quaslibet adversas, ubi, & quando honestum id videatur, constanter tolerare; Hinc duæ etiam sunt fortitudinis partes, ut ajunt, subjectivæ, nempe magnanimitas, ac patientia. Prior est virtus, quæ animum ad arduum quodlibet aggrediendum opus ex fine propriæ honestatis inclinat. Posterior virtus est, quæ secundum rectam rationem in rebus adversis animi incrorem temperat, præsentiaque mala tolerare æquanimiter suadet. Partes autem fortitudinis, ut ajunt, integrantes, sunt Fiducia, Magnificentia, & Perseverantia. *Fiducia, seu Confidentia est virtus, qua*

(1) 1. Petri cap. 5.

qua quis ex rectæ rationis consilio difficillima quæque, ubi, & quando decet, seu aggredi, seu tolerare se posse confidit. *Magnificientia* virtus est, quæ pecuniam nihili faciens hominem expeditum reddit, & alacrem ad sumptus magnos subeundos, quoties, & ubicumque illos recta ratio suadeat, aut præscribat. *Perseverantia* tandem, seu *Constantia* virtus est, qua homo in aliquo opere peragendo tamdiu perstat, quamdiu in eo recta ratio docet esse perstandum, quamquam & temporis diuturnitas, & rerum, atque circumstantiarum molestia, ac difficultas ejusdem operis suadeant cessationem.

IV. Magnanimitati, & Patientiæ sua opponuntur vitia, quibus Virum fortem obsistere, & quæ a se propulsare longius oportet. Magnanimitati igitur per excessum opponitur *Ambitio*, quæ honorem supra modum appetit, & *Præsumptio*, qua quis ex nimia virium suarum fiducia id, quod supra suas est vires, aggreditur. Per defectum vero *pusillanimitas* opponitur, propter quam arduum aliquod opus homo non aggreditur, supra suas vires illud esse ratus, cum tamen hæc eidem operi perficiendo sint pares. Patientiæ opponitur per defectum *Impatientia*, qua quis justum dolendi modum a Patientia præscriptum excedit; Per excessum vero opponitur *Insensibilitas*, qua quis neque suis, neque proximorum tangitur malis. Cum autem duo ex his vitiis, pro humana fragilitate, communiora sint, ac periculosiora, ambitio videlicet, atque impatientia, de utroque pauca seorsum dicamus.

V. Ambitio est honoris indebiti appetitus, quo cum quis abripi cœperit, tantam sui concipit exultationem, ut se honore quolibet, & gradu dignissimum arbitretur; nullumque proinde non moveat lapidem, ut novis quotidie titulis, ac dignitatibus augeatur, in quibus etiam comparandis modum omnem honestatis excedit, & non infrequenter etiam sanctissimas iustitiæ, & charitatis leges violare non reformidat. Vel enim munus aliquod, cui gerendo est impar, sibi aucupatur; vel dolis, fraudibus, calumniis, obtreccionibus, aut iniquis largitionibus,

aliisve

aliisve criminibus dignitatem aliquam expiscari studet. Qua quidem in re optime monet S. Ambrosius (1), *hoc ipso ambitionem esse periculosiorem, quod blanda est consultrix dignitatum, & sepe, quos vitia nulla delebant, quos nulla potuit movere luxuria, nulla avaritia subruere, facit ambitio criminosos*. Verum quid ambitioso infelicius, cum nullus ei sit honoris gradus, in quo tandem pacifice conquiescat? Neque enim ambitio (2) patitur, quemquam in ea mensura beatorum conquiescere, quæ fuit quondam impudens ejus votum. Cupiditas, non unde venerit, sed quo tendit, intuetur. Ut novos itaque honores, ac dignitates ambitiosus assequatur, quid non patitur? quid non molitur? Utinam ea omnia, quæ pro assequendis honoribus sustinet, pro Dei famulatu, ac proximorum utilitate pateretur! *Ambitio enim, uti sapienter notat S. Joannes Chrysostomus (3), est quædam summa charitatis. Charitas enim patiens est pro æternis; ambitio patitur omnia pro caducis. Charitas benigna est pauperibus; ambitio divitibus. Charitas omnia suffert pro veritate; ambitio pro vanitate. Utraque omnia credit, omnia sperat, omnia, sed longe dissimili ratione, sustinet. Accedit huc, quod, uti sacræ testantur litteræ (4), qui potestatem sibi sumit injuste, odietur*. Cum itaque ambitiosus tantum animæ, & corporis ex ambitione detrimentum patiatur, quanta cura, solertiaque eam detestari, ac fugere Fideles oportet, quos Christus Dominus exemplo, doctrinaque sua non inanes hujus sæculi honores, ac pompas, sed præstantissimam, ac fere divinam Filiorum Dei dignitatem quærere docuit!

VI. Quod si adeo Laicos ipsos ambitio dedecet, qui tamen mundanos inter honores, titulosque versari quotidie coguntur; Quid de Ecclesiasticis viris dicendum esse arbitrabimur, quos segregatos a populo, & in sortem Domini vocatos jubet Deus magis, quam Laicos conformes fieri imagini Filii sui? Turpissimum sane esset, ac prorsus indignum, Clericum intueri honoribus,

ac

(1) S. Ambrosius in Lucam L. 3.

(2) Seneca.

(3) S. Joa. Chrysost. sermon. de ambitione.

(4) Eccli. csp. 20. v. 8.

ac dignitatibus inhiantem, qui omnia circumcurſat, omnibus in latebris perrepat, nullisque parcit laboribus, muneribusque, ut potentiorē aliquem ſibi Patronum conciliet, cujus ope, & gratia pingue aliquod Sacerdotium obtineat, per quod tandem aliquando dominari poſſit in Clero. Is ſane ſe prorsus ignorare, aut non ſatis intelligere oſtenderet, quanta cum ſeveritate judicandi a Deo ſint ii, qui aliis regendis præficiuntur. Ut enim ſcite docet Origenes (1), *omnis adeundi honoris Eccleſiaſtici abſcinderetur ambitio, ſi ſe judicandos potius, quam judicatuſ, bi, qui præſſe volunt populis, cogitarent*. Scriptum eſt enim; *Judicium duriſſimum iis, qui præſunt, fiet*. Neque mirum id cuiquam videatur: cum enim *erugo mentis*, teſte S. Ambroſio (2), *ſit appetentia dignitatum*; inde fit, ut hebetata mentis acies, dignitatum, ac prælationis neque onus, neque pœnam, ſed gloriā dumtaxat attendat. *Multi*, ut ſapienter inquit S. Bernardus (3), *non tanta fiducia, & alacritate ad honores currerent, ſi eo ſe ſentirent onere gravari. Metuerent ſane, nec tanto cum labore, & periculo quarumlibet dignitatum infuſas affectarent*. Nunc vero, quia ſola attenditur gloria, & non pœna, purum eſſe Clericum erubeſcit in Eccleſia: ſeſe viles æſtimant, & inquilinos, qui quocumque in eminentiori loco non fuerint ſublimate. Quamobrem Clericos omnes enixe in Domino hortamur, & obſecramus, ut ambitionem omnem, ac dominandi cupiditatem deponentes, in Eccleſiaſticiſ dignitatibus, ad proximorum tamen dumtaxat utilitatem, conquirendis optimum S. Gregorii (4) præceptum fideliter exequantur. *Quiſquis Sacerdotium non ad elationis culpam, ſed ad utilitatem adipiſci deſiderat, prius vires ſuas cum eo, quod ſubiturus eſt, onere metiatur, ut & impar abſtineat, & ad id, cui ſe ſufficere exiſtimat, cum metu accedat*.

VII. Alterum Fortitudini oppoſitum, de quo locuturi hîc ſumus, vitium eſt impatientia, qua quis ferre patienter renuit, quidquid ei moleſtum accidit, atque illud proinde, undecumque

Z z oria-

(1) Origenes ſuper Epiſtola ad Rom.

(2) S. Ambroſius in caput 3. Lucæ.

(3) S. Bernardus epiſt. ad Henr. Sen.

(4) S. Gregorius in Paſtorali.

oriat, cæco quodam impetu, perturbatoque animo a se amolari, sed frustra, studet. Hæc, nisi in ipso primo sui exortu alacriter coerceatur, iram excitare solet, qua excæcatus impatiens plurimam meritorum, quæ sibi per patientiam comparare posset, jacturam facit, & ad gravia, quæ alias non perpetraret, admit-tenda crimina provocatur, impellitur, adducitur. *Impatiens*, uti recte in sacris monemur Litteris (1), *operabitur stultitiam: qui patiens est, multa gubernatur prudentia; qui autem impatiens est, exaltat stultitiam suam*. Et sane quid imprudentius, rectæque rationi magis adversum, quam quod, cum molestias, quibus afficimur, removere non valcamus, eas tamen in maximum animæ, & quandoque etiam corporis detrimentum impatienter ferre malumus, quam magno cum virtutis incremento patienter tolerare? Prudenter quidem, magnifice, summaque cum laude Vir patiens operatur, cum subiectus (2) contumeliis judicium Dei laudat, vexatus ægritudine judicio Dei deputat, pressus egestate Dei commendat justitiam, quacumque demum tentatus ærumna divinæ se patienter subijcit voluntati, vel illud Job (3) ingeminans: *Dominus dedit, Dominus abstulit: sit nomen Domini benedictum*; vel illa Davidis (4) ad Deum verba usurpans: *obmutui, & non aperui os meum, quoniam tu fecisti*. Contra vero impatientes, teste S. Gregorio (5), *dum perturbationi suæ minime obsistunt, etiam si qua a se tranquilla mente fuerant bene gesta, confundunt, & improvise destruunt impulsu, quidquid forsitan diu labore provide construxerunt*. Præterea exosi fiunt domesticis, amicis molesti, hostibus contemptibiles, omnibus demum sese, ut insipientes, deridendos exhibent, dum inconditis vocibus, motibusque corporis incompósitos, modo rebus inanitis, modo vilissimis animalculis, modo amicis, aut aliis nihil tale merentibus irascuntur. Tandem (quod rudibus, ac male moratis hominibus uluvenire potissimum

(1) Prov. cap. 13.

(2) S. Ambrosius in Psalm. Beati immaculati.

(3) Job. cap. 1.

(4) Psalm. 38.

(5) S. Gregorius in Moralibus.

mum solet) eo infantiæ deveniunt, ut infantibus filioli male precari, uxores amantissimas maledictis appetere, bene de se merentes amicos conviviis prosequi, contumelias denique, injurias, ac blasphemias in Deum ipsum, ac Sanctos ejus sacrilego ore evincere non vereantur.

VIII. Cavendum itaque omnibus, sed potissimum Clericis, quam maxime est, ne umquam impatientiæ fræna relaxent: immo vero omni etiam ope, ac vi adnitendum, ut primos ejusdem motus summa animi alacritate compescant. Sic enim facili negotio & multiplex peccandi periculum evitabunt, & pulcherrimam sibi cælestis gloriæ coronam promerebuntur. Siqui vero ad impatientiam proclives, indulgere eidem consueverint, hæc iisdem, aptissima huic sanando morbo, remedia proponimus, & ut iis utantur, iterum, iterumque rogamus. Primum est, ut Christi Domini, qui, ut S. Augustini verbis utamur, *venit mira facere, & mala pati, & Sanctorum, qui venerunt ex magna tribulatione, & laverunt stolas suas in sanguine Agni*, mira patientiæ exempla sibi ob oculos mentis frequenter revocent, quibus excitati ad incommoda longe leviora patienter toleranda erigantur. Neque enim decet, ut ait S. Bernardus, sub capite spinoso membra esse delicata. Alterum est, ut divinorum sint præceptorum memores, quibus tamquam necessaria Christianis patientia indicitur, ut divinæ obtemperantes voluntati, exacto hujus vitæ cursu, ad promissum Cælorum regnum tandem evehantur. *Patientia enim*, uti scribit Apostolus (1), *vobis necessaria est, ut voluntatem Dei facientes reportetis promissionem*. Tertium est, ut mane, & sæpe etiam interdium, quæ molesta Nobis occurrunt, Deo offerentes, per eadem a Nobis patienter tolerata nostrorum criminum poenas in hac vita luamus, cum (2) *tanta sit divinæ Munificentiae largitas, ut etiam (quod maximum amoris argumentum est) temporalibus flagellis a Deo inflictiis, & a nobis patienter toleratis, apud Deum Patrem per Christum Jesum satisfacere valeamus*.

Z z 2

CA.

(1) Hebr. cap. 10. v. 36.

(2) Trid. sess. 14. cap. 9.

CAPUT III.

DE TEMPERANTIA, AC VITIIS OPPOSITIS.

CUM primum homo per Adæ peccatum iustitiam originalem amisit, aliam legem sensit in membris suis repugnantem legi mentis suæ, & captivantem illum sub lege peccati. Sensus enim, qui rationis imperio plenissime suberant, detrectare jam tunc illud cœperunt, quidquid ipsis jucundum esset, ac delectabile, nulla habita honesti ratione, appetentes. Inter hos tamen duo præ reliquis esse solent molestiores, gustus videlicet, & tactus, quibuscum, teste S. Augustino, *continua nobis pugna est, & rara victoria*. Inordinatas horum sensuum appetitiones Temperantia coercet, & moderatur (1), *ita ut homo eorum, quæ gustu, vel tactu turpiter appetuntur, nihil diligat, nihil per se appetendum putet, sed ad vitam huius, atque officiorum necessitatem, quantum sat est, usurpet, utentis modestia, non amantis affectu*. De utriusque sensus appetitionibus coercendis, & ad temperantiæ normam dumtaxat explendis agendum hic diligentius Nobis est, cum ex utriusque sensus inordinatione fere omnia populorum peccata, extremamque perniciem oriri quotidie dolentes videamus.

ARTICULUS I.

De Temperantia quoad Gustus sensum.

CUM sensus, quem Gustum dicimus, cibum, & potum appetat; ne inordinata sit ejusmodi appetitio, Temperantiæ virtus abstinenciam ab immodico cibo præcipit, & in potu præscribit sobrietatem. Abstinenciæ autem intemperantia, seu gula opponitur, ebrietas vero sobrietati. Utrumque hoc vitium non modo Christianis, verum etiam Ethnicis ipsis ita probrosum visum semper est, ut, qui alterutro laboraret, brutis animantibus

(1) S. August. lib. de moribus Eccles. cap. 21., & lib. de Doctrina Christiana.

tibus merito compararetur. *Quosdam ventri* (1) *obedientes*, inquit Seneca, *loco animalium numeremus, non hominum*; Siquidem ipsorum est non rationis ductu, sed solius appetitus impulsu ad cibum, potumque capiendum moveri. Et sane si sacras Litteras consulamus, quid homini vitio gulæ nocentius? exitialis humani generis ruina, de qua numquam conqueri satis possumus, ex gulæ vitio repetenda est: nisi enim Adam vetitum comedisset pomum, non his, quibus premimur, animæ, corporisque calamitatibus obrueremur. Divitis illius, quem post obitum sepultum fuisse in Inferno Christus ipse testatur, hæc in Evangelio (2) recensetur iniquitas: *epulabatur quotidie splendide*. Paucis rem totam absolvamus: innumeræ ex gulæ vitio prodeunt iniquitates, juxta Davidicum illud (3): *Prodiit quasi ex adipe iniquitas eorum*. Accedit hæc, quod, qui gulæ indulgent, nimio se aut cibo, aut vino ingurgitantes, substantiam suam celerrime dissipant, suamque miserandum in modum evertunt valetudinem. *Multi* (4) *enim propter crapulam perierunt*; *Et multo plures* (5) *gula occidit, quam gladius*. Quotidiano etiam experimento probari ait S. Leo, *potus* (6) *satietate aciem mentis obtundit, Et ciborum nimietate vigorem cordis hebetari, ita ut delectatio edendi etiam corporum contraria sit salutis, nisi ratio temperantiæ obsistat illecebræ, Et quod futurum est oneri, subtrahat voluptati*. Quamobrem Christus Dominus Discipulos suos serio monuit, ut a crapula, & ebrietate abstinere: *Attendite* (7) *vobis, ne forte graventur corda vestra in crapula, Et ebrietate*. Hæc, aliaque hujusmodi populo Parochus frequenter exponat, dilucideque explicet, ut illum ab intemperantia absterreat, studioque abstinentiæ, ac sobrietatis adducat.

II. Quinque autem modis, ut optime docet S. Gregorius, *gula*

(1) Seneca Epist. 62.

(2) Lucæ cap. 16.

(3) Psalm. 72.

(4) Eccli. cap. 37.

(5) Card. Bona in manud. ad Cæsum cap. 4. §. 1. in fine.

(6) S. Leo ser. 8. de jejun. decimi mensis.

(7) Lucæ cap. 21.

gulæ (1) vitium tentat. Aliquando namque indigentia tempora prævenit; aliquando lautiores cibos querit; aliquando, quæ sumenda sunt, accuratius preparari appetit; aliquando in ipsa quantitate sumendi mensuram necessitatis excedit; aliquando in ipso æstu immensi desiderii peccat. Quos sane modos S. Thomas (2) hoc versu complexus est: *Præpropere, laute, nimis, ardentè, studiosè*. Singulos paucis explicemus, ut a singulis abstinemus.

III. *Præpropere* vitio gulæ peccare quis dicitur, quando in cibo, potuve sumendo indigentia tempora prævenit, aut sæpius, quam recta ratio postulet, bibit, aut comedit. In eo (3) enim, quod præoccupat tempus, propter moræ impatientiam deordinatur concupiscentia. *Laute* peccare quis dicitur, cum non ex honesto aliquo fine, sed ex sola gulæ aviditate sollicitè sibi pretiosiores, ac delicatioribus cibum, potumve conquirat. In omnibus enim talibus, uti sapienter monet S. Augustinus (4), non usus rerum, sed libido utentis in culpa est. Fieri enim potest, ut sine aliquo vitio cupiditatis, vel voracitatis pretiosissimo cibo sapiens utatur; insipiens autem sædissima gulæ flamma ardeat in vilissimum. Cui consonat S. Gregorius, inquiens (5): *Non cibus, sed appetitus in vitio est: unde & lautiores cibos plerumque sine culpa sumimus, & abjectiores non sine reatu conscientia degustamus*. Hinc optimo sane jure proscripsit hanc propositionem Innocentius XI. *Comedere, & bibere ad satietatem ab solam voluptatem, non est peccatum, modo non obstitit valetudini, quia licite potest appetitus naturalibus suis actibus frui*. Nimis gulæ vitio peccat, qui cibo, ac potu utitur immoderato, cum tamen S. Hieronymus (6) moneat, ex ipsis vilissimis cibis vitandam esse satietatem. *Ardenter* vero, qui nimis avidè bibit, & comedit, licet vilioribus cibis, nulliusque pretii potionibus utatur; quod

quidem

(1) S. Gregorius Magnus lib. 30. moral. cap. 27., & S. Isidorus cap. 22. de summo Bono.

(2) S. Th. 2. 2. qu. 148. art. 4.

(3) S. Th. loc. cit. ad 1.

(4) S. Augustinus lib. 3. de Doctrina Christiana cap. 12.

(5) S. Gregorius lib. 30. Moralium c. 14.

(6) S. Hieronymus contra Jovinianum.

quidem S. Augustinus exemplo Esau confirmat, qui cum lenticula fratris sui Jacob, quam nimis avide appetebat, primogenita sua stulte commutavit. *Non ego immunditiam obsonii timeo*, inquit S. Doctor (1), *sed immunditiam cupiditatis. . . . Scio Esau lenticula concupiscentia deceptum*. Quare sic in sacris Litteris (2) monemur: *Noli avidus esse in omni epulatione, & non te effundas super omnem escam*. Studiose tandem peccare dicitur, qui accuratiorem, exquisitioremque in ciborum condimentis præparationem exquisit. *Gulosus*, inquit Innocentius III. (3), *non sufficiunt fructus arborum, non genera leguminum, non radices herbarum, non pisces maris, non bestie terræ, non aves cæli; sed quarantur pigmenta, parantur aromata, & nutriuntur altitia, & capiuntur obesa, que studiose coquantur, laute parantur officio Ministrorum, non ad sustentandam naturam, non ad necessitatem supplendam, sed ad explendam aviditatem*. Hos omnes in cibo, potuque capiendo temperantiæ defectus populo Parochus explicet, ut illos, quamquam leves esse (4) soleant noxæ, nec ita facile gravioris culpæ reatum induant, diligenter tamen, uti Christianos decet, evitet, atque exercendæ Temperantiæ virtuti assuescat.

IV. Verum cum & frequentior, & perniciosior in plebe sit potus, quam ciborum abusus, in hoc proinde eliminando necesse est, ut studiosius Parochorum defudet industria. Experientia compertum fatis est, diebus potissimum festis, quibus a labore vacant, agricolas, opifices, aliosque vulgares homines, qui manuum suarum labore victum sibi comparant, summo cum animæ, corporisque detrimento solere vino large, ac intemperanter obruï. Ut aliquod huic malo remedium efficax adhibeatur; volumus, ut Parochi, & Concionatores adversus hoc vitium sæpe, & acerrime invehantur. Ejus scditatem ostendant, quæ tanta est, ut qui propter ebrietatem usu rationis delituitur, jumentis

(1) S. Augustinus lib. 10. Confessionum cap. 31.

(2) Eccli. cap. 27.

(3) Innoc. III. lib. de vitit. condit. hum.

(4) S. August. serm. de Purgatorio, & S. Th. 2. 2. qu. 148. art. 2. ad 3.

mentis insipientibus comparetur, & similis factus sit illis. Peccata recenseant turpissima, quæ ex nimio vini usu oriri solent, rixas scilicet, jurgia, blasphemias, obscena verba, libidines, homicidia, aliaque hujusmodi, quæ familias subruunt, publicamque evertunt tranquillitatem. *Ebrietas enim, teste S. Augustino, est (1) flagitiorum omnium mater, culparumque materia, radix criminum, origo vitiorum, turbatio capitis, subversio sensus, tempestas linguæ, procella corporis, naufragium castitatis, animæ corruptela. Ebrietas in utroque sexu cuncta mala appetit, & nefanda committit. Sacrarum Litterarum recitent testimonia, quibus æquissimus scelerum vindex Deus multiplicem, acerbissimamque ebriosos ultionem minitatur. Væ qui consurgitis mane, inquit Isaias (2) ad ebrietatem festinandum Væ qui potentes estis ad bibendum vinum, & viri fortes ad miscendam ebrietatem. Cui væ? cuius Patri væ? (sic legimus in (3) Proverbiis) cui rixæ? cui foveæ? cui sine causa vulnera? cui suffusio oculorum? Nonne his, qui commorantur in vino, & student calicibus epotandis? Ebriosos a Regno Dei esse penitus excludendos, disertis verbis pronuntiavit Apostolus (4). Hæc, aliaque plura divina testimonia perpendat Parochus, populoque perspicuis verbis exponat. Sic enim fiet, ut Fidelium animi divinæ ultionis metu perculsi, ebrietatem execrentur, debitamque in vino epotando servant temperantiam.*

V. Cum autem non pauci rudis, hebetisque ingenii homines ex crassa quadam, & inexcusabili ignorantia parvi, aut nihili faciant inmodicum vini usum, cui jamdiu assueverunt; ad hanc depellendam ignorantiam aliquas hic ex communissima Doctorum sententia propositiones recensebimus, quas a Parochis in habendis concionibus, & a Confessariis in Pœnitentiæ Sacramento ministrando, opportuna arrepta occasione, Fidelibus crebro insinuari jubemus. 1. gravi se peccato alligat, qui voluntarie, ac deliberate ita intemperans in bibendo est, ut temulentus fiat,

ac

(1) S. August. ad Sacras Virgines.

(3) Proverb. cap. 23.

(2) Isaiæ cap. 5.

(4) Ad Galatas cap. 5.

ac rationis usu destituatur . 2. qui propria edoctus experientia novit, se alias in certa aliqua vini potanda mensura in ebrietatem incidisse; gravis sit culpæ reus, si eandem iterum potus hauriat mensuram, cum & potuerit, & debuerit secuturam temulentiam prævidere . 3. graviter etiam peccat, qui inter bibendum probabile ebrietatis periculum prævidet, & adhuc a bibendo non cessat, ac se proinde gravi ebrietatis committit periculo . 4. qui sua didicit experientia, se in ebrietate, aut blasphemia, aut obscena verba proferre, ac domesticos suos injuriis, verberibusque lacerare, aut alia gravia crimina perpetrare; præter gravem ebrietatis culpam, aliorum quoque criminum reatum incurrit, quæ in ebrietate admittit; cum ea se admissurum esse præviderit, aut saltem potuerit, ac debuerit prævidere . 5. qui expertus jam olim est, se cum aut cauponas adit, aut saltem illas cum certis quibusdam personis frequentat, fieri plerumque solere temulentum, proximam peccandi occasionem sub gravi culpa declinare, adeoque aut a Cauponis omnino abstinere, aut illas sine talibus personis adire tenetur . Is vero Pœnitentiæ Sacramentum suscepturus, nisi verum, firmumque eam declinandi occasionem habeat propositum, a Confessario nequit absolvi: irrita enim esset absolutio, & novo se, sacrilegii videlicet, crimine commacularet . 6. quicumque ex frequenti ebrietate temulentia habitum contraxit, nisi ad eum radicitus evellendum opportuna adhibeat remedia, novo se gravi crimine alligat ab ipsa ebrietate diverso, quod perpetuum quodammodo esse censendum est . 7. lethalis etiam culpæ sit reus, qui alios ad bibendum provocat, quos inde prævidet esse inebriandos . Imo Caupones etiam, qui vinum iis subministrare pergunt, quos vel alias temulentos viderunt, vel temulentos fore prudenter putant, cum proximis suis ruinæ spiritualis occasionem præbeant, gravi se scelere inquinant . 8. tandem, qui intemperanter bibit, licet ebrius non fiat, si tamen in potando pecuniam illam profundat, qua familiam suam nutrire, aut æs alienum solvere deberet, ita ut illa grave patiatur

A a a

inconi-

incommodum, æs vero alienum solvi non possit; is sane non leviter contra pietatis, ac justitiæ virtutem delinquit.

VI. Si hæc, quæ verissima sunt, Fidelibus perspicue exponantur, miserrimam sane conditionem suam agnoscent ii, qui fœdissimo ebrietatis vitio sunt addicti, divinaque juvante gratia, ac saluberrimis Confessariorum monitis instructi, ex tot iniquitatum barathro, quæ in una ebrietate continentur, emergent. Confessarios autem cum Seculares, tum Regulares serio, graviterque moneamus, & enixe in Domino obsecramus, ut, cum ebriosos homines peccata sua confitentes audient, illos paterna charitate objurgent, proposita sceleris turpitudine perterreant, opportuna ad surgendum ex hoc vitio remedia præscribant, & gravem, ac salutarem pœnitentiam injungant, si eos absolvendos putent. Caveant tamen, ne illos facile sacramentali donent absolutione, quos aut recidivos esse, aut pravo irretitos habitu cognoverint; sed illam tamdiu differant, aut suspendant, quamdiu iidem facto ipso, seriæque vitæ emendatione certa dederint signa pœnitentiæ. Caupones autem, Tabernarios, aliosque vini venditores sedulo moneant, ne aliorum criminum participes fiant, vinum ebriosis hujusmodi hominibus largius propinando, aut, quod pejus est, ad frequentiore, uberioremque potum eos provocando.

VII. Quia vero homines corporalibus magis, quam spiritualibus pœnis commoveri solent; Curia Nostræ satellitibus præcipimus, ut si quem forte in taberna vinaria cominorantem, aut ex ea prodeuntem, qui temulentus sit, invenerint, in Carceres detrudant ad dies aliquot solo pane, & aqua pro arbitrio Nostro nutriendum; quam quidem pœnam longius protrahi jubebimus, quoties quis ebrietate captus aliquem ex familia sua percusserit, aut uxorem gravi, acerbæque affecerit injuria. Parochi vero, alique animarum Pastores, postquam viros, aut mulieres vitio huic addictos pro officii sui ratione frequenter monuerint, ac reprehenderit, si nullum, aut fere nullum in iis signum emendationis

tionis advertant, Nobis denuncient; gravibus, pro modo culpæ, pœnis corripiendos. Ut autem hæc neminem lateant, præcipimus, ut bis in anno a Parochis legatur ad Populum Edictum, quod hac super re damus in Appendice *part. 2. num. 1.*

ARTICULUS II.

De sacris jejniis ab Ecclesia præscriptis.

Sicut arte medicinæ (1) calida frigidis, frigida calidis curantur; Ita Christus Dominus contraria opposuit medicamenta peccatis, ut lubricis continentiam, tenacibus largitatem, iracundis mansuetudinem, elatis præciperet humilitatem, ut optime inquit S. Gregorius. Hinc factum est, ut, cum caro concupiscens adversus spiritum, cibum, & potum quam maxime appetat, & ad immoderatum eorum usum impellat; hanc carnis intemperantiam Christus nos jubeat sacro mitigare jejunio: *Ipsam* (2) enim *jejunium divini esse præcepti, tempora vero jejunandi, prout salubritati corporum, & animarum expedire visum est, ab Ecclesia esse ordinata,* Concilii Moguntini IV. Patres nos docent. De sacris itaque jejniis, quæ certis anni temporibus, ac diebus servari jubet Ecclesia, agendum hic Nobis est, ut exactiorem eorundem in Nostra Diœcesi observantiam urgeamus, & quo pacto eadem servanda sint, Populus Noster edoceatur. Pluribus enim suis Encyclicis Litteris (3) Episcopos omnes novissimis hæc temporibus hortati sunt Sanctissimi Pontifices Benedictus XIV., & Clemens XIII., ut Ecclesiastici jejunii disciplinam a majoribus nostris religiosissime custoditam, sed ætate nostra non parum labefactatam, reparare conentur.

II. Ne qua in intelligentia hujus vocabuli *jejunium* suboriat æquivocatio, sciendum est, quadruplex esse jejunium, spirituale

A a a 2 rituale

(1) S. Gregorius Magn. Hom. 32. in Evang.

(2) Concil. Moguntinum IV. cap. 47.

(3) Benedictus XIV. 30. Maii 1741., & 22. Augusti 1741., & Clemens XIII.

20. Decemb. 1759.

rituale videlicet, naturale, morale, & Ecclesiasticum. Jejunium spirituale in eo situm est, ut quis ab omnibus vitiis, illicitisque voluptatibus absteat. *Jejunium magnum, & generale est,* inquit S. Augustinus (1), *abstinere ab iniquitatibus, & ab illicitis voluptatibus seculi, quod est perfectum jejunium.* Jejunium naturale est ab omni prorsus cibo, ac potu vel minimo, etiam per modum medicinæ in stomachum transmissio, abstinere, cujusmodi est jejunium illud, quod præmitti a nobis oportet, antequam ad Eucharisticam mensam accedamus. Jejunium morale est actus temperantiæ, quo secundum rectæ rationis regulam appetitum, ac cibi, potusque usum moderamur. Jejunium tandem Ecclesiasticum illud est, quod certis anni temporibus, ac diebus servari a suis Fidelibus jubet Ecclesia, & de quo sermonem hic instituimus.

III. Sacra jejunia, quæ filiis suis Ecclesia præcipit, his servanda sunt diebus, videlicet in Vigilia Nativitatis Jesu Christi Domini Nostri, Pentecostes, Assumptionis in Cælum Beatæ Mariæ Virginis, Sanctorumque Joannis Baptistæ, Laurentii Martyris, & SS. Apostolorum, exceptis dumtaxat S. Joanne Evangelistæ, & Sanctis Philippo, & Jacobo, *quoniam* (2) *istorum solemnitas infra solemnitatem Paschalem, illius autem infra Natalem Domini celebratur.* Jejunandum item est in Pervigilio Festi Sanctorum omnium, & feria quarta, & sexta, & Sabbato quatuor anni Temporum, videlicet Hyemali tempore mense Decembri post Festum diem S. Lucæ Virginis, & Martyris, Verno post primam Dominicam Quadragesimæ, Æstivo post Dominicam Pentecostes, & Autumnali mense Septembri post diem Festum Exaltationis Sanctæ Crucis. Tandem omnibus Quadragesimæ diebus, Dominicis dumtaxat exceptis, ex Apostolica traditione, & Sacrorum Canonum præscripto jejunare jubentur Fideles.

IV. Ut omnes, & singuli, qui jejunii lege obligantur, illam

(1) Can. *Jejunium* dist. 5. de consecratione.

(2) Cap. *Consilium*. de observatione jejuniorum.

iam exacte impleant, Parochi, cæterique animarum Pastores Vigiliis, & quatuor anni Tempora, quæ qualibet occurrunt Hebdomada, præcedenti die Dominico inter Missarum solemniam populo diligenter prænuncient, ac pridie ejus diei, quo jejunandum est, vespere hora a nobis præscripta per consuetum nolæ pulsus Fidelibus futurum jejunium in memoriam revocari jubent, uti faciendum indiximus in Nostro Edicto, cujus exemplar in Appendice num. 2. exhibemus. Volumus præterea, ut populum Parochi accurate doceant, quid ad perfectum servandum jejunium necessario requiratur? quinam jejunandi lege obligentur, & quas ob causas ab eadem eximantur? quinam tandem sit tam salutaris instituti finis, & fructus? Qua quidem in re, ne ulla sit inter animarum Pastores opinionum varietas, saluberimas Constitutiones edidit Benedictus XIV., quas a Clemente XIII. confirmatas in Appendice num. 3. damus, & hic ad Parochorum commodum paucis complectimur.

V. Quadragesimale jejunium, quod olim in Lege, & Prophetis prius adumbratum, ipsius Domini Nostri Jesu Christi exemplo veluti consecratum, ab Apostolis traditum, a Sacris Canonibus ubique præscriptum, & ab universali Ecclesia ab ipso sui primordio retentum, & observatum est, variis ita labefactatum fuerat corruptelis, ut ea de re Orthodoxi plurimum conquirerentur, Eterodoxi vero Catholicam Ecclesiam imprudenter irriderent. Ut tanto malo opportunum adhiberetur remedium, Benedictus XIV. tribus editis Encyclicis Litteris, has præscripsit leges, quas congruere exilimavit introductis abusibus penitus extirpandis. Edixit itaque primo, nemini quidem sine legitima causa, & sine utriusque Medici consilio; multitudini vero, veluti Populo, aut Civitati, aut Genti indiscriminatim integræ, nonnisi gravissima, & urgente necessitate, & in casibus per Sacrorum Canonum statuta præscriptis cum debita Sedis Apostolicæ reverentia, a Quadragesimali jejunio dispensationem esse concedendam, nec eam audacter, fidenterque usurpandam, aut super-

superbe, & arroganter ab Ecclesia esse postulandam. Secundo quibuscumque, & quacumque occasione, sive multitudini indiscriminati, sive singulis ob legitimam causam, & de utriusque Medici consilio (dummodo nulla certa, & periculosa valetudinis affectus ratio intercedat, & aliter fieri necessario exigit) in Quadragesima, aliisque temporibus anni, & diebus, quibus carni-um, ovorum, & lacticiniorum esus est prohibitus, dispensari contigerit; ab omnibus omnino, nemine excepto, unicum comestionem esse servandam, & licitas, atque interdictas epulas minime esse apponendas. Tertio, concedentes facultatem vescendi carnibus tempore vetito, sub gravi teneri easdem facultates non aliter dare, quam geminis hisce adjectis conditionibus, videlicet unicæ in diem comestionis, & non permiscendarum epularum: Eos vero, qui hujusmodi facultatibus utuntur, sub gravi ad binas ipsas condiciones implendas obligari. Quarto, utrumque grave præceptum unicæ comestionis, & non permiscendi epulas licitas cum interdictis, etiam extra Quadragesimam urgere iis diebus, quibus servandum est jejunium de præcepto. Quinto, epulas licitas, quæ vetantur cum interdictis conjungi, pro iis, quibus permissum est carnes comedere, esse carnes ipsas: epulas vero interdictas esse pisces, adeoque utrumque simul adhiberi non posse. Piscibus tamen edendis non interdici eos, quibus datur tantum facultas adhibendi ova, & lacticia. Sexto, iis, quibus concessum est vesci carnibus, non licere in vespertina refectiuncula ea quantitate carnis vesci, quæ jejunantibus permittitur; sed opus habere eo cibo, eaque uti potione, quibus utuntur homines jejunantes recte meticolosæ conscientiæ. Septimo, præceptum de utroque epularum genere non miscendo dies quoque Dominicas Quadragesimales complecti; ab iis vero, quibus jejunii tempore vesci carnibus permittitur, non modo unicum comestionem, verum etiam horam jejunantibus præscriptam observandam esse.

VI. Hæ sunt leges a Benedicto XIV. ad saluberrimam Ecclesia-

cleſiaſtici jejunii diſciplinam inſtaurandam, conſervandamque præſcriptæ: quibus illam etiam adjunxit Sanctiſſimus D. N. Clemens Papa XIII. in ſuis Encyclicis Litteris (1) ad omnes univerſe Catholicæ Eccleſiæ Episcopos datis, videlicet *non licere iis, quibus ob juſtas, & legitimas cauſas ab abſtinentia carniū diſpenſatum fuerit, extra unicam comenſionem potiones lacte permixtas ſumere, ſed illos, unica excepta comenſione, in omnibus æquiparandos iis eſſe, quibus cum nulla eſt diſpenſatio, ac propterea eos tantummodo ad unicam comenſionem poſſe carnem, vel quæ ex carne trahunt originem, adhibere.*

VII. Jam vero ut in tota Noſtra Diceceſi Sanctiſſimæ hæ leges accurate ſerventur, illas aliquando per annum, ac potiſſimum Quadreſimali appetente tempore, Parochi Populo explicent, earumque obſervantiam enixe commendent. Illud autem inſinuabunt potiſſimum, veram, legitimamque cauſam ab utroque Medico, corporis videlicet, & animæ, approbatam omnino requiri, ut quis a jejunio, quoad eſum carniū, aut ovorum, ac lacticiniorum, valide, liciteque diſpenſationem obtineat. Qua quidem in re, ut omne errandi periculum evitetur, hanc omnino praxim ſervari jubemus. Medicus primum corporis ſub gravi conſcientiæ ſuæ onere ſcriptis teſtetur, legitimam adeſſe cauſam, ob quam eſus tantum ovorum, ac lacticiniorum, ſi hæc ſufficiant, ſin minus, eſus etiam carniū poſtulant indulgeri poſſit. Hoc Medici teſtimonium ſubſcribat Parochus; pro Monaſteriis vero, aliſque mulierum cætibz Confeſſarius; quorum etiam conſcientiam ſuper diſpicienda cauſæ veritate oneratam volumus. Tandem in Tuſculana Civitate Vicarii Noſtri Generalis, aut aliorum, ſi qui ad id a Nobis deputantur; in aliis vero Noſtræ Diceceſeos locis Vicarii Foranei diſpenſatio, aut licentia accedat, ſcripto pariter exarata. Qui fecerint, ſciant inquirendum per Nos adverſus illos eſſe, ac procedendum, tamquam in Eccleſiaſticæ legis contemptores.

VIII. Quadreſimali tempore, aliſque jejuniorum diebus, carnes,

(1) Clemens XIII. in Encycl. Litteris datis 20. Dec. 1759.

carnes, alique vetiti cibi non nisi iis veneant, qui eos comedendi licentiam exhibuerint. Secreto etiam veneant, non publice, emptoresque dapas ejusmodi aut pallio contectas, aut in sportula domum deferant inclusas; quod quidem etiam de Venaticis carnibus intelligi volumus. Caupones quoque, ac Tabernarii, nonnisi infirmis, aut prædicta facultate munitis, vetitas epulas aut apponant, aut coquant. Qui secus fecerint, pecuniaria poena pro arbitrio Nostro multabuntur.

IX. Quamquam, attenta rei natura (1), die etiam Dominico jejunare liceret; cum tamen propter varias hæreses (2), superstitiones, erroresque, ac præsertim propter Manichæorum hæresim, qui in Dominicæ Resurrectionis contemptum jejunium die Dominico esse necessarium docebant, vetitum ab Ecclesia sit diebus Dominicis jejunare; propterea si alicujus Festi vigilia in diem Dominicum incidat, ad præcedens Sabbatum transferri eadem debet cum jejunio. Præterea cum Festum solemnitatis Corporis Christi, qua tanti Sacramenti institutio summa cum totius Christiani Populi lætitia colitur, sit ex principalioribus anni solemnitatibus; Propterea si in dictum diem vigilia S. Joannis Baptistæ inciderit, Parochi Fidelibus denuncient, eo die neque jejunandum, neque abstinendum a carnibus esse, sed in præcedentem diem, videlicet in quartam feriam, jejunium esse transferendum, uti ab Urbano VIII. (3) præscriptum est.

X. Per duodecim priora Ecclesiæ sæcula, Quadragesimali tempore unica (4), quæ permittebatur, refectio, nonnisi Vespere, idest tribus post nonam horis poterat sumi; reliquis vero per annum diebus, quibus erat jejunandum, nonnisi post nonæ officium, scilicet tribus, & amplius post meridiem horis, cibo refici licebat. Sæculo decimotertio feriis omnibus efusialibus

(1) Can. *Utinam*. 11. dist. 76.

(2) Can. 67. Apostolorum, can. *Jejunium*, & can. *Nequis jejunat*. de consecr. dist. 3., can. *Placuit*. de consecr. dist. 3., & can. *Quadragesima*. de consecr. dist. 5.

(3) Urbanus VIII. in suo Brevi *Cum venire* 13. Octob. 1638.

(4) Benedict. XIV. Instit. 13. num. 7., & Micrologus de rebus Ecclesiasticis. c. 49

bus ad horam nonam adhiberi cœpit, ut ex S. Thoma, & Alexandro de Ales satis aperte colligitur (1). At sæculo tandem decimo-quarto consuetudo inuenta est sumendi cibi ad meridiem, hoc est hora sexta, quæ quidem consuetudo communi Religiosorum, ac proborum virorum usu comprobata, ac retenta semper est. Ut autem aliquod veteris disciplinæ vestigium conservaretur (2), Ecclesiasticis legibus cautum est, ut in Templis Quadagesimali tempore Vesperæ sub meridiem celebrentur; apud Religiosas vero, atque Ecclesiasticas Familias ea mensæ Benedictio unica comestioni præmittatur, quæ coenæ præmitti solet.

XL Ecclesiastica jejuniorum lege Christiani omnes obligantur. *Adest maximum*, inquit S. Leo (3), *sacratissimumque jejunium, quod observantiam sui universis Fidelibus sine exceptione denuntiat*: Ita tamen ea lege obligantur, ut ad servandam a ciborum vetitorum usu abstinentiam non, nisi post septimum, ad eandem vero abstinentiam, & ad unicam etiam comestionem nonnisi post vigesimum primum ætatis annum teneantur. Ab hac jejunandi lege ii potissimum eximuntur, quos aut ætas excusat, aut languor extenuat, aut necessitas arctat, aut labor exhaurit. In his autem Populo explicandis nequis error obrepat, Classicos, probatosque Auctores Parochus consulat, caveatque diligentissime, ne aliquam doceat ex his opinionibus, quas subdimus, cum eas omnes, & singulas Apostolica Sedes proscripserit, meritoque damnaverit. Inter propositiones ab Alexandro VII. proscriptas die 24. Septembris 1665. vigesima tertia hæc est. *Frangens jejunium Ecclesia, ad quod tenetur, non peccat mortaliter, nisi ex contemptu, vel inobedientia hoc faciat, puta quia non vult se subicere præcepto*. Inter propositiones vero ab eodem Alexandro VII. proscriptas die 18. Martii 1666. hæc quatuor circa jejunium versantur. 29. *In die jejunii qui sæpius quid comedit, etsi notabilem quantitatem in fine comederit, non frangit jejunium*. 30. *omnes Officiales,*

B b b

qui

(1) Par. 4. Summ. Theolog. quæst. 18.
membr. 7. art. 2.

(1) Benedictus XIV. Inst. 15. n. 5.

(3) S. Leo Magnus Serm. 11. de Quadrag.

qui in Republica corporaliter laborant, sunt excusati ab obligatione jejunii, nec debent se certificare, an labor sit compatibilis cum jejunio. 31. Excusantur absolute a præcepto jejunii omnes illi, qui iter agunt equitando, utcumque iter agant, etiamsi iter necessarium non sit, & etiamsi iter unius diei conficiant. 32. Non est evidens, quod consuetudo non comedendi ova, & lacticia in Quadragesima obliget.

XII. Ut autem Populus ad Ecclesiastica servanda jejunia alacrior fiat, plurima, quæ ex iis in animum redundant, bona pro loco, & tempore Parochus familiari sermone recenscat. Fideles itaque edoceat jejunium a Sanctis Patribus virtutis cibum appellari. Et merito. Nam jejunium, ut ait S. Augustinus (1) purgat mentem, sublevat sensum, carnem spiritui subicit, cor facit contritum, & humiliatum, concupiscentiæ nebulas dispergit, libidinum ardores extinguit, castitatis vero lumen accendit. Jejunium, ut subdit S. Ambrosius, est mors culpæ, excidium delictorum, remedium salutis, radix gratiæ, fundamentum castitatis. Jejunium, teste S. Bernardo (2), orationem, devotionem, & fiduciam donat. Effusissima pro peccatis deprecatio est in elemosyna, atque jejuniis, & velociter divinas ascendit aures talibus Oratio elevata suffragiis; uti nos docet S. Leo (3). At cavere etiam quam maxime Fideles idem Parochus jubeat, ne jejuniis (4) utilitatem sola ciborum abstinentia metiantur: verum enim jejunium est ab omnibus esse vitiis alienum; juxta illud Isaïæ (5): *Hoc est magis jejunium, quod elegi: dissolve colligationes iniquitatis, solve fasciculos deprimentes, & frange esurienti panem tuum, & egros, vagosque induc in domum tuam.* Et sane quid iis jejunia proderunt, si dum corpori lautiora subtrahuntur edulia, mens non jejundet a vitiis? *Qui jejunit (6) in peccatis suis, & iterum eadem faciens, quid proficit humiliando se?* ut optime mone-mur in Sacris Litteris. Quare ut peccandi occasionibus, atque periculis aditus omnis intercludatur, utque ad veram pœnitentiam

Chri-

(1) S. Augustinus Serm. de jejunio.

(2) S. Bernardus Serm. 38.

(3) S. Leo Serm. 15. cap. 2. de jejunio
decimi mensis.

(4) S. Basilii homilia 1. de jejunio.

(5) Isaïæ c. 58. v. 6., & 7.

(6) Eccl. 34. v. 31.

Christianorum spiritus comparetur; quidquid inconditam latinitatem, ac voluptatem præfert, toto Quadragesimali tempore in Nostra Diœcesi interdictum volumus, atque exulare jubemus. Choreas itaque, & Comœdias tam publicas, quam privatas, inania spectacula, publicos ludos, nuptialia convivia, scurrarum, & circulatorum gesticationes, aliaque hujusmodi omnino prohibemus. Tandem Fideles illos, quibus justas ob causas super carnum, aut ovorum, & læticiuorum esu concessa est dispensatio, commonere Parochus satagat, ne per alia pietatis opera, quæ sua cuique Religio suggeret, peccata sua expiare, & Deo satisfacere negligant: quin imo sanandis vulneribus, quibus humana infirmitas fauciatur, diligentem adhibere studeant curationem, ut culpas de mundano pulvere contractas, dum casta jejunia decoquere non possunt, per pia opera, orationum suffragia, & eleemosinæ munera diligenter redimant.

ARTICULUS III.

De castitate, &que opposita luxuria.

AD temperantiam quoque pertinet præclarissima castitatis virtus, quæ tactus sensum toto diffusum corpore, & reliquis sensibus periculosiorem cohibet, atque inordinatas ejusdem appetitiones ad rectæ rationis, divinæque legis normam moderatur. Triplex autem est castitas; virginalis scilicet, conjugalis, & vidualis. Virginalis castitas, seu virginitas illa est præstantissima virtus, quæ, teste S. Joanne Chrysostomo (1), tanto nuptiis præstat, quanto Cælum terræ, quanto hominibus Angeli antecellunt, & si quid præterea audendum est, etiam magis. Illa est, quæ, ut ait S. Bernardus (2), mundum de immundo, de hoste domesticum, Angelum de homine facit; quæ sola in hoc mortalitatis loco, & tempore statum quemdam immortalis gloriæ representat, moremque beatæ illius vendicat regionis, in qua neque nubent, neque nubentur.

B b b 2

Illa

(1) S. Joan. Chrysost. lib. de Virginit.

(2) S. Bernardus Epist. 24.

380 CONSTITUTIONES SYNODALES

Illa tandem est, quæ, ut inquit S. Ambrosius (1), *de cælo fluxit; Et quam non facile invenimus in terris, nisi postquam Deus in hæc terreni Corporis membra descendit. Tunc enim in utero Virgo concepit, Et Verbum Caro factum est, ut quod Caro factum est, Caro feret Dei: tunc toto orbe diffusus corporibus humanis vite celestis usus inolevit. Cælestem hanc virtutem, & verbo, & exemplo Christus Dominus ita commendavit, ut ejus amplectendæ consilium Fidelibus omnibus dederit; Ecclesia vero Latina (2) salutaribus ejusdem monitis erudita neminem ad sacros ordines promoveat, nisi illum servandi Cælibatus voto alliget, ac præcepto. Castitas conjugalis illa est, quæ post matrimonium valide contractum Conjugibus ad proles generationem, & in remedium concupiscentiæ permittit, ut mutuo conjugale debitum petant, ac reddant, ita tamen ut datam mutuo fidem numquam fallant, & ab omni carnis immunditia, illicitisque voluptatibus abstineant. Vidualis tandem castitas, quam conjugali præferendam testatur Apostolus (3), illa est, qua vir, seu mulier post alterius Conjugis mortem non aliud contrahit connubium, sed in ipsa sua viduitate perfectam servat continentiam.*

II. Pulcherrimæ castitatis virtuti teterrimum luxuriæ opponitur vitium, quod exitiale est animæ flagitium, omnium lues virtutum, reliquorum vitiorum radix, iniquitas pessima, & Idololatriæ affinis, manifestum denique reprobationis indicium. *Nolite errare, inquit Apostolus (4), neque fornicarii, neque adulteri, neque molles, neque masculorum concubitores Regnum Dei possidebunt.* Et sane cum vitium hoc, teste S. Thoma (5), comitari semper soleant *cacitas mentis, amor sui, odium Dei, præsentis affectus sæculi, desperatio futuri; perardua proinde res est, ac perdifficilis, ut qui se in hujus vitii barathrum præcipientes dederint, ex eodem emergant, ac ad veram virtutis semitam revocentur.*

Quam-

(1) S. Ambrosius lib. vi. de Virginitibus.
(2) Cap. unico. de voto in 6., & Benedictus XIV. de Synodo lib. 13. cap. 12. num. 13.

(3) 1. Ad Corint. cap. 7.

(4) Ad Cor. cap. 6. v. 9.

(5) S. Th. 2. 2. qu. 153. art. 5.

Quamobrem merito a divinis litteris illorum numero accensentur, quorum (1), *pars erit in stagno ardenti igne, & sulphure, quod est mors secunda.*

III. Nos, quibus plurimum cordi est animarum Nobis concreditarum salus, castitatem in Nostra Diœcesi florere, luxuriam vero ab eadem exulare vehementer optantes, nullum intentatum relinquemus consilium, quo voti compotes fieri valeamus. Et primum quidem volumus, ut Parochi, & Confessarii, ubi sese opportuna obtulerit occasio, in castitatis laudes excurrant, impuditiæ vero scditatem gravibus verbis ostendant. Ex Sacris paginis exempla depromant, quibus Deus hominibus significavit, castitatem a se plurimum diligi, amplissimisque præmiis honestari; luxuriam contra execrabilem sibi esse, gravissimisque multari poenis. Pentapolis igne consumpta, universum hominum genus aquarum diluvio submersum, Urbes, Provinciæ, ac Regna, aut peste, aut fame, aut hostili gladio devastata, exempla sunt divinæ adversus impudicos ultionis, de quibus Sacræ Litteræ, atque Ecclesiasticæ Historiæ monumenta testantur. His severissimas adjungant pœnas, a Sacris Canonibus, & ab ipso Civili Jure adversus hujus criminis reos constitutas, quas certe Nos ab iisdem, nisi moniti resipuerint, constanter repetemus, & de quibus proinde nunc paucis verba facienda esse arbitramur.

IV. Ut a Concubinariis incipiamus; Parochis omnibus, aliisque curam animarum habentibus districte præcipimus (2), ut, si quos in Concubinato versari cognoverint, salutaribus hortationibus, monitisque ad purioris vitæ studium revocare paternæ charitate conentur. Iidem præterea, aliique Confessarii omnes meminerint, se Concubinariis hujusmodi Sacramentalem absolutionem impertiri non posse, sub quocumque utilitatis prætextu, nisi, penitus ejecta, relictaque serio Concubina, non ambi-

(1) Apoc. cap. 21. v. 18.
§. 21. & seq.

(2) Leo X. Constitut. 20., quæ incipit *Primitiva*

382 CONSTITUTIONES SYNODALES

ambiguum sinceræ poenitentiae dederint signum . Hanc enim (1) Alexander VII. propositionem damnavit : *Non est obligandus Concubinarius ad ejiciendam Concubinam , si hæc nimis utilis esset &c.* , & hanc aliam proscriptit Innocentius XI. (2) *Proxima occasio peccandi non est fugienda , quando causa aliqua utilis , aut honesta non fugiendi occurrit* . Monitum audiant S. Thomæ de Villanova (3) : *Vadat , & Concubinam de domo pellat ; & tunc ad Confessarium redeat , & absolvatur . Hic rectus est ordo : hunc ordinem non transgrediari* . Imo etiam post absolutionem , Concubinarios , si manifesti fuerint , ac notorii , ad publicam Eucharistiæ susceptionem non admittant , nisi de Concubinæ separatione , omnique scandali remotione jam palam , publiceque constiterit . Eos vero , qui in concubinato obstinate , notorieque persistant , ad Nos Parochi deferant , Christiana charitate , ac paterna severitate corripiendos . Quod si adhuc non resipuerint , post trinam specialem monitionem Ecclesiarum valvis publice affigendam , ad excommunicationis sententiam deveniemus , uti Tridentina Synodus decrevit (4) , & uti faciendum Nobis præcepit S. Pius V. (5) per ea verba : *Monemus præterea omnes Laicorum Ordinarios , & in virtute sanctæ obedientiæ eis præcipimus , ut statuta Tridentini Concilii contra Concubinarios tam Clericos , quam Laicos edita , districte faciant observari , reddituri Deo , ac nobis , si id omiserint , rationem* . Mulieres quoque (6) sive conjugatæ , sive solutæ , quæ concubinatum publice exercent , & cum Concubinariis publice vivunt , si ter monitæ non paruerint , sciant , se , præter excommunicationis

(1) Alexand. VII. 18. Martii 1666. proposuit. 41.

(2) Innocentius XI. 2. Martii 1679. proposuit. 41.

(3) S. Thom. de Villanova Concion. , in feria 6. post Domin. 4. Quadragesimæ .

(4) Trid. cap. 8. sess. 24. de reform. Matrimonii .

(5) S. Pius V. Const. 5. , quæ incipit *Cum primum* §. 12. edita 1. April. 1566.

(6) Can. *Audite* , can. *Concubina* caus. 32. qu. 2. , can. *Nemo blandiatur* . caus. 32. qu. 4. , Conc. Lateran. II. sub Innocentio II. can. 22. , Trid. cit. sess. , & cap.

nis pœnam, publica fustigatione correptas, a tota Diœcesi exilio esse pellendas, & si opus sit, gravioribus etiam pœnis esse coercendas.

V. Parochis, & Foraneis Oppidorum Vicariis districte mandamus, ut si quas Mulieres meretricia labe inquinatas in Nostra Diœcesi versantes deprehenderint, eas continuo Vicario Nostro Generali, aut Nobis denuncient, ut vel adhibita sanctiore qualibet cura ad vitæ emendationem revocentur, vel ne commissas Nobis Oves turpitudinis contagione inficiant, a Diœcesi eliminentur. Nemo autem iis domum locare audeat sub pœna pecuniaria arbitrio Nostro infligenda, & majori illius loci Templo applicanda; quam quidem pœnam duplo majorem a locatoribus exigemus, si iidem a Parochis, aut a Vicariis Foraneis moniti, illas e locatis domibus non expulerint. Quod si Mulieres hujusmodi turpem sui corporis quæstum exercentes, cryptas, aut locorum suburbia, aut campestres casulas frequentaverint, aut incoluerint, a Nostri Tribunalis satellitibus, etiam sine Curia Nostre mandato, detrudantur in carceres, quoties vel de meretricia earum arte constet, vel in flagranti crimine deprehendantur.

VI. Siqui exteri una cum Mulieribus, quas sibi aut Matrimonii fœdere copulatas, aut consanguinitatis vinculo junctas dicunt, sive artifices sint, qui artem aliquam exercent, sive circulatorum, qui medicamenta vendunt, sive pauperes, qui victum emendunt, sive alii; eos cum dictis mulieribus cohabitare Parochi, & Vicarii non patiantur, nisi vel de contracto matrimonio, vel de non ficta consanguinitate legitimum exhibeat testimonium. Qua quidem in re Parochorum conscientiam oneramus; quibus etiam committimus, ut diligenter invigilent, Nobisque denuncient, si quæ publica scandala in eorum Parochiis habeantur. Si quis tamen ad sit impudicitia reus, sed occultus, qui cum Muliere bonæ famæ versetur; cautissime tunc procedat Parochus, & juxta Evangelicam legem secretissima fraterna correctione utatur, ne videlicet ex imprudenti zelo famam
lædat

lædat honestissimarum familiarum, & inde mala plurima oriantur, & scandala, unde peccatoris emendatio petebatur.

VII. Adulterium, sicuti gravissimum est peccatum, (1) ita gravissimis quoque semper multatum fuit pœnis. In Veteri Testamento (2) Jure divino Adulter, & Adultera lapidibus viventes obruebantur. Jure Civili (3) ex lege Julia ultimo plectebantur supplicio. Jure Canonico (4) Clerico adultero pœnitentia decem annorum, Laico vero septem annorum publice injungi solebat. Adulter Clericus deponebatur, (5) Laicus vero excommunicabatur. Imo etiam de Jure tam Civili (6) quam Canonico (7) Adulter, & Adultera in Monasterium ad agendam perpetuo pœnitentiam detrudebantur. Alias deinde adversus Adulteros Romani Pontifices (8) statuerunt pœnas, quibus adulterium a quocunque, & cum quacumque commissum acerrime a Nobis vindicatum iri edicimus. At viget etiam nunc pœna illa a Christo Domino in Evangelio insinuata, & in Jure Canonico (9) constituta, ut Adultero jus exigendi debitum conjugale auferatur, parti vero innocenti facultas concedatur perpetuum instituendi divortium, tum quoad thorum, tum quoad cohabitationem, dummodo auctoritate Judicis Ecclesiastici fiat. Illa præterea etiam viget pœna, (10) ut Uxor adultera privetur dote, adulter vero Maritus dotatio, sive donatione propter nuptias. His accedit, quod Adulteri sive mares, sive fœminæ, si publicum sit crimen, & cum populi scandalo admittatur, nisi moniti resipuerint, sunt juxta

(1) Can. *Nemo blandiatur*. caus. 32. qu. 4.

(2) Levit. cap. 20. v. 10., Deuteron. c. 22., Daniel. cap. 13. v. 42., & Joan. cap. 8. v. 5.

(3) L. *Quamvis*. 30. §. fin., cod. ad L. Juliam de adulter.

(4) Can. *Presbyter*, dist. 83. & can. *Devotum*. caus. 27. qu. 1.

(5) Can. *Si quis Episcopus*. caus. 27. quæst. 1.

(6) Novella 134. Justinian. Imper.

(7) Cap. *Intelleximus*. de adulteris; cap. *Gaudemus*. de convers. conjug., & cap. *Consuluis*. de appellationibus.

(8) Sixtus V. Const. 46. quæ incipit *Ad Compscendam*.

(9) Cap. *Porro*. 3., & cap. *Ex litteris*. 3. de divortis.

(10) Cap. *Plerumque* 4. de donatione inter virum, & uxorem.

juxta Sacros Canones excommunicandi. His expositis pœnis a tanto perpetrando crimine Parochi Populum studeant abitterere.

VIII. Graviore etiam dabunt pœnas jamdiu a Sacris Canonibus inflictas, quas hic pro expressis haberi volumus, ii, qui incestum (1) in primo, & secundo consanguinitatis, & in primo affinitatis gradu committunt; ii etiam, qui bestialitatem, & sodomiam, etiam cum fœminis, tam active, quam passive admittunt; & Confessarii copulam habentes cum filiabus confessionis: quorum omnium criminum absolutionem Nobis reservamus. De nefando crimine ea audiantur, quæ in sua Constitutione S. Pius V. decrevit (2): *Si quis crimen nefandum contra naturam, propter quod ira Dei venit in filios dissidentie, perpetraverit, Curia seculari puniendus tradatur; & inferius subdit: Ut præmissorum delictorum simonia, blasphemie, ac stupri nefandi notitia facilius habeatur, volumus, ut in singulis casibus, non solum per accusationem, & inquisitionem, sed etiam ad simplicem, & secretam denunciationem procedatur per quoscunque Judices, alias tamen de jure competentes tam ratione delicti, quam personarum, ita ut inter eos locus sit præventioni.*

IX. Mulierum raptores (3), sive libidinis explendæ, sive Matrimonii contrahendi causa, cujuscumque sint conditionis, atque ii omnes, qui illis auxilium, consilium, aut favorem præbent, sint, uti Tridentina Synodus statuit, ipso jure excommunicati, ac perpetuo infames, omniumque dignitatum incapaces, & hanc excommunicationis pœnam incurrant, licet mulier (si tamen sui juris non sit) consentiat. Adversus Lenones (4), (sive

C c c viri

(1) Can. *Consanguineorum* caus. 3. q. 4. can. *De incestis*, & can. *De his*, caus. 35. qu. 2. & 3., Clement. unica de consanguinit. & affinit.

(2) S. Pius V. Const. 5., quæ incip. *Cum primum* §. 11. 1. Aprilis 1566.

(3) Trid. sess. 24. de reform. matrim. cap. 6., Concilium Calcedonen. can. 27.,

can. *Puellis* caus. 32. qu. 2., cap. fin. de raptoribus.

(4) Cap. *Discretionem*, de eo, qui cognovit consanguineam, cap. *Archiepiscopus*, de raptoribus, cap. *Præterea* de Cleric. percuss., Concilium Mediolanense I. sub S. Carolo par. 2. de meretricibus, & lenonibus.

viri sint, sive mulieres) qui dictis, factis, blanditiis, munerum, ac litterarum delatione, consilio, suasionibus, aut aliis quibuscumque malis artibus ad fœdos amores sive viros, sive mulieres pelliciunt, hortantur, aut quomodolibet cooperantur, ad normam Bullæ Pauli IV., quæ incipit *Sanctissimus*, servatis juris regulis, procedemus; & si crimen sit publicum, etiamsi a nemine accusentur, eos, si opus fuerit, excommunicatione majori plectemur. Hujusmodi autem castitatis vastatores, ac mulierum, juvenumque seductores Parochi, si eos noverint, Nobis denuncient, ut illos male multatos e nostra Diœcesi extorres esse cogamus.

X. Cum non raro contingat ad Ecclesiasticum Tribunal deferri Judicium deflorationis, seu stupri, quod cum Matrimonii promissione perpetratum est; cumque non levis apud prudentes viros suspicio sit, puellas hujusmodi deceptioni facile consentire, tum quia nullas ipsæ dant pœnas, tum quia juxta Sacros Canones dotem exinde, aut conjugium consequuntur; earum vero parentes, fratres, aliosque familiares aut manus crimini adjutrices porrigere, aut saltem per conniventiam cooperari; Nos, ut non modo puellæ, verum etiam earum parentes, & familiares, si quo modo aut Lenocinii, aut conniventiz fuerint rei, debitas luant pœnas, decernimus, ac statuimus, ut in Nostra Diœcesi servetur edictum jussu Clementis XII. in Alma Urbe editum die 13. Septembris 1736., cujus Synopsim in Appendice num. 4. damus.

XI. Parentes, (1) Consanguinei, Affines, atque alii, sub quorum custodia manent Puellæ Sponsæ per verba de futuro, qui connivendo, permittunt frequentiam Sponsi in domo Sponsæ ante Matrimonii celebrationem, itaut ex tali frequentia secuta sit copula, ipso facto majorem excommunicationem incurrant, cujus absolutionem Nobis reservamus: a qua tamen excommunicatione, quam etiam Sponsi incurrant, absolvi tantum ipsi Sponsi pote-

(1) Synodus Tusculana anni 1688., & anni 1703.

poterunt a Parocho eo die, quo Matrimonium in facie Ecclesiæ contrahetur. Eamdem excommunicationem (1) Nobis reservatam ipso facto incurrant etiam parentes dormientes cum filia adulta, & Patres, ac Matres familias, alique curam habentes adulterorum, qui eos cum fororibus jam grandiusculis, & in septimo ætatis anno completo constitutis, dormire permittunt, quin ulla se, aut paupertatis, aut domus angustiarum excusatione tueri possint: Satiis enim est, aut parentes, aut filios super nuda humo, aut super stramine cubare, quam filios evidenti periculo discendæ, exercendæque iniquitatis exponi.

XII. Cum Clericos angelica puritate præcellere oporteat, exemploque suo ad hanc amplectendam virtutem laicos excitare; enixe proinde iidem curent (2), ne, non modo cum concubinis consuetudinem, sed ne cum alia quidem quacumque suspecta fœmina ullam omnino habeant familiaritatem: secus (3) in ipsos ex Sacrorum Canonum præscripto severe animadvertemus, & nisi correcti respuerint, ad formam Concilii Tridentini (4) eos Beneficiorum fructibus, administratione, ipsoque demum titulo, præmissa ad singula canonica monitione, gradatim privabimus, eosque etiam declarabimus quocumque alio beneficio, officio, atque Ecclesiastico honore indignos. Quod si ulterius contumacia processerit, eosdem majoris excommunicationis sententia feriemus. Clerici autem, qui nullum Ecclesiasticum obtinent Beneficium, pro delicti, ac pertinaciæ qualitate, carceris, suspensionis ab ordine, atque inhabilitationis ad beneficia, aliisque gravissimis poenis punientur. Mulieres vero cum ipsis sacrilege delinquentes, fustigationis, perpetuique exilii plectentur poena.

XIII. Parochi, Concionatores, & Confessarii omnes, non modo Fideles comminationibus, poenisque propositis ab impudicitie crimine abstertere, verum etiam qua ratione immunditiam

C c c 2

omnem

(1) Synodus Tusculana anni 1688., & anni 1703.

(2) Can. *Clericus solus*, dist. 81.

(3) Can. *Sacerdos*, dist. 50., can. *Presby-*

teri, dist. 82., cap. *Præter* §. *Ad hæc* dist. 32., can. *Significant* dist. 61.

(4) Trid. sess. 23. de reform. cap. 14.

388 CONSTITUTIONES SYNODALES

omnem cavere possint, edocere curent. *Ut itaque mudentur* (1) *ab omni inquinamento carnis, & spiritus, quietam, & tranquillam vitam agentes in omni pietate, & castitate, fugientes fornicationem, ac omnem immunditiam, hæc iis adhibenda proponant remedia.* Primo: *in medio* (2) *mulierum non commorentur, & cum fornicariis non se jungant: qui enim amat periculum, peribit in illo.* Secundo: *carnem crucifigant* (3) *cum vitiis, & concupiscentiis suis; assiduisque precibus a Deo postulent continentiam.* Hoc enim genus *Demoniorum*, ut nos monet Christus Dominus (4), non ejicitur, nisi in oratione, & jejunio. Scivi, inquit Sapiens (5), quoniam aliter non possum esse continens, nisi Deus det; & hoc ipsum erat sapientiæ scire, cujus esset hoc donum: adii Dominum, & deprecatus sum illum ex totis precordiis meis. Deus autem donum castitatis recte petentibus non denegat, uti Tridentina Synodus (6) definivit. Tertio: Humilitati, Temperantiæ, ac sobrietati diligenter studeant. Nam hæc (7) fuit iniquitas Sodome; superbia, saturitas panis, & abundantia, & otium ipsius. Quarto: Sanctissimi viri Job imitentur exemplum (8), & sedus inquant cum oculis suis, ut ne cogitent quidem de virgine. Averte faciem tuam, inquit Spiritus Sanctus (9), a muliere compta: nam ex hoc concupiscentia quasi ignis exardefcit. Virginem (10) ne conspicias, ne scandalizeris in decore illius. Quinto: nascentes cupiditates, antequam robur accipiant, & adolescant, tamquam (11) parvulos suos statim allidant ad petram. Qui enim dominari nescit cupiditatibus, is quasi equis raptatur indomitis, volvitur, obteritur, laniatur, affligitur. Sexto: Eucharistiæ Sacramento, quod est frumentum (12) electum, & vinum germinans Virgines, frequenter, summaque cum Religione, ac pietate reficiantur. Septimo: cum carnis illecebræ naviculam concusserint

men-

(1) 1. ad Cor. cap. 6., & ad Timot. cap. 2.

(2) Ecclesiastici cap. 42. & Eccl. c. 19.

(3) Ad Galat. cap. 5.

(4) Marci cap. 7.

(5) Sapientię cap. 8.

(6) Trid. sess. 24. can. 9.

(7) Ezechielis cap. 16.

(8) Job. cap. 31.

(9) Eccl. cap. 9.

(10) Eccl. cap. 9.

(11) Psalm. 136.

(12) Zachariæ cap. 9.

mentis, statim (1) *in foraminibus petreæ, & in caverna maceris*, in vulneribus nimirum Christi Domini, pia eorum meditatione sese abscondant, ac polarem stellam, purissimam videlicet Deiparam, intimo animi sensu respiciant, filiali amore invocent, certaque precentur fiducia, ut eos inter furentes carnis procellas servet incolumes, præsidioque suo illæsos protegat, ac tueatur.

CAPUT IV.

DE INTERNIS ANIMI AFFECTIBUS TEMPERANDIS.

Internæ humani cordis affectiones, quotquot sunt, ad duopotissimum genera revocantur, ad iram videlicet, qua malum a nobis studemus avertere, & ad concupiscentiam, qua bonum nobis concupiscimus, nobisque pro viribus comparare studemus. Affectionum hujusmodi ante Adæ peccatum nulli erant, ut diximus, inordinati motus, qui rectæ rationi adversarentur: At postquam prævaricatus ille est; cum eadem ad propria sensibilia objecta ferantur, nulla habita liciti, illicitive ratione; mens nostra vigilet, necesse est, ne ab iis ad inhonestâ, illicitaque rapiamur. Cum autem bona, quæ concupisci a nobis possunt, in triplici sint genere, videlicet voluptates, opes, & honores; Hinc etiam triplex a nobis est moderanda concupiscentia, nimirum *concupiscentia carnis, concupiscentia oculorum, superbia vitæ*. De cohibenda carnis concupiscentia capite superiori locuti sumus. Agemus hic paucis de ira, de concupiscentia oculorum, ac de superbia vitæ Christiana moderatione temperandis.

II. Utque ab ira ordiamur; *alia est ira*, uti monet S. Gregorius (2), *quam impatientia excitat, alia, quam zelus justitiæ format. Illa ex vitio, hæc ex virtute generatur*. Siquis igitur appetat (3), ut ad rectæ rationis normam ultio sumatur de crimine, laudabilis est ejusmodi iræ appetitus, & vocatur *ira per zelum*:
At

(1) Cantic. S. Bernardus *serm.* 61. in Cantic.

(2) S. Gregorius *moral.* lib. 5. cap. 31.

(3) S. Th. 2. 2. qu. 158. art. 2.

At si appetat, ut contra rectæ rationis regulam vindicta qualitercumque fiat, vitiosus erit appetitus, *Et ira per vitium nuncupatur*. Laudabile quidem est ultionem appetere, ut vitia corripiantur, & iustitiæ bonum servetur illatum: at illicitum est, ac reprehensione dignum velle vindictam propter malum illius, qui puniendus est. *Iraſcimini*, inquit S. Ambrosius (1), *ubi culpa est, cui irasci debeatis: non potest enim fieri, ut non rerum indignitate moveamur: alioqui non virtus, sed remissio iudicatur*. Quis non irascitur, exclamat S. Augustinus (2), *videns homines confutantes ore Deum, Et negantes moribus?* At quamquam iusta nobis sit irascendi causa, non tamen celeres ad iram sumus, aut in irascendo ferventiores. *Sit omnis homo, ita nos Jacobus Apostolus* (3) *monet, velox ad audiendum, tardus autem ad loquendum, Et tardus ad iram: ira enim viri iustitiam Dei non operatur*. Ubi (4) autem fervida est vindicta, non est temperata iustitia: plus enim sæpe ira in vindicta exigit, quam injuria mereatur. Hinc ira, cum delinquentium culpas insequitur, menti non debet quasi domina præire, sed post rationis tergum quasi ancilla famulari.

III. At iram, quæ per vitium est, *januam vitiorum omnium* S. Hieronymus nuncupavit, & merito (5): *qui enim ad indignandum facilis est, erit ad peccandum proclivis*. Hinc, qui iræ dominari nescit, sed ab ea se rapi finit, eum ad blasphemias, ad detractiones, ad calumnias, ad rixas, ad homicidia, aliaque gravissima scelera præcipitem ferri non raro videmus. *Effrenes lingua*, ait S. Basilus (6), *ora incustodita, incontinentes manus, contumelia, probra, verbera, Et alia ejusmodi, quæcumque quis enumerare poterit, iræ sunt, ac furoris fructus*. Ob iram ensus acuitur, mors homini ex homine venit. *Frates inter se ignorantur, parentes, ac liberi natura obliviscuntur*. Quamobrem ita monemur in Scripturis sanctis: *Cum iracundo* (7) *ne facias rixam, quoniam quasi nihil est ante illum*

(1) S. Ambrosius offic. lib. 1. cap. 21.

(5) Prov. cap. 29.

(2) S. August. in Psal. 30. concione 2.

(6) S. Basilus homil. de ira 10. ex variis.

(3) Jacobi cap. 1.

(4) S. Gregorius moral. loc. cit.

(7) Eccli. cap. 3. v. 19.

illum sanguis. Hinc etiam iracundus in Sacris Paginis, & a Sanctis Patribus, modo stulto, modo ebrio, modo demoniaco comparatur. *Ira in sinu stulti requiescit* (1), ita Ecclesiastes: *Ebrius est, quem tenet ira*; Ita S. Joannes Chrysostomus. *Iracundus non magis cohibetur, quam a Demonibus detenti, a quibus irati nihil nec forma, nec affectu differunt*; ita S. Basilus (2). Iram autem mansuetudinis virtus moderatur, quam Christus ipse, ut ab eo disceremus, præcepit: *Discite* (3) *a me, quia mitis sum, & humilis corde*. Si ergo Christi sumus Discipuli, ejusque Magisterio gloriamur, ejus quoque mansuetudinem imitemur, oportet. *Omnis itaque* (4) *amaritudo, & ira, & indignatio, & clamor tollatur a nobis*; ut inquit Apostolus. Si quis autem proximo suo iuste se irasci putet (nulli enim irascenti) (5) ira sua esse videtur injusta) illud primum cogitet, mendaces esse filios hominum in stateris, ac dum de rebus suis iudicium proferunt, sapissime decipi, nimio sui ipsorum amore excæcatis. Meminerint deinde sapientissimi illius Senecæ dicti; *Non injuriam pati, sed injuriam facere, vel noscere pati, malum est*. Tertio verissimum illud S. Gregorii (6) monitum parumper cogitent: *Si sic proximos, ut nos, amare jubemur, resat, ut sic eorum erroribus, sicut nostris vitiis irascamur*. Tandem sibi ob oculos mentis divina Christi Domini exempla proponant, *qui cum percuteretur, non reperiit* (7), *cum malediceretur, non maledicebat, cum pateretur, non comminabatur*. Quod si iratus quis fuerit adversus Fratrem suum; is neque loquatur, neque quidquam agat, antequam ira parumper deferbuerit: quidquid enim in illo iracundiæ æstu aut agat, aut dicat, ad rectam rationis lanceam librare nequit. *Si non potueris mitigare mentem, prudentissimum est S. Ambrosii* (8) *consilium, reprime linguam tuam. Vincite ratione iracundiam. Ita irascimini, ut tamen a culpa abstinere*. Conetur deinde precibus ad Deum fufis, divinarum-

(1) Eccles. cap. 7. v. 10.

(2) S. Basilus homilia 10. de Ira.

(3) Matth. cap. 11.

(4) Ad Ephes. cap. 4.

(5) S. Augustinus ad Dioscor.

(6) S. Gregorius moral. loc. cit.

(7) 2. Petri cap. 2.

(8) S. Ambrosius offic. lib. 1. cap. 21.

namque rerum meditatione motum omnem comprimere, ita ut juxta Apostoli monitum (1): *Sol non occidat super iracundiam suam, neque locus detur diabolo*. Sic enim fiet, ut cuilibet intestino erga proximum odio, quod Divinæ maxime displicet Majestati, omnis aditus intercludatur.

IV. Cum, Apostolo teste, *radix* (2) *omnium malorum sit Cupiditas*, immoderata videlicet terrenas opes habendi cupido; eadem est modis omnibus a Fidelibus cohibenda, ne æternam animarum suarum jacturam patiantur. *Qui enim volunt* (3) *divites fieri, ut idem inquit Apostolus, incidunt in tentationem, & in laqueum diaboli, & desideria multa inutilia, & nociva, quæ mergunt homines in interitum, & perditionem; ita ut pecuniam quidam appetentes erraverint a Fide, & inservierint se doloribus multis*. Ex hac ditescendi cupiditate avaritia oritur, quæ simulacrorum servitus (4) ab Apostolo nuncupatur. Sicut enim Idololatria, ut optime Innocentius III. (5) interpretatur, *servit Simulacro, sic Avarus servit thesauro*: nam ille cultum Idololatriæ diligenter ampliat, & iste cumulum pecuniæ libenter augmentat; ille cum diligentia colit simulacrum, & iste cum omni curâ custodit thesaurum; ille spem ponit in idololatria, & idolo, & iste spem ponit in pecunia, & nummo; ille timet mutilare simulacrum, & iste timet minuire thesaurum. At avaro (6) *nihil est scelestius: hic enim & animam suam venalem habet*. Et sane quam facile est, ut avarus, dum opibus colligendis studet, cum Deo, tum proximo gravissimas irroget injurias! Deo quidem, cum tanta aviditate divitias appetat, ut in iisdem ultimum sibi finem, ac veluti summum constituat bonum, paratus divinam potius violare legem, Deique amicitiam, curamque salutis abjicere, quam opes non acquirere, aut deserere acquisitas: Proximo vero, cum rem alienam aut injuste auferat, aut ablatam retineat, aut extremæ, vel gravi proximi necessitati, cum possit, ac debeat, non succurrat.

V. Con-

(1) Ad Ephes. cap. 4.

(2) 1. ad Timoth. cap. 6.

(3) 1. ad Timoth. cap. 6.

(4) Ad Colossen. cap. 3.

(5) Innocentius III. lib. de utilit. conditionis humanæ.

(6) Ecclesiastici cap. 10.

V. Contra immoderatam hanc pecuniæ, atque opum cupiditatem Parochi, & Concionatores verba non infrequenter faciant, & salutaria Fidelibus monita subministrent, quibus instruendi tot, tantaque mala præcavere facile possint. Et illud quidem primum insinuent, moriendum iis esse, ac divitias omnes, quibus viventes tam avidè inhiant, irreparabili jactura esse amittendas. *Disissimus es*: sic avaros S. Basilii (1) alloquitur: *quid igitur postea? Nonne tres in universum cubiti ad sepulturam te expectant? Nonne paucorum lapidum onus ad infelicitis corporis sufficit custodiam?* Addant deinde, incassum fortasse eos laborare in opibus tanto cum labore, periculoque congregandis: nesciunt enim, cui congregant pecuniam suam. *Detestatus* (2) *sum omnem industriam meam habiturus heredem post me, quem ignoro, utrum sapiens, an stultus futurus sit, & dominabitur in laboribus meis, quibus desudavi, & sollicitus fui; & est quidquam tam vanum?* ita Sapiens in Ecclesiastici libro, In memoriam præterea iis revocent ea, quæ ad Ephesios scribit Apostolus (3): *Hoc enim scitote intelligentes, quod omnis avarus non habet hereditatem in regno Christi, & Dei*. Tandem illos paterna charitate hortentur ad thesauros sibi in Cælo comparandos, ac verbis utantur Christi Domini (4), quæ non raro diligenter iisdem explanare curent: *Nolite thesaurizare vobis thesauros in terra, ubi ærugo, & tinea demolitur, & ubi fures effodiunt, & furantur: thesaurizate autem vobis thesauros in Cælo, ubi nec ærugo, neque tinea demolitur, & ubi fures non effodiunt, nec furantur.*

VI. Inter plura, eaque sapientissima consilia, quæ filio suo peramanter dedit, cum se moriturum crederet Tobias, illud est homini cuilibet apprime necessarium, omnique commendatione dignissimum (5): *superbiam nunquam in tuo sensu, aut in tuo verbo dominari permittas*. Qui enim de se superbe sentit, suamque

D d d glo-

(1) S. Basilii.

(2) Ecclesiast. cap. 2.

(3) Ad Ephes. cap. 3.

(4) Matth. cap. 6.

(5) Tobie cap. 4.

394 CONSTITUTIONES SYNODALES

gloriam, & honorem in omnibus queritans, reliquos despicit, seseque unum honore dignum arbitratur; Is profecto odibilis Deo est, hominibus vero despicibilis. Quatuor autem sunt (1) superbiæ species, quibus omnis arrogantium tumor demonstratur; nempe 1. cum bonum a semetipsis habere existimant; 2. si quod sibi datum desuper credunt, pro suis id se accepisse meritis putant; 3. cum jactant se habere, quod non habent; 4. tandem cum despectis ceteris, singulares videri in eo appetunt, quod habent. Primo superbiæ genere peccasse Nicanorem (2) accepimus, qui cum audisset esse potentem in Cælo Deum, qui imperavit agi diem sabbatorum, quo die pugnare volebant Hebraei, superbe respondit: *Et ego potens sum super terram, qui impero sumi arma*. Hujus generis superbos sapienter arguit his verbis Apostolus (3): *quid habes, quod non accepisti? si autem accepisti, quid gloriaris, quasi non acceperis?* Secundo superbiæ genere peccant ii, qui supererunt aliquid donum se suis accepisse meritis putant; quos idem Apostolus (4) reprehendit dicens: *gratia estis salvati per fidem; & hoc non ex vobis, Dei enim donum est, non ex operibus, ut ne quis gloriatur*. Superbia tertii generis infectum fuisse scimus Episcopum Laodicæ, ad quem Joannes scribens in Apocalypsi (5), sic illum increpat: *Quia dicis, quod dives sum, & locupletatus, & nullius egco; & nescis, quia tu es miser, & miserabilis, & pauper, & cæcus, & nudus*. Quarti tandem generis superbia intumuit Phariseus ille, qui in Templo stans oravit, & Publicano se prætulit. De eo autem sic inquit S. Gregorius (6): *Phariseus idcirco de Templo absque justificatione descendit, quia bonorum operum meritum quasi sibi singulariter tribuens oranti Phariseo se prætulit*. Cum autem ingenuus nobis sit nostræ excellentiæ, ac dignitatis amor; caute vigilemus oportet, ne præscriptos honesti, rectique fines prætergrediamur. Curam quidem de bono nomine habeamus,

(1) S. Gregorius moral. lib. 23. cap. 4.

(2) 2. Michab. cap. 5.

(3) 1. Ad Cor. cap. 4. v. 7.

(4) Ephes. cap. 2. 4. 8.

(5) Apocal. cap. 3.

(6) S. Gregorius moral. lib. 23. cap. 4.

mus, necesse est: at cavendum maxime, ne cum aliorum despectu, atque injuria honorem, & gloriam supra meritum, & supra modum appetamus, quemadmodum Phariseos fecisse accepimus, quorum superbos mores ita Christus Dominus (1) summa cum detestatione describit. *Omnia opera faciant, ut videantur ab hominibus. Dilatant enim phylacteria sua, & magnificant fimbrias. Amant autem primos recubitus in carnis, & primas Cathedras in Synagogis, & salutationes in foro, & vocari ab hominibus Rabbi.* At non ita exemplo suo Christus nos docuit, qui cum (2) in forma Dei esset, non rapinam arbitratus est esse se equalem Deo; & tamen exinanivit semetipsum formam servi accipiens, & habitu inventus ut homo. Ejus itaque exempla imitemur, quæ ipse nobis sapius imitanda proposuit (3): *Discite a me, quia mitis sum, & humilis corde. Exemplum dedi vobis (4), ut sicut ego feci, ita & vos faciatis.*

VII. Ut autem Fideles superbiam oderint, diligant vero humilitatem; illud primum iis insinuent Parochi, ut seipfos cognoscere penitus curent. Unusquisque igitur se tacitus interroget; *quid fuisti? quid es? quid eris?* Nihil profecto inveniet, de quo gloriari possit, ac superbire; sed ubique plurima occurrent sive ad corpus, sive ad animam spectantia, propter quæ fastus omnis detumescet, ac demisse de se sentire cogetur. Deinde eos edoceant, tam malæ indolis esse superbiam, ut si bonis ipsis operibus sese immisceat, eadem prorsus corrumpat, ac perdat. *Alia quæcumque iniquitas, inquit S. Augustinus (5), in malis operibus exercetur, ut fiant; superbia vero in bonis operibus insidiatur, ut pereant.* Tertio eos moneant, ita superbis Deum irasci, ut ad eorum retundendam superbiam, in vilissima quæque, sordidaque crimina eos non infrequenter labi permittat. *Evanuerunt in cogitationibus suis, ita testatur Apostolus (6), propterea dedit illos Deus in passiones ignominie.* Tandem, ut christianæ humilitatis donum

D d d 2

confe-

(1) Math. cap. 23.

(2) Ad Philipp. cap. 2.

(3) Matth. cap. 11.

(4) Joa. cap. 13.

(5) S. Augustinus in regul.

(6) Ad Rom. cap. 1.

consequantur, eos hortetur, ut illud a Deo frequenter postulent (1), *qui superbis resistit, humilibus autem dat gratiam. Ad hoc namque*, ut ait S. Gregorius (2), *Dei Filius formam infirmitatis nostræ suscepit, ad hoc visibilis, immo & despectus apparuit, passionumque tormenta toleravit, ut superbum non esse hominem doceret humilis Deus.*

CAPUT V.

DE SENSUUM EXTERIORUM CUSTODIA.

CUM militia (3) sit vita hominis super terram, & perpetua nobis sit colluctatio (4) adversus carnem, & sanguinem, & adversus Mundi rectores, ac potestates tenebrarum harum; instructos nos esse semper oportet ad prælium, & vigilantissimi instar Ducis, cui arcem, aut urbem Princeps tradiderit custodiendam, omnes sive domesticorum, sive externorum hostium insidias, atque aggressiones præcavere. Quemadmodum igitur ille domesticos hostes vinculis irretitos in carcere detinet, ne cum externis hostibus colloquantur, atque iter iis ad arcem, aut urbem capiendam aperiant; Externas vero hostiles acies per assiduam, sedulamque munimentorum, murorum, ac portarum custodiam ab omni incurusione repellit; Ita nos domesticos hostes, nostras videlicet concupiscentias, ne rebelles tumultuentur, moralium virtutum exercitio cohibeamus; Hostes vero externos, sensibilia videlicet objecta, quæ nostram deprædari possunt animam, sensuum externorum custodia ab omni repentina incurusione prohibeamus, necesse est. De concupiscentiis frandendis jam satis diximus. Nunc de sensuum externorum custodia, quorum moderatrix, & custos est Modestix virtus, pauca dicamus, quæ ad omnes quidem, [*nam modestia vestra nota sit omnibus hominibus*, ad Philippenfes scribens (5) inquit Apostolus] sed ad Clericos potissimum

(1) 1. Petri cap. 5.

(2) S. Gregorius moral. lib. 34. c. 18.

(3) Job. cap. 7.

(4) Ad Ephes. cap. 6.

(5) Ad Philipp. cap. 24.

tissimum pertinent; *Clerici enim, juxta Tridentinam (1) Synodum, in sortem Domini vocati, vitam, moresque suos omnes sic componere debent, ut habitu, gestu, incessu, sermone, aliisque omnibus rebus, nil, nisi grave, moderatum, ac Religione plenum, præferrerant: levia quoque delicta ita effugere, ut eorum actiones cunctis afferrant venerationem.*

II. Utque a lingua exordiamur; *Si quis (2) putat, se religiosum esse, non refrænans linguam suam, sed seducens cor suum, hujus vana est religio: Contra vero, si quis in verbo non offendit (3), hic perfectus est vir. Præterea quamquam quis vitam (4) fide muniat, scientia regat, charitate, & sobrietate componat; nihil tamen est, quod in homine placeat, si in toto corpore lingua displiceat. Curam itaque omnem in lingua cohibenda exercere nos oportet; & primum quidem, ut a multiloquio abstineamus: In multiloquio enim non deerit peccatum, & qui (5) multis utitur verbis, lædet animam suam. Quis autem peccata recenseat, quæ ex multiloquio proficisci solent? Sicut Urbs (6) patens, & absque murorum ambitu; ita vir, qui non potest in loquendo cohibere spiritum suum. Lingua ignis est, teste Jacobo (7), & universitas iniquitatis. Modicum quidem (8) membrum est, & magna exaltat: ecce quantus ignis quam magnam sylvam incendit! Tria autem potissimum sunt peccatorum genera, quæ ex neglecta linguæ custodia oriri, ac foveri consueverunt; impudicitia videlicet, detractio, & mendacium.*

III. Quod ad impudicitiam attinet; quamquam Apostolus, ipsum luxuriæ vitium, ipsamque immunditiam inter Fideles familiari colloquio nominari vetet; *Fornicatio (9) autem, & omnis immunditia, aut turpitudine, aut stultiloquium nec nominetur in vobis, sicut decet Sanctos; eo tamen impudentiæ nostra hac atate deven-*

(1) Trid. sess. 22. de reform.

(2) Jacobi cap. 1.

(3) Jacobi cap. 3.

(4) S. Valerius in Bibliotheca Patrum.

(5) Proverb. cap. 10.

(6) Proverb. cap. 25.

(7) Jacob. cap. 3.

(8) Jacobi cap. 5.

(9) Ad Ephes. cap. 5.

deventum esse dolemus, ut Fideles plurimi nonnisi obscena, ac turpia scire loqui videantur. Nullus jam sive in compitis, sive in viis, sive in officinis inter loquendum servatur pudor, verecundia nulla. Quamquam pueri adsint, honestæ matronæ, in-nuptæ puellæ, ipsique Sacri Altaris Ministri, a turpibus tamen verbis, atque inverecundis sermonibus temperare sibi nesciunt, & tamquam (1) *sepulchrum patens est guttur eorum*. Cantiuncula etiam quædam publice cantantur in viis, quibus plurimum libido fovetur, turpiaque in audientium mentibus phantasmata excitantur. Contra has linguas (2) *a gehenna inflammatas* Parochorum in Nostra Diocesi zelus exardescat, ut qua publicis hortationibus, qua privatis correptionibus obstruatur os loquentium obscena. Quod si parum, aut nihil se proficere videant, iniquos hujusmodi homines Nobis denuncient, ut eos pœna sive pecuniaria, sive corporis afflictiva coerceamus. Reliquos vero Fideles ab hujusmodi prava consuetudine contrahenda absterreant, iis grave peccandi periculum ostendentes, cui & se, & alios committerent, si turpes hujusmodi sermones miscerent: *corrumpunt enim, bonos* (3) *mores colloquia prava, & os* (4) *lubricum operatur ruinas*. Qua quidem in re cautos potissimum esse moneant Patresfamilias, quorum loquendi licentiam facile ii omnes, qui subsunt, ac præsertim pueri, imitantur. *Puer* (5) *enim ea lingua loquitur, qua homines, inter quos natus, educatusque est*.

IY. Quod autem ad detractionem pertinet, Jacobi monitum audiatur (6): *Nolite detrahere alter alterutrum, Fratres*. At quam facile est, ut quis, nisi linguam suam caute custodiat, proximorum famæ non unum, nec leve vulnus infligat! Quam difficile tamen est inflicto vulneri opportunam adhibere medicinam, læsamque proximi famam reparare! Non paucos sane alienæ famæ detrahentes; nullos, vel fere nullos illatam reparantes inju-

(1) Psal. 5. v. 11.

(2) Jacobi cap. 3.

(3) 1. Ad Cor. cap. 15.

(4) Prov. cap. 26.

(5) S. Aug. lib. de quant. animæ c. 18.

(6) Jacobi cap. 4.

injuriam audimus, cum tamen charitas, & iustitia postulent, ut reparetur. Duo autem hominum genera in hoc vitium labuntur facilius, ac proinde in loquendo cavere sibi debent diligentius. Primum est eorum, qui cum sint hilarioris ingenii, & ex propria indole loquaciores, sæpe aliena dicta, & facta non inficetis modis irrident, modo proximorum virtutes, ac bene facta deprimentes, modo vitia, erroresque elevantes, ita ut bonæ eorum famæ, atque exultationi non parum detrahatur. Alterum eorum est, qui cum ignea consent natura, sunt ad iram procliviores, quæ dum adversus aliquem corripuntur, quidquid in buccam venit, in illum evomunt, & dicenda, tacendaque proferre in medium non verentur. Hos monitos serio volumus, ut procacitati suæ, & garrulitati temperent, nisi Deo, hominibusque velint esse odibiles. *Detractores enim Deo odibiles esse affirmat Apostolus (1); & ut a Sapiente in Proverbiis monemur (2); abominatio hominum detractor. Attendant itaque, ne forte labantur (3) in lingua; & cadant in conspectu inimicorum insidantium eis, & sit casus eorum insanabilis in mortem.*

V. Tandem qui multiloquio utitur, facillime, nisi caveat, mentitur: *Os autem (4), quod mentitur, occidit animam.* Quamobrem sic Fideles hortamur cum S. Ambrosio: *Fratres, caveo mendacium, quia omnes, qui amant mendacium, filii sunt diaboli.* In Sacris enim Litteris (5) mendacii pater Dæmon nuncupatur. Fas quidem est, uti docet Angelicus, veritatem aliquando prudenti dissimulatione celare: nunquam autem mentiri licet, cum (6) *Scriptura Sacra prohibeat etiam pro alterius vita mentiri.* Ut enim inquit S. Augustinus (7): *verba propterea instituta sunt, non per quæ se invicem homines fallant, sed per quæ quisque in alterius notitiam cogitationes suas proferat. Verbis ergo uti ad fallaciam, non ad quod*

(1) Ad Roman. cap. 1.

(2) Proverb. cap. 24.

(3) Eccli. cap. 28.

(4) Sapientiz cap. 1.

(5) Joa. cap. 8.

(6) Alexander III. in cap. *Supra eo 4.* de Usuris.

(7) S. Augustinus in Enchiridio c. 22. relatus in can. *Is autem* caus. 22. qu. 2.

quod sunt instituta, peccatum est. Ad hæc evitanda peccata, quæ ex neglecta linguæ custodia tam facile oriuntur, tria Fidelibus Parochi insinuent sequenda consilia. Primum illud est, quod Sacra proponunt Litteræ (1): *Sit omnis homo velox ad audiendum, tardus autem ad loquendum*; videlicet, ut ait S. Bernardus, *antequam verba proferas* (2), *bis ad limam veniant, quam semel ad linguam*. Alterum est, ut, antequam loqui incipiamus, Davidicis illis utamur ad Deum precibus (3): *Pone, Domine, custodiam ori meo, & osium circumstantia labiis meis*. Tertium tandem est, ut si forte lingua nostra labamur, in admitti criminis vindictam pœnam aliquam a nobismetipsis ultro exigamus.

VL *Non solum nihil ipsi indecorum loqui* (verba sunt S. Bernardi) *sed ne aurem quidem debemus hujusmodi præbere dictis, quia quem delectat audire, alterum loqui provocat: audire quoque, quod turpe sit, pudori maximo est.* Nefas ergo est, ac præsertim Ecclesiastico Viro, sive lascivis, sive maledicis libenter aurem præbere sermonibus; tum quia si auditis gaudeat, ac delectetur, lethali culpa se alligat; tum quia si libenter audiat, multoque magis si plaudat, alterum ad loquendum provocat, eique peccandi occasionem præbet; tum demum quia turpia illa seu dicta, seu facta, quæ auribus percipiuntur, audientis mentem pervadunt, animumque pravis cogitationibus percellunt. *Hinc sagitta vulnerant lingua eorum*, uti Jeremias affirmavit. *Et generatio* (4), *quæ pro dentibus gladius habet*, vocantur in Scripturis homines perversa loquentes. Sepiendæ (5) proinde sunt aures nostræ spinis, & lingua nequam non est audienda. Detrahente enim (6), vel detrahentem audire, utrum damnabilius sit, non facile constat, non enim essent, qui detraherent, si non adessent, qui detrahentes audirent. Id autem facile assequemur, si familiare hujusmodi homi-

(1) Jacobi cap. 1.

(2) S. Bernardus.

(3) Psalm. 140. v. 3.

(4) Prov. cap. 39.

(5) Eccli. cap. 28.

(6) S. Hieronymus epist. ad Nepotianum, & S. Bernardus lib. 2. de consideratione ad Eugenium.

hominum confortium fugiamus. *Remove (1) a te os pravam, & detrahentia labia sint procul a te.* Quod si declinari eorum occurfus, & alloquium nequeat; cum primum vel obscena loqui, aut alienæ famæ detrahere incipiunt; vel increpandi sunt, ac dimittendi, si videlicet majores, aut digniores iisdem simus; vel amice monendi, aut alius prudenter miscendus sermo est, si pares nobis sint; vel tandem si majori, quam nos, auctoritate, aut dignitate præfulgeant, ad gravitatem, tristitiamque vultum nostrum componamus oportet, ut iisdem ingratos nobis esse, ac permolestos hujusmodi sermones intelligant. *Sicut enim ventus Aquilo (2) dissipat pluviam, sic facies tristis linguam detrahentem.*

VII. *Negius oculo quid creatum est?* Verba sunt Ecclesiastici (3). Et sane nisi quis oculos suos assidua moderatione custodiat, plurimis brevi se implicitum iniquitatibus conqueretur. Quamobrem *portas mortis, ostiaque tenebrosa* illos appellat Hieronymus, cum per eos facile in incautorum animos peccati mors ingrediatur. Cum enim ex una parte segnius irritent animos demissa per aures, quam quæ fidelibus oculis subiiciuntur; ex alia vero *sensus (4), & cogitatio humani cordis in malum prona sint ab adolescentia*; nemo futurum non videt, ut, si liberius in omnem partem vagentur oculi, objecta delectabilia, licet vetita, videntis animum vividius pertentent; concupiscentia quasi ignis exardescat; & verendum maxime sit, ne voluntas tandem suavis voluptatis illecebris devicta succumbat. Hinc sapienter monemur in sacris Litteris (5): *averte faciem a muliere compta*; nam ex hoc concupiscentia quasi ignis exardescit. Certum illud est, neminem posse se Davide sanctiorem existimare; qui tamen cum oculos suos non continuisset, duplici se gravissimo adulterii, atque homicidii crimine commaculavit. Ad hanc itaque oculorum modestiam diligenter Fideles hortentur Parochi, ac adolescentes

E c e præfer-

(1) Prov. cap. 4.

(2) Prov. cap. 25.

(3) Eccli. cap. 31.

(4) Genesis cap. 8.

(5) Eccli. cap. 9.

præfertim, puellasque, quorum, quo vividior, eo etiam periculiosior est sensus. Illud etiam iisdem crebro insinuent, ut, si Deiparæ Virginis patrocinio se protegi velint, virgineam ejusdem modestiam imitari curent studiosissime.

VIII. Quod ad gustus, tactusque sensum attinet, plura superius jam diximus. Aliquid dumtaxat de externo totius corporis habitu, modestiaque est innuendum. *Quomodo* (1) *in aquis resplendet vultus prospicientis, sic corda hominum manifesta sunt prudentibus. Ex visu* (2) *enim cognoscitur vir, & ab occurso faciei cognoscitur sensatus: amictus corporis, & risus dentium, & ingressus hominis enuntiant de illo.* Hinc vir apostata ab externo corporis habitu, incessuque nobis describitur in sacris Paginis (3): *Homo apostata vir inutilis, graditur ore perverso, annuit oculis, teris pede, digito loquitur; ex quibus profecto externis signis Juliani apostasiam, cum Athenis operam litteris daret, perspectam sibi fuisse S. Gregorius Nazianzenus affirmat. Curandum itaque est Fidelibus omnibus, ac præfertim Clericis, ut habitu, gestu, incessu, totiusque corporis compositione Christianam modestiam, gravitatemque præferant, ac ex ipso eorum aspectu unusquisque illos Christi esse Discipulos agnoscat, ac fateatur.*

C A P U T VI.

DE VITA, ET HONESTATE CLERICORUM.

QUÆ de Christiani hominis erga semetipsum officio, quod in concupiscentiis cohibendis situm est, sectandisque virtutibus, hætenus disseruimus; ea quidem ad Christianum quemlibet hominem, sed ad Clericos potissimum pertinent, quos in sortem Domini vocatos, & a reliquo segregatos populo decet esse Sanctos, quoniam Sanctus est Dominus, cujus servitio se totos ultro manciparunt. Verum cum illos eo sanctiores laicis esse deceat, quo sublimius est ministerium, ad quod a Deo

(1) Prov. cap. 27.

(2) Eccl. cap. 19.

(3) Prov. cap. 6.

Deo assumuntur, & nobiliores sunt tituli, quibus in sacris Literis nuncupantur; ideo aliqua speciatim de eorum vita, & honestate hic duximus esse statuenda, ut eadem servantes (1) *in omnibus exhibeant semetipsos sicut Dei Ministros, nec vituperetur ministerium nostrum*. Audite ergo Nos, Venerabiles Fratres, & Filii charissimi, genus electum, regale Sacerdotium, gens sancta, Populus acquisitionis, & nobilior commissi Nobis Domini Gregis portio: inclinate aurem vestram in verba oris nostri, ac peramanter excipite, atque opere complete monita Patris vestri, ut hæreditatem ejus, qui vos elegit, adipisci, &, tamquam lucernæ lucentes in caliginoso loco, cæteris verbo, & exemplo præfulgere valeatis.

ARTICULUS I.

De Clericalis status dignitate, ac præstantia.

ET primum quidem agnoscite, Venerabiles Fratres, & Filii charissimi, dignitatem vestram, ad quam a populo segregati, divinitus evecti estis, & nolite in veterem vilitatem degeneri conversatione redire. Data vobis est, o Sacerdotes, potestas in Cælo, & in terra, ut per consecrationis verba, quæ in Missæ Sacrificio a vobis proferantur, Unigenitus Dei Filius, sedens ad dexteram Patris, totus, & integer sub Eucharisticis constituatur speciebus, & idem ille Christus, qui in Ara Crucis semel se ipsum cruenta obtulit, iterum incruente immoletur: per absolutionis vero verba, quæ in ministrando Pœnitentiæ Sacramento super Fideles effunditis, mediatores inter Deum, & homines constituti, scelestissimos quosque, contritos tamen, ac rite dispositos, Deo reconcilietis, eosque, sublato criminum quorumlibet, ac pœnarum æternarum reatu, pristina Filiorum Dei conditioni, atque hæreditario ad regnum Cælorum juri restituat. Hac autem dignitate, ac potestate, qua ipsi carent Angeli

E e e 2

geli

(1) 2. ad Cor. cap. 6.

404 CONSTITUTIONES SYNODALES

geli (cui enim Angelorum dixit Deus : quorum remiseritis peccata , remittentur eis ?) quid sublimius , quid sanctius in terris excogitari potest ? Hinc intelligitis , opinor , quam ob causam Deos sacræ Litteræ nos nuncupent , in quorum Synagoga stare Deus dicitur ; *Deos videlicet Sacerdotes intellige* , ut optime Rupertus Abbas interpretatur , *secundum quod dictum est ad Moysen : Ecce constitui te Deum Pharaonis ; nimirum secundum divini dignitatem officii* .

II. Cum autem Ministri sitis Christi , & dispensatores Mysteriorum ejus ; Christi quoque bonus odor sitis oportet , ac jugi virtutum omnium exercitio ad Deum Laicos adducatis , quorum Pastores , ac Duces effecti estis . Vos enim estis sal (1) terræ , per quos condiendi sunt quodammodo Populi , ac peccatorum putores extinguendi . Vos estis lux mundi , per quos illuminandi sunt ii , qui in tenebris , & in umbra mortis sedent . Vos estis Civitas supra Montem posita , in quam prætereuntium oculi sedulo figunt obtutum . Videtis igitur , atque intelligitis , quanta morum sanctitate , doctrinæque præstantia vos esse instructos oporteat , ut & dignitatis , qua præditi estis , & ministeriorum , quæ commissa vobis sunt , mensuram pro viribus exæquetis . Quantum (2) vero sit hujus disciplinæ pondus , quæ perfectio virtutum , quod sanctitatis exemplum ad illud sustinendum requiratur , nemo est , qui non videat , cum levia quoque delicta , quæ in vobis maxima essent , ita effugere debeatis , ut actiones vestræ cunctis afferant venerationem .

III. Hæc , aliaque hujusmodi plura , quæ jam alias aut legistis , aut audistis , Venerabiles Fratres , ac Filii charissimi , frequenter vos ipsi cogitate , ut leges illas , quas ad Sacrorum Canonum normam de vestra vita , inorumque honestate feremus , alacrius , exactiusque servare studeatis .

(1) Matth. cap. 5. S. Augustinus lib. 1. de Serm. Domini in monte cap. 6.

(2) Trid. sess. 13. de reformat. cap. 12.

ARTICULUS II.

De Clericorum pietate.

UT a Clericorum erga Deum pietate, quemadmodum decet, ordiamur; Sacerdotes omnes, & singuli, cujuscumque sint gradus, dignitatis, & conditionis, Dominicis, & reliquis Festis diebus, uti superius alibi statuimus, nisi jure impediantur, Missam celebrare non omittant. Diaconi, & Subdiaconi quindenis quibusque diebus, reliqui vero Clerici semel saltem in mense Pœnitentiæ Sacramento rite expiati, Sacra Eucharistia reficiantur. Clerici omnes, sive in sacris Subdiaconatus, & Diaconatus, sive in minoribus Ordinibus constituti, sive prima Tonsura initiati, quotidie Missæ Sacrificio religiose intersint. Mentali, & vocali orationi sedulo vacent, verbum Dei frequenter audiant, & Ecclesiæ, cujus servitio sunt adscripti, fideliter inferviant. Ex Sacræ Scripturæ, piorumque librorum lectione virtutum documenta, & exempla avide addiscant. Sacra Tempia frequenter invisant; Divinæ Eucharistiæ sint cultores eximii; eandem, cum ad ægrotos defertur, religiose comitentur; & in Sacris ob-eundis Functionibus frequentiam suam, diligentiamque desiderari non sinant. *Hæc enim secundum Apostolum (1) est voluntas Dei sanctificatio nostra.* Hanc ob causam damus in Appendice num. 5. brevem recte vivendi methodum, ac certas meditandi regulas partim ex S. Francisci Salesii operibus, partim ex Pastoralibus, quas vocant, B. Gregorii Barbadici litteris excerptas.

II. Hortamur etiam in Domino, & enixe rogamus Presbyteros omnes, ac præsertim Confessarios, Parochos, Dignitates, Canonicos, ac Beneficiatos, ut ad octo, vel decem dies quotannis in religiosum aliquem locum secedant, in quo Exercitiis spiritualibus vacent, ac piis meditationibus animum excolant ad
nor-

(1) 1. Ad Cor. cap. 10.

normam Epistolæ Encyclicæ (1) jussu Clementis XI. ad Italiæ, & adjacentium Insularum Episcopos datæ, præter plenariam peccatorum indulgentiam iis concessam, qui per decem dies Exercitiis spiritualibus vacent, ac vere pœnitentes, & Confessi sacra Communionem reficiantur, sit etiam facultas Parochis, cæterisque Choro adscriptis, ut semel in anno [extra Adventum tamen, Quadragesimam, ac solemniore dies] si in his spiritualibus Exercitiis, Nostra accedente licentia, occupentur, pro eo tempore a residentia absoluti intelligantur, & fructus, ac distributiones quas-cumque, perinde ac si interessent, lucrari valeant.

III. Clerici omnes, qui vel beneficiis Ecclesiasticis aucti, vel in sacris Ordinibus constituti, ad Horas Canonicas recitandas obligantur, easdem suis temporibus studiose recitent, ac devote. Mane, meridie, ac Vespere, cum æris Campani pulsu signum datur Salutationis Angelicæ; & prima noctis hora, cum Campani pariter æris sonitu excitantur Fideles, ut pro Defunctis pias ad Deum fundant preces; & feria sexta cujuslibet Hebdomadæ hora vigesima prima, & quotidie hora vigesima tertia, cum eodem signo monentur Fideles ad Dominicam recolendam Passionem, & ad orandum pro iis, qui in extremo vitæ agone constituti cum morte luctantur; Ecclesiastici Viri, sive in privatis domibus, sive in publicis versentur viis, Laicos exemplo præeant, flexisque ad terram genibus ea, qua par est, reverentia, ac pietate, præscriptas recitent preces. Si quod a sanctis, ac litterariis occupationibus supersit tempus, illud seorsim a turba cum viris bonæ famæ, ac præsertim Ecclesiasticis, in aliqua honesta conversatione, non in otiosis confabulationibus, aut in lusorum conventiculis impendant, ne otio ad corporis vires reficiendas dato in suæ salutis interitum, & in aliorum offensionem abutantur.

(1) Litteræ Encyclicæ S. Cong. Conc. 1. Febr. 1710. Bullar. Clem. XI. par. 2. pag. 345. n. 4.

ARTICULUS III.

De Clericorum doctrina.

Doctrina sine vita (verba sunt Concilii (1) Aquisgranensis) Clericum contemptibilem reddit, & vita sine doctrina inutilem facit. Clericorum itaque vitam non minus scientia, quam conversatione integram esse, ac laudabilem decet, ut qui Laicis gradu, & ordine præfunt, moribus etiam eos præcant, ac doctrina. Et sane ignorantia, quæ vix in Laicis toleranda est, in Ecclesiasticis, quorum labia (2) custodire debent scientiam, nec excusatione digna esse videtur, nec venia. In optimis itaque se studiis, sacrisque Litteris diligenter exerceant, sacros Ritus, Rubricas, & Cæremonias calleant, cantumque Gregorianum addiscant, ut divina munia in Ecclesiis cum pietate obeant, ac majestate. Morali præfertim Theologiæ, ac Juri Canonico strenuam navent operam; Casuum Conscientiæ collationibus, & Sacræ Scripturæ Lectionibus, quæ a Canonico Theologo in Nostro Cathedrali Templo haberi solent, nunquam non intersint; mutuos etiam inter se sermones misceant de iis, quæ ex optimorum librorum lectione didicerunt. Eam ob causam librorum hujusmodi habeant, si non copiam, necessarium sane delectum. Omnino vero Clericus quilibet in Sacris Ordinibus constitutus Sacram Scripturam habeat, Concilium Tridentinum, ejusque Catechismum, Rituale Romanum, & Synodales hæc Constitutiones, præter probatum aliquem Theologiæ moralis auctorem. Parochi vero præterea alios sibi comparent libros, qui de animarum cura bene gerenda, ac de Verbo Dei fideliter, recteque administrando pertractent. Hæc autem Synodales Nostre Constitutiones assidue legant, ut instructiores fiant ad ea omnia rite, recteque exequenda, quæ ad ipsos pertinent, & quæ in iisdem Constitutionibus collecta reperiun-

(1) Concilium Aquisgranen. anni 816.
can. 20.

(2) Concil. Rom. sub Benedicto XIII.
ann. 1725. tit. 16. cap. 3.

periuntur . Caveant tandem ab iis studiis , quæ vana , & inutilia , & Ecclesiastico viro prorsus indigna a cordatis hominibus existimantur .

ARTICULUS IV.

De Clericorum Residentia .

Clerici omnes sive in minoribus , sive in Sacris Ordinibus constituti , cum vel in Ordinum susceptione , vel saltem per Nostras hæc Synodales Constitutiones , aut Cathedralis , aut alterius Nostræ Diocesis Ecclesiæ servitio sint adscripti (1) , *ubi suis fungantur muneribus , nec incertis vagentur sedibus , locum Nobis inconsulti non deserant* : Secus enim ad ultteriores Ordines non promovebuntur : Ii vero , qui jam Presbyteratus Ordine sunt insigniti , quamquam nullum habeant beneficium , quod residentiam postulet ; Nostram tamen Diocesim non relinquunt , nisi , petita a Nobis venia , Litteras Nostras testimoniales , quas *Discessus* vocant , obtinuerint ; secus enim subibunt pœnas a Tridentina Synodo (2) , & a Concilio Romano (3) adversus hujusmodi inobedientes , & contumaces constitutas . Dignitates , Canonici , ac Beneficiati omnes Nostræ Tusculanæ Cathedralis Ecclesiæ quoad personalem residentiam , & Chori servitium diligentissime servant Capitulares Constitutiones , easque leges , quas de hac re superius *part. 1. hujus Synodi cap. 9. art. 4.* edidimus .

II. Parochis vero in memoriam revocamus tria illa Concilii Tridentini Decreta , quorum primo (4) statuitur , ut personaliter in Ecclesiis suis resideant , neque greges sibi commissos mercenariorum more deserant . 2. ut , licet ipsis per duos menses abesse quotannis a Concilio Tridentino concedatur ; non tamen abesse possint , nisi discedendi licentiam in scriptis ab Episcopo obtinuerint : *Quandocumque eos , causa prius per Episcopum cognita ,*
Et pro-

(1) Trident. sess. 23. cap. 8. de reform.

(2) Trid. loc. cit.

(3) Concilium Romanum sub Bene-

dicto XIII. ann. 1725. titul. 6. cap. 2.

(4) Trid. sess. 6. de reform. cap. 1., &

sess. 23. de reform. cap. 1.

Et probata, abesse contigerit (sunt verba Tridentini (1) , quibus plures accessere Sacre Congregationis Concilii(2) declarationes). *Ut autem ultra duos menses abesse possint, gravis causa requiratur: Discedendi autem licentiam in scriptis, gratisque concedendam ultra bimestre tempus, nisi ex gravi causa, non obtineant, (verba sunt pariter ejusdem (3) Tridentini) ; Et tandem, ut quandocumque eos abesse contigerit, Vicarium idoneum ab ipso Ordinario approbandum cum debita mercedis assignatione relinquant. 3. ut absque legitima causa, & sine Ordinarii licentia non residentes, præter peccati mortalis reatum, quem incurrunt, pro rata absentiae fructus non faciant suos, eosque, etiam alia declaratione non secuta, restituere teneantur (4). Si quis autem (quod utinam numquam eveniat) contra hujus Decreti dispositionem absuerit, statuit sacrosancta Synodus, præter alias penas adversus non residentes sub Paulo III. impositas, Et innovatas, ac mortalis peccati reatum, quem incurrat, cum pro rata temporis absentiae, fructus suos non facere, nec tuta conscientia, alia etiam declaratione non secuta, illos sibi detinere posse, sed teneri, aut, ipso cessante, per Superiorem Ecclesiasticum illos Fabricæ Ecclesiarum, aut pauperibus loci erogare, prohibita quacumque conventionione, vel compositione, quæ pro fructibus male perceptis appellatur, ex qua etiam prædicti fructus in totum, aut pro parte ei remitterentur, non obstantibus quibuscumque privilegiis cuicumque loco, aut Fabricæ concessis. Hoc Tridentini Decretum, licet de Episcopis loquatur, statim tamen ab eodem Concilio ad Parochos etiam extenditur. Sic enim statim subditur. Eadem omnino etiam quoad culpam, amissionem fructuum, Et penas, de Curatis inferioribus, Et aliis quibuscumque, qui beneficium aliquod Ecclesiasticum curam animarum habens obtinent, Sacrosancta Synodus declarat, Et decernit.*

III. Cum non ignoremus, quam noxia Populo semper sit Pastorum absentia, sciant Parochi omnes, futuros Nos esse di-

F f f

ctorum

(1) Trid. sess. 23. de reform. cap. 1.

part. 9. de Benef. capit. 2. num. 295.

(2) Sac. Cong. Concil. ann. 1593; in respons. ad Epif. Abulen. ap. Garciam

(3) Trid. loc. cit.

(4) Trid. sess. 23. de reform. cap. 1.

410 CONSTITUTIONES SYNODALES

ctorum Decretorum Custodes vigilantissimos, & Canonicarum poenarum exactores severissimos. Inno Populorum salutem (1), & commodo consulere volentes, Parochis omnibus, aliisque curam animarum habentibus præcipimus, ac mandamus sub poenis arbitrio Nostro infligendis, ut, etiamsi rationabilis adsit causa, idoneusque constitutus ab iis fuerit Vicarius, a propriis Ecclesiis absque Nostra, seu Vicarii Nostri Generalis licentia ultra bidduum (2) non absint. Quod si forte ob aliquam gravem, ac necessariam subito abscedendi necessitatem petere ante discessum licentiam non potuerint, per epistolam statim petant, causamque discessus exponant, ut Nos, re discussa, utrum concedenda sit, an deneganda licentia diuturnioris extra propriam Parochiam moræ, dijudicare possimus.

ARTICULUS V.

De exteriori Clericorum modestia, habituque.

QUamquam maxima Clericorum cura in interna morum honestate, quæ Ecclesiastico sit digna viro, sibi comparanda collocari debeat; Cum tamen versari eos cum aliis hominibus oporteat, qui externa rerum sensibilibus specie maxime afficiuntur; Ita proinde gestum, incessum, habitum, totumque corpus componere ad modestiam debent, ut in iis nil, nisi grave, moderatum, ac religione plenum videatur. Quod quidem, si ubique, & semper, certe tunc potissimum præstandum ab iis est, quando vel Ecclesiasticas obeunt functiones, vel in templis oraturi, aut verbum Dei audituri versantur, ut videlicet Populus eorum excitatus exemplo res sacras revereri, Deumque ea, qua decet, Religione discat venerari.

II. Quod ad externum spectat habitum, etsi habitus non facit

(1) Sac. Cong. Concilii in Treviren.
11. Febr. 1623., & in Monopolitana 16.
Decemb.

(2) Concil. Rom. sub Benedicto XIII.
anno 1725. tit. 17. cap. 6.

facit Monachum (1); oportet tamen Clericos vestes proprio congruentes Ordini semper deferre, ut per decentiam habitus extrinseci morum honestatem intrinsecam ostendant. Quare precipimus; ac mandamus, ut Dignitates, Canonici, ac Beneficiati Talari induti veste (2) incedant, cum ad Ecclesiam pergunt, vel Missam celebraturi, vel Choro interfuturi: quod quidem etiam precipimus, ut a Presbyteris, & Clericis reliquis fiat, quando Templum adeunt, ut Sacris operentur, vel ut Choro statutis diebus intersint. Si enim puderet eos quam maxime, & irreverentiæ se reos esse arbitrarentur, quoties sine huiusmodi talari veste supremum Ecclesiasticum Pastorem publice, & cum pompa procedentem comitarentur; Nonne multo magis pudere eos, maiorisque irreverentiæ reos se arbitrari oportet, si Regi Regum, & Domino Dominantium in Ecclesiasticis functionibus famulaturi, sine talari veste, quæ proprium est eorum ornamentum, ac veluti insigne, accedere audeant? Extra Missæ celebrationem, & Chorum breves iisdem, & modestas, & nigri coloris permittimus vestes cum brevi pallio, in Urbe, & in Oppidis gestandas. Breviores quoque, & alterius modesti coloris vestes tolerabimus extra urbem (3), & extra Oppida, dum campestria petunt, dummodo collare numquam deponant. Venatoriam vero vestem per Civitatem, & Oppida sub pœnis arbitrio Nostro infligendis non circumferant. Neque comam nutriant, neque fistitiam, nisi de Nostra licentia, adhibeant; sed omnes Tonsuram, & Coronam conspicuam Ordini suo congruentem ferant. Non calamiistrati, neque longiores sint crines (4), sed ita tonsi, ut aures pateant. *Qui enim ad sortem Domini vocatus comam nutrit, inquit S. Augustinus (5), Et capillos radere, vel tondere erubescit,*

FFF 2

profi-

(1) Trid. sess. 14. de reformat. cap. 6., & sess. 24. de reformat. cap. 12.

(2) Sac. Cong. Concilii 20. Maii, & 8. Julii 1690., & Sac. Cong. Episcoporum. 22. Maii 1699.

(3) Clem. fin. de vita, & honest. Clericorum.

(4) Can. Non liceat, & can. Tonsura dist. 23., Clement. ult. de vita, & honestate Cleric., Concil. Rom. an. 1725. cap. 3.

(5) S. Augustinus de contemptu Mundi.

412 CONSTITUTIONES SYNODALES

profecto se non de Dei, sed de Mundi sorte esse testatur. Nihil in iis sit, quod Sæcularem pompam, ac Mundi vanitatem redolet: at neque laceræ, neque sordidæ sint vestes, ne exinde apud Laicos Clericalis dignitas vilescat. Vestes pullas, ait S. Hieronymus (1), æque devota, ut candidas: ornatus, ut sordet, pari modo fugiendi sunt, quia alterum delicias, alterum gloriam redolet.

III, II, qui prima Tonsura sunt initiati, vel in minoribus Ordinibus constituti (2), si Clericalibus gaudere velint privilegiis, habitum, & Tonsuram Clericalem gestent, & Ecclesiis, quibus sunt adscripti, diligenter inserviant. Quod si habitum dimiserint (3), & Laicorum instar Sæcularibus se negotiis immiscuerint, ex Clericorum albo, præmissis Canonicis monitionibus, illos expungemus, & omnibus Clericalibus privilegiis privatos esse declarabimus. Qui autem aut majoribus Ordinibus sunt insigniti, aut Ecclesiasticum (4) aliquod obtinent Beneficium, habitu, ac Tonsura semper, & ubique utantur, sub pœna suspensionis ab Ordinibus pro prioribus, & privationis Beneficiorum pro posterioribus ad normam Concilii Tridentini, & Apostolicarum Constitutionum infligenda. Ea de causa Constitutionem Benedicti XIII. damus in Appendice num. 6.

ARTICULUS VI.

De Mulierum conversatione, & cohabitatione a Clericis vitanda.

QUI in sortem Domini vocati sunt, divinarumque rerum ministerio addicti (5), illorum in Ecclesia Dei status is est, ut si morum gravitate, vitæque exemplo suam ipsi

(1) S. Hieronymus epist. 1. ad Nepotianum.

(2) Trid. sess. 23. de reform. cap. 6., Conc. Rom. an. 1725. tit. 16. cap. 3.

(3) Trid. sess. 14. de reform. cap. 6., Clement. Quoniam. de vita, & honest. Cleric., Litteræ Encyclicæ. de mandato Innocent. XII. 14. Jun. 1698., Sixtus V. Con-

stit. Cum Sacrosancta. 18. Jan. 1589., Sac. Congreg. Conc. in Melphitana Clericat. 18. Sept. 1677.

(4) Sixtus V. in Bulla: Cum Sacrosancta, & Benedictus XIII. in Bulla: Catholica Ecclesia post Concil. Rom. a. 5.

(5) S. Carolus A. A. Mediolan. tom. I. pag. 288.

ipſi dignitatem retineant, magnam afferant auctoritatem ad pie, Chriſtianoque more vivendum. Rurſus ſi quidquam in ullo cujuſvis rei vel minimæ genete offendunt, eorum Ordo ita graviter læditur, ut illum decoris ſplendorem retinere nequeat, qui ad continendos in officio laicos homines non ſolum utilis, ſed maxime etiam neceſſarius eſſe videtur. Cum igitur Clerici exemplo ſuo eſſe debeant veræ pietatis, & Chriſtianæ probitatis Ma- giſtri; idcirco non modo malum ipſum, ſed omnem etiam mali ſpeciem, ac ſuſpicionem vitare eos oportet. Hanc ob cauſam iſdem Sacri Canones omnem cum mulieribus cohabitationem ſub ſeveriſſimis pœnis interdixere, niſi eædem ſint Clericis ſaltem in ſecundo conſanguinitatis, aut affinitatis gradu conjunctæ, cujuſmodi ſunt Matres (1), Aviæ, Sorores, Materteræ, Ami- tæ, fratrum, & ſororum filiæ, & filiorum uxores. Omnibus propterea Noſtræ Diœceſis Clericis edicimus, ut mulierem nul- lam, ſub quovis etiam ancillæ, ſeu famulæ nomine, ſine Nô- ſtra, vel Vicarii Noſtri Generalis in ſcriptis obtenta licentia, do- mi ſecum habere audeant, ne ſeveriſſimis adverſus illos Sacro- rum Canonum pœnis animadvertere cogamur. Si quis tamen Sa- cerdos, aut in ſacris Ordinibus conſtitutus, aut Eccleſiaſtico or- natus Beneficio, neque conſanguineas, neque affines habeat, quarum ope in domeſticis rebus ad uſum vitæ pertinentibus juvari poſſit, eidem liceat (2) unam, alteramve mulierem ſibi in famu- lam aſſumere, dummodo eadem ſit quadragenaria major, & tam rectæ, integræque famæ, ut omnem effugiat ſuſpicionem, & dummodo Noſtra, aut Vicarii Noſtri Generalis licentia, ac facultas acceſſerit.

II. Cum omne quoque incontinentiæ periculum, ac ſuſpi- cionem vitare Clerici teneantur; mulierum (3) ſuſpectarum do- mos ne adeant, & cum iſdem ne familiariter verſentur: Imo-
ne

(1) Sac. Cong. Episc. 7. Junii 1619.

(2) Sac. Cong. deput. in Vigil. 20. Maii 1699.

(3) Can. Volumus, can. Oportet, can.

Feminas. diſt. 81, cap. Inhibendum. de cohabit. Clericor., S. Hieron. relat. in can. Hoſpitiolum diſt. 32., S. Ambroſ. lib. 14. de offic. miniſtro, cap. 20.

414 CONSTITUTIONES SYNODALES

ne ad mulieres quidem honestas, ac piâs nimis frequens, & familiaris sit eorum accessus; neque munera, & litteras ab illis missas temere, facileque admittant, neque comites illis passim se in viis adjungant, præsertim si eadem viridis sint adhuc ætatis, ac formæ venustate commendentur. Nullam tandem mulierem Clericus quilibet (1), sine speciali Nostra, aut Vicarii Generalis licentia, legere, scribere, canere, aut musicum quodcumque pulsare doceat instrumentum. Qui secus fecerit, pœnis multabitur in Jure Canonico, ac præsertim a Concilio Tridentino statutis.

ARTICULUS VII.

De pœnis adversus Clericos incontinentes in Jure Canonico statutis.

S*I non decet Clericos, ut ait S. Augustinus (2), cum mulieribus sedere, vel fabulari, vel domum frequentare, ne suspicio mala inde progrediatur; quanto turpius, & iniquius esse arbitrandum est, eosdem incontinentiæ vitio laborare, suaque corpora, quæ membra sunt Christi, membra facere meretricis! Gravissimas proinde Sacri Canones adversus hujusmodi incontinentes Clericos statuerunt pœnas, quas hic paucis exponimus, ut ex earum gravitate aliquam delicti mensuram capere iidem possint.*

II. Si quis Clericus in flagranti (3) incontinentiæ crimine reperiatur, per Curia Nostre satellites detrudatur in carceres, juxta Concilii Tridentini præscriptum severe puniendus. Quod si semel ita correptus relabatur, vel carceris, vel exilii pœna diuturniore pro arbitrio Nostro multabitur. Crescente vero contumacia, perpetua suspensione, Beneficiorum privatione, atque etiam excommunicatione majori ferietur. Si quis Clericus nefandum

(1) Conc. Prov. Mediol. II. in Actis Mediolan. tom. 1. pag. 59.

(2) S. August. sermon. 37. ad Fratres Eremitæ.

(3) Can. Si quis Clericus. dist. 81., cap.

Et si Clericus. de judiciis; cap. Ut Clericorum. de vita, & honest. Cleric. cap. Si quis quam de cohabitatione Clericorum, & Mulier., Trid. sess. 15. cap. 14.

fandum (1) contra naturam crimen, propter quod venit ira Dei in Filios dissidentiae, perpetraverit; non modo Clericali privilegio, officiis, & Beneficiis privabitur, sed ab omnibus etiam Ordinibus degradatus, Curiae Saculari puniendus tradetur. Contra Clericos abortum procurantes (2), tamquam contra homicidas, effectu sequuto procedetur: Quod si occultum erit eorum crimen, non tamen impune abibit: Sciant enim, qui tale crimen perpetrant, se esse excommunicatos, & irregulares, omnique Clericali privilegio, Officiis, dignitatibus, ac Beneficiis Ecclesiasticis ipso facto privatos. Clericum obscena verba proferentem, impuroque miscentem sermones, nisi monitus resipuerit, suspensione ad arbitrium Nostrum duratura puniemus. Si enim joci, facetiae, & fabulae, quae in Saecularibus nugae sunt, in Sacerdotibus, ut ait S. Bernardus, sunt blasphemiae, quid non erit scurrilitas, & turpiloquium? *Consecrasti os tuum Evangelio: talibus jam aperire illicitum, assuescere sacrilegum est.*

ARTICULUS VIII.

De comessionibus, & ebrietatibus.

A Crapula, & ebrietate omnes Clerici diligenter abstineant, unde vinum sibi temperent, & se vino; nec ad bibendum quisquam incitetur, cum ebrietas, & mentis inducat exilium, & libidinis provocet incentivum. Quare illum abusum penitus decernimus abolendum, quo in quibusdam partibus ad potas aequales suo modo obligant potatores, & ille iudicio talium plus laudatur, qui plures inebriat, & calices sacundiores exhaurit. Siquis autem super his se culpabilis exhibuerit, nisi a Superiore communitus satisfecerit, ab officio, & beneficio suspendatur. His verbis ebrietatis fuga, & in bibendo sobrietas

Cleri-

(1) Cap. Clerici de excessibus Prelator., S. Pius V. Const. Cum primum 1. April. 1566., & Const. Horrendum illud scelus. 3. Sept. 1568.

(2) Can. Consulnisi. caus. 2. quest. 5., Sixtus V. Const. Effrattam. 16. Novemb. 1583.

416 CONSTITUTIONES SYNODALES

Clericis omnibus in Jure (1) Canonico indicitur. Et merito, nam vinolentum Sacerdotem (2) & Apostolus damnat, & vetus lex prohibet, a qua Sacerdotes, qui ministrant in Templo Dei, prohibentur vinum, & sicram bibere, ne crapula, & ebrietate eorum corda graventur. Ea de causa Sacri Canones Clericis omnibus in cauponas, ac tabernas ingressum, nisi longioris itineris causa, interdixere, ut videlicet omne ebrietatis, atque intemperantiæ periculum evitent. Clerici edendi, & bibendi causa tabernas non ingrediantur, nisi peregrinationis necessitate compulsi. Sic statuitur in can. Clerici dist. 44., & alibi (3), Clerici tabernas prorsus evitent, nisi forte causa necessitatis in itinere constituti; & in can. 13. Apostolorum idem statuitur, gravi adjecta in transgressores pœna (4): Siquis Clericus in caupona cibum capere deprehensus fuerit, a communione excludetur, excepto tamen, qui necessario in itinere in commune diverterit hospitium.

II. Nos itaque, quos pro Pastoralis, quo fungimur, Officio exactam Sacrorum Canonum urgere observantiam oportet, Clericis omnibus, qui in Nostra Diœcesi versantur, sive in minoribus, sive in majoribus sint Ordinibus constituti, sub gravibus pœnis arbitrio Nostro infligendis districte præcipimus, atque mandamus, ut vino, in quo, Apostolo teste (5) est luxuria, sobrie utantur; ebrietatem (6), quæ omnium vitiorum fomes, & nutritrix est, diligentissime evitent; & cauponas, ac tabernas, non nisi itineris necessitate compulsi, umquam ingrediantur, neque ante illas, seu non procul ab illis consistentes, sive noctu, sive interdiu a cauponibus, ac tabernariis vinum sibi graviori cum Fidelium scandalo propinari jubeant. Convivia etiam Sæcularia, maximeque nuptialia, in quibus, ut plurimum, insanæ licentiæ frana laxantur; evitare studeant, nequid indecorum ipsi dicant,

(1) Cap. A crap. 14. de vita, & hon. Cler.

(2) Can. Vinolentum. dist. 65.

(3) Cap. Clerici officia. 15. de vita, & honestate Clericorum.

(4) Can. 13. Apost.

(5) Ad Ephes. c. 5. v. 18.

(6) Can. Ante omnia. dist. 35.

cant, aut faciant, vel ab aliis dictum, aut factum ipsi audire, aut videre cogantur. *Presbyteri* (sic statutum legimus in Concilio Agathensi cap. 39. (1)) *Diaconi, Subdiaconi, vel deinceps, quibus ducendi Uxores licentia non est, etiam alienarum nuptiarum evitent convivia, neque his cœtibus misceantur, ubi amatoria cantantur, & turpia, aut obsceni motus corporum Choreis, & saltationibus effertur, ne auditus, aut obtutus sacri Mysteriis deputati, turpium spectaculorum, atque verborum contagione polluantur.* Deinde sapiens illud S. Hieronymi monitum in mentem revocent: *Contemnitur Clericus, qui sæpe vocatus ad prandium ire non recusat: quapropter numquam petentes, raro accedant rogati.* Modesta quoque, ac frugali utantur mensa, qualis Christi militem decet, quæ videlicet ad reficiendas, non ad opprimendas corporis, animique vires sit accommodata, ita ut, qui domi versantur Laici, ab Ecclesiastico viro Christianam Temperantiam, ac laudabilem frugalitatem addiscant. Honeste (2) ambulemus ad eos, qui foris sunt, providentes bona non solum (3) coram Deo, sed etiam coram hominibus, & ambulemus (4) in manifestatione veritatis, commendantes nosmetipsos ad omnem conscientiam hominis coram Deo, ac nemini dantes ullam offensionem.

ARTICULUS IX.

De alearum ludo a Clericis vitando.

DUplex distinguendum est ludi genus: aliud enim est eorum ludorum, qui vel omnino, vel magna saltem ex parte a ludentis ingenio, industriaque pendent; aliud vero eorum est, qui vel unico, vel saltem plus a casu, seu fortuna, quam ab ingenio, ac ludentis industria diriguntur, & qui omnes sub aleæ nomine continentur. Primum ludorum genus, utpote honestum, & non raro utile ad spiritus relaxationem, ut suis mox functio-

G g nibus

(1) Can. *Presbyteri*. dist. 34.

(2) 1. ad Thessalon. c. 4.

(3) Ad Rom. c. 12.

(4) 2. ad Cor. c. 4., & 6.

418 CONSTITUTIONES SYNODALES

nibus obeundis aptior fiat, adhiberi a Clericis posse aperte docet S. Thomas (1), *modo tamen*, ut inquit S. Doctor, *ludus congruat persone, tempori, & loco, & secundum alias circumstantias debite ordinetur, ut scilicet sit & tempore, & homine dignus*. Alterum vero ludorum genus, utpote innumera gignens mala, inhonestum est, atque humano generi perniciosum; adeoque jure optimo legibus cum Ecclesiasticis, tum Civilibus, tam Clericis, quam Laicis interdictum esse nemo est, qui ignoret.

II. Nos itaque Sacrorum Canonum vestigiis inhærentes, quos in hac Nostra Diœcesi, auctoritate per Sacrum Concilium Tridentinum Nobis attributa, quatenus opus sit, instauramus, districte præcipimus sub pœnis cum spiritualibus, tum temporalibus arbitrio Nostro infligendis (2), ut nullus Clericus sive in majoribus, sive in minoribus Ordinibus constitutus, aut etiam prima Tonsura initiatus, si præsertim beneficium obtineat Ecclesiasticum, talis, taxillis, aut quocumque alio vero alearum ludo, in quo sors potissimum dominatur, & quem italice dicimus „*giuoco di resto*“, sive publice, sive privatim, sive per se, sive per alios ludere, aut alios ludentes spectare, aut pro iis spondere, aut iis ad ludendum domum suam commodare audeat. Reliquis autem licitis ludis nonnisi privatim, & moderate operam dare permittimus, dummodo aliæ etiam serventur conditiones, quas Angelicus Doctor (3) his verbis recenset: *Alio autem modo potest esse excessus in ludo secundum defectum debitarum circumstantiarum, puta cum aliqui utuntur ludo vel temporibus, vel locis indebitis, aut etiam præter convenientiam negotii, seu persone. Et hoc quidem quandoque potest esse peccatum mortale propter vehementiam affectus ad ludum, cujus delectationem præponit aliquis dilectioni Dei, ita ut contra*

(1) S. Thom. 2.2. qu. 168. art. 2.

(2) Can. 41., & 42. Apostol., Synod. Quinisexta can. 50., Innocent. III. in Concil. Lateranens. relat. in cap. Cleric., de vita, & honest. Cleric., cap. Inter dilectas. de excess. Prælator., Trid. sess. 12. de

reform. c. 1., Concil. Senonen. c. 15., Mediol. I. par. 2. tit. De armis, ludis &c., Synod. Tuscul. anni 1669. cap. 3., & anni 1703. cap. 10.

(3) S. Thom. 2.2. quæst. 168. art. 3. in corpore.

tra præceptum Dei, vel Ecclesie talibus ludis uti non refugiat. Quandoque autem est peccatum veniale, puta si aliquis non tantum afficitur ad ludum, ut propter hoc velit aliquid contra Deum committere. Siquis itaque aut publice in tabernis aromatariis, tonstrinis, aliisque officinis, aut in domibus publico ludo destinatis, aut nimis frequenter, aut ad multas horas licitis etiam ludis vacet, Nostram non effugiet animadversionem; non enim illum ad honestam animi recreationem, sed ex avaritiæ studio, ac lucri cupiditate, quæ Ecclesiasticum virum maxime dedecet, ludere censendum est. Accedit huc, quod tria satis pretiosa frequenti, ac diuturno ludo amittuntur, uti affirmabat (1) S. Franciscus Borgia, tempus videlicet, pecunia, ac sæpe etiam Dei gratia.

ARTICULUS. X.

De choreis, theatris, aliisque profanis spectaculis a Clerico vitandis.

CLerici, quemadmodum cæteros religionis dignitate antecellunt, ita præ cæteris abstinere a rebus profanis debent, & vulgi studiis, voluptatibusque non indulgere; multoque magis non esse hujusmodi rerum actores. Caveant igitur Clerici omnes, ne personati incedant, ne Choreas ducant, aut saltationes edant, neve eas spectent; ne comædias agant, aut in illis sonorum aliquod instrumentum pulsent, aut profana cantica modulentur: alia quoque profana, & Ecclesiastico viro indigna devitent spectacula, ne aures, oculique divinis officiis addicti, procacibus, impurisque actionibus, & sermonibus polluantur, animusque a Sacrorum munerum cogitatione abductus ad alia distrahatur. Ut autem etiam poenarum metu ab his perpetrandis absterreantur, has adversus transgressores statuimus poenas.

II. Qui in virorum, ac mulierum cœtu Choreas ducet, aut saltationes edet, aut sonorum aliquod instrumentum pulsabit, si Clericus sit in minoribus ordinibus constitutus, carcere, & pecuniaria

G g 2

cuniarum

(1) Ribadeneira in Vita S. Francisci Borgiæ.

niaria pœna ad Nostrum arbitrium plectetur; si vero sacro aliquo Ordine sit insignitus, præter pecuniariam pœnam, per mensem in aliqua Religiosa domo relegabitur, si publicæ sint Choreæ; si vero privatæ sint, foribusque clausis agantur, præter pecuniariam pœnam, suspensione a divinis per aliquot dies a Nobis punietur. Eidem suspensioni, & pœnæ pecuniariæ eos subiiciemus, qui in sacris Ordinibus constituti quocumque tempore, aut loco, sive publice, sive privatim larvati incedent. Si quis vero ad Sacerdotium, seu alium Ordinem sacrum jam promotus, aut Ecclesiastico beneficio insignitus, (quod tamen numquam eventurum credimus) in theatris publicis, in Comædiis, Tragædiis, aut fabulis histrionicis personam aget, aut scenica huiusmodi spectacula promovebit, diriget, aut instituet, præter gravioiorem pecuniariam pœnam, qua multabitur, majori (1) a Nobis plectetur excommunicatione; Clericus vero in minoribus Ordinibus constitutus, si eodem se alliget crimine, carceri mancipabitur, & nonnisi post diuturnam pœnitentiam in aliqua Religiosa, aut Pia Domo peractam, ad superiores Ordines promovebitur. Quicumque tandem Clericus, sive privatis, sive publicis virorum, ac mulierum saltationibus, & Choreis intererit, si in sacris Ordinibus sit constitutus, aut Ecclesiasticum obtineat beneficium, pro qualibet vice decem scutorum; si Clericus sit minoribus tantum decoratus Ordinibus, nullumque Ecclesiasticum habeat beneficium, scutorum quinque pœnam, aliasque pro arbitrio Nostro infligendas subibit. Sub pœna carceris, aut alius arbitrio Nostro infligendis pœnis interdicimus (2) Clericis, præsertim iis, qui sunt Sacris Ordinibus insigniti, ne sive noctu, sive interdiu, sistentes in plateis, sive circumeuntes Civitatem, aut Oppidum, cytharas, aut alia hujus-

(1) Sac. Congr. Concil. in Salmonen. 22. Aug. 1655., & epist. Sac. Congreg. ad Vicar. Capitular. Aquilan. 31. Oct. 1706.

(2) Cap. *Cam decorem*. de vita, & honest. Cleric. Benedictus XIV. de Synodo

lib. 7. cap. 61. n. 11., & Sac. Cong. Episc. in Foro sempronien. 24. Maii 1710., in S. Se. verini 5. Sept. 1712., & in Anagnina 18. Septemb. 1718.

hujusmodi sonora instrumenta pulsare, aut profana modulari cantica, aut aliis canentibus, seu musica instrumenta pulsantibus se comites adungere audeant.

ARTICULUS XI.

De venatione, armorumque delatione Clerico interdicta.

Nullum in Scripturis sanctis sanctum invenimus Venatorem. Esau (1) Venator erat, quoniam peccator erat. Hinc a Sacris Canonibus interdicta Clericis Venatio est. Ne qua tamen hac in re oriatur æquivocatio, duplex distinguenda Venatio est: alia quieta, & sine strepitu, qua laqueis, retibus, aut etiam sclopo, nullis, aut paucis adhibitis canibus, volucres, Lepores, aliæque feræ minores capiuntur; alia clamorosa, & voluptuosa, quæ magno armorum, retium, canum, accipitrum, ac Venatorum apparatu, ac tumultu adversus Urso, Apro, Cervos, aliasque majores feras, & aliquando etiam adversus Aves exercetur. Secunda hæc venatio, quæ aliquam belli speciem præferens, præter multa vitæ pericula, & incommoda, multamque temporis jacturam, immodicas etiam expensas postulat, interdicta in Jure Canonico Clericis est. Episcopum, Presbyterum, aut Diaconum canes, aut accipitres, aut hujusmodi ad venandum habere non licet. Quod si quis talium personarum in hac voluptate sæpius detentus fuerit, si Episcopus est, tribus mensibus a communione; si Presbyter, duobus; si Diaconus, ab omni officio suspendatur (2): Sic in Concilio Aurelianensi statutum legimus. Omnibus servis Dei venationes, & sylvaticas fatigationes cum canibus, & accipitres, aut falcones habere interdiximus (3): Sic idem Aurelianense Concilium decrevit. Venationem, aut aucupationem universis Clericis interdiximus (4): Sic in Concilio Lateranensi IV. Innocentius III. statuit can. 15. *Vestitu*
in super

(1) S. Hieron. in Isaiam, relat. in Can. Esau. dist. 86.

(2) Cap. Episcop. 1. de Cler. venat.

(3) Cap. Omnibus. 2. eod. tit.

(4) Concil. Lateranens. IV. can. 15.

422 CONSTITUTIONES SYNODALES

insuper decenti tam in Ecclesia, quam extra, Clerici assidue utantur, ab illicitisque venationibus, aucupis, choreis, tabernis, lufibusque abstineant (1): Sic Tridentini Patres decrevere.

II. Multæ autem sunt justissimæ causæ, propter quas hoc venationis genus Sacri Canones Clericis interdixere. Prima est frequens, quod in hujusmodi venationibus occurrit, perpetrandi homicidii, adeoque incurrendæ irregularitatis periculum. Secunda est propriæ vitæ discrimen, quod Clerico venatori vel a feris, vel ab aliis venatoribus imminet. Tertia est, quia propter clamorem, ac tumultum venatio hujusmodi plurimum Clericalem modestiam dissolvit, & dehonestat, & ob tubarum clangorem, strepitumque hominum, ac belluarum, & immitem sanguinis ferarum effusionem, quamdam belli speciem præsefert, & asperitatem quamdam, ac truculentiam in venatorum animis excitat, quæ Ecclesiasticæ lenitati omnino adversatur. Quarta est, quia Clerici his venationibus addiçti, divina negligunt officia, aliæque Ecclesiastica munia, quæ obeunda ab iisdem essent, obire recusant. Quinta demum est, quia Ecclesiastici proventus, in pauperes, aliosve pios usus a Clericis erogandi, in rebus ad venationem hujusmodi necessariis comparandis, conservandisque facile dissipantur: quare locum hic habet justissima illa Christi admonitio: *Non est bonum sumere panem filiorum, & dare canibus.*

III. Nos itaque Clericis omnibus Nostræ Dioceseos clamorosas hujusmodi venationes sub pœnis arbitrio Nostro infligendis omnino interdiciamus. Licitas vero, & quietas venationes, ad quas habendas necessarius est sclopus, quamquam non prohibeamus, nullus tamen Clericus exercere audeat, nisi a Nostra Curia licentiam ferendi sclopum in scriptis obtinuerit; & has, quas adjicimus, exacte servet condiciones, videlicet: Primò, ut non nimis frequenter, sed moderate ad relaxandum animum eas exerceat. Secundo, ut a venatione diebus festis, ac jejuniorum abstineat

(1) Trid. sess. 24. de ref. cap. 12.

stineat. Tertio, ut Clericalia insignia numquam dimittat. Quarto denique, ut venaticis armis munitus in locis frequentibus non versetur.

IV. Cum in Sacris Canonibus sub pœna excommunicationis majoris ferendæ sententiæ Clerici arma deferre prohibeantur, [sic enim habemus in cap. *Clerici arma*. 2. de vita, & honestate Clericorum: *Clerici arma portantes excommunicentur*]; idcirco (1) edicimus, ne Clerici arma cujuscvis generis ferant. Quod si Nos probabili, justaque de causa id iis permittendum judicaverimus; tunc, scripto impetrata venia, ipsis uti liceat, non tamen publice, nisi rei, aut facti necessitas postulet; cujusmodi esset, si in periculo aliquo itinere armis ad sui defensionem indigerent. *Clerici nec enses, nec pugionem, nec aliud armorum genus gestent, nisi propter itineris necessitatem.* Sic statutum est in Concilio Aquisi anni 1551., cui consonant alia Concilia, videlicet Moguntinum anni 1549., Narbonense 1551., Aquilejense anni 1596., & alterum Narbonense anni 1609. Arma vero detestabilia, & proditoria, laicis ipsis interdicta, omnino, & in quolibet casu sub pœnis præscriptis in suis Constitutionibus a Romanis Pontificibus, cuilibet Clerico, cujuscumque sit gradus, & conditionis, deferre districte prohibemus. Sua tamen Clericis non desunt arma, quibus instructos semper iis licet incedere. Ea sic ab Apostolo (2) describuntur: *Induite vos armaturam fidei, ut possitis stare adversus insidias diaboli. State succincti lumbos in veritate, & induiti lorica justitiæ: in omnibus sumentes scutum fidei, & galeam salutis, & gladium spiritus, quod est verbum Dei.*

(1) Concil. Mediolanen. I. part. 1. tit. *De armis, ludis, & spectaculis*. pag. 18.

(2) Ad Ephes. c. 6.

ARTICULUS XII.

De negotiis secularibus Clerico cuilibet interdictis.

Nemo Deo militans se negotiis secularibus implicet, ut ei placeat, cui se probavit, uti nos monet Apostolus (1). Nemo enim potest duobus dominis (2) servire, Deo, & mammonæ; & nemo mittens manum suam (3) ad aratrum, & respiciens retro, dignus est regno Cælorum. Quamobrem sub pœnis per Sacros Canones statutis, aliisque arbitrio Nostro infligendis districte prohibemus, atque interdiciamus Clerico cuilibet omnem, & quamcumque negotiationem (4), vel per se, vel per interpositam personam, aut sub alterius nomine exercendam, etiam ad damnum vitandum; immo etiam ad suorum sustentationem ex charitatis officio, nisi idem Clericus ex Sedis Apostolicæ dispensatione facultatem dirigendi suorum conjunctorum res impetraverit, eamque Nobis exhibuerit. Nullus itaque Clericus lucri gratia aliena prædia, aut vectigalia sive directe, sive indirecte conducat, aut hujusmodi conductionis particeps fiat. Nullus in quolibet negotio, seu frumenti, seu vini, seu serici, seu tabaci, cæterisque hujusmodi se ingerat. Nullus Procuratoris, seu Exactoris munus in hisce negotiis suscipiat, neque se alteri negotiorum gestorem, seu factorem præbeat. Cum autem (5) non minus Clericum dedeceat negotiationem exercere, quam externam negotiationis speciem præferre; nullus idcirco Clericus in ipsa etiam bonorum suorum administratione, eorumque cultura, in distractione fructuum, animalium, & cæterorum, quæ in propriis, Ecclesiæ fundis enascuntur, seu aluntur, nec non in comparandis rebus, quæ vel ad proprios usus, vel ad fundos prædictos instruendos sunt necessariæ, adeo indecoris actibus seipsum

(1) 2. ad Timoth. c. 2.

(2) Matth. c. 6.

(3) Lucæ c. 9.

(4) Benedictus XIV. in Constitutio-

ne Apostolica. 13. in Bullario tom. 1.

(5) Clemens XIII. Constit. Cum primum. 17. Sept. 1759.

seipsum exerceat, seseque totum hujus sæculi curis deditum, ac temporalibus lucris inhiantem ostendat, ut sæculares ipsos negotiatores terrenæ aviditatis anxietate superare videatur.

II. Cum Apostolicis suis Litteris (1), quas ab omnibus Clericis sedulo legi, attenteque considerari volumus, Clemens XIII. declaraverit, ac definiverit, cambium activum natura sua esse veræ, & propriæ negotiationis actum, adeoque Ecclesiasticis omnibus vetitum esse censendum, ita ut quicumque e Sæculari, vel Regulari Clero tam proprio nomine, quam per interpositam personam illud contrahat, omnibus obnoxius fiat pœnis, atque Censuris, quæ in Clericos negotiatores constitutæ noscuntur; Nos idcirco sub iisdem pœnis, atque Censuris Clericis omnibus Nostræ Diœcesis interdiciamus, ne eorum ullus aut proprio nomine, aut per interpositam personam cambium activum contrahere umquam audeat. Quod si cambia hujusmodi, aliaque negotia a Laicis inchoata, atque instituta (2) ad Clericos, aut Ecclesias jure hæreditatis, aut alio quocunque titulo deferantur; volumus, ut statim dimittantur. Si vero dimitti sine gravi rerum temporalium detrimento nequeant; præcipimus, ut, Nobis antea consultis, Sacræ Congregationi Concilii supplex pro congruis impetrandis induciis libellus exhibeatur: iis autem impetratis, tum cambia, tum alia quælibet negotia ejusmodi per Laicos, probatæ fidei viros, administrantur. Præcipimus etiam, ut nullus Clericus domus cujusque Laici gubernationem, ac famulatum, & præcipue fœminarum, suscipiat. Indecorum quippe, ac turpe nimis est, ut, qui industriam, operamque suam divino cultui, ac Proximorum utilitati impendere debent, se Laicorum obsequiis, abjectisque serviitiis addicant, & aliquando etiam eorum negotiis administrandis, curandisque pro temporali, eaque fati vili mercede locare non recusent.

III. Tandem dillicite prohibemus, ne Clerici in Sacris Or-

H h h

dini-

(1) Clemens XIII. *Constit. Cum pri-*
mum, 17. Sept. 1759.

(2) Benedictus XIV. *cit. Constit. Apo-*
stolica.

dinibus constituti, seu Medici, seu Chirurgi officio fungantur; ne munera obeant Advocati, Procuratoris, Judicifve in Laico Tribunali tam in Criminali, quam in Civili Judicio, exceptis dumtaxat casibus a Jure permissis, aliisque, in quibus Nostra facultas accedat; ne in profanis rebus Tabellionem agant; ne testimonium coram Judice Laico dicant, in causis quidem Criminalibus sine Apostolicæ Sedis licentia, in Civilibus vero sine Nostra, aut sine Vicarii Nostri Generalis in scriptis danda, & præstito prius in Nostra Curia de veritate dicenda juramento; ne tandem fordidas quascunque artes, viliaque exercent ministeria. Præterea iidem Clerici Sacris Ordinibus insigniti (1) aliorum tutelam testamentariam, aut dativam, vel etiam legitimam, & quæ est a Jure, administrationem, Nobis inconsultis, ne suscipiant: Nos tamen licentiam non concedemus, nisi urgente necessitate, vel nisi de viduarum, ac pupillorum miserabilium pia causa agatur, & tunc quidem ea adjecta conditione, ut Clericus negotiis, ac muneribus, quæ personis Ecclesiasticis sunt interdicta, & a sua professione censentur aliena, non se immisceat. Pro aliis (2) non fidejubeant, & si medicam artem exercendi licentiam a Sede Apostolica obtinuerint (3), eandem Nobis, antequam mederi incipiant, exhibeant, & conditiones in eadem licentia appositæ observent, inter quas præcipua hæc est, ut gratis medeantur.

IV. Clericos forneratores non modo a Sacris Ordinibus suscipiendis, verum etiam (4) ab officiis, ac beneficiis obtinendis arceri volumus: qui vero fuerint jam promoti, eos a susceptis Ordinibus suspendi, & ab officio, ac beneficio deponi jubebimus.

(1) Can. *Cyprianus*. caus. 21. qu. 3., Can. fin. dist. 88., Can. *Pervenit*. dist. 86., Sac. Congr. Episcop. in Verulana 15. Februar. 1647.

(2) Can. *Te quidem*. caus. 17. qu. 1., cap. *Clericus*. de fidejussoribus.

(3) Cap. *Sententiam*. ne Cleric., vel

Monachi &c., cap. *Adamus*. de ætate, & qualitate &c., Sac. Congr. Episc. in Terracinen. 6. Septembris 1697.

(4) Cap. 1. de usuris, cap. *Interdictos*. de excessibus Prælator., can. *Maritum*. dist. 33., can. *Si quis*; can. *De Petro*. dist. 47.

mus. Ut autem per quæ quis peccat, per hæc & puniatur; omnes, & singulos ejusmodi fœneratores pecuniaria pœna Pii Locis applicanda multabimus.

ARTICULUS XIII.

De Ecclesiasticorum reddituum usu Clericis præscripto.

Illud quoque Nostri Pastoralis Officii ratio postulat, ut diligenter invigilemus, ne (1) Clerici Ecclesiasticis Beneficiis, quæ e liberali Ecclesiæ manu acceperunt, abutantur, eorumque redditus non sine aliorum Fidelium scandalo inconsulta prodigalitate disperdant, sed eos tamquam boni dispensatores ita administrent, ut & vitæ suæ necessaria provideant, & pauperum inopiæ, atque Ecclesiarum necessitatibus succurrant. Monemus itaque, ac per viscera misericordiæ Dei Nostri obtestamur Clericos, qui Ecclesiasticos proventus uberius percipiunt, quam ad vitam honeste traducendam propria cujuslibet requirant conditio, ne iis abutantur in augendis consanguineis, aut in nutrienda vanitate, luxuque fovendo, multoque minus in conviviiis, in ludis, in venationibus, aliisque hujusmodi habendis, quæ Clericos maxime dedecent. *Dubitare enim non debent*, ut S. Caroli Borromæi (2) utamur verbis, *ad eum finem hanc copiam illis esse attributam, ut præter ea, quæ ad victum, & cultum eorum satis essent, suppeterent etiam, quibus divini cultus ornatus, & splendor conservaretur, & pauperum inopia, & indigentia sublevaretur. Ex eo itaque, quod iis, congrua sustentatione detracta, supererit, si necessaria pauperibus alimenta denegarint, intelligant, se, quos non poverint, occidisse, atque ob violatam sanctissimæ charitatis legem mortale peccatum commisisse, quo sibi iram in die iræ thesaurizaverunt.*

II. Cum tamen hac in re verendum maxime sit, ne consanguineis suis Clerici beneficiorum suorum redditus clargiantur; iis

H h 2

proin-

(1) Benedictus XIV. Const. *Universalis Ecclesiæ*. edita 4. Cal. Sept. 1741.

(2) In Concil. Mediol. I. A&B. Eccles. Mediol. part. 1.

428 CONSTITUTIONES SYNODALES

proinde edicimus, non posse Ecclesiasticos proventus consanguineis donari, nisi tamquam pauperibus, si vere pauperes sint, & tunc, non ut ditescant, sed solum ut minus egeant. Hanc legem Clericis omnibus impositam, qui Ecclesiæ militant stipendiis, & Beneficia Ecclesiastica sive Sæcularia, sive Regularia obtinent, his verbis Tridentina Synodus (1) significavit: *Omnino vero Sancta Synodus eis (videlicet Episcopis) interdicit, ne ex redditibus Ecclesiæ consanguineos, familiaresve suos augere studeant, cum & Apostolorum Canones prohibeant, ne res Ecclesiasticas, quæ Dei sunt, consanguineis donent, sed, si pauperes sint, iis, ut pauperibus, distribuunt: eas autem non distrabant, nec dissipent illorum causa: imo quam maxime potest, eos Sancta Synodus monet, ut omnem humanum hunc erga fratres, nepotes, propinquosque carnis affectum, unde multorum malorum in Ecclesia Seminarium extat, penitus deponant. Quæ vero de Episcopis dicta sunt, eadem non solum in quibuscumque Beneficia Ecclesiastica tam Sæcularia, quam Regularia obtinentibus pro gradus sui conditione observari, sed & ad Sanctæ Romanæ Ecclesiæ Cardinales pertinere decernit.*

III. Illud tandem monemus, ad restitutionem obligari Clericos Beneficiarios, qui oneribus non satisfaciunt, quæ suis adnexa esse beneficiis non ignorant, & qui redditus ad certos usus, puta ad Templorum ornatum, vel ad dotandas Virgines, a Fundatore designatos aut sibi usurpant, aut propria auctoritate in alios vertunt usus. *Quod si facere omiserint, verba sunt toties laudati Sanctissimi Antistitis Caroli Borromæi (2), sed eos fructus sibi vindicare, vel ad alios transferre ausi fuerint, vel in quem debent usum, non impenderit; se ex Sacris Canonibus, & Sanctorum Patrum sententia, sacrilegii reos esse intelligant, & eorum omnium necessaria restitutione teneri, neque ulla omnino, etiam immemorabili, consuetudine excusari.*

(1) Trid. sess. 25. de ref. cap. 1.
 (2) In Concil. Prov. Mediol. I. in A&is Eccl. Mediol. part. I. pag. 39.



CONSTITUTIONUM SYNODALIUM *PARS III.*

DE CHRISTIANI HUMANI OFFICIO
ERGA PROXIMUM.



TA mortales a natura comparati sumus, ut singuli ad nostri generis societatem, communionemque fovendam nati esse videamur. Eum ob finem bonorum omnium largitor Deus homines voluit, alios aut generis nobilitate, aut opum affluentia, aut ingenio, doctrina, prudentiaque præstare, alios contra, aut rerum inopia, aut stirpis obscuritate, aut hebetè, obtusoque ingenio vilescere, ut scilicet cum alter alterius ope, consiliove indigeret, alter etiam alterius onera portare non abnueret, & sic communi quodam vinculo, ac veluti glutine humana societas firmaretur, & ita.

& stare. Hinc etiam factum est, ut ad hanc conservandam societatem, primum quidem proximis nostris non obesse, deinde etiam iis prodesse, si possumus, naturali, divinoque præcepto jubeamur. Quod quidem præceptum in veteri latum Testamento, ita Christus Dominus in novo ratum habuit, confirmavitque, ut in ejus observantia constitutum esse voluerit exterius signum, ex quo Discipuli ejus facile dignoscerentur, juxta illud (1): *In hoc cognoscent omnes, quod Discipuli mei estis, si dilectionem habueritis ad invicem*. Quamobrem Christiani hominis officium erga proximum ad hæc duo potissimum revocatur; ut ei nunquam, licet possumus, noceamus; eidem vero semper, cum possumus, prodesse studeamus. Quæ igitur vitanda sunt, & quæ facienda, ut officium hoc ea majori, qua licet, diligentia obeamus, in hac tertia Constitutionum Synodaliū parte recensebimus.

CAPUT I.

DE JUSTITIA CARDINALI VIRTUTE.

Justitiæ nomine non eam hic intelligimus, quæ virtutes omnes complectitur, quibus iusti apud Deum, rectique sumus, sed eam, qua unicuique, quod suum est, tribuimus, & quam inter Cardinales virtutes numeramus. Cum autem hæc proximum respiciat, cui jus suum tribui jubet; ea de causa de illa in secunda harum Constitutionum parte non disseruimus, sed ad hanc tertiam partem tamquam in proprio loco pertractandam rejecimus. At cum hominum bona, quæ Justitiæ virtus facta tecta custodiri, & si forte violata fuerint, reparari jubet, alia sint corporis, alia animi, alia denique fortunæ; de singulis proinde distincte, ac divisim agendum Nobis esse arbitramur.

(1) Joa. cap. 13.

ARTICULUS I.

De homicidio voluntario, & casuali.

QUoad corporis bona maximum, quod homini inferri possit, detrimentum est ei vitam adimere. At qui hoc se crimine alligant homicidæ, quantum in iis est (1), universum Dei opus evertunt, cum hominem de medio tollant, cujus causa Deus omnia, quæcumque procreata sunt, se fecisse testatur. Deo etiam, ad cujus imaginem, & similitudinem creatus est homo, insignem injuriam irrogant, & quasi violentas illi manus asferre videntur, cum ejus imaginem destruunt, homini vitam adimentes. Verissima tamen hæc sunt non de quolibet, sed de eo tantum homicidio, quod sit sive directe, sive indirecte voluntarium, & quod injuste perpetretur. Certe enim omni (2) vacat culpa facinorosorum hominum cædes, quæ sit Magistratus sententia, *quia non sine causa* (3) *gladium portat, Dei enim Minister est vindex in iram ei, qui male agit*. Omni quoque vacat culpa, & hostium cædes (4), quæ in bello justo non cupiditate, aut crudelitate, sed solo publicæ utilitatis studio fiat; & mors, quæ injusto aggressori ad vitam suam tuendam aliquando, servato tamen moderamine inculpatae tutelæ, inferatur; ac tandem homicidium, quod fortuito omnino, & casu, absque ullo operantis consensu, aut culpa, aut prævisione, perpetretur. *Absit enim* (5), *ut quæ propter bonum, ac licitum facimus, siquid per hæc, præter voluntatem nostram, cuiquam mali acciderit, nobis imputetur*. De injusto, ac voluntario homicidio hic loquimur, & Canonicas pœnas adversus illud constitutas paucis recensemus, ut ex earum gravitate, cum pœna sit mensura delicti, criminis gravitas dignoscatur.

II. In

(1) Catechismus Romanus in 5. Decal. Præceptum §. 15.

(2) S. Th. 2. 2. qu. 42. art. 1., & qu. 64. per totam.

(3) Ad Rom. c. 13.

(4) Can. *Sæpe*, & can. *Si duo fratres*. dist. 50., cap. *Ex litteris*, & toto tit. de homicidio.

(5) S. Aug. epist. 154. ad Publicol.

432 CONSTITUTIONES SYNODALES

II. In primis itaque homicidium voluntarium præmeditatum, seu deliberatum perpetrantes, & mandantes, aut consilium ad illud dantes, effectu secuto, Nobis absolvendos reservamus, ut pensatis omnibus, *alto* (1) *vulnere diligens*, *Et longa medicina non desit*, *Et non sit crimine minor penitentia*, ut S. Cypriani utamur verbis. Deinde (2) tum qui homicidium patrant, tum qui patrantibus cooperantur, irregularitatis poenam incurrunt, qua ad Ordines suscipiendos inhabiles fiunt, & in susceptis ministrare prohibentur. Homicidæ autem sunt, atque eandem subire debent irregularitatis poenam, qui homicidam palpant, ac laudant; vel ei, si occidere offensorem metuit, ignaviam exprobrant; aut illum ad odium inflammant, unde mox homicidii sequatur perpetratio; quo quidem vitio mulieres potissimum laborare consueverunt, quæ licet irregularitatem, cujus sunt incapaces, non incurrunt, homicidii tamen reatum minime effugiant. Parochi, Confessarii, Concionatores populo explicant, homicidii quoque reos esse ex Apostolicæ Sedis oraculo (3). 1. maritum, qui propria auctoritate uxorem in adulterio deprehensam interficit. 2. injuste calumniatum, qui calumniatorem, aut accusatorem, aut falsos testes, aut etiam Judicem, a quo iniqua sententia certo imminet, occidit, etiamsi non alius ei suppetat sese tuendi modus. 3. virum honoratum, qui impingentem sibi alapam, aut fuste percutientem, & postea fugientem necat. 4. eos, qui pro minima quaque re conservanda, aut recuperanda, seu pro paucorum olerum, segetum, aut herbarum furto, aliisque hujusmodi homini vitam eripiunt.

III. Qui nimium crapulæ, aut ebrietati, aut luxuriæ indulgens sibi vitam præripit, tanto est homicidis, imo & parricidis scelestior, quanto nemo homini est seipso propinquior, ut cum S. Augu-

(1) S. Cyprianus *serm. de lapsis*.

(2) Cap. 1., & 2. de homicid., cap. fin. de tempor. ordinat., Trid. sess. 14. c. 7., & sess. 24. c. 6.

(3) Alexander VII. 24. Septemb. 1665.

damns propof. 17., 18., & 19., Innocent. XI. 2. Martii 1679. damns propof. 30., 31., 32., & 33., cap. *Suscipimus*. de homicid., S. Th. in 4. sentent. dist. 37. qu. 2. art. 1.

S. Augustino docet S. Thomas (1). Qui in hominum perniciem venena conficit, aut confecta propinat, aut ad id quomodolibet cooperatur; effectu etiam non secuto, inter homicidas, si prava animi inspicitur intentio, est accensendus; & gravibus etiam pœnis in externo foro, si legitima criminis habeatur probatio, a Nobis corripitur.

IV. Ad detestabilem duellorum (2) usum fabricante Diabolo introductum, quo cruenta corporum morte perniciem etiam lucratur animarum, ex Christianorum orbe penitus exterminandum plurimæ a Jure Canonico statutæ sunt pœnæ, quarum præcipuæ hæc sunt (3) 1. Excommunicatio major Romano Pontifici reservata, ipsoque facto incurrenda. 2. perpetua infamia. 3. bonorum omnium proscripcio. 4. pœnæ adversus homicidas constitutæ. 5. privatio Ecclesiasticæ sepulturæ, si duellantes in ipso conflictu decesserint. 6. privatio, si ii fuerint Ecclesiastici, omnium dignitatum, beneficiorum, & officiorum Ecclesiasticorum, ac præterea inhabilitas ad illa retinenda, atque alia in posterum obtinenda. 7. duello certantes sunt læsæ Majestatis rei. 8. demum fiunt ad testamentum condendum inhabiles. Has omnes pœnas confirmavit, & auxit Benedictus XIV. (4) peculiari sua Constitutione, cujus exemplar damus in Appendice num. 1. In ea quippe veteres omnes Prædecessorum suorum Constitutiones ad detestabilem duellorum abusum eliminandum editas innovat, & quinque insuper damnat quorundam Auctorum assertiones, qui, dum rem per se, & ut ajunt, in abstracto discutebant, non modo amplam nimium sternebant viam ipsi perpetrandæ Monomachix, verum etiam illam perpetrantes a pœnis adversus eosdem constitutis nimia facilitate liberabant. Decernit præterea, recensitas

I ii inibi

(1) S. Aug. lib. de patientia cap. 3., & S. Th. 2. 2. qu. 64. art. 5.

(2) Can. *Monomachiam*. caus. 2. qu. 5., cap. 1. de torneamentis, & Trid. sess. 25. de ref. cap. 19.

(3) Trident. loc. cit., Gregorius XIII.

Constitut. *Ad tollendum*. an. 1582., Clemens VIII. Constit. *Illius vires*. i. Sept. 1592., & Alexander VII. in damnat. proposuit. 2.

(4) Benedictus XIV. in Constit. *Detestabilem*, edita 4. Idus Novemb. 1752.

434 CONSTITUTIONES SYNODALES

inibi pœnas, ipso jure, & ante omnem Judicis sententiam, a transgressoribus esse subeundas, eosque Ecclesiastica privari jubet sepultura, si ex accepto in duello vulnere decedant, quamvis extra locum conflictus occubuerint, & a peccatis non minus, quam a censuris absolutionem misericorditer obtinuerint.

V. Grande nefas, & homicidio accensendum est fœtus abortum aut percussionebus ventris, aut medicamentis, aut potionibus, aut oneribus, laboribusque mulieri prægnanti impostitis procurare. Quare non inmerito gravissimæ adversus hoc crimen a Romanis Pontificibus (1) constitutæ sunt pœnæ, quibus plectendi etiam sunt ii, qui vel sterilitatis potionem mulieribus propinant, aut fœtus etiam inanimati abortum procurant. Nam hi quoque censendi sunt homicidæ, uti Tertullianus (2) docet, cum inquit: *Homo est etiam, qui est futurus, cum omnis fructus jam in semine sit: quapropter homicidio semel ætito, etiam conceptum in utero, dum adhuc sanguis in hominem deliberatur, dissolvere non licet, nec refert, natam quis eripiat animam, aut nascentem distorbet.* Nos itaque, ut Fideles curæ Nostræ concreditos a tam immuni perpetrando crimine absterreamus; Volumus, ac declaramus, ut abortum procurantes, effectu secuto, etiam fœtu non animato, nonnisi a Nobis, absolvi possint. Parochi autem, & Confessarii sciant geminas hæc super abortu ab Innocentio XI. (3) proscriptas fuisse propositiones, quarum 1. hæc est: *Licet procurare abortum ante animationem fœtus, ne puella deprehensa gravida occidatur, aut infametur.* Altera vero sic habet. *Videtur probabile, omnem fœtum, quamdiu in utero est, carere anima rationali, & tunc primum incipere eandem habere, cum paritur, & consequenter dicendum erit, in nullo abortu homicidium committi.* Præterea Populo gravibus verbis tam execrandum facinus exponant, ejusque inhumanitatem vis adeo coloribus exprimant, ut in auditorum animis summam ejusdem

(1) Can. Consulisti. caus. 2. quæst. 5., Sixtus V. Const. *Effrenatam*. 6. Novembris 1588., & Gregorius XIV. Const. *Sedus Apostolica*. 28. Maji 1591.

(2) Tertullianus in Apologetico cap. 9.

(3) Innocentius XI. in damnat. proposition. 34., & 35. edita 2. Martii 1679.

eiusdem odium excitent, ac detestationem. Matres vero hortentur, ut postquam conceperint, fœtum in utero delitescentem diligenti cura custodiant, ne aut nimis laboribus fractæ, aut non levibus vitæ liberioris incommodis attritæ, abortum patiantur, unde nedum corporum, verum etiam animarum irreparabilis jactura sequatur. Medicis quoque indicant, non licere potionem mulieri prægnanti dare ad fœtum, sive is sit inanimis, sive animatus, ejiciendum ex utero, quamquam, nisi id fiat, in certo mortis periculo parens sit constituta. *Si enim non potest, uti Sacri nos docent Canones (1), subveniri alteri, nisi alter ladataur, commodius est neutrum juvari, quam gravari alterutrum.*

VI. Homicidis quoque comparari possunt Medici, Chirurghi, & Pharmacopolæ, (2) quorum negligentia, aut imperitia ægrotus, cujus curam susceperint, moriatur, quamquam ejusdem obitum non intendant; & Judices (3), Magistratus, Toparchæ, cæterique jurisdictionem habentes, qui sive hominem damnant, capitalis cæteroqui delicti reum, juris ordine non servato, sive punire negligunt homicidas, latrones, viarum grassatores, cæterosque hujusmodi facinorosos homines publicæ tranquillitatis perturbatores, quorum proinde crimina Reipublicæ admodum perniciofa tribuenda sunt Judicibus, qui eadem non impediunt, cum tamen eorum supplicio impedire facile possent.

VII. Sub excommunicationis majoris pœna, cujus absolutionem Nobis reservamus, interdicimus matribus, ac nutricibus (4), ne secum in eodem lecto, nullo interposito repagulo, retineant, ac dormire sinant infantes anno minores: contingere enim potest (inò sæpe contigit) ut iidem a dormientibus matribus, vel nutricibus opprimantur.

VIII. Immanis quoque homicidii, crudelissimæque impietatis

l i i 2 t i s

- | | |
|--|---|
| (1) Can. <i>Denique</i> . caus. 14. qu. 5. | in Psalm. 118., & S. Th. 2. 2. qu. 67. |
| (2) Can. <i>Homicidium</i> . de pœnitent. dist. 1., S. Antonius 3. part. tit. 7. cap. 2. | art. 3. |
| (3) Can. <i>Qui potest</i> . & can. <i>Clendit</i> . caus. 23. qu. 3., S. Ambros. Concien. 20. | (4) Can. <i>Consulvisi</i> . caus. 2. quæst. 5., cap. <i>De infantibus</i> . de his, qui filijs occiderunt. |

436 CONSTITUTIONES SYNODALES

tis genus est crimen illud, quod olim Sanctissimi Ecclesiæ Patres (1) Ethnicis ipsis exprobrabant, quo videlicet liberos suos, ex iniquo, & quandoque ex damnato concubitu domi natos, alere, ac educare recusabant, eosque proinde in publicis exponebant viis, si non canum dentibus dilaniandos, aliena certe misericordia nutriendos. Incredibile sane videri debet, ut simile quid a Christianis hominibus, qui non sint feris ipsis crudeliores, perpetretur. At si forte in Nostra Diocesi casus hujusmodi contingeret, volumus, ut Parochi, atque Universitatum Administratores, in Urbe vero Tusculana Confratres Sodalitatis, quam Sanctissimi Confalonis vocant, statim expositos hujusmodi Infantes ad domum pio huic operi destinatam, si in eo loco adsit, deferri curent: si vero pia hæc domus ibi desit, eosdem alicui fideli nutrici lactandos, nutriendosque committant, donec vel Romam transfmittantur, vel alia ratione eorum incolumitati, ac sustentationi provide consulatur.

IX. Verum non homicidium modo, ac membrorum mutilationem, verum etiam grave quodlibet damnum proximorum corporibus inferri Justitiæ lex vetat; & si inferatur, refarciri ab inferente prorsus jubet. Hinc tantopere Galatas (2) Apostolus innotet, ut *rixas evitent* [*rixæ* autem sunt, ut explicat Glossa (3), quando plures in ira invicem se percutiunt, ac vulnerant] *quoniam quæ talia agunt, regnum Dei non consequentur*. Et sane cum in rixa gravis fere semper ab aggressore alteri parti irrogetur injuria, & non infrequenter grave etiam corpori detrimentum inferatur; hinc optime docet S. Thomas (4), *rixam in eo, qui alterum injuste invadit, peccatum esse mortale: inferre enim proximo nocumentum (videlicet grave) etiam opere manuali non est absque mortali peccato*. In eo vero, qui

se tue-

(1) Tertullianus loc. cit., S. Ambrosius Hexameron. lib. 5. cap. 13. S. Augustinus lib. 1. de Nuptiis, & concup. cap. 15., can. fin. dist. 37., & cap. unico. de infantibus expositis.

(2) Ad Galatas cap. 5.

(3) Glossa Interlinearis in epist. ad Galat. cap. 5.

(4) S. Th. 2.2. qu. 41. art. 1. in corpore.

se tuetur, potest esse quandoque sine peccato, quandoque cum peccato veniali, & quandoque etiam cum mortali. Si enim solo animo illatam injuriam repellendi, & debita cum moderatione se tueatur, non est peccatum, neque proprie ex ejus parte rixa nuncupari potest. Si vero cum animo vindictæ, vel odii, vel cum debita moderationis excessu se defendat, semper est peccatum: veniale quidem, quando levis aliquis odii, vel vindictæ se immiscet motus, vel cum moderatam defensionem non multum excedit: mortale autem, quando obfirmato animo contra impugnantem ad eum occidendum, aut graviter lædendum insurgit.

ARTICULUS II

De injusta alieni honoris, ac famæ læsione.

NON levius putandum est, quod lingua insidiante, quam quod gladio minante committitur, inquit S. Augustinus (1): imo illi gravius cor feriunt, qui linguae gladio feriunt. Quamobrem peccatum furto longe majus, atque homicidio valde affine patrant Detractores, Maledici, Sufurrones, Calumniatores, qui sive falsa crimina impingendo, sive occulta detegendo, alienam famam, honoremque graviter lædunt, ac pro viribus labefactant. Quicumque igitur (2) dictis, aut scriptis famam proximi fuerit deprædatus, tamquam pretiosissimi thesauri fur, & Latro, a Confessariis non absolvatur, nisi facta prius famæ, damnorumque, quantum potest, ac debet, restitutione; aut saltem, si tunc primum crimen confitetur suum, nisi contritus corde ad id præstandum sincere se paratum ostendat. Qui vero falsum testimonium in alterius damnum in judicio ferunt, non nisi a Nobis absolvi possint. Parochi autem immane hoc crimen Populo gravissimis verbis exaggerent, ostendentes, quam gravem detractores uno, eodemque tempore tum sibi, tum iis, qui audiunt, tum iis, quibus de-

trahunt,

(1) S. August. lib. 2. de Baptismo contra Donatistas cap. 7., & tract. 5. in Joann.

(2) Cap. Si culpa. de injuriis, & dam-

no dato, S. Th. 2. 2. qu. 62. art. 2., & Catechismus Romanus part. 3. cap. 9. §. 19.

trahunt, tum ipsi tandem Deo irrogent injuriam, ac proinde in quantam cadant Dei offensionem, quantumve ejus odium incurrant. Illa proinde Salomonis verba declarent, quæ leguntur in Proverbiis (1): *sex sunt, quæ odit Dominus, & septimum detestatur anima ejus, oculos sublimis, linguam mendacem, manus effundentes innoxium sanguinem, cor machinans cogitationes pessimas, veloces pedes ad currendum in malum, proferentem mendacia, testem fallacem.* Gravissimum tandem explicent (2), quod detractoribus inest, onus læsam proximi famam refarciendi, si suum sibi a Deo dimitti crimen velint, juxta illud: *non remittitur (3) peccatum, nisi restituatur ablatum.*

II. Contra justitiam quoque peccant, & ad illatam injuriam refarciendam obligantur ii, qui sine legitima auctoritate, ac sine justa causa proximum suum sive verbalibus, sive realibus injuriis afficiunt: *Non enim in sola sanguinis profusione, & animæ ereptione, sed etiam in verbo maledicti, vel convicii judicat Deus.* Qui vero libellos (4) famosos, vel contumeliosas cantiunculas, quibus aliorum fama, etiam vera narratione, proscinditur, composuerint, aut scripserint, vel jam compositas in vulgus verbis, aut scriptis sparserint, seu publicaverint, quique ad singula præmissa, ut fierent, mandatum, aut consilium dederint, omnes, & singuli sint ipso facto excommunicati.

III. Sint etiam ipso facto excommunicati omnes, & singuli, qui verbis, aut factis, scripturis, litteris, depositionibus sive juratis, sive non juratis, contestationibus, attestationibus, supplicibus libellis, sive expresso, sive nullo, aut eimentito nomine exaratis, aliisque modis Episcopum, ejusque Ministros, ac Officiales, Parochos, Verbi Dei Concionatores, aut Religioforum familias calumniari tentant, aut ad id consilium, seu favorem

(1) Proverb. c.6.

(2) Catechismus Romanus loc.cit. §.20.

(3) S. Aug. epist. 54. ad Macedon., & cap. Cum ex eo. de usuris in 6.

(4) Can. Si quis; can. In Alsariis; can.

Quidam. caus. 5. qu. 1., & S. Pius V. Constitut. 147. Romani Pontificis providentia. edita 19. Martii 1572., & Gregorius XIII. Const. Ea est rerum.

vorem dant. Merito enim ab Ecclesia extorres sunt, qui Dei Episcopos lingue gladio jugulantes, fundunt sanguinem non corporis, sed honoris, uti scribit Optatus (1) Milevitanus.

IV. Verum toto Præfatus nostri tempore, si quis modestie nescius, & pudoris ignarus, improbo, petulantique maledicto nomen Nostrum crediderit laceffendum, ac turbulentus obtreffator temporum nostrorum fuerit, eum pænæ nolumus subjugari, neque durum aliquid, nec asperum volumus sustinere. Quoniam si id ex levitate processit, contemnendum est: si ex insania, miseratione dignissimum: si ab injuria, remittendum: sed cui? Cesari, dixit Theodosius (2). Nos Episcopi dicamus: Deo.

V. Prudentissimum S. Bernardi ad Eugenium III. (3) monitum secuti, edicimus, non receptum, sed rejectum a Nobis iri clandestinas delationes, & litteras, quas dicunt cœcas, sine Auctoris nomine, vel nomine ementito subscriptas, quibus subditorum excessus Nobis puniendi deferuntur, & denunciantur. Qui enim (4) palam veretur dicere, quod in aure loquitur, vel quod scriptis obscuris pandit, cum non accusatorem, non denunciatorem, non zelatorem, sed delatorem, detractorem, & calumniatorem existimamus; nam innocens creditur, cui desuit accusator, cum non desuerit inimicus, uti lege data optime Constantinus Imperator (5) edixit.

ARTICULUS III.

De Furto, & Rapina.

Solertissima Dei erga hominum genus Providentia non vitant modo (6), corpus, famamque nostram præceptis suis quasi quibusdam præfidiis, tueri voluit; sed ad humanam fovendam societatem.

(1) Optatus Milevitanus contra Donatistas.

(2) L. Si quis. cod. Si quis Imperatori maledixerit.

(3) S. Bernardus lib. 4. de considerat. ad Eugenium cap. 6.

(4) Cap. Inquisitionis. §. Tertia. de accusat.

(5) In Codice Theodosiano lib. 9. tit. 34. de famosis libellis.

(6) S. Th. 2. 2. qu. 66. art. 6., & Catechismus Romanus in 7. Decal. Præcept. §. 1.

focietatem, fortunæ etiam bona, nostrasque facultates hoc interdicto *non furtum facies*, tamquam externa quadam custodia, munivit, ac sepsit, tantique nostra fecit commoda, ut non minus bonorum nostrorum direptores, quam Sancti sui nominis hostes æternis Inferni pœnis addiderit. Cum igitur vetuerit Deus, ac vetet, bona hæc nostra, quæ in ejus tutela sunt, a quoquam auferri, aut violari; Parochi Populum sibi commissum edoceant, furtum numquam licere, siue divitibus illud fiat, siue pauperibus: Non enim quidam de plebe desunt, qui crasso quodam errore decepti putant, interdictum non esse divitum, si avari præsertim sint, & cupidi, res, ac bona diripere, ac furari. Eos vero, qui divites sunt, ac potentes in plebe, serio moneant, longe gravius, ac detestabilius ab ipsis admitti furti crimen, si rapinis, violentiis, oppressiõibus substantias pauperum deglutiant, ut si, vel præpotentia, vel patrociniis, seu clientelæ prætextu mercedem operariis aut denegent, aut minuant, aut differant; si munera, obsequiaque, & indebitas ab eis exigant servitutes; si miserabiles viudas, ac pupillos, & orphanos aliena emere, aut sua vendere invitos cogant; si eosdem ad Tribunalia trahant, corruptisque auctoritate sua Judicibus, inauditos injuste spolient, aut minis, incussoque terrore prohibeant, ne in judicio repetere sua possint; si demum *quancumque (1) pauperi violentiam faciant, quia pauper est. Scire illos jubent, quod Dominus judicabit causam pauperis, & configet illos, qui confixerunt animam ejus.*

II. Ut autem ignorantiam, ex qua, si crassa sit, & culpabilis, plurima in populo peccata oriuntur, nemo possit obtendere; Parochi doceant, furti reos esse (2), & ad restitutionem sub gravis culpæ reatu obligari eos, qui non uno quidem, sed pluribus minimis, ac levioribus furtis, siue uni, siue pluribus personis gravem furantur pecuniæ summam; cujus quidem rei exemplum non infrequens in iis proferant, qui, dum res minutim

(1) Prov. c.22. v.22.

S.Thom. loc. cit., & Innocentius XI. in

(2) Can. *Fur autem*. caus.14. quæst.6.,

damnat. proposit.38. edita 2. Martii 1679.

tim vendunt, dolosis utuntur mensuris, seu ponderibus contra divinum illud præceptum (1): *Nolite facere iniquum aliquid in iudicio, in regula, in pondere, in mensura: statera justa, & æqua sint pondera: justus modius, æquusque sextarius*. Declarent præterea, furti etiam reos esse, & ad restitutionem teneri servos (2), operarios, opifices, qui, ultra conventum pretium, ac mercedem, aliquid clam surripiunt, speciosum illum obtendentes titulum, quod obsequiis suis, suisque laboribus impar sit illud, de quo convenire, stipendium.

III. Qui alienas domos, aut segetes, aut nemora (3) incendunt, & qui alienas fructíferas arbores aut cædunt, aut evelunt; sive id malo studio, sive ex odio, ac vindicta, sive quacumque alia de causa agant; item qui ad ea consilium, consensum, vel mandatum præstant, excommunicationi majori in Jure Canonico latæ sunt obnoxii; cui etiam subjectos volumus tum eos, qui falsificant, corrumpunt, aut falsa conscribunt Instrumenta, Processus, Aponchas, aliasque scripturas publicas, seu authenticas cum gravi alterius detrimento, tum illos, qui præmissis falsificationibus, & corruptionibus consilio suo, vel mandato cooperantur. Hi autem omnes neque a censuris, neque a peccatis absolvantur, nisi & illatum, si possint, reparent damnum, & se in hujusmodi crimen non relapsuros, ex animo, & si opus sit, etiam jurejurando polliceantur.

ARTICULUS IV.

De injustitia in Contractibus.

CUM sine recto, mutuoque rerum commercio humana societas stabilis, ac firma esse non possit, maxima apud Gentēs bene moratas cura semper fuit, ut contractus omnes, per quos

K k k

com-

(1) Levitici c. 19. v. 35.

(2) Innocent. XI. in damnat. propol. 37. edita 2. Martii 1679.

(3) Can. *Pessima*; can. *Si quis membro-*rum. caus. 23. qu. 8., cap. *Tua nos*. de sentent. excomm. & cap. *Si quis*. de injuriis, & damno dato.

commercium exercetur, sanctissimæ Justitiæ leges ubique moderarentur. Quamobrem quis non videat, cura hac tam necessaria animarum Pastores in Christiana Republica affici potissimum debere, ut videlicet Fidelium, & maxime pauperum, indemnitati consulatur? Ut itaque in hac Diœcesi super re tanti momenti diligentia Nostra minime desideretur; ea, quæ sequuntur, ad sacrorum Canonum, ac Pontificiarum Constitutionum normam declaranda, ac decernenda esse judicavimus.

II. Utque ab emptionis, ac venditionis contractu, qui reliquorum omnium est frequentissimus, maximeque necessarius, ordiamur; Ad ejus justitiam, ac rectitudinem hæc (1) potissimum requiri edicimus. 1. ut emptor, ac venditor sint ad emptionis, & venditionis contractum celebrandum habiles. 2. ut justum rei pretium a contrahentibus statuatur. 3. ut occulta rei venalis vitia manifestentur. 4. ut dolus omnis, fraus, ac violentia absint. 5. demum ut tanti res credito vaneat, quanti numerata pecunia væniret. His autem legibus plures adversantur contractus, quos proinde reprobamus, damnamus, & iniri a Fidelibus Nostræ curæ commissis districte prohibemus. Et primum quidem Mercatorum monopolia (2), quibus inter se ex condicto conspirant, ut ipsi soli certo pretio merces emant, aut vendant; seu vi, vel fraude impediunt, ne merces aliunde advehantur, aut advectæ venales fiant, tamquam Justitiæ, publicæ fidei, ac Juri Gentium repugnantia damnamus, eorumque auctores ad restitutionem teneri edicimus. Mohatræ (3) deinde contractum, quo mutuis ex pacto prævio venditionibus, ac reemptionibus, & cum lucri intentione res aliqua cariore emitur pretio, eidemque venditori retrovenditur viliori, usurarium esse, ac execrandum latrociniî genus declaramus. Fures etiam sunt, qui in negotio fratrem suum circum-

veniunt,

(1) Cap. *Cum causa*; cap. *Cum dilecti*. de empt. & vendit., cap. *Quanto*. de jurjurando, cap. *Consulgi*; cap. *In Civitate*; cap. *Naviganti*. de usuris, S. Th. 2.2. qu. 77. per totam.

(2) L. *Indemus*. cod. de monopolis, & Benedictus XIV. Const. *Quo die*. §. 6. edita 8. Julii 1748.

(3) Innoc. XI. in damnat. proposit. 40. edita 2. Martii 1679.

veniunt (1), emptoresque fraudibus, ac dolo, in mercis quantitate, seu qualitate decipiunt; aut qui falsam, atque adulterinam rerum venditoribus tradunt monetam. Hi autem sciant (2), quod horum omnium vindex est Dominus. Furtum etiam apertum committunt (3) operarii, & artifices, qui totam, integramque mercedem ab iis exigunt, quibus ipsi justam, debitamque operam non dederunt.

III. Cum alicubi insana lucrandi cupiditas (4) eo devenerit, ut summa cum iniquitate artifices, ac Mercatores operariis suis pactam mercedem solvant, non numerata pecunia, sed datis in solutum rebus, seu mercibus, summo, ac interdum etiam injusto aestimatis pretio, quas deinde iisdem Operarii infimo, & quandoque ad urgentes necessitates sublevandas diuidio etiam minoris, distrahere coguntur; Nos, ne tantum umquam nefas in Nostra Diocesi admittatur, mercatoribus, opificibus, aliisque omnibus officinarum magistris interdicimus, ne mercedem operariis debitam aliter, quam in numerata pecunia solvant, neque pro ea aliam, aut alias rerum species, aut ab initio paciscantur, aut postmodum substituunt, nisi liber omnino, ac plenus Operariorum consensus accedat, & nisi res, seu merces, quæ dantur in solutum, iusto, quo tunc valent, pretio aestimentur. Qui secus fecerint, arbitrio Nostro multabuntur.

IV. Peccati genus illud, quod usura nuncupatur (5), quodque in contractu mutui propriam suam sedem, & locum habet, in eo est repositum, ut quis ex ipsomet mutuo, quod suapte natura tantumdem dumtaxat reddi postulat, quantum receptum est, plus sibi reddi velit, quam est receptum, ideoque ultra sortem lucrum aliquod ipsius ratione mutui sibi deberi contendat. Omne propterea huiusmodi lucrum, quod sortem superet, illicitum, & usurarium est. Peccati huius malitiam Sanctus Florentiæ Anti-

K k k 2

ites

(1) Catechismus Romanus in 7. Decal. Præceptum §.9.

(2) 1. ad Thessalon. c.4.

(3) Catechismus Romanus loc. cit.

(4) Synodus Sublacenſis anni 1674. tit. de usuris, & illicitis contractibus §.7.

(5) Benedictus XIV. in sua Const. *Vix pervenit*. edita 1. Nov. 1745.

444 CONSTITUTIONES SYNODALES

stes Antoninus (1) sic describit: *Usura est eradicatio caritatis, fraternæ dilectionis extinctio, deceptionum origo, legalis proditio, dolosa pietas, pauperum homicida; impia in propinquos, perniciofa in proximos, patriæ destructio, animarum perditio.* Merito itaque detestabile hoc crimen (2) divina, naturali, humanaque lege prohibetur, & gravissimæ adversus illud ab utraque cum laica, tum Ecclesiastica Potestate constitutæ sunt pœnæ. Illud certe morte puniri jussit Deus apud Ezechielem (3), cujus hæc sunt verba: *Ad usuram dans, & amplius accipiens, numquid vivet? non vivet: cum universa hæc detestanda fecerit, morte morietur.* At quod pejus est, *sanus pecunie*, ut ait S. Leo (4), *funus est anime, & qui per aliena cupit damna ditari, æterna dignus est egestate puniri.*

V. Neque vero ad usuræ labem purgandam ullum arcessiri subsidium poterit, vel ex eo, quod aliquid ultra sortem, non ex justitia (5), sed ex gratitudine tantum, ac benevolentia debitum exigatur; vel ex eo, quod ejusmodi lucrum (6) non excedens, & nimium, sed moderatum, neque magnum, sed exiguum sit; vel tandem ex eo, quod is, a quo lucrum solius causa mutui deposcitur, non pauper, sed dives sit, nec datam sibi mutuo summam relicturus otiosam, sed ad sortes suas amplificandas vel novis coemendis prædiis, vel quæstuosis agitandis negotiis utilissime sit impensurus. Contra mutui siquidem legem (quæ necessario in dati, ac redditu æqualitate versatur) agit quisquis, eadem æqualitate semel posita, plus aliquid a quolibet vi mutui ipsius, cui per æquale jam satis est factum, exigere adhuc non veretur, ac proinde si acceperit, restituere acceptum jubebitur ex justitiæ commutativæ legibus, cujus est in humanis contractibus æqualitatem cujusque propriam, & sancte servare, & non servatam exacte reparare.

VI. Non negamus tamen, posse quandoque una cum mutui
contra-

(1) S. Antoninus serm. 44. ser. 5. post Dom. Pass.

(2) Cap. *Super eo*. de usura.

(3) Ezechielis cap. 18.

(4) S. Leo ser. 6. de jejun. decimi mensis.

(5) Innoc. XI. in damn. propos. 42.

(6) Benedictus XIV. cit. Constitut. *Vine peruenit*.

contractu quosdam alios, ut ajunt, titulos (1), eosdemque ipsimet universim naturæ mutui minime innatos, & intrinsecos forte concurrere, ex quibus justa omnino, legitimaque causa confurgat quiddam amplius supra sortem ex mutuo debitam rite exigendi. Neque negamus posse multoties pecuniam ab unoquoque suam per alios diversæ prorsus naturæ a mutui natura contractus recte collocari, sive ad proventus sibi annuos conquirendos, sive etiam ad licitam mercaturam, & negotiationem exercendam, honestaque indidem lucra percipienda. Verum non semper, & præsto ubique sunt vel una cum mutuo alii legitimi tituli, vel secluso etiam mutuo, contractus alii iusti, quorum præsidio, quotiescumque pecunia, frumentum, aliudve id genus alteri creditur, toties semper liceat auctarium moderatum, ultra sortem integram, salvamque, recipere. Quare serio monemus, ut quicumque conscientiæ suæ consultum velit, diligenter prius inquirat, verene cum mutuo iustus alius titulus, aut iustus alter a mutuo contractus occurrat, quorum beneficio lucrum, quod quaerit, ab omni criminis labe reddatur immune?

VII. Tituli mutuo prorsus extrinseci, qui una cum mutuo possunt occurrere, & propter quos aliquid ultra sortem exigere iuste valet, hi duo sunt præcipui, & communiores, damnum videlicet emergens, & lucrum cessans. Si quis igitur huiusmodi titulus una cum mutuo occurrat, aut alius a mutuo contractus ineatur; poterit sane auctarium aliquod ultra sortem quotannis exigere, dummodo ad iustitiæ commutativæ tramites æquale sit lucri titulo, eique proportionatum. Duo tamen hic contrahentes patenter monemus (2). 1. ut qui mutuam dat pecuniam, diligenter caveat, ne lucri cupiditate obcæcatus adesse titulum sibi facile suadeat, qui tamen vere non adsit, turpemque eo titulo palliet usuram: Quamobrem, antequam contractum celebret, ab iis, qui doctrinæ, ac virtutis gloria supra cæteros efferuntur, consiliū

(1) Benedictus XIV. cit. *Constitut. Vix peruenit.*

(2) Benedictus XIV. cit. *Constitut. Vix peruenit.*

lium exposcat. Eos vero, qui super his quæstionibus consuluntur, monemus, rogamus, & obtestamur in Domino, ut ab extremis, quæ semper vitiosa sunt, longe se abstineant. Aliqui enim tanta severitate de his rebus judicant, ut quamlibet utilitatem ex pecunia desumptam accusent tamquam illicitam, & cum usura conjunctam. Contra vero nonnulli indulgentes adeo, remissique sunt, ut quodcumque emolumentum ab usuræ turpitudine liberum existiment. Ii itaque, qui super his implexis quæstionibus consuluntur, Benedicti XIV. (1) monito obtemperantes, suis privatis opinionibus ne nimis adhæreant, sed priusquam responsum reddant, plures Scriptores examinent, qui magis inter ceteros prædicantur. Deinde eas partes suscipiant, quas tum ratione, tum auctoritate plane confirmatas intelligent. 2. ut iidem (2) contrahentes, si scrupulos omnes, animique sollicitudinem evitare velint, ipsumque contractum in foro externo comprobare, contractum instituendum antea declarent, & non minus condiciones inferendas, quam fructum, quem ex eadem pecunia postulant, disertis explicent verbis. Doctrina hætenus exposita traditur a Benedicto XIV. in Epistola Encyclica, quam in Appendice damus num. 2.

VIII. Quicumque detestabile usuræ crimen occulte admittit, præter gravis culpæ reatum, ex iustitiæ commutativæ legibus obligationem subit illud omne restituendi lucrum, quod ex scœnore, adeoque injuste percepit; quam quidem obligationem etiam ad Usurarii hæredes transire edicimus, ac declaramus. At si manifestus sit usurarius, post latam a Iudice declaratoriam criminis sententiam, has præterea ex sacrorum Canonum præscripto incurrit pœnas. 1. infamia (3) notatur, quæ tamen ex Canonica quadam æquitate, ac rationabili consuetudine cessat, si usurarius resipiscat, & veram agat pœnitentiam. 2. si injusta, quæ percepit,

(1) Benedictus XIV. cit. *Constitut. Vin perve nit*.

(2) Benedictus XIV. cit. *Constitut. Vin pervenit*.

(3) *Can. Infames*. caus. 3. quæst. 7., & L. 20. cod. ex quibus causis infamia irrogatur.

pit, lucra restituere, cum possit, nolit (1), non modo eidem in humanis agenti Sacramentorum usus, verum etiam vita functo Ecclesiastica deneganda est sepultura; & si quis Clericus eum in loco sacro sepelire audeat (2), ipso facto majoris excommunicationis vinculo innodatur. 3. propter infamiae notam, quæ eidem inuritur (3), fit irregularis. 4. ad testamentum condendum (4) fit inhabilis. 5. si Clericus sit, & ab exercendis usuris monitus non desistat (5), suspensione; si vero sit Laicus, excommunicatione plectendus est, donec dignam egerit pœnitentiam, plenèque satisfecerit, aut certam de satisfaciendo dederit cautionem.

IX. Verum cum inter Christianifideles non desint, teste S. Ambrosio (6) *qui erubescunt usuræ nomen, lacrum tamen non erubescunt usuræ*, nescientes (7), quod usurarius super omnes Mercatores maledictus; Hinc optimum factu censemus, peculiaries quosdam contractus recensere in populo non adeo infrequentes, qui palliata insciuntur usura, aut saltem iniusti certe sunt, ac de usura non leviter suspecti, ut videlicet eos Parochi Populo significant, illicitosque esse doceant, ne quis in Nostra Diœcesi eosdem audeat celebrare, nisi divinam, Nostramque experiri velit animadversionem. Usurarias itaque declaramus, ac tamquam injustas reprobamus conventiones illas, ac pactiones, quibus 1. ea lege mutuuum datur frumentum, ut (8) messis tempore cum aliquo augmento restituatur, puta si in mutuo mensuræ dentur abraße, sed sive ex pacto, sive etiam ex usu in messe plenæ reddantur, & cumulatiores. 2. mutuuum datur frumentum deterioris conditionis, cui ex. gr. prava admixta sint semina, ut triticum reddatur optimæ, seu melioris saltem conditionis. 3. mutua inferioris ponderis moneta traditur, ut moneta postmodum iusti ponderis in eadem quantitate refundatur. Fœneratitios etiam esse denunciamus

(1) Cap. *Quia in omnibus*; & cap. *Quamquam*. de usuris.

(2) Clement. 1. de sepulturis.

(3) Can. *Meritum*. dist. 23.

(4) Cap. *Quamquam*. de usuris.

(5) Can. *Præterea*. de usuris.

(6) S. Ambrosius serm. 59. de avaritia.

(7) S. Joa. Chrysostr. homil. super Matth. cap. 38.

(8) Can. *Usuro*. caus. 14. qu. 3.

mus contractus illos, quibus ob dilatam ad aliquod tempus solutionem, majus solvendum sit pretium pro re, quæ emptionis tempore minoris valet; vel quibus ob anticipatam solutionem res minoris ematur, quam tempore traditionis valebit; vel quibus fructus rei, quæ emptori credito traditur, a venditore percipiantur. Cum enim numerata (1) pecunia pretiosior non sit, quam numeranda, nequit a prudentibus, & cordatis viris pecunia præfens pluris fieri, quam futura. Non est itaque, cur ob anticipatam, vel dilatam solutionem minui, aut augeri pretium rei possit.

X. Tamquam illicitum, atque usurarium damnamus, ac prohibemus contractum illum, quem vulgo dicunt *a godere*, in quo quis, dum mutuam dat alteri certam pecuniæ summam, fructiferum pignus eo pacto recipit (2), ut citra ullam fortis diminutionem uti fructibus pignoris tamdiu possit, quamdiu pecunia mutuo tradita sibi restituatur. Cum enim in hoc contractu mera, & sola habeatur fundi fructiferi oppignoratio, jam secundum justitiæ leges fructus, qui ex eo percipiuntur, deductis expensis, in fortis diminutionem computandi sunt, & a pecunia mutuo tradita, cum eadem restituitur, subducendi. Injustum etiam declaramus, ac iniri prohibemus *pactum legis commissorie* in pignoribus (3), quo conventio fiat, ut, quamvis pignoris pretium sit majus credito, seu pecunia mutuo tradita, pignus tamen emptum a Creditore, aut a mutuante intelligatur, atque in ejus proinde dominio, ac proprietate sit, si intra præscriptum a contrahentibus tempus debito non fiat satis, aut si mutuo accepta non restituatur pecunia.

XI. Ut licitus, justusque sit societatis contractus, & ab omni fraudis, usurave labe, ac suspicione immunis, illud potissimum requiritur, ut æqua sit sociorum conditio (4), par ratio, & æquale periculum. Quare usurarius erit contractus, quo Societas

(1) Innocentius XI. in damnat. proposition. 41. edita 2. Martii 1679.

(2) Cap. *Plures*; cap. *Conquestus*. de usuris; cap. *Cum contra*. de pignorib.

(3) Cap. *Significante*. de pignorib.

(4) S. Th. 2. 2. qu. 78. art. 2., S. Antoninus par. 2. tit. 1. cap. 7. §. 37., Sixtus V. Const. 45. *Destabilis*. 12. Cal. Novemb. 1586., l. *Si non fuerit*, & l. *Verum*. ff. pro socio.

cietas eo pacto instituat, ut salva sit semper fors ei, qui illam constituit, etiamsi eadem casu pereat; seu ut lucri distributio non per quotas partes constituat. Iniqua pariter est, ac leonina ea Societas, in qua ex iis, quæ functionem in proprio genere recipiunt; res in societatem deducta non designatur, ut videlicet parte illius rei pereunte, salva semper sit fors, quemadmodum contingit in societate ovium, segetum, vini &c., in quæ tamen certæ oves, certa vini dolia, aut certa segetum massa, seu quantitas non designatur. Ut itaque licita sit quæstiosa Societas, quatuor hæ conditiones servandæ in eadem sunt. 1. ut Societas in licita (1), honestaque negotiatione constituat. 2. ut Socius quilibet aliquid pretio æstimabile (2) in communem conferat societatem, sive deinde pecuniam conferat, sive mercem, sive operam, aut industriam suam. 3. ut tum in damno, tum in lucro (3) inter socios servetur æqualitas, itaut lucri, jacturæ, impendii, ac detrimentorum pro cuiusque sortis rata socii omnes participes fiant. 4. demum, ut fors, seu capitale in communem societatem collatum obnoxium sit (4) periculis in damnum conferentis, itaut, si absque Sociorum culpa pereat, ei pereat, qui illud in communem societatem contulit: is enim solus est collatæ sortis Dominus: res autem quælibet Domino perit suo.

XII. Contractus venditionis cum pacto redimendi pluribus fraudibus esse potest obnoxius. Ne itaque in eo celebrando commutativa lædatur iustitia, pauca monemus (5). 1. si in hujus contractus stipulatione facultas, venditori data, redimendi rem, quandocumque voluerit, eo gravetur onere, ut majori pretio, quam vœnierit, redimatur; contractus præsumi debet, præsertim in externo foro (6), injustus, atque usurarius. 2. si venditio

L II fiat

(1) L. Ea vero; & L. Nec prætermittendum. ff. pro socio.

(2) L. Societates, & L. Si societatem. ff. pro socio.

(3) L. Si societatem; & L. Si non fuerint. ff. pro socio.

(4) §. 1., & 2. Instit. de societate, & L. Si non fuerint. ff. pro socio.

(5) Benedictus XIV. de Synodo lib. 7. cap. 51. n. 4.

(6) Cap. Illa nos. de pignorib.

fiat pacto adjecto redimendi (1) rem intra certum tempus, quo elapso non sit amplius retrovenditioni locus, injustus erit, atque usurarius contractus, quoties, propter pactum redimendi, infra limites iusti pretii fundus vāniet, neque habita ratio fuerit oneris, quod venditor subiit, fundum intra certum tempus redimendi, quo elapso, illum nequeat pro suo libito, eodemque, quo vendidit, pretio recuperare. 3. si hac lege pactum redimendi ineatur (2), ut nonnisi post præfiniti temporis lapsum redimi res possit; sane usuræ suspitione non carebit: ex ea enim temporis præfinitione conijci prudenter potest, voluisse interim emptorem ex mutuo lucrari, fictaque fundi emptione usuram palliasse.

XIII. Ut licitus sit, & ab omni usura vacuus cōtractus censualis, servandæ omnino sunt conditiones (3) a Summis Pontificibus, ac præsertim a S. Pio V., pro hujusmodi contractibus præscriptæ, quarum hæ sunt præcipuæ. 1. pretium, quo census emittitur, sit iustum, communique Civitatis usu receptum. 2. census super determinata, ac certa re, seu certis rebus ex natura sua frugiferis, atque immobilibus constituatur, quæ tanti sint valoris, ut, aliis deductis oneribus, ad annum censum solvendum sufficiant. 3. res, super qua census constituitur, sit in libera constituentis dispositione, adeoque neque sit feudalis, neque emphyteutica. 4. census ematur pecunia vere numerata, quæ coram Testibus, ac Notario, dum Instrumentum conficitur, numeretur, exceptis dumtaxat dotium assignationibus, schedulisque (4) bancariis. 5. si res, super qua census constituitur, absque censuarii culpa vel in totum, vel in partem pereat, in totum etiam, vel in partem census obligatio cesset. 6. pactum redimendi sit tantum penes census venditorem, quin ulla unquam detur in contrarium temporis præscriptio; itaut qui censum vendit, semper
jus

(1) Benedictus XIV. de Synodo loc. cit.

(2) Benedictus XIV. loc. cit.

(3) Martinus V., & Callistus III. in Extrav. 1., & 2. de empt., & vendit.
Nicolaus V. Conf. *Sollicitudo*. 30. Sept.

1452., S. Pius V. Conf. 79. *Cum onus*.
19. Januar. 1568., & Gregorius XIII. anno 1574.

(4) S. Pius V. Conf. declaratoria *Esse*.
10. Jan. 1570.

jus habeat pecuniam reddendi, quam accepit, emptor autem numquam illam repetere valeat. 7. nulla huic contractui addatur anticipatæ solutionis obligatio, nulla pacta, quæ ad casus fortuitos obligent, conventiones nullæ solvendi aliquid in pœnam moræ, aut alia subeundi onera, quæ ad hujusce contractus naturam minime pertinent. 8. demum cavendum præ cæteris illud est, ne ex alicujus census fructibus præteritis, aut futuris novus unquam creetur census, aut antiquus in ejusdem emptoris, aut personæ per eum suppositæ favorem augeatur. Jam vero si in censu alium reddituum emptione hæc omnes serventur conditiones, licite, & absque ulla usuræ labe contractus hujusmodi celebrabitur. Sicuti enim potest quis emere rei alicujus usumfructum (1), quamquam directum rei dominium penes venditorem perstet; ita potest emere jus percipiendi partem fructuum ex alieno fundo, eorumque loco obligare se potest venditor ad certam quotannis emptori solvendam pecuniæ summam, quæ illorum fructuum æstimationi respondeat.

XIV. Quod ad emphyteusim spectat, ne in ea justitiæ violentur leges, hæc servanda esse edicimus. Emphyteuta non in (2) deteriorem, sed in meliorem statum redigat ea, quæ in emphyteusim accepit, bona, præsertim si ad Ecclesiam pertineant, & antiqua sint: in anni fine præscriptum solvat Canonem, quem si per biennium, quando Ecclesiastica est emphyteusis, & per triennium, quando est Laicalis, non solverit, incidit in commissum, & emphyteusim una cum meliorationibus amittit. Nulla alienationis specie rem emphyteuticam, irrequisito Domino directo, alienet, & siquidem is in alienationem consenserit, Laudemium eidem a novo Emphyteuta solvendum erit, nisi forte a Patre res emphyteutica filio, aut etiam filiæ tradatur in dotem, quando dotare illam aliunde nequit. In emphyteusi *ex pa-*

L 11 2

Eto,

(1) Benedictus XIV. de Synodo lib. 10. cap. 5. n. 4.

(2) Cap. Potuit. de locat., cap. Ea enim.

caus. 10. qu. 1., L. 1., 2., & ultim. cod. de jure emphit., Auth. Qui rem. cod. de Sacrosanctis Ecclesiis.

452 CONSTITUTIONES SYNODALES

Et, Et providentia leges in contractu appositæ servandæ sunt, exactoque tempore, vel extinctis generationibus in concessione præscriptis, restituenda res est Domino directo, ad quem res tamquam ad proprietarium redit, consolidato dominio utili cum directo. Tandem si res emphyteutica omnino pereat, ipsa quoque emphyteusis cessat, ac resolvitur.

XV. Contractus cambii, quo hominum, & maxime exterorum, fovetur commercium, ille est, per quem (1) cum moderato campforis lucro pecunia permutatur. Tribus autem modis fieri cambium potest. 1. si pecunia præsens cum alia præsentem diversæ speciei ex. gr. aurea cum argentea permutetur. 2. si Campfori in uno loco, puta Romæ, pecunia numeretur, ut alibi ex. gr. Parisiis restituatur. 3. si quis contra a Campfore pecuniam Romæ accipiat, ut illa eidem Parisiis rependatur. Primum ex his cambiis dicitur minutum, & manuale: reliqua vero duo cambium locale, ac per litteras nuncupantur. Hujusmodi trium cambiorum, quæ vera, ac realia sunt, *usum, quem necessitas, publicaque utilitas induxit, legitimum esse, licitumque* declaravit S. Pius V. (2), dummodo quatuor in eo servantur conditiones, quas in sua Constitutione de cambiis Sanctissimus Pontifex præscripsit. Quod idem etiam ex Jure cum Civili (3), tum Canonico abunde colligitur. At cambium non reale, *sed fictum, Et sicum* (4), tamquam illicitum, ac usuræ labe confectum damnavit, reprobavitque idem S. Pius V. (5), & Nos quoque cum illo damnamus, ac reprobamus, atque in Nostra Diœcesi contrahi, & celebrari prohibemus.

XVI. Ludus, in quo inter ludentes sua servetur æqualitas, est contractus non illicitus, nisi fortasse lege prohibeatur, quemadmodum taxillorum, alearumque ludum per Sacros Canones esse Clericis interdictum superius diximus. Imo si debita cum moderatione,

(1) Benedictus XIV. de Synodo lib. 10. cap. 5. n. 7.

(2) S. Pius V. Const. *In eam pro nostra*. edita 28. Jan. 1571.

(3) Toto tit. cod. de usuris.

(4) Cap. *Naviganti*. de usuris.

(5) S. Pius V. cit. Const. *In eam pro nostra*.

beratione, ac debitis in circumstantiis exerceatur, juxta doctrinam S. Thome (1) ad eutrapeliæ, seu affabilitatis virtutem pertinet. Ne vero contra justitiam peccet (2), geminas servari conditiones oportet, quarum prior est, ut ab eo fraus omnis, dolus, ac violentia arceatur; altera, ut ii, qui ludunt, sui sint Juris, & rem, seu pecuniam, quam ludo exponunt, alienare valide possint.

XVII. Tandem ne in plateis nostris usura sit, & dolus, nullos, atque irritos ipso jure declaramus contractus omnes, pactio- nesque, in quibus sanctæ æquitatis jura, ac intemeratæ Justitiæ leges violantur. Notarii vero usurarios contractus sive manifestos, sive palliatos stipulari ne audeant, nisi poenis per Sacros Canones (3), & in edicto generali almæ Urbis constitutis esse velint obnoxii. Denique ut ab universo hoc criminum genere Fidelis Populus abhorreat, Parochi curent appositis verbis eorum gravitatem ostendere, horribilesque recenscant minas in Sacris Paginis (4) a Deo propositas iis, qui ejusmodi sceleribus se commaculant. Divinum præterea explicent præceptum, quo Fideles urgentur, ea, quæ proximis suis injuste ademerint, restituendi: *non enim remittitur peccatum, nisi restituatur ablatum*: Ostendant item, quantam hæc restitutio, cum quis locupletari ex alienis assueverit, habeat difficultatem, ita ut facilius ferme sit nullum proximo detrimentum inferre, quam eidem illatum reparare. Illa identidem repetant Apostoli verba: *Neque fures (5), neque avari, neque ebriosi, neque maledici, neque rapaces regnum Dei possidebunt*. Contra vero qui jurat (6) proximo suo, *Et non decipit, qui pecuniam suam non dedit ad usuram, Et munera super innocentem non accepit, hic non movebitur in æternum, hic habitabit in tabernaculo Dei, hic* requie-

(1) S. Th. 2. 2. quæst. 32. art. 7., & qu. 163. art. 2.

(2) S. Th. loc. cit., & S. Antoninus par. 2. tit. 2. cap. 4. §. 17.

(3) Can. *Quoniam*. caus. 4., & Edict. General. Almæ Urbis §. 30., & 31., &

cap. *Quamquam*; cap. *Quia in omnibus* de usuris in 6.

(4) Amos c. 8., & Jeremias c. 5., Isaie c. 3., Proverb. c. 11., & 22., & Eccles. c. 10.

(5) 1. ad Cor. c. 6.

(6) Psalm. 14.

454 CONSTITUTIONES SYNODALES

requiescet in monte sancto ejus. Quod si quis scenerari adhuc voluerit, ac vere dives fieri; disperdat opes suas, ac det pauperibus, & Domino Deo suo sceneretur: sceneratur (1) enim Domino, qui miseretur pauperis, & centuplum (2) accipiet, ac vitam eternam possidebit.

CAPUT .II

DE PIETATE, ET OBSERVANTIA, VIRTUTIBUS
ADNEXIS JUSTITIÆ.

Justitiæ, de qua hætenus locuti sumus, duæ cognatæ sunt virtutes, pietas videlicet, & observantia. Quemadmodum enim per Justitiam alteri jus suum tribuitur; ita per pietatem, & observantiam officia Parentibus, ac Majoribus debita impenduntur, & ab iis vicissim debita filiis, atque inferioribus rependuntur officia. De singulis pauca dicamus.

ARTICULUS I.

De pietatis, & observantiæ officii Filiorum erga Parentes, Plebis erga Pastores, Subditorum erga Principes, ac Superiores, & Servorum erga Dominos.

Honora Patrem (3) tuum, & Matrem tuam. Hoc est primum secundæ Decalogi tabulæ præceptum, quod uno honoris nomine multa pietatis officia parentibus exhibenda complectitur, juxta illud Ambrosii (4): *Honora obsequiis, honora obedientia, honora largitate*. Primum itaque filii parentes suos, quibus Deus (5) usus est, ut iis animum, mentemque impertiret, & a quibus non modo geniti iidem sunt, verum etiam ad Sacramenta deducti, ad religionem, & ad humanum, civilemque cultum instituti,

(1) Proverb. c.19. v.17.

(2) Matth. c.19. v.29.

(3) Exodi c.20.

(4) S. Ambrosius lib.8. in Lucam, & lib.4. Hexameron. cap.16.

(5) Catec. Rom. in 4. Dec. Præcept. §.9.

tuti, ad morum denique integritatem, ac sanctitatem eruditi, summo (1) post Deum amore, ac honore prosequantur, tantaque observantia colant, ut, non dicam verbis, sed ne nutu quidem, aut vultu pietatem iisdem debitam lædere videantur. Deinde rationes suas ad eorum arbitrium, voluntatemque conferant, *iis obediant* (2) *per omnia, hoc enim placitum est in Domino*, recta eorumdem consilia exequantur, pronisque auribus *audiant* (3) *disciplinam Patris sui, nec dimittant legem Matris sue*. Tandem eos largitate sua honorent, indigentes sublevent, in senectute, atque in necessitate constitutos pascant, illisque *reddant* (4), *quod habent, quibus debent, quod sunt*. Tum vero maxime, cum periculose ægrotant, dare debent operam, ne quid prætermittant, quod ad eorum animæ, corporisque salutem prosit: quare diligenter curent, ut Sacramenta omnia (5), quæ, cum mors appropinquat, a Christianis hominibus percipi debent, iisdem opportuno tempore ministrentur, eosque pii, religiosique homines crebro invisant, qui vel imbecilles confirmant, & consilio juvent, vel optime animatos ad spem immortalitatis erigant, ut cum mentem a rebus humanis excitarint, totam conjiciant in Deum, & mortem, quæ aditum ad æternitatem expedit, non modo non pertimescendam, verum etiam appetendam censeant. Iisdem tandem vita functis, Tobie filiorum exempla imitati, funus faciant, sepulturæ honorem impertiant, iusta, & Sacrificia anniverfaria curent, & si quæ ab iis legata sunt, diligenter persolvant.

II. Hæc ubi Parochi singillatim populo exposuerint; ut illum ad omnia, & singula fideliter obeunda excitent, præmiū proponant a Deo in sacris Paginis promissum iis, qui divino huic præcepto obediunt. Iis enim, qui parentes colunt, non solum sempi-

(1) S.Th. 2.2. qu. 101., & seq.

(2) Ad Coloss. c.3.

(3) Prov. c. 1.

(4) S. Ambrosius loc. cit.

(5) Catechism. Rom. loc. cit. §. 11.

456 CONSTITUTIONES SYNODALES

sempiternæ, ac beatæ, sed hujus etiam, quam in terris agunt, vitæ usus quam diutissimus promittitur. *Honora* (1) *Patrem tuum, & Matrem tuam, ut sis longævus super terram, quam Dominus Deus tuus dabit tibi*: Sic in Exodo locutus est Dominus. *Pietas* (2) *ad omnia utilis est, habens promissionem vitæ, quæ nunc est, & future*: Sic ad Timotheum scribit Apostolus. Neque vero solam temporis diuturnitatem ad vivendum, sed otium etiam, quietem, atque incolumitatem ad bene vivendum filiis, qui inorgeri parentibus suis sunt, Deus pollicetur. Sic enim in Deuteronomio (3) ait Dominus: *Honora Patrem tuum, ac Matrem, sicut præcepit tibi Dominus Deus tuus, ut longo vivas tempore, ac bene sit tibi in terra, quam Dominus Deus tuus daturus est tibi*. Quam quidem promissionem in novo quoque Testamento confirmavit Deus, Apostolo teste, qui ad Ephesios (4) scribens, inquit: *Filii, obedite parentibus vestris in Domino, hoc enim justum est. Honora patrem tuum, & matrem tuam, quod est mandatum primum in promissione, ut bene sit tibi, & sis longævus super terram*. Quod sicui interdum, qui majorem pietatem parentibus præstitit, brevior sit vita; id quidem contingit, vel quod ei optime consulitur, qui prius e vita excedit, quam a virtutis, & officii religione discedat; rapitur (5) enim, *ne malitia mutet intellectum ejus, aut ne ficio decipiat animam illius*; vel quia dum perniciēs, ac rerum omnium perturbatio impendit, e corpore vocatur, ut communem temporum acerbiteriam evadat: *A facie enim malitiæ*, ut inquit Propheta (6), *collectus est justus*, ne videlicet, cum a mortalibus flagitiorum pœnas repetit Deus, ejus aut virtus, aut salus periclitetur, vel ne tristissimis temporibus ex propinquorum, amicorumque calamitatibus acerbissimum sentiat luctum.

III. Quemadmodum vero filiis, qui grati in parentes sunt, officii

(1) Exodi c. 20.

(2) 1. ad Timoth. c. 4.

(3) Deuterom. c. 5.

(4) Ad Ephes. c. 5.

(5) Sapient. c. 4.

(6) Isaia c. 57.

officii sui merces magna propoſita a Deo eſt; ita ingrati, & impij filij graviffimis pœnis reſervantur. Scriptum eſt enim: *Qui percuſerit (1) Patrem ſuum, aut Matrem, morte moriatur, & qui maledixerit Patri ſuo, vel Matri, morte moriatur. Qui affligit (2) Patrem, & ſugat Matrem, ignominioſus eſt, & infelix. Qui maledicit (3) Patri ſuo, vel Matri, extinguetur lucerna ejus in medijs tenebris. Oculum, qui (4) ſubſannat Patrem, & qui deſpicit partem Matris ſue, effodiant eum corvi de torrentibus, & comedant eum filij aquilæ.* Quamobrem adverſus impios hujusmodi, atque inhumanos filios acerrime Patrochi invehantur, propoſitiſque graviffimis cum a divino, tum ab humano Jure præſcriptis pœnis, eos a perpetrando tam atroci crimine abſterreant, ac ſi forte illud perpetrarint, ad injuriam parentibus irrogatam modis omnibus reparandam inducant. Illos præterea moneant, ut ſi forte uxorati ſint, conjuges ſuas objurgent, & corripiant, cum eas adverſus parentes ſuos minus reverenter ſe gerere animadverterint, ne videlicet veniat ſuper eos maledictio. Eos tandem edoceant, lethale a filiis (5) peccatum admitti, qui gravem pecuniæ ſummam invitis parentibus ſurripiunt, cum ſcriptum ſit (6): *Qui ſuberabit aliquid a Patre, & a Matre, & dicit non eſſe peccatum, particeps homicidæ eſt.*

IV. Quamquam in hoc divino præcepto parentes dumtaxat nominentur, quos honorare jubemur; parentum tamen nomine alij plures, qui honorandi etiam ſunt, designantur. Non enim ii ſolum, qui carnaliter, ſed etiam ii (7), qui ſpiritualiter filios in Chriſto generant, & quotidie parturiunt, cujuſmodi ſunt animarum Paſtores, ac Sacerdotes, dulci Parentum nomine in Sacris Litteris decorantur. Quamobrem Epifcopo, qui in ſua Diœceſi ſupremus eſt animarum Paſtor, & Curator, non modo in omnibus Clerici, ſed etiam Laici in iis, quæ ad Eccleſiaſticam

M m m diſci-

(1) Exodi c.21.

(2) Prov. c.19. v.16.

(3) Prov. c.20. v.20.

(4) Prov. c.30. v.17.

(5) S. Antoninus par.2. tit.1. c.15. §.1.

(6) Prov. c.28. v.24.

(7) 1. ad Cor. c.4., ad Galatas c.4., & S. Hieronymus lib.2. Commentar. in cap.15. Matthæi.

disciplinam conservandam, æternamque procurandam salutem pertinent, honorem, cultum, atque obedientiam præstare, tamquam Parenti amantissimo, debent. *Obedite præpositis vestris*, inquit Apostolus (1), *Et subjacete eis: ipsi enim pervigilant, quasi rationem reddituri pro animabus vestris*. Aliis quoque inferioribus animarum Pastoribus Populus, qui eis subest, honorem, reverentiam, atque obedientiam exhibeat: *Qui enim bene præsumt* (2), *Presbyteri duplici honore digni sunt, maxime qui laborant in verbo, Et doctrina*. Nemo itaque in iis, quæ ad animarum curam pertinent, Sacerdotibus, qui Christi gregem custodiunt, & pascunt, audeat obfiteri, cum a Christo Domino præceptum sit, ut vel improbis Pastoribus obtemperetur, ubi inquit: *Super Cathedram* (3) *Mosei sederunt Scribæ, Et Pharisei: omnia ergo, quaecumque dixerint vobis, servate, Et facite: secundum vero operarum nolite facere, dicunt enim, Et non faciunt*. Tridentina vero Synodus (4) per Sanctissimum Domini Nostri, atque Salvatoris Adventum Pastores omnes obtestatur, ut admoncant Populos crebro, obedire Præpositis suis, *quos qui audiunt, Deum remuneratorem audient, qui vero contemnunt, Deum ultorem sentient*. Nos præterea Fideles omnes Nostræ curæ concreditos serio monemus, ac per viscera misericordiæ Dei Nostri obtestamur, ut, si quando Sacerdos aliquis (quod Deus avertat) suæ vocationis immemor degenerem a proposito suo agat vitam, a detractionibus, irrisionibus, ac maledictis abstineant, & caveant quam maxime, ne ponant in cælum os suum. Imo potius Nos filios iunitati, terga vertant, & Christianæ pietatis pallio pudenda Patrum suorum tegant, celeberrimum illud Constantini Cæsaris dictum usurpantes (5): *Vos nobis a Deo dati estis Dii, Et convenient non est, ut homo iudicet Deos, sed ille solus, de quo scriptum est: Deus sedit in Synagoga Deorum: in medio autem Deos dijudicat*.

V. Tam-

(1) Ad Hebr. c. 13.

(2) 1. ad Timoth. c. 5.

(3) Matth. c. 23.

(4) Trid. sess. 25. de electu ciborum.

(5) Rufinus lib. 1. Hist. Eccl. cap. 1., & Theodoretus lib. 1. Hist. Eccl. cap. 11.

V. Temporales etiam Principes, Magistratus, ac Domini parentum nomine significantur, ac proinde ipsos quoque debitis reverentiæ, honoris, atque obedientiæ officiis esse prosequendos edicimus. Quodnam autem honoris, cultus, & observantiæ genus tribuendum iis sit, Sanctissimi Apostolorum Principis Petri docemur oraculo, ubi inquit (1): *subditi estote omni humane creature propter Deum, sive Regi quasi præcellenti, sive Ducibus tamquam ab eo missi ad vindictam malefactorum, laudem vero bonorum, quia sic est voluntas Dei. Servi etiam, subditi estote in omni timore Domini, non tantum bonis, & modestis, sed etiam discoloris*. Per quæ sane verba aperte monemur (2), non hominum improbitatem, aut nequitiam, si tales sint Magistratus, sed divinam auctoritatem, quæ in illis est, nos revereri. Qui enim eis cultus tribuitur, is ad Deum refertur: habet enim venerationem hominum excellens dignitatis gradus, quia divinæ potestatis est instar, & hominibus, quibus Deus publici muneris procurationem attribuit, iisdem utitur tamquam suæ potestatis Ministris. Inde fit, ut siquid improbe, si quid inique imperent, cum id non ex potestate, sed ex injustitia, atque animi perversitate agant, omnino non sint audiendi: *Justum* (3) enim non est homines potius audire, quam Deum.

ARTICULUS II.

*De officiis Parentum erga Filios, Principum, & Magistratum
erga Subditos, & Dominorum erga Servos.*

Quemadmodum Parentibus filii, Superioribus subditi, Dominis servi, suæ pietatis, atque observantiæ præstare debent officia, ita vicissim a Parentibus, Superioribus, ac Dominis sua filiis, subditis, ac servis officia sunt exhibenda. Quamnam Pastores, ac Sacerdotes præstare populo debeant officia benevolentiae, ac pietatis, dicemus inferius. De reliquis pauca

M m m 2

hîc

(1) 1. Petri cap. 2.

(2) Catech. Rom. in 4. Decal. Præcept. n. 15., & 16.

(3) Actuum cap. 4.

hic innuimus, quæ a Pastoribus populo insinuari volumus, ac jubemus.

II. Parentes, ut recte diligant filios suos, suoque muneri faciant satis, diligentem, assiduamque illorum curam gerant, cum in iis, quæ ad corpus, tum, & potissimum in iis, quæ ad æternam animæ salutem conducunt. Cum parvuli sunt, illos alant, omnique solertia tueantur, ne claudi, aut gibbosi, aut lufci fiant, aut repentino aliquo casu perimantur. Præterea educare (1) illos curent in disciplina, & correptione Domini, ac Tobie (2) exemplo ab infantia timere Deum doceant, & abstinere ab omni peccato. Cum puberes, ac adulti fiunt, illis thesaurizent (*nec enim debent*, Apostolo teste (3), *filii parentibus thesaurizare, sed parentes filiis*) non tam patrimonii amplificatione, quam sedula cura, ut vel in Litterarum studiis, vel in honestis artibus, vel in opificiis exercendis, prout cuiusque status, & conditio postulat, occupentur, quibus deinde certa vivendi subsidia comparare sibi possint. Invigilent diligentissime, ne discolis jungantur Sociis, ne perjuriis, aut blasphemiiis, aut obscenis sermonibus assuescant; ne ad vitia tandem ulla declinent. Sanctissimis deinde disciplinis, ac moribus illos imbuant, iisque optima dent vivendi præcepta, ut ad religionem instructi, ac parati, Deum sancte, inviolateque venerentur. Illud tamen serio cogitent, se magis filios exemplo docere posse, quam voce, optimumque educationis genus esse, conversatione, & exemplo se magistros exhibere virtutis, ac probitatis. Meminerint etiam, severiorem sibi in filiarum educatione adhibendam esse disciplinam juxta illud Ecclesiastici (4) monitum: *Filiæ tibi sunt? serva corpus illarum, & non ostendas bilarem faciem tuam ad illas*. Curent igitur, ut filie (5) domi se contineant, nec assuescant alienas cursitare domos, & ut timeat puella, imo ne sciat quidem cum pueris ludere.

II. In

(1) Ad Ephes. c. 6.

(2) Tobie c. 1.

(3) 2. ad Cor. c. 12.

(4) Eccli. c. 7. v. 16.

(5) S. Hieronymus ad Gaudentium, & epist. 7. ad Lætam.

II. In liberis autem educandis quatuor potissimum Parentes declinent, in quibus offendere sæpe consueverunt. Primo, ne quid acerbius in liberos aut loquantur, aut statuunt. *Patres*, ita Apostolus (1) præcipit, *nolite ad indignationem provocare filios vestros, ut non pusillo animo fiant*. Verendum enim est, ne fracto, abjectoque animo sint, dum omnia timent. Quare nimiam Parentes severitatem effugiant, & corrigere liberos malint, quam ulcisci. Deinde si qua culpa commissa est, & necessaria sit castigatio, & objurgatio; ne quid liberis per indulgentiam dissolute remittant. Sæpe enim filii nimia parentum lenitate, & facilitate depravantur. Tertio ne in filiorum educatione, præpostera inquant consilia, ita ut in ea una cogitatione, curaque versentur, ut opes, ut pecunias, ut lautum, amplumque patrimonium illis relinquant, parum, aut nihil de eorumdem fama, æternaque salute solliciti. Postremo ne, quod fœdissimum est, pravis criminum suorum exemplis filios suos ad vitia informent, ac provocent, *ita ut filii (2) parentibus non magis in patrimonium, quam in vitia succedant, & ante eorum incipiant nequitiam, quam substantiam possidere*.

IV. *Pater (3), qui, ob secundarum nuptiarum societatem, prius obliuiscitur filiorum, erubescat se pietatem negligere, naturamque obliterare, quæ, ut ait S. Ambrosius (4), & bestiis hoc infundit, ut etiam mutato concubitu, nesciant novercalia odia, & charitatis differentiam inter catulos suos. Præterea cum Parentes (5) vivendi subsidia ministrare iis debeant, quos ad vitam genuerunt; Quis non videat grave scelus ab iis admitti, si in ludis, comestationibus, vanisque sumptibus dissipent, quæ ad honestam familiæ suæ sustentationem sunt necessaria, aut si otio, desidiamque torpentes filiis suis negligant paterna providentia consulere? Tandem lethalis*
culpæ

(1) Ad Coloss. c. 3.

(2) Salvianus lib. 1. ad Ecclesiam Catholicam.

(3) S. Basilii hom.-9. in Hexameron.

(4) S. Ambrosius lib. 6. in Hexameron. cap. 4., & lib. 5. cap. 18.

(5) S. Basilii in Psalm. 7.

culpe reatum contrahunt, si adultam (1) filiam nubere volentem, sine gravi, iustaque causa in matrimonium collocare renuunt, debitamque suppeditare dotem recusant.

V. Principes, Magistratus, Judices, & qui continent (2) multitudines, & placent sibi in turbis nationum, quoniam data est eis potestas a Domino, ut induant iustitiam, & vestiantur ea, ut vestimento, & diademate; id oneris a Deo injunctum sibi esse intelligant, ut sint Patres pauperum, & causam, quam nesciunt, diligentissime investigent; ut conterant molas iniqui, & de dentibus illius auferant prædam; ut denique judicent pupillos, & causam viduæ suscipiant. Caveant ergo, si sapiunt, diligentissime, ne iustificent impium pro muneribus; ne iustitiam iusti auferant ab eo; ne opprimant in iudicio pauperes; & ne vim faciant causæ humilium. Non enim iudicium hominis exercent, sed Dei, apud quem non est iniquitas, nec personarum acceptio, nec cupido munerum. Audiant, quid iis futurum Sapiens (3) prænunciet, si muneri desint suo: Altissimus interrogabit opera vestra, & cogitationes scrutabitur: quoniam cum essetis Ministri regni illius, non recte iudicastis, nec custodistis legem iustitiæ, neque secundum voluntatem Dei ambulastis. Horrende, & cito apparebit vobis: quoniam iudicium durissimum his, qui præsumunt, fiet. Exiguo enim conceditur misericordia: potentes autem potenter tormenta patientur. Non enim subtrahet personam cuiusquam Deus, nec verebitur magnitudinem cuiusquam, quoniam pusillum, & magnum ipse fecit, & equaliter cura est illi de omnibus: fortioribus autem fortior instat cruciatio.

VI. Domini (4), quod iustum est, & æquum, servis præstate, scientes, quod & vos Dominum habetis in cælo. Curam illorum habete, remittentes (5) minas, scientes, quia & illorum, & vester Dominus est in cælis, & personarum acceptio non est apud eum. Ne le-

(1) S. Th. 2. 2. qu. 104. art. 5., L. Qui liberos. ff. de ritu Nuptiarum, & L. ult. cod. de dotis promissione.

(2) Job c. 29., Sapientiz c. 6., Isaïe

cap. 3., & c. 10., 2. Paralip. cap. 19.

(3) Sapientiz cap. 6.

(4) Ad Colossen. c. 4.

(5) Ad Ephes. c. 6.

datis (1) servum in veritate operantem, neque mercenarium dantem animam suam. Imo servus sensatus sit vobis dilectus, quasi anima vestra: ne inopem derelinquatis illum. Hæc sunt officia, quæ servis præstanda esse a Dominis, sacra testantur Litteræ; & quæ, opportuna arrepta occasione, Parochus fufius explicabit, vel cum diebus Dominicis sermonem habebit ad populum, vel cum in habenda Catechesi quartum Decalogi præceptum Fidelibus curæ suæ concreditis explicabit.

CAPUT III.

DE OFFICIIS PASTORUM, AC SACERDOTUM
ERGA PROXIMUM.

QUÆ hætenus vitanda proposuimus, ne proximo nocemus, & quæ faciendæ diximus, ut de illo benemereamur, communia iis omnibus sunt, qui Christianæ Fidei professione gloriantur. Non desunt tamen alia, quæ peculiari ratione ad Ecclesiasticos viros, atque ad animarum præsertim Curatores pertinent, quibus Christus oves suas pascendas, custodiendasque concredidit: eorum enim singulis pro modulo suo curam pascendi gregem commisit, cum Apostolorum Principem Petrum ter pascere agnos, ovesque iussit. Qua quidem trina præcepti repetitione triplicem pascendi modum significatum iis fuisse, S. Bernardus interpretatur: pascere quippe gregem eos oportet *exemplo conversationis, verbo prædicationis, & Sacramentorum administratione*. Ut autem omnia munera, officiaque Ecclesiastica his tribus pascendi modis comprehensa, fideliter, sancte, recteque exercentur, de singulis pauca dicamus, quibus animarum Pastores ad ea tutius, alacriusque obcunda excitentur.

(1) Eccli. c.7.

CAPUT IV.

DE CONVERSATIONIS EXEMPLO, QUO PASCERE POPULUM
DEBENT ANIMARUM PASTORES.

Pascere primum Pastores gregem bonæ exemplo conversationis oportet. Ut autem in tam gravis momenti re pertractanda distincte, perspicueque procedamus, utque Dei Ministri, & animarum Curatores ad hoc pabulum populo suppeditandum vehementius excitentur, meminerint: 1. quanta sit exempli vis, ut plurimos sibi imitatores conciliet. 2. quam arcta sit obligatio, qua Ecclesiæ Ministri, ac præsertim animarum Pastores, urgentur, ut laicis bonorum operum exemplo præfulgeant. 3. qua præcipue ratione præstare id possint. 4. demum quam grave sit crimen aliis exemplo suo peccandi occasionem præbere.

II. Et quod ad primum attinet; Cum imitari, Philosopho teste, insitum sit hominibus a pueris, & in hoc a cæteris animantibus differant; nihil est, quod eos efficacius, quam exemplum, ad bene, sancteque operandum alliciat. Pueros certe, quæcumque ab aliis fieri viderint, naturali quodam ductu imitari quotidie, ac facere intuemur. Quare optime ait Seneca: *Longum iter per præcepta, breve, & efficax per exempla.* Quidquid enim facere jubemur, id fieri vere posse nobis exempla suadent. Eam ob causam amantissimus Præceptor noster Jesus, quidquid dicturus erat, vel præcepturus, opere ipse prior complebat suo. *Jesus (1) cepit facere, & docere. Exemplum dedi (2) vobis, ut quemadmodum ego feci, ita & vos faciatis;* quibus verbis excitatus Apostolus ita ad veræ sanctitatis normam vitam composuit suam, ut ad Philipenses (3) fidenter scriberet. *Imitatores mei estote, fratres, & observate eos, qui ita ambulant, sicut habetis formam nostram.* Paucis rem absolvamus: Experientia ipsa rerum omnia Magistra edoce-

mur,

(1) Actuum c. 1.

(2) Joa. c. 13.

(3) Ad Philipp. c. 3.

atur, verissimum esse, quod in Sacris litteris scriptum est: *Qui cum sapientibus (1) graditur, sapiens erit; & qui communicaverit (2) superbo, induet superbiam.*

III Cum itaque ex una parte ad honeste vivendum tanta sit bonorum exemplorum virtus, atque efficacia; ex alia vero Ecclesiastici, ac præsertim Parochi, Dei (3) esse debeant in animarum salute procuranda adjuutores; Inde fit, ut iidem exemplo suo Fidelibus prodesse in Sacris Litteris jubeantur. *In omnibus teipsum præbe exemplum bonorum operum*; ita Tito (4) Apostolus præcipit. *Exemplum esto Fidelium*; ita idem Apostolus (5) Timotheo. *Sic luceat lux (6) vestra coram hominibus, ut videant opera vestra bona, & glorificent Patrem vestrum, qui in cælis est*; hoc præceptum Discipulis suis dedit Reparator Noster Sanctissimus Christus Jesus. *In te, ad Heliodorum Episcopum scribit S. Hieronymus, omnium oculi diriguntur: quidquid feceris, id sibi omnes faciendum putant.* Sit itaque Pastor (7) operatione præcipuus, ut viam vitæ subditis vivendo denuntiet, & grex, qui pastoris vocem, moresque sequitur, per exempla melius, quam per verba gradiatur. Nihil est, inquit Tridentina Synodus (8), quod alios magis ad pietatem, & Dei cultum assidue instruat, quam eorum vita, & exemplum, qui se divino ministerio dedicarunt. Cum enim a rebus sæculi in altiore sublati locum conspiciantur, in eos, tamquam in speculum, reliqui oculos conjiciunt, ex iisque sumunt, quod imitentur. Quod quidem verius est de domesticis, quibus exemplo suo prodesse plurimum debent Ecclesiastici, ita ut vere possint iisdem dicere, quæ ad Corinthios scribebat Apostolus (9): *Imitatores mei estote, sicut & ego Christi.*

IV. *In omnibus autem (10) nosmetipsos præbere debemus exemplum bonorum operum, in doctrina, in integritate, verbum sanum,*

N n n irre-

(1) Prov. c.13.

(2) Eccl. c.13.

(3) 1. ad Cor. c.3.

(4) Ad Titum c.2.

(5) Ad Timoth. c.4.

(6) Matth. c.5.

(7) S. Gregor. 1. par. Pastoral. c.3.

(8) Trid. sess.22. de ref. c.1.

(9) Ad Cor.

(10) Ad Titum c.2.

irreprehensibile, ut is, qui ex adverso est, vereatur nihil habens mali dicere de nobis. Verum in tribus potissimum exemplo Fidelibus præluceant ii, qui Sacrae adscripti Militiæ, se totos divino servitio manciparunt. Primum quidem in summa erga Deum pietate, ita ut sint in Missa celebranda Religiosi, in Sacris obeundis functionibus assidui, in audiendo Dei verbo diligentes. Christum sub Eucharisticis speciebus delitescentem in Templis frequenter invisant, & cum ad ægrotos deferatur, religiose comitentur: tandem quidquid ad divinum pertinet cultum, summa cum alacritate, ac pietate exequantur. Deinde in vera, qua se invicem prosequantur, reverentia, & charitate: quæ enim fieri potest, ut eos Laici diligant, ac revereantur, si se ipsi mutuo contemnant, si sibi invicem obloquantur, si reciproci decertent odiis, atque inimicitiiis? *Et nunc ad vos mandatum hoc, o Sacerdotes, inquit Dominus per Malachiam (1). Numquid non Pater unius omnium nostrum? numquid non Deus unus creavit nos? Quare ergo despicit unusquisque nostrum fratrem suum, violans pactum patrum nostrorum?* Denique in sincera erga proximos charitate, ita ut pauperibus opem ferant, ægrotos invisant, mœrentes consolentur, dissidentes componant, uno verbo, Angeli pacis nuncupentur, & sint.

V. Quod si tam graviter, ac tam serio Ministris suis Christus præcipit, ut exemplum Fidelibus præbeant integræ, sanctæque vitæ, quam imitentur; quanto gravius, impensiusque iisdem præcepisse credendum est, ne morum perditorum exemplo a recta virtutis semita eos avocent, & ad perditionis viam secum abducant! *Necesse est, Christus inquit (2), ut veniant scandala: Veruntamen vae homini illi, per quem scandalum venit.* Quæ quidem divinæ indignationis comminatio, si Christianum quemlibet percutit, per quem scandalum venit, quanto magis Ecclesiasticos ferit viros, quorum mala exempla Christianæ Reipublicæ multo sunt perniciosiora, cum eorum dignitas sublimissima, quæ ab iis exercentur, vitia consecrare quodammodo videatur! Hanc sane ob cau-

(1) S. Malachiæ c. 2.

(2) Matth. c. 18.

ob causam flagitiosos Deos callidissimus humani generis hostis venerandos Ethnicis proposuit, ut videlicet in iis quoque vitia cole-
rent, & crimina ipsa præcipuum esse religionis actum ducerent,
quo sua numina venerarentur. Hinc optime Tridentina Syno-
dus (1) inquit: *Totius familie Domini status, & ordo mutabit, si,*
quod requiritur in corpore, non inveniatur in capite, & necesse est,
ut Grex in præcipitium feratur, cum Pastor per abrupta graditur.
Caveant itaque omnes, qui Deo militant, ac potissimum anima-
rum Pastores, ne conqueri de iis possit Deus, quemadmodum de
Mosaicæ legis Sacerdotibus conquestus olim est per Jeremiam (2):
Grex perditus factus est populus meus: Pastores eorum seduxerunt eos;
& alias per Oseam: *Audite hoc, o Sacerdotes, quia vobis iudicium*
est, quoniam laqueus facti estis speculationi, & rete expansum super
Thabor. Has enim querelas iudicium durissimum excipiet, quo
eos iudicabit Dominus, & poena gravissima, qua corripiet illos.
O Sacerdotes, ita Dominus prænuñciavit per Malachiam (3); *vos*
recessistis de via, & scandalizastis plurimos in lege: irritum fecistis pa-
ctum Levi, dicit Dominus exercituum. Propter quod & ego dedi vos
contemptibiles, & humiles omnibus populis, sicuti non servastis vias
meas. Et sane nonne quotidie non modo apud probos, verum
etiam apud improbos contemptui haberi videmus Sacerdotes illos,
qui sui inmemores muneris, oblitique Domini Dei sui, illicitis
indulgent voluptatibus, & in maleolenti vitiorum cœno volutan-
tur? Verum dolorum initia hæc sunt, & acerbior eos manet pœ-
na, nisi qui se cum plurimorum destructione perdiderint, cum
plurimorum ædificatione se redimant. Relinquet enim eos Do-
minus, & non dabunt (4) cogitationes suas, ut revertantur ad Do-
minum Deum suum. Hortamur itaque, & enixe rogamus in
Domino Clericos omnes, ac præcipue animarum Pastores, ut
facti forma gregis exemplo suo Fideles ad virtutem adducant;

N n n 2

Scan.

(1) Trid. sess. 24. de ref. c. 1.

(2) Jeremias c. 50.

(3) Malachias c. 3.

(4) Osee c. 5.

Scandalum vero quodlibet diligentissime devitent, nisi, præter divinæ ultionis flagella, Nostræ quoque animadversionis severitatem velint experiri.

CAPUT V.

DE VERBO PRÆDICATIONIS.

CUM unicuique animarum Pastori mandatum sit per Prophetam (1): *clama, ne cesser; quasi tuba exalta vocem tuam, annuncia populo scelera eorum*; cæterisque etiam inferioribus Ecclesiæ Ministris, *quos in adiutorium nostrum assumpsimus consecrandos*, in ipso consecrationis actu prædicandi officium per ea verba injunctum fuerit, *oportet prædicare*; Caveant proinde, ne commissam sibi verbi administrationem vel prætermittant, vel perfunctorie, aut præpostere, aut inordinate agant. Contra priores enim scriptum est (2): *si non fueris locutus impio, ut custodiat se a via sua; sanguinem ejus de manu tua requiram*: Et contra posteriores (3): *Maledictus, qui facit opus Domini fraudulentè*. Verum cum dupliciter ministrari Dei verbum possit, ac soleat, videlicet vel pueris, rudibusque Christianam Doctrinam familiaribus, planisque verbis explicando, vel Fideles adultos ad fugienda vitia, sectandasque virtutes Sacris Concionibus excitando; De utraque Divini verbi ministrandi ratione singillatim pauca statuamus.

ARTICULUS I.

De Christiana Doctrina Fidelibus, ac præsertim pueris, rudibusque explicanda.

Divinum hoc pueros, rudesque primis Christianæ Fidei elementis salubriter imbuendi munus, quod summi etiam Ecclesiæ Ministri, doctrina non minus, quam sanctitate præstantes,

(1) Ezechiel. c. 33.

(2) Ezechiel. loc. cit.

(3) Jeremias c. 48.

tes, magna cum Dei gloria, animarumque profectu diligenter obire non renuerunt, Parochis, Sacerdotibus, cæterisque de Clero, quotquot in Nostra hac Diœcesi versantur, commendatum maxime volumus, ac tota, qua possumus, auctoritate demandatum. Quare Tridentinæ Synodi decretis (1) inhærentes, volumus, ac præcipimus, ut Parochi, cæterique animarum curam habentes, singulis saltem Dominicis diebus, pueros, rudesque, pomeridianis horis, Christianæ Doctrinæ, Fideique Catholicæ rudimentis imbuant, atque erudiant. Ea vero occasione illorum cordibus inferere studeant ingens peccati odium, Sancti Dei Nominis reverentiam, amorem erga Deum, erga Parentes observantiam, erga Deiparam tandem filialem, summamque benevolentiam. Si quos autem rudiores, crassioresque inveniant, eos minime fastidiant, sed paterna charitate perhumaniter excipiant, seorsim, conditiisque diebus instruendos.

II. Ne in explicandis Fidei mysteriis aut diversitas obrepât, aut novitas, utque idipsum omnes sapiant, ac dicant [veræ enim Fidei tessera (2) unitas est, certum autem erroris argumentum sibi dissimilis, semperque alternans doctrina] ea docendi ratio teneatur, quam in suo Doctrinæ Christianæ libello, Clementis VIII. jussu edito, Ven. Cardinalis Bellarminus summa brevitate, ac perspicuitate complexus est.

III. Clementis Papæ VIII., aliorumque Prædecessorum Nostrorum vestigiis inherentes [inquit Benedictus XIV. in sua epistola Encyclica (3), quam de Doctrina Christiana Populis tradenda ad universos Patriarchas, Primates, Archiepiscopos, atque Episcopos dedit] hortamur in Domino, Et enixe commendamus, in Doctrina Christiana tradenda adhiberi libellum de Clementis ejusdem mandato a Cardinali Bellarmino conscriptum, mox in deputata Congregatione diligenter examinatum, Et approbatum, ac denique ab eodem Clemente in lucem eo saluberrimo consilio edi jussum, ut unus deinceps, idemque
modus

(1) Trid. sess. 24. c. 4. de ref.

(2) Bellarminus de notis Ecclesiæ.

(3) Benedictus XIV. in Epist. Encycl. Esq. edita 7. Febr. 1742.

476 CONSTITUTIONES SYNODALES

modus in docendo, & discendo Christianam Doctrinam ab omnibus teneretur. Nihil hac uniformitate optabilius, nihil ad præcavendos, qui in multiplicem Catechismorum varietatem irrepere possent, errores conducibilis, atque opportunius. Cum autem huic tam necessario, tamque proficuo muneri obeundo satis non esset Parochorum labor, ac industria; peculiarem in Nostra Diocæsi Doctrinæ Christianæ Congregationem (1) instituimus, e qua non paucos iidem haberent tam pii operis adjuutores. Certas præterea præscriptimus leges, quas in tota Diocæsi illibate servari iussimus, ut stabilior, uberiorque ex Doctrinæ Christianæ exercitio fructus perciperetur. Quæ quidem omnia jam olim Parochis omnibus, totique Diocæseos Clero per Epistolam ediximus, quam in Synodi hujus Appendice part. 1. num. 1. pag. 3. damus, & cui tota, qua pollemus, Auctoritate Synodalis legis vim, ac robur tribuimus. Quidquid autem in eadem Epistola præscriptum a Nobis est, servari exacte jubemus sub pœnis arbitrio Nostro infligendis, non modo adversus Parochos, qui in re tanti momenti deliquerint, verum etiam adversus Clericos (2), qui ad ejusdem Epistolæ normam in Christianæ Doctrinæ tradendæ munere operam suam Parocho commodare neglexerint, & quos certe ad superiores Ordines minime promovebimus.

IV. Clerici, aliique, qui in tam salutari, ac pio exercitio suam navabunt operam, exactam Parochis præstent obedientiam, & ab ejus nutu pendeant; utque alacriores ad hunc pium laborem subeundum fiant, catalogum Indulgentiarum legant, quas Romani Pontifices lucrandas proposuerunt, tum iis, qui Doctrinam Christianam alios docent, tum iis, qui ad illam addiscendam statis horis in Templo intersunt, aut alios in Templum ducunt, ut eadem erudiantur. Parochi vero frequentissime Parentibus, Propinquis, Tutoribus, ac Dominis insinuent grave, quo obligantur, præceptum curandi modis omnibus, ut eorum Filii, Pupil-

(1) S. Pius V. in sua Const. *Ex debito*,
Encyclica.

(2) Benedictus XIV. in cit. Epistola

Pupilli, ac famuli Christianæ Religionis myſteria, atque elementa doceantur, vitæque chriſtiano more ducendæ rationem addiſcant. Edicant propterea curandum iſdem eſſe diligentiffime ſuaſionibus, & præceptis, ut Filii, Pupilli, ac Famuli Dominicis diebus pio Doctrinæ Chriſtianæ exercitio interſint: Cum autem efficaciora verbis ſint exempla, ſatius fore, ut eos ipſi ſecum ducant ad Templum, ibique omnes Myſteriorum Fidei, divinatorumque præceptorum explicationem ſedulo audiant. Sacri Oratores præterea Quadreſimali tempore huiusmodi onus pro concione frequenter inculcent, graviſſimam annunciantes ea de æterno Judici rationem eſſe reddendam. Sacerdotes (1) autem, qui Confeſſiones excipiunt, fixum illud, immotumque animo ſemper habeant, invalidam eſſe abſolutionem Sacramentalem, quam quis ignoranti res neceſſario neceſſitate mediû ſciendas, & credendas impertitur, nec poſſe homines Deo per hoc Sacramentum reconciliari, niſi prius, excuſſa huius ignorantix caligine, ad agnitionem Fidei educantur. Sedulo etiam animadvertat Confeſſarius, in aliud tempus reiſciendam eſſe abſolutionem illius, qui neceſſaria neceſſitate præcepti ſuo vitio neſcit; in eo autem caſu Pœnitentem abſolvi poſſe, quando ſe vincibilis huius ignorantix reum agnoſcat, & accuſet, intimeque dolens, tum a Deo veniam precetur, tum Confeſſario ſerio promittat, operam ſe impenſe daturum, qua divinæ Gratiæ præſidio ea etiam diſcat, quæ neceſſaria ſunt neceſſitate præcepti. Quæ quidem omnia, licet ſuperius dicta a Nobis fuerint, hic tamen repetere, atque iterum inſinuare voluimus: De re enim agitur ſummi momenti, a qua plurimorum de plebe hominum æterna pendet ſalus. Omnibus etiam ludi Magiſtris, Piſque ſceminis in memoriam revocamus graviſſimum illud Concilii Lateranenſis (2) decretum, quo ſuos Diſcipulos, Puellasque, quas inſtituunt, ſingulis ſaltem hebdomadis

(1) Benediſtus XIV. in cit. *Epiftoſa Encycl. Eſſi minime.*

(2) Concil. Lateranen. ſub Leone X.

ſeſſ. 9. cap. 7., & Leo X. Conſt. 7., quæ incipit *Supremum.*

472 CONSTITUTIONES SYNODALES

madis semel fidei rudimenta docere, eosque sana, incorruptaque doctrina, tamquam pabulo vitæ, nutrire, & confirmare jubentur. Quare si hac in re negligentes fuerint, sciant, se Deo negligentia suæ rationem esse reddituros; a Nobis vero a docendi munere esse removendos. Tandem si quos sive Parentes, sive Magistros, sive Heros tam gravis obligationis contemptores, aut immemores esse Parochus deprehenderit, Nobis, seu Vicario Nostro Generali denunciaret, ut opportunis remediis ipsorum salutis, ac reliquorum exemplo prospiciamus.

ARTICULUS II.

De Verbi Dei Prædicatione.

Prædicandi munus, cum proprium sit Episcoporum, atque Pastorum; cæteris vero, qui scientia, vitæque integritate commendantur, nonnisi ex Nostri commissione, ac delegatione convenire possit; nemo (1), quamquam Doctor sit, aut Nostre Cathedralis Canonicus, [exceptis Parochis quoad suæ Paroeciæ Ecclesias] in hac Civitate, aut Diocesi, sive publice in Templis, aut plateis, sive privatim in Oratoriis, etiam Parochis annuentibus, prædicare audeat sine Nostri expressa licentia, ac facultate, etiamsi alias approbatus ad id munus fuerit, sub pœnis arbitrio Nostro infligendis, quas subibit etiam Ecclesiæ Rector, in qua habita concio fuerit. Quoad Regulares sic Tridentina Synodus (2) præcipit: *Regulares vero cujuscumque Ordinis, nisi a suis Superioribus de vita, moribus, & scientia examinati, &* appro-

(1) Concil. Carthagin. I. cap. 10., Rhe-
men. c. 14., Arelaten. c. 10., Lateranen.
sub Innocentio III. c. 10., & sub Leone X.
sess. 11., Trid. sess. 24. de ref. c. 4., cap.
Inter cætera. de offic. ordinarij; cap. *Ex-
communicamus*. §. *Quis vero*. de hæreticis,
S. Th. 2. 2. qu. 184. art. 8., Const. *In tanta
revera*. 1 Martij 1571., Gregor. XV. Con-

stitut. 8. *Inscrutabili*. 3. Febr. 1622., In-
nocent. X. in Brevis 14. Maji 1648., Cle-
mens X. Const. *Suprema*. 29. Jun. 1670.,
Sac. Cong. Episc. 16. Oct. 1601.

(2) Trid. sess. 5. cap. 2. de reformat., &
sess. 24. cap. 4., Concil. Lateranen. V.
sess. 10., Gregorius XIII. &c.

approbati fuerint, ac de eorum licentia, etiam in Ecclesiis suorum Ordinum, prædicare non possint; cum qua licentia personaliter se coram Episcopis præsentare, & ab eis benedictionem petere teneantur, antequam prædicare incipiant. In Ecclesiis vero, quæ suorum Ordinum non sunt, ultra licentiam suorum Superiorum, etiam Episcopi licentiam habere teneantur, sine qua in ipsis Ecclesiis non suorum Ordinum nullo modo prædicare possint: ipsam autem licentiam gratis Episcopi concedant. Si vero, quod absit, Prædicator errores, aut scandala disseminaverit in populo, etiamsi in Monasterio sui, vel alterius Ordinis prædicet, Episcopus ei prædicationem interdicat. Et alibi eadem Tridentina (1) Synodus sic statuit: Nullus sive secularis, sive Regularis, etiam in Ecclesiis suorum Ordinum, contradicente Episcopo, prædicare præsumat. Laici (2) nunquam, etiam in privatis Oratoriis, quorum sint Superiores, aut Officiales, prædicare præsumant. Idem de quæstoribus (3) elemosynarum statuimus, cumcumque sint conditionis, & non obstantibus quibuscumque privilegiis.

II. Parochi singulis (4) saltem diebus Dominicis inter Misæarum solemnities plebes sibi commissas pro sua, & earum capacitate salutaribus pascant verbis, annunciando eis cum brevitate, & facilitate sermonis vitia, quæ eos declinare, & virtutes, quas sectari oportet, ut pœnam æternam evadere, & cœlestem gloriam consequi valeant. Qui negligentes in hoc munere fuerint, graviter subtractione fructuum, carcere, deputatione idonei Ministri, aliisque pœnis juxta contumaciæ, & transgressionis qualitatem severe a Nobis punientur. Plura de hac re in nostra Epistola superius citata jam diximus, cujus proinde frequentem lectionem, exactamque observantiam Parochis omnibus, ac reliquis Concionatoribus enixe commendamus.

O o o

III. Cum

(1) Trid. sess. 24. cap. 2. de reformat.

(2) Concil. Later. sub Leone X. sess. 11., cap. Ad abolendam de hæreticis, Sacra Congregat. Episc. in Caven. 9. Jun. 1592.

(3) Concil. Later. sub Innoc. III. c. 62.,

Trid. sess. 5. de reform. esp. 2.

(4) Trid. sess. 5. de reform. cap. 2., sess. 23. cap. 1., & sess. 24. cap. 4., Concil. Viennen. in Clement. Dudum. §. Hujusmodi. de Sepulturis.

474 CONSTITUTIONES SYNODALES

III. *Cum libentius illa vox (1) auditorum cor penetret, quam dicentis vita commendat; illi, quibus administratio Verbi commissa est, metiri solliciti studeant, quanta tenenda rectitudinis necessitate constringuntur; quia, qua necessitate exiguntur summa dicere, eadem necessitate compelluntur summa monstrare. Sint ergo cogitatione mundi, corde humiles, spiritu fervidi, actione præcipui, in silentio discreti, in verbo utiles, in sermone breves, ac in omnibus præbeant seipsos exemplum bonorum operum, ut non vituperetur ministerium verbi, quod acceperunt a Domino Jesu.*

IV. *Ne Verbum Dei, quod ad vitæ spiritualis præsidium scimus esse institutum, in mortis instrumentum Ministrorum vitio vertatur, districte præcipimus (2) Concionatoribus quibuscunque, ut Sacræ Scripturæ verbis, juxta Sanctæ Romanæ Ecclesiæ sensum, ac unanimem Sanctorum Patrum interpretationem, utantur; supervacuis autem, ac curiosas quæstiones non agitent, neque profanum ambitiosæ eloquentiæ sectentur apparatus. Qui secus fecerint, censuris, suspensione a prædicationis munere, aliave ratione pro modo culpæ ad normam Sacrorum Canonum, & Apostolicarum Constitutionum a Nobis plectentur. Cum autem sermo divinus, Apostolo (3) teste, non in persuasibilibus humanæ sapientiæ verbis, sed in ostensione spiritus, & veritatis habeatur; iidem divini verbi Præcones sæpius animo reputent altissimam proprii muneris vocationem, ut recte tractantes Verbum veritatis, & non semetipsos (4), sed Christum Crucifixum prædicantes, in omnibus se exhibeant veros Christi Ministros, & dispensatores Mysteriorum Dei. Primum itaque, loca, ad quæ diverterint, bono virtutum odore perfundant, seseque animarum salutem, non temporalis stipendii lucro inhiare ostendant. Parentibus filiorum curam, optimamque educationem, qua eos imbu-*

(1) S. Gregorius par. 2. Pastoralis c. 1. & 13., Origenes homil. 6. ad librum Judicum, & S. Gregorius Nazianzenus orat. de Sancto Lavacro.

(2) Concil. Later. sub Leone X. sess. 11.,

& Litteræ Encyclicæ Sac. Cong. Concil. de mandato Innocen. XI. 6. Julii 1680.

(3) 1. Ad Cor. cap. 2.

(4) 1. Ad Cor. cap. 1.

imbuere naturali, divinoque præcepto jubentur, enixe commendent. Contra vitia, & corruptelas, & potissimum contra eas, quæ frequentiores sunt in populo, vehementer invehantur; ita tamen, ut nullas particulares personas laudent, aut vituperent, nullumque etiam publicum peccatorem aperte notent, vel ita circumscribant, ut denotasse videantur. Populo novas Indulgentias (1) sine Nostro, aut Vicarii Nostri Generalis assensu non publicent. Eleemosynas, quas pro pauperibus a populo petunt, suas facere non audeant: Nulla (2), ne Dominicæ quidem Passionis, concio nocturno tempore habeatur (3): *Non enim legimus Dominum nostrum Jesum Christum solitum fuisse noctibus sermocinari, & doctrinam in tenebris tradiisse*. Ne scandala, aut risus excitentur in plebe, præter Crucem (4), & Christum Crucifixum, non alias imagines, statuas, & pia spectacula e concionatorio suggestu populo exhibeant. Omnia demum fideliter, exacteque servant, quæ de Evangelicæ Prædicationis officio a Sacris Mæmenicis Conciliis, ac præsertim ab ultimo Lateranensi, ac Tridentino sancita sunt. Si quæ in populo deprehenderint, quæ Nostra indigeant animadversione, ea ad Nos deferant, cum exacto prædicationis curriculo ad Nos accedent suæ villicationis rationem reddituri, nisi promptius, celeriusque remedium rei gravitas postulaverit. Ne quid vero eorum, quæ hic statuimus, negligatur, Vicarii Foranei hæc Nostræ Synodi mandata Concionatoribus legenda exhibeant, antequam suum concionandi munus aggrediantur; & si forte Concionator parere aliqua in re detrectaverit, statim Nobis denuncient, ut opportuna providentia detrectantium licentiam compescamus.

V. *Cum ex Deo (5) non sit, qui verba Dei non audit*; Parochi, ante Adventum potissimum, & Quadragesimam, Fidelibus in memoriam revocent maximam, in qua versantur, necessitatem

O O O 2

facras

(1) Concil. Mediolanen. I. de prædicatione.

(2) Sac. Cong. Episc. in Castrensi 20. Martii 1629.

(3) S. Hilarius in Mattheum Concione 10. post medium.

(4) Sac. Congreg. Episcop. 10. Martii 1629. (5) Joa. cap. 8.

sacras audiendi Conciones, ut verbo Dei salubriter reſecti non deficiant in via peregrinationis ſuæ, ſed felici curſu cœleſtem, ad quam tendunt, patriam aſſequantur. Verbum enim Dei, teſte Jacobo Apoſtolo (1), efficaciffimum eſt remedium ad ſalvandas animas: *Cum manſuetudine ſuſcipite verbum vobis inſitum, quod poteſt ſalvare animas veſtras*. Quare Parentes, ac Domini filiis, ac ſervis ſuis in tam gravi, ac tam ſalutari negotio, exemplo, ac monitis præeant, ne domeſticorum ſuorum curam non habentes ab Apoſtolo, tamquam Infidelibus deteriores, arguantur. In Adventu, & Quadageſima, concionis tempore, mares (2) a ſœminis per ſepta lignea, aut ſaltem linea ſecernantur, nullumque virorum, cujuſcumque ſit conditionis, & ſtatus, intra ſepta Mulieribus deſtinata ad concionem audiendam ſedere, aut ſtare Parochi, aliiſque Eccleſiarum Rectores umquam patiantur.

VI. Quamquam ad Episcopum (3) ſpectet Evangelicos Operarios deſignare, ac mittere, qui in Domini agro Verbi divini ſemen ſpargant; indulgemus tamen, ac libenter permittimus, ut ſi quæ Communitates vel ex aſſerto privilegio, vel ex legitima conſuetudine jus nominandi Concionatorem obtineant, frui, ac potiri eodem pergant. Verum eadem caveant, ne ultra præſinitum a Nobis tempus, ejuſmodi nominationem differant: ſecus enim, juxta Sacræ (4) Congregationis decreta, pro illa vice privabuntur jure nominandi, quod ad Nos devolvetur: conſuetam tamen eleemoſynam eadem Communitates Concionatori, qui a Nobis deputabitur, ſubminiſtrabunt, quin illam iſdem (5) liceat aut minuire, aut denegare. Tempus autem, quod iſdem ad Concionatorem nominandum, ac Nobis exhibendum præſinitum, hoc eſt: Pro Adventu ante vigefimum octavum Octobris diem; pro Quadageſima vero per duos ſaltem menſes ante

Feriam

(1) Jacobi cap. 5.

(2) Sac. Cong. Epiſc. juffu Clementis XI. ann. 1721.

(3) Can. *Episcopus*. diſt. 88., & cap. *Inter cætera*. de offic. ordin.

(4) Sac. Congreg. Concil. in Trojana 14. Auguſti 1700., & in Narnien. 24. Feb. 1652.

(5) Sac. Cong. Concil. in Tiburtina 3. Julii 1693.

Feriam quartam Cinerum nominatio ejusmodi Nobis exhibetur. Caveant etiam (1), ne in Patentibus Litteris vocem ullam usurpent, quæ electionem, deputationem, declarationem, vel constitutionem significet, sed his dumtaxat utantur verbis: *Nominamus, & presentamus*. Si secus fecerint, earum nominatio nullius apud Nos erit ponderis, & confestim ad alterius Sacri Oratoris electionem pro illa vice deveniemus.

VII. Ut omnes ad audiendum Dei Verbum, Sæcularibus posthabitis negotiis, in Ecclesias convenient, mandamus, ac præcipimus Mercatoribus, & Artificibus, ut in Quadragesima concionis tempore apothecas, atque officinas claudant, & ab operibus manualibus abstineant, sub pœna pecuniaria arbitrio Nostro infligenda. Commonemus etiam, atque in Domino rogamus cujuscunque fori Judices, ut ea hora, qua in Templo publica habetur Concio, neque Jus dicant, neque Judicia exerceant. Districtius autem Ecclesiasticis omnibus mandamus, ut Laicis exemplo præeant: quare concionis tempore neque per vias, & plateas discurrant, neque otientur in apothecis, sed concioni intersint in Templo, compositoque ad modestiam vultu Verbum Dei arrectis auribus audiant. Nostræ vero Cathedralis Canonici Capitulares Constitutiones hac super re exacte, ac fideliter exequantur. Demum dum Concio habetur, neque ullus fiat strepitus, aut clamor, neque Missæ celebrentur in Templo, aut Fidelibus Eucharistia ministretur, sub pœnis arbitrio Nostro infligendis.

CAPUT VI.

DE SACRAMENTIS IN GENERE.

Cælestis ille Medicus, qui languores (2) nostros tulit, & dolores nostros vere portavit, cujus proinde livore sanati sumus, antequam ex hoc Mundo reverteretur ad Patrem, ad
anima-

(1) Sac. Cong. Concil. in Sutrina 8. Maii 1688., in Urbinaten. 7. Jan. 1699. & alibi sæpe. (2) *Idem* cap. 53. ver. 4., & 6.

animarum nostrarum morbos cum sanandos, tum præcavendos, septem nobis Sacramenta reliquit, totidemque in iis veluti fontes aperuit, e quibus hauriremus (1) aquas in gaudio, aquas saluberrimas, aquas (2) vivas, & in vitam salientes æternam. Per Sacramenta enim (3), tamquam per instrumenta salutis, visibilesque invisibilis gratiæ formas omnis vera iustitia vel incipit, vel cæpta augetur, vel amissa reparatur. Quare optime inquit S. Leo (4): *Deus, cujus natura bonitas, cujus voluntas potentia, cujus opus misericordia est, Omnipotentia, Sapientia, ac Bonitatis sue thesauros in Sacramentis explicavit*. Cum autem cœlestia hæc dona non per Angelos, sed per homines divinus ipse Institutor administrari velit; Videant iidem, quanta ipsis adhibenda sit cura, ut in hujus cœlestis Ærarii custodia fideles (5) Mysteriorum Dei Dispensatores habeantur, & sint. Nos vero, ut facilius iidem, utiliusque tantum exerceant ministerium, quid Parochis, cæterisque Ecclesiæ Ministris in Sacramentorum administratione, quid reliquis Fidelibus in eorumdem susceptione agendum, quidve cavendum sit, in hoc, & in sequentibus capitulis statuemus.

II. Septem dumtaxat (6) sunt Sacramenta, quæ Christus instituit, Baptismus videlicet, Confirmatio, Eucharistia, Pœnitentia, Extrema Unctio, Ordo, & Matrimonium. Septenarii autem hujus Sacramentorum numeri duplex quidem, & utraque congrua proferri potest ratio. Primum quidem, ut spiritualis vitæ cum corporea quædam servaretur analogia, ac similitudo. Homini enim, ut in Catechismo (7) Romano edocemur, ad vivendum, vitamque conservandam, & ex sua, Reique publicæ utilitate traducendam, hæc septem necessaria videntur; ut scilicet in lucem edatur, augeatur, alatur, si in morbum incidat, sanetur, imbecillitas virium reficiatur: Deinde, quod ad Rem-

publi-

(1) Isaïæ cap. 12. ver. 3.

(2) Joa. cap. 4. ver. 14.

(3) Can. *Sacrificium* 32. de consecrat. dist. 2., Trid. sess. 7. in præmio.

(4) S. Leo ferm. 2. de Nativitate.

(5) 1. Ad Cor. cap. 4. ver. 1.

(6) Concil. Florent. in decreto de Sacramentis, & Trid. sess. 7. can. 1. de Sacramentis.

(7) Catechif. Roman. par. 2. num. 18.

publicam attinet, ut Magistratus numquam desint, quorum auctoritate, & imperio regatur, ac postremo legitima sobolis propagatione seipsum, & humanum genus conservet. Quæ omnia, quoniam vitæ illi, qua anima Deo vivit, respondere satis apparet, ex iis facile Sacramentorum numerus colligetur. Primus enim est baptisimus, veluti cæterorum janua, quo Christo renascimur. Deinde confirmatio, cujus virtute fit, ut divina gratia augeamur, & roboremur... Tum Eucharistia, quo tamquam cibo vere cælesti spiritus noster alitur, ac sustinetur.... Sequitur quarto loco Pœnitentia, cujus ope sanitas amissa reilituitur, postquam peccati vulnera accepimus. Postea vero Extrema Unctio, qua peccatorum reliquiæ tolluntur, & animi virtutes recreantur.... Sequitur Ordo, quo publica Sacramentorum ministeria perpetuo in Ecclesia exercendi, sacrasque omnes functiones exequendi potestas traditur. Postremo additur Matrimonium, ut ex maris, & fœminæ legitima, & iusta conjunctione, filii ad Dei cultum, & humani generis conservationem procreentur, & religiose educantur. Altera congrua ratio est, ut per Sacramenta Fidelis populus ad Theologalium, & Cardinalium virtutum actus exercendos juvetur, ac provehatur. Baptisimus enim ad Fidem, Extrema Unctio ad spem, Eucharistia ad Charitatem, Confirmatio ad Fortitudinem, Pœnitentia ad Justitiam, Ordo ad Prudentiam, Matrimonium ad Temperantiam plurimum conducit, ac prodest.

III. Septem hæc Sacramenta in eum finem instituta, ut per illa Christianus Populus ubertim, ac facile salutem, & gratiam sibi compararet, cum ante, tum post eorumdem institutionem illustribus figuris Sacræ Litteræ Nobis adumbrarunt, ut eorum videlicet Sanctitatem, divinamque virtutem plurimum facere, avideque expetere disceremus. Hæc itaque Sacramenta sunt illæ septem (1) columnæ, quas Sapientia, cum sibi domum ædificaret, excidit. Hæc sunt septem illa aurea (2) candelabra, quibus

(1) Prov. cap. 9.

(2) Apocal. cap. 1.

480 CONSTITUTIONES SYNODALES

bus divinæ lux Gratix ad universam illustrandam Ecclesiam diffunditur. Hæc sunt illa septem (1) sigilla, quibus signatum intus, & foris librum scriptum vidit Joannes in dextera sedentis supra Thronum, quem nemo poterat neque in cælo, neque in terra, neque subtus terram aperire, aut respicere, donec vicit leo de tribu Juda radix David aperire librum, & solvere septem signacula ejus. Singula autem hæc Sacramenta Institutorem (2) habent Christum Dominum, qui hanc iisdem virtutem dedit, ut gratiam contineant, quam significant, ipsamque gratiam semper, & omnibus non ponentibus obicem ex opere operato conferant, sed ab iis suscipiantur. Tria autem ex his Sacramentis Baptismus, Confirmatio, & Ordo, quia characterem, hoc est signum quoddam spiritale, & indelebile, in anima imprimunt, sine gravi sacrilegio iterari non possunt. Secus de reliquis quatuor dicendum est, quæ, cum characterem non imprimant, possunt non modo sine crimine, verum etiam cum gratiæ, ac meritum incrementum, suo loco, ac tempore iterari. Ordinis præterea, & Confirmationis Episcopus Minister est, aliorum vero Sacerdos; excepto baptismo, quem in casu urgentis necessitatis vir quilibet, ac femina conferre potest. Tandem quatuor omnino ad quodlibet conficiendum Sacramentum ita sunt necessaria, ut, si unum eorum desit, ipsum quoque deficiat Sacramentum: ea autem sunt materia, forma, Minister, ac Ministri intentio, seu voluntas faciendi, quod facit Ecclesia, quemadmodum difertis verbis Eugenius IV. in Concilio (3) Florentino nos docet: *Hæc omnia Sacramenta tribus perficiuntur, rebus tamquam materia, verbis tamquam forma, & persona Ministri conficientis Sacramentum cum intentione faciendi, quod facit Ecclesia.* De Sacramentorum materia, forma, & Ministro suis in locis singillatim agemus, cum de singulis Sacramentis inferius a Nobis differetur. Pauca nunc de iisdem generatim innuamus.

IV. In

(1) Apocal. cap. 5.

(2) Trid. sess. 7. de Sacramentis. can. 1., 6., 8., & 9.

(3) Concil. Florent. in decreto Unionis.

IV. In cujuslibet Sacramenti administratione ea omnino adhibenda est materia, & forma, quæ ex Christi institutione a Catholica adhibetur Ecclesia, itaut si in alterutra fiat mutatio, ut ajunt, *substantialis*, seu *essentialis*, Sacramentum minime conficiatur: secus vero, si *accidentalis* tantum sit mutatio. Tunc autem *essentialis* fieri censetur materiæ mutatio, cum vel physice, & entitative diversa adhibetur, ex. gr. vinum pro aqua in baptismo; vel moraliter, ac Theologice diversa, cum videlicet sic immutatur materia, ut juxta communem usum, hominumque existimationem cum ratione, tum nomine ab ea differat materia, quam Christus in Sacramenti illius institutione præscripsit, puta si in conficienda Eucharistia cruda quædam massa ex aqua, & farina adhibeatur, quæ sane non est Theologice, ac moraliter panis, quo vescimur, & quem pro Eucharistiæ materia Christus instituit. Tunc autem *accidentalis* censenda est materiæ mutatio, cum ea solum sit quoad aliquam rei qualitatem, salva tamen ejusdem substantia, itaut eundem retineat usum, ideinque nomen, ac materia illa, quæ ex Christi institutione a Catholica usurpatur Ecclesia. *Substantialis* formæ (1) mutatio illa est, per quam verborum sensus, ac significatio aufertur, quam Christus intendit. *Accidentalis* vero, quæ verborum sensum a Christo intentum relinquit intactum. Jam vero qui materiam, aut formam sciens, ac volens, aut ex culpabili negligentia quoad substantiam immutat, contra Religionis virtutem graviter peccat, cum & irritum efficiat Sacramentum, & Christo instituenti, ac homini suscipienti gravem irroget injuriam. Qui vero sciens, ac prudens extra necessitatis casum materiam, aut formam accidentaliter tantum mutat, si non levis in genere suo sit mutatio, gravi se inquinat culpa, cum contra Ecclesiæ mentem agat dillicite præcipientis, ne quidquam materiæ, ac formæ Sacramentali seu adatur, seu detrahatur, seu mutetur. Grave etiam admittunt scelus, qui in conficiendis Sacramentis, cum certam habere

P p p

possint,

(1) S. Th. 3. par. qu. 60. art. 8. in corpore.

possint, dubia utuntur materia: nullitatis enim periculo Sacramentum exponunt, & quandoque etiam æterna suscipientis periclitatur salus. Quod si Sacramenti necessitas urgeat, ac certa haberi nequeat materia, dubia tunc adhibenda est, ut meliori, quo fieri potest, modo æternæ proximorum salutis consulatur. At extra necessitatis casum materiam dubiam adhibere non licet, sed si certa haberi nequeat, Sacramentum non est administrandum.

V. Ad validam quoque Sacramenti confectionem debita inter materiam, & formam conjunctio requiritur, itaut simul inoraliter sint; & verba, spectata cujusque Sacramenti natura, supra materiam cadere, & cum ea unum adequatum signum constituere prudenter censeantur. Secus enim, neque vera esset forma, neque unum haberetur morale compositum, cum tamen ita Sacramenta Christus Dominus instituerit, ut formæ prolatio cum materiæ applicatione una moraliter actio censeatur.

VI. Cum autem Ministrorum officio non minus, quam materia, & forma ad Sacramenta conficienda opus esse, perpetua Sanctorum Patrum traditione doceamur; Monendi primum sunt Fideles, Sacramentorum Ministros, quoniam in eorum administratione non suam, sed Christi personam gerunt, sive boni, sive mali sint, modo ea forma, & materia utantur, quam ex Christi instituto semper Ecclesia Catholica servavit, idque facere proponant, quod Ecclesia in ea administratione facit, vere Sacramenta conficere, & conferre, ita ut gratiæ fructum nulla res impedire possit, nisi, qui ea suscipiunt, seipsos tanto bono fraudare, & Spiritui Sancto velint obistere. Sic enim Tridentina Synodus (1) definivit: *Si quis dixerit, Ministrum in peccato mortali existentem, modo omnia essentialia, quæ ad Sacramentum conficiendum, aut conferendum pertinent, servaverit, non conficere, aut conferre Sacramentum, anathema sit.* Monemus deinde Ministros ipsos, ut meminerint, Sacramenta divinam quidem virtutem, quæ illis inest, numquam amittere, at vero impure ea ministrantibus

(1) Trid. sess. 7. can. 12. de Sacramentis in genere.

tibus æternam perniciem, & mortem afferre. Sancta enim sancte, & religiose tractanda sunt; Et si homini peccatis contaminato de rebus divinis agere non licet juxta Davidicum (1) illud *Peccatori dixit Deus: quare tu enarras justitias meas, & assumis testamentum meum per os tuum; tu vero odisti disciplinam?* quantum ab eo scelus admitti existimandum erit, qui sibi multorum scelerum conscius est, nec tamen sacra mysteria polluto ore conficere, vel in fœdas manus sumere, contrectare, atque aliis porrigere, ac ministrare vereatur! Caveant itaque Sacerdotes, ne lethalis culpæ conscii, dum cæteris pharimaca porrigunt, sibi venena propinent.

VII. Certum est, in Ministris, dum Sacramenta conficiunt, intentionem requiri conferendi Sacramentum, aut saltem faciendi, quod facit Ecclesia. Sic enim Tridentina (2) Synodus definivit: *Si quis dixerit, in Ministris, dum Sacramenta conficiunt, & conferunt, non requiri intentionem saltem faciendi, quod facit Ecclesia, anathema sit;* & Alexander VIII. hanc inter reliquas propositionem damnavit: *Valet baptismus collatus a Ministro, qui omnem ritum externum, formamque baptismi observat, intus vero, & in corde suo resolvit: non intendo facere, quod facit Ecclesia.* Hæc autem intentio, seu voluntas esse potest multiplex, idest vel actualis, vel virtualis, vel habitualis, vel interpretativa. Actualis est ipse voluntatis actus, quo quis hic, & nunc aliquid vult. Virtualis est voluntatis actus, qui extitit, nec revocatus umquam est, imo adhuc permanet, tamquam in virtute sua, in certis quibusdam actionibus, quæ ad finem sibi propositum obtinendum fiunt. Habitualis est actus ille, qui neque in se, neque in virtute sua, aut in aliquo effectu a se relicto existit, sed extitit, & nondum retractatus est, cujusmodi esse potest etiam in ebrio, aut dormiente. Interpretativa tandem est, quando quis voluntatem conficiendi ex. gr. Sacramentum neque nunc habet, neque habuit

P p p 2

umquam,

(1) Psal. 49.

(2) Trid. sess. 7. can. 11. de Sacramentis in genere.

uinquam, sed ita est animo comparatus, ut eam haberet, si de Sacramento conficiendo cogitaret.

VIII. Jam vero in conficiendis, & conferendis Sacramentis, licet intentio actualis sit optima, virtualis certe sufficit, non tamen habitualis, neque interpretativa, uti cum unanimi Theologorum consensu docet S. Thomas, (1) ubi ait: *Licet ille, qui aliud cogitat, non habeat intentionem actualem, habet tamen intentionem habituales* (intentionis habitualis nomine virtuales S. Doctor intelligit, uti ex contextu, & unanimi Interpretum explicatione patet) *quæ sufficit ad perfectionem Sacramenti, puta cum Sacerdos accedens ad baptizandum intendit facere circa baptizandum, quod facit Ecclesia. Unde si postea in ipso exercitio actus cogitatio ejus ad alia rapiatur, ex virtute primæ intentionis perficitur Sacramentum; quamvis studiose curare debeat Sacramenti Minister, ut etiam actualem intentionem habeat: sed hoc non est totaliter positum in hominis potestate, quia præter intentionem, cum homo vult multum intendere, incipit alia cogitare, secundum illud Psalmi 39. Cor meum deliquit me.* Non sufficit autem habitualis intentio, quia cum actio Sacramentalis sit actio Ministri, qui nomine Christi agit, ac prudenter divina dispensat mysteria, esse debet actio humana, in quam operantis intentio, seu voluntas vere influat. At qua ratione habitualis intentio, quæ neque in se, neque in sua exiit virtute, influere in actiones externas potest humano, ac rationali modo ponendas Christi nomine, & auctoritate? Multo vero minus intentio sufficit interpretativa, cum hæc nullo modo existat, sed existeret dumtaxat, si de ea cogitaretur.

IX. Sive ergo Sacramentorum Auctorem, sive gratiam, ac Spiritus Sancti dona, quæ per eadem conferuntur, inspiciamus; satis abunde constat (2), quanta cordis puritate nitere eos deceat,

(1) S. Th. par. 3. qu. 64. art. 8. ad 3.

(2) Nicolaus I. in respons. ad consulta Bulgarorum cap. 71., can. *Ipsi*, can. *Necessis*, can. *Neque*, can. *Per Isaiam*.

caus. 1. qu. 1., Catechismus Romanus tit. de Sacramentis, S. Th. in 4. sent. dist. 24. qu. 1. art. 3.

deceat, qui tam sancta, ac tam divina pertractare debent munerata, aliisque ministrare. Quamobrem Parochi, cæterique Sacerdotes illud potissimum curent, ut caste, pie, integreque vitam traducant suam, atque ex frequenti rerum Sacrarum tractatione, usuque ad pietatem in dies magis excitentur, & ad hujusmodi ministeria sancte obeunda paratiores fiant. Cum autem grande nefas sit pura ab impuris tangi, & sancta non sancte tractari; caveant in primis, ne lethalis culpæ labe inquinati sacra hæc mysteria consiciant, sed antequam iisdem manus admoveant, Sacramento Pœnitentiæ conscientiam suam emundent, vel si id per tempus non liceat, aut Confessarii facultas desit (non loquimur hic de Missæ celebratione, de qua in prima harum Constitutionum parte locuti sumus), perfectæ cordis contritione convertantur ad Dominum, ne dum aliorum salutem student, novo sacrilegii reatu sibi æternæ sint damnationis Auctores. Ut vero iisdem Sacramenta (1) rite perficiant; ea probe sciant, quæ ad eorundem essentiam, rectamque administrationem pertinent, in iisque conferendis omnino caeremoniis, ac ritibus in Rituali Romano præscriptis utantur.

X. Ut interno religiosi animi sensui externus quoque corporis cultus, sacrarumque vestium respondeat ornatus, præcipimus, ut Parochi, aliive Sacerdotes (2), Sacramenta ministraturi, veste talari, candido superpelliceo, stolaque ejus coloris, qui Sacramento ministrando congruat, induantur. Curent præterea, ut vestes reliquæ, vasa sacra, aliaque omnia in singulorum sacramentorum administratione, usuque adhibenda, Ecclesiasticæ munditiæ nitore, ac puritate colluceant. Hinc enim populus, qui externis, ac visibilibus speciebus non parum afficitur, magni hæc facere mysteria, & divinam in iis revereri majestatem addiscet. Eundem

ob

(1) Can. *Nolite errare*. dist. 11. cap. *Licet*. 14. de elect. in 6. Innocent. I. ep. 1. Gelasius Papa epist. 9. Eugenius IV. in decret. post Concil. Florent. Trid. sess. 7. cap. 11. & 13. & sess. 14. can. 6. & 9.

& Paulus V. Const. 35. *Apostolica*. 17. Junii 1614.

(2) Can. *Non oportet*; can. *In sancta*; & can. *Vestimenta*. de consecr. dist. 1.

ob finem (1) frequenter Parochi, vel inter Missarum sole mnia, vel cum Sacramenta administrant, eorum institutionem, usum, fructus, Sanctioresque cœremoniarum significationes ex Romano Catechismo vulgari sermone explanent. Sacramenta vero omnia, præter Extremam Unctionem, & præter urgentis necessitatis casum, nonnisi in Ecclesia, conficiantur, aut conferantur.

XI. Cum in Sacramentorum institutione potissimum divina Reparatoris nostri erga genus humanum charitas, ac benignitas enituerit; æquum sane est, ut in eorundem quoque administratione potissimum Sacrorum Ministrorum erga Fideles amor, ac zelus effulgeat. Parochi (2) igitur, ceterique animarum curam habentes, sive noctu, sive interdiu ad Sacramenta ministranda vocentur, nulla prorsus interposita mora, alacri animo, hilarique vultu vocantibus præsto sint, tam sanctæ pietatis officia obituri. Populum præterea sæpe monebunt, ut quoties eorum opera, ac ministratio opus fuerit, eos quam primum accersant, nulla prorsus habita seu temporis, seu loci, seu alterius cujuscumque difficultatis ratione. Ino etiam si quem forte intra Parœciæ suæ fines ægrotare intelligant, eum non vocati convenient, blandisque suasionibus curent, ut Pœnitentiæ Sacramento expientur, & si opus sit, Viatico quoque, atque Extrema Unctione muniantur. Si quis autem ob eorum negligentiam, Ecclesiæ Sacramentis non munitus decedat, propter gravissimi sceleris reatum, pœnas pro modo culpæ arbitrio Nostro dabunt.

XII. Cum Sacramentorum Institutor Christus Dominus, ut omnes ad ea percipienda suavius alliceret, gratis eadem ministrari jusserit (3), dicens: *Qui sitit, veniat, Et qui vult, accipiat aquam vitæ gratis; Et cum dona Dei non debeant pecunia æstimari;* Paro-

(1) Can. *Oportet*; can. *Clemens*; can. *Lices*. caus. 8. qu. 1., Trident. sess. 24. de ref. cap. 7., Sac. Cong. Concil. de mandato Innocent. XI. 12. Febr. 1679.

(2) Can. *Divinit*. caus. 25. qu. 1., can. *Si Presbyter*. caus. 26. qu. 6., can. *Quicum-*

que. de consecr. dist. 4., Concil. Later. III. can. 13., Concilium Florent. in decret. Eugenii ad Armenos; Sac. Congr. Episc. in Tropiensi 14. Sept. 1579.

(3) Apocal. c. 22.

Parochi proinde, ceterique Ecclesiæ Ministri, neque ante (1), neque post Sacramenti alicujus administrationem quidquam pro tam sancto munere, seu tamquam pretium, seu tamquam remunerationis debitum exposcant: qui secus fecerint, vel simoniacæ labis, vel saltem avaritiæ, ac turpis quæstus Rei a Nobis habebuntur, gravibusque plecentur pœnis. Si quid autem (2) iis ultro, ac sponte offerri consueverit, vel tamquam elemosyna, vel tamquam congruæ sustentationis pars, id modeste recipi permittimus. Parocho Sacramenta ministranti Clericus (3) intersit decenti habitu, mundoque indutus superpelliceo: non enim decet pannosos pueros, sordidosque Laicos in hujusmodi Sacris ministeriis adhiberi; Clericos vero divino servitio mancipatos otiosi. Non licet (4) in ministrandis Sacramentis, ubi de eorum valore agitur, probabilem sequi opinionem, tutiore relicta.

XIII. Sacra olea sive Catechumenorum, sive Chrismatidis, sive infirmorum, quorum usus in aliquibus Sacramentis conficiendis, aut solemniter ministrandis præscriptus ab Ecclesia est, in qualibet Ecclesia (5) Parochiali diligenter a Parocho custodiantur in tribus vasculis argenteis, aut saltem stanneis optime clausis, quorum quodlibet suam habeat inscriptionem grandiusculis Litteris insculptam. Vasa hæc asserventur in cellula in hunc finem extracta in Aræ majoris pariete a cornu Evangelii, quæ intrinsecus olosferico violacei coloris contegatur; extrinsecus autem hanc habeat epigraphen: *Sacra olea*. Firnum habeat hæc cellula ostiolum diligentissime obseratum, cujus clavis (6) a Parocho semper retineatur, ne quis sacrilego ausu Sacra olea surripiat,

(1) Can. *Baptizandis*, 97., & septem sequentibus caus. 1. qu. 1.

(2) Can. *Quidquid*. caus. 101. qu. 1., Sac. Cong. Concil. 1. Febr. 1597.

(3) Cap. *Ut quisque*. de vita, & honestate Clericorum, Rituale Romanum in Rubric. de Sacramentis administ.

(4) Innocentius XI. in damnat. propos.

(5) Can. *Litteris*. de consecr. dist. 3., can. *De oleo*; can. *Si quis*. de consecrat. dist. 4., cap. *Quoniam*. de sent. excomm. in 6., S. Fabianus Papa epist. 2., S. Gregorius in Sacramentario, Ordo Romanus, Rituale Romanum in rubric. de Sacramento Baptismi.

(6) Cap. *Statuimus*. de custodia Euchar.

488 CONSTITUTIONES SYNODALES

piat, iisque ad aliquid vel nefarium, vel superstitiosum abutatur. Renouentur *Sacra olea* quotannis in qualibet Parœcia Feria v. Cœnæ Domini, cum ab Episcopo solemnî ritu consecrantur; vetera autem comburantur omnino, neque in alios convertantur usus. Cum autem vascula ad Cathedralem Ecclesiam novis oleis replenda transmittuntur, nonnisi per Presbyterum, aut saltem Clericum in Sacris Ordinibus constitutum in lignea capsula clave diligenter occlusa deferantur. Præter grandiora hæc vasa, alia minora ad usum quotidianum, iisdem adhibitis curis; Parochi vel in prædicta cellula, vel in baptisterio reponant, prout Ecclesiæ necessitas, Populique frequentia postulabit.

XIV. Cum non modo a ministrantibus, verum etiam a suscipientibus, pietatem, puritatem, externumque cultum Sacramenta sibi postulent, sæpe a Parochis moneantur Fideles, ut cum ad eadem recipienda accedunt, non modo debitum animi candorem, munditiemque afferant, verum etiam toto corporis habitu, gestuque, atque externis vestibus modestiam, ac reverentiam præferant. Viri itaque baculo, atque ense, & armis quibuscumque depositis, Mulieres vero modesto, humilique ornatu, ac velato capite accedant, ne secus divinæ Majestati, ac beneficiæ insultare velle videantur. Illud etiam Parochi Fidelibus insinuent, ut Eucharistiæ, ac Pœnitentiæ Sacramenta rite, recteque dispositi frequenter suscipiant, & saluberrimas cum gaudio aquas hauriant de fontibus Salvatoris.

CAPUT VII.

DE BAPTISMO.

Sacrum regenerationis lavacrum, unde, teste S. Cypriano, *omnis fidei origo incipit, & ad æternæ vitæ spem salutaris ingressio*, primum inter reliqua Sacramenta locum tenet, non solum ordine, verum etiam necessitate. *Nisi (1) enim quis renatus fuerit ex aqua*

(1) Joa. c. 3. v. 5.

*ex aqua, & Spiritu Sancto, non potest introire in regnum Dei. Quare merito Baptisimum Tridentina Synodus (1) nuncupavit Sacramentum Fidei, sine quo nulli unquam contigit justificatio. Sacramentum hoc jam olim in Veteri lege pluribus (2) figuris, ac Prophetarum oraculis fuisse nobis prænuntiatur Sacre testantur Litteræ. Quid enim aquæ illæ, ad quas tam liberaliter omnes sitientes Isaias (3) invitat; & illæ, quas e templo egredientes Ezechiel (4) in spiritu vidit; & fons, quem Domui David, & habitantibus Jerusalem paratum in ablutionem peccatoris Zacharias (5) prænuntiavit, nisi salutarem Baptismi aquam, significabant? At ubi venit plenitudo temporis, idem Sacramentum, primum in Joannis Baptismate clarius expressum, mox in Christi lavacro (6) juxta fluentia Jordanis sanctificatum, atque institutum fuit. Ex quo enim, ut ait S. Augustinus, (7) *Salvator in aqua se misit, ex eo omnium gurgitum tractus, cunctorumque fontium venas mysterio Baptismatis consecravit. Salvator autem baptizari voluit, non ut sibi munditiam acquireret, sed ut nobis fluentia mundaret.* Tandem Christus ipse post resurrectionem suam, antequam reverteretur ad Patrem, legem de baptismo suscipiendo tulit, cum sic Apostolis præcepit (8): *Euntes ergo docete omnes gentes, baptizantes eos in nomine Patris, & Filii, & Spiritus Sancti.* Cum itaque summa sit baptismi necessitas, summaque dignitas; summa etiam ad illum opportune, riteque administrandum, suscipiendumque adhibenda est diligentia.*

II. Quamquam triplicem Theologi baptismum distinguant, scilicet fluminis, fluminis, & sanguinis; Non tamen tria sunt baptismi Sacramenta, sed unum dumtaxat [cum in uno baptismo fluminis ratio Sacramenti reperiatur] juxta illud Apostoli (9): *Unus Dominus, una Fides, unum baptisma;* quem locum S. Joannes Chrysostomus de specifica baptismi unitate interpretatur. Et

Q q q fane

(1) Trid. sess. 6. cap. 7.

(2) Catechif. Rom. par. 2. de Sacramento Baptismi §. 9.

(3) Isaiæ c. 55.

(4) Ezechiel. c. 47.

(5) Zachariæ c. 13.

(6) Catechif. Rom. loc. cit. §. 10.

(7) S. Aug. serm. 30. de tempore.

(8) Matth. c. 28.

(9) Ad Ephesios cap. 4.

sane baptismus fluminis, & baptismus sanguinis non sunt Sacramenta, cum non fiant accedente verbo ad elementum: baptismi tamen (1) nomine nuncupantur, quia sicuti baptismi lavacrum, ita perfecta cordis contritio, quæ charitate informetur, una cum voto, seu proposito recipiendi baptismum [hic est baptismus fluminis] & martyrium pro Christi Fide toleratum [hic est baptismus sanguinis] hominem a peccatorum sordibus abluit, illumque justificat. Baptismus igitur fluminis, de quo hic loquimur, extra casum martyrii est omnibus ad salutem necessarius necessitate, ut ajunt, *medii*, & parvulis quidem baptismus in re; adultis vero vel in re, vel in voto. Et sane de parvulis sic ait S. Augustinus (2). *Quisquis dixerit, quod in Christo vivificabuntur etiam parvuli, qui sine Sacramenti ejus participatione de vita exeunt, hic profecto & contra Apostolicam prædicationem venit, & totam condemnat Ecclesiam, ubi propterea cum baptizandis parvulis festinatur, & curritur, quia sine dubio creditur, aliter eos in Christo vivificari omnino non posse.* De adultis vero sic totam rem Tridentina (3) Synodus definivit: *Quæ quidem translatio [ab eo videlicet statu, in quo homo nascitur filius primi Adæ, in statum gratiæ] post Evangelium promulgatum sine lavacro regenerationis, aut ejus voto fieri non potest, sicut scriptum est: Nisi quis renatus fuerit ex aqua, & Spiritu Sancto, non potest intrare in regnum Dei.* De baptismate fluminis, quod certe Sacramentum est, ea hic recenscamus, quæ non ignoranda sunt a Parochis, aliisque Ecclesiæ Ministris, quoad ejus effectus, Ministerium, materiam, & formam, Sacrosque ritus, & cæremonias ex Ecclesiastico præcepto in ejusdem administratione adhibendas.

III. Et quod ad effectus baptismi pertinet, primus, ac præcipuus est peccatorum omnium, [sive originis vitio, sive nostra culpa contracta sint] remissio, eamque ob causam institutum a Christo

(1) Can. *Baptismi vicem*. de consecr. dist. 4., cap. *Apostolicam*. de Presbytero non baptizato, Trid. sess. 6. c. 4., S. Augustinus lib. 3. de Civitate Dei cap. 7.,

& S. Thom. quest. 87. artic. 1. ad 2.

(2) S. August. epist. 128. ad Hieronym.

(3) Trid. sess. 6. de justificatione c. 4.

Christo esse hoc Sacramentum perspicuis verbis Apostolorum Princeps (1) explicavit, cum inquit : *Pœnitentiam agite , & baptizetur unusquisque vestrum in nomine Jesu Christi in remissionem peccatorum .* Hæc enim est aqua illa munda, quam per Ezechielem (2) Dominus promisit, ubi ait : *Effundam super vós aquam mundam , & munlabimini ab omnibus inquinamentis vestris .* Omnia itaque in baptismate remittuntur crimina . *In renatis enim nihil odit Deus ,* ut Concilii Tridentini (3) utamur verbis, *quia nihil est damnationis iis , qui vere conscripti sunt cum Christo per baptismum in mortem ; qui non secundum carnem ambulant , sed veterem hominem exuentes , & novum , qui secundum Deum creatus est , induentes , innocentes , immaculati , puri , innoxii , ac Deo dilecti , sunt hæredes quidem Dei , coheredes autem Christi , itaut nihil prorsus eos ab ingressu cæli remoretur .* Efficit præterea baptismus , ut non modo peccata quoad culpam remittantur , sed peccatorum etiam, & scelerum pœnæ omnes a Deo benigne condonentur , cum de baptismum dictum sit ab Apostolo (4) , *nos per ipsum Christum commori , & sepeliri : Si autem complantati facti sumus similitudini mortis ejus , simul & resurrectionis erimus .* Præterea hujus Sacramenti virtute non solum a malis , quæ vere mala sunt , liberamur , verum etiam eximiis bonis , ac muneribus augemur : Divina enim gratia donamur , qua (5) Justî , & Filii Dei effecti , æternæ (6) quoque salutis hæredes instituimur . Huic autem gratiæ additur nobilissimus omnium (7) virtutum comitatus , quæ in animam cum Gratia divinitus infunduntur . Per baptismum etiam Christo tamquam membra copulamur , & connectimur : unde fit , ut ex Christi Domini (8) plenitudine in omnes , qui justificantur , divina virtus , & gratia diffundatur , quæ nos ad omnia Christianæ Pietatis

Qq q 2

officia

(1) Actorum c.2.

(5) Joa. cap.1.

(2) Ezechiel. c.36.

(6) Ad Rom. cap.6.

(3) Trid. sess.5. de peccato originali .

(7) Can. *Ad hæc . de consecrat. dist.4. ,*

(4) Ad Rom. c.6. , S. Augustinus lib.1. de nuptiis , & concupisc. , & S.Th. 3.par.

S.Th. 3.par. qu.69. art.5.

q. u.69. art.1.

(8) Joa. c.1.

officia habiles reddit. Quod si tanta virtutum copia instructi, adhuc non sine magna difficultate, ac labore pias, honestasque actiones inchoamus, aut certe absolvimus; id eam ob rem evenit, quia per Baptismum acerrima cupiditatis pugna adversus spiritum non ablata, sed relicta in nobis est. In baptizatis enim concupiscentia, seu fomes remanet; sed illa vere peccati rationem non habet, nisi ejusdem appetitionibus, quæ rationi repugnant, consentiamus, aut in iis infringendis negligentes simus. *Concupiscentie reatus*, inquit S. Augustinus (1), *in baptismo solvitur, sed infirmitas manet. Concupiscentia enim, quæ ex peccato est, nihil aliud est, nisi animi appetitio, natura sua rationi repugnans: qui tamen motus, si voluntatis consensum, aut negligentiam conjunctam non habeat, a vera peccati natura longe abest.* In hac tamen cupiditatis adversus spiritum contentione animo frangi Christianum hominem non decet, cum Dei benignitate freti sperare debeamus futurum, ut quotidiana recte vivendi exercitatione, *quæcumque* (2) *prudica sunt, quæcumque iusta, Et sancta*, eadem etiam facilia, & jucunda videantur, & sint. Postremo per Baptismum caractere consignamur, qui ex anima deleri numquam potest. Ex hujus autem characteris vi, ac natura definivit Ecclesia (3), Baptismi Sacramentum sine sacrilegio iterari non posse, eaque de re Fideles, ne aliquando in errorem inducantur, sæpe, & diligenter a Pastoribus esse admonendos. Propterea dixit Apostolus (4): *Unus Dominus, una fides, unum baptisma.*

IV. Primis Ecclesiæ sæculis a solis Episcopis (5), & quidem Sabbato tantum majoris Hebdomadæ, & in pervigilio Pentecostes, nisi aliter necessitas postularet, post Fontis Baptismalis consecrationem, solemnî ritu Baptismus conferri consuevit. Hinc in

(1) S. August. lib.1. de nuptiis, & concupisc. cap.23., & 25.

(2) Ad Philipp. c.4., ad Romanos c.15.

(3) Trid. sess.7. de Baptismo cap.11., & sess.14. de Sacram. Poenit. cap.2., & cap. Majores. §. ult. de Baptismo.

(4) Ad Ephes. c.4.

(5) Siricius Papa in epist. ad Himerium Episc. Tarracon., S. Leo Magnus epist. 11., & 8c., Gelasius Papa epist. 1. c.12., S. Gregorius Magnus lib.1. epist. 42. ad Romanum Italix Præfectum.

in solis (1) etiam Ecclesiis, in quibus residebat Episcopus, Baptisteria habebantur. At cum deinde Christianorum numerus singulari Dei beneficio magis in dies propagaretur, factum est, ut Baptismum, nulla etiam urgente necessitate, quocumque liceret tempore conferre, & pluribus etiam aliis, præter Episcopos, illum administrandi potestas fieret, Fontesque Baptismales in multis Urbium partibus, & in agris ipsis a Civitate longe disjunctis pro Populi commoditate collocarentur. Secundum præsentem vero Ecclesiæ disciplinam cautum est, ut in Cathedralibus Ecclesiis Baptismi Fons Sabbato (2) Majoris Hebdomadæ, ac in Per-vigilio Pentecostes ab Episcopo de more consecratur, & Catechumeni, si qui adsint, sacrum ab ipso lavacrum accipiant. Quod si (3) impedimento aliquo detentus Episcopus perficere id nequeat, alium ipse sufficiat, qui suo nomine, & facultate rem totam administret. Ut autem id pro rei dignitate geratur, Sacræ Congregationes Cardinalium declararunt, si in Ecclesia Cathedrali id fiat, non inodo Canonicos, Clericosque omnes ejusdem Cathedralis servitio adscriptos, sed alios quoque Presbyteros, Parochos, & Clericos ab Episcopo accitos adesse debere, quamquam non ab Episcopo, sed ab alio consecratio peragatur: in aliis vero Ecclesiis, in quibus Fons asservatur, interesse debere Parochos iisdem Ecclesiis subjectos, si qui sint, reliquosque Sacerdotes, & Clericos earundem servitio adscriptos. Quæ quidem omnia servari volumus, ac præcipimus tum in Nostra Cathedrali, tum in Parochialibus Nostræ Diocesis Ecclesiis. Legitimus autem Baptismi Minister, ut nostrorum temporum fert disciplina, est Parochus (4), sive alius Sacerdos ab Episcopo, vel Parocho delegatus. At si infanti recens nato mortis proximæ periculum

(1) Martene de antiquis Ecclesiæ ritibus lib. 7.

(2) Can. *Duo tempora*, & seqq. de consecrat. dist. 4., Catechismus Romanus c. 2. de Sacram. Baptismi n. 61., Rituale Rom. lib. 2. cap. 27.

(3) Benedictus XIV. Infit. 1. n. 6.

(4) Clemens I. epist. 3., Concil. Flor. in decret. unionis, Concil. Mediolan. I. par. 2. tit. de Baptismo, can. *Constat*. de consecr. dist. 4.

lum immineat, tunc, *ne* (1) *quispiam sine remedio salutari de sacculo evocetur*, sine ullo ritu, ac cæremonia a quolibet, etiam (2) Laico, Infideli, Hæretico, vel excommunicato, & etiam a muliere Baptismus conferri potest, dummodo forma, materies, debitaque intentio rite servantur, & qui ampliori dignitate sunt præditi, cæteris semper præferantur, ac virorum potissimum præ mulieribus ratio habeatur, nisi forte modestiæ causa aliter faciendum videatur, cum proles ex utero matris non integre demissa magno in periculo constituta est, aut si mulier pro Sacramento administrando aptior, ac peritior judicetur. Qua quidem in re mirari satis non possumus divinam Bonitatem, ac Sapientiam, quæ, cum summa sit hujus Sacramenti necessitas, quemadmodum aquam ejus materiam instituit, qua nihil magis commune esse potest, sic etiam neminem, cum mortis urget periculum, ab ejus administratione voluit excludi.

V. Cum tamen frequentissime contingat, ut infantes recentiores natos, qui proxime inoriturum videntur, salutari lavacro expiare cogantur obstetrices; Illud curandum potissimum Nobis est, ut hujusmodi mulieres ea omnia probe calleant, quæ ad rem tanti momenti bene gerendam necessario requiruntur. Sanctissimum idcirco Antistitem Carolum Borromæum (3), qui Ecclesiasticam disciplinam non mediocriter labefactatam instauravit, imitati, Vicario Nostro Generali districtè præcipimus, ut nullam obstetricem in hac Civitate, ac Diocesi munus suum exercere patiatur, nisi illam prius in examen vocaverit, & satis idoneam ad Baptismum conferendum repererit. Ea autem interroganda potissimum erit de materia, ac forma hujus Sacramenti, & qua ratione, cum materia traditur, verba pronunciari oporteat cum intentione id faciendi, quod intendit Ecclesia. De eventibus etiam inter-

(1) *Can. Constit. de consecr. dist. 4.*

(2) *Cap. Firmiter. de Summa Trinitate, can. Romanus; & can. A quodam Judeo, de consecrat. dist. 4., Concilium Florentinum in decret. unionis Armenorum,*

Tridentinum sess. 7. can. 4. de Baptismo.

(3) *Acta Mediolanen. Ecclesiæ tom. 1. editionis Mediolanen. pag. 220., Rituale Romanum de Sacramento Baptismi tit. De baptizandis pueris.*

interrogetur, qui in Rituali Romano (1) recensentur, ac præcipue quid agendum sit, cum infans, de cujus vita magnopere dubitatur, e Parentis utero caput, aut aliam corporis partem dumtaxat emiserit. Si post diligens hoc examen, quod iterari quotannis omnino jubemus, idoneam ad conferendum Baptismum Vicarius Generalis obstetricem invenerit, facultatem in scriptis, & gratis eidem faciat exercendi ad annum munus suum. Si qua vero earum sine prævio examine, & sine hujusmodi licentia in scriptis obtenta obstetricandi munus exercere audeat, Parochis districte mandamus, ut illam Nobis denuncient gravibus arbitrio Nostro plectendam pœnis. Quoties autem (2) infantem aliquem obstetrices Baptizaverint, toties diligentissime sunt a Parochis examinandæ, an, & quomodo, quibus verbis, & forma, qua materia, & aqua, & qua intentione Baptismum puero contulerint? Et siquidem debitam materiam, formam, atque Ecclesiæ intentionem adfuisse compererint, ne sub conditione quidem iterandus est Baptismus; sed ubi a periculo infans evasit incolumis, quam primum fieri coinmode potest (3), ad Ecclesiam deferendus est, in qua Baptismi Fons asservatur, ibique cæremoniæ omnes, propter urgentem necessitatem omisissæ, religiose sunt perficiendæ. Quicumque vero (4), sive Sacerdos, sive Laicus, sive etiam obstetrix privatum domi Baptismum, urgente necessitate, ministraverit; ejus rei testimonium Parocho faciat, ut privatus ejusmodi Baptismus ab eodem describatur in libro, in quo puerorum omnium, qui in sua Parœcia Baptizantur, nomina, ac diem, quo Baptismo abluti sunt, adnotare jubetur.

VI. Duplex est materia baptismi, alia remota, & alia proxima. Materia remota est naturalis, & elementaris aqua, sive ea maris sit, sive fluvii, sive paludis, sive putei, aut fontis, sive alia quælibet, quæ sine ulla additione dici solet aqua. Eam quippe esse

(1) Rituale Romanum loc. cit.

(3) Benedictus XIV. Inslit. 98. n. 12.

(2) Catechif. Rom. par. 2. cap. 2. §. 43.

(4) Benedictus XIV. Inslit. 98. n. 14.

Synodus Constantiensis par. 1. tit. 6. n. 4.

esse baptismi materiam a se (1) institutam Christus aperte docuit dicens : *nisi quis renatus fuerit ex aqua, & Spiritu Sancto, non potest introire in regnum Dei*. Hanc vero materiam esse baptismi naturæ, ac virtuti maxime consentaneam, facile patet. In primis enim (2) cum hoc Sacramentum ad vitam æternam assequendam sit omnibus absque ulla exceptione necessarium, oportuit ejus materiam facile parari ab omnibus posse : quid autem parari facilius ab omnibus potest, quam aqua, quæ nusquam non præsto est ? Deinde si materia significare Sacramenti effectus debet ; quid baptismi effectus clarius significat, quam aqua ? Ut enim aqua sordes abluit, ita per baptismum peccatorum maculæ eluuntur, & quemadmodum aqua refrigerandis corporibus aptissima est, sic per Baptismum cupiditatum ardor magna ex parte restinguitur. Verum etsi qualibet, ut diximus, naturalis, ac elementaris aqua ad Baptismum valide ministrandum sufficiat ; illicite (3) tamen extra necessitatis casum in solemni Baptismi administratione alia adhiberetur aqua, quam quæ solemni ritu aut Sabbato Sancto, aut in pervigilio Pentecostes benedicta fuit, & in Baptismali fonte asservatur. Aqua vero artificialis, quæ ex floribus, aut herbis per distillationem educitur, & liquor ille, qui sponte sua e vitibus, arboribusque promanat, sunt materia dubia, numquam sane in Baptismi collatione adhibenda, nisi cum certa haberi nequeat materia, & periculum instet, ne baptizandus moriatur ; & tunc quidem nonnisi sub conditione Baptismum conferre licet. Materia proxima hujus Sacramenti est sensibilis, & physica corporis per aquam ablutio, quæ fieri tripliciter potest. 1. si Baptismo initiandi in aquam mergantur. 2. si in eos aqua infundatur. 3. si aquæ asperzione, quæ ad abluendum sufficiat, tingantur. Quæcumque ex his ablutionibus adhibeatur, Baptismus vere perficitur. At cum aquæ effusio in baptizandum jam a pluribus sæculis

in Ec-

(1) Joa. c. 3.

(2) S. Hieron. *epist.* 83. *tom.* 2., & S. Th. in 3. *par.* qu. 66. art. 3.

(3) Clement. unica de Baptismo, & Ca-

techismus Rom. *par.* 2. de Baptismo §. 11., Benedictus XIV. *Constit.* *Inter omniænas.* §. 20. edita 2. Febr. 1744.

in Ecclesia Latina prævaluerit, eam in conferendo Baptismate adhiberi in tota Nostra Diœcesi jubemus. Cavendum tamen hic est (1), non quamlibet corporis partem, sed potissimum caput, in quo omnes tum interni, tum externi sensus vigent, per aquæ Baptismalis infusionem esse abluendum; simulque ab eo, qui baptizat, verba, quæ Sacramenti formam continent, eodem tempore, quo ablutio ipsa peragitur, esse pronuntianda.

VII. Forma, quæ in hoc administrando Sacramento servanda est, & ab Ecclesia Latina servata semper fuit, sunt verba illa: *Ego te baptizo in nomine Patris, & Filii, & Spiritus Sancti*. Ita enim illam Christus Dominus tradidit, cum Apostolis (2) præcepit: *Euntes docete omnes gentes, baptizantes eos in nomine Patris, & Filii, & Spiritus Sancti*. Obietrices vero, ne, cum infantes urgente necessitate baptizant, ex latini sermonis imperitia in errore aliquem prolabantur, Baptismi formam Italico idiomate proferre addiscant, & hac utantur forma: *Io ti battezzo in nome del Padre, del Figliuolo, e dello Spirito Santo*. Unus præterea, idemque Minister & verba proferat, & aquam effundat (3), tum quia hæc est Christi institutio, & Ecclesiæ praxis; tum quia falsa esset formæ significatio, si alius esset, qui diceret *ego te baptizo*, & alius, qui aquam infundens ablueret, & revera baptizaret.

VIII. Quamquam Baptismus, uti superius monuimus, sine sacrilegio iterari non possit, & contra rebaptizantes (4) irregularitatis pœna ipso facto incurrenda in jure Canonico sit constituta; Non tamen iterari Baptismum dicendum est, siquis, cum incertum de eo sit, an baptizatus vere jam fuerit, sacris iterum undis, sed hac interposita (5) conditione, abluatur. *Si baptizatus es, te non baptizo; sed si nondum baptizatus es, ego te baptizo in nomine Patris, & Filii, & Spiritus Sancti*. In iis enim circumstantiis ex una

R r r

parte

(1) Conc. Toletanum IV. can. 5, S. Th. in 1. par. qu. 66. art. 7. ad 1., & Catechism. Rom. part. 2. de Sacram. Baptismi §. 9.

(2) Matth. c. 28.

(3) S. Th. par. 3. qu. 67. art. 7.

(4) Can. *Eos qui. de consecr. dist. 4. & cap. Ex litterarum. de Apostatis, & reiterantibus Baptismum.*

(5) Alexander III. in cap. *De quibus dubium. de Baptismo, & ejus effectu.*

parte nulla sit irreverentia Sacramento, cum ita collatum periculo nullitatis non sit obnoxium; ex alia vero æternæ hominis salutis, propter quam Sacramentum est institutum, certiori modo confutitur. Verum non licet (1) quemvis sine delectu, levi qualibet suspitione propolita, Sacra iterum ablutione sub conditione donare; sed in iis tantum id fieri permittitur, de quibus, re diligenter perquisita, prudens relinquitur dubium, an Baptismum rite susceperint; uti contingit ex: gr. in infantibus (2), qui expositi reperiuntur. Si enim sub conditione sunt baptizandi, quamquam schedulam administrati Baptismi collo suspensam habeant, nisi vel cognoscatur is, qui chartulam scripsit, eidemque fides tuto præstari possit, vel testis aliquis sive masculus, sive fœmina, dummodo ei fides adhiberi prudenter possit, baptizatum fuisse infantem testetur: Baptismini enim comprobando unius sufficere testimonium, vetus est Jurisperitorum axioma, cujus veritas ab Ecclesiasticorum Tribunalium praxi confirmatur. In adducto enim casu, cum prudens suspicio subest, ob ignorantiam, ob temporis angustiam, ob metum, animique perturbationem essentielle aliquid omitti potuisse, necessario conferendum est Sacramentum, quod certo collatum esse nescitur, *quoniam non* (3) *monstratur iteratum, quod non certis indiciis ostenditur rite peractum*. Simile quid usuvenerit potest in infantibus, qui, licet in lucem nondum prodierint, aliquam tamen sui partem emiserunt ex utero. His enim, si mortis insitet periculum, in ea parte, quæ ex utero emerit, Baptismum esse conferendum statuit Rituale (4) Romanum, ita tamen, ut si ejus caput sacro tinctum fuerit lavacro, ne conditionate quidem repetatur Baptismus: at si non caput, sed alia qualibet corporis pars aqua perfundatur; tunc parvulus, si vivus in lu-

(1) Benedictus XIV. Infit. 84. n. 5., & 7., Sac. Cong. Concil. 19. Dec. 1682., & 27. Martii 1683.

(2) Can. 110., & 112. de consecrat. dist. 4., cap. *Nuper*. de testibus, Sacra Congr. Concil. in una Urbis 15. Janua-

rii 1724., Benedictus XIV. in Constit. *Postremo mense*. §. 27., & 31.

(3) Can. *Si nulla*. de consecr. dist. 4., & can. *Solemnitates*. de consecr. dist. 1.

(4) Rituale Rom. tit. de baptizandis parvulis.

in lucem prodierit, sub conditione iterum baptizetur. Quæ quidem res statuitur etiam in Rituali Sacramentorum, quod jussu (1) Gregorii XIII. Cardinalis Julius Antonius Sanctorius Romæ vulgavit, & in instructionibus S. Caroli Borromæi, quibus consonat Angelicus Doctor, ubi ait: *Quia tamen in nulla exteriorum partium integritas vite ita consistit, sicut in capite, videtur quibusdam, quod propter dubium, quacumque alia parte corporis abluta, puer post perfectam natiuitatem sit baptizandus sub hac forma: Si non es baptizatus, ego te baptizo.* Nos autem in his, ac similibus casibus volumus, ac iubemus, ut Parochi, aliique, quorum interest, quidquid in Rituali Romano præscribitur, exacte exequantur. Quod si difficilior quandoque casus euenerit, Parochi Nos consulant, ut auditis Theologorum consiliis, quid agendum sit, decernere valeamus.

IX. *Præsentis prohibemus edito, ne quis de cætero in aulis, vel Cameris, aut aliis privatis domibus, sed dumtaxat in Ecclesiis, in quibus sunt ad hoc fontes specialiter deputati, aliquos (nisi Regum, vel Principum, quibus valeat in hoc casu deferri, liberi extiterint, aut talis necessitas emerferit, propter quam nequeat ad Ecclesiam absque periculo propter hoc accessus haberi) audeat baptizare. Qui autem secus præsumperit, aut suam in hoc præsentiam exhibuerit, ita per Episcopum suum castigetur, ut alii attentare similia non præsumant: Sic expresse cautum est in Concilio Viennensi a Clemente V., cujus decretum in hac Nostra Diocesi sancte, ac religiose ab omnibus, ad quos pertinet, seruari iubemus; illud etiam adjicientes, ut Baptismi Sacramentum in ipsis quoque Ecclesiis neque ante Solis ortum, neque post ejus occasum sine Nostra, aut Vicarii Nostri Generalis licentia solemniter administretur.*

X. Cum nonnisi per lavacrum Baptismi in spem vivam, & hæreditatem incorruptibilem regenerari, æternamque sibi comparare salutem infantes possint; his proinde, statim ac in lucem

R r r 2 prodie-

(1) Rituale Sacramentorum editum Romæ 1584, S. Carolus Borromæus in Act. Eccles. Mediol. par.4. pag.497. & Si unus solus, & S.Th.3.par. qu.68. art.11.

prodierint, Baptismum conferri posse Tridentina Synodus docuit, & festinandum omnibus esse sine mora renasci, scripsit Sanctissimus Pontifex (1) Clemens I. Hinc facile intelligimus, quam gravi culpa (2) illi se obstringant, qui eos Sacramenti gratia diutius, quam necessitas postulet, carere patiantur, præsertim cum propter ætatis imbecillitatem innumera pene vitæ pericula iisdem impendeant. Quamobrem monemus Parentes omnes, iisque districte præcipimus, ne ultra triduum (3) suorum infantum Baptismus differatur, nisi multo citius conferri imminens vitæ periculum cogat. Quod si ultra tertium diem sine iusta causa, Nostræque, aut Vicarii Nostri Generalis licentia protrahatur, tam parentes, quam alii, quorum culpa, aut negligentia id contigit, pecuniaria pœna pro arbitrio Nostro multabuntur. Parochi autem hac super re diligentiam omnem adhibeant, & curent omnino, ut Nostrum hoc decretum fideliter executioni demandetur. Ut autem facilius præstare id possint, volumus, ut obstetrices de infantum ortu Parochos statim moneant: nisi fecerint, gravibus a Nobis plectentur pœnis. Parochos etiam (4) magnopere hortamur, ut Populum de hoc gravissimo negotio diligenter imbuant semel saltem per anni cursum, cum Sacras ad Altare de more conaciones habent.

XI. Caveant omnino Parochi sub pœnis arbitrio Nostro infligendis, ne, quæ Baptizandis imponuntur, nomina (5) sint obscena, aut fabulosa, aut ridicula, aut inanum Deorum, seu etiam Ethnicorum hominum, qui sceleratissimi fuerunt; sed a Sanctis dumtaxat mulieribus, aut viris nomina imponenda mutantur, ut Baptizati eorum (6) exemplis ad pie vivendum excitentur in Terris, eorum autem patrocinio protegantur in Cœlis. Parentes

(1) Clemens I. epist. 51.

(2) Catechis. Rom. par. 2. de Sacram. Baptismi §. 34.

(3) Edictum Romæ promulgatum anno 1723., Benedictus XIV. Institut. 98. n. 3., Concilium Bituricense anni 1582.,

& S. Antoninus in Summa par. 3. tit. 14. cap. 13.

(4) Benedictus XIV. cit. Institut. n. 8.

(5) Concil. Nicæn. can. 39., can. *Nos plures*, de consecrat. dist. 4.

(6) S. Joa. Chrysoſt. hom. 22. in Genes.

tes etiam moneant, ne, quæ eorum liberis imposita in Baptismo fuerunt nomina, immutent, iisque non levia proponant incommoda, quæ inde oriri facile possunt: Præterea præcipimus Parochis, ne duos germanos fratres, quamquam eorum unus obierit, eodem appellari nomine patiantur; sed per alterius nominis additionem unum ab altero discriminentur. Sic enim omnis erroris periculum evitabitur, cum de natali alterutrius die testimoniales litteras Parochus vel ad matrimonium celebrandum, vel ad Sacros Ordines suscipiendos expediet. Tandem Fideles omnes serio, & frequenter hortentur Parochi, ut veterum Christianorum exempla imitati, anniversarium suscepti Baptismatis recolant quotannis diem, multasque ex imo corde preces Deo porrigant, ut gratiæ sanctificantis donum, quo in Baptismate divinæ facti sunt confortes naturæ, integrum, illæsumque custodiant, aut si forte per summam imprudentiam amiserint, per veram poenitentiam quam citissime recuperent: quem etiam in finem elemosynas, aliæque pietatis, & charitatis opera pro sua quisque facultate precibus adjungat.

XII. Quemadmodum postquam aliquis editus in hanc lucem est (1), nutrice, & pædagogo indiget, ut eorum ope, atque opera educetur, ac doctrina, bonisque artibus imbuatur; ita etiam necesse est, ut, qui per spiritualem Baptismi regenerationem filii Dei nascuntur, & juxta illud Apostolorum Principis Petri (2), *sicut modo geniti infantes, rationabiles sine dolo lac concupiscunt*, alicujus fidei, ac prudentiæ committantur, a quo Christianæ Religionis præcepta haurire, & ad omnem pietatis rationem institui possint. Hinc factum est, ut ex vetustissima Catholicæ Ecclesiæ consuetudine in solemni Baptismatis administratione Patrini adhibeantur, qui apud veteres rerum divinarum Scriptores communi *Susceptorum*, *Sponsorum*, ac *Fidejussorum* vocabulo nuncupantur. Li quippe Catholicam pro puero fidem profitentur, ejusque nomine spondent, illum fideliter esse servaturum, quæcunque tunc

ab

(1) Catechif. Rom. par. 2. de Sacram. Baptismi §. 16. (2) 1. Petri c. 2.

ab iis promittuntur. Verum cum hoc munus adeo negligenter in Ecclesia tractetur, ut qui illud suscipiunt, quænam sint eorum partes, & quid ab illis exigatur, ignorent; Parochi idcirco illos erudiant, ut munus, quod obeunt, & obligationem, quam in illo obeundo suscipiunt, satis intelligant, ac diligenter exequantur. Qua quidem in re S. Augustini (1) verbis utantur, quibus idem Sanctus Doctor populum sibi commissum erudiebat, dicens: *Vos ante omnia tam mulieres, quam viros, qui filios in Baptismo suscepistis, moneo, ut vos cognoscatis fidejussores apud Deum extitisse pro illis, quos visi estis de Sacro Fonte suscipere. Ideoque eos admonete, ut castitatem custodiant, justitiam diligant, charitatem teneant. Ante omnia Symbolum, & Orationem Dominicam eos docete, Decalogum etiam, & quæ sunt prima Christianæ Religionis rudimenta.*

XIII. Neque vero ad hoc Patrini munus obeundum in cuiuslibet infantis Baptismo plures, quam duo, vir videlicet, & mulier admitti possunt, quemadmodum Tridentina Synodus decrevit. Cum enim non modo is, qui Baptizat, cum Baptizato, sed Patrini etiam, cum eo, quem e Sacro Fonte suscipiunt, & cum naturalibus ejusdem parentibus spiritali cognatione devinciantur, itaut matrimonia inter hos omnes iniri non possint, atque inita dirimantur; si plus, quam duo, ad Patrini munus admitterentur; jam plurima inde incommoda in Christianam Rempublicam facile dimanarent. En Tridentini Concilii verba (2), quæ a Parochis attente perlegi, ac mature considerari jubemus: *Docet experientia, propter multitudinem prohibitionum multoties in casibus prohibitis ignoranter contrahi matrimonia, in quibus vel non sine magno peccato perseveratur, vel ea non sine magno scandalo dirimuntur. Volo itaque Sancta Synodus huic incommodo providere, & a cognationis spiritalis impedimento incipiens statuit, ut unus tantum sive vir, sive mulier, juxta Sacrorum Canonum instituta, vel ad summum unus, & una Baptizatum de Baptismo suscipiant, inter quos, ac Baptizatum,*

(1) Can. *Vos ante*. de consecr. dist. 4.,
S. Aug. serm. 163., & 165. de tempore.

(2) Trid. sess. 14. de reformat. Matrimonii cap. 1.

tum, & illius patrem, & matrem, necnon inter Baptizantem, & Baptizatum, Baptizatique patrem, ac matrem tantum Spiritualem cognatio contrahatur. Parochus, antequam ad Baptismum conferendum accedat, diligenter ab iis, ad quos spectabit, sciscitetur, quem, vel quos elegerint, ut Baptizatum de Sacro Fonte suscipiant, & eum, vel eos tantum ad illum suscipiendum admittat, & in libro eorum nomina describat, doceatque eos, quam cognationem contraxerint, ne ignorantia ulla excusari valeant. Quod si alii, ultra designatos, Baptizatum tetigerint, cognationem Spiritualem nullo pacto contrahant, constitutionibus in contrarium facientibus non obstantibus. Si Parochi culpa, vel negligentia secus factum fuerit, arbitrio Ordinarii puniatur. Hanc vero Spiritualem cognationem Parentes inter se non contrahunt, si eorum alteruter, urgente necessitate, filium suum privatim Sacro regenerationis lavacro abluat. Si genitor filium suum, inquit Joannes VIII. (1), corpore morientem aspiciens, ne animam perpetua morte pereuntem dimitteret, sacri unda Baptismatis lavit, bene fecisse laudatur. Idcirco sue Uxoris sibi jam legitime sociatæ impune, quamdiu vixerit, judicamus manere conjunctum: quod enim necessitas intulit, inculpabile est judicandum.

XIV. Præterea non omnibus indiscriminatim sanctæ hujus tutelæ administratio est committenda; sed prohibendi ab illa sunt ii, qui eandem gerere aut fideliter nolint, aut sedulo, & accurate non possunt. Hujusmodi sunt 1. (2) Judæi, Infideles, Hæretici, publice excommunicati, aut interdicti, publice criminosi, qui Sacramenta Pœnitentiæ, & Eucharistiæ in Paschate non susceperint, & de hoc crimine publice sint notati &c. 2. impuberes, masculi videlicet, qui decimum quartum, & fœminæ, quæ duodecimum ætatis suæ annum non absoluerint; vel etiam puberes, si nondum Sacramento Confirmationis fuerint initiati. 3. qui Fidei rudimenta (3), Apostolorum Symbolum,

ORA-

(1) Can. *Ad Limina*. caus. 30. qu. 1.(2) Catechis. Rom. par. 2. de Baptism. §. 29., & Rituale Rom. de Sacram. Baptismi tit. de Patrinis, can. *In Baptis-**mate*. de consecr. dist. 4., & Concil. Moguntin. caus. 59.

(3) S. Carolus Borromæus in Conc. Provinc. I. par. 1., & in Dioecetano II. decret. 15.

504 CONSTITUTIONES SYNODALES

orationem Dominicam, Angelicam Salutationem, ac Dei, Ecclesięque pręcepta ignorant: Est enim ab omni ratione alienum, ut, qui se Deo fideiussores constituunt, ii res illas nesciant, quibus se alios instructuros esse pollicentur. 4. Moniales, cuiusvis Ordinis Regulares, & (1) Clerici etiam Sęculares, si aut Ecclesiasticum obtineant beneficium, aut in Sacris Ordinibus sint constituti, nisi specialem a Nobis obtinuerint licentiam; Regulares vero, nisi pręter Nostram, a suis etiam Superioribus facultatem impetrarint.

XV. Parochi, alique Sacerdotes de Parochorum licentia Sacramentum Baptismi solemniter ministrantes, ea, qua decet, animi reverentia, sacrarumque vestium, ac vasorum munditię ritus omnes, ac cęremonias ab Ecclesia pręscriptas sanctę, religioseque adhibeant: omnes enim ritus (2), quibus in hujus collatione Sacramenti nunc utimur, antiquissimi sunt, & vel ex Apostolorum traditione manarunt, vel a Sanctissimis Patribus sunt instituti. Dent autem operam animarum Pastores, ut has cęremonias Fideles intelligant, adeoque easdem, arrepta occasione, aperte, ac breviter Populo explicant, cum ex imaginem, & significationem earum rerum pręferant, quę in Sacramento geruntur. Perbreve Nos earum explicationem populorum captui accommodatam in Appendice num. 3. subnectimus, ut eadem Parochis vel in habenda concione, vel in Catechismo explicando pręsto sit, opportunamque materiam suppeditet. Summam tum in ipso baptismali fonte, tum in Sacrorum Oleorum vasis, tum denique in reliqua Sacra supellectili ad hujus Sacramenti administrationem necessaria, munditiem curent Parochi: secus pecuniaria pro arbitrio Nostro multabuntur pęna.

XVI. Si forte aqua solemniter benedicta magna ex parte defecerit, poterit Parochus (3), antequam tota deficiat, novam aquam

(1) *Can. Non licet; can. Monachi; & can. In Baptismo; de consecr. dist. 4., Concilium Aquisense anni 1585.*

(2) Bellarminus de Sacram. Baptismi lib. 1. c. 24.

(3) *Rituale Rom. de Bapt. tit. 2. cap. 1.*

aquam non benedictam, in minori tamen quantitate, præxistenti affundere, & cum illa immiscere. At si tota vel corrupta sit, vel defecerit, tunc is superpelliceo, ac stola indutus in fontem bene mundatum, ac nitidum recentem aquam infundat, eamque benedicat ex formula, quæ ad hunc finem in Rituali Romano (1) præscribitur. Si forte baptismalis fontis aqua nimium frigida sit, tunc, ne infanti baptizando noceat, admisceri eadem poterit in vasculo ad id parato cum modica aqua naturali non benedicta, quæ ad ignem incaluerit. Alia plura hujusmodi Parochus addiscere poterit ex Rituali Romano, cui legendo assiduam det operam. Ut omnis superstitioni aditus præcludatur, caveant Parochi (2), ne fal, candelæ, gossipium, sudariola, aliaque adhibita in hujus Sacramenti administratione domum a Sæcularibus deferantur, sed omnia ab ipsis Parochis retineantur, cauteque custodiantur, vel ad normam Sacrorum Canonum, quæ sunt comburenda, comburantur, eorumque cineres projiciantur in Sacrarium.

XVII. Illam vero curam etiam, atque etiam Parochis demandamus, ut statim, ac Baptismum administraverint, antequam e Templo infans, ac Patrini discedant, in codicem ejus rei causa comparatum, baptizati infantis, ejusque parentum, ac patrino- rum nomina, & cognomina referant juxta Ritualis Romani formulam, quam exacte servari volumus; itaut annus, mensis, ac dies, quo quisque baptizatus, atque etiam quo editus in lucem fuit, non arithmeticis notis, sed per extensum describantur. Is autem liber diligentissime a Parocho custodiatur, ne in aliorum manus deveniat, atque aliena malitia, aut dolo vitari possit. Quod si Parochus vel in hujusmodi descriptione, vel in hujus codicis custodia negligens fuerit, pecuniaria pœna arbitrio Nostro multabitur. Quomodo autem gerere se debeat Parochus, cum proles ex occulto matrimonio, quod *confidentia* dicitur,

S s

orta,

(1) Rituale Rom. loc. cit. c.7.
de servandis post Baptismum.

(2) Instrukt. Eccles. Mediol. S. Caroli tit.

306 CONSTITUTIONES SYNODALES

orta, salutaribus Baptismi aquis est abluenda, dicemus inferius, ubi de ejusmodi matrimoniis occultis differemus. Tandem animarum Pastores hortentur Matres, ut non minus, antequam pariant, Pœnitentiæ Sacramento se muniant, ne mortis pericula, quæ plurima in partu occurrunt, eas imparatas inveniant; quam post partum, cum primum domo exierint, ad Ecclesiam se conferant, atque in ejus ostio consistant, ut juxta Ritualis Romani formulam benedictionem a Parocho accipiant, a quo tamen nihil prorsus pro ea exigi possit. Quamquam enim *Mulier* (1) *cum pepererit, jam non meminit pressuræ propter gaudium, quod natus est homo in mundum*; divinæ tamen meminisse debet beneficentiæ, cujus munere factum est, ut e partu evaserit incolumis. Quare recta ratio, gratique animi virtus postulat, ut Puerperæ, cum primum possunt, in Parocchiam Ecclesiam se conferant debitas bonorum omnium Largitori gratias acturæ; & ut in domum Domini, quam omnis decet sanctitudo, puriores ingrediantur, adhibitis Ecclesiæ precibus, ac ritibus benedictionem a suo Pastore accipiant, ab eoque in Sanctuarium deducantur.

C A P U T VIII.

DE CONFIRMATIONIS SACRAMENTO.

Spiritus Sanctus (2), qui super aquas Baptismi salutifero descendit illapsus, sicut in fonte plenitudinem tribuit ad innocentiam, sic in Confirmatione augmentum præstat ad gratiam. Et quia in hoc mundo tota ætate victuris inter invisibiles hostes, & pericula gradiendum est; in Baptismo regeneramur ad vitam, post Baptismum confirmamur ad pugnam: in Baptismo abluimur, post Baptismum roboramur: & quamvis continuo transituris sufficiant regenerationis beneficia; victuris tamen necessaria sunt Confirmationis auxilia. Regeneratio per se salvat mox in pace beati

(1) Joa. c.16.

(2) Can. *Spiritus Sanctus*, de consecr.

dist. 5., Catechism. Roman. de Sacram.

Confirmat. §. 5.

beati sæculi recipiendos: Confirmatio autem armat, & instruit ad agones Mundi hujus, & prælia reservandos.

II. Non est itaque Confirmatio otiosa cæremonia, uti per insaniam dictitant Novatores, sed verum Sacramentum a Christo Domino institutum, uti Tridentina (1) Synodus definivit, cui præverat Concilium Florentinum (2) sic dicens: *Secundum Sacramentum est Confirmatio, cujus materia est Chrisma consecutum ex oleo, quod nitorem significat bonæ conscientie, & balsamo, quod odorem significat bonæ fame, per Episcopum benedicto*. Sacramentum autem Confirmationis non idem esse Sacramentum, ac Baptismum, sed ab eo longe disjunctum (3), ex gratiæ varietate, quam utrumque Sacramentum tribuit, facile evincitur. Baptismi enim gratia homines in novam gignit vitam: Confirmationis autem Sacramento, qui geniti sunt, evadunt viri. Quantum igitur in naturali vita generatio ab incremento differt; tantumdem inter se differunt Baptismus, qui regenerandi vium habet, & Confirmatio, cujus virtute Fideles augefcunt, & perfectum robur assumunt. Ex varietate etiam materiæ, & formæ, quæ in utroque adhibetur Sacramento, satis intelligitur, Baptismum, & Confirmationem varia esse, ac diversa Sacramenta.

III. Triplici a Sanctis Patribus hoc Sacramentum donatur nomine. Primo enim, cum in eo administrando Episcopus super confirmandum manum imponat, dicitur *manus impositio*. Secundo quoniam per Unctionem Chrismatis hoc Sacramentum conficitur, dicitur *Chrisma*. Tertio demum, quia hanc efficientiam habet Confirmationis Sacramentum, ut illud rite suscipiens novæ virtutis robore firmior, adeoque perfectus esse Christi miles incipiat, dicitur *Confirmatio*. Olim quidem, cum hoc Sacramentum statim post Baptismum administrari solebat; Baptismus autem, uti superius diximus, extra necessitatis casum, nonnisi Sabbato

S s s 2

majoris

(1) Tridentin. sess. 7. de Sacramentis in genere can. I., & de confirmatione can. I.

(2) Concil. Florent. in decreto Union. Armen. §. secundum.

(3) Catechismus Romanus loc. cit. §. 5.

majoris hebdomadæ, ac in pervigilio Pentecostes, post baptismalis fontis consecrationem ministraretur; ea de causa Confirmatio quoque, nonnisi diebus Festis Paschatis, & Pentecostes, conferri consuevit, uti Sexti Concilii Parisiensis (1) Patres scriptum reliquere iis verbis: *Sicut autem duobus temporibus, Paschate videlicet, & Pentecoste Baptismus; ita etiam traditio Sancti Spiritus per impositionem manuum Fidelibus tradatur.* Verum cum mox propter multitudinem eorum, qui Christianam Religionem amplectebantur, inducta fuisset consuetudo, ut quotidie, si opus esset, salutari iidem lavacro expiarentur; & cum iustis de causis cautum in Ecclesia Occidentali fuisset, ut non eodem, sed diverso tempore Baptismus, & Confirmatio ministrarentur; inde factum est, ut pro confirmandis Fidelibus penes Episcopos facultas deligendi temporis relinqueretur.

IV. Triplex est, & quidem præstantissimum Sacramenti Confirmationis effectus. Prior est, ut, nisi impedimentum aliquod ex parte ejus, qui recipit, inferatur, novam gratiam tribuat, idest gratiæ sanctificantis, quæ in recipiente præsupponitur, augmentum; quod quidem commune est Confirmationi cum cæteris Sacramentis, quæ *vivorum Sacramenta* nuncupantur. Præterea illud proprie Confirmationi tribuitur, ut gratiam Baptismi perficiat, & in nobis Dens id confirmet, & augeat, quod per Baptismum operari cœpit, nosque ad Christianæ perfectionis soliditatem adducat. Quod quidem in eo situm est, ut virtute hujus Sacramenti nobis Jus conferatur, uti loquuntur Theologi, ad accipiendas a Deo suo loco, & tempore gratias actuales, quibus adversus omnes Carnis, Mundi, & Diaboli impetus robustiores simus, & ad consistendum Domini Nostri Jesu Christi nomine omnino confirmemur in Fide. *Effectus hujus Sacramenti est (verba sunt Concilii Florentini (2)) quia in eo datur Spiritus Sanctus ad robur, sicut datus est Apostolis in die Pentecostes, ut Christianus*

(1) Tom. 2. Collect. Concil. Galliæ a Benedictus XIV. Instit. 6. num. 2. Simonio editæ cap. 33. pag. 507., &

(2) Concil. Flor. loc. cit.

stianus audacter Christi confiteatur nomen. Et sane si, quid ipsis Apostolis post acceptum Spiritum Sanctum evenerit (1), parumper inspiciamus, divinam hujus Sacramenti efficientiam intelligemus. Apostoli enim cum ante, tum sub ipsam Dominicæ Passionis horam infirmi adeo, ac remissi fuere, ut (2), cum Dominus comprehensus est, statim in fugam se conjecerint: Petrus eorum Princeps (3), qui summam constantiam, excelsique animi magnitudinem præstulerat, unius (4) mulierculæ voce perterritus, se Jesu Christi discipulum esse non semel, aut iterum, sed tertio etiam negaverit: omnes demum post ipsam Magistri sui resurrectionem propter (5) metum Judæorum inclusi domi se continerint. At vero in die Pentecostes tanta Spiritus Sancti virtute omnes repleti sunt, ut Evangelium sibi commissum in universo orbe audacter, ac libere disseminantes, nihil sibi felicius accidere posse existimaverint, quam quod (6) digni haberentur pro nomine Jesu contumeliam, ac mortem pati.

V. Alter Confirmationis effectus est, ut characterem imprimat, quo confirmatus signatur, ut Christi miles, ad Fidem cum robore propugnandam, & ab iis distinguitur, qui per Baptismum Christo regenerati duntaxat sunt, & tamquam modo geniti infantes lac concupiscunt. *Character Confirmationis*, ut inquit S. Thomas (7), *est signum distinctivum, non Infidelium a Fidelibus, sed spiritualiter provecutorum ab iis, quibus dicitur, sicut modo geniti infantes, rationabiles, sine dolo lac concupiscite, ut in eo crescatis in salutem.* Cum autem indelebilis sit character, qui confirmato imprimitur, inde fit, ut, quemadmodum de Baptismo superius diximus, Confirmatio sine sacrilegio iterari non possit. Siquis autem iterum Confirmationis Sacramentum susceperet, grande quidem nefas perpetraret: at neque confirmans, neque confir-

(1) Catechis. Rom. de confirm. §. 22.

(5) Joan. cap. 20.

(2) Matth. cap. 26.

(6) Act. cap. 5.

(3) Matth. cap. 26.

(7) S. Th. par. 3. qu. 72. art. 5.

(4) Joan. cap. 18.

confirmatus irregularitatis pœnam incurreret : quamquam enim ejusmodi pœna adversus rebaptizantes sit in Jure Canonico constituta, non tamen adversus iterum confirmantes statuta reperitur : irregularitas autem (1) nonnisi in casibus in Jure expressis incurritur . Tertius tandem Sacramenti hujus effectus est cognatio Spiritualis , quæ inter Confirmantem , & Confirmatum , ejusque parentes , ac Patrinum contrahitur , quemadmodum de baptizante , & baptizato , ejusque Patrinis , ac Parentibus superius docuimus .

VI. Solum Episcopum esse ordinarium hujus Sacramenti Ministrum Tridentina Synodus (2) his verbis definivit : *Siquis dixerit , Sanctæ Confirmationis ordinarium Ministrum non esse solum Episcopum , sed quemvis simplicem Sacerdotem , anathema sit* . Et jure quidem factum est , ut ejusmodi munus ad Episcopos deferretur . Ut enim (3) in extruendis ædificiis, etsi fabri cœmenta , calcem , ligna , & reliquam materiam parant , atque componunt , absolutio tamen operis ad Architectum pertinet ; ita etiam hoc Sacramentum , quo veluti spirituale ædificium perficitur , a nullo alio , nisi a summo Sacerdote , administrari opus erat . Et sane Apostolorum tempore (4) non ab aliis , quam ab ipsis Apostolis hoc Sacramentum legitur , aut scitur esse peractum . Extraordinarius autem Minister esse potest Sacerdos quilibet , cui gravissima, honestaque de causa Romanus Pontifex specialem facultatem ministrandi hoc Sacramentum delegaverit . *Legitur aliquando , ut inquit Eugenius IV. in Concilio Florentino , per Apostolicæ Sedis dispensationem ex rationabili , & urgente admodum causa simplicem Sacerdotem Chrismate per Episcopum confecto hoc Sacramentum Confirmationis administrasse* .

VII. Nonnisi Baptizati confirmari valide possunt : cum enim Baptismus reliquorum sit janua Sacramentorum ; incapax proinde

(1) Cap. *Is qui* , de sent. excommunicat. in 6.

(2) Trid. sess. 7. de confirm. can. 3.

(3) Catechis. Rom. de confirm. §. 14.

(4) S. Augustinus lib. 15. de Trinitate cap. 16.

de eorum (1) est, qui nondum saluari Lavacro sit regenerationis ablutus. Olim quidem infantibus (2) post collatum Baptismum statim Confirmationis quoque Sacramentum ministrabatur. At mox laudabilis invaluit consuetudo, ut non confirmentur, nisi qui, elapso septennio, rationis usum attigerint, uti constat ex cap. 3. Concilii (3) Aurelianensis, ex Concilio Colonien- si, ex Concilio Mediolanensi I., ex Pontificali Romano, & ex communi praxi ubique gentium apud Latinos recepta. *Illud observandum est*, uti legimus in Catechismo Romano, *omnibus quidem, post Baptismum, Confirmationis Sacramentum posse administrari; sed minus tamen expedire hoc fieri, antequam pueri rationis usum habuerint. Quare si duodecimus annus non expectandus videatur, usque ad septimum certe hoc Sacramentum differri maxime convenit*. Nullus ergo puer septennio minor sacro liniendus Chrismate Nobis offeratur, nisi forte tam gravi morbo (4) laboret, ut ex eo moriturus prævideatur. Tunc enim præclarum Sancti Caroli Borromæi exemplum imitati volumus, ut Parochus ejusmodi pueros in mortis periculo constitutos Nobis denunciet, ne sine Confirmationis Sacramento decedant. Parati enim sumus eos domi invisere, atque in vitæ discrimine positos Sacramenti hujus dono locupletare. Nam etiam pueris morituris dandam esse confirmationem docet S. Thomas (5), *ut videlicet confirmati decedentes, majorem gloriam consequantur, nam & hic majorem obtinent gratiam*.

VIII. Cum Confirmatio non primam, sed secundam, ut Theologi ajunt, gratiam conferat, idest præexistentis gratiæ sanctificantis incrementum, adeoque inter vivorum Sacramenta recensetur; Inde fit, ut eadem ad æternam salutem necessaria non sit ea necessitate, quam *medii* dicunt. Baptizatis tamen adultis Confirmationem vel in re, vel saltem in voto necessariam esse necessitate præ-

(1) Cap. *Si quis Presbyter*; & cap. *Veniens*. de Presbytero non baptizato.

(2) Benedictus XIV. de Synodo lib. 6. cap. 10. §. 3.

(3) Can. *Ut jejunii*. de consecr. dist. 5., & Benedictus XIV. loc. cit. §. 3.

(4) Benedictus XIV. loc. cit. §. 6.

(5) S. Th. 3. par. qu. 73. art. 8. ad 4.

512 CONSTITUTIONES SYNODALES

præcepti, & quidem divini, cum bellum a Tyrannis contra Fideles inferitur, vel cum Dæmonis fraude de Religione anxii, sollicitique graviter jactantur, vel tandem cum in ultimum vitæ discrimen devenere, docet Benedictus XIV. (1), atque ita universos ferme Theologos sentire testatur. Certum illud est, gravi illos culpa inquinari, qui ad eum impietatis gradum devenierint, ut Sacramentum hoc contemnere, & aspernari audeant, adeoque ex contemptu illud fuscipere prætermittant. Præterea *timendum est* iis, ut præclare inquit Hugo a S. Victore (2), *qui per negligentiam amittunt Episcopi presentiam, & non suscipiunt manus impositionem* [idest Confirmationem] *ne forte propterea damnentur, quia festinare debuerant, dum potuerunt.* Et rationem addit: *Quid enim prodest, si a lapsu erigeris, nisi etiam ad standum confirmeris?* Cavendum itaque omnibus maxime est, ne in hac re Sanctitatis plena, per quam nobis divina munera tam large donantur, aliqua negligentia committatur. Quod enim omnibus communiter ad sanctificationem Deus proposuit, ab omnibus etiam summo studio expetendum est. *Omnes proinde Fideles*, uti scribit S. Urbanus Papa (3), *per manus impositionem Episcoporum Spiritum Sanctum post Baptismum accipere debent, ut pleni Christiani inveniantur, quia cum Spiritus Sanctus infunditur, cor fidele ad prudentiam, & constantiam dilatur, Parochi vero, Parentes, Domini, ac Tutores diligenter curent, ut qui sibi subjecti sunt, opportune hujus Sacramenti virtute roborentur ad pugnam, & in Christiana Religione, ac pietate confirmentur.*

IX. Remota Confirmationis materia est unguentum (4) ex oleo olivarum, ac balsamo compositum, & ab Episcopo solemniter ritu consecratum, quod Græca voce *Chrisma* nuncupatur. Proxima vero est Unctio, per quam Episcopus frontem confirmandi oblini in modum Crucis, uti ex Ritualibus patet, & ex

praxi

(1) Benedictus XIV. Infit. 6. n. 10.

(2) Hugo a S. Victore de Sacramentis lib. 2. par. 7. cap. 3.

(3) Can. Omnes. de consec. dist. 5.

(4) Concil. Florent. & Trident. loc. cit., cap. 1. de Sacramentis non iterandis, & cap. unic. de Sacra Unctione.

praxi Ecclesiæ, & uti colligi potest ex illis Apostoli verbis: *Qui confirmat nos vobiscum in Christo, & qui unxit nos Deus, qui & signavit nos, & dedit pignus Spiritus Sancti in cordibus nostris.* Aptissime autem hujus Sacramenti efficientiam Chrisma significat. Primum enim diversarum rerum, e quibus constat, compositio multiplicem Spiritus Sancti gratiam, quæ confirmatis tribuitur, declarat. Deinde per oleum, quod pingue est, ac natura sua diffluit, plenitudo gratiæ, quæ a Christo in confirmatos, tamquam a capite in membra, redundat, facile indicatur. Balsamum tandem, cujus odor est jucundissimus, & cujus ea est vis, ut quidquid eo circumlitum fuerit, putrescere non sinat, recte virtutum suavitatem exprimit, quæ ex hoc Sacramento in confirmatis existit, atque eam præterea gratiam, quæ in Confirmatione tribuitur, & qua a scelorum contagione defendimur, congruenter designat. *Gratia Spiritus Sancti*, inquit S. Thomas (1), *in oleo designatur, unde Christus dicitur esse unctus oleo lætitiæ propter plenitudinem Spiritus Sancti, quam habuit. Admissetur autem balsamum propter fragrantiam odoris, quæ redundat ad alios, unde Apostolus dicit 2. ad Cor. cap. 2. Christi bonus odor sumus Deo &c., & licet multa alia sunt odorifera, tamen præcipue accipitur balsamum propter hoc, quod habet præcipuum odorem, & quia etiam incorruptionem præstat. Unde Ecclesiast. cap. 24. dicitur: quasi balsamum non mixtum odor meus.* Ratio autem, cur confirmandus in illustriori corporis parte, nimirum in fronte, Sacro Chrismate liniatur, ea est, ut Christi nomen, & Christianam Religionem impavide coram omnibus sibi esse profitendam intelligat. *Ideo in fronte, ubi verecundiæ sedes est*, inquit Concilium Florentinum (2), *confirmatus inungitur, ne Christi nomen confiteri erubescat, & præcipue Crucem ejus, quæ Judæis est scandalum, Gentibus autem stultitia secundum Apostolum, propter quod Crucis signo signatur.* Forma tandem Confirmationis (3), quæ in Latina adhibetur.

T t t tur

(1) S.Th. par. 3. qu. 72. art. 2.

(2) Concil. Florent. loc. cit.

(3) Concil. Flor. loc. cit., S.Th. 3. par. qu. 72. art. 4., & communiter Doctores.

514 CONSTITUTIONES SYNODALES

tur Ecclesia, in iis verbis sita est, quæ Episcopus profert, dum pollice tincto in Chrismate pueri frontem in modum Crucis inungit dicens: *Signo te signo Crucis, & confirmo te Chrismate salutis in nomine Patris, & Filii, & Spiritus Sancti.*

X. Postquam unctus puer, & confirmatus est, Episcopus leviter ejus maxillam manu cædit, & mox statim ei pacem imperat. Prioris quidem cæremoniæ duplex afferri solet ratio; 1. videlicet ut ea (1) percussione infantes se confirmatos fuisse meminerint, adeoque caveant, ne iterum confirmentur. 2. ut confirmatus, se (2), tamquam athletam, ad omnia adversa invicto animo pro Christi nomine perferenda paratum esse oportere meminerit. Posterior vero cæremonia eum in finem adhibetur, ut confirmatus intelligat, se gratiæ cœlestis plenitudinem, & pacem (3), quæ exuperat omnem sensum, per Confirmationis Sacramentum esse consecutum. Quemadmodum autem, si quis singulare certamen est initurus, alicujus indiget, cujus arte, consilioque doceatur adversos ictus, ac petitiones declinare, & vulnera inferre, quibus conficere adversarium possit; ita Fideles, qui Sacramento Confirmationis ad dimicandum contra Dæmonem armantur, & spirituales roborantur ad pugnam, duce, ac Monitore indigent, a quo quæ cavenda, & quæ sequenda in hostili congressu sint, edoceantur. Recte igitur ad hujus quoque Sacramenti administrationem Patrini advocandi sunt, quibuscum eadem spiritualis cognatio contrahitur, quam in Baptismo a Patrinis contrahi superius diximus. Ii autem eodem obstringuntur officio erudiendi in Catholica Religione, atque in Christianæ disciplinæ institutis continendi eos, quos in Confirmationis Sacramento tamquam Patrini sustentarunt. *Hoc Sacramentum, inquit Angelicus Doctor (4), exhibetur homini ad robur pugne spiritualis. Sicut autem aliquis de novo natus indiget instructore in his, quæ pertinent ad conservationem vitæ; ita illi, qui sumuntur ad pugnam,*

(1) Concil. Senonense anni 1524.

(2) Catech. Rom. par. 4. de Confir. §. 26.

(3) Ad Philipp. c. 4.

(4) S. Th. 3. par. qu. 71. art. 10.

gnam, indigent eruditioribus, a quibus instruuntur de his, quæ pertinent ad modum certaminis. De cognatione spirituali, quæ in hoc Sacramento contrahitur, sic Tridentina Synodus (1) statuit: *Ea quoque cognatio, quæ ex confirmatione contrahitur, confirmantem, & confirmatum, illiusque patrem, & matrem, ac tenentem non egrediatur, omnibus inter alias personas hujus spiritualis cognationis impedimentis omnino sublati.*

XI. Quoad Patrinus in hoc Sacramento adhibendos hæc observari jubemus. 1. ut non plures, sed unus (2) tantum, sive vir, sive mulier in Patrinum, aut Matrinam adhibeatur: licet enim Tridentina Synodus (3) permittat, ut in Baptismo unus, & una adhiberi possint, non tamen id in Confirmationis Sacramento fieri permisit. 2. ut nec fœminis mares, nec maribus fœminæ Patrini officium præstent, sed suo quisque sexui Patrinus adhibeatur. 3. ut si forte senes, seu adultioris ætatis homines sint confirmandi, ipsorum Patrini adolescentes non sint, cum neutri ætati id convenire videatur. 4. ut (4), nisi necessitas cogat, ideam non sit, sed diversus Confirmationis Patrinus a Patrino Baptismi. 5. ut Patrini munere (5) in Confirmatione non fungatur, qui nondum Confirmationis Sacramentum suscepit. 6. ut a Patrini munere arceantur ii omnes, quos ab eodem præstando munere in Baptismo arcendos esse superius diximus. 7. ut nemo absque expressa Nostra licentia plures eodem die, quam duos, tamquam Patrinus, in Confirmatione sustineat. 8. ut Patrinus manum suam dexteram super dexterum confirmandi humerum constanter teneat, dum ille ab Episcopo Confirmationis Sacramento donatur.

XII. Cum Primum Parochi ex Nostro Edicto didicerint, qua die a Nobis hoc Sacramentum erit administrandum; Id po-

T t t 2

pulo

(1) Trid. sess. 24. de reform. Matrim. cap. 1.

(2) S. Leo Papa in can. *Non plures*. 101. de consecrat. dist. 4.

(3) Trid. loc. cit.

(4) Can. *In Catechismo*. 100. de consecr. dist. 4.

(5) Can. *In Baptismo*. 102. de consecr. dist. 4.

516 CONSTITUTIONES SYNODALES

pulo inter Missarum solemnia denuncient, eidemque insinuent Confirmationis Sanctitatem, virtutem, maximamque utilitatem, ac necessarias ad illam recte, utiliterque suscipiendam dispositiones. Illud præ cæteris insinuent, Confirmationem esse Sacramentum vivorum, ac proinde ad eam licite, & cum fructu suscipiendam necesse esse, ut illam suscepturus nulla lethalis culpæ forde sit inquinatus: secus enim is caracterein quidem, non tamen gratiam sanctificantem reciperet, imo novam graviores culpam admitteret, & fieret sacrilegii reus. Curabunt itaque Parochi, ut antequam adulti, qui rationis usu pollent, confirmentur, omnes animarum suarum sordes Pœnitentiæ Sacramento rite, recteque suscepto abluant. Præterea eos, qui sacro Chrismate liniendi a Nobis erunt, per aliquot dies diligenter erudiant de iis, quæ ad hoc Sacramentum cum fructu suscipiendum requiruntur, sedulamque dent operam, ut omnes, & singuli probe sciant prima Fidei rudimenta, Decalogi, & Ecclesiæ præcepta, actus Fidei, Spei, Charitatis, & Contritionis, Orationem Dominicam, Symbolum Apostolorum, eaque omnia, quæ scire oportet ad dignam, utilemque Sacramenti Pœnitentiæ susceptionem, ad quam Confirmationi præmittendam hortari eos debent.

XIII. Postquam Parochus confirmandos probe erudierit, idoneosque compererit Patrinos; eorum alterutris schedulam tradet sua subscriptione roboratam, in qua ipse adnotaverit confirmandi, ejusque Parentum, ac Patrini nomina, & cognomina, Patriam, Parœciam, ætatem, aliaque hujusmodi. Eos etiam monebit, ut statuta die, certaue hora, omnes mundo corporis cultu, animoque ad pietatem composito in Templum se conferant, in quo Sacramentum erit ministrandum, schedulam modo descriptam secum deferentes, vittamque lineam, aut sericam, qua confirmati frons post acceptam Sacram Undtionem circumligetur, & quam eo saltem die, quo Sacramentum acceperit, Confirmatus numquam depōnet. Hac vitta frons confirmati

firmati circumducitur, tum ne Sacrum Chrisma defluat, tum ut is Spiritus Sancti gratiam, qua locupletatus in Sacramento est, omni a se cura, diligentiaque esse custodiendam intelligat. Et olim quidem eadem vitta per septem dies numquam deponeretur, quo sane tempore ii, qui recens confirmati fuerant, in jugi Sanctorum operum exercitio versabantur. At nunc ad omnem evitandam irreverentiam invaluit consuetudo, ut Sacrum Chrisma, quo confirmatorum inuncta frons est, a Sacro aliquo Ministro gossipio mox comburendo, & in Sacrum projiciendo abstergetur. Cum in Templum confirmandi omnes convenerint (1), mares ab una, feminae ab altera collocentur parte, & quod veteris ritus est, primum mares, deinde feminae Sacramentum Confirmationis recipiant: flexis genibus, manibusque ante pectus junctis suo in loco pie, ac religiose orent; ab omni vociferatione, atque inani confabulatione caveant; sancto demum silentio ad finem usque constanter utantur. Parochus edicat omnibus, ne quis ante rem peractam, solemnesque preces ab Episcopo habitas, & benedictionem de more receptam, e Templo non reversurus abscedat.

XIV. Tandem dum ab Episcopo Confirmatio administratur, vel Parochus ipse, vel alius probatae fidei, solertique Sacerdos Episcopum praeat, schedulasque a confirmandis exigit, ac recognoscat, quas statim, actione peracta, Parocho tradat. Hic vero ex iisdem schedulis in librum bene compactum, & baptizatorum libro omnino similem eadem diligentia, ac sub iisdem poenis, intra decem ab administrata Confirmatione dies, nomina, & cognomina Confirmatorum, Parentum, & Patrinorum, praemisso etiam Episcopi confirmantis nomine, cum die, mense, & anno, quo Sacramentum administratum fuit, juxta Ritualis Romani formulam transcribet. Ex hoc vero libro authenticum Parochus mox eruat exemplar, quod intra triginta dies ab administrato Sacramento numerandos ad Vicarium Nostrium Generalem in Episcopali Cancellaria asservandum transmittat.

(1) Concil. Mediol. V.

CAPUT IX:

DE SACRAMENTO EUCHARISTIÆ.

A Mantissimus Salvator Noster, & Dominus Christus Jesus, sciens (1) horam jam advenisse, ut transiret ex hoc mundo ad Patrem, cum dilexisset suos, in finem dilexit eos. Memoriam (2) quippe fecit mirabilium suorum misericors Dominus. Ut enim escam daret timentibus se, Eucharisticum instituit cibum, in quo divitias (3) divini sui erga homines amoris velut effudit, itaut, teste S. Augustino (4), *cum sit Omnipotens, plus dare non possit, cum sit sapientissimus, plus dare nesciat, cum sit divitissimus, plus dare non habeat*. Neque vero magnificentius hæc, quam verius dici putandum est. Semper enim (5) hæc Fides in Ecclesia Dei fuit, statim post consecrationem verum Domini Nostri corpus, verumque ejus sanguinem sub panis, & vini specie una cum ipsius anima, & divinitate existero, itaut tantumdem sub alterutra specie, atque sub utraque contineatur, ac totus, & integer Christus, facta per consecrationem transubstantiatione, sub panis specie, & sub quavis speciei parte, totus item sub vini specie, ac sub ejus partibus, donec species corrumpantur, existat. Cujus quidem Eucharistici Sacramenti institutione illud inexplicabili consilio perfecit, ne ullo umquam tempore abesset a suis, & cum delicias suas duceret esse cum filiis hominum, vere cum iis esset usque ad consummationem sæculi. Quamobrem licet nobis exclamare cum gaudio: *Non (6) est alia ratio tam grandis, quæ habeat Deus appropinquantem sibi, sicut Deus Noster adest Nobis*.

II. Augustissimum itaque Eucharistiæ Sacramentum esse reliquorum omnium præstantissimum, ambigere nemo potest. Quamquam enim commune (7) ei sit cum cæteris Sacramentis

Symbo-

(1) Joa. c. 13.

(2) Psalm. 110.

(3) Trid. sess. 13. cap. 2.

(4) S. Aug. tract. 48. in Joa.

(5) Trid. sess. 13. cap. 3., & can. 1., 2., & 3.

(6) Deuteron. c. 4.

(7) Trid. sess. 13. cap. 3.

Symbolum esse rei Sacræ, & invisibilis gratiæ formam visibilem; illud tamen in eo excellens, & singulare reperitur, quod reliqua Sacramenta tunc primum sanctificandi vim habent, cum quis illis utitur, in Eucharistia vero ipse Sanctitatis Auctor ante usum est: reliqua in actionibus transeuntibus sita sunt, hoc vero Sacramentum permanens est institutum. Unde illud etiam sequitur, ut hujus Sacramenti multo plures, quam aliorum fieri a nobis possint usus, & ex eo multo uberiores, quam ex aliis, fructus percipere valeamus. In hos autem potissimum usus Eucharistiam asservari, sancteque adhiberi, edocta ab Apostolis Catholica jussit Ecclesia. 1. ut etiam extra Missæ Sacrificium hoc refici Sacramento Fideles possent. 2. ut deferretur, tamquam Viaticum, ad ægrotos in mortis periculo constitutos. 3. ut ad Fidelium excitandam pietatem, augendamque religionem publice, cum opportunum videretur, proponi Populo posset externo, internoque latræ cultu adoranda. 4. ut statis temporibus in publicis supplicationibus per vias, & loca publica honorifice, ac reverenter circumferretur. In alios quoque usus adhibitam olim a Fidelibus fuisse Eucharistiam, ex historicis monumentis accepimus: at eos vel numquam approbavit, vel etiam rejecit, ac damnavit Ecclesia. Ne (1) particula boni doni nos prætereat, & ne tanta divinæ erga nos beneficentiæ largitate abutamur, de his usibus singillatim pauca statuamus.

ARTICULUS I.

*De præcepto, quo urgentur Fideles, recipiendi sæpius
in vita Eucharistiam, ac de ratione eam digne,
atque utiliter recipiendi.*

Divino sane præcepto urgentur Fideles rationis usum habentes, ut sæpius in vita Eucharistica dapè reficiantur. *Nisi manducaveritis (2) carnem Filii hominis, inquit Christus Dominus, & biberitis ejus sanguinem, non habebitis vitam in vobis; & alibi (3):*
hoc

(1) Eccli. c. 14. v. 15.

(2) Joa. c. 6.

(3) Lucæ c. 22., & 1. ad Cor. c. 11.

hoc facite in meam commemorationem; quæ verba sic Tridentina Synodus explicat (1): & in illius [videlicet Eucharistiæ] sumptione colere nos sui memoriam præcepit, suamque annunciare mortem, donec ipse ad judicandum Mundum veniat. Non tamen esse Eucharistiæ sumptionem necessariam necessitate mediæ ad æternam salutem assequendam, exinde patet, quod Tridentina Synodus expresse docet (2), parvulos usu rationis carentes nulla obligari necessitate ad Sacramentalem Eucharistiæ Communionem, si quidem per Baptismi lavacrum regenerati, & Christo incorporati, adeptam jam Filiorum Dei gratiam in illa ætate amittere non possunt. Quod autem per priora sex, aut septem Ecclesiæ sæcula consuetudo in quibusdam locis viguerit, ut non modo adultis sub specie panis, sed etiam infantibus sub specie vini, post collatum Baptismum, Eucharistia, tamquam spirituale alimentum, recenter in Christo renatis porrigeretur; non ideo (3) damnanda est antiquitas; ut enim Sanctissimi illi Patres sui facti probabilem causam pro illius temporis ratione habuerunt; ita certe eos nulla salutis necessitate id fecisse, sine controversia credendum est.

II. Quoties in anno, & quo anni tempore Eucharistia sumenda a Fidelibus esset, Christus Ecclesiæ arbitrio statuendum reliquit. Apostolorum quidem tempore Fideles quotidie Eucharistico cibo vescerentur: *erant (4) enim perseverantes in doctrina Apostolorum, & in communicatione fractionis panis.* At mox, refrigerante charitatis ardore, adigi Ecclesiastico (5) præcepto debuerunt, ut saltem ter in anno, videlicet in Paschate, Pentecoste, ac Natali Domini, divino hoc alimento reficerentur. Ad extremum, cum non modo salutaris ejusmodi non servaretur præceptio, sed in plures etiam annos Sacramentalis Communio protraheretur; ita in Concilio Lateranensi (6) sancitum est: *Omnis utrius-*

(1) Trid. sess. 13. c. 2.

(2) Trid. sess. 21. c. 4., & can. 4.

(3) Trid. sess. 21. c. 4.

(4) Actuum c. 2.

(5) Concil. Agathen. ann. 506. can. 13.,

Tarraconen. III. can. 50., cap. *Deus*. de pœnit., & remiss.

(6) Concil. Lateranen. relatum in cap. *Omnis utriusque sexus*. de pœnit., & remission.

utriusque sexus Fidelis, postquam ad annos discretionis pervenerit, omnia sua solus peccata, saltem semel in anno, fideliter confiteatur proprio Sacerdoti, & injunctam sibi pœnitentiam propriis viribus studeat adimplere, suscipiens reverenter ad minus in Paschate Eucharistia Sacramentum, nisi forte de proprii Sacerdotis consilio ob aliquam rationabilem causam ad tempus ab hujusmodi perceptione duxerit abstinendum: alioquin & vivens ab ingressu Ecclesiæ arceatur, & moriens Ecclesiastica careat sepultura. Quamquam autem hanc legem Tridentina (1) Synodus ratam habuerit, & confirmaverit; optare tamen se dixit, ut in singulis Missis, si fieri posset, Fideles adstantes non solum spiritali affectu, sed Sacramentali etiam Eucharistiæ perceptione, ut olim, communicarent, quo ad eos Sanctissimi hujus Sacrificii fructus uberior proveniret. Nulla proinde rei est, ut inquit Benedictus XIV. (2), in qua utilius Episcopi, Parochi, & Confessarii studium suum omne impendere valeant, quam in excitandis Fidelibus ad eam mentis puritatem sectandam, unde digni reddantur frequenti ad Sacram Mensam accessu, & non spiritali tantum, sed Sacramentali etiam participatione illa Sacrificii, quod a Sacerdote, tamquam publico Ecclesiæ Ministro, non pro se tantum, sed pro ipsis, & ipsorum nomine offertur. Parochi itaque Fideles eorum curæ concreditos paterna charitate in Domino hortentur ad vitam tam pure, sancteque ducendam, ut ab animarum suarum moderatoribus digni habeantur, qui ad divinum Eucharistiæ convivium frequenter accedere valeant.

III. Verum neque cuilibet concedenda, neque neganda cuilibet indiscriminatim est quotidiana Communio; sed prudentis Confessarii standum judicio, qui juxta regulas a Sanctis Patribus traditas aliquibus injunget, ut rarius, aliis præcipiet, ut frequentius, quibusdam etiam indulgebis, ut quotidie Eucharistiæ mensæ participes fiant. Hac autem in re Confessariis mandamus, ut sedulo legant, & fideliter exequantur decretum a Sacra,

V v v

Con-

(1) Trid. sess. 13. can. 9. de Eucharist.
essli. edita 13. Nov. 1742.

(2) Benedictus XIV. Const. Ceteriores

322 CONSTITUTIONES SYNODALES

Concilii (1) Congregatione editum, & ab Innocentio XI. approbatum, quod in Synodi Appendice num. 4. damus. Cæterum cum paucissimi ita vivant, ut quotidie Eucharistica dape refici mereantur; paucissimi etiam sunt, quibus Communionem quotidianam permittere Confessarius prudenter possit. *Vix aliquis, optime inquit S. Bonaventura (2), ita Religiosus esse videtur, & Sanctus, exceptis Sacerdotibus, quin semel in hebdomada sufficiat ei ex consuetudine communicare, nisi specialis causa quandoque, vel ratio plus suadeat, infirmitas superveniens, vel singulariter festivitas sollemnis &c.* S. Bonaventuram præverat S. Augustinus, seu quicumque Auctor sit libri de Ecclesiasticis dogmatibus (3), qui sic habet: *Quotidie Eucharistiæ Communionem percipere nec laudo, nec reprehendo. Omnibus tamen Dominicis diebus communicandum suadeo, & hortor, si tamen mens sine affectu peccandi sit.* Idem sensere etiam S. Franciscus Salesius, S. Philippus Neri, S. Ignatius de Lojola, aliique Sanctissimi viri, qui in conscientiis moderandis peritissimi, illud Fidelibus consilium dare consueverunt, ut octavo quoque die, si possent, Pœnitentiæ Sacramento rite expiati, Dominicum Corpus manducarent, dummodo ita vitam componerent suam, ut iidem tam frequenti Communionem non censerentur indigni.

IV. Nos itaque paterno affectu admonemus (4), hortamur, rogamus, & obsecramus per viscera misericordiæ Dei nostri omnes, & singulos, qui in Nostra Dicecesi versantur, Fideles, ut in hoc unitatis signo, atque in hoc vinculo Charitatis convenient, memoresque tantæ majestatis, & tam eximii amoris Jesu Christi Domini Nostri, qui dilectam animam suam in nostræ salutis pretium, & carnem suam nobis dedit ad manducandum, hæc Sacra Mysteria Corporis, & Sanguinis ejus ea fidei constantia, & firmitate, ea animi devotione, ea pietate, & cultu credant, ac veneren-

(1) Sac. Cong. Concil. 12. Febr. 1679.

(2) S. Bonaventura lib. de profectu religionis cap. 77.

(3) Lib. de Ecclesiasticis dogmatibus tom. 3. cap. 53.

(4) Trid. sess. 13. cap. 8.

uerentur, ut panem illum super substantialem frequenter suscipere possint, & is vere eis sit animæ vita, & perpetua sanitas mentis, cuius vigore confortati, ex hujus miseræ peregrinationis itinere ad cœlestem patriam valeant pervenire.

V. Verum cum ita mortales comparati simus, ut magis nostris cōmunodis, atque utilitatibus, quam intimo rerum pretio ducamur; Parochi, Confessarii, & Concionatores, ut Fideles ad hunc Angelorum panem frequenter, religioseque gustandum inducant, amplissima munera, quæ in hoc Sacramento inperitiuntur, persæpe recenseant, dilucideque exponant. Eadem sic paucis Tridentini (1) Concilii Patres complexi sunt: *Sumi autem Christus voluit hoc Sacramentum, tamquam spirituales animarum cibum, quo alantur, & confortentur viventes vita illius, qui dixit: qui manducat me, & ipse vivet propter me; & tamquam antidotum, quo liberemur a culpis quotidianis, & a peccatis mortalibus præservemur. Pignus præterea id esse voluit futuræ nostræ gloriæ, & perpetuæ felicitatis, adeoque symbolum unius illius corporis, cuius ipse caput existit, cuique nos, tamquam membra, ærissimæ fidei, spei, & charitatis connexionē adstrictos esse voluit, ut id ipsum omnes diceremus, nec essent in nobis scissmata.* Tria itaque nobis utilissima, maximeque necessaria in admirabili Eucharistiæ virtute Tridentina Synodus contemplatur: primum videlicet, quod sit spiritualis animarum cibus: deinde quod sit culparum antidotum; demum quod sit nostræ futuræ gloriæ, ac perpetuæ felicitatis pignus. Jam vero tria hæc paulo enucleatius explicemus.

VI. Primum igitur hoc Sacramentum Spiritualis est animarum cibus. Quos enim usus corpori panis, & vinum affert; eos omnes animæ salutis, ac jucunditatis, meliori tamen, ac perfectiori ratione, Eucharisticus cibus præbet. Quamquam enim non is in substantiam nostram, ut panis, & vinum, mutetur, sed nos quodammodo in ejus naturam convertamur, juxta illud S. Augustini (2): *Cibus sum grandium, cresce, & manducabis*

V V V 2

me,

(1) Trid. sess. 13. cap. 2.

(2) S. Augustinus lib. 7. Confessionum cap. 10.

me, nec tu me mutabis in te, sicut cibum carnis tue, sed tu mutaberis in me; Tamen, sicuti naturali cibo corpus non conservatur modo, verum etiam augetur, & gultus novam quotidie ex eo voluptatem, & suavitatem accipit; ita spiritualis animarum vita, quæ in gratia sanctificante, supernisque virtutum habitibus sita est, per dignam Eucharistiæ sumptionem mirifice conservatur, & uberius etiam, quam per alia Sacramenta, augetur. *Qui enim manducat me*, ut inquit Christus (1) Dominus, *& ipse vivet propter me*; & alibi (2): *Panis, quem ego dabo, caro mea est promendi vita*. Præterea supernis auxiliis, quæ in ipsa Dominici Corporis participatione immittuntur, divinus charitatis ignis accenditur, & Spiritus divinarum rerum delectatione magis, ac magis commovetur, ac rapitur. Quare Eucharistico pani mirifice congruit illud Sapientiæ (3): *Angelorum esca nutritisti populum tuum, & paratum panem de celo præstitisti illi sine labore, omne delectamentum in se habentem, & omnis saporis suavitatem*.

VII. Eucharistia præterea est tamquam antidotum, quo liberamur a culpis quotidianis, & a peccatis mortalibus præservamur. Quemadmodum enim, quod innati caloris vi e nostro corpore quotidie detrahatur, ac deperit, paulatim addi, ac refici naturali alimento sentimus; ita quidquid anima, dum levi aliqua in re parum offendit, ardore cupiditatis amittit, totum id Eucharistia, eas ipsas minores culpas fervore charitatis abstergens, restituit. Quare merito S. Ambrosius (4) Eucharistiam *panem quotidianum in remedium quotidiane infirmitatis* nuncupavit. Cum autem illud etiam Sacra hæc Mysteria efficiant, ut illa suscipienti jus tribuant ad habendas suo loco, & tempore gratias, quas actuales vocant, quibus & mandata servare possit, cum urgent, & temptationibus resistere, cum ad peccandum impellunt; inde fit, ut hujus Sacramenti virtute a peccatis mortalibus præservemur. Accedit huc, quod Virginea Christi caro sub Eucharisticis speciebus delite-

(1) Joa. c.6.

(2) Joa. c.6.

(3) Sapientiæ c.16. v.20.

(4) S. Ambros. lib.3. de Sacram. c.4.

delitescens, dum illa vescimur, concupiscentiæ fomitem in nobis imminuit, & carnis libidinem cohibet, ac refranat. Quare scriptum est apud Zachariam (1): *Quid bonum ejus est, & quid pulchrum ejus, nisi frumentum electorum, & vinum germinans Virgines*

VIII. Tandem Sacramentum hoc est nostræ futuræ gloriæ, atque æternæ felicitatis pignus, cum summa ejus vis sit ad æternam gloriam comparandam. Sic enim Salvator ipse pollicitus nobis est, dicens (2): *Qui manducat meam carnem, & bibit meum Sanguinem, habet vitam æternam, & ego resuscitabo eum in novissimo die*. Et sane qui (3) proprio filio suo non pepercit, sed pro nobis omnibus tradidit illum, quomodo non etiam cum illo omnia nobis donavit? Merito itaque S. Augustinus (4) inquit: *Cum cibo, & potu id appetant homines, ut non esuriant, neque sitiant; Hoc veraciter non prestat, nisi iste cibus, & potus, qui eos, a quibus sumitur, immortales, & incorruptibiles facit in Societate Sanctorum, ubi pax erit, & unitas plena, atque perfecta*.

IX. Verum quoad usum hujus admirabilis Sacramenti recte, & sapienter Sancti Patres, ut Tridentina Synodus (5) affirmat, tres rationes illud suscipiendi distinxerunt. Quosdam enim docuerunt sacramentaliter dumtaxat id sumere, ut peccatores; alios tantum spiritualiter, illos nimirum, qui voto propositum illum cœlestem panem edentes, fide viva, quæ per dilectionem operatur, fructum ejus, & utilitatem sentiunt; tertios porro sacramentaliter simul, & spiritualiter: hi autem sunt, qui ita se prius probant, & instruunt, ut vestem nuptialem induti, ad divinam hanc mensam accedant. Jam vero qui sacramentaliter solum hoc Angelorum pane vescuntur, gravi aliqua lethalis peccati labe polluti, non modo neque gratiam, neque ullum ex iis fructibus, quos recensuimus, percipiunt, verum etiam judicium (6) sibi manducant, & bibunt, non dijudicantes Corpus Domini.

Quem-

(1) Zachariæ c.9.

(2) Joa. c.6. v.54.

(3) Ad Romanos c.9.

(4) S. Aug. tract.26. in Joann.

(5) Trid. sess.13. cap.8.

(6) 1. ad Cor. cap.11.

Quemadmodum enim (1) mortuis corporibus naturale alimen-
tum nihil prodest, ita etiam animæ, quæ spiritu non vivit, Sa-
cra Myſteria non prodeſſe certum eſt, quæ propterea panis, &
vini ſpeciem habent, ut ſignificetur, non quidem revocandæ ad
vitam animæ, ſed in vita conſervandæ cauſa fuiſſe inſtituta. Me-
rito idcirco proſcripta eſt ab Innocentio XI. (2) hæc propoſitio :
Frequens Confefſio, & Communio etiam in his, qui gentiliter vivunt,
eſt nota prædeſtinationis. Qui ſpiritualiter tantum Eucharisti-
am ſu-
munt, non quidem omnes, ſed maximos certe utilitatis fructus
conſequuntur. At qui ſacramentaliter ſimul, & ſpiritualiter
Corpus Domini manducant, & Sanguinem bibunt, ex Eucha-
riſtia capiunt uberrimos illos, quos antea diximus, fructus.

X. Ut igitur quis re ipſa hoc Sacramentum utiliter percipiat,
neceſſe eſt, ut gratiam antea adeptus fuerit. Quare conſcientiam
ſuam ſcrutari diligenter debet, ne forte exitiali aliquo peccato
contaminatus ſit : ſi enim illum peccati mortalis conſcientia ſti-
mulet, Apoſtolico jubetur præcepto Sacramentalis Confefſionis
medicamento illud eluere, antequam ore Sacra Myſteria accipere
audeat. *Ego enim accepi a Domino,* ait Apoſtolus (3), *quod & tra-*
didit vobis, quoniam Dominus Jeſus, in qua nocte tradebatur, acce-
pit panem &c. Itaque quicumque manducaverit panem hunc, vel bibe-
rit Calicem Domini indigne, reus erit Corporis, & Sanguinis Do-
mini. Probet autem ſeipſum homo, & ſic de pane illo edat, & de Ca-
lice bibat. Quæ Apoſtoli verba ſic Tridentina (4) Synodus expli-
cat : *Communicare volenti revocandum in memoriam Apoſtoli præcep-*
tum : Probet autem ſeipſum homo. Eccleſiaſtica autem conſuetudo decla-
rat, eam probationem neceſſariam eſſe, ut nullus ſibi conſcius peccati
mortalis, quantumvis ſibi contritus videatur, abſque præmiſſa Sacra-
mentalī Confefſione ad Sacram Eucharistiā accedere debeat. Quod a
Chriſtianis omnibus, etiam ab iis Sacerdotibus, quibus ex officio in-
cubuerit

(1) Catech. Rom. par. 2. de Eucha-
ria §. 50.

(2) Innocentius XI. 2. Martii 1679.

(3) 1. ad Cor. cap. 11.

(4) Trid. ſeſſ. 13. cap. 7.

cubuerit celebrare, hæc Sancta Synodus perpetuo servandum esse decrevit, modo non desit illi copia Confessoris. Quod si, necessitate urgente, Sacerdos absque prævia Confessione celebraverit, quamprimum confiteatur.

VI. Super hoc Concilii Tridentini decreto Sacerdotes monemus. 1. per illa verba *quamprimum confiteatur*, non consilium, sed præceptum significari. Hanc enim propositionem damnavit Alexander VII. (1) *Mandatum Tridentini, factum Sacerdoti sacrificanti ex necessitate cum peccato mortali, confitendi quamprimum, est consilium, non præceptum.* 2. per illam particulam *quamprimum* intelligi *cum primum poterit*, uti in Missalis Romani regulis dicitur; idest ut saltem intra triduum confiteatur; quemadmodum, licet in Jure Canonico (2) præcipiatur, ut ii, qui in mortis articulo constituti ab excommunicatione reservata absolvantur, si postea convalescerint, debeant, cum primum possunt, ad Superiorem recurrere; alioquin in censuram reincidant; non tamen in eam reincidere censentur, si intra triduum ab oblata recurrendi ad Superiorem facultate recurrant. *Dicimus saltem intra triduum fieri enim potest, ut eadem ipsa die, habita Confessarii copia, Sacerdos confiteri teneatur, si videlicet crastina etiam die celebrandi necessitas urgeat, & Confessarii copiam vel certo non sit habiturus, vel saltem incertum sit, an crastina die sit habiturus. At si neque celebrandi necessitas urgeat per insequentes dies, & hodierna Confessionis dilatio periculum non afferat Confessionem ad multos dies protrahendi, non videtur Sacerdos contra grave Tridentini Concilii præceptum graviter peccaturus, si, habita hodie Confessarii copia, Confessionem adhuc protrahat, dummodo intra triduum Pœnitentiæ Sacramento expiatur.*

XII. At ad utilem, dignamque Eucharistici Sacramenti susceptionem, præter gratiam sanctificantem, qua quis esse debet instructus, requiritur præterea. 1. ut Eucharistiam sumpturus Ec-

clesiastica

(1) Alexander VII. in damnat. proposuit. 38.

(2) Cap. Eor, qui. de sent. excommunicat. in 6.

clesiastica non sit censura irretitus : hæc enim Sacramentorum susceptionem impedit, atque interdicat. 2. ut a media nocte usque ad tempus Sacramentalis Communionis nihil prorsus per modum seu cibi, seu potus, seu medicinæ ab extrinseco in os immiserit, ac in stomachum trajecerit. Quamquam enim Christus Dominus post agni esum, postremamque cum Discipulis carnem, Eucharistiæ Sacramentum instituerit; Vetustissima (1) tamen, & Apostolica traditio est, ne quis audeat ad divina Mysteria non jejunos accedere, & contrarium, qui alicubi irrepperat, abusus Concilia (2), & Patres, tamquam summum crimen, ab Ecclesia abstulerunt. Ab hac tamen jejunii naturalis lege hi, qui sequuntur, excipiuntur casus. 1. quando ministrari ægroto debet Viaticum. *Hujusmodi Sacramentum*, sic decrevit Concilium Constantiense, cui consonat universa Ecclesiæ praxis, *non debet confici post carnem, neque a Fidelibus recipi non jejunis, nisi in casu infirmitatis, aut alterius necessitatis a Jure, vel Ecclesia concessa, vel admissa*. 2. quando perficiendi Sacrificii urget obligatio, ut si Sacerdos Missam celebrans pro vini speciebus aquam sumat, super quam verba consecrationis protulit, eam esse ratus vinum; aut si repentina infirmitate (4) correptus deficiat, postquam panem, & vinum consecravat, nec aliud haberi possit Sacerdos, nisi non jejunos, qui Sacrificium consummare, ac perficere possit. 3. si probabile sit periculum, ne Eucharistia pereat, aut ab Infidelibus male pertractetur: tunc enim Fidei cuiuslibet, etiam non jejuno, consummare eandem licet. 4. si quis non jejunos Sacrificium inchoavit, seu ad Eucharisticam accessit mensam, nec sine gravi scandalo Sacrificium, aut Communionem se omittere posse certo intelligat; tunc enim ad evitandum scanda-

(1) S. Cyprianus epist. 63., Tertullianus lib. 2. ad uxorem cap. 5., S. Basiliius hom. 1. de jejunio, S. Joa. Chrysostom. hom. 27. in epist. 1. ad Cor., S. Gregor. Nazianz. orat. 40., & S. Aug. ep. 118.
(2) Concil. Carthagin. III. can. 41.,

Trullan. can. 29., Matisconen. II. can. 9., Bracharen. I. can. 16., & II. can. 10., & Constantien. sess. 13.

(3) Concil. Constantiense sess. 13.

(4) Concil. Tolet. VIII. c. 2.,

scandalum cibo vesci potest Eucharistico. 5. demum si cui ex Apostolica dispensatione a Romano Pontifice concessum fuerit, ut non jejunos ad Sacra Mysteria recipienda accedat, cujusmodi facultatis recentissimum habemus exemplum. Ex Apostolica enim largitate Benedictus XIV. (1) per Epistolam in forma Brevis Amantissimo Parenti Nostro Jacobo III. Magnæ Britannæ Regi eandem, quam Carolo V. Julius III. concesserat, facultatem dedit, ut de sui Directoris Spiritualis consilio Sacram Communionem etiam non jejunos recipere posset. Cujus quidem beneficentiæ, ut perennis apud posteros, & grata extet recordatio, eandem Pontificiam Epistolam in Appendice num. 5. datus.

XIII. Paschale tempus, quo Fideles Adulti suscipere quotannis Eucharistiam jubentur, a die Dominica Palmarum incipit, uti Eugenius IV. (2) declaravit, & ad diem Dominicam in Albis inclusive protenditur. Quamobrem & gravi se crimine allicit, & pœnis in Concilio Lateranensi statutis sit obnoxius, quicumque intra illorum dierum ambitum Sacro Christi Corpore non reficitur, nisi forte aut legitimo detineatur impedimento, aut de proprii Sacerdotis consilio rationabilem aliquam ob causam ab ejus perceptione ad tempus duxerit abstinendum. Si enim Parochus, aut alius Confessarius judicet, sacrum hoc alimentum Pœnitenti in iis, in quibus versatur, circumstantiis mortem potius allaturum esse, quam vitam; absit, ut pia Mater Ecclesia illum ad Eucharisticam mensam cogat accedere, cum eadem malit, ut diutius abstinendo digne tandem accedat, quam tunc accedendo iudicium sibi manducet, ac bibat. Id autem de iis dumtaxat Peccatoribus (3) est intelligendum, qui resipiscere serio volentes, peccata sua Parocho, aut alteri Confessario sincere consententur, & qui ut e cœno vitiorum emergant, quicquid iisdem ab eo faciendum præscribitur, id statim aggrediuntur,

X x x diuntur,

(1) Benedictus XIV. in suo Brevis 24. tom. 1. Ballar. Roman. Constitut. 20. Martii 1766.

(3) S.Th. 2.par. qu.80. art.11.

(2) Eugenius IV. Constit. *Fide digna*.

diuntur, & faciunt; non vero de iis, qui aut in peccato, aut in proxima occasione peccandi obdurato persistent animo, aut ea exequi detrectant, quæ a prudenti, doctoque Confessario ad veram pœnitentiam omnino necessaria judicantur. Si quis vero ex legitimo impedimento a Sacra abstinuerit Mensa; eo sublato, satisfacere, cum primum potest, Ecclesiastico præcepto debet, & in sua Parœciali Ecclesia Eucharistico refici Sacramento.

XIV. Ut saltem semel in anno oves proprii Pastoris vultum agnoscant, & Parœciali Ecclesiæ debitam præstent obedientiam, ac reverentiam; Declaramus, atque edicimus, Ecclesiastico Paschalis Communionis præcepto non satisfieri ab iis, qui non in Parœciali, sed in alia qualibet Ecclesia, etiam si Cathedralis ea sit (1), circumscripto Paschatis tempore Eucharistico dape reficiantur. Ab hac tamen lege excipimus 1. vagos, peregrinos, & advenas: hi enim ubilibet possunt, nisi aliter Synodalia statuta præscribant, Ecclesiasticum implere præceptum. At Nos pro iis in Tusculana Civitate Cathedrali, in Oppidis vero Nostræ Diœcesis Matricem Ecclesiam designamus, in qua eos volumus susceptione Corporis, & Sanguinis Christi Paschalem Solemnitatem cum gaudio celebrare. 2. eos, qui iusta de causa Paschatis tempore a propria absunt Parœcia: nam hi Pœnitentiæ, atque Eucharistiæ Sacramentis, ubicumque versentur, muniri possunt: at in Parochiam reversi, volumus, ut certum Parocho suo exhibeant documentum, ex quo eos præceptum implese constet: secus intra octo dies (2) Eucharistiam de manu Parochi in sua Parœciali Ecclesia recipiant; sin minus, adversus illos (3) tamquam violati præcepti reos, procedendum esse decernimus. 3. Sacerdotes: hi enim, ubicumque Paschali tempore Missam celebrent, Ecclesiæ præcepto faciunt satis. Quod si vel ob infirmitatem, vel alia de causa celebrare nequeant;

(1) Sac. Cong. Concil. in Limana, in Sutrina, & in Perusina mense Septembris 1649., & 23. Januar. 1688., Innocentius XI. 5. Februar. 1682., & Bene-

dictus XIV. Instit. 18. num. 11., & in Epist. Encycl. §. 21. data 2. Junii 1751.

(2) Concil. Tolosan. c. 5. §. 5.

(3) Concil. Mediol. I. par. 2. tit. quæ per-

queant; ipsi quoque non minus, ac Laici, ad Sacra recipienda Mylteria in sua Parœcia debent convenire.

XV. Regularibus omnibus ea in memoriam revocamus, quæ Benedictus XIV. in sua Epistola Encyclica (1) ad Primatem, Archiepiscopos, atque Episcopos Poloniæ scripsit: *Paulus IV. Fratribus Minoribus privilegium concessit, ut Sacram Eucharistiam omnibus Christifidelibus in eorum Ecclesiis distribuere possent, excepta tamen die Paschatis Resurrectionis, atque hoc privilegium a Pio V. per communicationem, ut dicitur, ad omnes Regulares extensum fuit. Verum quia secundum Eugenii IV. Constitutionem Paschale tempus, intra quod Communionis præceptum adimplendum est, a Dominica Palmarum initium habet, ac Dominica in Albis terminatur; cum exortum dubium fuisset, num licitum Regularibus foret intra præscriptum eorundem dierum terminum Sacram Eucharistiam Fidelibus in eorum Ecclesiis distribuere, resolutum fuit (2), die Paschatis nemini distribui posse, ne illis quidem, qui intra sanctiorem hebdomadam Paschali præcepto in propria Parochiali Ecclesia satisfecissent: Posse quidem Regulares aliis Paschalis temporis diebus Fideles in eorum Ecclesiis Sacra Eucharistia reficere, hac tamen conditione, ut Communionem refecti scirent, non ideo se a præcepto illo exemptos esse, ut Paschalem in propria Parochiali Ecclesia Communionem recipere deberent. Parochis vero omnibus districte præcipimus. 1. ut ad eos, qui Sacro Paschatis tempore (3) aut in lecto decumbunt ægroti, aut carceribus mancipati detinentur, etiamsi extra Paschales dies divina refecti fuerint Eucharistia, adhuc altero saltem ex diebus, qui Paschatis Festum subsequuntur, Eucharisticus panis gustandus deferatur. 2. ut Populo notum faciant, per sacrilegam Communionem Paschali præcepto non fieri satis: proscripta enim est*

X x x 2

ab In-

pertinent ad Sacram. Euchar., & can. *Placuit. caus. 21. qu. 2.*

(1) Benedictus XIV. in Encycl. §. 22. 2. Junii 1751.

(2) Sac. Cong. Concil. 2. Martii 1619., in Burdigalen. 9. Julii 1644., in Seno-

nen. 11. Junii 1650., in Mechlinien. 31. Januar. 1682.

(3) Can. *Pervenit. de consecr. dist. 2., Concil. Mediol. V. par. 2. tit. quæ ad Sacram. Euchar. pertinent, & Rituale Rom. tit. de Communione Pasch.*

ab Innocentio XI. hæc (1) propositio : *Præcepto Communionis annuæ satisfu per sacrilegam Domini manducationem* ; adeoque duplicis culpæ gravis reum fieri illum , qui Paschatis tempore panem Angelorum manducat indigne , sacrilegii videlicet , & gravis inobedientiæ Ecclesiastico præcepto , cui non facit satis .

XVI. Monemus præterea Parochos , atque enixe rogamus in Domino , ut diligentissime quotannis investigent , an Fideles omnes curæ suæ concrediti legem de sumenda Eucharistia in Festo Paschæ fideliter , exacteque servaverint . Ut autem facile iniri ratio possit eorum , qui Eucharistiam susceperint , & eorum , qui huic Sanctissimo Ecclesiæ præcepto parere neglexerint , nec aut cuiuspiam nomen Parochi diligentiam effugiat , aut occupationem ejus fallere quis audeat ; mandamus , ut quilibet Parochus ante Paschale tempus Parœciæ suæ domos omnes perlustrèt , & statum , quem dicunt , animarum summa cura , diligentiaque describat . Mox singulis præscripto ab Ecclesia tempore ad Eucharisticam Mensam accedentibus , statim ac participes facti fuerint Dominici Corporis , schedula ad eum finem typis impressa tradatur , quæ Sacrorum Mysteriorum susceptionem testetur . Elapso tandem Paschali tempore , Parochus iterum domos omnes Parœciæ suæ sedulo circumeat , traditasque in Sacramentali Communionem schedulas repetat , secumque ferat , adnotatis eorum nominibus , a quibus illas acceperit . Et hac sane ratione facile deprehendet , quinam Ecclesiæ præceptum violare ausi sint .

XVII. Verum cum juxta Canonicam Lateranenſis Concilii sanctionem adversus contumaces hujus Ecclesiasticæ legis Transgressores statutum sit (2) , *ut viventes ab ingressu Ecclesiæ arceantur , & morientes Christiana careant sepultura* ; quibus sane verbis non latæ , sed ferendæ sententiæ pœna significatur ; Certam aliquam statuendam a Nobis esse censemus methodum , qua in re tanti momenti procedatur . Siquem igitur ex Populo suo Parochus ab Eucha-

(1) Innocentius XI. in damnat. proposit. 55.

(2) Cap. *Omnis utriusque sexus* . de poenit. , & remiss.

Eucharistica Mensa Paschali tempore abstinuisse deprehenderit ; continuo tamquam bonus Pastor , qui errantem querit oviculam , cum amice conveniat , peramanter alloquatur , causas exquirat , propter quas ad sacrum non accesserit convivium , suasionibus , blanditiis , ac precibus , ut ad illud accedat , enixe hortetur , omnemque præterea operam suam , si ea indigeat , in animæ vulneribus curandis polliceatur ; neque ab his paternæ charitatis actibus exercendis absistat , nisi cum vel errantem ovem humeris suis impositam lætanter ad ovile reduxerit , vel eam statuto tempore Canonicæ correctionis virga a Nobis percussam viderit , quamquam ne tunc quidem eam omnino negligi oporteat . Quod si is in consilio suo contumax perseveret , ante Festum Dominicæ Ascensionis diem , ejus , vel eorum , si plures fuerint , nomina ad Nos deferantur , ut , juris ordine servato , per triplicem Canonicam monitionem publico Nostro edicto faciendam , quarum prima Festo ipso Dominicæ Ascensionis die , altera Feria secunda post Pentecosten , tertia tandem in Festo Sanctissimæ Trinitatis habeatur , suppressis eorum nominibus , paterna charitate a Nobis ad præstandam Ecclesiæ mandato obedientiam excitentur . Si vero adhuc in contumacia persistierint , devenimus , quamquam ægre ferentes , ac inviti , ad publicationem interdicti ab ingressu Ecclesiæ , & ab Ecclesiastica sepultura , eorumque nomina ad Cathedralis Ecclesiæ valvas descripta affigi jubebimus . Post hæc , nisi respuerint , eos gravioribus etiam pœnis , ipsaque majori excommunicatione ad meliorem frugem revocare conabimur . Si tandem obdurato animo (1) , in censuris per annum insorduerint , ad normam Tridentini Concilii contra eos , tamquam de hæresi suspectos , procedemus .

XVIII. Quamquam Christus Dominus , cum Eucharistiæ Sacramentum inlittuit , Fideles omnes ad Mensæ Dominicæ participationem invitaverit , dicens : *Accipite , & comedite ex hoc omnes* ; alias tamen hoc mandatum dedit Apostolis : *Nolite dare Sanctum*

(1) Trid. sess. 23. cap. 3. de ref. , & Sac. Cong. Concil. 30. Jan. 1587.

Sanctum canibus ; quibus sane verbis illud a Christo præcipi Catholica Ecclesia semper intellexit, ut animarum Pastores ab Eucharistica Mensa publicos, ac notorios peccatores, qui canum nomine designantur, repellant, nisi ea in ipsis vitæ, morumque mutatio apparuerit, eaque veræ poenitentiae publica dederint signa, ut emeruisse illos aliquando e flagitiorum profundo, & ad bonam frugem se recepisse existimari possit. Arceantur itaque ab hujus Sacramenti susceptione publici peccatores, Hæretici, Schismatici, excommunicati, interdicti, manifeste infames, meretrices, Concubinarii, feneratores, magi, sortilegi, blasphemii, alique hujus generis homines, quorum notoria est, & publica iniquitas, ignota vero poenitentia : item si qui odia, atque inimicitias foveant ; & si qui in aliqua peccandi consuetudine, usque publice jaceant. *Non parva*, Sacerdotes alloquens inquit Chrysostomus (1), *vobis imminet poena, siquem aliqua improbitate teneri scientes, ei hujus Mensæ participationem permittatis*. His omnibus itaque manifestis, ac notoriis peccatoribus Eucharistia denegetur, sive eam publice, sive in occulto petant. *Manifesti autem* (2), *ac notorii peccatores dicuntur ii, quorum peccata noscuntur aut per Judicis sententiam, aut per propriam Confessionem in judicio factam, aut per evidentiam facti, quæ nulla possit tergiversatione celari* ; ut ait S. Thomas. Longe alia res est, si de occultis peccatoribus sermo instituitur. Si enim occultus peccator Eucharistiam publice petat, poterit quidem Sacerdos (3), si occulte id facere valeat, & aliunde, quam ex Sacramentali Confessione, peccatoris statum dignoverit, illum monere, ut a Sacra abstineat Mensa, imo etiam poterit Eucharistiam publice ministraturus, omnibus in communi edicere, ne quis peccati labe inquinatus, & Ecclesiae nondum reconciliatus ad sacrum accedat convivium. At si adhuc

pecca-

(1) S. Joa. Chrysost. hom. 83. in Matth.

(2) S. Th. 3. par. qu. 82. art. 6. in corpore, & qu. 82. art. 9. ad 3., cap. *Tu nos* ; & cap. *Quæstium*. de cohabit. Cleric., Benedictus XIV. in epist. Encycl.

ad Clerum Gallicanum 16. Oct. 1756., & de Synodo lib. 7. cap. 11. a n. 4.

(3) Benedictus XIV. de Synodo loco cit., & S. Th. loc. cit.

peccator ejusmodi ad Sacramentum percipiendum se offerat, illum repellere non licebit; quemadmodum exemplo suo nos docuit Christus Dominus, qui Judæ (1) occulto adhuc peccatori Sacramentum Corporis sui dare non recusavit; & quemadmodum ratio ipsa nos docet. Quamquam enim occultus peccator coram Deo jus non habeat vescendi pane filiorum; contendere tamen jure potest, se publica non esse afficiendum infamia, quam certe subiret, si publice eidem Eucharistia denegaretur, cum se ad eam percipiendam obtulisset. At si Eucharistiam occulte petat; distinctione tunc opus est. Vel enim Sacerdos occultum peccatoris statum ex sola Sacramentali ejusdem Confessione cognovit; & tunc illi etiam occulte petenti administrare debet panem Eucharisticum, ne in odium apud Fideles vocet Pœnitentiæ Sacramentum: vel aliunde scit peccatoris nequitiam; & tunc occulte petenti denegare occulte potest Dominici Corporis participationem: significare tamen eidem debet, salvo semper notitiæ Auctore, alia sibi ratione, quæ nihil commune habet cum Pœnitentiæ Sacramento, occultum ejus statum innotuisse.

XIX. Caveant Parochi, ne Sacram Eucharistiam pueris administrent, qui nondum perfectum rationis habent usum propter ætatis imbecillitatem. Hi enim neque Eucharisticum cibum a pane comuni, & profano sciunt discernere, neque eam, quæ decet, ad Sacra Mysteria recipienda pietatem animi, ac religionem asserre possunt. Iis ergo dumtaxat (2) pueris Angelicus iste cibus subministrari poterit, qui fidei Mysteriis probe eruditi, aliquam admirabilis hujus Sacramenti cognitionem acceperint, ejusque sumendi gustum habentes, probitate, ac pietate pro illius ætatis modo commendentur. Verum cum puerorum aliqui citius, alii multo serius signa hujus capacitatis ostendant; Parochorum erit, judicium ferre in casibus particularibus, an hic vel

(1) S. Th. 3. par. quæst. 81. art. 2. in corpore. in 4. dist. 9. qu. 1. art. 5. quæstiunc. 4. in corpore, Catechism. Rom. de Eucharist.

(2) Rituale Rom. de Eucharist., S. Th. §. 62., & 63.

536 CONSTITUTIONES SYNODALES

vel ille puer, aut puella ad Eucharisticam Mensam admitti possit. Ut autem in hoc efformando iudicio maturius procedant; Parochi, post diligens puerorum examen, a Parentibus (1) etiam perquirant, quid de eorum pietate, & ingenii præstantia, usuque rationis arbitrentur. Cæterum hanc universim regulam in Nostri Diocæsi servari iubemus, ut nemo Eucharistici convivii particeps fiat, nisi decimum saltem ætatis annum attigerit; & nemini ultra decimum quartum prima Sacramentalis Communio protrahatur. Qua quidem in re Parochorum conscientiam oneramus, ac sub interminatione divini Iudicii, ac pœnis arbitrio Nostro infligendis districte præcipimus, ut quotannis, Quadragesimali tempore appetente, puellarum, ac puerorum delectum habeant, quos proximis Paschalibus diebus divina Eucharistia reficiendos esse arbitrentur. Eosdem autem certis, statisque diebus diligentissime, ac patienter tum generatim, tum singillatim instruant, atque erudiant, quid de Augustissimo hoc Sacramento credendum iis sit, & qua animi demissione, religione, ac reverentia ad illud percipiendum accedere debeant, juxta normam a Benedicto XIII. in calce Romani Concilii traditam, quam in Appendice num.6. exhibemus. Postquam demum eos probe erudierint, vereque ad Eucharistiam debita cum religione, ac reverentia suscipiendam idoneos compererint; certa, ac præstituta die in Parœcialem Ecclesiam convenire eos jubeant, ac Pœnitentiæ Sacramento prius expiatis Sacra Communionem reficiant.

XX. Amentibus, ac phreneticis Mensæ Domini (2) participes esse non licet: licebit tamen, si quando lucida habeant intervalla, ac devotionem, dum in eo statu manent, ostendant, nullumque vomitionis, aut indignitatis periculum adesse censeatur. Idem de semifatuis, ac stolidis dicendum est; nec non de energumenis (3), epilepticis, aliisque hujusmodi ægrotis, de quibus

(1) S. Carolus Borromeus in Synodo Diocæsana XI. cit. n.10. (3) S. Th. 3.par. qu.30. art.9. ad 2.

(2) Rituale Rom. loc.

quibus dubitari prudenter possit, an sui sint compotes, & an quid agant, intelligant, vel an aliquid acturi sint, quod tantum dedecet Sacramentum. Nulli tandem sive Laico, sive Clerico, sed solis Sacerdotibus Corpus Domini in Sacrificio conficiendis, sub utraque, panis videlicet, ac vini, specie Eucharistiam sumere licet. Agnoscens enim Sancta Mater Ecclesia, uti monet Tridentina Synodus (1), hanc se perpetuo habuisse potestatem, ut in Sacramentorum dispensatione, salva illorum substantia, ea statueret, vel mutaret, quæ suscipientium utilitati, seu ipsorum Sacramentorum venerationi, pro rerum, temporum, & locorum varietate, magis expedire judicaret; licet ab initio Christianæ Religionis non infrequens utriusque speciei usus fuisset; tamen progressu temporis, latissime jam mutata illa consuetudine, gravibus, & iustis causis adducta hanc consuetudinem sub altera specie, nempe panis, communicandi approbavit, & pro lege habendam decrevit: quam reprobare, aut sine ipsius Ecclesiæ auctoritate pro libito mutare non licet.

XXI. Soli Sacerdotes ii sunt, quibus admirabilis hujus Sacramenti concredita est administratio. Christus enim, qui Sacrificium istud instituit, ejus officium committi voluit solis Presbyteris, quibus sic congruit, ut sumant, & dent cæteris, quemadmodum in anniversaria Christi Corporis Solemnitate Catholica concinit Ecclesia, cum divina persolvit officia. Hinc in Sacramentali (2) Eucharistiæ sumptione semper in Ecclesia Dei mos fuit, ut Laici a Sacerdotibus Communionem acciperent; Sacerdotes autem celebrantes seipsos communicarent; qui mos, tamquam ex Apostolica traditione descendens, jure, ac merito retineri debet, cum præsertim hujus rei Nobis illustre exemplum Christus Dominus reliquerit, qui & Sanctissimum suum Corpus consecravit, & Apostolis illud suis manibus porrexit. Sacerdotes autem Christi Corpus Fidelibus porrigentes, illud non in eorum manibus, ut olim, sed in ipsorum ore propria dextera collocare debent.

Y y

(1) Trid. sess. 21. cap. 2., & can. 2.

(2) Trid. sess. 13. cap. 8., & can. 10.

debent. Reddita enim Ecclesie pace, gravissimis ex causis antiquus ille de medio sublatus est mos, quo Laici in suis manibus a Sacerdote Eucharistiam recipientes, vel ori statim admovebant suo, ut ea vescerentur, vel eam in domum suam defererebant alio tempore manducandam. Neque vero Sacerdotum ministrantium probitas, vel improbitas, uti de omnibus Sacramentis universum dictum est, hujus Sacramenti sanctitati, virtuti, atque efficientie quidquam addit, vel detrahit. Caveant tamen ipsi quam diligentissime, ne peccati sordibus polluti rem adeo divinam pertractent, & Sacrum hoc epulum aliis porrigere, ac ministrare impuris manibus vereantur. Quoties enim id audebunt, immane perpetrabunt sacrilegium, æternamque sibi perniciem, mortemque consciscant.

XXII. Nonnisi in Templis, publicisque Oratoriis Eucharistia petentibus est ministranda: In privatis enim Oratoriis, nisi Apostolicum Privilegium, aut Nostra, seu Vicarii Nostri Generalis licentia acceperit, etiam iis, qui Missæ interfunt, a Sacerdote celebrante ministrari nequit, uti docet Benedictus XIV. (1) Tempus autem hujus Sacramenti ministrandi diurnum est, non nocturnum, nisi forte Viaticum noctu ægroto, qui in mortis versetur discrimine, sit deferendum. Et sane ne ipsa quidem Dominicæ Nativitatis nocte (2) inter Missarum Solemnia Eucharistiam Fidelibus ministrare licere, Sacra Rituum Congregatio sæpius consultata respondit. Diurno itaque dumtaxat tempore, quo Sacerdotes Sacris operari possunt, ab Aurora videlicet usque ad Meridiem, Eucharisticum quoque cibum licite iidem possunt Fidelibus postulantis dispensare. Nequid autem in Sacros Ritus in hujus Sacramenti administratione adhibendos peccetur, duo monemus. Primum est, ut si extra Missæ Sacrificium Eucharistia distribuatur, Sacerdos illam distribuens candido indutus sit super-

(1) Benedictus XIV. in *Encycl. Mageo cum animi nostri*. 2. Junii 1751., & in *Constit. Censiores effecti*, tom. 1. n. 64., & *Instit.* 34. §. 3.

(2) Sac. Congreg. Rit. 7. Dec. 1641., 9. Aug. 1653., & in *Pisaur.* 20. Aprilis 1664., & Sac. Cong. Vist. Apostol. 7. Dec. 1703.

superpelliceo, ac stola coloris seu albi, seu congruentis saltem officio illius diei. Alterum est, ut in Defunctorum Missis eadem a Sacerdote celebrante non ministretur per modum Sacramenti, videlicet per particulas præconsecratas, quæ ad eum finem in Tabernaculo asservantur, sed per modum participationis Sacrificii, videlicet per particulas, quas propterea in eodem Sacrificio Sacerdos consecraverit, uti novissime Sacra Rituum (1) Congregatio declaravit.

XXIII. Diligenter Parochi, ac perſep̃e Fideles curæ ſuæ commiſſos moneant, atque edoceant, quam religioſo, ac mo- deſto corporis cultu ad hoc Sacramentum recipiendum debeant accedere. Edicant propterea, ut ad illud accedant oculis non vagis, ſed pie in Chriſti Corpus conjeſtis; capite non demiſſo, ſed moderate erecto, ore modeſte porrecto, ac lingua ita exerta, ut eadem inferius labrum paululum attingat, non tamen extra os promineat. Linguam non retrahant, priuſquam manum Sacerdos amoverit: a ſuſpiriis abſtineant, ne particulæ e pyxide, ſeu patena excutiantur, & evolent. Nudas geſtent, & ſine chyrothecis manus, æque vel ſupplīces ſint, vel pectori in mo- dum Crucis admotæ. Viri, antequam ſacram adeant Menſam, arma deponant; mulieres vero velatum habeant caput, abjecta- que vana quacumque muliebri pompa, modeſtis veſtibus induan- tur. Omnes deſum flexis genibus intimo religionis, ac pietatis ſenſu permoti, ſacra dona recipiant, iſſque receptis, neque ſta- tim expuant, neque a Templo recedant, ſed per quartam ſaltem horæ partem in ſilento, oratione, & gratiarum actione perma- neant, ut ex divini hoſpitis beneficentia, ac liberalitate non modo animæ ſuæ vulneribus adeo ſalutarem medicinam adhibeant, verum etiam ampliffimis inuneribus locupletentur.

XXIV. Præcipua tamen Parochorum cura sit populum frequenter edocere, qua ratione præparatos Fidelium animos esse oporteat, antequam ad Sacramentalem Eucharistiæ perceptio-

Y y y 2

(1) Sac. Congreg. Rituum in Aquensi 2. Septemb. 1741.

nem veniant. Quo enim melius affecto, ac preparato animo Eucharistiam aliquis sumit; eo etiam amplioribus cœlestis gratiæ ornatur muneribus; non secus ac cibi, si ore accepti in stomachum melius affectum illabuntur, uberius corpus alunt, ac sustentant. Primum itaque hortentur Fideles, ut non modo a graviorum criminum sordibus expiare, verum etiam a leviorum culparum pulvere, quoad fieri potest, animum abstergere curent. *Non enim homini in eorum animis preparatur habitatio, sed Deo.* Deinde illud insinuent, ut ab omni semoti cura, strepituque per quartam saltem horæ partem in Fidei, Spei, Charitatis, Contritionis, aliarumque virtutum actibus sincere, & ex animo iterandis sese exercent, illud identidem cogitantes, quam indigni sint, quibus divinum hoc beneficium a Domino tribuatur: quare illud Centurionis dictum intimo cordis sensu ingeminant (1): *Domine, non sum dignus, ut intres sub tectum meum.* At mox memoria recolentes præsentem sibi sub Eucharisticis speciebus adesse Christum Dominum, quem (2) Angeli adorant in Cœlo; ad cujus (3) nutum columnæ Cœli contremiscunt, & pavent; cujus gloria plenum (4) est Cœlum, & orbis terrarum; eumque nimia adductum charitate, qua dilexit nos, ita humiliare semetipsum, ut animarum nostrarum, & corporum cibus esse velit, ac salus; in magnam erecti spem, & charitatis igne succensi, Dominum Deum suum diligant ex toto corde suo, ex tota mente sua, & ex totis viribus suis, itaut vere illud Petri (5) usurpare valeant. *Domine, tu scis, quia amo te.* Neque enim Salvator Noster, qui charitas est, ac diligentes se diligit, libentius hospitatur, quam ubi vera Dei charitas, ac dilectio reperitur juxta illam Christi Domini (6) promissionem: *Siquis diligit me, Pater meus diligit eum, & ad eum veniemus, & mansionem apud eum faciemus.*

AR-

(1) Matth. c.8.

(2) Psal. 96., & ad Hebr. c.1.

(3) Job c.26.

(4) Isaïa c.6.

(5) Joa. c.21.

(6) Joa. c.14.

ARTICULUS II

De Viatico egrotis in mortis periculo constitutis ministrando.

Confuetudo asservandi in Sacrario Sanctam Eucharistiam adeo antiqua est, ut eam Seculum etiam Nicæni Concilii agnoverit, uti statuit Tridentina (1) Synodus. Porro deferri ipsam Sacram Eucharistiam ad infirmos, & in hunc usum diligenter in Ecclesiis conservari, præter quam quod cum summa æquitate, & ratione conjunctum est, tum multis in Conciliis præceptum invenitur, & vetustissimo Catholica Ecclesie more est observatum. Quare Sancta hæc Synodus retinendum omnino salutarem hunc, & necessarium morem statuit. Ex antiquissimo hoc, constantique Ecclesie usu, ac præcepto, cujus ignoratur initium, communior Theologorum (2) Sententia docet, Fideles adultos rationis usu pollentes in mortis periculo constitutos, jure divino obligari ad Eucharistiae Sacramentum suscipiendum in re, si possint, videlicet ipsum Eucharisticum panem manducando, ac deglutiendo: sin minus, in voto, idest si Sacramentaliter suscipere nequeant, saltem illum Sacramentaliter manducare enixis votis desiderando. Et sane si eum in finem & Eucharistiam Christus instituit, & ejus recipiendæ sæpius in vita mandatum Fidelibus dedit, ut ejus virtute roborati, & aucti fortes esse possent in bello, invictoquo animo pugnare cum antiquo serpente; Nonne dicendum erit, in vitæ potissimum exitu ejusmodi præceptum urgere, cum adversus morituros Diabolus venit habens iram magnam, sciens, quia modicum tempus habet? Porro cum mors sit momentum illud, a quo pendet æternitas (per mortem enim hominibus, vel ad æterna præmia, vel ad poenas sempiternas aditus referatur) quis non intelligat, eo tempore Fideles uberioribus, ac vividioribus egere divinæ auxiliis gratiæ, quibus recreati & mortis dolores ferre patienter possint, & in certam spem veniæ peccatorum erigantur, & dæmonis calcaneo insidiantis inpe-

(1) Trid. sess. 13. c. 6.

(2) Benedictus XIV. de Synodo lib. 7. cap. 16. num. 2.

impetum infringant, donec, cum ex vita emigrandi tempus adven-
nerit, ad æternam gloriam, & beatitudinem evehantur? At unde
in eos vividiora hæc, atque uberiora gratiæ auxilia promanare
possunt, nisi ex ipso Sanctitatis Auctore, & fonte, qui sub Eucha-
risticis speciebus continetur, & dona clementiæ suæ effundere
liberaliter gessit in omnes, qui in tempore tribulationis invocant
illum? Hinc factum est, ut Eucharisticus cibus, cum ad graviter
ægotantes deferretur, aptissime Viaticum nuncupetur. Est enim
spiritualis cibus, quo animæ via ad æternam gloriam, ac felici-
tatem munitur, non secus ac Elias (1) in subcinericii panis forti-
tudine ambulavit usque ad Montem Dei Horeb.

II. Cum itaque cœlestis hujus alimoniz tanta sit necessitas,
utilitas tanta, quando Fideles in extremo vitæ versantur discri-
mine, ut eam quacumque sive diurni, sive nocturni temporis hora
ex Ecclesiæ decreto etiam non jejunis ministrare liceat;
Proinde omnibus Parochis, eorumque Vicariis, seu Capellanis
sub interminatione divini judicii, gravibusque pœnis arbitrio No-
stro infligendis tota, qua pollemus, auctoritate præcipimus, ut
nullo umquam tempore in Sacro ad ægrotos deferendo Viatico
operam suam, diligentiamque desiderari patiantur. Quare sta-
tim ac inonebuntur, ægrotum aliquem gravi morbo laborantem
ex Medici Sententia Eucharistico cibo esse reficiendum; nulla
interposita mora, illum invisent, Pœnitentiæ Sacramentum,
nisi jam ab alio Sacerdote collatum ei fuisse constet, rite, ac dili-
genter eidem ministrant, atque ad panem Angelorum reli-
giose suscipiendum disponant, ut eo cœlesti cibo recreatus, ac
salutari viatico instructus, quod illi ad æternam patriam itineris
est reliquum, prospere perficiat: Tandem ejus animo in hunc
modum præparato, decenti comitatu, ac pompa Eucharistiam
illi afferant, atque ministrant. Verum cum & ægri plerum-
que, & qui ægrorum curam habent, domestici, nonnisi in
extremo periculo vocare Parochum soleant, itaut interdum sen-
sibus

(1) 3. Regum cap. 19.

sibus destitui ægrotus incipiat, antequam Sacrum Viaticum ad eundem deferatur; Propterea volumus, ut ea, quæ de Infirmorum visitatione in Nostra Epistola ad Parochos, totumque Nostræ Diocesis Clerum data, cujus exemplar in Appendice num. 7. habetur, præscriptum, accurate, diligenter observentur. Parochus autem, cum aliquem in sua Parochia non leviter ægrotare acceperit, ad illum continuo etiam non vocatus accedat, & cum eo de curanda anima, ut inde corpori quoque salus redeat, amanter, & suaviter agat. Cum vero illum periculose laborantem viderit, amice moneat, blandeque suadeat, ut, priusquam morbi vis major ingruat, dum omnino est compos sui, Sacro Viatico, quod ad salutem animæ, & corporis prodest, muniatur. Quod si ægrotus aliquis ex Parochi socordia, negligentiaque Viatico non munitus decesserit, in eundem Parochum juxta Sacrorum Canonum normam severissime animadvertemus. Nimis enim crudele est, ac inhumanum, hominem in summo salutis æternæ discrimine positum a suo Pastore negligi, eoque privari subsidio, quo sibi tutius, faciliusque æternam comparare posset felicitatem.

III. Cum in re summi momenti versemur, plura hic Parochos monemus, quorum exactam ab ipsis observantiam requirimus, ut animarum curæ Nostræ concreditarum saluti, ac bono, quoad fieri potest, consulatur. 1. Parochos serio hortamur, ac moneamus (1), ne omnes indiscriminatim pueros interire sine Christi Corporis Viatico patiantur. Volumus enim, ac præcipimus, illud iis pueris ut præbeant, quos iidem Parochi, diligenti præmisso examine, tanta compererint ingenii perspicacitate pollere, ut latentem sub sacramentalibus speciebus Christum & firmiter credant, & reverenter adorent, quamquam nunquam antea Eucharisticum panem degustarint. 2. sciant Parochi, posse, & (2) debere Sanctissimum Viaticum in eadem infirmitate, quæ in longum protrahatur, iterum, & tertio administrari, præsertim si ipsimet ægro-

(1) Benedictus XIV. de Synodo lib. 7. c. 12. n. 3.

(2) Benedictus XIV. loc. cit. num. 5. in fine.

ægotantes iterum cœlestem illum panem esuriant . Quare si Parochus aliquis post plurimum temporis Eucharistiam ad eundem infirmum eam devote efflagitantem falsis quibusdam , & emendicatis prætextibus denuo deferre obstinate detrectet, Nostram non effugiet animadversionem . 3. mandamus, ac jubemus, ut Parochi non modo Viaticum infirmis in gravi moriendi periculo constitutis administrent, verum etiam sæpius in anno, præsertim cum Festa quædam occurrunt solemniora, ad ægrotos, licet non graviter decumbentes, impeditos tamen, ne ad Ecclesiam accedant, sumendam deferant Eucharistiam, ac potissimum si iidem ad Eucharisticam Mensam frequenter accedere, antequam ægotarent, consueverint, & dum morbo afflicti, tanto refici Sacramento & optent, & petant . Imo hortetur Parochus infirmum, quemadmodum in Rituali Romano præscribitur, ut Sacram Communionem sumat, etiamsi graviter non ægotet, neque mortis immineat periculum, potissimum si Festi alicujus celebritas id suadeat, neque Parochus illam administrare recuset . Inter Viaticum tamen, & hanc Infirmorum Communionem duplex intercedit discrimen . Primo videlicet, ut Viaticum etiam non jejunis; Infirmorum vero Communionio, nonnisi jejunis dari possit . Secundo ut Sacerdos Viaticum administans his utatur verbis : *Accipe, Frater (vel Soror) Viaticum Corporis Domini Nostri Jesu Christi, qui te custodiat ab hoste maligno, & perducatur ad vitam æternam, Amen*; Porrigens vero Eucharistiam ægotis, hanc precandi formulam adhibeat : *Corpus Domini Nostri Jesu Christi custodiat animam tuam in vitam æternam . Amen* .

IV. Cum inter Pastoris officia illud potissimum recenseatur, ut is oves suas Sacramentis pascat; Sacramentorum autem præstantissimum, & Fidelibus in ultimo vitæ exitu maxime utile, ac necessarium sit Eucharistia; Inde fit, ut ordinarius Viatici distribuendi Minister sit Parochus; cui propterea præcipimus, ut nisi legitime sit impeditus, ipse per se ægotis graviter decumbentibus Viaticum deferat, & administret . Ipse enim, & non Mercenarius,

cenarius, vocatus est ab Episcopo in partem pastoralis sollicitudinis, eique ab eodem dictum est: *pasci oves meas*. Caterum nullus Sacerdos sive Sæcularis, sive Regularis, nisi vel in casu extremæ necessitatis, vel Apostolico privilegio, aut ex peculiari sive Episcopi, sive Parochi commissione, ministrare Viaticum potest ægrotantibus in mortis periculo constitutis. Imo adversus Sacerdotes Regulares Canonica hujus legis transgressores Clemens V. (1) sic statuit: *Religiosi, qui Clericis, aut Laicis Sacramentum Unctionis extremæ, vel Eucharistiæ ministrare, non habita super his Parochialis Presbyteri licentia speciali, præsumpserint, excommunicationis incurrant sententiam ipso facto, per Sedem Apostolicam dumtaxat absolventi ... Religiosi tamen illis, quibus est ab Apostolica Sede concessum, ut familiaribus suis domesticis, aut pauperibus in hospitalibus suis degentibus Sacramenta possint Ecclesiastica ministrare, nulum ex præmissis volumus quoad hoc præjudicium generari*. Cum autem per sæpe accadat, ut ægrotus, antequam Eucharistico cibo reficiatur, ad animam penitus expurgandam adire Sacerdotis aures cupiat, & aut reliquias superioris Confessionis, quæ forte illi exciderant, aut aliud, cujus conscientia, & religione tangitur, promere, & confiteri; Mandamus propterea, ut si Parochus legitime impeditus munus administrandi Viatici alteri Sacerdoti committere debeat, non alium eligat, quam qui a Nobis ad audiendas Fidelium Confessiones sit approbatus.

V. Quamquam non modo quolibet anni die, adeoque etiam Feria vi. in Parasceve, uti Sacra Rituum (2) Congregatio declaravit, verum etiam qualibet sive diurni, sive nocturni temporis hora, uti superius diximus, deferri, atque administrari Viaticum possit; Juxta Rituale tamen Romanum, nisi vere necessitas urgeat, deferendum noctu non est. Neque enim facile potest nocturno tempore & ea adhiberi pompa, & is haberi comitatus, qui pro modulo Nostro tantum deceat Sacramentum. Verum si, urgente necessitate, nocturno tempore administrandum

Z z z

fit,

(1) Clement. i. de privilegiis.

(2) Sac. Rit. Cong. 19. Feb. 1622.

fit, Mulieres neque ad Templum accedant, neque Sacram Pom-
pam coinitentur, sed domi se contineant, flexisque ad terram
genibus transeuntem per vias Regem Angelorum adorent, eum-
que supplices rogent, ut ægroto, ad quem deferitur Viaticum,
animæ, immo etiam corporis, si æternæ expediat salutem, pro
immensitate clementiæ suæ sanitatem largiatur. Parochus verò,
sive quicumque alius Sacerdos meminerit, se coram Cæli, ter-
raque Domino, quem sub Eucharisticis delitescenstem speciebus
præ inanibus gestat, nullo prorsus integumento, ne pileolo qui-
dem, posse caput operire, quin ei aut imber decedens, aut frigus
urens, aut infirmitas, seu senectus, nisi forte speciale indultum
obtinuerit, suffragetur.

VI. Et si Christus Dominus, cujus caro in hoc Sacramento
noster factus est cibus, & sanguis potus, interiore cum in-
ministrante, tum in suscipiente ornatum animi, cultumque po-
tissimum postulet; Non tamen externum quoque cultum, &
apparatum dedignatur excipere, quem in deferenda ad ægrotos
Eucharistia adhiberi semper jussit Ecclesia, ut per illum intimus
pietatis, ac religionis sensus in Fidelium animis erga tantum Sa-
cramentum excitetur. *Ne propter incuriam Sacerdotum, ita statuit
Honorius III., divina indignatio gravius exardescat, districte præci-
piendo mandamus, quatenus a Sacerdotibus Eucharistia in loco singu-
lari, munito, & signato semper honorifice collocata devote, ac fide-
liter conservetur. Sacerdos vero quilibet frequenter doceat plebem suam,
ut, cum in celebratione Missarum elevatur Hostia salutaris, se reve-
renter inclinet, idem faciens, cum eam deferret Presbyter ad infirmum,
quam in decenti habitu, superposito mundo velamine, ferat, & referat
manifeste, ac honorifice ante pectus cum omni reverentia, & timore,
semper lumine præcedente, cum sit candor lucis æternæ, ut ex hoc
apud omnes fides, & devotio augeatur. Prelati autem hujusmodi man-
dati graviter punire non differant transgressores, si & ipsi divinam, &
Nostram voluntatem effugere ultionem.* Nos itaque Pontificio huic obtem-
perantes mandato, sub gravibus pœnis arbitrio Nostro infligendis,

Paro-

Parochis omnibus districte præcipimus, ut eorum opera debitus divinæ rei honor, cum ad ægrotos deferatur, in Sacramento gestando, deducendo, reducendoque habeatur. Quamobrem volumus, ut quæcunque hac super re in Rituali Romano præscribuntur, fideliter, exacteque observentur.

VII. Præ cæteris vero hæc omnino servari jubemus. Primum consueto campani æris pulsu sodalibus Societatis Corporis Christi, aliisque piis hominibus signum ad Ecclesiam conveniendi datur, ut solito ritu, atque apparatu divinum comitentur Sacramentum. Paratis deinde omnibus, quæ ad Sacram instituendam pompam requiruntur, Parochus non modo superpelliceo, & stola, verum etiam pluviali albi coloris indutus, politis ante Altare genibus, brevique habita oratione, duas consecratas particulas in pyxide collocet, quarum altera ægroto præbenda erit, altera ad Ecclesiam referenda, nisi forte aut longe distet æger, aut horrida tempestas ingruat, aut per arduas, præruptasque vias sit incedendum: tunc enim unam dumtaxat secum ferre licebit, quam ubi ægroto præbuerit, extinctis luminibus, sacrisque vestibus depositis, sine comitatu, & pompa Parochus ad Ecclesiam redibit; cæteri vero suam quisque domum dilabentur. Sacerdotem autem ab Ecclesia cum Sacramento progredientem præbit Minister aliquis, qui una manu tintinnabulum lentis ictibus pulset; altera vero vas aquæ benedictæ cum asperforiolo, bursum cum corporali, & linteum, quod ante ægroti pectus, cum Eucharistiam suinet, explicandum erit, reverenter ferat. Illum sequentur aperto capite cum accensis cereis facibus, qui ad id officium convenere, Fideles, & sex saltem Confratres sodalitatis Sanctissimi Sacramenti cum accensis pariter luminibus, qui omnes vel cum Sacerdote, aut inter se psalmorum carmina religiose, pieque alternabunt. Cum autem accensa, quæ deferuntur, lumina non raro seu furentis venti, seu pluvix irruentis vi extingui possint; propterea ne debita desiderentur lumina, ad normam

Concilii Romani (1) præcipimus, ut quatuor, aut saltem duæ cum suis hastis elegantes laterne, intra quas accensæ semper ardeant candelæ, hinc inde circa Sacerdotem, qui Sacramentum gestat, deferantur. Postremo Parochus sub conopæo super ipsum prætento, aut saltem, si id loci, aut temporis circumstantiæ postulent, sub umbella, in cujus apice Crux emineat, gravi, ac lento incedet passu, pyxidem ante pectus utraque manu cum timore, ac reverentia gestans, qui cum circumstantibus consuetos alternatim psalmos recitabit. Umbellam, si fieri possit, Clericus deferat, albo indutus superpelliceo: hastili vero conopæi vel a dignioribus viris, vel saltem a Sodalibus sustententur. Sacerdoti Eucharistiam deferenti alter, quoad fieri potest, Sacerdos, aut saltem Clericus superpelliceo indutus assit. Reliquis, qui ad pium officium convenit, Populus post Parochum turmatim gradiatur, ita tamen, ut a viris sejunctæ sint mulieres, & omnes ad Deum pias pro ægroto fundant preces. Quod si Viaticum ex urgenti necessitate Feria vi. in Parasceve ad ægrotum deferatur; adhuc Sacerdos stola, ac pluviali albi coloris indutus incedat, & cætera, quæ hæcenus diximus, omnino præstentur, tribus hisce dumtaxat exceptis, videlicet 1. non consuetis campani æris ictibus, sed alia ratione ad Ecclesiam conveniendi signum Fidelibus detur. 2. recitentur quidem in itinere, sed voce satis submissa, consueti Psalmi cum Gloria Patri. 3. cum Sacramentum in publica Ecclesia recondendum non sit, sine benedictione populus dimittatur; quæ quidem omnia Sacra Rituum (2) Congregatio declaravit, ac servari jussit.

VIII. Antequam Parochus cum Sacramento ab Ecclesia domum versus ægroti abeat; cubiculum, in quo jacet æger, veratur diligenter, & ab omni purgetur forde: mensa in conspectu ægroti posita mantili puro, nitidoque sternatur, in cujus medio Crux, & utrinque bina candelabra binis cum cereis faculis accensis

(1) Benedictus XIII. in Cone. Rom. tit. 15. cap. 7.

(2) Sac. Cong. Rit. 15. Maii 1745.

cenſis ſtatuantur : vitreum tandem poculum ad ægroti ablutionem præparetur . His rite inſtructis , ubi Parochus Euchariftiam deferens ad ægroti cubiculum pervenerit , ingrediens illa verba pronunciet : *Pax huic domui , & omnibus habitantibus in ea* ; & corporali in menſa explicato , ſuper eo pyxidem deponat : deinde ægro aqua benediſta de more aſperſo , & reliquis , quæ in Rituali continentur , peractis , Sacramentum miniſtret , receptaque demum pyxide eodem ordine , quo acceſſit , ad Eccleſiam revertatur . Quod ſi acciderit , ut allato Sacramento , propter ingreſcentem morbi vim , ægrotum ſenſus , viresque deſciant , adeoque illo muniri nequeat ; tunc Parochus , poſita ſuper corporali ante eum pyxide , flexiſque ad terram genibus , paulum immoretur , & oret . At mox , recepta iterum pyxide , cum ea ægroto benedicat , eodemque ordine , uti diximus , ad Templum revertatur . Olim quidem mos erat , ut ſi forte ægrotus particulam deglutire non poſſe videretur ; adhuc tamen ad eundem deferretur Euchariftia , non quidem ſumenda , ſed vel oſculanda , vel ſaltem adoranda . Sed morem hunc S. Pius V. abrogavit , diſtrictè prohibens , ne ad moribundos , qui Sacram particulam deglutire nequeunt , Euchariftia deferatur ; & in Sacræ Congregationis Concilii Regeliſ hæc extant (1) verba : *Non licet Sanctam Euchariftiam ad ægrotantes deferre , qui morbi gravitate impediti eam ſumere non poſſunt , ſed venerationis gratia ſolent eam deoſculari . Et ſi forte aliquo in loco talis eſt conſuetudo , ea prorsus eſt tollenda , quod Pius V. prohibuit .*

IV. Cum in Eccleſiam Sacerdos Euchariftiam deferens redierit , antequam in Tabernaculo Sacramentum recondat , converſus ad Populum ei benedicat , Pyxidem utraque manu tenens , & cum ea ſignum Crucis ſuper aditantes efformans . Conſuetas tamen prius , atque ab Eccleſia præſcriptas recitet preces , populumque de Indulgentiis , quas in illo officio præſtando conſecuti ſunt , & quas in Appendice num. 8. recensemus , admoneat .

Verum

(1) Benediſtus XIV. de Sacrif. Miſſæ lib. 3. c. 19. n. 5.

Verum ut frequens semper sit, & religiosus, ac pius in hoc Sacramento cum deducendo, tum reducendo Fidelium comitatus, perſæpe hac ſuper re Parochus loquatur ad Populum, eumque hortetur, ac roget, ut, audito ſigno deducendæ ad ægrotos Eucharistiæ, ad Templum properet, eam religioſe comitaturus, ne ſecus inofficioſus, parumque in Deum pius videatur, cum turmatim homines videamus amicorum, & potentiorum aditus, egreſſuſque ambitioſe obſervare, eoſque deducere, aſſidueque aſſectari. Illud etiam inſinuet, ut quicumque Sacerdoti Sacra ferenti obviam fiunt, non ſolum genibus ad terram demiſſis tranſeuntem venerentur, ſed etiam, niſi gravi aliqua occupatione impediuntur, ad domum ægroti, atque inde ad Eccleſiam uſque religioſe deducant. At ſi occurrentes, equo, aut jumento inſideant, ac vehantur; ſtatim, viſo Sacramento, deſiliant, ac tandiu flexis ſtent genibus, donec illud ferens Sacerdos præterierit. Hortentur præterea, uti monet S. Carolus Borromæus (1), Patres familias, quibus congruæ ſuppetunt facultates, ut ſinguli unam, aut plures cereas faces, ſeu candelas domi ad hoc pium officium ſepoſitas habeant, & quoties deferendæ ad ægrotos Eucharistiæ ſignum audierint, vel ipſi, vel eorum filii natu majores, vel famuli ad templum accurrant, Viaticum cum accenſis facibus comitaturi.

X. Quamquam Fidelibus adultis in mortis periculo conſtitutis Sacrum, uti diximus, adminiſtrari Viaticum oporteat; non tamen proinde, (2) ſi particulæ deſint conſecratæ, Sacerdoti non jejuno Sacrum facere licet, aut ſi ſemel ſacris operatus ſit, Miſſam iterum celebrare. Imo etiam, ſi celebranti poſt oblationem particula conſecranda offeratur, ut quam citiſſime ægrotus, qui brevi moriturus videtur, Eucharistico pane muniatur, poterit illam quidem conſecrare, ſi nondum Canonem recitare cœperit, eamque tunc mente offerre tacitus debet: at ſecus dicendum eſt, ſi Ca-

(1) S. Carolus Borromæus in Concil. Mediol. IV. tit. 9.

(2) Benediſtus XIV. de Sacrif. Miſſæ lib. 3. c. 1. n. 3., & c. 12. n. 2.

si Canonem cœperit recitare: In eo (1) enim casu particulam dumtaxat ex hostia, quæ in Missa consecratur, post consecrationem, & ante consummationem abrumpere, servatamque ad infirmum deferre licebit. Caveant tamen Parochi, ne umquam huiusmodi casus obveniat; eumque in finem semper aliquæ particulæ consecratæ in Tabernaculo reconditæ asserventur. Ne autem diutius asservatæ corrumpantur, volumus, ut a Parochis (quemadmodum peculiari sua Constitutione (2) præcepit Clemens VIII., & ante ipsum edixerat Sacra Congregatio (3) Episcoporum, & Regularium) hyeme singulis quindecim diebus, æstate vero octavo quolibet die renoventur; veteres autem Sacerdos ipse sacra faciens omnes una cum parvis etiam, ac minutis earum fructis manducet. Si hac in re Parochi alicujus culpa deprehendatur, eam pœna luet arbitrio Nostro infligenda.

XI. Antiquissimum illum, qui a primis usque Ecclesiæ sæculis viguit, morem divinam Eucharistiâ in sacris ædibus asservandi, ut ea cum extra Missæ Sacrificium, tum & potissimum in vitæ exitu refici Fideles possent, retinendum omnino esse, quemadmodum diximus, Tridentina (4) Synodus statuit, ac declaravit. Verum non proinde in omnibus indiscriminatim sacris ædibus illam asservare permissum est. Eadem enim in Paræcialibus dumtaxat Ecclesiis (5) religiose, ac diligenter est custodienda: In reliquis vero, quæ Paræciales non sint, sine speciali (6) Apostolicæ Sedis Indulto, cujusmodi omnibus Regularium, ac Monialium Ecclesiis concessum reperitur, asservari perpetuo, ac stabiliter nequit, quemadmodum Sacra Rituum Congregatio sæpe declaravit, ac præsertim in decreto generali, quod Clemens XI. die 22. Januarii 1704. Apostolica auctoritate

(1) Benedictus XIV. lib. cit. c. 5. n. 3.

(2) Clemens VIII. Const. 34. *Sacrilicij* edita 31. Aug. 1591.

(3) Sac. Cong. Episc. in Ravennaten. 5. April. 1573.

(4) Trid. sess. 13. c. 6.

(5) Can. *Presbyter. de consec. dist. 2.*

(6) Sac. Cong. Episc. 15. Jan. 1610. & Sac. Rit. Cong. in Insulana 10. Junii 1602., in Asculana 3. April. 1632., in Cortonen. 9. Maii 1699., & in decret. gener. ad dubium 26. 10. Dec. 1703.

352 CONSTITUTIONES SYNODALES

ritate confirmavit. Quamobrem, exceptis Regularium Ecclesiis, in nullo alio five Oratorio, five Templo divinum asserveretur Sacramentum sine Apostolico Indulto; quod tamen si forte alicui concedatur, nulla ratione, nisi Nobis exhibitum prius fuerit, ac Nostra (1) facultas acceperit, executioni demandetur. Si secus factum fuerit, ad normam Sacrorum Canonum transgressores multabimus.

XII. Ut autem Rex Regum, & Dominus Dominantium, cujus (2) sedes cælum est, terra autem scabellum pedum suorum, in Sacris ædibus sub Eucharisticis speciebus delitescens honorificentius pro modulo nostro excipiat; Volumus, ut (3) in Parochialibus, & Regularium Ecclesiis in principaliore, ac digniore loco, videlicet in ara majori, perpetuo Eucharistia servetur. Ab hac tamen lege Cathedralē Nostram eximimus, in qua videlicet Eucharisticum Sacramentum in alio Altari recondi oportet, cum in Ara Majori Pontificiæ functiones versis ad Altare renibus fiant. Tabernaculum autem (4), in quo Sanctissima asservanda est Eucharistia, sit pro cuiusque Ecclesiæ facultatibus affabre elaboratum five ex marmore, five ex metallo, five etiam ex ligno vel inaurato, vel eleganter picto. Loculus (5), in quo pyxis Eucharisticum cibum continens includi debet, serico coloris albi circumvestiatur, & ostiolum habeat bene firmum, suaque fera, & clave communitum. Clavis vel sit argentea, vel saltem deaurata, quæ semper sit penes Ecclesiæ Rectorem (6), aut in loco satis tuto, unde sumi sine scitu ipsius nequeat, nec unquam aut publice exposita, aut super Altare relinquantur, ne possit sacrilega manus ad venerabile Sacramentum extendi. Ostiolum ita pateat, ut pyxis commodè inferri, ac promi possit, atque in
extima

(1) Sac. Rit. Cong. 9. Maii 1699.

(2) Isaïæ c. 66. v. 1.

(3) Sac. Cong. Episc. in Lucensi 10. Febr. 1579., & in Casertana 29. Novembris 1594.

(4) Sac. Cong. Rit. 22. Febr. 1593.

(5) Innocentius III. in Concilio Lateranensi IV. c. 20.

(6) Cap. Statuimus. de custodia Eucharistiæ, Sac. Rit. Cong. 22. Febr. 1593. & Sac. Congr. Episc. in Vallisoletana, 12. Jan. 1604.

extima ejus parte seu picta, seu sculpta imago aliqua Salvatoris aut resurgentis, aut vulneratum pectus exhibentis, aut Cruci suffixi conspiciatur. In ciborio, seu loco non ullæ Sanctorum reliquiæ, non Sacrorum oleorum vascula, non calices ulli, non vas, non omnino quidquam aliud, quam sola Pyxis, quæ Sacramentum continet, asservetur. Totum Tabernaculum eleganti conopæo ejus coloris, qui officio diei congruat, aut saltem multicolori contegatur: superne autem, & alte elatum pendeat extentum (1) tentoriolum, quo non Tabernaculum modo, sed ipsum quoque Altare operiatur, ne ex pulvere, aliisque sordibus e laqueari decidentibus deturpetur. Ante Tabernaculi ostiolum, in quo Salvatoris imaginem aut sculptam, aut pictam inesse oportere diximus, vas florum, aut quid simile retineri nequit, uti statuit Sacra (2) Rituum Congregatio.

XIII. Cum Unigenitus Dei Filius Jesus Christus sit candor lucis æternæ, & lucem in cælis habet inaccessibilem; Recta ratio postulat, ut illi, dum deposita majestate factus est inter nos *vere Deus absconditus*, & Eucharistica obvolutus caligine nobiscum in terris habitat, nostra hæc terrena lumina famulentur. Quamobrem Parochorum cura sit (3), ut diu, noctuque ante Tabernaculum una saltem lampas accensa colluceat, quæ nunquam extinguatur, in perenne videlicet amoris signum, quo Reparatorem nostrum infinito nos amore prosequente redamamus. Quod si non casu, sed ex Parochi seu desidia, seu avaritia non semel lampas ejusmodi extincta reperiatur; multam is pecuniariam subibit pro modo culpæ arbitrio Nostro infligendam. Duas Pyxides (4) quilibet Parochus habeat, vel argenteas, vel saltem ex ære optime aurato, quarum una minor ad Sacrum ægris Viaticum defe-

A a a a rendum

(1) Rituale Romanum tit. de Eucharistiae Sacramento.

(2) Sac. Rit. Cong. in una Camaldulen. Montis Coronæ 22. Jan. 1701.

(3) Sac. Cong. Episc. 15. Jan. 1619, & Rituale Rom. loc. cit. §. *Hoc autem*;

& Sac. Congreg. Concilii in Urbeveterana 22. Martii 1595.

(4) Can. *De tribus gradibus*, de consecr. dist. 1., & Sac. Congreg. Episcop. 26. Julii 1538.

rendum adhibeatur ; major altera particulas consecratas contineat, quæ ad Fidelium Communione in Tabernaculo sunt asservandæ. Utraque Pyxis sit ab Episcopo rite consecrata, & utraque etiam conopæolo serico albi coloris, aut phrygio opere contexto circumvestiatur. Majori pyxidi, quæ una cum Eucharisticis speciebus in Tabernaculo recondi debet, corporale mundum, & sine fordibus substernatur, quod saltem bimestri quolibet mutari jubemus.

XIV. Ad excitandam populi pietatem, ac religionem, in singulis Ecclesiis, in quibus Sanctissima asservatur Eucharistia, quotannis feria quinta in Cæna Domini, post solemnem illius dici Missam, hostia consecrata in calice includitur, ac patena, sericoque albi coloris cooperta ex ara majori ad remotiorem aliquam Templi Capellam deferri, ibique in urna sepulchrali, quæ ad hunc finem parata, statutisque precibus benedicta esse debet, recondi solet, ut videlicet grata in Fidelium animis sepulchri, in quo Christi Domini Corpus tumulatum triduo jacuit, excitetur recordatio. Vetustum hunc Ecclesiæ ritum in Nostra Diœcesi religiose, exacteque servari jubemus, itaut nihil eorum, quæ a Rituali Romano facienda præscribuntur, omittatur. Sepulchralis capsula unicam habeat, firmamque clavem, qua diligenter obferetur : ea vero vel a Parocho, vel a Sacerdote in crastinum Sacris operaturo retineatur, nulloque pacto Laicis personis cujuslibet status, gradus, & conditionis, & non obstante quacunque in contrarium consuetudine, custodienda tradatur, quemadmodum sæpius statuit (1) Sacra Rituum Congregatio, cujus decreto tam Sæculares, quam Regulares quomodocunque exemptos obstringi, ipsa eadem (2) Congregatio declaravit. Sacra hæc sepulchri species quam maximo apparatu pro Ecclesiæ facultatibus fiat, & plurimæ, si fieri possit, circa illud cereæ accensæ faces collu-

(1) Sac. Rit. Congreg. in Civitaten.
22. Novemb. 1631., & in Calaguritana
13. Sept. 1642.

(2) Sac. Rit. Cong. in Caurien. 15. Decemb. 1632.

colluceant, quarum saltem quatuor, aut sex per totam noctem ardeant, nec extinguantur, quemadmodum ab ejusdem Sacramenti custodia Sacerdotum unus, aut certe Clericus candido indutus superpelliceo, aut, ubi rari sunt Clerici, unus saltem Sæcularis sacco sodalitatis amictus numquam abscedat, qui flexis ante Cæli, terræque Dominum genibus, sacras agat excubias, & pio cordis affectu pro se, totoque Populo Omnipotentem Deum deprecetur.

ARTICULUS III.

De Divina Eucharistia publice exponenda, ut a Fidelibus externo, internoque latræ cultu adoretur.

CUM ille idem Unigenitus Dei Filius in Eucharistiæ Sacramento contineatur, quem Pater (1) *Æternus introducens in Orbem terrarum dicit: Et adorent eum omnes Angeli Dei; quem (2) Magi procidentes adoraverunt; quem denique (3) in Galilea ab Apostolis adoratum fuisse Scriptura testatur; Nullus (4) jam dubitandi locus relinquitur, quin omnes Christifideles, pro more in Catholica Ecclesia semper recepto, latræ cultum externum, internumque, qui vero Deo debetur, Sanctissimo huic Sacramento cum veneratione exhibeant. Et sane sic Tridentina Synodus (5) nos docet, ubi definit: Siquis dixerit, in Sancto Eucharistiæ Sacramento Christum Unigenitum Dei Filium non esse cultu latræ etiam externo adorandum, vel non publice, ut adoretur, populo proponendum, Et ejus adoratores esse Idolelatras, anathema sit. Credendum itaque est, maximo cum Christi Corporis honore, summaque Fidelium cum utilitate conjungi eam Catholicæ Ecclesiæ disciplinam, qua aliquoties in anno Sanctissimum Eucharistiæ Sacramentum palam populo spectandum, atque adorandum exhibetur.*

II. Quamquam incertum sit, quandonam publice Fidelium

A a a 2

oculis

(1) Ad Hebr. c.1.

(2) Matth. c.2.

(3) Matth. c.28., Lucæ c.24.

(4) Trid. sess.13. cap.5.

(5) Trid. sess.13. can.6.

oculis exponi cœperit Eucharistia; Verosimilius tamen Doctores, usum hunc ex visibili Eucharistiæ per publicas vias circumgellatione, quæ Fæsto die Corporis Christi quotannis haberi solet, originem traxisse arbitrantur. Cum enim Sacramentum hac occasione visibile in plateis, atque Ecclesiis exponeretur; haud inconueniens visum fuit, illud etiam in Altari, aut alio eminentiore loco extra publicæ supplicationis tempus adorandum populo exhibere. Ac primum quidem id factum esse ajunt divinorum Officiorum tempore ipso fæsto die Corporis Christi; mox integro illo die; postmodum per ejus octavam; ac tandem nonnullis aliis, solemnioribus præsertim, diebus; atque ita sensim ad præsentem, quæ in Ecclesia viget, disciplinam deuentum esse putant. Quidquid autem de hoc sit, certum illud est, publicam Eucharistiæ expositionem, dummodo cum debito honore, ac reuerentiæ significatione fiat, utilissimam Populo Christiano esse, maximumque ex ea cultum, & obsequium in Sacratissimum Christi Corpus derivari. Testatur id luculentissime Alma Urbs Roma, Religionis Caput, & Magistra, ubi quotidie non in uno, sed in pluribus etiam Templis Divinum Sacramentum Populo adorandum exponitur, & eo quidem cum Religionis emolumento, ut diu, noctuque in dictis Templis frequens adsit Fidelium multitudo, qui pias ad Deum fundunt preces, ac fide non ficta, summaque pietate, ac modestia Christum sub Eucharisticis speciebus latentem exorant, ac venerantur.

III Nequa vero adversus tantum Sacramentum in publicis ejusdem expositionibus admittatur irreverentia; plura Romani Pontifices, & Sacræ Cardinalium Congregationes sapienti consilio decreverunt, quæ paucis hic perstringemus, ut omnibus innotescant, ac fideliter executioni demandentur. Et primum quidem ne Mjestas Mysterii Fidei nimis facili, crebraque vulgatione deteratur; Ecclesiasticis legibus cautum est, ne Eucharistiæ Sacramentum publicæ Fidelium venerationi exponatur, nisi publica intercedat causa, quæ ab Ordinario loci probetur, & nisi ejusdem

eiusdem Ordinarii expressa facultas accesserit. *Illud in primis certissimum est Sedis Apostolicæ*, ut inquit Benedictus XIV. (1), *in quibuscumque Ecclesiis etiam privilegio immunibus, sive Secularibus, sive Regularibus non licere exponi publice divinam Eucharistiam, nisi causa publica, & Episcopi facultas intervenerint: solius autem Episcopi partes esse, ut causa publicæ meritum expendat, ac declaret*. Et merito: si enim quæcumque in Diocesi ad Dei cultum spectant, ab Ordinario diligenter curari, atque iis, ubi oportet, provideri æquum est, uti statuit Tridentina (2) Synodus; quanto magis hæc Ordinatio demandanda erat cura, ne Fidei Sacramentum ob nimiam expositionis frequentiam vilesceret, ac despiceretur! Dubitatum quidem olim fuit, an, ut in Regularium Ecclesiis ab Episcoporum jurisdictione exemptis publice exponi posset Eucharistia, cum publica causa, tum Ordinarii licentia requireretur? At utramque requiri pluries declararunt Sacra (3) Episcoporum, & Regularium, Concilii, & Rituum Congregationes; & expresse in modo citatis verbis statuit Benedictus XIV. Quæ quidem de publica, non de privata Eucharistiæ expositione procedunt. In quadam enim causa Neapolitana controversiam his verbis diremit Sacra Congregatio (4) Concilii: *Censuit non licere Regularibus, etiam in eorum propriis Ecclesiis, Sanctissimum Eucharistiæ Sacramentum publice adorandum exponere, nisi ex causa publica, quæ probata sit ab Ordinario: ex causa autem privata posse, dummodo Sanctissimum Sacramentum e Tabernaculo non extrahatur, & sit volatum ita, ut ipsa Sacra Hostia videri non possit*. Ad publicam igitur Eucharistiæ expositionem publica causa, & Episcopi facultas requiritur; ad privatam vero alicujus etiam privati viri ægritudo, aut necessitas sufficit, & licentia Rectoris illius Ecclesiæ, in qua habenda est expositio.

IV. Ne-

(1) Benedictus XIV. in Decretali ad Episcopum Warmiensem 16. April. 1746.

(2) Trid. sess. 11. c. 8. de ref.

(3) Sac. Congreg. Episc. in Cajetana 25. Oct., & 10. Dec. 1602., & in Detonen. 27. Maii 1603., Sac. Cong. Conc.

in Neapolitana 17. Aug. 1630., & 28. Februarii 1634., & 14. Aprilis 1674., & Sac. Cong. Rit. in Firmiana 22. Jan. 1701.

(4) Sac. Congreg. Concilii in Neapolitana 17. Aug. 1630.

IV. Nequa vero oriatur æquivocatio; discrimen, quod inter publicam, & privatam expositionem intercedit, paucis est explicandum. Publica itaque tunc habetur expositio, cum Eucharistia in ostensorio reposita per chrySTALLUM, qua sphæra munitur, a populo cernitur, & ut videri commodius possit, in eminentiore Altaris loco collocatur. Privata vero tunc dicitur, quando vel reſerato Tabernaculo, sacra Pyxis clauſa, ſuoque velata conopœo in Tabernaculi oſtiolo collocatur; vel Eucharisticus panis in ostensorio inclufus, ſub umbella quidem ad id parata in edito Altaris loco ſtatuitur, at ſphæra ita ſerico albi coloris velo obducta eſt, ut Sacræ Hoſtiæ aſpectus adſtantibus omnino interdicator. Utraque Eucharistiæ privatim exponendæ ratio permiſſa eſt, cum priorem Sacrarum Congregationum decreta aperte commemorarent, poſtioriẽm vero conſtans Romanæ Urbis uſus, & conſuetudo commendet. Non tamen umquam licet in privata expoſitione ſacram Pyxidẽ e Tabernaculo educẽtam, velatamque ſub umbella collocare, cum nullum huiusce ritus veſtigium apud Scriptores, nullaue Sedis Apoſtolicæ conſuetudo deprehendatur, quam tamen omnino ſequi par eſt, uti ſapienter monet Benedictus XIV. (1). Jam vero privatas huiusmodi expoſitiones privatis ex cauſis fieri permittimus, dummodo Rector Eccleſiæ, in qua habendæ ſunt, expreſſe conſentiat, & in iis habendis Saceri ſerventur ritus. *Quandocumque igitur privata ex cauſa*, uti ſtatuit Sacra Epiſcoporum (2), & Regularium Congregatio, *Sacroſancta Eucharistia exponenda videbitur, e Tabernaculo numquam extrahatur, ſed in pyxide velata in aperto ejuſdem Tabernaculi oſtiolo cum aſſiſtentia alicujus Sacerdotis ſtola, & ſuperpelliceo induti, & cum ſex ſaltem luminibus cereis collocetur: quod idẽ in Eccleſiis Regularium ſervari mandamus.* Quod ſi privata pariter ex cauſa Sacra Hoſtia intra conſuetam inclufa ſphæram, veloque obducta ſub umbella ſtatuat; tunc duodecim ſaltem cereas accendi oportet faces, & Sacerdos aliquis ſtola, ac ſuperpelliceo indutus flexis

genibus

(1) Benedictus XIV. Inſtit. 30. n. 16.

(2) Sac. Cong. Epiſc. 9. Dec. 1602.

gēnibus sacras agere debet excubias; quod quidem servandum semper est, quacumque tandem ratione sive privatim, sive publice Fidelium venerationi divinum Sacramentum exponatur.

V. Quoad publicas vero ejusdem expositiones, præter eas, quæ in Sæcularium, ac Regularium Ecclesiis stabili quadam lege, & consuetudine de Prædecessorum Nostrorum, Nostroque consensu in tota hac Diœcesi fieri quotannis consueverunt, nemo audeat in qualibet Ecclesia Eucharistiam publice exponere, nisi licentiam a Nobis, publica ex causa judicio Nostro probanda, petierit, atque obtinuerit. Volumus autem, ut, quandocumque Sacramentum publice Fidelium cultui, ac venerationi exponatur, eæ omnes serventur leges, quas Romani Pontifices, & Sacra Rituum Congregatio præscribere, & quas paucis hîc complectimur.

VI. Primo itaque Templum, maximeque Sacellum, & Altare, in quo exponenda est Eucharistia, decentissime pro locorum conditione ornentur; & nisi aliud necessitas, aut alia gravis ratio suadeat, Altare majus ad eum finem seligatur, cujus icon decenti aliquo velo contegenda est, ut soli Eucharistico Sacramento a confluentibus Fidelibus cultus, ac veneratio exhibeatur. 2. nullæ Sanctorum reliquiæ, aut simulacra in eodem altari collocentur, exceptis Angelorum simulacris, quæ ad cereas sustentandas faces adhibeantur. 3. viginti omnino, aut saltem, in pauperrimis Ecclesiis, duodecim cereæ candelæ, & duæ grandiores faces hinc inde ad duo Altaris cornua accensæ colluceant. 4. quamdiu publicæ venerationi exposita est Eucharistia, in eo Templo neque lances adsint ad pecuniam a sponte dantibus excipiendam, neque ulli Templum ad eleemosynas a Fidelibus corrogandas circumire liceat. Præterea in eodem neque defunctorum cadavera excipiantur, neque officia super ipsis fiant, neque Ecclesiasticæ Sepulturæ demandentur. 5. si matutino tempore Sacramenti expositio fiat, licebit quidem tintinnabuli signo populum admonere, cum Sacerdos e Sacrario divina Mysteria operaturus

raturus prodit; non tamen ullum dare signum tintinnabulo licebit, cum idem Sacerdos Missam celebrans, post consecrationem Eucharistiam in sublime tollens, Populo adorandam proponit. 6. si concio (1) ante divinum Sacramentum publice expositum habenda sit, nisi prius opportuno velamine Sacramentum contegatur, non tecto, sed aperto capite fiat, non obitante quacumque in contrarium consuetudine, quæ, tamquam verus abusus, tollenda omnino est; ac præterea in ea Templi parte habeatur, e qua Oratorem verba facientem audire, atque intueri Populus possit, quin ab Eucharistia vultum cogatur avertere. 7. quicumque (2) vel oraturus accedit, vel absolutis precibus recedit, Eucharistiam in Altari expositam utroque flexo genu veneretur, quod quidem (3) ab omnibus faciendum est, etiam, quando ante illam transeunt, etiamsi supplicantium in morem per Ecclesiam incedant, eo uno excepto (4), qui Crucem in processione deferat. Imo utrumque (5) flectendum est genu a transeuntibus, etiam quando Sacramentum est in pyxide, vel in ostensorio velato patenter expositum. 8. Sacerdos Missam (6) celebraturus, ante Eucharistiam expositam transiens, illam flexis genibus, apertoque capite adoret: caput tamen, dum se erigit, cooperiat; quod præstare etiam debet, quando ante Altare transit, in quo Eucharistia Fidelibus administratur, quin (7) tamen flexis genibus immorari tamdiu debeat, quamdiu Fideles de manu Sacerdotis panem Angelorum acceperint. 9. si divina in Choro celebrentur Officia ante divinum Sacramentum adorationi Fide-

(1) Sac. Rit. Congreg. in Illerden. 28. April. 1607., in Giennen. 9. Decembris 1622., & in Belgica 16. Feb. 1630., & Clemens XII. in Const. 40. Horarum edita 1. Sept. 1736.

(2) Sac. Rit. Cong. 19. Aug. 1651.

(3) Sac. Rit. Cong. in Pacen. 14. Decembris. 1602., & in una Urbis 19. Augusti 1651.

(4) Cærem. Episc. lib. 2. c. 27. n. 7.

(5) Sac. Rit. Congreg. in Varsaviæ. 7. Maii 1746.

(6) Sac. Rit. Congr. 7. Sept. 1638., Clemens XI., Benedictus XIII., & Clemens XII. in Brevi pro oratione 40. Horarum n. 1.

(7) Sac. Rit. Cong. in Collen. 5. Julii 1698.

Fidelium expositum, sedere (1) quidem possunt Canonici, alique Beneficiati, qui Choro interfunt: at operire caput nequeunt, ne minus recte de divina Christi Domini, coram quo adsunt, maiestate, minusque reverenter sentire videantur. Quamobrem diligenter caveant, ne suo modo quadrare in illos possint, quæ summo cum animi sui dolore de quibusdam Sacerdotibus Sacrum incredibili festinatione perficientibus scripsit Venerabilis Cardinalis Bellarminus (2): *Uberimis est lacrymis dignum, quod ob nonnullorum Sacerdotum incuriam, aut impietatem Sacrosancta Mysteria tum indecore tractentur, ut, qui illa tractant, videantur non credere Majestatem Domini esse præsentem: sic enim aliqui sine spiritu, sine affectu, sine timore, ac tremore, festinatione incredibili Sacrum perficiunt, quasi fide Christum Dominum non viderent, aut ab eo se videri non crederent.* Alia plura ad debitum tanto Sacramento cultum præstandum, a Sacris Congregationibus sancita sunt, quæ apud probatos Doctores videri possunt.

VII. Ostensorium, in quo inclusa divina Hostia, quando temporis, rerumque circumstantiæ postulant, per publicas vias circumferri, aut e sublimiore Altaris loco populo adoranda proponi solet, sit vel argenteum, vel saltem ex ære quidem, vel aurichalco, sed puro oblitum auro: argentea tamen, ac deaurata omnino sit lunula, in quam Sanctissima immittenda est Eucharistia. Ab omni forde, ac pulvere munda sit, ac pellucida chrystallus, per quam intuentes Fideles in Sacram Hostiam figere possint obtutum. Sive publice vero, sive privatim divina exponantur Mysteria, per id temporis ad Altare sive ad emungendas candelas, sive ad aliud quodlibet ministerium obeundum, nonnisi Sacerdos, aut Clericus superpelliceo indutus accedat. Quod si Clericorum penuria aliud suadeat, nonnisi Laici facco alicujus sodalitatis amicti adhibeantur. Tandem antequam in Tabernaculo Eucharistia recondatur, semper sive Parochus, sive alius Sacerdos pluviali albi coloris indutus consuetum cum populo de San-

B b b

tissimo

(1) Cœrem. Episc. lib. 2. c. 33.

(2) Card. Bellarm. de gemitu columbæ cap. 7.

ſſimo Sacramento hymnum, adnexasque preces recitet, thure Euchariftiam adoleat, & circumſtantibus Fidelibus benedicat, ſuper eos cum eadem Euchariftia ſignum Crucis efformans.

VIII. Hæc, aliaque plura, quæ in Rituali Romano deſcripta reperientur, fideliter, exacteque ſervari jubemus, in eorumque obſervantia procuranda vigilem Parochorum induſtriam plurimum deſudare volumus, ac mandamus. At maxima eorum ſollicitudo in eo verſetur, ut Fideles eorum curæ concrediti frequenter, ac religioſe interſint, quamdiu venerabile Euchariftiæ Sacramentum in Altari proſtat expoſitum. Ad id facilius obtinendum, plano, faciliſque ſermone iſdem explicent, quanta ex hoc Sacramento in Catholicam Eccleſiam, ejuſque filios perfectio, gloria, ac felicitas redundet! Tanta profecto eſt, ut jure, meritoque ſcriptum reliquerit Dionyſius (1), mediam eſſe Eccleſiam noſtram inter Synagogam, ac cœleſtem Hieruſalem, ac propterea utriuſque eſſe participem; imo etiam ad ſupernam illam Urbem propius accedere, cum inter Chriſti Eccleſiam, & cœleſtem beatitudinem unus tantum gradus intereſſe videatur. Hoc enim nobis cum cœleſtibus Civibus (2) commune eſt, ut utrique Chriſtum Deum, & hominem præſentem habeamus: ſed hoc uno ab iis diſtans gradu, ut illi præſentes beata viſione perfruantur; nos præſentem, & tamen ab oculorum ſenſu remotum, Sacrorum Myſteriorum admirabili integumento ſe occultantem, firma, & conſtanti fide veneremur. Quidni ergo alimur Sionis æmuli, ſicut beati illi ſpiritus præſentem ſemper intuentur, & ſuavi amoris ubertate inebriati, divini voluptatis torrente potantur, ita & nos præſentem, licet abſconditum, viva, ſi non ſemper, ſaltem ſæpe, contemplemur fide, & ſincera charitate diligamus? Accedit huc, quod eum in finem Chriſtus Dominus in hoc Sacramento tam familiariter hoſpitari nobiſcum voluerit uſque ad conſummationem ſæculi, ut in eo ægri Medicum, a quo

(1) S. Dionyſius de Eccleſ. Hierarch.
c.7. circa medium.

(2) Catechiſm. Rom. de Euchariftia
par.2. n.32.

quo curaremur, cæci lumen, a quo illuminaremur, egeni, a quo sublevaremur, divitem, tristes, a quo recrearemur, consolatorem, peccatores denique Advocatum, qui pro nobis apud Patrem interpellaret, haberemus. *Quidenim queris*, ut optime inquit S. Bernardus (1), *quod in illo non invenias? Si ægrotus es, Medicus est: si exular, Dux est: si desolatus es, Rex est: si impugnavis, pugil est: si sitis, potus est: si alges, vestimentum est: si tristavis, gaudium est: si obtenebraris, lux est: si Orphanus es, Pater est.* Adeamus ergo cum fiducia (2), & sæpe ad thronum gratiæ, ad divinum videlicet Sacramentum, in quo habemus Pontificem magnum Jesum Filium Dei, qui tentatus per omnia pro similitudine absque peccato, compati potest, & compatitur infirmitatibus nostris, & misericordiam consequemur, & gratiam inveniemus in auxilio opportuno.

IX. Si hæc, aliaque hujusmodi plura Parochus frequenter Populo sincero cordis affectu insinuet, & si eum potissimum exemplo præcat, itaut flexis ante Eucharistiam genibus sæpe, & summa cum Religione ad Christum Salvatorem preces fundat, rogans, ut gregem suum Pastor æternus non deferat, sed continua protectione custodiat, ac tueatur; brevi se voti compotem factum esse gratulabitur, *Et erit*, (3) *sicut aquila provocans ad volandum pullos suos, Et super eos volitans expandit alas suas.* Verum illud etiam a Populo amicis verbis, blandisque suasionibus obtinere conetur, ut Christum Dominum non modo publicæ venerationi expositum, sed etiam in Tabernaculo delitescentem frequenter inviset. Laudabilem illam consuetudinem, quæ alicubi viget, inducere curet, ut operarii omnes summo mane, antequam ad capeffendos seu rusticos, seu mechanicos labores prodeant, Templum petant Sacrum audituri, eaque occasione divinum Sacramentum in Tabernaculo reconditum proni adorent, ac venerentur, seseque Christo Servatori, totamque familiam suam

B b b b 2

brevi-

(1) S. Bernardus tract. de Passione Domini c. 22.

(2) Ad Hebræos c. 4.

(3) Deuteron. c. 32.

brevibus, sed enixis precibus commendent : Vespere autem, domum exactis laboribus repetentes, in Templum, si fores pateant, ingrediantur; sin minus, ante Templi fores *procumbant* (1) *in facies suas, adorantes viventem in secula seculorum, ac dicentes: Sedit in throno, & Agno, benedictio, & honor, & gloria, & potestas in secula seculorum. Amen.*

ARTICULUS IV.

De processionibus, in quibus divina Eucharistia statis temporibus per vias, & loca publica honorifice, ac reverenter circumferri consuevit.

PIE, & religiose admodum in Dei Ecclesiam inductus fuit hic mos, ut singulis annis peculiari (2) quodam festo die præcellsum, & Venerabile Eucharistiæ Sacramentum singulari veneratione, ac solemnitate celebraretur, utque in processionibus reverenter, & honorifice per vias, & loca publica circumferretur. Æquissimum est enim, sacros aliquos statutos esse dies, quibus Christiani omnes singulari, ac rara quadam significatione gratos, & memores testentur animos erga communem Dominum, & Redemptorem pro tam ineffabili, & plane divino beneficio, quo mortis ejus victoria, & triumphus repræsentatur. Et sic quidem oportuit, victricem veritatem de mendacio, & hæresi triumphum agere, ut ejus adversarii in conspectu tanti splendoris, & in tanta universæ Ecclesiæ lætitia positi, vel debilitati, & fracti tabescant, vel pudore affecti, & confusi aliquando resipiscant. Quamquam autem in die Cœnæ Domini, quando Sacramentum prædictum noscitur institutum, inter Missarum solemnias de ipsius institutione specialis mentio habeatur; uti tamen sapienter monet S. Thomas (3), reliquum ejusdem diei officium ad Christi Passionem pertinet, circa cujus venerationem

Eccle-

(1) Apocal. c. 4.
nos opuscul. 57.

(2) Trid. sess. 13. cap. 5., & ead. sess. can. 6.

(3) S. Tho-

Ecclesia illo tempore potissimum occupatur. Ut igitur integro celebritatis officio plebs Fidelium tanti Sacramenti recoleret institutionem; Romanus Pontifex Urbanus IV. pie statuit, præfatæ Institutionis memoriam prima quinta Feria post Octavam Pentecostes a cunctis Fidelibus celebrari, ut qui per totum anni circulum hoc Sacramento utimur ad salutem, ejus institutionem illo tempore specialiter recolamus, quo Spiritus Sanctus corda Discipulorum edocuit ad plane cognoscenda hujus Mysteria Sacramenti: Nam eodem tempore cæpit hoc Sacramentum a Fidelibus frequenter suscipi, ac celebrari.

II. Itaque primus omnium Urbanus IV. peculiari sua Constitutione (1) solemne Corporis Christi Festum certa die quotannis in Ecclesia Catholica celebrari jussit, omniumque primus solemnem Eucharistiæ circumgestationem instituit, quæ statò die nunc tanto apparatu in toto Christiano Orbe celebratur. Urbani IV. Constitutionem Clemens V. (2) in Concilio Viennensi, eodem Sacro approbante Concilio, confirmavit. Joannes vero XXII. non modo utramque Prædecessorum suorum Constitutionem executioni demandari curavit, & novas Indulgentias Fidelibus idem Festum peculiari ratione celebrantibus concessit; verum etiam solemnem supplicationem, in qua Christi Corpus circumgestaretur, ea die habendam universæ præscripsit Ecclesiæ, ut videlicet non modo Christi Corpori debita præstarentur obsequia, verum etiam contumeliæ, atque injuriæ, quæ ab Hæreticis, perditisque Catholicis eidem irrogantur, publicis honoris, ac venerationis officiis pro modulo nostro repararentur. Aucta deinde in Fidelium animis erga divinam Eucharistiam religione, ac pietate, illa quoque sanctissima inducta est consuetudo, ut quolibet mense in Ecclesiis Metropolitanis, Cathedralibus, Parræcialibus publica ejusmodi supplicatio haberetur. In Urbe vero
Roma,

(1) Urbanus IV. Const. 1. *Transiturus de hoc Mundo ad Patrem*. edita 11. Augusti 1264.

(2) Clem. unica. de reliquiis, & veneratione Sanctorum.

Roma, cum in ædem S. Mariæ super Minervam pii aliqui Viri convenissent, eamque sibi dixissent legem, ut Christi Corpori, cum per Urbem circumferretur, ipsi faces gestantes accensas, aut alia præstantes obsequia famularentur; ortum inde habuit celeberrima illa Sodalitas a Christi Corpore, seu a Sanctissimo Sacramento nuncupata, quam mox una cum suis legibus Paulus III. Apostolica auctoritate confirmavit, pluribus Indulgentiarum largitionibus auxit, & ad universas Civitates, atque Oppida extendi, ac propagari curavit. Expetere enim se vehementer affirmavit, ut in aliis quoque Civitatibus, atque Oppidis sodalitia ejusmodi instituerentur, in quibus multi semper præsto essent, qui humili induti sacco, cereas gestantes accensas faces, & sacra carmina concinentes, Eucharistiam, dum circumfertur, debita cum reverentia, ac pietate comitarentur.

III. Sacras hæc cum annuas, tum menstruas supplicationes, in quibus divina Mysteria sive per Civitatis, aut Oppidorum vias, sive intra Templorum ambitum circumferuntur, in tota hac Diœcesi religiose jamdiu fieri non ignoramus: Sodalitates vero piorum hominum, qui peculiari Eucharistiæ cultui, servitioque se totos dediderint, in qualibet Parœciali Ecclesia institutas jam esse gratanter vidimus, cum Diœcesim Sacra Visitatione lustraremus. Reliquum igitur dumtaxat Nobis est, ut pauca innuamus, quibus & Parochi, & Sodales edocti illud certatim enitantur, ut in his habendis Supplicationibus, & in debito Eucharistiæ cultu exhibendo nihil pro eorum viribus desideretur.

IV. Et quod ad Supplicationes, seu Processiones pertinet, hæc in iis habendis Romani Pontifices, & Sacræ Cardinalium Congregationes servari jusserunt. 1. Festo ipso (1) Corporis Christi die, mane non aliis Ecclesiis, sed soli Cathedrali, aut Matrîci processionem licet instituere; & supplicantium (2) agmen ab ipsa

(1) Sac. Congreg. Rituum in Pisana gusti 1619., & 19. Aug. 1629., & in 22. Maji 1615. Nolana 1. Sept. 1708., & 9. Junii 1718.

(2) Sac. Rit. Cong. in Tuscan. 29. Au-

ab ipsa Cathedrali, seu Matrice Ecclesia procedere debet, consuetoque absoluto circuitu in eam reverti, itaut numquam, etiam si immemorabilis (1) in contrarium obstat consuetudo, ab inferiori Ecclesia processionem hanc cuiquam liceat inchoare. 2. infra Octavam Corporis Christi plures (2) eadem die diversis sive Regularium, sive Sæcularium cœtibus, quibus id permissum est, celebrare processiones licet, dummodo distinctis horis fiant, ne qua videlicet in populo contentio, atque æmulatio oriatur, sed distinctis horis pluribus in locis, si velit, Sacro Christi Corpori suum præstare obsequium, ac famulatum possit. 3. in his processionibus, in quibus divina circumfertur Eucharistia, Clerici tam Sæculares, quam Regulares, omnesque Laici, imo & Episcopi ipse, seu Celebrans, ejusque Ministri, qui sacram constituent pompam, detecto semper (3) capite debent incedere: præsentem enim immensæ Majestatis Dominum comitantes, obsequium illi suum externa etiam corporis compositione significare eos oportet; quemadmodum si certo aliquo in loco procedentium agmen parumper sistat, & super constituto Altari Eucharisticum Sacramentum collocetur, ut, quibusdam recitatis precibus, suum mox procedentes absolvant iter; per id temporis neque super scamno (4), neque super paratis sedibus Sacerdos celebrans, ac Diaconus, & Subdiaconus sedere possunt. 4. in solemnibus hac processione, in qua Christi Corpus Festo ipso ejus die a Cathedralis Capitulo per publicas vias circumfertur, tum ex Cœremoniali Episcoporum, tum ex pluribus Sacre Rituum Congregationis decretis hic in procedendo servandus est ordo.

V. Procedere primum debent Laicorum Sodalitates, quas pone sequuntur juxta antiquitatis ordinem, vel prout de jure, aut consuetudine, Regulares: mox Curiales, atque Officiales incedunt.

(1) Sac. Con. Conc. in Sarn. 7. Aug. 1687.

(2) Sac. Rit. Congreg. in Cajetana.

(3) Innocentius XII. Const. *Sus nobis*.

2. Septemb. 1690.

anno 1696., & Sac. Congreg. Episc. in

(4) Sac. Rit. Cong. in Hispalen. 21. Ja.

Tricaricen. Processionis 18. April. 1714.

nuarii 1690. in respons. ad 4.

& 4. Martii 1717.

incedent, inter quos ultimo gradientur loco Nobiliores, ac Magistratus: succedet deinde Clerus secularis, videlicet primo Minister hastatam Cathedralis Ecclesiæ Crucem deferens, qui medius inter duos Clericos superpelliceo indutos, & candelabra cum cereis accensis candelis gestantes progredietur: mox Clerici servitio Cathedralis addiæti, & Seminarii Episcopalis Alumni: post hos Parochi superpelliceis induti: tum Collegiatarum Ecclesiarum Canonici, si adsint, suis ornati insignibus, dummodo eadem in aliis processionibus deferre consueverint: succedet tandem Ecclesiæ Cathedralis Clerus, Clerici videlicet Beneficiati, ac Beneficiati, quos Canonici sequentur Sacris amicti vestibus, videlicet Subdiaconi Tunicellis, Diaconi Dalmaticis, Presbyteri Planetis, ac Dignitates pluviali, quo Primicerium etiam ornari iussit Sacra Rituum (1) Congregatio, quamquam de eo, ut aliquando contigit, an Dignitas sit, fortasse dubitetur; quibus sane vestibus in hac solemnii supplicatione Festo Christi Corporis die ornatos Canonicos incedere debere, etiamsi neque Eucharistiam deferat, imo neque intersit Episcopus, Sacra Rituum (2) Congregatio declaravit. Post Dignitates duo Thuriferarii gradientur, candido induti superpelliceo, qui fumantia thuribula lente ante celebrantem ducent, illudque in incessu curabunt, ut nunquam dorsum, sed faciem semper ad divinum Sacramentum aliquantulum vertant. Postremo ibit loco Celebrans, qui pluviali, veloque super humeros amictus, Eucharistiam deferet inter Diaconum, & Subdiaconum, sacris indutos vestibus, sed sine manipulo: hi pluvialis fimbrias hinc inde sustentantes, psalmos alternatim cum celebrante submissa voce recitabunt. Præterenti supra celebrantis caput tentorii hastilia deferent vel Nobiliores Laici, vel Ecclesiastici viri hoc ordine. Dignior primum sustentabit hastile, quod est ad Celebrantis dexteram, secundus aliud, quod primum est ad Celebrantis sinistram, tertius

(1) Sacr. Rit. Congreg. in Capuana
28. April. 1607.

(2) Sacr. Rit. Congreg. in Cojetana
27. Martii 1628.

secundum hastile deferet, quod est ad dexteram, & sic deinceps quoad reliqua, itaut minus digni postremas hastas possent Episcopi tergum ferant. *Quod si plures inter digniores essent, qui de equali gradu, aut præminetia contenderent, uti statuitur in Cæremoniali* (1) *Episcoporum, itaut omnibus his primo loco hasta Baldacchini assignari nequirent; relinqueretur his ultimus locus, idest ubi Processio jam ad Ecclesiam pervenit, ad quam dirigitur: talis enim locus equalis primo reputatur.* Ecclesiastici, sive sint Dignitates, sive Canonici, sive Beneficiati, sive Mansionarii, tentorii hastas per totam deferent Ecclesiam: at in ejus foribus illas Laicis tradent. Aliqui ex sodalibus Sanctissimi Sacramenti, si eorum sodalitas pro cera sumptus facit, juxta Constitutionem Gregorii XIII. suo induti sacco cereas accensas faces hinc inde, & post divinum Sacramentum gestabunt, (2) dummodo major sodalium pars una cum sua Cruce, suisque insignibus reliquis inter sodalitates suum tenens locum præcat. Cæremoniæ Magister (3) post Celebrantem, ejusque Ministros gradietur: at si opus sit, huc illuc ad supplicantium agmen dirigendum excurrat. In hac solemnî processione Eucharistiam deferre, Episcopo absente, aut legitime impedito, non ad Canonicum (4) Hebdomadarium, neque ad Vicarium (5) Generalem, sed ad priman (6) Capituli Dignitatem pertinet, eaque impedita, ad secundam, & sic deinceps, a qua etiam cantari debet Missa, non secus ac Octava Christi Corporis die, si pomeridiano tempore publica habeatur supplicatio, divina Mysteria ab eo, qui cantavit Vesperas, sunt circumferenda. Hæc, & alia, quæcunque Sacra Rituum Congregatio statuit, ac declaravit, servari exacte

CCCC

volu-

(1) Cærem. Episc. lib. 1. c. 14. n. 3.

(2) Sac. Rit. Congreg. in Nepefina 18. Maii 1608.

(3) Sac. Rit. Congreg. in Patavina 30. Augusti 1602., 28. Nov. 1609., & 8. Maii 1617.

(4) Sac. Rit. Cong. in Pisaurum. 21.

Martii 1609., & in Tarentina 5. Julii 1611.

(5) Sac. Rit. Cong. in Baren. 7. Octobris 1645.

(6) Sac. Rit. Cong. 12. Junii 1627., & 23. Martii 1703. in respons. ad 4.

volumus, & Cæremoniarum Magistrum serio monemus, ut Sacrorum Rituum studio sedulam navet operam, publicasque hujusmodi supplicationes non pro arbitrio suo, sed juxta Canonicas regulas suaviter, ac prudenter dirigat, ac moderetur.

VI. Quod ad sodalitates attinet Sanctissimi Sacramenti, Sodales omnes hortamur, & enixe obsecramus in Domino, ut in iis Christi Corpori præstandis obsequiis, quibus se totos, cum sodalitis adscriberentur, addixere, alacres sint, ac diligentissimi; neque suam desiderari operam patiantur, seu cum sacrum ad ægrotos deferre Viaticum oportet, seu cum in mensura, aut annua processione circumferenda est triumphantis in morem Eucharistia, seu cum divina Mysteria publicæ Fidelium venerationi sunt exponenda, Sodalitii vero Rectores, ac Moderatores frequenter in sodalium mentem revocent, quantuli sint labores, quos subire eos oportet, ut pro munere suo Regum Regi, ac Domino Dominantium famulentur; quanta vero, & quam ampla futura sit merces, quam pro iis a bonorum omnium largitore tum in hoc, tum in futuro sæculo sunt consecuturi. Indulgentiarum divitias explicant, quibus ex Apostolica liberalitate locupletantur, quoties præscriptum aliquod Christi Corpori obsequium exhibent; eorumque animos in magnam erigant spem futurum, ut in suorum laborum præmium non, nisi Christi Corpore pasti, & sanguine poti, extremum vitæ suæ exitum sint habituri. Tandem cogitare illos jubeant, his religionis actibus impigre, sancteque exhibitis ejus sibi gratiam, ac benevolentiam conciliare ipsos facile posse, quem nunc Advocatum habent apud Deum, at post exactum hujus vitæ curriculum iustissimum Judicem sunt habituri.

ARTICULUS V.

*De variis usibus, in quos adhibita olim fuit Eucharistia,
& quos vel nunquam approbavit, vel etiam rejecit,
ac damnavit Ecclesia.*

Quamquam una cum Fidelium defunctorum corporibus tumulata olim fuisse Eucharistiam (1), gravissimi perhibeant Historici, eumque abusum iustis de causis toleratum aliquandiu ab Ecclesia fuisse (2), antiquissimi testentur Auctores; Certissimum tamen est, eundem sublatum de medio fuisse quam citissime, & Canonicis sanctionibus reprobatum. Concilium enim Carthagenense III. (3) sic decrevit: *Placuit, ut corporibus defunctorum Eucharistia non detur. Scriptum est enim: accipite, & edite. Cadavera autem nec accipere possunt, nec edere.* Idem etiam statuerunt Concilium (4) Antisiodorense, Synodus Trullana (5), Concilium Carthagenense VI. (6), aliaque Concilia. Quamobrem sacrilegus nunc haberetur, & pœnis plecteretur Canonicis, qui Eucharistiam auderet cum defunctorum tumulare corporibus.

II. Olim etiam inter Fideles, ut quis innocentiam testaretur suam, sibi que impactam purgaret calumniam, Eucharisticum fumebat Sacramentum, & non raro repentinum sibi interitum, si objecti reus esset criminis, imprecabatur. Quamquam illicitus non esset hic purgationis modus, præsertim cum publica Judicis auctoritate adhiberetur; Neque enim ullum per eam a Deo miraculum exigebatur, sed ad testandam dumtaxat veritatem, confirmandamque innocentiam admittebatur, cum nemo sibi objecti criminis conscius Sanctissimum Christi Corpus, & Sanguinem

Cccc 2 guinem

(1) In vita S. Basilii Magni cap. 8., S. Gregorius Magnus Dialog. lib. 2. c. 24.

(2) Zonaras, & Balsamon in Comment. ad can. 83. Concilii Trullani.

(3) Conc. Carthag. III. can. 6. ann. 397.

(4) Concil. Antisiodoren. can. 12. anno 578.

(5) Synod. Trullana can. 83. anno 642.

(6) Concil. Carthagin. VI.

guinem in iudicium, & condemnationem, quam sibi imprecabatur, sumpturus præsumeretur; Quia tamen non raro perverſi homines ad ſua occultanda crimina Dominicum Corpus ſacrilege manducare audebant; Inde factum eſt, ut paulatim abierit in deſuetudinem, neque ejuſmodi purgatio amplius liceat, aut tamquam Canonica admittatur. Imo ne progreſſu temporis revivifceret, aliæ Canonicae purgationes (1) ſumma Romanorum Pontificum auctoritate ſunt inſtitutæ, omniaque peregrina iudicia univerſim inhibita ſunt, atque interdicta.

III. Per plura ſæcula hic viguit in Eccleſia mos, ut in Altaris conſecratione, atque in Templorum dedicatione vel una cum Sanctorum reliquiis, vel earum loco, ſi exceſſent, in Altari, quod conſecrabatur, Sacra Euchariftia recondideretur, uti ſuſe, eruditeque probat Martene (2), antiquiſſimis monumentis, vetuſtiſſimisque Pontificalibus in medium productis. Verum cum hæc conſuetudo Romanorum Pontificum, ac præſertim Innocentii IV. (3), juffu in examen vocata, ac a Theologis, & Canoniftis mature perpenſa fuiſſet; eadem neque tam excelsi Sacramenti inſtitutioni congruere, neque divinam Chriſti Corporis majeſtatem decere viſa eſt. Quamobrem unanimi omnium Catholicorum conſenſione jam a pluribus ſæculis abrogata penitus eſt, neque Canonicam effugeret animadverſionem, ſiquis eam inſtaurare conaretur. Et merito: nam, ut ait Innocentius IV., indecens omnino, ac minime probandum eſt, ut Eucharifticus panis in Altari omnino claudatur: non enim conſecratur, ut lateat, ſed ut tamquam ſpiritualis cibus rite, ſanctæque ſuſcipientibus ſubminiſtretur.

IV. Ad incendia reſtinguenda, ac procellas, aliasque graves, publicæ avertendas calamitates non raro olim, imo aliquando etiam noviffimis hiſce temporibus, a Sacris Miniſtris de-

(1) Cap. *Ex tuarum*. de purgatione canonica.

(2) Martene de antiquis Eccleſiæ ritibus tom. 2. lib. 2. c. 13. n. 11.

(3) Hoſtiæſis, Jo. Andreas, Turremata, alique apud Durandum in Rituali lib. 1. c. 7. n. 23.

latam fuisse Eucharistiam, ac benedictionem cum ea tum adversus incendia, ac procellas, tum super aditantes fuisse impertitam non ignoramus. Verum licet ritus iste neque superstitiosus sit, Christus enim sub Eucharisticis speciebus vere, ac realiter præsens, & a Fidelibus exoratus potest unico voluntatis suæ nutu & incendia restringere, & ingruentes repellere tempestates; neque explicita sit, aut implicita Dei tentatio, nam qui Eucharistiam defert, & per eam signum Crucis adversus incendium, aut procellam efformat, orans Deum, ut impendentem avertat calamitatem, neque divinæ potentiae experimentum capere intendit, neque naturalia, quæ potest, adhibere media prætermittit; Propter extrinsecas tamen circumstantias jure, meritoque ritum hunc sanctissimi, doctissimique Antistites in suis Synodis interdixere, ac novissimis temporibus Benedictus XIV. (1) in Urbe Roma interdixit per epistolam datam ad Cardinalem Urbis Vicarium, cujus exemplar in Appendice num. 9. exhibemus. Et sane licet Fideles, cum a Deo temporalia postulant, ita petere eadem debeant, ut divinæ voluntati prorsus acquiescere sint parati; Non tamen in praxi (quæ humana est imbecillitas) fieri a plerisque id solet. Quando enim ingruentibus urgentur calamitatibus, supplices continuo ad Deum confugiunt, illud unum exorantes, ut impendentia mala avertat; & cum erga Divinam Eucharistiam multa pietate, fiduciaque sint præditi, illam e Tabernaculo extrahi, extra Templum deferri, ac per eam a Sacerdote signum Crucis adversus incendium, aut procellam efformari videntes, in firmam eriguntur spem futurum, ut dissipetur procella, aut extingatur incendium. Verum si, (ut ex iusto Dei judicio nonnumquam accidit) eorum spes optato careat successu; in magno jam versantur periculo, ne ex una parte eorum fervor, ac fiducia erga Augustissimum Sacramentum vel plurimum imminuatur, vel saltem tepescere incipiat; ex alia vero nostrorum honor Mysticorum malignis Infidelium, aut Hæreticorum, aut etiam impiorum

(1) Benedictus XIV. in epist. ad Cardinalem Urbis Vicarium, 27. Julii 1755.

piorum hominum irrisionibus exponatur. Ad hoc itaque declinandum periculum, Benedictus XIV., sanctissimique ante eum Antistites sapienti consilio vetuere, ne occasione incendii, aut nimbi, seu tempestatis Sacra Eucharistia e Tabernaculo educatur. Ad excitandam enim Fidelium pietatem satis esse duxerunt, ut ii, aperto Tabernaculi ostiolo, Augustissimum Eucharistiæ Sacramentum in Pyxide clausum venerari possent, fusisque ex animo precibus, divinum sibi in urgentibus calamitatibus præsidium postulare, quemadmodum præ cæteris statuit vigilantissimus (1) Mediolanensis Ecclesiæ Antistes S. Carolus Borromæus.

V. Quæ cum ita sint, Nos quoque tantorum Virorum exempla, doctrinamque secuti, volumus, decernimus, ac statuimus, ut in tota Nostra Diœcesi ad arcendas pluvias, aut tempestates, seu procellas, quæ forte impendere videbuntur, nullus Sacerdos Pyxidem ipsam cum Sacramento efferat; sed solum Tabernaculum, patefacto ostio, adaperiat, & in conspectu Sacramenti, genibus ad terram datis, Litanias, aliasque preces ejus rei causa institutas pie, sancteque cum populo, qui aderit, aut cum Clericis, aut etiam solus peragat, divinamque exoret clementiam, ut mala, quæ peccata nostra merentur, misericordia sua benignus avertat.

CAPUT X.

DE PŒNITENTIÆ SACRAMENTO.

PER baptismum spiritu renati, in Fide roborati per Confirmationem, ac vivifica tandem divinæ Eucharistiæ alimonia nutriti deficere nunquam deberemus in via, sed in fortitudine cibi illius usque ad montem Dei Horeb, ad cœlestem videlicet Patriam, firmis passibus ambulare. Verum cœlestis noster Medicus Christus Jesus, sciens figmentum nostrum (infirmi enim sumus, & lutea vasa portantes) cum nos in criminum morbos frequen-

(1) In Synod. Diœces. III. anno 1572., & in Concil. Provinc. III. anno 1573.

frequentē esse relapsuros prævideret; ne opportuno remedio humana deſtitueretur infirmitas, ſed poſſet etiam, poſtquam ſucubuiſſet, priſtinæ ſanitati reſtitui; divino ſane conſilio Pœnitentiæ Sacramentum inſtituit, quo a ſceleribus abſoluti, ac Deo reconciliati, amiſſam gratiam recuperaremus, redditaque conſcientiæ pace, ac ſerenitate, diligentius deinceps peccata vitaremus, bonâ vero opera ſectaremur alacrius. Cum autem non raro uſuvenire videamus, ut, quemadmodum in corporis infirmitatibus vel ægrotantis culpa, vel Medici incuria pharmacum vertitur in venenum, ita in ſpiritali animæ cura vel pœnitentis, vel miniſtrantis errato ſalutaris pœnitentiæ medicina in ægrorum convertatur exitium; Hinc Sacri Lateranenſis Concilii verbis admoniti, *ne falſis pœnitentiis Laicorum animas decipi, & in Infernum pertrahi patiamur*; pauca quædam de Sacramento Pœnitentiæ diſſerere, & leges in ejuſdem adminiſtratione ſervandas recensere decrevimus, quas a Sacris Canonibus, ab Apoſtolicis Conſtitutionibus, a probata demum Eccleſiæ diſciplina decerpiſimus.

ARTICULUS I.

De Sacramenti Pœnitentiæ inſtitutione, ac neceſſitate.

Pœnitentiæ Sacramentum, quod ſecundum poſt naufragium tabulam rectiſſime Sancti Patres appellarunt, eſſe vere, & proprie novæ Legis Sacramentum, Tridentina Synodus (1) deſignavit: *ſiquis dixerit, in Catholica Eccleſia Pœnitentiam non eſſe vere, & proprie Sacramentum pro Fidelibus, quoties poſt baptiſmum in peccata labuntur, ipſi Deo reconciliandis a Chriſto Domino inſtitutum, anathema ſit.* Chriſtus autem (2) Sacramentum Pœnitentiæ tunc præcipue inſtituit, cum a mortuis excitatus inſufflavit in Diſcipulos ſuos dicens (3): *Accipite Spiritum Sanctum: quorum remiſeritis peccata, remittuntur eis, & quorum retinueritis, retenta ſunt.* Quo

(1) Trid. ſeſſ. 14. can. 1. & Matth. c. 16.

(2) Trid. ſeſſ. 14. c. 1.

(3) Joa. c. 20,

tam insigni facto, & verbis tam perspicuis potestatem remittendi, & retinendi peccata ad reconciliandos Fideles post baptismum lapsos Apostolis, & eorum legitimis Successoribus fuisse communicatam, universorum Patrum consensus semper intellexit.

II. Pœnitentiæ Sacramentum institutum a Christo fuisse in modum iudicii, ex allatis Christi Domini verbis Tridentina Synodus docet. Sic enim inquit, ubi Pœnitentiæ Sacramentum a baptismo differre ostendit (1): *Ceterum hoc Sacramentum multis rationibus a baptismo differre dignoscitur. Nam præter quamquod materia, & forma, quibus Sacramenti essentia perficitur, longissime diffidet; constat certe, Baptismi Ministrum iudicem esse non oportere, cum Ecclesia in neminem iudicium exerceat, qui non prius in ipsam per baptismi januam fuerit ingressus. Quid enim mihi, inquit Apostolus, de iis, qui foris sunt, iudicare? secus est de domesticis Fidei, quos Christus Dominus, lavacro baptismi, sui corporis membra semel effecit. Nam hos, si se postea crimine aliquo contaminaverint, non jam repetito baptismo ablui, cum id in Ecclesia Catholica nulla ratione liceat, sed ante hoc Tribunal, tamquam reos, sisti voluit, ut per Sacerdotum sententiam non semel, sed quoties ab admissis peccatis ad ipsum pœnitentes confugerint, possent liberari.*

III. Est autem hoc Sacramentum Pœnitentiæ lapsis post baptismum ad salutem necessarium, ut nondum regeneratis ipse baptismus (2). Quemadmodum igitur adultus non Baptizatus introire nequit in regnum cælorum, nisi vel re ipsa Baptismum suscipiat, si possit; vel si nequeat, perfectæ saltem charitatis actum eliciat, si sola originis labe sit pollutus; perfectæ vero contritionis, si præter originale maculam, lethalibus quoque se polluerit culpis, cum proposito baptismum re ipsa suscipiendi, cum poterit, (qui quidem charitatis, aut contritionis actus baptismus in voto nuncupatur); Ita Adultus in lethalia peccata post baptismum lapsus, salutem æternam consequi nequit, nisi vel re ipsa Pœnitentiæ Sacramentum recipiat, si possit; vel si id nequeat, actum saltem

(1) Trid. sess. 14. c. 2.

(2) Trid. sess. 14. c. 2.

perfe-

perfectæ contritionis eliciat cum proposito recipiendi, cum poterit, Sacramentum; Quare lapsis post baptismum Pœnitentiæ Sacramentum vel in re, vel in voto necessarium est necessitate, ut ajunt, mediū. Præterea est etiam necessarium necessitate præcepti cum divini, tum Ecclesiastici: divini quidem, uti patet ex illo Jacobi Apostoli (1): *Confitemini alterutrum peccata vestra*: Ecclesiastici vero, uti constat ex celeberrimo illo decreto Innocentii III. (2) in Concilio Lateranensi: *Omnis utriusque sexus Fidelis, postquam ad annos discretionis pervenerit, omnia sua peccata, saltem semel in anno, fideliter confiteatur proprio Sacerdoti, & injunctam sibi pœnitentiam propriis viribus studeat adimplere*. Diserte autem utrumque cum divinum, tum Ecclesiasticum adesse præceptum Tridentina Synodus (3) docuit, ubi ait: *Cum a Sanctissimis, & antiquissimis Patribus magno, unanimitque consensu secreta Confessio Sacramentalis, qua ab initio Ecclesia Sancta usa est, & modo etiam utitur, fuerit semper commendata; manifeste rescillitur inanis eorum calumnia, qui eam a divino mandato alienam, & inventum humanum esse, atque a Patribus in Concilio Lateranensi congregatis initium habuisse docere non verentur. Neque enim per Lateranense Concilium Ecclesia statuit, ut Christifideles confiterentur; quod Jure divino necessarium, & institutum esse intellexerat; sed ut præceptum Confessionis, saltem semel in anno, ab omnibus, & singulis, cum ad annos discretionis pervenissent, impleteretur*.

IV. Inter divinum, & Ecclesiasticum de suscipiendo Pœnitentiæ Sacramento præceptum Angelicus Doctor hoc intercedere discrimen affirmat, quod primum ad illos tantum pertinet, qui lethalem post Baptismum culpam contraxere; alterum vero Fideles omnes adultos complectitur; ut videlicet omnes peccatis se obnoxios intelligant; non (4) enim est homo, qui non peccet; ut majori pietate, ac religione ad Sacram Eucharistiam accedant; ut demum suis quique Ecclesiasticis Rectoribus magis innotescant.

D d d d cant.

(1) Epist. Jacobi c. 5. (2) Cap. *Omnis utriusque sexus*. 12. de pœnit. & remiss.

(3) Trid. sess. 14. c. 5.

(4) 3. Reg. c. 8.

cant. *Ad Confessionem* (inquit Angelicus Doctor (1)) *duplīciter obligamur; uno modo ex jure divino ex hoc, quod est medicina, & secundum hoc non omnes tenentur ad Confessionem, sed illi tantum, qui peccatum mortale incurrunt post baptismum; alio modo ex præcepto Juris positivi, & sic tenentur omnes ex institutione Ecclesie edita in Concilio Generali sub Innocentio III., tum ut quilibet se peccatorem recognoscat, quia omnes peccaverunt, & egent gratia Dei; tum ut cum majori reverentia ad Eucharistiam accedant; tum ut Ecclesiarum Rectoribus sui subditi innotescant, ne lūpus intra gregem lateat.* Verum cum communiter dicatur (uti docet (2) Benedictus XIV.) ad implendum hoc Ecclesiasticum præceptum nequaquam adjunctam esse ab Ecclesia necessitatem etiam peccata venialia confitendi; Nos proinde eundem doctissimum Pontificem imitati hanc controverſiam intactam relinquimus.

V. Divinum præceptum recipiendi pœnitentiæ Sacramentum, *per se* eos potissimum obligat adultos culpæ lethalis reos, qui sunt in mortis articulo, aut in morali moriendi periculo constituti, puta si lethali morbo laborent, aut propter aliquod crimen adjudicati sint neci, aut periculosum pergant ad prælium, aut difficilem navigationem aggrediantur &c. Nisi enim præceptum hoc in mortis urgeat periculo, quando videlicet plurimum æterna periclitatur salus, propter quam Pœnitentiæ Sacramentum Christus instituit, & cui quilibet ex charitatis præcepto in eo rerum articulo consulere tenetur impensius; nullum sane tempus statui prudenter poterit, quo ejusmodi præcepto urgeatur adultus. *Per accidens* vero divinum hoc præceptum eos etiam adultos obligat, qui lethali aliquo crimine sordidi, aliud Sacramentum, ac præsertim Eucharistiam, sunt suscepturi, juxta illud Apostoli (3): *Probet autem seipsum homo, & sic de pane illo eat, & de calice bibat.* At Ecclesiasticum hac super re præceptum

(1) S. Th. in 4. dist. 17. qu. 3. art. 1. *præteritis*. §. 77. edita 3. Decemb. 1749. quest. iunc. 3.

(3) 1. ad Cor. c. 11.

(2) Benedictus XIV. Constitut. *Inter*

ceptum sub gravi culpæ reatu adultos omnes obligat, ut semel in anno confiteantur peccata sua; cui quidem præcepto quamquam satisfiat, quocumque anni die Sacramentum hoc suscipiatur; jamdiu tamen mos ille salutaris invaluit, ut tempore Paschali a Fidelibus recipiatur, cum ad Eucharisticam mensam sunt accessuri. *Si quis dixerit* [sic Tridentina Synodus (1) definivit] *confessionem peccatorum, qualem Ecclesia servat, esse impossibilem, & traditionem humanam a piis abolendam, aut ad eam non teneri omnes, & singulos utriusque sexus Christianifideles juxta magni Concilii Lateranensis constitutionem semel in anno, & ob id suadendum esse Christianifidelibus, ut non confiteantur tempore Quadragesimæ, anathema sit; & alibi sic statuit (2):* Unde jam in universa Ecclesia cum ingenti animarum fidelium fructu observatur mos ille salutaris confitendi sacro illo, & maxime acceptabili tempore Quadragesimæ; quem morem hæc sancta Synodus maxime probat, & amplectitur, tamquam pium, & merito retinendum.

VI. Ecclesiastico huic annuæ Confessionis præcepto satis non fit per confessionem voluntarie nullam, ac sacrilegam, uti patet ex proscriptione hujus propositionis (3): *Qui facit Confessionem voluntarie nullam, satisfacit præcepto Ecclesiæ.* Qui vero, legitimo cessante impedimento, totum annum labi sinit, quin saltem semel in eo confiteatur; præter gravis culpæ reatum, vivens interdicendus (4) est ingressu Ecclesiæ, & moriens Ecclesiastica privandus sepultura. Cum autem pœna hæc non latæ, sed ferendæ sit sententiæ, inde fit, ut si hujus culpæ reus ante criminis declarationem moriatur, non sit Ecclesiastica sepultura privandus, nisi notoria esset annuæ Confessionis omissio, vel nisi Synodale in contrarium statutum adesset, ut in simili diximus in superiori capite, ubi de Eucharistiæ disseruimus Sacramento.

D d d d 2

VII. Huic

(1) Trid. sess. 14. c. 8.

(2) Trid. sess. 14. c. 5.

(3) Alexand. VII. prop. 14. die 24. Sep. 1665.

(4) Cap. *Omnis utriusque sexus*. de poenit., & remiss.

180 CONSTITUTIONES SYNODALES

VII. Huic annuæ Confessionis præcepto fit satis, siue quis proprio Parocho, siue aliis Confessariis cum sæcularibus, tum Regularibus legitime approbatis confiteatur. Quamquam enim ex Concilii Lateranensis decreto (1) olim quilibet *proprio Sacerdote*, videlicet proprio Parocho, saltem semel in anno, omnia peccata sua fideliter confiteretur; certum tamen nunc omnino est, præcepto huic satisfacere ab iis, qui Regularibus legitime approbatis contententur, uti patet ex Constitutionibus Joannis XXII. (2), Benedicti XI., Leonis X., Pauli III., Clementis VIII., aliisque pluribus hujusmodi. Quamobrem merito hanc propositionem proscripsit Alexander VIII. (3): *Confessiones apud Religiosos factæ pleræque vel sacrilegæ sunt, vel invalidæ*. Annuæ tamen hujusmodi Confessionis præcepto non satisfaceret is, qui peccata sua confiteretur Sacerdoti Regulari, qui se quidem Episcopo præsentavit, sed ab eo, licet injuste, reprobatus fuit, uti patet ex propositione 13. inter eas, quas Alexander VII. (4) proscripsit: *Satisfacit præcepto annuæ Confessionis, qui confitetur Regulari Episcopo præsentato, sed ab eo injuste reprobato*. Quæ quidem omnia vera etiam sunt quoad Sacerdotes sæculares, qui ab Ordinario suo ad audiendas fidelium Confessiones in sua Diocæsi legitime sint approbati.

(1) Cit. cap. *Omnis utriusque sexus*.
 (2) Extrav. Joannis XXII. incip. *Vas electionis*. de hæreticis, Extrav. Benedicti XI. incip. *Inter cunctas*. de privilegiis, Constit. 12. Leonis X. incip. *Dum intra mentis arcana*, §. 6., Constitut. 48. Pauli III. incip. *Sicut dubium*, Constit.

Clementis VIII. incip. *Significatum fuit nobis*.

(3) Alexander VIII. propof. 20. die 21. Augusti 1690.

(4) Alexander VII. propof. 13. die 24. Septembris 1665.

ARTICULUS II.

De materia remota Sacramenti Pœnitentiæ.

Quasi materia (1) hujus Sacramenti sunt ipsius Pœnitentis actus, nempe Contritio, Confessio, & Satisfactio; qui quatenus in penitente ad integritatem Sacramenti, ad plenamque, & perfectam peccatorum remissionem ex Dei institutione requiruntur, hac ratione Pœnitentiæ partes dicuntur. Quæ tamen in re non satis mirari possumus divinæ Providentiæ consilium, quæ cuncta miro ordine, sapienterque disponit. Cum enim e tribus potissimum fontibus profluere peccata hominum soleant (peccare enim solemus cogitatione, verbo, & opere, ut Sancta profitetur Ecclesia) sapientissimo Christi consilio factum est, ut singulis peccatorum fontibus singulæ Pœnitentiæ partes, prima videlicet cogitationi, altera sermoni, tertia demum operi respondeant. Nam Contritio animi dolore conterit; Confessione flagitia nostræ verbis recensemus; Satisfactione demum, quod divinæ Justitiæ debemus, re, atque opere perfolvimus. Hos autem Pœnitentis actus, quos Tridentina Synodus *quasi materiam* nuncupavit, *materiam proximam* Sacramenti Pœnitentiæ appellare solent Theologi, ut eam a materia remota distinguant, quæ sunt peccata post Baptismum admissa. Hi enim, quemadmodum in Sacramentis reliquis, ita in Pœnitentiæ Sacramento materiam cum proximam, tum remotam considerant. Nos hic de materia remota hujus Sacramenti loquemur, de Pœnitentis actibus inferius acturi.

II. Peccata post Baptismum admissa, eatenus remota Sacramenti Pœnitentiæ materia nuncupantur, quatenus nonnisi per actus Pœnitentis Sacris Ecclesiæ clavibus proxime admoventur, ut per Sacramentalem absolutionem remitti possint. Peccatum vero originale, & peccata ante Baptismum perpetrata, non sunt apta Sacramenti Pœnitentiæ materia, cum eadem tum quoad culpam,

(1) Trid. sess. 14. c. 3.

582 CONSTITUTIONES SYNODALES

culpam, tum quoad poenam per Baptismum rite, valideque susceptum omnino deleantur. Unde manifestum inter Baptismum, & Pœnitentiam Tridentina Synodus eruit discrimen (1), cum ait: *Alius est præterea Baptismi, alius Pœnitentiæ fructus. Per Baptismum enim Christum induentes, nova prorsus in illo efficiuntur creatura plenam, & integram peccatorum omnium remissionem consequentes; ad quam tamen novitatem, & integritatem per Sacramentum Pœnitentiæ sine magnis nostris fletibus, & laboribus, divina id exigente iustitia, pervenire nequaquam possumus, ut merito Pœnitentiæ laboriosus quidam Baptismus a Sanctis Patribus dictus fuerit.*

III. Remota autem hæc Sacramenti Pœnitentiæ materia alia est necessaria, & sufficiens, alia sufficiens, sed non necessaria. Ad primam revocantur omnia, & singula peccata lethalia, quæ quis post Baptismum admisit, & a quibus in Sacro Pœnitentiæ Tribunali absolutus numquam est. Ad secundam pertinent peccata cum levia, quæ venialia dicimus, tum gravia, a quibus rite quis jam alias validam sacramentalem absolutionem obtinuit. De venialibus peccatis constat ex Tridentina Synodo (2) quæ sic habet: *Venialia, quibus a gratia Dei non excludimur, & in quæ frequentius labimur, quamquam recte, & utiliter, citraque omnem presumptionem in Confessione dicantur, quod piorum hominum usus demonstrat, taceri tamen citra culpam, multisque aliis remediis expiari possunt.* De lethalibus vero, quæ rite quis jam alias confessus est, præter communem piorum, ac doctorum hominum praxim, qui frequenter & generalem totius antea vitæ Confessionem peragunt, & certa quædam peccata jam alias per Sacramentalem absolutionem remissa iterum continentur, ex hoc Juris Canonici textu edocemur (3): *Ceterum licet, sicut prædicitur, de necessitate non sit iterum eadem confiteri peccata, tamen, propter erubescen-
tiam, quæ magna est Pœnitentiæ pars, ut eorundem peccatorum iteretur Confessio, reputamus salubre.* Tertia potest addi remota Pœ-
nitentia-

(1) Trid. sess. 14. c. 2.

(2) Trid. sess. 14. c. 5.

(3) Extravag. Inter cunctas. §. Ceterum. inter communes, de privil.

nitentiz materia, quæ videlicet necessaria est, sed non sufficiens: ad hanc autem spectant peccata lethalia saltem negative dubia, quæ sane aperienda necessario sunt in Confessione, quamquam eadem, nisi peccatum aliquod certum addatur, sive veniale, sive lethale etiam jam alias remissum, ad obtinendam absolutionem Sacramentalem absolutam non sufficiunt, ne videlicet nullitatis periculo Pœnitentiz Sacramentum exponatur.

IV. Ad rationem autem actualis peccati, sive lethale illud sit, sive veniale, tria omnino requiruntur. Primum est, ut voluntarium sit, videlicet ut a voluntate consentiente fiat, juxta illud S. Augustini: *Usque adeo peccatum voluntarium est malum, ut nullo modo sit peccatum, si non sit voluntarium.* Secundum est, ut sit liberum, videlicet ut illud facere, vel non facere in potestate sit voluntatis, neque enim sufficit libertas a coactione, sed libertas etiam a necessitate requiritur, uti patet ex damnatione tertie hujus Jansenii propositionis (1): *Ad merendum, & demerendum in statu nature lapsæ non requiritur in homine libertas a necessitate, sed sufficit libertas a coactione.* Tertium est, ut peccati malitia a perpetrante advertatur.

ARTICULUS III.

De Contritione.

Contritio, quæ primum locum inter dictos pœnitentis actus habet, animi dolor, ac detestatio est de peccato commisso cum proposito non peccandi de cetero. Fuit autem quovis tempore ad impetrandam veniam peccatorum hic Contritionis motus necessarius, & in homine post baptismum lapsæ ita demum præparat ad remissionem peccatorum, si cum fiducia divine misericordiæ, & voto præstandi reliqua conjunctus sit, quæ ad rite suscipiendum hoc Sacramentum requiruntur. Declarat igitur sancta Synodus, hanc contritionem non solum cessationem a peccato, & vite novæ propositum, & inchoationem, sed

veteris

(1) Innocentius X. in damnat. propos. tertie Jansenii pridie Cal. Junii 1653.

veteris etiam odium continere, juxta illud: *proicite a vobis iniquitates vestras, in quibus pravaricati estis, & facite vobis cor novum, & spiritum novum. Et certe qui illos clamores sanctorum consideraverit: Tibi feli peccavi, & malum coram te feci: Laboravi in gemitu meo, lavabo per singulas noctes lectum meum: Recogitabo tibi omnes annos meos in amaritudine animæ meæ: & alios hujus generis, facile intelliget, eos ex vehementi quodam antea vitæ odio, & ingenti peccatorum detestatione mansisse. His verbis Tridentina (1) Synodus Contritionis ad obtinendam peccatorum veniam homini post Baptismum lapsò omnino necessaria naturam diserte explicavit, quam proinde in eo sitam esse intelligimus, ut qui ejusmodi Contritionem elicit, peccata qualibet post Baptismum admissa sincere, & ex animo detestetur, ac oderit, paratus inala omnia, ipsamque mortem potius perpeti, quam novum aliquod crimen deinceps perpetrare.*

II. Cum autem duplex sit hujusmodi contritionis species, quarum aliam Contritionem perfectam, aliam vero imperfectam vocant; utramque eadem Tridentina Synodus explicat, diversamque utriusque efficaciam his verbis describit (2): *Docet præterea, etsi contritionem hanc aliquando charitate perfectam esse contingat, hominemque Deo reconciliare, priusquam hoc Sacramentum actu suscipiatur; ipsam nihilominus reconciliationem ipsi contritioni sine Sacramenti voto, quod in illa includitur, non esse adscribendam. Illam vero contritionem imperfectam, quæ attritio dicitur, quoniam vel ex turpitudinis peccati consideratione, vel ex gehennæ, & pœnarum metu communiter concipitur, si voluntatem peccandi excludat cum spe veniæ, declarat, non solum non facere hominem hypocritam, & magis peccatorem, verum etiam Donum Dei esse, & Spiritus Sancti impulsus, non adhuc quidem inhabitantis, sed tantum moventis, quo penitens adiutus viam sibi ad justitiam parat. Et quamvis sine Sacramento Penitentiae per se ad justificationem perducere peccatorem nequeat; tamen eum ad Dei gratiam in Sacramento Penitentiae impetrandam disponit. Hoc enim timore utiliter concussi*

(1) Trid. sess. 14. c. 4.

(2) Trid. loc. cit.

cnssi Ninivita ad Jonæ prædicationem plenam terroribus, penitentiam egerunt, & misericordiam a Domino impetrarunt. Quamobrem falso quidam calumniantur Catholicos Scriptores, quasi traderint Sacramentum Pœnitentiæ absque bono motu suscipientium gratiam conferre; quod nunquam Ecclesia Dei docuit, nec sensit, sed & falso docent, contritionem esse extortam, & coactam, non liberam, ac voluntariam.

III. Ex his Tridentinæ Synodi verbis patet, Contritionem perfectam ab imperfecta differre tum quoad objectum formale, seu motivum, ut ajunt, tum quoad effectum productum: Quoad objectum quidem formale, quia Contritio perfecta est animi dolor, ac peccati detestatio propter Deum summe, & super omnia dilectum, & idcirco dicitur *charitate perfecta*, charitatem enim erga Deum includit: Attritio vero est animi dolor, ac peccati detestatio propter peccati ipsius turpitudinem, vel propter gehennæ, ac poenarum æternarum metum, adeoque amorem includit erga seipsum. Quoad effectum vero productum, quia Contritio perfecta cum Sacramenti Pœnitentiæ voto, quod in illa includitur, hominem Deo reconciliat, priusquam hoc Sacramentum actu suscipiatur: Attritio vero sine Sacramento Pœnitentiæ per se ad justificationem perducere peccatorem nequit, cum tamen ad Dei gratiam in Sacramento Pœnitentiæ impetrandam disponit. Caterum utraque Contritio, prout a Tridentino commendatur, est actus honestus, ac supernaturalis, cum utraque Dei donum sit, & Spiritus Sancti impulsus; utraque spem veniæ includit, & peccandi voluntatem excludit; utraque demum est animi dolor, ac peccati detestatio cum proposito non peccandi de cætero. Neque enim hic loquimur de Attritione naturali, licet honesta, quæ aut unice ab objecto naturali movetur, aut non elicitur viribus gratiæ; cum certum sit, hanc non sufficere ad justificationis gratiam tam extra, quam intra Pœnitentiæ Sacramentum consequendam, uti patet ex damnatione 57. propositionis inter proscriptas ab Innocentio XI. (1), quæ

E e e

fic

(1) Innocentius XI. ann. 1679. in damnat. proposuit. 57.

sic habet: *Probabile est sufficere Attritionem naturalem, modo bonestam*. Ubi tamen confundendum non est Pœnitentiæ motivum cum occasione, qua quis ad Pœnitentiam excitatur: multi enim morbo, aliove temporali malo vexati, dum perpetrata crimina mente revolvunt, Dei gratia auxiliante, illa ex superno motivo serio detestantur, quemadmodum accidit Ninivitis, qui metu mortis, ac subversionis Urbis, quam Jonas prænuñciabat, commoti, per sinceram, ac supernaturalem Contritionem conversi ad Deum sunt. Neque item hîc de Attritione loquimur, qua quis ex speciali erga virtutem aliquam affectione peccata eidem virtuti opposita detestatur, quin tamen propositum habeat cætera præcavendi, quæ aliis virtutibus adversantur; aut quæ sit inefficax de peccato displicentia sine absoluto proposito non peccandi de cætero: certissimum enim est ex allatis Tridentini Concilii verbis, neutram sufficere ad justificationem etiam intra Sacramentum Pœnitentiæ assequendam.

IV. De Attritione a Tridentino Concilio descripta, quæ peccatorem ad Dei gratiam in Sacramento Pœnitentiæ impetrandam disponit, acerrima inter Doctores exarsit controversia, quæ adhuc viget, an videlicet eadem cum aliquali Dei dilectione debeat esse conjuncta, ut ad Sacramentum Pœnitentiæ, gratiamque per ipsum percipiendam sufficiat? Cum hanc quæstionem tamdiu, tantoque partium studio agitatam Ecclesia hætenus non definierit, neque Nos quidquam de ea statuimus, ac decernimus. Duo dumtaxat Parochos, & Confessarios serio monemus, utque ab iis omni cura, diligentiaque serventur, districtè præcipimus, ac mandamus. Primum est, ut, si forte iidem de hac quæstione sermonem instituunt, caveant omnino, ne alterutri sententiæ Theologicæ aliquam censuram, alteriusve injuriæ, aut contumeliæ notam inurant. Alexander enim VII., die 5. Maii 1667. sub pœna excommunicationis latæ sententiæ Sedi Apostolicæ reservatæ præcepit *cunctis, & singulis Fidelibus, ut, si deinceps de materia Attritionis scribent, vel libros, aut*

aut

aut scripturas edent, vel docebunt, vel prædicabunt, vel alio quovis modo penitentes, aut scholares, ceterosque erudient, non audeant aliquis Theologica censura, alteriusque injuria, aut contumelie nota taxare alteram sententiam, sive negantem necessitatem aliqualis dilectionis Dei in præfata Attritione ex metu gehennæ concepta, quæ hodie inter Scholasticos communior videtur, sive asserentem diſtæ dilectionis necessitatem, donec ab hac Sancta Sede fuerit aliquid hac in re definitum. Alterum est, ut quando Fidelibus Pœnitentiæ Sacramentum adminiſtrant, eosdem ad utrumque tum Contritionis, tum Attritionis actum eliciendum hortentur, eosque opportunis præeuntes verbis in utroque eliciendo juvent.

V. Caterum hortari Parochus Fideles numquam desinat, ut eos Contritionem charitate perfectam frequenter iterare non pigeat. Cum autem donum Dei eadem sit, crebris proinde, enixisque precibus postulandum a Deo esse edoceat, ut miserator, & misericors Dominus, qui diffundat (1) peccata hominum propter penitentiam, emolliat eorum corda, & det capiti eorum (2) aquam, & oculis eorum fontem lacrymarum, ut plorent die, ac nocte. Ut autem facilius, suaviusque ad perfectum hunc animi dolorem excitentur; meminisse eos jubeat, quanta semper fuerit Dei erga homines charitas, beneficentia, patientia, longanimitas! Ipse fecit nos, non ipsi nos: gratia Dei sumus id, quod sumus: in eo enim vivimus, movemur, & sumus. Per Adæ peccatum recesseramus ab eo, ac nati eramus filii iræ: At ipse quæſivit nos, utque nos a duro servitutis jugo, sub quo detinebamur, eximeret, descendit de cœlis, & formam servi accipiens humiliavit semetipsum, & homo factus est. Assimilatus autem nobis per omnia absque peccato, se nascens dedit socium, convalescens in edulium, se moriens in pretium, se regnans daturum pollicetur in præmium. Quis tanto umquam aut Filium Parens, aut Sponsam Sponsus amore, aut verius amoris excessu profecutus est? O deplorandam tamen, & numquam satis detestandam hominum

E e e e 2

inſa-

(1) Sap. c. 11.

(2) Jerem. c. 9.

infantiam, ac feritatem! Filios cœlestis Pater enutrivit, & exaltavit; ipsi autem spreverunt illum, & roborati quodammodo adversus Omnipotentem, rursus Filium Dei crucifixerunt in semetipsis. Corrupta est filia Sion, Sponsa commaculavit thorum suum, fornicata est cum amatoribus multis. At quid ad hæc Pater misericordiarum? Poterat ille quidem filios ingrattissimos æternis, uti merebantur, pœnis addicere, violatamque thalami fidem severissima adversus sponsam animadversione expiare. At nihil minus. Miserator enim, & misericors Pater, ac longanimis, & patiens Sponsus expectans expectat, ut revertantur ad Dominum, & ab eo misericordiam consequantur. Imo etiam illos ad redeundum ipse prior invitat, exclamans modo per Jeremiam (1): *Fornicata es cum amatoribus multis: tamen revertere ad me, dicit Dominus, & ego suscipiam te*; modo per Ezechielem (2): *convertimini, convertimini a viis vestris pessimis: & quare moriemini, Domus Israel?* Jam vero quemnam Fidelium tam duro, atque efferato corde futurum esse arbitrabimur, qui, si hæc parumper secum ipse reputet, non statim tactus dolore cordis intrinsecus cum S. Bernardo (3) exclamet: *Quanam fronte attollo jam oculos ad vultum Patris tam boni tam malus filius? Pudet indigna gessisse genere meo: pudet a tanto Patre vixisse degenerem. Exitus aquarum deducite, oculi mei: operiat confusio faciem meam: deficiat in dolore vita mea, & anni mei in gemitibus.*

ARTICULUS IV.

De Confessione.

EX institutione Sacramenti Penitentiae jam explicata, universa Ecclesia semper intellexit, institutam etiam esse a Domino integram peccatorum confessionem, & omnibus post baptismum lapsis jure divino necessariam existere, quia Dominus Noster Jesus Christus e terris ascensurus ad cœlos, Sacerdotes sui ipsius Vicarios reliquit, tamquam

(1) Jerem. c. 3.

(2) Ezechiel. c. 33.

(3) S. Bernardus serm. 16. in Cant.

quam præfides, & Judices, ad quos omnia mortalia crimina deferantur, in quæ Christifideles ceciderint, quod, pro potestate clavium, remissionis, aut retentionis peccatorum sententiam pronuncient. Constat enim, Sacerdotes judicium hoc, incognita causa, exercere non potuisse, neque equitatem quidem illos in pœnis injungendis servare potuisse, si in genere duntaxat, & non potius in specie, ac singillatim sua ipsi peccata declarassent. Ex his colligitur, oportere a pœnitentibus omnia peccata mortalia, quorum post diligentem sui discussionem conscientiam habent, in Confessione recenseri, etiamsi occultissima illa sint, & tantum adversus duo ultima Decalogi præcepta commissa, quæ nonnumquam animum gravius sauciant, & periculosiora sunt iis, quæ in manifesto admittuntur Cum universa mortalia peccata, etiam cogitationis, homines iræ filios, & Dei inimicos reddant, necessarium est omnium etiam veniam cum aperta, & verecunda confessione a Deo querere. Itaque dum omnia, quæ memoriæ occurrunt, peccata Christifideles confiteri student, procul dubio omnia divine misericordiæ ignoscenda exponunt: qui vero secus faciunt, & scienter aliqua retinent, nihil divine Bonitati per Sacerdotem remittendum proponunt. Si enim erubescat ægrotus vulnus Medico detegere; quod ignorat, medicina non curat. Colligitur præterea, etiam eas circumstantias in Confessione explicandas esse, quæ speciem peccati mutant, quod sine illis peccata ipsa neque a pœnitentibus integre exponantur, nec Judicibus innotescant, & fieri nequeat, ut de gravitate criminum recte censere possint, & pœnam, quam oportet, pro illis Pœnitentibus imponere. Unde alienum a ratione est docere circumstantias has ab hominibus otiosus excogitatas esse &c. Constat, nihil aliud in Ecclesiâ a pœnitentibus exigi, quam ut, postquam quisque diligentius se excusserit, & conscientiæ suæ sinus omnes, & latebras exploraverit, ea peccata confiteatur, quibus se Dominum, & Deum suum mortaliter offendisse meminerit: reliqua autem peccata, quæ diligenter cogitanti non occurrunt, in universum in eadem Confessione inclusa esse intelliguntur, pro quibus fideliter cum Propheta dicimus: ab occultis meis munda me, Domine. Hactenus Tridentina Synodus sess. 14. cap. 5., quæ mox inter ejusdem sessionis Cano-

nes hanc septimo loco statuit : *Si quis dixerit , in Sacramento Pœnitentia ad remissionem peccatorum necessarium non esse jure divino confiteri omnia , & singula peccata mortalia , quorum memoria cum debita , & diligenti præmeditatione habeatur , etiam occulta , & quæ sunt contra duo ultima Decalogi præcepta , & circumstantias , quæ peccati speciem mutant &c. , anathema sit .*

II. Jamvero his Tridentini Concilii decretis edocemur 1. externam peccatorum confessionem ex divina Institutione , ac Jure divino esse omnino necessariam , ut eorundem venia in Sacramento Pœnitentiæ ab homine post baptismum lapsò obtineatur . Hæc autem externa confessio , nisi quis iusta , legitimaque de causa impediatur , non nutibus , aut signis , sed ore , & voce fieri debet , ut ex traditione , consuetudine , perpetuoque Ecclesiæ usu didicimus , & uti aperte tum a Concilio Florentino (1) , tum a Jure Canonico docemur . *Nisi articulus necessitatis occurrat , Sacerdoti facienda est oris confessio , prout scriptum est : corde ad justitiam creditur , ore autem fit confessio ad salutem : Sic Benedictus XI. in sua (2) Extravaganti nos docet . Præcepit Dominus mundandis , ut ostenderent ora Sacerdotibus , docens corporali præsentia confitenda peccata , & non per nuntium , non per scriptum manifestanda , quia si per vos peccastis , per vos erubescatis : erubescencia enim ipsa partem habet remissionis : Sic in can. *Quem pœnitet .* dist. 1. de Pœnitentia . 2. hanc peccatorum confessionem esse debere integram , itaut nullum prorsus mortale peccatum , etiamsi occultissimum , & contra duo ultima Decalogi præcepta admissum , quod per Sacramentalem validam absolutionem remissum non fuerit , reticeatur : secus enim nullum , & invalidum erit , quod suscipitur , Pœnitentiæ Sacramentum : Præterea ad hanc Confessionis integritatem omnino requiri , ut non modo peccatorum mortalium numerus , verum etiam circumstantiæ omnes , quæ speciem peccati mutant , Confessario aperiantur : tandem ut hæc peccatorum confessio fieri possit*

(1) Concil. Florent. in decreto Eugenii IV. ad Armenos.
Inter cunctas . de privil.

(2) Extravag.

possit integre, ab homine post baptismum lapsō præmittendam esse diligentem sui ipsius discussionem, suæque conscientiæ sinus omnes, latebrasque esse explorandas, ut ea postmodum peccata confiteatur, quibus se Dominum, & Deum suum mortaliter offendisse meminerit: reliqua enim, quæ diligenter cogitanti non occurrunt, in eadem confessione in universum inclusa intelliguntur, & per eandem Sacramentalem absolutionem una cum iis, quæ pœnitens confitetur, remittuntur. In hanc autem conscientiæ discussionem non minus diligentæ, studiique conferre nos oportet, quam gravibus in rebus ponere soleamus.

III. Antequam ulterius progrediamur, pauca dicenda sunt de confessionis integritate, ac de circumstantiis mutantibus speciem, ne quid in re tanti momenti, quod ad faciliorem hujus Sacramenti administrationem conducatur, ignoretur. Confessionis itaque integritas alia est materialis, formalis altera. Materialis in eo sita est, ut pœnitens omnia omnino peccata mortalia tum quoad numerum, tum quoad speciem confiteatur, itaut vere nullum aperiendum supersit. Formalis vero in eo constituta est, ut pœnitens omnia illa peccata mortalia in Confessione recenseat, quæ hic, & nunc, attentis circumstantiis, recensere & potest, & debet, ita tamen, ut si quod peccatum grave vel ex necessitate, vel ex impedimento non exprimat, voluntatem tamen habeat, firmiterque propositum, cum necessitas, aut impedimentum desierit, fideliter illud Confessario exponendi. Jam vero ut valida sit Confessio, formali saltem integritate esse debet integra: quare qui scienter grave aliquod peccatum reticet, quod exprimere potest, ac debet, nihil divinæ Bonitati per Sacerdotem remittendum proponit, & invalide recipit Sacramentum. Semper quoque, per se, ac regulariter loquendo, integra esse debet integritate materiali. At per accidens etiam sine ea esse potest valida, dummodo sit formaliter integra. Causæ autem ab integritate materiali excusantes, tres communiter a Doctoribus recensentur, inculpabilis nimirum ignorantia, aut oblivio; im-

potentia

192 CONSTITUTIONES SYNODALES

tentia physica; & impotentia moralis, quæ tunc adesse censetur, cum ex alicujus lethalis peccati confessione grave damnum sive corporale, sive spirituale, sive proprium, sive alienum est secuturum. Verum ne in re tanti momenti Parochi, aut Confessarii errent, graves, probatosque consulant Auctores, qui hæc omnia singillatim explicant, propositisque opportunis exemplis declarant.

IV. Tria tamen certissima sunt, quæ ignorari a nemine volumus. 1. a materiali Confessionis integritate magnus Pœnitentium concursus non excusat, uti patet ex damnatione propositionis 59. inter propositiones ab Innocentio XI. proscriptas, (1) quæ sic habet: *Licet Sacramentaliter absolvere dimidiate tantum confessos ratione magni concursus Pœnitentium, qualis ex. gr. potest contingere in die magna alicujus Festivitatis, aut Indulgentiæ.* 2. qui vel ex necessitate, vel ex impedimento peccatum aliquod mortale confessus non est, ab iis quidem peccatis, quæ clavibus Ecclesiæ subjecit, directe; ab eo vero, quod non expressit, indirecte per Confessarium absolvitur, dummodo omnium universum peccatorum, & ex motivo universali dolorem, ac detestationem conceperit cum proposito non peccandi de cætero. At ubi necessitas, aut impedimentum cessavit, peccatum, quod reticuit, exprimere in proxima Confessione debet, & Ecclesiæ clavibus directe subicere, uti patet ex damnatione propositionis II. inter propositiones ab Alexandro VII. proscriptas, quæ sic habet: *Peccata in Confessione omissa, seu oblita ob instans periculum vitæ, aut ob aliam causam non tenemur in sequenti Confessione exprimere.* 3. neque verecundia, neque propria apud Confessarium infamia, a materiali Confessionis integritate pœnitentem excusat. Non verecundia, quia, ut optime ait Tridentina Synodus (2), *ipsa hujusmodi Confessionis difficultas, ac peccata detegendi verecundia, gravius quidem videri posset, nisi tot, tantisque commodis, & consolationibus levaretur, quæ omnibus digne ad hoc Sacramentum accedentibus*
per

(1) Innocentius XI. in damnat. propos. 59. 2. Martii 1679.

(2) Trid. sess. 14. c. 5.

per absolutionem certissime conferuntur. Non infamia propria, quia, quidquid infamiae in poenitentem ex admissi criminis notitia apud Confessarium redundare posset; per sinceram ejusdem Confessionem, ac poenitentiam ita deletur, ut in eundem potius ex ejus poenitentia veram laudem, & gloriam derivari prudens Confessarius arbitretur.

V. Dicendum nunc aliquid est de diversis peccatorum speciebus, & de circumstantiis mutantibus speciem, quæ aperiendæ omnino sunt, ut valide Poenitentiae Sacramentum suscipiatur. Specie itaque inter se peccata differunt, cum diversis specie virtutibus opponuntur. Sic furtum, & mollities inter se specie differunt, quia furtum virtuti justitiae, mollities vero virtuti castitatis opponitur: castitas autem, & justitia sunt diversae specie virtutes. Cum tamen aliquando eadem virtus honestates, ac rectitudines specie diversas habeat; inde fit, ut si peccata eidem quidem virtuti, sed ejusdem honestatibus specie diversis opponantur, inter se quoque etiam in genere moris specie distincta censenda sint, & in Sacramento Poenitentiae fideliter exponenda. Hanc ob causam Mollities, Sodomia, & Bestialitas, licet eidem opponantur virtuti castitatis, specie tamen inter se differunt, uti patet ex damnatione propositionis 14. inter proscriptas ab Alexandro VII. (1): *Mollities, Sodomia, & Bestialitas sunt peccata ejusdem speciei infimæ, ideoque sufficit dicere in Confessione, se procurasse pollutionem*. Tandem usuvenire non raro solet, ut idem peccatum, quod uni opponitur virtuti, propter circumstantias, in quibus admittitur, aliis etiam virtutibus opponatur, adeoque multiplicem, eamque specie diversam complectatur malitiam. Sic adulterium a viro in Sacris Ordinibus constituto perpetratum, ex natura sua virtuti castitatis; ratione adulterii virtuti Justitiae; ratione tandem voti castitatis virtuti Religionis opponitur: triplicem igitur in se continet malitiam specie diversam, & triplicem hanc malitiam exponere Confessario poenitens debet, dicens:

FFF

699

(1) Alexander VII. in damnat. proposit. 14. 24. Sept. 1665.

ego in Sacris Ordinibus constitutus adulterium ex. gr. semel perpetravi.

VI. Hæc autem Confessio, quæ, uti diximus, utraque integritate cum formali, tum materiali esse debet integra, esse quoque debet secreta, ac sine Teste coram solo Sacerdote facienda est. *Quoad modum confitendi secreto apud solum Sacerdotem, inquit Tridentina Synodus, (1) etsi Christus non vetuerit, quin aliquis in vindictam suorum scelerum, & sui humiliationem, cum ob aliorum exemplum, tum ob Ecclesiæ offensione adificationem, delicta sua publice confiteri possit; non est tamen hoc divino præcepto mandatum, nec satis consulte humana aliqua lege præciperetur, ut delicta, præsertim secreta, publica essent confessione aperienda. Unde cum a sanctissimis, & antiquissimis Patribus magno, unanimique consensu secreta Confessio Sacramentalis, qua ab initio Ecclesiæ Sanctæ usa est, & modo etiam utitur, fuerit semper commendata; manifeste refellitur inanis eorum calumnia, qui eam a divino mandato alienam, & inventum humanum esse, atque a Patribus in Concilio Lateranensi congregatis initium habuisse, docere non verentur. Et alibi eadem Synodus (2) sic defini- vit: Si quis negaverit Confessionem Sacramentalem vel institutam, vel ad salutem necessariam esse jure divino, aut dixerit, modum secreta confitendi soli Sacerdoti, quem Ecclesiæ Catholica ab initio semper observa- vit, & observat, alienum esse ab institutione, & mandato Christi, & inventum esse humanum, anathema sit.*

VII. Siqua forte Confessio invalida fuit, ac nulla, iteranda eadem est, omniaque peccata, quæ exposita in ea fuere, Confessario iterum sunt aperienda una cum perpetrato sacrilegio (si non modo invalida, sed sacrilega etiam fuit) necnon cum aliis omnibus criminibus post eam admissis. Invalida autem esse potest Confessio dupliciter, ex parte videlicet Confessarii, & ex parte Pœnitentis. De Confessario dicemus inferius. Ex parte vero Pœnitentis invalida est. 1. Si eidem requisitus defuit dolor. 2. Si verum non adfuerit propositum non peccandi de cætero. 3. si grave aliquod peccatum pœnitens occultaverit, aut in re gravi, & ne- cessaria

(1) Trid. sess. 14. c. 5.

(2) Trid. sess. 14. can. 6.

cessaria mentitus sit, verum negando, aut falsum dicendo: puta si de alicujus peccati consuetudine interrogatus, illam negavit, cum tamen eadem vere adesset: illam enim aperire Confessario interroganti vere debebat, uti patet ex damnatione propositionis 3. inter propositiones ab Innocentio XI. proscriptas, quæ sic habet (1): *Non tenemur Confessario interroganti fateri peccati alicujus consuetudinem*. 4. si Pœnitens in ipsa Confessione gravem admisit culpam; puta si ob malum finem confessus est, ut videlicet proximi sui famæ graviter detraheret, ac vere detraxerit. 5. si negligens adeo graviter fuit in conscientia suâ latebris explorandis, revocandisque in memoriam, quæ forte perpetravit, criminibus, ut ea oblivisci de industria, nec vere in mentem revocare voluisse videri possit.

VIII. Antequam hunc de Confessione articulum absolvamus, monendi a Nobis sunt etiam, atque etiam Parochi, & Concionatores, ut postquam ex una parte Fidelibus Pœnitentiæ necessitatem indixerint, & ineluctabilem animæ jacturam ostenderint, nisi pœnitentiæ ope crimina deleantur, juxta illud Christi Domini (2): *Nisi pœnitentiam egeritis, omnes similiter peribitis*; Ex alia vero divinæ Misericordiæ divitias extulerint, quæ in eos effunduntur, qui, pravis anteaetæ vitæ moribus omnino reiectis, cor novum, novumque spiritum sibi comparant; Fideles eosdem ad validam, utilemque peccatorum confessionem perficiendam erudiant; animum, stimulosque iis addant, ut quæcumque admiserunt crimina, fideliter, ac sincere confiteantur; omnimodam necessitatem iterandi confessiones, quas irritas fuisse noverint, explicent; omnem tandem curam adhibeant, ut ii quoque, qui nulla necessitate obstrictos se putant, ad præterita crimina in Pœnitentiæ Sacramento iterum manifestanda, atque ad generalem peccatorum confessionem instituendam facile inducantur: *Licet enim non sit de necessitate*, ut optime nos docet Be-

Ffff 2 nedi-

(1) Innocentius XI. in damnat. proposuit. 38. 2. Martii 1679. (2) Lucæ 9.13.

neditus XL (1) iterum confiteri eadem peccata; tamen propter erubescitiam, quæ est magna penitentia pars, ut eorundem peccatorum iteretur confessio, reputamus salubre. Similia docet S. Carolus Borromæus in suis ad Confessarios monitis, ubi inquit: *Confessarii pro cuiusque personæ qualitate, opportuno tempore, & loco, ad generalem quamdam confessionem penitentes exhortentur, ut per hanc proposita omni præterita vita sibi ob oculos, majori cum alacritate redeant ad Dominum, ac omnes errores, qui potuissent in præcedentibus confessionibus accidere, resarciant.* Simile consilium insinuare solebat S. Franciscus Salesius, uti ex ejus libris, ac epistolis patet. In epistola ad Viduam Matronam data (2) sic habet: *Accepi litteras a Patre tuo, quibus a me postulat, ut aliquid, quod animæ salutis profuturum sit, illi aperiam. Lubens, & facilius fortasse, quam par est, votis annuo. Quæ illi trado, monita, ad duo revocantur capita. Alterum est sedula, ac universalis antea vitæ discussio, quam generalis Confessio, & par penitentia sequatur: hoc enim illud est, quod nemo vir ingenuus ante obitum negligit. Alterum in eo versatur, ut paulatim a mundi illecebris animum studeat avellere.* Tandem conscientiarum moderatores (3) uno ore conveniunt, multam ex generalium Confessionum usu percipi utilitatem. Ita namque universa vitæ ratio animo obversatur, & inde hominis timor, ac humilitas, & major in peccatum horror insurgit; augentur præterea vires, ut quidquid ad malum provocat, propulsetur; jucundissima tandem pax, & tranquillitas animo accedit, & quæ præteritis confessionibus illata sunt, damna sarciantur. Ut autem Parochi idem sapiant, ac doceant, cum pueros, ac puellas ad suscipiendum Pœnitentiæ Sacramentum erudiunt; perbreveim, qua utantur, in Appendice num. 10. Institutionem damus ex Appendice Concilii Romani sub Benedicto XIII. celebrati excerptam.

AR-

(1) Benedictus XI. in *Extravag. Inter enuclias*. de privil. inter communes.

(2) S. Franciscus Salesius tom. I. oper.

editionis Paris. ann. 1669. pag. 914. n. 6.

(3) Benedictus XIV. in sua *Constit. Apostolica*. §. 17. edita 20. Julii 1749.

ARTICULUS V.

De Satisfactione.

EX tribus Pœnitentis actibus, quos Tridentina Synodus docet esse Sacramenti Pœnitentiæ quasi materiam, postremus est satisfactio, quam paucis explicare nunc aggredimur. Cum quis peccato mortali se inquinat, non modo una cum gratia, quam *sanctificantem* vocant, adoptivam Dei Filiationem amittit, verum etiam æternæ pœnæ reatum incurrit. At cum is divino adjutus auxilio revertitur ad cor, & per Sacramentam Pœnitentiæ rite, digneque susceptum peccata sua abluit in sanguine Agni immaculati Jesu Christi Domini Nostri; reconciliatur quidem Deo, amissamque adoptivam Dei Filiationem una cum gratia sanctificante recuperat; non tamen, uti contingit in Baptismo, eidem ita culpa remittitur, ut universa etiam pœna condonetur; sed in temporalem dumtaxat vel in hoc, vel in futuro sæculo luendam æterna pœna commutatur. Divino proinde consilio Christus instituit, ut satisfactoria opera in Pœnitentiæ Sacramento pœnitentibus injungerentur, quibus iidem divinæ Justitiæ satisfacerent, pœnamque temporalem luerent, in quam propter Jesu Christi merita, & vi Sacramenti Pœnitentiæ pœna commutatur æterna. Ex his præterea satisfactoriis operibus plura in Pœnitentes redundant bona. 1. enim per eadem magnopere a peccato revocantur, & quasi quodam coercentur fræno. 2. peccatorum medentur reliquiis, & vitiosos habitus male vivendo comparatos contrariis virtutum actionibus tollunt. 3. cautiores in peccato vitando, & vigilantiores fiunt. 4. imminentem sibi a Domino pro delictis pœnam facilius amoveant, atque securius. 5. tandem dum satisfaciendo pro peccatis patiuntur, Christo Jesu, qui pro peccatis nostris satisfecit, conformes fiunt; quare cum compatiantur, futurum erit quoque, ut deinceps conglorificentur.

II. Totam hanc doctrinam Tridentina Synodus tradit sess. 14. cap. 5.

cap. 5., ubi sic habet: *Quoad satisfactionem, quæ ex omnibus Pœnitentiæ partibus, quemadmodum a Patribus nostris Christiano populo fuit perpetuo tempore commendata, ita una, maxime nostra ætate, summo pietatis prætextu impugnatur ab iis, qui speciem pietatis habent, virtutem autem ejus abnegarunt; Sancta Synodus declarat, falsum omnino esse, Et a verbo Dei alienum, culpam a Domino nunquam remitti, quin universa etiam pœna condonetur. Perspicua enim, Et illustria in sacris Litteris exempla reperiuntur, quibus, præter divinam traditionem, hic error quam manifestissime revincitur. Sane Et divinæ justitiæ ratio exigere videtur, ut aliter ab eo in gratiam recipiantur, qui ante Baptismum per ignorantiam deliquerint, aliter vero, qui semel a peccati, Et demonis servitute liberati, Et accepto Spiritus Sancti dono, scienter templum Dei violare, Et Spiritum Sanctum contristare non formidaverint; Et divinam clementiam decet, ne ita nobis absque ulla satisfactione peccata dimittantur, ut, occasione accepta, peccata leviora putantes, velut injuriæ, Et contumeliosi Spiritui Sancto in graviora labamur, thesaurizantes nobis iram in die iræ. Procul dubio enim magnopere a peccato revocant, Et quasi freno quodam coercent hæc satisfactoria pœnæ, cautioreque, Et vigilantiores in futurum pœnitentes efficiunt; medentur quoque peccatorum reliquiis, Et vitiosos habitus male vivendo comparatos contrariis virtutum assidionibus tollunt. Neque vero securior ulla via in Ecclesia Dei umquam existimata fuit ad amovendam imminentem a Domino pœnam, quam ut hæc pœnitentiæ opera homines cum vero animi dolore frequentent. Accedit ad hæc, quod, dum satisfaciendo patimur pro peccatis, Christo Jesu, qui pro peccatis nostris satisfecit, ex quo omnis nostra sufficitia est, conformes efficiamur, certissimam quoque inde arrham habentes, quod si compatimur, Et conglorificabimur.*

III. Sacramentalis itaque satisfactio, quæ sita est in operibus bonis, ac pœnalibus in Pœnitentiæ Sacramento a Confessario injunctis, est pœnæ temporalis compensatio, quam ob illatam Deo injuriam divinæ Justitiæ pœnitens debet. Hæc autem opera bona, ac pœnalia a Confessario injuncta, dum peraguntur, præter

ter generalem illam satisfactoriam virtutem, quam ex opere operantis bonum quodlibet opus habet, quod in gratia perficiatur, specialem etiam ex opere operato virtutem obtinent delendi partem aliquam temporalis pœnæ peccatis debitæ; quam sane non haberent, si aut voluntarie assumpta, aut aliunde fuissent imposita. Cum enim satisfactio sit integralis Sacramenti Pœnitentiæ pars, ad pœnæ satisfactionem a Christo specialiter instituta; Sacramentali virtute aliquem habere debet ex opere operato, quem alias non haberet, effectum. *Neque vero* (1) [inquit Tridentina Synodus] *ita nostra est satisfactio hæc, quam pro peccatis nostris exsolvimus, ut non sit per Christum Jesum: nam qui ex nobis, tamquam ex nobis, nihil possumus, eo cooperante, qui nos confortat, omnia possumus. Ita non habet homo, unde gloriatur, sed omnis gloriatio nostra in Christo est, in quo vivimus, in quo meremur, in quo satisfacimus, facientes fructus dignos pœnitentiæ, qui ex illo vim habent, ab illo offeruntur Patri, Et per illum acceptantur a Patre.*

IV. Cum Tridentina Synodus doceat, satisfactionem una cum contritione, & confessione esse quasi materiam Sacramenti Pœnitentiæ, adeoque ad ejus essentiam suo modo pertinere; hinc oritur difficultas, qua videlicet ratione opera satisfactoria Pœnitenti a Confessario injuncta, quæ fieri solent, postquam Sacramentum jam rite confectum est, pertinere ad ejusdem essentiam valeant? At difficultas omnis ocyus evanescit, si satisfactionem in voto a satisfactione in re, & actu præstita distinguamus. Hæc enim est integralis dumtaxat pars Sacramenti Pœnitentiæ: illa vero est pars essentialis ad materiam proximam pertinens, si de gravi pœnitentia procedat quæstio: nisi enim pœnitens, una cum proposito non peccandi de cætero, propositum quoque habeat saltem implicitum satisfaciendi pro pœna temporali, quæ post absolutionem luenda pro gravibus peccatis eidem superest, adeoque peragendi ea opera, quæ a Confessario præscribentur, [quod propositum dicitur *satisfactio in voto*], sed contrariam habeat voluntatem, Sacramentum non conficitur.

V. De-

(1) Trid. loc. cit.

V. *Debent ergo Sacerdotes Domini (1), quantum spiritus, & prudentia suggererit, pro qualitate criminum, & pœnitentium facultate, salutare, & convenientes satisfactiones injungere, ne si forte peccatis conniveant, & indulgentius cum pœnitentibus agant levissima quædam opera pro gravissimis delictis injungendo, alienorum peccatorum participes efficiantur. Habeant autem præ oculis, ut satisfactio, quam imponunt, non sit tantum ad novæ vitæ custodiam, & infirmitatis medicamentum, sed etiam ad præteritorum peccatorum vindictam, & castigationem. Nam claves Sacerdotum non ad solvendum dumtaxat, sed & ad ligandum concessas, etiam antiqui Patres credunt, & docent.*

VI. *Ex his Tridentini Concilii verbis patet 1. gravi obligari præcepto tum Confessarium ad injungendam, tum Pœnitentem ad acceptandam salutarem, & convenientem satisfactionem, quæ in Pœnitentiæ Sacramento post peccatorum confessionem injungitur. Ut enim clarius adhuc eadem Tridentina Synodus (2) dehnivit: Si quis dixerit, claves Ecclesiæ esse datas tantum ad solvendum, non etiam ad ligandum, & propterea Sacerdotes, dum imponunt pœnas confitentibus, egere contra fidem clavium, & contra Institutionem Christi, & scilicet esse, quod virtute clavium, sublata pœna æterna, pœna temporalis plerumque exsolvenda remaneat, anathema sit. 2. Satisfactionem a Confessario injunctam, esse omnino a Pœnitente executioni demandandam, & quidem sub gravi reatu culpæ, si gravis eadem sit, & pro peccatis gravibus præscripta; sub levi vero, si levis sit, & pro peccatis levibus, aut etiam pro lethaliibus, sed jam alias in Pœnitentiæ Sacramento remissis, imposita. Hanc autem sibi injunctam pœnitentiam, per se ipsum, & non per alium exequi pœnitens debet. Proscripta enim est ab Alexandro VII. (3) hæc propositio: Pœnitens propria auctoritate substituere sibi alium potest, qui loco ipsius pœnitentiam adimpleat. Eam tamen necesse non est, ut*

ante

(1) Trid. sess. 14. c. 8. de Pœnit.

(2) Trid. sess. 14. can. 15.

(3) Alexander VII. in damnat. proposit. 15. 24. Sept. 1665.

ante absolutionem, aut Communionem exequatur, uti patet ex his tribus propositionibus ab Alexandro VIII. (1) proscriptis: *Ordinem præmittendi satisfactionem absolutioni induxit non politia, aut institutio Ecclesie, sed ipsa Christi Lex, & præscriptio, natura rei id ipsum quodammodo dilante. Per illam praxim mox absolvendi ordo Pœnitentiæ est inversus. Sacrilegi sunt judicandi, qui jus ad Communionem percipiendam prætendunt, antequam condignam de delictis suis pœnitentiam egerint.*

VII. Duplex est satisfactionis imponendæ genus, unum videlicet, quod ad novæ vitæ custodiam, & infirmitatis medicamentum, alterum, quod ad præteritorum peccatorum vindictam, & castigationem pertinet. Ad primum genus ea omnia revocantur, quæ ad id plurimum conducunt, ut pravi habitus evellantur, & nova, quoad fieri possit, impediuntur crimina; cujusmodi sunt rerum divinarum meditatio, piorum librorum lectio, frequens Pœnitentiæ, atque Eucharistiæ susceptio, Missæ Sacrificio quotidie interesse, Sacras Conciones audire, a ludis, a taberna vinaria, ab alicujus personæ familiaritate, ac frequentia abstinere, aliaque hujusmodi. Alterum vero genus ea complectitur, quæ carnem macerant, & peccatorem depri-munt, atque castigant; & ad tres potissimum classes reducuntur, videlicet ad jejunium, ad eleemosynam, & ad orationem; quemadmodum ad tria veluti capita, teste S. Joanne (2) Apostolo, peccata fere omnia revocantur, nimirum ad concupiscentiam carnis, ad concupiscentiam oculorum, & ad superbiam vitæ. Concupiscentiæ, seu peccato carnis optime congruit satisfactio per *jejunium*: jejunii autem nomine & jejunia, & peregrinationes, & quæcumque corporis afflictationes intelliguntur. Concupiscentiæ oculorum, videlicet avaritiæ, omnibusque criminibus, quæ ex ea, tamquam ex fonte, oriuntur, *eleemosynæ* satisfactio convenit: ejus autem nomine quæcumque

G g g g

mife-

(1) Alexander VIII. in damnat. proposit. 16., 17., & 21., edita 7. Decemb. 1690.

(2) 1. Joa. c. 2.

misericordiæ, veræque erga proximum charitatis, ac liberalitatis opera complectimur. Superbia demum vitæ, idest peccata reliqua, quæ ex superbia, tamquam ex radice, progerminant, oratione puniuntur, per quam homo se deprimat, Deoque se subijcit, & contra peccata, peccandique pericula roboratur: orationis autem nomine quicumque Theologicarum Virtutum, ac Religionis actus intelligi debent, cujusmodi sunt piarum precum effusio, divinarum laudum recitatio, adorationes, genuflexiones, Ecclesiarum visitationes, alique actus, per quos debitum Deo cultum exhibemus. Hoc autem pacto Pœnitentiæ Minister id fideliter exequetur, quod eidem a Rituali (1) Romano præscribitur: *Curet Sacramenti Pœnitentiæ Minister, quantum fieri potest, ut contrarias peccatis pœnitentias injungat, veluti Avaris eleemosynas, Libidinosi jejunia, vel alias carnis afflictiones, Superbis humilitatis officia, Desidiosus devotionis studia &c.*

VIII. Quod ad prioris generis satisfactionem pertinet, eam omnino Confessarius injungat, quam, rerum omnium circumstantiis bene perpensis, aptiorem ad nova crimina præcavenda, & pœnitentium facultati magis accommodatam in Domino judicabit. Quoad satisfactionem vero secundi generis, erant olim in usu Canones Pœnitentiales, quibus sua cuilibet criminum speciei pœnitentia injungenda præscribebatur. At pia Mater Ecclesia (2) humanam commiserans infirmitatem, primæviam severitatem non nihil emollivit, atque ab horum Canonum Pœnitentialium usu recessit: *Defectus enim nostrorum temporum, uti legimus in Can. Fraternitatis dist. 34., quibus non solum merita, sed corpora ipsa hominum defecerunt, districtio illius non patitur in omnibus manere censuram.* Non ideo tamen fas est Confessariis Sacramentalem satisfactionem pro libito, ac temere imponere; sed hac in re justitiæ, prudentiæ, ac æquitatis jura debent iidem una componere. In irroganda autem satisfactionis pœna, inquit Catechismus

Roma-

(1) Rituale Romanum tit. de Sacram. Pœnitentiæ.

(2) Benedictus XIV. in sua Constit. Apostolica, §. 23. edita 26. Junii 1749.

Romanus (1), *Sacerdotes nihil sibi suo arbitratu statuendum esse, sed omnia iustitia, prudentia, & pietate dirigenda existimabunt*. Caveant tamen, ne in huiusmodi infligendis satisfactionibus duriores sint, ac severiores: *neque enim Sacramentum Pœnitentiæ est forum iræ, vel pœnarum*, ut expresse docet Tridentina Synodus (2). Imo si tanta sit sive corporis, sive animi in Pœnitente fragilitas, ut is asperiores aliquam satisfactionem non sit toleraturus; aut si extraordinaria contritione pœnitens sit affectus, per quam multum de pœnis peccato debitis jam luerit; aut tandem si sit Iubilæum, vel aliam Indulgentiam plenariam non sine prævio piorum operum apparatu lucraturus; poterit tunc Confessarius initius cum eo agere, & aliquanto leviores satisfactionem injungere, cui addere poterit pium aliquod opus jam aliunde præceptum, atque illud etiam, ut temporalia flagella eidem a Deo inflicta patienter toleret. Docet enim Tridentina Synodus (3), *tantam esse divinæ munificentiae largitatem, ut non solum pœnis sponte a nobis pro vindicando peccato susceptis, aut Sacerdotis arbitrio pro mensura delicti impositis, sed etiam (quod maximum amoris argumentum est) temporalibus flagellis a Deo inflictis, & a nobis patienter toleratis, apud Deum Patrem per Christum Jesum satisfacere valeamus*. Caveant tamen etiam, ne benigniores plus æquo sint in satisfactionibus huiusmodi injungendis, ne videlicet, ut inquit Tridentinum, si forte peccatis conniveant, & indulgentius cum pœnitentibus agant, levissima quædam opera pro gravissimis delictis injungendo, alienorum peccatorum participes efficiantur. Audiant S. Ambrosium (4): *Grandi plage alta, & proluxa opus est medicina: grande scelus grandem habet necessariam satisfactionem*.

IX. Ut autem ad acceptandam opportunam satisfactionem, quæ a Confessariis imponitur, Peccatores facilius inducantur,

G g g 2

multum

(1) Catechism. Rom. tit. de Pœnit.

(4) S. Ambrosius in epist. ad Virg-

(2) Trid. sess. 14. c. 8.

nem lapsam c. 8.

(3) Trid. sess. 14. c. 9.

multum proderit (1) Canonum Pœnitentialium notitia, quæ Confessarius instructus, esto Canones illos in usum non revocet, potest tamen ea uti, ut pœnarum, quæ olim pro iisdem criminibus statutz fuerant, mensuram Pœnitiæ explicet, ex quo is & summam peccatis inesse malitiam intelliget, & indictæ sibi satisfactioni, quæ gravior alioqui videri potuisset, lubens acquiescet, facta nimirum comparatione cum iis pœnis, quas pro iisdem criminibus subijisset, si remotiore ætate, cum scilicet Pœnitentiales Canones adhuc obtinebant, ad Confessarium accessisset, nec ad ea pervenisset tempora, quibus veterum Canonum severitatem benignior Ecclesiæ disciplina emollivit. Caterum in pœnitentiis injungendis duorum præclarissimorum, ac sanctissimorum Antistitum monitum ob oculos habeant Confessarii, videlicet S. Francisci Salesii, & S. Caroli Borromæi, quorum prior (2) sic inquit: *Confessarius melleis, & consolatoriis verbis imponere debet pœnitentias...* *Et petere semper debet ab eo, an pœnitentiam injunctam libenter faciat? quia si videret eum angustiari, rectius faceret aliam ei leviozem imponendo.* Posterior (3) vero sic habet: *Si ita expedire viderit, illum interroget, an possit? anue dubitet pœnitentiam sibi injunctam peragere? alioquin eam mutabit, aut minuet.*

ARTICULUS VI.

De forma Sacramenti Pœnitentiæ, seu de absolutione sacramentali.

Sacramentum Pœnitentiæ, non secus ac Sacramenta reliqua, suam habet formam, qua in ratione Sacramenti perficitur, & completur. Hanc autem formam, in qua præcipue ipsius vis sita est, docet Sacrosancta Tridentina Synodus (4), in illis Miniistri verbis positam esse: *Ego te absolvo a peccatis tuis &c.*

Quibus

(1) Benedictus XIV. in cit. *Constitut. Apostolica*. §. 23.

(2) Sanctus Franciscus Salesius apud Ferraris in Bibliotheca verbo *Pœnitentia*.

sa Sacramentum. articul. 3. numer. 30.

(3) S. Carolus Borromæus in *Instruct. Pœnit.* par. 4. pag. 123.

(4) Trid. sess. 14. cap. 3.

Quibus quamquam de Ecclesiæ Sanctæ more preces quædam laudabiliter adjungantur; eæ tamen ad ipsius formæ essentiam nequaquam spectant, neque ad Sacramenti administrationem sunt necessariae. At hujusmodi preces non omittere laudabile consilium est: Nos vero eas præsertim omitti nolumus, quæ absolutionis formam præcedunt, & cum ipsa quodammodo connectuntur, nisi forte gravis aliqua urgeat necessitas, cujusmodi esset mortis instantis periculum: tunc enim satis esse hanc formulam: *Ego te absolvo ab omnibus censuris, & peccatis tuis in nomine Patris, & Filii, & Spiritus Sancti, Amen;* in Rituali Romano edocemur.

II. Cum Pœnitentiæ Sacramentum instar judicii institutum a Christo Domino fuerit; errant profecto Novatores, cum per Sacramentalis formæ verba mere declarari docent pœnitentes esse a Deo absolutos. Eadem enim Tridentina Synodus veram a peccatis absolutionem, quam Confessarius, ut Minister Christi, & dispensator Mysteriorum ejus, tamquam Judex pronunciat, per ea verba significari definivit (1), ubi ait: *Quamvis absolutio Sacerdotalis alieni beneficii sit dispensatio, tamen non est solum nudum ministerium vel annuntiandi Evangelium, vel declarandi remissa esse peccata, sed instar actus judicialis ab ipso, velut a Judice sententia, pronuntiatur;* & alibi (2): *Si quis dixerit, absolutionem sacramentalem Sacerdotis non esse actum judicialem, sed nudum ministerium pronuntiandi, & declarandi remissa esse peccata confuente . . . anathema sit.* Et sane, cum in Sacramentorum formis verba id vere efficiant, quod significant, quis non videat, per illa Sacerdotis verba: *Ego te absolvo a peccatis tuis*, veram absolutionem significari, quam pœnitenti Sacerdos impertit, adeoque vere a Sacerdote pœnitentem absolvi?

III. Absenti dari per nuncium, aut per litteras nequit absolutio: *Præcepit enim Dominus*, uti habemus in can. *quem pœnitens dicit. 1.*, *mundandis, ut ostenderent ora Sacerdotibus, docens corporali presentia confuenda peccata, non per nuncium, non per scripturam*

ram

(1) Trid. sess. 14. c. 6.

(2) Trid. sess. 14. can. 9.

ram manifestanda. Dixit enim, ora monstrate, & omnes, non unus pro omnibus; non alium statuat nuncium, qui pro vobis offerat munus a Moyse statutum, sed qui per vos peccastis, per vos erubescatis: erubescencia enim ipsa partem habet remissionis: ex misericordia enim hoc præcipit Dominus, ut neminem pœniteret in occulto: in hoc enim, quod per seipsum dicit Sacerdoti, & erubescenciam vincit timore offensi, sit venia criminis. Merito itaque Clemens VIII. (1) hanc propositionem, videlicet licere per litteras, seu Internuncium Confessario absenti sacramentaliter confiteri, & ab eodem absente absolutionem obtinere, ad minus ut falsam, temerariam, & scandalosam damnavit, atque prohibuit sub pœna excommunicationis latæ sententiæ, a qua, præterquam in mortis articulo, ne Cardinalis quidem Major Pœnitentiarius, sed solus Romanus Pontifex possit absolvere.

IV. Peccatori cuilibet vel maximo, & plurimis, gravissimisque criminibus irretito, dummodo rite, recteque sit dispositus, ac certa veræ pœnitentiæ det signa, Confessarius sacramentalem denegare non audeat absolutionem. Si enim impius egerit pœnitentiam ab omnibus peccatis suis, quæ operatus est, ut inquit Dominus in scripturis (2), vita vivet, & non morietur: omnium iniquitatum ejus non recordabor. Numquid voluntatis meæ est mors impij, & non ut convertatur a viis suis, & vivat? Non modo septies, sed usque septuagies septies peccatori (3), si pœnitens revertatur ad cor, peccata esse condonanda, Apostolorum Principem Christus (4) admonuit. In dispensandis igitur Dei donis, uti nos docet (5) S. LEO, non debemus esse difficiles, nec accusantium se lacrymas, gemitusque negligere, cum ipsam pœnitendi affectionem ex Dei credamus inspiratione conceptam.

V. Is etiam, qui pœnitentiam in infirmitate petit, si, dum ad eum Sacerdos invitatus accurrit, oppressus infirmitate obmuerit

(1) Clemens VIII. in Constit. *Sanctissimæ* us. edita 20. Julii 1602.

(2) Ezechielis c.18.

(3) Can. *Septies*. dist.3. de Pœnit.

(4) Matthæi c.18.

(5) S. LEO Papa epist. 91.

tuerit, vel conversus fuerit in phrenesim, dantibus testimonium iis, qui audierunt, ex plurium Conciliorum (1) lege accipiat poenitentiam. Cui quidem doctrinæ consonat Rituale Romanum, ubi hanc Confessario præscribit regulam (2). *Si inter confitendum, vel etiam antequam confiteri incipiat, vox, & loquela egro deficiat, nutibus, & signis conetur Sacerdos, quoad ejus fieri poterit, peccata poenitentis cognoscere, quibus utcumque vel in genere, vel in specie cognitis, vel etiam confitendi desiderium sive per se, sive per alios ostenderit, absolvendus est.*

VL Cum ab Innocentio XI. proscripta jure optimo fuerit hæc propositio (3): *Absolutionis capax est homo, quamvis laboret ignorantia Mysteriorum Fidei, etiamsi per negligentiam etiam culpabilem nesciat Mysterium Sanctissimæ Trinitatis, & Incarnationis Domini nostri Jesu Christi*; Inde fit, ut, ubi poenitens (4) hæc ignoraverit, nisi ad ea quamprimum, & ad Decalogi, Ecclesiæque præcepta addiscenda, ex animo se paratum ostendat, absolvendus omnino non sit. Immo si ad ea addiscenda se paratum significaverit, interrogandus præterea est, num alias de ea negligentia monitus a Confessario fuerit? Nam si pro modulo suo, etiam monitus, diligentiam non adhibuerit, tamdiu illi absolutio differatur, donec huic officio penitus satisfecerit. Quod si admonitus nondum fuerit, absolvatur quidem, sed ante absolutionem, de præcipuis Fidei nostræ Mysteriis, quæ necessario necessitate mediæ credenda explicite sunt, quantum satis est, instruat, & Theologicarum Virtutum actus, Confessario præeunte, eliciat.

VII. Incapaces quoque sunt (5) Sacramentalis absolutionis ii, qui nulla dant doloris signa; qui odia, & inimicitias deponere,

(1) Conc. Arausican. I. can. 12., Carthagin. III. in can. *Ægrotantes*. de consecr. dist. 4., & Carthagin. IV. can. 76., can. *His, qui*. caus. 16. qu. 6.

(2) Rituale Rom. tit. de Sacramento Poenitentiae.

(3) Innocentius XI. in damnat. proposit. 64. edita 2. Martii 1679.

(4) S. Carolus Borromæus par. 4. Actorum Eccles. Mediol. Instru. Confessorum circa medium.

(5) Rit. Rom. tit. de Sacram. Poenitent.

608 CONSTITUTIONES SYNODALES

nere, aut aliena, licet possint, restituere, aut proximam peccandi occasionein deferere, aut alio modo peccata derelinquere, & vitam in melius emendare nolunt; aut qui publicum scandalum dedere, nisi publice satisfaciant, & scandalum omne prorsus removeant. *Multi, ut verissime ait S. Augustinus (1), assidue se dicunt esse peccatores, & tamen adhuc illos delectat peccare. Professio est, non emendatio: accusatur anima, non sanatur: pronunciaturs offensas, non tollitur. Pœnitentiam certam non facit, nisi odium peccati, & amor Dei. Quando sic pœnitet, ut tibi amarum sapiat in animo, quod ante dulce fuit in vita, & quod te prius obletavit in corpore, ipsum te cruciat in mente; jam bene ingemiscis ad Deum. Quod si quis alienam sive famam, sive rem a se injuste læsam reparare potuerit, immo jam alias se id facturum Confessario sponsorerit, quin tamen promissis steterit; novis ejusdem pollicitationibus se decipi Confessarius minime patiaturs, sed absolutionem prorogans, donec satisfactum justitiæ fuerit, pœnitenti peccato animo dicat cum S. Augustino: Fac prius justitiam, & habebis pacem: si enim (2) non amaveris justitiam, pacem non habebis. Vis venire ad pacem? fac justitiam.* Proroganda (3) etiam est absolutio iis, qui, licet peccatum se dimissuros polliceanturs, ab illo tamen non separandos Confessor prudenter suspicetur, uti sunt ii, (ac præsertim juvenes otiosi) qui solent majorem temporis partem in aleis, crapulis, amoribus, peccatis carnalibus, blasphemis, inhonestis conversationibus, dissensionibus, odiis, & detractionibus terere, & qui a multis annis in iisdem peccatis perseverantes, ut emendenturs, non laborant. Proscripta enim est ab Innocentio XI. hæc propositio (4): *Pœnitenti habenti consuetudinem peccandi contra legem Dei, naturæ, aut Ecclesiæ, etsi emendationis spes nulla appareat, nec est neganda, nec differenda absolutio, dummodo ore proferat se dolere, & proponere emendationem.*

VIII. Ut

(1) Sanctus Augustinus serm. 57. de tempore.

(2) S. Aug. in Psalm. 84.

(3) S. Carolus Borromæus par. 4. Actio-

rum Eccles. Mediolanen. tit. Instructio Confessorum.

(4) Innocentius XI. in damnat. proposito. 60. edita 3. Martii 1679.

VIII. Ut ea, quæ diximus, licet perspicua sint, clariora tamen adhuc fiant, & ad praxim utiliora; dicendum aliquid est non minus de peccatoribus recidivis, iisque, quos consuetudinarios dicimus, quam de peccandi occasione, & periculo. Recidivus ille est, qui semel, aut iterum in peccatum jam alias in Sacramentali Confessione condonatum relabitur: Consuetudinarius vero ille est, qui quasi ex habitu in certa aliqua peccati specie per frequentes actus contracto, in eandem culpam facile, & frequenter relabitur: Unde patet, quemlibet consuetudinarium esse recidivum; non tamen vicissim. Quæ autem actuum frequentia requiratur, ut aliquis esse censeatur consuetudinarius, nec ita facile definiri, nec ad id definiendum unica regula tradi potest; sed & peccati natura, & tempus, modusque peccandi attendi debent. Sic ex. gr. peccata, quæ cogitatione, vel verbis committuntur, sicuti facilius committi solent, ita etiam majorem, quam quæ fiunt opere, actuum numerum exigunt, ut quis peccandi consuetudinem contraxisse existimetur. Præterea ad consuetudinem contrahendam, aliqua temporis diuturnitas requiritur, intra quod frequentes fuerint in eadem peccata relapsus. Sic si duo viri singulis mensibus peccata sua Sacramento Pœnitentiæ expiare soleant, & singulis vicibus eorum unus bis, aut ter idem mollitiei peccatum se commisisse, alter vero fere quotidie, vel pluries in hebdomada eodem se mollitiei crimine commaculasse fateatur, prior recidivus, alter vero consuetudinarius nuncupabitur.

IX. Peccandi *periculum* illud dicitur, quod vel ab intrinseco, vel ab extrinseco, ut ajunt, ad peccandum inclinat: *Occasio* vero peccandi est extrinseca circumstantia, quæ ad peccandum allicit, cujusmodi est ex. gr. familiaris cum perdita muliere conversatio. Unde patet, omnem quidem peccandi occasionem esse periculum, non tamen viceversa. Qui enim mollitiei criminis patrandi consuetudinem contraxit, in periculo quidem peccandi versatur, etiam cum solus est, & cum nihil extrinsece

H h h

illum

illum ad peccandum allicit; non tamen vere, ac proprie dici potest, illum in peccandi occasione esse constitutum.

X. Occasio peccandi alia est remota, alia proxima. Prior illa est, in qua quis admodum raro, posterior vero illa est, in qua quis frequenter lethali peccato se inquinat: neque enim ad occasionem proximam constituendam necesse est, ut quis in ea frequentius peccet, quam non peccet, seu ut semper peccet: nam qui ex gr. cum muliere, cum qua cohabitat, ter in hebdomada peccet, vere in proxima occasione est constitutus, quin tamen in tota hebdomada sæpius peccet, quam non peccet. Peccandi quoque periculum duplex est, aliud remotum, aliud vero proximum. Remotum est illud, quod attentis circumstantiis raro; proximum autem illud, quod attentis circumstantiis, satis frequenter cum peccato conjungi solet. Periculum proximum aliud est formale, materiale alterum. Formale illud est, quod, attentis circumstantiis, ita ad peccandum impellit, ut si in eo hujus, aut similis conditionis, seu naturæ persona versetur, solet sæpe sæpius in crimen labi. Materiale vero illud est, quod ex se, & secundum extrinsecas suas circumstantias, non vero ex speciali personæ conditione, solet cum peccato conjungi. Quamobrem materiale periculum est externa occasio, quæ ex se frequenter solet non esse a peccato sejuncta. Formale autem, præter occasionem externam, tales circumstantias includit, ut pensatis omnibus, futurum prudenter existimetur, ut si hujus, vel similis conditionis persona in eo constituatur, sit hic, & nunc peccatura. Inde fit, ut idem periculum quoad unam personam formale, quoad aliam vero materiale esse possit. Tandem formale periculum aliud est intrinsecum, aliud extrinsecum. Intrinsecum illud est, quod ex propria prava intrinseca personæ natura, seu conditione oritur: Extrinsecum vero, quod non ex intrinseca prava personæ conditione, sed ex aliqua extrinseca occasione promanat.

XI: Jam vero qui in remota peccandi occasione versatur, absolvi potest: *alioquin enim exire de hoc Mundo deberemus*, uti monet

monet Apostolus (1), cum in ipsis etiam desertis locis, atque in eremo, multo autem magis in ipso licito, honestoque humano commercio remota peccandi occasio non desit. At qui in peccandi proxima occasione est constitutus, quam deferere posset, si vellet, non tamen deferit, cum nolit; quemcumque utilitatis, commodi, aut boni, sive spiritualis, sive temporalis, sive sui, sive proximi prætextum obtendat; absolvi nulla ratione potest, uti ex pluribus propositionibus patet, quas Romani Pontifices (2) Alexander VII., & Innocentius XI. proscribere. Quod si ad eam dimittendam promptum se, ac paratum ostendat, interrogandus adhuc a Confessario est, utrum jam alias eam dimittere jussus fuerit, eamque se dimissurum sponderit, an non? Si primum, proroganda omnino eidem est absolutio, donec a proxima peccandi occasione se omnino sejunxerit. Si secundum, dummodo admissa crimina detestetur ex animo, & occasionem proximam se statim dimissurum sincere polliceatur; utrumque autem tum a circumstantiis, tum ab ipsis Pœnitentis verbis, externisque pœnitentiæ signis Confessarius prudenter conjiciet; absolutione donari poterit. Verum si proxima occasio peccandi non voluntaria sit, ac libera, sed involuntaria, & quodammodo necessaria, cum in pœnitentis potestate non sit eam a se remove, quemadmodum usuvenire solet in filiofamilias, qui cum ancilla Patris sui frequenter peccat, vel in fratribus, sororibus, filiis, aliisque hujusmodi consanguineis, qui sub eodem tecto vitam agentes suam, domicilium pro libito commutare non possunt; Tunc absolvi pœnitens poterit, si, præter vera doloris signa, conatum omnem adhibuerit, curaveritque, ut occasio proxima fieret remota, ac ipse, quoad potuit, formale peccandi periculum evita-

H h h h 2

tave-

(1) Ad Cor. c. 5. v. 10.

Innocentius XI. in damnat. propos. 61.,

(2) Alexander VII. in damnat. proposition. 41. edita 18. Martii 1666, & In-

62., & 63., edita 2. Martii 1679.

taverit. *In bujusmodi enim casibus hominem non amare periculum, sed illud invitum subire*, S. Basilii (1) affirmat.

XII. Quod si quis in ejusmodi involuntaria peccandi occasione proxima constitutus, ad Confessarium primum accedat; benigne, ac perhumaniter excipiendus est, de gravissimo æternæ suæ damnationis periculo serio monendus, ad sincerum, magnumque admissorum criminum dolorem, firmumque propositum non peccandi de cætero excitandus, ac tandem salutaria præscribenda eidem sunt remedia, per quæ a formali peccandi periculo eximatur, cujusmodi sunt veræ contritionis actum de præteritis culpis, ac sincerum non peccandi deinceps propositum frequenter iterare; mulieris [si cum ea peccare consueverit] aspectum, illecebras, & consortium totis viribus evitare, itaut nunquam solus cum sola versetur, aut colloquatur; occasionem omnem aucupari, ut eam removeat, aut se ab ea omnino sejungere citra scandalum possit; frequenti Sacramentorum susceptione adversus peccandi periculum se communire; prudentem, doctumque sibi Confessarium eligere, cujus mandatis, & consiliis obtemperet; si forte relabatur in culpam, quamprimum fieri possit, illam Pœnitentiæ Sacramento expiare; certas ad Deum, Deiparamque Virginem preces itatis horis ex animo fundere; carnem aliquo jejunio, aliave afflictatione edomare, aliaque ejusmodi, quæ, attentis omnibus circumstantiis, pœnitenti ad præcavendam culpam profutura esse prudens, doctusque Confessarius arbitrabitur. Si pœnitens certa dei sui doloris signa, & quæ ei præscribuntur, remedia se adhibiturum serio polliceatur, Sacramentali donandus erit absolutione. At si mox redeat iisdem, quibus antea, criminibus fordibus; agendum cum eo erit, non secus, ac cum recidivis, & consuetudinariis, de quibus dicemus inferius. Monitos tamen hic Confessarios volumus, ut, cum aliquem plura ejusdem speciei peccata confitentem audiunt,

(1) S. Basilii in *Constit. Monasticis* c.4. fol.487.

diunt, continuo eundem interrogent, in quibus seu loci, seu temporis, seu rerum circumstantiis ea crimina perpetrarit? sæpissime enim pœnitentem alicujus proximæ occasionis laqueis esse irretitum deprehendent, a qua proinde omnino removeri illum oportet.

XIII. Consuetudinarius absolvi sacramentaliter potest, si & specialia det contritionis signa, & sibi viam contra tentationes, ac sensuum illecebras intulerit, & conatum omnem, diligentiamque in eo collocarit, ut recederet a viis pessimis, & in via mandatorum Domini ambularet; si remedia eidem præscripta, ne relaberetur, cum fructu adhibuerit, & rarius, quam antea solebat, lapsus sit. Rariores enim hi relapsus humanæ potius fragilitati tribuendi sunt, quam falsæ pœnitentiæ. At si nulla, vel fere nulla ad evertendam consuetudinem adhibuit remedia; si neque tentationibus obstitit, neque evitavit pericula, sed suis potius cupiditatibus fræna laxavit, & in easdem, ac fortasse etiam in plures, gravioresque lapsus est culpas, quamquam se dolere dicat, & nolle amplius peccare, deneganda omnino est absolutio, aut saltem differenda, donec emendatio re, ac factis perspiciatur. *Ubi enim emendatio nulla, ut inquit Tertullianus (1), pœnitentia necessario vana. Nam quomodo pœnitet, quod sit?* verba sunt S. Augustini (2): *Si pœnitet, non fiat. Si autem fit, nomen errat, crimen manet.* Non tamen hunc peccatorem Confessarius propterea asperere, acerbique increpet, & quod pejus est, conviciis rejiciat, ne rebus suis desperans a Sacerdote pariter, & a Sacramento abalienetur; sed paterna illum charitate moneat, ut se ad tam salutare Sacramentum percipiendum, cum a peccatis abstinendo, tum pietatis opera sectando, diligentius comparet. Illud præterea & pœnarum æternarum metu ad dolorem excitet, & divinæ clementiæ magnitudine soletur, ac erigat, & ad morum mutationem, vitæque melioris amorem accendat. Ad se tandem redire post certum aliquod tempus, intra quod omnino a pec-

(1) Tertullian. de Pœnit. c. 2

(2) S. Aug. serm. 232. olim de tempore 144.

614 CONSTITUTIONES SYNODALES

a peccatis absteineat, ac sincera peccatorum suorum contritione se ad impetrandam a Deo veniam, suamque conscientiam in Pœnitentiæ Sacramento mundandam disponat.

XIV. Recidivis quoque differenda absolutio est, quamdiu eorum pœnitentia, atque emendatio prudenter dubia, ac suspecta videatur; præsertim cum ejusmodi dilatio excitare illos e criminum veterno, & ad veram pœnitentiam adducere facile possit. *Nec enim esset hodie tanta facilitas peccandi, si non esset etiam tanta facilitas absolvendi*, ut optime ait Ven. Cardinalis Bellarminus. Verum cum in re tanti momenti multa opus sit prudentia, ne Confessarius aut nimio rigore, aut immodica benignitate peccet, enixè proinde rogamus, atque obtestamur in Domino Parochos omnes, & Confessarios, ut assidue, attenteque perlegant monita S. Caroli Borromæi ad Confessarios, & geminos illos aureos libellos a P. Paulo Segneri Soc. Jesu Italico fermone, conscriptos, quorum titulus est: *Il Confessore istruito: Il Penitente istruito*. Ex iis enim plurima addiscent ad Pœnitentiæ Sacramentum rite, sancteque ministrandum utilissima.

ARTICULUS VII.

De Ministro Sacramenti Pœnitentiæ.

Sacramentorum Institutor Christus Dominus illum dumtaxat esse voluit verum, legitimumque Sacramenti Pœnitentiæ Ministrum, qui Ordinis, & Jurisdictionis potestate, debitaque intentione esset instructus, itaut siquid horum eidem deesset, non solum illicite, sed etiam invalide Sacramentum administraretur. Primum itaque potestas Ordinis, & quidem Sacerdotalis in ministrante requiritur. Sacerdos enim in æternum (1) Christus Dominus, qui ipsa nocte, qua tradebatur, Apostolis a seipso delectis consecrandi Corporis sui, ejusdemque offerendi, & ministrandi potestatem concessit; eisdem post resurrectionem suam, cum insus-

flasset

(1) Benedictus XIV. in Const. *Sacerdos*. edita 12. Cal. Maii 1744.

flasset in eos Spiritum Sanctum, amplissimam etiam peccata remittendi, ac retinendi contulit facultatem. Hoc autem exemplo, præceptoque suo constituit, & sanxit, ut ea deinceps in universam Ecclesiam potestas, atque facultas per legitimam tantummodo Sacerdotum ordinationem transfundi, & propagari deberet. Unde, evacuato veteri Levitarum ministerio, & Sacerdotio filiorum Aaron, qui exemplari, & umbræ deserviebant cælestium, omnibus quidem adoptionis suæ filiis ad novum Sacerdotium secundum ordinem Melchisedech aditus pateret, sed non alii reipsa ad sublimem fungendum honorem assumerentur, quam qui a Deo vocati, atque ab Apostolis, seu ab eorum successoribus rite instituti, atque ordinati fuissent. Hinc circa Ministerium Sacramenti Pœnitentiæ declaravit Tridentina Synodus (1), falsas esse, & a veritate Evangelii penitus alienas doctrinas omnes, quæ ad alios quosvis homines, præter Episcopos, & Sacerdotes, clavium ministerium perniciosè extendunt; & alibi (2) sic definiit: *Si quis dixerit non solum Sacerdotes esse Ministros absolutionis, sed omnibus, & singulis Christianis esse dictum, quæcumque ligaveritis super terram, erunt ligata & in Cælo, & quæcumque solveritis super terram, erunt soluta & in Cælo, & quorum remiseritis peccata, remittuntur eis, anathema sit.* Quamobrem neque Subdiaconus, neque Diaconus (3), sed solus Sacerdos hujus Sacramenti esse potest Minister, soli quippe Sacerdoti in sui ordinatione confertur non modo in verum, sed etiam in mysticum Christi Corpus potestas, quæ clavium etiam, seu solvendi, atque ligandi potestas dicitur.

II. Quod si juxta legem Moyfi accedentes (4) ad Sanctuarium illud manufactum, aut Thuribulum aureum ab hominibus effectum manu arripientes, præter eos, qui ex designata Tribu, & Familia originem ducerent, sine ulla miseratione morti deputaban-

(1) Trid. sess. 14. cap. 6.

Const. 40. *Exurge*; & Trid. sess. 7. can. 10.

(2) Trid. sess. 14. can. 10.

(4) Benedictus XIV. cit. *Constitut.*

(3) *Constitut. Apost. lib. 3., Leo X. Sacerdos.*

tabantur; quanto magis putandum est deteriora supplicia mereri eos, qui, profani cum sint, tanto præstantiori novæ legis ministerio se ingerere, atque dispensationem Myſteriorum Dei sibi arrogare præsumperint, cum præsertim ea nulliter, & irritè celebrent. Væ mendacibus illis, qui absque legitima auctoritate in Pœnitentiæ Tribunalibus, tamquam Judices animarum, sedere audent, eamque sibi falso asserere facultatem emundandi conscientias hominum ab operibus mortuis, quam æterni fœderis Sponsor Dei Filius nemini se, nisi per Ecclesiasticam ordinationem, communicaturum promissit. Sacramentum enim reconciliationis humanæ conculcant, & sanguinem Testamenti, e quo virtus illius omnis promanat, pollutum ducunt, contentibus vero fideliter peccata sua impiam in re gravissima, summique momenti fraudem faciunt.

III. Et sane gravissima hujusmodi scelera execrantes Romani Pontifices Paulus IV., & Sixtus V. decreverunt, ut, qui ad Presbyteratus Ordinem non promoti, Missarum celebrationem usurpare, & Sacramentum Pœnitentiæ ministrare præsumperint, a Judicibus Sanctæ Inquisitionis tradi deberent Curiæ Sæculari debita animadversione puniendi. Eorum autem vestigiis inhærens Clemens VIII. (1), ne circa pœnam hujusmodi delinquentibus irrogandam ullus dubitationi locus superesset, peculiaribus suis Litteris in forma Brevis constituit, ut omnes, & singuli, qui ad Sacerdotium non promoti, reperti fuerint Missarum celebrationem usurpasse, vel Sacramentalem Confessionem audivisse, a Judicibus Sacræ Inquisitionis, vel a locorum Ordinariis, tamquam Ecclesiæ misericordia indigni, a Foro Ecclesiastico abjiciantur, & ab Ordinibus Ecclesiasticis, si quos habuerint, rite degradati, statim Curiæ Sæculari tradantur per Judices Sæculares debitis pœnis plectendi. Mox Urbanus VIII. (2) suis Litteris in forma Brevis recensitas Decessorum suorum dispositiones ita

(1) Clemens VIII. in Brevi. *Esquissæ*. edito 1. Decem. 1601.

(2) Urbanus VIII. in Brevi. *Apostolicus Officium*. edito 23. Martii 1628.

ita confirmavit, & ampliavit, ut quicumque se præfatis sceleribus obstrinxerint, mandaverit, eos privilegio ætatis minoris annis vixintique nullatenus excusari, dummodo vigesimum annum expleverint, quo minus ad normam dictæ Constitutionis Clementinæ statim Curia Sæculari condignis pœnis afficiendi tradantur. Tandem Benedictus XIV., cum peculiaribus suis (1) Constitutionibus laudatas omnes Decessorum suorum Constitutiones Apostolica auctoritate approbasset, & confirmasset, & quatenus opus esset, innovasset, complures exceptiones de medio sustulit, quæ ab huiusmodi criminum Reis, aut ab eorum Defensoribus proponi solebant, ut earum prætextu debitarum pœnarum condonationem, aut saltem minorationem obtinerent.

IV. Quoniam autem natura, & ratio Iudicii illud exposcit, ut sententia in subditos duntaxat feratur; Persuasum semper in Ecclesia Dei fuit, & verissimum esse Tridentina Synodus (2) confirmavit, nullius momenti absolutionem eam esse debere, quam Sacerdos in eum profert, in quem ordinariam, aut subdelegatam non habet jurisdictionem. Quamvis itaque Præsbyteri in sua ordinatione a peccatis absolvendi potestatem accipiant; decrevit tamen eadem Sancta Tridentina Synodus, nullum, etiam Regularem, posse Confessiones Sæcularium, etiam Sacerdotum, audire, nec ad id idoneum reputari, nisi aut Parochiale beneficium habeat, aut ab Episcopis per examen, si illis videbitur esse necessarium, aut alias, idoneus judicetur, & approbationem, quæ gratis detur, obtineat, privilegiis, & consuetudine quacunque etiam immemorabili non obstantibus. Quod quidem jam ante Tridentinam Synodum Eugenius IV. in decreto pro Armenis docuerat, ubi ait: *Minister Sacramenti Penitentia est Sacerdos habens auctoritatem absolvendi vel ordinariam, vel ex commissione Superioris.* Jure igitur optime duas propositiones damnavit

Iiii

Ale-

(1) Benedictus XIV. in Constit. Sacerdos. edita 12. Calend. Maii 1744, & Constit. Divinarum. edita 4. non. Aug. 1757. (2) Trid. sess. 14. cap. 7.

618 CONSTITUTIONES SYNODALES

Alexander VII. (1), quarum prior, quæ est 13., sic habet : *Satisfacit præcepto annuæ Confessionis, qui confitetur Regulari, Episcopo præsentato, sed ab eo injuste reprobato*; posterior vero, quæ est 16., sic statuit : *Qui Beneficium Curatum habent, possunt sibi eligere in Confessarium simplicem Sacerdotem non approbatum ab Ordinario*.

V. Ex iis, quæ diximus, patet, ad Sacramentum Pœnitentiæ valide ministrandum requiri jurisdictionem vel Ordinariam, vel Delegatam. Ordinaria est potestas illa judicandi Fideles, tamquam subditos, in Tribunali Pœnitentiæ, quam quis habet vi officii sui, cui animarum cura adnexa est, cujusmodi ea est, quam habet Romanus Pontifex in omnes Christianifideles, Episcopus in Diœcesanos, in Parochianos Parochus, in suos subditos Prælatus Regularis &c. Delegata jurisdictio ea est, quam quis habet ex Ordinarii concessione in ejusdem Ordinarii subditos. Approbatio autem Ordinarii, quæ ad habendam jurisdictionem delegatam requiritur, duo dicit, 1. videlicet Ordinarii judicium de alicujus idoneitate quoad scientiam, & probitatem. 2. concessionem jurisdictionis pro audiendis, & absolvendis pœnitentibus in foro interno, ac Sacramentali; quorum primum est actus intellectus, alterum vero voluntatis. Hic autem obiter adnotandum est, quamquam Regulares confiteri possint peccata sua cuilibet Sacerdoti, quem ipsis proprius Prælatus secundum Ordinis sui statuta constituerit; Confessarios tamen Monialium, etiam Regularibus subiectarum, ab Episcopo Diœcesano esse approbandos. Sic enim peculiari sua Constitutione statuit Gregorius XV. (2). *Confessores vero sive Regulares, sive Sæculares, quomodocumque exempti, tam extraordinarii, quam ordinarii ad Confessiones Monialium, etiam Regularibus subiectarum, audiendas nullatenus deputari valeant, nisi prius ab Episcopo Diœcesano idonei judicentur, Et approbationem, quæ gratis concedatur, obtineant*.

VI. Sim-

(1) Alexander VII. in damnat. propo-
siti. 13., & 16. edita 24. Sept. 1665.

(2) Gregorius XV. Constit. Inscrutabili.

VI. Simplex itaque Sacerdos, qui neque Parochus sit, neque ab Ordinario loci ad audiendas Fidelium confessiones fuerit approbatus, neque valide, neque licite ministrare hoc Sacramentum potest, excepto mortis articulo, *in quo omnes Sacerdotes quoslibet penitentes a quibuscumque peccatis, & censuris absolvere possunt, ne hac ipsa occasione aliquis pereat*, uti Tridentina (1) Synodus declaravit. In mortis enim articulo Ecclesia ipsa dat jurisdictionem cuilibet Sacerdoti, etiam suspenso, excommunicato, degradato &c., ut quoslibet Fideles a quibuscumque casibus, & censuris etiam reservatis, possit absolvere, nisi forte Sacerdos adfit approbatus. Tunc enim ad hunc pertinet Sacramentum Pœnitentiæ moribundo ministrare: nam cum aliquid *conceditur* (2) *propter necessitatem*, uti habemus in regulis Juris, *durat concessio, quamdiu urget necessitas: in argumentum enim trahi nequeunt, quæ propter necessitatem aliquando sunt concessa*. Nullus itaque simplex Sacerdos, qui a Nobis, aut a Vicario Nostro Generali approbatus non fuerit, sive Sæcularis sit, sive Regularis, sub (3) pœna suspensionis a divinis ipso facto incurrenda, aliisque gravissimis pœnis (4) a Nobis adversus ipsum infligendis, Confessiones Sæcularium in tota Nostra Diœcesi excipere audeat: Imo ne peccatorum quidem venialium Confessiones excipiat sine prævia Nostra, aut Vicarii Nostri Generalis approbatione: nam id quoque sub pœnis Canonicis districte prohibemus ad normam decreti Sacræ Congregationis Concilii (5) ab Innocentio XL. approbati, & confirmati, ubi sic Episcopis omnibus indicitur: *Non permittant, ut venialium Confessio fiat simplici Sacerdoti non approbato ab Episcopo, aut Ordinario. Si Parochi, & Confessarii, etiam Regulares, aut*

liii 2

quicum-

(1) Trid. sess. 14. cap. 7.

(2) ff. de regulis Juris, & regula 78. Juris in 6.

(3) Clem. Dudum. §. *At deinde*. de Sepulturis, & S. Pius V. Conflit. 133.

(4) Sac. Cong. Concil. in Neapolitana 14. Aprilis 1646. Gregorius XV. Con-

stit. *Inscrutabili*, & Innocentius X. Conflit. *Cum sicut accepimus*. edita 15. Maii 1648.

(5) Sac. Cong. Concil. sub Innocentio XI. 12. Februarii 1679. in decreto. *Cum ad aures*.

quicumque alii Sacerdotes secus egerint, sciant se Deo Optimo Maximo rationem esse reddituros, neque defuturam Episcoporum, & Ordinariorum justam, ac rigorosam animadversionem in contrascentes, etiam Regulares &c.

VII. Caveant Sacerdotes omnes, cum Sæculares, tum Regulares, ne Fidelium Confessiones in Nostra Diœcesi excipere audeant, etiam vigore Indultorum, per quæ ab Apostolica Sede datur Fidelibus quandoque facultas eligendi sibi Confessarium ex approbatis ab Ordinario, qui eos a culpis, & censuris alioquin reservatis absolvere valeat, nisi Sacerdotes ipsi, qui ad id muneris deliguntur, a Nobis, aut a Vicario Nostrò Generali licentiam audiendi Confessiones obtinuerint, eaque adhuc fruantur. Immo si ea limitata vel quoad locum, vel quoad tempus, vel quoad genus personarum concessa a Nobis fuerit, sciant, se non posse valide Pœnitentiæ Sacramentum administrare extra tempus, vel locum, vel genus personarum a Nobis præscriptum, non obstante quocumque privilegio, vel cunctis Christifidelibus per universalis Jubilæi litteras, vel nonnullarum Regionum Incolis per Bullam Cruciatæ, vel Universitatibus, aut Confratrum, seu aliorum cœtibus per specialia Indulta ab Apostolica Sede concessa. Nam, præter Pauli V., Urbani VIII., & Clementis X. Constitutiones, quibus contraria opinio damnata jam fuerat, Innocentius XII. per suam (1) Constitutionem decrevit, ac declaravit, Confessarios tam Sæculares, quam Regulares, quicumque illi sint, in vim Bullæ Cruciatæ a Pœnitentibus ad audiendas eorum Confessiones electos, eas audire non posse sine approbatione Ordinarii loci, in quo ipsi Pœnitentes degunt, & in quo Confessarios ad suas excipiendas confessiones requirunt; neque ad hoc suffragari approbationem semel, aut pluries ab Ordinario aliorum locorum obtentam, etiamsi pœnitentes subditi illorum Ordinariorum forent, qui Confessarios electos approbassent; adeoque confessiones in posterum aliter factas, & auditas

(1) Innocentius XII. *Const. Cum scis*. 19. Aprilis 1700.

ditas nullas, irritas, atque invalidas fore: Sacerdotibus vero, qui illas audire præsumperint, suspensionis poenam ipso facto incurrendam indixit: opinionem autem contrariam, tamquam falsam, temerariam, scandalosam, & in praxi perniciosam damnavit, eamque doceri, sustineri, aut ad praxim deduci, sub poena excommunicationis ipso facto incurrendæ prohibuit. Innocentii XII. Constitutionem confirmavit mox per litteras (1) in forma Brevis Innocentius XIII., quibus etiam declaravit, Sacerdotes sive Sæculares, sive Regulares, qui ab Episcopis obtinuerint licentiam audiendi Confessiones limitatam vel quoad locum, vel quoad tempus, vel quoad genus personarum, non posse Sacramentum Pœnitentiæ administrare extra tempus, vel locum, vel personarum genus ab ipsis Episcopis præscriptum, quocumque privilegio, etiam in vi Bullæ Cruciatæ, nullatenus suffragante. Sacerdotibus autem tam Sæcularibus, quam Regularibus ad Confessiones excipiendas vel ex vi Bullæ Cruciatæ, vel ex quocumque alio privilegio electis, minime suffragari, quod approbati alias fuerint ab Episcopo, qui loci, in quo Confessiones audiendæ sunt, Ordinarius aliquando fuerit, sed non amplius sit, vel quia obierit, aut Episcopatui renunciaverit, vel quia ad aliam Ecclesiam auctoritate Apostolica fuerit translatus; sed necessariam omnino esse illius approbationem, qui actu ordinariam in ea Diocesi exerceat jurisdictionem: eam tamen sufficere etiam tacitam, ac tamdiu durare, quamdiu præcedens approbatio expresse revocata non fuerit; in quo casu nova ex integro impetranda erit, non secus ac quando prior approbatio, tempore præfinito elapso, expiraverit. Innocentii XIII. litteras Benedictus XIII. (2) aliis Apostolicis suis litteris approbavit, confirmavit, atque innovavit. Verum cum novæ hac super re excitari possent controversiæ; Benedictus XIV., ut omnem in

(1) Innocentius XIII. suo Brevi. *Apostolici Ministerii*. 13. Maii 1723.

(2) Benedictus XIII. *Constit. In su-*

premo Militantis Ecclesia folio. 23. Septembris 1724.

posterum dubitandi occasionem adimeret, Constitutionem (1) edidit, qua statuit, ac declarat, idem omnino jus, quod vigore prædictorum Decretorum circa intelligentiam, & usum Indulti Bullæ Cruciatæ obtinet, etiam quoad reliqua ejusdem generis Indulta pariformiter valere, atque obtinere debere; & reprobationem dictarum opinionum, quatenus respiciunt intelligentiam, & usum Indulti Bullæ Cruciatæ, a præfatis Pontificibus proscriptarum, locum similiter habere, quatenus easdem opiniones, & sententias in medium proferri contingeret circa familia etiam Indulta, sive universis per Ecclesiam Christifidelibus, sive alicui regioni, aut loco, Universitati, aut cœtui particulari Sodalium, seu Confratrum, quomodocumque, & ubicumque concessa, vel concedenda. Deinde ita subdit: *Insuper decernimus, & declaramus, id, quod generaliter de indultis præmissis sentiendum jam diximus, generaliter quoque intelligendum esse de omnibus, & singulis personis, quæ sub eorundem Indultorum concessione comprehensæ reperiuntur, vel quas in posterum comprehendî contingat, quæque supradictis indultis uti voluerint: ita videlicet, ut si in aliquo Indulto tam secularibus, quam Regularibus tribuatur facultas eligendi Confessarium ab Ordinario loci approbatum; tunc Confessarius vigore talis concessionis, sive a seculari, sive a Regulari Penitente ad audiendas eorum respectivæ Confessiones electus, nullatenus ejusmodi Confessiones audire valeat, nisi ab Episcopo Diocesano, & Ordinario loci, ubi Confessio excipienda est, ad Confessiones approbatus, & deputatus existat, quacumque alia approbatione tam illius generis, quam uterque Innocentius Prædecessores prædicti declararunt non suffragari, quam ea, si de Regularibus agatur, quæ a solo proprio Regulari Prelato obtenta foret, minime suffragante. Æquum est enim, & rationi consentaneum, ut quicumque speciali Indulti beneficio gaudere, eoque uti voluerit, is conditiones in eodem Indulta præscriptas omnino servet; neque licitum est cuiquam, conditionem illam approbationis Confessarii per loci Ordinarium faciendæ alio modo intel-*

(1) Benedictus XIV. Const. *Apostolica Indulta*. nonis Augusti 1744.

intelligere, quam eo, quo ipsam intelligendam esse toties Prædecessores Nostri Romani Pontifices, ut præmissum est, decreverunt: Quorum Nos quoque vestigiis inherentes, præfatam conditionem in eodem plane sensu, quem illi tradiderunt, ab omnibus, & singulis hujusmodi Indulto sub ea conditione concessio utentibus accipiendam, & servandam esse statuimus, atque mandamus, quicumque illi fuerint, qui in vi ejusmodi Indulti Confessarium sibi eligent, sive seculares, sive Regulares cujuslibet Ordinis, & Instituti, tam Mendicantium, quam non Mendicantium, & Ordinum Militarium, etiam Militie Hospitalis Sancti Joannis Hierosolymitani, nec non Societatis Jesu, atque alterius cujusvis Congregationis, vel Societatis, tametsi de illis, aut illorum, vel illarum aliquo, seu aliqua, specialis, & expressa mentio quomodocumque facienda foret. Ideoque Confessiones, & absolutiones in præmissis casibus aliter in posterum factas, & respective auditas, seu impetratas, irritas fore, & invalidas declaramus, & contrariam quamcunque opinionem, ejusque praxim deinceps prohibemus, ac reprobamus, tamquam explanata toties ab Apostolica Sede verborum intelligentie, ac menti nostræ, quam ad omnem hac super re ambiguitatem tollendam per præsentis clarius exposuimus, penitus adversantem.

VIII. Requiritur tandem in Sacramenti hujus Ministro intentio sive actualis, sive virtualis conficiendi Sacramentum, & absolvendi a peccatis, seu faciendi id, quod facit Ecclesia; quod quidem commune est omnibus Sacramentis, uti superius diximus cap. 6., de Sacramentis in genere verba facientes. Propterea sic Fideles monet Concilium Tridentinum (1): *Non debet penitens adeo sibi de sua ipsius fide blandiri, ut, etiamsi nulla illi adsit contritio, aut Sacerdoti animus serio agendi, & vere absolvendi desit; putet tamen se, propter suam solam fidem, vere, & coram Deo esse absolutum: nec enim fides sine penitentia remissionem ullam peccatorum præstaret; nec is esset, nisi salutis sue negligentissimus, qui Sacerdotem joco se absolventem cognosceret, & non alium serio agentem sedulo requireret.* Leo autem X. duodecimum hunc Lutheri articulum

(1) Trid. sess. 14. cap. 6.

624 CONSTITUTIONES SYNODALES

ticulum proscripsit, ac damnavit. *Si confessus non esset contritus, aut Sacerdos non serio, sed joco absolveret, si tamen credat se absolutum, verissime est absolutus.*

ARTICULUS VIII.

De triplici, quo Confessarius fungitur, munere, dum Pœnitentiæ Sacramentum administrat.

DUM Confessarius Pœnitentiæ Sacramentum Fidelibus administrat, triplici officio fungi, ac triplicem induere personam debet, Medici (1) videlicet, Doctoris, ac Judicis. Ad hæc autem munia rite, sancteque obeunda, tria potissimum in ministrante requiruntur, prudentia, scientia, & probitas. Et primum quidem Medicum agit, quisquis Pœnitentiæ Sacramentum ministrat, adeoque multa indiget prudentia, ac sedulitate, cum nedom criminum circumstantias, sed illius etiam, qui in crimina lapsus est, indolem, atque ingenium inspicere sedulo debeat, ut opportunis illum remediis juvet, ex quibus animæ salutem consequatur. Sacerdos autem sit discretus, & cautus, inquit Innocentius III. (2) in Generali Concilio Lateranensi, *ut more periti Medici similiter infundat vinum, & oleum vulneribus fauciati, diligenter inquirens & peccatoris circumstantias, & peccati, per quas prudenter intelligat, quale illi debeat consilium præbere, & ejusmodi remedium adhibere, diversis experimentis utendo ad sanandum ægrotum.* Quis itaque non videat, suscepti muneris partes non implere, imo vero gravius reos esse criminis eos omnes, qui cum in Sacro Pœnitentiæ Tribunali resident, nulla tacti sollicitudine, pœnitentes dumtaxat audiunt, non monent, non interrogant, sed expleta criminum enumeratione, absolutionis formam illico proferunt? *Si pœnitens numerum, & speciem, & circumstantias peccatorum non exprefferit, cum Sacerdos prudenter inter-*
roget.

(1) Benedictus XIV. Constit. *Apostolica*.
lita. §. 19. edita 26. Junii 1749.

(2) Cap. *Omnia utriusque sexus*. de
pœnit. & remiss.

regit. Ita in Rituali Romano (1) statuitur, quod evulgavit Paulus V., & Apostolica sua Constitutione roboravit.

II. Et sane quemadmodum prudens, artisque suæ peritus Medicus, si, cum ægrotum invisit, morbum, quo laborat, ab eo sibi non satis explicari videat, continuo totam ægritudinis seriem caute disquirit, & quæ morbi adventum præcesserint indicia, quæ comitata fuerint symptomata, quæ tandem incommoda subsecuta sint, sedulo, ac patienter explorat, ægrique corporis habitum, atque affectiones contemplatur diligentissime, ut congrua ægritudini, atque ægroto medicamenta præscribat; ita Confessarius, si probe norit, pœnitentem aliquibus peccatis gravari, quæ nondum aperuit, sive ex oblivione, quod imos conscientia recessus non satis exploraverit, sive ex crassiore ignorantia, quæ tamen culpa non vacat, cum sibi licere putet, quod re ipsa nefas est, caute, ac prudenter debet, ne alioqui necessaria integritate Confessio fraudetur, in pœnitentis memoriam ea, quæ omisit, revocare, illumque monere, & corrigere, ut rite comparatus Sacramenti Pœnitentiæ fructum percipiat. Qua tamen in re summa utendum est prudentia, præsertim cum puerorum, ac puellarum Confessiones excipiuntur, ne videlicet ex incautis quibusdam interrogationibus eam, quam nondum didicere, malitiam addiscant, &, quæ nondum perpetrarunt, admittendi peccata occasionem aucupentur. Caute quoque, summaque cum modestia, ac verecundia procedendum est, si de criminibus contra sextum Decalogi præceptum perpetratis pœnitentes, ac potissimum mulieres, interrogari oporteat. Sacramenti enim Sanctitas, atque æterna Pœnitentis, ipsiusque Confessarii salus postulant, ut nonnisi de iis, quæ necessario exprimenda sunt, & nonnisi paucioribus, & castigatioribus verbis interrogentur. Quamobrem in hoc peccatorum genere Sacramenti hujus Minister non alias circumstantias, quam quæ peccati naturam variant, aut ipse curiosius exquirat, aut effari, præsertim

K k k

tim

(1) Rituale Romanum tit. de Sacramento Pœnitentiæ.

626 CONSTITUTIONES SYNODALES

tim Mulieres, patiat. *De peccatis carnalibus*, ut optime monet Angelicus Doctor (1), *non descendat nimis ad particulares circumstantias, quia hujusmodi delectabilia, quanto magis in speciali considerantur, tanto magis concupiscentiam nata sunt movere*. Quod quidem monitum est etiam apprimè necessarium, cum ejus hominis auditur Confessio, qui sordido impudicitiae limo jamdiu alte infixus, pravis cupiditatibus, ac morosis delectationibus assentiri facillime consuevit. Verendum enim quam maxime est, ne si diutius, ac subtilius in peccatorum suorum circumstantiis recensendis immoretur, concupiscentiae exardescat ignis, & dum admissa peccata expiare contendit, novo per imprudentiam crimine commaculetur. Caveant tandem Confessarii, ne dum a Pœnitente peccati, quod confitetur, circumstantias exquirunt, eundem fuasionibus inducant, aut quod longe detestabilius foret, per sacramentalis absolutionis denegationem adigant, atque compellant ad nomen complicitis, cum quo peccatum illud perpetravit, manifestandum. Hanc enim praxim exquirendi nomen complicitis, & pœnitentem adigendi ad illud revelandum tribus suis eodem anno editis Constitutionibus (2) Benedictus XIV. reprobavit, atque damnavit, *tamquam scandalosam, & perniciosam, ac tam famæ proximorum, quam ipsi etiam Sacramento injuriosam, tendentemque ad Sacrosancti sigilli violationem, atque ab ejusdem Sacramenti Pœnitentiæ tantopere proficuo, ac necessario usu Fideles abalienantem*. Unam ex antedictis Constitutionibus in Appendice damus num. 11., quam ab omnibus, & singulis in Nostra Diœcesi ad audiendas Fidelium Confessiones a Nobis approbatis, & in posterum approbandis diligenter legi jubemus.

III. Præterea Sacramenti Pœnitentiæ Minister, prudentiſſimè instar Medici, explorare solerter debet, quænam origo, & occasio fuerit eorum criminum, quæ a se admissa fuisse fatetur pœnitens?

(1) S. Th. in 4. Sent. dist. 19.

(2) Benedictus XIV. Const. *Suprema*.
7. Junii 1746., Const. *Ubi primum*. 4. no-

nas Junii 1746., & Const. *Ad eradicandum*. 4. Calendas Octobris 1746.

nitens? utrum is ex humana fragilitate, vehementique tentatione peccaverit, an ex pravo, quem forte contraxerit, habitu? Num in aliqua proxima peccandi occasione versetur? Num ab effræni aliqua cupiditate ferri se patiat in præceps? Illud quoque scrutetur, necesse est, quænam sit pœnitentis conditio, quænam corporis vires, quænam animi indoles, ac propensio? Non enim curandis animi morbis apta præscribere potest medicamenta, nisi & morbi causam, & ægroti vires, atque indolem probe noverit, cum non eadem morbis omnibus, omnibusque ægrotis adhibenda sint remedia. Ipse vero, si Medici partes, ut par est, implere, atque animi morbis commode, ac prudenter mederi velit, ita singulis apta, & salubria remedia debet adhibere, ut non solum in præsentia omnis, qua æger premitur, morbi vis depellatur, sed etiam in posterum ejus valetudo firmitior, munitiorque reddatur.

IV. Alterum, quo Confessarius fungitur, officium est Doctoris munus, quod fieri nullo modo potest, ut sine scientia digne, sancteque expleatur. Dux vero sunt scientiæ species, quarum una *scientia eminent*, alia vero *mediocris* nuncupatur. *Scientiam autem reputamus eminentem*, inquit Innocentius IV. (1), *quæ subtiles quæstiones discutere, & desuare novit, & in promptu responsiones habet. Ille vero habet mediocrem, qui scit aliquo modo examinare negotia, quamvis ad omnia nesciat respondere, & qui in libris veritatem eorum, quæ scire tenetur, scit querere, & sit in promptu omnia non habet.* Optandum sane (2) esset, ut quilibet Confessarius eminenti polleret scientia: verum cum hæc dos paucorum sit, necesse omnino est, ut mediocri saltem scientia sit instructus. Nec meliora sperare licet, cum moralis Theologia tot, tantisque quæstiones, quæ a Sacrorum Canonum, & Apostolicarum Constitutionum notitia pendent, complectatur, ut ardua plane

K k k k 2

res

(1) Innocentius III. in Commentariis ad cap. *Cum in cælis*. de electione, & electi potest. num. 2.

(2) Benedictus XIV. in cit. *Constit. Apostolica*. §. 21.

628 CONSTITUTIONES SYNODALES

res sit, posse aliquem omnia simul bene nosse, atque illico nodos quoscunque dissolvere, ut ii solent, qui eminenti scientia præfulgent. Quamobrem si forte contingat, (solet autem non raro contingere) Confessionis Ministrum aliquid a pœnitentibus audire, quod peculiari examine dignum sit, caveat, ne divinando respondeat, sed, opportuno tempore, ac consilio primum adhibitis, rem expediat. Cum igitur aut difficilior, aut nova quædam facti species ad Confessarium defertur; is in re dubia propriæ opinioni non innitatur, sed antequam causam dirimat, plures consulat libros, & eos cum primis, quorum doctrina solidior; ac deinde in eam descendat sententiam, quam ratio suadet, ac firmat auctoritas. Id faciendum præscripsit Benedictus XIV. in sua Epistola Encyclica (1) super usuris, ubi ait: *Suis privatis opinionibus ne nimis adhareant, sed priusquam responsum reddant, plures Scriptores examinent, qui magis inter ceteros prædicantur: deinde eas partes suscipiant, quas tum ratione, tum auctoritate plane confirmatas intelligent.* Quæ verba cum in alia (2) sua Constitutione idem Pontifex retulisset, sic immediate subdit: *Id ipsum modo repetimus: Nostra quippe sententia non solis rei usurariæ limitibus circumscribitur, sed ea omnia complectitur, quæ sive ad forum sacramentale, sive ad rectum conscientiarum regimen quoquo modo conferre possunt.*

V. Ad hanc autem mediocrem scientiam, qua instructum omnino esse Confessarium necesse est, ne sibi, aliisque gravissimum inferat detrimentum, scire pertinet ea omnia, quæ ad rectum in Pœnitentiæ Tribunali ferendum iudicium requiruntur. Oportet enim, uti loquitur S. Augustinus (3), *ut scias cognoscere, quidquid debet iudicare.* Judiciaria enim potestas hoc exposulat, ut, quod debet iudicare, discernat. Quamobrem scire debet, quænam sint peccata ex genere suo lethalia, quæ venialia; quænam

circum-

(1) Benedictus XIV. in epist. Encyclica 143. §. 8. tom. 1. sui Bullarii (2) Benedictus XIV. in cit. Constit. Apostolica. §. 21. (3) Can. 1. §. Caveat. dist. 6. de pœnitentia.

circumstantiæ speciem peccatorum mutant; quænam sint communes regulæ, quibus excusari quis potest a præcepto, vel a peccato lethali; quænam sint censuræ, & casus reservati, a quibus absolvendis debet abstinere, ne facultatis suæ limites prætergrediatur, quandonam, & quinam ad famæ, vel ad bonorum restitutionem obligentur, aliæque hujusmodi plura, sine quorum scientia Sacramentum Pœnitentiæ digne, ac rite ministrari nequit. Paucis: ea Confessarius ut Doctor esse debet instructus scientia, quæ requiritur, ut in iis, in quibus pœnitescentes vel Christiani hominis officio, vel muneri defunt suo, eos arguere, monere, atque erudire satis valeat.

VI. Judicis tandem partes in administrando pœnitentiæ Sacramento explere Confessarius debet, ad quas sane, prout decet, explendas, præter prudentiam, ac scientiam, eximia probitas requiritur. Et primum quidem, cum hoc Sacramentum administrat, oportet (2) eum sine crimine esse, sicut Dei dispensatorem. Quamquam enim certum sit, uti Tridentina (2) Synodus docet, etiam Sacerdotes, qui peccato mortali tenentur, per virtutem Spiritus Sancti in ordinatione collatam, tamquam Christi Ministros, functionem remittendi peccata exercere, eosque prave sentire, qui in malis Sacerdotibus hanc potestatem non esse contendunt; Certum tamen quoque est, Sacerdotes impure, & indigne hoc Sacramentum ministrantes, in æternæ mortis reatum incurrere, ac dum alios absolvunt, gravissimi sacrilegii crimine sese turpiter alligare. Sacerdos ergo (3), si fuerit peccati mortalis sibi conscius, [quod absit] ad hujus Sacramenti administrationem non audeat accedere, nisi prius corde pœniteat; & si Confessarii habeat copiam, & temporis, locique ratio ferat, Sacramentali absolutione conscientie suæ sordes emundet.

VII. Debet deinde probum se, ac fidelem Mysteriorum Dei dispensatorem sine acceptione personarum exhibere. Quare paupe-

(1) Ad Titum cap. 1.

(2) Trid. sess. 14. cap. 6.

(3) Rituale Romanum de Sacramento Pœnitentiæ.

pauperes æque, ac divites, plebejos, ac nobiles, imperitos, ac doctos perhumaniter excipiat, patienter audiat, &, si opus sit, moneat, instruat, corripiat, arguat in omni patientia, ac doctrina. Sacramentalem vero absolutionem, prout variz rerum circumstantiz, variaque pœnitentium dispositio postulant, vel differat, vel deneget, vel largiatur. At si eam (1) deneget, si eam differat, miti ingenio, suavique sermone pœnitentibus causas si eam deneget, si eam dilatare absolutionis aperiat, ac ita expedire ostendat, ut animæ salutis bene consulatur. Hinc illos, ut quantocyus revertantur, invitet, atque animos addat, ut ante reditum ea omnia, quæ illis agenda præscripsit, rite perficiant; ex quo fiet, ut ad Sacramentale Forum regressi, absolutionis beneficio donentur. Si vero absolutionem concedat, iis potissimum, qui aut raro, aut non sine multis criminibus ad Pœnitentiæ Sacramentum solent accedere; eos gravioribus verbis ante absolutionem ad pœnitentiam hortari non desinat; vitam, quam sub peccati iugo duxere miserrimam, illis aperiat; admissorum criminum gravitatem, ac turpitudinem explicet, ut nimirum ex corde doleant, ac se in posterum a peccatis recessuros serio proponant. Ratum quippe est, solida, & gravia Confessariorum hortamenta in pœnitentiæ foro prolata, longe efficaciora esse Sacris Oratorum concionibus, ut pœnitentis animum a vitiis avocent. Solent enim Concionum Auditores, quas aure excipiunt, increpationes in alios potius, quam in seiplos transferre. Id vero fieri nequit in privatis Confessariorum monitionibus, quæ in unum pœnitentem cadunt, ac in illius faciem vibrantur, quin is aut crimina inficiari possit, aut excusare. Neque vero ab his subeundis curis, laboribusque propter frequentiore pœnitentium numerum Confessarii se excusatos arbitrentur. Audiant enim auream illam S. Francisci Xaverii sententiam, quam in ejus vita Turfelinus (2) refert. *Consuetibus porro, non festina-*

(1) Benedictus XIV. cit. *Const. Apostolica*. §. 22.

(2) Turfelinus in *Vita S. Francisci Xaverii* lib. 6. cap. 17.

*festinatam, sed diligentem navandam operam censebat, monens, ut præoptarent Confessiones paucas rite factas audire, quam multas temere properatas. Tandem Confessarius, humana qualibet despecta ratione, pro qualitate criminum, & pœnitentium facultate, quantum spiritus, & prudentia suggesserit, salutare, & convenientes satisfactiones, non modo ad novæ vitæ custodiam, & infirmitatis medicamentum, sed etiam ad præteritorum peccatorum vindictam, & castigationem injungat. Caveat autem, ne a reservatis casibus, aut censuris quemquam absolvat, nisi expressam ad id delegatam a Superiore acceperit facultatem. Caveat præterea, ne de his, quæ in Sacramentali Confessione audit, sine expresso, liberoque pœnitentis consensu cum aliis, imo ne cum ipso quidem pœnitente, extra Confessionem colloquatur. Verum de his seorsum pauca dicemus inferius. Interea Parochos omnes, & Confessarios rogamus, atque hortamur in Domino, ut secum ipsi perpendant, sibi quæ dictum putent id, quod Judicibus in Mosaica Lege a Deo constitutis dictum fuit (1): *Videte, quid faciatis: non enim hominis exercetis judicium, sed Domini.**

ARTICULUS IX.

De Peccatis, & Censuris reservatis.

Posse Summos Ecclesiarum Antistites, multoque magis omnium Supremum Romanum Pontificem, inferiorum Sacerdotum jurisdictionem ita coarctare, ut a quibusdam gravioribus culpis, quas sibi, suoque judicio relaxandas reservant, ne in foro quidem conscientiæ, & coram Deo illi absolvere valeant, disertis verbis adversum Lutherum, ejusque asseclas Tridentina Synodus definivit, ubi inquit (2): *Magnopere ad Christiani populi disciplinam pertinere Sanctissimis Patribus nostris visum est, ut atrociora quædam, & graviora crimina non a quibusvis, sed a Summis dumtaxat Sacerdotibus absoluerentur: unde merito Pontifices*
Na-

(1) 2. Paralip. cap. 19.

(2) Trid. sess. 14. cap. 7., & ead. sess. can. 11.

Maximi, pro suprema potestate sibi in Ecclesia universa tradita, causas aliquas criminum graviore suo potuerunt peculiari iudicio reservare. Neque dubitandum est [quando omnia, quæ a Deo sunt, ordinata sunt] quin hoc idem Episcopis omnibus in sua cuique Diœcesi, in ædificationem tamen, non in destructionem, liceat pro illis in subditos tradita supra reliquos inferiores Sacerdotes auctoritate, præsertim quoad illa, quibus excommunicationis censura adnexa est. Hanc autem delictorum reservationem consonum est divinæ auctoritati non tantum in externa politia, sed etiam coram Deo vim habere. Ex his Tridentini Concilii verbis edocemur. 1. ad Christiani Populi disciplinam magnopere pertinere, adeoque laudabilem, maximeque utilem esse atrociorum quorundam, graviorumque criminum reservationem, quæ tamen in ædificationem, & non in destructionem fiat. 2. reservationem ejusmodi fieri posse vel a Romano Pontifice, vel ab Episcopis, ita tamen, ut si a Romano Pontifice fiat, in universa Christiana Republica, si vero ab Episcopis, in singulis dumtaxat cujusque Diœcesibus vim habeat obligandi. Quamquam autem Tridentina Synodus potestatem reservandi peccata Summo tantum Pontifici, & Episcopis nominatim adstruxerit; nomine tamen Episcopi, inferiores etiam Prælatos habentes jurisdictionem quasi Episcopalem cum Territorio separato comprehendi declaravit Sacra Congregatio ejusdem Concilii interpretes, rescribens (1), Prælatos Seculares Episcopis inferiores, qui habent jurisdictionem quasi Episcopalem in loco, Et nulli Diœcesano nec ipsi, nec eorum subditi subsunt, habere facultatem reservandi sibi casus. 3. dupliciter hujusmodi reservationem statui posse, videlicet vel per hoc, quod immediate criminum certorum, quibus nulla Ecclesiastica adnexa est censura, reservetur absolutio, vel per hoc, quod certis quibusdam peccatis excommunicatio ipso facto incurrenda adnectatur, ejusque absolutio reservetur.

II. Cri-

(1) Sac. Cong. Conc. in Salernitana ann. 1585. lib. 4. decret. pag. 36, & in Marticana ann. 1587. lib. 4. decr. pag. 250.

II. Criminum reservatio alia est pœnalis, alia medicinalis, & alia mixta. Prior ad crimen puniendum; altera, ad præservandum a crimine; postrema ad utrumque obtinendum adhibetur. Mixtæ autem videntur esse reservationes omnes sive Pontificiæ, sive Episcopales; nam eæ in vindictam quidem, sed potissimum ad præservationem fieri solent, ut videlicet impii, nefarii que homines, qui, licet Sacerdotum monitis ad pœnitentiam excitentur, resipiscere tamen nolunt, ex veniæ saltem impetrandæ difficultate minus proclives ad malum fiant, & constantes in morum suorum emendatione perseverent, quam in Sacramentali Confessione pollicentur. Jam vero cum juxta Tridentinum *atrociora* quædam, & *graviora* criminina reservari dumtaxat soleant, eorumque reservatio in *edificationem*, & non in *destructionem* facienda sit; Hinc est, ut Doctores unanimiter arbitrentur, quatuor hæc omnino conditiones requiri, ut peccatum aliquod esse censeatur reservatum, nisi de diversa reservantis voluntate aliunde constet. 1. videlicet, ut sit peccatum mortale: secus enim inutilis esset reservatio, cum ad Sacramentalem (1) peccatorum venialium Confessionem nemo obligetur. 2. ut sit externum: quamquam enim peccata gravia inere interna reservari possint; in praxi tamen (2) receptum non est, ut umquam reserventur, cum neque Episcopi, neque Romani Pontifices actus mere internos suis reservationibus complecti umquam consueverint. Et sane quamquam gravissimum sit crimen hæresis, & cum in externum prodiit actum, ex quo *hæresis externata* nuncupatur, Summo Pontifici reservetur; quamdiu tamen in solo sistit animo, nulli subjicitur reservationi. 3. ut sit in genere suo consummatum eo modo, quo in decreto reservationis exprimitur. Quod esse debeat consummatum in genere suo, constat: verba enim Legis accipienda (3) sunt cum effectu,

LIII

quan-

(1) Trid. sess. 14. cap. 5.

(2) Benedictus XIV. de Synodo lib. 5. cap. 4. num. 5.

(3) Cap. *Relatum*. de Cleric. non res. & L. *Hoc editum*. §. *Autem*. ff. quod quisque Juris.

quando generalia eadem sunt, nullaque adhibita limitatione usurpantur; præsertim si odiosa sit lex, cujusmodi reservationis lex esse censetur, cum Episcopis, Parochis, aliisque eam potestatem adimat, quam alias de jure communi haberent: quamobrem ejusmodi legis verba de solis perfectis (1) actibus intelligi, non vero extendi ad imperfectos oportet. Quod autem esse debeat consummatum eo modo, quo in decreto reservationis exprimitur, certum est, quia ad Legis intelligentiam verba ejusdem Legis sunt attendenda, per quæ voluntas Legislatoris innotescit. Sic ex. gr. si ab Episcopo *procuratio abortus reservetur, etiam effectu non secuto*, reus est peccati reservati, qui inedia ad abortum procurandum adhibet, etiamsi abortus non sequatur: licet enim hæc abortus attentatio completa non sit in ratione abortus, completa tamen est in ratione abortus attentati. 4. demum ut sit certum: peccatum enim dubium non est peccatum simpliciter, sed cum addito dubium. Cum ergo reservari dumtaxat soleat peccatum simpliciter, ac stricte tale; jam peccatum dubium intelligi non debet reservatum, nisi oppositum in reservatione exprimitur, præsertim cum non minus poenitentibus, quam Confessariis odiosa sit reservatio, adeoque nonnisi de peccatis certis, atque indubiis sit intelligenda.

III. Cum autem reservatio nihil sit aliud, nisi sublatio Jurisdictionis necessariae ad absolvendum a certis quibusdam criminibus; sciendum est dupliciter auferri eam posse, directe videlicet, & indirecte. Directe quidem auferitur, cum Episcopus ordinariam limitat ex. gr. Parochi jurisdictionem sibi subjectam, ac subordinatam, eamque illi aufert quoad certa quædam peccata, a quibus proinde absolvere nequeat in posterum: Indirecte vero, quando Episcopus Sacerdotem aliquem sive Sæcularem, sive Regularem in sua Diocesi ad audiendas Fidelium confessiones approbans, subditos suos eidem subjicit, & in illos jurisdictionem in foro Poenitentiae confert, non tamen quoad omnia pecca-

(1) Cap. *Odia*. de regulis Juris in 6.

peccata, sed solum quoad aliqua: nam illam eidem non confert quoad ea peccata, quorum absolutionem sibi reservat, & a quibus proinde propter jurisdictionis, quam non accepit, defectum absolvere Confessarius nequit. Cum autem propter bonum commune Episcopus Confessario jurisdictionem vel habenti adimat, vel non habenti non conferat, quoad ea peccata, quæ sibi reservat, nulla habita ratione, utrum pœnitens sciat, an ignoret, ea peccata, quæ patrat, esse Episcopo reservata; Inde manifeste colligitur, etiam illos, qui peccatis suis adnexam esse reservationem ignorant, absolvi ab iisdem non posse, & a reservatione per ignorantiam non excusari.

IV. Multorum mentes hæc olim invaserat opinio, liberum cuique esse, ex propria Diœcesi, in qua peccatum reservatum perpetrarat, ad aliam, in qua reservatum illud non esset, eum in finem commere, ut inibi a simplici Confessario absolveretur. Verum Sacra Congregatio Concilii probe intelligens, factas ab Episcopo reservationes per hanc opinionem penitus eludi, fierique inutiles, declaravit (1), *Absolutionem pœnitentibus indultam, qui fraudulenter, & sub eo fine in aliam Diœcesim se transtulerunt, non sustineri*. Quam quidem declarationem mox Clemens X. peculiari sua Constitutione (2) confirmavit, decernens, *posse Regularem Confessorem in ea Diœcesi, in qua est approbatus, confluentes ex alia Diœcesi a peccatis in ipsa reservatis, non autem in illa, ubi idem Confessor est approbatus, absolvere, nisi eosdem pœnitentes moverit in fraudem reservationis ad alienam Diœcesim pro absolutione obtinenda migrasse*. Ex quibus Clementinæ Constitutionis verbis illud etiam intelligimus, non posse peregrinum absolvi ab iis peccatis, quæ licet in sua Diœcesi, e qua venit, reservata non sint; in ea tamen, in qua ille Sacramentaliter confitetur, Episcopo sunt reservata: Clemens enim aperte statuit, *Confessorem posse confluen-*

LIII 2

tes

(1) Sac. Congreg. Concil. in Compensatione 16. Septembris 1649. lib. 18. decretor. pag. 677.

(2) Clemens X. Const. *Superna Magni Patris familias*. ann. 1670. tom. 6. Bullarii pag. 305.

636 CONSTITUTIONES SYNODALES

tes ex alia Diœcesi a peccatis in ipsa reservatis, non autem in illa; ubi idem Confessor est approbatus, absolvere. Et ratio quidem huic decreto apertissime suffragatur: ubicumque enim peccatum admissum fuerit, in ea certe Diœcesi, in qua illud est reservatum, absolvi a Confessariis nequit; iis enim quoad ejusmodi peccata vel numquam concessa, vel adempta est jurisdicção, absolven-
dique facultas.

V. Verum ne hac ipsa reservationis criminum occasione aliquis pereat, pie admodum in Ecclesia Dei custoditum semper fuit [ut inquit Tridentina (1) Synodus] ut nulla sit reservatio in mortis articulo: quare omnes Sacerdotes tunc quoslibet pœnitentes a quibusvis peccatis, & censuris absolvere possunt. Extra mortis vero articulum Sacerdotes, cum nihil possint in casibus reservatis, id unum pœnitentibus persuadere nitentur, ut ad Superiores, & legitimos Judices pro beneficio absolutionis accedant. Cum autem nulla sit in mortis articulo, ut diximus, peccatorum reservatio, inde fit, ut, qui tunc a reservatis criminibus absolvitur etiam per Sacerdotem non habentem jurisdiccionem quoad reservata, non modo valide, ac licite absolvatur; verum etiam sistere se Superiori, etiamsi convalescat, non teneatur: ubi enim nulla est reservatio, nullum quoque reservationi adnexum onus subeundum est. Quod quidem procedit, si nulla sit peccato censura excommunicationis adnexa: nam si adnexa sit censura; sistere se Superiori debet ægrotus, ubi convalescit, non quidem ut a reservatis criminibus absolvatur, sed ut debitam præstet Ecclesiæ obedientiam, seseque remediis, ac pœnitentiis a Superiore præscribendis subjiciat: secus enim grave inobedienciæ (2) crimen admittit, & in censuram relabitur, qua prius innodabatur. Per mortis vero articulum non intelligitur dumtaxat ultimum vitæ instans, sed quodlibet etiam probabile mortis periculum, in quo videlicet constituti homines frequenter, & facile contingit, ut moriantur.

VI. Ex-

(1) Trid. sess. 14. cap. 7.

(2) Cap. *Eos qui.* de Senten. excommunicat. in 6.

VI. Extra mortis articulum Confessarii persuadere poenitentibus nitantur, ut ad Superiores, ac Legitimos Judices, qui sive ordinariam, sive delegatam absolvendi a criminibus reservatis potestatem habent, pro beneficio absolutionis accedant. Ordinariam autem potestatem habent ipse reservans, ejus in Officio Successor, & utriusque in spirituali jurisdictione Superior: unde fit, ut Summus Pontifex ab omnibus casibus tum Pontificiis, tum Episcopalibus absolvere possit; Episcopi vero ab iis omnibus, quos vel ipsi, vel eorum Antecessores sibi reservarunt. Delegatam vero potestatem ii habent, quibus ea specialiter concessa est ab aliquo ordinariam habente cum reservandi, tum a reservatis absolvendi potestatem. Verum quoad hanc delegatam potestatem multæ sunt excitatæ controversiæ, quas dirimi oportuit per Romanorum Pontificum, vel Sacrarum Urbis Congregationum decreta. Canonicus Pœnitentiarius in Cathedralibus Ecclesiis contendebat, sola sui muneris assecutione facultatem se adipisci absolvendi a peccatis Episcopo reservatis. At Sacra Congregatio Concilii ejusmodi facultatem (1) sine speciali Episcopi concessione eidem non competere declaravit.

VII. Quamquam adversus quosdam Regulares ex Ordine Mendicantium Benedictus XI. (2), & Clemens V. (3) declarassent, non licere iisdem quempiam absolvere a casibus Episcopo reservatis; cum tamen iidem, alique Regulares contenderent, eam absolvendi facultatem sibi concessam esse per privilegia, quorum confirmationem post Concilium Tridentinum impetraverant, ac præsertim per Bullam, quam *Mare magnum* vocant; S. Carolus Borromæus a Sacra Congregatione Concilii petiit, an Regulares ex privilegiis a Sede Apostolica impetratis, præsertim autem ex eo, quod vocant *Mare magnum*, possint in iis casibus, quos sibi Episcopus reservavit, absolvere consentientes? Sacra autem Congregatio

(1) Sac. Cong. Concil. in Derthonen. 6. Julii 1647. lib. 15. decretorum pag. 621., Benedictus XIV. de Synod. lib. 3. cap. 5. num. 8.

(2) Benedictus XI. cap. 1. de Privilegiis inter Extrav. comm.

(3) Clemens. Dudum. de Sepulchris, & Clem. Religiosi. de privilegiis.

638 CONSTITUTIONES SYNODALES

gatio (1), approbante Gregorio XIII., resp. ondit, *ex facultatibus per hoc Mare magnum, aliave privilegia Regularibus concessa, factam eis non esse potestatem absolvendi in casibus sibi ab Episcopo reservatis*. Mox Sacra Congregatio Episcoporum (2), & Regularium decretum edidit Clementis VIII. auctoritate roboratum, quo statuit, nullam Regularibus facultatem competere absolvendi a casibus, quos locorum Ordinarii hactenus reservarunt, vel in posterum sibi reservabunt. Idem deinde decretum (3), jubente Paulo V., eadem Sacra Congregatio confirmavit, servarique præcepit; & mox ex mandato Urbani VIII. illud iterum innovavit (4), eoque Regulares omnes tam intra, quam extra Italiam degentes affici, expresse edixit, ac declaravit. Præterea hanc propositionem (5) proscripsit Alexander VII. *Mendicantes possunt absolvere a casibus Episcopo reservatis, non obtenta ad id Episcopi facultate*. Tandem Clemens X. peculiari sua Constitutione (6), non modo ea, quæ hactenus diximus, confirmavit, sed insuper sancivit, *habentes facultatem absolvendi ab omnibus casibus Sedi Apostolica reservatis, non ideo a casibus Episcopo reservatis absolvere posse*.

VIII. Quarumdam etiam Sodalitatum Confratres suorum privilegiorum virtute sibi fas esse arbitrabantur in quibusdam anni solemnitatibus Confessarium eligere, per quem possent a casibus Episcopo reservatis absolvi. Sed re delata ad Sacram Congregationem Concilii, hæc pluribus (7) editis decretis oppositum definiens, falsam illorum persuasionem radicitus evellere studuit. Paucis etiam abhinc annis similem edidit declarationem Benedictus XIV. Cum enim ipse piam quamdam Confraternitatem

(1) Sac. Cong. Concil. 10. Sept. 1572., & S. Carolus Borromæus in Concil. Provinc. Mediol. III., & V. Actor. par. 1.

(2) Sac. Congreg. Episcoporum 9. Januarii 1601.

(3) Sac. Cong. Episcop. 6. Jan. 1617.

(4) Sac. Congr. Episcoporum 18. Novemb. 1628.

(5) Alexander VII. 24. Sept. 1665, in proscript. proposit. 12.

(6) Clemens X. Const. *Superna magis Patrisfamilias*. ann. 1670. tom. 6. Bullarii pag. 305.

(7) Sac. Cong. Concil. in Neritonens. ann. 1573. lib. 1. decret. pag. 143., & in Mediolanen. eod. anno, & lib. pag. 162.

tem in Civitate Januensi erectam sub invocatione *Beate Mariæ de Succursu contra Infideles* per suas Litteras in forma Brevis confirmasset, eique cætera inter privilegia illud concessisset, ut singuli illius Confratres Confessarium ab Ordinario loci respective approbatum eligere possent, cui facultas tribuebatur absolvendi unumquemque eorum semel in eorum vita, & semel in eorumdem mortis articulo a casibus etiam Sedi Apostolicæ reservatis; excitata iterum fuit controversia, an Confessarii sic prædictis electi possent etiam a casibus, qui locorum Ordinariis sunt reservati, sine ipsorum Ordinariorum licentia Confratres illos absolvere? At Benedictus XIV. per Apostolicas (1) Litteras ita questionem diremit: *Hujusmodi eligendi, & respective absolvendi facultatem &c., præterquam in casibus Nobis, & Sedi Apostolicæ dumtaxat, non vero etiam Ordinariis locorum reservatis, nisi eorundem Ordinariorum licentia accedat, per Nos in præcitatis Nostriis Litteris numquam concessam fuisse, adeoque absolutiones in vim earundem Litterarum contra præsentis declarationis nostræ tenorem, forsan de præterito impertitas, aut in posterum impertiendas, nemini suffragari potuisse, sive posse decernimus, & declaramus.*

IX. Porro veterem hanc, laudabilemque Ecclesiæ disciplinam secuti, Nos quoque casuum aliquorum absolutionem Nobis reservamus, quorum tabellam in Appendice num. 12. exhibemus, & nequa in eorum intelligentia oriatur æquivocatio, eidem Tabellæ perbreve dictorum casuum explicationem subnectimus, per quam Nostri mens, ac voluntas abunde innotescat. Quod si adhuc prudens aliqua dubitatio super hujusmodi casuum intelligentia fortasse oriatur, non ab aliis, quam a Nobis, & a Successoribus Nostriis eos interpretandos, explicandos, ac declarandos esse decernimus. Nullus igitur Confessarius sive Sæcularis, sive Regularis, excepto dumtaxat mortis articulo, sub quovis privilegiorum, aut facultatum prætextu, a prædictis Nostriis reservatis casibus absolvere audeat, nisi expressam a Nobis, aut

(1) Benedictus XIV. in suo Brevis *Pies Christianissimus*. 12. Cal. Sept. 1753.

aut a Vicario Nostro Generali ad id obtinuerit facultatem. Ne quis vero dictorum casuum ignorantiam possit obtendere, volumus, ac præcipimus, ut in quolibet Pœnitentiæ Tribunali, seu Confessionali, ut ajunt, Sede, ex uno latere affixa pendeat tabella casuum Nobis reservatorum, ex alio vero Bulla in Cœna Domini: utraque autem sit typis impressa, tum ut facilius legi possit, tum ut omnis, qui in transcribendo irreperere posset, error præcaveatur; quod quidem in omnibus cum Sæcularibus, tum Regularibus Ecclesiis servari omnino jubemus.

X. De casibus Romano Pontifici reservatis agendum modo hic Nobis esset. Verum cum horum plerique adnexam habeant excommunicationis majoris censuram, cujus absolutionem Romani Pontifices sibi reservarunt, idcirco de iisdem in articulo sequenti agemus, in quo de censuris perbreve instituemus sermonem. Hic dumtaxat de absolutione complicitis a peccato contra sextum præceptum admisso, quam nullam, atque invalidam esse, ac fore Benedictus XIV. statuit, ac declaravit, verba faciamus.

XI. Magnopere cupiens Benedictus XIV. a Sacerdotalis iudicii, Sacrique Tribunalis sanctitate omnem turpitudinis occasionem, & Sacramentorum contemptum, atque Ecclesiæ injuriam longe summovere, & animarum periculis, quantum in Domino posset, occurrere, peculiari sua Constitutione (1), quemadmodum a pluribus Episcopis per Synodales suas Constitutiones jam factum esse noverat, omnibus, & singulis Sacerdotibus tam Sæcularibus, quam Regularibus cujuscumque Ordinis, ac Dignitatis, tametsi alioquin ad Confessiones excipiendas approbatis, & quovis privilegio, & Indulto, etiam speciali expressione, & specialissima nota, ac mentione digno suffultis, Apostolica auctoritate, suæque potestatis plenitudine interdixit, ac prohibuit, ne eorum aliquis extra casum extremæ necessitatis (nimirum in ipsius mortis articulo, & tunc deficiente quocumque alio

(1) Benedictus XIV. Const. *Sacramentum Pœnitentiæ*. edita 1. Junii 1741.

alio Sacerdote, qui Confessarii munus obire possit) Confessionem Sacramentalem personæ complicitis in peccato turpi, atque inhonesto contra sextum Decalogi præceptum commissio excipere audeat, sublata propterea illi ipso jure quacumque auctoritate, & jurisdictione ad qualemcunque personam ab hujusmodi culpa absolvendam, itaut absolutio, si quam impertierit, nulla, atque irrita omnino sit, tamquam impertita a Sacerdote, qui jurisdictione, ac facultate ad valide absolvendum necessaria privatus existit, quam ei prædictis suis Apostolicis Litteris adimere intendit. Declaravit præterea, ac decrevit, ut ne in vim quidem cujuscumque Jubilæi, aut Bullæ Cruciatæ, aut alterius cujuslibet Indulti Confessionem dicti sui complicitis quisquam valeat excipere, eique Sacramentalem absolutionem elargiri, cum ne in iis quidem casibus Confessarius quoad ejusmodi peccatum, & Pœnitentem habendus sit pro Confessario legitimo, & approbato, utpote in ejusmodi peccati, & pœnitentis genere absolventi facultate ab Apostolica Sede privatus. Siquis autem Confessarius secus facere audeat, statuit, ut ipso facto excommunicationem majorem incurrat, a qua soli Romani Pontifices possint illum absolvere. Voluit tandem, ac præcepit, ut omnes Locorum Ordinarii tam præsentēs, quam futuri pro tempore existentes in approbatione Confessariorum, præter Constitutionem Gregorii XV. adversus Confessarios sollicitantes ad turpia, suam quoque præfatam Constitutionem ab omnibus Sacerdotibus approbandis attente legi, & accurate observari curent. Nos itaque, ut Pontificiis hisce mandatis faciamus satis, Constitutionis hujus exemplar in Appendice num. 13. damus, eamque ab omnibus Sacerdotibus ad audiendas Confessiones a Nobis tum approbatis, tum approbandis attente legi, & accurate observari volumus, ac jubemus.

XII. Cum autem subinde super ea dictæ Constitutionis parte, quæ mortis articulum respicit, dubitationes aliquæ exortæ fuissent; Idem Benedictus XIV., ut omnem dubitandi rationem,

M m m

quan-

642 CONSTITUTIONES SYNODALES

quantum cum Domino posset, de medio auferret, aliam Constitutionem (1) edidit, qua priorem Constitutionem suam cum omnibus, & singulis in ea contentis confirmavit, illamque integre, inviolabiliter, & inconcusse ab omnibus observari mandavit. Edixit deinde, ac declaravit, singulis Sacerdotibus, quemadmodum interdictum non est in mortis articulo personam in peccato turpi complicem confitentem audire, atque ab huiusmodi quoque culpa rite contritam absolvere, si deficiat tunc quicumque alius Sacerdos, qui Confessarii munus obire possit, ita interdicti re ipsa, & prohiberi prædicto modo tunc audire, & absolvere, si alius aliquis Sacerdos non defuerit; itaut, etiamsi forte iste alius fuerit simplex tantummodo Sacerdos, sive alias ad Confessiones audiendas non approbatus; possit nihilominus ipse Sacerdos simplex Confessionem excipere, & absolutionem impertiri. Porro si casus urgentis qualitas, & concurrentes circumstantiæ, quæ vitari non possint, ejusmodi fuerint, ut alius Sacerdos ad audiendam constitutæ in dicto articulo personæ Confessionem vocari, aut accedere sine gravi aliqua exortura infamia, vel scandalo nequeat; tunc declarat idem Pontifex, alium Sacerdotem perinde haberi, censerique posse, ac si revera abesset, atque deficeret, ac proinde in eo rerum statu non prohiberi focio criminis Sacerdoti, absolutionem pœnitenti ab eo quoque crimine impertiri. *Sciat autem complex ejusmodi Sacerdos (subdit idem Pontifex) & serio animadvertat, fore se re ipsa coram Deo, qui irrideri non potest, reum gravis adversus prædictam Nostram Constitutionem inobedientiæ, latisque in ea pœnis obnoxium, si prædictæ infamiæ, aut scandali pericula sibi ultro ipse confingat, ubi non sunt: imo intelligat, teneri se graviter hujusmodi pericula, quantum in se erit, antevertere, vel removere opportunis adhibitis mediis, unde fiat, ut alteri cuivis Sacerdoti locus pateat illius Confessionis absque ullius infamia, vel scandalo audiendæ. Ita enim ipsum teneri vigore memoratæ Nostræ Constitutionis declaramus, & nunc quoque ita ipsi faciendum esse*

(1) Benedictus XIV. Const. Apostolici muneris. edita 8. Febr. 1745.

esse districte mandamus, ac præcipimus. Quod si idem Sacerdos aut quovis modo sese, nulla gravi necessitate compulsus, ingesserit, aut ubi infamie, aut scandali periculum timetur, si alterius Sacerdotis opera requirenda sit, ipse ad id periculum avertendum congrua media adhibere de industria neglexerit, atque ita persona in dicto crimine complicitis, eoque in articulo, ut præfertur, constituta Sacramentalem Confessionem excipere, ab eoque crimine absolutionem largiri, nulla, sicut præmittitur, necessaria causa cogente, præsumpserit, quamvis hujusmodi absolutio valida futura sit, dummodo ex parte Pœnitentis dispositiones a Christo Domino ad Sacramenti Pœnitentiæ valorem requisiti non defuerint (Non intendimus enim pro formidando mortis articulo eidem Sacerdoti quantumvis indigno necessariam jurisdictionem auferre, ne hac ipsa occasione aliquis pereat); nihilominus Sacerdos ipse violata ausu ejusmodi temerario legis pœnas nequaquam effugiet; ac propterea latam in dicta Constitutione majorem excommunicationem, eodemque plane modo, quo ibidem decernitur, Nobis, Et huic Sanctæ Sedi reservatam incurret, prout illum eo ipso incurere declaramus, volumus, atque statuimus. Hujus quoque Pontificiæ Constitutionis exemplar damus in Appendice num. 14.

ARTICULUS X.

De Censuris, ac præsertim de iis, quarum absolutio Romano Pontifici est reservata.

Censura, juxta nòminis etymologiam, judicium significat, quod de actione aliqua, utrum laude, an reprehensione digna sit, pronuntiatur. Sic olim Romani sententiam Censoris, qua aut corripiebantur mores, aut pœna statuebatur criminibus, censuram nuncupabant. Verum juxta Sacros Canones censura est (1) pœna spiritualis, & medicinalis, qua homini baptizato, delinquenti, & contumaci quorundam spiritualium bonorum usum aufert Ecclesia, ut is a sua contumacia recedat.

M m m m 2

Jam

(1) Benedictus XIV. de Synodo lib. 10. cap. 1. num. 1.

644 CONSTITUTIONES SYNODALES

Jam vero cum sit pœna *spiritualis*, nonnisi ab Ecclesiasticis Prælati infligi potest: Cum sit *medicinalis*, non est mera pœna, sed eum in finem potissimum irrogatur, ut contumax resipiscat, & ad saniora consilia revocetur. Ut autem ferri in aliquem possit, debet is 1. esse *baptizatus*, quia censura est Ecclesiasticæ Jurisdictionis actus, adeoque nonnisi in Ecclesiæ subditos, cujusmodi sunt soli baptizati, exerceri potest. 2. esse *delinquens*, si enim est pœna, necessario culpam supponit. 3. esse *contumax*, cum enim sit pœna medicinalis, morbum sanandum supponit, inobedientiam videlicet Ecclesiæ mandatis adhuc expiandam. Effectus censuræ est, ut usum interdicat *quorundam spiritualium bonorum*, quorum penes Ecclesiam est administratio, ac dispensatio, cujusmodi sunt Ecclesiæ suffragia, Indulgentiæ, Ecclesiastica Jurisdictio, Sacramentorum usus, aliaque hujusmodi.

II. Censura alia est a Jure, alia ab homine. Prior ea est, quæ per Ecclesiasticas sanctiones fertur, subditosque omnes delinquentes complecti solet, ac tamdiu vim obligandi habere, quamdiu lex, per quam lata est, non abrogetur. Posterior est, quæ per mandatum, aut sententiam a legitimo Superiore infligitur, eaque *generalis* quandoque est, quia in aliquos, puta in Clericos, generatim fertur; quandoque *particularis*, quia in certam, ac determinatam personam pronunciatur. Alia præterea est *lata*, alia *ferenda sententia*. *Lata* sententiæ est, quam Lex, aut Superior ipso facto, quod quis legem violat, incurrendam esse decernit, quin alia Judicis sententia requiratur: solet autem his particulis exprimi, *ipso facto, ipso jure, eo ipso &c.*, vel per verbum præsentis, aut præteriti temporis, ex. gr. *sit excommunicatus, excommunicatur, noverit se excommunicatum &c.* *Ferenda* sententiæ est, quæ Reo per Judicis sententiam est infligenda, atque exprimi solet vel his locutionibus, *precipimus sub pœna excommunicationis, sub interminatione anathematis &c.*, vel per verbum futuri temporis, *qui hoc fecerit, excommunicabitur &c.* In dubio, utrum sit *lata*, an *ferendæ* sententiæ, cum utpote odiosa

odiosa in mitiorem accipienda sit partem, eam esse ferendæ sententiæ arbitrandum est.

III. Esse in Catholica Ecclesia potestatem ferendi censuras, iisque in foro cum externo, tum interno Fideles alligari, certum est 1. ex Evangelio (1), aliisque Novi Testamenti Scripturis. 2. ex verbo Dei tradito, ac vetustissima (2), constantique Ecclesiæ praxi. 3. ex proscriptione hujus 18. articuli Lutheri. *Excommunicationes sunt tantum externæ pænæ, nec privant hominem communibus spiritualibus Ecclesiæ orationibus.* Potestas hujusmodi alia est ordinaria, alia delegata. Ordinariam habet. 1. Romanus Pontifex in universo terrarum Orbe quoad omnes, qui ingressi semel sunt in Ecclesiam per baptismum. 2. Concilia Generalia (3), & Provincialia. 3. Legatus a Latere (4) Summi Pontificis. 4. Patriarchæ, Primates, Archiepiscopi, Episcopi, alique Prælati (5) territorium separatum quâ jurisdictione quâs Episcopali habentes quoad suos subditos. 5. Vicarius Generalis (6) Episcopi, & Sede Vacante, Vicarius Capitularis. 6. Ordinum Religiosorum Superiores (7) quoad suos subditos Regulares. Eam vero non habent Parochi, quia, licet in Pœnitentiæ foro ordinariam quoad suos Parochianos jurisdictionem habeant, ea tamen carent in foro exteriori. Delegatam ferendi censuras potestatem ii dumtaxat habent, quibus ab habente ordinariam committitur: committi autem nonnisi viro baptizato, & Clerico potest.

IV. Censuræ, uti de casibus reservatis diximus, ob peccatum dumtaxat grave, externum, & in genere suo consummatum, nisi aliud a Superiore exprimatur, infliguntur, tum quia peccatum mere internum (8) numquam ab Ecclesia per censuras puni-

(1) Matth. c. 18., & 1. ad Timoth. c. 4.

(2) Bened. XIV. de Synodo lib. 10. c. 1.

(3) Cap. *Grave nimis*. de præbend.

(4) Cap. *Legatus*. de officio Legati in 6.

(5) Cap. *Ad reprimendam*; cap. *Cum Episcopus*. de offic. ordin. in 6.

(6) Cap. *Licet*. de officio Vicarii, & cap. unic. de major. in 6.

(7) Cap. *Cum in Ecclesiis*. de præbendis.

(8) Cap. *Tua nos*; & cap. *Sicut tuis*. de Simonia.

646 CONSTITUTIONES SYNODALES

puniri consuevit; tum quia *cum rationis, & æquitatis principia suadeant*, ut optime inquit Benedictus XIV., *pœnam* (1) *esse commensurandam culpæ, & pro modo culpæ imponendam; consequens inde est nonnisi propter graviores culpam excommunicationem esse ferendam. Quæ autem de excommunicatione dicimus, intelligi etiam debent de suspensione, & interdicto*. A subeundis autem censuris excusat 1. *inculpabilis ignorantia*, sive *juris*, qua quis hoc, vel illud sub censuræ pœna prohiberi nesciat, sive *facti*, qua sciat quidem legem sub censura prohibentem, sed ignoret, hoc, vel illud factum sub tali lege contineri ex. gr. sciat, percussione Clerici sub excommunicationis pœna vitari; ignoret tamen, hunc, quem percutit, esse Clericum, illum Laicum esse arbitratus. *Ut animarum periculis obvietur*, statuit Bonifacius VIII. (2), *sententiis per statuta quorumcumque Ordinariorum prolati ligari nolumus ignorantes, dum tamen eorum ignorantia crassa non fuerit, aut supina*. Et sane cum locum habere nequeat censura, ubi non adsit contumacia; quomodo hæc adesse poterit, ubi inculpabilis ignorantia habeatur? At si culpabilis fuerit, crassa videlicet, aut supina; tunc certe ab incurrenda censura non excusat. *Nec enim ignorantia excusat*, ut inquit Gregorius IX. (3), *si scire debuisti, & quam debueras, non curasti diligentiam adhibere*. Excusat 2. sive physica, sive moralis impotentia faciendi id, quod sub censuræ pœna præcipitur: *possibilis* enim esse debet lex humana, ut vim obligandi habeat, subditique ad ejus observantiam adiganur. Excusat 3. legitima, quam quis ad Superiorem interponit, appellatio (4), antequam censuræ vinculis innodetur. Excusat 4. nullitas actus, si vel censura ab eo, qui legitimus Superior non sit, infligatur, vel in ea infligenda *essentiales*, ut ajunt, non servantur *formalitates*, si ex. gr. canonica non præcefferit monitio: secus, si accidentales tantum solemnitates prætermittantur: tunc enim

(1) Benedictus XIV. de Synodo lib. 10.
cap. 1. num. 2.

(2) Cap. 2. de Constitut. in 6.

(3) Cap. *Si culpa*. de injuriis.

(4) Cap. *Si a Judice*. de appell. in 6.

enim censura, licet sit contra juris ordinem, non tamen est invalida. Excusat 3. innocentia: si enim is, cui inuritur censura, sit prorsus innocens, atque omnis expers culpæ, illam coram Deo non subit: *Tribunal* (1) enim *Æterni Judicii illum reum non habet, quem injuste Judex condemnat*: At coram hominibus, qui censuram sciunt, sed innocentiam ignorant, a bonorum spiritualium usu debet abstinere, donec legitime vel innocentiam probet, vel absolvatur; ne videlicet contemni ab eo clavium Ecclesiæ potestatem arbitantes, grave scandalum patiantur. *Judicium Dei*, ut inquit Innocentius III. (2), *veritati, quæ non fallit, nec fallitur, semper innititur. Judicium autem Ecclesiæ nunquam opinionem sequitur, quam & fallere sæpe contingit, & falli*; propter quod contingit interdum, ut qui ligatus est apud Deum, apud Ecclesiam sit solutus; & qui liber est apud Deum, Ecclesiastica sit sententia innodatus. Vinculum ergo, quo peccator ligatus est apud Deum, in culpæ remissione dissolvitur: illud autem, quo ligatus est apud Ecclesiam, cum sententia remittitur, relaxatur. Quod in suscitatione Lazari sermo Evangelicus manifestat, quem prius Dominus suscitavit, & Apostolis præcepit postmodum solvere suscitatum.

V. Ad censurarum vincula, quibus aliquis irretitur, dissolvenda satis non est, ut aut reus a sua contumacia recesserit, & Ecclesiæ mandatis, partique læsæ fecerit satis, id enim mera est conditio ad obtinendam absolutionem necessario requisita; aut e vivis excesserit, seu depositus ab officio fuerit is, qui censuram tulit, pœna enim per legitimam Judicis sententiam inflicta statim transit in rem judicatam; aut Reus ipse interierit, potest enim adhuc mortuus Ecclesiæ suffragiis, atque Ecclesiastica sepultura privari. Ejusmodi igitur vincula per legitimam Ecclesiastici Judicis sententiam dissolvi dumtaxat possunt. In praxi autem, si censura per sententiam particularem lata ab homine sit, ab ea potest absolvere. 1. qui eam tulit. 2. ejus (3) Successor. 3. ejus Suppe-

(1) Cap. 1. de sent., & re judic. in 6.

(2) Cap. *A nobis*. de sent. excomm.

(3) Cap. unic. de major., & obed. in 6.

648 CONSTITUTIONES SYNODALES

Superior, si tamen hic plena in eos, qui absolutione indigent, jurisdictione potiat. Si vero (sive a Jure lata sit, sive per sententiam generalem ab homine) Superiori sit reservata; ab ea non nisi Superior (1) ipse, ejus Successor, ejus Superior, & ab eorum alterutro delegatus absolvi habent facultatem. In mortis tamen articulo Sacerdos quilibet ab ea potest absolvere, ita tamen, ut, si ægrotus convalescit, adire Superiorem (2), ejusque mandatum excipere teneatur: secus enim & gravis inobedientiæ reus fiet, & in eandem censuram relabatur. A censuris denique per generalem sententiam sive a Jure, sive ab homine latis, Superiori tamen non reservatis, absolvere potest, quicumque ad audiendas Fidelium Confessiones legitime sit approbatus: ut enim declaravit Innocentius III. (3), *quia canonis conditor ejus absolutionem sibi specialiter non retinuit, eo ipso aliis facultatem relaxandi concessisse videtur*. Siquis autem ab aliqua hujusmodi censura sit absolvendus, Confessarius Sacramentum Pœnitentiæ eidem administrans, hac in absolviendo utatur formula: *Dominus Noster Jesus Christus te absolvat, & ego auctoritate ipsius absolvo te a vinculo excommunicationis, quam incurristi propter N. N.* (hîc exprimat culpam, propter quam Pœnitens in excommunicationem incurrit) *& restituo te Sacramentis Ecclesiæ, & Communioni Fidelium; & ab omni alio vinculo excommunicationis, & interdicti, in quantum possum, & tu indiges: Deinde ego te absolvo a peccatis tuis &c.* Si autem Pœnitens a suspensione sit absolvendus, hæc adhibeatur formula: *Ego te absolvo a vinculo suspensionis, quam incurristi propter N. N.* (exprimatur culpa) *& restituo te executioni tuorum ordinum, vel officiorum, vel beneficiorum* (pro diversa suspensionis ratione) *Deinde ego te absolvo &c.*

VI. Triplex est Ecclesiastica Censura, uti clare docet (4) Innocentius III., excommunicatio videlicet, suspensio, & interdi-

(1) Cap. *Nuper*; cap. *Sacro*. de sent. excommunic., & cap. *Ad recipiendum*. de officio Judicis Ordinarii.

(2) Cap. *Eos qui*. de sent. excomm. in 6.

(3) Cap. *Nuper*. de sent. excomm.

(4) Cap. *Quarenti*. de V.S., & cap. t., & 13. de sent. excomm. in 6.

terdictum. Postquam igitur de censuris aliqua generatim diximus, pauca nunc de iisdem singillatim differamus.

De Excommunicatione.

VII. Tria sunt Fidelium bona, quæ ab Ecclesiastica potestate pendent, exterior videlicet conversatio, Sacramentorum administratio, ac participatio, & Ecclesiæ orationes, atque suffragia. Jam vero omnibus his bonis excommunicatio major, de qua hic loquimur, (nam de minori loquemur inferius) Fideles privat, cum sit censurarum omnium gravissima. Per eam enim Fidelis omnibus Ecclesiæ bonis privatus, tamquam putridum membrum (1), ab Ecclesia abscinditur, atque a Fidelium communione, & consortio separatur. Quare eam S. Cyprianus (2) *gladium spirituale* appellat, quo *superbi, & contumaces necantur, dum de Ecclesia ejiciuntur. Neque enim vivere foris possunt, cum domus Dei una sit, & nemini salus esse, nisi in Ecclesia, possit*; Et S. Hieronymus ad Heliodorum (3) scribens inquit: *In veteri quidem lege, quicumque Sacerdotibus non obtemperasset, aut extra castra positus lapidabatur a populo, aut gladio cervice subiecta, contemptum expiabat cruore. Nunc vero inobediens spiritali mucrone truncatur, aut ejectus de Ecclesia rabido demonum ore discerpitur*. Hinc Apostolus (4) in Hymenæum, & Alexandrum, qui circa fidem naufragaverant, animadvertens, *eos tradidit Satanae, ut discerent non blasphemare*, idest eos majori excommunicatione percussit, ut interpretatur S. Augustinus (5), ubi ait: *Omnis Christianus, qui a Sacerdotibus excommunicatur, Satana traditur. Quomodo? scilicet quia extra Ecclesiam diabolus est, sicut in Ecclesia Christus; ac per hoc quasi diabolo traditur, qui ab Ecclesiastica communione removetur. Unde illos, quos tunc Apostolus Satanae esse traditos prædicat, excommunicatos a se esse demonstrat*. Hinc etiam excom-

N n n n muni-

(1) Can. *Omnis Christianus*. caus. 11. q. 3.

(4) 1. ad Timoth. c. i. v. 19., & 20.

(2) S. Cyprianus epist. 62.

(5) S. Augustinus de verbis Apostoli

(3) S. Hieron. ad Heliodorum epist. ferm. 68.

olim 1., nunc 14. n. 8.

municatio major in Sacris Canonibus græca voce appellatur *anathema*, quæ proprie significat alicujus partis a reliquis separationem.

VIII. Olim quidem ii omnes, qui excommunicationis majoris vinculo irretiebantur, erant vitandi (1), ita tamen, ut ii, quorum excommunicatio erat publice nota, publice; quorum vero erat occulta, occulte, & privatum vitandi essent ab iis, qui rei notitiam haberent. Verum cum exinde plurima in dies, gravissimaque orirentur scandala; Ad evitanda in posterum animarum pericula, Martinus V. (2) in Constantiensis Concilio decrevit, ac statuit, ut vitandi solum essent 1. ii, qui nominatim a Judice Ecclesiastico per publicos, ut ajunt, ceditiones excommunicati denunciarentur. 2. notorii percussores Clerici, quorum factum ita esset notorium, ut nulla tergiversatione celari, nulloque (3) juris suffragio excusari posset. Reliqui vero omnes, qui in excommunicationem incurrerent, non essent vitandi, sed tolerati.

IX. Quamquam ex iis, quæ modo diximus, intelligi facile possit, quam gravis, metuendaque sit majoris excommunicationis pœna, qua atrociora quædam crimina puniri ab Ecclesia consueverunt; multo tamen clarius, faciliusque id Christianus populus intelliget, si ejusdem excommunicationis effectus Fidelibus a Parocho explicentur, quos proinde & hic recensemus, & in hac Diœcesi Populo a Parochis opportuno tempore explicari volumus, ac mandamus. Primus itaque effectus est, ut excommunicatus (4) cum passivo, tum activo Sacramentorum usu privetur: quare nequit licite, ac sine peccato lethali Sacramenta sive suscipere, sive administrare, nisi gravis eum necessitas, aut invincibilis excuset ignorantia. Valide tamen, licet sacrilege, Sacramenta suscipit, atque administrat, si Pœnitentiæ Sacramentum excipias, quod excommunicatus, cum non sit rite dispositus,

(1) Cap. *Cum non ab homine*. de sent. excommunic. 1414., Bened. XIV. de Syn. lib. 9. c. 5. n. 4.

(3) Cit. Const. *Ad evitanda*.

(2) Martinus V. Const. *Ad evitanda animarum pericula*. edita anno circiter

(4) Cap. *Cum illorum*; & cap. *Siquem*. de sent. excomm.

situs, & invalide suscipit, & sacrilege. Secundus effectus est, ut communibus Ecclesiæ (1) suffragiis privetur, publicis videlicet Sacrorum Ministrorum precibus, Sacrificiis, Indulgentiis, aliisque Sacris actionibus, quæ Ecclesiæ nomine peraguntur. 3. excommunicato non licet (2) Missæ Sacrificio, Horis Canonicis, publicis orationibus, piis supplicationibus, aliisque divinis officiis interesse: Eidem tamen, cum divina non celebrantur officia, in Ecclesiâ concionem audire permittitur, ut ad pœnitentiam excitetur, citiusque resipiscat. Potest etiam is privatim orare; imo si ad Horas Canonicas recitandas Sacri Ordinis, seu Beneficii Ecclesiastici causa teneatur, non potest sine gravi culpa earum recitationem omittere, etiamsi tunc nullos, cum suum præstare officium nequeat, fructus ex beneficio percipiat; *damnum enim* (3), *quod quis sua culpa sentit, sibi debet, non aliis imputare*. 4. excommunicatus est ad qualibet beneficia, atque officia, omnesque Ecclesiasticas dignitates, præter Papalem, acquirendas, ac possideudas inhabilis (4), itaut excommunicati præsentatio, aut electio, institutio, aut confirmatio sit ipso jure irrita, quamquam excommunicatus sit toleratus, imo suam etiam excommunicationem ignoret: licet enim a culpa, & pœna ignorantia obligationis excusare possit, neminem tamen habilem efficit contrariæ ignorantia inhabilitatis. 5. inhabilis etiam fit excommunicatus ad quodlibet sive gratiæ, sive justitiæ rescriptum (5) ab Apostolica Sede obtinendum, itaut irritum ipso jure sit, si impetretur, nisi forte illud in ipsa excommunicationis, vel appellationis causa ad sui defensionem obtineatur. Verum ne Apostolica rescripta suo careant effectu, in iisdem nunc fere semper expressa a censuris absolutio apponi consuevit. 6. excommunicatus vitandus

N n n n 2

qua-

(1) Cap. *A vobis*; & cap. *Sacris*. de sent. excomm.

(2) Cap. *Significavit*; cap. *Responsio*. de sent. excomm., cap. *Alma Mater*. eod. tit. in 6., & *Clement. Gravis*. de sent. excomm.

(3) Regul. 86. Juris in 6.

(4) Cap. *Postulasti*. de Clerico excommunicato ministrante.

(5) Cap. *Dilectus*. de rescriptis, & cap. *Ipsa jure*. eod. tit. in 6.

652 CONSTITUTIONES SYNODALES

quacumque Ecclesiastica jurisdictione privatur (1), itaut non modo illicite, verum etiam invalide quemcumque ejusmodi Jurisdictionis actum exerceat. Quamobrem neque alium excommunicare, neque beneficia conferre, neque ad Ecclesiasticam eligere potest dignitatem: omnia enim hujusmodi ejus acta irrita ipso jure essent, atque invalida. Excipienda tamen est Romani Pontificis electio, quæ ob nullam (2) eligentium excommunicationem, suspensionem, aut interdictum infirmari valet. At excommunicatus toleratus illicite quidem, sed valide Ecclesiasticam exercet jurisdictionem. Is enim propter communem errorem, adhuc coloratum habet titulum, qui per occultum non auferitur defectum (3), uti communissime Doctores sentiunt. In eo autem casu, cum innumera orirentur incommoda, si tamquam irrita haberentur eorum acta, qui ab Ecclesia publice tolerantur, publicum bonum exigit, ut eadem valeant. 7. excommunicatus vitandus quacumque Forensi communione privatur. Quare in causis tum civilibus, tum criminalibus, neque esse potest Judex (4), neque Advocatus, neque Actor, neque Testis (5). Ne tamen is commodum ex sua iniquitate sentiat, in causis tum civilibus, tum criminalibus conveniri tamquam reus (6) potest, adeoque ea etiam omnia agere, ac petere (7), quæ ad legitimam sui defensionem requiruntur. Excommunicatum vero toleratum repellere ab agendo, aut a ferendo testimonio ad Judicem spectat, quoties vel nota sit excommunicatio, vel ea a parte adversa objiciatur (8), quæ tamen, si nota non sit, intra octo dies ab adversario probari legitime debet. 8. excommunicatus non toleratus quacumque civili, seu politi-

(1) Cap. *Ad probandum*, de sententia, & re judicata; cap. *Decernimus*, de sent. excomm., & cap. *Romana*, de officio Vicarii in 6.

(2) Clem. *Ne Romani*, §. *Ceterum*, de electione.

(3) L. *Barbarius*, ff. de officio Prætor.

(4) Cap. *Ad probandum*, de sent., & re judicata.

(5) Cap. *Decernimus*, de sentent. excomm. in 6.

(6) Cap. *Intelleximus*, de judiciis.

(7) Cap. *Cum inter*, de exceptionibus.

(8) Cap. 1. de exceptionibus in 6.

politica (1) cum Fidelibus communicatione privatur, itaut neque is cum aliis, neque alii cum ipso communicare valeant in iis, quæ sequenti versiculo comprehenduntur: *Os, orare, vale, communicatio, mensa negatur*. Ad uberiorem rei intelligentiam singulas explicemus voces. *Os* interdicitur, videlicet colloquia, oscula, amicitia signa, munera, aliaque huiusmodi cum excommunicato exercere. *Orare*: excommunicato scilicet prohibetur, ne publicis orationibus intersit; aliis vero, ne pro ipso orationem fundant, nisi forte, ut resipiscat. *Vale*, idest ne honorifica quidem salutatio excommunicato a Fidelibus est exhibenda. *Communicatio*, idest commercium habere cum excommunicato non licet in contractibus ineundis venditionis, emptionis &c. *Mensa*, idest uti nemo potest eadem cum excommunicato (2) mensa, eodemque hospitio, nisi forte necessitas cogat, uti si nonnisi unicum sit in itinere hospitium, unicaque mensa. Quæ quidem omnia ita prohibentur, ut quicumque, extra casus a jure permisos, cum excommunicato vitando communicaverit, in excommunicationem incurrat; cum hoc tamen discrimine, ut qui in crimine (3), ut ajunt, criminoso communicaverit, idest crimini cooperetur, & contumaciæ, propter quam majori aliquis percussus est anathemate, in majorem; qui vero in rebus sacris, aut politicis (4) communicaverit, in minorem incidat excommunicationem. *Nuper a nobis tua discretio requisivit*, sic rescripsit Innocentius III. (5) Episcopo Uratislaviensi, *utrum qui nominatim excommunicatis scienter communicant, absolvi ab excommunicatione possint per confessionem a simplici Sacerdote, an Episcopi, seu Archiepiscopi sit ab eis absolutio excipienda? Nos credimus distinguendum, an is, qui nominatim ex-*
commu-

(1) Can. *Sicut*; can. *Excommunicator*; can. *Cum excommunicato*; can. *Qui communicaverit*. caus. 11. qu. 3., cap. *Nuper*; & cap. *Si aliquando*. de sent. excomm.

(2) Can. *Cum excommunicato*; can. *Ad mensam*; & can. *Excommunicatis*. caus. 11. quæst. 3.

(3) Cap. *Quod in dubio*. de sentent. excommunic.

(4) Cap. *Illa quotidiana*. de electione; & cap. *Statuimus*. de sent. excommunic. in 6.

(5) Cap. *Nuper*. de sent. excomm.

654 CONSTITUTIONES SYNODALES

communicato communicat, scienter in crimine communicet criminoso, ei consilium impendendo, auxilium, vel favorem; aut alias in oratione, vel osculo, aut orando secum, aut etiam comedendo. In primo quidem articulo, cum talis communicet crimini, & participet criminoso, ac per hoc ratione damnati criminis videatur in eum delinquere, qui damnavit; ab eo, vel ejus Superiore merito delicti tunc erit absolutio requirenda, cum facientem, & consentientem par pena constringat. In secundo vero casu a suo Episcopo, vel a proprio Sacerdote poterit absolutionis beneficium obtinere. Quamvis enim & tunc non Judicis, sed juris sententia excommunicato communicans sit ligatus; quia tamen canonis Conditor ejus absolutionem sibi specialiter non retinuit; eo ipso aliis facultatem relaxandi concessisse videtur. Sux tamen dantur causæ, propter quas, si quis in rebus politicis cum excommunicato vitando communicet, nulla prorsus censura irretitur. Hæ autem sunt. 1. quando ejusmodi communicationem postulat magna excommunicati utilitas (1), cui proinde ex charitate tum quoad corpus, tum quoad animam ferre subsidium licet. 2. quando vel alteruter, vel uterque conjux excommunicatione sit innodatus: lex enim matrimonialis exigit, ut iisdem liceat conjugale & petere, & reddere debitum, rei familiaris curam habere, eaque omnia, quæ ad prolis educationem, domesticamque gubernationem pertinent, inter se invicem communicare. 3. quando excommunicati sint (2) aut Superiores, aut Domini, aut Parentes, hæc tunc debita seu reverentia, seu subjeccio, seu pietas requirit, ut familiare, quod antea exhibebant, Subditi, Servi, ac Filii iisdem exhibere pergant obsequium. 4. quando sive juris, sive facti interfit ignorantia, dummodo crassa eadem non sit, & affectata. 5. demum quando gravis necessitas (3) ad hanc habendam in politicis rebus communionem adigit. Postremus tandem majoris excommunicationis effectus est, ut excommunicatus non toleratus

(1) Cap. Cum voluntate. de sentent. excommunic.

quest. 3., & cap. Inter alia. de sentent. excomm.

(2) Cap. Quoniam multos. caus. 11.

(3) Cit. cap. Inter alia. de sent. excomm.

ratus Ecclesiastica sepultura privetur. *Sacris enim est* (1) *Canonibus institutum*, inquit Innocentius III., *ut quibus non communicavimus vivis, non communicemus defunctis, & ut careant Ecclesiastica sepultura, qui prius erant ab Ecclesiastica unitate præcisi, nec in mortis articulo Ecclesiæ fuerint reconciliati*. Unde si contingat interdum, ut vel excommunicatorum corpora per violentiam aliquorum, vel alio casu in cæmeterio Ecclesiastico tumultentur; si ab aliorum corporibus discerni poterant, exhumari debeant, & procul ab Ecclesiastica sepultura jactari. Quod si discerni non poterunt, expedire non credimus, ut cum excommunicatorum ossibus corpora extumulentur fidelium, cum, licet non obsit iustis sepultura nulla, vel vilis, impiis tamen celebris, vel speciosa non prosit, Cæmeteria autem, in quibus excommunicatorum corpora sepeliri contingit, ut idem statuit Innocentius III. (2), ut pote polluta, reconcilianda erunt aspersione aquæ solemniter benedictæ, sicut in Dedicacionibus Ecclesiarum fieri consuevit. Quod si quis excommunicatus vitandus (3), licet juramento præstito de obediendo Ecclesiæ mandato, se humiliare curaverit, ac vera pœnitentiæ dederit signa; morte tamen præventus absolutionis obtinere beneficium non poterit; quamquam absolutus apud Deum fuisse credatur; nondum tamen habendus est apud Ecclesiam absolutus. Ei tamen potest, ac debet Ecclesiæ beneficio subveniri, ut si de ipsius viventis pœnitentiæ per evidentia signa constiterit, defuncto etiam absolutionis beneficium impendatur. *Ut autem in uno, eodemque negotio*, idem Pontifex subdit, *& servemus rigorem, & mansuetudinem ostendamus*; statnimus, ut illius mortui absolutio a Sede Apostolica requiratur, qui, cum viveret, ab ea fuerat absolvendus: aliorum autem absolutionem cæteris indulgemus, a quibus, dum viverent, fuerant absolvendi. Absolutionis autem forma servetur, ut fiat cum Pœnitentiali Psalmo, & tam oratione Dominica, quam alia consueta. Hæredes quoque ipsius ad satisfaciendum pro ipso, si monitione præmissa noluerint, per distributionem Ecclesiasticam compellantur. X. QUAM-

(1) Innocentius III. cap. *Sacris*. de sepulturis.

(2) Cap. *Consulisti*. de consecr. Eccl.

(3) Cap. *A Nobis*. de sent. excomm.

656 CONSTITUTIONES SYNODALES

X. Quamquam Prælati omnibus Romano Pontifice inferioribus vetitum in Jure Canonico sit, ne Communitatem, Universitatem, Collegium, aut aliun quemcunque Politicum Cœtum collectivè, ac simul anathemate feriant; sic enim Innocentius IV. (1) decrevit: *In Universitatem, vel Collegium proferri excommunicationis sententiam prohibemus, volentes animarum periculum vitare, quod exinde sequi posset, cum nonnunquam contingeret innoxios hujusmodi sententia irretiri, sed in illos dumtaxat de Collegio, vel Universitate, quos culpabiles esse contigerit, promulgetur*; Fieri id tamen potest a Romano Pontifice, cujus potestas positivo humano jure restringi nequit, cum par (2) in parem non habeat imperium.

XI. Cum autem, qui cum excommunicato in rebus sacris, aut politicis communicat, minori, ut diximus, excommunicatione innodetur; aliquid nunc de ea dicamus. Ea est Ecclesiastica censura, per quam Fidelis passivo Sacramentorum usu, seu perceptione, ac passiva ad beneficia, atque Ecclesiasticas dignitates electione privatur, itaut, si forte eligatur, non irrita ipso jure, sed irritanda tamen sit electio. *Si celebrat minori excommunicatione ligatus*, inquit Gregorius IX. (3), *licet graviter peccet, nullius tamen notam irregularitatis incurrit, nec eligere prohibetur, vel ea, quæ ratione jurisdictionis sibi competant, exercere. Si tamen scienter talis electus fuerit, ejus electio est irritanda pro eo, quod ad susceptionem eorum eligitur, quorum perceptione a Sanctis Patribus est privatus. Peccat autem conferendo Ecclesiastica Sacramenta, sed ab eo collata virtutis non carent effectu, cum non videatur a collatione, sed a participatione Sacramentorum, quæ in sola consistit perceptione, remotus: Dummodo non in contemptum Ecclesiasticæ disciplinæ, videlicet contra prohibitionem Superioris, communioni excommunicatorum pertinaciter se ingesserit; in quo casu est anathemate feriendus. A minori excommunicatione absolvere (4) in foro* exter-

(1) Cap. Romana. de sent. excomm. in 6.

(2) Cap. Innuitus. de elect.

(3) Cap. Si celebrat. de Clerico excommunicato.

(4) Cap. Nuper. de sent. excomm.

externo potest Ordinarius quilibet Ecclesiasticus Judex ; in foro autem interno non modo Episcopus , verum etiam Parochus , & quivis Sacerdos ab Ordinario loci ad audiendas Fidelium Confessiones approbatus.

XII. Peccata fere omnia Summo Pontifici reservata adnexam habent majoris excommunicationis pœnam ipso facto incurrendam , cujus absolutionem , excepto mortis articulo , sibi Romani Pontifices reservarunt . Cum itaque ab his censuris non nisi Romanus Pontifex , atque ab eo delegati possint absolvere ; Ne per ignorantiam , aut incuriam Parochi , cæterique Confessarii in re momenti tam gravis errent , scire curent diligentissime , quinam sint casus hujusmodi sive in corpore Juris , sive in Bulla Cœnæ , sive in Bullario , aliisque Constitutionibus Romano Pontifici reservati . Nos Bullam Cœnæ , & alios quosdam casus peculiari modo Apostolicæ Sedi reservatos damus in Appendice num. 15. Reliqui videri possunt apud probatos Auctores , ac præsertim apud Thesaurum lib. de pœnis Ecclesiasticis novissimæ editionis . Aliqua tamen hîc circa hæresim , quæ primum habet locum inter casus in Bulla Cœnæ reservatos , insinuanda iisdem arbitramur . Primum est , simplicem (1) quemvis Confessarium absolvere posse ab hæresi pure interna , & mentali , quæ nullo prorsus exteriori signo fuerit manifestata . Absolutio enim ab hæresi , solum ratione censuræ , quæ eidem hæresi adnexa est , Summo Pontifici reservatur . At sicuti directe , & immediate præcipere nequit Ecclesia , aut prohibere actum inere internum , uti communissime sentiunt Theologi cum S. Thoma (2) ; ita hæresi , quæ in exteriorem non prodit actum , censuram Apostolica Sedes non adnexuit , quam sibi reservaverit . Alterum est , censuram (3) non incurrere , adeoque a simplici etiam Confessario absolvi illum posse , qui exterius quidem facto , vel verbo aliquem Fidei negavit articulum , interiorem tamen quoad illum retinuit assensum :

O o o o

fum :

(1) Benedictus XIV. de Synodo lib.9. cap.4. num.4.

(2) 1. 2. qu.97. art.4. , & qu.100. art.9.

(3) Benedictus XIV. loc. cit.

sum: is enim, licet graviter contra Catholicam Fidem peccet, & in externo punietur foro, tamquam hæreticus; non tamen est formaliter hæreticus, adeoque censuris in hæreticos inflictis non irretitur. Tertium est ab Episcopo (1) resipiscentem Hæreticum, qui vel sponte coram eo compareat, vel ad ejus forum quoquo modo deducatur, Ecclesiæ posse reconciliari, & pro utroque foro a censuris absolvi: imo hæreticum pœnitentem, postquam errores suos ejuravit, ad simplicem Confessarium remitti ab Episcopo posse, ut ab eo absolvatur, eamque absolutionem, licet a Confessario in foro Sacramentali datam, pro externo etiam foro prodesse, a cujus jurisdictione promanat. Postremum tandem est, internam (2) hæresim exteriori aliquo signo manifestatam, sed adhuc occultam, neque ad judiciale forum deductam, a sola Apostolica Sede, extra mortis articulum, absolvi posse. Per Apostolicam enim Constitutionem, quæ in die Cœnæ Domini quotannis promulgatur, facultas adempta cuilibet est, sive Regulari, sive Sæculari Confessario, sive etiam Episcopo, ab hæresis crimine pro foro conscientie absolvendi. Imo quamquam Summus Pontifex occasione Jubilæi cuilibet Confessario ex approbatis a locorum Ordinariis amplissimam largiatur potestatem facinora omnia remittendi, & in foro sacramentali quaslibet relaxandi censuras sibi quomodocumque; etiam per Bullam Cœnæ, reservatas; per eam tamen, aliasve hujusmodi concessionibus numquam collata censetur auctoritas absolvendi a crimine hæresis, nisi specialiter id fuerit, ac nominatim expressum. Sic enim decreto (3) suo declaravit Alexander VII. per hæc verba: *Sanctissimus Dominus Noster, inhærendo declarationibus alias a Prædecessoribus suis factis, ad removendam omnem dubitandi occasionem, Et ne circa id in posterum ullo tempore hesitari contingat, cum crimen hæresis, præ cæteris gravissimum, speciali nota dignum sit, decrevit facultatem absolvendi ab hæresi in Jubilæis, vel aliis*

(1) Benedictus XIV. loc. cit.

(2) Benedictus XIV. loc. cit. n. 5.

(3) Alexander VII. in Congreg. Gener. Supremæ Inquisit. 23. Martii 1656.

aliis similibus concessionibus non censeri comprehensam, nisi expressis verbis concedatur facultas absolvendi ab hæresi.

De Suspensione.

XIII. Suspendio est censura, quæ Clericum privat eo Ecclesiastici Juris, aut Potestatis usu, quo antea potiebatur. Cum sit censura, jam est medicinalis pœna, adeoque differt a depositione, degradatione, atque irregularitate, quæ certe pœnæ non sunt medicinales. Imo per id differt etiam ab ea suspensione (1), quæ ut mera pœna irrogatur, & esse solet perpetua; cum contra suspendio, quæ censura est, irrogari ad tempus debeat, ut reus a sua contumacia resipiscat. Cum autem suspendio, ut diximus, Ecclesiastici Juris, aut Potestatis usu privet; manifestum inde est, eam non, nisi Clericis, qui Ecclesiastici Juris, ac Potestatis sunt capaces, posse irrogari.

XIV. Suspendio alia est ab officio, alia a beneficio, alia ab utroque. Prior est, qua Clerico Ordinum, ac functionum, quæ ratione Ordinis peragi ab eo possent, interdicitur exercitium. Officii enim usus duplicem actuum classem complectitur, Ordinis videlicet, & Jurisdictionis. Actus Ordinis ex.gr. quoad Sacerdotem sunt administratio Sacramentorum, celebratio Missæ &c. Actus vero Jurisdictionis sunt absolutio a peccatis, & censuris, dispensatio, constitutio legis, vel censuræ, collatio beneficii &c. Altera est, qua vetatur Clerico Beneficium suum Ecclesiasticum administrare, ejusdemque fructus percipere. Tertia est, qua Officii, ac Beneficii Jura exercere Clericus prohibetur. Si suspendio absolute, ac sine ulla limitatione infligatur, neque colligi aliunde possit, utrum sit ab officio, an a Beneficio; tunc (3) suspendio ab utroque significatur, itaut Clericus ab omni prorsus Officii, idest cum Ordinis, tum Jurisdictionis exercitio, & ab omni Beneficii fructuum perceptione suspensus esse censeatur: non tamen

O o o o 2 eadem

(1) Cap. *Cum in causis*. de elect. tate, & Clement. 1. §. *Quibus*. de privilegiis.
(2) Cap. *Cum bona*. de ætate, & quali-

eidem aut potestas ipsa, aut Beneficii titulus adimitur. Suspendio ab Officio alia est totalis, partialis altera. Totalis ea est (1), per quam Clericus ab omni spiritali cum Ordinis, tum Jurisdictionis, Ecclesiasticaeque administrationis officio impeditur. Partialis vero est, per quam Clericus vel ab Ordine tantum, seu ab aliquo Ordinis actu, puta a Missae celebratione; vel a Jurisdictione tantum, seu a certo Jurisdictionis actu, puta a voce activa, seu a beneficii collatione arcetur. Suspendio item a beneficio vel totalis est, vel partialis. Totalis est, quando Clericus ab omnium, quae possidet, Ecclesiasticorum Beneficiorum administratione, omniumque perceptione fructuum ad tempus suspenditur. Partialis vero, quando Clerico, si plura habeat beneficia, unus ex illis dumtaxat, vel si unum habeat, ejusdem solum ex parte administratio, fructuumque perceptio interdicatur. Suspendio tandem alia est ab homine, alia a Jure. Ab homine ea est, quae ab Ecclesiastico Superiore in eum finem indicitur, ut fiat, vel ne fiat hoc, vel illud. A Jure vero sunt illae, quae variis personis propter varia crimina statuta jam sunt, atque impositae in Jure Communi, & in Apostolicis Constitutionibus. Hae videri possunt apud laudatum Thesaurum lib. de poenis Ecclesiasticis novissimae editionis.

XV. Li omnes, ac soli, qui ferre excommunicationis sententiam possunt, infligere etiam possunt suspensionem, & quemadmodum excommunicatio, ita & suspensio regulariter (2) scripto ferenda est. Omnes autem, & soli Clerici, uti superius diximus, praeter Romanum Pontificem, suspensioni sunt obnoxii. Episcopis autem illud in Jure Canonico (3) concessum est privilegium, ut nisi expressa eorum fiat mentio, in legibus, in quibus suspensionis poena statuitur, [idem dicendum de censuris reliquis] comprehensi numquam intelligantur. Non modo
in

(1) Cap. *Tuorum*. de privilegiis, & Clement. 1. de decimis.

(2) Cap. 1. de sent. excomm. in 6.

(3) Cap. *Quia periculosum*. de sent. excomm. in 6.

in singulares Clericorum personas, verum etiam in totam aliquam (1) eorum Communitatem, aut Collegium pronunciari potest suspensio, [excipe suspensionem ab audiendis confessionibus (2), quæ ab Episcopo, inconsulta Apostolica Sede, omnibus simul unius Conventus Regularibus irrogari nequit], & quidem dupliciter, idest vel collective, puta si Capitulum habens alicujus beneficii jurisdictionem, & administrationem, ab eo suspendatur; vel distributive, itaut singuli, dummodo noxii sint, suspensionis pœnam incurrant. Imo aliquando uterque hic suspensionis modus simul adhibetur, quemadmodum exemplum habemus in Jure Canonico, ubi & totum Capitulum, & singuli simul Clerici illud componentes, ac demortui Prælati bona occupantes, aut diripientes, ab Officiis, & Beneficiis, donec restituant, suspenduntur.

XVI. Ut autem Clerici Canonice hujus pœnæ gravitatem intelligant, ac salubriter reformident; effectus, qui a suspensione producuntur, paucis recensamus. Suspendus, etiam occultus, si actum aliquem, a quo est suspensus, exercent, gravi se inquinat culpa, nisi inculpabilis illum ignorantia, aut gravis excuset necessitas: Imo si actum Sacri Ordinis, a quo suspensus est, exequatur, propter censuræ violationem ipso facto in irregularitatem (3) incurrit. Validi tamen sunt ii Ordinis actus, qui a Jurisdictione non pendent; invalidi vero ii, qui ab eadem promanant, cujusmodi sunt sacramentales absolutiones, si suspensus sit nominatim denunciatus: secus autem, si occulta sit suspensio, & cum errore communi titulus adsit coloratus, uti superius de excommunicatione diximus. 2. Suspensus ab officio, & beneficio neque potest eligere, neque eligi, neque capax (4) est Ecclesiastici obtinendi Beneficii, quare collatio eidem facta, saltem esset

(1) Cap. *Quia sape*. de elect. in 6.

(3) Cap. 1. de sent., & re judic., &

(2) Clemens X. Const. *Superna*. 21. Junii 1670.

cap. 1. de sent. excomm. in 6.

(4) Cap. *Cum dilectus*. de consuetudine.

esset irritanda. Cum enim Beneficium detur propter Officium(1), non recte ei confertur, qui propter censuram, qua innodatur, præstare nequit Officium. 3. suspensus ab Ordine, & Beneficio suspensionem voluntarie, ac scienter violans, ac præsertim Missam celebrans, ab Officio, & Beneficio (2) est deponendus. 4. suspensus a beneficio, licet occultus, omnibus ejusdem fructibus, & quotidianis etiam distributionibus ita privatur, ut eos percipere licite nequeat, perceptosque ante quamlibet Judicis sententiam restituere teneatur, cum hoc tamen discrimine (3), ut fructus præbendæ pauperibus, aut Ecclesiæ, distributiones vero quotidianas iis, qui divinis Officiis interfuere, restituat. Quod si publica, ac notoria sit suspensio, tunc suspensus beneficii fructus sibi usurpans (4), præter restitutionis onus, & grave peccatum, perpetuam quoque beneficiorum contrahit privationem. Suspensus autem a beneficio adhuc Horas Canonicas privatim recitare, aliaque beneficii onera sustinere tenetur, cum obligationes hujusmodi beneficio, quod adhuc retinet, sint adnexæ. 5. si Clericus (5) comprehensus fuerit incontinentiæ vitio laborare, eaque de causa suspensus fuerit; & nihilominus divina celebrare præsumpserit; non solum Ecclesiasticis beneficiis est spoliandus, verum etiam pro duplici culpa perpetuo deponendus. 6. suspensus a minori Ordine, ad majores ascendere nequit, nisi prius absolvatur, licet a majori Ordine suspensus exercere minorem possit. *Est enim perquam ridiculum (6), eum, qui minoribus honoribus pænæ causa prohibitus est, ad majores aspirare: majoribus tamen prohibitus, minores petere non prohibetur.* 7. suspensus ab Officio, Ordine, ac Jurisdictione in uno loco, suspensus ubique est, itaut nullibi

(1) Cap. ult. de Clerico excomm. ministrante.

(2) Cap. *Cl erici*, & cap. *Latores*. de Cleric. excomm.

(3) Can. *Siquis deinceps*. caus. 17. qu. 4.

(4) Can. 1. §. ult., & cap. *Cupientes*. de elect. in 6.

(5) Cap. *Ut Clericorum*. §. *Siquis*. de vita, & honest. Cleric.

(6) L. *Legatorum*. §. ult. ff. de interd. tit.

nullibi illius potestatis, a qua suspensus fuit, actus exercere possit, donec absolvatur: censura enim immediate personam afficit, eique proinde etiam extra ferentis territorium adhæret.

XVII. Romanus Pontifex ordinariam habet potestatem absolvendi ab omnibus suspensionibus. Episcopis autem ex Tridentino (1) licet in irregularitatibus omnibus, & suspensionibus ex delicto occulto provenientes, excepta ea, quæ oritur ex homicidio voluntario, & exceptis aliis deductis ad forum contentiosum, dispensare; & in quibuscumque casibus occultis, etiam Sedi Apostolicæ reservatis, delinquentes quoscumque sibi subditos in Diœcesi sua per seipso, aut Vicarium ad id specialiter deputandum, in foro conscientie gratis absolvere, imposita penitentia salvari. In reliquis quoad suspensionis absolutionem ea hic repetenda sunt, quæ superius diximus de censurarum absolutione. Tria duntaxat generatim statuimus. 1. si absolute, ac sine ulla certi temporis præfixione, propter contumaciam inflicta sit suspensio, tunc ea non, nisi per absolutionem, tollitur, quæ vel ab eo danda est, qui habeat censuram inflixit, vel ab alio, qui delegatam ad id habeat potestatem. 2. si ad certum tempus ex. gr. ad sex menses; vel certa sub conditione ex. gr. si creditori satisfecerit, lata fuerit suspensio; transacto tempore, vel impleta conditione, jam ipsa per se cessat suspensio. 3. quod si imposita eadem fuerit sive in perpetuum, sive ad tempus, sive a Jure, sive ab homine, tamquam mera poena culpæ præteritæ debita; tunc, cum ea censuræ rationem non habeat, per solam Auctoris Canonis, aut ejus Successoris, seu Delegati, seu Superioris dispensationem tolli potest. Sicuti enim inferior Superioris legem, ita etiam adnexam eidem poenam solvere nequit.

De Interdicto.

XVIII. Interdictum est Ecclesiastica Censura, per quam Fidelis (2) ab aliquorum Sacramentorum usu, ab omnium divi-

norum

(1) Trid. sess. 24. c. 6. de ref.

mattimon., & cap. Quod in te. de poenit., & remiss.

(2) Cap. Non est nobis. de sponsal., &

norum Officiorum publica celebratione, atque assilientia, & ab Ecclesiastica sepultura arcetur. Differt hæc censura ab excommunicatione, quia paucioribus, quam excommunicatio, & Sacris tantum, non vero politicis, & civilibus privat bonis. Differt etiam a suspensione, quia tum Clericos, tum Laicos afficit, ac præterea Ecclesiastica privat sepultura.

XIX. Interdictum aliud est locale (1), aliud personale, & aliud mixtum. Locale est, quo locus ipse immediate afficitur, ac prohibetur, ne in eo sive ab indigenis, sive ab alienigenis divina celebrentur officia. Personale est, quo personæ ipsæ immediate afficiuntur, iisque interdicatur, ne ullibi Sacramenta percipiant, aut sacras exerceant functiones, quæ per interdictum prohibentur. Mixtum (2) denique illud est, quo & locus, & personæ, puta Civitas, atque ejus Incolæ, immediate interdicto subduntur.

XX. Si in aliquam dumtaxat particularem personam fertur interdictum, personale particulare; si vero in aliquam Communitatem, aut Collegium, seu Capitulum, personale generale nuncupatur. Idem sua servata proportionem de interdicto locali dicendum est: generale enim locale dicitur, si in Regnum, aut Provinciam, aut Civitatem &c., particulare vero locale, si in certam Ecclesiam, aut locum sacrum interdicti sententia pronuncietur. De personali generali interdicto hæc statuuntur regulæ. 1. si Provinciæ, vel Civitatis Populus interdicatur, omnes, & singuli ejusdem Civitatis, aut Provinciæ incolæ sunt interdicti, etiam ii, qui sunt innocentes, nisi speciali privilegio eximantur, aut nisi per domicilii mutationem esse desinant membra interdictæ Civitatis, aut Provinciæ. 2. interdicto (3) Populo, interdictus non censetur Clerus, & viceversa, nisi aliud in interdicti sententia exprimat. 3. sub generali Cleri interdicto Regulares

(1) Cap. *Præfenti. cap. Si Civitas. de sent. excomm. in 6.*

(2) Cap. *Si sententia. de sent. exc. in 6.*

(3) Cit. cap. *Si sententia. de sent. excomm. in 6.*

lares utriusque sexus, nisi vel exprimantur, vel ex subiecta materia, aliisque circumstantiis eos quoque interdicti constet, comprehensi non intelliguntur, tum quia in odiosis Regulares, nisi exprimentur, sub *Cleri* nomine non veniunt, (sunt enim *Clerici*, sed semper cum addito *Regularis*) tum quia certum est, sub interdicto contra Regulares lato Clericos Sæculares non comprehendi; adeoque omnis ratio æquitatis postulat, ut sub interdicto contra Clericos lato Regulares non comprehendantur. 4. licet Clerus generaliter interdicatur, non tamen interdicto subiaceret Episcopus, nisi expressa ejusdem (1) mentio in sententia interdicti fiat.

XXI. Quoad locale generale interdictum hæc servandæ sunt regulæ. 1. interdicta Civitate, ejus quoque suburbia interdicta intelliguntur, siue Civitatis sint pars, siue non, siue Civitati contigua sint per mœnia interjacentia, siue vicina, seu non valde distantia, siue ejusdem sint Diœcesis, siue diversæ. Si Civitas, uti statuit Bonifacius VIII., (2) *Castrium, aut villa Ecclesiastico interdicto subjiciantur*; illorum suburbia, & continentia ædificia eo ipso intelligi volumus interdicta. Nam licet prædicta videantur alias murorum ambitu terminari; hoc tamen casu ne vilipendi valeat sententia interdicti (quod fieret, si posset in ipsorum suburbiis, vel continentibus ædificiis licite celebrari, ut prius) expedit interpretationem fieri latiore. Ratione quoque simili, si sit Ecclesia interdicto subiecta, nec in Capella ejus celebrari, nec in cimiterio ipsius eidem Ecclesie contiguus poterit sepeliri: secus, si ei contigua non existant. 2. interdicta Civitate, seu Diœcesi, non modo Cathedralis Ecclesia, verum etiam Ecclesiæ omnes Regularium interdictæ censentur. Ipsi enim Regulares tam exempti, quam non exempti, nisi speciali hac super re privilegio sint muniti, servare tenentur locale interdictum, (3) siue illud ab Apostolica Sede, siue ab

P p p Epi-

(1) Cap. *Quia periculosum*. de sentent. excomm. in 6.

(2) Cap. *Si Civitas*. de sent. exc. in 6.

(3) Cap. *Auctoritate*. de privilegiis in 6., & cap. *Cam in partibus*. de V. S.

Episcopo fuerit promulgatum. Sic enim statuit Tridentina Synodus: (1) *Censuræ, & interdicta nedum à Sede Apostolica emanata, sed etiam ab Ordinariis promulgata, mandante Episcopo, à Regularibus in Ecclesiis publicentur, & servantur.*

XXII. Interdicta, quemadmodum & reliquæ censuræ, alia sunt ab homine, alia à Jure. Priora ferri possunt ab iis omnibus, qui excommunicare (2) possunt, ac suspendere: Superiores tamen Regulares Ecclesias nequeunt sibi subiectas interdicto (3) subdere, tum quia non localis, sed personalis dumtaxat est eorum jurisdictio, tum quia per ejusmodi interdictum Jurisdictionem in Clerum, & Populum, adeoque in non subditos iidem exercerent, quod sane ù neque licite, neque valide possunt. Posteriora vero in Jure Communi, & in Constitutionibus Apostolicis lata sunt, atque apud citatum Thesaurum in laudato opere videri possunt.

XXIII. Triplex est interdicti effectus, triplex videlicet privatio. 1. aliquorum Sacramentorum. 2. divinorum officiorum. 3. Ecclesiasticæ sepulturæ. Quod ad primum attinet, tempore interdicti neque recipere, neque administrare licet Eucharistiam, Ordinem, & Extremam Unionem. Verum etiam quoad hæc Sacramenta tunc recipienda, atque administranda rigorem suum moderata est pia Mater Ecclesia. Nam quoad Eucharistiam concessum est, ut eadem etiam tempore interdicti per modum Viatici moribundis administretur. *In illo verbo*, inquit Innocentius III. (1), *per quod poenitentiam morientibus non negamus, Viaticum etiam, quod vere poenitentibus exhibetur, intelligi volumus, ut nec ipsum decedentibus denegetur.* Imo ne Eucharisticus desit panis ad ægrotos per modum Viatici deferendus, interdicti etiam tempore permillum est semel in hebdomada in

Tem-

(1) Trid. sess. 25. cap. 12. de Regularibus.

(2) Cap. Cum Ecclesiarum. de officio Judicis Ordinarii.

(3) Sac. Congregat. Episcoporum. in Nea-

politana Censurarum. 21. Junii 1697.

(4) Cap. Quod in te. de poenit. & remissionibus; & cap. Permissimus. de sententia excommunic.

Templo januis clausis Missæ Sacrificium celebrare. *Permittimus*, inquit (1) Gregorius IX., *Ecclesiarum Ministri semel in hebdomada tempore interdicti, non pulsatis campanis, voce submissa, januis clausis, excommunicatis, & interdictis exclusi, Missarum solemniam celebrare causa conficiendi Corpus Domini, quod decedentibus in penitentia non negatur*. Quoad extremam Unctionem, licet hæc per generale interdictum omnibus denegetur, permissum tamen est, eam tempore etiam interdicti illi ægroto ministrare, qui propter morbi gravitatem non aliud recipere potest Sacramentum. Quoad reliqua Sacramenta antiquum pariter rigorem Ecclesia prudenter immoderata est, & hæc in jure Canonico sapienter instituta reperimus. *Quævisisti*, rescriptit Innocentius III. Ferrariensi Episcopo, (2) *cum Ferrariensi Civitas sit interdicta supposita, & ideo sint ibidem (præter baptismum parvulorum, & penitentias morientium) universa Sacramenta Ecclesiastica interdicta, an liceat tibi baptizatos pueros in frontibus consignare? Super quo respondemus, quod sicut baptizari possunt pueri, sic & baptizati ad confirmationem in frontibus a te possunt sacro Chrismate deliniri. Quoniam autem (ita deinde (3) statuit Bonifacius VIII.) in Baptismo, & Confirmatione (quæ nedum pueris, sed & adultis propter moræ periculum exhiberi possunt licite tempore interdicti) Chrismatis utimur unctione; posse, licet terra interdicta existat, Chrisma die Cænæ Domini confici, dubium non existit*. Quoad Pœnitentiæ Sacramentum hanc Decretalem edidit idem Bonifacius VIII. (4): *Concedimus, ut tempore interdicti ab homine, vel à jure prolati, non tantummodo morientes, sed etiam viventes, tam sani etiam, quam infirmi, ad penitentiam, quæ propter pronitatem, & facilitatem hominum ad peccandum summe necessaria est, licite admittantur, dum tamen excommunicati non fuerint, quos admitti, præterquam in mortis articulo, nolumus ad eam-*

P p p 2

dem.

(1) Cap. *Permittimus*. de sent. excommunicat.

(2) Cap. *Responsio*. de sentent. excommunic.

(3) Cap. *Quoniam autem*. de sent. excomm. in 6.

(4) Cap. *Alma Mater*. de sentent. excommunic. in 6.

dem. Illis etiam, propter quorum culpam, dolum, vel fraudem lata est sententia interdicti, vel qui ad perpetrandum delictum, cujus occasione ipsum interdictum est latum, præbuerunt auxilium, consilium, vel favorem, nisi de ipso delicto (si sint tales, ut id facere valeant) prius satisfecerint, vel de satisfaciendo idoneam dederint cautionem; aut si satisfacere nequeant, vel hujusmodi cautionem præstare, juraverint, quodd, cum poterunt, satisfacient; Et ad satisfactionem hujusmodi per eum, vel per eos, qui facere ipsam debent, Et possunt, præstandam dabunt consilium, Et auxilium, ac juxta posse suum fide-liter laborabunt, non est penitentis beneficium aliquatenus concedendum. Nec tunc etiam quoad istos, vel alios, qui circa hoc minime deliquerunt (ubi civitas, vel locus alius, seu universitas interdicti existunt) facienda est relaxatio interdicti, sed est eis solummodo injungenda penitentia salutaris. Quoad Sacramentum denique Matrimonii, illud quoque interdicti tempore coram Parocho, ac duobus, seu tribus Testibus iniri licite potest, dummodo solemnus Nuptiarum benedictio non adhibeatur.

XXIV. Divina officia, quorum privationem (1) interdictum inducit, sunt publica Missæ celebratio, publica Horarum Canoniarum in Choro recitatio, supplicationes publicæ, publicæ Templi, Fontis Baptismalis, Cinerum, Palmarum, Candelarum, ac Nuptiarum benedictiones, solemnus aquæ lustralis asperfusio, solemnus in approbata Religione Professio, aliaque hujusmodi. Non interdicuntur tamen privatæ benedictiones, & preces, ac privata Horarum Canoniarum recitatio, ad quam imo Clerici Beneficiati, & in Majoribus Ordinibus constituti, sive locale sit, sive personale interdictum, omnino obligantur. Neque interdicta Concio (2) est, imo ad eam per æris campani pulsus ii, qui interdicto subjacent, convocari possunt, ut nimirum per verbi divini prædicationem corrigantur, ac resipiscant. Amplam hanc divinarum officiorum prohibitionem

Boni-

(1) Cap. Si Sæcularia. de sent. excom. in 6., & cap. Permittimus. eod. tit.

(2) Cap. Responsio. de sent. excommunic.

Bonifacius VIII. (1) apostolica benignitate limitavit, statuens, ut tempore interdicti localis generalis (non tamen interdicti localis particularis, aut personalis etiam generalis) *singulis diebus in Ecclesiis, & Monasteriis* (quando videlicet Clerici, & Religiosi non sint interdicti) *Missa celebrentur, & alia dicantur divina officia, sicut prius, submissa tamen voce, & januis clausis, excommunicatis, & interdictis exclusis, & campanis etiam non pulsatis.* Quin etiam illud addidit, *ut in Festivitatibus Natalis Domini, Pasche, ac Pentecostes, & Assumptionis Virginis Gloriosæ* (quibus à Martino V., & Eugenio IV. additus fuit *dies Festus Corporis Christi cum ejus octava, & a Leone X. dies Festus Conceptionis Immaculate Beate Mariæ Virginis cum Octava*) *campane pulsantur, & januis apertis alta voce divina officia solemniter celebrentur, excommunicatis prorsus exclusis, sed interdictis admissis, quibus ob reverentiam dictarum solemnitatum... præfatis diebus participationem permittimus divinorum, sic tamen, ut illi, propter quorum excessum interdictum hujusmodi est prolatum, Altari nullatenus appropinquent.*

XXV. Tertius tandem interdicti effectus est Ecclesiasticæ sepulturæ privatio: quamobrem in loco interdicto (2) nemo, quamquam innocens (cujusmodi certe sunt infantes, atque amentes) sepeliri potest. Excipiendi tamen sunt. 1. Clerici, qui neque sint personaliter interdicti, neque causam interdicto dederint, neque illud illicita divinorum officiorum celebratione violarint. Hi enim (3) in loco Sacro, quamquam interdicto, *sine campanarum pulsatione, in silentio, & cessantibus solemnitatibus omnibus, tumulari possunt.* 2. Laici, qui neque personaliter sint interdicti, neque interdicto culpabilem dederint causam: hos (4) enim extra locum interdictum efferre licet, & in Sacro loco non interdicto sepelire. 3. etiam personaliter interdicti, sed nondum denun-

(1) Cap. *Alma Mater*. de sent. excommunic. in 6.

(2) Cap. *Quod in te*. de poenit. & remission.

(3) Cit. cap. *Quod in te*.

(4) Cap. *Si sententia*. de sent. excommunic. in 6.

denunciati : hi enim in loco Sacro non interdicto sepultura donandi sunt : *nam quibus vivis (1) communicavimus , mortuis quoque communicare possumus* : Hinc interdictos etiam personaliter , antequam denuncientur , (2) a divinis Officiis , quæ in loco non interdicto celebrentur , repellere non jubemur . Quod si quis extra locum sacrum tempore interdicti sepultus fuerit , interdicto cessante , in sacrum locum , si fieri commode possit , est transferendus . Contra vero , si interdictus , in loco sacro illicite humatus fuerit , non exhumandus est , & in profano loco sepeliendus , cum in nullo Juris Canonici textu id statutum reperiamus .

XXVI. Ne quis autem interdictum violare audeat , hæc in Jure Canonico adversus transgressores statutz sunt pœnz . 1. Laici , qui scienter interdictum personale , seu particulare , seu generale violent , ac divinis ex. gr. intersint officiis , graviter peccant , grave enim Ecclesie præceptum transgrediuntur : præterea Canonicis etiam plecti possunt pœnis . 2. Temporales locorum Domini , eorumque Officiales , qui vel in loco interdicto ad divina publice celebranda officia Clericos compellunt ; vel interdictos , aut excommunicatos vocant , ut iis intersint ; vel prohibent , ne interdicti , aut excommunicati , postquam a celebrante , seu ab alio moniti sunt , e Templo egrediantur ; vel ipsimet interdicti , post monitionem e loco sacro abire recusant ; vel divinis violenter sese ingerunt officiis , præter gravissimæ reatum culpæ , ipso facto (3) excommunicationem majorem Romano Pontifici reservatam incurrunt . 3. Clerici , & Regulares , sive personale , sive locale interdictum violentes , gravissime peccant , & siquem ordinis actum exercent (4) , fiunt ipso facto irregulares . Præterea privilegio privantur , quod cæteroquin haberent (5) , ut in loco sacro sepeliri possint : Item nec

(1) Cap. *Sane* . caus. 24. qu. 2.

(2) Extrav. Martini V. *Ad evitanda* .

(3) Clem. 2. de sententia excommunicationis .

(4) Cap. *Is* , qui . 18. , & cap. *Is cui* .

20. de sent. excom. in 6.

(5) Cit. cap. *Is* , cui , & cap. *Quod in te* . de pœnit. , & remiss.

nec eligere (1), nec eligi, aut postulari (2) valent. In suspensionem etiam (3) ab officio, beneficio, ac jurisdictione incurunt. 4. Qui extra casus in Sacris Canonibus expressos, quorum superius meminimus, interdictum aliquem in loco sacro scienter tumultant (4), excommunicationis Episcopo reservatæ vinculo innodantur. 5. Regulares etiam exempti, qui locale interdictum a Romano Pontifice, vel ab Ordinario latum non servant, quando idem ab Ecclesia Matrice, seu Parochiali illius loci, in quo habitant, servatur, præter superius recensitas pœnas (5), in excommunicationem incurrunt.

XXVII. Interdictum a Jure communi latum, per relaxationem, seu absolutionem tollitur. Et quidem si generale sit, sive locale, sive personale, neque sit reservatum, auferri, seu ad tempus suspendi potest ab Episcopo, aut ab alio, qui in eum locum, vel Communitatem jurisdictionem habeat quasi Episcopalem. *Quod enim (6) Legislator specialiter sibi non reservavit, aliis Ordinariis Judicibus concessisse videtur.* At id fieri nequit a Parochis, aliisque Confessariis etiam privilegiatis, qui ab aliis censuris possunt absolvere, cum hi pro interno dumtaxat pœnitentiæ foro jurisdictionem habeant, cui certe neque locus, neque communitas subjiciuntur. Interdictum personale particulare, & non reservatum, tolli a quolibet (7) approbato Confessario potest. Quod si reservatum Romano Pontifici fuerit; absolvere ab eo per se Romanus Pontifex; ex privilegio autem (si occultum sit, neque deductum ad forum contentiosum) potest etiam Episcopus, aut alius, qui tali gaudeat privilegio, pro interno tamen dumtaxat foro. Tandem interdictum sive locale, sive personale ab homine latum per sententiam specialem, auferri dumtaxat (8) potest ab eo, qui sententiam tulit, aut ab ejus Successore,

(1) Cit. cap. 1^a, cui.

(2) Cap. 1. de postulat. Præl.

(3) Cap. *Tanta est*. de excess. Prælator.

(4) Clem. 1. de Sepulturis.

(5) Clem. 1. de sentent. excommunic.

(6) Cap. *Nuper*. de sent. excommun.

(7) Cap. *Nuper*. de sent. excommun.

(8) Cap. *Pastoralis*. §. *Præterea*. de officio Ordinarii, cap. *Quærenti*. de officio delegati; & can. *Si Episcopus*. caus. 5. q. 3.

fore, vel ab ejus delegato, vel ab ejus Superiore, qui plenam in illum jurisdictionem obtineat. Quamquam autem sicuti excommunicationes, ita etiam interdicta relaxari ad cautelam valeant; Non tamen idlocum habet in interdicto locali generali. Statutum enim habemus in Jure Canonico (1), *Beneficium relaxationis ad cautelam, quoad interdicti sententias in Civitates, Castra, vel qualibet alia loca, seu terras aliquas generaliter promulgatas, locum aliquatenus non habere.*

De depositione, & degradatione.

XXVIII. Quamquam depositio, ac degradatio non censura, sed meræ sint pœnæ; paucis tamen innuendum censemus, quid ea sint, ut Clerici earum gravitate deterriti, ab enormibus criminibus, propter quæ infligi eadem solent, perpetrandis abstinuant. Depositio alia est verbalis, alia realis: prior simpliciter *depositio*, posterior *degradatio* nuncupatur. Prior est pœna Ecclesiastica, per quam ob enorme crimen perpetratum Clericus vel ab Ordine, vel a Jurisdictione, vel a Beneficio, vel ab Officio simul, & Beneficio per sententiam sola voce prolatam in perpetuum removetur, ita tamen, ut ei Fori, & Canonis privilegium minime adimatur. Enormia autem crimina, propter quæ hujusmodi irrogari potest pœna, sunt furtum, homicidium, perjurium, violentum virginis stuprum, incestus, adulterium, sodomia, manifestum hæresis crimen, gravis calumnia proprio Episcopo iniusta &c. Posterior, seu degradatio est pœna Ecclesiastica, qua propter admissi criminis atrocitatem Clericus solemniter, non modo Ordine, Beneficio, & Officio, sed etiam privilegio fori, & Canonis ita privatur, ut instar Laici a Sæculari potestate carceribus mancipari, condemnari, & secundum Leges Civiles puniri, ac percuci absque ullo excommunicationis periculo possit. Solemnitas degradationis in Pontificali Romano describitur. Depositio verbalis est actus tantum Jurisdictionis, adeoque ab
Episco-

(1) Cap. *Presenti*, de sent. excomm. in 6.

Episcopo etiam non consecrato, a Capitulari Vicario, Sede Episcopali vacante, imo etiam a Generali Vicario, dummodo ad id speciale Episcopi habeat mandatum, fieri valet. At degradatio, cum sit Episcopalis Ordinis actus, nonnisi ab Episcopo consecrato potest executioni demandari.

ARTICULUS XI.

De Sacramentali Pœnitentiæ sigillo.

Sacramentale, quod vocamus, sigillum est arctissima illa, quam in administrando Pœnitentiæ Sacramento Confessarius fubit, obligatio, nemini unquam, sine expresso, ac liberrimo Pœnitentis consensu, sive directe, sive indirecte ea revelandi, quæ in Sacramentali Confessione audivit. Ex naturali autem (1), ac divino, atque Ecclesiastico etiam Jure hujusmodi obligatio promanat, ne videlicet Fideles peccata sua, licet occultissima, gravissimaque, sincere, ac distincte Confessario detegere vereantur. Et primum quidem ex naturali oritur jure; tum quia naturalis ratio dicit, manifestanda nemini esse ea, quæ sub arcani lege alicui committuntur, & sine gravi committentis infamia, aut incommodo revelari nequeant; tum quia in Sacramentali Confessione tacitum inter Sacerdotem, & Pœnitentem intercedit pactum, quo unus peccata sua sub secreti fervendi conditione alteri aperit, alter vero facto ipso, dum confitentem audit, secretum se servaturum pollicetur. Oritur etiam ex jure divino, non quidem scripto, sed tradito: perpetua enim traditio, quæ ab Apostolis ad hæc usque nostra tempora dimanavit, secretum hoc religiosissime custodiri jubet: Verbum autem Dei traditum eandem, ac Verbum scriptum, obligandi habet vim. Et sane, uti Senonensis Concilii (2) ratiocinantur Patres, quo jure Confessio præcipitur, eodem quoque illorum, quæ in ea audiuntur, revelatio prohibetur. Non enim impossibilia Deus jubet. Cum itaque

Qq q

Con-

(1) Synodus Senonensis anni 1524.

(2) Cit. Conc. Senonen. anni 1524.

Confessionem Sacramentalem Christus ipse hominibus post Baptismum lapsis præcepit; Jam ne inane sit, ac frustraneum mandatum ejusmodi, fateamur necesse est, ex Christi quoque præcepto, adeoque divino jure Sacerdotibus interdictum fuisse, ne Sacramentalem umquam audeant Confessionem revelare. Quis enim sua vellet occulta, pudendaque crimina Sacerdoti detegere, si huic eorum notitiam aliis communicare aliquando liceret? Ecclesiastico tandem jure hoc præscribi secretum, certum est. Sic enim decrevit Concilium Lateranense IV. (1) *Caveat Sacerdos omnino, ne verbo, aut signo, aut alio quovis modo aliquatenus prodatur peccatorem. Sed si prudentioris consilio indigerit, illud absque ulla expressione ne personæ caute requirat, quoniam qui peccatum in Pœnitentiali judicio sibi detectum præsumpserit revelare, non solum a Sacerdotali officio deponendum decernimus, verum etiam ad agendam perpetuam pœnitentiam in arctum Monasterium detrudendum. Imo tam sancte custodiendum est hoc Sacramentale secretum, ut Prælatus quicumque, seu Superior, sive Confessarius ad Prælaturæ gradum evectus, nulla ratione ad exteriorem gubernationem ea uti possit notitia, quam de aliorum peccatis in Sacramentali Confessione accepit. Tam Superiores pro tempore existentes (2), statuit Clemens VIII., quam Confessarii, qui postea ad Superioritatis gradum fuerint promoti, caveant diligentissime, ne ea notitia, quam de aliorum peccatis in Confessione habuerint, ad exteriorem gubernationem utantur &c. Atque ita per quoscumque Regularium Superiores observari mandamus. In generali autem supremæ Inquisitionis Congregatione (3) decretum est, ne quis publice, aut privatim doceat, aut defendat, licere uti scientia ex Confessione acquisita cum gravamine Pœnitentis, quamvis secluderetur quæcumque ejus revelatio, & quamvis multo majus gravamen ejusdem Pœnitentis ex non usu sequeretur.*

II. Manifestum itaque est 1. Sigilli Sacramentalis violationem

(1) Cap. *Omnis utriusque sexus*. de pœnit., & remiss. (2) Clemens VIII. in decreto de calibus reservatis 25. Maii 1594.

(3) Congr. Gener. Sac. Inquisit. 18. Novembris 1682.

nem scelus esse gravissimum, & duplicem specie diversam continere malitiam, cum duabus opponatur virtutibus, videlicet Religioni, quam lædit, dum ex osum Fidelibus redditur Pœnitentiæ Sacramentum, hominibus post Baptisum lapsis quam maxime necessarium; & iustitiæ, dum pactum de secreto servando tacite initum inter Confessarium, & Pœnitentem per summam iniustitiam violatur. Manifestum est 2. Sacramentale non frangi sigillum, quando Pœnitens iusta de causa expressam dat Confessario licentiam, ut eorum utatur notitia, quæ eidem in Sacramentali Confessione patefecit. Cum enim tanta secreti obligatio in favorem pœnitentis iuncta sit, potest is cedere juri suo, & facultatem Confessario dare revelandi id, quod eidem in Pœnitentiæ foro manifestavit. Imo si forte ad ingens avertendum Reipublicæ damnum, puta seditionis, proditoris, cædium &c., necessaria omnino sit criminis revelatio; adigi debet pœnitens, ut sive per se, sive per alium, si possit, periculum impendens avertat; sin minus, facultatem det Confessario, ut illud prudenter, cauteque revelet: Secus absolvi nequit, cum propter debitæ charitatis, & quandoque etiam iustitiæ defectum ad Sacramentalem absolutionem recipiendam non sit dispositus. Monemus tamen Confessarios omnes, ut iidem notitia in Confessione habita uti valeant, expressum requiri, liberumque Pœnitentis consensum, neque sufficere præsumptum, aut interpretativum, quo forte judicarent, facultatem, si peteretur, illum esse concessurum. Nam hoc pacto exosa adhuc fieret Confessio, cum adhuc pœnitentes non inaniter metuerent, ne ex ejusmodi præsumptione aliquando peccata sua aliis panderentur.

Cum autem in re gravissima versemur, in qua summa opus est prudentia, ac fidelitate; caveant Confessarii omnes diligentissime 1. ne umquam hanc, de qua loquimur, facultatem per fraudem, aut per injuriam a Pœnitentibus extorqueant, falso iisdem suadentes ad hanc concedendam illos obligari, cum minime obligentur. 2. ne pluribus personis, aut plura peccata ape-

Q q q q 2

riant,

riant, quam Pœnitens aperiri expresse voluerit. 4. ut raro, & nonnisi urgenti de causa facultatem hanc a pœnitentibus sponte oblatam acceptent, eaque tam caute, ac tam prudenter utantur, ut numquam suspicari quis merito possit, eos sacramentalis fieri proditores arcani. 4. ut ne cum ipso quidem Pœnitente absque ejus venia extra Confessionem de iis, quæ ab eodem in Pœnitentiæ foro audierunt, colloquantur.

IV. Sigilli Sacramentalis obligatio ex ea omni, & sola Confessione oritur, quæ Sacramentalis sit, per quam videlicet aliquis de peccatis suis ad eorum absolutionem obtinendam apud illum se accuset, quem legitimum esse Judicem bona fide arbitratur, etiam si mox quacunque de causa Sacramentalem non obtineat absolutionem. Inde fit, ut, præter legitimum Confessarium, ad sacramentale servandum secretum obligentur 1. Interpres, per quem forte Confessio facta sit. 2. Laicus, qui Sacerdotem se esse simulans, Confessionem excepit. 3. ille, cui Confessarius sigillum frangens, sacrilege peccatum revelavit. 4. qui pestis, aut naufragii tempore Confessionem publicam, aut qui casu, seu dolo malo peccatum alicujus, dum is secreto confiteretur, audierunt. 5. ille, quem Confessarius circa pœnitentis peccatum consulit, sive is culpabiliter, sive inculpabiliter in peccatoris notitiam devenit. 6. Superior, ad quem casus reservatus, vel a Pœnitente, vel a Confessario deferatur, ut facultas ab eo absolvendi impetretur. 7. qui peccata pœnitentis descripta legit, dum is peccata sua ex scripto confitetur.

V. *Sigillum Confessionis*, uti docet S. Thomas (1), directe non, nisi ad illa se extendit, de quibus est Sacramentalis Confessio; indirecte tamen id, quod non cadit sub Sacramentali Confessione, etiam ad sigillum Confessionis pertinet, sicut illa, per quæ posset peccator, vel peccatum deprehendi. Ad sex autem classes tota revocari potest materia, in quam cadit sigilli Sacramentalis obligatio. Ad primam pertinent peccata omnia lethalia tam in genere, quam in specie,

(1) S. Th. in supplemento qu. 11. art. 2. in corpore.

specie, ex quorum revelatione in personæ delinquentis notitiam deveniri potest. Ad secundam omnia peccata venialia in specie, non autem in genere. Ad tertiam peccatorum circumstantiæ, ex quibus eorundem notitia possit hauriri. Ad quartam imperfectiones, & inhabilitates cum naturales, tum personales, quæ ex peccatorum Confessione cognoscuntur, ex. gr. natalium defectus, irregularitas, impedimentum matrimonii &c. Ad quintam complicitis peccata, ac defectus, quos pœnitens in Sacramentali Confessione manifestavit. Ad sextam denique dispositionis ad absolutionem recipiendam in pœnitente defectus, ex. gr. defectus doloris, propositi &c. Cum itaque horum revelatio Sacramentum Pœnitentiæ exosum redderet; hinc si quis eorum aliquid manifestaret, Sacramentale violare sigillum censeretur, & Canonici esset multandus pœnis.

VI. Cum sacramentalis sigilli violatio præcepto naturali, ac divino prohibeatur, ac semper sit Pœnitentiæ Sacramento injuriosa; inde fit, ut eadem sit intrinsece mala, adeoque nulla umquam utilitatis, aut necessitatis ratione cohonestari, & non secus, ac blasphemia, in nullo umquam casu licere possit. Subeundum idcirco est quodcumque vitæ discrimen; gravissimæque potius perferenda mala, quam secreti hujus lex umquam infringenda. Quamobrem Confessarios omnes serio monemus, atque obtestamur, ut ejusmodi legis sint custodes vigilantissimi, sibi ob oculos exemplum proponant fortissimi Christi Martyris S. Joannis Nepomuceni, qui ob invictum sacramentale silentium nova martyrii corona Catholicam decoravit Ecclesiam. Eum præterea in peculiarem sibi Patronum adsciscant, & quotidiano aliquo cultu venerentur, ut ejus præsidio roborati linguam caute custodiant, ne, quæ in sacramentali Judicio credita sibi sunt, ullo modo Fidelium prodant arcana; Pœnitentiæ vero Sacramentum magna cum animarum utilitate peccata sua confitentibus administrent. Probatos tandem consulant Auctores, qui hac de re sapienter, doctèque scripserunt, ut ex iis addiscant, quid in difficillimis

cillimis quibusdam casibus sibi faciendum sit, ut, intacta prorsus secreti lege, muneri satisfaciant suo, atque æternæ proximorum consulant salutem.

ARTICULUS XII.

*De Confessariis sollicitantibus ad turpia, atque inhonestæ,
ac de obligatione eos denunciandi.*

Nihil est tam sanctum, tam religiosum, ac tam divinum, quo non tandem aliquando humana abutatur malitia. Quid sanctius, ac divinius Pœnitentiæ Sacramento, quod in peccatorum remissionem, exsoluto sui sanguinis pretio, Christus instituit, ut Fideles in peccata gravia post Baptismum lapsi, lethalibus, quibus animam fauciarunt, vulneribus saluberrime mederentur? Et tamen usuvenire aliquando videmus, ut, quod (1) post amissam Baptismi innocentiam datum est divina benignitate perfugium, per Dæmonum fraudem, hominumque divinis beneficiis perverse utentium malitiam naufragis, ac miseris peccatoribus luctuosum evadat exitium, & quod in salutem, & curationem animarum a Deo institutum est, execrabili scelerum quorundam Sacerdotum improbitate in earum perniciem, interitumque vertatur. Hi enim audiendis Confessionibus deputati sacrilego ausu pœnitentes ad turpia, atque inhonestæ sollicitant, tantoque abutentes Sacramento, iisdem pro curatione vulnus, pro pane lapidem, pro pilce serpentem, pro medicina porrigunt venenum.

II. Ut tanto huic malo pro Pastoralis vigilantia, qua Christiani totius Gregis custodiæ excubant, Romani Pontifices Pius IV., (2) & Paulus V. (3) occurrerent, peculiare edidit Constitutiones, quas mox confirmavit, ampliavitque, & ad omnes Fideles extendit Gregorius XV. (4) per suam Decretalem, cujus

(1) Benedictus XIV. *Constitut. Sacramentum Pœnitentiæ*. 1. Junii 1741.

(2) Pius IV. *Const. Cum sicut nuper*.

(3) Paulus V. *Const. Dilecte Fili*.

(4) Gregorius XV. *Const. Universi Dominici Gregis*. 30. Augusti 1623.

cujus exemplar in Appendice *num.* 16. damus, ut à Confessariis omnibus Nostræ Diœcesis sive jam approbatis, sive in posterum approbandis, frequenter, ac sedulo perlegatur, eaque omnia, quæ in eadem statuuntur, executioni fidelissime demandentur. Ad hujus Decretalis explicationem plura a Suprema Generalis Inquisitionis Congregatione (1) prodire decreta, & ne eorum vis a falsa quorundam Auctorum doctrina eluderetur, Alexander VII. inter alias ab Evangelica veritate, Sanctorumque Patrum doctrina alienas, ac dissonas propositiones, geminas, (2) quæ huc revocantur, damnavit, atque proscripsit. Tandem ut tam necessarij Sacramenti sublimitati, ac dignitati efficacius consuleret, Benedictus XIV. Constitutionem (3) edidit, cujus exemplar dedimus in Appendice *num.* 13., & qua Gregorii XV. Constitutionem, atque omnia, & singula prædicta decreta ad ejus declarationem edita approbavit, confirmavit, atque innovavit.

III. Apostolicis hisce Constitutionibus, ac decretis statuitur 1. ut omnes, & singuli Sacerdotes, qui ad inhonestas, ac turpia pœnitentes sollicitant, sive iidem Sacerdotes absolvendi jurisdictione polleant, sive careant, Inquisitoribus, seu Locorum Ordinariis denuncientur. Statuitur 2. ut Confessarii omnes (4) moneant pœnitentes suos, quos ab aliis sollicitatos fuisse noverint, de obligatione, quam habent, eosdem denunciandi. Quod si iidem Confessarii hoc officium prætermiserint, vel Pœnitentes docuerint, non teneri ad denunciandum Confessarios sollicitantes, seu illicitos, & inhonestos sermones, aut tractatus cum pœnitentibus habentes; Locorum Ordinarii, & Inquisitores pro modo culpæ illos punire non negligant. Statuitur 3. *ut denuncientur omnes, & singuli Sacerdotes (5) tam Seculares, quam*

(1) Sac. Inquisit. Gen. Congr. 11. Februarii 1661.

(2) Alexander VII. in damn. propos. 6., & 7. die 24. Sept. 1665. (3) Bened. XIV. Const. cit. *Sacramentum Pœnitentia*.

(4) Gregorius XV. Const. *Universi Dominici Gregis*. §. 7.

(5) Gregorius XV. cit. Const. *Universi Dominici Gregis*, & Benedictus XIV. cit. Const. *Sacramentum Pœnitentia*.

quam quorumvis, etiam quomodolibet exemptorum, ac Sedis Apostolicæ immediate subiectorum Ordinum, Institutorum, Societatum, & Congregationum Regulares, cujuscunque dignitatis, ac præeminentiæ, aut quovis privilegio muniti existant, qui personas, quæcumque illæ sint (adeoque sive forminæ, sive mares) sive pro seipso, sive pro alia persona, vel in actu Sacramentalis Confessionis, vel ante, vel immediate post Confessionem, vel occasione, aut pretextu Confessionis, vel etiam extra occasionem Confessionis in Confessionali, seu in alio loco ad confessiones audiendas destinato, aut electo, cum simulatione audiendi ibidem Confessionem, ad inhoneſta, & turpia sollicitare, vel provocare sive verbis, sive signis, sive nutibus, sive tactu, sive per scripturam, aut tunc, aut postea legendam tentaverint, aut cum eis illicitos, & inhonestos sermones, vel tractatus temerario ausu habuerint. Hi autem omnes denunciandi omnino sunt, etiamsi mutua fuerit inter Confessarium, & Pœnitentem sollicitatio, sive sollicitationi pœnitens consenserit, sive consensum minime præstiterit, & etiamsi longum tempus post ipsam sollicitationem effluerit. Statuitur 4., ut Confessarii (1) caveant diligenter, ne pœnitentibus, quos noverint jam ab alio sollicitatos, Sacramentalem absolutionem impertiant, nisi prius denunciationem prædictam ad effectum perducentes, delinquentem indicaverint competenti Judici, vel saltem se, cum primum poterunt, delaturos spondeant, ac promittant. Statuitur 5. ut omnes hæreticæ pravitatis Inquisitores, & Locorum Ordinarii contra prædictos super his, prout in causis Fidei, juxta Sacrorum Canonum formam, necnon Officii Inquisitionis hujusmodi Constitutiones, privilegia, consuetudines, & decreta, diligenter inquireant, & procedant. Processus autem rite confectus mittendus Romam est ad Supremam Sacræ Inquisitionis Congregationem, ut eadem, rebus omnibus mature perpensis, si quos in aliquo ex hujusmodi nefariis excessibus vere culpabiles esse ex processu repperit, in eos pro criminum qualitate, & circumstantiis, suspensionis ab executione Ordinis, privatio-

nis

(1) Benedictus XIV. Const. *Sacramentum Pœnitentiæ*.

nis beneficiorum, dignitatum, & officiorum quorumcumque, ac perpetuæ inhabilitatis ad illa, nec non vocis activæ, & passivæ, si Regulares fuerint, exilii, damnationis ad triremes, vel ad carceres etiam in perpetuum absque ulla spe gratiæ, aliasque pœnas decernat; eos quoque, si pro delicti enormitate graviore pœnas meruerint, debita præcedente degradatione, Curia Sæculari puniendos tradat. Sententiam enim in his causis ferre, non ad Inquisitores seu natos, seu delegatos, sed ad supremam pertinet Congregationem. Statuitur 6., ut S. R. E. Cardinales Generales Inquisitores (1), ne delictum tam enorme, & Ecclesiæ Dei tam perniciosum propter probationum defectum (cum difficilis sit probationis) impunitum maneat, facultatem habeant, testibus etiam singularibus, concurrentibus tamen præsumptionibus, indiciis, aliisque adminiculis, delictum probatum esse arbitrio suo judicandi, & Curia Sæculari, ut præfertur, reum tradendum esse pronunciandi.

IV. Quamquam Laicus, qui se Sacerdotem, & Confessarium simulans, confessionem audit, & ad inhonestæ, ac turpia pœnitentem sollicitat, vi præmissarum Constitutionum denunciandus non sit, cum eadem de Sacerdote dumtaxat sollicitante loquantur; denunciandus tamen est, tamquam suspectus de hæresi, Inquisitoribus, aut locorum Ordinariis ex aliis Pontificiis Constitutionibus, ac præsertim Gregorii XIII. (2), Clementis VIII. (3), & Benedicti XIV. (4), qui Laicos hujusmodi denunciari jusserunt, gravissimisque multari voluerunt pœnis. Fœminæ, quæ Confessarios in Pœnitentiæ Sacramento sollicitant, denunciandæ non sunt. Pontificiæ enim Constitutiones Confessarios quidem, non vero pœnitentes sollicitantes denunciari mandant: pœnales autem leges extendendæ non sunt ultra ea, quæ

R r r in

(1) Cit. Const. *Universi Dominici Gregis*. §. 5.

(2) Gregorius XIII. Const. *Officii nostri partes*.

(3) Clemens VIII. Const. *Alias*. 1. Decemb. 1601.

(4) Benedictus XIV. Const. *Sacerdos in æternum*. 12. Cal. Maii 1744.

in ipsis legibus exprimuntur. Quod si mulier aliqua, præsertim Nobilis, a Confessario ad turpia sollicitata eum per se personaliter Inquisitoribus, aut locorum Ordinariis denunciare nimium vereatur; tunc Confessarius Inquisitorem, seu Loci Ordinarium (1) moneat, ut is, si id expedire judicaverit, aliquem, aut etiam Confessarium ipsum deleget, qui in scriptis, & cum juramento denunciationem recipiat. Quod si ne ad id quidem verenda Pœnitens induci possit; tunc ex Urbani VIII. decreto Apostolica Sedes pro opportuno remedio consulatur, & interim Pœnitenti utpote non dispositæ absolutio denegetur. Ne autem Confessarius, (si forte ad denunciationem aliquam ejusmodi recipiendam ab Ordinario, seu ab Inquisitore delegetur) quid sibi faciendum sit, ignoret, brevem ea super re Instructionem damus in Appendice *num. 17*.

V. Pœnitentes ad Confessarium, a quo sollicitati fuerint, denunciandum obligati, si absque legitima causa, ac sine vero impedimento intra præfixum a Jure tempus eundem denunciare negligant, præter gravis culpæ reatum, ex decreto (2) Supremæ, atque Universalis Romanæ Inquisitionis in excommunicationem latæ sententiæ incurrunt, a qua, nisi prius denuncient, absolvi per Confessarium, etiam privilegiatum, nequeunt, quamquam se statim denunciatiuros serio polliceantur: non enim absolvi quis a censuris potest, nisi satisfactum parti prius fuerit, uti Ecclesiasticæ præscribunt leges. Facta autem denunciatione, juxta Supremæ Universalis Inquisitionis decreta a quocumque simplici Confessario, qui approbatus ab Ordinario fuerit, absolvi Sacramentaliter possunt. At Confessarii sollicitantes ad turpia, qui salutari Pœnitentiæ Sacramento in animarum perniciem, & damnationem abutuntur, sciant, Benedictum XIV. (3) in Generali Con-

(1) Urbanus VIII. in decret. Supremæ Inquisit. Rom. edito 27. Septembr. 1624. & Sac. Congr. Inquisit. 24. Januarii 1667, & 7. Julii 1725.

(2) Decretum Supremæ Universalis Inquisit. 3. Jan. 1623.

(3) Decr. Supr. Rom. Inquisit. editum jubente Benedicto XIV. 5. Augusti 1745.

Congregatione Sanctæ Romanæ, & Universalis Inquisitionis habitæ 5. Augusti 1743. decrevisse, ut in posterum Sacerdotes tam Sæculares, quàm Regulares cujuscumque Ordinis, Instituti, Congregationis, & Societatis etiam de necessitate exprimenda, vel in actu Sacramentalis Confessionis, siue illius occasione, aut prætextu, ad turpia sollicitantes, præter pœnas a Jure, & Apostolicis Constitutionibus, ac signanter Sixti V., & Gregorii XV. contra eosdem inflictas, perpetuam etiam inhabilitationem incurrant ad divini Sacrificii celebrationem.

VI. Verum ne improbi homines vel odio, vel ira, vel alia indigna causa commoti, vel aliorum impiis suasionibus, aut promissis, aut blanditiis, aut minis, aut alio quovis modo incitati, tremendo Dei judicio posthabito, & Ecclesiæ auctoritate contempta, innoxios Sacerdotes apud Ecclesiasticos Judices falso sollicitationis insimulent; Provido consilio statuit Benedictus XIV., ut (1), qui execrabili hujusmodi flagitio se inquinaverit, vel per seipsum innocentes Confessarios impie calumniando, vel scelestè procurando, ut id ab aliis fiat, a nullo Sacerdote quovis privilegio, auctoritate, & dignitate munito, præterquam a Romano Pontifice, nisi in fine vitæ, & excepto mortis articulo, absolvi possit.

ARTICULUS XIII.

*De reliquis ad Sacramenti Pœnitentiæ
administrationem pertinentibus.*

EX his, quæ de Confessarii doctrina, fide, prudentia, ac integritate superius diximus, facile intelligitur; quantum cuique studium in optimo, probatissimoque sibi eligendo Confessario ponendum sit. Quamquam enim per manuum impositionem, atque Ordinis Sacramentum idem omnibus character, & par si-
ve doctis, siue rudibus, siue probis, siue improbis ligandi;
atque solvendi potestas tribuatur, neque ejus vis per Sacerdotis mores, atque ingenium augeatur, aut minuat; Sicuti tamen

R r r r 2

in

(1) Benedictus XI V. Const. Sacramentum Pœnitentiæ.

in valetudinis periculo, nemo est, qui non a perito, atque exercitato Medico curari exoptet; ita in animi sui morbis curandis nemo esse debet, qui non, nisi a scientissimo ejus medendi Magistro, vulneribus manum admoveri velit. Fidelibus itaque Parochus insinuet, ut eum sibi deligere Confessarium studeant, qui eorum conscientiam non vanis metibus, scrupulisque agitari sinat, sed maculis omnibus, ac verorum peccatorum reliquiis expurgatam ita abluat, ut nihil in ea sordium residere patiatur. Illud etiam consilium adjungat, ut apud eundem, quem sibi delegerint, animi sui Moderatorem, aut octavo quoque die, si fieri possit, aut saltem semel, seu bis in mense peccata sua *contrito*, & *humiliato corde* confiteantur. Sic enim eidem intimi quique eorum conscientiae patebunt recessus, & aptiora sanandis animi morbis adhiberi facilius poterunt remedia.

II. Sacerdos, cum ad poenitentes audiendos est accessurus, animo parumper secum reputet augustam ministerii, quod est obiturus, sanctitatem, & Apostoli charitatem imitatus, qui neminem infirmari ajebat, quin ipse quoque infirmaretur, non suis solum, sed eorum etiam, quos auditurus est, peccatis commoveatur. Deinde suam probe intelligens indignitatem, flexis ad terram genibus, paulisper Deum precetur, ut accessurus ad Poenitentiae Sacramentum verum delictorum suorum dolorem tribuat, quo & e malarum cupiditatum iugo elabantur, & Deo ex animo satisfaciant: sibi vero coelestis gratiae opem largiatur, ut ea roboratus in tam salutari ministrando Sacramento, neque muneris desit suo, neque, dum aliorum animas a criminibus expiare studet, ipse aliqua peccati labe polluat. Hæc precatus, ad Poenitentiae tribunal accedat, curamque omnem adhibeat, ne quid a se, quod ad Sacramentum rite, recteque administrandum pertineat, prætermittatur; quod quidem facile assequetur, si quæ hætenus de Poenitentiae Sacramento diximus, probe teneat, ac fideliter exequatur.

III. Ne quid autem, quod augere hujus Sacramenti venerationem

nem possit, omittatur; volumus, ac mandamus, ut non, nisi in Ecclesia (1), Fidelium, ac præsertim mulierum, Confessiones, exceptis infirmitatis, aut alterius occurrentis necessitatis casibus, in privatis vero Oratoriis, non nisi de Nostra, aut Vicarii Nostræ Generalis licentia, excipiantur. Sacerdotes autem, dum hoc Sacramentum in Ecclesia ministrant, si Sæculares sint (2), superpelliceo, stola, bireto, ac talari veste utantur; si vero sint Regulares, stolam violacei coloris saltem adhibeant. Nonnisi in sedibus (3) ad Confessiones audiendas destinatis, & non ante solis ortum (4), neque post ejus occasum, mulieres peccata sua confitentes audiantur. Sedes, quas Confessionales vocant, neque in abditis, neque in subobscuris Ecclesiæ locis collocentur, sed in propatulo sint, & ab utroque latere cratem habeant sive ferream, sive ligneam spissis rimulis perforatam, quæ Confessarium inter, ac Pœnitentem interposita, facilem quidem auditui, non tamen visui aditum patefaciat. Crates utraque ex ea parte, quæ Confessarium respicit, ligneo obseretur ostiolo, quod in audienda Confessione referetur, ut neque audiri pœnitens, neque videri Confessarii vultus a circumstantibus possit. Nequa in excipiendis populi Confessionibus, quibusdam præsertim festis diebus, quibus major confluere solet pœnitentium multitudo, confusio oriatur, aut perturbatio, & æque tam viris, quam mulieribus audiendis sese paratum exhibeat Confessarius; detur opera, ut, si fieri possit, ab una Sacri Pœnitentiæ Tribunalis parte viri, ab alia mulieres alternis vicibus audiantur. Sedes Confessionalis, quæ patere antèrius debet, ut Confessario præbeat aditum, suo instructa sit ostio, quod sera, & clave munitum claudi optime possit, ne, Confessario abeunte, in ea Laici, ut non raro contingit, assideant.

IV. Quamquam vehementer cupiamus, & enixe etiam Parochos,

(1) Sac. Cong. Episc. 1. Julii 1606., in Neapolitana 19. Martii 1593., & Ritual. Rom. Ord. Ministr. §. *In Ecclesia*.

(2) Sac. Congr. Episc. 8. Novemb. 1588., Rit. Rom. de Sacram. Pœnit. §. *Superpellic.*

(3) Sac. Congr. Episcop. 18. Decembr. 1623., & Sac. Congr. Inquisit. 4. Decembris 1694.

(4) Sac. Congr. Episc. 1. Jul. 1606.

rochos, cæterosque Confessarios a Nobis approbatos rogemus, ut quandocumque opus sit, alacriter, ac festine ad ægotantium Confessiones in privatis eorum domibus excipiendas accurrant; Volumus tamen, ac districte præcipimus, ut, dum iidem ægotantes mulieres peccata sua confitentes audiunt, linteolum, aut birretum inter se, ac Pœnitentem interponant, & cubiculi ostium (1) ita pateat, ut a domesticis quidem uterque videri, non tamen, quidquid ab utroque dicitur, audiri possit. Absoluta vero Sacramentali ægotantis Confessione, Sacerdos, qui illam excepit, sive Sæcularis sit, sive Regularis, per schedulam suo caractere subscriptam (2), sive alia quacumque non absimili ratione curet, ut Parochus de Sacramentali Confessione ab ægotante peracta conscius fiat. Ut omnis præterea avaritiæ suspicio in hoc administrando Sacramento a Confessariis removeatur; districte inhibemus, ne quis absolutionis, aut sacramentalis satisfactionis obtentu quidquam petere, aut exigere audeat. Optamus etiam, ut, si quid alteri restituendum Confessario tradatur, is quantocyus munus suum caute, ac prudenter exequi curet, & ab eo, cui rem, seu pecuniam sibi traditam restituit, accepti syngrapham exigat, qua pœnitens de peracta solutione certior efficiatur. Incertorum autem bonorum restitutionem, cui forte pœnitens sit obnoxius, exequendi onus, quoad fieri possit, Confessarius evitet, sed ejusmodi rerum, seu pecuniarum distributionem pœnitentis relinquat arbitrio, ne forte suspicari is possit, sibi Confessarium capere, ac retinere, quæ pauperibus essent eroganda. Verum cum in his, aliisque hujusmodi casibus multa opus sit prudentia, Confessarios monemus, ut, quoties ejusmodi casus occurrant, circumstantias omnes mature perpendant, & id, quod non minus propriæ indemnitati, quam æternæ pœnitentis saluti magis expedire judicaverint, exequantur.

CAPUT

(1) Decr. Visit. Apost. de mandato Urbani VIII. 20. Julii 1625., & Sac. Congreg. Episc. 20. April. 1611. & 21. Martii 1682.

(2) Clemens X. Constitution. *Superna* §. *Ad hoc*.

CAPUT XI.

DE INDULGENTIIS, ET REMISSIONIBUS.

Chriftiani hominis penitentia post lapsum, uti recte nos docet Tridentina Synodus (1), multo alia est a Baptismali, eaque continet non modo cessationem a peccatis, & eorum detestationem, aut cor contritum, & humiliatum, verum etiam eorundem Sacramentalem Confessionem saltem in voto, & suo tempore faciendam, & Sacerdotalem absolutionem, itemque satisfactionem per jejunia, elemosynas, orationes, & alia pia spiritualis vitæ exercitia, non quidem pro pœna æterna, quæ vel Sacramento, vel Sacramenti voto una cum culpa remittitur; sed pro pœna temporali, quæ, ut Sacre Litteræ docent, non tota semper, ut in Baptismo fit, dimittitur illis, qui gratia Dei, quam acceperunt, ingrati, Spiritum Sanctum contristaverunt, & Templum Dei violare non sunt veriti. Verum cum perpauci semper fuerint, qui suis criminibus per pia opera, sicuti oportet, satisfacere conarentur; Necesse fuit, ut suorum miserata filiorum pia Mater Ecclesia, eorum prospiceret calamitati, eosque ad facilius, suaviusque luendam promeritam pro criminibus pœnam inaterna providentia juvaret. Quod quidem ab antiquissimis etiam temporibus (2) præstare non desistit, potestate conferendi Indulgentias a Christo sibi concessa ita utens, ut debitam peccatis castigationem in opera faciliora commutans, pœnam temporalem iisdem peccatis debitam aliquando minueret, aliquando etiam omnino remitteret. Hunc autem Indulgentiarum usum Christiano Populo maxime salutarem, quem Ecclesia retinuit, ac retinet, retinendum semper esse Tridentina Synodus (3) docet, eosque anathemate damnat, qui aut inutiles esse asserunt Indulgentias, vel eas concedendi in Ecclesia potestatem esse negant. Quamobrem postquam de Pœnitentiæ Sacramento disseruimus, non abs re erit de Indul-

(1) Trid. sess. 6. cap. 14. (2) Trid. sess. 28. decreto. De Indulg. (3) Trid. loc. cit.

Indulgentiis, ac remissionibus pauca innuere, quibus per Parochos Fideles edocti, Indulgentias plurimi facere addiscant, easque lucrari summa cura, studioque contendant.

ARTICULUS I.

De Indulgentiis pro Fidelibus vivis.

Quid sint Indulgentiæ, quarum dispensatio Beato Petro Cæli Clavigero, ejusque Successoribus Romanis Pontificibus commissa divinitus est, sic a Clemente VI., (1) cui plures alii Romani Pontifices (2) consonant, edocemur. *Unigenitus Dei Filius de sinu Patris in uterum dignatus est descendere Matris, in qua, & ex qua nostra mortalitatis substantiam divinitati suæ in suppositi unitate ineffabili unionem conjunxit, id, quod fuit, permanens, &, quod non erat, assumens, ut haberet, unde hominem lapsum redimeret, & pro eo satisfaceret Deo Patri. Ubi enim venit plenitudo temporis, misit Deus Filium suum, factum sub lege, natum ex muliere, ut eoi, qui sub lege erant, redimeret, ut adoptionem reciperent Filiorum. Ipse namque factus nobis a Deo Sapientia, Justitia, sanctificatio, & Redemptio, non per sanguinem hircorum, aut vitulorum, sed per proprium sanguinem introivit semel in sancta, æterna redemptione inventa. Non enim corruptibilibus auro, & argento, sed sui ipsius Agni incontaminati, & immaculati pretioso sanguine nos redemit, qui in Ara Crucis innocens immolatus, non guttam sanguinis modicam, quæ tamen propter unionem ad Verbum pro redemptione totius humani generis suffecisset, sed copiose velut quoddam prefluvium nescitur effudisse, ita ut a planta pedis usque ad verticem capitis nulla in ipso sanitas inveniretur. Quantum ergo exinde, ut non supervacua, inanis, aut superflua tanta effusionis misericordia redderetur, Thesaurum Militanti Ecclesie acquisivit, volens suis thesaurizare*

(1) Clemens VI. in extravag. Unigenitus. inter commun. de poenit. & remiss.
(2) Pius IV. Constitut. Decet, Leo X.

Const. Exurge. 40., Conc. Later. IV. c. 62.,
Benedictus XIV. Const. Apostolica. §. 13.

zare filiis pius Pater, ut sic sit infinitus thesaurus hominibus, quo qui usi sunt, Dei amicitia participes sunt effecti! Quem quidem thesaurum non in sudario repositum, non in agro absconditum, sed per Beatum Petrum Cæli Clavigerum, ejusque Successores, suos in Terris Vicarios, commisit Fidelibus salubriter dispensandum, & propriis, & rationabilibus causis, nunc pro totali, nunc pro partiali remissione pænæ temporalis pro peccatis debitæ, tam generaliter, quam specialiter (prout cum Deo expedire cognoscerent) vere penitentibus, & confessis misericorditer applicandum. Ad cujus quidem thesauri cumulum Beata Dei Genitricis, & omnium electorum a primo Justo usque ad ultimum merita adminiculum præstare noscuntur, de cujus consumptione, seu imminutione non est aliquatenus formidandum, tam propter infinita Christi, uti prædictum est, merita, quam pro eo, quod quanto plures ex ejus applicatione trahuntur ad justitiam, tanto magis accrescit ipsorum cumulus meritorum. Unde patet, primario ex meritis, & satisfactionibus Christi Domini, quarum infinitum est pretium; secundario vero ex meritis, ac satisfactionibus Deiparæ Virginis, quæ nullam sane, quam lueret, habuit culpam; & Sanctorum omnium, quorum satisfactiones peccatorum suorum expiationi superfuerunt, & quotidie adhuc superfuni, infinitum illum coalescere Indulgentiarum thesaurum, qui exhauriri numquam poterit, quamquam ex eo quotidie liberales a Romanis Pontificibus largitiones Fidelibus fiant.

III. Indulgentia vel plenaria est, vel partialis. Per plenariam tanta ex Ecclesiæ thesauro satisfactio Fidelibus applicatur, quanta ad totam temporalem pœnam peccatis debitam luendam requiritur; per partialem vero tanta dumtaxat, quanta sufficiens est, ut certa pœnæ temporalis pars remittatur. Indulgentia autem hæc partialis alia quadragena, seu carena, alia septena, & alia centum dierum, centum annorum &c. nuncupatur. Quadragena, seu carena est 40. dierum Indulgentia, per quam tanta fit pœnæ temporalis remissio, quanta fieret, si quis per quadraginta dies pœnitentiam pro certis peccatis per Canones Pœnitentiales

statutam perageret, quanta videlicet fieret, siquis quadraginta dierum jejunium solo pane, & aqua toleraret: sic enim habemus in Jure Canonico (1), *quadraginta dies in pane, & aqua, quod carena vocatur...*, *paniteas*. Septena est septem annorum Indulgentia, tanta scilicet remissio pœnæ, quanta fieret, siquis per septem annos Canonicam subiret pœnitentiam. Eundem fere habet sensum Indulgentia centum dierum, centum annorum &c. Præterea perpetua dicitur Indulgentia, quæ disertis verbis in perpetuum; temporalis, quæ ad certum dumtaxat tempus; indefinita, quæ nulla temporis facta mentione, conceditur. Item si pio loco Indulgentia adnectatur, quam Fideles lucentur eum locum visitantes, & in eo vel orantes, vel aliud bonum opus præscriptum exercentes, localis nuncupatur. Si rebus mobilibus ex. gr. crucibus, sacris numismatis &c. adjungatur, realis dicitur. Si demum alicui personæ, vel Communitati directæ, atque immediate concedatur, ut eam vel in mortis articulo, vel quoties præscriptum aliquod opus peregerit, consequatur, dicenda est personalis.

IV. Quamquam inexhausti hujus ærarii claves Apostolorum Principi Petro, ejusque Successoribus Romanis Pontificibus creditæ a Christo sint; Non tamen illud dispergere, & quodammodo dissipare iis licet, cum ea tantum iisdem concessa sit facultas, ut, tamquam fideles Ministri, ac Dispensatores, justa, ac rationabili de causa suo loco, & tempore hujus ærarii opes Christianis fidelibus largiantur. Quænam autem justa, ac rationabilis sit ejusmodi dispensationis causa, Romanorum dumtaxat Pontificum est dijudicare. Et olim quidem iidem non adeo liberales in his largiendis opibus fuisse. Ut enim tradit S. Thomas (2), quinque dumtaxat annorum Indulgentiam concedere iis consuevere, qui mare transuecti Romam se conferrent, Sanctorum Petri, & Pauli Sacra limina visitaturi; trium annorum iis, qui eandem ob causam,

(1) Cap. *Accusasti*. 8. de accusationibus.

(2) S.Th. in 4. dist. 20. q. 1. art. 3. quæstioncula 2. ad 4.

causam, superatis montibus, ad Urbem commearent; unius tantum anni, qui ex vicinis regionibus Romanam arriperent peregrinationem. At nunc (3), cum iustis de causis Canonum Pœnitentialium usus desierit, nec instaurari facile possit; Indulgentias erogare largius solent, ut iis illecti Fideles, impensius, cum necessitas postulat, ad Deum fundant preces, frequentius Deo, ac Sanctis ejus debitum præstent cultum, facilius tandem animarum suarum consulant salutem. Multas itaque Deo gratias agere, & habere nos oportet, qui hoc tempore vivimus, quo cœlestis hic thesaurus facilius, ac liberalius erogatur, atque omnem curam, cogitationemque in eo ponere, ut cœlestibus hisce divitiis locupletemur. Neque vero quisquam ita desipiat, ut per hanc Indulgentiarum frequentiam, ac facilitatem Fidelium socordiam foveri putet, eosque in suis criminibus per alia pietatis opera expiandis segnes fieri arbitretur. Ut enim sapienter monet Cardinalis Pallavicinus, primum quidem Christiani homines (2), quibus plurimum æterna suarum animarum salus cordi est, cum non ignorent, quanta ad lucrandas Indulgentias animi pietas, ac demissio, quanta divinæ fidei, ac spei firmitas, quanta demum patratorum criminum detestatio requiratur, per multiplices, variosque pœnitentiæ salutaris actus ad eas sibi tutius comparandas multa vigilantia, ac labore se disponere consueverunt. Deinde cum Indulgentiæ non nisi certis, ac perpæpe pluribus pietatis operibus adnecti soleant; illud usu venire videmus, ut Indulgentiarum avidi Fideles in iis operibus exercendis versentur, adeoque non modo Religionis, ac pietatis studium in eorum animis augeatur, verum etiam ad ejusmodi, ac similia pia opera præstanda alacriores iidem, ac paratiores fiant.

V. Parochi itaque, cæterique omnes, quibus animarum cura commissa est, non infrequenter, cum inter Missarum solemnitas Dominicis diebus sermonem habent ad Populum, eidem explicent,

S s s 2

(1) Cardinalis Pallavicinus in *Hist. Conc. Trid.* lib. 24. cap. 12. num. 6.

(2) Cardinalis Pallavicinus loc. cit.

plicant, quid sit Indulgentiarum thesaurus, & quam utiles ear sint, ac necessariz ad temporales delictorum pœnas, quæ luendæ superfunt, expiandas. Fideles etiam edoceant ea omnia, quæ peragere eosdem oportet, ut Indulgentias consequantur, earumque fructum vere percipiant. Hæc autem requiruntur. 1. ut quis sacro regenerationis lavacro sit ablatus. 2. ut excommunicationis majoris vinculo non sit innodatus; major enim excommunicatio hominem privat spiritualium communione bonorum. 3. ut voluntatem habeat, animumque lucrandi Indulgentias. 4. ut vel subditus sit in spiritualibus ei, qui Indulgentiam largitur, puta Episcopo, vel in Territorio commoretur, quod spirituali eius jurisdictioni sit subiectum. 5. ut opera omnia ad Indulgentiam consequendam a Romano Pontifice, vel ab alio largitore præscripta fideliter exequatur, & quidem immediate per seipsum, non vero per alium, una excepta elemosyna, quæ per alium erogari pauperibus potest. 6. ut quo tempore est Indulgentiam consecuturus, divino sit munere gratiæ sanctificantis instructus, cum non, nisi remissa culpa, pœnæ reatus auferatur.

VI. Cum plurimæ olim super Indulgentiis, atque operibus ad eas lucrandas præscriptis controversiæ excitatæ a Doctöribus fuissent; eas partim Romani Pontifices diremere, inter quos emicuit Benedictus XIV., qui occasione Jubilæi universalis, seu Anni Sancti Epistolam Encyclicam (1) dedit ad Pœnitentiariorum, & Confessarios in Urbe deputatos de quæstionibus, & controversiis circa opera injuncta pro Jubilæi acquisitione, & circa facultates concessas, earumque usum excitatis. Encyclica hæc Epistola in ejusdem Pontificis Bullario extat. Ex eadem nos pauca delibabimus.

VII. 1. Romani Pontifices per litteras in forma Brevis Indulgentiam Plenariam concedentes hac uti solent formula; *ut eam consequantur omnes, Et singuli Christi Fideles utriusque sexus, qui*

(1) Benedictus XIV. Epist. Encyclic. *Insuper præteritos*. 3. Dec. 1749.

qui vere penitentes, & confessi, Sacraque Communionem reserecti Ecclesiam N. devote visitaverint, & ibi pro Christianorum Principum concordia &c. pias ad Deum preces effuderint &c. super his verbis dubitarunt. 1. aliqui, utrum ad Indulgentiæ consecutionem Confessio in voto sufficiat, an Confessio in re requiratur? videlicet utrum necesse sit peccata Sacerdoti actu confiteri, an satis sit ea sincero contritionis actu detestari, & confitendi propositum habere, Confessione in aliud tempus protracta? Nos hac formula vere penitentes, & confessi (questionem dirimens inquit Benedictus XIV. (1)) Confessionem actualem intelleximus, semperque intellegimus, quam inter præscripta, & adimplenda opera ad consequendas Indulgentias necessaria reponimus. At quid, si quis non mortalibus, sed venialibus dumtaxat peccatis se conspersum intelligat? Tunc juxta ejusdem Pontificis doctrinam (2) vel Sacramentalis Confessio præscribitur, ut dispositio ad obtinendum statum gratiæ pro Indulgentiæ consecutione necessarium; vel ut opus injunctum. Si primo modo præscribatur; tunc is, qui nulla gravi culpa inficitur, sine Sacramentali Confessione consequi Indulgentiam potest, cum Pœnitentiæ Sacramento non indigeat ad statum gratiæ obtinendum, in quo jam est constitutus. At si secundo modo injungatur; tunc confiteri omnino sacramentaliter debet aut peccata venialia, aut mortalia jam olim per Confessionem remissa, ut opus sibi ad Indulgentiam consequendam injunctum exequatur. At novissime Sacra Congregatio (3) Indulgentiis præposita decretum edidit a Clemente XIII. approbatum, quo declaravit clausulam illam in Indulgentiarum Brevibus inferi solitam, qui vere penitentes, & confessi, ac Sacra Communionem reserecti Ecclesiam visitaverint, ita intelligendam esse, ut ab iis etiam, qui

sibi

(1) Benedictus XIV. cit. Encycl. Epistol. §. 7.

(2) Benedictus XIV. cit. Epistol. Encycl. §. 77., & 78.

(3) Decr. Sac. Cong. Indulg. 31. Martii 1759., approbatum a Clemente XIII. 19. Maii 1759.

sibi lethalis peccati conscii non sunt, ad Indulgentiam consequendam Sacramentalis Confessio peragenda omnino sit: eadem vero suffragari etiam possit, si in vigilia festivitatis expleatur. Cum autem mox quamplures supplices libelli tum Regularium Communitatum, ac præsertim Monialium, tum etiam Parochorum, & nonnullorum Episcoporum pro suis Diocæsisbus eidem Sac. Congregationi porrecti fuissent, quibus maxima exponebatur difficultas, quæ sæpe incidit pro Sacramentali Confessione, sive in Festo, sive etiam in pervigilio peragenda; his permotus præcibus, ex consilio, & voto ejusdem Sacre Congregationis (1), Clemens XIII. Indultum concessit omnibus Christianidelibus, qui frequenti peccatorum Confessione animam expiare studentes, semel saltem in hebdomada ad Sacramentum Pœnitentie accedere, nisi legitime impediuntur, consueverint, & nullius lethalis culpæ a se post peractam ultimam Confessionem commisse sibi conscii sunt, ut omnes, & quascumque Indulgentias consequi possint, etiam sine actuali Confessione, quæ ceteroquin juxta præfati decreti definitionem ad eas lucrandas necessaria esset: nihil tamen innovando circa Indulgentias Jubilæi tam ordinarii, quam extraordinarii, aliasque instar Jubilæi concessas, pro quibus assequendis, sicut & alia opera injuncta, ita & Sacramentalis Confessio, tempore in earum concessione præscripto, peragatur.

VIII. 2. Quoad Sacram Communionem, quæ pro Indulgentia assequenda præscribitur; cum trium Communionum mentionem Tridentina Synodus (2) faciat, videlicet solius Sacramentalis, quæ Communio est illorum, qui eam in peccato lethali recipiunt; solius spiritualis, quæ illorum est, qui summo pere cupientes Panem Eucharisticum gustare, viva fide, *quæ per dilectionem operatur*, spiritualis illius fructus, atque utilitatis participes fiunt; & Sacramentalis simul, ac spiritualis, quæ est illorum, *qui prius ita se probant, & instruunt, ut vestem nuptialem induiti ad divinam mensam accedant*; quæri potest, quænam ex his

(1) Clemens XIII. in Decr. edito 9. Decembris 1763.

(2) Trid. sess. 13. c. 8.

his tribus Communionibus præscribatur ? *Nos sub Sacra Communionis nomine* (inquit Benedictus XIV. (1)) *Sacramentalem simul, ac spirituales Communionem intelleximus, atque intelligimus, cum sensus verborum obvis hic plane sit, nequaquam rati, rem tam absurdam cuiquam in mentem venire posse, ut sub nomine Sacrae Communionis sola Sacramentalis Communio intelligi possit.* Et sane cum nonnisi opera moraliter bona, ac pia ad Indulgentiam assequendam ab Ecclesia Fidelibus injungantur; sacrilega vero Communio sit opus moraliter malum, ac pietati, & Religioni maxime oppositum; evidens omnino est, solam Sacramentalem Communionem injungi ab Ecclesia nullatenus potuisse. Reliquum igitur est, ut, cum Sacram Communionem ad Indulgentiam assequendam Ecclesia præscribit, Sacramentalis simul, ac spiritualis Communio præscripta intelligatur: aliunde autem nobis constat, *Communionis nomine juxta Ecclesiae praxim, & usum Eucharistiae susceptionem intelligi.*

IX. 3. Cum in Pontificio Brevi, inter opera ad Indulgentiarum consecutionem juncta, Ecclesiae visitatio postremo loco recensetur; dubitatum ab aliquibus fuit, an eadem vere fieri postremo loco necessario deberet? Dubitationem tamen omnem abstulit Sacra Congregatio Indulgentiarum præposita in decreto (2) superius laudato per hæc verba: *Quod autem ad Ecclesiae visitationem spectat, Sacra Congregatio fuit in voto, eam impleri posse sive ante, sive post aliorum piorum operum implementum.* Cum autem in eodem Pontificio Brevi præscribi soleat, ut Ecclesia devote visitetur; quod etiam in Bulla universalis Jubilæi solet exprimi; devotam hanc visitationem de Jubilæo loquens sic explicat (3) Benedictus XIV. *Ad injunctum visitationum opus adimplendum necesse est, ut visitatio fiat consilio, atque animo exhibendi honorem Deo, aut Sanctis ejus*

(1) Benedictus XIV. cit. Const. *Inter præteritos*. §. 1.

(2) Sacra Congregatio Indulgentiarum 31. Martii 1759., cujus decretum Cle-

mens XIII. approbavit 19. Maii. 1759

(3) Benedictus XIV. Const. cit. *Inter præteritos* §. 76.

ejus ; ut tam in itinere , quod ad Basilicas habetur , quam in ea sdem ingrediendo , modeste incedatur , atque in iis aliquis Religionis actus exerceatur . Ex quo deduci potest , quod siquis nullo pio fine , sed mera ductus curiositate , visitatum Ecclesias se confert , aut animi relaxandi , seu , quod dicitur , deambulationis habenda gratia iter conficit , Jubilæum minime consequitur . Tandem ab illa quæstione , utrum mentales , an vocales esse debeant piæ preces , quæ fundendæ ad Deum sunt in Ecclesia , quæ visitatur , pro Sanctæ Ecclesiæ exaltatione , hæresum extirpatione &c. , sic se idem Pontifex (1) expedit : Nos itaque declaravimus , vocalem orationem pie adhibitam ad consequendam Indulgentiam sufficientem esse ; laudandum eum , qui spiritu , ac vacante orat , dummodo tamen vocales aliquas preces orationi illi adjungat .

X. 4. Cum nonnisi remissa culpa , pœnæ remissio fiat ; illud consequitur , a peccatore , nisi prius cum Deo in gratiam redierit , plenariam , imo quamcumque Indulgentiam lucrificari minime posse . At hinc gravis inter Doctores controversia orta est , utrum videlicet ad Indulgentiam lucrandam necesse sit , ut omnia , & singula opera injuncta fiant in statu gratiæ , an sufficiat , ut postremum opus , in quo acquiritur Indulgentia , in statu gratiæ perficiatur ? Communis Doctorum sententia est , opera injuncta , (excepta Pœnitentiæ , atque Eucharistiæ susceptione) etiam si in statu peccati fiant , ad Indulgentiam assequendam sufficere , dummodo postremum opus , in quo Indulgentia acquiritur , in statu gratiæ perficiatur . Quamquam enim ea opera non sint æternæ vitæ meritoria , sunt tamen moraliter bona , & opera sunt inimici , qui se ad reconciliationem cum Deo præparat , ac disponit , adeoque , si debitis cum circumstantiis exerceantur , sunt opera pia . Et sane nonne prioribus Ecclesiæ sæculis ii , qui in graves , publicosque excessus prolapsi erant , antequam ab ipsis absolutionem obtinerent , adeoque cum in statu peccati adhuc essent , in publicis implendis pœnitentiis sese exercebant ?

Acce-

(1) Benedictus XIV. cit. *Epist. Encycl. Inter præteritas* . §. 83.

Accedit huc, quod tria ad Indulgentias lucrandas certe sufficiunt, videlicet auctoritas in concedente, gratia in recipiente, ac pietas in causa. At quid eorum in casu nostro deest? Profecto nihil. Tandem communem hanc opinionem amplexus est Benedictus XIV. (1) in laudata Epistola Encyclica, in qua de Basilicarum Urbis visitationibus ad Indulgentiam Anni Sancti assequendam præscriptis loquens, sic inquit: *licet quoad Nos magis, ac magis semper in votis habeamus, ut visitatio Ecclesiarum in statu gratiæ fiat, ac proinde vel post fructuosam Confessionem, vel saltem post contritionis actum; reputantes tamen, non omnia, quæcumque optamus, posse semper contingere, humanamque fragilitatem commiserari opus esse, a fructu Indulgentiæ minime excludendos illos existimavimus, qui non præmissa Confessione, visitationem Ecclesiarum incipiunt, ac proseguunt, dummodo quando opus ultimum perficiunt, in quo Indulgentia acquiritur, in statu gratiæ sint, ac dummodo visitationes istæ cum sensu devotionis adimpleantur.*

XI. 5. Occasione Jubilæi, sive universalis, sive particularis, Romani Pontifices Confessariis facultatem largiri solent absolvendi Pœnitentes a censuris Apostolicæ Sedi reservatis, nec non commutandi dispensando vota simplicia etiam juramento firmata, aut Romano Pontifici reservata, votis tamen perpetuæ castitatis, atque ingressus in Religionem exceptis. At cum hæ omnes (2), quæ tribuuntur, facultates ad Jubilæi consecutionem dirigantur, ac veluti ipsius præparatio sint; consequens est, illis uti Confessarios non posse, nisi cum eo, qui & ad consequendum Jubilæum præparatus sit, & certum habeat propositum adimplendi opera ad ejusdem acquisitionem injuncta. Verum hinc oritur dubium, num, si is, qui antea in animo sibi proposuerat omnia, quæ ad Jubilæi consecutionem necessaria sunt, adimplere, consilium mutet, nec opera præscripta adimpleat; num, inquam, is in censuras, a quibus absolutus fuit, relabatur, obten-

T t t

tæque

(1) Benedictus XIV. in cit. Epist. Encyclic. *Inter præteritos*. §. 76.

(2) Benedictus XIV. cit. Epist. Encyclic. §. 62.

tæque ab eo votorum commutationes, ac dispensationes aboleantur, ac prorsus extinguantur? *Quoniam absolutio a censuris* (sic dubium solvit (1) Benedictus XIV.) *in casu, de quo agitur, minime quidem cum reincidentia, sed absolute data est, ac datur; idcirco declaravimus, illum nequaquam censuris, a quibus solutus fuerat, inmodatum, aut gratiæ commutationum, ac dispensationum obtentorum expertem remanere.* Subdit tamen idem Pontifex præclarissimorum Doctorum sententiam secutus, eundem hominem a lethali culpa non excusari, tum quia in materia gravi Pontificis menti, atque intentioni adversatur; tum quia tacito pacto a se inito, atque obligationi a se ultro contractæ non facit satis. Cum enim Romanus Pontifex facultates Confessariis largiatur tamquam medium ad Jubilæum consequendum, adeoque illos velit eisdem, nonnisi cum iis Pœnitentibus uti, qui sinceram habeant Jubilæi consequendi voluntatem, quique ex animo opera adimplendi ad ejusdem consecutionem injuncta ad confitendum accedat; Inde fit, ut Pœnitens, dum absolutionem a censuris recipit, ac favores, & gratias per occasionem Jubilæi datas in se ultro admittit, facto ipso ad reliqua injuncta opera exequenda sese obliget, eaque se præstiturum ex oneroso titulo polliceatur.

XII. Clausulæ quædam Pontificiis Indulgentiarum Brevibus apponi solitæ pluribus occasionem dedere quæstionibus, quas a Sacra Congregatione dirimi oportuit. Aliqua ejusdem Sacræ Congregationis decreta recenseamus. 1. hæc aliquando clausula Pontificio Brevis apponitur: *Præsentibus ad septennium tantum valituris.* Jam vero hujus septennii initium non a die publicationis, sed a die datæ Brevis desumendum esse (2) Sacra Congregatio declaravit. 2. ne ob immodicam Indulgentiarum largitionem Ecclesiastica enervaretur disciplina, Pontificiis Brevibus, quibus Indulgentia Plenaria alicui Ecclesiæ pro certo aliquo die ad septen-

(1) Benedictus XIV. cit. Epist. Encycl. §. 84.

(2) Decretum Sac. Cong. Indulg. 18.

Maii 1711. approbatum a Clemente XI. eodem mense, & anno.

septennium conceditur, apponi consuevit hæc clausula: *Volumus autem, ut si alias Christianis dictam Ecclesiam qualibet anni die visitantibus alia Indulgentia perpetua, vel ad tempus nondum elapsam duratura, concessa fuerit, præsentis Litteræ nullæ sint.* Verum cum super hujus clausulæ intelligentia plures exortæ fuissent difficultates, preces a Cameracensi Archiepiscopo porrectæ fuerunt Sacræ Congregationi Indulgentiis præpositæ, ut dictam clausulam opportune explicaret. Ea autem (1) declaravit, *tali clausula nullatenus comprehendendi Altaria privilegiata pro Defunctis, neque Indulgentias, aut certo personarum generi concessas, ut Confraternitatibus, Regularibus, & Capitulo, aut certum pium opus in ipsa Ecclesia peragentibus, ut Litanias, aliæque hujusmodi recitantibus, ac iis, qui Christiana Doctrina erudiuntur, vel alios erudiunt, & qui Sanctissimi Eucharistiæ Sacramenti expositioni cum oratione quadraginta horarum interfunt, neque stationum Urbis, & septem Altarium Indulgentias instar septem Altarium Basilicæ Vaticanæ concessas, neque demum quæ pro unica vice conceduntur.* Caterum si alia Indulgentia siue plenaria, siue non plenaria in perpetuum, vel ad tempus, tum ab eodem, tum ab alio Romano Pontifice generatim Christianis Ecclesiam, vel aliquod ejus Altare, seu Capellam visitantibus eodem die, vel diverso concessa fuerit, de qua non fiat in Litteris Apostolicis mentio, has litteras ob dictam clausulam esse prorsus irritas, ac nullas.

3. quando plenaria Indulgentia a Romano Pontifice illis conceditur, qui præscriptis diebus certam visitaverint Ecclesiam; etiam si pluries in die Ecclesiæ illius visitatio fiat; unica tantum Indulgentia acquiri potest. Hoc enim decretum edidit Sacra Congregatio Indulgentiarum (2) ab Innocentio XI. approbatum, ac promulgatum; quo declaravit, *semel dumtaxat in die plenariam Indulgentiam in certos dies Ecclesiam visitantibus concessam, vel aliud pium opus per-*

T t t t 2

agen-

(1) Decr. Sac. Cong. Indulg. 23. Junii 1676, approbatum ab Innocentio XI. 18. Martii 1677.

(2) Decr. Sac. Cong. Indulg. approba-

tum, & promulgatum ab Innocentio XI. 7. Martii 1678., & Benedictus XIV. in Epist. Encycl. Inter præteritos. §. 84.

agentibus lucriferi. Dies autem lucrandæ ejusmodi Indulgentiæ destinatus non a media nocte præcedenti ad sequentem metiendus est, sed a Vesperis diei præcedentis ad Vesperas diei subsequents, idest usque (1) ad principium noctis, sive ad horam vigesimam quartam, quoniam Completorium orationum diei complementum est.

XIII. Aliqua nunc Parochi, & Confessarii monendi a Nobis sunt, ut recte iis uti facultatibus sciant, quas iisdem occasione Jubilæi sive Universalis, sive particularis, sive Indulgentiæ Plenariæ instar Jubilæi concessæ largiri Romani Pontifices solent; cuiusmodi sunt facultates absolvendi a peccatis, & censuris Apostolicæ Sedi etiam in Bulla Cænæ reservatis, vota commutandi dispensando, commutandi opera ad Indulgentiam assequendam injuncta &c.

XIV. Primo itaque sciant, si rationabili de causa commutanda sint injuncta ad Indulgentiæ consecutionem opera (quæ tamen commutatio fieri a Confessario nequit, nisi ea opera commutandi facultas in Brevi Indulgentiæ a Romano Pontifice Confessariis expresse concedatur) (2), fieri ejusmodi commutationem non posse in ea opera, ad quæ is, qui commutatione indiget, ex alio titulo obligetur. Cum enim de subrogatione agatur; id autem, quod subrogatur, ejusdem qualitatis, ac naturæ esse omnino debeat, cujus est opus ipsum, cui fit subrogatio; manifeste inde deducitur, quoniam opera, quæ injungi solent, ex nullo sive justitiæ, sive obedientiæ, sive alterius virtutis præcepto præstari debent, sed novum sunt onus ad consequendam Indulgentiam impositum, in eorum locum subrogari non posse ea opera, ad quæ præstanda Indulgentiam consecuturus ex alio titulo obligatur. Extra casum vero commutationis disputatur inter Doctores, an quis consequi Indulgentiam possit per ea opera, ad quæ ex aliquo alio titulo obligetur? ex. gr. si eleemosyna inter

(1) Benedictus XIV. Epist. Encycl. *Inter præteritos*. §. 12.

(2) Bened. XIV. Epist. Encycl. §. 53.

inter opera injuncta recenseatur, quæritur, an quis Indulgentiam lucrari valeat per eleemosynam, quam pauperibus erogare debet vel ratione justitiæ, vel vigore testamenti, aut Legati? *Verior opinio esse videtur* (inquit Benedictus XIV. (1)) *quod acquiri nequeat Indulgentia per opus, ad quod præstandum ex alio titulo quis obligatur, nisi qui Indulgentiam concedit, nominatim dicat, quod per prædictum opus acquiri possit. Id enim sæpe contingit, cum inter injuncta opera trium dierum jejunium præscribitur, ac dies nominatim indicando ex. gr. dicitur, quod esse debeant tres dies quatuor temporum Septembris.*

XV. 2. In prædictarum facultatum usu, quod attinet ad absolutionem a casibus reservatis, manifestum est, eam extra Sacramentalem Confessionem dari non posse. Certum quoque est, nonnisi in actu Sacramentalis Confessionis absolutionem a Censuris esse impertiendam, si in facultatis concessione hæc, aut æquivalens habeatur clausula: *eorum Confessionibus diligenter auditis.* At quid, si ejusmodi clausula in Pontificia concessione non habeatur? Tutiolem esse opinionem affirmat Benedict. XIV. (2), quæ docet, non posse ejusmodi absolutionem extra Sacramentalem Confessionem dari, cum facultas absolvendi a censuris detur, tamquam prævia dispositio ad absolutionem a peccatis. Major esse potest difficultas quoad votorum commutationem, aliarumque dispensationum usum, quæ neque ex natura sua, neque ex Pontificis voluntate ullo pacto ad Pœnitentiale Forum referri posse videntur. At idem Benedictus XIV. in toties laudata Epistola hanc quæstionem pertractans, sic concludit: *Nos vero ad omnem difficultatem tollendam in instructione injunximus, non posse a Confessariis deputatis ullas absolutiones, commutationes, ac dispensationes dari extra actum Sacramentalis Confessionis, idque nobis esse congruum esse, Et materiae gravitati, ac ministerii qualitati conveniens visum est, atque præterea omnem controversie ansam eripit, Et conforme est praxi Pœnitentiariae Nostræ Apostolicæ.* Ex his verbis liquido

(1) Bened. XIV. cit. Epist. Encycl. §. 53.

(2) Bened. XIV. cit. Epist. Encycl. §. 63.

quido constat, quanam fuerit in hac discutienda, dirimendaque controversia Pontificis mens, cui proinde Nos omnes adhærere volumus in tota Nostra Diœcesi Confessarios, quoties iisdem occasione Jubilæi, vel Indulgentiæ Plenariæ instar Jubilæi concessæ supradictas ex Pontificio oraculo facultates largiemur.

XIV. 3. Quoad votorum commutationem, aut dispensationem diligenter Confessarii verba concessionis advertant: diversæ (1) enim res sunt commutatio, ac dispensatio. Nam dispensatio obligationem voti sine ulla subrogatione adimit: Simplici vero commutatione non extinguitur voti obligatio, sed materia tantum voti in aliam aut maiorem, aut saltem æqualem commutatur. Quando autem (ut sæpe fit) facultas datur vota *commutandi dispensando*; in ejusmodi facultate (2) ut principale ponitur *commutare*, ut accessorium jungitur *dispensando*. Quare ejus facultatis usus esse debet essentialiter commutatio, quæ de se est vel in majus, vel in æquale; ita tamen, ut per accessoriam dispensationem a naturæ suæ rigore aliquantisper recedat. Inde fit, ut moderata esse debeat inæqualitas materiæ in voti commutatione subrogatæ, cum accessoria dispensatio sequi debeat naturam sui principalis, videlicet commutationis, ejusque naturam haud multum immutare, ne quod accessorie ponitur, locum habeat principalis. Id enim esset contra Pontificis mentem, qui facultatem dat, ut vota possint dispensando commutari, non commutando dispensari.

XVII. Cum plenariam aliquam Indulgentiam in aliqua Nostræ Diœcesis Ecclesia acquirere Fideles certo aliquo die poterunt; volumus, ac mandamus Parochis, aliisque Ecclesiarum Custodibus, ut a primis vespers diei præcedentis usque ad vespers diei subsequæ, id est usque ad horam vigesimam quartam, ante ejusdem Ecclesiæ fores affixam pendere tabellam curent cum hac inscriptione *Indulgentia Plenaria*, ut tali pacto de Indulgentia, quam

(1) Benedictus XIV. cit. Epist. Encycl. §. 45.

(2) Syrus de facult. Min. Pœnitent. par. 1. cap. 6. dub. 2.

quam lucrari possunt, prætereuntes Fideles adinoneantur. Illud tamen eos monemus, quod si forte festum, cujus gratia concessa est Indulgentia, transferatur (1), non proinde ipsa quoque Indulgentia transfertur, nisi in Pontificia Bulla, seu Breui id ipsum expresse concedatur. Nemo autem Indulgentias sive in perpetuum, sive ad tempus de novo concessas publicare in Nostra Diœcesi audeat, nisi prius (2) a Nobis, vel a Vicario Nostro Generali licentiam ad id obtinuerit, cum nonnisi ad Ordinarium Indulgentias recognoscere, easque publicandi licentiam dare pertineat.

ARTICULUS II.

De Indulgentiis pro Fidelibus defunctis.

CUM inter eos Fideles, qui hujus usura fruuntur lucis, atque eos, qui in Christo defuncti, sed nondum ad plenum purgati, temporalem, quæ luenda iis superest, in Purgatorio igne persolvunt pœnam, tanta intercedat communio, ut hi illorum precibus, ac suffragiis juvari possint; Inde fit, ut non modo pro vivis, verum etiam pro defunctis Christianis Romanus Pontifex Apostolica auctoritate Indulgentias concedere possit, ac soleat. *Per præsentis tibi significandum duximus*, inquit Leo X. (3), *Romanam Ecclesiam, quam reliquæ tamquam Matrem sequi tenentur, tradidisse, Romanum Pontificem Petri Clavigeri Successorem, Et Jesu Christi in Terris Vicarium, potestate clavium, quarum est aperire Regnum Cælorum tollendo illius in Christianis impedimenta, culpam scilicet, Et pœnam pro actualibus peccatis debitam; culpam quidem mediante Sacramento Pœnitentiæ, pœnam vero temporalem pro actualibus peccatis secundum divinam Justitiam debitam, mediante Ecclesiastica Indulgentia, posse pro rationabilibus causis concedere iisdem Christianis, qui, charitate jungente, membra sunt Christi, si-*
ve in

(1) Sac. Rit. Cong. 30. Septemb. 1679., & 10. Junii 1690. cra Congreg. Immunit. 12. Junii 1703.

(3) Leo X. Constitut. *Exurge Domine.*

(2) Trident. sess. 25. cap. 11., & Sa- contra Lutherum.

ve in hac vita sint, sive in Purgatorio, Indulgentias ex superabundantia meritorum Christi, & Sanctorum, & tam pro vivis, quam pro defunctis Apostolica auctoritate Indulgentiam concedendo, thesaurum meritorum Jesu Christi, & Sanctorum dispensare, & per modum absolutionis Indulgentiam ipsam conferre, & per modum suffragii illam transferre consuevisse; ac propterea omnes tam vivos, quam defunctos, qui veraciter omnes Indulgentias hujusmodi consecuti fuerint, a tanta temporali pena secundum divinam Justitiam pro peccatis suis actualibus debita liberari, quanta concessa, & acquisita Indulgentia aequivalet. Et ita ab omnibus teneri, & predicari debere sub excommunicationis latae sententiae pena &c., auctoritate Apostolica decernimus.

II. Illud tamen inter Indulgentias, quæ pro vivis, atque illas, quæ pro defunctis Fidelibus conceduntur, intercedit discrimen, quod Fidelibus vivis Romanus Pontifex immediate, ac directe per modum absolutionis simul, ac solutionis; Defunctis vero indirecte, & mediate, videlicet per modum dumtaxat suffragii, seu piæ solutionis, ac exhibitæ satisfactionis, temporalem poenam pro peccatis jam remissis debitam condonat. Cum enim Christifideles, quamdiu mortalem degunt vitam, sint Ecclesiae Filii, ac spirituali ejusdem jurisdictioni subdantur; Inde fit, ut Romanus Pontifex, cum Indulgentias iisdem impertitur, non modo judiciariam exercent potestatem, poenam temporalem peccatis debitam vere remittens juxta illud Christi (1) Domini: *Quodcumque solveris super terram, erit solutum & in Caelis*, verum etiam absolutioni solutionem adjungat, cum tantum de Ecclesiae thesauro exhibeat, quantum pro temporali eadem poena luenda requiritur. At Christifidelibus vita functis, qui Purgatorio igne expiantur, *non tamquam ex potestate judiciaria* (2) (nullam quippe in illos jurisdictionem habet Ecclesia), *sed modo tantum suffragii*, Indulgentiæ, quæ pro ipsis conceduntur, profunt, per eas quippe Romanus Pontifex tantum ex Ecclesiae thesauro Deo exhibet, quantum illi pro culpis suis luere deberent poenæ.

III. Du-

(1) Matth. cap. 16.

(2) Benedictus XIV. Infit. 36. n. 15.

III. Dupliciter (1) a Romano Pontifice Indulgentia pro Defunctis concedi potest, ac solet: primo quidem directe, & immediate, cum ea videlicet ita conceditur, ut nonnisi in Defunctorum suffragium acquiri a Fidelibus possit: secundo vero indirecte, cum nimirum Fidelibus vivis Indulgentia, quam sibi lucrentur, directe conceditur, cum facultate tamen, ut illam, si velint, Defunctis per modum suffragii applicare libere valeant: quam quidem facultatem Fideles non habent, nisi in Indulgentiarum concessione iis expresse a Pontifice tribuatur, quemadmodum Indulgentiam pro mortuis directe concessam applicare sibi nulla ratione possunt, nisi id ipsum (quod tamen fieri non solet) nominatim concedatur. Quacumque autem ejusmodi ratione Indulgentiæ pro Defunctis concedantur; Si rite fuerint a Pontificibus concessæ, ac veraciter a Fidelibus acquirantur; juxta ordinariam Dei legem defunctis illis, quibus applicantur, omnino profunt vel ad omnimodam pœnæ remissionem, si plenaria sit Indulgentia, vel ad aliquam, si ea sit partialis - Cum enim Leo X. (2) Catholicam adversus Lutherum statuens de Indulgentiis doctrinam, tum iis, quæ defunctis applicantur, tum iis, quas vivi consequuntur, Indulgentiis eundem effectum iisdem prorsus verbis polliceatur; ait enim, *omnes tam vivos, quam defunctos, qui veraciter omnes Indulgentias hujusmodi consecuti fuerint, tanta temporalis pœna secundum divinam Justitiam pro peccatis suis actualibus debita liberari, quanta concessæ, & acquisitæ Indulgentiæ æquivalet; & ita ab omnibus teneri, & prædicari debere, sub excommunicationis lætæ sententiæ pœna &c. auctoritate Apostolica decernimus*; Inde fit, ut Indulgentiæ rite concessæ, & acquisitæ, quemadmodum Fidelibus vivis, qui eas sibi lucrantur, omnino profunt, ita etiam omnino defunctis, quibus applicantur, prodesse debeant.

IV. Inter Indulgentias pro Defunctis celeberrima est plenaria illa Indulgentia, quæ ex Apostolico privilegio vel in perpetuum,

V v v

vel

(1) Benedictus XIV. cit. Epistol. Encycl. §. 23. & 24.
slit. Exurge, Domine.

(2) Leo X. Con.

vel ad tempus, Altaribus quibusdam adnectitur, ut *quandocumque Sacerdos aliquis diebus in concessionis Brevi præscriptis Missam defunctorum pro anima cujuscumque Fidelium Defunctorum ad præfatum Altare celebrabit, anima ipsa de thesauro Ecclesie per modum suffragii Indulgentiam consequatur, itaut Domini Nostri Jesu Christi suffragantibus meritis a Purgatorii pænis liberetur*. Hujus Apostolici privilegii, a quo *Altaria Privilegiata* nuncupantur, usus est antiquissimus. Nam, ut inquit Bellarminus, (1) *Paschalis 1.* (qui anno Christi 817. Romanum obtinebat Pontificatum) *Indulgentiam ita concessit, ut qui pro anima Patris, vel alicujus particularis persone defunctæ tot Missas celebraverit in Capella Sancti Zenonis, quæ est in Ecclesia Sanctæ Prædix, animas illas de Purgatorii pænis eripiat*. Is autem usus frequentior mox fuit, communior, & amplior, itaut sub Paulo V. opportunum visum fuerit normam aliquam super hac re constituere. Quare in particulari Congregatione, cui celeberrimi Cardinales Bellarminus, Baronius, du Perron, & Asculanus interfuere, sancitum fuit, ut *Altaria privilegiata* iis tantum Ecclesiis permitterentur, quæ insigniores essent, & in quibus quotidie præscriptus ab eadem Congregatione Missarum numerus haberetur. Sub Clemente vero XI. in alia particulari Congregatione decretum fuit, ut iis solum Ecclesiis Altare privilegiatum semel in hebdomada concederetur, in quibus quotidie Missæ saltem quinque, quæ certæ essent, non adventitiæ, celebrarentur. Si vero decem Sacra quotidie fierent, bis in hebdomada; si quindecim, ter in hebdomada privilegiatum Altare concedi posset; Si demum quadraginta, privilegium etiam quotidianum Apostolica Sedes largiretur. Nihil tamen de privilegiatis Altaribus statutum est, quæ Fidelibus in sacra fodalitia adscitis, aliisque peculiaris Instituti viris a Pontifice tribuuntur. Ortas postmodum difficultates circa præscriptum hunc Missarum numerum, & decreti intelligentiam, suis declarationibus enodavit

Sacra

(1) Bellarminus in tract. de Indulgentiis lib. 1. cap. 14., & Benedictus XIV. Instit. 36. num. 15.

Sacra Congregatio Concilii, quas damus in Appendice *num. 18*. Mox Benedictus XIII. Altare privilegiatum quotidianum perpetuum concessit singulis Patriarchalibus, Metropolitanis, & Cathedralibus totius Orbis Catholici Ecclesiis, quibus illud a Romanis Pontificibus concessum hætenus non fuisset, atque altare illud ejusmodi privilegio decorari voluit, quod a Patriarchis, Archiepiscopis, atque Episcopis respective locorum semel designaretur. Pontificias litteras in forma Brevis damus in Appendice *num. 19*. Aliquando tamen privilegiatum Altare alicui Ecclesiæ ab Apostolica Sede conceditur, quin præscriptus Missarum numerus exigeretur. Propterea hac in re semper est advertendum, quid in concessione Brevis Romanus Pontifex præscribat.

V. Apostolicum, de quo loquimur, Privilegium dividi vulgo solet in locale, & personale. Locale illud est, de quo hætenus disseruimus. Personale vero tunc habetur, quando Romanus Pontifex Sacerdoti alicui facultatem impertitur, ut, si Missam defunctorum pro anima alicujus Fidelis defuncti ad Altare quodcumque præscriptis in concessione diebus celebret, anima illa de thesauro Ecclesiæ per modum suffragii plenariam Indulgentiam consequatur, itaut Domini Nostri Jesu Christi, ac Beatissimæ Virginis Mariæ, Sanctorumque omnium suffragantibus meritis a Purgatorii poena liberetur. Hujusmodi personale privilegium quibuslibet Sacerdotibus, cum Sæcularibus, tum Regularibus pro secunda Novembris die, qua omnium Fidelium Defunctorum memoria recolitur, Clemens XIII. universali decreto perpetuis futuris temporibus valituro concessit, itaut Missa Defunctorum, quæ a Sacerdote quolibet ea die celebratur, privilegio gaudeat, ac si in Altari Privilegiato celebraretur, dummodo nonnisi consuetam eleemosynam Sacerdos celebrans pro dicta Missa, licet privilegiata, accipiat, & in ea tantum quantitate, quæ a Synodalibus Constitutionibus, seu a loci consuetudine fuerit regulariter præfinita, uti ex decreto Sacræ Congregationis patet,

V v v v 2

tet,

(1) Benedictus XIII. in Brevis: *Omnium salutis*. edito die 20. Julii 1724.

tet, cujus exemplar damus in Appendice num. 20. *Æquissima* autem hæc conditio recipiendi pro Missa Privilegiata consuetam dumtaxat eleemosynam a Synodalibus Constitutionibus, seu a loci consuetudine præfinitam, Privilegii sive localis, sive personalis concessioni adjungi semper solet; & si aliquando non exprimitur, adjuncta subintelligitur, ne videlicet turpi quæstui fiat locus, ac venales esse Indulgentiæ videantur. Aliud etiam idem Pontifex saluberrimum defunctis Fidelibus, in Purgatorio detentis igne, decretum edidit, quo nimirum omnes, & singulas Parochiales totius orbis Ecclesias speciali quotidiani Altaris Privilegiati gratia ad septennium decorari voluit, ea tamen adjuncta lege, ut Episcopus quilibet pro sua Diœcesi ejusmodi gratiam postulet, atque unum dumtaxat Breve pro omnibus uniuscujusque Diœcesis Parochialibus Ecclesiis suffragetur; *expirato vero septennio, Sede plena, ipsimet Episcopi; Sede autem vacante, Vicarii Capitulares pro ejusdem privilegii renovatione preces porrigant*. Decreti hujus exemplar damus in Appendice num. 21.

V. Verum cum ejusmodi plenaria pro Defunctis Indulgentia nonnisi iis Sacerdotibus concederetur, qui Missam Defunctorum ad Altare Privilegiatum, si privilegium esset locale, ad Altare vero quodcumque, si privilegium esset personale, pro anima alicujus Defuncti celebrarent; Missæ vero Defunctorum diebus Festis sub Ritu Duplici, certisque aliis diebus celebrari non possent; Consulta hac super re Apostolica Sedes, de consilio Sacræ Rituum Congregationis plures decursu temporis edidit Constitutiones, quibus mentem suam aperuit, & privilegium, de quo loquimur, ampliavit. Et primum quidem Alexander VII. (1) decrevit, ut in Altaribus perpetuo privilegiatis, & in quibus quotidie ex Fundatorum, seu Benefactorum voluntate Missæ de Requiem, ut vocant, celebrandæ essent, per celebrationem Missarum de Festo currenti cuilibet obligationi fieret fatis, eandemque

(1) Alexander VII. *Const. Credita nobis*. edita die 22. Januar. 1667.

que celebrans, Indulgentiam pro anima alicujus Defuncti lucraretur, ac si ad formam Privilegii Missam Defunctorum celebraret. Hanc Alexandri VII. dispositionem Clemens IX. (1) extendit ad Altaria privilegiata non perpetua, nec quotidiana, & ad Missas, quæ non ex obligatione, sed ex sola Fidelium devotione, ac pietate celebrarentur. Tandem Innocentius XI. (2) præfatas Alexandri VII. & Clementis IX. Constitutiones ampliavit ad dies Dominicos, ad dies infra Octavas Paschatis Resurrectionis, Pentecostes, & Corporis Christi, aliosque dies, quibus, licet Felium Duplex non occurrat, Missæ tamen Defunctorum juxta Ecclesiæ Ritus, ac morem celebrari nequeunt. Trium istorum Romanorum Pontificum Constitutiones, quarum exemplar in Appendice exhibemus num. 21., Clemens XI. die 29. Septembris 1714. Apostolica iterum auctoritate confirmavit. Quoties ergo ad Sacrorum Rituum normam celebrari Missa Defunctorum potest, ea celebranda omnino est, ut Altaris privilegiati sive localis, sive personalis usus fiat, atque Indulgentiam per modum suffragii anima illa consequatur, pro qua incruentum Deo offertur Sacrificium.

VL. Parochos itaque, ac Sacerdotes reliquos, qui in hac Nostra Diœcesi versantur, paterna charitate monemus, ut, quoties privilegiati Altaris Indulto uti possunt, ejusdem usum non prætermittant, omnique studio curent Fidelium Defunctorum animabus, quæ Purgatorio expiantur igne, opem, sibi tam facilem, illis vero adeo salutarem suppeditare. Cum Purgatorius ignis, teste S. Cæsario Arelatenfi (3), *durior sit, quam quidquid penarum in hoc seculo aut cogitari, aut videri, aut sentiri potest*; sollicite studeant animas, cæteroqui Deo charas, sibi que fortasse aut cognitionis, aut amicitie fœdere junctas, ex eo tenebricoso pœnarum

(1) Clemens IX. Const. *Cum felicis*. edita die 23. Septembris 1669.

(2) Innocentius XI. Const. *Alias*. edita die 4. Maii 1688.

(3) Sanctus Cæsarius Arelatenfis sermon. 104. Tom. 3. oper. S. Augustini ann. 1683.

narum loco, quantocyus possunt, eripere. Ut autem rectus sit ejusmodi Apostolici Indulti usus, Pontificias Constitutiones ea super re editas, quas superius recensuimus, quam diligentissime servare curent.

CAP. XII.

DE SACRAMENTO EXTREMÆ UNCTIONIS.

Clementissimus Redemptor Noster (1) tanto servos suos amore prosequitur, ut iis quovis tempore voluerit de salutaribus remediis adversus omnia omnium hostium tela esse prospectum. Quamobrem, quemadmodum sapienter disposuit, ut iidem statim in hanc editi lucem, primumque vitæ cursum ingredienti, per Sacram baptismalium aquarum ablutionem ab originis culpa expiarentur; ac præterea auxilia maxima in Sacramentis aliis præparavit, quibus conservare se integros, dum viverent, ab omni graviore Spiritus incommodo possent; Ita etiam provide instituit, ut iidem ad ultimum demum progressi terminum, atque eo transaturi, ubi sine termino æterna eos aut remuneratio manet, aut poena, Extremæ Unctionis Sacramento, tamquam firmissimo quodam præsidio, muniti recrearentur. De hoc Sacramento, adultis Fidelibus ex hac vita exeuntibus utilissimo, dicturi hic sumus, & leges in eo ministrando servandas præscripturi.

II. Sacramentum hoc, quamquam modo *Unctio infirmorum*, modo *Sacramentum exeuntium* appelletur a Patribus, ex Ecclesiæ (2) tamen consuetudine *Extrema Unctio* nuncupatur, quia ultima est earum Sacrarum Unctionum, quas Christus Ecclesiæ suæ commendavit. Sexies enim juxta Sacros Ecclesiæ ritus ungi Fideles possunt; primo scilicet dum Catechumeni fiunt; secundo dum baptizantur; tertio dum Sacramentum Confirmationis suscipiunt;

(1) Trid. sess. 14. de Sacram. Extremæ Unctionis.

(2) Catechismus Romanus par. 2. c. 6. de Sacramento Extremæ Unctionis. §. 2.

piunt; quarto dum Reges coronantur; quinto dum Sacerdotes, aut Episcopi consecrantur; postremo cum gravi, ac periculoso morbo decumbentes, aut etiam extremo jam in mortis articulo constituti, Sacro hoc oleo obliniuntur. Extremam hanc Unctionem esse verum novæ legis Sacramentum, a Christo Domino institutum, a S. Marco insinuatum, & a S. Jacobo Apostolo Fidelibus promulgatum Tridentina Synodus definivit, ubi inquit (1): *Si quis dixerit, Extremam Unctionem non esse vere, & proprie Sacramentum, a Christo Domino institutum, & a Beato Jacobo Apostolo promulgatum, anathema sit.*

III. Quænam sit hujus Sacramenti materia, quænam forma, quinam Minister, & quinam effectus, quos producit, a S. Jacobo (2) sic docemur: *Infirmatur quis in vobis? inducat Presbyteros Ecclesiæ, & orent super eum ungentes eum oleo in nomine Domini: & oratio fidei salvabit infirmum, & alleviabit eum Dominus; & si in peccatis sit, dimittentur ei.* Ex his verbis, uti nos docet Tridentinum (3), Ecclesia ex Apostolica traditione per manus accepta didicit, materiam esse oleum ab Episcopo benedictum; forinam esse illa verba, quæ in hoc ministrando Sacramento adhibentur: *Per istam Sanctam Unctionem &c.*, Ministrum esse aut Episcopum, aut Sacerdotem ab Episcopo rite ordinatum per impositionem manuum Presbyterii; ac tandem effectus, qui a Sacramento producuntur, esse 1. ut delicta, si qua sint adhuc expianda, ac peccati reliquias abstergat. 2. ut ægroti animam alleviet, & confirmet, magnam in eo divinæ misericordiæ fiduciam excitando; qua infirmus sublevatus morbi incommoda, laboresque levius ferat; 3. ut tentationibus Dæmonis, calcaneo insidiantis, facilius resistat; 4. ut sanitatem corporis interdum, ubi salutis animæ expeditierit, consequatur. Singula disertius explicemus.

IV. Materia itaque remota Extremæ Unctionis ex Christi institutu-

(1) Trid. sess. 14. de Sacram. Extremæ Unctionis can. 1., & eadem sess. cap. 1.

(2) Jacobi cap. 5.

(3) Trid. sess. 14. cap. 1., 2., & 3. de Extrema Unctione.

institutione est oleum ab Episcopo benedictum, & quidem ex olivarum (1) tantum baccis expressum, quippe illud solummodo juxta communem loquendi modum, nisi alterius vocis fiat additio, *Olei* nomine designatur. Materia vero proxima est unctio, per quam a Sacerdote ægrotantis corpus oleo illinitur. Unctio enim aptissime Spiritus Sancti gratiam, qua invisibiliter anima ægrotantis inungitur, repræsentat. Quamquam hoc oleum, ex Ecclesiæ saltem præcepto, esse debeat simplex, & absque ulla alterius liquoris admixtione; Doctores tamen omnes Sacramenti validitati officere negant, quod aliquid balsami eidem, contra communem cateroqui, & perpetuam Ecclesiæ praxim, admisceatur, dummodo tanta non sit admixtio, ut, exteriori destructa olei specie, non oleum, sed unguentum potius, aut artificiale alterius generis mixtum censeatur. Debet præterea hoc oleum esse prius Episcopi benedictione consecratum, uti ex antiquissima Patrum (2) traditione accepimus. Utrum autem ex Christi institutione, an ex Ecclesiæ solum præcepto necessaria sit Episcopi benedictio, inter Theologos disputatur. Nos quæstionem intactam relinquentes, tria dumtaxat statui posse censuimus; nimirum primo aliquam ex Christi institutione consecrationem in oleo requiri, ut apta fiat hujus Sacramenti materia: secundo numquam ægrotantes in Ecclesia Latina oleo inunctos fuisse, quod non fuerit ab Episcopo consecratum: tertio ad Sacramenti validitatem sufficere oleum a simplici Sacerdote benedictum. Inficari enim nemo audebit, ex Romani Pontificis sive expressa, sive tacita commissione, materiam aptam ad conficiendum hoc Sacramentum a simplici Sacerdote præparari posse, cum a mille (3), & amplius annis mos in Ecclesia Orientali vigeat, ut ipsi Presbyteri Extremam Unctionem collaturi, oleum in ea adhi-

(1) Benedictus XIV. de Synodo Diocesana lib. 8. cap. 1. 2. 3.

(2) Innoc. I. in Epist. ad Decentium, Eugenius IV. in Decr. pro instr. Armen., Trid. loc. cit., Bened. XIV. loc. cit. n. 4.

(3) Joannes XXII. in Epist. ad Officium Armenorum Regem, Arcudius lib. 5. cap. 2., Benedictus XIV. de Synodo lib. 8. cap. 1. num. 4.

adhibendum benedicant. Quam quidem consuetudinem Apostolica Sedes non semel ratam habuit, & approbavit. Nam, omnis reliquis, Clemens VIII. in suo decreto, quo Italo-Grecis permittit, ut in suo ritu perseverent, sic habet: *Circa Oleum Sanctum Infirmorum, non sunt cogendi Presbyteri Græci Olea Sancta, præter Chrisma, ab Episcopis Latinis Diœcesanis accipere, cum ejusmodi Olea ab eis in ipsa Oleorum, & Sacramentorum exhibitione ex veteri ritu conficiantur, ac benedicantur.* Quod quidem decretum renovavit, confirmavitque peculiari (1) Constitutione Benedictus XIV.

V. At Nos in Nostra Diœcesi perpetuum Ecclesiæ Latinæ usum constantissime retineri volumus, dillicteque præcipimus; ac mandamus, ut non aliud in Extrema Unctione conferenda oleum adhibeatur, nisi quod ab Episcopo Feria quinta in Cœna Domini fuerit solemniter consecratum. Quod si Parochus aliquis oleum ejusmodi ab Episcopo sibi traditum ex frequenti usu ita imminui videat in dies, ut deficere omnino possit, opportune curet, ut aliud ejusmodi oleum ab Ecclesiâ Cathedrali, in qua asservari solet, sibi suppeditetur. In casu autem urgentis necessitatis (2), in qua plurimi ungendi essent infirmi, nec in promptu sufficiens olei benedicti copia haberetur, licebit Sacro Oleo præexistenti oleum addere benedictum, in minori tamen quantitate, ne per improvidam mixtionem dubia reddatur materia Sacramenti. Aptissime (3) autem hæc materia vim, atque effectum Sacramenti significat. Quemadmodum enim oleum liniendis, mitigandisque corporis doloribus recte adhiberi solet; ita Sacramenti hujus vis maxima in eo est, ut animæ dolorem, tristitiamque soletur, ac levet, & nos ad mortem erecto, constantique animo subeundam, ac Dæmonis calcaneo nostro insi-

X x x

diantis

(1) Benedictus XIV. Const. 37. §. 4. in ejus Bullario tom. 1. pag. 172.

(2) Cap. *Quod in dubiis*. 3. de consecrat. Eccles. Rituale Romanum tit. de

Extrema Unctione, & Sac. Cong. Supremæ, & Univers. Inquisitionis ad dubium sibi propositum 23. Septemb. 1682.

(3) Catechismus Romanus loc. cit. §. 5.

714 CONSTITUTIONES SYNODALES

diantis dolos eludendos excitet, atque confirmet. Ab iis vero, ad quos pertinet, detur opera, ut oleum maxime purum, liquidumque, nec male olens, quemadmodum debita erga Sacramentum Religio postulat, Feria quinta majoris hebdomadæ Episcopo consecrandum proponatur.

VI. Forma hujus Sacramenti (1), ut a Concilio Tridentino, ac Rituali Romano docemur, est solemnitas illa, quam Sacerdos ad singulas unctiones adhibet, precatio: *Per istam Sanctam Unctionem, & suam piissimam Misericordiam indulgeat tibi Dominus, quidquid per visum &c. deliquisti*; quæ quidem forma ad singula, quæ ungentur, membra est repetenda; sed simul exprimendus est sensus, qui in illa corporis parte, quæ inungitur, residet. Hinc non omnes ungentæ sunt corporis partes, sed eæ tantum, in quibus maxime sensuum nostrorum sedem natura posuisse videtur, videlicet oculi propter visum, aures propter auditum, nares propter odoratum, os propter gustum, manus propter tactum, pedes propter incessum, renes denique propterea quod in iis voluptatis, ac libidinis vis potissimum sita esse existimatur. Is autem ungenti ritus, qui constanter in Ecclesia universali retinetur, naturæ hujus Sacramenti, quod medicamenti instar est, optime convenit. Quemadmodum enim in corporis morbis, quamvis universum male affectum sit corpus, tamen illi tantum parti curatio adhibetur, a qua, tamquam a fonte, & origine, morbus manat; ita in hujus Sacramenti administratione non totum corpus, sed ea membra, in quibus potissimum sentiendi, & agendi vis eminet, & quibus homo, cum peccat, abuti solet, ungentur.

VII. Deprecativam esse hujus Sacramenti formam, ex ipsis ejusdem verbis unusquisque facile intelligit. Ratio autem, cur ex omnibus Sacramentis sola extremæ unctionis forma precatione absolvat, hæc a Catechismo Romano (2) profertur. *Cum hoc*
Sacra-

(1) Conc. Trid., Rituale Rom., Catechismus Romanus locis citatis.

(2) Catechismus Romanus loc. cit. §. 7.

Sacramentum propterea adhibeatur, ut præter spirituales gratiam, quam tribuit, sanitatem etiam restituat ægrotis; tamen quia non semper sequitur, ut ægroti a morbis convalescant; ob eam causam precatione forma conficitur, ut a Dei benignitate id impetremus, quod Sacramenti vis constanti, & perpetuo ordine efficere non solet. Quamquam autem Sacramentum hoc per plures unctiones administretur, in quarum singulis sua adhibetur forma; non tamen multiplex, sed unum est Sacramentum, non quidem partium continuatione, quæ dividi non possint, sed perfectione, cujusmodi sunt cætera omnia, quæ ex pluribus rebus constant.

VIII. Quoad particulares istas unctiones aliqua hæc ad rectam hujus Sacramenti administrationem adnotanda esse censemus. Primo si quis aliquo ex iis membris, quæ ungenda esse diximus, careat, puta manu, aut pede; tunc ei parti adhibenda est unctio, quæ amisso membro erit proximior. Secundo renum unctio in feminis propter decorem, & honestatem semper omittitur: imo etiam in viris ipsis omittenda est, si id gravitas morbi postulare videatur. Tertio, in ungendis manibus illud servandum est discrimen, ut, in reliquis Fidelibus interior earum pars, in Sacerdotibus autem exterior obliniatur: eorum enim manus palma oleo Sacro fuit inuncta, cum Sacerdotio initiarentur. Quarto, tempore pestis, aut quando ita æger in extremis laborat, ut periculum immineat, ne, antequam præscriptæ ab Ecclesia unctiones absolvantur, decedat, ungendus est in eo sensuum organo, in quo inungi facilius potest, sub hac forma: *Per istam Sanctam Unctionem, & suam piissimam Misericordiam indulgeat tibi Dominus, quidquid per visum, auditum, odoratum, gustum, gressum, & lumborum delectationem deliquisti. Amen.* Alia hujusmodi plura in Rituali Romano Parochi reperient, ac proinde illud attente, ac sæpe perlegant. Eos (1) tamen hæc serio monemus, a grauis culpæ reatu non excusari illum, qui extra recensitos casus vel unam ex quinque sensuum unctionibus prætermittat.

X x x x 2

IX. Ex-

(1) Benedictus XIV. de Synodo lib. 8. cap. 3. §. 5.

IX. *Extremæ Unctionis Ministros esse solos Sacerdotes ab Episcopo valide ordinatos, contra Novatores Tridentina (1) Synodus definivit, ubi ait: Si quis dixerit, Presbyteros Ecclesie, quos B. Jacobus adducendos esse ad infirmum inungendum hortatur, non esse Sacerdotes ab Episcopo ordinatos, sed etiam seniores in quavis Communitate, Et ob id proprium extremæ Unctionis Ministrum non esse solum Sacerdotem, anathema sit.* Verum, etsi quilibet Sacerdos extremam unctionem conferre valide possit, ordinarius tamen ejusdem Minister est solus Parochus, vel alter, cui ille ejus muneris fungendi potestatem fecerit. Quare nemini licet, extra urgentem necessitatem, sine ejusdem Parochi, aut Episcopi licentia Sacramentum hoc administrare. Imo Sacerdotes Regulares sine Episcopi, aut Parochi licentia, aut sine expresso Romani Pontificis privilegio Sacramentum extremæ Unctionis administrantes, præter gravis culpæ reatum, in excommunicationem (2) incurrunt Sedi Apostolicæ reservatam, etiam si ii (3), quos Sacro inungunt Oleo, sint advenæ in eorum Monasterio, aut Conventu ægrotantes. Conferre tamen hoc Sacramentum possunt absque ulla licentia famulis (4), domesticis, & commensalibus, qui intra eorum Monasteriorum, aut Conventuum septa degunt, & vivunt. At si, deficiente Parocho, infirmus sit in proximo mortis periculo constitutus; integrum cuilibet Sacerdoti est Sacro Oleo ægrotantem inungere. Cum enim Ecclesia, urgente mortis periculo, cuilibet Sacerdoti potestatem fecerit absolvendi a quibuslibet censuris, & peccatis; verosimile non est, quod cuiquam Sacerdoti interdixerit, ne ægroto, qui in eodem vitæ discrimine sit constitutus, absente Parocho, Unctionem extremam administret, quæ perfectio est, & complementum Pœnitentiæ, & quæ ad sui validitatem in Ministro jurisdictionis potestatem

(1) Trid. sess. 14. can. 4. de Extrema Unctione.

(2) Clement. 1. de privilegiis.

(3) Sac. Cong. Concil. in Monopoli-

tana 27. Septembris 1670. lib. 26. decret. pag. 444.

(4) Clemens X. in Constit. *Superna*; Trid. sess. 24. cap. 11.

statem non requirit. Hinc S. Carolus Borromæus in Concilio (1) Mediolanensi V. sic decrevit: *Ne alius Sacerdos, nisi Parochus, hoc Sacramentum ministret. Si porro is impeditus, aut alias in mora est, mortisque periculum instat; tunc Sacerdos alius ministret, licet.* Nos certe S. Caroli veltigiis inhærentes potestatem in Nostra Diœcesi facimus cuilibet Sacerdoti, ut, quoties Parochus, ejusque adjutor, aut vicesgerens absit, & ægro mortis impendeat periculum, eidem extremæ Unctionis Sacramentum libere, ac licite ministrare possit, ac valeat.

X. Ex iis Jacobi verbis: *Infirmatur quis in vobis? Inducat Presbyteros Ecclesie, & orent super eum ungentes eum oleo in nomine Domini*, quæri posset, utrum ad hoc Sacramentum valide conficiendum unus sufficiat, an plures requirantur Presbyteri? Verum quæstionem omnem sustulit Alexander III. (2), qui sic definivit: *Nos itaque tibi taliter duximus respondendum, quod Sacerdos, uno præsentente Clerico, & etiam solus, potest infirmum ungere.* Cui quidem definitioni consonat, qui jamdiu in Ecclesia Latina viget, usus. Cæterum cum novum non sit, sicuti monet S. Augustinus (3), in Sacris Litteris numerum pluralem poni pro singulari; dicendum (4) est, S. Jacobum per verba illa *Presbyteros Ecclesie* aliquem ex Ecclesiæ Presbyteris significare. Si tamen plures simul Sacerdotes re ipsa hoc Sacramentum conficerent, esset profecto validum, dummodo singuli diversos ungerent ægroti sensus, & quilibet congruentem inuncto sensui formam pronunciat. Verum (5) cum nemini liceat in Sacramentis administrandis a norma in Rituali Romano præscripta recedere; in hoc autem præscribatur, ut non plures, sed unus Sacerdos extremam Unctionem conferat; inde fit, ut illicitum nunc sit, seclusa necessitate, ejusmodi Sacramentum a pluribus simul administrari.

Non

(1) In Conc. Mediol. V. Actor. Eccl. Mediol. par. 1. pag. 223.

(2) Cap. *Quæsiuit*. de verbor. significat., S. Thom. lib. 4. contra Gentes cap. 73.

(3) S. Augustinus lib. 3. de consensu Evangelist. cap. 16.

(4) Benedictus XIV. de Synod. lib. 8. cap. 4. num. 4.

(5) Benedictus XIV. loc. cit. num. 5.

Non loquimur hîc de Ecclesia Græca, pro qua Constitutio-
nem (1) edidit Benedictus XIV. in ejus Bullario videndam.

XI Ex allatis Jacobi verbis (2), ex decreto Eugenii IV. (3),
ex Tridentina Synodo (4), ex Catechismo Romano, & ex
perpetua, constantique Ecclesiæ Latinæ traditione (5), quæ om-
nium Theologorum consensione firmatur, edocemur, extre-
mam Unctionem solis Infirmis esse ministrandam, & quidem eo
morbo laborantibus, ex quo juxta peritorum judicium mors se-
cutura prudenter timeatur. Denegandum (6) proinde est hoc
Sacramentum iis, qui, cum sano sint corpore, probabile, aut
etiam certum adeunt vitæ periculum, cujusmodi sunt, qui aut
mare transgressuri, aut commissuri prælium, aut ultimo sunt ple-
ctendi supplicio. Denegandum quoque est foeminis partui proxi-
mis, nisi alia insuper iisdem accesserit extraordinaria, & lethalis
corporis ægritudo. Denegandum præterea est 1. pueris (7), qui
nullum adhuc rationis usum habent, etiamsi in gravi versentur
vitæ discrimine, quia, cum hi nondum ulla vel levi culpa fœda-
ri potuerint, vera in iis esse non potest hujus Sacramenti forma:
Indulgeat tibi Deus, quidquid per visum, auditam &c. deliquisti:
Pueri tamen, statim ac rationis compotes (8), & doli, culpæ-
que capaces censentur, si in gravem incidant morbum, infirmo-
rum oleo poterunt illiniri. 2. amentibus, & furiosis (9), qui ab
ipso ortu numquam mentis, & rationis compotes fuere, cum
etiam isti nulla gravi, aut levi culpa se contaminare potuerint,
ad cujus abstergendas reliquias hoc Sacramentum, prout est insti-
tutum,

(1) Benedictus XIV. Constit. 57. §. 5.
in ejusdem Bullario tom. 1.

(2) Jacobi cap. 5.

(3) Tom. 9. Collectionis Harduini.

(4) Sess. 14. cap. 3. de Extrem. Unct.

(5) Catechismus Romanus de Extrem.
Unct. §. 9.

(6) Conc. Mediol. V. sub S. Carolo an-
no 1576. par. 2. tit. 6., & S. Th. lib. 4.
contra Gentes cap. 73.

(7) S. Th. in 4. dist. 23. qu. 2. art. 2.,
S. Carolus Borromæus par. 4. Añ. Eccl.
Mediol. pag. 543., & Catech. Rom. loc.
cit. num. 9., Rit. Rom. de Extr. Unct.

(8) Benedictus XIV. de Synodo lib. 8.
cap. 6.

(9) S. Carolus Borromæus in Añ. Eccl.
Mediol. loc. cit., Catech. Rom. loc. cit.,
Benedictus XIV. loc. cit. num. 4.

tutum, adhibeatur. Secus vero dicendum est de adultis (1), qui usu aliquando rationis præditi, postea in phrenesim, aut mentiam inciderunt: iis enim ministrandum est, dummodo & absque irreverentia Sacramenti fieri id possit, & ægrotus, antequam insaniret, expresse, aut tacite illud petierit, aut petiturus fuisset, si meminisset, neque in peccato mortali notorio insanierit. 3. publicis; ac notoriis peccatoribus, quos nulla præteritorum criminum poenitentia tangi consiterit. His enim non modo extrema Unctio, sed Sacramenta etiam reliqua sunt deneganda; & si in eo statu decesserint, Ecclesiastica quoque privandi sunt sepultura.

XII. Quamquam iis dumtaxat infirmis Extrema Unctio sit conferenda, qui decessuri prudenter timeantur; non tamen ita ejusdem administratio est differenda, ut tunc solum Sancto Oleo liniantur, cum in eum statum devenerint, ut jam jam spiritum sint exhalaturi. Gravissime enim peccant (2) ii, qui illud tempus ægroti ungendi observare solent, cum omni spe salutis amissa, vita, & sensibus carere incipiat. Constat enim ad uberiores Sacramenti gratiam percipiendam plurimum valere, si ægrotus, cum in eo adhuc integra mens, & ratio viget, fideique, & religiosam animi voluntatem afferre potest, Sacro Oleo liniatur. Quare animadvertant Parochi, ut eo potissimum tempore celestem medicinam, vi sua semper salutarem, adhibeant, cum eorum etiam, qui curandi sunt, pietate, ac religione magis futuram intellexerint. Cum autem humani generis hostis hanc plerisque rudibus, & ignavis mentem iniiciat, ut actum esse credant de illius vita, qui Sancto unctus est Oleo, eique solum superesse sepulchrum; & inde fiat, ut a Sacra Unctione perinde, ac ab ipsa morte abhorreant; Curent (3) Parochi crebris monitiono-

(1) Concilium Arausicanum can. 13., S. Th. in 4. dist. 23. qu. 2. art. 2. quæstionum. 3., Benedictus XIV. loc. cit.

(2) Catechis. Rom. loc. cit. §. 9., Conc.

Mediol. I. anni 1565., Burdigalense, & Rhemense an. 1583., Bituricense an. 1584.

(3) Synodus Burdigalensis anni 1583. tit. 13.

tionibus Populum a tam inani, atque impia opinione abducere, cum certum sit ex Apostoli doctrina, Deum non animam tantum, verum etiam corporis, si expedierit, salutem vi hujus Sacramenti conferre. *Sanitatem corporis interdum*, inquit Tridentina Synodus (1), *ubi saluti animæ expedierit, infirmus consequitur*; & uti diserte prius declaraverat Eugenius IV. (2), *effectus hujus Sacramenti est mentis sanatio, & in quantum expedit, ipsius etiam corporis*. Non itaque ad inungendum infirmum ultima expectanda est ejus vitæ periodus, qua Extremum agat spiritum. Hunc enim effectum (3) restituendæ valetudinis Sacramentum non operatur per modum miraculi (quod sane in illis circumstantiis necessario requireretur) sed virtute quadam, supernaturali quidem, sed quodammodo ordinaria, qua naturales causæ adjuvantur.

XIII. Verum cum ita comparati simus, ut omnia fere nostris commodis metiamur; Hinc ut efficacius alliciantur Fideles ad extremam Unctionem celeriter petendam, eamque recipiendam, antequam sensibus, ac mente destituantur; Parochus iis recenscat, ac explicet alios nobiliores effectus, quos eadem in decumbentium anima operatur, & quorum haud facile ægrotus esse potest particeps, si sensuum, & rationis usu sit destitutus. Prima igitur utilitas (4), atque effectus hujus Sacramenti est, ut, si ægrotus in peccatis sit, dimittantur ei, & delicta, si qua sint adhuc expianda, ac peccati reliquias, Sacramentum hoc, tamquam Sacramenti Pœnitentiæ complementum, abstergat. *Peccati autem reliquiæ, peccata, ac delicta*, quæ per hoc Sacramentum Jacobus remitti, Tridentina vero Synodus abstergi docet, primum quidem peccata venialia significant, quæ multis sane remediis, at potissimum per Extremam Unctionem, expiari possunt:

sunt

(1) Trid. sess. 14. cap. 2. de Extrema Unctione.

(2) Eugenius IV. in Decreto unionis ad Armenos.

(3) Benedictus XIV. de Synodo lib. 8. cap. 8. num. 2.

(4) Jacobi cap. 5., Trid. loc. cit. cap. 2., S. Carolus Borromæus in Actis Eccles. Mediol. par. 4. pag. 541., S. Th. lib. 4. contra Gentes cap. 73., & in Supplem. 3. par. qu. 8c. art. 1., Benedictus XIV. de Synodo lib. 8. cap. 8. num. 3.

sunt etiam quotidiana (1) peccata, sine quibus præsens vita non agitur, & quibus oportet hominem in suo exitu per hoc Sacramentum emundari, ut inquit S. Thomas, cui unanimiter Doctores omnes consentiunt. Deinde peccata etiam lethalia significant, quæ aliquando post aliorum Sacramentorum susceptionem in ægroto supersunt: fieri enim potest, ut inquit S. Carolus Borromæus (2), ut alicujus peccati, quod admisit, notitiam, vel memoriam ægrotus non habeat, vel si habeat, confiteri Sacramentaliter illud nequeat: in hoc autem delendo peccato ita per hoc Extrema Unctionis Sacramentum juvatur, ut fieri possit, cum per hoc Sacramentum salvari, qui alioqui fuisset damnatus. Si enim Extrema Unctio invenit peccatum aliquod vel mortale, vel veniale, quoad culpam illud tollit, dummodo ex parte recipientis non ponatur obex, uti ait Angelicus Doctor (3). Jam vero neutrum effectum (4) potest Extrema Unctio operari sine pio aliquo ipsius suscipientis actu: neque enim peccata venialia remittit absque aliqua eorumdem displicentia; neque lethalia delere valet sine eorumdem detestatione, atque illa saltem imperfecta contritione, quæ necessaria est ad veniam, & justificationem in Pœnitentiæ Sacramento assequendam, uti optime doctissimus Pontifex Benedictus XIV. in suo Opere de Synodo lib. 8. cap. 7. num. 3. ratiocinatur. At cum ejusmodi actus certe elici ab eo nequeant, qui jam est sensibus, ac mente destitutus, nisi forte illos antea jam elicuerit; Inde fit, ut utroque hoc Sacramenti effectu fraudetur æger, qui tunc solum sacro inungitur oleo, cum vita, & sensibus carere incipit.

XIV. Altera est, & quidem magna Sacrae Unctionis utilitas (5), quod animam ab infirmitate, & languore ex peccatis contracto, atque a mortis impendentis, futurique divini judicii metu sollicitam, ac trepidantem confirmat, ac sublevat. Non

Y y y modo

(1) S. Thom. loc. cit.

(2) S. Carolus Borromæus in Ast. Eccl. Mediolan. loc. cit., & S. Th. loc. cit.

(3) S. Th. in Supplem. 3. par. qu. 80. art. 1.

(4) Benedictus XIV. de Synodo lib. 8. cap. 7. num. 3.

(5) Catechismus Romanus de Sacram. Extrem. Unction. num. 14.

modo enim homini insitum a natura est, ut nihil in humanis rebus æque, ac mortem pertimescat; sed hunc præterea timorem magnopere auget præteritorum scelerum recordatio, juxta illud (1): *Venient in peccatorum suorum cogitationem timidi, & traducent illos ex adverso iniquitates ipsorum*: paulo enim post stare illum oportet ante Tribunal Dei, a quo severissime est judicandus, & vel æternam pro benefactis mercedem, vel æternum pro malefactis supplicium recepturus. Quare, dum inter spem, ac metum hæret anceps, multo terrore percussus, miris exagitur modis, contrariisque affectibus discrucietur. Verum si æger Extremæ Unctionis Sacramento muniatur, ejus virtute recreatus, pio, sanctoque repletur gaudio, & ad magnam divinæ Misericordiæ fiduciam excitatus, tristitiam abiicit, lætoque animo (2) Domini adventum expectat, paratus (3) depositum suum, quandoquique illud ab eo repetere voluerit, libenter reddere.

XV. Tertia tandem, ut reliquas omittamus, utilitas ea est, & sane maxima, ut adversus Dæmonis calcaneo insidiantis tentationes vires ægro, animumque suppeditet, atque arma subministrat, quibus earum vim, atque impetum frangat, atque repellat. Nam etsi (4) adversarius noster occasiones per omnem vitam quarat, & capiet, ut devorare animas nostras quoquo modo possit; nullum tamen tempus est, quo vehementius ille omnes versutiæ suæ nervos intendat ad perdendos nos penitus, & a fiducia etiam, si possit, divinæ Misericordiæ deturbandos, quam cum impendere nobis vitæ exitum perspicit. Quamobrem tunc uberiori Dei gratiæ indigemus auxilio, quo roborati dimicemus alacrius, & insensissimæ hostis artificium, & calliditatem facilius eludamus. Hæc autem uberiora auxilia, ac præsentissimum divinæ opis patrociniū nobis sane non deerunt, si tempestive hujus saluberrimi Olei Sacramento ea, qua par est, pietate, ac religio-

(1) Sapientiæ cap. 4.

(2) Ad Titum cap. 2.

(3) Ad Timoth. cap. 12.

(4) Trident. sess. 14. de Sacram. Extrem. Unct.

ligione muniamur. *Obumbrabit (1) enim Dominus caput nostrum in die belli: scuto circumdabit nos veritas ejus: Cadent a latere nostro milite, & decem millia a dextris nostris: ad nos autem non appropinquabit: nobiscum erit Altissimus in tribulatione: eripiet nos, & glorificabit nos, & ostendet nobis salutare suum.*

XVI. Verum ut tot, ac tam salutares ex hoc Sacramento percipi ab ægroto fructus possint, sedulo curabit Parochus, ut is, nisi aliud præceps, ac repentina morbi vis postulare videatur, Sacramentali prius expietur Confessione, cum Extremæ Unctionis gratiæ, fructibusque consequendis nihil æque impedimento sit, ac lethalis alicujus peccati conscientia. Mox, nisi mortis urgeat periculum, sacro reficiatur Viatico. Tandem de Extrema recipienda Unctione admonitus, a Parocho instruat, ut primum, & maximum Sacramenti beneficium, animæ videlicet salutem, expectat, deinde etiam corporis, si modo id sibi sit ad æternam salutem profuturum; sibi que futurum suadeat, ut, si ejus votum ab hac Christiana fiducia, ac pietate profisciscatur, aut morbi depulsio sequatur, aut certe animus adversus mali Dæmonis insidias, ac mortis instantis terrores erigatur magnopere, & confirmetur. Quamquam autem Extrema Unctio characterem non imprimat, semel tamen adhibita, non est in eodem iteranda morbo, nisi forte hic diuturnus sit, & æger, postquam recreatus ab eo fuerit, in mortis iterum periculum relabatur.

C A P. XIII.

DE TESTAMENTIS, ET LEGATIS PIIS.

SI filii lucis essent, ut oporteret, hujus sæculi filii prudentiores; profecto non ignorantes sibi semel esse moriendum; tempus autem, quo sunt morituri, omnino nescientes; tempestive disponderent domui suæ, nec extrema vitæ momenta expectarent, ut ultimum Testamentum conderent, supremaque ede-

Yyy 2 rent

(1) Psalm. 90.

724 CONSTITUTIONES SYNODALES

rent mandata. Verum cum ægerrime a substantiis suis, quas immodice diligunt, avellantur; usuvenire plerumque solet, ut de edendo Testamento tunc cogitent, cum in proximo moriendi periculo se constitutos intelligunt. Unde non raro fit, ut, cum Testamentum nuncupant, aut mens illis auferatur, aut ipsa morbi vi ita perturbentur, ut mentem suam, ultimamque voluntatem explicare minime possint. Non abs re itaque, nec improvide facturus videtur Parochus, si, postquam ex Medicorum sententia ingravescere ægroti morbum intellexerit, illum, dum mens integra est, ad condendum, si velit, Testamentum hortetur, præsertim si necessarii eidem hæredes desint, ac verendum prudenter sit, ne graves, ac diuturnæ inter hæredes ab intestato lites suboriantur.

II. Cum autem aliquando ægrotus in ultimis conficiendis tabulis Parochi consilium, operamque exposcat, paratus videlicet ad causas pias suum condere Testamentum; Pauca proinde hac de re Parochos, & Confessarios monendos esse arbitramur. Ac primum quidem illud sedulo caveant, ne ab ægro, vel impudentibus precibus, vel studiosa quadam suæ egestatis enarratione sibi, vel consanguineis suis, aut hæreditatem ipsam, aut pingue aliquod legatum expiscari conentur. Id enim Christi Ministros, ac dispensatores Mysteriorum ejus maxime dedecet, cum in illis rerum circumstantiis sacro ministerio ad temporale compendium sibi procurandum uti quodammodo viderentur. Caveant præterea, ne si de elemosyna indigentibus personis leganda agatur, cujusquam aut studio, aut malevolentia se duci sinant, adeoque alium improbent, ut alium Testatori commendent. Neque etiam Ecclesiæ suæ paupertatem dolosis quibusdam artibus, & circumventionibus oggerant, ne avaritiæ potius, quam animarum salutis inhiare videantur contra id, quod in Cabillonensi III. Synodo (1) sancitum fuit per hæc verba: *Animarum salutem inquirere debet Sacerdos, non lucra terrena, quoniam Fideles ad res suas dandas*

(1) Synodus Cabillonensis III. cap. 6., & 7.

*dandas non sunt cogendi, neque circumveniendi: Ecclesia vero Sancta non solum Fideles spoliare non debet, quin potius inopibus opem ferre. Quoties ergo ægrotus Parochi consilium exposcat, is eidem in memoriam pia aliqua loca, aut opera, quæ, pensatis omnibus, utiliora communiter existimantur, dumtaxat revocet, nulli privatim studens, sed omnia ex æquo commendans, ita ut ægrotus intelligat, liberum sibi esse quodcumque ex iis, quæ proponuntur, amplecti, nec aliud quidquam a Parocho spectari, nisi ut æternæ ægrotantis saluti utiliter consulatur. Tandem cum non sine magno Fidelium scandalo, neque sine turpissima Christianæ Charitatis inversione adiri hæreditates possint, quarum Ecclesiæ (confanguineis, ac necessariis, licet indigentibus, prætermisiss) falso licet pietatis obtentu, vero tamen furoris, aut odii impetu, vel importunis Sacerdotum suggestionibus, instituuntur hæredes; Parochi proinde nullam huiusmodi conscribendis Testamentis opem, aut consilium præbeant; imo vero siquem videant in ea esse voluntate, ut tam improvidum, ac tam injustum testamentum condant, illum a proposito suo removere piis hortationibus, ac suasionibus studeant. Justitiæ, & æquitatis legibus præscribi dicant, ut parentibus, ac liberis, aliisque necessariis opportuna non desint vitæ subsidia: Deum non quærere de fame parentum sibi dona conferri, veramque misericordiam a domestico progredi debere pietatis officio. Exemplum, ac verba proferant S. Augustini (1): *Quicumque vult, exheredato filio, heredem facere Ecclesiam, querat alterum, qui suscipiat, non Augustinum; imo Deo propitio nullum inveniet.**

III. Cum testamenta ad pias causas juxta Canonici Juris (2) dispositionem coram duobus, vel tribus testibus valide nuuncipentur; ac propterea non raro Parochi operam in ultimis conficiendis tabulis ægrotantes exposcant; Pauca quædam de testamentis

(1) S. Augustinus Serm. 2. de vita Clericorum relatus in can. ult. caus. 17. quæst. 4.

(2) Cap. *Relatum*. de testamentis, & Concil. Roman. sub Benedicto XIII. tit. 20. cap. 1.

mentis, ac Legatis Piis innuenda hic a Nobis esse censemus. Testamenta, ac Legata, in quibus Ecclesia, aut alia quæcumque pia causa hæres, aut legataria instituitur, *Pia* nuncupantur, eaque Ecclesiasticæ leges, quibus Civiles hac in re famulari necesse est, ita privilegiata esse voluerunt, ut ad illorum validitatem nonnisi ea, quæ Jure naturæ, ac gentium ad actus validos sufficiunt, requirantur. Quamobrem valida eadem in utroque foro semper sunt, dummodo (1) de voluntate Testatoris constet, nisi is, aut rationis usu careat, aut furiosus sit, ac mente captus, aut impubes, aut tandem prodigus, cui interdicta rerum suarum fuerit administratio. Solemnitates enim omnes a Jure Civili præscriptas Jus Canonicum in hoc Testamentorum genere abrogavit per celeberrimam illam Decretalem *Relatum*, quam universo terrarum orbi servandam Alexander III. proposuit (2) sic statuens. *Mandamus, quatenus cum aliqua causa talis (videlicet de Testamentis, ac Legatis Piis) ad testrum fuerit examen deducta, eam non secundum Leges, sed secundum Decretorum statuta tractetis, tribus, aut duobus legitimis testibus requisitis, quoniam scriptum est: in ore duorum, vel trium testium stat omne verbum.* Ut ergo ejusmodi Testamenta, ac Legata in interno valeant foro, Testatoris dumtaxat sufficit plena, ac deliberata voluntas, quam proinde etiamsi solus, ac sine Testibus hæres ab intestato audierit, eam sub reatu culpæ executioni demandare jubetur. Testes enim, quorum laudata Decretalis meminit, ad naturalem dumtaxat Testamenti pro foro externo probationem exiguntur, & quidem, si nonnisi per Testes probari defuncti voluntas possit. Nam si de ea aliunde constet, puta ex testamento propria Testatoris manu scripto, aut subscripto, aut si eam (3) hæres ab intestato se vere audivisse in foro externo fateatur; nullis est opus testibus, ut Testamentum in utroque foro cum externo, tum interno, cum Civili,

tum

(1) Cap. *Indicante*. de Testamentis.

(2) Cap. *Relatum*. 11. de Testamen-
tis.

(3) Arg. L. *Non dubium*, Cod. de tes-
tamentis, & L. *Et si*, Cod. De fideicom-
missis.

tum Canonico plenum habeat robur, ac firmitatem. Inde fit, ut Testamenta ad pias causas in utroque valeant foro, licet vel solis nubiis, & ad alterius interrogationem condita sint; vel incertus (1) sit hæres in iis institutus; ex. gr. si Testator dicat: *Hæres instituo pauperes, animas Purgatorii, Ecclesiam &c.*, vel tandem si in iis Testator hæreditatem, aut legata arbitrio (2) alterius distribuenda committat ex. gr. dicat: *Hæres bonorum meorum instituo pauperes, quos Alius elegerit &c.* Quæ tamen omnia a Jure (3) Civili prohibentur, irritumque reddunt Testamentum.

IV. Si ergo de voluntate Testatoris satis aliunde non constet, necesse tunc est, ut duo legitimi Testes in Testamento condendo adhibeantur. Uni enim dumtaxat Testi (4), licet is omni sit exceptione major, suumque testimonium jurejurando confirmet, ne in foro quidem interno hæres ab intestato habere tenetur fidem, cum inconcussa sit Juris regula (5), unicum Testem non satis esse, ut quidquam cum alterius detrimento probatum censeatur: secus enim innumeris fraudibus immensus aditus aperiretur. Quare inprovide agunt & Testator, & Parochus, si ille soli Parocho suam pandat voluntatem, hic vero solus illam excipiat hæredibus ab intestato referendam. Hoc enim pacto Testamentum ejusmodi ex defectu probationis nullum sortietur effectum. Propterea Parochos, omnesque Confessarios monemus, ut ultimas hæc dispositiones ad pias causas non excipiant, nisi duobus advocatis Testibus, aut saltem uno; tunc enim alterius Testis, cum duo tantum sufficiant, Parochus ipse, aut Confessarius supplebit vices. In Legatis (6) etiam piis, quæ ab egrotantibus ad Parochorum aures fieri quandoque solent, ut fraudes, litesque evitentur, testes etiam in eodem numero (duo videlicet, aut tres) adhibeantur, coram quibus Testator, se quædam ad pias causas erogari,

(1) Cap. Cum tibi. 13. de Testament.

(2) Cit. cap. Cum tibi.

(3) L. Jubeamus. cod. De testamentis.

L. Illa, & L. Si quis. ff. de hæred. instit.

(4) Cit. cap. Relatum.

(5) Cap. Licet universis. de testibus.

(6) Concil. Rom. sub Benedicto XIII. tit. 20. cap. 1.

ri, prout Parochus, seu Confessario suo injunxit, ita velle declaret, talique declaratione pia Testatoris dispositio suum semper sortiatur effectum. Testes autem in piis hujus testamentis adhibendi, necesse non est, ut sint rogati, cum sufficiat, ut mentem suam intendant, ac verba Testatoris intelligant: *Nam coram Titio aliquid facere jussus*, ut ajunt leges (1), *non videtur presente eo fecisse, nisi is intelligat*. Præterea esse possunt Testes, quicumque de Jure naturæ, & gentium a ferendo testimonio non repelluntur. Quamobrem omnes, sive viri, sive mulieres, dummodo neque sint infames, neque mentis impotes, neque ratione peculiaris alicujus criminis reprobentur, interesse, tamquam Testes, ejusmodi dispositionibus possunt, adeoque etiam Parochus (2), Confessarius, Beneficiarius, Religiosus &c., quamquam Ecclesiæ propriæ, seu Monasterio, aut tota hæreditas, aut ejus pars a Testatore relinquatur. Nequis vero in his scribendis testamentis error obrepat, formulam aliquam damus in Appendice num. 22., qua Parochi, & Confessarii, cum sese occasio dederit, mutatis mutandis, uti facile possint.

V. Cum Christo detur, quidquid piæ causæ impenditur (ut enim Christus inquit in Evangelio (3): *quod uni ex minimis meis fecistis, mihi fecistis*); Inde fit, ut quidquid etiam causæ piæ detrahatur, Christo furripiatur. Cum autem Episcoporum (4), qui Christi, ac pauperum patrimonii vindices sunt, ac dispensatores, pecuniæ munus sit piarum dispositionum tam in ultima voluntate, quam inter vivos securitati, atque executioni sollicita cura invigilare; Nostas esse partes ducimus aliquas hic ad Sacrorum Canonum normam leges condere, quibus testamentorum ad piæ causas libertatem tueamur, exactamque piorum legatorum observantiam urgeamus.

VI. Ac

(1) L. *Coram Titio*. ff. de V. S.(2) Cap. *Insuper* 6., & cap. *Cum nuncius*. 12. de testibus, & attestationibus.

(3) Matth. cap. 25.

(4) Cap. *Nos quidem*, cap. *Si heredes*, cap. *Tua nobis*, & cap. *Joannes*. de Testamentis; Trid. sess. 22. cap. 8., & L. 1. cod. *De Episcopis, & Clericis*.

VL. Ac primum quidem, ubi quis, vel appetente morte, vel etiam dum integra valetudine fruitur, religiosæ, veræque pietatis impulsu hæredem, aut legatariam Ecclesiam, aliamve piam causam nuncupat, nemo se ejusmodi testamenti libertati audeat opponere, atque a pio legato sive directe, sive indirecte ita disponentem deterrere, ut liberum ei non sit testamentum ad piam causam condere, aut conditum sive ex integro, sive ex parte, si velit, immutare. Quicumque ausus id fuerit, noverit, se acrem divini, Ecclesiasticique (1) judicii ultionem esse subiturum. Eamdem quoque comminamur ultionem iis omnibus, qui injuste sive directe, sive indirecte piorum legatorum executionem sive vi, sive dolo, aut omnino impediunt, aut saltem remorabuntur. Pœnam tamen multo severiorem subibunt Notarii, Parochi, & Confessarii, si pias Testatorum voluntates, quas oretenus acceperunt, aliquid iis addendo, vel minuendo, in scriptis adulterabunt.

VII. Quia vero sæpe ex malitia, plerumque ex negligentia piæ dispositiones, ac legata executioni minime demandantur; Nos autem earum observantiam urgere nullo modo possumus, nisi eadem nobis innotescant; Primum Notariis quibuscumque, Parochis, Confessariis, aliisque omnibus sive Ecclesiasticis, sive Laicis, qui ad hanc usque diem vel pia Testamenta exceperint, vel alias quascumque scripturas de piis legatis conscripserint, aut in iis condendis Testes fuerint, sub pœnis etiam spiritualibus arbitrio Nostro infligendis districte præcipimus, ac mandamus, ut piarum ejusmodi dispositionum notitiam, nisi delata jam fuerit, intra tres menses a die promulgationis hujus Synodi ad Nostram Curiam ejusdem Actis inserendam deferant, expressis Defunctorum, atque hæredum nomine, & cognomine, legatorum qualitate, & quantitate, bonis relictis, oneribus impositis, die, mense, & anno exceptæ scripturæ, cæterisque omnibus, quæ necessaria erunt, ut exacta legati, aut piæ dispositionis

Z z z z

tionis

(1) Cap. Si hæredes. de testamentis, & Clem. 1. de privilegiis.

tionis notitia habeatur. Cancellario autem Nostro sub gravi ad Nostrum arbitrium, etiam amotionis ab officio, pœna districte præcipimus, ut delatam ejusmodi legatorum, seu dispositionum notitiam in registro suo describat, & intra mensem locorum piorum, in quorum commodum dispositiones factæ fuerint, Administratores moneat, ut earum executionem pro sui muneris debito apud Hæredes, seu Testamentarios Executores urgere non desinant. In posterum vero ii omnes, quos recensuimus, si quas forte dispositiones ad pias causas excipient, aut scribent, earum notitiam ad Nostram Curiam deferant intra mensem ab obitu Testatoris, vel a die factæ inter vivos donationis. Si quis eorum notitiam deferre contumax detrectaverit, pœna multabitur pecuniaria, & a Nobis, si opus fuerit, anathematis gladio ferietur. Legatorum, piarumque dispositionum (1) nomine intelligimus, quidquid vel per ultimam voluntatem, vel quocumque donationis actu inter vivos relinquitur, aut donatur Ecclesiis, Monasteriis, Hospitalibus, Seminariis, Pauperibus, pro dotandis puellis, alendis Orphanis, redimendis captivis, paranda sacra suppellectili, accendendis luminibus, Missis celebrandis &c., uno verbo, quidquid in pios usus, aut in commune bonum relinquitur impendendum.

VIII. Diuturna compertum est experientia, pia legata, ultimasque Fidelium ad pias causas voluntates, nisi mature, & accurate impleantur, intercidere, & quandoque etiam penitus dilabi. Cum igitur non pauci sint, qui & suæ, & alienæ salutis immemores, piorum legatorum executionem negligunt, & prorogant; Nos, ut tantum a Nostra Diœcesi avertamus malum, volumus primum, ut adversus hos pauperum, animarumque tortores, in concionibus habendis ad populum, Parochi nec raro, nec leniter invehantur, itaut, si forte adsint, intelligant, quantum & vivis, & defunctis Fidelibus contra omnes justitiæ, ac pietatis leges fœdicia sua, culpabilique mora asserant detri-

men-

(1) Rota Recent. par. 13. decif. 302., & par. 2. divers. decif. 74.

mentum. Præcipimus deinde, districteque mandamus hæredibus, ac ultimarum voluntatum executoribus, ut intra tempus a Testatore præfixum legata pia, reliquæque defunctorum dispositiones omnino exequantur. Quod si certum temporis spatium non fuerit a Testatore præfixum, quamprimum ea exequi curent, & nisi intra annum a Testatoris obitu de piorum legatorum executione Nobis constet, illos (1) per multam pecuniariam, & crescente contumacia, per Ecclesiasticas etiam censuras, aliasque pœnas ad eorum executionem cogemus. *Si hæredes* (sic in jure Canonico (2) statutum legimus) *jussa Testatoris non adimpleverint, ab Episcopo loci illius omnis res, quæ eis relicta est, canonice interdicitur cum fructibus, & cæteris emolumentis, ut vota defuncti adimpleantur.* Neque vero Nobis quidquam oberit, quod in sua ultima voluntate vetuerit Testator, ne dictis legatis Episcopus manum apponat. Ejusmodi enim clausula, utpote Juri Canonico contraria, nullius est ponderis, & auctoritatis. *Cum in omnibus piiis voluntatibus* (celebre est rescriptum Gregorii IX. (3), *sic per locorum Episcopos providendum, ut secundum defuncti voluntatem universa procedant; licet etiam a Testatoribus id contingeret interdici; Mandamus, quatenus executores testamentorum hujusmodi, ut bona ipsa fideliter, & plenarie in usus prædictos expendant, monitione præmissa compellas.* Datum quidem est pii operis Fundatori (4), ut certum aliquem designare, & constituere valeat executorem, atque huic, si concreditum sibi munus segniter obeat, alium subrogare; & tunc immiscere se nequit Episcopus, nisi cum substitutus quoque in executione segnis, ac negligens esse deprehendatur. Sed in hoc demum casu ad Episcopum devolvitur onus, & cura id exequendi, quod alii neglexerunt. *Episcopi, etiam tamquam Sedis Apostolicæ Delegati, (uti Tridentina Synodus (5)*

Z z z z 2

decre-

(1) Cap. *Tua*, cap. *Nos*, & cap. *Si hereditas*. de testamentis.

(2) Cap. *Si heredes*. de testamentis.

(3) Cap. *Tua nobis*. de testamentis.

(4) Benedictus XIV. de Synodo lib. 13. cap. ultimo §. 1.

(5) Trid. sess. 22. cap. 8. de reform.

decrevit), in casibus à Jure concessis omnium piarum dispositionum tam in ultima voluntate, quam inter vivos sunt executores.

IX. Parochos præterea, ac piarum locorum Administratores sedulam adhibere curam jubemus, ut legata suis Ecclesiis, locisque piis destinata debitæ executioni demandentur, ac morosos Executores Nobis denuncient, ut in Domino eos monere, & ad executionem salutaribus hortationibus excitare, ac, si opus fuerit, opportunis qua juris, qua facti remediis compellere valeamus. Quod si hac in re sive ex fraude, sive ex oscitantia, Parochi, aliique Rectores, seu Administratores socordes fuerint, & ex hac culpabili mora in deteriorem conditionem res legata deducatur; eosdem ad illata detrimenta ære suo reficienda compellemus.

X. Cum piarum dispositionum non modo executor sit, verum etiam moderator Episcopus; proinde si forte incerta (1) sint pia legata, vel ex parte rei legatæ, vel ex parte piæ causæ, cui res legata relinquitur; judicio Nostro quæritio dirimatur, totaque auferatur ambiguitas. Siqua præterea pia dispositio ob aliquod sive facti, sive juris impedimentum executioni demandari nequeat juxta præscriptam Testatoris voluntatem (2), non proinde caduca fiat, neque hæredibus accrescat, sed hæredes, aut Executores Nos conveniant, & consulant, ut in alium pium usum, qui Testatoris menti sit proximior, aut pro loci, ac temporis conditione Nobis esse videatur utilior, pro arbitrio Nostro eadem pia dispositio commutetur. Qua quidem in re invigilare plurimum volumus Parochos, ac Vicarios Foraneos, ut, quandoque ejusmodi casus occurrat, notitiam Nobis deferant, ne inhumani hæredes sub inani impotentia hujus obtentu comedant (3) Sacrificia mortuorum, & carnibus (4) eorum saturentur,

ca

(1) Cap. Cum tibi. de testamentis.

cap. 8., Sac. Cong. Concil. in Sorana 15.

(2) Cap. Tua nobis. de testament.

Junii 1620.

Clem. Quia contingit. de Religiosis Domibus, Trid. sess. 22. cap. 6., & sess. 25.

(3) Psalm. 105. vers. 28.

(4) Job. cap. 19. vers. 21.

ea sibi retinentes bona, quæ piis ulibus, atque operibus destinata a Testatoribus fuerant.

XI. Nemo est, qui ignoret, per hæreditatis additionem quasi contractum fieri, & per legati, vel donationis acceptationem onera quoque acceptari, quæ legato, aut donationi a Testatore, seu donante fuerunt imposita. Verum cum sæpenumero oneribus ejusmodi nimium graventur Ecclesiæ, aut loca pia, ac non leve ex iisdem hauriant detrimentum; Rectoribus proinde Ecclesiarum, locorumque piorum Administratoribus interdiximus, ac prohibemus, ne absque Nostra expressa in scriptis obtenta facultate donationes, hæreditates, aut legata acceptare pro Ecclesiis suis, locisve piis audeant, quando iisdem onera sint adjuncta. Si secus fecerint, præter acceptationis, additionis, alteriusve actus hujusmodi nullitatem, damnum quodcumque, quod in Ecclesiam, Locumque Pium exinde redundaverit, ipsi ante quamcumque declaratoriam Nostram sententiam subeant, propriisque sumptibus reparent; ac præterea se obnoxios esse noverint Ecclesiastico Interdicto, quod Innocentius XII. (1) in sua Constitutione tulit, qua decreta Sacræ Congregationis Concilii super Missarum celebratione Apostolica Auctoritate confirmavit. Hæc autem omnia locum etiam habere volumus, quandocumque Parochi, Ecclesiarum Rectores, alique Piorum Locorum Administratores, Nobis inconsultis, & absque Nostra in scriptis obtenta licentia, hæreditates, aut legata Ecclesiis, Locisve Piis delata repudiare præsumant.

XII. Ut autem onerum, quæ piis dispositionibus injunguntur, memoria numquam intereat; volumus, ac districte mandamus, ut statim ac eadem acceptata rite fuerint (2), in tabella publica, quæ in Sacrario cujuslibet Ecclesiæ suspensa patere omnibus debet, atque in peculiari libro ad id destinato, qui in ejusdem

(1) Innocentius XII. Const. 179. *Nuper §. Ad hæc.* de celebratione Missarum.

(2) Sac. Cong. Concil. in Novarien.

14. Maii 1729., & Benedictus XIV. de Synodo lib. 13. §. 4.

dem Ecclesiæ Archivio diligenter eî custodiendus, fideliter describantur una cum indicatione testamenti, aut alterius legalis actus a pio Testatore exarati, ac designatione loci, nimirum Ecclesiæ, in qua peragenda sint sacra, aut aliæ Ecclesiasticæ functiones exercendæ, sicuti etiam numeri Missarum, aut functionum, ac temporis, quo eas oporteat celebrari. Quoties vero census, aut alia capitalia, ut vocant, piarum dispositionum oneribus obnoxia, extinguantur, aut rite distrahantur; eorum pretium, sub Ecclesiasticis pœnis ab Innocentio XII. (1) constitutis, aliisque arbitrio Nostro infligendis, penes Episcopalem Pietatis Montem (2) deponatur. Quod si reinvestiendum idem sit, non nisi Nostra accedente in scriptis licentia (3) reinvestiatur: Licentiam autem non concedemus, nisi in precibus, quæ Nobis offerrentur, expressum fuerit onus, cui pecuniæ reinvestiendæ subiiciuntur, idque toties repetatur (4), quoties idem recurret casus. Nullus etiam super ejusmodi piis dispositionibus contractus fiat, transactio, compositio, aut reductio, Nobis, & Apostolica Sede inconsultis: Si secus fiat, nulla, atque irrita (5) eo ipso sint Acta, etiamsi hæredum, vel Testatoris expressus accedat consensus.

CAP. XIV.

DE FUNERIBUS, AC SEPULTURIS.

Nihil est, quod Pastorum vigilantiam, ac sedulitatem tantopere requirat, quam lubrica illa, periculosaque alæ plena conditio, quam subeunt ii, qui gravi morbo oppressi vita periclitantur, seu quod de summa rei tunc temporis agatur, seu quod hominum hostis teterrimus, quî, teste Apostolo, *tamquam*

(1) Innocentius XII. cit. Const. *Nuper* §. *Præterea*.

(2) Sac. Cong. Concil. in Firmana Legatorum 21. Junii 1721.

(3) Sac. Cong. Concil. in S. Marci plu-

rium 16. Januar. 1723.

(4) Cit. Const. *Nuper* §. *Ac si*.

(5) Benedictus XIV. de Synodo lib. 5. cap. 10. §. 2., & lib. 13. cap. ult. §. 19.

quam leo rugiens circuit querens, quem devoret, sciens, quod modicum tempus habet, inflammatuſ scelere, & furore, omnes nequitia ſuaſ artes tunc verſet, machinaſque omnes ad noſtram expugnationem intendat. Ut igitur nullum tempus eſt homini magis periculoſum, ſic nullum eſt, quod magis Paſtorum opera indigeat, & aſſiſtentia, propterea quod ſi res in extremo diſcrimine bene, feliciterque tranſigatur, beatiffimi, ſin autem male, ſimus oportet ſemper miſerrimi. Itaque ut in hoc tanto negotio populorum Nobis concreditorum ſecuritati proſpiciamus; Pauca hic Parochiſ, aliſque animarum Curatoribus facienda præſcribimus, quorum exactam ab iſdem obſervantiam ſumma cura, vigilantiaque repoſcemus.

II. Poſtquam ægroto graviter, ac periculoſe decumbenti extremæ Unctioniſ Sacramentum rite fuerit adminiſtratum; ſi cum Parochuſ ruere in pejor, ac, urgente morbi vi, ad obitum properare intelligat, facultate utenſ ſibi a Nobis tradita (Nobiſ autem, ſicuti & Epiſcopiſ reliquiſ, qui illam poſtulaverint, a Romano Pontifice delegata) eidem una cum Indulgentia Plenaria benediſtionem, quam in articulo mortis vocant, impertiatur. In ea autem impertienda, non alia utatur formula, quam qua in eum finem a Benediſto XIV. præſcripta eſt, ſuaſque inferſta Conſtitutioni (1), qua Epiſcopiſ omnibuſ huiuſ impertiendæ benediſtioniſ facultatem ampliavit, itaut eam nunc aliſ valeant in ſuiſ Civitatibuſ, ac Diœceſibuſ ſubdelegare. Huiuſ formulæ, ac Pontificiæ Conſtitutioniſ exemplar damuſ in Appendice num. 24. Ut autem ægrotuſ Indulgentiæ fruſtum certiuſ conſequi valeat, Parochuſ, antequam illi benediſtionem impertiatur, omni ratione ſtudeat illum excitare ad novuſ de admiſſiſ peccatiſ doloriſ actiſ elicienduſ, concipienduſque ferventiſſimæ in Deum charitatiſ affectuſ, præſertim vero ad ipſam mortem æquo, ac libenti animo de manu Domini ſuſcipiendam. *Hoc enim*

(1) Benediſtuſ XIV. Conſt. *Pia mater*. edita 5. Apriliſ 1747.

enim precipue opus, inquit Benedictus XIV. (1) in laudata sua Constitutione, in hujusmodi mortis articulo constitutis imponimus, & injungimus, quo se ad Plenaria Indulgentiæ fructum consequendū præparent, atque disponant.

III. Quemadmodum adversarius noster diabolus, cum superemus nobis instat dies, tunc potissimum multiplici, varique nos arte infestus oppugnat; ita tunc ad omnes ejus frangendos impetus vigilantiori cura Parochus conetur occurrere. Cum autem tria communiter soleant in eo rerum discrimine ab hoste maligno tentationis tela torqueri, quibus videlicet ægrotum vel a Catholica Fide deiciat, vel ad æternæ salutis desperationem inducat, vel ad relabendum impellat (si non opere, saltem animo) in aliquod peccati genus, in quo diutius olim inforduit; hæc proinde tela retundere a Parocho studiosius edoceatur. Is itaque primum ad sinceras Deo gratias referendas excitetur pro immortalī illo beneficio, quo datum ei fuit in Catholica Religionis sinu, extra quem esse non potest salus, non modo nasci, ac enutriti, verum etiam ad illam usque diem constanter perseverare. Moneatur deinde, ut palam testetur, atque edicat, velle se, divina adjutum ope, in Catholica Romana Ecclesia ultimum deponere spiritum, eaque omnia se ex corde credere profiteatur, quæ eadem credit, ac docet Ecclesia. Tum actum divinæ Fidei, Parocho præeunte, eliciat, quem mox sub brevi formula ad obitum usque frequenter iterare jubeatur, ut eo, veluti impenetrabili clypeo, instructus, improvisam quamlibet hostilem incursionem infringat. Quod si cui Dæmon in memoriam revocans, quantis se sceleribus obstrinxerit, & quam sæpe, & quam turpibus perpetratis flagitiis cœlestem in se iram provocaverit, illum anxium, mortisque instantis perturbatione confectum, in æternæ salutis desperationem conjicere tentet; Parochus tunc uberes divinæ misericordiæ fontes aperiat, profusumque

(1) Benedictus XIV. cit. *Constit. Pia mater.*

que pro nobis Jesu Christi Sanguinem commemoret, ostendatque suavis verbis, nullum esse tantum nefas, quod non ille abluat sanguis, si, dum superest spiritus, peccator intimo animi sui dolore, ac sensu veniam pie, atque humiliter deprecetur. Expansa Reparatoris nostri e Cruce pendentis brachia eidem ostendat, quibus prodigum filium, post substantiam suam luxuriose vivendo dissipatam, ad se cum fletu revertentem, amice excipere solet, ac paterna benevolentia complecti. Illum proinde ad maximum admissorum criminum dolorem, ac detestationem excitet, & ad Dei implorandam benignitatem, ejusque misericordiae fidendum traducat. Quem quidem antea vitæ doloris, ac detestationis actum una cum proposito non peccandi de cætero ab ægroto quolibet iterari frequenter jubeat; ut sic idem obscurato, constantique animo violentas Dæmonis aggressiones retundat, atque omne relabendi, solaque etiam mente peccandi periculum longius anoveat.

IV. Cum ægri mortem appropinquare, eumque in extremo agone jam constitui Parochus intelliget, ejus rei signum consue-
to campani æris pulsu Fidelibus dari curabit, ut piis eorum precibus Deo commendetur morientis exitus, ac requies. Eos præterea, quicumque adsunt, precari Dominum jubebit, ut excedentem e corpore animam placatus, propitiusque suscipiat. Ipse quoque, positus humi genibus, præscriptisque in Romano Rituali precationibus utens, proficiscentem de hoc Mundo creaturam Creatori, ac Reparatori suo pari studio, ac pietate commendabit. Sæpe autem suas abrumpens preces, modo aqua lustrali moribundum aspergat, modo eidem Christi e Cruce pendentis imaginem porrigat osculandam, modo perbreve precatiunculam, seu Christianæ virtutis actum lenibus, suavisque suggeret verbis. Quod si morientis integri adhuc sensus maneant, ejus miseratus languores amice illum soletur, & ad desiderium vitæ cœlestis accendat. Caveat tamen quam maxime, ne pluribus, quam sit opus, verbis, aut nimio vocis fragore in ex-

A a a a

tremis

tremis laborantem defatiget. Verendum enim est, ne, si mortis, quibus premitur, doloribus, novum hoc, & non leve accedat incommodum (non raro enim fit, ut, cum reliqui deficere incipiant sensus, acuaturs auditus) consolationem, ac opem respuat, & molesto consolatori irascatur. Postquam æger obierit, Parochus de more præscriptas recitet preces, omnibusque adstantibus, defunctique propinquis salutare aliquod monitum insinuet, quo eos soletur simul, ac ad rerum humanarum contemptum, æternæque felicitatis amorem inflammet. Curet præterea, ut consueto nolæ pulsû de secuto ægrotantis obitu Fideles moneantur, eorumque pietas ad suffragiorum opem mortuo deferendam excitetur. Hunc autem artis campani sonum esse decet moderatum, quo videlicet in viventium quidem mentes mortis recordatio revocetur, non tamen ita, ut eorum aures tristi illo, diuturnoque sonitu inutiliter obtundantur. Festivus vero, non lugubris campanarum sonus parvulorum obitum committetur, qui cum sacro regenerationis lavacro mundati ante rationis usum decesserint, Cœlitum choro protinus admixti ipsum (1) sequuntur Agnum sine macula, & sine macula sunt ante thronum Dei.

V. Nemo in curando defuncti corpore quacumque ex causa illud exenterare, aut incidere, aut aperire audeat, nisi, præter justam causam a Nobis approbandam, Nostra in scriptis intercesserit facultas, quam tamen nonnisi sub ea conditione largiemur, ut id fiat post vigesimamquartam, aut etiam trigessimam ab interitu horam. Postquam curatum cadaver fuerit, Parochus cum mortui propinquis de celebrando funere constituat, prænunciatoque cadaveris efferendi tempore, ab hæredibus sciscitetur, quos adesse funeri placuerit, ut invitari tempestive possint. Duo etiam tunc potissimum curet; primum ne defunctum, si aliquo ex sacris Ordinibus fuerit insignitus, aliis, quam quæ suo congruunt Ordini, vestibus indui patiatur, quemadmodum

(1) Apocal. cap. 14.

dum in Rituali Romano præscriptum legimus; deinde ut quandiu corpus domi detinetur, honeste compositum in loco decenti cum accenso lumine exponatur, ejusque custodiæ semper aliquis excubet; interdum etiam aqua lustrali aspergatur; demum qui adsunt, vel adveniunt, pias pro ejus anima ad Deum fundant preces. Quod quidem servari etiam volumus, quando ad Ecclesiam delatum in ea custoditur, donec sepulturæ tempus advenit. Tunc autem custodes a ludis omnino abstineant, a comessationibus, a jocis, a confabulationibus, aliisque actibus, quos Ecclesiæ sanctitas refugit, & pia officii mœlitia averfatur. Mos efferendi sub noctem ad clanculariam veluti sepulturam clementia adhuc cadavera displicuit tandem filiis lucis, & obsolevit. Quamobrem non noctu, sed interdiu eadem ad Ecclesiam deduci jubemus. Quod si honestam aliquam ob causam noctu efferenda esse videantur, id omnino non fiat sine Nostra (1), aut Vicarii Generalis licentia: secus arbitrariam Nobis luent pœnam tam decreti hujus contemptores, quam Ecclesiæ custodes, qui ejusdem fores intempesta nocte reseraverint.

VI. Non apud Hebræos modo, quorum vera erat religio, sed apud Ethnicos etiam populos, barbarasque nationes tanti momenti semper fuit defunctorum corpora sepelire, iisque honorifice parentare, ut immane inferri dedecus ei crederent, qui insepultus jaceret, & durissimis eum dignum pœnis putarent, qui inhumata Defunctorum ossa relinqueret. Hunc hominum animis a natura inditum religionis, ac pietatis sensum Catholica Ecclesia exemplis, præceptisque suis semper fovit, & auxit. Certa enim ex una parte, quod *mortale hoc induere debet immortalitatem, Et corruptibile hoc incorruptionem*; ex alia vero in spem erecta futurum, ut filii sui, qui viventes Templum Dei fuere, resurrecturi sint cum gloria, exemplum, legemque dedit, ut eorum corpora post obitum sepulcri honore donarentur. Hinc vetustissima illa Cœmeteria extiterunt, & adhuc extant, e quibus tot

A a a a a 2 millium.

(1) Sac. Rit. Congreg. 15. Maii 1704.

millium Christi Martyrum exuviae, a primis Fidelibus religiose in iis reconditæ, erutæ jam sunt, atque eruuntur in dies. Non omnium quidem (1) Fidelium corpora in Ecclesia sepeliri vetus disciplina patiebatur, cum spectatissimæ dumtaxat sanctitatis viri in Ecclesia, reliqui vero in Cæmeteriis tumularentur. Verum cum optatissimum Fidelibus foret (2) juxta Sanctorum corpora sepeliri, quod crederent, se ex eorum vicinia, & Fidelium ad eos venerandos confluentium precibus (3) posse juvari, factum inde est, ut primum Principes viri, mox cæteri omnes (4) humo mandarentur in Templis. Verum cum nihil sit tam sanctum, ac tam religiosum, quo non hominum aliquando abutatur malitia, ad varios, qui live ex superbia, & fastu, live ex avaritia, ac lucri cupiditate hac in re irrepsierant, auferendos abusus, plures a Romanis Pontificibus, sacrisque Urbis Congregationibus conditæ sunt leges, quarum præcipuas præstat hic paucis recensere, ut exactam earum observantiam urgere facilius valeamus.

VII. Ac primum quidem præscriptum est, qualia esse debeant sepulcra, quæ excitantur in Templis, & cujus auctoritate, ac facultate excitari possint. Sepulcra itaque juxta sanctas leges alte infra terram effodienda sunt, ita tamen, ut muro undique circumvallentur, ac superne fornicato opere muniantur. Sola enim Summorum Pontificum (5) corpora in eminentibus supra terram tumulis Canonice leges sepeliri patiuntur. Hinc peculiari sua Constitutione (6) sic statuit S. Pius V.: *Ut in Ecclesiis nihil indecens relinquatur; Ordinarii provideant, ut capse omnes, & deposita, seu alia cadaverum conditoria super terram existentia omnino amoveantur, prout alias statutum fuit, & Defunctorum corpora in tumulis profundis infra terram collocentur*; qua tamen lege non prohibetur,

(1) Can. *Præcipiendum* 15. & can. *Nullus* 18. caus. 13. quæst. 2.

(2) Baronius ad ann. Christi 126.

(3) Can. *Cum gratia*, caus. 13. qu. 2.

(4) Cap. *Fraternitatem*, cap. *Ex parte*, & cap. *Cum liberum*, de sepulturis.

(5) Cardinalis Petra tom. 2. Commentar. ad Const. 3. Cælestini III. sect. 1. num. 13.

(6) S. Pius V. Const. 5. incip. *Cum primum Apostolicus*. §. 8. edita ann. 1566.

betur, quominus, sepultis infra terram Fidelium cadaveribus, marmorea, aeneave monumenta prope Ecclesiæ parietes, aut columnas erigantur in eorum memoriam sempiternam, uti Sacra Episcoporum Congregatio (1) Episcopo Mantuano rescriptis. Sepulcri os, ne malus cadaveris putrescentis odor afflare aerem possit exteriorem, duplici, si fieri possit, aut saltem uno lapideo, integroque integumento obstruatur, quod ita æquabile sit, ac expositum (2), ut Ecclesiæ solo penitus exæquetur, & cum sepulcri ore tam apte cohereat, ut nulla prorsus pateat rima, per quam malus odor in Ecclesiam erumpat. Non modo Altaribus proximè non adhæreat sepulcrum, sed ab eorum etiam ligneis suppedaneis per tres saltem cubitos distet: secus, amotis a sepulcro, si quæ sint, defunctorum ossibus, injecta terra repleatur, muroque, ac pavimento superinducto obturetur. Multo autem minus sub Altari (3), aut ejusdem gradibus, seu suppedaneis cadaver ullum tumuletur: si secus fiat, nonnisi aliò translatis cadaveribus, Sacrum facere (4) in eo Altari licebit. Imo nullum (5) etiam intra Chori, seu Presbyterii, majorisve Capellæ fines sepulcrum effodi permittitur. In marmoris sepulcrorum operimentis, quæ incedentium per Ecclesiam Fidelium pedibus teruntur, nulla sacra incidatur effigies. Nulla etiam sepulcrali lapidi emblemata, aut inscriptiones insculpere liceat, nisi a Nobis, aut a Vicario Nostro Generali lecta prius fuerint, & approbata.

VIII. Tria saltem in Parœciali (6) qualibet Ecclesia esse oportet Sepulcra, in quorum uno soli Ecclesiastici, in altero dumtaxat Laici, in tertio parvuli (7) tantum, qui sacro abluti Baptifmate

(1) Sac. Congr. Episc., & Regul. 13. Octobr. 1579.

(2) Concil. Mediol. I. par. 2. tit. De Sepulchris.

(3) Can. *Præcipiendum*. caus. 13. q. 2. Sac. Congr. Concil. in Milevitana Synodi 7. Maii 1707. ad 10.

(4) Sac. Cong. Episc. in Interamnen. 14.

Sept. 1573., & in Messanen. 2. Maii 1601.

(5) Sac. Cong. Episc. in Tranensi 10. Novembr. 1599.

(6) Rit. Rom. de exequiis §. *Sepulcra*.

(7) Synod. Tusculan. anno 1690. sub Cardinali Brancatio in Appendice ad c. 6. §. 2., & alia sub Cardinali Ursino 1703. cap. 15.

mate ante rationis usum decesserint, sepeliantur. At præstaret his tribus, si Ecclesiæ reditus patiantur, quantum adjungere, in quo seorsim a viris mulieres turbulentur. In Ecclesia vero Nostra Cathedrali, & in Ecclesia S. Mariæ de Vivario Tusculi servari volumus decreta edita in Dicoecæfana Synodo Tusculana anno 1703. sub Eminentissimo Ursino, postmodum Benedicæo XIII. Nemo sub gravibus pœnis arbitrio Nostro infligendis Ecclesiæ (1) pavementum rumpere, atque effodere audeat, ut in eo defuncti cadaver sepeliatur, nisi a Nobis specialis ad id in scriptis facta fuerit facultas: Hoc autem decreto eas etiam Ecclesias, & Capellas, quas patronatas nuncupant, complectimur. Nulla in Ecclesiis, quæ (2) Nostræ Jurisdictioni subduntur, nova construuntur sepulcra sine Nostra in scriptis obtenta licentia: qui secus fecerint, pecuniaria a Nobis pœna multabuntur. Quamquam olim (3) in solis Cathedralibus, Collegiatis, ac Paroecialibus Ecclesiis de jure communi Sepulturæ construi possent; concessum tamen deinde est ex speciali Sedis Apostolicæ (4) privilegio pluribus Regularibus Ordinibus, ut in suis etiam Ecclesiis Sepulcra conderent, in quibus Fideles, quicumque velent, tumularentur. Quod quidem privilegium nunc ad omnes fere Regulares Ordines sive per communicationem, sive peculiaribus concessionibus protensum esse non ignoramus. In Monialium vero Ecclesiis (5) sine peculiari Sacræ Congregationis Episcoporum, & Regularium licentia, ac sine expresso ipsarum Monialium consensu nulla pro Laicis, cujuscumque sint dignitatis, ac sexus, sepulcra fieri, aut cadavera tumulari possunt,

iis

(1) S. Pius V. cit. Constit. *Cum primum*. §. 6., Aët. Mediolanen. Eccles. par. 2. tit. de sepult., & Sac. Congr. Conc. in Fundana sepultur. 19. Maii 1708.

(2) Concil. Mediol. I. tit. de sepult. num. 1. vers. *Verum curetur*, S. Pius V. cit. Constit. *Cum primum*.

(3) Cap. *In nostra*. de sepulturis, & cap. *Cum quis*. eod. tit. in 6.

(4) Clem. Dudum. §. *Hujusmodi*. de sepulturis, & Extrav. *Super Cathedralam*. §. *Hujusmodi*. de sepulturis.

(5) Sac. Cong. Episc. in monte Feltrinen. 21. Novembr. 1603., in Gravin. 1. Octobr. 1650., in Vercellen. 18. Maii 1695., in Mantuana 14. Maii 1697. & in Camerinen. 6. Martii 1713.

iis exceptis (1), qui ab immemorabili familiæ Sepulcrum in prædictis habeant Ecclesiis. Solet autem Sacra Congregatio tum ad construendum in Monialium Ecclesiis Sepulcrum, tum ad eligendam in iis Sepulturam, licentiam non denegare iis, qui de iisdem (2) Monialium Ecclesiis, aut Monasteriis benemeriti sint, aut qui saltem iisdem eleemosynam iudicio Sacræ Congregationis satis idoneam largiuntur.

IX. Cum sepultura sit quid religiosum, adeoque in hominum cadere commercium nequeat; inde fit, ut a nemine sepulturæ dominium (3), ac proprietas acquiri, aut possideri valeat. Acquiri tamen potest sepulturæ (4) usus, ac sepeliendi jus, ita ut qui tale jus acquisierit, non modo in eo tumulo sepeliri possit, sed cæteros etiam, ne ibi sepeliantur, prohibere. Ad hoc jus, & privativum sepulturæ usum (5) acquirendum requiritur, ut quis, legitima obtenta ab Ecclesiasticis Superioribus sepulcrum construendi licentia, illud re ipsa construxerit. Non enim jus ejusmodi ex solo decennii lapsu (6), & cadaverum tumulatione acquisitum censetur; sicuti neque privative quoad alios intelligitur acquisitum (7) ex eo tantum, quod quis Ecclesiæ, seu Capellæ sit Patronus, nisi in jure patronatus acquirendo hæc apposita fuerit clausula *cum facultate, seu jure funerandi*; vel nisi obtenta Capella, in patenti ejus loco sepulcrum Patronus effodiat, & Episcopus, ac Rector Ecclesiæ non contradicant, nam tunc tacita quædam adesse licentia præsumitur. Quamquam Tusculana Communitas Cathedrale Templum ære suo construxerit, seseque ad ejus conservationem, & cum opus fuerit, reparationem obligarit, No-

strum

(1) Sac. Cong. Episc. 18. Maii 1696.

(2) Sac. Cong. Episcop. in Ferrar. 13. Julii 1624., in Messan. 6. Augusti 1601., in Camerinen. 6. Martii 1713.

(3) L. *Si Sepulcrum*. eod. de Relig., & sumptibus funerum.

(4) L. *Familiaria*, & seq. ff. de Relig., & sumptib. funer., & L. *Jus sepulcri*. eod. eod. tit.

(5) Rota Rom. in Burgen. Sepulturæ 9. Decemb. 1695. coram Ottembergo.

(6) Rota Rom. in Calaguritana sepulturæ 2. Maii 1616. coram Coccino.

(7) Rot. Rom. in Toletana Capellaniz, & sepulturæ usus 27. Julii 1616. coram Ubaldo, & in Avenionen. concessionis Capellarum 13. Januar. 1587. coram Litta.

struam tamen est sepulturæ jus in eodem Templo concedere vel iis, quibus a Nobis Capellam inibi erigendi, aut dotandi cum jurepatronatus facultas fiet, vel aliis, si Nobis in Domino visum fuerit expedire, servatø tamen Decreto Congregationis (1) Visitationis de Urbe, ac Synodi Tusculanæ (2), videlicet, ut rei totius Tusculanus Magistratus particeps a Nobis fiat.

X. Liberum (3) cuique est, etiam uxori, inconsulto viro, ac filio, irrequisito patre, in quocumque malit, etiam Religiosorum Templo, aut Cœmeterio sibi sepulcrum eligere, in quo tumuletur, totumque firmitatis robur habet electio, seu in testamento fiat, seu citra testamentum, seu integra valetudine, seu morte imminente, seu scripto, seu voce, seu etiam nutibus, dummodo per eos eligentis voluntas satis innotescat: probatam autem electionem ejusmodi censerì volumus, si eligentis Parochus (4), aut Confessarius, etiam Regularis, suum de ea (dummodo non ad proprium, vel ad propriæ Ecclesiæ commodum) testimonium ferat, vel si de eadem duo idonei testes deponant, etiamsi sint singulares, non quidem obstativa, sed adminiculativa, ut ajunt, singularitate. Quamquam hanc sepulcrum eligendi libertatem incolumem, & ab omni vi, ac dolo immunem Sacri Canones esse vellent; cum tamen per fordidam avaritiam alieni dolores (5) quibusdam venissent in pretium, ac proinde ii de alieno luctu facere studentes compendium, circumventionibus, ac dolis libertatem ejusmodi evellere conarentur; ut eorum cupiditatem coerceret (6) Bonifacius VIII., *universis Religiosis, & secularibus Clericis, cujuscumque status, vel conditionis existant, in virtute sanctæ obedientiæ, & sub interminatione maledictionis æternæ districtissime prohibuit, ne aliquos ad vocendum, jurandum,*
vel

(1) Congreg. Visitationis de Urbe 2. Octobr. 1638.

(2) Synod. Tuscul. ann. 1703. cap. 15. de sepulturis.

(3) Cap. Nos, cap. *Fraternitatem*, cap. *Cum liberum sit*, cap. *De uxore*. de sepul-

turis, & cap. *Licet pater*. eod. tit. in 6.

(4) Sac. Cong. Conc. in Neapolitana S. Joa. Majoris 13. Februarii 1666. lib. 25. decret. fol. 29.

(5) Cassiodorus lib. 3. epist. 19.

(6) Cap. *Animarum*. de sepulturis in 6.

vel fide interposita, seu alias promittendum inducant, ut apud eorum Ecclesias sepulturam eligant, vel jam electam ulterius non immutent. Si secus actum fuerit, eam electionem irritam esse decernit; ac preterea statuit, ut hi, qui sic elegerint, nec apud Ecclesias sic electas ullatenus sepeliri, nec alibi eligere possint sepulturam, sed apud illas Ecclesias omnino sepeliantur, apud quas sepeliendi de jure fuissent, si non electa sepultura decessissent. Si vero iidem Religiosi, vel Clerici predictos in suis Ecclesiis, vel Cœmeteriis sepelire præsumperint, ad restitutionem tam sepulchrorum corporum, si petantur, quam etiam omnium, quæ occasione sepulture illorum quomodolibet ad eisdem pervenerint, infra decendium integraliter faciendam ipsos obligatos esse voluit: quam nisi fecerint, Ecclesia ipse, apud quas sepulti fuerint, necnon & Cœmeteria earundem eo ipso sint, & tamdiu maneant Ecclesiastico supposito interdicto, donec ab eis omnium predictorum plenaria facta fuerit restitutio. Hanc Bonifacii VIII. Decretalem Clemens V. (1) Apostolica iterum auctoritate confirmavit, ejusdemque transgressores, præter pœnas in ea statutas, excommunicationem majorem ipso facto incurrere voluit, a qua nonnisi ab Apostolica Sede, excepto mortis articulo, absolvi possint. Ut itaque Clerici sive sæculares, sive Regulares, ab omni dictarum pœnarum absint metu, caveant, ne ab ægroto dolosis suggestionibus sciscitentur, utrum in sua, an in alia certa quadam Ecclesia sibi eligat sepulturam? sed eum generatim dumtaxat interrogent, in quo condi velit tumulo? Ejus autem electioni statim acquiescant.

XI. Quod si quis, non electa Sepultura, decesserit; in gentilitio Majorum suorum sepulcro, quemadmodum Canonicae Leges, ac instituta Majorum postulant, tumuletur. Nos instituta Majorum Patrum considerantes, (inquit (2)) Leo III. statuimus, unumquemque in Majorum suorum sepulchris jacere, ut Patriarcharum exitus docet. Nulli tamen negamus propriam eligere sepulturam. Pro-

B b b b b

fecto

(1) Clem. Cupientes. de pœnis.

eod. tit. in 6., Sac. Congr. Concil. 10.

(2) Cap. 1. De sepulturis, cap. 17, qui.

Januarii 1673.

fecto Sanctorum Patriarcharum in Veteri Testamento mos fuit, ut in Majorum suorum tumulo sepeliri maxime vellent. Sic Jacob (1) appropinquare cernens diem mortis suæ, dixit ad Filium suum Joseph: *Si inveni gratiam in conspectu tuo, facies mihi misericordiam, & veritatem, ut non sepelias me in Ægypto; sed dormiam cum patribus meis, & auferas me de terra hac, condasque in sepulcro majorum meorum.* At Uxor, si sepulturam non elegerit, cum Viro suo, (2) & si pluribus nupserit, cum ultimo est sepelienda. *Unaquæque enim Mulier*, ut inquit S. Augustinus (3), *sive in vita, sive in morte sequatur virum suum; & quos unum conjunxit conjugium, uti subdit S. Hieronymus, (4) unum quoque conjungat sepulcrum.* Hinc Sacra Congregatio (5) Concilii, excitata super hac re controversia, censuit, *quatenus electa non fuerit sepultura, Uxorem in sepulcro ultimi Viri sepeliendam, filios vero in sepulcro Majorum, servos autem in Parochia.* Quod attinet ad Filios, certum est, puberes filios eligere sibi posse sepulturam, & si eam non elegerint, in Majorum suorum sepulcro, eoque non extante, in Parochiali Ecclesia esse sepeliendos. At de impuberibus, cum hi sepulturam eligere nequeant, sic in Jure Canonico (6) statutum est: *Licet Pater minores filios, qui nequeunt, antequam ad annos pubertatis perveniant, eligere sepulturam, possit (si consuetudo terræ id habeat) quo voluerit, sepelire; hoc tamen non potest, ubi consuetudo hujusmodi non habetur; sed sunt cum suis Majoribus, vel in Parochiali Ecclesia tumulandi.* Hanc autem facultatem Patri concessam, ubi legitima adsit ejusmodi consuetudo (quæ sane in hac Civitate (7), ac Diocesi non viget,) Pater non post obitum Filii, sed eo dumtaxat vivente, exercere potest,

(1) Genes. cap. 47. vers. 29.

(2) Sac. Cong. Concil. in Neapolitana 16. Maii, & 19. Decembris. 1682.

(3) Can. *Unaquæque*. caus. 13. qu. 2.

(4) Can. *Ebron*. caus. 17. quest. 2.

(5) Sac. Cong. Concil. 13. Februarii 1666. in respons. ad 3.

(6) Cap. *Licet*. de sepulchris in 6., & Sac. Cong. Concil. in Placentina 27. Novembris. 1649., & in Alexanen. Forum 13. Julii 1743. in responsione ad 4. & 5. dubium.

(7) Synod. Tuscul. ann. 1669. cap. 6. de sepulchris.

potest, uti Sacra Congregatio Episcoporum, & Regularium (1) non semel declaravit. Quod si Pater impuberi filio præmortuus fuerit; Sacra Congregatio Concilii (2) statuit, *etiam Matrem, cum Pater non adest, posse impuberi filio sepulturam eligere, vivente tamen Filio.*

XII. Tandem quicumque neque sibi sepulturam viventes elegerint, neque gentilitium, ac familiare monumentum habeant, in quo tumultentur (3), in sua Parœcia sepeliri eos oportet; exceptis tamen Canonicis, quos licet non electa sepultura demortuos, non tamen in Avorum, neque in Parœciali sepulcro, sed in eo, quod humanis Canonicis in Cathedrali Ecclesia destinatum est, sepeliendos esse decernimus. Idem quoad Sacerdotes, & Clericos servandum esse statuit Sacra Congregatio Episcoporum (4), quoties in Ecclesia Matrice sepulcrum adsit iisdem tumultandis destinatum. Peregrinos, & advenas (5), etiamsi in Regularium Domibus hospitantes decesserint, non in Regularium Ecclesia, nisi eam ante obitum expresse elegerint, sed in Parœciali Templo sepeliri jubemus. Regularibus omnibus interdictum, ne Tertiarios (6) in suis Ecclesiis tumultent, nisi ii vel in ea sepulturam elegerint, vel ad Regularum formam, quas professi sunt, Religiosa vota emiserint, ac vere sub illa Religione militaverint. Oblatos tamen, qui vere in Claustro sub obedientia vixerint, seseque una cum bonis omnibus irrevocabili inter vivos donatione Monasterio dederint, in propriis Regularium Ecclesiis esse tumultandos edicimus. Regulares Professos, si extra suum Monasterium, aut Conventum decedant, & ad

Bbbbb 2

ipsum

(1) Sac. Cong. Episc. in Fulginaten. 27. Octob. 1587., & in una Montis Pelusii 6. Junii 1659.

(2) Sac. Cong. Concil. in Avellinen. 15. Septembris 1605.

(3) Can. *Ubi cumque*. caus. 13. qu. 2. cap. *Is, qui*. de sepulturis in 6.

(4) Sac. Cong. Episcop. in Forosempro-

nien. 1. Septembris 1690., cap. *In ngstra*. de sepulturis.

(5) Sac. Cong. Episcop. 9. Junii 1692.; Sac. Cong. Conc. in Ripana 3. Februarii 1652.; in Ravennaten. 20. Jan. 1674., & in Gerunden. 3. Februarii 1694.

(6) Concil. Lateranen. sub Leone X., Sac. Cong. Conc. 11. Decemb. 1614.

ipsum deferri commodè possint, in eo sepeliendos esse declaramus, quemadmodum statuit Bonifacius VIII. (1) per ea verba: *Religiosi, nisi a propriis Monasteriis adeo forsitan sint remoti, ut ad ea, cum moriuntur, commodè portari non possint, nequeunt [cum velle, vel nolle non habeant] sibi eligere sepulturam, sed sunt apud sua Monasteria tumulandi*. Quamquam autem Regularibus, qui in saecularium domibus ad mortem ægrotant, a Parocho loci extrema ministranda sint Sacramenta, quemadmodum non semel Sacra Concilii Congregatio (2) declaravit; Huic tamen Parocho quarta funeralis danda non est, quando ejusmodi Regularium cadavera (3) ad proprium Monasterium tumulanda deferuntur. Quod si in locis adeo remotis Regulares intendant, ut ad propria Monasteria commodè deferri nequeant, spatio videlicet unius diei, tunc eligere sibi possunt sepulturam, ut ex allatis Bonifacii VIII. verbis liquido constat: nisi vero eam elegerint, in Ecclesia Parochiali, intra cujus fines moriuntur, tumulandi sunt, & quidem proprii Monasterii sumptibus, si tamen ab eo bona in communi possideantur. *Quid, inquit Glossa in cap. Religiosi, de sepulturis in 6., si moriatur, non electa sepultura? Communis opinio Doctorum est, quod sepeliendus est in Ecclesia Parochiali, in cujus Parochia mortuus est.*

XIII. Præter sepulcra alte in Parcæialibus Templis effossa, Cæmeteria deesse non debent, quæ vel Templis ipsi adhæreant, vel non procul ab iis distent, ut videlicet intra eorum septa, in munitissimo ad id constituto loco, albertia consumptorum cadaverum ossa, quæ, cum necessitas postulat, e sepulcris eruuntur, in strues, congeriesque composita religiose asserventur. Cum olim nonnisi in Cæmeteriis Fidelium Defunctorum corpora tumulari solerent; eorum autem pium obitum primi illi Christianæ Fidei cultores quemdam esse somnum non ignorarent, a quo

(1) Cap. *Religiosi*. §. de sepult. in 6.

(2) Sac. Cong. Concil. in Collen. 11. April. 1609., & in Messanen. 20. Sept. 1698.

(3) Sac. Cong. Episc. in Puteolana.

22. Maii 1615. apud Barbofam de officio, & potest. Paroch. cap. 6. num. 68.

quo ad immortalem vitam expurgari eos tandem oporteret in resurrectione mortuorum; ea proinde loca humandis corporibus statuta, *Cæmeteria*, idest quiescendi, ac dormiendi loca (id enim *Cæmeterii* nomen Græce significat) apposite nuncuparunt. Qua quidem in re eos exemplo suo Apostolus præverat, cum de Fidelibus Defunctis ad Theſſalonicenſes ſcribens, inquit: *Nolumus autem (1) vos ignorare, fratres, de dormientibus*; quem locum S. Hieronymus ſic interpretatur: *eos dormientes appellat, quia certum eſt eos eſſe ſurrecturos*. Cæmeteria hæc, cum loca religioſa ſint, & ſacris precibus, ac benedictionibus conſecrata, debito in honore haberi volumus, ac diligentiffime cuſtodiri. Murus igitur, quo ad debitam altitudinem undequaque ſepiendæ ſunt, ſi quæ ex parte corruerit, aut reparatione indigeat, reparetur. Oſtinm firmis valvis, clavibus, peſſulisque ſit ſemper clauſum, nec niſi, cum uſus poſcit, aperiatur. In ſummo oſtio vel Crucis imago coloribus expreſſa rutilet, vel lignea Crux juſtæ magnitudinis aſſurgat, in cujus ima parte humani capitis calvaria, ſeu cranium collocetur. In medio quoque Cæmeterio aut ænea Crux marmoreæ columnæ impoſita emineat, aut lignea certe in altum ſublata conſpiciatur. Frugiferæ in Cæmeteriis arbores, ſi quæ forte adſint, ad radices ſuccidantur: arbuſta, frutices, ſtirpes, ſpinæ, vepresque, vel radicitus evellantur, vel igne devorentur. Non eo Parochi ſordes ullas abiici ſinant, non ibi ligna, aut ſaxa, aut cæmenta coacervari, non ventilari frumenta, non trituram fieri, aut paleas, frugesve expandi, aut lineas telas lixivio madidas ſiccandas ſole explicari, non denique quidquam fieri, quod loci ſanctitati, ac religioni adverſari videatur. Conentur tamen omni vi, ſtudioque ſuadere Fidelibus, ut quoties Cæmeteria intuentur, aut prope illa gradiuntur, pias aliquas pro Fidelibus Defunctis ad Deum fundant preces.

XIV. Nemo, ſive Parochus, ſive alius quicumque, etiam Regu-

(1) Ad Theſſalon. cap. 4.

750 CONSTITUTIONES SYNODALES

Regularis, sub pœnis per Sacros Canones infligendis, in sua Ecclesia, vel Cœmeterio sepelire aliquem eorum audeat, quibus Sacri Canones, Pontificiæque Constitutiones Ecclesiasticam denegant sepulturam. Hi autem sunt 1. Hebræi (1), Turcæ, ac Infideles omnes non baptizati. 2. Hæretici (2), eorumque in hæresi receptores, defensores, fautores &c., etiamsi detecta solum post obitum fuerit eorum hæresis, dummodo non ejurata hæresi interierint. 3. excommunicati notorii (3), qui nulla in obitu dederint veræ pœnitentiæ signa. Si enim, antequam decederent, resipuerint, neque per eos steterit, quo minus absolverentur, tunc etiam post mortem (4) præscripto ab Ecclesia ritu sunt absolvendi, sacroque in loco tumulandi. 4. interdicti (5), ac suspensi ab ingressu Ecclesiæ notorii, ac denunciati. 5. publici, ac manifesti usurarii (6), nisi ante obitum vel rem alienam restituerint, vel idoneam saltem de restituendo dederint cautionem. 6. manifesti raptores (7), atque Ecclesiarum violatores, nisi ante obitum satisfecerint, aut de satisfaciendo præstiterint securitatem. 7. ii omnes, qui vel in Torneamentis (8) decedunt, vel ex vulnere accepto in duello, aut in loco duelli, & conflictus, aut etiam extra illum decesserint, sive duellum publice, sive privatim indictum fuerit, ac etiamsi ante mortem non incerta pœnitentiæ signa dederint, atque a peccatis, & censuris absolutionem obtinuerint, quemadmodum Constitutione edita decrevit (9) Benedictus XIV. 8. quicumque in notorio,

(1) Can. 26., & 27. dist. 1. de consecr.

(2) Cap. *Sicut*, cap. *Excommunicamus*. §. *Crederes*. de hæreticis; & cap. *Quicumque*. eod. tit. in 6.

(3) Cap. *Sacris*. de sepulturis.

(4) Cap. *A nobis*. de sent. excomm. in 6., & Sacr. Cong. Episc. in Nolana 29. Julii 1619.

(5) Clemen. 1. de sepulturis, cap. *Et*

plantare. de privilegiis, & cap. *Is qui*. de sent. excomm. in 6.

(6) Cap. *Quia*. de usuris, & cap. *Quamquam*. eod. tit. in 6.

(7) Cap. *Supremo*. de raptoribus.

(8) Cap. *Felicio*, & cap. *Ad audientiam*. de torneamentis.

(9) Benedictus XIV. Const. *Detestabilem*. edita 4. Idus Novembr. 1752.

notorio, certoque peccato mortali (1) impœnitentes occumbunt, cujusmodi sunt Meretrices &c. 9. qui ex impatientia (2), ira, desperatione, aliave simili causa mortem sibi ultro consciscunt. Verum in his, aliisque casibus, qui in Rituali Romano (3) recensentur, ne quid temere, aut præcipitanter admittatur, volumus, ac præcipimus, ut nihil Parochi, nisi Nobis prius consultis, moliantur. Cadavera autem hujusmodi, quæ judicio Nostro ad Ecclesiasticam non sunt deferenda sepulturam, volumus, ut in terra non sacra alte effossa recondantur, procul adeo ab Ecclesia, ut inde Clericorum officia divina psallentium voces audiri nequeant; & si forte sepulta in loco sacro fuerint, & a cæteris secerni possint, inde extrahi, ac in profanum locum asportari jubemus. Pueris tandem sine Baptismo decedentibus Ecclesiastica deneganda est sepultura; ita tamen, ut, si in defunctæ prægnantis Matris utero obierint, tamquam viscerum ejus pars una cum Matre in Ecclesia sepeliantur: Si vero mortui ex utero emerferint, aut, licet viventes in lucem prodierint, antequam tamen sacro regenerationis lavacro abluerentur, occubuerint, non in Ecclesia, sed prope illam in loco non sacro ad id destinato tumulentur. Is autem locus probe custodiatur, ne morticina hominum fiant esca canibus, ac bestiis terræ.

XV. Singulare semper fuit proborum Christifidelium studium, ut quæ ad funera, ac sepulcra mortuorum spectant, religiosa, atque officiosa pietate curentur. Sacras itaque caeremonias, ac ritus, quibus ex antiquissima Patrum traditione, ac piis Sanctorum Pontificum institutis Ecclesia in filiorum suorum exequiis uti solet, Parochi ea modestia, pietate, ac religione exerceant, ut sancti ejusmodi ritus non minus ad vivorum pietatem excitandam, quam ad opem mortuis deferendam, quemadmodum vere sunt, instituti esse videantur. Primum itaque Parochi, cæterique Sacerdotes magnopere caveant, ne occasione funeris,

& exe-

(1) Can. *Quibus peccata*, can. *Non asserimus*. caus. 13. quæst. 2.

(2) Can. *Placuit*. caus. 23. quæst. 5.

(3) Ritual. Rom. tit. de exequiis.

& exequiarum in fordide cupiditatis suspicionem veniant; quod futurum certe erit, si ejus rei gratia quidquam cum defunctorum heredibus paciscantur, aut ab iis tamquam pretium exigant. Nihil igitur petant, nisi id, quod antiqua, pia, & probata consuetudo solvendum induxit; & quoniam propter diversas circumstantias non eadem quoad hoc in tota Nostra Diocesi viget consuetudo; ne quid proinde inordinatum contingat, unde aut venalis fieri Ecclesia, aut de ovium interitu Pastor gratulari videatur; districte precipimus, ac mandamus, ut in quolibet Diocesis Oppido ea servetur taxa, quam propria loci consuetudo invexit, & quam Nobis oblatam, cum Diocesim visitaremus, servari iussimus. Ejus autem exemplar, ne fraudi locus pateat, in Episcopali Nostra Cancellaria custodiri jubemus. Consueti igitur oblatione contenti Fidelibus potius suadeant, ut in curandis funeribus honestus modus sumptibus adhibeatur, atque illæ supervacaneæ præcidantur expensæ, quæ, ut inquit S. Ambrosius (1); *damna viventium sunt, non subsidia defunctorum*. Siquid autem elemosynæ nomine Parochis, aliisque Sacerdotibus a defunctorum heredibus ultro deferatur, id eos accipere permittimus.

XVI. Cum jus funeris, quod olim voluntaria fuit pietatis largitio, ex laudabili, probataque consuetudine factum nunc fuerit pendendum necessario tributum; Neminem ita expertem Christianæ charitatis futurum existimamus, ut suorum sepulturam, ac pium exequiarum institutum penitus negligat, in eamque rem facere sumptum recuset. Verum si quis forte umquam tam inhumanus, ac illiberalis reperiatur; ea de re statim Nos Parochus admoneat, ut tam inofficiosum, ac irreligiosum hominem ad ea, quæ necessaria sunt funeri, comparanda, præstandaque opportunis juris, factique remediis cogere valeamus. At quorum (2) tanta egestas fuerit, ut sepulturæ sumptus non suppetant; Parochi expensis honeste, ut par est, efferantur, ac tumultentur.

(1) S. Ambrosius de Naboth, cap. 1.

(2) Can. In Ecclesiastica, can. Præ-

piendum. caus. 13. qu. 2., Sac. Congr.

Episc. in Cassanen. 3. Maii 1617.

lentur. Neque vero quisquam audeat, pro ejusmodi hominum exequiis eleemosynas a Fidelibus colligere, quæ Parocho, aliisque Clericis justa perfolventibus erogentur. Nimis enim indecorum est, ac prorsus indignum, ut Samaritanorum misericordia requiratur, ubi Levitarum, propriique Sacerdotis viscera debent potissimum commoveri. Si quis autem dolo ingenio paupertatem simularet, nihil Parochus dure, aspereque extorqueat, sed rem ad Nos deferat, ut sine judicii strepitu ea, quæ juris erunt, decernamus. Nolumus proinde, ut seu ob exortam (1) aliquam controversiam, seu ob dilatam consuetæ eleemosynæ solutionem sepultura, aut funus differatur, aut etiam ut, antequam humetur cadaver, pignora, aut fidejussiones pro exequiarum emolumentis exigantur. Cum hoc mercenariæ vilitatis opprobrium sit ab omni pietatis regula, atque ab Ecclesiæ honestate nimis alienum; si quis huic Nostro decreto non paruerit, gravi arbitraria pœna a Nobis punietur. Ut tandem omnis omnino avaritiæ, ac turpis quæstus species a funeribus, & exequiis removeatur, Parochis præcipimus, ac mandamus, 1. ut, præter consueta Parochialia Jura (2), nihil audeant ab hæredibus exigere titulo consensum præstandi, ut cadaver in eo sepulcro humetur, quod sibi defunctus elegit. 2. ut ne plus ab exteris (3), quam ab incolis recipere, aut petere pro funeris emolumentis præsumant. 3. ne quidquam exigant (4) sub prætextu Terræ Sanctæ, quæ in Parœciali Ecclesia, aut Cœmeterio habeatur. 4. ne a viventibus, qui in aliam Parœciam (5) commigrare, suumque in ea figere domicilium velint, aliquid sepulturæ nomine petant.

C c c c c

XVII. Cum

(1) Concil. Lateranen. III. can. 2., Sac. Cong. Episc. in cit. Cassanen. & in Contronen. 18. Sept. 1617., & Sac. Cong. Conc. 15. Maii 1638.

(2) Cap. Nos, cap. Cum liberum, de sepulturis, Extrav. Deseislandæ, de sepult., Urbanus VIII. Const. Cum sicut. 11. Martii 1636.

(3) Sac. Cong. Conc. 27. Maii 1617., in Thelesina 28. Januar. 1673., in dub. Funeralium 28. Julii 1673., & Sac. Cong. Episc. in cit. Cassanen.

(4) Cap. Abolenda, de sepulturis.

(5) Cap. Significavit, de Parochis, & cap. 2., & 3. de sepulturis in 6.

XVII. Cum juxta antiquam universæ Ecclesiæ consuetudinem Defuncti Fideles, nonnisi adhibitis precibus, & psalmis, sepulturæ tradendi sint; Ea proinde, quæ in Rituali Romano in Funeribus, exequiis, & sepulturis servanda præscribuntur, in omnibus accurate servari jubemus. Pompam funeris, quemadmodum mos semper fuit, esse volumus in potestate tumultandi, aut hæredis ejusdem: quare Parochus, qui (1) unus necessario interesse debet, rem totam hæredum libertati relinquat. Verum, cum ad Parochum, qui defunctum, dum viveret, per baptismum Ecclesiæ genuit, cæterisque Sacramentis enutrivit, pertineat ultima eidem præstare pietatis officia; Idcirco nemo ex Clero (2) sive Saculari, sive Regulari, cujuscumque privilegii, aut consuetudinis obtentu, multoque minus Laici audeant e domo defuncti cadaver efferre, nisi accersitus proprius defuncti Parochus, vel per se, vel per alium inter sit, aut assensum præbeat, ut efferri possit; etiamsi non ad Paroecialem, sed ad Regularium, aut aliam exemptam Ecclesiam cadaver sit traducendum. At si vocatus Parochus, intervenire, aut alium mittere renuat; tunc Regularibus licet absque Parocho cadavera deferre in suis Ecclesiis tumultanda, uti sæpius declaravit non minus Sacra Rituum (3), quam Sacra Episcoporum (4) Congregatio, cujus decretum Constitutione edita Alexander Septimus (5) confirmavit.

XVIII. Cum tempus ducendi funeris advenerit, quotquot ad illud acciti a defuncti hæredibus fuerint, (ad eos enim id (6) spectat) sive Sodalitatum Alumni, sive Sacerdotes, & Clerici tam Sæculares, quam Regulares, in Paroecialem (7) defuncti Eccle-

(1) Sac. Congr. Episc. in una Montis Pilosi anno 1581.

(2) Leo X. in Conc. Later. Const. 22. *Dum intra*. 13. Dec. 1516., Sac. Congr. Episc. in decr. gen. 12. Jan. 1604., Sac. Congr. Conc. 11. Septemb. 1615., & sæpe Sacra Rituum Congregatio.

(3) Sac. Rit. Congr. in Senogallien. 22.

Jun. 1675. in respons. ad 6., & 13. Julii 1678.

(4) Sac. Congr. Episc. 14. Januar. 1639.

(5) Alexander VII. Const. *Alias pro parte*. 30. April. 1660.

(6) Sac. Congr. Rit. 2. Augusti 1698.

(7) Sac. Congreg. Rit. in Bononien. 9. Decemb. 1617., & in Tropien. 16. Februarii 1631.

Ecclesiam conveniant; unde mox, dato per Parochum procedendi signo, ad lugubrem æris campani sonum in suas classes distributi domum defuncti adeant. Nullus itaque Sacerdos, aut Clericus, sive Sæcularis, sive Regularis, Sodalitas nulla, nullusque cœtus (1) sive in via, sive in defuncti domo, sive alibi funebrem pompam procedentem expectet, ut eidem sese comitem adjungat: qui secus fecerint, neque consueta elemosyna, neque cereis donentur candelis. At si Cathedralis Ecclesiæ Capitulum fuerit invitatum ad funus, in Cathedrale Templum (2) convenire omnes debent, & ex eò funebri pompa procedere. Ad Parochum spectat vias (3) indicare, ac designare, per quas asportetur cadaver, licet ad Regularium Ecclesiam sit deferendum. Is tamen illud per longum viarum circuitum circumferri non sinat, ne vana quædam funeris ostentatio, quæ sane luctuosam, ac piam ejusmodi functionem dedecet, fieri videatur. In funebri pompa una (4) tantum hastata Crux Ecclesiæ tumultantis deferatur, sub qua incedere omnes debent; nisi forte Capitulum Cathedralis interveniat, cui dignior concedendus est locus, & cujus Crux unica in iis circumstantiis est erigenda, nisi alicubi immemoralis in contrarium vigeat consuetudo. Hic autem in procedendo servetur Ordo. Clericus superpelliceo indutus, & Crucem deferens anteibit, quem primum Confraternitatum Sodales suo induti sacco, mox Religiosi Chorem gestantes habitum, tandem Sacerdotes, Clericique Sæculares talari veste, candidoque amicti superpelliceo, & birreto obtecti caput, non

Ccccc 2 pileo

(1) Sac. Cong. Conc. 16. Jan. 1649., Sac. Congr. Rit. in Æsina 31. Julii 1665., 29. Jan. 1671., & 21. April. 1690.

(2) Sac. Cong. Rit. in Nicien. 9. Augusti 1670., & in Æsina 29. Jan. 1671.

(3) Sac. Cong. Episc. in Castellana. ten. 3. Jan. 1594., & in Milevitana Synodi 3. Sept. 1777. ad 3., Sac. Cong. Conc. in Cathacen. 12. Octobr. 1619.,

Sac. Congr. Rit. in Andrien. 12. Novembr. 1631.

(4) Sac. Congreg. Rit. in Pisaren. 12. Martii 1631., in Averfana 15. Septembris 1640., in Fossanen. 11. Julii 1645., in Aretina 12. Decemb. 1697., in Volaterrana 16. Martii 1726., & in Sabinen. 29. Jan. 1735.

pileo (1) (nisi ejus usum imber decidens, aut aeris intemperies exigat, aut, Nostra accedente licentia, noctu ducatur funus) bini procedentes comitentur. Omnium postremus incedat Parochus superpelliceo, stolaque nigri coloris ornatus. Post ipsum gestabitur feretrum, in quo cadaver est collocandum.

XIX. Cum devenit ad mortui aedes fuerit, distributis, accensisque cereis facibus, & candelis, Parochus cadaver aqua lustrali aspergat, & antiphonam præcens, procedere omnes jubeat. In itinere a Cantoribus, aliisque funus comitantibus psalmi a Rituali Romano præscripti alternatim lugubri cantu pie, devoteque recitentur. Duæ saltem cereæ accensæ faces hastatam præeant Crucem: aliæ vero feretrum circumambiant, quas pro heredum (2) arbitrio plures, aut pauciores esse permittimus. Parentes, & cognati quicumque cum ineptis clamoribus, acerbisque questibus funus sociare prohibeantur; sed domi se contineant, plæque ad Deum pro mortuo fundant preces, neque immodico conficiantur mœtore, *sicuti & ceteri qui spem non habent*, ut inquit Apostolus (3). Si cadaver ad Regularium Ecclesiam deducatur (4), in ejus limine Parochus ultimum vale defuncto dicere recitatis precibus debet, nisi contraria alicubi vigeat conventio, aut consuetudo (quod quidem de aliis etiam Ecclesiis dicendum est, quæ proprium habent Rectorem) adeoque ipso in Ecclesiæ limine Parochus stolam deponat, eamque illius Ecclesiæ Rector sive Sæcularis, sive Regularis assumat, & officium funebre, cæteraque munia, quæ in exequiis, justisque solvendis peragi consueverunt, prosequatur. Servandum autem id quoque est, etiamsi funeri Capitulum Cathedralis intersit: cadaver enim
in Re-

(1) Edictum Card. Vicarii de Urbe ex mandato Clementis XI. 9. Decembris 1704.

(2) Sac. Cong. Conc. 15. Martii 1704.

(3) 1. ad Thessal. c. 4. v. 12.

(4) Clemens X. Constit. 57. *Nuper*. edita 13. Janua. 1672., Alexander VII.

Constit. 95. *Alias*; cap. 1. de sepulturis, Sac. Congreg. Conc. 22. April. 1625., 18. Febr., & 26. Martii 1711., Sac. Cong. Rit. in Neapolit. 26. Januar. 1641., 8. Jun. 1669., approbante Clemente IX., 2. Septemb. 1741., & sæpe etiam Sacra Congregatio Episcoporum.

in Regularium jurisdictionem transit, quando ad eorum Ecclesiæ fores iisdem traditur tumulandum, adeoque ad eos pertinet in propria Ecclesia defuncto parentare, antequam sepulturæ cadaver demandetur. Ubi cumque tamen divina mortuis persolvantur officia; quotquot pium obeunt munus, ita sint toto corpore, animoque compoliti, ut in eorum vultu modestia, religio, ac misericordia renideat, & ex corde eæ, quas ad Deum pro mortuo fundunt, preces erumpant: unde fiat, ut ab eorum exemplo populus, qui circumstat, ad deprecandum pariter Deum commoveatur. Cavere enim diligentissime eos oportet, ne, dum propere, ac negligenter Dei opem defuncto implorant, ipsi sibi ob irreligiosam precandi rationem divinam provocent iram.

XX. Religiosas omnes caeremonias, Sacrosque Ritus, quibus in filiorum suorum exequiis Catholica uti solet Ecclesia, tamquam vera Religionis Myſteria, saluberrimæque Fidelium mortuorum suffragia, Parochi omnes, cæterique Ecclesiarum Rectores vigili observent cura, atque institutum illud potissimum, quoad fieri potest, retineant, ut Missa, quam de *Requiem* nuncupant, pro defuncto, præſente ejus cadavere, celebretur, antequam Ecclesiasticæ Sepulturæ tradatur. Quod si vel hæredes non adsint, vel tanta rerum premantur inopia, ut consuetam pro Sacro Eleemosynam erogare nequeant; ejusmodi subsidium Parochi a pia Fidelium liberalitate obtinere facile poterunt, aut saltem, sicubi aliquis adsit pius locus juvandis per suffragia defunctis destinatus, inde eadem eruatur. Eundem ob finem sæpe Fideles curæ suæ commissos hortentur Parochi, ut pietatis, ac humanitatis officia erga defunctos exerceant, cum eadem inter misericordiæ opera Deo gratissima a Sacris Paginis recenscantur. *Mortuo non prohibeas gratiam*: ita Ecclesiast. c. 7. *Sancta, & salubris est cogitatio pro defunctis exorare, ut a peccatis solvantur*: ita Machab. lib. 2 cap. 12. Sodalitatum, quæ in Nostra Diœcesi, vel Apostolica, vel Ordinaria auctoritate erectæ jam sunt, Alumnis omnibus enixe commendamus, ne proprii cætus defunctorum obli-

oblivio eos capiat, sed modis omnibus curent, ut, quibus, dum viverent, mutui amoris signa dederunt, eos, cum decesserint, piis suffragiis juvent, parem & ipsi post obitum retributionem habituri. Societatis Mortis Sodales, qui in Urbe Tusculana in mortuorum, præsertim pauperum, corporibus ad Ecclesiam deferendis, tumuloque donandis laudabiliter adlaborant, debitis prosequimur laudibus, plurimumque hortamur in Domino, ut pium, quod amplexi sunt, institutum religiosissime servant, memores eorum, quæ dixit Angelus ad Tobiam (1): *Quando orabas cum lacrymis, & sepeliebas mortuos, & derelinquebas prandium tuum, & mortuos abscondebas per diem in domo tua, & nocte sepeliebas eos; ego obtuli orationem tuam Domino, & quia acceptus eras Deo, necesse fuit, ut tentatio probaret te.*

XXI. Cum non raro Fideles plurimi extra Paroecialem Ecclesiam tumularentur, vel quod in gentilitio Majorum suorum sepulcro tumulandi essent, vel quod ipsi sibi in alia Ecclesia sepulturam elegerint; atque inde fieret, ut eorum Parochi quolibet funeris emolumento carerent; ex naturali quadam æquitate Sacri Canones (2) statuerunt, ut ex funeralibus emolumentis quarta pars, quam *portionem Canonicam*, seu *quartam funeralem* nuncuparunt, defunctorum Parochis solveretur, quoties non in Paroeciali, sed in alia Ecclesia eorum exequiæ fierent, & cadavera tumularentur. Quamquam autem quartam dumtaxat ejusmodi emolumentorum partem Parocho dari Sacri Canones jusserint; Ex legitima tamen (3), iustaque consuetudine induci potest, ut tertia etiam, & adhuc major pars danda sit. Quamobrem attendi hac in re maxime debet (4) legitima, & rationabilis cujusque loci, ac Provinciæ consuetudo. Ex iis itaque, quæ ratione funeris a defunctorum hæredibus præbentur, portio Canonica

(1) Tobie cap. 12. v. 12.

(2) Cap. *Nos instituta*; cap. *Relatum*. cap. *De his*; & cap. *Cum super*. de sepulturis; & Clem. *Dudum*. eod. tit.

(3) Can. *Antiquus*. caus. 10. qu. 1.,

& cap. *Explicari*. de sepulturis.

(4) Cap. *Explicari*; & cap. *Cum tanto*. de consuetud., Sac. Congr. Concil. in Ebredunen. 25. Jul. 1695. ad 12., & in Mantuana 18. Junii 1699.

nica (1) solvi Parochis debet. Cum autem quamplures Romani Pontifices Regularibus fere omnibus decursu temporis privilegium illud concessissent, ut canonicam portionem, seu quartam funeralium emolumentorum partem pro personis, quæ in eorum Ecclesiis sibi sepulturam eligerent, Parochis persolvere minime tenerentur; atque inde acerbæ exortæ fuissent Parochorum querelæ, innumeræque inter eos, ac Regulares contentiones, ac lites; Ut iis tandem aliquando modum imponeret Benedictus XIII., & Parochorum, quibus cæteroqui Sacri Canones, & prisca Ecclesiæ disciplina aperte suffragantur, indemnitati opportune consulere; Constitutionem (2) edidit, cujus exemplar datus in Appendice num. 25., atque Episcopis omnibus Italiæ, & adiacentium Insularum præcepit, ut eam statim publicari curarent, ac pro ejus observantia, etiam tamquam Sedis Apostolicæ Delegati, vigilem adhiberent curam.

XXII. In hac Constitutione laudatus Pontifex, revocatis, abrogatisque privilegiis omnibus, per quæ Regulares quicumque a quartæ funeralis solutione eximerentur, provide statuit, *ut in Italia, eique adjacentibus Insulis, Parochis defunctorum, qui in quorumcumque Regularium Ecclesiis tumulentur, quarta persolvatur pars omnium intorticiorum, & candelarum, quibus defuncti cadaver in itinere ad Ecclesiam tumulantem associatur, eorumque etiam omnium, quæ in eadem Ecclesia circa cadaver, & in Altaribus in die funeris accenduntur; non tamen earum candelarum, quas Sacerdotes etiam Regulares, & piarum Societatum Confratres funus associantes, manualiter per viam accensas deferunt. Quod si ad diversam diem vel ad longius tempus funus differatur; Parocho tamen danda est quarta pars intorticiorum, & candelarum, quæ in funeris die in Ecclesia, in qua defunctus humatus fuit, circa cenotaphium, seu honorariam tumulam, & in Altaribus ejusdem Ecclesiæ accendantur. A quarta*

(1) Extrav. comm. *Inter cunctas*. de privileg., Sixtus IV. Const. *Regimini*. & S. Pius V. Const. *Etsi Mendicantium*.

(2) In Conc. Rom. Benedictus XIII. Const. *Romanus Pontifex*. edita 4. Cal. Maii 1725., Conc. Rom. tit. 8. cap. 5.

quarta tamen funerali expresse excipit laudatus Pontifex *legata Missarum, & Anniversariorum, bisque pia familia relicta ad favorem Ecclesie tumultantis, vel exponentis a defuncto disposita*. Tandem ubi consuetudines legitime probatae, conventiones, concordiae, vel statuta vigeant, quae praefatis Parochis pinguiorem praedicta quarta emolumentorum funeralium portionem assignent, ea in iis locis, in quibus vigent, inconcussa ab omnibus observari mandat, ac jubet. Ejusmodi Constitutionis observantiam, quam Nos, si opus sit, etiam ut Apostolicae Sedis Delegati urgebimus, Regularibus omnibus in Nostra Diocesi degentibus commendamus.

XXIII. Eorum cadavera, qui violenta morte occubuerint, non prius ad Ecclesiam deferantur, quam Parocho innotuerit, vel a Nostrae, vel a Laicalis Curiae Ministris, prout opus erit, extra locum sacrum, & immunem inspecta de more fuisse, illataque mortis signa oculari inspectione recognita. Quod si iidem Curiae Ministri moniti, atque acciti, plus æquo cunctentur, ad Ecclesiam afferatur cadaver, consuetoque Ecclesiastico ritu sepeliatur. In Ecclesia tamen, aliove loco sacro numquam ejusmodi inspectio fiat, multoque minus eum in finem sepulta cadavera exhumentur. Quod si legitima Sacrae Congregationis Immunitatis facultas accesserit (1), facultas quoque per Nos fiet, ut exhumentur, sed sub ea conditione, ut extra locum sacrum inspiciantur: qui secus fecerit, excommunicationem majorem latae sententiae, tamquam Ecclesiasticae Immunitatis violatae reus, incurret. Corpora quaecumque perpetuo tradita sepulturae, Nobis inconsultis, neque exhumentur, neque de uno in alium locum transferantur. Orationes funebres, aut defunctorum laudationes, nisi a Nobis permissae, probataeque fuerint, nullo modo in Ecclesiis recitentur. Quamquam enim apud veteres etiam Patres exequialia ejusmodi elogia reperi-

mus;

(1) Sac. Cong. Immun. in Maceraten. 8. Augusti 1645., & in Anagnina 21. Januarii 1659.

mus; Non in omnium tamen funere, neque passim recitata eadem sunt, sed in eorum dumtaxat obitu, quorum excelsa virtus, & eximia in Christianam Religionem merita hanc honoris prærogativam sibi merito vindicabant. Siquæ igitur ejusmodi orationes, Nostro accedente consensu, habendæ sint, eas tantum probabimus, ac permittemus, quæ potissimam habebunt rationem virtutum, quibus non minus mortui, dum viverent, eximiæ suæ pietatis testimonium dederint, quam Fideles auditores ad religiosam imitationem excitari possint. Parochi tandem in libro ad hunc finem bene compacto, juxta Romani Ritualis formulam, defunctorum nomina, & cognomina, mortisque, ac tumulationis diem, & annum, nec non & Ecclesiam, in qua sepulti fuerint, diligenter describant; illudque etiam adnotent, an extremis muniti Sacramentis decesserint; & si eadem ante obitum non susceperint, causam indicent, propter quam muniti iisdem non potuerint.

C A P. XV.

DE SACRAMENTO ORDINIS.

A R T I C U L U S I.

De Natura, excellentia, atque effectibus Sacramenti Ordinis.

NON satis aliorum Sacramentorum dignitati eorum auctor Christus Dominus consuluisse videretur, nisi per Ordinis Sacramentum idoneos sibi consecraret Ministros, sine quibus eadem aut nullo modo confici, atque administrari possent, aut solemnem cæremonia, ac religioso ritu, cultuque carerent. Quamobrem divino sane consilio Sacramentum Ordinis instituit, in eoque plures veluti gradus collocavit, per quos electi ad id muneris Ministri ad summum fastigium, idest ad Sacerdotium, ordinatim proveherentur. Hujus autem tantam esse vo-

D d d d

luit

luit nobilitatem, atque excellentiam, ut quamquam omni tempore summam dignitatem obtinuerint, novi tamen Testamenti Sacerdotes honore cæteris omnibus longe antecellerent. Illis enim tum Corpus, & Sanguinem Christi conficiendi, tum peccata Fidelibus post baptismum lapsis remittendi contulit potestatem, quæ humanam omnem rationem, atque intelligentiam superat, & qua nulla major in terris inveniri, aut etiam excogitari potest. Ipsius itaque Dei personam gerentes, merito in Sacris Litteris non solum *Angeli*, sed etiam *Dii* appellantur.

II. Cum tanta sit Sacerdotii dignitas, atque sublimitas, necesse est, ut, quemadmodum Salvator (1) Nollet a Patre, Apostoli autem (2), ac Discipuli in universum mundum a Christo Domino missi sunt, ita Sacerdotalis officii munus nonnisi iis imponatur, *qui vocantur a* (3) *Deo tamquam Aaron*, & qui proinde tantum onus sanctitate vitæ, doctrina, fide, prudentiaque sustentare possint. At quis non intelligat, a Deo minime vocari eos, qui ob eum finem sacris initiari volunt, ut pauperiem vitent, & sibi, quæ ad victum, vestitumque necessaria sunt, parent, vel ut divitiis affluant opulentum aliquod Sacerdotium consecuti, vel denique ut honorum cupiditate, ambituque tumentes dominari tandem aliquando possint in Clero? Hi certe sunt, quos Christus Dominus in Evangelio *Mercenarios* appellat, & quos pascere semetipsos, & non oves, Ezechiel prophetico sermone pronuntiavit. At ii, tamquam Aaron, vocantur a Deo, qui Ordinis Sacramento initiari ejus unius rei causa volunt, ut non modo Dei gloriam in omnibus rebus quærant, (id enim Fidelibus omnibus commune est) sed etiam ut alicui certo Ecclesiæ ministerio additi, in sanctitate, & justitia illi serviant, & a reliquo populo segregati, præcipua quædam munera, & functiones in Ecclesia exequantur.

III. Quamquam autem ii, qui ad Sacerdotale munus assum-

(1) Jo. c.3. v.17., & c.5. v.23.
Hebr. c.5. v.4.

(2) Jo. c.10. v.12., & Matth. c.18.

(3) Ad

muntur, oneri subjiciantur Angelicis etiam humeris formidando; Ne tamen despondeant animos, neque deficiant, sed in magnam erigantur spem futurum, ut cœlestibus gratiæ donis adjuti, imposito oneri ferendo sint pares. In eorum enim aniima sanctificationis (1) gratiam Ordinis Sacramentum efficit, quæ idonei, habilesque ad recte munere suo fungendum, sacramentaque administranda reddantur. *Admoneo te*, inquit ad Timotheum (2) scribens Apostolus, *ut resuscites gratiam Dei, quæ est in te per impositionem manuum mearum*. Et sane, præter gratiæ sanctificantis incrementum, quod ii, qui rite ordinantur, accipiunt, gratia quoque iis divinitus confertur, quam Sacramentalem vocant, jus videlicet ad gratias actuales, ut ajunt, obtinendas, quibus ad Ecclesiastica munia rite, utiliterque exercenda apti fiant. Aliam præterea gratiam hoc Sacramento tribui perspicuum est, uti Catechismus Romanus (3) nos docet, præcipuam videlicet potestatem, quæ ad Sanctissimum Eucharistiæ Sacramentum refertur, in Sacerdote quidem plenam, & perfectam, ut qui Domini Nostri Corpus, & Sanguinem unus potest conficere; in aliis vero inferiorum Ordinum Ministris majorem, minoremve, quo quisque ministerio suo magis, minusve ad Altaris Sacramentum accedit. Ad hanc autem potestatem significandam character spiritualis, qui nec deleri, nec auferri potest, rite ordinatis per hoc Sacramentum imprimitur. Quamobrem qui Ordinibus sunt initiati, per interiorem quamdam notam, animæ impressam, ab aliis Fidelibus distinguuntur, divinoque arctius servitio mancipantur. Unde etiam illud fit, ut sine gravi sacrilegio (4) Sacramentum Ordinis iterari non possit.

(1) Trid. sess. 13. c. 3. (2) 2. ad Tim. c. 1. (3) Catechism. Rom. de Sacram. Ordinis n. 34. (4) Trid. loc. cit.

ARTICULUS II.

De variis Ordini; gradibus, materia, & forma.

CUM divina res sit Sacerdotii Novæ Legis administratio, consentaneum fuit, quo dignius, & majori cum veneratione exerceri posset (1), ut in Ecclesiæ ordinatissima dispositione plures essent, ac diversi Ministrorum Ordines, qui Sacerdotio ex officio defervirent, atque ita distributi, ut qui jam Clericali Tonsura insigniti essent, per minores ad majores ascenderent: unde ex omnibus debita subordinatione unitis Ecclesiastica Hierarchia, quæ est castrorum acies ordinata, ex Episcopis, Presbyteris, ac Ministris composita constitueretur. *Ad hoc dispensationis divinæ provisio*, uti apposite ad Episcopos Galliæ scripsit S. Gregorius Magnus (2), *gradus divisos, & Ordines constituit esse distinctos, ut dum reverentiam minores potioribus exhiberent, & potiores minoribus dilectionem impenderent, vera concordia fieret ex diversitate contextio, & recte officiorum gereretur administratio singulorum*. Hos autem Ordines septenario omnes numero, unoque universos Sacramento contineri, quod in Sacerdotio perficitur, & consummatur, perpetua Catholicæ Ecclesiæ traditio Nos docet. Horum Ordinum nomina hæc sunt *Ostiarius, Lector, Exorcista, Acolythus, Subdiaconus, Diaconus, Sacerdos*, atque eorum omnium munia eodem spectant, ut scilicet ab iis aut divinum Eucharistiæ Sacrificium conficiatur, aut conficienti ministretur. Priores quatuor, quos recensuimus, Ordines dicuntur *Minores*, *Majores* vero, & *Sacri* reliqui tres. Antequam vero quicumque ad ullum Ordinem promoveatur, prima Tonsura initiari cum oportet, consuetisque ritibus Clericali militiæ adscribi. Quare non abs re erit pauca hic de singulis innuere, ut, qui in posterum Ordines erunt suscepturi, opportune a Nobis instituantur.

De

(1) Catechism. Rom. de Sacram. Ordinis n. 11.

(2) S. Gregorius Magnus lib. 4. ep. 51. ad Episcopos Galliæ.

De prima Tonsura.

II. Quemadmodum homines Exorcismi ad Baptismum, & Sponsalibus ad matrimonium præparari solent; ita iisdem, cum tonsis ab Episcopo capillis Deo dedicantur, quidam veluti aditus ad Ordinis Sacramentum aperitur. Unde fit, ut prima Tonsura sit quidem præparatio ad Ordines suscipiendos, non tamen Ordo, & Sacramentum, quamobrem neque characterem imprimat, neque gratiam conferat, seu quam sanctificantem, seu quam sacramentalem vocant, neque sacrilegii reum illum efficiat, qui lethali crimine sordidus eadem initietur. Suis tamen non caret bonis, quibus illum, a quo suscipitur, locupletet. Is enim, cum Ecclesiastica insignitur Tonsura, 1. peculiari quadam ratione Divino Ministerio, Ecclesiaeque addicitur servitio. 2. habilis fit, atque idoneus, qui non modo ad Ordines Minores, Majoresque gradatim ascendat, verum etiam Ecclesiastica assequatur Beneficia. 3. demum duplici, fori videlicet, & Canonis, privilegio decoratur. Verum, dum tribus hisce cumlatur bonis, ad tria quoque onera subeunda compellitur. Et primum quidem Clericalem Tonsuram, habitumque jugiter deferre jubetur. *Et si habitus non facit Monachum*, inquit Tridentina Synodus (1), *oportet tamen Clericos vestes proprio congruentes Ordini semper deferre, ut per decentiam habitus extrinseci morum honestatem intrinsecam ostendant*; & Sixtus V. peculiari sua Constitutione sic decrevit (2): *Præcipimus, Et mandamus omnibus, Et quibuscumque Clericis, non solum in Sacris, sed etiam in aliis Minoribus Ordinibus constitutis, Et Clericali tantum Tonsura insignitis, Tonsuram, Et habitum Clericalem assumere, Et jugiter deferre*. 2. quemadmodum Laicales deponens vestes, Clericales assumit; ita veterem exuens hominem, induere novum debet, & cum propter ipsum vitam, quod amplectitur, genus, Christi esse Minister incipiat, carnem suam crucifi-

(1) Trid. sess. 14. de ref. c. 6.
sura Clericali.

(2) Sixtus V. Const. 92. de habitu, & tonsura Clericali.

766 CONSTITUTIONES SYNODALES

configere eum oportet cum vitiis, & concupiscentiis suis. 3. Ecclesię illi, cujus servitio in sui ordinatione secundum Tridentinę Synodi, & Concilii Romani sanctiones adscribitur, fideliter, juxtaque deservire jubetur.

III. Quamquam non divinę, sed Ecclesiasticę sit institutionis Tonsura; ejus tamen usum investitum in Ecclesiam a vetustissimis temporibus fuisse, cum communi Patrum, ac Theologorum sententia docent Concilii (1) Aquisgranensis Patres. Quamobrem vetustissimi sunt, sedulaque meditatione dignissimi, ac pleni mysteriis ritus, qui in ea conferenda adhibentur. Æquum igitur, rectumque est, ut qui eadem initiari velint, iis omnibus sint instructi, quę tum ad validam, tum ad licitam ejusdem susceptionem requiruntur. Ad eam autem valide recipiendam necesse est. 1. ut initiandus vir sit, & non mulier. 2. ut sacro sit lavacro regenerationis ablutus. 3. ut usu rationis polleat. 4. ut prima initiari tonsura velit, ac intendat. Ad licitam vero susceptionem requiritur 1. (2) ut sit Confirmationis Sacramento munitus. 2. ut sit septennio major. 3. ut probe sit Fidei rudimentis imbutus. 4. ut legere, & scribere sciat. 5. ut irregularitate, aut alio canonico impedimento non sit irretitus. 6. ut ab eo, non Sęcularis Judicii fugiendi fraude, sed ut Deo fidelem pręstet cultum, hoc vitę genus eligatur. Quicumque igitur prima Tonsura initiari postulat, per mensem ante Ordinationis tempus in Nostra Cancellaria una cum supplici libello authentica proferat documenta, e quibus constet, nihil sibi deesse, quo minus valide, liciteque initietur. Quod quidem servari etiam volumus, ac decernimus ab iis omnibus, qui vel ad minores, vel ad majores Ordines erunt promovendi. Elenchum autem requisitorum, ad quę probanda proferri debent in medium authentica documenta, dabimus tum pro prima Tonsura, tum pro minoribus, ac majoribus Ordinibus in fine hujus capituli.

IV. II

(1) Concil. Aquisgran. ann. 816. lib. 1. cap. 1.

(2) Trid. sess. 23. c. 4. de ref.

IV. Ii vero, qui per Tonfuram, qua initiantur, Clerici fiunt, audiant, serioque perpendant, quæ S. Hieronymus ad Nepotianum (1) scribit: *Clericus, qui Christi servit Ecclesie, interpretetur primo vocabulum suum, & nominis definitione prolata, nitatur esse, quod dicitur. Si enim Cleros Græce, fors latine appellatur, propterea vocantur Clerici, vel quia de sorte sunt Domini, vel quia ipse Dominus fors, idest pars Clericorum est: qui autem vel ipse pars Domini est, vel Dominum partem habet, talem se exhibere debet, ut & ipse possideat Dominum, & possideatur a Domino. Qui Dominum possidet, & cum Propheta dicit, pars mea Dominus, nihil extra Dominum habere potest. Quod si quidpiam aliud habuerit præter Dominum, ex. gr. si aurum, si argentum, si possessiones, si variam suppellectilem; cum istis partibus Dominus pars ejus fieri non dignabitur.*

De Minoribus Ordinibus.

V. Qui Minores dicuntur Ordines, non eo donantur nomine, quod leve aliquid sint, minimoque habendi in pretio (cum enim juxta communem Theologorum sententiam, rationem habeant Sacramenti (2), ac rite suscipientibus non modo una cum Sacramentali, gratiam conferant sanctificantem, sed etiam in eorum anima indelebilem imprimant characterem, jam terrenas quaslibet dignitates, atque honoris prærogativas longe antecellunt;) sed quod cum majoribus, sacrisque Ordinibus comparati, neque ad divina tam prope accedunt Mysteria, neque ad solemne perpetuæ castitatis votum obligant, neque Sacra unctio, aut Consecratione, aut manuum impositione conferuntur. Quamobrem quicumque ad hos promovendi sunt Ordines, iis instructos esse dotibus oportet, quæ ad sacras eorum functiones rite exercendas requiruntur, ut ad majores postea Ordines assequendos digne se, utiliterque disponant. Optimo proinde consilio

(1) S. Hieronymus epist. 2. ad Nepotianum.

(2) S. Th. in 4. dist. 24. qu. 2. art. 1. questionum. 3. & in supplement. 3. par. qu. 37.

art. 2., S. Bonaventura in 4. dist. 24. art. 2. qu. 4., Bellarminus lib. 1. de Sacram. Ord. cap. 7., aliique communiter Doctores.

filio Tridentina Synodus (1) decrevit, ut Minores Ordines iis, qui saltem linguam latinam intelligant, per temporum interstitia, nisi aliud Episcopo expedire magis videatur, conferantur; ut accuratius, quantum sit hujus disciplinæ pondus, edoceantur, ac in unoquoque munere juxta præscriptum Episcopi se exerceant in ea, cui adscripti erunt, Ecclesia, nisi forte ex causa studiorum absint, atque ita de gradu in gradum ascendant, ut in eis cum ætate vitæ meritum, & doctrina major accrescat; quod & bonorum morum exemplum, & assiduum in Ecclesia ministerium, atque major erga Presbyteros, & Superiores Ordines reverentia, & crebrior, quam antea, Christi Corporis communio maxime comprobabunt: Cumque hinc ad altiores gradus, & sacratissima Mysteria sit ingressus, nemo iis initietur, quem non scientiæ spes majoribus Ordinibus dignum ostendat.

VI. *Cum mens Christo dedicata*, ut inquit S. Hieronymus (2), *æque & in majoribus, & in minoribus intenta esse debeat, sciens etiam pro otioso verbo reddendam esse rationem*; Diligenter curabimus, ut nemo posthac a Nobis ad Minores Ordines promoveatur, nisi eum & vitæ probitas, & sufficiens pro ratione Ordinis suscipiendi literatura commendet, & nisi in ea Ecclesia, cujus servitio a Nobis in Ordinatione adscribetur, sedulo, fideliterque inservierit, ac in suis Ordinibus alacriter ministraverit. Sic enim fiet, ut in probitate, doctrina, atque Ecclesiastico Ministerio diu vorati, paratiores ad Sacros Ordines suscipiendos, iisque rectius administrandis aptiores a Nobis inveniantur. *Qui enim bene ministraverint*, ut inquit Apostolus (3), *gradum bonum sibi acquirent, & multam fiduciam in fide, quæ est in Christo Jesu*. Quilibet igitur Clericus alicui Ecclesiæ a Nobis adscriptus, ubi Ordinis a se suscepti functiones obeat (4), memor complurium Sanctorum, qui vel toto vitæ tempore, vel multis saltem annis in alicujus etiam

(1) Trid. sess. 23. c. 11. de ref.

(4) Concil. Mediol. V. part. 3. tit. 3.

(2) S. Hieronym. ep. 3. ad Heliodorum.

de initiandis Ord. Sacram.

(3) 1. ad Timoth. c. 3. v. 13.

etiam minoris Ordinis Ministerio, aut munere religiose versati sunt, eorum recordatione, exemploque excitatus, illud sedulo curet, atque efficiat, ut Ordinis, quo proxime initiatus est, præscriptas functiones non elate, sed humiliter, non raro, sed frequenter, non negligenti studio, sed accurata, vereque Clericali sollicitudine, & disciplina, pie, rite, recteque exerceat. Alioqui si in sanctis his functionibus negligenter, ac male se gesserit, illud norit, eo voluntatis suæ testimonio sibi apud Nos aditum præcludi, ut ad altiorem gradum promoveatur.

De Ostiariatu.

VII. Post primam Tonsuram ad Ostiarii Ordinem primus gradus fieri consuevit. Ostiarii autem sunt (1), qui in veteri Testamento *Janitores Templi* vocabantur, qui præerant portis Templi Jerusalem, quique ordinati per vices suas omnia interiora Templi, atque exteriora custodiebant. Idem igitur & nomen, & munus nunc quoque manet, sed longe sanctius, atque excellentius, quemadmodum sanctiora, & augustiora sunt Tempia, in quibus nunc sub Eucharisticis speciebus Deus noster vere absconditus nobiscum habitat usque ad consummationem sæculi. Ordinato enim potestas datur Ecclesiam custodiendi, & in illam quidem dignos admittendi, arcendi vero indignos, quibus ab Ecclesiastica Potestate aditus est interclusus. Hinc materia remota hujus Ordinis sunt claves, ex quacumque tandem materia constat, dummodo ad aperiendum, & claudendum sint aptæ; materia proxima est earum traditio; forma denique sunt ea verba, quæ ab Episcopo, dum claves tradit, proferuntur: *sic age, quasi Deo redditurus rationem pro his rebus, quæ his clavibus recludantur.* Quod autem Ostiarius in sui ordinatione tintinnabulum quoque pulsare jubeatur; id ex eo fit, quia potestas etiam ei confertur, populum non minus campanarum sonitu ad Ecclesiam convocandi, quam per tintinnabuli pulsus admonendi, ut Eucharistiam,

Eccce cum

(1) Conc. Aquisgran. ann.816. lib.1. cap. 2.

770 CONSTITUTIONES SYNODALES

cum in Missæ Sacrificio a celebrante in altum attollitur, ea, quæ par est, reverentia veneretur.

VIII. Functiones ab Ostiario vi sui Ordinis exercendæ, sic eidem ab Episcopo Ordinante indicuntur (1): *Videte, quæ in domo Dei agere debeatis. Ostiarium oportet percutere cymbalum, & Campanam, aperire Ecclesiam, & Sacrarium, & librum aperire ei, qui prædicat. Provideat igitur, ne per negligentiam vestram illarum rerum, quæ intra Ecclesiam sunt, aliquid depereat, certisque horis domum Dei aperiatis Fidelibus, & semper claudatis Infidelibus.* Quæ quidem ministeria, licet a Laicis fere semper exerceri videamus, non tamen ab iis ex officio, ac potestate fiunt, quemadmodum ab Ostiariis fierent, si ab iisdem exercerentur. Neque vero vilia esse ejusmodi ministeria quisquam putet: *Quæ enim per se vilia sunt, ut Sancti Leonis utamur verbis, fides efficit pretiosa.* Regi enim Regum, ac Domino Dominantium, cui servire regnare est, famulantur ii, qui in Domo Dei his occupationibus detinentur. Accedit huc, quod eas Salvator Noster, cum mortalis versaretur in terris, exercuit, exemploque suo quodammodo consecravit. Sic enim in Evangelio (2) scriptum est. *Cum introisset in Templum, cepit ejicere vendentes, & ementes in templo, & mensas nummulariorum, & Cathedras vendentium columbas evertit. Et non sinebat, ut quisquam transferret vas per Templum.* Cum autem Ostiarium oporteat indignos, videlicet Hæreticos, Infideles, excommunicatos vitandos, ac publice interdictos aut e Templo ejicere, aut ejusdem aditu prohibere, imo & Fideles ipsos in officio continere, ne in Ecclesia quidquam ab iis fiat, quod a loci religione alienum videatur; is cavere potissimum debet, ne in suo explendo munere nimiam austeritatem induat, & Christianæ mansuetudinis obliviscatur. Nam, uti monet S. Hieronymus (3), nihil est fœdus præceptore furioso, qui, cum debeat

(1) Pontificale Romanum in Ordine Ostiar.

(2) Marci cap. 11.

(3) S. Hieronymus in cap. 7. epist. ad Titum.

beat esse mansuetus (scriptum est enim: servum Domini non oportet rixari, sed humilem esse ad omnes, doctorem patientem, in mansuetudine erudientem eos, qui contra veniunt); ille e diverso, torvo vultu, tremantibus labiis, rugata fronte, effrenatis conviciis, facie inter pallorem, ruboremque variata, clamore perstrepat, & errantes non tam ad bonum revocat, quam ad malum sua scvitia precipitet.

De Lectoratu.

IX. Proximus Ostiariis est Lectorum gradus. Horum est officium Novi, Veterisque Testamenti libros in Ecclesia, clara, distinctaque voce perlegere, præsertim vero eos, qui in nocturna Psalmodia Psalmis interferuntur, & qui in Missæ Sacrificio Sabbatis quatuor temporum, Sabbato Sancto, aliisque ab Ecclesia præscriptis diebus legi solent. Ad eos quoque pertinet (1) Antiphonas in Choro præcinere; Dominicis diebus doctrinam Christianam in ea Ecclesia, cui adscriptus est, aut in alio loco, qui sibi destinatur a Parocho, pueros edocere; concionanti, cum opus est, de libro legere; Episcopi edicta, aut Litteras Pastorales populo recitare &c. Hæc autem peragendi potestas iis per hunc confertur Ordinem, cujus proinde materia remota est liber, in quo Sacrae Lectiones sive Novi, sive Veteris Testamenti continentur; proxima ejusmodi libri traditio; forma tandem sunt hæc verba, quæ Episcopus librum tradens pronunciat: *Accipite, & estote verbi Dei relatores, habituri, si fideliter, & utiliter impleveritis officium vestrum, partem cum iis, qui verbum Dei bene ministrant ab initio.*

X. Lectoris munus ipse Salvator Noster exercuit. Ingressus enim in Synagogam surrexit legere, uti habemus in Evangelio (2), & traditus est illi liber Isaia Propheta, & ut revolvit librum, invenit locum, ubi scriptum erat: *Spiritus Domini super me &c.* Et cum plicuisset librum, reddidit Ministro, & sedit; & omnium in Syna-

Eeeee 2

gogd

(1) Statuta Johannis Bonhomii Vercellensis Episcopi. v. 16., & 17.

(2) Lucæ c. 4.

772 CONSTITUTIONES SYNODALES

goga oculi erant intendentes in eum . Capit autem dicere &c. Videant ergo Lectores, quanto cum religionis sensu suum obire debeant ministerium, & quantam, si illud rite obeant, a Deo polliceri sibi merito possint retributionem. Quamobrem qui ad Lectoris provehitur gradum, sensuum, ac verborum scientia sit præditus, itaut sententias distinguat, & sciat, ubi finiatur orationis membrum, ubi pendeat oratio, ubi sententia extrema claudatur, Vim pronunciationis teneat, & pronunciationum genera discernat. Accentuum quoque vim calleat, ut noverit, in qua syllaba vox pronunciantis protendi debeat. Plerumque enim imperiti Lectores in verborum accentibus errant, eorumque imperitiam irridere solent ii, qui ea, quæ leguntur, intelligunt, jurantes, Lectorem summo cum Ordinis sui dedecore penitus nescire, quod legit. Ad hæc illud etiam accedat, ut quod ore legunt, corde credant, atque opere compleant: Sic enim Auditores suos verbo pariter, & exemplo, ut par est, edocebunt. *Dum legitis*, sic Lectores in Ordinatione hortatur Episcopus (1), *in alto loco Ecclesie stetis, ut ab omnibus audiamini, & videamini, figrantes positione corporali, vos in alto virtutum gradu debere conversari, quatenus cunctis, a quibus audimini, & videmini, celestis vite formam præbeatis.*

De Exorcistatu.

XL. Unigenitus Dei Filius, qui exinanivit semetipsum formam servi accipiens, ut opera (2) diaboli dissolveret, & nos ab ejus servitute liberaret, non modo mirum in Dæmones, quamdiu in terris vixit, exercuit imperium, verum etiam, antequam reverteretur ad Patrem, Sacramentum Ordinis instituit, quo Ministris suis illud rite suscipientibus potestatem confert inanus super Energumenos imponendi, legendique exorcismos, quorum ope, ac vi a corporibus eorum, qui ab immundis spiritibus obsidentur, tenebrarum rectores, ac potestates, si Deo placuerit, ejiciantur.

(1) Pontif. Rom. in ordinat. Lector.

(2) 1. Joa. c. 3. v. 18.

ciantur. Quare Episcopus, cum eos instituit, librum, in quo Exorcismi continentur (hic liber est materia remota) eis porrigit (hæc traditio est materia proxima) ea verborum formula usus: *Accipe, & commenda memoria, & habe potestatem manus imponendi super Energumenos, sive Baptizatos, sive Catechumenos*. E quibus verbis illud manifeste eruitur, Exorcistas non posse super eos Energumenos manus imponere, qui neque baptizati sint, neque Catechumeni, quemadmodum legere super baptizandos nequeunt exorcismos illos, qui, antequam baptismus conferatur, a Sacerdote legi solent, ac debent: ii enim ad potestatem Dæmonis coercendam pertinent, quam hostis teterrimus non in corpus, sed in animam baptizandi non infrequenter exercet.

XII. Exorcistarum munus est 1. *ut sint* (1) *spirituales Imperatores ad Demones per impositionem manuum, & oris officium de corporibus obsessis abjiciendos*. 2. *ut nuntient iis, qui non communicant, locum dent communicantibus*. 3. *ut aquam fundant in ministerio*, videlicet ut abluendis post offertorium Sacerdotis celebrantis manibus aquam affundant; ut curent (2), ne unquam in vasis aqua benedicta deficiat, utque ea in tempore renovetur, & a Sacerdote benedicatur; ut ejus benedictioni assistant, aut ministrent, & aquam ad benedictionem parent, vasis ipsis primum bene lotis, ac diligenter absterfis; ut, cum Baptismus ministratur a Parocho, eorum aliquis adsit, sal ipsi in tempore exhibiturus, ac librum, de quo exorcismos legat, ante illius oculos sustentaturus. Neque vero statim ac quis ad Exorcistatus Ordinem promotus est, exorcismos se legere posse super energumenos arbitretur, tum quia hodie propter refrigercentem Clericorum charitatem exorcizandi officium nonnisi Sacerdotibus committi tuto posse videtur, tum quia ad hoc exercendum munus, præter potestatem, quæ in Ordinatione recipitur, Episcopi quoque facultas accedat oportet. Nos autem volumus, decernimus, ac mandamus, ne ullus

(1) Pontif. Rom. in ordin. Exorc.
lenſis Episcopi.

(2) Statuta Johannis Bonhomii Vercel-

774 CONSTITUTIONES SYNODALES

lus in tota Nostra Diœcesi (1), sive Exorcista, sive Sacerdos, sive Sæcularis, sive Regularis, sive in sua, sive in aliena Ecclesiâ, sive intra, sive extra Cœnobium exorcizare audeat, quin prius approbatus a Nobis sit, & exorcizandi licentiam in scriptis obtinuerit. Per Nos vero nonnisi iis Sacerdotibus ejusmodi facultas fiet, qui probitate, prudentia, doctrinaque plurimum commendentur. Tunc enim recte Exorcista Dæmonibus imperat, cum prius in se multimodam eorum nequitiam Christiana virtute fregerit, ac superaverit. *Credite mihi experto*, inquit S. Athanasius (2), *per-timescit Satanas recte viventium vigilias, orationes, jejunia, ac præsertim cordis puritatem, sincerumque erga Christum amorem.*

XIII. Ut autem, cum opus fuerit, hoc exorcizandi munus Sacerdotes a Nobis deputati sancte, religioseque obeant, perbreve subnectere hic juvat Institutionem ab ea excerptam, quam Ecclesiasticæ disciplinæ instaurator S. Carolus Borromæus (3) in sua Diœcesi, ac Provincia munus hoc obeuntibus fervendam proposuit. Nulli Sacerdoti, Clericove aut Sæculari, aut Regulari in Nostra Diœcesi exorcisum energumenis adhibere liceat, nisi is exorcizandi facultatem scripto exaratam a Nobis impetrarit. Antequam autem exorcizare aggrediatur, perquirat in primis energumeni, aut energumene vitam, ac mores; tum actiones exploret; ac si id expedire videatur, Medicum etiam consulat, ut videat, an quod ab iis agitur, fiat morbi alicujus, aut atræ bilis vi; an sponte, ac simulate; an denique dæmonis, malorumque spirituum vexatione. Percontetur etiam, an Energumenus excommunicationis vinculo irretitus umquam fuerit, & an absolutus ab eadem sit. Pro exorcizandi munere ne minimum quidem munusculum capiat: non illud in ædibus laicalibus, locisve privatis exerceat, sed in Ecclesiæ aperto, & conspicuo loco, & in iis solum Ecclesiis, quæ præ-

(1) Benedictus XIV. epist. encycl. ad Primatem, Archiepiscopos, atque Episcopos Poloniæ. 2. Junii 1751.

(2) S. Athanasius in Vita S. Antonii Abbatis.

(3) Concil. Mediol. IV. par. 2. tit. 1.

præscriptæ a Nobis fuerint; neque in conspectu multitudinis, sed coram viris honestis, atque ætate gravibus, & uno saltem, aut duobus Ecclesiasticis hominibus. Cum exorcismum Mulieri Energumænæ adhibet, id præstet coram duobus ætate, ac vita probatis viris, probatisque etiam fœminis, iisque omnibus, si fieri possit, energumænæ consanguineis, aut affinibus: Alios autem adesse viros, præter unum Ecclesiastici Ordinis hominem, omnino non patiatur. Neque ante ortum, neque post occasum Solis, neque duos simul, sed unumquemque seorsim exorcizet. In hujus muneris functione graviter, pie, ac religiose se gerat. Pridie illius diei, quo exorcismi est usus, se jejunio, & oratione muniat. Tum Sacramentali Confessione expiatus, si commode possit, Sacris operetur. Post Missæ Sacrificium, memor potestatis, quam a Domino accepit, expellendi Dæmones, magna cum humilitate, ac fide ad id munus obeundum accedat. Energumenos quoque hortetur, ut omnis antea actæ vitæ peccata, post exactam conscientie discussionem, confiteantur, antequam exorcizari incipiant. Eos etiam moneat, ut orationi, sanctisque meditationibus, ac piis operibus vacent; religiosas Ecclesias, ubi Sanctorum asservantur reliquæ, certis diebus pie visitent, jejunia, sexta præsertim feria, religiose amplectantur. Caveat, dum exorcizat, ne energumænæ capiti, corporive, nisi cum honestate, & cautela, manum imponat, neve aliis exorcismis, precibus, aut ritibus ad id munus utatur, nisi in Exorcismorum libro præscriptis, quibus nihil addere, aut detrahere, aut mutare audeat.

De Acolythatu.

XIV. Quantum, ac digniorem inter Minores Ordines locum tenet Acolythatus, per quem duplex fuscipientibus hunc Ordinem confertur potestas, una videlicet accendendi, gestandique accensa luminaria in Ecclesiasticis functionibus, altera urceolos aqua, vinoque plenos ad Subdiaconum in Missa solemnini ministrantem afferendi. Ad hanc autem duplicem significandam, confe-

776 CONSTITUTIONES SYNODALES

conferendamque potestatem, duplicem ei, qui in hunc Ordinem cooptatur, Episcopus materiam tradit, duplicique utitur forma. Et primum quidem candelabrum cum extincto cereo ei præbet dicens: *Accipe ceroferarium cum cereo, Et scias, te ad accendenda Ecclesie luminaria mancipari.* Deinde vacuos urceolos eidem porrigens inquit: *Accipe urceolos ad suggerendum vinum, Et aquam in Eucharistiam Sanguinis Christi in nomine Domini;* quæ duæ sane materiæ, ac formæ partiales, uti loquuntur Theologi, unam totalem materiam, formamque constituunt.

XV. Hæ autem sunt, in quibus Acolythi versari debent, functiones. Diaconum, & Subdiaconum ad ministerium procedentes Acolythus (1) debet anteire, eisque, prout res exigit, ministrare; candelas in altari accendere; in processionibus accensa luminaria ante Crucem deferre; urceolos aqua, vinoque plenos, & pelliculam pro Missæ Sacrificio præparare, ac Subdiacono in Missa solemni ministranti porrigere. Cum ad solemne Sacrum peragendum proceditur, duo Ministris reliquis præire debent Acolythi candelabra cum accensis candelis præferentes; Diacono Evangelium legenti cum iisdem ardentibus luminaribus assistere; cum Sanctissimum Christi Corpus in altum a celebrante effertur, ut adoretur a Populo, duas, aut etiam plures cereas accensas faces flexis genibus sustentare. Acolythorum quoque cura est acerram, ac thuribulum, ignemque præparare; Subdiacono, cum opus est, deservire; Sacramentorum administrationi interesse; & celebranti Sacerdoti in omnibus, in quibus opus sit, ministrare. Jam vero cum Acolythus præ reliquis Clericis ad Altare propius accedat, cumque in Ecclesia visibile lumen circumferat; tot eum proinde, tantisque decet Christianarum virtutum exemplis coruscare, ut Jesu Christi (2), cujus typum in accenso lumine gestat in manibus, fidem gestet in mente, confessionem in ore, imitationem in opere.

(1) Statuta Francisci Bonhomii Episcopi Vercellensis. (2) Petrus Blefensis.

De Majoribus, seu Sacris Ordinibus.

XVI. Reliqui tres, de quibus locuturi sumus, Ordines eam ob causam *Majores* nuncupantur, quia majora eos suscipientibus ministeria committuntur, Sacerdoti videlicet potestas incruentum Deo offerendi Sacrificium, conficiendique sub utraque specie Eucharistiam; Diacono vero, & Subdiacono munus Sacerdoti, cum divina operatur Mysteria, proximius ministrandi. Dicuntur autem *Sacri*, tum quia adnexum iis est solemne castitatis votum, tum quia res Sacras, qui in his Ordinibus sunt constituti, in suo explendo munere contrectant, tum quia per Sacrorum Ordinum susceptionem homines Deo, divinisque ministeriis solemnius consecrantur. Quare optime inquit Angelicus Doctor: *In Baptismate Christo, tamquam capiti nostro; in Confirmatione, tamquam Duci; in Ordinatione, tamquam Legislatore, Summoque Pontifici conformamur.* Qui Sacris itaque initiantur Ordinibus, quemadmodum ad altiorem dignitatis gradum ascendunt, ita probitatis, ac doctrinæ quodam quasi ascensu, ac progressionem antecellere alios debent. Ad tantum autem honoris fastigium nonnisi ii sunt assumendi (1), qui maxime digni fuerint, & quorum prior vita, omnisque ætas a puerilibus exordiis usque ad perfectiores annos per disciplinæ Ecclesiasticæ stipendia laudabiliter acta, luculentum virtutum præbeat testimonium. *Melius enim est, ut sapienter inquit Benedictus XIV. (2), pauciores habere Ministros, sed probos, sed idoneos, sed utiles, quam plures, qui in ædificationem Corporis Christi, quod est Ecclesia, nequidquam sunt valituri.*

De Subdiaconis.

XVII. Primus in Majoribus Ordinibus gradus est Subdiaconorum. Hi Diaconis ad Altare operantibus deserviunt; sacra linthea, & vasa, vinumque, & panem ad usum Sacrificii parant; Sa-

F f f f

cer-

(1) Trid. sess. 6. de ref. c. 1.
ta 3. Dec. 1740.

(2) Benedictus XIV. Const. *Ubi primum.* edi-

778 CONSTITUTIONES SYNODALES

cerdoti solemniter celebranti, dum inter sacrificandum manus lavat, aquam infundunt; Epistolam in solemnī sacro elata, & canora voce recitant; prohibent etiam, ne quis Sacerdotem divinx rei operam dantem inturbet; vasa demum, & sacra lintea, cum opus est, lavant. Ut autem iidem hæc obeundi ministeria potestatem assequantur, de Episcopi manu in Ordinatione vacuum calicem, ac patenam accipiunt, ab Archidiacono vero urceolos vino, & aqua plenos, & cum his lebetem, ac linteolum, quo manus abstergantur. Quibus sic traditis, Episcopus inquit: *Videte, cujusmodi ministerium vobis traditur. Ideo vos admoneo, ut ita vos exhibeatis, ut Deo placere possitis.* Postquam vero Episcopus eisdem manu sua sacris vestibus solemnī ornavit ritu, dat illis Epistolarum librum dicens: *Accipite librum Epistolarum, & habete potestatem legendi eas in Ecclesia Sancta Dei tam pro vivis, quam pro defunctis.* Unde colligitur, duplicem esse remotam hujus Ordinis materiam, calicem videlicet vacuum cum vacua patena, ac Epistolarum librum; utriusque vero traditionem esse materiam proximam; formam demum esse verba, quæ in traditione ab Episcopo proferuntur.

De Diaconis.

XVIII. Subdiaconis superiores gradu sunt, ac dignitate Diaconi, quorum nomen a Græca voce derivatum Latine *Ministrum* significat. *Oportet enim Diaconum ministrare ad Altare, baptizare, & prædicare, quemadmodum illos Episcopus (1) monet, cum ad Leviticum Ordinem sunt provehendi.* Diaconatus etiam *Leviticus Ordo*, Diaconi vero *Levite* a Tribu Levi, e qua Sacrorum Ministri in Veteri Lege petebantur, nuncupari solent. In Veteri enim Lege una Tribus Levi ex duodecim electa est, quæ Tabernaculo Dei, ejusque Sacrificiis ritu perpetuo deserviret, tantaque eidem concessa est dignitas, ut nullus, nisi ex ejus stirpe, ad divinum illum cultum, atque officium ministraturus

(1) Pontificale Romanum de ordinat. Diaconi.

turus assurgeret, ita ut grandi quodam privilegio esse Tribus Domini mereretur, ac dici. Levitarum nunc & nomen, & officium Diaconi habent, cum ad ministerium Tabernaculi testimonii, idest Ecclesiæ Dei, in officio Levitico eliguntur. Quare sic eos Episcopus, antequam consecrentur, alloquitur (1): *Et vos, filii dilectissimi, qui ab hereditate paterna nomen accipitis, estote assumpti a carnalibus desideriis, a terrenis concupiscentiis, quæ militant adversus animam. Estote nitidi, mundi, puri, casti, sicut decet Ministros Christi, & dispensatores Mysteriorum Dei, ut digne ad damini ad numerum Ecclesiastici gradus; ut hereditas, & Tribus amabilis Domini esse mereamini. Et quia Communistri, & Cooperatores estis Corporis, & Sanguinis Domini, estote ab omni illecebra carnis alieni, sicut ait Scriptura: Mundamini, qui fertis vasa Domini. Quibus sane verbis perspicue etiam edocentur, quanta animi, corporisque munditie præditos esse oportet, si rite, recteque fungi munere velint suo.*

XIX. Munus Diaconorum est, ut Episcopum perpetuo comitentur, concionantem custodiant, sacra facienti assistant, Sacramenta ministranti præsto adsint. Eorum quoque est in solemni Missa Evangelium alta voce, ut omnes audiant, recitare, & si Episcopus, ac Sacerdos absint (de Episcopi tamen licentia) Evangelium Populo explanare: Sacerdoti item solemniter celebranti panem, vinumque porrigere debent consecrandum, totoque Sacrificii tempore eidem sedulo inservire. Alia plura olim obibant munera, quæ nunc in defuetudinem abierunt, inter quæ præcipuum illud erat, ut in iis Ecclesiis, in quibus Eucharistia populo sub utraque specie distribuebatur, Diaconi sanguinem ministrarent.

XX. Pluribus, & sanctioribus cæremoniis, precibusque Diaconi, quam Subdiaconi, ab Episcopo consecrantur, & sua obeundi munera accipiunt potestatem. Primum enim Episcopus ritu utens, quem Apostoli, cum primos Diaconos instituerent,

Fffff 2

usur-

(1) Pontificale Romanum de ordinat. Diaconi.

usurparunt, dexteram super cujusque eorum caput imponit dicens: *Accipe Spiritum Sanctum ad robur, & ad resistendum Diabolo, & tentationibus ejus in nomine Domini*: Mox certis quibusdam illos induit sacrarum vestium ornamentis. Tandem Evangeliorum volumen singulis tradens dicit: *Accipe potestatem legendi Evangelium in Ecclesia Dei tam pro vivis, quam pro defunctis in nomine Domini.*

De Presbyteris.

XXI. Supremus honore, ac potestate gradus est Sacerdotum, quos veteres Græco vocabulo *Presbyteros* appellarunt, quod latine *Seniores* significat. Quemadmodum enim senibus, omnium prope gentium more, præcipuus ob gravitatem, prudentiæque opinionem honor tribuitur; ita divino hoc Sacerdotio præditis, quia antecellere omnes doctrina, vitæ integritate, & gravitate morum debent, hoc nomen, cui veneratio quædam debetur, indiderunt. Quamobrem ii non alio nunc, quam *Presbyterorum* nomine vocitantur. Porro Presbyteratus ille Ordo est, in quo Sacramentum Ordinis perficitur, & consummatur; cujus dignitas omne humanæ amplitudinis culmen longe superat; cujus potestas cælum ipsum quodammodo attingit, cum per illum Sacerdos Mediator Dei, & hominum miro divinæ largitatis munere constituatur. Duplicem enim in sui consecratione Sacerdos ex alto accipit potestatem, primam videlicet in verum, alteram in Mysticum Domini Nostri Jesu Christi Corpus. Hinc Episcopus, cum Sacerdotem aliquem instituit, primum quidem manus ei una cum omnibus Sacerdotibus, qui adsunt, imponit: deinde stolam humeris aptans, eam ante pectus in Crucis formam collocat: postea manus sacro oleo inungit: tum vero calicem cum vino, & patenam cum hostia tradit, dicens: *Accipe potestatem offerendi Sacrificium Deo, Missasque celebrandi tam pro vivis, quam pro defunctis.* Quibus ritibus, ac verbis, qui Sacerdotio initiatur, potestatem accipit consecrandi panem, & vinum, ut per ejusmodi

modi consecrationem (1) conversio fiat totius substantiæ panis in substantiam Corporis Christi Domini Nostri, & totius substantiæ vini in substantiam sanguinis ejus, & per hoc sub visibilibus signis Redemptor Noster, qui in ara Crucis semel seipsum cruento obtulit, incruente immoletur. Tandem manibus (2) iterum ejus capiti impositis; *Accipe*, inquit Episcopus, *Spiritum Sanctum*: *quorum remiseric peccata, remittantur eis, & quorum retinueris, retenta sunt*; eique secundam, cœlestem nimirum illam, quam Dominus Discipulis suis dedit, peccata retinendi, ac remittendi potestatem tribuit. Munus ergo Sacerdotum est rem divinam facere, Deo Sacrificium offerre, & Sacramenta omnia ministrare, præter Ordinem, & Confirmationem, quorum solis Episcopis credita est administratio. Presbyteratus Ordinem quoad potestatem conficiendi Corpus, & Sanguinem Christi Salvator Noster in ultima cœna instituit, cum panem, & vinum in suum Corpus, & Sanguinem convertit, deditque Apostolis suis dicens: *Accipite, & comedite, hoc est Corpus meum: hoc facite in meam commemorationem*; quoad potestatem vero absolvendi a peccatis Fideles instituit, cum post resurrectionem apparens Discipulis suis in Cœnaculo congregatis, insufflavit in eos dicens: *Accipite Spiritum Sanctum: quorum remisericis peccata, remittantur eis &c.*

ARTICULUS III.

De Ministro Sacramenti Ordinis.

ORdinarius Sacramenti Ordinis Minister solus est Episcopus. Is enim unus ex divina Institutione, dum per solemnem consecrationem Episcopali caractere insignitur, una cum eo jus, ac potestatem accipit omnes tam minores, quam majores Ordines conferendi. Unde fit, ut, quemadmodum delecti character numquam potest, ita & hæc potestas, quæ, uti loquuntur

(1) Trid. sess. 13. cap. 4. & sess. 22. cap. 1. & 2.

(2) Catechism. Rom. de Sacram. Ordinis §. 25.

quantur Theologi, in charactere radicatur, auferri, atque aboleri nullo modo possit. Quamobrem valida semper est, quæ ab Episcopo fiat, Ordinatio, etiamsi is Episcopatum deposuerit, aut censura quacumque, seu irregularitate sit irretitus, aut propter capitale facinus de gradu suo dejectus fuerit, aut etiam per summum scelus a Catholica Religione desciverit. Proinde Tridentina Synodus (1) declaravit, Episcopos, qui in Apostolorum locum successerunt, esse Presbyteris superiores, Sacramentum Confirmationis conferre, ministros Ecclesiæ ordinare, atque alia pleraque peragere posse; quarum functionum potestatem reliqui inferiores Ordines nullam habent. Extraordinarius vero Minister quoad primam Tonsuram, ac Minores Ordines esse potest ex Apostolica dispensatione, ac privilegio simplex Sacerdos, uti patet in Abbatibus, quibus jus mitræ gestandæ sit, aut, qui territorium separaturn, ac in eo jurisdictionem quasi Episcopalem habeant: hi enim Monachis, aut subditis suis primam Tonsuram, ac Minores Ordines conferre possunt.

II. Quamquam ad validam Ordinationem sufficiat, ut quis ab Episcopo ordinetur; ad licitam tamen præterea requiritur, ut ab Episcopo suo ad Ordines promoveatur. *Unusquisque a proprio Episcopo ordinetur*, (ita statuit Tridentina (2) Synodus). *Quod si quis ab alio promoveri petat, nullatenus id ei, etiam cujusvis generalis, aut specialis rescripti, vel privilegii prætextu, etiam statutis temporibus permittatur, nisi ejus probitas, ac mores Ordinarii sui testimonio commendentur. Si secus fiat, Ordinans a collatione Ordinum per annum, Et Ordinatus a susceptorum Ordinum executione, quamdiu proprio Ordinario videbitur expedire, sit suspensus.* Quadrupliciter (3) autem potest quis esse Episcopi subditus, & ab eo, tamquam proprio, & suo, & valide, & licite ad omnes Ordines promoveri. 1. videlicet ratione originis, 2. ratione domicilii, 3. ratione

(1) Trid. sess. 13. c. 4.

(2) Trid. sess. 13. c. 8. de ref.

(3) Cap. Cum nullus. de temporib.

ordinat. in 6., & Trid. sess. 13. cap. 9. de reformat.

tione *beneficii*, 4. demum ratione *triennalis cum Episcopo familiaritatis, seu commensalitatis*, uti decernitur in Sacris Canonibus, ac Pontificiis Constitutionibus, ac præsertim in Constitutione Innocentii XII. (1), cujus exemplar in Appendice damus num. 27. Singula paucis, ut par est, perstringamus.

III. Primo: Ut quis ratione *originis* subditus Episcopi sit, & ordinari ab eo licite possit, requiritur (2), ut in ea Dicecesi naturaliter ortus sit, in qua ad Ordines promoveri desiderat, dummodo natus ibi non fuerit ex accidenti, occasione nimirum itineris, Officii, Legationis, Mercaturæ, vel cuiusvis alterius temporalis moræ ejus Patris in illo loco; in quo casu non fortuita ejusmodi nativitas, sed vera tantum, & naturalis Patris origo erit attendenda. Si quis autem tanto temporis spatio in eo loco, in quo ex accidenti natus est, moram traxerit, ut ibidem aliquo potuerit Canonico impedimento irretiri; tunc etiam ab ejus loci Ordinario obtinere litteras testimoniales debet, quibus ab omni Canonico impedimento ibidem contracto declaretur immunis, easque Episcopo Ordinanti exhibere, ut in Actis Curie suæ conservari jubeat, earumque faciat in collatorum Ordinum testimonio mentionem. Quod si Pater in eo loco, in quo ex accidenti natus est filius, tamdiu, eoque animo permanferit, ut inibi vere domicilium de jure contraxerit; tunc non Patris origo, sed contractum ab eo domicilium pro Filii ordinatione attendi debet. Hæc tamen de filio legitimo procedunt: si enim illegitimus sit filius, & super defectu natalium quoad Ordines suscipiendos dispensationem obtinuerit; tunc non Patris, sed Matris attenditur origo: filii (3) enim illegitimi Matrem, ejusque originem sequuntur.

IV. Secundo: Ut quis ratione *domicilii* subditus Episcopi censetur, ut quamquam alibi natus fuerit, ab eo tamen Ordines liceat

(1) Innocentius XII. Const. *Speculatores*. edita 4. Nov. 1694.

(2) Const. *Speculatores*. §. 9., & 10.

(3) L. *Cum legitima*. ff. de statu hominum, L. *Municipem*. ff. de municip.

cite suscipiat; domicilium adeo stabiliter (1) in aliquo loco constituisse debet, ut vel per decennium saltem in eo habitando, vel maiorem rerum, suorumque bonorum partem cum instructis ædibus in huiusmodi locum transferendo, ibique præterea per considerabile aliquod tempus commorando, suum perpetuo ibidem permanendi animum satis, superque demonstraverit; imo etiam ulterius in utroque casu vere eum se animum habere iurejurando affirmet. Quod si a propriæ originis loco in ea ætate discesserit, ut Canonico alicui impedimento obnoxius effici potuerit; testimoniales quoque Ordinarii suæ originis Litteras Episcopo domicilii exhibere debet; qui mox expressam earum mentionem in susceptorum Ordinum attestatione faciet. Unde perspicuum fit, eos, qui studiorum causa in aliqua Academia commorantur, a qua absoluto studiorum curriculo sunt discessuri, & eos, qui ad aliquod tempus Reipublicæ causa in aliqua Regione versantur, ab eorum locorum Episcopis ordinari non posse, quia vere in iis locis domicilii jus non habent. *In eodem loco, ut in ipso Jure Civili statutum habemus, singulos habere domicilium non ambigitur, ubi quis larem, rerumque, ac fortunarum suarum summam constituit; unde rursus non sit discessurus, si nihil avocet; unde cum profectus est, peregrinari videtur; quod si redit, peregrinari jam destitit.*

V. Tertio: Quoad subjectionem ratione beneficii tria statuit in laudata sua Decretali Innocentius XII. Primum (2), ut nulli Ordinario, quamquam Cardinalitia dignitate conspicuo, liceat aliquem, qui neque originis, neque domicilii ratione sibi sit subditus, ad Clericalem Tonfuram promovere sub obtentu cujusvis Ecclesiastici beneficii eidem conferendi, statim ac Tonfura fuerit insignitus, vel ad quod præsentatus a Patronis fuerit, etiamsi beneficium de novo ea lege fundatum sit, ut quis post Clericalem susceptam Tonfuram in ipso insituatur. Deinde ut Clericus a proprio Episcopo ad Tonfuram, aut Minores Ordines legitime promo-

(1) Const. *Speculatorum*. §. 11., & 12.

(2) Const. *Speculatorum*. §. 6., 7., & 8.

promotus, ad ultiores Ordines promoveri ab alio Episcopo nequeat ratione beneficii in illius Diœcesi obtenti, nisi ante eorundem susceptionem testimoniales litteras proprii Episcopi tam originis, quam domicilii super suis natalibus, ætate, moribus, & vita obtinuerit, easque Episcopo Ordinanti in Actis illius Curiae conservandas exhibuerit. Tandem ut, licet Clericus ratione beneficii in aliena Diœcesi obtenti subijci jurisdictioni dicatur illius Episcopi, in cujus Diœcesi situm est Beneficium; ab eo tamen Episcopo ordinari nequeat, nisi tot sint Beneficii redditus, ut ad congruam vitæ sustentationem, sive juxta Taxam Synodalem, sive, ea deficiente, juxta morem Regionis pro promovendis ad Sacros Ordines, detractis oneribus, per se sufficiant; ac nisi Beneficium ab Ordinando pacifice possideatur; sublata quacunque facultate supplendi redituum defectum per patrimonii etiam pinguis adjunctionem, quod Ordinandus sive in illa, sive in alia Diœcesi obtineret. Episcopus autem sic Ordinans tam de prædictis testimonialibus litteris, quam de beneficii redditu expressam in consueta collatorum Ordinum attestatione mentionem facere jubetur.

VL. Quarto: Quoad triennem cum Episcopo familiaritatem, & commensalitatem, duo item statuit idem Pontifex (1) 1. ut nullus Episcopus Familiarem suum, qui non suæ sit Diœcesis, ad Sacros, aut Minores Ordines, aut etiam primam Tonfuram promovere audeat sine Testimonialibus (2) Episcopi originis, aut domicilii litteris, & nisi juxta legem Tridentini Familiarem prædictum per integrum, completumque triennium in suo actuali servitio secum retinuerit, suisque sumptibus aluerit. 2. ut idem Episcopus beneficium ad vitam sustentandam juxta superius dicta sufficiens, saltem intra terminum unius mensis a die habitæ Ordinationis reipsa illi conferat, ac in Ordinationis testimonio expressam tum familiaritatis, tum Litterarum prædictarum faciat mentionem. Hac facultate ordinandi triennales fa-

Ggggg milia-

(1) *Const. Speculatores*, §.13.

(2) *Trid. sess.23. c.9. de ref.*

miliares suos minime gaudere Titulares Episcopos, expresse decrevit Tridentina Synodus (1), ubi inquit: *Nemo Episcoporum, qui Titulares vocantur, etiamsi in loco nullius Diæcesis, etiam exempto, aut aliquo Monasterio cujusvis Ordinis residerint, aut moram traxerint, vigore cujusvis privilegii sibi de promovendo quoscumque ad se venientes pro tempore concessi, alterius subditum, etiam prætextu familiaritatis continuæ commensalitatæ suæ, absque sui proprii Prælati expresso consensu, aut litteris dimissoriis, ad aliquos Sacros, aut minores Ordines, vel primam Tonsuram promovere, seu ordinare valeat.*

VII. Ab alieno Episcopo ordinari licite potest is, qui Episcopi sui litteras, quas dimissorias vocant (2), obtinuerit, vel ad illum Episcopum, vel ad quemlibet Catholicum Antistitem directas; quibus facultatem det, ut eidem ab iis Ordines conferantur. Sed in hoc etiam casu servanda sunt ea, quæ Innocentius XII. in laudata sua Constitutione præscripsit. Has dimissorias, Episcopali Sede vacante, Vicarius Capitularis concedere infra annum a die vacationis nequit, nisi iis, qui beneficio vel recepto, vel recipiendo arctantur: Si secus fiat, Vicarius Capitularis Ecclesiastico subiacet interdicto; promoti ad minores Ordines nullo Clericali privilegio, præsertim in criminalibus, gaudent; promoti vero ad Majores ab Ordinum susceptorum executione ad futuri Prælati beneplacitum sunt ipso jure suspensi, uti Tridentina Synodus (3) statuit, quæ, licet de Capitulo loquatur, de Capitulari Vicario est intelligenda. Cum enim Capitulum infra octo dies ab Episcopi decessu constituere Vicarium (4) debeat; jam, eo electo, non per seipsum, sed per Vicarium (5) dumtaxat concedere dimissorias potest tam arctatis intra annum, quam non arctatis post annum a prima vacationis die. Capitularis enim Vicarius non cumulative, sed privative (6) quoad Capitulum

(1) Trid. sess. 14. c. 2. de ref.

(2) Cap. Nullus. de temporibus ordinationum in 6.

(3) Trid. sess. 7. c. 10. de ref.

(4) Trid. sess. 24. c. 16. de ref.

(5) Sac. Cong. Episcop., & Regul. in Neapolitana 12. Jan. apud Ferraris.

(6) Sac. Cong. Episcop. in Neritonen. 17. Septemb. 1655., & in Hydruntina 1. Octob. 1655.

lum acceptam jurisdictionem exercet; neque in ipsa Vicarii electione Capitulum reservare sibi aliquid potest, aut electi potestatem limitare, uti Sacra Episcoporum, ac Regularium Congregatio (1) persæpe declaravit. Arcatus autem beneficio recepto censetur is, qui beneficium obtinet, personale requirens servitium, propter quod de Jure, aut consuetudine, aut Ecclesiæ statuto intra annum promoveri ad aliquem Ordinem debeat. Sic qui ad Paroeciale beneficium assumitur, intra annum ad Sacerdotium (2) est promovendus; & qui Canonicatum habet (3), aut dignitatem, cui aliquis sit adnexus Ordo, ad illum intra annum ascendere cogitur. Arcatus vero beneficio recipiendo ille est, qui jus habet, seu vocatus est ad beneficium vacans, quod certum Ordinem requirit, quo ille caret. Huic enim concedere Vicarius Capitularis (4) potest dimissorias ad eum Ordinem recipiendum.

VIII. Prælati quoque Regulares concedere Subditis (5) suis Regularibus possunt dimissorias ad Ordines suscipiendos. Controversum tamen diu fuit, utrum ad Episcopum eorum originis, an ad Episcopum eorum domicilii dimissorias litteras dare deberent, an potius ad quemlibet Catholicum Antistitem, uti Regulares contendebant, dare possent? Sacra Congregatio Concilii decreto edito controversiam diremit, ejusque Decretum Clemens VIII. (6) per hæc verba Apostolica Auctoritate confirmavit: *De mandato SS. D. N. Clementis Divina Providentia Papa VIII. tenore præsentium mandatur omnibus, Et singulis quorumcumque Regularium Superioribus, ut de cætero observent, Et observari faciant, quæ in Decreto Sacra Congregationis Concilii Tridentini continentur,*

Ggggg 2 *cujus*

(1) Sac. Cong. Episcop. in Cajetana 20. Octob. 1587., in Brundisina 16. Julii 1606., in Salernitana 16. Jun. 1628., in Tuderina 11. Dec. 1654., & in Venetina 14. Nov. 1698.

(2) Cap. *Lites*. de elect. in 6.

(3) Trid. sess. 12. cap. 4. de reforma-

tione, & sess. 14. c. 12. de reformatione.

(4) Trid. sess. 7. c. 10. de ref.

(5) Cap. *Abbat.* de privileg. in 6., Trid. sess. 23. de ref. c. 10.

(6) Clemens VIII. decreto edito 15. Martii 1596.

cujus tenor est talis. Congregatio Concilii censuit, Superiores Regulari, qui præditus qualitatibus requisitis Ordines suscipere voluerit, Litteras Dimissoriales concedere, ad Episcopum tamen Diocesenum, nempe illius Monasterii, in cujus Familia ab iis, ad quos pertinet, is Regularis positus fuerit: Et si Diæcesanus abfuerit, vel non esset habiturus Ordinationes, ad quemcumque alium Episcopum, dum tamen ab eo Episcopo, qui Ordines contulerit, examinetur quoad doctrinam, Et dum ipsi Regulares non distulerint de industria concessionem Dimissoriarum in id tempus, quo Episcopus Diæcesanus, vel abfuturus, vel nullas habiturus esset Ordinationes: Verum cum a Superioribus, Episcopo Diæcesano absente, vel Ordinationes non habente, Litteræ Dimissoriæ dabuntur, ab eis utique hujusmodi causam absentia Diæcesani Episcopi, vel Ordinationum ab eo non habendarum, exprimendam esse. Quod qui non fecerint, Officii, Et dignitatis, seu administrationis, ac vocis activæ, Et passivæ privationis, ac alias arbitrio ejusdem SS. D. N. Pape reservatas penas incurrant. In quorum fidem &c. Datum Romæ die 15. Mensis Martii 1596.

IX. Cum vero Regulares ab hujusmodi Clementini Decreti observantia eximi se putarent vigore Apostolici Privilegii, quod sibi concessum esse affirmabant, ut a quolibet Catholico Antistite ordinari possent; Innocentius XIII., peculiari coacta Congregatione, ejusque audito consilio, Apostolicis litteris (1) declaravit, ad eximendos Regulares a Clementini Decreti observantia fatis esse, ut ejusmodi Apostolica Privilegia post Concilium Tridentinum concessa fuerint, quamvis præfato Clementino Decreto posteriora non sint, dummodo tamen directe concessa fuisse constet, non vero ex communicatione privilegiorum de uno in alium Ordinem derivata asserantur. Has autem Apostolicas Innocentii XIII. Litteras peculiari sua Constitutione approbavit, confirmavitque Benedictus XIII. (2)

X. Tan-

(1) Innocentius XIII. Const. *Apostolici Ministerii*. edita 30. Maii 1723.

(2) Benedictus XIII. Const. *In supremo*. edita 23. Sept. 1724.

X. Tandem Benedictus XIV. Decretalem (1) edidit, in qua cum totam controversiarum seriem hoc super negotio recensisset, & decreta omnia Prædecessorum suorum Pontificum confirmasset, roborasset, atque innovasset, duo addidit, quæ servari in posterum tum ab Episcopis, tum a Regularibus omnino decrevit. Primum est, ut Superiorum Regularium dimissoriæ, quæ ideo ad alium Antistitem directæ fuerint, propterea quod Episcopus Diocesanus extra Diocesim commoretur, vel Ordinationem non sit habiturus, nullius sint roboris, & momenti, nisi illis juncta fuerit authentica attestatio Vicarii Generalis, vel Cancellarii, aut Secretarii ejusdem Episcopi Diocesani, ex qua constet, vel ipsum a Diocesi abesse, vel Clericorum Ordinationem habiturum non esse proximo legitimo tempore per Ecclesiasticas leges ad hunc effectum statuto. Quod si aliquis Antistes Regularem virum in sua Diocesi proprium domicilium non habentem folis ipsius Superioris Dimissorialibus Litteris contentus, sine adjuncta præfata attestazione in forma probante ad Ordines promovere præsumperit, decrevit, ac declaravit illum ipso facto incurrere in pœnas Canonicas adversus eos constitutas, qui alienum subditum legitimis Dimissoriis destitutum ordinaverint. Alterum, quod addidit circa aliquorum Regularium privilegia, est hujusmodi. *Quemadmodum eorum Ordinum Regularium privilegia firma, & rata esse volumus, quibus ab Apostolica Sede reperitur indultum, ut eorum Alumni a quolibet Catholico Antistite ipsius Sedis gratiam, & communionem habente ordinari valeant, dummodo hujusmodi privilegia post Tridentinum Concilium, & ipsi Ordinibus nominatim, atque directe, non autem per communicationem concessa fuerint; Ita parvò omnia similia privilegia, quæ aliis Ordinibus ante præfatum Concilium Tridentinum ab ipsa etiam Apostolica Sede, & sub quibuscumque tenoribus, & formis indulta sint, vel etiam post ipsum Concilium non ipsi directe concessa, sed per communicationem ad eos extensa esse dicantur, iisdem auctoritate, & tenore nulla, & irrita, omni-*

que

(1) Benedictus XIV. Const. *Imposui nobis*. edita 3. Cal. Martii 1747.

que vigore, ac robore ad effectum, de quo agitur, penitus destituta, & vacua esse volumus, & statuimus; decernentes huiusmodi privilegia nequaquam post Concilium Tridentinum indulta censi, nisi vel post ipsius Concilii confirmationem reipsa fuerint concessa, vel, quatenus antea concessa, & posterius confirmata esse asserantur, huiusmodi confirmationes in forma specifica cum litterali veteris indulti insertione, ejusque expressa innovatione facta dignoscantur, ac declarantes alterius generis confirmationes, quæ in forma communi nuncupantur, nemini ad præmissum effectum ullo pacto suffragari. Hujus Pontificiæ Decretalis, cujus exemplar damus in Appendice num. 26., exactam observantiam Regularibus omnibus etiam, atque etiam commendamus; ex ea vero parte, quæ Nos respicit, nullo umquam tempore negligemus.

ARTICULUS IV.

De titulo ad Sacros Ordines suscipiendos requisito.

CUM non deceat, eos, qui divino ministerio adscripti sunt, cum Ordinis dedecore mendicare, aut fordidum aliquem quantum exercere; sancitum proinde est per Sacros Canones, atque Apostolicas Romanorum Pontificum Constitutiones, ut nemo sine legitimo sustentationis titulo ad Sacros Ordines promoveatur; ac, si secus fiat, tam Ordinans, quam Ordinatus gravissimas subeant poenas. Triplex autem esse potest ejusmodi titulus, videlicet aut Ecclesiastici Beneficii, quod pacifice possideatur, aut patrimonii, quod ad honestam vitæ sustentationem sufficiat, aut Evangelicæ Paupertatis, cujus solemne emissum fuerit votum, dum Professio Religiosa ederetur. De singulis pauca dicamus.

II. Ea a vetustissimis temporibus viguit lex, ut nemo Clericus fieret, nisi certæ alicui Ecclesiæ adscriberetur, in qua sacra obiret ministeria, & ex cujus redditibus, atque oblationibus sustentaretur. Hic est beneficii titulus, de quo loquimur, præ-

ter

ter quem non alium agnovit Ecclesia ante Concilium Lateranense III. sub Alexandro III., in cuius can. 5. titulus patrimonii (1) ex benigna quadam dispensatione adinitti primum cœpit, itaut ordinarentur etiam ii, qui de sua, vel de paterna hæreditate congruum possent habere vitæ subsidium. Verum cum postmodum hic patrimonii titulus nimia facilitate soleret admitti, adeoque non sine Ecclesiasticæ Militiæ detrimento Clericorum numerus in immensum augeretur; Tridentina Synodus (2) antiquam instaurare cupiens disciplinam, statuit, *ne quis deinceps Clericus Sæcularis, quamvis alias sit idoneus moribus, scientia, Et ætate, ad Sacros Ordines promoveatur, nisi prius legitime constet, eum Beneficium Ecclesiasticum, quod sibi ad victum honeste sufficiat, pacifice possidere..... Patrimonium vero, vel pensionem obtinentes ordinari posthac non possint, nisi illi, quos Episcopus judicaverit assumendos pro necessitate, vel commoditate Ecclesiarum suarum.* Nos itaque neminem Sacro Subdiaconatus Ordine initiabimus, nisi ad titulum Ecclesiastici Beneficii, quod eidem honeste alendo sufficiat, cujus videlicet annui redditus, detractis oneribus, (non tamen Missarum (3): de Missarum enim onere, utrum detrahendum sit, annon, Sacra Congregatio Concilii, re mature discussa, Ordinariorum conscientiæ, & arbitrio reservavit iudicium: Nos autem illud in peculiari quolibet casu, pensatis omnibus circumstantiis, proferemus) juxta antiquissimam hujus Nostræ Diocesis taxam triginta sex Romanorum scutorum summam conficiant. Quam quidem Taxam servari volumus, quoties beneficium in Nostra Diocesi situm sit, aut si in aliena Diocesi, non tamen continuam, perpetuamque residentiam exposcat: secus, exigemus, ut Taxa servetur Diocesanos, in qua situm est beneficium. In ea enim controversia, utrum beneficii redditus præfatiendi sint juxta Taxam vigentem in Diocesi domicilii,

(1) Cap. *Episcopus*. de præbend.

(2) Trid. sess. 21. c. 2. de ref.

(3) Sac. Cong. Concil. in Arimin.

17. Julii 1723., in Firmans Capellanis

24. Jan. 1708., Benedictus XIV. de Synodo lib. 12. c. 9. §. 6.

cilii, an in Diœcesi, ubi est Beneficium? Sacra Congregatio Concilii (1) hanc semper adhibuit distinctionem: Si beneficium continuam, perpetuamque residentiam postulet, taxa servanda est præscripta in Diœcesi, in qua situm est beneficium: secus servanda est Taxa Diœceseos, in qua suum Beneficiarius habet domicilium. Hanc distinctionem suprema auctoritate confirmavit Innocentius XIII. in sua Constitutione *Apostolici Ministerii*, in qua §. 7. inquit: *Cum etiam juxta memoratam Innocentii XII. Constitutionem, ratione, ac titulo beneficii in aliena diœcesi obtenti non aliter liceat Ordines ab Episcopo ejusdem Diœcesis suscipere, quam si beneficium prædictum sit ejus redditus, ut ad congruam vitæ sustentationem, detractis oneribus, per se sufficiat; declaramus, sufficientiam ejusmodi præsumendam esse non juxta Taxam Synodalem, sive morem pro promovendis ad Sacros Ordines vigentem in loco prædicti beneficii, nisi tamen illud continuam, & præcisam residentiam requiratur, sed juxta taxam, vel, ea deficiente, juxta morem in alio loco domicilii vigentem. Volumus præterea, ut Nobis certo constet, Beneficium vere, & pacifice possideri, & ut ad normam Tridentini (2) idem Beneficium resignari ab Ordinato nequeat, nisi facta mentione, quod ad illius Beneficii titulum sit promotus, neque resignatio admittatur, nisi constituto, quod aliunde vivere commodè possit: aliter facta resignatio nullius sit roboris, ac firmitatis. Quod si beneficium, etiam de jure patronatus, ad congruam vitæ sustentationem juxta Taxam prædictam non sufficiat; patrimonii supplementum non admittemus (3), nisi eæ conditiones concurrant, quæ requiruntur, ut quis ad titulum patrimonii licite valeat ordinari. Si quis autem, præter beneficium ad sui sustentationem sufficiens, habeat etiam pingue patrimonium, sciat, se ad bene-*

(1) Sac. Congreg. Conc. in Alatrina 9. Julii 1701., in Ariminen. Ordinationis 10. Jan. 1708., & in Romana, seu S. Agathæ Gothorum 27. Maii 1713., Benedictus XIII. in Concil. Rom. tit.6.

c.4., Bened. XIV. de Synodo lib.12.c.9. §.2.

(2) Trid. sess.21. c.2. de ref.

(3) Sac. Congreg. Concil. in Signina 18. Septemb. 1683., & in Civit. Pleb. 10. Junii 1684.

beneficii (1), non vero ad patrimonii titulum omnino esse promovendum.

III. Quod si eximia personæ virtus, sacrarumque disciplinarum scientia, aut Ecclesiæ necessitas, aut utilitas Nobis suadeat, ut aliquis ad patrimonii titulum Sacris Ordinibus insigniatur, ejus quidem precibus annuemus, dummodo hæc omnes omnino conditiones accedant. 1. ut patrimonium, sive proprium, sive a Genitoribus, vel Fratribus, aut Patruis, aut aliis constitutum, vere, ac pacifice ab Ordinando possideatur. 2. ut constitutum sit in bonis immobilibus, ac frugiferis, nullo alieno ære gravatis, nullaque affectis hypotheca. 3. ut annui eorum bonorum redditus, detractis omnibus tum publicis, tum privatis oneribus, ex jurato peritorum judicio ad triginta sex romana scuta perveniant, & quidem sine Sororum, ac Fratrum, si qui sunt, detrimento, ne patrimonium tamquam inofficiosum redarguatur. 4. ut, si patrimonium in censibus constituatur, illud constituentes (2) sese in forma Juris valida obligent ad sufficientem, quoties census redimantur, victum ordinato subministrandum, donec censuum pecunia, vel in novis censibus, vel in fundis frugiferis colloceatur. 5. ut inter bona immobilia non recenseatur domus, quam Ordinandus incolit, imo nulla alia, nisi sita ea sit in Oppidis, aut Pagis, in quibus facile locari possit, ac soleat. 6. ut periti de singulorum bonorum, e quibus patrimonium constituitur, pretio, annuoque redditu jurati testentur. 7. ut tam constituens, quam Ordinandus, interposita jurisjurandi religione, verum, ac reale esse patrimonium, nullique obligationi obnoxium, ac in plena Clerici potestate positum affirmant: item non vi (3), aut metu, aut dolo, sed libera Constituentis voluntate constitui, aut fuisse constitutum, nullumque inter eos pactum, aut tacitam, seu expressam intercedere conventionem jurent, qua in-

H h h h h

stru-

(1) Sac. Cong. Conc. in Sorana 16. Januarii 1669, & in Camerinen. 4. Augusti 1685.

(2) Sac. Congreg. Concil. in nullius 21. Julii 1629. lib. 14. Decret. pag. 109.

(3) Sac. Congr. Conc. 16. Martii 1630.

strumentum super patrimonii constitutione confectum ullo umquam tempore, aut modo labefactari possit. 8. ut patrimonium his legibus constitutum in Ecclesia Cathedrali, & in Parochiali ejusloci, in quo bona sita sunt, inter Missarum solemniam coram populo de more publicetur. 9. ut Ordinandus juramento polliceatur, se numquam alienaturum, aut (1) permutaturum dictum patrimonium, nisi eidem, Nostro accedente consensu, expresse subrogetur vel Ecclesiasticum Beneficium, cujus pacificam possessionem adierit, & cujus reditus ad honestam sustentationem sufficiant, vel alia immobilia bona, quorum certum dominium, ac pacificam habeat possessionem. 10. ut horum omnium publicum instrumentum in Nostra Episcopali Cancellaria fiat, ac in ea diligentissime custodiatur.

IV. Ex illis Tridentini Concilii verbis: *Atque illa* (videlicet patrimonium, & pensio) *deinceps sine licentia Episcopi alienari, aut extingui, vel remitti nullatenus possint, donec Beneficium Ecclesiasticum sufficiens sint adepti, vel aliunde habeant, unde vivere possint*, inferri declaravit Sacra Concilii Congregatio, Ordinatum, nisi expressus Episcopi consensus accedat, non posse 1. patrimonium alienare (2), licet beneficium sufficiens sit assecutus. 2. de patrimonio dispendere (3), etiamsi ejusdem usumfructum sibi, quamdiu vixerit, reservet. 3. illud in emphyteusim concedere, annuo sibi reservato (4) Canone, qui patrimonii reditus exaquet. 4. fidejubere, suumque in fidejussione patrimonium obligare. Hac enim in re, cum die 5. Februarii 1604. in Sac. Congregatione Concilii super patrimonio in fidejussione obligato controversia discuteretur, *Sacra Congregatio censuit, neque in hujusmodi patrimonio, neque in ejus fructibus ad Clericum alendum necessariis executioni locum esse posse: licere autem capere in causam judicati eam fructuum portionem, quae quotannis*

(1) Trid. sess. 21. cap. 2. de reform., Sac. Congr. Conc. in Terracinen. 8. Augusti 1602., & 20. Junii 1619., & 12. Julii 1687., & Senogallien. 20. Junii 1705.

(2) Sac. Congr. Conc. 16. April. 1622. lib. 24. Decr. pag. 231.

(3) Sac. Congr. Conc. 10. Oct. 1670.

(4) Sac. Congr. Conc. in Parmen. 20. Julii 1641., & in Aquilana 24. Feb. 1652.

nis superest, ultra eam, quæ ad Ordinati sustentationem non laute, sed tenuiter vivendo, Judicis Ecclesiastici arbitrio fuerit necessaria: posse autem ipsum creditorem accipere in solutum, atque vendere jus sibi competens ad hujusmodi patrimonium, quod post mortem ipsius promoti ad creditorem, uti res hereditaria, pertinebit. Hoc autem decretum eadem Sacra Congregatio die 11. Martii 1642. confirmavit.

V. Ut fraudibus, quæ in patrimoniis constituendis adhiberi solent, aditus omnis, quoad fieri potest, intercludatur, volumus, statuimus, ac sancimus, ut si periti, quorum opera in æstimandis patrimoniis pretio, annuisque redditibus uteretur, fraudulenter se gesserint, supplere (1) ex ære proprio teneantur, quidquid patrimonio secundum Taxam superius præscriptam deesse comperietur. Patrimonium autem, quod rite fuerit constitutum, non ante, sed solum post Subdiaconatus susceptionem (2) ab oneribus Laicalibus exemptum esse declaramus. Hanc tamen exemptionem, si postmodum beneficium patrimonio legitime subrogetur, omnino cessare edicimus, quoties beneficium toti congruæ sustentationi sufficiat; sin minus, pro ea tantum rata parte perseverare, quæ beneficii redditibus ad integram patrimoniis summam complendam deest, quemadmodum a Sacra Immunitatis Congregatione docemur. Quod si Clericus aliquis falsum, fictum, aut fiduciarium patrimonium scienter supponat, & ad Sacros Ordines promoveatur; ipso jure suspensionis (3) vinculo irretitur sine spe dispensationis obtinendæ, nisi vero, legitimoque patrimonio constituto, uti a Sacris Canonibus statutum est, quos Tridentina Synodus innovavit.

VI. Ad titulum Paupertatis nonnisi Regulares, qui in aliqua Religione approbata ab Apostolica Sede solemnem Professionem emisserint, Sacris Ordinibus initiari licite possunt, exceptis Patri-

H h h h h 2

bus

(1) Synod. Sublacen. ann. 1674. c. 13., & Synod. Fulginaten. Battistelli c. 11. §. 15.

(2) Sacra Congregatio Immunit. in Aquilana 4. Augusti 1637., & in Au-

ximana 28. Septembris 1666.

(3) Can. *Neminem*; Can. *Sanctorum*, dist. 70. §. cap. *Per tuas*; & cap. *Si quis*, de simonia.

796 CONSTITUTIONES SYNODALES

bis Societatis Jesu, quos Gregorius XIII. (1), Benedictus XIII. (2), alique Romani Pontifices (3) eo speciali privilegio donarunt, ut iidem post tria simplicia vota, & ante emissam solemnem Professionem possint ad Sacros Ordines promoveri, quamvis omni prorsus patrimonio, ac beneficio destituantur. Novitii ergo, nisi beneficii, aut patrimonii, aut pensionis habeant titulum, promoveri ad Majores Ordines nequeunt. Et sane Tridentini Concilii decretum, de quo superius locuti sumus, licet de secularibus Clericis expresse procedat, extendi quoque ad Religiosos, qui, antequam Professionem emittant, Sacris Ordinibus insigniri velint, peculiari sua Constitutione (4) S. Pius V. declaravit. Cum autem non infrequenter controversæ super nullitate Professionis oriantur; Nos, ut cuilibet occurramus periculo, S. Caroli Borromæi vestigiis, ac plurimarum Dicecesum Synodis, & praxi inherentes volumus, ut Regulares (5) ad titulum Religiosæ Paupertatis Sacris Ordinibus per Nos initiandi, præter Dimissoriales Litteras, testimonium proprii Superioris Nobis exhibeant, qui eos in Religione, cui adscripti sunt, expressam Professionem rite emisisse testetur: ipsi vero Ordinandi sub eodem testimonio jurati scribant, se prædictam professionem libere, ac sine vi, & metu nuncupasse, eamque libere nuncupatam se tunc ex animo ratam habere, & hunc in finem se subscribere.

(1) Gregorius XIII. *Const. Ascendens Domine.*

(2) Benedictus XIII. *Const. Injuncti nobis.*

(3) Benedictus XIV. *de Synodo lib. 13. cap. 11. §. 24.*

(4) S. Pius V. *Const. 75. Romanus*

Pontifex, & Benedictus XIV. de Synodo lib. 13. c. 11. §. 24.

(5) Synodus Amerina Graciani c. 218., Hclan-Trapan. p. 160. §. 20., *Æfin. Fidel.* p. 29. decr. 27., Anagnin. Bassi p. 55. n. 9., Auximan. Spada p. 75. num. 18., Fulginaten. Battistelli c. 11. n. 22.

ARTICULUS V.

De qualitatibus Ordinandorum.

DE qualitatibus Ordinandorum verba facturi, primum eas, quæ ad valide, tum eas, quæ ad licite suscipiendos Ordines requiruntur, recensemus. Et primo quidem, ut quis ad Ordines valide promoveatur, requiritur (1), ut Sacro sit lavacro regenerationis ablutus. Cum enim baptizamus (2) sit fundamentum omnium Sacramentorum; inde fit, ut nullum aliud ante baptismum suscipi valide possit Sacramentum; *quoniam ubi fundamentum non est, superædificari non potest.* Et sane in Concilio apud Compendium (3) ita statutum legimus. *Si quis Presbyter ordinatus deprehenderit, se non esse baptizatum, baptizetur, & iterum ordinetur.* Innocentius vero III., cum ei Presbyter exposuisset, post susceptum Sacerdotium innotuisse sibi, se non fuisse secundum Evangelii formam baptizatum, eum rite baptizari iussit, ac re mature discussa, Concilio apud Compendium celebrato adherens, Decretalem (4) scripsit ad Ferrariensem Episcopum, in qua sic habet: *Mandamus, quatenus ipsum (videlicet Sacerdotem, quem jam baptizari iusserat) per singulos Ordines usque ad Sacerdotium promovere procuret, & permittas eum in Sacerdotio ministrare.* Ad valorem præterea Ordinationis necesse est, ut, si adultus sit is, qui Ordinem est suscepturus, ordinari intendat, ac velit. Si enim animo vere repugnaret, ac nollet, sicque solum, ac simulate Ordinem reciperet, profecto valide non ordinaretur. Hæc ad Ordines valide suscipiendos in Ordinando necessario requiruntur.

II. At multo plura in eodem Sacri Canones, ac præsertim Tridentina Synodus, postulant ad licitam Ordinum susceptionem. Nam præter statum gratiæ, qui ad dignam, utilemque Sa-

cræ-

(1) Can. *Cam itaque.* §. fin. de consecr. dist. 4.

(2) Cap. *Veniens.* de Presbytero non baptizato.

(3) Cap. *Si quis Presbyter.* de Presbytero non baptizato.

(4) Cap. *Veniens.* de Presbytero non baptizato.

cramenti cujuslibet susceptionem est omnino necessarius, (secus enim immane sacrilegium perpetratur) requiritur. 1. ut Ordinandus sit Confirmationis Sacramento inunitus. *Prima Tonsura*, sic Tridentina Synodus statuit (1), *non initientur, qui Sacramentum Confirmationis non susceperint*. 2. ut sit in ætate Canonica constitutus, cum per Sacros Canones sua cuique Ordini statuta sit ætas, quam attigisse necesse est, ut quis Ordinibus licite initietur. Sic pro prima Tonsura (2), Ostiariatu, Lectoratu, & Exorcistatu annum ætatis suæ octavum, Acolythatu (3) regulariter decimumtertium, pro Subdiaconatu vigesimum secundum, pro Diaconatu vigesimum tertium, pro Presbyteratu vigesimum quintum attigisse Ordinandum oportet. *Nullus in posterum*, inquit Tridentini Patres (4), *ad Subdiaconatus Ordinem ante vigesimum secundum, ad Diaconatum ante vigesimum tertium, ad Presbyteratum ante vigesimum quintum ætatis suæ annum promoveatur*. Si cui præscripta ad aliquem Sacrum Ordinem ætas desit, nonnisi ex Pontificia dispensatione ordinari licite potest: Secus & Episcopus illum scienter ordinans, & Clericus scienter Ordinem recipiens, Canonicas subibunt pœnas; Episcopus quidem suspensionem (5) ab omnium Ordinum collatione, non latæ quidem, sed ferendæ sententiæ, per quam tamen a nullo alio Ordinum actu suspenditur; Clericus vero suspensionem latæ sententiæ (6) ab Ordinum suorum executione perpetuo duraturam, nisi ab ea absolutionem obtineat, *Et si huiusmodi suspensione durante, in iisdem Ordinibus ministrare præsumperit, eo ipso irregularitatem incurret, ac præterea Ecclesiasticis beneficiis jure privari poterit*. 3. ut gradatim, & ordinate, non vero per saltum, ad Ordines promoveatur. Quamobrem si quis ex. gr., Diaconatu prætermisso, ad Presbyteratum scienter convolet, eoque initia-

(1) Trid. sess. 23. c. 4. de ref.

(2) Can. *In singulis*. dist. 77.(3) Can. *De iis*. dist. 28., & cap. *Nul-*
lus. de temporibus ordinandorum in 6.(4) Trid. sess. 23. cap. 12. de reforma-
tione.(5) Cap. *Sane*. cap. *Vel non est com-*
pos. de tempor. ordinat., Pius II. Con-
stitut. *Cum ex Sacrorum*; & Clemens VIII.
Const. *Romanum Pontificem*.(6) Pius II. Constitut. *Cum ex Sacro-*
rum.

initietur; quamquam ejusmodi Ordinum collatio valeat (1) (uno excepto Episcopatu, qui, cum Presbyteratum essentialiter præsupponat (2), invalide confertur, nisi Presbytero jam ordinato conferatur;) per saltum tamen promotus, ipso facto ab Ordine ita suscepto suspensionem incurrit, & si in eo ministrare audeat, fit irregularis. 4. ut Ordinem furtive non suscipiat. Furtive autem ordinari quis dicitur, si absque Episcopi consensu, ac licentia sese aliis Ordinandis immisceat, & cum iis aliquo donetur Ordine, a cujus proinde executione est ipso jure suspensus, neque sine dispensatione ad superiorem Ordinem promoveri potest. Quod si præterea Ordinem furtive susceptum exercere audeat, irregularitati subjicitur. 5. ut nulla sit irretitus censura (3); nisi enim ab ea fuerit absolutus, illicite quemlibet Ordinem suscipit. 6. ut ab Episcopo suo, vel etiam ab alieno, sed de expressa Episcopi sui licentia, cujus testes sint litteræ dimissoriæ ab eodem datæ, ordinetur. 7. ut pro ratione Ordinis, quem est suscepturus, sufficienti sit instructus litteratura. Deus enim, & cum Synagogam formavit, & cum Christi Ecclesiam instituit, utriusque Ministris sapientia præditos esse voluit, & in veteri quidem Testamento per Oseam (4) inquit: *Quia tu scientiam repulisti, repellam te, ne Sacerdotio fungaris mihi*: In constituendis vero novi Testamenti Ministris, præcepit eis (5), *ut euntes docerent*, deditque eis (6) nosse mysterium Dei, eosque omnes replevit Spiritu Sancto, qui Spiritus est sapientiæ, & intellectus. Quamobrem ipsa sola incititia sufficientissima est causa, ut quis ab Ordinibus recipiendis repellatur: *Illiteratos*, inquit Gelasius Papa (7), *nullus presumat ad Clericatus Ordinem promovere, quia litteris carens, saceris non potest esse aptus officii*. Tridentina vero Synodus statuit (8),

ut

(1) Cap. unico, de Clerico per saltum promotus.

(2) Cap. 10. de excessibus Prælatorum.

(3) Cap. Cum illorum. de sent. excomm., & cap. Sepe contingit. de tem. por. ordinat. in d.

(4) Osee cap. 4.

(5) Matth. cap. 28.

(6) Lucæ cap. 4.

(7) Can. 1. dist. 39.

(8) Trid. sess. 23. c. 4. de ref.

ut prima Ponsura non initiuntur, qui fidei rudimenta edocti non fuerint, quique legere, & scribere nesciant; pro minoribus Ordinibus postulat (1), ut ad eos promovendi saltem latinam linguam intelligant, & sciant, quæ ad officium suum spectant; pro Subdiaconatu, & Diaconatu requirit (2), ut sint litteris iis, quæ ad Ordinem exercendum pertinent, instructi; tandem pro Presbyteratu exigit (3), ut ad populum edocendum ea, quæ scire omnibus necessarium est ad salutem, ac ministranda Sacramenta, diligenti examine precedente idonei comprobentur. 8. denique, ut Ordinandus nulla sit irregularitate innodatus. Cum enim irregularitas sit Canonica inhabilitas ad Ordines suscipiendos, susceptosque ministrandos; jam nemo (4), quamdiu est irregularis, ordinari licite potest, aut in susceptis Ordinibus ministrare. Verum cum multiplici ex causa incurriri irregularitas possit, pauca de eadem innuamus.

ARTICULUS VI.

De Irregularitate, quæ Canonicum est ad Ordines suscipiendos impedimentum.

QUAMquam irregularitas sit inhabilitas ad Ordines suscipiendos, susceptosque exercendos; Si tamen irregularis aliquis Ordines aut suscipiat, aut exerceat; valide, sed illicite, eos suscipit, aut exercet. Hæc autem inhabilitas non ab homine, sed a solo Jure (5) induci potest: unde fit, ut nulla umquam irregularitas, nisi in Jure sit expressa, incurratur. Licet in hoc temerarie agat, diserte inquit Bonifacius VIII. (6), irregularitatis tamen, (cum id non sit expressum in Jure) laqueum non incurrit. Irregularitas omnis ad duplex revocari potest genus: ea enim vel ex defectu oritur, vel ex delicto. Prior sine culpa, poste-

(1) Trid. sess. 23. c. 11.

(2) Trid. sess. cit. c. 13.

(3) Trid. sess. cit. c. 14.

(4) Cap. Sape contingit. de tempor. ordinat. in 6.

(5) Benedictus XIV. de Synodo lib. 2.

cap. 3. n. 7.

(6) Cap. Is, qui. de sentent. excommunic. in 6.

posterior nonnisi ex culpa contrahitur, atque externum consummatum (1) postulat, ut contrahatur. Singulas recenscamus.

II. Multiplex est irregularitas ex defectu. Prima est ex defectu animi; qua quidem laborant amentes (2), lunatici, furiosi, epileptici, & obsessi a Dæmone. Hi tamen omnes (3) de licentia Episcopi exercere susceptos Ordines possunt, si ab eo, quo laborant, morbo per annum integrum correptos non fuisse constet. Ex defectu quoque animi irregulares sunt illiterati (4), qui ne mediocrem quidem habent scientiam, & Neophyti (5), qui jam adulti ab Ethnicismo, aut Judaismo recenter ad Catholicam sunt Religionem conversi, *ne in superbiam* (6) *elati in laqueum incidant Diaboli, & ne Magistri* (7) *sint, qui nondum esse Discipuli didicere*. Secunda est ex defectu corporis, qua innodantur homines corpore ita vitiati (8), ut vel nullo modo, vel non sine spectantium horrore peragere valeant Ordinis ministeria, cujusmodi sunt ii (9), quibus vel alterutra manus, vel palmarum medietas cum duobus digitis fuit abscissa, aut oculus ita erutus, ut sine gravi deformitate legere Canonem nequeant, vel sunt enormiter gibbosi, aut ita claudi, ut sine baculo incedere minime possint. Quod si ejusmodi defectus ad Ordines jam promoti superveniant (10), is irregularis evadit quoad illum dumtaxat actum, quem nullo modo, vel saltem non sine gravi deformitate exercere potest. Tertia est ex defectu lenitatis, propter quam irregulares sunt ii (11), qui ad alicujus mortem, aut mutilationem, etiam justam, directe concurrunt effectu secuto, cujusmodi sunt Judices sententiam mortis, vel mutilationis pro-

iiii

nuncian-

(1) Can. *Si quis non iratus*. caus. 15. quæst. 1.

(2) Can. *Maritum*; Can. *Clerici*. dist. 33.

(3) Can. *Communiter*. dist. 33.

(4) Can. *Illiteratus*. dist. 36.

(5) Can. *Sicut Neophytus*. dist. 48., & can. *Neophyti*. de consecr. dist. 5.

(6) 1. ad Timoth. c. 3.

(7) Can. *Misericordiam*. dist. 61.

(8) Cap. *Presbyterum*; & cap. *Tuo Nos*. de Clerico ægrotante.

(9) Cap. *Exposuisti*. de corpore vitiat, can. *Hinc etiam*. dist. 49., can. *Natus Episcopus*. de consecr. dist. 1.

(10) Cap. 2. de Clerico ægrotante.

(11) Can. *Si quis viduam*. dist. 50., & can. *Aliquantos*. dist. 51.

nunciantes, Ministri eam exequentes &c. Quamquam enim hi nullum admittant crimen; non tamen omnino Christi lenitatem imitantur, qui mulierem, licet in adulterio deprehensam, morte tamen dignam noluit pronunciare, & qui pro perfidis Judæis Patrem moriturus oravit. Si tamen mortis, aut mutilationis sententia executioni demandata non fuerit, tunc neque Judex, neque Notarius, neque reliqui irregularitatem incurrunt, uti Sacra Congregatio (1) Concilii sæpius declaravit. Quarta est ex defectu natalium, ac proinde irregulares sunt filii illegitimi (2), sive naturales sint, sive nothi, sive spurii. At irregulares non sunt illegitimi, qui per Matrimonium (3) subsequens fuerint legitimati; sicuti etiam, si in approbatam aliquam Religionem ingrediantur, licet ad Prælaturas evehi nequeant, ad Sacros tamen Ordines promoveri possunt. *Filii Presbyterorum* (4), ut in Concilio Pictaviensi decernitur, *ut ceteri ex fornicatione nati, ad Sacros Ordines non promoveantur, nisi aut Monachi fiant, vel in Congregatione Canonica regulariter viventes; Prælationem vero nullatenus habeant.* Quinta est ex defectu significationis Sacramenti Matrimonii, ratione cujus bigami (5) tum veri, tum interpretativi, tum similitudinarii sunt irregulares. Cum enim per Matrimonium Fidei-
 lium consummatum (6) Christi cum Ecclesia significetur conjunctio; Christus autem unicam, eamque immaculatam, neque ab alio assumptam Ecclesiam in Sponsam sibi copulaverit; jam, qui matrimonium vel cum pluribus successive uxoribus, vel cum vidua, aut ab alio corrupta contraxit, & consummavit, hac Sacramenti significatione caret, adeoque est irregularis. Bigamus verus (7) ille est, qui cum pluribus successive uxoribus; bigamus interpretativus (8), qui cum vidua, vel ab alio corrupta;

Bigam.

(1) Sac. Cong. Concil. in Cæsenaten: ann. 1615., & in Spoletana 14. Dec. 1630.

(2) Cap. *Per venerabilem*. qui filii sunt legitimi, & Trid. sess. 22. de ref. c. 20., & sess. 23. c. 5.

(3) Cap. *Tanta*. qui filii sunt legitimi.

(4) Cap. 1. de filiis Presbyt.

(5) Cap. *Ut bigami*; cap. *Super eo* de bigamis.

(6) Ad Ephes. c. 5.

(7) Cap. *Debitum*. de bigamis non ordin. (8) Can. *Mortuum*. dist. 33.

Bigamus tandem similitudinarius (1), qui post Religiosam Professionem, vel post Sacrum Ordinem susceptum, Matrimonium, licet invalidum, contraxit, & consummavit. Sexta est ex defectu libertatis, propter quem irregulares sunt Servi (2) proprie dicti, seu mancipia; & obligati ad ratiocinia (3), qui videlicet, cum generalem aliquam rerum Sæcularium administrationem habeant, vel habuerint, reddere rerum Dominis suæ administrationis rationem debent, adeoque, nisi administratione (4) dimissa, reditaque ratione, ordinari non possunt.

III. Multiplex quoque est irregularitas ex delicto. Nam irregulares 1. sunt Hæretici (5), & Apostatae a Fide, eorumque receptores, fautores, ac defensores, imo & eorum filii (6) ad secundam generationem, si Pater; ad primam, si Mater hæresi laboret, nisi tamen iidem parentes ante (7) obitum Catholicam amplexi sint Religionem. 2. baptismum serio, scienterque iterantes (8), & rebaptizati ministrantes, & adulti (9), qui extra necessitatis casum se ab Hæreticis baptizari scienter sinunt. 3. Clerici, qui censuras, quibus forte illigantur, temere violant (10), Ordinum suorum munera exercentes; aut in loco interdicto in casibus non permixtis scienter Missam audent celebrare. 4. Clerici in iis Ordinibus temere ministrantes, quos indebite, ac male suscipere, videlicet (11) vel furtive, vel per saltum, vel sine legitima ætate, vel extra tempora a Jure statuta, vel sine dimissoriis Episcopi sui Litteris, vel aliqua irretiti censura. Item qui

liiii 2 ab

(1) Cap. ultimo. de bigamis non ordinandis.

(2) Cap. *Consuluit*. de servis non ordinandis.

(3) Cap. unico. de obligatis ad ratiocinia.

(4) Cit. cap. unico. de obligatis ad ratiocinia.

(5) Can. *Presbyteros*. dist. 50. can. *Qui in aliquo*. dist. 51. cap. *Quicumque*. de hæreticis in 6.

(6) Cap. *Statutum*. de hæreticis in 6.

(7) Sac. Congreg. Conc. in Romana 21. Maii 1718. ad 2.

(8) Cap. *Ex litterarum*. de apostatis, & iterantibus Baptisma.

(9) Can. *Affor*. dist. 98.

(10) Cap. *Is, qui*; & cap. *Is, cui*. de sent. excomm. in 6.

(11) Pius II. Constitut. *Cum ex Særorum*.

ab Episcopo (1) censuris innodato, Hæretico, aut Schismatico, aut jurisdictionem non habente Ordines recipere; aut qui matrimonio contracto, licet non consummato (2), sine debitis conditionibus in Jure Canonico præscriptis Sacro aliquo Ordine initiati sunt; aut qui ad plures Sacros Ordines (3) eodem die sunt promoti. 5. quicumque scienter, ac solemniter actum Sacri Ordinis exercent, quem non habent. *Si quis baptizaverit*, inquit Summus Pontifex Hormisdas (4), *aut aliquod divinum officium exercuerit non ordinatus, propter temeritatem abiciatur de Ecclesia, & numquam ordinetur*. 6. enormiter criminosi, quorum crimina adnexam habeant infamiam, & notoria, publicaque sint, cujusmodi sunt Adulterium, Simonia, perjurium in judicio, aliaque ejusmodi, quæ recensentur in can. *Infames*, caus. 6. qu. 1. Quod si crimina (5) ordine judiciario comprobata, vel alia notoria non fuerint; non debent hi, (præter reos homicidii) post penitentiam in jam susceptis, vel suscipiendis Ordinibus impediri. 7. homicidæ voluntarii, quamvis occulti (6); homicidium mandantes (7); illud efficaciter consulentes (8); vel ad illud cooperantes &c. Hac de re Thesaurus lib. de Pœnis Ecclesiasticis novissimæ editionis consultatur.

IV. Quicumque ad Ordines sunt promovendi, caveant, ne aliqua ejusmodi sive ex defectu, sive ex delicto irregularitate notentur. Quod si forte quis aliquam incurrisse se noverit; antequam ad Ordines suscipiendos accedat; opportunam ab Apostolica Sede (vel etiam a Nobis in iis casibus, in quibus per Sacros Canones dispensare Nobis licet) dispensationem petant, atque obtineant, ne gravi se crimine alligent, turpissimoque sacrilegio Sacramentum Ordinis dehonestent.

AR-

(1) Cap. *Cum Clericis*. de ordinatis ab Episcopo, qui &c.

(2) Extrav. *Antiqua consecrationi*. de voto, & voti redemptione.

(3) Can. *In singulis*; & can. *Quicumque*. dist. 57.

(4) Cap. 1. de Clerico non ordinato ministrante.

(5) Cap. ult. de temporib. ordin.

(6) Trid. sess. 14. c. 7. de ref.

(7) Can. *Si quis viduam*. dist. 50.

(8) Cap. *Sicut*. §. ult. de homicidio.

ARTICULUS VII.

De Temporibus Ordinationum.

Quamquam prima Tonfura quolibet anni die, & qualibet diei hora conferri possit; sua tamen sive minoribus, sive majoribus conferendis Ordinibus per Sacros Canones constituta sunt tempora, quæ nemini sine Apostolica dispensatione prætergredi unquam licet. Minores igitur Ordines (1), præter consueta generalium Ordinationum tempora, Festo quolibet de præcepto die, etiam extra Missæ celebrationem, conferre Episcopo licet. Majores vero Ordines (2) conferri duntaxat possunt, dum ab Ordinate Missa celebratur, statutis generalium Ordinationum temporibus, videlicet in Sabbatis quatuor Temporum, in Sabbato ante Dominicam Passionis, & in Sabbato Sancto; neque induci potest consuetudo (3), ut alijs temporibus conferantur; sed solum id licebit ex Romani Pontificis privilegio, qui secundum suæ potestatis plenitudinem (4) de Jure potest supra Jus dispensare. Quod si privilegium ejusmodi concedatur, poterunt quidem extra dicta tempora conferri, sed festo duntaxat de præcepto die, ac intra Missæ Sacrificium, quod ab Ordinate celebretur. Ratio autem, cur pro Majorum Ordinum collatione diem Sabbati Jus commune statuerit, ea videtur esse, ut, quemadmodum die septimo, qui dies Sabbati est, requievit (5) Deus ab omni opere, quod patrarat, ita qui ad Sacros Ordines assumuntur (6), a sæculi laboribus ad requiem Domini se transferri intelligant, cum illis ad Sæculares curas, ac labores (7) redire, & a suscepto Ecclesiasticæ vitæ proposito resiliere non

(1) Cap. *De eo. de tempor. ordinat.*, & Pontif. Rom. tit. de minoribus Ordinibus.

(2) Cit. cap: *De eo*; & cap. *Litteras. de tempor. ordin.*

(3) Cap. *Sane. de tempor. ordin.*

(4) Cap. *Proposuit. de concessione præbend.*

(5) Genes. c. 2.

(6) Glossa in cap. *Litteras. de temporib. ordin.*

(7) Can. *Fornicari. dist. 89.*

non liceat; quod tamen iis, qui in minoribus dumtaxat Ordinibus sunt constituti (1), minime prohibetur.

II. Interdictum quoque est a Sacris Canonibus (2), ac præsertim a Tridentina Synodo (3), *ne duo Sacri Ordines eodem die, etiam Regularibus, conferantur, privilegiis, ac indultis quibusvis concessis non obstantibus quibuscumque*. Imo vetitum etiam est, ne Ordines Minores una cum Subdiaconatu eadem die conferantur, quemadmodum Sacra Congregatio Concilii (4) declaravit. Quædam enim temporis interstitia, seu intervalla secundum Jus commune inter unius, & alterius Ordinis susceptionem intercedere debent, ut accuratius Clerici (5), quantum sit Ecclesiasticæ disciplinæ pondus, edoceri, ac in unoquoque munere se exercere possint. Quamnam inter unius, & alterius Minoris Ordinis susceptionem servanda sint interstitia, statutum expresse in Jure non est, quare id Episcopi arbitrio relinquitur, qui ex quacumque honesta causa potest in iis dispensare; sic enim inquit Tridentinum (6): *Minores Ordines per temporum interstitia, nisi aliud Episcopo expedire magis videretur, conferantur*. Pro sacris vero Ordinibus expresse cautum est (7), ut nonnisi elapso integro anno, possit quis ab Acolythatu ad Subdiaconatum, & sic deinceps usque ad Presbyteratus Ordinem promoveri. Verum in his etiam dispensare cum suis subditis Episcopus potest, ita tamen, ut major causa requiratur, ut in interstitiis dispense inter Ordines minores, & Subdiaconatum, quam inter Subdiaconatum, & Diaconatum, & major etiam, ut inter Diaconatum, & Presbyteratum. Nam ad dispensandum in interstitio inter Subdiaconatum, & Diaconatum requirit solum Tridentina Synodus (8) prudens Episco-

(1) Can. *Si quis*. dist. 32., cap. *Jeanes*. de Clericis conjugatis.

(2) Cap. *Litteras*; & cap. *Dilectus*. de tempor. ordin.

(3) Trid. sess. 23. c. 13. de ref.

(4) Sac. Cong. Conc. in una Bovenfi 7. Maii 1707., in Neapolitana 6. Augu-

sti 1711., & in Melevitana 12. Maii 1714.

(5) Trid. sess. 23. c. 11. de ref.

(6) Trid. loc. cit.

(7) Trid. sess. 23. c. 11., 13., & 14. de reform.

(8) Trid. sess. 23. c. 13.

Episcopi arbitrium : *nisi aliud Episcopo videatur* . At ut dispense-
 in interstitio inter Ordines minores, & Subdiaconatum, disjunctive
 requirit vel necessitatem, vel utilitatem Ecclesiæ : *nisi (1)*
necessitas, aut Ecclesiæ utilitas judicio Episcopi aliud exposcat . Ad dis-
 pensandum vero inter Diaconatum, & Presbyteratum copulati-
 ve postulat & necessitatem, & utilitatem Ecclesiæ : *nisi (2) ob Ec-*
clesiæ utilitatem, ac necessitatem aliud Episcopo videatur .

III. Nos hisce Sacrorum Canonum, ac Tridentinæ Synodi
 decretis obsequentes omni opera, studioque curabimus, ut Cle-
 ricus quilibet per distinctos Ordines in Ecclesiasticis exerceatur
 officiis, & per constituta interstitiorum tempora ad supremum
 Sacerdotii gradum contendat, ut militare assuescat (3) in Domi-
 ni castris, ut discat, quod doceat, ut videat, quod imitetur .
 Sacris igitur neminem admovebimus, nisi in Minoribus Ordini-
 bus Sacra nosse, & exercere didicerit, stataque in Ordinum sus-
 ceptione temporum intervalla servaverit . Si justa de causa indul-
 gendum cum aliquo erit, nemo Nobis aures precibus festinis,
 atque importunis impudenter obtundat . Interstitia, etiam non
 requisiti, minuemus, si eadem minui exigat non privata homi-
 nis, sed Ecclesiæ utilitas, aut necessitas, cui Nostrum est op-
 portuno consilio providere . Cum autem Nostra oneretur con-
 scientia, Nostroque committatur arbitrio Apostolica exequi In-
 dulta suscipiendi Ordines extra consueta tempora, quæ non-
 nisi ex certis, legitimisque causis conceduntur; sedulo cave-
 bimus, ne eadem falsis precibus, dolove malo sint ab Aposto-
 lica Sede impetrata .

(1) Trid. sess. 23. c. 11.

(2) Trid. sess. 23. c. 14.

(3) S. Greg. lib. 7. ep. 100.

ARTICULUS VIII.

De obligationibus susceptioni Sacrorum Ordinum adnexis.

TRIA sunt potissimum onera, quæ Majoribus Ordinibus Sacri Canones adnexuere, & quibus sese ultro Clerici subjiunt, cum eadem non ignorantes, ad Sacros Ordines postulant promoveri. Primum est onus perpetui servandi cœlibatus: Alterum recitandi quotidie Horas Canonicas: Tertium tandem nunquam non procedendi in habitu, & Tonsura. Pauca de singulis innuamus.

II. Quod ad perpetuum servandum cœlibatum attinet; erat quidem in primitiva Latina Ecclesia ejusmodi onus Presbyteratus, ac Diaconatus adnexam Ordinibus, non tamen Subdiaconatui, qui, cum inter Minores Ordines accenseretur (1), Clericis, nullo edito continentiae, ac cœlibatus voto, conferebatur, ac proinde Subdiaconi, saltem alicubi, nubere poterant, & uxoribus, quibus nupserant, licite utebantur. Cautum postmodum fuit a Romanis Pontificibus, ne quisquam post susceptum Subdiaconatum nuptias contrahere auderet. Sic Stephanus Papa (2) in prima actione Synodi ab eodem in Basilica Lateranensi celebratae inquit: *Aliter se Orientalium traditio habet Ecclesiarum, aliter hujus Sanctæ Romanæ Ecclesiæ Istius Ecclesiæ, vel Occidentalium nullus Sacerdotum a Subdiacono usque ad Episcopum licentiam habet conjugium sortiendi*; Et S. Leo I. ad Anastasium scribens ait (3): *Ad exhibendam perfectæ continentiae puritatem, ne Subdiaconis quidem connubium carnale conceditur*. At mox S. Gregorius I. non modo cœlibatum, perfectamque continentiam Subdiaconis præcepit, verum etiam edita Constitutione præscripsit, ut nemo in posterum, nisi castitatem, ac cœlibatum voveret, ab Episcopis ad Subdiaconatus Ordinem promoveretur. En Sancti Pontificis verba

(1) Can. *Ante triennium*. dist. 31.
nium, dist. 32.

(2) Can. *Aliter*. dist. 31.

(3) Can. *Omnium*.

verba (1): *Nullum facere Subdiaconum præsumant Episcopi, nisi qui se victurum caste promiserit.* Gregorii I. Constitutionem Urbanus II. confirmavit, atque innovavit, uti ab Innocentio III. edocemur (2), qui inquit: *Subdiaconatus, licet Sacer Ordo non reputaretur in Ecclesia primitiva, tamen a Constitutione Gregorii, atque Urbani secundum moderna tempora sacer gradus esse minime dubitatur.* Et optimo quidem jure uterque Pontifex Subdiaconatui perpetuæ castitatis votum adnexuit. Cum enim Subdiaconi sint Altaris Christi Ministri, eos esse totos Christi, & Ecclesiæ servitio mancipatos oportet. Apostolo (3) autem teste, *qui sine uxore est, sollicitus est, quæ Domini sunt, quomodo placeat Deo: qui autem cum uxore est, sollicitus est, quæ sunt mundi, quomodo placeat uxori, & divisus est.*

III. Quicumque igitur ad Subdiaconatum promoventur, non quidem explicite, ac verbis, sed implicite, & facto ipso perfectæ continentiæ votum emittunt. Cum enim ejusmodi votum esse Subdiaconatui adnexum non ignorent; jam Subdiaconatum recipientes, votum castitatis tacite emittunt: nam, uti habet commune Juris proloquium, *qui vult principale, vult etiam accessorium.* Neque vero hujus voti ignorantiam obtendere iidem possunt. In ipsa enim Ordinatione Episcopus, antequam Subdiaconatus Ordinem iisdem conferat, sic eos alloquitur (4): *Filii dilectissimi, ad Sacrum Subdiaconatus Ordinem promovendi, iterum, atque iterum considerare debetis attente, quod onus hodie ultro appetitis. Hactenus enim liberi estis, licetque vobis pro arbitrio ad secularia vota transire. Quod si hunc Ordinem susceperitis, amplius non licebit a proposito resilire, sed Deo, cui servire regnare est, perpetuo famulari, & castitatem, illo adjuvante, servare oportebit, atque in Ecclesiæ ministerio semper esse mancipatos. Proinde, dum tempus est, cogitate, & si in sancto proposito perseverare placet, in nomine Domini*

K k k k k

huc

(1) Can. Nullum. dist. 28., & can. Ante triennium. dist. 31.

(2) Cap. Miramur. de servis non ordinandis.

(3) 1. ad Cor. c. 7. v. 32.

(4) Pontif. Roman. tit. de ordinatione Subdiaconi.

huc accedite. Dum ergo post hanc monitionem accedunt, ac Subdia conatum recipiunt, perfectam Deo, & Ecclesiæ continentiam, & castitatem pollicentur.

IV. Hoc autem castitatis votum Sacris Ordinibus adnexum ad eum solemnitatis gradum Ecclesia provexit, ut per illud dirimi voluerit, quodcumque Matrimonium post Sacri Ordinis susceptionem contrahatur. *Quod votum debeat dici solemne*, inquit Bonifacius VIII. (1) Episcopo Biterensi rescribens, ac ad dirimendum Matrimonium efficax, nos consulere voluisti. Nos igitur attendentes, quod voti solemnitas ex sola constitutione Ecclesiæ est inventa; matrimonii vero vinculum ab ipso Ecclesiæ capite rerum omnium conditore ipsam in Paradiso, & in statu innocentie instituente unionem, & indissolubilitatem acceperit; Præsentis declarandum duximus oraculo sanctionis, illud solum votum debere dici solemne quantum ad post contractum Matrimonium dirimendum, quod solemnizatum fuerit per susceptionem Sacri Ordinis &c. Cum itaque tanta solemnitate donatum ab Ecclesia fuerit hoc castitatis votum, quod in Sacrorum Ordinum susceptione facto ipso nuncupatur; Subdiaconi, Diaconi, ac Presbyteri diligentissime caveant, ne ulla impudiciæ labe commaculentur. Eorum enim culpa duplici malitia specificè diversa inficeretur, sique impudici forent, atque sacrilegi. Mentis igitur, corporisque castitatem summo opere diligant, quæ omnibus (2) quidem necessaria est, sed maxime Ministris Altaris, & Christi, quorum vita aliorum debet esse eruditio. Imo quamcumque etiam vel levem a se impudiciæ suspensionem arceant, memores, neminem umquam Apostolis, teste Chrysostomo (3), aut fornicationis, aut impudiciæ crimen objecisse. Propterea diligenter, ac sæpe legant, attenteque non meditentur solum, sed etiam exequantur, quæ in secunda harum Constitutionum parte cap. 6. de vita, & honestate Clericorum, & cap. 3., 4., & 5. de virtute

(1) Cap. unico. de voto, & voti redemptione in 6.

(2) S. Aug. serm. 247. de temp.

(3) S. Joan. Chrysostom. homil. 10. in 1. Timoth.

tute Temperantiæ, ac de affectuum interiorum, externorumque sensuum custodia differuimus.

V. Quod autem ad reliqua duo onera spectat [recitandi videlicet quotidie Horas Canonicas, & numquam non incedendi in habitu, & Tonfura] quæ suscipientibus Sacros Ordines imponuntur, de iis satis diximus in prima harum Constitutionum parte *cap. 9. art. 4.*, & in secunda parte *cap. 6. art. 5.* Solum itaque Clericis omnibus, qui jam sunt in Sacris Ordinibus constituti, aut in posterum constituentur, considerandas, servandasque proponimus regulas quasdam, quas ad religiosam habendam Horarum Canonicarum recitationem Concilium II. Trevirense(1) præscripsit. Omnes itaque, qui Horis Canonicis persolvendis deputati sunt, dent operam, ut collectis animis, quoad fieri potest, debitum pensum absolvant, ne dum voce psallunt, quidvis potius, quam Deum, animo cogitare videantur, semper caventes, ne propheticum illud audiant: *Labiis quidem me honorant, cor autem eorum longe est a me.* Quid autem est voce quidem psallere, mente autem domum, aut forum circumire, nisi homines fallere, & Deum irridere? Grave admodum est, quod Scriptura dicit: *Maledictus, qui facit opus Dei negligenter.* Caveant igitur, qui extra Chorum privatim Horas legunt, ne somnolente, aut truncatis verbis, aut intra fauces compresso spiritu preces demurmurare, vel, ut Ethnicus quidem ait, rabiola silentia rodere videantur, sed articulate, distincte, diserte, & cum attentione integre omnia pronuncient. Curent, ne deambulando Horas dicant, sed in locum aliquem orationi aptum tantisper secedant, ne mentis evagatio, quæ ex tumultuaria deambulatione nasci solet, fructum orationis interceptat. Neque vero quemquam pigeat, curam omnem adhibere, ut immolans Deo Hostiam laudis, sensum jungat verbis, uti monet S. Bernardus (2), *affectum sensui, exultationem affectui, gravitatem exultationi.* Spiritus (3) enim est

K k k k k 2

Deus,

(1) Conc. Trevir. II. ann. 1549. cap. 6.
de Horis Canonicis.

(2) S. Bernardus.

(3) Joa. cap. 4. v. 24.

812 CONSTITUTIONES SYNODALES

Deus, & eos, qui adorant eum, in spiritu, & veritate oportet adorare. Et sane si quis Principem sæculi rogaturus, habitu honesto, gestu decenti, prolatione non præcipiti, sed distincta, attenta quoque mente, seipsum, ac verba studet componere; quanto diligentius Omnipotentem oraturus Deum, hæc omnino facere debet!

ARTICULUS IX.

Elenchus requisitorum, quæ ad singulos Ordines in Tusculana Diœcesi suscipiendos exhibenda ab Ordinandis erunt.

Pro prima Tonsura.

UT videamus, & probeamus, quo quis spiritu ductus ad petendos Ordines rapiatur; antequam prima initietur Tonsura; saltem per sex menses Clericalem gestet habitum, & in Parœciali Ecclesia divinis intersit Officiis. Si, qua par est, assiduitate, ac pietate primum hoc Ecclesiasticæ Militiæ Tiocium obierit, tum Tonsura donabitur, dummodo cœlestis vocationis non levia exhibeat documenta, & exploratum sit attonderi se velle eo animo, ut ad Sacros Ordines aliquando promotus, Deo, & Altari perpetuam impendat servitutem. Qui autem Ecclesiasticæ Militiæ per Tonsuram nomen dare desiderat, de his authentica proferat testimonia,

1. *De Legitimis Natalibus, Baptismo, Confirmatione, & etate, quæ septennio sit major.*
2. *De vita, & moribus, frequentatione Doctrinæ Christianæ, frequentis Sacramentorum usu, de nullo corporis, animi, aut famæ defectu a Parocho, aut de disciplina exactissime servata a Seminario Rectore, si in Seminario degat.*
3. *De profectu in litteris, & modestia in Scholis a Iudi Magistro.*
4. *De domicilio in Nostri Diœcesi legitime contracto, aut de beneficio ibi obtento.*

5. De

5. *De Spe, quam præbet, se in Clericalis Ordinis disciplina permanfurum, & non ad effugiendum iudicium ſeculare, ſed ut Deo ſedulem cultum præſtet, hoc vite genus elegiſſe. Hoc teſtimonium Parochus det, aut alius, qui fide dignus ſit, Sacerdos.*

6. *Tandem atteſtationem exhibeat datam a Foro Criminali locorum, ubi habitat, ex qua conſtet, illum numquam fuiſſe inquiſitum, neque, ut ajunt, proceſſatum, neque ullo crimine condemnatum.*

Pro Minoribus Ordinibus.

II. Minores Ordines iis non conferemus, quos vel ad Sæcularia vota redire, vel in inferioribus gradibus ſeneſcere velle, gravis aliqua ſit conjectura. Qui promoveri ad Minores Ordines amant, ſpem ſatis certam faciant futurum, ut ad ſuperiores quandoque ſint progreſſuri, & per aliquod temporis ſpatium non obſcuris probent indiçiis, ſe vere exiſſe veterem hominem cum actibus ſuis, & novum induiſſe, qui ſecundum Deum creatus eſt. Qui igitur ad aliquem Minorem Ordinem aſſumendi erunt, Teſtimoniales litteras exhibeant,

1. *De Tonſura, vel Minore Ordine ſuſcepto.*
2. *De vita, & moribus, aliisque, ut ſupra.*
3. *De Clericali habitu numquam dimiſſo, & Tonſura ad Tridentini Concilii, & Synodaliū Noſtrarum Conſtitutionum præſcriptum.*
4. *De ſervitio Eccleſiæ, & exercitio ſuſcepti Ordinis a Parocho, vel a Præſecto Chori.*
5. *De Cantu Gregoriano a Magiſtro cantus.*
6. *De proſectu in Litteris, & modeſtia in Scholis a Ludi Magiſtro.*
7. *De frequentia, qua Leſſioni Sæcæ Scripturæ interfuit.*

Pro Majoribus, & Sacris Ordinibus.

III. Ubi quis per ſtata temporum intervalla in Minoribus Ordinibus ſubſtiterit, piaque aſſiduitate acceptum miniſterium impleverit; ſi ad Sacros Ordines aſcendere, ſerique Subdiac-

nus

814 CONSTITUTIONES SYNODALES

nus cupit; Nos duos ante Ordinationem menses adeat, ut Ecclesiarum Rectoribus facultatem faciamus denunciandi de more inter Missarum solemnias in Parœciali Ecclesia ejus nomen, ac desiderium. Parochus præterea eos, quos magis fide dignos noverit, de illius vita, moribus, natalibusque interroget, & si quis defectus, aut Canonicum impedimentum eidem innotuerit, quam citissime Nos secreto moneat, ut ii tantum, qui maxime digni fuerint, ad sacros Ordines assumantur. Promovendus igitur ad Ordinem Subdiaconatus hæc deferat documenta,

1. *De ætate legitima annorum 22. inceptorum.*
2. *De Titulo sufficienti, seu patrimonii, seu beneficii ad normam harum Nostrarum Constitutionum legitime probato.*
3. *De denunciationibus factis tum Ordinandi, tum tituli.*
4. *De Ordine proxime suscepto, & exercitio ejusdem Ordinis.*
5. *De interstitiis servatis, aut causa super iisdem dispensandi.*
6. *De Exercitiis Spiritualibus per decem dies in Domo Missionis de Urbe laudabiliter peractis.*
7. *De frequentia, qua Congregationi casuum conscientie, & Lectioni Sacre Scripturæ interfuit.*
8. *De Cantu Gregoriano, de profectu in Litteris, de vita, & moribus, aliisque, ut supra, ad Minorum Ordinum suspensionem requisitis.*
9. *De Studio Philosophiæ absoluto, aut de inchoato Theologiæ studio.*
Qui inaugurandus est Diaconus, præter ea, quæ Subdiaconis præscripta sunt, doceat,
 1. *De ætate annorum 23. saltem inceptorum.*
 2. *De Subdiaconatus Ordine proxime suscepto, ac de ejusdem Ordinis exercitio.*
 3. *De frequentiore Sacramentorum usu, & perceptione Sacre Eucharistiæ per manus Sacerdotis solemniter celebrantis, ubi ministravit Altari.*
 4. *De servatis interstitiis, aut causa super iisdem dispensandi.*
 5. *De studio Theologiæ.*

Deinum

Demum ad Presbyteratus Ordinem promovendus, præter ea documenta, quæ a Diacono, & Subdiacono exhibenda sunt, testimonium habeat,

1. *De ætate legitima 25. annorum inceptorum.*

2. *De servitio præstato Ecclesiæ in Ordine Diaconatus.*

Documenta hæc Ordinandi in Nostra Cancellaria proferant, antequam coram Nobis, aut Vicario Nostro Generali examini super doctrina subiiciantur: secus repellentur ab examine.

IV. Cum autem ab Apostolo (1) moneamur, ut nemini cito manum imponamus, ne alienis communicemus peccatis; Ut tam districti iudicii fugiamus ultionem; oves Nostras summo studio cognoscere curabimus. Verum quia multa quandoque Pastoris oculos fugere possunt; idcirco in partem Nostræ sollicitudinis Parochos, aliosque vocamus, a quibus superius enunciata exigimus testimonia, eosque in visceribus Jesu Christi rogamus, & obtestamur, ut non patiantur abominationem (2) desolationis stare in loco sancto. Res omnium agitur, cum de Sacerdotis agitur Ordinatione: ea enim res agitur, quæ aut maximum damnum, aut maximam utilitatem est allatura, cum, teste S. Gregorio (3), causa ruinæ populi sint Sacerdotes mali. Quamobrem in hujusmodi dandis attestationibus nulli benignius indulgeant, neque, ut aliis blandiantur; acerbam veritati injuriam, & grave Ecclesiasticæ disciplinæ irrogent detrimentum. Præter publicas attestaciones, secreto Nos moneant, ac fidenter rem aperiant, iis quippe infractam secreti custodiam pollicemur. Cum vero in Dei Ministris, præter morum probitatem, scientia quoque, ac doctrina requiratur; Ne in Ecclesiam ignorantia irrepat, quæ in Sacerdotibus (4) nec excusatione, nec vcnia digna est; Examinatores Synodales, quos in hac Synodo ad necessariam examinis inquisitionem adscivimus, rogamus in Domino, ut in suo obeundo munere, non hominum gratiam, sed Dei gloriam

(1) 1. Ad Timoth. cap. 5.

(2) Matth. cap. 24.

(3) S. Gregorius lib. 17. Epist. 110.

(4) Can. Si in Leicis. dist. 38.

816 CONSTITUTIONES SYNODALES

xiam inspiciant; & quia eorum iudicio, & consiliis multum semper deferemus, subsidiariam Nobis præbeant opem, ut idoneos (1) habeamus Ministros novi Testamenti, qui sint (2) propter disciplinæ dona commendati.

CAP. XVI.

DE SACRAMENTO MATRIMONII.

Quamquam Conjugalis vitæ genus plerique Fidelium amplectantur; pauci tamen sunt, qui Matrimonii sanctitatem, oneraque eidem adnexa aut sciant, aut intelligant: Unde fit, ut hoc Sacramentum, quod cæteroqui fons est uberrimus gratiæ, cœlestiumque donorum, per summam injuriam pluribus sit calamitatum causa, æternæque perditionis origo. Pauci etiam sunt, qui sibi suadeant, peculiari opus esse Dei vocatione, ut quis Mulieri perpetuo connubii fœdere jungatur, cum Fideles *in Domino* (3) nubere ab Apostolo jubeantur. Quæ enim ratione *in Domino nubere* eos affirmabimus, qui, inconsulto, imo etiam invito quandoque Deo, ut concupiscentiis suis serviant, suamque expleant libidinem, Matrimonio se alligant, cujus tamen ferendis oneribus sese impares intelligerent, si parumper vires suas, atque animi, corporisque vitia, quibus laborant, considerarent? Ne igitur more gentium, quæ Deum ignorant, animali cupiditate in hac Nostra Dicecesi ineantur conjugia, *sed honorabile* (4) sit connubium in omnibus, *Et thorus immaculatus*; Præstat hic paucis ea colligere, quæ scienda, faciendaque sunt cum ab iis, qui nuptias ineunt, tum a Parochis, quos Tridentina Synodus ita nuptiis, dum contrahuntur, interesse jussit, ut, si absint, irritum sit, quod contrahitur, Matrimonium.

(1) 2. Ad Cor. cap. 3.

(2) Sapientiæ cap. 7.

(3) 1. Ad Cor. cap. 7. v. 39.

(4) Ad Hebr. cap. 13. v. 4.

ARTICULUS I.

Quid, & quotuplex sit Matrimonium, & quanam ejus bona?

Matrimonium in statu innocentiae ad humani generis propagationem, post Adæ vero peccatum in remedium etiam concupiscentiae ab Auctore naturæ institutum, toto naturalis, ac Mosaicæ Legis tempore, nonnisi naturalis, atque civilis contractus fuit, quo vir, & fœmina ad individuum vitæ societatem insolubili quodam nexu copulabantur. At, ubi venit plenitudo temporis, ac in Mundum misit Deus Filium suum Unigenitum, ut nos a servitute peccati, atque ab æterna morte liberaret; ab omnium Sacramentorum Auctore Jesu Christo Domino nostro ad animarum salutem, humanæque infirmitatis subsidium Sacramenti virtute donatum est. *Matrimonium*, inquit S. Thomas (1), *institutum fuit in officium Naturæ in statu innocentiae: deinde illi in statu naturæ corruptæ additum fuit, ut esset in remedium: & tandem in Lege nova a Christo institutum fuit in Sacramentum*. At Sacramentum hoc, Apostolo teste (2), *magnum est in Christo, & Ecclesia*. Sancta enim, atque indissolubili viri, uxorisque societate vinculum summæ illius, atque æternum duraturæ necessitudinis, qua Christus cum Ecclesia conjungitur, ejusque erga nos immensæ charitatis mysterium significatur.

II. Matrimonium aliud est legitimum, aliud ratum, aliud consummatum. Legitimum est, quod juxta leges inter personas ad contrahendum habiles, neque a jure impeditas, consensu inquit reciproco, cujusmodi conjugium est, quod ab Infidelibus celebratur. Ratum est, quod non modo legitime fit, sed rationem præterea habet Sacramenti, cujusmodi illud est, quod inter se Fideles rite, valideque contrahunt. Consummatum denique est, quod rite jam contractum, accedente conjugum concubitu, complectur quodammodo, & consummatur, fununamque

LIII

nexus

(1) S. Th. in 4. dist. 26. qu. 2. art. 2., & 3. (2) Ad Ephes. cap. 5. v. 32.

818 CONSTITUTIONES SYNODALES

nexus firmitatem, ac stabilitatem acquirit. Diverſa autem eſt in tribus hiſce Matrimoniiſ vinculi, nexusque firmitas. Nam, etſi legitimum Infidelium Matrimonium fuerit conſummatum, dirimi tamen ejus vinculum adhuc poteſt in favorem Chriſtianæ Religionis, ac Fidei. *Si enim alter Infidelium Conjugum*, uti ſtatuit Innocentius III. (1), *ad fidem Catholicam convertatur*, altero vel non ſine blaſphemia divini nominis, vel ut eum pertrahat in peccatum, ei cohabitare volente, qui relinquitur, ad ſecunda, ſi voluerit, vota tranſibit. Et in hoc caſu intelligimus, quod ait Apoſtolus (2): *Si infidelis diſcedit, diſcedat: non enim ſervituti ſubjeſtus eſt frater, aut ſoror in huiusmodi*. Firmior quidem eſt Matrimonii rati nexus: non tamen ejus tanta eſt firmitas, ut per Religioſam Profeſſionem, aut legitimam Romani Pontificis diſpenſationem non diſſolvatur. Siquis dixerit, ita Tridentina Synodus (3) definivit, *Matrimonium ratum non conſummatum per ſolemne Religionis Profeſſionem alterius Conjugum non dirimi, anathema ſit*. De matrimonii vero rati diſſolutione per Pontificiam diſpenſationem conſtans plurium ſæculorum praxis abunde teſtatur. At firmiſſimum eſt conſummati Fidelium Matrimonii vinculum, itaut neque ob adulterium (4), aut hæreſim, aut moleſtam cohabitationem, affectatam abſentiam, neque ullam aliam ob cauſam, ſed per alterius dumtaxat conjugis mortem diſſolvi poſſit. *Quod Deus conjunxit*, inquit Chriſtus Dominus (5), *homo non ſeparet*. Iſ, qui Matrimonio juncti ſunt, ad Corinthios (6) ſcribit Apoſtolus, *præcipio non ego, ſed Dominus, uxorem a viro non diſcedere: quod ſi diſceſſerit, manere innuptam, aut viro ſuo reconciliari . . . Mulier alligata eſt legi, quanto tempore vir ejus vivit: quod ſi dormierit vir ejus, liberata eſt: cui vult, nubat, tantum in Domino*. Hujus autem firmitatis diſcrimen, quod ratum inter, & conſummatum Fidelium Matrimonium intercedit, licet utrumque ſit Sacramentum, ex diverſa rerum ſigni-

(1) Cap. Quanto. de divortiis.

(2) 1. Ad Cor. cap. 7.

(3) Trid. ſeſſ. 24. can. 6. de Matrim.

(4) Trid. ſeſſ. 14. de Matrim. can. 6., & 7.

(5) Matth. cap. 19.

(6) 1. Ad Cor. cap. 7.

gnificatione, quam utrique Christus adnexuit, repetendum est. Matrimonium enim ratum Dei per gratiam cum anima iusti conjunctionem significat, quæ sane per lethale crimen dirimitur. At Matrimonium consummatum miram Christi cum Ecclesia, & Verbi Divini cum humana natura unionem repræsentat, quarum utraque perpetua est, ac omnino insolubilis. De priore enim Christus inquit (1): *Ecce ego vobiscum sum omnibus diebus usque ad consummationem sæculi*: de posteriore vero verissimum est illud proloquium (2): *Verbum Divinum, quod semel assumpsit, numquam dimisit*.

III. *Bonum, quod habent Nuptiæ*, inquit S. Augustinus (3), *tripartitum est; Fides, Proles, Sacramentum. In fide attenditur, ne præter vinculum conjugale, cum altera, vel altero concubatur; In prole, ut amanter suscipiatur, benigne nutriatur, religiose educetur; in Sacramento, ut conjugium non separetur, ut dimissus, aut dimissa ne causa quidem prolis alteri jungatur. Ad hæc autem tria Matrimonii bona feliciter assequenda, non inodo sanctificantem, verum etiam Sacramentalem, quam vocant, gratiam Fidelibus castum conjugium rite, recteque incuntibus largitur Deus. Gratiam vero, inquit Tridentina Synodus (4), quæ naturalem illum amorem perficeret, & indissolubilem unitatem confirmaret, conjugisque sanctificaret, ipse Christus venerabilium Sacramentorum Institutor, atque perfectior, sua nobis passione promeruit. Hujus igitur Sacramenti gratia efficit (5), ut vir, & uxor mutux charitatis vinculo conjuncti, alter in alterius benevolentia conquirent, alienosque, & illicitos amores, & concubitus non querant, sed in omnibus sit honorabile connubium, & thorus immaculatus. Triplici, quod recensuimus, Matrimonii bono quartum etiam accedit, quod nempe conjugium sit concupiscentiæ remedium*

L l l l l 2 juxta

(1) Matth. cap. 28.

(2) Cap. *Debitum*. de bigamis.

(3) S. Augustinus lib. 9. de Genesi cap. 7.

(4) Trid. sess. 24. doctrina de Sacram. matrim.

(5) Catechism. Rom. par. 2. de matrim. num. 21.

juxta illud Apostoli (1) : *Propter fornicationem* (idest vitandam) *unusquisque suam uxorem habeat, & unaquæque suum virum habeat : Melius est enim nubere, quam uri.*

IV. Ex iis, quæ hæcenus diximus, facile intelligitur, quanta animi puritate, quantaque reverentia ad magnum hoc Sacramentum suscipiendum accedere Fideles oporteat, ne pecudum more proruere potius ad concubitum, quam inire connubium videantur. Parochi idcirco sedulo curent, ut Fideles Matrimonio jungendi edoceantur, quanta sit ejusmodi Sacramenti dignitas, atque præstantia, & quot, quantaque sint ex eodem, si rite, recteque suscipiatur, derivanda in eos bona, ut ita non humanam aliquam rem, sed divinam se aggredi existiment, in qua proinde singularem omnino mentis integritatem, & pietatem a se adhibendam esse intelligant. Frequenter iisdem ea monita paterna charitate insinuent, quæ Angelus Raphael juniori Tobix dedit, cum de Matrimonio ab eodem cum Sara ineundo loqueretur. (2) *Audi me, & ostendam tibi, qui sunt, quibus prævalere potest Demonium. Hi namque, qui conjugium ita suscipiunt, ut Deum a se, & a sua mente excludant, & suæ libidini ita vacent, sicut equus, & mulus, quibus non est intellectus, habet potestatem Demonium super eos Accipies virginem cum timore Domini, amore filiorum magis, quam libidine ductus, ut in semine Abræ benedictionem in filiis consequaris.* Ne quis etiam inconsulto, ac temere [quod non raro uluvenire solet] conjugalis vitæ genus amplectatur; iterum, iterumque Fideles moneantur a Parochis, ut, antequam ea de re deliberent, divinam diligentissime voluntatem explorent; quam sane exploratam habebunt, si assiduas ad Deum fundent preces, si sæpe Pœnitentiæ, atque Eucharistiæ munientur Sacramentis, si seipsos diligenter excutient, ut videant, an iis instructi sint dotibus, quæ ad familiam recte gubernandam, sancteque educandos liberos necessario requiruntur, si deinnum a prudente, doctoque conscientiæ Moderatore, cui intimos animi

(1) 1. Ad Cor. cap. 7. v. 2., & p. (2) Tobix cap. 6. v. 16.

animi sui recessus aperuerint, opportunum exposcent consilium.

V. Neque vero necessarium minus est infimis Deum precibus obtestari, ne quis in deligenda, cui nubat, muliere decipiat. Cum enim, uti Sacræ Nos docent Litteræ (1), *domus, & divitiæ dentur a parentibus, a Domino autem proprie uxor prudens*; quis non videt, quanto animi fervore in hoc habendo delectu rogandus sit Deus, ut mulier bona poscenti obtingat, quantaque præterea adhibenda sit cura, ut juxta Evangelicæ Legis, rectæque rationis præcepta hujusmodi delectus fiat? Prudentiæ quidem virtus postulat, ut qui nubere vult, Sponsam exquirat ingenio, indole, conditione, ætate, cæterisque rebus aliis sibi, quoad fieri possit, parem. At qui felicem amat in Matrimonio vitam ducere, reliquis animi, corporisque dotibus timorem Domini anteferat, cui Deus pacem, ubertatem, mutuamque fiduciam, ac benevolentiam adnexuit, cum scriptum sit (2): *In timore Domini fiducia fortitudinis, & filius ejus eris spes. Timor Domini fons vitæ, ut declinent a ruina mortis.*

VI. Tandem ne quid in contrahendis Nuptiis Christianæ pietati desit, Filii familias in seligenda Conjuge parentes suos consulant, eorumque voluntati, si æqua sit, ac justa, obsequantur. Tametsi enim jure damnandi sint (3) illi (ut eos Sancta Tridentina Synodus anathemate damnat) qui falso affirmant, Matrimonia a filiis familias sine parentum consensu contracta irrita esse, & parentes ea rata, vel irrita facere posse; Nihilominus Sancta Dei Ecclesia ex justissimis causis ejusmodi Matrimonia semper detestata est, atque prohibuit. Et sane nunquam filii derogare magis videntur obedientiæ, quam divino, ac naturali jure parentibus debent, quam si, ipsis inconsultis, eas nuptias contrahant, aut contrahere curent, quæ parentibus jure, meritoque displiceant. Parentes vero serio cogitent, malos semper exitus habuisse invita, & exosa connubia, adeoque diligentissime caveant,

(1) Prov. cap. 19. v. 14.

(3) Trid. sess. 24. cap. 1. de matrim.

(2) Prov. cap. 14. v. 26. & 27.

veant, ne filios tam duro imperio habeant, ut vel invitos ad Matrimonii jugum cogant, vel iis jungant, a quibus ipsi maxime aliëno sunt animo, cum Matrimonium omni ex parte liberum esse oportere, omnia Jura clament. Imo cum maxime nefarium sit Matrimonii libertatem violare, populo Parochi edicant, ex Tridentini Concilii decreto (1) majoris excommunicationis vinculo ipso facto innodari temporales Dominos, ac Magistratus, qui quovis modo directe, vel indirecte subditos suos, aut quoscunque alios cogunt, quo minus libere Matrimonia contrahant.

VIII. Nos, ut pro Nostri Pastoralis Officii debito omnimodæ Matrimoniorum libertati consulamus, Parochis sub interminatione divini judicii, poenisque arbitrio. Nostro infligendis districte præcipimus, ut, antequam Matrimoniales denunciationes in Ecclesia fieri incipiant (2), utriusque, vel alterutrius Sponsi, qui in sua Parœcia degit, voluntatem, liberumque consensum explorent; & si expresse, vel uterque, vel alteruter renuat, ulterius non progrediantur: ubi vero probabilis aliqua seu suspicio, seu conjectura de minus libera alterutrius voluntate suboritur, Nos consulant. Quod si a filiis familias nuptiæ sint celebrandæ; antequam publicæ denunciationes fiant, parentum voluntatem, animumque exquirant, & si illos talibus nuptiis repugnare intelligant, tunc neque ad denunciationes, neque ad Matrimonium procedant; sed ad Nos rein totam deferant, ut opportunis adhibitis remediis, cuicumque, si fieri possit, occurramus malo, ac libertati Matrimonii, filiorum familias utilitati, ac reverentiæ parentibus debitæ consulamus.

(1) Trid. sess. 24. cap. 9. de reform. matrim.

(2) Ritual. Rom. tit. de Sacram. matrim. §. *Hæc autem*. S. Carolus in In-

struct. matrim. tit. de Parochi diligentia; & in Concil. Prov. Mediol. III., IV., & V. tit. de iis, quæ ad matrim., Benedictus XIV. Instit. 46. num. 16.

ARTICULUS II.

De Sponsalibus de futuro.

CUM positum in more sit, ut Nuptias præeant Sponsalia de futuro, mutua videlicet, ac deliberata futurarum nuptiarum promissio; juvat hîc de Sponsalibus pauca statuere, ne in iis contrahendis forte peccet. *Ac sicut difficile sit (1), ut bono peragantur exitu, que malo sunt inchoata principio.* Quamquam Sponsalia (2) cum voce, tum scripto iniri possint; Consultius tamen est, tutiusque, ut in tabulis exarentur publicis, sive etiam, si quis velit, privatis, quæ tamen contrahentium subscriptione, aut, si scribere nesciant, crucis signo, tribusque testimoniis obsignatæ, publicis tabulis æquiparentur. Id autem suademus, non quod irrita sint, si voce dumtaxat peragantur, sed ut, si in controversiam veniant, melius, solidiusque comprobentur. Quando enim verba in tabulis descripta seriam, mutuamque utriusque contrahentis exprimunt promissionem; non facile in judicio creditur, promittendi, servandive promissi animus abfuisse. Sponsalia, ut valeant, & in utroque obligent foro, debent esse mutua promissio, quæ vera sit, non coacta, aut per vim, ac metum extorta; deliberata, non præcept; exterius manifestata, non mere interna; facta demum a personis legitimis, quæ ad contrahendum suo tempore Matrimonium, quod pollicentur, nullo Canonico impedimento detineantur. Hæc populum Parochus diligenter edoceat, ac procaces potissimum adolescentes absterreat, ne incautas, simplicesque puellas ficta Matrimonii promissione decipiant. Scire illos jubeat, grave ab ipsis crimen in ejusmodi deceptione patrari, ac præterea resarciendum (3) ab iisdem esse detrimentum omne, quod ex eorum dolo puella decepta patiatur. Illud etiam ipfos moneat, ne sponsalia sine

(1) Can. *Principatus*. caus. 1. qu. 3.(2) Cap. *Si culpa*. 9. de injuriis, &

(3) Benedictus XIV. Instit. 46. n. 15. damno dato.

314 CONSTITUTIONES SYNODALES

sine Parentum consensu, multoque magis iis invitis, ac reluctantibus incant: non enim tunc culpa vacant, & si iusta fuerit Parentum dissensio, & constans voluntas, dirimenda prorsus erunt, etiamsi in iis contrahendis iurijurandi intercesserit religio: non enim iuramentum esse debet vinculum iniquitatis.

II. Si infantes invicem, vel unus major septennio, & alter minor (ita statuit Bonifacius VIII. (1)) Sponsalia contraxerint ipsi, vel parentes pro eis; nisi per cohabitationem eorum mutuam, seu alias verbo, vel facto ipsorum liquido appareat, eosdem in eadem voluntate factos majores septennio perdurare; Sponsalia huiusmodi, quæ nulla ab initio erant, per lapsum dicti temporis minime convalescunt: Et ideo cum nulla sint ratione defectus consensus, publicæ honestatis iustitiam non inducunt Porro ex Sponsalibus, quæ parentes pro filiis puberibus, vel impuberibus plerumque contrahunt, ipsi filii, si expresse consenserint, vel tacite, ut si præsentés fuerint, nec contradixerint, obligantur, Et ex eis oritur iustitia publicæ honestatis. Et idem est, si filii tempore Sponsaliorum absentes, Et etiam ignorantes, eadem Sponsalia, post scientiam, ratificaverint tacite, vel expresse: alias ex Sponsalibus contractis a parentibus pro filiis, nec ipsi filii obligantur, nec publicæ honestatis iustitia inde consurgit.

III. Ætas itaque ad Sponsalium validitatem communiter requisita, est completum septennium: ea enim ætate rationis usu pollere pueri communiter solent, At si cui rationis usus citius adveniat (2), & malitia, seu potius prudentia suppleat ætatem; [de qua tamen re Nostrium dumtaxat erit iudicare] tunc etiam ante completum septennium inita valebunt Sponsalia. Impuberes autem quicumque (3), nonnisi post pubertatem adeptam resilire a contractis Sponsalibus valide, ac licite possunt, ita tamen, ut qui primo pubescit, resilire statim pro libito valeat, nec alterum, donec pubescat, expectare teneatur. At si pubes (4) cum im-

(1) Cap. Si infantes. de desponsat. impuber. in 6.

(2) Cap. Puberes, cap. De illis, cap. A nobis, & c. Tua. de desponsat. impuber.

(3) Cit. cap. De illis, & cap. A nobis.

(4) Cit. cap. De illis. §. Cum Mulier.

& arg. L. Non eo minus. ff. De Procuratoribus.

pubere contraxerit; non ille, sed iste dumtaxat, cum ad pubertatem devenerit, Sponsalia rescindere pro arbitrio poterit. Hanc autem rescissionem impuberes pubertatem adepti exequi, ac declarare statim debent, idest intra triduum, ex quo pubertatem attigerint: In Jure enim (1) fieri in continenti aliquid dicitur, si intra triduum fiat. Ni fecerint, tacite rata eos habuisse Sponsalia præsumetur, si præsertim aut Sponsi nomen adhuc patiantur, aut familiariter cum Sponsa versari, seu munera eidem dare, aut ab ea recipere pergant.

IV. *Cum ex Nuptiarum promissione, ut ait Angelicus Doctor (2), obligetur unus alii ad Matrimonium contrahendum, & peccet mortaliter non solvens promissum, nisi legitimum interveniat impedimentum; Inde fit, ut, quamquam puberum Sponsalia mutuo eorumdem consensu dissolvi possint; neutri tamen, altero reluctante, liceat alia inire Sponsalia, nisi canonica intercedat causa, non quidem ab ipsis, [nequeunt enim Judicis simul, partisque munus agere] sed a Nobis ad Sacrorum Canonum normam dijudicanda. Qui secus fecerit, gravis reus erit culpæ, infamix (3) notam incurret, invalide nova inibit Sponsalia, & a Nobis propter violatam alteri fidem Nostro punietur arbitrio. Quamobrem Populo Parochus edicet, secundum Canonicas Leges illos, qui de Matrimonio contrahendo (4) pure, & sine omni conditione fidem dederunt, [si fidem servare renuant] commonendos a Nobis esse, & modis omnibus inducendos, ut præstitam fidem observent, & si Nostri monitis non acquieverint, Ecclesiasticis Censuris esse compellendos.*

V. Uluvenit aliquando, ut post Sponsalia legitime contracta, sive vir, sive mulier alio abeat, nullumque inter ipsos sive literarum, sive nunciorum commercium habeatur. In his circum-

M m m m

stan-

(1) L. *Sententiis*. cod. de error. Advocatorum, & L. *Cum specialis*. cod. de iudiciis.

(2) S. Th. 4. sentent. dist. 27. qu. 2. art. 1. ad 2.

(3) L. 1. ff. *De his*. qui notantur infamia, Thesaurus de poenis Eccl. par. 2. cap. 1. v. *Sponsalia*.

(4) Cap. *Præterea*, & cap. *Ex Litteris*. de sponsalibus.

§ 26 CONSTITUTIONES SYNODALES

stantiis Jus Civile (1) biennium expectari jubet ; secus vero Jus Pontificium : *De illis autem* (sic decernit Alexander III. (2)) *qui præfæto juramento promittunt , se aliquas mulieres ducturos , & postea , eis incognitis , dimittunt terram , se ad alias partes transferentes , hoc tibi volumus innotescere , quod liberum erit mulieribus ipsis (si non est amplius in factò processum) ad alia vota se transferre .* Quare juxta Canonicas Leges ad Episcopum confugiendum est (3) , & ab eo tempus absenti præfigendum , intra quod nisi redierit , facultas alteri Sponso fiat , ut quamlibet vitæ rationem amplecti , aliaque , si velit , Sponsalia inire possit . Siquis igitur in Nostra Diœcesi ejusmodi casus eveniat , rem ad Nos deferri jubemus , ut absenti certum tempus præscribamus , intra quod nisi redierit , decreto Nostro alter ab omni exemptus vinculo declaretur .

VI. Solent in Tusculana Nostra Diœcesi Sponsalia firmari quodammodo , ac stabilitate donari per anulum , quem Sponsus Sponsæ , tamquam suæ fidei arrham , præbet . At non aliud exinde jus Sponsus acquirit , nisi ad Matrimonium cum Sponsa contrahendum , vel intra certum tempus in contractu Sponsalitiæ præfixum [nisi forte ab eo tunc contrahendo justa excuset causa] vel si nullum præfixum sit tempus , quam primum commode fieri poterit , si ab altera parte exigatur . Quare Parochi , & Confessarii sedulo curent , ut ille , quem irrepsisse accepimus , eliminetur abusus , quo videlicet Sponsus puellam , cui se nupturum promisit , non modo suam vocitare , verum etiam non secus ac jam sua sit conjux , modo ex iracundia illam contumeliis , injuriisque , & quandoque verberibus male multare , modo [quod est longe detestabilius] ex infano quodam amoris æstu liberius cum eadem , & confidentius , quam par est , versari solet . Adversus impudentissimam hanc licentiam acerrime Parochi invehantur , Populoque edicant , nonnisi male auspicata ea esse posse Connubia ,

(1) L. 2. cod. de Sponsalibus , & L. 17. ff. cod. tit.

(2) Cap. *De illis* . de Sponsalibus .

(3) Benedictus XIV. Instit. 46. n. 5.

bia, quibus peccato præluditur. Sponfos præterea (1), eorumque parentes, & consanguineos serio moneant, ne unquam ipsa urbanitatis officia Sponsum, & Sponsam, semotis arbitris, sibi mutuo præstare patiantur. Cum autem Episcopi cura sit, ut inquit S. Carolus Borromæus (2), *pænis, & Censuris, quas arbitrata suo constituerit, sancire, ne Sponsi, priusquam Matrimonium in Ecclesia per verba de præsentī ex ritu celebraverint, non modo non simul habitent, sed ne ullo quidem modo mutua consuetudine, commerciove utantur*; Nos secreta Sponsorum colloquia, nocturnas, aut etiam diurnas ipsas, si frequentes sint, visitationes, multoque magis eorum cohabitationem sub pœna pecuniaria, carceris, aliisque gravibus pœnis pro modo culpæ tum adversus Sponfos, tum adversus eorum Parentes, arbitrio Nostro infligendis dillicite prohibemus. Parochorum autem conscientiam hac in re graviter onerantes, iisdem præcipimus, ut siquos in sua Parœcia noverint Nostræ hujus legis violatores, Nobis, aut Vicario Nostro Generali denuncient: secus in ipsos quoque severe, ac suspensione a divinis, si opus sit, animadvertemus. Tandem si eo temeritatis, atque impudentiæ Sponsi devenerint, ut ante nuptiarum celebrationem rem simul habeant, non modo criminis absolutiōnem Nobis reservamus, verum etiam reos gravibus corporalibus pœnis puniēmus; neque indulgentiores erimus erga parentes, consanguineos, affines, & alios quoscunque, quibus Sponsarum custodia commissā fuerit, si Sponsi in Domo Sponsæ frequentiam, ex qua secuta fuerit copula, connivendo permiserint.

VII. Alicubi olim Sponsalia de futuro his verbis (3) contrahantur: *Ego te in uxorem accipio, ego te in maritum accipio coram Deo, Beata Virgine, aliisque Sanctis*. Huic contractui neque Parochus, neque Testes aderant; aut si Testes adhiberentur; aberat certe Parochus. Contractus iste, si bene res perpendatur,

M m m m m 2 tur,

(1) Benedictus XIV. Infit. 46. n. 21., Synodus Tusculana anni 1703. cap. 6., Sublacensis anni 1674. cap. 14. num. 10.

(2) In Actis Eccles. Mediolan. to. 1. pag. 257. cap. 1. qu. 10.

(3) Benedictus XIV. Infit. 46. n. 22.

tur, neque Matrimonium erat, neque Sponsalia. Non primum, quia post Tridentinam Synodum non nisi coram Parocho, ac duobus simul testibus Matrimonium valide celebratur. Non secundum, quia Sponsalia per assensum non de presenti, sed de futuro constituuntur: *sunt enim mutua futurarum nuptiarum promisso*, uti Nicolaus I. (1) affirmat. Quid ergo erat? Dictitabant aliqui, esse invalidum quidem Matrimonium, sed quod in Sponsalia de futuro resolveretur. At immerito, nam Matrimonia, quæ sine Parocho inita a Tridentina Synodo irritantur, in Sponsalia non transeunt, uti constanter Sacra Congregatio (2) Concilii declaravit, & Theologi, Sacrorumque Canonum Interpretes unanimi consensu docuerunt. Cum itaque ex una parte conventiones hujusmodi nullam obligationem inducant; ex alia vero seduci per eas puellæ facillime possint; Illas proinde sub gravibus arbitrio Nostro infligendis pœnis prohibemus, ac volumus, ut secundum Canonicas Sanctiones Sponsalia per verba *de futuro*, Matrimonia vero per verba *de presenti* coram Parocho, ac duobus Testibus prolata ineanantur.

VIII. Illud Parocho injunctum est omnis, ut inquit Benedictus XIV., (3) ut, antequam denunciationes de ineundo Matrimonio inter Missarum solemnias fiant, ipse tum Sponsum, tum Sponsam seorsim, & ut dicitur; ad aurem explorare studeat, an sponte, ac libenter, veroque cum animi consensu in Matrimonium vicissim jungantur? an aliquod, & cujus generis impedimentum inter contrahentes intercedat? an aliis fidem, sponsonemque alter ex contrahentibus dederit? an filii, filiaque familias de consensu Parentum contrahant? an legitimæ sint ætatis, itaut vir saltem decimumquartum, mulier vero duodecimum annum expleverit? an eo anno Paschalis Communionis præcepto satisfecerint? an summa, & essentialia Doctrinæ Christi-

(1) Can. *Nostros*. caus. 30. qu. 7.

alibi apud Bened. XIV. Instit. 46. n. 23.

(2) Sac. Cong. Concil. in Messinen. ann. 1573, in Geracen. ann. 1569, &

(3) Benedictus XIV. Const. *Nimiam licentiam*. §. 12. edita 18. Maii 1743.

stianæ capita probe sciant, in quibus liberos, quos suscepturi erunt, erudire valeant? an Confirmationis Sacramentum utrique rite susceperit? &c. Hæc, aliaque huiusmodi postquam Parochi accuratissime exploraverint, siquid eorum sive deficere, sive Matrimonio contrahendo obstare posse deprehenderint, mandamus, ut nullæ ab iis denunciations fiant, sed rem totam ad Nos deferant, ut pro Nostri muneris debito consilium opportunum capiamus.

ARTICULUS III.

De trina publica denunciatione Matrimonio præmittenda.

Exploratis diligenter a Parocho Sponsis nubere volentibus, si nihil is denunciationibus faciendis obstare tuto animadverterit, petita prius, obtentaque a Nobis, aut a Vicario Nostro Generali licentia, tribus (1) continuis, interpolatis tamen, festis diebus inter Missarum solemnia, cum populus frequentior aderit, Matrimonium contrahendum clara voce proclamet, ut, si quod adsit inter contrahentes Canonicum impedimentum, a scientibus detegatur. Quod si aliquando probabilis fuerit suspicio (inquit Tridentina Synodus (2) Matrimonium malitiose impediri posse, si tot (nempe tres) præcesserint denunciations, tunc vel una tantum denunciatio fiat, vel saltem Parocho, Et duobus, vel tribus Testibus præsentibus, Matrimonium celebretur, ac deinde ante illius consummationem denunciations in Ecclesia fiant, ut, si aliqua subsunt indimenta, facilius detegantur, nisi Ordinarius ipse expedire judicaverit, ut prædictæ denunciations remittantur; quod illius prudentie, atque iudicio Sancta Synodus relinquit. Nos itaque hac Nobis a Tridentino tradita facultate non utemur, nisi ubi ineluctabilis exigit necessitas, ac nisi ex adhibitis diligentius, acceptisque certis notitiis nullum inter contrahentes intercedere impedimentum Nobis certo constiterit.

II. Si

(1) Trid. sess. 24. cap. 1. de reform. Matrim.

(2) Trid. loc. cit.

II. Si Sponsus, & Sponsa diversas Nostræ Diocæsis incolant Parœcias, in utraque trinz denunciationes fiant, ac neuter Parochus assistere nuptiis audeat, nisi habita alterius Parochi attestatione (quæ gratis omnino detur) de tribus proclamationibus in sua Parœcia rite factis, & quod nullum inde legitimum detectum fuerit impedimentum. Quod si alteruter contrahens alienæ sit Diocæsis; etiamsi non absimilem Parochi sui attestationem adducat; ea tamen non admittatur, nisi munita fuerit Episcopi proprii legalitate, & recognita a Nobis, seu a Vicario Nostro Generali fuerit, & approbata. Parochus numquam aut contrahendum Matrimonium denunciât, aut eidem assistat, nisi Sponsi, sive sibi noti sint, sive ignoti, sive Cives, sive exteri, in Nostra Ecclesiastica Curia certo, ac rite se ab omni Canonico impedimento liberos esse probaverint: Si secus fecerit, suspensione ab officio, aliisque gravibus pœnis arbitrio Nostro infligendis punietur. Eam ob causam nulla contrahendi matrimonii denuntiatio fiat, nisi expressa ad id a Nostra Curia in scriptis facta fuerit facultas. A Testium examine super libero cujuslibet statu Vicarii Foranei prorsus abstineant, nisi illud iustis de causis a Nobis in scriptis commissum iisdem fuerit: quo tamen in casu examen recipi mandamus juxta instructionem a Supremæ Inquisitionis Congregatione præscriptam die 22. Augusti 1670., & a Clemente X. confirmatam, cujus exemplar damus in Appendice num. 28. Ubi autem ejusmodi examen exceperint, ad Vicarium Nostrium Generalem transmitti illud jubemus, ut super libero contrahentium statu rectum pronunciari possit iudicium.

III. Si Sponsorum alteruter per sex continuos menses a Nostra Diocæsi absuerit; nedum illi nuptias inire non liceat, sed ne proclamationes quidem jubere (1), nisi prius per legitima documenta ab Episcopali Curia ejus loci, quem incoluit, sibi donata, liberi status conditionem Nobis certo, ac rite probaverit. Quoad exterorum Matrimonium servari exacte jubemus decreta

Sacrae

(1) Synod. Mediol. ann. 1710. de Sacram. Matrim. §. 2.

Sacræ Congregationis S. Officii, quorum exemplar exhibemus in Appendice num. 29. Quoad vagos vero servetur omnino hoc Tridentini (1) decretum: *Multi sunt, qui vagantur, & incertas habent sedes; & ut improbi sunt ingenii, prima uxore relicta, aliam, & plerumque plures, illa vivente, diversis in locis ducunt. Cui morbo cupiens Sancta Synodus occurrere, omnes, ad quos spectat, paternè monet, ne hoc genus hominum vagantium ad Matrimonium facile recipiant. Magistratus etiam Sæculares hortatur, ut eos severe coerceant. Parochis autem præcipit, ne illorum Matrimonium intersint, nisi prius diligentem inquisitionem fecerint, & re ad Ordinarium delata, ab eo licentiam id faciendi obtinuerint. Quod si alter Conjugum extra Nostram Diocesim decesserit (2), superstes vero secundas petat nuptias, proclamationes ne fiant, nisi prius Nobis, aut Vicario Nostro Generali prioris Conjugis obitus non per probabiles conjecturas, aut per diuturnam quamlibet absentiam, sed per legitimas probationes exploratus omnino fuerit, liquidoque perfectus: Si secus fiat, gravissimis inobedientes plectentur pœnis.*

IV. Si quod impedimentum, cum denunciationes fiunt, Parocho deferatur; quamquam vel falsum, vel dubium, vel inallitiosum eidem videri possit; is tamen a reliquis denunciationibus illico absteat, & rem totam Nobis, aut Vicario Nostro Generali significet, ut id consilii capiamus, quod in Domino expedire judicabimus. Ne vero inutiles sint ejusmodi Matrimoniorum denunciationes, Fideles curæ suæ concreditos Parochi moneant.

1. eos, qui impedimentum aliquod sciunt, sive certum illud sit, sive dubium, sive probari possit, sive nequeat, illudque sive Parocho, sive Nobis, sive Curiae Nostræ non revelant, præter excommunicationis pœnam, cui sunt obnoxii, grave crimen admittere (3), eorumque reos esse malorum, quæ ex damnato

con-

(1) Trid. sess. 24. cap. 7. de reform. Matrim.

(2) Cap. Dominus. de secundis nuptiis, cap. In presentia. de Sponsal. & Matrim.

(3) Cap. Super eo. de testibus; cap. Præterea. de Sponsalibus, & cap. Delectus. de elect.

832 CONSTITUTIONES SYNODALES

connubio nascuntur, & quibus facile occurrere poterant, Canonicum revelando impedimentum. 2. eos, qui scienter, ac dolo malo ad impediendum, vel protrahendum Matrimonium (1) aut Parocho, aut Curie Nostræ falsum impedimentum deferunt, gravi se crimine alligare, ad omnia refarcienda damna, quæ inde proximo inferunt, teneri, gravissimis tandem arbitrio Nostro poenis esse multandos. Denique volumus, ac mandamus, ut iidem Parochi aliquoties in anno Populo brevibus verbis Canonica explicent impedimenta, per quæ vel illicitum, vel invalidum redditur Matrimonium: Hanc ob causam de iisdem impedimentis pauca subnectimus.

ARTICULUS IV.

De Matrimonii impedimentis.

Impedimenta Matrimonii alia impediencia, alia dirimentia dicuntur. Priora illicitum tantum; posteriora & illicitum, & invalidum reddunt Matrimonium. Utraque ab Ecclesia constitui potuisse, ac sapienter fuisse constituta Tridentina Synodus his verbis definivit (2): *Si quis dixerit, Ecclesiam non potuisse constituere impedimenta Matrimonium dirimentia, vel in iis constituendis errasse, anathema sit.*

ARTICULUS V.

De impedimentis Matrimonii impediencia.

Matrimonii impedimenta, quæ mere impediencia dicuntur, olim quidem erant plura, nunc autem quatuor sunt, videlicet *Sacratum tempus*, *Vetitum*, *Sponsalia*, *Votum*. Singula paucis explicemus.

II. *Sacratum, seu Feriatum tempus* illud est, quo juxta præsen-

(1) Cap. *Cum inhibitis*. de clandestina desponsatione.
Matrim. can. 4.

(2) Trid. sess. 24. de

sentem Ecclesiæ disciplinam non quidem Matrimonium, sed ejus solemnitas Fidelibus ab Ecclesia prohibetur, videlicet Nuptiarum benedictio, solemnns Sponsæ in Sponsi domum traductio, solemniora convivia, ac tripudia, aliaque hujusmodi, quæ Matrimonii solemnitatem constituunt. *Ab adventu Domini Nostri Jesu Christi* (ita Tridentina Synodus (1) decrevit) *usque ad diem Epiphaniæ, & a Feria quarta Cinerum usque ad Octavam Paschæ inclusive antiquas solemnium nuptiarum prohibitiones diligenter ab omnibus observari Sancta Synodus præcipit: in aliis vero temporibus nuptias solemniter celebrari permittit, quas Episcopi, ut ea, qua decet, modestia, & honestate fiant, curabunt: Sancta enim res est Matrimonium, & sancte tractandum.* Nuptiarum autem benedictio in eo sita est, ut Parochus (2), postquam Sponfos, servatis Ecclesiæ ritibus in Rituali Romano descriptis, in Matrimonium conjunxit, sacrum illud *pro Sponso, ac Sponsa* faciat, quod ultimum in Romano Missali inter sacra votiva reperitur; aut si Nuptiarum dies sit Dominicus (3), aut alius festus dies, quo Sacrum ejusmodi fieri nequeat, de die Dominico, seu Festo Sacrum faciat, eique orationem *pro Sponso, ac Sponsa*, aliasque pro benedictione Sponsi, ac Sponsæ preces superaddat, quæ *post Orationem Dominicam, & Ite Missa est* recitari consueverunt. Hæc Nuptiarum benedictio fieri nequit toto feriato tempore, quo Nuptiæ prohibentur: quare si Sponsi sacrum tunc exposcant, ut Eucharistica dape reficiantur; Parochus sacrum ejus diei faciet, neque supradictas orationes recitabit. Vetita quoque est sacrato tempore solemnns Sponsæ in Sponsi domum traductio, non tamen privata (4), quæ absque solemnitatibus fiat, uti Sacra Concilii Congregatio declaravit, & praxis quotidiana confirmat. Quare merito cum Angelico Doctore Ven. Cardinalis Bellarminus (5) af-

N n n n n firmat,

(1) Trid. sess. 24. cap. 10. de reform. Matrim.

(2) Benedictus XIV. Infl. 80. a n. 10.

(3) Meratus in to. 1. par. 1. super Canonum tit. 4. n. 20.

(4) Benedictus XIV. Infl. 80. n. 21., Synod. Farfen. ann. 1685. cap. 14. n. 12.

(5) Card. Bellarm. tom. 3. Controv. lib. 1. de Sacram. Matrim. cap. 31.

firmat, non interdicti his feriarum temporibus celebrationem Matrimonii per verba de presenti, Et etiam consummationem, sed solemnem tantum Sponsæ deductionem, Et publicam illam Pompam, Et convivia, quæ in solemnitate Nuptiarum adhiberi solent. Ut hæc sanctissimæ leges accurate serventur, Nos feriato tempore, cum facultatem Parocho faciemus Sponfos in Matrimonium jungendi, eidem Concilii Tridentini, ac Ritualis Romani observantiam injungemus; Sponsis vero interdicemus, ne ullam eo tempore nuptiarum solemnitatem adhibeant; in Nostræ autem jussionis transgressores pro modo culpæ animadvertemus.

III. Alterum impedimentum est *Ecclesiæ vetitum*, quando videlicet iustam ob causam vel Romanus Pontifex, vel Episcopus interdicat (1), ne Matrimonium contrahatur, cum hoc tamen discrimine, quod si Romanus Pontifex interdicto suo clausulam addat irritantem, (quod tamen facere non solet) invalidum erit, si contrahatur, Matrimonium: si vero mere prohibentem adjungat, erit dumtaxat illicitum. At Episcopus, sicut impedimenta dirimentia statuere nequit, ita neque uti clausula irritante potest, adeoque illicitum quidem erit, sed validum (2) Matrimonium, quod contra Episcopi interdictum contrahatur.

IV. *Sponsalia de futuro* sunt tertium impedimentum: si quis enim cum puella Sponsalia contraxerit, licite (3) nequit alteri nubere, nisi prius vel mutuo consensu, vel per Judicis sententiam, iusta intercedente causa, priora dissoluta fuerint sponsalia. Nam qui, prioribus integris sponsalibus, alteri nubere, datam priori Sponsæ frangeret fidem; quod non licet.

V. Quartum denique impedimentum est *votum simplex* castitatis, vel non ineundi conjugium, vel Religionis ingrediendæ, vel suscipiendi Sacros Ordines. Ejusmodi enim vota non dirimunt

(1) Cap. 1., 2., & 3. de Matrimonio contracto contra interdictum Ecclesiæ, & cap. fin. de clandest. desponsat.

(2) Sacra Congregatio Concilii in

Giennen. ann. 1581. ad 1., & 2.

(3) Cap. Ex Literis. cap. Ad audiendum. de Sponsalibus, & cap. 1. de par. tis.

rimunt quidem, sed (1) illicitum reddunt Matrimonium, nisi iusta de causa ab Ecclesiastica Potestate relaxentur.

ARTICULUS VI.

De impedimentis dirimentibus Matrimonium.

Quatuordecim impedimenta Matrimonium dirimentia Sanctus Thomas (2) his versiculis in memorie subsidium comprehensa recenset:

*Error, conditio, votum, cognatio, crimen,
Cultus disparitas, vis, Ordo, ligamen, honestas,
Si sis affinis, si forte coire nequibis,
Si Parochi, aut duplicis desit presentia testis,
Raptaque sit mulier, nec parti reddita tuta,
Hæc socianda vetant connubia, facta retractant.*

De singulis pauca dicamus.

De errore.

II. Quadruplex in Matrimonio contrahendo esse potest error; personæ videlicet, fortunæ, conditionis, & qualitatis. *Error personæ* (3) est, quando hic putatur esse Virgilius, & ipse est Plato. *Error fortunæ*, quando hic esse putatur dives, qui pauper est, vel e converso. *Error conditionis*, quando putatur esse liber, qui Servus est. *Error tandem qualitatis*, quando putatur bonus, qui malus est.

III. *Error personæ consensum conjugis non admittit*: Errantis enim nullus est consensus: ubi autem consensus (4) non adest, ne adesse quidem potest Matrimonium: non enim concubitus, sed consensus nuptias (5) facit. *Error fortunæ* (6), & qualitatis non excludit consensum. Sic quæ nubit pauperi putans illum esse divitem,

N n n n n 2 non

(1) Cap. Consuluit; & cap. Rursus. qui Clerici, vel votentes; & cap. unico. de voto in 6.

(2) S. Th. par. 3. qu. 50. supplement. art. 1.

(3) Can. Quod autem. caus. 29. qu. 1.

(4) Cap. Cum locum. de Sponsalibus.

(5) L. Nuptias. ff. de reg. Juris.

(6) Cit. can. Quod autem.

836 CONSTITUTIONES SYNODALES

non potest renuciare priori conditioni, quamvis erraverit. Similiter qui ducit in uxorem Meretricem, vel corruptam, quam putabat esse castam, vel virginem, non potest eam dimittere, & aliam ducere. Consensus enim in rei substantiam fertur, non in ea, quæ rei per accidens conveniunt. Siquis autem contrahere nuptias omnino nolle, nisi sub hujus, vel illius qualitatis conditione; tunc, si ea qualitas desit, deest quoque consensus, invalidumque est Matrimonium: irritus enim est contractus quilibet (1), si ea, sub qua initur, honesta de presenti conditio desit.

De Conditione.

IV. *Conditionis error tunc habetur, quando quis liber Mulieri nubit, quam per errorem esse liberam putat, cum tamen libera non sit, sed ancilla. Siquis ingenuus homo uxorem ancillam alterius acceperit, uti Sacri Canones (2) statuunt, & existimat, quod ingenua sit; si ipsa femina postea in servitute fuerit detecta; si voluerit, aliam accipiat. Si autem ancillam eam sciverit, legitimam eam habeat. Similiter & Mulier ingenua de servo alterius facere debet. Si vero liber nuptias cum muliere contrahat, quam scit esse ancillam, vel viceversa, tunc & licitum, & validum est, quod initur, Matrimonium. Si femina ingenua (sic inquit Zacharias Papa (3)) Servum acceperit sciens, quod Servus esset, habeat eum. Valet quoque conjugium, quod inter duas servilis conditionis personas, licet invitis Dominis, mutuo consensu celebretur. Juxta verbum Apostoli, ut ait Adrianus Papa (4), sicut in Christo Jesu neque liber, neque servus est a Sacramentis Ecclesie removendus; ita nec inter servos Matrimonia debent ullatenus prohiberi; & si contradicentibus Dominis, & invitis contracta fuerint, nulla ratione sunt propter hoc dissolvenda. Debita tamen, & consueti servitia*
non

(1) L. Cum ad presens. ff. de rebus credit.

(2) Can. Si quis ingenuus. caus. 29. qu. 2., & cap. Ad nostram. de conjugio Servorum.

(3) Can. Si femina. caus. 29. qu. 2., cap. Proposuit, & cap. Ad nostram. de conjugio Servorum.

(4) Cap. Dignum est. de conjugio Servorum.

non minus debent propriis Dominis exhiberi. Verum cum servitus apud Christianos in defuetudinem jamdudum abierit, hæc innuisse sufficiat.

De Voto.

V. Non quodlibet, sed solemne dumtaxat castitatis votum est impedimentum dirimens Matrimonium, illud videlicet, quod vel in Sacri Ordinis susceptione, vel in solemni Religiosa Professione nuncupatur. *Præsentis declarandum duximus oraculo sanctionis*, inquit Bonifacius VIII. (1), *illud solum votum debere dici solemne quantum ad post contractum Matrimonium dirimendum, quod Solemnizatum fuerit per susceptionem Sacri Ordinis, aut per Professionem expressam, vel tacitam factam alicui de Religionibus per Sedem Apostolicam approbatis.* Consonat Tridentina Synodus (2), quæ sic definit: *Siquis dixerit, Clericos in Sacris Ordinibus constitutos, vel Regulares castitatem solemniter professos posse Matrimonium contrahere, contractumque validum esse, non obstante lege Ecclesiastica, vel voto, anathema sit.* Hoc tamen inter utrumque votum intercedit discrimen, quod solemne Votum Ordini Sacro adnexum dirimit quidem Matrimonium, quod post Ordinis susceptionem contrahatur, non tamen, quod ante Ordinis susceptionem fuerit contractum, licet ratum dumtaxat sit, non consummatum. *Licet* (3) *votum* (inquit Joannes XXII.) *solemnizatum per Sacri susceptionem Ordinis quantum ad impediendum matrimonium contrahendum, atque ad dirimendum, si post contractum fuerit, secundum statuta Canonum sit efficax reputandum; Ad solvendum tamen prius contractum, etiamsi per carnis copulam non fuerit consummatum, cum nec Jure divino, nec per Sacros Canones reperiatur hoc statutum, invalidum est censendum.* Contra vero solemne Religiosæ Professionis votum dirimit etiam Matrimonium contractum, quod ratum dum-

(1) Cap. unico. de voto in 6., cap. De Diacono; cap. Ex litterarum tuarum re-
more; cap. Meminimus; cap. Insinuante.
qui Clerici, vel voventes; cap. Si qui

Clericorum. de Cleric. conjug.

(2) Trid. sess. 24. caus. 9. de Matrim.

(3) Extrav. Antiqua. Joann. XXII. de voto.

838 CONSTITUTIONES SYNODALES

dumtaxat sit, & non consummatum, quemadmodum Tridentina Synodus (1) definivit: *Siquis dixerit, Matrimonium ratum non consummatum per solemnem Religiosam Professionem alterius conjugum non dirimi, anathema sit.*

De Cognatione.

VI. Triplex est cognatio, naturalis, spiritualis, & Legalis. Naturalis, quæ *consanguinitas* nuncupatur, est vinculum quoddam personarum, quæ ab una persona, tamquam ab eodem stipite, per carnalem propagationem derivantur. Hujus consanguinitatis linea est ordinata ejusmodi personarum series, inter quas communio sanguinis intercedit. Duplex autem est linea; alia recta, transuersalis, seu collateralis altera. Recta est earum personarum series, quarum una ab alia gignitur; quæ si fiat descendendo ex. gr. a Patre ad Filium, Nepotes &c., *linea recta descendentium*; si vero fiat ascendendo a Filio ad Patrem, Avum, Proavum &c., *linea recta ascendentium* appellatur. Linea collateralis est earum personarum series, quarum una non gignitur ab altera, omnes tamen ab eodem stipite promanant. Hæc alia est æqualis, inæqualis altera. In Linea æquali eæ sunt personæ, quæ ab eodem communi stipite æqualiter distant: quæ vero ab eodem distant inæqualiter, in linea sunt inæquali. Tandem consanguinitatis gradus est ipsa eadem unius personæ ab altera in eadem consanguinitatis linea ab eodem communi stipite distantia.

VII. Tres institutæ sunt regulæ ad dignoscendum, quot inter se Consanguinei distant gradibus. Prima pro linea recta, & hæc est: *Tot sunt ascendentium, & descendentium gradus, quot sunt personæ, numeratis etiam intermediis, sed uno dempto communi stipite.* Secunda pro linea collateralis æquali, & est hæc: *Quot gradibus quævis duarum personarum, de quibus inquiritur, a proximo communi distat stipite, tot gradibus distant inter se.* Tertia demum pro linea collateralis inæquali, quæ sic habet: *Quot gradibus remotior*
ex

(1) Trid. sess. 24. can. 6. de Matrim.

ex personis, quarum consanguinitas quaeritur, a communi distat stipe, tot gradibus inter se distant.

VIII. Consanguinitas in recta ascendentium, ac descendendum linea est impedimentum dirimens Matrimonium in infinitum. *Inter personas, inquit Nicolaus I. (1), quæ parentum, liberorumque locum inter se obtinent, nuptiæ contrahi non possunt, veluti inter patrem, & filiam, vel avum, & neptem, & usque in infinitum. Quod quidem verum est etiam de Jure Gentium, ac Civili. De Jure Gentium incestum committit, qui in gradu ascendentium, vel descendendum uxorem duxerit: Sic in L. ult. ff. de ritu nuptiarum. Nuptiæ consistere non possunt inter eas personas, quæ in numero parentum, liberorumque sunt, sive proximi, sive ulterioris gradus usque in infinitum: Sic in L. Nuptiæ ff. de ritu Nuptiarum. Consanguinitas in linea collateralis, quæ olim ad septimum usque gradum inclusive Matrimonium dirimebat, nunc ad quartum dumtaxat inclusive dirimit. Prohibitio quoque, sic in Concilio Lateranensi IV. statuit Innocentius III. (2), copulæ conjugalis quantum consanguinitatis, & affinitatis gradum de cetero non excedat, quoniam in ulterioribus gradibus jam non potest absque gravi dispendio hujusmodi prohibitio generaliter observari.*

IX. Quemadmodum ex naturali generatione naturalis cognatio oritur, quæ Matrimonium dirimit; ita sapienter instituit Ecclesia, ut ex generatione etiam spiritali spiritalis cognatio, quæ Matrimonium dirimeret, oriretur. Cum autem per Baptismum dumtaxat, & Confirmationem spiritalis generatio habeatur [per Baptismum enim prima homini vita spiritalis datur, quæ deinde per Confirmationem perficitur, ac roboratur]; ita ex sola Baptismatis (3), & Confirmationis, non vero ex aliorum Sacramentorum administratione, ac susceptione cognatio spiritalis oritur, quæ Matrimonium dirimat, ac dissolvat. Cum autem

(1) Nicolaus I. ad consulta Bulgarorum cap. 39. de consanguinit., & affinit.

(2) Innocentius III. cap. Non debet.

(3) Cap. Quamvis. de cognat. spiritali in 6.

836 CONSTITUTIONES SYNODALES

autem experientia docuerit, propter multitudinem prohibitionum multoties in casibus prohibitis ignoranter contrahi Matrimonia, in quibus vel non sine magno peccato perseveratur, vel ea non sine magno scandalo dirimuntur; volens proinde Tridentina (1) Synodus huic incommodo providere, & a cognitionis spiritualis impedimento incipiens, statuit, *ut unus tantum vir, si-
ve mulier juxta Sacrorum Canonum statuta, vel ad summum unus, &
una baptizatum de Baptismo suscipiant, inter quos, & baptizatum
ipsum, & illius Patrem, & Matrem tantum spiritualis cognatio con-
trahatur. Quod si alii ultra designatos baptizatum tetigerint, cognationem spirituali nullo pacto contrahant. Ea quoque cognatio, quæ ex
Confirmatione contrahitur, Confirmantem, & confirmatum, illius-
que Patrem, & Matrem, ac tenentem non egrediatur, omnibus in-
ter alias personas hujus spiritualis cognationis impedimenti omnino sub-
latis. Spiritualis cognatio, quæ a Baptizato, vel Confirmato
cum Baptizante, vel Confirmante, & cum Patrino, vel Matr-
ina contrahitur, Paternitas, & Filiatio spiritualis dicitur: ea vero,
quæ a Patrino, vel Matrino cum Patre, & Matre Baptizati, vel
confirmati cum baptizante, vel confirmante contrahitur, Com-
paternitas, & Commaternitas nuncupatur. Dubitatum olim fuit,
an, quemadmodum nullam spirituale cognationem contrahit
Patrinus ille, qui non baptizatus infantem e sacro levat fonte,
(cum enim ingressus per Baptismum in Ecclesiam non sit, nullis
Ecclesiasticis legibus subditur) ita si quis non confirmatus in Con-
firmationis Sacramenti administratione Patrini munus exerceat,
cum puero, qui confirmatur, ejusque parentibus nullo cognationis
spiritualis vinculo devinciatur? At dubitationem omnem
sustulit Sacra Congregatio Concilii, ad quam privative pertinet
Tridentini Concilii decreta interpretari. Nam in una Licien (2)
post maturum examen, & discussionem censuit, non confirmatum, si susce-
perit.*

(1) Trid. sess. 24. cap. 2. de reform. Matrim.

Licien. 13. Julii 1654. decret. lib. 19. pag. 358.

(2) Sacra Congregatio Concilii in una

aliquem in Sacramento Confirmationis, non contrahere cognationem spirituales.

X. Cognatio tandem legalis a Civilibus legibus primum inventa, & mox a Sacris Canonibus recepta (1), est personarum propinquitas, quæ ex legitima adoptione oritur, certasque inter personas dirimit Matrimonium. Triplex eadem est, Paternitas, Fraternitas, & Affinitas. *Paternitas legalis* est legalis cognatio in linea recta inter adoptantem, tamquam Patrem legalem, & adoptatum tamquam filium, ejusque descendentes ad quartum gradum inclusive. Hæc Matrimonium dirimit (2), etiam si per emancipationem soluta fuerit adoptio. *Fraternitas legalis* est legalis cognatio in linea collateralis (3), quæ Matrimonium dirimit inter naturales legitimos adoptantis filios, & adoptatum, tamquam inter fratres, & sorores legales. Hæc, expirante adoptione, expirat. *Si qua mihi soror*, inquit Nicolaus Papa (4) ad consulta Bulgarorum, *per adoptionem esse cepit, quamdiu durat adoptio, inter me, & ipsam nuptiæ consistere non possunt.* *Affinitas tandem legalis* est legalis cognatio inter adoptantem, & uxorem adoptati, ac viceversa inter adoptatum, & uxorem adoptantis. Hæc Matrimonium dirimit, etiam si soluta fuerit adoptio. *Adoptivus* (5) *filius, si emancipetur, eam, quæ patris adoptivi uxor est, ducere non potest, quia Noverca locum habet.*

De crimine.

XI. Quatuor sunt crimina, quæ de Jure Ecclesiastico Matrimonium dirimunt. Primum est alterutrius conjugis homicidium. Alterum est homicidium cum adulterio. Tertium est

O o o o o

adul-

(1) L. *Adoptivus*. ff. de ritu Nuptiarum, & §. 1., ac 2. Inst. de Nuptiis, can. *Ita diligere*, & can. *Per adoptionem*; caus. 30. qu. 3., cap. *Si quis*. de cognatione Spirituali.

(4) Cit. can. *Ita diligere*; & L. *Quin etiam*. de ritu Nuptiarum.

(2) Cap. *Si qua*. de cognatione Legali, & L. *Qui in adoptionem*. ff. de adoptionibus.

(3) Cap. *Si qua*. de cognatione Legali.

(5) L. *Adoptivus*. ff. de ritu Nuptiarum.

§ 42 CONSTITUTIONES SYNODALES

adulterium cum futuri Matrimonii promissione. Quartum est adulterium, & Matrimonium, vivente priore conjugē, cum adultera attentatum. Singula percurramus.

XII. Quod ad primum attinet, tunc ejusmodi crimen dirimens Matrimonium habetur, cum vir, seu mulier (1), non perpetrato adulterio, alicujus uxorem, seu maritum, altera parte consentiente, occidit cum eo animo, ut post illius necem mutuum ineant Matrimonium. Tria itaque ad hoc impedimentum dirimens requiruntur. 1. ut tam vir, quam mulier ad innocentis conjugis mortem physice, aut moraliter concurrant. 2. ut ex mutua eorum machinatione innocens vere obierit. 3. ut mortis machinatio ab iis fiat cum eo animo, ut post innocentis obitum contrahant inter se Matrimonium.

XIII. *Homicidium cum adulterio* tunc Matrimonium (2) dirimit, cum, adulterio perpetrato, aut solus adulter suam uxorem, aut sola adultera virum suum occidit, ut simul deinde nubant, quamquam non adfuerit mutua in mortem conspiratio. Tria quoque, ut crimen hoc nuptias dirimat, requiruntur. 1. ut alteruter (3) sit vera, seu physica, seu moralis causa cædis. 2. ut ex tali machinatione innocens interierit. 3. ut mortis machinatio ab alterutro fiat ex animo contrahendi cum supersite conjugē Matrimonium.

XIV. *Adulterium cum futuri Matrimonii promissione* tunc est impedimentum dirimens, cum adulter, & adultera (4), sive ante, sive post perpetratum adulterium, Matrimonium sibi invicem post conjugis mortem ineundum pollicentur, quamquam in ejus mortem nulla ratione conspirent. Ad hoc igitur impedimentum requiritur 1. ut seria (5), & quæ ab altera parte fuerit accep-

(1) Can. *Si quis vivens*. caus. 31. q. 1., & cap. *Laudabilem*. de convers. infidel.

(2) Cap. *Significavit nobis*; & cap. *Super hoc*. de eo, qui duxit in Matrim.

(3) Cap. *Significasti*. de eo, qui duxit in Matrimonium.

(4) Cap. *Propositum*; cap. *Ex Literarum*; cap. *Significasti*; & cap. *Unicus*. de eo, qui duxit in Matrimonium.

(5) Cap. *Si quis*. de eo, qui duxit in Matrimonium.

acceptata, futuri Matrimonii promissio intercedat. 2. ut adulterium, ac nuptiarum promissio (1), conjugē vivente, fiant. 3. ut uterque adulter, cum adulterium perpetratur, sciat alterius conjugium; si enim ex. gr. mulier adulterium patrans ignoret, virum, cum quo peccat, esse uxoratum, ejusmodi adulterium (2) non erit impedimentum dirimens. 4. ut perfectum sit, & consummatum, quod ab iis admittitur, adulterium.

XV. Quartum tandem crimen dirimens Matrimonium tunc habetur, cum adulter, legitima vivente uxore (3), per verba de presenti cum adultera Matrimonium contrahere attentat, vel viceversa: tunc enim, etiam defuncto adulteræ viro, aut adulteri uxore, nubere invicem nequeunt, irritumque esset, si nuberent, Matrimonium. Duo autem concurrere debent, ut crimen hoc nuptias dirimat. 1. ut Matrimonium cum primo conjugē sit validum. 2. ut primum hoc Matrimonium validum alteri parti innotuerit.

De Cultus disparitate.

XVI. Cultus, idest Religionis disparitas, quæ ex Ecclesiastico jure saltem consuetudinario (4) Matrimonium dirimit, in eo sita est, ut vir baptizatus mulieri nubat infideli, idest non baptizata [infidelium nomine hic non baptizatos intelligimus] vel viceversa. Hujusmodi Matrimonium esse & illicitum, & invalidum, nemo potest ambigere. Non est itaque, cur in eo explicando diutius versemur.

XVII. At quid, si duorum infidelium, qui Matrimonium in infidelitate valide contractum consummaverint, unus ad veram Christi Fidem conversus baptizetur, alter vero in infidelitate permaneat? Interpellandus tunc est is, qui in infidelitate per-

O O O O O 2

manet

(1) Cit. cap. *Significasti*; & cap. *Veniens*.

(2) Cit. cap. *Proposuit*; & cap. *Veniens*.

(3) Cap. *Cum haberet*; cap. *Veniens*;

cap. *Si quis*. de eo qui duxit in Matrimonium.

(4) Benedictus XIV. Const. *Ad nos directa*, edita 9. Februarii 1749.

manet, ac monendus, utrum Christianam amplecti Religionem, ac Baptismo ablui velit; ac si renuat, utrum cohabitare saltem velit sine contumelia Creatoris, itaut conjux fidelis in nullo per-
 versionis periculo versetur, an non? Si primum, solvi jam ne-
 quit Matrimonium in infidelitate contractum, & consummatum:
*Nam si quis Frater, inquit Apostolus (1), uxorem habet infidelem, Et hæc consentit habitare cum illo, non dimittat illam. Et si qua mu-
 lier fidelis habet virum infidelem, Et hic consentit habitare cum illa, non dimittat virum. Sanctificatus est enim vir infidelis per mulierem
 fidelem, Et sanctificata est mulier infidelis per virum fidelem.* Si se-
 cundum; dirimere conjux fidelis Matrimonium potest, & ad
 alias nuptias convolare. Sic enim decrevit Innocentius III. (2):
*Si alter infidelium conjugum ad Fidem Catholicam convertatur, altero
 vel nullo modo, vel non sine blasphemia Divini Nominis, vel ut eum
 pertrahat ad mortale peccatum, ei cohabitare volente; qui relinquitur,
 ad secunda, si voluerit, vota transibit. Et in hoc casu intelligimus,
 quod ait Apostolus (3): Si infidelis discedit, discedat; frater enim, vel
 soror non est servituti subiectus in hujusmodi; Et Canonem (4) etiam,
 in quo dicitur: Contumelia Creatoris solvis jus Matrimonii circa eum,
 qui relinquitur: infidelis autem discedens Et in Deum peccat, Et in
 Matrimonium, nec est ei fides servanda conjugii.*

XVIII. Interpellatio, quam a conjuge converso, ac bapti-
 zato, antequam ad secunda transeat vota, alteri conjugi infideli
 faciendam esse diximus, necessaria de jure (5) semper fuit, &
 adhuc est, quemadmodum declaravit Benedictus XIV. (6) per
 hæc verba: *Motu proprio, ex certa scientia; Et plenitudine potestatis
 tenore presentium volumus, intendimus, ac jubemus, ut, cum aliquis
 Hebræorum Christianam veritatem amplexus fuerit, non prætérmitta-
 tur interpellatio mulieri more recepto facienda, an velit nec ne se ad
 Christum convertere, dummodo tamen ex aliqua gravi causa vel a No-
 bis,*

(1) 1. Ad Cor. cap. 7. v. 12.

(2) Cap. Quanto. de divortiis.

(3) 1. Ad Cor. cap. 7. v. 15.

(4) Can. Si infidelis. caus. 28. qu. 2.

(5) Sac. Congr. Conc. in Florentina

17. Januar. 1722.

(6) Benedictus XIV. Const. Apostoli-
 ci Ministerii. edita 17. Calend. Oct. 1747.

bis, vel a Romanis Pontificibus successoribus Nostris non censeatur hujusmodi interpellatio omittenda. Ab ejusmodi tamen interpellatione facienda dispensare Romanus Pontifex iustis de causis potest. Sic Gregorius XIII. per Apostolicas Litteras singulis locorum Ordinariis, Parochis, & Presbyteris Missionariis Societatis Jesu in Angola, Æthiopia, & Brasilia degentibus concessit, ut si quis conjugum ad Fidem convertatur, & alius in infidelitate remaneat; quoties sibi summarie extrajudicialiter constiterit, conjugem infidelem abesse, legitimeque moneri non posse; dispensare valeant, ut conjux fidelis, omitta interpellatione, novas ineat nuptias. Sic novissime Benedictus XIV. per Apostolicas Litteras datas 6. Januarii 1745. Sedis Apostolicæ apud Venetos Nuncio, ejusque Successoribus facultatem fecit, ut cum quibuscumque utriusque sexus Neophytis, vel Infidelibus, vel Judæis, vel Turcis, aliisque personis cujuscumque Sectæ hujusmodi in pio Catechumenorum loco Venetiis pro tempore existentibus, seu in illum prius receptis, & admissis, ac postmodum inde egressis, vere ad Fidem conversis, qui ante baptismum Matrimonia contraxerint, auctoritate Apostolica dispense, ac indulgeat, ut eorum quilibet, etiam superstitute Coniuge Infideli, Judæo, & Turca, etiam ejus consensu vel requisito, & non expectato, vel minime requisito (dummodo eidem Nuncio constet summarie, & extrajudicialiter, absentem conjugem moneri legitime non posse, aut monitum intra tempus in monitione præfixum significare suam voluntatem neglexisse) Matrimonium cum quovis Fideli, & Catholico (præmissis prius proclamationibus a Concilio Tridentino præscriptis) in faciem Ecclesiæ rite contrahere, & carnali copula consummare, & in Matrimonio sic contracto, quoad vixerint, remanere libere, ac licite possint. Ac præterea ut eadem auctoritate decernat, ac declaret, Matrimonia inter hujusmodi Neophytos, & alios Fideles, & Catholicos alias rite contracta, etiam si postmodum innotuerit priores Coniuges Infideles, vel Turcas, aut Judæos nonnullis legitimis impedimentis detentos suam voluntate-

luntatem significare minime potuisse, vel ad Fidem etiam tempore secundi Matrimonii conversos fuisse, ullo umquam tempore rescindi minime debere, sed illa semper firma, valida, & inviolabilia existere, & fore.

XIX. Cum, antequam Infidelis ad Fidem conversus, ac baptizatus novas inerat nuptias, necesse sit vinculum prioris Matrimonii in Infidelitate contracti dissolvi; quaeritur, quando eadem dissolutio fiat? Huic quaestioni sic respondet Angelicus Doctor (1): *Crimen uxoris nolentis cohabitare sine contumelia Creatoris absolvit virum a servitute, qua tenebatur uxori, ut non posset, ea vivente, aliam ducere; sed nondum solvit Matrimonium, quia, si blasphemia illa converteretur, antequam ille aliud Matrimonium contraheret, redderetur ei vir suus: Solvitur per Matrimonium sequens, ad quod pervenire non potest vir fidelis non solutus a servitute uxoris. Quae quidem responsio optime congruit Decretali Innocentii III., ubi inquit (2): Quod si conversum ad Fidem etiam illa conversa sequatur, antequam propter causas praedictas legitimam ille ducat uxorem, eam recipere compellatur. Et hanc sane sententiam esse nunc inter Theologos, & Canonistas communior, eique semper in praxi adhæsisse Sacram (3) Congregationem Concilii, Benedictus XIV. (4) affirmat. Cum ergo ad Fidem conversus novum init Matrimonium, tunc prioris Matrimonii vinculum solvitur. Unde fit, ut etiam conjux in Infidelitate perseverans ad alia transire possit vota, postquam conversus ad alias nuptias convolvit. Quanquam enim Matrimonii solutio sit privilegium, quod Christianae Religionis intuitu conjugi ad fidem converso directe, ac per se conceditur, nulla tamen ratione repugnat, ut ex eodem commodum aliquod indirecte, & per accidens in conjugem etiam in infidelitate pertinacem redundet.*

XX. Quam-

(1) S. Th. in 4. dist. 39. qu. 1. art. 5. in respons. ad 2.

(2) Cap. *Gaudemus*, de divortii.

(3) Sac. Congr. Conc. in Florentina.

1. Julii 1679., & 13. April. 1680., & 27. Julii 1726.

(4) Benedictus XIV. cit. Const. *Apostolici Ministerii*.

XX. Quamquam Hebræis Moyses permisisset (1) per libellum repudii dimittere uxores suas, & alias Matrimonio sibi copulare; Post Christi tamen adventum id non amplius eis licet; & etiam si libello repudii nostris quoque temporibus adhuc utantur (2); non tamen per eundem Matrimonii vinculum vere dirimitur. Christus enim Dominus Matrimonium ad primævum suum statum, nempe ad insolubilitatem revocavit, non lege nova condita, sed vetere dumtaxat indulgentia sublata. *Quoniam Moyses* [Christi sunt verba apud (3) Matthæum] *ad duritiam cordis vestri permisit vobis dimittere uxores vestras: ab initio autem non fuit sic. Dico autem vobis, quia quicumque dimiserit uxorem suam, nisi ob fornicationem, & aliam duxerit, mæchatur, & qui ipsam duxerit, mæchatur. Quod ergo Deus conjunxit, homo non separet. Quamobrem de iis, qui in infidelitate legitimam repudiaverint uxorem, si ad Christi Fidem convertantur, hanc statuit legem Innocentius III. (4): Qui secundum ritum suum legitimam repudiavit uxorem; cum tale repudium veritas in Evangelio reprobaverit; namquam, ea vivente, licite poterit aliam, etiam ad Fidem Christi conversus, habere, nisi post conversionem ipsius illa veniat cohabitare cum ipso, aut etiam si consentiat, non tamen absque contumelia Creatoris, vel ut eum pertrabat ad peccatum.*

XXI. Nemo autem ita desipiat, ut putet, Matrimonialis vinculi solutioni esse locum, si fidelium conjugum unus ad Ethnicismum transeat, aut in hæresim prolabatur. Si vero alter fidelium conjugum [sic idem statuit Innocentius III. (5)] vel labatur in hæresim, vel transeat ad Gentilitatis errorem, non credimus, quod in hoc casu is, qui relinquitur, vivente altero, possit ad secundas nuptias convolare. Si quis dixerit, propter hæresim, sic Tridentina Synodus (6) definivit, a conjuge posse dissolvi Matrimonii vinculum, anathema sit. In eo itaque casu divortium dumtaxat fieri potest, uti docet (7)

S. Tho-

(1) Matth. cap. 19.

(2) Benedictus XIV. cit. Const. Apostolici Ministerii.

(3) Matth. cit. cap. 19.

(4) Cap. Gaudemus. de divortiis.

(5) Cap. Quanto. de divortiis.

(6) Trid. sess. 24. can. 5. de Matrim.

(7) S. Th. in 4. dist. 39. art. 1. in corp.

848 CONSTITUTIONES SYNODALES

S. Thomas: *Si vero infidelitas conjugis Matrimonium sequatur, non propter hoc vinculum Matrimoniale dirimitur, sed potest fieri separatio a thoro, & cohabitatione, sicuti & propter fornicationem carnalem.*

De vi.

XXII. Vis, de qua hic loquimur, nihil est aliud, nisi gravis metus injuste incussus (1) ad Matrimonium extorquendum, quod ceteroqui nulla ratione contraheretur. Metus autem duplex est; alius gravis, levis alter. Gravis, qui dicitur cadere in constantem virum, ille est, quem vir fortis prudenter de gravi malo concipit aut sibi, aut consanguineis, seu affinis suis inferendo. Ad hunc ergo metum requiritur. 1. ut grave sit malum, quod timetur. 2. ut non imprudenter timeatur. 3. ut metum incutiens exequi possit minas. 4. ut metuens neque minitanti resistere, neque vitare, quod timet, possit malum. Siqua ex his conditionibus desit, levis metus est, neque cadens in constantem virum. Metus gravis alius ab intrinseco, & alius ab extrinseco incussus dicitur. Prior ab ipso metuente concipitur vel ex animi sui perturbatione, vel ex causa naturali, cujusmodi est mortis metus propter morbum, naufragium &c. Posterior ab homine incutitur, ut cum quis alteri mortem, aliudve grave malum, nisi hoc, vel illud faciat, serio comminatur. Hic autem metus aliquando iuste, aliquando injuste incutitur: iuste quidem, quando ab habente potestatem incutitur, ut, quod fieri iustum est, fiat: injuste autem, quando is, qui grave malum comminatur, vel potestatem non habet, vel id exigit, ad quod metuens non obligatur.

XXIII. Jam vero metus gravis ab extrinseco ad Matrimonium extorquendum injuste incussus, illud dirimit, & ipso jure invalidum est, si ex tali metu contrahatur. Contrafacturus enim Matrimonium *plena debet* (2) *securitate gaudere, ne per timorem dicat sibi*

(1) Cap. Abbas; cap. Ad audientiam; (2) Cap. Cum locum; cap. Veniens; & & cap. Cum dilectus. de his, quæ vi, cap. Consultationi. de Sponsalibus. metusve causa sunt.

sibi placere, quod odit, & sequatur exitus, qui de invitis solet nuptiis provenire. Cum locum non habeat consensus, ubi metus, vel coactio intercedat; necesse est, ut, ubi assensus cujusque requiritur, coactionis materia repellatur. Matrimonium autem solo contrahitur consensu. At si metus gravis ab intrinseco (1) oriatur, aut si ab extrinseco iuste (2) incutiatur, aut si non ad extorquendum Matrimonium, sed alium ob finem ejusmodi metus ab extrinseco iniuste inferatur, irritum non erit, sed validum Matrimonium.

De Ordine.

XXIV. *Ut lex continentia, & Deo placens munditia in Ecclesiasticis personis, & sacris Ordinibus dilatetur, statuimus, quatenus Episcopi, Presbyteri, Diaconi, Subdiaconi, Regulares Canonici, & Monachi, atque Conversi Professi, qui sanctum transgredientes propositum, uxores sibi copulare presumpserint, separentur. Hujusmodi namque copulationem, quam contra Ecclesiasticam regulam constat esse contractam, Matrimonium non esse censemus: Ita Concilii Lateranensis II. Patres sub Innocentio II. cap. 7. anno 1139. definierunt, idem statuentes cap. 8. de Monialibus, per hæc verba: Id ipsum quoque de Monialibus feminis, si, quod absit, nubere attentaverint, observandum decernimus. Cujus quidem Concilii sanctioni (3) alia plurima consonant Conciliorum, ac Pontificum Romanorum decreta. Quicumque igitur in aliquo sacro Ordine constitutus, Matrimonium contrahere audet, invalide illud contrahit, gravissimique sacrilegii fit reus, in cujus pœnam 1. excommunicationem majorem ipso facto incurrit: Clericos in sacris Ordinibus constitutos Matrimonium contrahentes, excommunicationis sententiæ ipso facto subjacere decernimus: Ita statuit Clemens V. (4) 2. fit ir-*

PPPP

regu-

(1) Arg. cap. Sicut nebis. de Regularibus.

(2) Cap. Ex litteris. de Sponsal., & cap. Pervenit. de Adulterio, & Stupro.

(3) Conc. Lateran. I. cap. 21. & II. cap. 7., & 8., cap. De Diacono; cap. Ex litterarum. qui Clerici, vel voven-

tes; cap. Si qui Clericorum; & cap. Cum olim. de Cler. conjug., Trid. sess. 24. can. 9. de Matrim.

(4) Clem. unica de consang., & affinit., cap. Si qui Clericorum, de Cler. conjug.

850 CONSTITUTIONES SYNODALES

regularis : per illud enim Matrimonium, quod attentat, similitudinariam contrahit (1) bigamiam . 3. deponendus ab officio est, ac beneficio : *Decernimus, ut hi, qui in Ordine Subdiaconatus, Et supra, uxores duxerint, officio, atque beneficio Ecclesiastico careant* : Ita decrevit Innocentius II. in Concilio Romano (2) .

De Ligamine .

XXV. *Nulli umquam licuit [Innocentii III. (3) verbis utimur] simul plures uxores habere, nisi cui fuit divina revelatione concessum . Unde sicut Jacob a mendacio, Israelita a furto; sic Patriarchæ, aliique viri iusti, qui plures leguntur simul habuisse uxores, ab adulterio excusantur .* Iis ergo temporibus, quibus a Deo uxorum pluralitas permittebatur, prioris Matrimonii ligamen alias nuptias, quæ contraherentur, non dirimebat . At in Evangelica Lege Christus Dominus, revocato ad primævam originem Matrimonio, simultaneam polygamiam abrogavit, ac vetuit . *Audiens Jacob accepisse maiorem natu, Et postea minorem, inquit S. Joannes Chrysostomus (4), ne turberis, neque secundum statum, qui nunc est, opera, quæ tunc facta sunt, iudices . Tunc enim quia principia erant, permissum fuit cum duabus, vel tribus, vel pluribus misceri, ut humanum genus propagaretur . Nunc vero, quia per Dei gratiam humanum genus valde multiplicatum est, adveniens Christus omnem illam veterem delevit consuetudinem .* Quamobrem nunc jure cum divino (5), tum Ecclesiastico præcedentis Matrimonii validi ligamen, seu vinculum est impedimentum dirimens Matrimonium, nisi tale vinculum solutum fuerit per mortem conjugis, si Matrimonium fuerit consummatum, vel per Religiosam Professionem, aut Romani Pontificis dispensationem, si fuerit duntaxat ratum . Mortuo vero alterutro conjugē, superstiti licebit ad alias nuptias convolare . *Mulier alligata est legi, inquit (6) Apostolus,*

(1) Can. *Nuper a nobis*. caus. 27. qu. 1. & cap. ult. de bigamis non ordinandis .

(2) Can. *Decernimus*. dist. 28.

(3) Cap. *Gaudemus*. de divorc.

(4) S. Jo. Chryf. hom. 36. in Genesim .

(5) Trid. sess. 24. can. 2. de Sacram. Matrim.

(6) 1. Ad Cor. cap. 7. v. 39.

stolus, quanto tempore vir ejus vivit: quod si dormierit vir ejus, liberata est: cui vult, nubat, sed tantum in Domino. Quod quidem verum est non modo de secundis, verum etiam de tertiis, quartis, & ulterioribus quoque nuptiis. Quoniam nonnullos asseritur, uti Eugenius IV. (1) declaravit, quartas nuptias tamquam condemnatas respicere, ne peccatum, ubi non est, esse putetur; cum secundum Apostolum, mortuo viro, mulier sit ab ejus lege soluta, & nubendi, cui vult, in Domino habeat facultatem, nec distinguat, mortuo primo, vel secundo, vel tertio; declaramus, non solum secundas, sed etiam tertias, & quartas, atque ultteriores, si aliquod canonicum impedimentum non obstat, licite contrahi posse. Commendatiores tamen dicimus, si ulterius a conjugiiis abstinenter in castitate permanserint, quia sicuti viduitati virginitatem, ita nuptiis castam viduitatem laude, ac merito preferendam esse censemus. Nemini autem licet, aut permitti potest ad secundas nuptias convolare (2), nisi per legitimas probationes de prioris conjugis obitu certo constiterit. Quod si quis falsis documentis deceptus priorem conjugem obiisse putans, Matrimonium bona fide contraxerit; postmodum vero vel adhuc vivere, vel saltem vixisse illum comperiat, quando secundum initum fuit Matrimonium; relictis adulterinis amplexibus ad priorem conjugem reverti debet, ut in Pontificio Jure (3) statuitur. Neque vero per supervenientem ejusdem obitum Matrimonium illud invalide contractum convalescere posse quis arbitretur. Non enim (4) firmatur tractu temporis, quod de Jure ab initio non subsistit.

De publicæ honestatis Justitia.

XXVI. Publicæ honestatis Justitia est quædam ex Sponsalibus de futuro (5), aut ex Matrimonio rato orta propinquitas,

pppp 2 quam

(1) Eugenius IV. in decr. pro Armenorum instructione.

(2) Cap. In præsentia. de Sponsalibus.

(3) Cap. Dominus. de secundis Nuptiis, & cap. Inquisitioni. de sent. excom.

(4) Regula 18. Juris in 6.

(5) Cap. Juvenis; cap. Ad audientiam; cap. Sponsam. de Sponsal. & Matrim., & cap. unico de Sponsal. in 6.

852 CONSTITUTIONES SYNODALES

quam Sponsus contrahit cum Sponsæ consanguineis, & vicissim cum Sponsæ consanguineis Sponsa. Quædam enim honestas, ac decentia postulare videtur, ut nemo ei puellæ nubat, cujus consanguineam sibi desponsavit, aut Matrimonio junxit, ac proinde animorum conjunctione quodammodo effecit suam. Hinc Jus Canonicum publicæ honestatis impedimentum inexit, quod olim ex quibuscvis oriebatur Sponsalibus etiam invalidis (1), dummodo invalida non essent ex defectu consensus, & per quod inter Sponsum (2), & Sponsæ consanguineas ad quartum inclusive gradum, & vicissim, Matrimonium dirimebatur. At nunc standum est Tridentinæ Synodi decreto (3), quo sic statuitur: *Justitiæ publicæ honestatis impedimentum, ubi sponsalia quacumque ratione invalida erunt, Sancta Synodus prorsus tollit. Ubi autem valida fuerint, primum gradum non excedat, quoniam in ulterioribus gradibus jam non potest hujusmodi prohibitio absque dispendio observari.*

XXVII. *Ex sponsalibus puris, & certis [inquit (4) Bonifacius VIII.] etiamsi consanguinitatis, affinitatis, frigiditatis, religionis, aut alia quavis ratione sint nulla, dummodo non sint nulla ex defectu consensus, oritur efficax ad impedienda, ac dirimenda sequentia sponsalia, vel Matrimonia, non autem ad præcedentia dissolvenda, impedimentum justitiæ publicæ honestatis. Quare ille, qui sponsalia pure; ac determinate cum aliqua muliere contraxit, & postmodum cum secunda prioris consanguinea idem fecit, ex priorum sponsalium vigore [quibus per publicæ honestatis justitiam ex secundis sponsalibus subsecutam minime derogatur] ad Matrimonium contrahendum cum prima remanet obligatus.*

XXVIII. Quamquam gravissimi non defuerint Auctores, qui ex sponsalibus validis mutuo consensu dissolutis impedimentum publicæ honestatis oriri negaverint; certum tamen est oppositum, uti a Sacra Concilii Congregatione docetur, quæ fœ-

piissi-

(1) Cap. unico. de Sponsalibus in 6.

(2) Cap. Sponsam. de Sponsalibus.

(3) Trid. sess. 24. c. 3. de refor. Matrim.

(4) Cap. unico. de Sponsalibus in 6.

piissime, ac præcipue die 6. Julii anni 1658., post maturum questionis examen, declaravit (1), per mutuam validorum Sponsalium dissolutionem impedimentum justitiæ publicæ honestatis minime auferri, quam declarationem Alexander VII. die 10. Julii ejusdem anni confirmavit, eamque in dubium deinceps revocari prohibuit.

XXIX. Quoad impedimentum vero publicæ honestatis, quæ ex Matrimonio dumtaxat rato oritur, nihil Tridentina Synodus innovavit. *Motu proprio, Auctoritate Apostolica, tenore præsentium* [inquit S. Pius V.] *declaramus, ac definimus, decretum Concilii hujusmodi omnino intelligendum esse, Et procedere de sponsalibus de futuro dumtaxat, non autem in Matrimonio, sicut præfertur, contracto, sed in eo durare adhuc impedimentum in omnibus illis gradibus, Et casibus, in quibus de jure veteri ante prædictum decretum Concilii introductum erat, Et ita ab omnibus judicari debere mandamus, atque statuimus.* Itaque sicut olim (2), ita etiam nunc impedimentum dirimens justitiæ publicæ honestatis oritur ex quolibet Matrimonio rato, etiam invalido, dummodo invalidum non sit ex defectu consensus, & nuptias dirimit ad quartum usque gradum inclusive. Invalidum autem est Matrimonium ratum ex defectu consensus, si initum fuerit ob errorem in persona, vel ob servilis qualitatis ignorantiam, vel ob vim, metumque gravem injuste incussum, & in his casibus impedimentum non parit publicæ honestatis. Impuberum quoque Matrimonium ratum est invalidum propter perfecti consensus defectum. At cum illud ex speciali Juris Canonici dispositione (3) in sponsalia valida de futuro resolvatur; inde fit, ut ex eo, tamquam ex sponsalibus validis, impedimentum dirimens publicæ honestatis ad primum usque gradum contrahatur. Cæterum ex quocumque alio capite, seu Ordinis Sacri, seu affinitatis, seu consanguinitatis &c., invalidum sit Matrimonium

(1) Sacra Congr. Conc. 6. Julii 1658. apud Fagnanum lib. 4. Decretal. in cap. *Ad audientiam*. de Sponsalibus n. 29.

(2) Cap. unico. de Sponsalibus in 6.

(3) Cap. Tus. de desponsat. impuber. & cap. unico. §. *Idem quoque*. eod. tit. in 6.

354 CONSTITUTIONES SYNODALES

nium ratum; ex eo impedimentum oritur, & ad quartum (1) usque gradum inclusive nuptias dirimit.

De affinitate.

XXX. Affinitas est certarum personarum propinquitas, quæ ex carnali, seu licita, seu illicita, copula unius cum alterius consanguineo, aut consanguinea promanat, dummodo ita perfecta (2) sit copula, ut propter semen commixtionem ad proles sufficiat generationem. *Quantumcumque enim*, ut ait S. Thomas (3), *aliquis claustra pudoris invadat, nisi commixtio seminum sequatur, non contrahitur ex hoc affinitas.* Cum autem ad affinitatem contrahendam non voluntas requiratur personarum, sed earum sufficiat carnalis cognitio, semenque commixtio, per quam sint duo in carne una; Hinc est, ut etiam ex copula, quæ cum muliere habeatur (4) prorsus invita, ac renitente, aut etiam dormiente, aut ebria, affinitas oriatur. Ex copula itaque seu licita, cujusmodi est conjugalis, seu illicita, cujusmodi est fornicaria, aut adulterina, affinitas oritur inter consanguineos feminæ carnaliter cognitæ, & virum cognoscentem, & inter consanguineos viri cognoscentis, & feminam cognitam; quæ affinitas ad certum usque gradum Matrimonium dirimit, quod inter affines contrahatur. Ad dignoscendos autem affinitatis gradus hac utendum est regula. *Quot consanguinitatis (5) gradibus persona conjuncta sunt viro cognoscenti, totidem etiam affinitatis gradibus mulieri cognita conjunguntur; Et viceversa quot consanguinitatis gradibus persona sunt conjuncta mulieri cognita, totidem etiam affinitatis gradibus viro cognoscenti conjunguntur.*

XXXI. Si affinitas ex copula conjugali oriatur, ad quartum usque gradum inclusive; si vero ex copula fornicaria, aut adulterina,

(1) Cap. *Sponsam.* de Sponsalibus.

(2) Can. *Extraordinaria pellusio.* caus. 31. qu. 2., & can. *Fraternitatis.* caus. 35. qu. 10.

(3) S. Th. in 4. dist. 41. quest. unic.

art. 1. quest. unic. 4. ad 2.

(4) Cap. *Discretiorem.* de eo, qui cognovit consanguineam.

(5) Can. *Porro.* caus. 35. qu. 5.

terina, ad secundum inclusive dirimit Matrimonium. Prima lex ab Innocentio III. (1) his verbis lata fuit. *Prohibitio copulae conjugalís quartum consanguinitatis, & affinitatis gradum de cetero non excedat, quoniam in ulterioribus gradibus jam non potest absque gravi dispendio hujusmodi prohibitio generaliter observari.* Alteram vero legem sic statuit Tridentina Synodus (2): *Præterea Sancta Synodus gravissimis de causis adducta impedimentum, quod propter affinitatem ex fornicatione contractam inducitur, & Matrimonium postea factum dirimit, ad eos tantum, qui in primo, & secundo gradu conjunguntur, restringit: in ulterioribus vero gradibus statuit hujusmodi affinitatem Matrimonium postea contractum non dirimere.* Quod quidem clarius adhuc, latiusque S. Pius V. (3) declaravit, ubi ait: *Nos omnem ambiguitatem tollere, & animarum tranquillitati, quantum cum Deo possumus, consulere volentes, declaramus, & auctoritate Apostolica decernimus, nullum hodie impedimentum remanere, quo minus in ulterioribus gradibus hujusmodi libere, ac licite Matrimonium contrahi possit.*

XXXII. Tria olim erant affinitatis genera. Primum erat illud, de quo locuti sumus. Alterum in eo situm erat, ut affinitas pareret affinitatem. Tertium denique in eo, ut consanguinei mulieris affines fierent consanguineis viri, & viceversa. Verum Innocentius III. (4) in Concilio Lateranensi IV. secundum, & tertium affinitatis genus de medio abstulit, & primum dumtaxat in suo robore jussit permanere. Unde factum est, ut nunc, cum affinitas non pariat affinitatem, libere, liciteque possint duo unius familiæ fratres duabus alterius familiæ sororibus nubere, Pater, & filius unius familiæ Matrem, & filiam alterius familiæ in uxores ducere, aliaque hujusmodi inire connubia. Super eo, inquit idem Innocentius III. (5), *quod Pater, & Filius cum Matre,*
& Fi-

(1) Cap. *Non debet.* de consanguinit., & affinit.

(2) Trid. sess. 24. c. 4. de resor. Matrim.

(3) S. Pius V. Const. *Ad Romanum.*

edita 18. Nov. 1566.

(4) Cap. *Non debet.* de consanguinit., & affinit.

(5) Cap. *Quod super.* de consanguinit., & affinit.

Et Filia, Avunculus, Et Nepos cum duabus Sororibus contrahant Matrimonium; taliter tibi duximus respondendum, quod licet omnes consanguinei viri sint affines, inter consanguineos tamen uxoris, Et viri, ex eorumdem scilicet viri, Et uxoris conjugio nulla prorsus est affinitas contracta, propter quam inter eos Matrimonium debeat impediri.

De Impotentia.

XXXIII. Impotentia, de qua hic loquimur, est inhabilitas ad Matrimonium consummandum, perfectamque conjugalem copulam habendam. Impotentia hæc alia est naturalis, & intrinseca, alia accidentalis, & extrinseca. Prior ex naturæ defectu, posterior ex maleficio, aut hominis opera oritur. Utraque vel est perpetua, vel temporalis. Perpetua est, si nonnisi cum mortis periculo, aut per miraculum, aut per media illicita auferri possit. Temporalis vero dicitur, si aut medicæ artis ope, aut per Exorcismos Ecclesiæ, aut alias licite superari aliquando valeat. Tandem alia est absoluta, alia respectiva. Prior est, quæ in viro quoad omnes mulieres, aut in muliere quoad omnes viros reperitur: Posterior, quæ aut virum, aut mulierem quoad certam personam, non vero quoad alias, inhabilem reddit ad Matrimonium consummandum.

XXXIV. Impotentia perpetua, si Matrimonium antecedit, siue naturalis sit, siue accidentalis, siue absoluta, siue respectiva, siue ante Matrimonium nota contrahentibus fuerit, siue ignota, Matrimonium dirimit, non modo Ecclesiastico Jure (1), verum etiam Jure naturæ. *Quamvis enim, ut ait Angelicus Doctor (2), actus carnalis copule non sit de essentia Matrimonii; potentia tamen ad hoc est de ejus essentia.* Hinc Sixtus V. peculiari sua edita Constitutione (3) sic statuit: *Fraternitati tue per presentes committimus, Et mandamus, ut conjugia per dictos, Et alios quoscun-*
que

(1) Cap. *Accipisti*; cap. *Quod sedem*, cap. *Ex litteris*. totoque tit. de frigidis, ac maleficiatis.

(2) S. Th. in 4. dist. 34. qu. unica art. 2. ad 1.

(3) Sixtus V. Const. *Cum frequenter*.

que Eunuchos, & Spadones utroque teste carentes cum quibuscumque mulieribus, defectum prædictum sive ignorantibus, sive etiam scientibus, contrahi prohibeas, eosque ad Matrimonia quomodocumque contrahenda inhabiles auctoritate nostra declares, & tam locorum Ordinariis, ne huiusmodi conjunctiones de cetero fieri quoquo modo permittant, interdicas, quam eos etiam, qui sic de facto Matrimonium contraxerint, separari cures, & Matrimonia ipsa sic de facto contracta nulla, irrita, & invalida esse decernas. In eadem vero Constitutione universum declarat, impotentes non esse aptos ad Matrimonium contrahendum. Secundum Canonum sanctiones, & naturæ rationem, qui frigida natura sunt, & impotentes, iidem minime apti ad Matrimonium contrahendum reperiuntur. Quod si dubitetur, utrum dicta impotentia Matrimonium præcesserit, an subsecuta sit; tunc si ea naturalis sit, & intrinseca, præcessisse præsumitur, quod enim a natura inest, semper adfuisse censetur; si vero accidentaliter sit, & extrinseca, ac de ea alter conjux diu post contractum Matrimonium conqueri incipit; in foro externo jam contracto Matrimonio supervenisse præsumitur: si enim reclamare voluit (1), cur tamdiu tacuit? cito enim, & prævio tempore scire potuit, si secum coire potuisset: Impotentia vero, quæ Matrimonium consequitur, illud non dissolvit.

XXXV. Neque etiam temporalis (2) impotentia Matrimonium dirimit, uti in Jure Canonico definitum est. Quod si dubitetur, utrum ea perpetua sit, an temporalis, tunc locum habet celeberrima decretalis Cælestini III. (3), in qua sic statuit: *Requisivisti, quantum temporis indulgendum sit naturaliter frigidis ad experientiam copulæ conjugalis? Nos vero præsentis consultatione sentimus, ut a tempore celebrati conjugii, si frigiditas prius probari non possit, cohabitent per triennium.*

(1) Cap. *Accipisti*. de frigidis, & maleficiis.

(2) Cap. *Fraternitatis*. de frigidis, &c.

(3) Cap. *Laudabilem*. de frigidis &c.

De Claudefinitizatis impedimento.

XXXVII. *Tametsi dubitandum non est, inquit Tridentina Synodus (1), clandestina Matrimonia libero contrahentium consensu facta rata, & vera esse Matrimonia, quamdiu Ecclesia ea irrita non fecit... Nihilominus Sancta Dei Ecclesia ex iustissimis causis illa semper detestata est, atque prohibuit. Verum cum Sancta Synodus animadvertat, prohibitiones illas propter hominum inobedientiam jam non prodesse, & gravia peccata perpendat, quæ ex iisdem clandestinis conjugii ortum habent, præsertim vero eorum, qui in statu damnationis permanent, dum priore uxore, cum quâ clam contraxerant, relicta, cum alia palam contrahunt, & cum ea in perpetuo adulterio vivunt.... Idcirco... qui aliter, quam præsentem Parochi, vel alio Sacerdote de ipsius Parochi, seu Ordinarii licentia, & duobus, vel tribus testibus Matrimonium contrahere attentabunt; eos Sancta Synodus ad sic contrahendum omnino inhabiles reddit, & huiusmodi contractus irritos, & nullos esse decernit, prout eos præsentis decreto irritos facit, & annullat.... Decernit insuper, ut huiusmodi decretum in unaquaque Parochia suum robur post triginta dies habere incipiat a die primæ publicationis in eadem Parochia factæ numerandos. In iis igitur locis, in quibus hoc Tridentini decretum publicatum est, irritum, invalidumque est Matrimonium illud, quod vel sine Parochi, vel sine duorum, aut trium testium præsentia celebretur.*

XXXVIII. *Parochi nomine, cujus præsentiam ad Matrimonii valorem Tridentina Synodus postulat, non modo contrahentium Parochus, verum etiam Romanus Pontifex in toto terrarum Orbe, Legati a Latere in suis Provinciis, & Episcopi, seu Ordinarii, eorumque Generales Vicarii in suis Diocæsisbus intelliguntur. Hi enim omnes & valide, & licite Matrimonio, dum initur, assunt, & licentiam assutendi dare possunt aliis Clericis sive Sæcularibus, sive Regularibus, qui Sacerdotali characterè sint insigniti: hanc enim conditionem in his ad assutendum depu-*

(1) Trid. sess. 24. cap. 1. de reform. Matrim.

deputatis Tridentina Synodus diferte requirit; quam cum in Parocho non requirat, inde fit, ut is, licet nondum Sacerdos (1), Matrimonio & valide, & licite interesse possit. Quoad contrahentium vero Parochos quæritur, quid, si contrahentes diversarum sint Parœciarum? cujusnam Parochi præsentia requiritur? Sponsine, an Sponsæ? an vero utriusque? Interrogata hac de re *Sacra Congregatio Concilii* (2) censuit, ad Matrimonii validitatem sufficere præsentiam solius Parochi proprii Sponsæ, quando Matrimonium in Parochia Sponsæ contrahitur: similiter sufficere præsentiam solius Parochi Sponsi, si in ipsius Sponsi Parochia Matrimonium contrahatur. At quid, si Sponsi Parochus in Parochia Sponsæ absque ejus Parochi licentia Matrimonio assistat, vel viceversa? De Matrimonii valore dubitari non posse declaravit *Sacra Congregatio Concilii*, cujus decretum Romanus Pontifex approbavit, sic in posterum responderi jubens, quemadmodum testatur Fagnanus (3). At licitene Parochus assistit? Distinctione opus est (4). Si solemniter assistat, Sponsisque nuptialem benedictionem impertiat; illicitè agit: quemdam enim quasi strepitum judicarium adhibet, qui in alterius Territorio eidem minime licet. At si privatim, & sine publica nuptiali benedictione intersit, licite assistit: nulli enim id ei prohibetur, solamque Parochi proprii præsentiam Tridentinum requirit, non ut Matrimonium in propria Parochia celebretur, cum per solam Parochi præsentiam Concilii finis obtineatur, videlicet ut clandestina Matrimonia evitentur.

XXXIX. Ille autem proprius censetur esse Sponsi, aut Sponsæ Parochus (5), in cujus Parœcia Sponsus, aut Sponsa domicilium habet, vel quasi domicilium. Quod si quis duo in diversis Parœciis domicilia contraxerit, coram illo Parocho inire Matri-

Q9999 2 mo-

(1) Sac. Congr. Conc. in Abulensi 12. Martii 1593. apud Monacell. 10. 2. tit. 16. formul. 2. n. 34.

(2) Sac. Congr. Conc. ann. 1573. lib. 1. decret. pag. 125., Benedictus XIV. In-Rit. 33. n. 5.

(3) Fagnanus in cap. *Quod nobis*, de clandest. desponsat. n. 11.

(4) Benedictus XIV. cit. In-Rit. 33.

(5) Sac. Congr. Conc. in Mutinen. 18. Nov. 1702., & alibi sæpe, Bened. XIV. Constit. *Paucis ab hinc*. 19. Martii 1758.

monium rite potest, in cuius potestate tunc degit, cum nubit. Duo vero domicilia habere quis dicitur, cum prudentum viro-
rum iudicio æqualiter in utroque collocatus existimatur. *Viris prudentibus placuit* (1), in duobus locis posse aliquem habere domici-
lium, si utrobique ita se instruxit, ut non ideo minus apud alteros se
locasse videatur. Moralis autem, & non arithmetica esse debet
ejusmodi habitationis æqualitas, ut quis duo domicilia habere
censeatur. Post hæc necessarium fore censuimus [verbis utimur (2)
Benedicti XIV.] nonnihil adjungere, ut in præputulo sit, quidnam
requiratur ad quasi domicilium adipiscendum. Verum hac in re non
alio pacto responderi potest, nisi quod, antequam Matrimonium contra-
hatur, spatium saltem unius mensis ille, qui Matrimonium contrahit,
habitaverit in loco, ubi Matrimonium celebratur. Definitiones Congro-
gationis Concilii hac de re observari poterant apud Fagnanum in cap. Si-
gnificavit. de Parochis, ubi eorundem contextu perpensis hæc habet sub
num. 39. *Vir, & Mulier Trajectenses timentes impedimentum a pa-*
rentibus, cum ad vicinam Urbem Aquisgranam se contulissent, & ibi
aliquandiu morati Matrimonium contraxissent; Sacra Congregatio con-
sulta super validitate, censuit exprimendum tempus, quo contrahentes
Aquisgrane manserunt: quod si fuerit saltem unius mensis, dandam
esse decisionem pro validitate. Si quis ergo cum aliqua puella, non
relicto domicilio, quod habet, in alium locum proficiscatur,
atque in eo Matrimonium coram Parocho loci contrahat, quin
antea domicilium, aut quasi domicilium ibi adeptus fuerit, inva-
lide (3) contrahit: non enim coram proprio alterutrius contra-
hentis Parocho contrahit. Eandem ob causam qui rei familiaris,
aut rusticationis gratia rus pergit, ibique ad tempus commoratur,
invalidè coram Parocho rurali nuptias contrahit; qui enim eas ob
causas ruri manet, nullam domicilii, aut quasi domicilii ratio-
nem

(1) L. *Assumptio*. §. *Viris prudentibus*.
ff. ad municipalem; & cap. 2. de sepul-
turiis.

(2) Benedictus XIV. cit. *Const. Pau-*
cis ab hinc.

(3) Sac. Congr. Conc. in Romana 12.
Febr. 1631. lib. decr. 14. pag. 390., &
in Lauretana 13. Julii 1725., & in Abu-
len. 1. Dec. 1640.

nem assequitur, uti frequenter Sacra Concilii Congregatio declaravit, cujus decreta damus in Appendice num. 30.

XL. Proprius vagorum Parochus ille est, in cujus ditione iidem versantur, cum inire Matrimonium volunt (1); quod quidem verum est, etiam si eorum duntaxat alteruter vagantium numero adscribatur. Cavendum tamen est, ne peregrini cum vagis confundantur, cum non leve inter utrosque intercedat discrimen. Vagi enim ii sunt, qui suo relicto domicilio, sedem in exteris terris inquirunt. *Puto autem Et hoc procedere posse*, ut habemus in jure (2), *si quis domicilio relicto navigat, vel iter faciens querat, quo se conferat, atque ubi consistat: nam hunc puto sine domicilio esse*. Peregrini vero ii sunt, qui ea voluntate iter faciunt, ut ad pristinum domicilium, exacta peregrinatione, revertantur. Parochi caveant, ut iis præcipit Tridentina Synodus, ne vagorum Matrimoniis intersint, nisi prius diligentem inquisitionem fecerint, & re ad Ordinarium delata, ab eo licentiam id faciendi obtinuerint.

XLI. Prætores, Judices, Medici, facultatum Professores, discipuli, famulique, licet exteri sint, rite Matrimonium contrahunt coram Parocho loci, in quo degunt, si per aliquod temporis spatium in eodem loco versantes, quasi domicilium ibi contraxerint, quod satis esse ad nuptias valide celebrandas superius diximus. Et sane cum in quadam Abulen. Sacra Congregationi Concilii (3) plura de Matrimonii valore dubia proposita fuissent discutienda, hæc fuerunt quarto, & quinto loco proposita: *Quarto, an valeat Matrimonium contractum coram Parocho illius loci, ubi contrahentes reperiuntur, non animo ibi domicilium constituendi, sed recreationis causa? Quinto, quid si contrahens ibi moretur, tamquam Prætor, Judex, seu Medicus temporalis? Sacra Congregatio respondit ad quartum, non valere, ad quintum valere.*

XLII. At

(1) Benedictus XIV. Inff. 33. n. 10.

(2) L. Ejus. §. Celsus. ff. ad municipalem.

(3) Sac. Cong. Conc. in Abulen. apud Garciam de benefic. par. 5. cap. 7. n. 11. & Benedictus XIV. loc. cit.

XLII. At quid, si quis carceribus detentus nubere velit? coram quo, tamquam proprio Parocho, inire debet Matrimonium? Distinctione opus est. Si is perpetuo, vel ad certum tempus in poenam detinetur in carcere; proprius ejus Parochus censendus ille est, in cujus Paroecia situs est carcer: *Relegatus enim in eo loco, in quem relegatus est, interim necessarium habet domicilium*, uti habemus in Jure (1). At si custoditur dumtaxat in carcere, quamdiu sententiam in ejus causa Judex proferat, tunc proprius ejus Parochus ille est, qui curam animarum habet in loco ejus domicilii, cum is nihil magis expetat, quam ut solutis vinculis suas aedes revifat. Ita statuit Sacra Congregatio (2) Concilii, cujus decretum Cleri Romani statutis (3) insertum reperitur. Verum quando hujusmodi casus aliquis contingat, delegare Ordinarius potest Sacerdotem quemlibet, coram quo nuptiae contrahantur, si id expedire in Domino judicaverit.

XLIII. Plura quoad Parochi praesentiam dubia Episcopus Giennensis dirimenda proposuit Sacrae Congregationi Concilii, cujus responsiones una cum iisdem dubiis subnectimus, ut Parochi in re tam gravi, tantaeque necessitatis instructiores fiant. Quaevisit (4) itaque 1. utrum prohibitione facta ab Ordinario, ne Parochus aliquos desponsaret, ita tollatur jurisdictio ipsius Parochi, ut ad contrahendum Matrimonium contra talem prohibitionem non sit legitimus Parochus? Ad primum Sacra Congregatio respondit, *valere Matrimonium contractum coram Parocho, cui interdictum est ab Episcopo, ne interveniat*. 2. utrum Matrimonium, in quo intervenierit Vicarius Parochi, non invitus, sed volens, contra prohibitionem tantum Ordinarii, sit validum, an potius invalidum, quia non intervenit Sacerdos habens jurisditionem, cum sit sublata ab Ordinario? Ad secundum *esse validum*. 3. si invi-

(1) L. Filii. ff. ad municipalem.

(2) Sac. Congr. Conc. in Farsensi Matrimonii 26, Maii 1707.

(3) Cap. 3. de jure eligendi sepulturam. §. 9. in addit.

(4) Sac. Congr. Conc. in Giennen. anno 1581. lib. 3. decret. pag. 59., & Benedictus XIV. de Synodo lib. 13. cap. 23. num. 1.

invitus, & compulsus per vim adsit Sacerdos, cum contrahitur Matrimonium, præcedente, vel non præcedente dicta prohibitione, utrum tale Matrimonium subsistat? Ad tertium *subsistere*. 4. Si Sacerdos adfuerit, nihil tamen eorum, quæ agebantur, vidit, neque audivit, utrum tale Matrimonium valide contrahatur, an potius tamquam sine Sacerdote nullius sit ponderis, & momenti? Ad quartum, *non valere, si Sacerdos non intellexit, nisi tamen affectasset non intelligere*. 5. si adsit Sacerdos, dum contrahitur Matrimonium, casu, non cogitans se esse ad id vocatum, sed aliud agens audit duos inter se contrahentes Matrimonium, utrum sit validum tale Matrimonium, in quo fuit præfens, non tamen certioratus, nec ad id expresse vocatus, neque interponens suam auctoritatem dicto, vel facto, an potius sit nullum, quasi assistentia auctoritativa per Concilium requiratur, & non nuda, vel casualis præsentia? Ad quintum; *valere, etiamsi Parochus aliam ob causam adhibitus sit ad illum actum*.

XLIV. Validum ergo est Matrimonium illud, cui Parochus, ac testes non sponte, sed aut fortuito, aut dolo inducti, aut coacti, & inviti, imo etiam contradicentes, ac dissentientes (1) adfuerint, dummodo, quid ageretur, intellexerint. Cum enim eorum præsentiam in eum dumtaxat finem Tridentina Synodus postulet, ut iidem Ecclesiæ de contracto Matrimonio testimonium reddere possint; hunc finem in eo casu abunde obtineri nemo est, qui non videat: *Scire enim, non etiam velle is debet: nam & , invito eo, recte fit; quod iustum est*, uti de Testibus ad testificandum idoneis in Jure Civili (2) statuitur. Verum præsentia hæc Parochi, ac Testium esse non debet mere physica, & materialis. Cum enim Parochus Matrimonio intersit tanquam testis auctorizabilis pro Ecclesia, itaut in ejus probitate maximum veritatis fundamentum Ecclesia statuerit; quomodo is testem agere tantæ auctoritatis poterit, nisi & contrahentes videat, & vel eorum audiat verba, vel saltem signa videat, & intelligat, quæ

(1) Sac. Cong. Conc. 29. Aug. 1591., & 19. Dec. 1648. (2) L. *Ceram Titin.* ff. de V.S.

quæ mutuum utriusque contrahentis consensum significant? Idem, sua servata proportionem, de Testibus (1) dicendum est. Et sane sic sæpe declaravit Sacra Congregatio Concilii (2), expresse reprobans opinionem, quæ ad Matrimonii valorem sufficere docebat præsentiam Parochi pure physicam, & materialem. Si ergo Parochus, quid ageretur, non intellexit, Matrimonium non valet, *nisi tamen affectasset non intelligere*. Postrema hæc Sacræ Congregationis verba, cum subobscura sint, paulo enucleatius explicemus.

XLV. Hic autem verus videtur [verbis utimur Benedicti XIV.] (3) illorum verborum sensus, videlicet validum fore Matrimonium, quod celebratum coram Parocho fuerit, qui si neque vidit, neque intellexit, ipse sibi in causa fuit, ut neque videret, neque intelligeret, propterea quod vel aures sibi obstruxerit, vel faciem velaverit, ne audire, & aspicere cogeretur. Nulla enim habenda est ratio (4) affectatæ ignorantie illius, qui cum videre, & audire commode posset, ipse sibi voluntarium posuit impedimentum, ne videret, & audiret; neque ab arbitrio, factoque Parochi pendere debet Matrimonii libertatem impedire. Adnitendam quidem Parocho pro viribus est, ut ejusmodi Matrimonia prohibeat, multoque magis eidem cavendum, ne eorum celebrationi voluntariam exhibeat præsentiam. At inde solum fit, ut ipse data opera non debeat iis interesse; ut occasionem præstandæ assistentiæ evitare teneatur; ut etiam si forte circumventus, aliove obtentu accersitus fuerit, contrahentes, serio monere debeat, Matrimonia hujusmodi sine gravi culpa celebrari non posse; sibi autem dictam esse legem, ut eisdem contrahen-

(1) L. *Coram Titio*. ff. de V. S., L. *Non multum*. ff. de auctor. Tutor., L. *Testium*. cod. de Testibus.

(2) Sac. Congr. Conc. in Landen. Matrimonii 28. Januar. 1678., & in Romana super dubiis Matrimoniorum 7. Martii 1700.

(3) Benedictus XIV. de Synodo lib. 13. cap. 23. n. 10.

(4) Cap. *Cum inhibitis*. §. *Si quis vero*. de clandestina desponsatione. Rota Romana in Romana Matrimonii 4. Februarii 1697. coram Urfino.

trahentes, si id, quod deliberarunt, reipsa perfecerint, ad Superiorem deferat, a quo gravi plectendi erunt poena: præterea se & animo, & voluntate a præstanda eorum nuptiis præsentia longe abhorrere, cum hujusmodi contrahendi ratio a Sacris Canonibus reprobetur. At necesse non est aures obturare, velare faciem, aliaque hujus generis facere, quæ ad id solum valent, ut animos contrahentium aliquando scrupulis torqueant, qui scilicet, quamvis ut plurimum nesciant illicita ab invalidis distinguere, adhuc tamen non solum Matrimonium, uti destinaverant, contrahere, sed etiam consummare non prætermittunt: utrumque enim perficere in animo habent, quoties, circumvento, aut deprehenso Parocho, coram eo proferunt verba ad mutuum consensum significandum idonea. Neque timendum est, ne occultum remaneat Matrimonium ea ratione perfectum, & inde, eo adhuc constante, ad alterum Matrimonium celebrandum aditus aperiatur. Quamvis enim hujusmodi Matrimonium sit clandestinum *de jure*, utpote astute, atque dolose sine præviis denunciationibus celebratum; fieri tamen nequit, ut re ipsa, &, ut ajunt, *de facto* occultum remaneat, cum & Parochus illud ad Episcopum deferre, & Episcopus adversus contrahentes judicialiter procedere debeat. Et sane quicumque humanarum rerum ignarus non est, poterit ex propria experientia testari, pleraque Matrimonia, quæ in Parochiali Ecclesia præviis denunciationibus publice, & rite celebrantur, nisi conjuges fuerint alicujus spectatæ familiæ, vel dignitatis, ut plurimum ignorari: at nullum fuisse clandestinum hujusmodi Matrimonium coram Parocho dolose accito, aut malitiose deprehenso sine præviis denunciationibus initum, cujus rumor, & fama per universam Parœciam, & Civitatem pervagata non fuerit, tum propter conatus a Parocho ad illud impediendum adhibitos, tum propter ipsius Matrimonii delationem Episcopali Curie ab eodem Parocho factam, tum denique propter judiciales processus ab Episcopo adversus contrahentes institutos.

XLVI. Hactenus doctissimus Pontifex, cui consonant plures Sacrae Congregationis Concilii declarationes. Nam in una Sarzanen. (1), in qua de Matrimonio agebatur, cui, non præmissis denunciationibus, Parochus contradicens, audierat solum verba consensus a Sponso præstiti, dum præ manibus Sponsam haberet, Sacra Congregatio censuit, *Matrimonium sustineri, etiamsi Parochus non intellexerit verba Sponsæ, dum tamen de illius consensu ex aliis signis, juxta juris communis dispositionem, legitime constet.* In Patavina (2), in Tolentina, in Veneta, aliisque statuit, Matrimonium valere, licet Parochus alterutrius contrahentis verba non audivisset, vel quia non intelligere affectasset, vel quia, ex quo terga verterat, non auscultasset, vel quia propter iram, aut strepitum, aut aliam ob causam audire non potuisset. Novissime in una Carthagenen. (3) propositum fuit Matrimonium contractum coram Parocho domi suæ inopinate deprehenso, qui virum viderat, ejusque verba perceperat; fœminam vero neque viderat, neque audierat. Bis causa proposita, cum Cardinales totidem ex una parte pro Matrimonii validitate, ac totidem ex alia pro nullitate opinati fuissent, indicta Congregatio fuit coram Romano Pontifice, jussuque Theologi aliquot, & Canonici Juris Professores ea super re sententiam suam scriptis exponere. Tandem facto ipso, ejusque circumstantiis diligenter excussis, manifestum compertum est, quod si Parochus mulierem non vidit, ejusque verba non intellexit, hoc ideo evenit, quia ipse obfirmato animo eandem videre, & audire noluit, cum eam facile videre, & audire potuisset, quemadmodum eam bene viderant, recteque audierant testes ad eum actum adhibiti. Quare, annuente Pontifice, sententia prodiit pro Matrimonii validitate.

XLVII. Præter Parochum, duos, aut tres testes Matrimonio interesse Tridentina Synodus jubet, ne illud clandestinitate labo-

(1) Sac. Congr. Conc. in una Sarzanen. 16. Febr. 1648.

(2) Sac. Cong. Conc. in Patavina 16. Maii 1669, in Tolentina 18. Nov. 1671.,

& in Veneta 11. Martii 1673.

(3) Sac. Congr. Conc. in Carthagenen. Matrimonii anno 1753.

laboret. Verum cum nullam in iis peculiarem qualitatem requiratur, inde fit, ut duo testes sufficiant, qui usu rationis polleant, & ad testimonium dicendum de jure naturæ habiles reperiantur. Quamobrem in nuptiis contrahendis esse possunt testes, etiam impuberes, consanguinei, domestici, Religiosi, scæminæ, excommunicati, infames, infideles, hæretici, alique, etiamsi ii sint jure positivo ad ferendum testimonium inhabiles, dummodo ita intersint, ut id, quod agatur, intelligant, & simultanea sit, non successiva eorum præsentia.

XLVIII. Quamquam autem ad Matrimonii valorem Parochi, duorumque Testium præsentia requiratur, ubicumque Tridentini decretum fuerit promulgatum; sicubi tamen Parochialis Ecclesia proprio Parocho, & Cathedralis Episcopo careat, & Capitulo habente facultatem delegandi alium Sacerdotem, nullusque alius ibi sit, qui Parochi, vel Episcopi vices suppleat; Sacra Congregatio Concilii (1) censuit valere Matrimonium absque præsentia Parochi, servata tamen in eo, in quo potest, forma Concilii, nempe adhibitis saltem duobus, vel tribus testibus. Si vero existat quidem Parochus, vel Episcopus, sed, nullo constituto Vicario, uterque metu Hæreticorum lateat, itaut vere ignoretur, ubinam sit, vel eodem metu a Diœcesi absit, nec ad alterutrum sit tutus accessus, validum quoque esse Matrimonium contractum absque forma Sacri Concilii Tridentini, adhibitis tamen duobus, uti dictum est, testibus, censuit eadem Sacra Congregatio Concilii. Cum autem prævideretur (2), facile deperditum iri probationes, unde constaret de promulgatione Tridentini decreti in qualibet Parochia, atque exinde orituras plerumque dubitandi causas, num executioni demandata fuisset præscripta Conciliaris decreti promulgatio, & num propterea vim suam obtinere deberet; approbante Pontifice Maximo, sancitum fuit a Congregatione Concilii (3), ad eandem

R r r r r 2 pro-

(1) Sac. Cong. Conc. in Tricaricensi 27. Martii 1632.

(2) Benedictus XIV. in Epist. Decretali *Paucis ab hinc*, ad Archiepiscopum

Goanum data 19. Martii 1758.

(3) Sac. Congr. Conc. in Tricaricensi 26. Septembr. 1602., & in quadam Polonia 13. Nov. 1638.

promulgationem comprobendam sufficere diuturnam observantiam ejusdem Conciliaris decreti, cujus publicatio inducitur ex diuturnitate temporis, quo Matrimonia in Parœciis coram Parocho, ac duobus testibus celebrata fuerunt. Ubi vero Tridentini-decretum publicatum non est, eadem Sacra Congregatio Concilii (1) censuit valere Matrimonia, quæ fuerint sine observatione formæ a Concilio præscriptæ contracta.

XLIX. At quid, si Mulier Catholica cum Hæretico, vel viceversa, Matrimonium coram Ministro Hæretico contrahat in loco, in quo dubitatur, an Sacrum Concilium Tridentinum fuerit publicatum? Sacra Congregatio Concilii (2) respondit, *se non constet de publicatione Sacri Concilii Tridentini in Parochia contrahentium, non esse invalida Matrimonia coram Ministro hæretico contracta: Si vero constet de publicatione Sacri Concilii in Parochia, saltem ex illius observantia per aliquod tempus, tamquam decreti Sacri Concilii, ad validitatem Matrimonii requiri, ut coram Parocho Catholico iterum contrahat.*

L. Tria hæc dubia Sacræ Congregationi Concilii proposuit sub Urbano VIII. Archiepiscopus Colonienſis Elector. 1. an incolæ tam masculi, quam fœminæ loci, in quo Concilium Tridentinum in puncto Matrimonii est promulgatum, & acceptatum, transeuntes per locum, in quo dictum Concilium non est promulgatum, retinentes idem domicilium, valide possint in eodem loco Matrimonium sine Parocho, & Testibus contrahere? 2. quid, si eo prædicti incolæ tam masculi, quam fœminæ solo animo sine Parocho, & Testibus contrahendi se transferant, habitationem non mutant? 3. quid, si iidem incolæ tam masculi, quam fœminæ eo transferant habitationem illo solo animo, ut absque Parocho, & Testibus contrahant? Sacra Congregatio (3) propositis dubiis ita respondit: *Ad primum, Et secundum*

non

(1) Sac. Congr. Conc. in cit. Tricaricem, 26. Sept. 1652.

(2) Sac. Congr. Conc. in una Polonia: 23. Nov. 1638, in una Indiarum Orient-

tium Matrimonii 30. Martii 1669., & in una Constantinopolit. 2. Dec. 1634.

(3) Sac. Congr. Conc. 5. Sept. 1626.

non esse legitimum Matrimonium inter sic se transferentes, & transeuntes cum fraude. Ad tertium, nisi domicilium vere transferatur, Matrimonium non esse validum. Quas quidem responsiones Urbanus VIII. suis Apostolicis Litteris (1) in forma Brevis confirmavit; & novissime Benedictus XIV. Apostolica auctoritate iterum approbatas suæ Epistolæ Decretali (2) ad Archiepiscopum Goanum datæ inferuit, ac in posterum omnino observari mandavit. Hujus Decretalis Epistolæ exemplar damus in Appendice num. 31.

De Raptu.

LI. Decernit Sacrosancta Tridentina Synodus (3), inter raptorem, & raptam, quamdiu ipsa in potestate raptoris manserit, nullum posse subsistere Matrimonium. Quod si raptæ a raptoře separata, & in loco tuto, ac libero constituta illum in virum habere consenserit, eam raptor in uxorem habeat; & nihilominus raptor ipse, & omnes illi consilium, auxilium, & favorem præbentes sint ipso jure excommunicati, & perpetuo infames, omniumque dignitatum incapaces; & si Clerici fuerint, de proprio gradu decidant. Teneatur præterea raptor mulierem raptam, siue eam uxorem duxerit, siue non duxerit, decen- ter arbitrio Judicis dotare.

LII. Ad hunc raptum, quo Matrimonium contrahendum dirimitur, hæc requiruntur. 1. ut mulier per vim, seu physicam, cujusmodi est violenta manuū injectio, seu moralem, uti sunt graves minæ, gravisque metus, siue ab ipso raptoře, siue a mandatario illatam abducatur: si enim solæ adhibeantur importunæ preces, nisi eæ tales sint, ut violentiæ æquiparentur, non habetur raptus dirimens Matrimonium. 2. ut mulier de loco ad locum moraliter diversum abducatur: neque enim raptor est, aut dici potest, qui puellam in aliqua domo repertam ibi eam opprimat, aut ab uno cubiculo ad aliud abductam vio- let.

(1) Urbanus VIII. in suo Brevis edi- to 14. Augusti 1627.

(2) Benedictus XIV. in sua Decretali.

Paucis ab hinc. 19. Martii 1758.

(3) Trid. sess. 24. cap. 6. de reform. Matrim.

let. 3. ut ad ineundum Matrimonium raptus fiat: qui enim puellas ob aliam causam, quam ut iis nubant, abducunt, in citato Tridentini decreto non comprehenduntur, uti Sacra Concilii Congregatio (1) declaravit; & merito, Tridentina enim Synodus nonnisi Matrimonii libertati decreto suo consulere voluit, adeoque de eo tantum loquitur raptu, qui ad nuptias contrahendas perpetratur. 4. ut mulier invita, ac dissentiens rapiatur: si enim raptui consentiat, Matrimonii libertas non læditur; & quamquam violentiam patiantur parentes, valide (2) tamen contra eorum voluntatem a puella Matrimonium initur. Quare sic statuit Lucius III. (3). *Iste raptor dici non debet, cum habuerit mulieris assensum, Et prius eam desponsaverit, quam cognoverit, licet parentes reclamarent, a quibus eam dicitur rapuisse.* Unde Doctores inferunt, verum non haberi raptum, si post tractatum de Matrimonio contrahendo, aut post inita Sponsalia puella consentiens de domo Patris, seu Tutoris, quamquam inviti, & reclamantis, abducatur; imo etiam, si post contracta Sponsalia puella rapiatur invita, nisi iustam ab initis Sponsalibus resiliendi causam habeat.

LIII. Cum Concilium in hoc impedimento raptus statuendo, non mulieris raptæ qualitates, sed Matrimonii dumtaxat libertatem respexerit; inde fit, ut ejusmodi impedimentum habeatur, siue mulier sit virgo, siue corrupta, siue vidua, siue etiam meretrix. Generalia enim legis verba (4), ubi eadem præsertim ratio militat, generaliter sunt intelligenda. Si mulier virum rapiat, locum non habet hoc impedimentum, cum de rapitore, non de raptrice Tridentina Synodus loquatur: ejus autem decretum, cum sit odiosum (5), & pœnale, extendendum non est ad id, quod diferte non exprimit. Quamdiu autem raptus

(1) Sac. Congr. Conc. 23. Jan. 1586.

(2) Trid. sess. 24. cap. 1. de reform. Matrim.

(3) Cap. Cum causam. de raptoribus.

(4) Cap. Quia circa. de privilegiis.

(5) Cap. Hodie; cap. Quæ a jure; & cap. In panis. de regulis Juris in 6.

tus impedimentum perseveret, qua ratione cesset, & quænam poenæ adversus raptorem sint constitutæ, ex adducto Tridentini decreto apertissime constat.

ARTICULUS VII.

De ætate ad Matrimonium requisita.

NON quælibet ætas est ad Matrimonium valide contrahendum idonea, sed pubertas requiritur. Hæc autem alia est legalis, alia naturalis. Legalis ea est, quæ a legibus ad Matrimonium ineundum præscribitur, cum videlicet masculi 14., fœminæ vero duodecimum exegerint annum: cum enim ea ætate naturalis (1) pubertas in utrisque adesse communiter soleat, jam adesse præsumitur. Naturalis pubertas est potentia ad copulam, plenusque rationis usus, quo contrahentes per Matrimonium ad individuum vitæ societatem obligare se possint. Hæc aliquando ætatem prævenit a legibus præscriptam, & tunc malitia supple-re dicitur ætatem. Si naturalis pubertas adsit, ea ad Matrimonii validitatem sufficit, licet pubertas legalis desideretur. *Respondemus* (ita statutum legimus in Jure Canonico) *quod* (2) *si ita fuerint ætate proximi, ut potuerint copula carnali conjungi, minoris ætatis intuitu separari non debent, si unus in alterum visus fuerit consensisse, cum in eis ætatem supplevisse malitia videatur.* Et ita cum S. Thoma (3) communiter sentiunt Doctores, & non infrequenter Sacra Congregatio Concilii (4) declaravit. Duo autem malitia hæc, quæ ætatem supplet, simul complectitur; plenum rationis usum, ac discretionem ad conjugalem præstandum consensum, & actualem potentiam ad copulam conjugalem. Horum prius jure naturali, ac divino, posterius Jure positivo Canonico ad Matrimonii validitatem requiritur. Illud autem inter pubertatem

(1) Cap. *Puberes*, cap. *Ex Litteris*; cap. *Attestationes*; & cap. finali. de desponsatione impuberum.

(2) Cap. *De illis*; cap. *Puberes*; & cap. *Tua*. de desponsat. impuberum.

(3) S. Th. in 4. dist. 36. qu. unica art. 5.

(4) Sac. Congr. Conc. in una Januæ. & alibi apud Fagnanum in cap. *De illis*. de desponsat. impuber.

tem naturalem, ac legalem intercedit discrimen, quod cum naturalis pubertas sit quid facti, nisi eadem positive probetur, ante pubertatem legalem non præsumitur, neque sive mares, sive feminæ ad generandum apti præsumuntur. Contra vero Matrimonium post legalem pubertatem contractum validum est, licet pubes fortasse illud consummare non possit: cum enim ætatem habeat legitimam, ac de perpetuo impedimento non constet, impedimentum, quod adest, esse censetur temporale, quod sane Matrimonium non dirimit.

II. Cum facultas contrahendi Matrimonium ante præscriptum ætatis tempus, quoties malitia ætatem suppleat, ab ipsa Legum, & Canonum dispositione oriatur; Episcopi proinde, atque Ordinarii locorum (uti docet Benedictus XIV. (1)) jure suo pronunciare possunt super ea questione, quæ facti est, an videlicet malitia, ut asseritur, ætatem suppleat; & quoties id verum sit, Matrimonii contrahendi licentiam impertiri valent, quin Apostolicam Sedem adire necesse sit, nisi pro majori actus solemnitate, & ne de contractus hujusmodi Matrimonialis validitate propter minorem ætatem hesitari contingat, uti habet formula, quæ in litteris declaratoriis super minori ætate adhiberi ab Apostolica Sede consuevit. Quamobrem si quis umquam in Nostra Diœcesi ejusmodi casus obtingat; continuo rem totam ad Nos Parochus deferat, ut, omnibus mature perpensis, super hac facti questione pronunciemus, & quid, attentis omnibus circumstantiis, fieri expediat, decernamus. Cumulativum siquidem jus est (2), uti Canonistæ docent, inter Apostolicam Sedem, & Judices Ordinarios cognoscendi, & pronunciandi de hac re, an videlicet malitia suppleat ætatem: privativum vero Jus Apostolicæ Sedis est concedendi dispensationem ad contrahendum Matrimonium impuberi, qui per ætatem conjugali copulæ nondum maturus

(1) Bened. XIV. Epist. Decr. *Magna nobis*. ad Poloniz Primatem, Archiepiscopos, & Episcopos data 27. Junii 1748.

(2) Benedictus XIV. cit. Epist. *Magna nobis*.

turus est, rationis tamen usu ita pollet, ut Matrimonii contrahendi vim, & naturam intelligat. Ad Matrimonii enim validitatem rationis usus jure naturali, ac divino, actualis vero ad conjugalem copulam potentia Jure Canonico positivo requiritur. Romanus autem Pontifex est supra Jus Canonicum; quilibet vero Episcopus inferior eo est, ac proinde iis legibus derogare nequit.

ARTICULUS VIII

*De Matrimonialium impedimentorum dispensatione,
seu relaxatione.*

Impedimenta mere impediencia relaxari ab Episcopo posse, nemo est, qui dubitet (1), si tria excipiantur, videlicet 1. impedimentum ortum ex sponsalibus validis cum alia persona, qua sane invita, remitti sine ejusdem injuriæ impedimentum nequit. 2. impedimentum ex voto simplici, aut castitatis perpetuæ, aut ingrediendæ Religionis: hæc enim vota, nisi conditionata fuerint, sunt Romano Pontifici reservata. 3. impedimentum ex hæresi alterutrius contrahentis: cum enim interdictum sit per Concilii Chalcedonensis, & Sacrorum Canonum, ac Romanorum Pontificum sanctiones, ne inter Hæreticum, & Catholicam, aut viceversa, Matrimonium contrahatur; jam solus Romanus Pontifex relaxare hoc impedimentum potest, non vero Episcopi, nisi specialem quoad hoc ab Apostolica Sede facultatem obtinuerint.

II. Impedimenta dirimentia alia oriuntur ex jure naturali, ac divino, cujusmodi sunt amentia, vis, error substantialis, & Matrimonium cum alia contractum, & consummatum; alia ex Jure positivo Canonico, cujusmodi sunt Ordo sacer, votum solenne castitatis, cognatio, raptus, clandestinitas &c. Priora ne a Romano quidem Pontifice relaxari possunt, sunt enim juris divini naturalis independentis quoad originem ab humana volun-

S S S S

tate,

(1) Benedictus XIV. de Synodo lib.9. cap. 2. n. 1.

tate, Romanus autem Pontifex juxta S. Thomæ (1) doctrinam in iis solum, quæ ab humana voluntate originem trahunt, licet juris sint divini, potest, siqua gravis urgeat necessitas, ex præsumpta Dei voluntate dispensare. Rem explicat Angelicus Doctor in voto continentiae, cujus sane obligatio est de jure divino naturali. *Si communis utilitas totius Ecclesiae, aut unius Regni, vel Provinciae exspectaret, posset convenienter Et in voto continentiae, Et in voto Religionis dispensari, quantumcumque esset solemnizatum. Non enim per votum posset se homo deobligare ab eo, in quo tenetur alteri. Unde talis posset imminere necessitas, ut posset alicui juxta prohiberi, ne continentiam, aut Religionem voveret, Et, eadem necessitate manente, posset etiam in voto dispensari jam facto.* Impedimenta vero dirimentia de Jure dumtaxat Canonico, relaxari omnino possunt, ac dispensari a Romano Pontifice, qui secundum (2) plenitudinem potestatis de Jure potest supra Jus dispensare.

II. At quoad impedimenta de Jure dumtaxat Canonico dirimentia quid possunt Episcopi? Certum est 1. relaxari ab Episcopo (3) posse Impedimentum Canonicum, propter quod invalidum fuit Matrimonium publice contractum, si tamen hæ omnes simul circumstantiæ concurrant. 1. ut Matrimonium in faciem Ecclesiae, omnibus adhibitis solemnitatibus, fuerit celebratum. 2. ut contractum bona fide fuerit ex facti, aut juris ignorantia. 3. ut fuerit consummatum. 4. ut occultum sit Canonicum impedimentum. 5. ut conjugum separatio sine scandalo fieri nequeat. 6. ut ob conjugum paupertatem, rusticitatem, locorum distantiam, aliasque similes causas adiri facile nequeat Apostolica Sedes, & dispensatio ab ea obtineri. Siqua ex his circumstantiis absit, dispensare Episcopus nequit. At si laborantes impedimento sint pauperes, aut rudes, aut rustici, officium erit Ordinarii dispensationem in forma pauperum ab Apostolica Sede procurare, ut gratis,

(1) S. Th. in 4. dist. 38. qu. 1. art. 4. ad 3., & questiu. 1. in corp.

(2) Benedictus XIV. de Synodo lib. 9. cap. 2. n. 1.

(3) Cap. *Propositus*. de conce. præben. n. 2.

gratis, ac sine compositione obtineatur. Quando vero dispensatio, concurrentibus recensitis circumstantiis, ab Episcopo conceditur, pro interno tantum, non pro externo prodest foro. Quamobrem si impedimentum postea detegatur, & ad forum contentiosum deferatur, nova erit a Summo Pontifice impetrandā dispensatio. Neque enim plus potestatis Episcopo tribuendum est, quam habeat Major Papæ Pœnitentiarius, qui sane in prædicto rerum eventu impedimentum ita aufert, ut Matrimonium in foro solum interno convalescat.

IV. Certum est 2. Episcopos non habere ordinariam potestatem dispensandi in impedimentis dirimentibus publicis pro Matrimonio contrahendo (1), etiamsi gravis urgeat illud contrahendi necessitas: non semel enim propositio affirmans, id Episcopos posse, a Sacris Congregationibus Concilii, ac supremæ Inquisitionis tamquam falsa, ac temeraria proscripta est. Poterunt itaque solum Episcopi in his impedimentis dispensare, quando delegatam ad id a Romano Pontifice obtinuerint facultatem, & tunc quidem non modo concessæ sibi facultatis terminos prætergredi nequeunt, verum etiam hanc exequi clausulam diligenter debent, quam hujusmodi dispensandi facultatibus adjicere Apostolica Sedes consuevit: *Hæ vero matrimoniales dispensationes non concedantur, nisi cum clausula, dummodo mulier rapta non fuerit, vel si rapta fuerit, in potestate raptoris non existat. Præterea in dispensationibus hujusmodi declaretur expresse, illas concedi tamquam a Sedis Apostolicæ Delegato, ad quem effectum tenor ejusdem facultatis inferatur cum expressione temporis, ad quod fuerint concessæ: alias nullæ sint.*

V. Non defunt quidem magni nominis Auctores, qui Episcopo facultatem asserunt, auferendi occultum dirimens impedimentum (2), quod Matrimonio proxime contrahendo obstat, quando videlicet tales urgent circumstantiæ rerum, ut neque Summus Pontifex consuli, neque Matrimonii contractus, ad quem omnia sunt disposita, differri sine scandalo possit, ac sine

S s s s s 2 eorum

(1) Benedictus XIV. loc. cit. n. 3.

(2) Benedictus XIV. loc. cit. n. 2.

eorum infamia, qui se paraverunt ad Nuptias. In eo enim rerum articulo, ad tot præcavenda mala, præsumi debet, nisi alius suppetat modus, Summum Pontificem Episcopo dispensandi facultatem tribuere, quam certe denegaturus non esset, si eam postularet. Neque credi ulla ratione potest, eundem in iis circumstantiis cum gravi animarum dispendio illam sibi privative quoad Episcopo potestatem reservare, quam a Christo Domino in commune animarum bonum accepit, cum id non minus reservationis fini, qui est, ut scandala, peccandique pericula a Fidelibus evitentur, quam suavi, providæque Ecclesiæ gubernationi adversetur, quæ ex (1) Apostolo potestatem suam non in destructionem, sed in ædificationem animarum debet exercere. Verum, quamvis hæc opinio, teste Bonaccina (2), sit hodie fere communis; Cum tamen fieri moraliter non posse videatur, ut ex omnes circumstantiæ concurrant, in quibus retardari Matrimonium sine scandalo nequeat (plurimi enim semper præsto sunt modi nuptias protrahendi absque ulla criminis suspitione, & sine eorum infamia, qui ad eas celebrandas jam sunt parati); Et cum ex Nostra hac Diocesi tutus, facilisque ad Summum Pontificem, Sacramve Pœnitentiarum accessus pateat; Propterea de hac extraordinaria potestate, quæ ex præsumpta Romani Pontificis voluntate in peculiari aliquo eventu, urgentissimæ videlicet necessitatis, occultique impeditenti, Episcopis competat, ab omni ferendo iudicio abstinemus.

VI. Cum autem non raro ad Matrimonia contrahenda, aut contracta revalidanda dispensatio super Matrimonii impedimentis apud Sacram Pœnitentiarum petenda sit; Hæc autem litteras suas, quibus petitam dispensandi facultatem concedit, dirigere, & inscribere solet *Discreto Viro Confessario ex approbatis ab Ordinario per Oratorem eligendo*; Ne sive in petendis, sive in exequendis ejusmodi Litteris a Parochis, aut Confessariis error aliquis ob imperitiam admittatur; Operæ pretium ducimus perbre-

vem

(1) 2. ad Cor. c. 10.

(2) Bonaccina de Matrim. disput. 3. punct. 15. n. 5.

ven hac super re institutionem subnectere, qua iidem Litteras Sacrae Pœnitentiariæ petere, & exequi doceantur. Monitos tamen eos volumus, Sacrae Pœnitentiariæ tunc solum pro dispensandi facultate preces esse porrigendas, cum ita occulta sunt Matrimonialia impedimenta, ut neque ad forum externum deducta fuerint, neque facile futurum sit, ut vel publica fiant, vel ad externum forum deducantur. Secus enim ad Datariam recurrere oportet, cujus opera Apostolicæ Litteræ sub plumbo expeditæ ad Nostram Curiam deferendæ sunt, ut eadem, servatis servandis, executioni fideliter demandentur. Ne quis autem ignorare possit, quænam sint Majoris Pœnitentiarîi, atque officii Pœnitentiariæ facultates; damus in Appendice *num. 32.* exemplar Constitutionis Benedicti XIV. (1), in qua singulæ recensentur, & Apostolica auctoritate confirmantur.

ARTICULUS IX.

*De petendis, & exequendis Sacrae Pœnitentiariæ dispensationibus:
super Matrimonialibus impedimentis tum impediens, tum
dirimentibus.*

SI quis forte in Sacramentali Confessione Parochus, alterive Confessario Canonicum occultum impedimentum detegat, quo illigatus mulieri vel invalide nupsit, vel perperam est nupturus; ab eoque postulet, ut a Sacra Pœnitentiaria sibi dispensationem obtineat, qua Matrimonium vel contractum revalidari, vel contrahendum iniri valide possit; recusare (2) Parochus, aut Confessarius hanc provinciam non debet, ne forte pœnitens desperatione adductus aut in statu peccati, in quo est, perseveret, aut Matrimonium invalide contrahens in profundum iniquitatis demergatur. Quamobrem Parochus, seu Confessarius pœnitentem diligenter examinare, ac rem totam cum necessariis circumstantiis,

(1) Benedictus XIV. *Const. Pastor bonus*, edita idibus Aprilis 1744.

(2) Benedictus XIV. *Instit.* 27. §. 29.

stantiis, & cum iustis causis, propter quas petitur dispensatio, Cardinali Majori Pœnitentiario declarare debet per litteras seu Latina, seu Italica lingua exaratas. Cum enim sine legitima causa Matrimoniales dispensationes Sacra Pœnitentia non impertiantur; causa aliqua rationabilis, ac iusta proferenda semper est, propter quam dispensatio postuletur. Et pro contractis quidem Matrimoniis revalidandis causa desumi solet ex metu, ne detrimentum aliquod, aut dissidium, aut scandalum excitetur, si, non obtenta dispensatione, dissolvi Matrimonium oporteat. Hæc autem causa deesse fere nunquam solet: vix enim ulla dissolvi possunt Matrimonia, quin gravissima subsequantur mala, quæ per dispensationem impedirentur. Cavendum tamen diligenter est, ne quid necessario exprimendum reticeatur, & ne quid a veritate alienum exprimat. In primo enim casu dispensatio subreptionis, in secundo obreptionis, in utroque nullitatis vitio laboraret, suumque nullo modo fortiri posset effectum. Canonicum igitur dirimens impedimentum exprimi debet in individuo; & si super consanguinitatis ex. gr. impedimento dispensatio petatur, explicanda hæc sunt: an occultum sit impedimentum? utrum pro contracto, an pro contrahendo Matrimonio dispensatio petatur? in quo gradu sit consanguinitas? utrum in linea recta, an in transversa? utrum æqualis sit, an inæqualis lineæ transversæ gradus? si sit inæqualis, uterque exprimi gradus debet, proximior videlicet, ac remotior. Explicandum præterea, an secutura sint scandala, si conjuges separentur, aut nisi nuptiæ contrahantur? an vitæ, aut infamiæ periculum subsit? Utrum utrique, an uni dumtaxat parti notum sit impedimentum? utrum uterque, an unus dumtaxat conjux in bona versetur fide? Servandum fere idem est, si super affinitatis impedimento dispensatio petatur. Illud tamen præterea explicandum est, utrum affinitas ex licita, an ex illicita copula oriatur? Si enim *affinitas* dumtaxat dicatur, ea intelligitur, quæ ex licita, seu conjugali promanat copula. Quod si de Matrimonio contracto agatur,

tur, illud insuper addendum est, utrum scienter, an ignoranter in gradu prohibito contractum fuerit? an initæ fuerint nuptiæ, proclamationibus non præmissis, neque obtenta super illis Ordinarii dispensatione? an copula præmissa nuptiis fuerit? an præmissa fuerit ex intentione, ac spe obtinendi facilius dispensationem? an Matrimonium fuerit consummatum &c? In his litteris, quæ ad Majorem Pœnitentiarium dantur, reticendum omnino est illius nomen, qui dispensationem postulat, ejusque loco littera N. sufficitur: locus tamen designandus est, quo mitti debeant responsa, nisi procurator aliquis, aut negotiorum gestor Romæ adsit, qui & litteras Sacræ Pœnitentiariæ tradat, & suo tempore ejusdem responsa recipiat. In fine litterarum nomen etiam, & cognomen describenda sunt illius, ad quem responsum detur, si Romæ non adsit, qui ejusmodi responsum sibi tradi curet. Et hæc de petendis a Sacra Pœnitentiaria Matrimonialibus dispensationibus innuisse sufficiat. Pauca nunc de ejusdem Pœnitentiariæ litteris exequendis dicamus.

II. Litteræ Sacræ Pœnitentiariæ, quibus petita conceditur facultas super Canonico impedimento dispensandi, aliquando inscribuntur *Discreto Viro Confessori, Magistro in Theologia, vel Doctorum Doctori, ex approbatis ab Ordinario*; aliquando *Discreto Viro Confessario ex approbatis ab Ordinario*. In primo casu eas exequi non potest, nisi is, qui in Theologia, vel in Jure Canonico Doctoris lauream ab aliqua obtinuerit Universitate. Quod si alicui tradantur, qui iis titulis careat, & is temere easdem aperiat, nullum proinde resultare detrimentum debet in illum, qui petiit dispensationem, adeoque non novæ a Pœnitentiaria petendæ sunt litteræ, sed primæ, licet apertæ, tradi pro executione possunt Viro, qui propositis titulis exornetur. In secundo casu quilibet Confessarius eas executioni potest demandare. In utroque tamen casu executor debet esse actu ab Ordinario ad Confessiones audiendas approbatus; ita etiam, ut, si cum mulieribus dispensandum

dum sit, exequi litteras nequeat is, qui virorum tantum confessiones potest excipere.

III. Ubi Confessario exhibitæ sint litteræ, is illas diligenter legat, clausulasque omnes iisdem insertas attente consideret, ne in earum executione vel minimis in rebus mandati fines prætergrediatur. Aliquas ejusmodi clausulas inseri solitas obiter percurramus. Prima clausula, quæ numquam deesse solet, hæc est: *Si ita est*. Vi hujus clausulæ, qui litteras exequitur, curam omnem, diligentiamque (1) impendat oportet, ut cognoscat, an verum sit, quidquid Majori Pœnitentiaro fuit expositum, adeoque an veræ sint res ipsæ, circumstantiæ, & causæ ad obtinendam dispensationem productæ. Monere proinde Pœnitentem debet, ut nihil a veritate proferat alienum; non tamen ullos inquiri testes, sed illum examinari dumtaxat oportet, qui dispensationem impetravit. Si ab executore accurata hæc diligentia omittatur, irrita erit dispensatio, nisi forte ipse aliunde rei veritatem, justamque causam cognoverit. *Quod si Confessarius pro certo habeat* [inquit (1) Benedictus XIV.] *falsum esse, quod Summo Pœnitentiaro propositum fuit, ab exequenda dispensatione absteineat, licet qui ipsam postulavit, rei falsitatem tueri contendat, modo tamen Sacerdos id non perceperit, cum Pœnitentiæ Sacramentum dispensando administravit: non enim uti licet iis, quæ tunc deprehenduntur.*

IV. Secunda clausula esse solet hæc: *Audita prius Sacramentali Confessione*; quæ sane clausula conditionem importat, sine qua non concessa Confessario fuisset dispensandi facultas. Quare Confessarius (3) ea facultate uti debet, dum Pœnitentiæ Sacramentum administrat, postquam consueta verba absolutionis a censuris, & peccatis pronuntiavit. Si res de ineundo Matrimonio agitur, his utatur verbis: *Et insuper auctoritate Apostolica mihi specialiter delegata dispensa tecum super impedimento, ut præfato impedimen-*
to non

(1) Benedictus XIV. Infit. 87. §. 34.

(2) Benedictus XIV. loc. cit.

(3) Benedictus XIV. loc. cit. §. 36.,

81., & 82.

to non obstante, *Matrimonium cum dicta muliere publice, servata forma Tridentini, contrahere, consummare, ac in eo manere licite possis, & valeas, in nomine Patris &c. Insuper eadem Apostolica auctoritate prolem, quam ex Matrimonio susceperis, legitimam fore nuncio, & declaro, in nomine Patris &c.* Si vero de Matrimonio jam inito res est, post consuetam a censuris, & peccatis absolutionem, hanc formulam pronunciet: *Et insuper auctoritate Apostolica mihi specialiter delegata dispenso tecum super impedimento; ut eo non obstante, Matrimonium consummare, & in eo remanere licite possis, in nomine Patris &c. Et pariter eadem auctoritate Apostolica, prolem, si quam suscepisti, & susceperis, legitimam fore decerno, & declaro, in nomine Patris &c.*

V. Tertia clausula est: *Injuncta ei, pro tam enormis libidinis excessu, gravi penitentia salutari.* Hæc clausula non importat merum Confessarii libitum, itaut is, prout sibi placuerit, penitentiam libere injungere possit; sed arbitrium significat boni viri, quod juri conforme sit. Quare ut Confessarius muneri suo faciat satis, neque severitatis, neque humanitatis fines excedat, adeoque rationem habeat conditionis, ætatis, & sexus illius, cui pœna irrogatur. Quod si Litteræ (1) præscribant [quemadmodum usuvenire aliquando solet] ut penitenti Confessio singulis mensibus peragenda injungatur, injungenda ea omnino est, nec prætermitti potest. Idem de aliis certis pœnis dicendum est, quæ a Sacra Pœnitentiaria præscribantur.

VI. Quarta clausula sic habet: *dummodo impedimentum omnino occultum sit.* Adhiberi solet potissimum hæc clausula, cum uterque conjux, novo Matrimonio copulatus, necem prioris conjugis molitus fuerit (2); & tunc significat: *dummodo omnino occultum sit, quod uterque Oratorum in mortem prioris conjugis machinatus sit, & plane ignoretur, quod ejus mors inde sit secuta, itaut solum delinquentibus innotescat.* At si hæc alia clausula adhibeatur: *dum-*

T t t t

modo

(1) Benedictus XIV. loc. cit. §. 36., & 37.

(2) Benedictus XIV. loc. cit. §. 44.

modo impedimentum occultum sit; tunc (1), etiamsi paucissimis sit notum, adhuc occultum censetur crimen, seu impedimentum, uti docent Prosper Fagnanus, Marcus Paulus Leo, Thesaurus, Tiburtius Navarrus, & Syrus, viri omnes Sacre Pœnitentiariæ peritissimi. Unius, aut alterius verba proferamus. Navarrus (2) sic habet: *Res, si in Oppido est nota quinque, aut sex personis; in Civitate vero septem, aut octo, adhuc occulta censeri debet, modo scilicet ab illis non fuerit divulgata*. Syrus (3) vero sic: *Si delictum sit notum duobus, vel tribus alicujus loci, aut Communitatis, aut Capituli, occultum censetur. Si in Oppido sit notum quinque, aut sex personis; in Civitate vero septem, aut octo, adhuc censetur occultum*. Navarrus tamen, ac Thesaurus Confessarium monent, ut ab exequenda dispensatione abstineat, si prudenti conjectura intelligat, post breve tempus futurum esse publicum crimen, seu impedimentum, quod a paucis antea cognoscebatur.

VII. Quinta clausula *aliudque non obstat* significat, Confessarium, antequam litteras exequatur, exquirere debere, an aliud Canonicum impedimentum adsit, præter illud, quod Pœnitentiariæ expositum fuit. Si enim adsit, irrita erit, si concedatur, dispensatio. Quare Matrimonium non est ineundum, si celebratum non fuerit: si vero contractum jam sit, sejungendi sunt conjuges, donec ad Datariam recurrerint, si illud impedimentum sit publicum, ad Pœnitentiarium vero, si in tenebris adhuc delitescat.

VIII. Aliquæ nunc decidendæ quæstiones, quæ solent occurrere. Quæritur 1. utrum occultum censeatur impedimentum, quod quidem publice in eo loco cognoscitur, in quo contractum fuit, sive alibi; occultum tamen est, ubi degunt ii, qui dispensationem postulant, & ubi dispensatio a Confessario concedenda est? Dicendum cum Navarro, exequendam non esse dispensationem, nisi declaratum in supplici libello fuerit, crimen

(1) Benedictus XIV. cit. Infl. §. 44. & 45., & 46.

(3) Syrus de Praxi exec. epist. Pœnitent. pag. 269.

(2) Tiburtius Navar. in Manuale l. p. 19.

crimen esse alicubi publicum ; sed recurrendum iterum ad Pœnitentiarium , & id , quod reticuitur fuit , manifestandum .

IX. *Quæritur 2. utrum impedimentum , quod fuit aliquando publicum , temporis diuturnitate fieri occultum possit , itaut dispensatio tribuenda videatur ?* Affirmat Marcus Paulus Leo (1) , & genus ejusmodi occultorum sæpe suo tempore a Signatura Officii Sacræ Pœnitentiariæ admissum fuisse testatur , *non tamen eodem modo in omnibus casibus ; sed in dispensationibus Matrimonialibus decennium , in Irregularitatibus viginti , & triginta annorum spatium requiri .*

X. *Quæritur 3. an occultum censi debet impedimentum , quod Theologi materialiter publicum , sed formaliter occultum appellant ?* Distinctione hæc utimur ; & affirmative respondemus , si factum quidem sit publicum , sed tum in ratione criminis , tum in ratione pœnæ , seu impedimenti sit occultum ; negative vero , si publicum sit in ratione criminis , sed occultum in ratione pœnæ , seu impedimenti . *Aliqui , ait Thesaurus (2) , audent ulterius , & dicunt , etiamsi sit publicum ut delictum , si tamen sit occultum in ratione pœnæ adnexæ a Jure , posse dispensari , vel absolvi ab illa tamquam in occultis . Contrarium tamen tenendum est , quia hoc est Juris ignorantia , quæ non excusat ad hunc effectum , & hoc observat Sacra Pœnitentia .* Rem exemplis explicemus . Si quis Monialium claustra sine facultate ingrediatur ; eam tamen illi concessam antea fuisse omnes arbitrentur ; jam factum (videlicet ingressus) est materialiter publicum , sed formaliter in ratione criminis , & pœnæ est occultum . Contra si mulier nefarium iniit consilium cum alio viro de marito suo interficiendo , & scelus hoc evulgatum apud Oppidi incolas fuerit , eorum tamen paucissimi sciant , ob hanc causam impedimentum criminis interponi , ne eadem mulier , post illam marito necem , cum illo scelerato homine Matrimonium contrahat ; erit quidem factum hoc

T t t t t 2 in

(1) Marcus Paulus Leo in praxi ad Lit. Major. Pœnitent. par.1. pag.133.

(2) Thesaurus de pœnis §. *Advertendum secundo .*

in ratione pœnæ, seu impedimenti *formaliter* occultum propter Juris ignorantiam, sed erit etiam *formaliter* publicum in ratione criminis: Nos autem jurejurando affirmare possumus (inquit Benedictus XIV. (1)) post tot annos, quibus Sacra Pœnitentiaria addicti fuimus, suffragiumque nostrum, cum res hujusmodi proponerentur, scriptum, seu voce tenus dedimus, in more semper positum fuisse, ut impedimentum publicum materialiter spectaretur, & numquam eo nos devenisse, ut examen fieret, an impedimentum *formaliter* occultum censendum esset.

XI. Non occultum, sed publicum Sacra Pœnitentiaria esse censet illud crimen, seu impedimentum, quod semel in forum contentiosum adductum sit, nisi forte reus in eodem foro declaratus per sententiam Judicis fuerit, aut tamquam repertus innocens, & non culpabilis, aut tamquam absolutus ex hactenus deductis, vel ex observatione Judicii, seu tamquam non repertus culpabilis, nec de Jure punibilis, quamquam ejusmodi sententia per falsos testes compareretur, aliasve rationes, quæ ab æquitate abhorreant. Licet enim hoc pacto impedimentum adhuc supersit; erit tamen occultum, cum oblitteretur infamia, & crimen ipsum quibusdam veluti tenebris obducatur. Ad id autem obtinendum non sufficit Judicis sententia, per quam diuissus quidem sit reus, sed interposita cautione: *de se representando*. Quod si quis forte, cum occultum foret impedimentum, obtenta super eodem dispensatione, nupserit, mox autem impedimentum ex occulto fiat publicum; potest quidem Ordinarius loci (2) adversus conjuges procedere, eos a thoro separare &c., ii tamen adhuc veri erunt conjuges, & si tempore separationis, remoto scandalo, debitum conjugale sibi invicem reddant, nullius rei erunt criminis, quia per acceptam Pœnitentiariæ dispensationem impedimentum, quod tunc erat occultum, vere sublatum fuit. Potest autem Episcopus in foro externo procedere, quia in Matrimonialibus dis-

penfa-

(1) Benedictus XIV. Instit. 37. §. 43.
trim. cap. 1.

(2) Tiburtius Navarrus par. 2. dispens. Ma-

penſationibus hæc addi ſolet clauſula: *ita quoque huiusmodi abſolutio, ac diſpenſatio in foro iudiciario nullatenus ſuffragetur*. Verum ſi Epiſcopus (1) Pœnitentiariæ diſpenſationem interceſſiſſe ſecreto moneatur a Parocho, ſeu Confeſſario, qui ejuſdem Pœnitentiariæ litteras executioni mandavit; ejus teſtimonio omnino debet acquieſcere, nec ullam aſſerre illis moleſtiam, qui diſpenſationem ſibi compararunt: ſecus ad Summum Pœnitentiarium recurri poteſt, qui Epiſcopo injunget, ut ab omni moleſtia, iudicioque abſtineat.

XII. Aliquando in Sacræ Pœnitentiariæ litteris hæc habetur clauſula: *Præſentibus laceratis, quas ſub pœna excommunicationis late ſententiæ lacerare tenearis, itaut nullum earum exemplar extet, neque eas latori reſtituas. Quod ſi reſtitueris, nihil ei præſentes litteræ ſuffragentur*. Verba hæc ſunt adeo clara, ut explicatione non indigeant. Duo ſolum adnotamus. Primum eſt *excommunicationis* nomine in ejuſmodi litteris ſemper majorem excommunicationem intelligi. Alterum eſt, illa verba *nihil ei præſentes litteræ ſuffragentur* intelligenda eſſe *de foro iudiciario*: ſecuta enim earum executione in foro conſcientiæ, ſemper validæ remanent in eodem foro, uti Marcus Paulus Leo, & Tiburtius Navarrus declarant.

XIII. Si de contractis jam Matrimoniiſ agatur, & occultum adfuerit impedimentum uni ſolum ex conjugibus notum; ac petatur, ut Sacræ Pœnitentiariæ facultate revalidentur; ſic eadem ſolet reſcribere: *Demum, dummodo impedimentum præſatum occultum ſit, & ſeparatio inter latorem, & dictam mulierem fieri non poſſit abſque ſcandalo; aliudque non obſtet; cum eodem latore, ut dicta muliere de nullitate prioris conſenſus certiorata, ſed ita caute, ut latoris delictum numquam detegatur, Matrimonium cum eadem muliere, & uterque inter ſe de novo ſecrete ad evitanda ſcandala, præmiſſis non obſtantibus, contrahere, & in eo poſtmodum remanere legitime valeat, miſericorditer diſpenſes*. Multa, quæ in hoc continentur de-

creto,

(1) Benedictus XIV. Inſtit. 87. §. 31.

creto, superius explicavimus. Tria tamen adhuc difficiliora explicanda supersunt.

XIV. Primo: separari jubentur conjuges, si id fieri possit sine scandalo. Verum cum fere numquam separatio (1) ejusmodi fieri possit sive quoad cohabitationem, sive quoad thorum sine populi scandalo, & admiratione, vel sine periculo incontinentiæ conjugum; satis idcirco erit, ut Confessarius vel utrumque conjugem, si uterque impedimentum sciat, vel illum, qui rei conscius est, serio moneat, ne, antequam renovato consensu Matrimonium convalidetur, in copulam consentiat, quæ sane fornicaria esset, licet non proinde irrita redderetur dispensatio, quam postmodum obtineret.

XV. Secundo: Matrimonium inter conjuges clam renovari jubetur, adeoque novum uterque conjux dare consensum debet. Dubitatum olim fuit, an coram Parocho, ac Testibus novus hic præstandus esset consensus? Verum cum agatur de Matrimonio jam coram Parocho, & Testibus, licet invalide, contracto; S. Pius V., Sacra Congregatio Concilii, Sacra Romana Rota, & communiter DD., uti videre est apud Benedictum XIV. (2), declararunt, neque Parochi, aut Confessarii, neque Testium præsentiam requiri, sed satis esse, ut soli inter se Conjuges mutuum renovent consensum.

XVI. Tertio: verba illa *dicta muliere de nullitate prioris consensus certiorata*, non meram instructionem, ut aliqui docuere, sed veram conditionem significant omnino implendam: certissimum enim est inter Jurisperitos, *per ablativum absolutum* veram conditionem importari. Certum itaque est, uti tum a ratione, tum ab auctoritate probat Benedictus XIV. (3), ad Matrimonium revalidandum requiri, ut novus exhibeatur consensus, ac simul ignaro conjugum impedimentum detegatur.

XVII. At

(1) Benedictus XIV. Instit. 87. §. 60.

(3) Benedictus XIV. Instit. 87. §. 67.

(2) Benedictus XIV. citata Institut. 68., 69., & 70. §. 63., & 64.

XVII. At qua ratione certior fiet conjux de prioris consensus nullitate tam caute, ut alterius conjugis delictum minime detegatur? Quadruplex ab Auctoribus excogitata ratio est. 1. conjux impedimenti conscius suspicari se ostendat, Matrimonium non fuisse rite celebratum, adeoque ad metum omnem abiiciendum novo utriusque opus esse consensu. 2. impedimenti conscius ab uxore, quam a se plurimum diligi asserimet, novum in nuptias consensum, tamquam sui testimonium amoris postulet. 3. impedimenti conscius se non rite Matrimonio consensisse declaret; adeoque ad animi tranquillitatem ex Confessarii consilio opus esse, ut mutus utriusque consensus renovetur. 4. demum si gravissimas propter difficultates non alius suppetat consensum renovandi modus, vir impedimenti conscius cum conjuge impedimenti nescia copulam habeat affectu maritali, quæ cum eodem affectu maritali ab uxore exerceri merito præsumatur, jam novus utriusque consensus habetur, quemadmodum ante Tridentini decretum copula maritali affectu habita a viro, & muliere ad validum Matrimonium sufficiens erat.

XVIII. Prima, & secunda ratio suis difficultatibus non carent. Tertia, & quarta apud doctissimos, ac Sacræ Pœnitentiariæ peritissimos viros esse videntur communiores. Tertium omnium maxime probat Benedictus XIV. videndus in sua Institutione § 7., ubi rem fuscè, eruditeque pertractat. Subdit tamen § 80., quod si tertia ratio gravissimis in praxi obnoxia incommodis, ac difficultatibus reperiatur, Confessarius ad Majorem Pœnitentiarium recurrat, qui fortasse in eo casu vel aliquid de severitate remittet, vel necessarias a Pontifice facultates postulabit. Quod si periculum sit in mora, Confessarius Episcopum adeat, eique, contrahentium nominibus silentio prætermisiss, impendentia pericula patefaciat. Continget fortasse, ut rebus omnibus diligenter perpensis, præter quatuor expositas rationes, alia deprehendatur, ob quam ignaro conjugum irritum Matrimonium declaretur, nec tamen pateat crinien, aut ulla prorsus incommoda consequantur.

AR-

ARTICULUS X.

De occultis Matrimoniis, quæ vulgo Conscientiæ nuncupantur.

Quantum a Sacramenti dignitate, & ab Ecclesiasticarum Legum præscripto occulta Matrimonia, quæ *Conscientiæ* vulgo nuncupantur, ut plurimum abhorreant, satis, superque conjicere quis poterit ab exitiosis illorum effectibus, quos Benedictus XIV. in peculiari sua Constitutione (1) recenset, cujus exemplar damus in Appendice num. 33. Verum cum nonnumquam ex urgentissimis causis occulta hæc Matrimonia contrahendi facultas sit ab Episcopis concedenda; plura proinde idem Pontifex in laudata Constitutione præscribit in ejusmodi casibus diligenter, exacteque servanda. Et primum quidem constituit, ut non sine gravi, legitimaque causa super publicis Matrimonii denunciationibus Episcopus dispenset: licet enim eidem relictum sit omnimode super denunciationibus dispensare; hæc tamen facultas non a sola Dispensantis voluntate pendet, sed æctis prudentiæ, discretique arbitrii legibus a Tridentino coercetur. Deinde majorem adhibendam esse vigilantiam monet, ne sine gravi, urgenti, & urgentissima causa permittatur, ut post remissas denunciations Matrimonium celebretur coram Parocho, aut alio Sacerdote deputato a Parocho, vel ab Episcopo, & coram duobus, vel tribus Testibus confidentibus, unde nulla celebrationis notitia, aut rumor oriatur. Ut enim id juxta Sacros Canones licite fiat, non satis est obvia quævis, aut vulgaris causa: neque enim vitari periculum facile potest, ne Matrimonia occulte celebrata exitus habeant luctuosos. Tertio impense hortatur, ut personarum Matrimonium secreto contrahere petentium diligens ab Ordinario inquisitio fiat, ac potissimum ab iis requiratur, ut clara, & indubia, & a quavis fraude immunia status liberi exhibeant documenta. Quarto, ut secreto Matrimonio interesse ab Episcopo

(1) Benedictus XIV. *Const. Satis vobis*. edita 17. Nov. 1741.

copo jubeatur alterutrius contrahentis Parochus, quem notitia personarum, experientia, & diuturnus rerum usus quovis extraneo Sacerdote peritiorum effecisse præsumuntur. Quod si, gravi impellente causa, alius Sacerdos deputandus sit, is ab Episcopo eligatur, qui probitate, & doctrina, & obeundi muneris peritia commendetur. Quinto, ut eidem Parocho, seu Sacerdoti deputato districtè præcipiatur, ne Matrimonio intersit, nisi prius paterna charitate Conjuges monuerit, sobolem procreandam baptizari quamprimum oportere, eamque post Baptismum denunciandam esse Episcopo cum nota loci, & temporis administrati Sacramenti, ac sincera indicatione parentum, a quibus orta est: secus Matrimonium in lucem proferetur, ne gravis, nulloque pacto ferenda filiis inferatur jactura. Subdat, eos Christo Judici districtam reddituros esse rationem, nisi filios ut legitimos agnoverint, eosque bonis moribus imbuerint, ac frui patiantur bonis temporalibus a Majoribus in testamento relictis, vel provida legum auctoritate delatis.

II. Celebrato Matrimonio, Parochus, aut Sacerdos deputatus, scriptum Matrimonii documentum Episcopo exhibeat cum nota loci, temporis, Testiumque, qui celebrationi interfuerunt. Cura autem erit Episcopi, ut illud de verbo ad verbum a persona ab Episcopo designanda, quæ apud omnes integritatis, probatique nominis luculentum habeat testimonium, fideliter transcribatur in peculiari libro, qui in eum finem apposite compactus, clausus, sigillisque obsignatus in Episcopali Cancellaria caute custodiatur, nec umquam resignari, atque aperiri possit, nisi de Episcopi licentia, & in iis dumtaxat casibus, in quibus vel alia id genus Matrimonia sint adscribenda, vel id exigat justitiæ administrandæ necessitas, vel aliquod ab eo documentum exposcant verum interesse habentes, quibus probationum aliunde petendarum non suppetit copia. Re tamen absoluta, statim denuo claudatur, & sigillis, ut antea, obsignetur.

V v v v v

III. Quod

III. Quod si ex tali Matrimonio proles oriatur, præcipit Pontifex, ut in ea Ecclesia, in qua infantes reliqui baptizari solent, baptizetur, & quoniam evenire facile potest, ut ad occultandum Matrimonium in Baptizatorum libro nulla parentum mentio fiat, eorumque nomina reticeantur; expresse mandat, ut intra triginta dies a Nativitate numerandos a Patre baptizati, eoque defuncto; ab ejus Matre proles suscepta Episcopo denuncietur vel immediate per se ipsos, vel per litteras eorum characterem exaratas, vel per personam fide dignam ab ipsis parentibus designatam, ut Episcopo indubie constet, prolem, quæ tali loco, & tempore, vel reticitis, vel falso expressis parentum nominibus, baptizata fuit, esse legitimam, licet occulti Matrimonii fœdere procreatam. Secus, præcipit, ut occulta Matrimonia ab Episcopo evulgentur, ac nota fiant. Ne vero ejusmodi Baptismorum excidat memoria, eos in peculiari libro ad id destinato, qui clausus, & sigillis obsignatus in Episcopali Cancellaria caute erit custodiendus, fideliter describi jubet ab eo, cui Episcopus potestatem facit adnotandi Matrimonia occulte celebrata.

IV. Nos itaque tanti Pontificis mandatis obsequentes, laudatam Constitutionem exactissime servabimus, & ut a Parochis, aliisque diligentissime servetur, mandamus, ac præcipimus. Ejus vero transgressores gravissimis multabimus pœnis, & ad Pastorale Nostrum Officium rite obeundum, validioribus quoque remediis utemur, quibus communi animarum salutis, atque Ecclesiasticæ disciplinæ propter invalescentem hominum malitiam nova semper detrimenta vel patientis, vel reformidantis, conservationi consulamus.

ARTICULUS XL

*De causis super Matrimonii valore, aut nullitate
agitandis, ac definiendis.*

QUamquam Matrimonii fœdus, & ut Naturæ officium est, & ut rationem habet Sacramenti, perpetuum esse, & indissolubile nemo non intelligeret; Cum tamen in quibusdam Ecclesiasticis Curiis inconsulta nimis Judicium facilitate infringeretur, & temere, atque inconsiderate latis de ejusdem nullitate sententiis, potestas Conjugibus fieret ad alia vota transeundi; ut tam gravi mederetur malo Benedictus XIV., peculiarem edidit Constitutionem (1), qua & Judicium libertatem compescuit, & certam præscripsit methodum, ac seriem judiciorum, quæ in Matrimonialibus causis sive in Romana Curia, sive extra illam, sive in prima, sive in secunda, aut etiam ulteriori instantia pertractandis sancte, inviolateque servetur. Hujus Constitutionis exemplar damus in Appendice num. 34., ejusque exactam observantiam Vicario Nostro Generali, ac reliquis Curiae Nostræ Ministris committimus, districteque mandamus. Matrimoniorum autem Defensorem ad ejusdem Constitutionis normam jam elegimus, Ecclesiasticum virum, juris scientia, vitæque probitate præditum, cui etiam, atque etiam commendamus, committimus, ac præcipimus, ut omni fide, ac integritate suum hoc munus exerceat, & cum voce, tum scriptis Matrimoniorum, de quibus coram Judice disceptetur, validitatem pro viribus tueatur. In nullo autem casu Matrimonii vinculum dissolutum censeatur, nisi duo judicata, vel resolutiones, aut sententiæ de Matrimonii nullitate omnino similes, & conformes, a quibus neque pars contraria, neque Defensor Matrimonii crediderit appellandum, emanaverint. Si secus fiat, ac novum ab alterutra Parte litigante ineatur Matrimonium, ejusmodi Pon-

V v v v v 2

tifi-

(1) Benedictus XIV. *Const. Dei miseratione*. edita 3. Nonas Nov. 1741.

tificæ Constitutionis transgressores omnibus iis pœnis a Nobis subjiçientur, quæ contra Poligamos a Sacris Canonibus, & Apostolicis Constitutionibus sunt constitutæ.

II. Verum cum post Sanctissimas hæc Leges novæ excogitatæ fuissent fraudes, ac nova exquisita effugia, quibus salutare ejusmodi Apostolicæ Constitutiones eluderentur; & cum inter cætera in aliquas regiones ille irrepsisset abusus, ut inter Conjuges de Matrimonii nullitate certantes pacta mutuo fierent, quibus eorum alter, si post latam ab Ecclesiastico Judice super Matrimonii nullitate sententiam ab eadem appellare auderet, certam quamdam pecuniæ summam alteri acceptanti sententiam, & in ea acquiescenti solvere teneretur; & cum, quod longe pejus est, ab Ecclesiastico Judice, apud quem appellatio instituta fuisset, appellans ad ejusmodi solutionem damnaretur; Idem Pontifex Benedictus aliam edidit Constitutionem (1), qua perniciosissimum abusum de medio tolleret, atque eliminaret. Per eam itaque non modo omnia ejusmodi pacta inter Conjuges quomodolibet inita pro Matrimonii dissolutione quodcumque facienda, verum etiam ea, quibus sive directe, sive indirecte appellatio a Judicis sententia jam lata super Matrimonii nullitate impediatur (etiã si utraque pacta jurejurando approbata, & confirmata fuerint) nulla, invalida, nulliusque roboris esse, ac in posterum fore declaravit, itaut nullo umquam pacto in foro tam interno, quam externo obligatoria sint, & habeantur, sub excommunicationis pœna ipso facto incurrenda, a qua is, quicumque sit, qui ejusmodi pacta celebraverit, nisi a Romano Pontifice, excepto mortis articulo, absolutionem obtinere possit. Præterea eidem excommunicationi Romano Pontifici reservatæ ipso facto incurrendæ obnoxium esse voluit quemcumque Judicem, qui pacta antedicta executioni demandanda curare, & pronunciare audeat, ac in posterum audebit. Nos itaque Apostolicis mandatis obsequentes, prædicta pacta damnamus, ac reprobamus,

(1) Benedictus XIV. *Const. Nimiam licentiam*, edita 18. Maii 1743.

mus, ac in tota Nostra Diœcesi sub excommunicationis pœna Summo Pontifici reservatæ, aliisque gravissimis arbitrio Noſtro infligendis pœnis non modo ne fiant, verum etiam ne umquam Miniſtrorum Noſtrorum opera aut approbentur, aut executioni demandentur, ſevere, ac diſtrictè interdicimus.

ARTICULUS XII.

De Matrimonio per Procuratorem inter abſentes contrahendo.

Matrimonium, cum contractus ſit, & naturam contractus ſequatur, & Leges, non ſecus ac contractus reliqui, valide iniri per Procuratorem inter abſentes poteſt, uti ab expreſſis Juris Eccleſiaſtici (1) textibus, & a quotidiana praxi edocemur. Verum ut ejuſmodi Matrimonium per Procuratorem initum valeat, ſex neceſſario de Jure Canónico ſervandæ ſunt conditiones, quarum tres priores ita Bonifacius VIII. (2) recenſet, ac præſcribit: *Procurator non aliter cenſetur idoneus ad Matrimonium contrahendum, quam ſi ad hoc mandatum habuerit ſpeciale. Et quamvis alias is, qui conſtituitur ad negotia Procurator, alium dare poſſit; in hoc tamen caſu (propter magnum, quod ex ſuſcito tam arduo poſſet periculum imminere) non poterit deputare alium, niſi hoc eidem ſpecialiter ſit commiſſum. Sane ſi Procurator, antequam contraxerit, a Domino fuerit revocatus, contractum poſtmodum Matrimonium ab eodem (licet tam ipſe, quam ea, cum qua contraxit, revocationem hujusmodi penitus ignorarent) nullius momenti exiſtit, cum illius conſenſus defuerit, ſine quo firmitatem habere nequivit. Necelle præterea eſt 1., ut in mandato aperte, & in individuo certa declaretur perſona (3), cum qua ſit contrahendum, non enim ſufficit generalis clauſula contrahendi cum quacumque. 2. ut quoad ſubſtantiam Procurator (4) mandati limites non excedat. 3. ut, ubi publicatum eſt Tri-*

(1) Can. *Honorantur*. cauſ. 32. qu. 2., & cap. *Procurator*. de Procuratorib. in 6.

(2) Cap. *Procurator*. de Procur. in 6.

(3) L. *Generalis*. ff. de ritu Nupt.

(4) L. *Diligenter*. ff. mandati.

Tridentini decretum, ab eodem coram Parocho, ac Testibus nomine sui principalis Matrimonium contrahatur.

II. Si hæc servantur conditiones, Procurator pro principali suo absente validum contrahit Matrimonium, etiamsi diversi sit sexus ille, cujus nomine contrahit, cum scemina pro viro, & vir contrahere pro scemina valide possit, non enim suo, sed alterius nomine agit, uti patet ex verbis, quæ in præstando consensu coram Parocho, & Testibus adhibentur: nam sic Procurator inquit: *ego nomine N. N. accipio te in Virum, vel Uxorem*. Matrimonium autem, sic per Procuratorem inter Fideles absentes initum, est verum Sacramentum, adeoque curare diligentissime debent Fideles Procuratorem constituentes, ut sint in statu gratiæ eo potissimum tempore, quo Procurator eorum nomine contrahit: secus enim sacrilegii criminis fierent rei, in statu peccati lethalis Sacramentum Matrimonii recipientes. Prudens autem Theologorum consilium (1) est (quod plurimum commendamus) ut qui Matrimonio per Procuratorem conjuncti sunt, vel iterum ipsimet coram Parocho, & Testibus Matrimonio jungantur, vel saltem id, quod ipsis absentibus actum est, præsentibus ipsi coram Parocho, ac Testibus se ratum habere declarent; Quod tamen Nos minime necessarium putamus, sed majoris dumtaxat cautelæ gratia faciendum suademus. In Nostra Diocesi Parochos assistere nolumus hujusmodi Nuptiis per Procuratorem celebrandis, nisi *mandatum*, quod vocant *Procura*, recognitum, admissumque in Nostra Curia fuerit, expressamque a Nobis licentiam ejusmodi Nuptiis assistendi in scriptis obtinuerint.

(1) Benedictus XIV. de Synodo lib. 13. cap. 23. §. 9.

ARTICULUS XIII.

*De materia, & forma Sacramenti Matrimonii, Sacrisque ritibus
in eo suscipiendo adhibendis.*

Quænam hujus Sacramenti materia sit, ac forma, juxta communem Patrum sententiam, qui Tridentino Concilio interfuerunt, sic paucis describit Benedictus XIV. in Epistola (1), quam ad Archiepiscopum Goanum dedit. Loquens in ea Pontifex de Tridentini decreto, quo clandestina Matrimonia irrita, ac nulla declarata sunt, ac probans de eo pliusquam de cæteris aliis, in sacro illo conventu propter diversas Patrum sententias disceptatum fuisse, sic habet: *Dubitabant primo, utrum Ecclesia abrogare posset clandestina conjugia, propterea quod legitimus contractus est materia simul, ac forma Sacramenti Matrimonii, mutua nempe, ac legitima corporum traditio, verbis, ac nutibus interiorem animi assensum exprimentibus, est materia, & mutua pariter, legitimæque corporum acceptatio est forma. Ex quo nonnulli arguebant, quod legitimæ traditioni, & acceptioni simul conjunctis subest materia, & forma, quæ non ab alio immutari potest, præterquam ab eo, qui divinæ gratiæ est Auctor, quæ per Sacramenta confertur. Verum reponentibus aliis, Ecclesiam posse conditionem quamdam præscribere, quæ prius non aderat, sine qua contractus in posterum neque legitimus, neque validus foret, quemadmodum etiam neque legitima, neque valida traditio, & acceptio corporum; id satis erit, ut clandestina Matrimonia irrita fieri possint; quod quidem potestatis Ecclesiasticæ limites non excedit.* Hanc sententiam, quæ statuit, Sacramenti Matrimonii materiam esse mutuam, legitimamque corporum traditionem contrahentium verbis, aut nutibus expressam; formam vero esse inmutuam, legitimamque eorumdem corporum acceptionem; & quæ proinde docet, solos contrahentes esse ejusdem Sacramenti Ministros, constanter propugnauerunt

(1) Benedictus XIV. in epist. *Paucis ab hinc*. 19. Martii 1758.

runt fere omnes antiqui Theologi, Jurisque Canonici Interpretes, & etiam nunc Doctores cum S. Thoma (1), & Scoto communius tuentur.

II. Verum quidquid sit de hac controversia, certissimum est, uti superius diximus, validum Fidelium Matrimonium esse Sacramentum, adeoque sacrilegium ab iis perpetrari, qui, gravi licet crimine contaminati, sacro tamen connubii fœdere invicem copulantur. Sponso idcirco hortetur Parochus, ut, antequam Matrimonium celebrent, peccata sua diligenter, ac rite confiteantur; imo, si sapiant, per aliquot dies ante nuptiarum celebrationem, totius anteaetæ vitæ generalem Confessionem apud doctum, probumque Confessarium edant, ut, si forte ex ea impedimentum aliquod dirimens inter Sponso intercedere dignoscatur, super eo possit in tempore Apostolica dispensatio obtineri, & si opus sit, remoto quocumque scandali periculo, ad aliud tempus, quod commodius, opportuniუსque videatur, nuptiarum celebratio differri. Eos etiam hortetur (2), ut ad Sanctissimum Eucharistiæ Sacramentum ea die, qua nubunt, pie; religioseque accedant, neque Sacerdotalem benedictionem in Templo suscipere omittant a Parocho, aut ab alio Sacerdote, cui tamen aut ab ipso Parocho, aut a Nobis ad prædictam benedictionem præstandam concessa specialis licentia fuerit. Ab hac vero benedictione (in qua, uti superius diximus, nuptiarum solemnitas sita est) Parochi abstineant, si conjuges ambo vidui sint, ac in primis nuptiis fuerint benedicti. Ubi tamen consuetudo viget benedictionem Sponsis impertiendi, quando mulier nemini umquam nupserit, licet vir aliam habuerit uxorem, absque ullo metu, scrupuloque servetur. At vidua nubens, etiamsi vir nullam olim uxorem duxerit, numquam benedicatur. Parochi in Sponsis Matrimonio jungendis sacros ritus in Romano Rituali præscriptos sancte servare nunquam prætermittant. Matrimonium, nisi peculiaris Nostra acceßerit licentia, neque diluculo, neque vespere

(1) S.Th. in 4. dist. 26. qu. 2. art. 1. ad 1.

(2) Trid. sess. 24. c. 1. de ref.

vespere, aut nocturno tempore, neque in privatis Ecclesiis, aut Oratoriis, multoque minus in domesticis ædibus, sed mane, & in Paræciali Templo ea, qua par est, reverentia, ac religione celebretur. Si secus fiat, non minus Parochus, quam contrahentes pecuniaria a Nobis pœna multabuntur.

III. Quamquam Matrimonii Sacramentum suscipere nullo non liceat tempore; Nuptiarum tamen solemnitas, ac benedictio interdicta (1) ab Ecclesia est ab Adventu Domini usque ad Epiphaniam, & a die Cinerum usque ad Octavam Paschatis inclusive, cum ea non lætitiæ, sed luctus, ac pœnitentiæ sint tempora. Quare tunc ab hujusmodi solemnitatibus Parochi abstineant, & si cui Matrimonio assistere eos oportebit, in Nostro Decreto, quo eisdem facultas assistendi fiet, cautelam, qua se gerere debebunt, præscribemus. Postquam in Matrimonii celebratione Paræciale munus Parochus expleverit, brevi, ac familiari sermone de triplici conjugii bono, de quo superius locuti sumus, Sponso admoneat, eosque, ut in sancto mutæ charitatis scedere, quod nubendo inierunt, ad extremum usque vitæ perseverent, hortetur. Ut autem id Sponsi facilius assequantur, viri, & uxoris officia, quæ Petrus Apostolorum Princeps, & Paulus Doctor Gentium tradidere, parumper explicet. Apostoli utriusque præcepta, ut Parochis in promptu sint, a Nobis hic subnectuntur. Apostolorum itaque Princeps (2) sic habet: *Mulieres subdite sint viris suis, ut & si qui non credunt verbo, per mulierum conversationem sine verbo lucrifiant, considerantes in timore castam conversationem vestram, quarum non sit extrinsecus Capillatura, aut circumdatio auri, aut indumenti vestimentorum cultus; sed qui absconditus est cordis homo, in incorruptibilitate quieti, & modesti spiritus, qui est in conspectu Dei locuples. Sic enim aliquando & Sanctæ Mulieres sperantes in Deo ornabant se subiectæ propriis viris, sicut Sara obediebat Abrahamæ Dominum eum vocans. Viri similiter cohabitantes secundum scientiam, quasi infirmiori vasculo muliebri imper-*

X x x x x

tientes

(1) Trid. sess. 24. c. 10.

(2) 1. Petri c. 3.

tientes honorem, tamquam & coheredibus gratiæ vitæ. Clarius autem Doctor Gentium Paulus ad Ephesios scribens, sic inquit (1): *Mulier viris suis subditæ sunt, sicut Domino; Quoniam vir caput est mulieris, sicut Christus caput est Ecclesiæ: ipse Salvator corporis ejus. Sed sicut Ecclesiæ subiecta est Christo, ita & mulieres viris suis in omnibus. Viri, diligite uxores vestras, sicut & Christus dilexit Ecclesiæ, & seipsum tradidit pro ea, ut illam sanctificaret, mundans lavacro aquæ in verbo vitæ, ut exhiberet ipse sibi gloriosam Ecclesiæ, non habentem maculam, aut rugam, aut aliquid hujusmodi, sed ut sit sancta, & immaculata. Ita & viri debent diligere uxores suas, ut corpora sua. Qui suam uxorem diligit, seipsum diligit. Nemo enim unquam carnem suam odio habuit, sed nutrit, & fovet eam, sicut & Christus Ecclesiæ, quia membra sumus corporis ejus, de carne ejus, & de ossibus ejus &c.*

IV. Statim ac celebratum Matrimonium fuerit; nulla interposita mora, eadem die illud Parochus juxta Romani Ritualis formulam in libro in eum finem bene compacto describat, diemque, & annum non arithmetice notis, sed expressis adnotet verbis una cum contrahentium, ac Testium nominibus, & cognominibus. Quicumque negligens in hoc obeundo munere, ac desces fuerit, debitam arbitrio Nostro pœnam rependet.

V. Parochorum tandem industriad, ac sollicitudinem acuedam a Nobis esse censemus, ut abusus aliquos, si forte in Nostram Diœcesim irreperint, radicitus evellant, ac destruant. Ac primum quidem consiliis, atque hortationibus curent, ut Sponsi, ubi Sponsalia inierint de futuro, Matrimonium diutissime non protrahant, sed quam primum potius maturent, ne de illo malignantium linguæ obloquantur, ipsi vero Sponsi in tentationem incidant, & laqueum Diaboli. Deinde ubi trinæ de Matrimonio contrahendo denunciationes factæ inter Missarum solemnias rite fuerint, nullumque in lucem impedimentum emergerit; invigilent, ut intra duos omnino menses Matrimonium in

(1) Ad Ephes. c. 5.

in facie Ecclesiæ contrahatur . Secus proclamationes ipsæ repetantur , nisi aliter iustam aliquam ob causam Nobis videatur . Tandem cum relatum Nobis fuerit , Tusculana in Urbe pravam hanc consuetudinem inolescere cœpisse , ut Sponsæ , aliquot ante Matrimonium diebus , muliebri ornatæ pompa , & amicis , ac propinquis suis stipatæ ad Ecclesiam procedant , ut confertæ multitudini , quæ illuc vel solemne sacrum , vel Dei verbum auditura se contulit , non levi cum scandalo , debitiq; silentii perturbatione se spectandas exhibeant ; Omnino volumus , districtèque mandamus , ut abusus ejusmodi auferatur , nullaque in posterum Sponsa eo cum apparatu , & comitatu ingredi Domum Dei audeat , quam decet omnis sanctitudo . Siqua vero mandatum hoc transgredi minime vereatur , non modo ipsa , verum etiam ii omnes , qui eam comitabuntur , gravem pecuniariam pro arbitrio Nostro imponendam luent pœnam , & si solvendo non erunt , corporali aliqua pœna punientur . Parochi hæc omnia frequenter Populo edicant , ne transgressores obtentu ignorantiae tueri se possint , ac præterea ostendant , quantus in Domum Dei contemptus ex hac consuetudine oriatur , ut Fideles omnes in posterum veræ erga Deum Religionis amore ad hanc abolendam consuetudinem facilius inducantur .

CAP. XVII.

DE SACRAMENTALIBUS .

CUM nemo possit , uti Tridentina Synodus (1) definivit , nisi ex speciali Dei privilegio , (quemadmodum de Beata Virgine tenet Ecclesia) in tota hac mortali vita peccata omnia etiam venialia vitare ; ac proinde cum homines , quantumvis sancti , & iusti , in levia saltem ejusmodi peccata non semel cadant juxta illud Jacobi (2) : *in multis offendimus omnes* ; Clementissimus humani generis Reparator , nostræ non ignarus infirmitatis , mul-

X x x x x 2

t2

(1) Trid. sess.6. can.23.

(2) Jacobi c.3.

ta nobis remedia suppeditavit, quibus peccata hæc venialia, in quæ frequentius labimur, expiaremur: Quamobrem impleretur scriptura (1) dicens: *Septies cadit justus, & resurget*. Saluberrima hæc remedia ad triplex genus ab Angelico Doctore revocantur (2) ubi ait: *Triplici ratione aliqua causant remissionem venialium peccatorum. Uno modo in quantum eis infunditur gratia, quia per infusionem gratie tolluntur venialia peccata, uti supra dictum est. Et hoc modo per Eucharistiam, & Extremam Unctionem, & universaliter per omnia Sacramenta novæ Legis, in quibus confertur gratia, peccata venialia remittuntur. Secundo in quantum sunt cum aliquo motu detestationis peccatorum. Et hoc modo Confessio generalis, tussio pectoris, oratio Dominica operantur ad remissionem peccatorum venialium: nam in Oratione Dominica petimus: dimitte nobis debita nostra. Tertio modo in quantum sunt cum aliquo motu reverentie in Deum, & ad res divinas. Et hoc modo benedictio Episcopi, aspersio aque benedictæ, qualibet Sacramentalis Unctio, Oratio in Ecclesia dedicata, & si quæ alia sunt hujusmodi, operantur ad remissionem venialium peccatorum. De Sacramentis, quæ in primo, ac de Theologicarum, aliarumque virtutum actibus, quæ in secundo genere ab Angelico Doctore recensentur, in his Synodalibus Constitutionibus superius diximus. Reliquum nunc est, ut de Sacramentalibus, quæ in tertio genere numerantur, pauca innuamus.*

II. Præter Sacramenta a Christo Domino instituta, ritus quosdam, Sacrasque Cæremonias instituit Ecclesia, quæ Sacramentalia nuncupavit, seu quod in Sacramentis conficiendis, aut ministrandis adhiberi soleant, cujusmodi sunt efformatio Crucis, benedictiones, orationes Ecclesiæ; seu quod aliquam Sacramentorum imitari virtutem, & salutare, quos pariunt, effectus quasi ex opere operato producere videantur, cujusmodi sunt aquæ lustralis aspersio, usus rerum benedictarum ab Ecclesia, Confessio generalis, tussio pectoris, aliaque hujusmodi. Tamen si Sacramentalibus vere non ea sanctificandi vis insit, quæ Sacramentis

2 Chri-

(1) Prov. c.24.

(2) S. Th. 3. par. qu.27. art.3.

a Christo Domino institutis; Quicumque tamen iis utuntur ea mente, ac spiritu, quo Ecclesia adhiberi cupit, ac mandat, utilitatem certe plurimam ad animi minores maculas abstergendas, veramque erga Deum pietatem fovendam, augendamque consequuntur. Dum enim iis pie utimur, vi precum illarum, quibus easdem res consecravit Ecclesia, movetur Deus ad supernas illas cogitationes, pioque animi in nobis excitandos motus, quibus adjuti possumus, & facile possumus, si velimus, in eos displicentiæ, seu doloris peccatorum, conversionis in Deum, amoris, adorationis, aliarumque virtutum actus erumpere, quibus venialium peccatorum adnexa est remissio, & quibus verus in Deum amor, observantia, ac pietas augetur, & fervet. Præter hæc animi, multa quoque corporis bona opportune conferri divina largitate iis solent, qui bene, ac rite Sacramentalibus utuntur.

III. Sacramentalia ad sex quodammodo classes revocari possunt, quæ in memoriæ subsidium hoc versiculo comprehenduntur. *Orans, Tinctus, Edens, Confessus, Dans, Benedicens*. Singula verba paucis explicemus.

IV. Vox illa *Orans* significat quotidianam Fidelium orationem, ac præsertim Dominicæ Orationis recitationem, de qua sic ait S. Augustinus (1) in Enchiridio cap. 71. *De quotidianis, brevioribus, levibusque peccatis, sine quibus hæc vita non ducitur, quotidiana oratio Fidelium satisfacit. Eorum enim est dicere: Pater noster, qui es in Cælis &c. Delet omnino hæc oratio minima, & quotidiana peccata. Delet & illa, a quibus vita Fidelium scelerate etiam gesta, sed penitendo in melius mutata discedit, si quemadmodum veraciter dicitur, dimitte nobis debita nostra, quoniam non desunt, quæ dimittantur; ita veraciter dicatur, sicut & nos dimittimus debitoribus nostris, id est si fiat, quod dicitur. De Oratione Dominica aliquid diximus in prima parte harum Constitutionum cap. 9. art. 3. Huc revocantur orationes, quæ in Ecclesiis consecratis fiunt. Precibus enim, quas in earum consecratione fundere ad Deum solet*

(1) Can. *De quotidianis*. de penitentia diff. 3.

solet Ecclesia, commotus Omnipotens, & misericors Dominus, pie orantibus in iisdem uberiora gratiæ suæ auxilia clementissime largitur, quibus adjuti se ad peccatorum venialium remissionem obtinendam opportune disponant. Huc etiam pertinet unctio pectoris, si in doloris, ac poenitentiae signum fiat, eamque saltem aliqua venialium peccatorum displicentia comitetur.

V. Per vocem illam *Tinctus* aquæ benedictæ significatur aspersio, de qua S. Alexander I. Papa sic inquit (1): *Aquam sale conspersam populis benedicimus, ut ea cuncti aspersi sanctificentur, & purificentur; quod & omnibus Sacerdotibus faciendum esse mandamus. Nam si cinis vitule aspersus populum sanctificabat, atque mundabat, multo magis aqua sale aspersa, divinisque precibus sacrata populum sanctificat, atque mundat. Et si sale asperso per Heliscum Prophetam sterilitas aquæ sanata est, quanto magis divinis precibus sacratus sal sterilitatem rerum aufert humanarum, & coinquinatos sanctificat, atque mundat, & purgat, & cetera bona multiplicat, & insidias Diaboli avertit, & a phantasmatum versutiis homines defendit!* Hinc vetustissimus est in Ecclesia ritus aquam die quolibet Dominico benedicendi, eaque Clerum, & Populum aspergendi, quem proinde in Cathedrali, ac Parœcialibus Ecclesiis religiosissime servari jubemus. Solemnis quoque fuit, utpote ab Apostolica (2) traditione profecta, benedictio aquæ, in usum Baptismi fieri solita in Paschatis, & Pentecostes pervigiliis. Mos autem semper viguit, ut, antequam eidem sacra olea misceantur, fidei Populo etiam domum deferenda, ac servanda distribuatur. Pium hunc morem probamus, & commendamus. Imo ea aqua sacris precibus expiata uti Parochos volumus, dum Sabbato Sancto singulas Parœciæ suæ domos obeunt, conspergunt, ac benedicunt, ut sicuti Hebræorum domos (3), cum profecturi essent de Ægypto, Agni cruore illitas vastator Angelus præteriiit, ita mittere dignetur Dominus Sanctum Angelum suum de Cœlis, qui

(1) Can. *Aquam*. de consecr. dist. 3. (2) S. Basilius de Spiritu Sancto c. 27.

(3) Exodi c. 12.

qui ea custodiat habitacula, omnesque inimici ab iis longe repellat insidias. Huc pertinent unctiones, quæ per sacra, aut benedicta olea fiunt, cujusmodi est unctio, qua in coronatione ununtur Reges, aliæque hujusmodi cæremoniales unctiones. Huc etiam revocatur Sacrorum Cinerum super Fidelium capita impositio, quæ primo Quadragesimalis jejunii die a vetustissimis temporibus fieri consuevit, tum ut Fideles mortalitatis suæ admonerentur, tum ut veræ pœnitentiæ spiritus in eorum animis excitetur. Utrumque enim in eorundem cinerum benedictione demissis precibus a Deo enixe poscit Ecclesia, & utrumque impetrat, qui cum vero Religionis, atque humilitatis sensu ad eos recipiendos accedit.

VI. Vox illa *edens* religiosam indicat panis, aliorumque ciborum benedictorum comestionem, per quam videlicet in animo comedentis reverentia, ac pietas in Deum excitatur simul, & exercetur, cum in eorum benedictione illud a Deo Ecclesia postulet, ut panis ille, aliisque cibus sit omnibus sumentibus salus mentis, & corporis, & contra omnes morbos, & universas inimicorum insidias tutamen.

VII. Voce illa *Confessus* generalis quædam peccatorum confessio significatur, quam Ecclesia non modo instituit, verum etiam recitari jubet tum a celebrante, tum a ministrante in Missæ initio, a recitantibus Horas Canonicas semper in Completorio, sæpe ad Primam &c. *Sacerdos, & Minister*, inquit Benedictus XIV. (1), dicunt *Confiteor*, quia *Sacerdos, & Minister*, seu *Populus*, pro quo *Minister* loquitur, mutua ejusmodi Confessione assueturos sese confidunt leviam peccatorum remissionem, quo puriori mente Deo Sacrificium offerant. *Confitemini alterutrum peccata vestra, & orate pro invicem*, ut salvemini, verba sunt ex Epistola S. Jacobi cap. 5. Trina illa percussio pectoris contritionem cordis significat, ab exemplo ducta Publicani, qui pectus sibi percutiens peccata sua confitendo veniam a Domino impetravit.

VIII. Per

(1) Benedictus XIV. de Sacrificio Missæ lib. 2. c. 3. §. 5.

VIII. Per illam vocem *dani* elemosynæ largitio intelligitur juxta illud Tobia: (1) : *Elemosyna ab omni peccato liberat* ; & juxta illud Danielis (2) : *peccata tua elemosynis redime* . Huc etiam alia misericordiæ opera sive corporalia , sive spiritualia revocantur , inter quæ præcipuum illud est , acceptarum videlicet offensarum sincera , ac mansueta condonatio juxta illud Christi Domini : *dimittite , & dimittimini* .

IX. Tandem per dictionem *Benedicens* significatur benedictio Episcopi alios benedicientis , de qua sic habet Glossa in Proemio Sexti Decretalium versic. : *Benedictionem : Per Benedictionem Prælati devote susceptam venialia remittuntur , sicuti per generalem Confessionem , & orationem Dominicam , per aquam benedictam , per elemosynam , & jejunia , & per Eucharistiam devote sumptam , per Unctionem extremam , per devotam pectoris unctionem . Quod dixi de remissione venialium , intelligas verum esse in eo , qui non est in mortali . Mortale enim sine veniali potest dimitti , sed non è converso , quia mortale opponitur charitati ; veniale fervori charitatis : sublato vero priori , tollitur posterius , sed non è converso* .

X. Sacramentalium vim , ac virtutem Parochi Populo explicant ; quænam eadem sint , accurate , diligenterque declarant ; quæ ratione iisdem uti Fideles oporteat , ut salutares inde effectus consequantur , edoceant . Præcipue vero , ut exemplo præcant , sacramentalibus ipsi pie , religioseque utantur , summaque præterea cum fide , & gravitate eas functiones peragant , in quibus Sacramentalia conficiuntur . Inter has recensetur primo benedictio , ac distributio palmarum , quibus triumphalis ab Ecclesia exhibetur plausus , quo Christus , dum viveret , triumphantis in morem Jerosolymis exceptus est : benedictio item , ac distributio candelarum , quo ritu profanas Gentilium lustrationes expiavit Ecclesia , & quem Ethnica superstitio Februo sacrum voluit diem , hunc vera Religio Christo Domino in Templo præsentato , Deiparæque Virginis purificationi dedicavit , certasque

facras

(1) Tobia: c. 4.

(2) Daniel. c. 4.

sacras cæremonias eo die peragendas instituit, per quas, uti prudentes Virgines, obviam Christo Sponso cum lampadibus accensis occurreremus: Præterea cinerum benedictio, eorumque super capitibus Fidelium impositio, qua in eorum mentibus mortis memoria, in eorum vero cordibus compunctionis spiritus excitetur, aliæque hujusmodi Ecclesiasticæ functiones, quas superius commemoravimus.

C A P. XVIII.

DE JUDICIARIA POTESTATE, AC JUSTITIA
AB ECCLESIASTICÆ CURIÆ OFFICIALIBUS
RITE EXERCENDA.

CUM Episcopalis dignitatis conditio, ac debitum, sanctissimæque leges Ecclesiæ a Nobis exigant, ut potestate, quam accepimus, cum Spiritus Sanctus posuit nos regere Ecclesiam Dei, jura populis reddendi, ac scelera inquirendi, puniendique integerrime utamur; Volumus, statuimus, ac decernimus, ut in Ecclesiastica Nostra Curia in omnibus cujuscunque generis causis dijudicandis locum habeat Davidicum (1) illud Oraculum: *Misericordia, & veritas obviaverunt sibi: Justitia, & Pax osculatae sunt.* Certi enim sumus in regendis populis curæ Nostræ concreditam illam constanter normam sequi, quam his verbis Tridentina Synodus (2) Episcopis omnibus sequendam proposuit. *Illud primum Tridentina Synodus eos admonendos censet, ut se Pastores, non Percussores esse meminerint, atque ita præesse sibi subditis oportere, ut non in eis dominantur, sed illos tamquam filios, & fratres diligant, elaborentque, ut hortando, & monendo ab illicitis deterreant, ne, ubi deliquerint, debitis eos penis coercere cogantur. Quos tamen siquid per humanam fragilitatem peccare contigerit, illa Apostoli est ab eis servanda præceptio, ut illos arguant, obsecrent, increpent in omni bonitate, & patientia, cum sepe plus erga corrigendos agat bene-*
Y y y y *volentia,*

(1) Psalm. 84. v. 11.

(2) Trid. sess. 13. c. 1. de ref.

volentia, quam austeritas, plus exhortatio, quam comminatio, plus caritas, quam potestas. Sin autem ob delicti gravitatem virga opus fuerit; tunc cum mansuetudine rigor, cum misericordia iudicium, cum lenitate severitas adhibenda est, ut sine asperitate disciplina populis salutaris, ac necessaria conservetur, & qui correcti fuerint, emendentur, aut si resipiscere noluerint, ceteri salubri in eos animadversionis exemplo a vitiis deterreantur, cum sit diligentis, & pii simul Pastoris officium morbis otium levia primum adhibere fomenta; post, ubi morbi gravitas ita postulet, ad acriora, & graviora remedia descendere: sin aut. m. ne ea quidem proficiant illis submovendis, ceteras saltem oves a contagionis periculo liberare. Normam hanc Populos regendi, quam sequendam Nobis proposuimus, volumus, ut omnes etiam Curiae Nostrae Officiales sequantur, & servant. Quamobrem leges aliquas diligenter ab iis custodiendas subnectimus.

ARTICULUS I.

De Generali Vicario.

Vicarius Noster Generalis, cui primæ a Nobis in Episcopali administratione jivanda commissæ sunt partes, omni solertia studeat non modo Ecclesiasticorum excessus, verum etiam quæcumque Laicorum delicta ad Nostrum Forum spectantia pro viribus, ubi poterit, impedire, ac vigili cura, paternaque providentia præcavere. Quod si per humanam fragilitatem, aut etiam per hominum perditorum malitiam contra Sacros Canones, aut Nostras hæc Constitutiones a Nostris subditis peccetur; crimina diligenter inquirere, condigna quoque animadversione punire non desinat, *juste* (1), *quod justum est, persequens, non extimefcens faciem potentis, nec respiciens personam hominum, ut virtute valeat irrumperè iniquitatem.* In censuris autem infligendis parcus admodum, & cautus sit, nec eas, nisi Nobis prius consultis, & consentientibus, infligat. Quamvis enim, ut inquit Tridenti-

112

(1) Exodi cap. 23., Matth. cap. 22., Eccl. cap. 7.

na Synodus (1) excommunicationis gladius (idem de cen suris reliquis dicendum est) nervus sit Ecclesiasticæ disciplinæ, & ad continendos in officio populos valde salutaris; sobrie tamen, magnaque circumspectione exercendus est, cum experientia doceat, si temere, aut levibus ex rebus incutiat, magis contemni, quam formidari, & perniciem potius parere, quam salutem. Ab iis quoque (2), quæ speciale mandatum exposcunt, absteineat omnino, nisi specialem in iis a Nobis obtinuerit deputationem.

II. Vicarius Generalis (idem Synodalibus Judicibus, ac Vicariis Foraneis summo studio commendamus) dissidia (3), ac lites inter litigantes, ac præsertim consanguineos, pro viribus amice dirimere, pacificeque componere studeat. Quod si id obtinere ab iis nequeat, causas saltem, litisque majori, qua poterit, brevitate, debita tamen discussione adhibita, expediat, ac litigatorum artibus, uti Tridentina Synodus (4) præscribit, *seu in litis contestatione, seu in alia parte judicii differenda, modis omnibus, aut termini præfixione, aut competenti alia ratione occurrat*. Advocatos, & Procuratores serio moneat, ut a cavillationibus abstineant; in agendis litibus tum Procuratorum, tum litigantium detractiones, jurgia, contentiones, rixas, verbaque turpia, aut mordacia acriter compescat; & adversus perveraces, si opus sit, pœnis arbitrariis pro modo culpæ animadvertat. Viduas, pupillos, & pauperes, qui judicalem ignorant artem (si eos præsertim adversus versutos, ac præpotentes litigatores stare in judicio oporteat) paterna charitate dirigat, atque instruat, & per Cancellarium Nostrium formulas, si opus sit, edoceri curet.

III. Diebus non feriatis, statis horis a se præfigendis, legitimam audientiam præbeat, qua absoluta, decreta omnia, actusque statim a Cancellario in Actorum libro descriptos propria subscriptione confirmet, ne ulla umquam aut additamenti, aut præ-

Y y y y 2 postea

(1) Trid. sess. 25. c. 3. de ref.

de dolo, & contumacia; & cap. Consti-

(2) Cap. 1., & toto tit. de officio Vicarii in 6.

tutus, de Procuratoribus.

(4) Trid. sess. 25. c. 10. de ref.

3) Cap. Finem litibus; & cap. fin.

posteræ descriptionis oriri possit suspicio. Feriatis vero diebus Nostrium Forum prorsus conticescat, nisi forte de causis piis agatur, aut Matrimonialibus, aut ad pacem, concordiamque spectantibus, ut animarum evitetur periculum, aut quæ celeri provisione indigeant, seu a Jure (1) sint privilegiatæ. Si secus fiat, acta omnia ipso facto irrita, ac nulla declaramus. Causæ miserabilium personarum, Ecclesiarum, aliorumque piorum locorum, nec non causæ omnes, quæ summam trium scutorum non excedunt, summarie, & absque solemnibus iudicii forma, solaque facti veritate inspecta, expeditantur. Sit in Nostra Curia (2) & Fiscus Patronus, quem *Promotorem Fiscalem* vocant, & Pauperum Advocatus; quorum primus diligenter, & caute Ecclesiæ, & Fisci jura, utilitatemque proponat, ac tueatur; alter vero pauperum jura defendat, eosque in causis tum civilibus, tum criminalibus gratis patrocinetur, ac inopem (3) juvet, cui non erat adjutor.

IV. Cum e summo cælo egressus sit Dominus, ut audiret (4) gemitus compeditorum; ferendum nullo pacto est, ut piæ sollicitudinis officia iis desint, qui in carcere detinentur. Quamobrem eos paterna sollicitudine Vicarius Generalis frequenter inviset, studeatque diligentissime, ut illis necessaria vitæ temporalis, æternæque salutis præsidia suppeditentur. Cum in Urbe Tusculana Sodalitas adsit Beatæ Mariæ Virginis, quam a Nivibus vocant, cujus laudabile Institutum est stipem pro iis querere, qui in carcere detinentur; cumque ejusmodi consuetudinem omnium commendatione dignissimam neglectam per aliquod tempus a Sodalibus fuisse in Episcopali Visitatione comperissemus; peculiari decreto statuimus, ut eadem instauraretur, ac bis saltem in mense subsidia hujusmodi quaererentur, ita tamen ut quaerendi onus æque Sodalibus omnibus incumberet. Saluberrimum hoc decre-

(1) Cap. *Conquestus*. de Feriis.

(3) Psalm. 71. v. 12.

(2) Cap. *Quia*. de concessio ne præbendæ, juncta Glossa.

(4) Psalm. 101. v. 21.

decretum in hac Nostra Synodo iterum approbamus, & confirmamus, ejusque observantiam a Vicario Generali modis omnibus urgeri jubemus, & corrogata subsidia de more in eos, qui in carceribus inclusi reperiuntur, erogari. Volumus præterea, ut idem Generalis Vicarius frequenter ad eos pium aliquem Confessarium mittat, a quo tum Verbi Dei prædicatione, tum Sacramentorum administratione ad vitam æternam assequendam juventur. In custodis Carcerum, Nostræque Curia satellitum fidelitatem inquirat, ne vel plus æquo indulgentiores sint, suoque muneri desint, vel adeo immites, & asperi, ut officia negligant Christianæ mansuetudinis, & charitatis.

V. Sit etiam fortis, ac prudens Ecclesiasticæ Immunitatis, ac libertatis assertor, nec eam a quoquam violari impune patiatur. Causæ omnes, quæ ad Ecclesiasticum Forum quomodolibet pertinent, juxta Sanctorum Canonum, & Concilii Tridentini decreta coram Ecclesiastico Judice cognoscantur. Quamobrem Hospitalium, Sodalitatum, aliorumque Piorum Locorum Ministris præcipimus, ac mandamus, ne in supradictis causis sive agendo, sive excipiendo in Foro Sæculari stare audeant, neque in Laicæ Potestatis Jurisdictione consentire. Si secus fiat, præter censurarum incursum, aliasque arbitrio Nostrò infligendas poenas, quibus inobedientes erunt obnoxii, Processus, Acta, aliaque omnia inde secuta irrita, ac nulla declaramus. Clerici (1) omnes (etiam conjugati, qui cum unicis, & virginibus contraxerint) neque in civilibus, neque in criminalibus causis coram Judice Laico, sed coram Ecclesiastico dumtaxat, juxta Sac. Canones, Pontificaliaque Constitutiones conveniantur. Qui secus egerit, non modo in leges Ecclesiæ committet, verum etiam gravissimis ab ea indictis poenis erit obnoxius. Solerter curet Vicarius Generalis, ut in Nostra Diœcesi ad unguem serventur ea omnia, quæ de Ecclesiastica

ca

(1) Cap. *Decernimus*. de judiciis, cap. *Clerici*. de Clericis conjugatis in 6., Sac. Congreg. Immunit. in Rosanen. 23. Mar-

tii 1638., in Nazaret 15. Junii 1638., in Montis Cassini 22. Dec., & in Hydruntina 18. Dec. 1694.

ca Immunitate seu locali, seu personali, seu reali in prima harum Synodaliū Constitutionum parte disseruimus. Pauca nunc addere iuvat quoad Clericos conjugatos, de quorum Immunitate controversiæ non raro oriuntur.

VI. Quamquam Clericus conjugatus conditiones non impleat a Bonifacio VIII., & a Tridentino Concilio præscriptas, ut Clericalibus gaudeat privilegiis; adeoque non possit tunc pro se eadem privilegia allegare, ut ex. gr. forum sæculare declinet; certum tamen est, non proinde Episcopum sua in illum iurisdictione privari. Unde fit, ut possit illum quodcumque Episcopus a Iudice sæculari repetere, & ad suum forum revocare, quemadmodum sæpiissime definivit Sacra Congregatio Concilii (1), ac potissimum in *Alatrina iurisdictionis*; ubi sic habemus: *In Carceribus Frusmonis detinetur nomine Curie Episcopalis Alatrina Clericus conjugatus, ut prætextus homicidii reus. At prætendente Fisco Curie Sæcularis, carceratum esse ad hanc remittendum tanquam non habentem requisita Sacri Concilii ad effectum gaudendi privilegio fori, controversia delata fuit ad Sacram Congregationem Immunitatis, ex cuius decreto resolvendum proponitur dubium, an præveniente Episcopo, vel volente vindicare Clericum, possit, licet non habeat requisita? Sacra Congregatio Concilii respondit, affirmative.* Idem etiam declaravit, ac statuit Sacra Congregatio Immunitatis, quoties ad eam ejusmodi controversia delata est. Unum, aut alterum proferamus exemplum. In una Anagnina (2) sic habet: *Clericus Conjugatus non incidens in habitum, & Tensura non potest allegare privilegium Fori, salvo tamen jure Episcopo repetendi.* In una Nullius Ferentilli (3) sic censuit: *Clericus Conjugatus non habens requisita Concilii, licet allegare nequeat privilegia fori ex se, tamen si illum Ordinarius repetat, est restituendus, & gaudere debet dictis Clericalibus privilegiis.* Eadem

(1) Sac. Cong. Conc. in *Alatrina iurisdictionis* 27. Martii 1638., in *Murana* 27. Jan. 1594., in *Valentina* 27. Martii 1627., & alibi. Benedictus XIV. de Synodo lib. 12. c. 2.

(2) Sac. Cong. Immun. in *Anagnina* 16. Sept. 1687. lib. decr. Martelli pag. 152.

(3) Sac. Cong. Immun. in *Nullius Ferentilli* 13. Jan. 1739. lib. 1. decr. Torregiani fol. 121.

dem quoque tulit sententiam in novissima *Bononien.* (1) *Censuram*, cui Nos quoque interfuimus, nostrumque pro Archiepiscopo, conjugatum Clericum repetente, tulimus suffragium. Quæ cum ita sint, volumus, ut quoties in Nostra Dicecesi aliquis ejusmodi casus occurrat, Vicarius Generalis (2) Clericum sive cælebem, sive conjugatum a Sæculari potestate carceribus mancipatum continuo repetat, & ad Forum Ecclesiasticum revocet, ut debit in eundem pœnis animadvertamus, dummodo Clericus adhuc Clericus permaneat, videlicet dummodo neque a Jure, neque ab homine, per declarationem servatis servandis factam, Clericalibus privilegiis privatus fuerit.

VII. Si quis vero Clericus sive cælebs, sive conjugatus requisita non servet a Tridentino Concilio ad Clericalium privilegiorum usum præscripta, adeoque declarandus sit per Nostræ Curie sententiam propria culpa Clericalibus juribus excidisse; hæc servetur methodus, quam utpote Canonico Juri conformem Nobis insinuat Benedictus XIV. (3). Clerico vel per publicum editum, vel per citationem præcipiatur, ut incedat in habitus, & Tonsura, atque alicui inserviat Ecclesiæ, congruo tempore ad utrumque præstandum præfinito: hoc autem elapso, ter commoneatur, ut præcepto obtemperet ad normam textus in cap. *Contingit. de sententia excommunicationis*. Hac autem in re non satis est unica monitio, quæ tribus æquivalet, uti observat Glossa in Clement. 1. v. *Tertio*; sed tres distinctæ requiruntur. Post triam vero monitionem, adversus inobedientem in sua persistente contumacia sententia feratur, qua declaretur, eum propria culpa Clericalibus juribus excidisse, neque deinceps restituenda ei fore privilegia, quibus sua pervicacia se præbuit indignum. Quod si post hanc sententiam Clericales vestes iterum induere Clericus præsumat, non propterea a sæculari foro se subtrahet, sed eidem sub-

(1) Sac. Cong. Immun. in una Bononien. Censurarum 22. Jan. 1760.

(2) Bened. XIV. de Synod. lib. 12. c. 2. §. 4.

(3) Benedictus XIV. de Synodo lib. 12. c. 3. §. 4.

subjectus perinde, ac Laicus, remanebit. Verum nihil horum sine expresso Nostro consensu, ac speciali deputatione Generalis Vicarius intentabit.

VIII. Nihil etiam frequentius usuvenire solet, quam quod a Clericis Clericalis habitus dimittatur, & dimissus pro libito resumatur. Jam vero illum resumentes, ut inquit Benedictus XIV. (1), modo id non faciant in fraudem, sive cælibes sint, sive conjugati, ad pristina restituuntur Clericalis Ordinis privilegia, quemadmodum Sacra Concilii Congregatio declaravit (2). Idem etiam dicendum est de Clericis, qui dimissa militia, cui nomen dederant, iterum vestes induunt Clericales. Inde autem fit, ut propter delictum ab ipsis eo tempore perpetratum, quo Laicibus induti vestibus incedebant, nequeant a Judice Laico coerceri, postquam Laicalem vestem, sine dolo tamen, ac fraude, in Clericalem iterum commutarunt. Ita Sacra Concilii Congregatio sæpius declaravit. In Nuscana (3) enim respondit, *Clericum conjugatum, qui post dimissum habitum, & Tonsuram Clericalem deliquit, quamvis pro eo delicto in Curia Laicali citatus, & in contumaciam condemnatus fuerit, si deinde, modo non in fraudem, reassumpto habitu, & Tonsura, Ecclesie inserviat juxta decretum Concilii c. 6. sess. 23., non posse a Judice Laico propter idem delictum in carcerem conjici, aut personaliter distringi.* Idem etiam in simili causa (4) deinceps respondit. Præsumitur autem Clericus in fraudem habitum, quem dimiserat (5), resumere, si illum induat, postquam a Sæculari potestate comprehensus, & in carcerem conjectus, ex eo se per fugam subtraxit, aut postquam e carceribus, præstita cautione parendi Judicis sententiæ, dimissus fuit. In hac autem quæstione non ad Sæcularem, sed ad Ecclesiasticum Judicem pertinet inspicere, ac per sententiam, an fraus adfuerit, defini-

(1) Bened. XIV. de Synodo l. 12. c. 3. §. 1.

(2) Sac. Cong. Conc. in Meliten. Fori 7. Maii 1672. lib. 17. decr. pag. 379.

(3) Sac. Congreg. Conc. in Nuscana 19. Dec. 1584.

(4) Sac. Cong. Conc. in Nullius 19. Decemb. 1596.

(5) Benedictus XIV. de Synodo lib. 12. c. 3. §. 1.

finire. Curet itaque Vicarius Generalis, ut hæc omnia Sacrarum Congregationum decreta in sua viridi observantia permaneant, & siquid umquam adversus eadem in Nostra Diœcesi intentari intelligat, certiores Nos statim faciat, ut cuicumque Ecclesiasticæ Immunitatis detrimento tempeltive occurrere valeamus.

IX. Multas pecuniarias in peculiari libro diligenter a Cancellario describi jubeat una cum die, mense, & anno, multatque nomine, & cognomine, & criminis qualitate, prout in sententia, vel decreto enunciat. Pecunia vero ejusmodi, quæ a Reis solvitur, multarum Depositario confestim tradatur, a quo simili modo eam describi in alio peculiari libro jubemus. Cum autem eadem in pium aliquod opus inviolabili lege sint erogandæ; Decernimus, ut Depositarius illas non, nisi jussione Nostram deferenti vel a Nobis, vel a Vicario Nostro Generali subscriptam, solvat, earumque solutionem in eodem libro ex acceptæ pecuniæ regione describat: accepti vero, & soluti quotannis Nobis reddat rationem. Casuum conscientiæ, Sacrorumque Rituum collationi, quam Ecclesiasticis omnibus utilissimam esse diuturna docuit experientia, Vicarius Generalis, aut alius ab eo deputandus intersit, omnemque diligentiam adhibeat, ut ea omnia accurate serventur, quæ de hujusmodi collatione in Synodo Tusculana anni 1703. *cap. 5.* sapienter sancita fuere. Totius tandem Diœcesis regimen, & harum Nostrarum Constitutionum observantiam in universo Nostro Clero, ac Populo promovendam ejusdem Vicarii Generalis probitati, doctrinæ, prudentiæque, præsertim a Diœcesi cum absumus, iterum, iterumque commendamus.

Zzzzz

AR-

ARTICULUS II.

De Vicariis Foraneis.

QUamquam Pastoralis Officii proprium sit lites dirimere, dissidia componere, crimina persequi; Cum tamen alteri potiori Curæ, quæ in procuranda animarum salute posita est, vacare Episcopos oporteat; Inde fit, ut ad levandam eorum sollicitudinem aliqui Officiales ab iisdem eligantur, qui juri dicundo præsent, ac præter Generalem Vicarium totius Diocesis inspectorem, alii peculiare Vicarii, quos *Foraneos* dicimus, constituentur, qui in Pagis, & Oppidis certas levioris momenti causas expediant, & jurisdictionem, angustis tamen limitibus circumscriptam, exercent, a quorum tamen sententiis (1) liberum cuique sit ad ipsum Episcopum appellare. Nos proinde in singulis Nostræ Diocesis Oppidis ejusmodi Vicarios constituimus, eosque in partem aliquam Nostræ Pastoralis sollicitudinis advocavimus, ut pro modulo suo plebes in Officio contineant, Nostraque auctoritate in Clericorum inspiciant vitam, ne, facris violatis legibus, pravi in mores, atque in Ecclesiasticam disciplinam irreperant abusus. Ut autem hi rite, recteque suo fungantur munere, pauca hîc monendos eosdem esse arbitramur.

II. Ac primum quidem cum Canonicarum Legum observantiæ excubare eos oporteat, toto studio sese irreprehensibiles exhibeant, ne, in quo alium (2) judicant, seipsos condemnent; atque illud enixe curent, ut, quemadmodum in Oppidis auctoritate, ac potestate, ita etiam doctrinæ præstantia, morumque probitate reliquos antecellant. Deinde sine personarum acceptione ea omnia exequantur, quæ vel ab hac Synodo, vel a Nobis, aut a Vicario Nostrò Generali eorum fidei, ac diligentiae committuntur. Suas proinde patentes litteras, ac Synodales hæc

Con-

(1) Clem. 2. de rescriptis, Bened. XIV. de Synodo lib. 3. c. 3. §. 5.

(2) Ad Rom. c. 1.

Constitutiones perscrutentur, ut intra suos se limites contineant, ac perscrutentur, dilucideque munia, ad quæ eorum auctoritas extendatur, intelligant. Causas civiles, quæ summam scutorum quinque (1) non excedant, & ad Forum Ecclesiasticum spectent, secundum consuetas juris regulas dirimant: In gravioribus tamen causis manus non apponant, neque in iis sine speciali Nostra licentia exercere judicia præsumant. Criminales querelas, quæ sive privative, sive cumulative ad Forum Nostrum pertinent, in suæ Jurisdictionis locis tam ex Officio, prout de Jure, quam ad partis instantiam recipere non prætermittant. Processum quoque, quem informativum dicunt, iis liceat coram Notario, aut, ubi Notarius desit, coram duobus probis viris, qui ejus defectum suppleant, compilare, quem tamen quamprimum ad Vicarium Nostrum Generalem transmittant. In causis omnibus, sed in iis potissimum, quæ graviores sunt, vel quæ Fori præventionem admittunt, sese sollicitos exhibeant, Nostrumque Generalem Vicarium reddant sine cunctatione certiorum, ut is ea capiat consilia, quæ in Domino expedire sibi videantur.

III. Vigilem potissimum adhibeant curam, ut nihil indecorum in Templo, Festis præsertim diebus, fiat; ut quæ de Christiana Catechesi pueris, rudibusque explicanda præscripsimus, exacte impleantur; ut Parochus, cæterique Clerici munus suum diligenter obeant, collationi casuum, Sacrorumque Rituum diligenter intersint, siquæ inter eos orientur dissidia, amice componantur, bonumque virtutum exemplum, quod Populus imitetur, exhibeant. Sedulam dent operam, ut annui fodalitatum redditus, & quæ corrogantur eleemosynæ, summa fide, atque integritate administrentur; ut quotannis accepti, expensique rationem reddant earum Syndici, atque Administratores; ut debitum sodales temporibus in Ecclesia, seu Oratorio aut oraturi,

Z z z z z 2

aut

(1) Sac. Congreg. Episc. in Trojanen. 27. Martii 1590., Sac. Congreg. Concil. in Hortana 20. Junii 1698.

916 CONSTITUTIONES SYNODALES

aut aliquod pium opus juxta Sodalitatis regulas de more peracturi convenient, Eucharistiæ Sacramentum seu cum ad ægrotos defertur, seu cum per Ecclesiam, aut Oppidum circumfertur, religiose comitentur, quidquid tandem pro sodalitatibus tum in hisce Constitutionibus, tum in Nostra Visitatione statuimus, alacriter exequantur. Ut rem totam paucis complectamur, Vicarii Foranei exemplo, hortationibus, monitis perfectam harum Constitutionum, Nostrorumque Decretorum observantiam apud Clerum, & Populum fortiter, suaviterque urgeant, ac Nos, Nostrumque Vicarium Generalem de iis omnibus frequenter admoneant, quæ forte in eorum Oppidis adversus Dei cultum, Templorum venerationem, Fæstorum dierum observantiam, & Christianam, atque Ecclesiasticam disciplinam admittantur, ut, perpenſis rerum omnium circumſtantiis, teinpestivam morbo subnaſcenti medicinam adhibeamus.

ARTICULUS III.

De Judicibus Synodalibus.

CUM præter appellationes, quæ undequaque ad Sedem Apostolicam delatæ semper sunt (*siquidem ad illam de qualibet Mundi parte Canones appellari voluerint, ab illa autem nemo sit appellare permissus*, uti ad Episcopos Dardaniæ (1) scripsit Gelasius Papa) audire quoque, ac dijudicare Romani Pontifices debeant, etiam in prima instantia, causas eorum, qui ab Episcoporum jurisdictione subtrahiti, Apostolicæ Sedi immediate subduntur; Cumque iidem Pontifices optime intelligerent, de rebus, quæ in longinquis regionibus emergunt, non posse rectum Romæ institui judicium, ad quod testium necessariæ personæ vel propter senectutis infirmitatem, vel multis aliis impedimentis adduci non possunt, sicuti ad Cœlestinum I. scripserunt olim Africani Episco-

(1) Gelasius Papa epist. 7. ad Episcopos ad Michaellem Imperatorem apud Bendedardaniæ ann. 495., & Nicolaus I. ep. 8. dictum XIV. de Synodo lib. 4. c. 5.

Episcopi ; Gravioribus proinde causis iudicio suo dumtaxat reservatis, alias levioris momenti Iudicibus delegare in partibus consueverunt . Verum cum nonnulli gratia Sedis Apostolica abutentes, litteras ejus ad remotos Iudices impetrare niterentur, ut reus laboribus, & expensu fatigatus liti cedere, vel importunitatem aëtoris reddimere compelleretur ; Innocentius III. (1) in Concilio Lateranensi statuit, nequis, ultra duas dietas, extra suam Diocesim per Litteras Apostolicas ad iudicium trahi possit, nisi de assensu partium fuerint impetratae . Mox litigantium commodo utilius prospiciens Bonifacius VIII. (2) decrevit, ut si Aëtor, & Reus ejusdem sint Civitatis, ac Diœcesis, extra ipsas causas ab Apostolica Sede non committatur, nisi in duobus casibus in suo decreto nominatim expressis, & quidem ita, ut nullus eorum ultra unam dietam a fine suæ Diœcesis valeat conveniri . Addidit præterea, ut nullis, nisi dignitate præditis, aut personatum obtinentibus, seu Ecclesiarum Cathedralium Canonicis causæ ejusmodi deinceps committerentur . Tridentina deinde Synodus (3), in singulis Conciliis Provincialibus, aut Diœcesanis aliquot personas, quæ qualitates habeant juxta Constitutionem Bonifacii VIII., & alioquin ad id aptas, designari jussit, quibus in posterum causæ committerentur ; & siquem interim ex designatis mori contingat, substituat Ordinarius cum consilio Capituli alium in ejus locum usque ad futuram Provinciale, aut Diœcesanam Synodum, itaut habeat quævis Diœcesis quatuor saltem, aut etiam plures probatas, & qualificatas personas, quibus hujusmodi causæ committantur .

II. Tandem Benedictus XIV. epistolam Encyclicam (4) ad universos Episcopos dedit, in qua Tridentinæ Synodi decretum confirmat, ac præterea mandat, 1. ut ejusmodi Iudices in Conciliis sive Provincialibus, sive Diœcesanis electi, aut in defunctorum locum ab Episcopo cum Capituli consensu subrogati, ab Ord-

(1) Cap. Nonnulli. de rescriptis.

(4) Benedictus XIV. Const. *Quamvis*

(2) Cap. Statutum. de rescriptis in 6. *posterna*. edita 26. Aug. 1741.

(3) Trid. sess. 25. de ref. c. 10.

Ordinariis locorum vel immediate per seipſos, vel mediate per ſuos in Urbe negotiorum geſtores, Pontificio ſupplicum libello- rum Secretario denuncientur. Sic enim fiet, ut nonniſi dictis Iudicibus a Pontificæ Curie Officialibus ad id deputatis cauſæ dele- gentur. 2. ut in iis ſeu in Synodo, ſeu extra Syodum ab Epiſ- copo deligendis Iudicibus curetur, ne iis deſit, præter quali- tates a Bonifacio VIII, & Tridentina Synodo requiſitas, doctri- na potiſſimum, & idoneitas, in qua ſumma negotii eſt conſti- tuta. 3. ut quamquam ex Tridentini decreto quatuor ſaltem in unaquaque Diœceſi eligendi ſint ejuſmodi Iudices, plures nihilo- minus eligantur, ſi Diœceſis amplitudo, aliæque peculiareſ cir- cumſtantiæ id expoſcere videantur. Nos Bonifacii VIII., Tri- dentinæ Synodi, ac Benedicti XIV. juffionibus alacriter obſe- quentes eos viros in Synodales Iudices elegimus, quibus nullam proſecto ex qualitatibus ad id munus requiſitis deeſſe arbitramur. Hos vero monemus. 1. ut meminerint, nulla ſe juriſdictione potiri, antequam ab Apoſtolica Sede delegationem accipiant, uti a Sacra Concilii (1) Congregatione declaratum eſt. 2. ut, ſi qua cauſa ab Apoſtolica Sede eorum alicui delegetur, iſ illam integritate ſumma, maturoque conſilio cognoſcat, ac defi- niat. 3. ut in ea cognoſcenda Noſtræ Epiſcopalis Curie Nota- rios omnino adhibeat, quemadmodum Sacra Concilii (2) Con- gregatio decrevit. Horum autem a Nobis electorum Iudicum elen- chus, quem inferius dabimus, Pontificio ſupplicum libello- rum Secretario juffu Noſtro exhibebitur, ut Benedicto XIV. id præcipienti morem, ut par eſt, geramus.

(1) Sac. Cong. Conc. in una Januen. 15. Martii 1601. lib. 9. decr. pag. 134.

(2) Sac. Cong. Conc. in Alben. 15. Jan. 1656. lib. 19. decr. pag. 554.

ARTICULUS IV.

De Cancellario, aliisque Ecclesiasticæ Curie Officialibus.

E piscopolis Nostræ Curie Cancellarius, cujus fidem, diligentiamque ad optimum Diocæsis regimen plurimum conducere arbitramur, solers sit, maximeque cautus, ac vigil in munere sibi commisso fideliter administrando. Antequam munus suum obire incipiat, Instrumenta omnia, Acta, Libri, & Scripturæ quæcumque ad Forum Nostrum pertinentes in Inventario descriptæ eidem tradantur: Is vero illas distinctis in armariis, loculisve apte repositas una cum aliis, quæ deinceps fient, aut recuperabuntur, asservet. Cum autem vel officium suum dimittet, vel ab eo removebitur, Vicario Nostro Generali Scripturarum omnium rationem ex eodem Inventario reddere teneatur.

II. Præcipuam a Cancellario adhiberi curam volumus in iis custodiendis scripturis, quæ ad Ecclesiasticum quodlibet Beneficium pertinent: quare diligenter caveat, ne quis eas temere attingat, dolove surripiat: nullum proinde Scribam, aut Substitutum sine licentia Vicarii Nostri Generalis assumat. Nos quidem ad rapaces ejusmodi cohibendas manus, eos, qui Jura, Scripturas, Libros, Instrumenta, & quæcumque ad Ecclesiasticum Beneficium spectantia surripiunt, occultant, retinent, aliove asportant, excommunicatione majori, cujus absolutionem Nobis reservamus, ipso facto, ipsoque jure volumus innodari. Iidem vero nunquam ab hac censura absolvendos se fore sperent, aut arbitrentur, nisi prædictas Scripturas, Instrumenta, aut Libros Nobis, aut Beneficii Rectori patefaciant, restituant, aut in loco, unde abstulerunt, reponant. Si quis autem alias Scripturas ex Nostra Cancellaria, aut Nostro Archivio asportare audebit, aut lacera-re, aut comburere, præter excommunicationem majorem Apostolicæ Sedi reservatam, quam ipso facto incurreret, gravibus incum pœnis animadvertemus.

III. Acta

III. Acta Judicialia Nostri Fori non in schedulas, seu folia, sed in Actorum libros eadem die, qua fiunt, nulla interposita mora, referantur, idque etiam in causis criminalibus Cancellarius observet, nisi causa gravitas peculiare volumen postulaverit. Originales, quos vocant, processus partibus, nisi facta per Nos, aut per Vicarium Nostrium Generalem potestate, nullatenus commodentur, & tunc is, cui commodantur, per syngrapham propria manu subscriptam se eos recepisse fateatur. Ut omnis a Cancellario, cæterisque Nostræ Curie Officialibus avaritiæ, aut turpis quæstus suspicio amoveatur, Taxam Innocentianam exactissime observari jubemus: in iis vero, de quibus nihil in ea definitum reperitur, aliam servari volumus Taxam, quam adhibito plurium Romanæ Urbis Jurisperitorum consilio, collatoque studio fieri curavimus, & quam in Appendice num. 35. exhibemus.

IV. Quicumque tandem sint reliqui Curie Nostræ Ministri, & Officiales, illud omnes potissimum curent, ut nemini dent offensionem, neminem lædant, pauperem non opprimant, orphanos, & viduas non persequantur, sed unusquisque munere suo modeste, seduloque fungatur, & omnibus omnium præbeat Christianarum exempla virtutum. Non dominetur (1) in eis omnis injustitia, neque dextera eorum plena muneribus dextera fiat iniquitatis. Qui enim se muneribus corrumpi patietur, & in munere delinquet suo, a me non impunis abibit, sed officio privabitur, promeritasque luet poenas. Omnem itaque in officio obeundo integritatem servant, suique in primis id esse officii noverint, Pauperibus, Orphanis, miserisque omnibus præsto adesse, ne seu vi, seu dolo a præpotentibus opprimantur.

(1) Psal. 18. v. 133., & Psal. 143. v. 2.

C A P. XIX.

MINISTRI SYNODI, ET OFFICIALES CLERI.

P R O M O T O R S Y N O D I

Nicolaus Seghetti J. U. , & Sacre Theologiæ Doctor , Archipresbyter Ecclesiæ Cathedralis.

S E C R E T A R I U S

Joseph Campoli Canonicus Ecclesiæ Cathedralis.

S E C R E T A R I I A D J U T O R E S

Dominicus Bianchi Beneficiatus Ecclesiæ Cathedralis.

Fortunatus Cafali Beneficiatus Ecclesiæ Cathedralis.

J U D I C E S Q U E R E L A R U M , E T E X C U S A T I O N U M

Jacobus Pistorozzi J. U. D. , Protonotarius Apostolicus , & Serenissimi , ac Eminentissimi Episcopi Vicarius Generalis.

Nicolaus Seghetti Archipresbyter Cathedralis Ecclesiæ.

Joannes Maria Bianchi J. U. D. , Protonotarius Apostolicus , Archidiaconus Cathedralis Ecclesiæ.

Cajetanus Buzj J. U. D. , Protonotarius Apostolicus , Canonicus Decanus Cathedralis Ecclesiæ.

T H E O L O G U S S E R E N I S S . , A C E M I N E N T I S S . E P I S C O P I

P. Horatius Stefanucci Soc. Jesu , Lector Sacrorum Canonum in Collegio Germanico-Hungarico de Urbe.

P R Æ F E C T I D I S C I P L I N Æ S Y N O D A L I S , E T S C R U T I N I I

Cajetanus Buzj Canonicus Decanus Cathedr. Eccl.

Angelus Giammarioli Sac. Theol. Doctor , Canonicus Theologus Cathedr. Eccles.

A a a a a

Philip-

922 CONSTITUTIONES SYNODALES

Philippus Campoli Sac. Theol. Doctor, Canonicus Cathedr. Eccl.
Thomas Greci Protonotarius Apostolicus, Canonicus Cathedr. Eccl.
Petrus Santovetti Sac. Theol. Doctor, Archipresbyter Arcis Papæ.
Marcus Antonius Missori Vicarius Foraneus Montis Compatrum.
Joseph Spagnoli Vicarius Foraneus Arcis Priorum.

MAGISTRI CÆREMONIARUM

Joannes Baptista Lizzani Sac. Theol. Doctor, Protonotarius Apostolicus, & SS. D. N. Papæ, ac Sanctæ Sedis Cæremoniarum Magister.
Joseph Dini Sac. Theol. Doctor, alter Sanctæ Sedis Cæremoniarum Magister.

ADJUTORES EORUMDEM

Camillus Castelli, & } Beneficiati Cathedralis Ecclesiæ.
Philippus Biscetti }

PRÆFECTUS HOSPITII

Petrus Santovetti Archipresbyter Arcis Papæ.

ADJUTORES EJUSDEM

Bernardus Taliani Archipresbyter Montis Compatrum.
Marcus Antonius Missori Vicarius Foraneus Montis Compatrum.
Joseph Spagnoli Vicarius Foraneus Arcis Priorum.
Philippus Possenti Vicarius Foraneus Montis Portii.

CONFESSARII CLERI

*Cum facultate absolvendi etiam a casibus Episcopo
reservatis durante Synodo*

Philippus Campoli Canonicus Pœnitentiarius Cathedr. Eccl.
Joannes Baptista Greci.
Antonius Salvini Confessarius Ordinarius Monialium S. Flaviz Domitillæ Tusculi.
P. Joseph Scati Clericus Regularis Congregationis S. Pauli, Sacræ Theo-

ECCLESIAE TUSCULANÆ. 923

Theologiæ Professor, Theologus Eminentissimi Cardinalis Archiepiscopi Bononiensis.

P. Hieronymus Saliceti Soc. Jesu, Lector Theologiæ Moralis, & Superior in Tusculana Domo.

P. Franciscus Xaverius Rezza Soc. Jesu, Lector Philosophiæ in Tusculana Domo.

P. Joseph Franciscus Lualdi Clericus Regularis Scholarum Piarum, Sacræ Theologiæ Professor, & Rector Collegii Tusculani.

PROCURATORES CLERI

Cajetanus Buzj Canonicus Decanus Cathedr. Eccl.

Bernardus Leoni J. U. D., Protonotarius Apostolicus, Canonicus Cathedr. Eccl.

Dominicus Bianchi Beneficiatus Cathedr. Eccl.

Philippus Possenti Vicarius Foraneus Montis Portii.

ÆCONOMUS PRO EXIGENDO CATHEDRATICO

Philippus Biscetti Beneficiatus Cathedr. Eccl.

OSTIARII

Carolus Cenci

Xistus Bartolini

Blasius Bergantelli

Nuntius Libri

NOTARII

Franciscus Grilli Cancellarius Serenissimi, & Emi Episcopi.

Joannes Baptista Pomardi.

JUDICES SYNODALES

Jacobus Pistorozzi Vicarius Generalis.

Nicolaus Seghetti Archipresbyter Cathedr. Eccl.

Joannes Maria Bianchi Archidiaconus Cathedr. Eccl.

Cajetanus Buzj Canonicus Decanus Cathedr. Eccl.

Bernardus Leoni Canonicus Cathedr. Eccl.

Angelus Giammarioli Canonicus Theologus Cathedr. Eccl.

Philippus Campoli Canonicus Pœnitentiarius Cathedr. Eccl.

Aaaaaa 2

EXA-

EXAMINATORES SYNODALES

Ex Clero Saculari.

Jacobus Pifforozzi Vicarius Generalis.
 Nicolaus Seghetti Archipresbyter.
 Joannes Maria Bianchi Archidiaconus.
 Cajetanus Buzj Canonicus Decanus.
 Bernardus Leoni Canonicus.
 Angelus Giammarioli Canonicus Theologus.
 Philippus Campoli Canonicus Pœnitentiarius.
 Petrus Santovetti Archipresbyter Arcis Papæ.

Ex Clero Regulari.

- P. Horatius Stefanucci Soc. Jesu, Theologus Serenissimi, & Eminentissimi Episcopi.
 P. D. Joseph Sisto Procurator Generalis Cleric. Regular. Theatin., & Sacr. Congreg. Indicis Consultor.
 P. D. Joseph Sacco Cleric. Regular. Theatin., Vicarius Piz Domus Tusculan. Theatin.
 P. D. Joseph Scati Clericus Regularis Congregationis S. Pauli.
 P. D. Philippus Bonfigli Cleric. Regular. Congreg. S. Pauli, & Consultor Sac. Congr. Indulgentiarum, & Reliquiarum.
 P. D. Hieronymus Bugati Cleric. Regular. Congr. S. Pauli, & Consultor Sac. Congr. Rituum, & Indicis.
 P. Hieronymus Saliceti Soc. Jesu, Lector Theolog. Moral., Præfectus Congregationis Casuum Conscientiæ, & Superior Domus Tusculanæ.
 P. Franciscus Xaverius Rezza Soc. Jesu, Professor Sac. Theol., & Lector Philosophiæ in Domo Tusculana.
 P. Petrus Martyr Bruni Soc. Jesu, Lector Theologiæ Moralis in Collegio Romano.
 P. D. Thomas Gabrini ex Clericis Minoribus, Lector Sac. Theol., ac Præpositus Domus SS. Vincentii, & Anastasii de Urbe.
 P. Joseph Franciscus Lualdi Clericus Regularis Scholarum Piarum, Collegii Tusculani Rector.
 P. D. Benedictus Monaldini Ordinis S. Basilii Magni, Sac. Theol. Profess., & Parochus S. Mariæ de Crypta Ferrata.

P. Fr.

ECCLESIAE TUSCULANÆ. 925

- P. Fr. Franciscus Maria a Bergamo Ordinis Minorum S. Francisci Cappuccinorum, Sac. Pal. Apost. Concionator actualis.
- P. Fr. Peregrinus a S. Raphaelc Provincialis Ordinis B. Mariz de Mercede Redemptionis Captivorum. Excalceat., Parochus S. Mariz in Monterone de Urbe.
- P. Fr. Joseph a S. Catharina Ordinis Carmelitarum Excalceator., Prior Ven. Conventus S. Sylvestri in Tusculana Dioecesi.
- P. Fr. Hermenegildus a Roma Ex-Provincialis Ordinis S. Francisci Strictioris Observantiz, Sacre Theologiz Professor.
- P. Fr. Joannes Antonius a Tusculo, Lector Sacre Theologiz in Conventu S. Mariz de Araceli de Urbe, Ordinis Minorum S. Francisci de Observantia.
- P. Fr. Bernardinus a Tusculo Definitor, & Lector actualis Sacre Theologiz in Conventu S. Francisci ad Ripam, Ord. Min. S. Francisci Reformat.
- P. Joseph a SS. Conceptione Congregat. Dominicæ Passionis, Rector secessus Montis Albani prope Arcem Papæ.

TESTES SYNODALES

Joannes Benvenuti Archipresbyter Castri Columnæ.
 Philippus Possenti Vicarius Foraneus Montis Portii.
 Raphael Rossi Archipresbyter Arcis Priorum.
 Joseph Spagnoli Vicarius Foraneus Arcis Priorum.
 Paulus Ciuffa Sacerdos Montis Compatrum.
 Romualdus Antonacci.
 Joseph Lunati.
 Joannes Petrus Biordi Valenti.

VICARII FORANEI

Ad beneplacitum duraturi.

In Terra Arcis Papæ: Petrus Santovetti Archipresbyter.
 In Terra Montis Compatrum: Marcus Antonius Missori.
 In Castro Columnæ: Joannes Benvenuti Archipresbyter.
 In Terra Arcis Priorum: Joseph Spagnoli.
 In Terra Montis Portii: Philippus Possenti.

DEPUTATI MONASTERII S. FLAVIÆ DOMITILLÆ

Cajetanus Buzj Canonicus Decanus Cathedr. Eccl.
 Joannes Joseph Campoli Canonicus Cathedr. Eccl.

ADVO-

926 CONSTITUTIONES SYNODALES

ADVOCATI PAUPERUM

Cajetanus Buzj Canonicus Decanus Cathedralis Ecclesie .
Sacerdos Franciscus Giovazzini .
Joannes Petrus Biordi Valenti .

REVISORES COMPUTORUM LOCORUM PIORUM

Franciscus Antonius Benedetti Canonicus Cathedr. Eccl.
Felix Pagliari Canonicus Cathedr. Eccl.
Philippus Biscetti Beneficiatus Cathedr. Eccl.
Sacerdos Sixtus Bartolini .

DEPUTATI SACRI MONTIS PIETATIS

Gubernator Ludovicus Chiari .
Depositarius Petrus Pianazzi .
Ratiocinator Antonius Pagliari .

ÆCONOMUS GYNECÆI PUELLARUM ORPHANARUM

Joannes Petrus Biordi Valenti .

CAP. XX., & ULTIMUM.

DE CONSTITUTIONIBUS SYNODALIBUS.

QUÆ de triplici Christiani Hominis officio in hac Diœcesana Synodo disseruimus, & quæ (ut Laici non minus, quam Clerici ad eadem obeunda officia paratiores fiant) per Nostros hæc Constitutiones seu vitanda, seu peragenda statuimus; ea e Sacris Litteris, ex Sanctis Patribus, ex Generalibus Conciliis, Apostolicis Constitutionibus, ac Diœcesanis sive Prædecessorum Nostrorum, sive aliorum doctissimorum Antistitum Synodis decerpta ut plurimum a Nobis fuisse, nemo est, qui non intelligat. Quamobrem & confidentius ea præscripsimus, & futurum speramus, ut ab omnibus servantur alacrius.

Nos

Nos quidem vehementer optamus, enixeque petimus, ut Synodales hæ Nostræ Leges potius ut Parentis monita, quam ut imperantis præcepta excipiantur, easque virtutis amore verius, quam pœnarum metu, ii, ad quos pertinet, exequantur. Perfecta enim legum custodia dilectio est, & finis præcepti (1) charitas. Verum cum pœnæ habitæ semper sint legum præsidia, improbi- que hominibus impunitatis spes magnus esse soleat peccati fomes; Nostrum proinde Vicarium Generalem monemus, atquehortamur in Domino, ut harum Synodaliū Constitutionum observantiæ diligenter excubet, atque in earum transgressores pro modo culpæ animadvertat, ut quos crimen non terret, saltem pœna cohibeat. Pecuniarias pœnas, quas arbitrio Nostro definiendas aliquibus delictis adnexuimus, quamquam in pauperes, aut Loca Pia erogari prorsus velimus; Nostrum tamen erit semper, & quandocumque aut augere, aut minuere, aut etiam omnino condonare.

Ne quis vero ignorantia obtentu pœnarum incurfu tueri se possit; Harum Nostrarum Constitutionum codicem, ubi primum e typis prodierit, dono dabimus universo Nostræ Diœcesis Clero, nec non Regularium eandem incolentium Moderatoribus, ut illum omnes, & singuli frequenter, seduloque perlegant, & quæ ad illos spectant, exequantur; quæ vero Laicos respiciunt, iisdem, opportuna arrepta occasione, patienter, dilucideque annuntient. Quod autem fuerimus in illo elucubrando prolixiores, eo id egimus consilio, ut Clerici omnes, atque ii potissimum, qui propter rei familiaris angustias librorum quoque inopia vel inviti laborant (quos sane non paucos esse intelligimus) nullo impendio, nulloque labore in uno haberent codice & Leges, quibus obsequerentur, & Institutionem, quæ ad divina implenda præcepta, Ecclesiasticaque officia obeunda, quantum satis est, informarentur. Præterea illud etiam spectavimus, quod

(1) 1. Ad Timot. cap. 1.

928 CONSTITUTIONES SYNODALES

quod sane eventurum speramus, ut Clerici Nostræ curæ concre-
diti, unius sint labii, & id ipsum omnes sapiant, ac dicant. Ne
vero hac in re eorum industria, diligentiaque desideretur, eos
monitos esse volumus, futurum deinceps, ut qui doctrinæ pe-
riculum erunt subituri, seu pro Sacris suscipiendis Ordinibus, seu
pro facultate obtinenda Sacramentales audiendi Fidelium Con-
fessiones, de iis ab Examinatoribus interrogentur, quæ in eo-
dem Nostrarum Constitutionum Volumine congestimus.

Si quæ a Decessoribus Nostris in aliis Tusculanis Synodis
sancta fortasse fuerint, quæ Nostris hisce decretis adveniant;
ea de media tollimus, & abrogamus; reliqua vero confirmamus,
ac rata decernimus, sublatis tamen censuris omnibus, quæ non
fuerint a Nobis in hac Synodo instauratæ, atque innovatæ. No-
verint etiam omnes per has Synodales Constitutiones non ita a
Nobis Nostræ jurisdictionis fines circumscribi, ut eas, si opus sit,
mutare, corrigere, ampliare, aut super iis, si æquitatis ratio
suadeat, dispensare jure Nostro non valeamus. Si quid dubium,
ac difficile in illis emergat, quod explanatione, aut interpreta-
tione indigeat, nemo id sibi privata arroget auctoritate. Pro ea
enim, qua fungimur, potestate omnem in his Constitutionibus
declarationem, explicationem, ac interpretationem Nobis, ac
Successoribus Nostris reservamus. Quæcumque demum in hac
Synodo constituimus, jussimus, decrevimus, ita supremo Pon-
tificis Maximi, sanctæque Romanæ Ecclesiæ, quæ cæterarum
omnium Mater est, ac Magistra, judicio subiicimus, ut nonni-
si, quæ ipsa probaverit, comprobemus, & si quæ mutari, aut
deberi jusserit, obsequenti animo mutata, atque deleta decer-
namus.

ORA-

ORATIO

AD UNIVERSUM CLERUM

HABITA IN FINE SYNODI

A CELSITUDINE REGIA EMINENTISSIMA

HENRICI EPISCOPI TUSCULANI

S. R. E. CARDINALIS VICE-CANCELLARII

DUCIS EBORACENSIS

Basilicæ Principis Apostolorum de Urbe Archipresbyteri ;
Ecclesiæ S. Laurentii in Damaso Commendatarii &c.



*Udistis, Venerabiles Fratres, & Filii
in Christo charissimi, audistis Synodales
Nostras Constitutiones, quæ monita po-
tius Patris vestri, & hortationes ad ve-
terum legum observantiam, quam nova
imperantis Legislatoris præcepta nuncu-
pavi merito possunt. Quæ enim aut fa-
cienda, aut vitanda per eas decrevimus, fere omnia e
Scriptura, ex Patribus, ex Sacris Canonibus, Generali-
bus Conciliis, Apostolicis Constitutionibus, Sacrarum Con-
gregationum decretis, ac Diæcesanis seu Decessorum No-
strorum, seu aliorum doctissimorum Antistitum Synodis de-
cerpta esse & Nos fatemur, & vos ipsi intelligere facile
potuistis. Non igitur novum humeris vestris imposuimus
onus, aut novis legibus jugum vestrum aggravavimus,
sed æterna salutis vestræ, Populorumque Nobis concedi-
torum cupidissimi, ea vobis in mentem revocavimus, quæ*
Bbbbbb *scire*

scire jam vos, atque opere complere oportebat. Omnia itaque, quaecumque diximus vobis, servate, & facite, atque estote factores verbi, & non auditores tantum. Non enim auditor obliuiosus, ut Beatissimi Jacobi Apostoli utamur verbis, sed factor operis, beatus in facto suo erit. Quemadmodum ergo accepistis a Nobis, quomodo oporteat vos ambulare, & placere Deo, sic ambulate, ut abundetis magis.

Vos tamen præ cæteris, Pastores plebium, ac Duces Populorum, quos iterum hic in sollicitudinis Nostræ partem vocamus, vos monemus, rogamus, & obtestamur per viscera misericordiæ Dei nostri, in quibus visitavit nos oriens ex alto, ut facti forma gregis, exemplo bonorum operum præeatis, Pastorem Magnum imitati Jesum Christum Dominum nostrum, de quo scriptum est: cœpit facere, & docere. Exemplis enim magis, atque opere, quam voce, & sermone, populos in tenebris, atque in umbra mortis sedentes illuminandos esse arbitramur. Percurrite itaque frequenter oculis, percurrite animo Synodales Nostras Constitutiones; & si quid ad earum normam corrigendum esse in populo videatur, prius in vobismetipsis id corrigere, atque emendare studete. Munda enim, teste Cypriano, debet esse manus, quæ sordes tergit; & ut inquit Ambrosius, quid in te populus miretur, si ea, quæ in se erubescit, in te, quem reverendum arbitratur, offendat? Insitam deinde Populis vestris pietatem (neque enim Populum nacti estis duræ cervicis, sed Populum acceptabilem, & Oves Pastoris voci facile obsequentes) frequentibus monitis, consiliis, atque hortationibus excolite, eosque in Religionis officio summa cura, studioque continete; & quemadmodum Apostoli post illapsum super eos Spiritum Sanctum e cœnaculo egressi, & in Mundum universum euntes, eo, quo ardebant,

debant, divini amoris igne reliquos inflammavunt; ita
Ū vos ex hoc sacro egressi cœtu, ite, docete pueros, ru-
des erudite, plebem instruite, omnibus demum sive viris,
sive mulieribus, sive parvulis, sive adultis, sive senibus
in tota hac Nostra Diœcesi Magnalia Dei annunciate.
Sic enim summa animi Nostri voluptate fiet, ut in hac
Agri Dominici parte, quam divino consilio custodiendam,
atque excolendam accepimus, nullum se noxiæ stirpis in-
crementum attollat, sed, extincto quolibet vitiorum semi-
ne, convalescat seges lata virtutum; Nos vero de uber-
rime sanctorum operum fruge magna cum exultatione glo-
riemur. Tandem ut dicendi finem faciamus, iisdem vos
dimittemus verbis, ac votis, quibus Apostolus usus est
ad Hebræos scribens, quos tamquam fratres suos incre-
dibili amore prosequeretur: Deus pacis, qui eduxit de
mortuis Pastorem Magnum ovium in sanguine Te-
stamenti æterni, Dominum Nostrum Jesum Chri-
stum, aptet vos in omni bono, ut faciatis ejus vo-
luntatem, faciens in vobis, quod placeat coram se
per Jesum Christum, cui est gloria in sæcula sæcu-
lorum. Amen.

Die Lunæ quinta Septembris 1763. Indiſtione undecima,
Pontificatus Sanctiſſimi Domini Noſtri Papæ
CLEMENTIS XIII. anno ſexto.

CUM Celſitudo Regia Eminentiffima, D. Henricus Miſeratione
Divina Epifcopus Tuſculanus, Cardinalis Dux Eboracenſis,
S. R. E. Vice-Cancellarius, Baſilicæ Principis Apoftolorum de Ur-
be Archiprebyter, Eccleſiæ S. Laurentii in Damato Commenda-
tarius &c., completa intra biennium jam tranſactum Viſitatione hujus
Tuſculanæ Civitatis, ejuſque Dioceſeos, decreviſſet ad formam
Sacroſancti Tridentini Concilii, devenire ad celebrationem Dico-
ceſanæ Synodi, ſub die tertia Aprilis 1763. e ſuggeſtu fuit pu-
blicata Indiſtio ejuſdem Synodi inter Miſſarum ſolemnia per Re-
verendiſſimum D. Nicolaum Seghetti Archiprebyterum hujus Ven.
Cathedralis, & Parochialis Eccleſiæ S. Petri Tuſculi, & fuerunt
affixa Ediſta ejuſdem Indiſtionis tam valvis ejuſdem Cathedralis
Eccleſiæ, quam aliarum Eccleſiarum Archiprebyteralium, & Pa-
rochialium hujus Dioceſeos, prout ex relationibus Nuncii a tergo
diſtorum Ediſtorum: Cumque diebus tunc indiſtis, ob malam
valetudinem prælaudatæ Celſitudinis Regiæ Eſſiæ Epifcopi, deve-
niri non potuiſſet ad celebrationem ejuſdem Synodi, iterum affi-
xa, & publicata fuerunt alia Ediſta, per quæ Synodus translata
fuit ad dies octavam, nonam, decimam, & undecimam præſen-
tis Menſis Septembris currentis anni 1763., prout ex iſſdem Edi-
ſtis, & relationibus, ad quas &c., ideo in executionem eorum-
dem Ediſtorum, & ad effectum celebrandi Synodum prædictam,
ſub heſterna die per Tabellam affixam valvis Sacrarii prædictæ
Cathedralis Eccleſiæ, ac etiam per ſchedulas domi dimiſſas, con-
vocati fuerunt per me &c. omnes, & ſinguli DD. Capitulares ſæ-
pedictæ Cathedralis Eccleſiæ coram præſata Regia Celſitudine Eſſiæ
in manſionibus R. P. D. Marcolini poſit. in hac Civitate Tuſculi,
prope earum notiſſimos fines, prout hodie dictum Capitulum Ca-
thedralis Eccleſiæ, nempe:

- Rſſi D. Nicolaus Seghetti Archiprebyter.
D. Joannes Maria Bianchi Archidiaconus.
D. Canonicus Cajetanus Buzj.
D. Canonicus Bernardus Leoni.
D. Canonicus Felix Pagliari.
D. Canonicus Scipio Ottaviani.

D. Ca-

- D. Canonicus Hieronymus Gregorini.
- D. Canonicus Joseph Betti.
- D. Canonicus Thomas Greci.
- D. Canonicus Franciscus Antonius Benedetti.
- D. Canonicus Angelus Giammarioli Theologus.
- D. Canonicus Philippus Campoli Pœnitentiarius.
- D. Canonicus Joannes Joseph Campoli.
- D. Canonicus Franciscus Maria Senni.
- D. Canonicus Antonius Maria Primavera.

majorem partem Capituli constituentes, ibi capitulariter congregati, convenerunt, & fuerunt de mandato ejusdem Celsitudinis Regiæ Eminentissimæ alta, & intelligibili voce lecta per admodum RR. DD. Fortunatum Casali, & Dominicum Bianchi Beneficiatos ejusdem Cathedralis Ecclesiæ, decreta, & ordinationes, quæ evulgari, & publicari debent in proxime futura habenda Synodo diebus octava, nona, decima, ac undecima hujus currentis mensis; super quibus, expleta lectura, eadem Celsitudo Regia Eminentissima Episcopus consilium earundem DD. Dignitatum, & Canonicorum sic capitulariter congregatorum requisivit, qua per eos requisitione audita, propositum, & determinationem dictæ Celsitudinis Regiæ Emæ de Synodo agenda, & decreta, ut supra, ipsis præsentibus, & audientibus lecta, in ea publicanda laudaverunt, & approbarunt. In quorum &c.

Coram, & præsentibus, ubi supra, admodum RR. DD. Fortunato Beneficiato Casali fil. bo. mem. Josephi, & Dominico Beneficiato Bianchi fil. qu. Nicolai Tusculanis testibus &c.

Et attenta tarditate horæ fuit dimissa Congregatio Præ-Synodalis, & iisdem DD. Dignitatibus, & Canonicis intimata alta Congregatio coram laudato Sermo D. Cardinali Episcopo, & in mansionibus, de quibus supra, pro die crastina hora decimaquarta, eorum, & præsentibus testibus de quibus supra &c.

*Ita est Franciscus Grilli Notarius, & Cancellarius
Episcopalis rogatus &c.*

Die Martis sexta Septembris 1763. Indictione undecima,
Pontificatus Sanctissimi Domini Nostri Papæ
CLEMENTIS XIII. anno sexto.

At tenta intimatione sub hesternâ die, ut supra, factâ Rm̃o Capitulo hujus Cathedralis, & Parochialis Ecclesiæ Tusculanæ, iterum coram eadem Regia Celsitudine Em̃a D. Cardinali Duce Eboracensi Episcopo Tusculano, & in ædibus supradicti Illustriissimi, & Reverendissimi D. Marcolini hora decima quarta superius intimata, pro habenda altera Congregatione præ Synodali, capitulariter congregati convenerunt

- Rm̃i D. Nicolaus Seghetti Archipresbyter.
D. Joannes Maria Bianchi Archidiaconus.
D. Canonicus Cajetanus Buzj.
D. Canonicus Bernardus Leoni.
D. Canonicus Felix Pagliari.
D. Canonicus Scipio Ottaviani.
D. Canonicus Hieronymus Gregorini.
D. Canonicus Joseph Betti.
D. Canonicus Thomas Greci.
D. Canonicus Franciscus Antonius Benedetti.
D. Canonicus Angelus Giammarioli.
D. Canonicus Philippus Campoli.
D. Canonicus Franciscus Maria Senni.
D. Canonicus Antonius Maria Primavera.

& lectæ fuerunt Constitutiones, & decreta publicanda in proxima futura habenda Synodo per admodum RR. DD. Beneficiatos Fortunatum Cafali, & Dominicum Bianchi, super quibus, expleta lectura, eadem Celsitudo Regia Em̃a D. Cardinalis Episcopus, prædictarum DD. Dignitatum, & Canonicorum sic, ut supra, capitulariter congregatorum requisivit, qua per eos requisitione audita propositum, & determinationem dictæ Celsitudinis Regiæ Em̃æ de Synodo agenda, & decreta, ut supra, ipsis præsentibus, & audientibus lecta, in eadem Synodo publicanda laudaverunt, & approbarunt. Coram, & præsentibus, ubi supra, memoratis admodum RR. DD. Fortunato Beneficiato Cafali fil. bo. mem. Josephi, & Dominico Beneficiato Bianchi fil. bo. mem. Nicolai Tusculanis testibus &c.

Et attenta tarditate horæ fuit dimissa Congregatio Præ-Synoda-

nodalis, & iisdem DD. Dignitatibus, & Canonicis intimata fuit altera Congregatio coram antedicto Sermo Episcopo, & in dicto loco, pro die crastina hora decimaquarta, presentibus Testibus antedictis &c.

*Ita est Franciscus Grilli Notarius, & Cancellarius
Episcopalis Tusculanus.*

Die Mercurii septima Septembris 1763. Indictione undecima
Pontificatus Sanctissimi Domini Nostri Papæ
CLEMENTIS XIII. anno sexto.

ITerum congregatum fuit Rmum Capitulum hujus Ven. Cathedralis,
& Parochialis Ecclesiæ S. Petri Tusculi, scilicet &c.

Rmii DD. Nicolaus Seghetti Archipresbyter.

D. Joannes Maria Bianchi Archidiaconus.

D. Canonicus Cajetanus Buzj.

D. Canonicus Bernardus Leoni.

D. Canonicus Felix Pagliari.

D. Canonicus Scipio Ottaviani.

D. Canonicus Hieronymus Gregorini.

D. Canonicus Joseph Betti.

D. Canonicus Thomas Greci.

D. Canonicus Franciscus Antonius Benedetti.

D. Canonicus Angelus Giammarioli.

D. Canonicus Philippus Campoli.

D. Canonicus Joannes Joseph Campoli.

D. Canonicus Franciscus Maria Senni.

D. Canonicus Antonius Maria Primavera.

in ædibus, de quibus supra, hora decima quarta desuper intimata, pro habenda altera Præ-Synodali Congregatione coram præfata Regia Celsitudine Emæ D. Cardinali Duce Eboracensi Episcopo Tusculano, & in ea perfectæ fuerunt Constitutiones, & decreta publicanda in proxime habenda Synodo per admodum RR. DD. Beneficiatum Fortunatum Casali, & Beneficiatum Dominicum Bianchi, expletaque dictarum Constitutionum, & decretorum lectura, eadem Celsitudo Regia Emæ super iis consilium dd. Dignitatum, & Canonicorum sic capitulariter congregatorum requisivit, eaque requisitione audita per dictas Dignitates, & Canonicos supradictos, propositum, & determinationem ipsius Celsitudinis Regiæ de Synodo

nodo agenda, & decreta superius, ipsis presentibus, & audientibus, lecta in saepe memorata Synodo publicanda, laudaverunt, & approbarunt.

Coram, & presentibus in sedibus, de quibus supra, praedictis DD. Beneficiato Fortunato Cafali, & Beneficiato Dominico Bianchi Tusculanis Testibus &c.

*Ita est Franciscus Grilli Notarius, & Cancellarius
Episcopalis Tusculanus.*

ROGITUS NOTARIORUM

Die undecima Septembris 1763. Indictione undecima
Pontificatus Sanctissimi Domini Nostri Papae
CLEMENTIS XIII. anno sexto.

CUM Celsitudo Regia Ema, D. Henricus miseratione Divina Episcopus Tusculanus Cardinalis Dux Eboracensis S. R. E. Vice-Cancellarius, Basilicae Principis Apostolorum de Urbe Archiepresbyter, Ecclesiae S. Laurentii in Damaso Commendatarius &c., intra biennium jam transactum, universam hanc Tusculanam Dioecesim, Sacram Visitationem peragendo, perlustraverit, saluberrimaeque leges pro morum correctione, & Ecclesiasticae disciplinae incremento, juxta temporum opportunitatem, condiderit, hanc quoque primam Dioecesanam Synodum ad Omnipotentis Dei gloriam, & animarum sibi concreditarum salutem, celebrare decrevit: Ideoque ejusdem Synodi Indictionis datis litteris, ac aliis subinde de illius prorogatione sub die duodecima elapsi mensis Maii publicatis, diebus octava, nona, decima, ac undecima hujus mensis Septembris, Synodum haberi demandavit. Auditis itaque prius in particularibus Congregationibus Theologis, & Canonistis, super rebus in Synodo statuendis, iisque mature discussis, auditoque hujus Reverendissimi Capituli Tusculani consilio super eisdem, prout liquet ex actis meis &c., convocatoque deinde universo Clero hujus Civitatis, ejusque Dioeceseos, eoque congregato in hac Venerabili Cathedrali, & Parochiali Ecclesia Tusculana, in sessionibus habitis sub dictis diebus octava, nona, decima, ac undecima, praesidente ipsamet Celsitudine Regia Eminentissima Domino Cardinali Episcopo, de ejus mandato lecta, & publicata fuere e suggestu per Reverendissimum Dominum Canonicum Joannem Josephum Campoli Synodi Secretarium, ac admodum

modum R. Dominum Dominicum Beneficiatum Bianchi alterum ex illius Coadjutoribus, ambos ab eadem Celsitudine Regia Ema deputatos, Synodalia decreta, & Constitutiones, quas, afflante Dei spiritu, faciendas duxit, præsentibus, adstantibus, audientibus, & intelligentibus Illmo, ac Rmo D. Jacobo Pistorozzi Vicario Generali, Rmis DD. Archipresbytero, Archidiacono, Canonicis, & Beneficiatis hujus Ven. Cathedralis Ecclesie, nec non admodum RR. DD. Archipresbyteris, Parochis, aliarumque Ecclesiarum Rectoribus, & aliis tam Civitatis, quam Dioecesis Sacerdotibus, & Clericis: Receptisque per eundem Clerum universum supradictis Synodalibus Constitutionibus, instante Rmo D. Nicolao Seghetti Archipresbytero Tusculano, & Synodi Promotore, petitum fuit, ut ego Franciscus Grilli Cancellarius Episcopalis laudati Serenissimi, & Eminentissimi Episcopi, & Synodi Notarius, una cum infrascripto Domino Joanne Baptista Pomardi Connotario, unum, seu plura super præmissis conficerem Instrumentum, vel Instrumenta, coram, & præsentibus in dicta Venerabili Cathedrali, & Parochiali Ecclesia Tusculana Illmo D. Petro Miccinelli fil. bo. mem. Joannis Baptistæ nobili Viterbien. J. U. D. Gubernatore hujus Civitatis Tusculi, nec non Illms DD. Duce Francisco Janario fil. bo. mem. Pauli, Lelio Francisco Tranquilli fil. bo. mem. Laurentii, & Ascentio Curti fil. bo. mem. Sebastiani Conservatoribus, ac Illmo D. Joanne Andrea Mediente Syndico ejusdem Civitatis, Testibus ad prædicta omnia, & singula habitis specialiter, atque rogatis.

Ita est: Franciscus Grilli Tusculanus civis, Celsitudinis Regiæ Eminentissimæ D. Cardinalis Ducis Eboracensis Episcopi Tusculani Cancellarius Episcopalis, & hujus sacrosanctæ Synodi Notarius insolidum cum infrascripto Domino Joanne Baptista Pomardi Connotario, de præmissis rogatus.

Loco † Signi.

Ita est: Joannes Baptista Pomardi Notarius publicus de Monte Portio Tusculanæ Dioecesis, una cum Domino Francisco Grilli Cancellario Episcopali Tusculano, & hujus sacrosanctæ Synodi Notario, de præmissis rogatus.

Loco † Signi.

Ccccc

EDI-

E D I C T U M

PUBLICATIONIS TUSCULANÆ SYNODI.

HENRICUS *Miseratione Divina* Episcopus Tusculanus, S. R. E.
Vice-Cancellarius, CARDINALIS DUX EBORACENSIS,
Basilicæ Principis Apostolorum de Urbe Archipresbyter,
Ecclesiæ S. Laurentii in Damaso Commendatarius &c.

CUM Synodales Constitutiones, quas in Synodo edidimus a Nobis habita diebus 8., 9., 10., & 11. Mensis Septembris anni 1763., publicis impressæ typis prodierint; Nequis ab iis exequendis ignorantia, aliove inani obtentu se possit eximere; Eisdem per hoc Edictum, quod ad Nostræ Cathedralis, aliarumque Parochialium Ecclesiarum valvas affigi de more jubemus, publicare decrevimus, solemnique ritu promulgare. Edicimus itaque omnibus, & singulis, ad quos pertinet, post quinquagesimum ab hac promulgatione diem ad omnimodam Synodalem Constitutionum Nostrarum observantiam eos teneri, perinde ac si lectæ singulis eadem fuissent, Nostroque jussu nominatim denunciata. Quamobrem siquis adversus illas, ejusmodi elapso tempore, deliquerit, tamquam sciens, & culpabilis transgressor habeatur.

Datum ex Ædibus Nostris Tusculanis die 7. Aprilis 1764.

Henricus Cardinalis Episcopus.

Loco ✚ Sigilli.



Franciscus Grilli Cancellarius.

INDEX

INDEX CAPITUM,

QUÆ IN HIS
SYNODALIBUS CONSTITUTIONIBUS
CONTINENTUR.

CONSTITUTIONUM SYNODALIUM

P A R S P R I M A.

DE Christiani Hominis officio erga Deum. Pag. 24
CAP. I. De Fide divina.

ART. I. De Fide tenenda. 25

II. De Fide profutenda, seu de Professione Fidei. 28

III. De Fide illibate servanda, atque tuenda. 31

II. De Spe. 35

III. De Charitate. 38

ART. I. De Charitate erga Deum. 39

II. De Charitate erga Proximum. 41

IV. De effectu Charitatis, seu de beneficentia. 42

V. De vitiis Charitati oppositis vitandis. 45

VI. De Religionis virtute. 47

VII. De Missæ Sacrificio. 48

VIII. De celebratione Missarum. 53

IX. De Oratione. 76

ART. I. De orandi necessitate, & utilitate. 77

II. De conditionibus ad orationis efficaciam requisitis. 80

III. De oratione mentali, ac vocali. 86

IV. De Horis Canonicis sive privatim, sive in Choro persolvendis. 94

V. De publicis supplicationibus, aut Processionibus. 108

Ccccc 2 CAP.

CAP. X. De Voto, & Jurejurando.	Pag. 114
XI. De Adoratione Dei, Cultuque Deiparæ Virginis.	120
XII. De Sacris Imaginibus, Reliquiis, & Veneratione Sanctorum.	127
XIII. De Fæstorum Dierum Religiosa, Sanctaque observantia.	136
XIV. De Ecclesiis, aliisque Locis Sacris, ac de Reverentia eisdem debita.	151
ART. I. De Ecclesiis ædificandis, vel reparandis.	152
II. De Consecratione, aut Benedictione Ecclesiæ, aut Altaris, aliarumque rerum Sacrarum.	159
III. De reverentia Ecclesiis, aliisque Sacris Locis debita.	162
IV. De Immunitate Ecclesiis, aliisque Locis Sacris, & piis debita.	168
XV. De Juribus, & Præeminentiis Sanctæ Tusculanæ Cathedralis Ecclesiæ, ac de Parœcialibus Ecclesiis, earumque juribus.	182
XVI. De publicis, ac de privatis Oratoriis.	191
XVII. De Laicorum Hominum Sodalitiis, seu Confraternitatibus.	196
XVIII. De Domibus Hospitalibus Pauperum Peregrinorum, & ægrotorum.	208
XIX. De Monte Pietatis.	213
XX. De Bonorum Ecclesiasticorum administratione, tutela, atque immunitate.	217
XXI. De Reali Ecclesiasticorum sive mobilium, sive immobilium bonorum immunitate.	229
XXII. De Reverentia Ecclesiasticis Personis debita, ac de Canonis, & Fori privilegio iisdem concessio.	235
ART. I. De Privilegio Canonis.	235
II. De Privilegio Fori.	242
III. De Reverentia Ecclesiasticis Personis debita.	247
	CAP.

CAP. XXIII. De Ecclesiastica Hierarchia .	941
ART. I. De Episcopo .	Pag. 248
II. De Canonicis, Beneficiatis, aliisque Ministris Cathedralis Ecclesie .	249
III. De Parochis .	254
IV. De Presbyteris nullam animarum curam habentibus .	257
V. De Seminarii Tusculani Alumnis .	260
XXIV. De Regularibus .	262
XXV. De Monialibus .	268
XXVI. De Eremitis, de Oblatis, de Tertiariis, seu Bizochis, de Quæstoribus, & Collectoribus eleemosynarum, ac Puellarum Conservatorio .	287
ART. I. De Eremitis, & de Oblatis .	312
II. De Tertiariis, seu Bizochis .	315
III. De Quæstoribus, & Collectoribus Eleemosynarum .	318
IV. De Puellarum Frondisterio, seu, ut ajunt, Conservatorio .	322
XXVII. De vitis Religioni oppositis; ac primum de superstitione .	324
XXVIII. De simonia .	328
XXIX. De blasphemia .	342

D	<i>E Christiani homini officio erga semetipsum.</i>	Pag. 349
CAP. I.	<i>De Prudentia, & vitiis oppositis.</i>	350
II.	<i>De Fortitudine, ac vitiis oppositis.</i>	356
III.	<i>De Temperantia, & vitiis oppositis.</i>	364
ART. I.	<i>De Temperantia quoad gustus sensum.</i>	364
II.	<i>De sacris Jeuniis ab Ecclesia praescriptis.</i>	371
III.	<i>De Castitate, eique opposita luxuria.</i>	379
IV.	<i>De internis animi affectibus temperandis.</i>	389
V.	<i>De sensuum exteriorum custodia.</i>	396
VI.	<i>De vita, & honestate Clericorum.</i>	402
ART. I.	<i>De Clericalis Status dignitate, ac praesentia.</i>	403
II.	<i>De Clericorum pietate.</i>	405
III.	<i>De Clericorum doctrina.</i>	407
IV.	<i>De Clericorum residentia.</i>	408
V.	<i>De exteriori Clericorum modestia, habituque.</i>	410
VI.	<i>De Mulierum conversatione, & cohabitatione a Clericis vitanda.</i>	412
VII.	<i>De penis adversus Clericos incontinentes in Jure Canonico statutis.</i>	414
VIII.	<i>De comessationibus, & ebrietatibus a Clerico vitandis.</i>	415
IX.	<i>De aleorum ludo a Clericis vitando.</i>	417
X.	<i>De choreis, theatris, aliisque profanis spectaculis a Clerico vitandis.</i>	419
XI.	<i>De Venatione, armorumque delatione Clerico interdicta.</i>	421
XII.	<i>De negotiis secularibus Clerico cuilibet interdictis.</i>	424
XIII.	<i>De Ecclesiasticorum reddituum usu Clericis praescripto.</i>	427
		CON-

CONSTITUTIONUM SYNODALIUM

P A R S T E R T I A.

D <i>E Christiani hominis officio erga proximum.</i>	Pag. 429
CAP. I. <i>De Iustitia Cardinali Virtute.</i>	430
ART. I. <i>De homicidio voluntario, & casuali.</i>	431
II. <i>De iniusta alieni honoris, ac fame lesione.</i>	437
III. <i>De furto, & rapina.</i>	439
IV. <i>De Injustitia in contractibus.</i>	445
II. <i>De pietate, & observantia, virtutibus adnexis.</i>	454
ART. I. <i>De pietatis, & observantia officiis Filiorum erga Parentes, Plebis erga Pastores, Subditorum erga Principes, ac Superiores, & Servorum erga Dominos.</i>	454
II. <i>De officiis Parentum erga Filios, Principum, & Magistratum erga Subditos, & Dominorum erga Servos.</i>	459
III. <i>De Officiis Pastorum, ac Sacerdotum erga Proximum.</i>	463
IV. <i>De conversationis exemplo, quo pascere populum debent animarum Pastores.</i>	464
V. <i>De verbo prædicationis.</i>	468
ART. I. <i>De Christiana Doctrina Fidelibus, ac præsertim pueris, rudibusque explicanda.</i>	468
II. <i>De Verbi Dei prædicatione.</i>	472
VI. <i>De Sacramentis in genere.</i>	477
VII. <i>De Baptismo.</i>	488
VIII. <i>De Confirmationis Sacramento.</i>	506
IX. <i>De Sacramento Eucharistiæ.</i>	518
ART. I. <i>De præcepto, quo urgentur Fideles, recipiendi sæpius in vita Eucharistiæ, ac de ratione eam digne, acque utiliter recipiendi.</i>	519
II. <i>De Viatica ægratis in mortis periculo constitutis administrando.</i>	541
III. <i>De</i>	

- III. *De Divina Eucharistia publice exponenda, ut a Fidelibus externo, internoque patriæ cultu adoretur.* 558
- IV. *De Processionibus, in quibus Divina Eucharistia statim temporibus per vias, & loca publica honorifice, ac reverenter deferri consuevit.* 564
- V. *De variis usibus, in quos adhibita olim fuit Eucharistia, & quos vel numquam approbavit, vel etiam rejecit, ac damnavit Ecclesia.* 571

CAP.X. *De Pœnitentiæ Sacramento.* 574

ART.I. *De Sacramenti Pœnitentiæ institutione, ac necessitate.* 575

II. *De materia remota Sacramenti Pœnitentiæ.* 581

III. *De Contritione.* 583

IV. *De Confessione.* 588

V. *De Satisfactione.* 597

VI. *De Forma Sacramenti Pœnitentiæ, seu de Absolutione Sacramentali.* 604

VII. *De Ministro Sacramenti Pœnitentiæ.* 614

VIII. *De triplici, quo Confessarius fungitur, munere, dum Pœnitentiæ Sacramentum administrat.* 624

IX. *De peccatis, & Censuris reservatis.* 631

X. *De Censuris, ac præsertim de iis, quarum absolutio Romano Pontifici est reservata.* 643

De Excommunicatione. 649

De Suspensione. 659

De Interdictione. 663

De Depositione, & Degradatione. 672

XI. *De Sacramentali Pœnitentiæ sigillo.* 673

XII. *De Confessariis sollicitantibus ad turpia, atque inbonesta, ac de obligatione eos denunciandi.* 678

XIII. *De reliquis ad Sacramenti Pœnitentiæ administrationem pertinentibus.* 683

CAP.

CAP. XI. De Indulgentiis, & Remissionibus.	945
ART. I. De Indulgentiis pro Fidelibus vivis.	687
II. De Indulgentiis pro Fidelibus defunctis.	703
XII. De Sacramento Extremæ Unctionis.	710
XIII. De Testamentis, & Legatis Piis.	723
XIV. De Funeribus, ac Sepulturis.	734
XV. De Sacramento Ordinis.	761
ART. I. De natura, excellentia, atque effectibus Sacramenti Ordinis.	761
II. De variis Ordinis gradibus materia, & forma.	764
De prima Tonsura.	765
De Minoribus Ordinibus.	767
De Ostiariatu.	769
De Lechoratu.	771
De Exorcismatu.	772
De Acolybatu.	775
De Majoribus, seu Sacris Ordinibus.	777
De Subdiaconis.	777
De Diaconis.	778
De Presbyteris.	780
III. De Ministro Sacramenti Ordinis.	781
IV. De titulo ad Sacros Ordines suscipiendos requisito.	790
V. De qualitatibus Ordinandorum.	797
VI. De Irregularitate, quæ Canonicum est ad Ordines suscipiendos impedimentum.	800
VII. De temporibus Ordinationum.	805
VIII. De obligationibus susceptioni Sacrorum Ordinum adnexis.	808
IX. Elencbus requisitorum, quæ ad singulos Ordines in Tusculana Diocesi suscipiendos exhibenda ab Ordinandis erunt.	812
Pro prima Tonsura.	812
Pro	

	<i>Pro Minoribus Ordinibus .</i>	813
	<i>Pro Majoribus , Et Sacris Ordinibus .</i>	813
CAP.XVI.	<i>De Sacramento Matrimonii .</i>	816
ART.I.	<i>Quid , Et quodplex sit Matrimonium , Et quanam ejus bona ?</i>	817
ii.	<i>De sponsalibus de futuro .</i>	823
iii.	<i>De Trina publica denunciatione Matrimonio præmittenda :</i>	829
iv.	<i>De Matrimonii impedimentis .</i>	832
v.	<i>De impedimentis Matrimonii impediuntibus .</i>	832
iv.	<i>De impedimentis dirimentibus Matrimonium .</i>	835
	<i>De errore .</i>	835
	<i>De conditione .</i>	836
	<i>De voto .</i>	837
	<i>De cognatione .</i>	838
	<i>De crimine .</i>	841
	<i>De cultus disparitate .</i>	843
	<i>De vi .</i>	848
	<i>De Ordine .</i>	849
	<i>De Ligamine .</i>	850
	<i>De publicæ honestatis justitia .</i>	851
	<i>De affinitate ,</i>	854
	<i>De impotentia .</i>	856
	<i>De clandestinitatis impedimento .</i>	858
	<i>De raptu .</i>	869
vii.	<i>De etate ad Matrimonium requisita .</i>	871
viii.	<i>De Matrimonialium impedimentorum dispensatione , seu relaxatione .</i>	873
ix.	<i>De petendis , Et exequendis Sacra Penitentiaria dispensationibus super Matrimonialibus impedimentis tum impediuntibus , tum dirimentibus .</i>	877

x. De occultis Matrimonii, quæ vulgo Conscientiæ nup- cupantur.	888
xi. De causis super Matrimonii valore, aut nullitate agi- tandis, ac definiendis.	891
xii. De Matrimonio per Procuratorem inter absentes con- trahendo.	893
xiii. De materia, & forma Sacramenti Matrimonii, sa- crisque ritibus in eo suscipiendo adhibendis.	895
XVII. De Sacramentalibus.	899
XVIII. De judiciaria potestate, ac iustitia ab Ecclesiasticæ Curie Officialibus rite exercenda.	905
ART. I. De Generali Vicario.	906
II. De Vicariis Foraneis.	814
III. De Iudicibus Synodalibus.	916
IV. De Cancellario, aliisque Ecclesiasticæ Curie Officiali- bus.	919
XIX. Ministri Synodi, & Officiales Cleri.	921
XX. Et ultimum de Constitutionibus Synodalibus.	926









